


Gandja na Mbia



Mayogo: Gandja na Mbia (New Testament)

Gandja na Mbia
Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source files dated 29 Jan 2022
aeebbe5f-2bfd-5f52-83b6-35e9c9ce956b

Contents

Matié	1
Maloko	57
Luka	91
Djaa	148
Kulu	188
Loma	242
1 Kolito	269
2 Kolito	295
Galate	312
Efeso	321
Filipoi	329
Kolosai	336
1 Tesalonike	342
2 Tesalonike	347
1 Timoté	350
2 Timoté	358
Tito	363
Filemo	367
OmaEbele	369
Djaki	387
1 Piele	393
2 Piele	401
1 Djaa	406
2 Djaa	413
3 Djaa	415
Djude	417
Apokalipisi	419

Bádha Ngali gba Yesu Kilisito maka li Matié aye lie ko **Eli na kalanu**

Bádha Ngali inde li Matié aye e ngakpokpo me Yesu ne Mukobho inde li Ebhe abhú nani e-o. A ko kpála inde li Ebhe amene li pápá gba e ongú inde ani apa nani bhú Gandja na Didili-e me ni améne e pi okpála gba ni-o. Bádha Ngali ango-o bha bini pi opiga gba oma Yuda ade inde u azu Yesu bhú e di ne bhe ani abhele bhú e-o. Engú bini, a la di pi ndú okpála na píla doto hana.

Bádha Ngali ango-o ngasuno Yesu maka 'ngbé mūsuno inde ne angu nambamba 'ta líli gba Ebhe, inde la di ngasuno píndji Naú gba Ebhe-o. Ongú na ngbengbengbe inde bhú nasuno gba ani-e a bhuluvue: (1) Nasuno a pi 'ta (alo 5-7). (2) Olíli pi omukpata ndjikpa ne ká bhisi (alo 10). (3) Ogbitaku píndji Naú na abhúlá (alo 13). (4) Nadú mukpata gba Yesu (alo 18). (5) Ekpí na soso (alo 24-25).

Ongbengbe ongú inde bhú bhuku inde-e ngae inde:

Onguo ogbi Yesu Kilisito di ne nazu lie ka ani 1:1 - 2:23

Kulu gba Djaa bhúlú nabatisa okpála 3:1-12

Batisimo di ne nale inde li Djabúlú ale Yesu ne e-o 3:13 - 4:11

Kulu inde li Yesu amene e bhú ká okpála na Galilaya 4:12 - 8:34

Dhúkú gba Yesu nayie bhú Galilaya ngú nanú abhú Yelusalema 9 - 20:34

Oekpí na soso gba Yesu abhú Yelusalema 21:1 - 27:66

Nakpi ne nazuku gba Yesu di ne nakoto ka ani li okpála 28:1-20

*Onguo ogbi Yesu Kilisito
(Tsia bhú Luk. 3:23-38.)*

† 1:11 1:11 Tsia bhú 2 Ong. 24:12-16.

¹ A inde-e 'li onguo ogbi Yesu Kilisito , inde u azu e bhú piga gba 'ngbé ngámá Davidi, di ne bhú piga gba Abalahama-o.

² Abalahama azu Isaka, Isaka azu Yakobho,

Yakobho azu Yuda di ne ondaise e,

³ Yuda azu Peledje ne Djala li Tamala,

Peledje azu Esílome,

Esílome azu Lama,

⁴ Lama azu Aminadaba,

Aminadaba azu Nasone,

Nasone azu Salimona,

⁵ Salimona azu Boadja li Laaba,

Boadja azu Obede li Luta,

Obede azu Yese,

⁶ Yese azu 'ngbé ngámá Davidi.

Davidi azu Salomo li ele gba Ulia,

⁷ Salomo azu Loboama,

Loboama azu Abia,

Abia azu Asa,

⁸ Asa azu Djodjafata,

Djodjafata azu Djolama,

Djolama azu Odjiasi,

⁹ Odjiasi azu Djoatama,

Djoatama azu Akadji,

Akadji azu Edjekia,

¹⁰ Edjekia azu Manasi,

Manasi azu Amosi,

Amosi azu Djodjiasi,

¹¹ Djodjiasi azu Djekonia di ne ondaise e. Abhomú-o, u atsia abha omañsalaele bhú bali abhú kúti na Babilona.†

¹² Píta nabha uo bhú bali bhú Babilona-a,

Djekonia azu Salatiele,

Salatiele azu Djolobabele,

¹³ Djolobabele azu Abiuda,

Abiuda azu Eliakime,

Eliakime azu Adjole,

¹⁴ Adjole azu Sadoka,

Sadoka azu Akime,

Akime azu Eliude,

¹⁵ Eliude azu Eleadjali,

Eleadjali azu Matana,

Matana azu Yakobho,

¹⁶ Yakobho atsia azu Djodjefu 'ko

Malia inde azu Yesu, u a'i e me Masiya-o .

17 Nako ndu opiga bhomu-o hana-a, nayie li Abalahama nakolo li Davidi-e, a ko opiga ndjikpa ne ká badha, nayie li Davidi nakolo li namba omaſsalaele bhú bali na Babilona-a, a ko opiga ndjikpa ne ká badha, nayie li nanu bhú bali abhú Babilona-a nakolo li nazu Masiya-a, a ko di opiga ndjikpa ne ká badha.

*Malia azu Yesu
(Tsia bhú Luk. 2:1-7.)*

18 A inde-e lele maka u azu Yesu Kilisito lie ko. Malia, 'hi ani-e adu adjeke kúva gba o ne Djodjefu-o. Engú bini, kala me u mbila lio na ele ne bhoko-o, ani abi ebhi bhú angu gba Bu Bhobua. **19** Abhomu-o, 'ko ani Djodjefu inde adu nani kpála namanga Ebhe-e, du akunda naha nümü pi ani bhú ká djila okpála de. Ani atsia au ndjindji me ni tse ani bhú pepe. **20** Nedhinga ani adu abhundja lie mo-o, andjelu bini gba Ngámá akoto li ani bhú loto. Ani atsia apa pi ani me: «Djodjefu, ndili gba Davidi, mo okpé naha wala mu Malia de, anga ebhi inde ani nde ne e ayie ka Bu Bhobua. **21** Ani azú ndili na bhobhoko inde mo ogísila 'li e me Yesu,* anga ani akóbho omaha e bhú osisiti 'ngú gba o-o.» **22** Ndu 'ngú bhomu-o hana amene lie ngubula me engú li Ebhe Ngámá apa nani e bhú 'li polofeta mene lie. Engú inde ani apa nani e me:

23 «Tsia nga, ele inde i mbila nga 'ngú na bhoko de-e abi 'bhi, ani tsia zú ndili na bhobhoko inde u agisila 'li e me Imanueli.†»

(A akunda napa me: Ebhe bhú dabili bini ne ní.) **24** Li Djodjefu azuku lie, ani amene maka li andjelu gba Ngámá apa pi ani lie-o. Ani atsia aha Malia maka wala e. **25** Engú bini, usi ne ani pi polo bini maka ele ne bhoko de nakolo li 'kpí li Malia azu ndili na bhobhoko inde li Djodjefu agisila 'li e me Yesu-o lie-o.

* **1:21** 1:21 Yesu: 'Ili inde me Yesu-o, a akunda napa me Ebhe ne makobho gba okpála. † **1:23** 1:23 Tsia bhú Isa. 7:14. * **2:1** 2:1 Beteleme: A ko kuti inde u azu nani 'ngbé ngámá Davidi bhú e-o. † **2:1** 2:1 Tsia bhú Mik. 5:1. † **2:6** 2:6 Tsia bhú Mik. 5:1.

2

Obhulu imbilangú ago ngú nadhégé Yesu

(Tsia bhú Luk. 2:8-20.)

1 U azu nani Yesu bhú Beteleme.* Kuti bini na ndu doto na Yudaya, bhú nedhinga gba 'ngbé ngámá Elode† me-e, obhulu imbilangú ayie ne andjongu, u akolo bhú Yelusalema. **2** U atsia ayi me: «'Ngbé ngámá gba omaYuda inde u azu e mbia inde-e su? Padhá de, anga ya au ikupala inde asuno me u azu ani-e akoto ne andjongu, abhomu-o, ya atsia ago ngú nadhégé ani.»

3 Li Elode adje lie mo-o, mab-hundja gba ani di ne bhe gba ndu okpála na Yelusalema hana angbingi. **4** Abhomu-o, ani apo bhúla ongbengbe odimande gba Ebhe, di ne omusuno na líli gba Moidje-o. Ani atsia ayi uo me: «Bili inde a ayo me u zu Masiya li e ngae dho?» **5** U agie pi ani me: «Abhú Beteleme, bhú ndu doto na Yudaya, anga polofeta aye nani me:

6 «Ngamú, Beteleme inde bhú ndu doto na Yudaya,
mu mbomboye ane okuti koko na Yudaya mane ade.

Padhá de, anga ngámá inde alila okpála gba ma na Isalaele, akóto bhú mu.†»

7 Abhomu-o, Elode a'i obhulu imbilangú-o bhú pepe. Ani ayi uo li kükulu nedhinga inde li ikupala ango-o akoto lie-o. **8** U agie 'ngú lie pi ani téte-e, ani atsia atima uo bhú Beteleme ne napa pi uo me: «Yi nunu, yi gili 'ngú pindji ndili-e na paká paká. Li yi u ani-e, yi de go pa mu'ma, amba ngama di-e, ma nu dhége ani.»

9 Pita u adje engú li 'ngbé ngámá Elode apa e lie, u atsia aholo 'nu. Me-e, ikupala u au e andjongu-o adu adholo kala uo, a atsia anu alu pi bili

inde li ndili-e adu li e-o. ¹⁰ U au matá ikupala-a lie me-e, u abedhe ne djali bedhe. ¹¹ U ali abhú 'ti-o, u atsia au ndili-e ne 'hi e Malia . Abhomú-o, u akikita lipukú o kuto, u atsia adhege ani. U abhulu okili gba o-o. U atsia aha apepe pi ani li olo, ne mungotsi, la di ne mungotsi koko na mase naali inde 'li e me mila . ¹² Pipita-a, Ebhe atsia apa pi uo bhú loto me u agie matá lio agba Elode de. Abhomú-o, u atsia agie lio agba o li kpadji koko.

Malia ne Djodjefú akpe kpata bhú Edjipeto

¹³ Pita li obhalu imbilangu-o agbida lie, andjelu bini gba Ngámá-a akoto li Djodjefú bhú loto, ani atsia apa pi ani me: «Yie bhúlá, ha ndili-e ne 'hi e, amba mu kpe ne uo bhú Edjipeto. Dú oo akólo li nedhingga inde ma agáma 'ngú pi mu lie-o. Padhá de, anga Elode agili ndili-e ngú nabhele ani.» ¹⁴ Sukpe-e, Djodjefú ayie bhúlá, ani aha ndili-e ne 'hi e, ani atsia akpe ne uo bhú Edjipeto. ¹⁵ Ani adu oo akolo li 'kpí li Elode akpi lie, ngubula me engú inde li Ebhe Ngámá apa nani e pi polofeta-a, amene lie. Ngámá apa nani pi opolofeta me: «Ma a'i ndili gba ma me ani koto bhú Edjipeto kokoto.†»

Elode abhili ongisi na djedjedje

¹⁶ Li Elode au lie me obhalu imbilangu-o apite ni-e, ani abi 'gú naali. Abhomú-o, ani atsia aha lili me u nu bhú Beteleme di ne bhú ndu doto gba ni-e hana, amba u bhili ndu ongisi na djedjedje hana nayie bhú kalanga bhisi ake ne kuto. Ani aha lili bhomú-o nakpata lele kalanga inde li obhalu imbilangu-o aha e pi ani-o. ¹⁷ Abhomú-o, engú inde li polofeta Djelemi apa nani e, atsia amene lie. Djelemi apa nani me:

¹⁸ «U adje eli bini bhú kuti na Lama, oegbá di ne omulopolo.

A ngaku 'gbá ongisi gba e bhomú-o Lasele.

Ani kunda de me u yoko ni-e de, anga ndu ongisi gba ani-e hana amu.†»

Djodjefú, ne Malia di ne Yesu agie lio bhú Nadjaleta

(Tsia bhú Luk. 2:39-40.)

¹⁹ Pita li Elode akpi lie-e, andjelu bini gba Ebhe Ngámá-a akoto li Djodjefú bhú loto bhú Edjipeto. ²⁰ Ani atsia apa pi ani me: «Yie bhúlá, ha ndili-e ne 'hi e, yi holo kpadji, amba yi gie liyi ne uo bhú doto na Isalaele. Padhá de, anga okpála inde adu nako nakunda nabhele ndili-e amu.» ²¹ Djodjefú ayie bhúlá, ani aha ndili-e ne 'hi e, ani atsia agie lie bhú doto na Isalaele. ²² Engú bini, ani adje la lie me Alikilausi ne 'ngbé ngámá bhú ndu doto na Yudaya bhú da 'dyi e Elode-e, ani atsia adje tsulú ngú nanu oo. Ebhe agbele matá 'dje ani bhú loto, ani atsia agie lie bhú ndu doto na Galilaya. ²³ Ani anu asi kuti bhú gudhu na Nadjaleta, ngubula me engú inde li opolofeta apa nani e, amene lie. Opolofeta apa nani me: «U adú a'í ani me Kpála na Nadjaleta.»

3

Djaa bhúlú nabatisa okpála apa pi okpála me u dji bua o

(Tsia bhú Mlk. 1:2-6; ne bhú Luk. 3:1-6; di ne bhú Dja. 1:19-23.)

¹ Bhú oekpí bhomú-o, Djaa bhúlú nabatisa okpála akoto nani abhú mili bili na ndu doto na Yudaya. Ani adu atotobhila me: ² «Yi dji bua yi, anga Naú na abhúlá akolo masikpe!» ³ Djaa nani ne kpála inde li polofeta Isaya akpokpo 'ngú gba e me:

«Kpála bini ngatotobhila bhú mili bili me;

«Yi leke kpadji gba Ngámá-o.

† 2:15 2:15 Tsia bhú Oz. 11:1. † 2:18 2:18 Tsia bhú Dilm. 31:15. † 3:3 3:3 Tsia bhú Isa. 40:3.

Yi leke bua yi ngú nago ka ani-
o.[†]

⁴ Djaa adu adyi bongo inde u adu e li su enu, ani adu agbite ekpú na kó 'nu ludu e. Ani atsia adu azu omakindolo di ne nadha eú.

⁵ Abhomu-o, okpála na Yelusalema di ne okpála na Yudaya libhomu ne obhende na ndu doto inde língó ngade 'ngu na Djuludani libhomu adu ago nadje engú inde ani adu akpokpo e-o. ⁶ U adu ambamba ta osisiti 'ngú gba o-o kala ndu okpála hana. Djaa atsia adu abatisa uo bhú ngade 'ngu na Djuludani.

⁷ Bhti omu Falisai di ne o Sadukai adu ago ngú nasia batisimo. Lí Djaa au lie mo-o, ani atsia ayi uo me: «Ngayi opiga kpulu inde-e, a asuno pi yi da me yi kpe egú gba Ebhe inde ngago-o? ⁸ La-a, yi suno bhú okulu gba yi-e me yi adji bua yi adji, ⁹ amba yi 'o nabhundja li bhabua yi makpe me: <Engú li ya ade anga Abalahama ne ogbi ya.» Padhá de, anga ma ngapa pi yi me, Ebhe ti da nagbe ongisi pi Abalahama bhú ká oteme yi ngau e inde-e mada yi. ¹⁰ 'E-e! Mbia inde-e, ngbakpa a'o lie bhú li 'dhú ondula-a ngubula nadodolo. Ndú ndula hana inde i li lili na babadha de-e, u adé, u tsia bhike bhú djua. ¹¹ Ngama-a, ma ngabatisa yi bhú engu ngú nasuno me yi adji bua yi adji. Engú bini, kpála bhende i ngago pita ma-a, ane ma ne angu. Ma la ne mangua tetele kpála dho me ma gbe maléké bhú 'dhú ani-e! Ngaani-e, ani abátisa yi ne Bu Bhabua di ne djua. ¹² Ani aholo kakpa gba e sa 'kpa e ngú nape fufukudha bhú nguwa gba e amba ni bu nguwa bhú ngbokopi. Engú bini, fufukudha-a, ani atsúlu bhú djua inde na dudu-ma ne dudu-ma.»

Yesu asia batisimo
(Tsia bhú Mlk. 1:9-11; ne bhú Luk. 3:21-22; di ne bhú Dja. 1:29-34.)

† 4:4 4:4 Tsia bhú Det. 8:3. † 4:6 4:6 Tsia bhú Ets. 91:11-12.

¹³ Abhomu-o, Yesu ayie bhú Galilaya, ani anu abhaka Djaa bhú ngade 'ngu na Djuludani ngú nasia batisimo ka ani. ¹⁴ Djaa di me yala. Ani atsia adu apa me: «Masia mangbo batisimo ka mu ngama. Mu ngago matá abhaka ma ngam!» ¹⁵ Engú bini, Yesu atsia agie pi ani me: «Ziba me amene lie moko mbia inde. Padhá de, anga a ayo me ni mene ndu 'ngú hana inde li Ebhe ayo e ka ni-o.» Abhomu-o, Djaa atsia aziba me amene lie moko. ¹⁶ Lí Yesu asia batisimo lie, ani atsia akoto bhú 'ngu-o. Me-e, kokpí abhulu lie. Ani atsia au Bu Bhabua gba Ebhe-e ngake maka pidjo, a nde ngago pi ani. ¹⁷ Abhomu-o, eli bini atsia ayie abhúlá ne napa me: «A inde-e ndili gba ma na mukunda-o. A ko kpúkpú na bua ma.»

4

Djabulú ale Yesu
(Tsia bhú Mlk. 1:12-13; di ne bhú Luk. 4:1-13.)

¹ Abhomu-o, Bu Bhabua atsia amba bhúla Yesu abhú mili bili ngubula me djabulú le ani. ² Pita namene ngbikpi ndjikpa badha ne sukpe ndjikpa badha mandi nazu 'he-e, ani adje gümü. ³ Djabulú, kpála inde adji ale ani-e atuto lie de ani. Ani atsia apa pi ani me: «I du me mu nde ne Ndili gba Ebhe-e, ha lili pi oteme inde-e me akolo mapa.» ⁴ Engú bini, Yesu agie me: «U aye bhú Bhuku me:

<Kpála kóbho bha bini ka ezú de, engú bini, ani akóbho ka ndu oeli hana inde i ngakoto bhú 'bhe Ebhe-o.[†]»

⁵ Abhomu-o, Djabulú aha ani, anu ne ani bhú Yelusalema, gudhu na bubu-o. Ani atsia a'o ani pi tulundji 'ngbé 'ti Ebhe gba oma Yuda-o. ⁶ Do ani pi Yesu de me: «I du me mu nde ne ndili gba Ebhe-e, 'ulu mu ke kuto! Padhá de, anga u aye bhú Bhuku me: <Ebhe ahá lili pi oandjelu gba e ngú mu.»

U tsia bí mʉ sa 'kpa o
ngʉbula me mo otá 'dhʉ mʉ li
teme bini de.[†]»
 7 Yesu apa pi ani me: «U aye di
bhʉ Bhuku gba Ebhe-e me: <Mo
olé Ebhe, Ngámá gba mʉ-o de.[†]>
 8 Djabʉlʉ anʉ a'o matá ani pí 'ndjá
eta na ndjándjá nane mane. Ani
atsia apana pi ani ndʉ naʉ na doto
hana bhʉ dabili bini ne sangu gba
o-o. 9 Ani atsia apa pi ani me: «Ndʉ
'he inde-e hana, ma ahá pi mʉ i
dʉ me mʉ nde akikita liphukʉ mʉ
kuto kala ma ngú nadhège ma-o.»
 10 Abhomʉ-o, Yesu atsia apa pi ani
me: «Yie oo ko, Satana ! Padhá de,
anga u aye bhʉ Bhuku me:
<Dhégo Ebhe 'ngbé Ngámá gba mʉ-
o,
amba mʉ yo la bhadi ani kpi e
kpi.[†]»

11 Abhomʉ-o, Djabʉlʉ a'o ka ani.
Me-e, oandjelu ago de ani, u atsia
aholo nateteke ani.

Yesu asuno bhʉ Galilaya
(Tsia bhʉ Mlk. 1:14-15; ne bhʉ Luk. 4:14-15; di ne bhʉ Dja. 4:1-3, 43-46.)

12 Lí Yesu adje lie me u aholo
Djaa-a,* ani atsia agbe lie ne abhʉ
ndu doto na Galilaya. 13 La-a,
ani nu bhʉ kuti na Nadjaleta de,
ani anʉ mangbo bhʉ Kapalanauma,
dengo ekpø na Galilaya, bhʉ kuti
gba okpála na Djabolona ne Nefitali.

14 Ani amene mo-o ngʉbula me engú
nani li polofeta Isaya apa e amene
lie. Engú nani ani apa e me:

15 «Ngayi okpála na doto na Djabu-
lona ne Nefitali,
ne yi okpála na kpadji na ekpø,
ne yi okpála na kuti inde ayi 'ngu na
Djʉlʉdaní,
inde akolo mbia inde-e okpála
na Galilaya
inde li ogandji okpála ngadʉlʉ bhʉ
e-e,
yi dje nga engú inde!

16 Ngayi okpála inde adʉdʉ bhʉ biti
má ndundulundu-o,
yi aú zí 'kpí na ngbéngbé na kuo
kuo.

A akʉnda napa me zi 'kpí angó-o
akótó pi yi
okpála inde abedhe ndʉ 'kpí
hana ne tsʉlʉ kuo-o.[†]»

17 Nayie lí nedhingga bhomʉ-o,
Yesu aholo akpokpo mbámbá me:
«Yi dji bua yi. Padhá de, anga Naʉ
na abhʉlá akolo masikpe.»

Yesu a'i omukpata na gigina
(Tsia bhʉ Mlk. 1:16-20; ne bhʉ Luk. 5:1-11; di ne bhʉ Dja. 1:35-51.)

18 Lí Yesu adʉ adhʉkʉ lie lingø
ekpø na Galilaya-a, ani au obhosí
bhisi me u nde ngagbe sungu. A adʉ
ondaise. A adʉ Simo inde u agisila
'li e me Piele ne ndai e Andili. 19 Ani
atsia apa pi uo me: «Yi go kpata ma,
amba ma mene me yi dʉ ibili nagili
okpála pi Ebhe maka yi agbegbe
osungu lie-o.» 20 Ma gala kolo me-e,
u abala 'kpa lí onado gba o-o, u atsia
anʉ ne uo. 21 Yesu adyudyo matá lie
ne kalanʉ, ani au obhosí koko bhisi,
a adʉ Djaki ne uo ne ndai e Djaa ,
ongisi gba Djebedayo-o. U adʉ bhʉ
zabʉ gba o bhʉ dabili bini ne 'dyi
o me u nde ngaleke onado gba o-o.
Ani a'i uo me u go kpata ni. 22 Ma
gala me-e, u a'o ka 'dyi o ne zabʉ
gba o-o. U atsia anʉ ne uo.

*Yesu asuno pi okpála, ani atsia
akobho di obhʉlʉ kuo*
(Tsia bhʉ Mlk. 1:39; di ne bhʉ Luk. 4:44, 6:17-18.)

23 Abhomʉ-o, Yesu adhʉkʉ bhʉ
Galilaya libhomu. Ani adʉ asuno
bhʉ oeti nadje líli gba Moidje inde
na ndu doto bhomʉ-o. Ani adʉ
di akpokpo Bádha Ngali Naʉ na
abhʉlá-o. Ani atsia adʉ di akobho
ndʉ okuo hana di ne ndʉ eze hana
li okpála adʉ ne e-o. 24 Abhomʉ-
o, ngali gba ani ayangba bhʉ ndu
doto na Silia libhomu. U atsia ago
pi ani ne okpála inde adʉ ne okuo

* 4:7 4:7 Tsia bhʉ Det. 6:16. † 4:10 4:10 Tsia bhʉ Det. 6:13. * 4:12 4:12 Djaa: A ko Djaa
bhende Bhʉlʉ nabatisa okpála-o. † 4:16 4:15-16 Tsia bhʉ Isa. 8:23 - 9:1.

ngangá-a hana: obhende li osisiti bua adu ato mbolo li o, obhende li kuo nagbulu magbulu adu amene o, ne obhende na eze. Ani atsia akobho uo. ²⁵ Abhomu-o, okpála bhelé inde ayie bhú Galilaya, ne bhú ogudhu Ndjíkpa, ne bhú Yelusalema, ne bhú Yudaya la di ne ayi 'ngu na Djuludani atsia akpata ani.

5

Djali na kukulu
(Tsia bhú Mlk. 3:13; di ne bhú Luk. 6:12-13, 20-23.)

¹ Li Yesu au bhti okpála lie-e, ani a'ú apí 'ta. Ani adu kuto, omukpata gba ani-e atsia adyudyo lio de ani.

² Abhomu-o, ani aholo nasuno pi uo me:

³ «A ko djali pi okpála inde ngau lio padhá kala Ebhe,
anga ngauo-o, Naú na abhúlá-a
pi uo.

⁴ A ko djali pi obhende ngaku 'gbá,
anga ngauo-o, Ebhe akúo ngúla sala uo ngae.

⁵ A ko djali pi obhende na bhukú bua,
anga ngauo-o, u agbógbó bhúsú o li doto inde li Ebhe apana e
pi uo-o.

⁶ A ko djali pi obhende akúnda bha ndju namene ngibili 'ngú,
anga ngauo-o, Ebhe améne me u du bedhe ngú namemene.

⁷ A ko djali pi obhende ngadje ndjinga okpála koko,
anga ngauo-o, Ebhe adjé ndjinga uo.

⁸ A ko djali pi obhende bubu li bua o,
anga ngauo-o, u aú Ebhe.

⁹ A ko djali pi obhende ngato guo 'ngú súnda okpála,
anga ngauo-o, u a'í uo me ongisi gba Ebhe.

¹⁰ A ko djali pi obhende u ngato mbolo li o ka anga u ngamene ngibili 'ngú,

anga ngauo-o, Naú na abhúlá-a
pi uo.

¹¹ A ko djali pi yi i du me okpála nde ngasobho yi, u nde ngato mbolo li yi, u nde di ngapa ndu sisiti 'ngú li yi hana ne eu ka yi abhuka ma lie-o. ¹² Yi mbila me, u ato bhadi nani mbolo li opolofeta na kalanu-o moko. Kaka-a, yi du bhú djali, amba yi du di bhú ndjili, anga makalá gba yi inde abhúlá-a adú ngbéngbé.»

Yi ne ngutu di ne zi 'ke na píla doto

(Tsia bhú Mlk. 9:50; di ne bhú Luk. 14:34-35.)

¹³ «Ngayi-e, yi ne ngutu na píla doto. I du la me ngutu nde andapa-a, a akólo matá dédé lele pi? A matá li kulu ade. A ayo bha ibili nababala kilidjo, li okpála tsia dédele ne 'dhú o.

¹⁴ Ngayi-e, yi ne zi 'ke na píla doto. Gudhú inde ayiki lie pí eta-a, a awó lie belegu de bini. ¹⁵ U dhedhe eke-e, a ko ngú na'o'o asa lusa de. Engú bini, a ko ngú na'o'o apí misa ngubula me aziga ndu okpála inde abhú 'ti-e hana. ¹⁶ A bhadi pi yi moko. A ayo me zi yi suno lie bhú djila ndu okpála hana ngubula me u u babadha kulu gba yi-e, u de dhége 'Dyi yi inde abhúlá-o.»

Yesu go ngú nabhéle líli gba Moidje-e de

¹⁷ «Yi abhúndja de me ma ago ngú nabhéle líli gba Moidje di ne me ma ago nabhéle nasuno gba opolofeta-a* de. Ma go ngú nabhébhéle de. Engú bini, ma ago mangbo ngubula nambamba tata hana. ¹⁸ Ma apa pi yi na paká me: abana li kokpí ne doto bhue bha pi-ie, ndu 'ngú hana inde bhú líli gba Moidje-e, améne lie. U búlu belegu mboye 'dhú balua, i du di-e mboye 'kpú balua bini bhúbhú de, nakolo bha li sokpí. ¹⁹ Kaka-a, kpála bhende i gúmu mboye 'ngú bhú ká olíli gba Moidje-e, ani suno la di pi okpála

* ^{5:17} 5:17 Líli gba Moidje di ne ongú inde li opolofeta aye e, a ko Gandja na Didili-e libhomu.

koko namene mo-o, ani adú kpála na yeye bhú Naú na abhúlá. Engú bini, kpála bhende i lila-a, ani nde di ngasusuno pi okpála koko-o, ani adú kpála na ngbéngbé bhú Naú na abhúlá. ²⁰ Ma pa pi yi mo-o padhá de, anga li ngbili 'ngú gba yi-e du ngbéngbé nane bhende gba omusuno na lílì gba Moidje ne omúFalisai-e mane de-e, yi ti da nali bhú Naú na abhúlá-a de.»

Yesu asuno pindji nake 'ngú lio
(Tsia bhú Mlk. 11:25; di ne bhú Luk. 12:57-59.)

²¹ «Yi adje me u apa nani pi onguo ogbi yi me: <Mo obhéle kpála de. Kpála bhende i bhele kpála bhú gandji-e, a ayo me u gbe ani kala Libi okpála natsia 'kpí li 'ngú gba omaYuda .>† ²² Engú bini, ngama-a, ma ngapa pi yi me: kpála bhende i bi 'gú ne ndai e, a ayo me u gbe ani bhú tilibinale. Kpála bhende i pa pi ndai e me: <Mu ne ngingi>, a ayo nagbe ani kala Libi okpála natsia 'kpí li 'ngú gba omaYuda-o. Kpála bhende i sobho ndai e me: <Mu ne bhú pele>, a ayo me u bhele ani bhú dé djua na duduuma-o. ²³ I du me mu nde adji naha makiso pi Ebhe li bili natsulu enu pi ani-e, i du la me mu nde abhundja me ni amene siti 'ngú li pabili gba ndai ni-e, ²⁴ mu de 'o ka makiso gba mu-o kala bili natsulu enu-o oo, amba mu gie ngaiza limu nato guo 'ngú súnda yi ne ndai mu. Pipita la-a, mu go ha makiso gba mu-o pi Ebhe.

²⁵ I du di me kpála nde akunda nagbe mu kala odjudji-e, yi de dje kolo liyi ne ani me yi nde nga bha li kpadji, ngubula nalila me kpála yi nde ne e bhú 'ngú-o agbe mu bhú tilibinale de, amba djudji a'i polisi de me ani to mu bhú tikpu-o de. ²⁶ Ma apa pi mu na paká me, mu ti da nakoto oo padhá de i du me mu nde di mangimbo bhomu-o nakolo li senge na soso-o de ko.»

† 5:21 5:21 Tsia bhú Eki. 20:13; di ne bhú Det. 5:17. † 5:27 5:27 Tsia bhú Eki. 20:14; di ne bhú Det. 5:18. † 5:31 5:31 Tsia bhú Det. 24:1.

Nasuno pindji nakunda bhoko, i du di-e olé koko
(Tsia bhú Mat. 18:8-9; di ne bhú Mlk. 9:43, 47-48.)

²⁷ «Yi adje me u apa nani me: <Mo okúnda bhoko, i du di-e olé koko de.> ²⁸ Engú bini, ngama-a, ma apa pi yi me: kpála bhende i tsia olé koko ne gúmu ani-e, kpála ango-o akunda olé ango-o li bhobua e akunda.

²⁹ I du me lí djila mu na kokpa nde ngato mu bhú siti 'ngú-o, mu de gbe, mu bhele de mu tsutsu. Padhá de, anga nakpi ka yá mu bini-e, a pi mu ndjindji ane me u bhele 'lá mu libhomu bhú djua na duduuma. ³⁰ I du la di me 'kpa mu na kokpa nde ngato mu bhú siti 'ngú-o, mu de kodho, mu bhele de mu tsutsu. Padhá de, anga nakpi ka yá mu bini-e, a pi mu ndjindji ane me u bhele 'lá mu libhomu bhú djua na duduuma.»

Nasuno pindji nagbo bhusu o bhú kúva
(Tsia bhú Mat. 19:7-9; ne bhú Mlk. 10:4-5; di ne bhú Luk. 16:18.)

³¹ «U apa di nani me: <I du me kpála bini nde agie wala e-e, a ayo me ani ye balua inde li ongámási adéle 'kpa o bhú e pi ani. Balua ango-o asúno ngae me ani atse ani atse.> ³² Engú bini, ngama-a, ma apa pi yi me, kpála bhende i 'e wala e me ani nde holo ani ne bhoko koko de-e, ani ngakata ani bhú nakunda bhoko koko. A akunda napa me, kpála bhende i ha olé inde li bhoko koko agie e, ani akunda bhomu-o olé gba kpála koko.»

Nasuno pindji natu silika

³³ «Yi adje matá nani me u apa pi onguo ogbi ní me: <Mo ogúlu silika mo otu e de. Engú bini, mene engú mo otu silika li e kala Ngámá-o.> ³⁴ La ngama-a, ma apa pi yi me, yi atu silika belegu de bini: yi atu silika ne 'li kokpí de, anga a bhomu-o bili li Ebhe ngadu li e-o. ³⁵ Yi atu silika

† 5:27 5:27 Tsia bhú Eki. 20:14; di ne bhú Det. 5:18. † 5:31 5:31 Tsia bhú Det. 24:1.

ne 'li doto de, anga a ko bili inde ani nga'o 'dhú e li e ko. Yi atú silika ne 'li Yelusalema de, anga a ko gúdhuú gba Ebhe, 'Ngbé Ngámá. ³⁶ Mo otú la di silika ne 'li 'ndji muú de, anga muú ti da nadji lí sundjo muú bini de me akolo bubu, i duú di-e b*bibili*-e de. ³⁷ I duú me yi nde ngagama 'ngú-o, yi de pa bha me: <A moko>, di ne me <A mo-o ade.> Padhá de, anga ndú ongú bhe pépé-e hana ayie ka Djabulú.»

*Nasuno pindji nagie siti pi siti
(Tsia bhú Luk. 6:29-30.)*

³⁸ «Yi adje nani me u apa me: <Li kpála duú djila muú-o, muú de duú de djila ani>, u apa di me: <Li kpála gúmú 'te muú-o, muú de gúmú di 'te ani.>[†] ³⁹ La ngama-a, ma apa pi yi me, i duú me kpála nde amene siti 'ngú li yi-e, yi agísila de. Engú bini, i duú me kpála bini nde asú pabhe muú na kokpa-a, muú de dji di pabhe muú na gali-e pi ani, amba ani su di. ⁴⁰ I duú me kpála bini nde akunda nagbe muú bhú ngbanga ngúbulu simisi gba muú-o, muú de 'o di ká koti gba muú-o pi ani. ⁴¹ I duú me kpála nde aholo muú ne kpéke me muú bi 'he gba ni-e ngúbulu kilometele bini-e, muú de bi bha ibili pi ani ngú kilometele bhisi. ⁴² I duú me kpála nde ayo 'he ka muú-o, muú de ha pi ani. I duú me kpála nde ayo bopulu ka muú-o, muú de ha pi ani. Mo oyála naha bopulu pi kpála inde akunda nayoyo ka muú-o de.»

*Nasuno pindji nakunda bhúlú
yala gba o
(Tsia bhú Luk. 6:27-28, 32-36.)*

⁴³ «Yi adje me u apa nani me: <Kunda kili muú, amba muú yala bhúlú yala gba muú-o.>[†] ⁴⁴ Engú bini, ngama-a, ma apa pi yi me, yi kunda obhúlú yala gba yi ko. Yi yo Ebhe pi obhende ngato mbolo li yi-o. ⁴⁵ Yi mene mo-o, yi duú ne kúkúlú ongisi gba 'Dyi yi inde abhúlú-o. Padhá de, anga ani ngagbe zindjila gba e pi osisiti okpála di ne pi obabadha

[†] 5:38 5:38 Tsia bhú Eki. 21:24; ne bhú Lev. 24:20; di ne bhú Det. 19:21. [†] 5:43 5:43 Tsia bhú Lev. 19:18.

okpála. Ani ngatuko ebha pi okpála na ngbingbili di ne pi obhende na ngbingbili ade ko. ⁴⁶ Ma pa mo-o padhá de, anga i duú me yi nde ngakunda bha obhende ngakunda yi-e, yi asia téte mangua makalá dho? Ondembí na mandjandja badi ngamemene moko! ⁴⁷ I duú la di me yi nde ngayi bha bini ondaise yi-e, yi ngamene bhomú-o mangua ngamba 'ngú dho? Omúpagano badi ngamemene moko. ⁴⁸ La ngayi-e, yi duú ngbingbili bhú ndú 'ngú hana maka li 'Dyi yi inde abhúlú-a nde lie ngbingbili ko.»

6

*Nasuno pindji napu 'he pi obhúlú
ndibhili*

¹ «Yi lila liyi me yi améne bádha 'ngú gba yi-e kala okpála de me u u yi mau-o de. I duú mo-o de-e, yi sia makalá ka 'Dyi yi inde abhúlú-a de. ² Nedhinga inde muú ngapu 'he lie pi bhúlú ndibhili-e, mo oméne de me ni bhi téte makpø maka li obhúlú kali amemene lie bhú otí nadje líli gba Moidje di ne li ohi kpadji-e de. U memene mo-o ngúbulu me okpála dhége o. Ma apa pi yi na paká me u asia makalá gba o asia. ³ La pi muú-o, nedhinga muú ngapu 'he lie pi bhúlú ndibhili-e, a ayo de me 'kpa muú na gali-e mbila ehe inde li 'kpa muú na kokpa ngamene e de. ⁴ A moko, a ayo me napu 'he gba muú-o tigala bhú pepe, amba 'Dyi muú inde ngau 'kpí bhú pepe-e gie pi muú ngae.»

*Nasuno pindji nayo Ebhe
(Tsia bhú Luk. 11:2-4.)*

⁵ «Nedhinga yi ngayo Ebhe lie, yi adú maka obhúlú kali de. Padhá de, anga u kúkúnda nayo Ebhe me u nde alú malú bhú otí nadje líli gba Moidje di ne li odi-kpadji, amba okpála duú au o mau. Ma apa pi yi na paká me u asia makalá gba o asia.

⁶ La pi muú-o, nedhinga muú ngayo Ebhe lie, a ayo me li bhú tina 'ti

gba mʉ-o. Dho bhəbhə nganda mʉ madho, amba mʉ yo 'Dyi mʉ inde li bili na pepe bhomʉ-o. Abhomʉ-o, 'Dyi mʉ inde a uu 'kpí bhú pepe hana-a, tsia há makalá pí mʉ ngae. ⁷ Nedhinga yi ngayo Ebhe lie, yi agie liyi pí oeli bini bhətsibhətsi maka omʉpagano de. Padhá de, anga u ngabhundja me Ebhe adjé o i dʉ me o nde ngakpokpo kambi oeli. ⁸ Yi améne maka uo de, anga 'Dyi yi mbila ehe yi nde ne gʉmʉ e hana kala me yi yo ka ani-o. ⁹ Ngayi-e, yi yoyo Ebhe me:

<'Dyi ya inde abhúlá,
a ayo me kpála ne kpála mbila
me,
mʉ ne Ebhe inde bubu.
¹⁰ A ayo me mʉ go u ngámá píla
doto.
A ayo me kpála ne kpála píla doto
mene mukhunda
gba mʉ-o maka i ngamene lie lie
abhúlá ko.
¹¹ Ha ezu inde ati ne ya li 'kpí na
nakí-e pi ya.
¹² 'E siti 'ngú gba ya inde ya amene
e li pabili gba mʉ-o.
Padhá de, anga ngaya makpe
ya ngambu di li obhende
ngamene osisiti 'ngú li pabili
gba ya-o.

¹³ I dʉ me ya nde ali bhú nale-e,
mo o'ó de me ya mene siti 'ngú-
o de.
Engú bini, lila ya sakpa Djabulʉ
malila.
[Padhá de, anga Naʉ ne angu la di
ne sangu ,
a ko naamʉ 'he, dʉdʉma ne
dʉdʉma. A adʉ moko.]>

¹⁴ I dʉ me yi nde ngambu li osisiti 'ngú gba okpála-a, 'Dyi yi inde abhúlá-a a'é bhadi osisiti 'ngú gba yi-e moko. ¹⁵ Engú bini, i dʉ me yi nde mbu li osisiti 'ngú gba okpála de-e, 'Dyi yi 'é di osisiti 'ngú gba yi-e de.»

*Nasuno pindji natse 'zʉ ngú nayo
Ebhe*

¹⁶ «Nedhinga yi ngatse 'zʉ lie ngú nayo Ebhe-e, yi aná bhúla yi maka obhʉlʉ kali amemene lie de. U memene mo-o ngú nasuno pí okpála me o ngatse 'zʉ ngú nayo Ebhe. Ma apa pí yi na paká me u asia makalá gba o asia. ¹⁷ La pí mʉ-o, nedhinga mʉ ngatse 'zʉ lie ngú nayo Ebhe-e, vʉlʉ bhúla mʉ, amba mʉ pulu ne emʉ ndjindji, ¹⁸ amba okpála ambíla de me mʉ ngatse 'zʉ-o de. 'Dyi mʉ inde ne ndʉ bili hana, abana bhú bili na pepe-e, mbila bha ngae kpi e kpi. Abhomʉ-o, 'Dyi mʉ inde a uu 'kpí bhú pepe hana-a, tsia há makalá pí mʉ ngae.»

*Yesu apa me yi po bhúla tia gba
yi-e abhúlá*
(Tsia bhú Luk. 12:33-34.)

¹⁹ «Yi apó bhúla tia pí yi píla doto inde-e de. Padhá de, anga yi po bhúla tia pi yi ei-e, opálanga ne mbelende síti, li obhʉlʉ 'zi dʉdʉ pabu 'ti-e, u tsia zí. ²⁰ Engú bini, yi po mangbo bhúla tia pí yi abhúlá. Padhá de, anga oo, opálanga ne mbelende ngú nasisiti ade, obhʉlʉ 'zi di ngú nadʉdu pabu 'ti-e me u zi-e ade. ²¹ Padhá de, anga bili inde li tia gba mʉ nde lie, bua mʉ dʉ bhadi oko.»

Djila kpála ne zi 'ké na kute ani
(Tsia bhú Luk. 11:34-36.)

²² «Djila kpála ne zi 'ké na kute ani. I dʉ me djila mʉ nde ndjindji-e, kute mʉ libhomu dʉ li zi 'kpí. ²³ Engú bini, i dʉ li djila mʉ ne kuoo, kute mʉ libhomu dʉ bhú biti. I dʉ me zi 'kpí inde mʉ ngabhundja me a bhú ni-e nde biti-e, biti ango-o né la matá dada mane.»

*Yi 'o bha nabhuka gba yi-e bhú
Ebhe, yi a'ó bhú tia de*
(Tsia bhú Luk. 16:13.)

²⁴ «Kpála bini ti da namene kulu pí ongámásí bhisi de. A akʉnda napa me, ani ú bhe bini-e padhá, ani tsia tsé ani, ani kʉnda bhe koko-o,

* **6:24** 6:24 Tia: Bhú eli na Giliki-e, u aye me «Mamo», a akʉnda napa me na'o tia maka ebhe.

ani tsia dhíka li ani. Yi ti da nadu bali pi Ebhe ne pi tia* bhá nedhingga bini de.

²⁵ Kaka-a, ma apa pi yi me, yi a'ó bua yi abhúlá ngubula mukobho gba yi-e de. Yi adú akina liyi de me ya azú si ni, di ne me ya andjí si ni-ie de. Mukobho gba kpála ane ezú mane adi? Yi akina di liyi de me ya adyí si ni-ie de. Kute kpála ane bongo mane adi? ²⁶ Yi tsia nga maka li odhu nde lie abhúlá: u lulu 'dyi de, u gbegbe di nguwa abhiye de, u 'o'o la di 'he bhá ngbokopi de. Engú bini, 'Dyi yi inde abhúlá-a ngakú uo! La ngayi-e, yi ane uo ne tata. ²⁷ A ko da bhá ka yi ka nakina lie i ti da na'o mbo ekpí koko pí mukobho gba e?

²⁸ Ka ni la yi ngabholé bua yi lie li 'ngú na bongo-o? Yi tsia nga maka li ofelele ngabhele lie abhiye: u memene kulu de, u dudu di bongo de. ²⁹ Ma apa la pi yi me, abana 'ngbé ngámá Salomo bhá ká tia gba e hana-a, ani dyi belegú nani bongo maka súka uo de. ³⁰ I du me Ebhe nde ngato bongo li ulu inde abhiye mo-o, ulu inde naki oo-o, inde u abhíke la mambi e bhá djua-a, ani méne pi yi ane mane di? Nabhuka gba yi-e yeye mo-o ka ni? ³¹ Ka 'ngú ango-o, yi akina liyi de me: <Ya azú ni? Ya andjí ni? Ya adyí li ya mangua bongo dho?> ³² Ndú ongú bhomu-o hana, omúpagano ngagigili ngao. U gili ne ndala de. La-a, 'Dyi yi inde abhúlá-a, mbila ndjindji me yi ne gumu ndú 'he bhomu-o hana. ³³ Yi gili ngaiza Naú gba Ebhe-e bhá dabili bini ne namene ngibili 'ngú inde ani akunda e-o. Pipita-a, li Ebhe tsia há di ndú oehe koko bhomu-o hana pi yi. ³⁴ Kaka-a, bua yi angámba li 'ngú na mambi de. Mambi abhúndja 'ngú gba e ngae. A li ekpí bini ne bini ne likabhu inde ati ne e.»

7

Yi akódho 'ngú gba okpála koko

de (Tsia bhá Luk. 6:37-38, 41-42.)

¹ «Yi akódho 'ngú gba okpála koko de, amba Ebhe akódho di engú gba yi-e de. ² Padhá de, anga lele maka yi ngakodho 'ngú gba okpála koko lie, Ebhe akódho bhadi engú gba yi-e moko. La di-e, ani améne bhadi pi yi maka yi ngamemene lie pi okpála koko-o. ³ Ka ni mu ngau mboye ku musoli inde bhá djila ndai mu-o lie, mu nde u la pála ndula inde bhá djila mu-o de? ⁴ Lele pi mu ti da napa pi ndai mu lie me: <Djedjeke, ma go gbe ku musoli inde bhá djila mu bhomu-o>, me a nde bhá djila mu ne pála ndula-a? ⁵ Bhálu kali, gbe ngaiza pála ndula inde bhá djila mu-o, amba pipita-a, mu tsia ú la 'kpí ndjindji ngú nagbe mboye ku musoli inde bhá djila ndai mu ko.

⁶ Yi ahá ehe na bubu gba Ebhe-e pi obulú de, anga i du mo-o de-e, u gó sisidha yi má tsue tsue! Yi abála omayaka gba yi na tia bhelé-e pi opame de, ngú nakpe me u anú adede ne 'du o de.»

*Nazi 'ndji o bhá mayo
(Tsia bhá Luk. 11:9-13.)*

⁷ «Yi yo 'he, amba u ha pi yi. Yi gili 'he, amba yi sia. Yi bhi bhoti, amba u 'u pi yi. ⁸ Padhá de, anga kpála bhende ngayo 'he ngasisia. Kpála bhende ngagili 'he ngauu. Kpála bhende ngabhi bhoti-e, u nga'u'u pi ani. ⁹ Bhá ká yi-e, a ko da inde i du me ndili gba ani-e nde ayo mapa ka ani-e, ani tsia há pi ani teme? ¹⁰ I du di-e me ndili nde ayo sungu ka 'dyi e, ani tsia há pi ani kpálu? ¹¹ I du la me, ngayi okpála-kuti inde sisiti-e, yi inde ambila nahe ohe na babadha pi ongisi gba yi-e, lele pi li 'Dyi yi inde abhúlá-a há ohe na babadha lie pi obhende ngayoyo ka ani-e de-e?»

*Líli na kukulu
(Tsia bhá Luk. 13:24.)*

¹² «Ndú 'ngú hana inde yi ngakunda me okpála mene e pi yi-e, yi mene di engú ango-o pi uo. A

bhomu-o engú inde li lili gba Moidje apa e, la di ne ongú inde li opolofeta aye e-o.»

*Nasuno pindji okpadji bhisi kpikpikpi
(Tsia bhú Luk. 13:25-27.)*

13-14 «Yi li lili bhoti bhende na mbomboye ko! Padhá de, anga a ngato kpála bhú mukobho ngae. La-a, kpadji ango-o dada kpekpeke. Kaka-a, okpála ngali li kpadji ango-o bhelé ade. Yi alí li bhoti bhende na ngebéngbé-e de. Padhá de, anga a ngato kpála bhú ngita ngae. La-a, dada kpekpeke ade. Kaka-a, okpála bhelé ngagbida li kpadji ango-o.»

*Opolofeta na eu
(Tsia bhú Luk. 6:43-44.)*

15 «Yi lila liyi ka opolofeta na eu-o malila. Padhá de, anga u ngago agba yi me u nde adyi kó kandølø, engú bini, abhá uo-o, a ko onute. 16 Yi ambíla uo li okulu gba o-o. U koko manga li ondula na eti de. U koko la di malibhombi li kobe de. 17 A moko, ndula na babadha ngali bhadi olílì na babadha. Engú bini, ndula na sisiti ngali bhadi olílì na sisiti. 18 Ndula na babadha ti da nali olílì na sisiti de, la di-e, ndula na sisiti ti da nali olílì na babadha de. 19 Ndula hana inde i li lili na babadha de-e, u adé, u tsia bhíke bhú djua. 20 A moko, yi ambíla opolofeta na eu li okulu gba o-o.»

*Omukpata na kákulu
(Tsia bhú Luk. 13:25-27.)*

21 «A ko de me okpála bhende ngapa muma me <Ngámá, Ngámá-a!> alí ndu o hana bhú Naú na abhúlá-a de. Engú bini, a alí bha bini ne obhende ngamene engú inde li 'Dyi ma inde abhúlá-a ngakunda e ko. 22 Li 'kpí nakodho 'ngú-o, okpála bhelé apá muma me: <Ngámá, Ngámá, ya mene nani kulu na polofeta ne 'li mu di? Ya pandja nani osisiti bua bhú okpála ne 'li mu di? Ya mene nani ongamba 'ngú

* 8:4 8:4 Nasuno pi okpála me mo okobho: A ko nasuno me ni akpata lili gba Moidje ndjindji. Tsia bhú Lev. 14:2-32.

bhelé ne 'li mu di?» 23 La-a, ma tsia gie pi uo me: <Ngayi obhúlu namene siti 'ngú inde-e, ma mbila nani yi belegu de bini. Yi gbe liyi de ma tsutsu!»»

*Oeti bhisi
(Tsia bhú Luk. 6:47-49.)*

24 «A moko, ndu kpála hana inde adje eli inde ma apa e, ani atsia amene maka li eli ango-o apa lie, ani maka kpála na imbilangú inde a'o 'dhú 'ti gba e pi teme. 25 Ebha adhi, engu asi, anvi ago ne engu-o, a atsia atu lie li kute eti-o. La-a, eti-e ti de, anga odhúdhú adu me a nde pi teme. 26 Engú bini, ndu kpála hana inde adje eli inde ma apa e, ani tsia mene maka li eli ango-o apa lie de-e, ani maka kpála bini na ngingi inde ayiki eti gba e pi sike. 27 Ebha adhi, engu asi, anvi ago ne engu-o, a atu lie li kute eti bhomu-o. Eti ango-o atuko kuto, a atsia atsambala hana!»

28 Li Yesu andjia nakpo ongú bhomu-o lie, ndu okpála hana atsia angamba li nasuno gba ani-e naali. 29 Padhá de, anga ani du nasuno pi uo maka omusuno na lili gba uo-o de. Engú bini, ani adu asuno pi uo maka ngámá.

8

*Yesu akobho bhúlu kába bini
(Tsia bhú Mlk. 1:40-45; di ne bhú Luk. 5:12-16.)*

1 Li Yesu akø eta-a lie, okpála bhelé atsia akpata ani. 2 Abhomu-o, bhúlu kába bini adyudyo lie, ani atutu lipuku e kuto kala ani. Ani atsia apa me: «Ngámá, i du me mu nde akunda-a, mu ti da nakobho ma.» 3 Yesu ato 'kpa e, ani 'o li kute ani ne napa me: «Ma akunda moko, kokobho!» Ma 'li ma me-e, kába agulu bha kolo li ani hana. 4 Abhomu-o, Yesu atsia apa pi ani me: «Gbo dje mu, mo opá 'ngú inde-e pi kpála bini de. Engú bini, nu suno bha limu pi dimandø gba Ebhe

, amba mu ha makiso maka li lili gba Moidje apa lie ngubula nasuno pi okpala me mo okobho.*»

*Yesu akobho kpala na kulu
gba ngamá gba osudha na Loma
(Tsia bhú Luk. 7:1-10; di ne bhú
Dja. 4:43-54.)*

⁵ Abhomu-o, Yesu ali bhú kute na Kapalanauma. Ani adu ali lie oo, ngamá bini gba osudha na Loma[†] adyudyo lie de ani. Ani atsia akiki-likli lie pi ani ⁶ me: «Ngamá, kpala na kulu gba ma-a asi kuto abhú 'ti. Ani agugumu kuto, ani ngadje likabhu na kuo kuo.» ⁷ Yesu apa pi ani me: «Ngama-a, ma adji akobho ani.» ⁸ Engú bini, ngamá gba osudha-a atsia agie me: «Ngamá, ma ne tetele kpala[‡] ade, ngubula me mu li bhú 'ti gba ma-o. La-a, mu pa bha koli eli bini-e, li kpala na kulu gba ma-a kóbho. ⁹ Padhá de, anga ngama makpe-e, ma sa lili gba ngamá, ma la di ngaha lili pi osudha. Ma pa pi bhe bini-e me: <Nunu!> Ani nú. Ma pa pi bhe koko-o me: <Gogo!> Ani gó. Ma pa pi bali gba ma-a me: <Mene 'he inde!> Ani méne.»

¹⁰ Li Yesu adje engú bhomu-o lie, ani angamba naali. Ani atsia apa pi okpala inde adu akpata ani-e me: «Ma apa pi yi na paká me, ma bhaka nga ngua nabhuka inde-e bhú kpala bini bhú ká omafsalaele de! ¹¹ Ma atsia apa la di pi yi me: okpala bhelé ayie ne andjongu di ne akati, u tsia dálu pi dabili na anokomia bhú dabili bini ne Abalahama, ne Isaka, la di ne Yakobho bhú Nau na abhúlá ko. ¹² Engú la bini, obhende ayo nani me u sia dabili bhomu-o, u abála uo bhú biti akilidjo. Oo, u adu naku 'gbá di ne nazu tate o.» ¹³ Abhomu-o, Yesu atsia apa pi ngamá gba osudha-a me: «Gie limu agba mu! Maka mo obhuka lie, a ayo me amene lie pi mu moko.» Kpala

na kulu-o atsia akobho bha bini li nedhinga ango-o ko.

*Yesu akobho 'hi wala Piele
(Tsia bhú Mlk. 1:29-34; di ne bhú
Luk. 4:38-41.)*

¹⁴ Pipita-a, Yesu ali bhú 'ti gba Piele. Ani abhaka me 'hi wala ani nde asi kuto, kute ani nde kpakpá.

¹⁵ Yesu a'o 'kpa e li 'kpa ani, kute ani atsia aguo. Ani ayie bhúlá, ani atsia aholo nalu 'zu pi ani.

Yesu akobho okpala bhelé

¹⁶ A akolo lie tagolo-o, u ago pi Yesu ne okpala bhelé inde li osisiti bua adu nadu bhú o-o. Ani apandja osisiti bua ango-o ne 'li e, ani atsia akobho di ndu okpala na kuo hana. ¹⁷ Ani amene mo-o ngubula me eli inde li polofeta Isaya apa nani e amene lie. Engú inde ani apa nani e me:

«Ani abha ndu olíkabhu gba ya hana,
ani atsia abi ndu okuo gba ya hana li kute e.[†]»

*Lili pi okpala inde akunda
nakpata Yesu*

(Tsia bhú Luk. 9:57-62.)

¹⁸ Li Yesu au kambi okpala lie lingo e, ani atsia aha lili pi omukpata gba e me o kodho 'kpí ne ayi ekpè na Galilaya. ¹⁹ Abhomu-o, musuno bini na lili gba Moidje adyudyo lie, ani atsia apa pi Yesu me: «Musuno, ma akpata mu li ndu bili mo onu li e hana.» ²⁰ Yesu apa pi ani me: «A ka onekpe ne gudho u asisi bhú e, a di ka odhu ne 'ti o. Engú la bini, ngama Ndili gba kpala-a, dabili ka ma ngú nasi téte ngú naguo ade.» ²¹ Kpala koko inde adu di suka omukpata gba ani-e apa pi ani me: «Ngamá, ha kpadji muma, amba ma nu zì ngaiza 'dyi ma.» ²² Engú bini, Yesu apa pi

* ^{8:5} 8:5 Ngamá bini gba osudha na Loma: Ngamá ango-o nani ne ngamá pi 'ndji osudha kámá bini. A adu nani maYuda de. † ^{8:8} 8:8 Ngamá bhomu-o ambila nani ndjindji me lili gba omaYuda ziba de me maYuda bini li bhú 'ti gba kpala inde ne maYuda ade-e de. † ^{8:17} 8:17 Tsia bhú Isu. 53:4.

ani me: «'O okpála koko u zì ani ngao. § La ngamʉ-o, go kpata ma.»

*Yesu ayoko anvi na kpekpeke
(Tsia bhú Mlk. 4:35-41; di ne bhú Luk. 8:22-25.)*

²³ Pipita-a, Yesu a'ʉ bhú zabʉ, omʉkpata gba ani-e atsia a'ʉ'ʉ nganda ani. ²⁴ Ma gala kolo me-e, anvi bini na kpekpeke aholo nape pí ekpə-o masikpe de me zabʉ-o linda ka ngbo 'ngu-o. La ngaani Yesu-o, ani adʉ tila. ²⁵ Abhomʉ-o, omʉkpata-a adyudyo lio de ani masikpe, u atsia azʉkʉ ani ne napa me: «Yaka! Ngámá, kobho ní, ní adji amú!» ²⁶ Yesu atsia agie pí uo me: «Yi ne tsʉlʉ mo-o ka ni? Nabhuka gba yi-e nga bha yeye!» Ani ayie bhʉ́lá, ani ambe bhú 'ndji anvi di ne engu-o. Abhomʉ-o, ndʉndʉ hana atsia akolo guguo! ²⁷ Okpála angamba, u atsia adʉ apa me: «Kpála inde-e, a ko mangua kpála dho ngʉbula me belegʉ anvi di ne engu dʉ namanga ani-e!»

*Yesu akobho okpála bhisi li osisiti bua adʉ nadʉ bhú o-o
(Tsia bhú Mlk. 5:1-20; di ne bhú Luk. 8:26-39.)*

²⁸ Lì Yesu akolo lie ayi 'ngu, bhú doto gba okpála na Gadala-a,* okpála bhisi ayie bhú ká olata, u atsia ago abhaka ani. A adʉ bhú okpála ango-o ne osisiti bua, u atsia adʉ azi 'gʉ naali. Kaka-a, okpála dʉ apʉ lì kpadji lì pápá bhomʉ-o de. ²⁹ Abhomʉ-o, u aholo nasusʉla me: «Mo okʉnda namene ngú ya pi, Ndili gba Ebhe? Mo ogo ei ngú nato mbolo lì ya kalanʉ me nedhingga nakodho 'ngú-o nde kolo nga di?» ³⁰ A abhaka me de bili ango-o, 'ngbé piga opame† nde oo, u nde ngazʉ 'he. ³¹ Osisiti bua adʉ nakikiliki lio pí Yesu me: «I dʉ me mʉ nde akunda napandja ya-a, mba ya bhú

§ 8:22 8:22 'O okpála koko u zì ani ngao: Bhú eli inde u aye nani Gandja na Mbia bhú e-e (eli gba oGiliki), u aye me: «'O okpála bhende amu-o, u zì okuo gba o-o.» A akʉnda napa me: «'O okpála bhende i bhuka nga de-e me u zì okpála bhende amu-o.» * 8:28 8:28 Gadala: A ko nani gʉdhu ka omaYuda de. † 8:30 8:30 Opame: Pi omaYuda-a, pame nani ne enʉ na sisiti. Kaka-a, u 'o nani uo de. A dʉ bha nani na'o opame ne okpála inde naao ne omaYuda ade ko. Tsia bhú Mlk. 5:11.

piga opame inde.» ³² Ani apa pí uo me: «Yi nʉnʉ.» U aze bhú okpála bhomʉ, u atsia anʉ alili bhú opame-o. Me-e, ndʉ opame ango-o hana akə eta ne holo, u anʉ atuko bhú 'ngu má dhululu, ne namu ka o.

³³ Omʉlila gba uo atsi ne holo, u agbida bhú gʉdhu, u atsia akpokpo ndʉ 'ngú hana di ne engú inde akodho 'kpí li okpála bhisi inde adʉ ne osisiti bua bhú o-o. ³⁴ Me-e, ndʉ okpála hana na gʉdhu ango-o anʉ ngú nabhaka Yesu. U au ani lie, u atsia akikiliki lio pí ani me ani yie bhú kʉti gba o mayie.

9

*Yesu akobho kpála inde agugʉmʉ kuto
(Tsia bhú Mlk. 2:1-12; di ne bhú Luk. 5:17-26.)*

¹ Pipita-a, Yesu a'ʉ bhú zabʉ, ani agulu matá ekpə-o, ani atsia akolo bhú Kapalanauma, gʉdhu ani adʉ nadʉ bhú e-o. ² Me-e, okpála ago pí ani ne bhoko bini inde agugʉmʉ kuto. U ago ne ani pí kalagba. Lì Yesu au nabhuka gba uo lie, ani atsia apa pí kpála inde gugʉmʉ e bhomʉ-o me: «Atou, ndíka ma, u a'e osisiti 'ngú gba mʉ-o a'e.» ³ Abhomʉ-o, omʉsuno koko na lìlì gba Moidje atsia apa li bua o me: «Kpála inde-e ngasobho Ebhe!»

⁴ Lì Yesu ambila mabhundja gba uo lie, ani atsia apa pí uo me: «Ka ni yi ngabhundja lie li bua yi sisiti mo-o? ⁵ Padhá de, anga ane ne bhʉkʉ ne bhedho? Ne napa me: <U a'e osisiti 'ngú gba mʉ a'e>, ne napa me: <yie bhʉ́lá, dhʉdhʉkʉ?> ⁶ Ngú nasuno me ngama, Ndili gba kpála, ma ne angu píla doto ngú na'e osisiti 'ngú-o, a ayo me ma kobho bhoko inde.» Abhomʉ-o, ani atsia apa pí kpála inde agugʉmʉ-o me: «Yie bhʉ́lá,

ha kalagba gba mʉ, amba mʉ gie límʉ agba mʉ!» ⁷ Kpála ango-o ayie bhʉ́lá, ani atsia atapa agba e. ⁸ Li okpála au 'ngú ang-o lie, a'o tsʉ́li uo naali, u adhəgə Ebhe inde aha ngua angu bhomʉ-o pi okpála-kuti-o.

*Yesu a'i Matié
(Tsia bhʉ́ Mlk. 2:13-17; di ne bhʉ́ Luk. 5:27-32.)*

⁹ Pipita-a, Yesu ayie oo. Ani adʉ akodho 'kpí lie, ani au kpála bini, a adʉ 'li ani me Matié. Ani adʉ me ani nde adʉ kuto bhʉ́ bilo inde u adʉ akala mandjandja bhʉ́ e-o. Ani apa pi ani me: «Kpata ma!» Matié ayie bhʉ́lá, ani atsia akpata ani. ¹⁰ Pipita-a, Yesu anʉ nazʉ 'he abhʉ́ 'ti gba ani. Abhomʉ-o, bhti ondembí na mandjandja di ne okpála koko na sisiti ago adʉlʉ nazʉ 'he bhʉ́ dabili bini ne Yesu di ne omukpata gba e-o. ¹¹ Li omukpata gba an-i-e me: «Ka ni li musuno gba yi-e ngazʉ 'he lie bhʉ́ dabili bini ne ondembí na mandjandja di ne okpála na sisiti-e?» ¹² La-a, Yesu adje engú ang-o-o, ani atsia apa me: «Okpála bhende ne kuo ade-e, u ne gʉmʉ mutia ade. Engú bini, okpála bhende ne kuo mangbo ne gʉmʉ mutia ngao. ¹³ Kaka-a, yi nu gili ta 'ngú inde li Bhuku gba Ebhe-e apa e me: <Engú inde anga li ma naal-e, a ko nadje ndjinga okpála koko, a ko naha makiso de.> Padhá de, anga ma go na'i okpála bhende apa me o ngingbili-e de. Engú bini, ma ago mangbo na'i okpála bhende au lio me o ne osisiti okpála-o.†»

*Yesu apa me u amáta nasuno gba ni-e ne nasuno koko de
(Tsia bhʉ́ Mlk. 2:18-22; di ne bhʉ́ Luk. 5:33-39.)*

¹⁴ Ekpí bini, omukpata gba Djaa bhʉ́lʉ nabatisa okpála adyudyo lio de Yesu, u atsia ayi ani me: «Ka ni li ngaya ne omukpata, ya ngatse

'zʉ lie gəmə ngú nayo Ebhe-e, la-a, omukpata gba mʉ-o ngamemene mo-o ade-e?» ¹⁵ Yesu atsia agie pi uo me: «Okpála bhende u a'i o bhʉ́ anokomia na kʉva ti da nayala nazʉ 'he uu me 'ko ele-o nde ngabha bhʉ́ dabili bini ne uo-o? Engú bini, oekpí akólo makolo, ekpí inde u a'é 'ko ele-o lie bhʉ́ ká uo-o, li oekpí bhomʉ-o, u tsia tsé 'zʉ.

¹⁶ Kpála bini ti da nadʉ pála bongo na mbia li bhe na didili de. Padhá de, anga pápála bhende u a'o e pépé-e sídha bongo-o, li kaka-a tsia dʉ la matá sisiti naali.

¹⁷ U 'o'o pandi na mbia bhʉ́ odidili dhudhu na kó 'nu de. I du mo-o, li odhudhu-o úpa, li pandi-e túko, li odhudhu-o tsia síti di. U 'o'o mangbo pandi na mbia bhʉ́ odhudhu na mbia. Abhomʉ-o, ndʉndʉ hana tsia lila lie ndjindji.»

Yesu akobho ele bini, ani atsia azuku di ndili na eele gba Yailo

(Tsia bhʉ́ Mlk. 5:21-43; di ne bhʉ́ Luk. 8:40-56.)

¹⁸ Li Yesu adʉ agie 'ngú pi omukpata gba Djaa lie, ngámá bini adyudyo lie de ani masikpe, ani atutʉ lipukʉ e kuto kala ani. Ani atsia apa pi ani me: «Ndili gba ma na eele-o andjili mbia inde. Engú bini, go 'o 'kpa mʉ pi ani, amba ani zuku.» ¹⁹ Abhomʉ-o Yesu ayie bhʉ́lá, ani atsia akpata ani bhʉ́ dabili bini ne omukpata gba e-o.

²⁰ Bha li nedhinga bhomʉ-o, ele bini inde li ngate adʉ natuko lie ngʉbulu kalanga ndjikpa ne ká bhisi-e ago de Yesu ne akele ani, ani atsia abu 'kpa e li 'so bongo gba ani-o. ²¹ Padhá de, anga ani adʉ apa li bua e me: «I du bha me ma nde abu 'kpa ma li bongo gba ani-e, ma kóbho.» ²² Engú bini, Yesu adjie lie, ani au ani, ani atsia apa me: «Atou, ndika ma! Nabhuka gba mʉ-o akobho mʉ akobho.» Bha li nedhinga bhomʉ-o, ele ang-o-o atsia akobho.

† 9:13 9:13 Tsia bhʉ́ Oz. 6:6.

²³ Yesu akolo agba ngámá-o. Aní abhaka me okpála nde má dja dja dja ngú nanú azi kuo-o, omaválu mbálá-a nde nga'u mbálá. ²⁴ Abhomu-o, aní atsia apa me: «Yi gbe liyi ne sidi, anga ndili na eele inde-e kpi de, engú bini, aní ngala.» Abhomu-o, u aholo namu aní. ²⁵ Li u apandja ndu okpála hana lie kilidjo-o, Yesu ali abhú 'ti. Aní aha 'kpa ndili-o. Abhomu-o, ndili-e atsia ayie bhúlá. ²⁶ Ngali na engú ango-o atsia ayangba bhú ndu doto bhomu-o libhomu.

Yesu akobho okpála bhisi inde i u 'kpí de

²⁷ Li Yesu aholo 'nú lie, okpála bhisi inde i u 'kpí de-e, aholo akpata aní ne nasusula me: «Ndili gba Davidi, dje ndjinga ya!» ²⁸ Aní ali lie abhú 'ti-e, okpála bhisi inde i u 'kpí de bhomu-o adyudyo lio de aní. Yesu atsia ayi uo me: «Yi abhuka me ma ti da nateteke yi?» U agie pi aní me: «Heni, Ngámá.» ²⁹ Abhomu-o, aní abu 'kpa e li djila uo ne napa me: «A ayo me amene lie pi yi maka nabhuka gba yi-e nde lie ko.» ³⁰ Abhomu-o, djila uo abhulu, Yesu atsia agbele 'dje uo kpekpeke me: «Yi gbo 'dje yi! A ayo de me kpála bini mbila engú inde-e de!» ³¹ Engú bini, bha naze ka uo me-e, u apandjala ngali gba aní-e bhú ndu doto ango-o libhomu.

Yesu akobho kpála bini inde i bhú 'ngú de

³² Nedhinga li okpála bhisi inde li Yesu akobho o bhomu-o adu nanu lie, bha li nedhinga bhomu-o, okpála ago pi Yesu ne kpála bini inde i bhú 'ngú de ka siti bua inde adu nadu bhú aní-o. ³³ Li Yesu agbe siti bua ango-o lie bhú aní-e, kpála ango-o atsia aholo nagama 'ngú. Abhomu-o, kambi okpála angamba, u atsia adu napa me: «Ngua 'ngú inde-e u nga lie bhú ká omañsalaele belegu de bini!» ³⁴ La-a, omuñFalisai adu napa me: «Ngámá gba osisiti bua

ngaha angu pi ani ngú napandja osisiti bua ngae bha-a!»

Yesu adje ndjinga kambi okpála

³⁵ Abhomu-o, Yesu adu adholo bhú ndu ogudhu di ne bhú ndu okuti hana. Aní adu nasuno bhú oeti nadje líli gba Moidje. Aní adu akpokpo Bádha Ngali Naú gba Ebhe, aní atsia adu nakobho ndu kuo hana di ne ndu oeze hana. ³⁶ Li aní au kambi okpála lie, aní adje ndjinga uo naali, anga u adu me u nde andala, angu uo nde la di andjia maka piga okandelé inde li mülila nde ka o ade. ³⁷ Abhomu-o, aní atsia apa pi omukpata gba e me: «Nguwa abhiye-e bhelé, engú la bini, okpála na kulu-o bhelé ade. ³⁸ Yi yo ka bhúlú 'dyi-e me aní tima okpála na kulu bhú edyi gba e ngú na'e nguwo.»

10

Yesu atima omukpata ndjikpa ne ká bhisi gba e-o

(Tsia bhú Mlk. 3:13-19; di ne bhú Luk. 6:12-16.)

¹ Pipita-a, Yesu a'i omukpata ndjikpa ne ká bhisi gba e-o. Aní aha angu pi uo ngú napandja osisiti bua bhú okpála, di ne nakobho ndu okuo hana, la di ne ndu oeze hana. ² A inde-e 'li obhulu titima ndjikpa ne ká bhisi-o: kpála na kalanu-o, a ko Simo inde li Yesu agisila 'li e me Piele, ne uo ne ndai e Andili, a la di-e ongisi bhisi gba Djebedayo-o. A adu nani Djaki ne uo ne ndai e Djaa, ³ a la di-e Filipo ne uo ne Batelemi; a la di-e Túma ne uo ne Matié, ndembí na mandjandja-o; a la di-e Tade ne uo ne Djaki, ndili gba Alafayo-o; ⁴ a la di-e Simo kpála na Kanana ngau ne Yuda Ísikaliote. Simo nani ne suka oma Yuda inde adu agili ne kpéke me o ze bhú bali sa kpa okpála na Loma zeze-o. Yuda Ísikaliote nani ne kpála inde apú ngbángá Yesu pi obhulu yala-o.

⁵ Abhomu-o, Yesu atima obhulu titima ndjikpa ne ká bhisi bhomu-o. Aní atsia aha olíli inde-e pi uo

me: «Yi adji-e, yi anú agba okpála inde ne omaYuda ade-e de. Yi alí di bhú ogudhú gba okpála na Samalia de. ⁶ Engú bini, yi nü mangbo agba omafsalaele. Padhá de, anga uo maka okandelé inde angita. ⁷ Li kpadjí-e, yi kpokpo Bádha Ngali gba Ebhe-o. Yi pa pi okpála me: <Naü na abhúlá akolo masikpe!> ⁸ Yi kobho okpála na kuo, yi zuku okpála inde amu, yi kobho obhúlú kába, yi pandja osisiti bua bhú okpála. Yi asia padhá, yi ha bhadi pi okpála koko padhá.* ⁹ Yi ahá belegú kú li falanga de bini. ¹⁰ Yi ahá gonia ngú enú-o de. Yi ahá bongo na mbulu bhisi de, yi nü bha ne koli maleké inde bhú 'dhú yi ko, yi ahá ndula de. Padhá de, anga okpála inde yi adji amene kulu bhú ká o-o abi mukobho gba yi-e ngao.

¹¹ Yi li bhú gúdhú bini, i du di-e bhú kúti bini-e, yi de gili kpála inde bedhe ngú nasia yi, amba yi du gba kpála ango-o akólo bhú nayie ka yi ko. ¹² Yi li bhú etí bini-e, yi de yi okpála inde bhú 'ti ango-o mayi. ¹³ I du me okpála na etí ango-o nde asia yi-e, guo 'ngú yi adhúkú ne e de du ne uo. Engú bini, i du la me okpála ango-o nde sia yi de-e, guo 'ngú gba yi-e de gie lie pi yi. ¹⁴ I du me u nde sia yi de-e, u dje la di 'li yi de-e, nedhíngá inde yi ngakoto lie bhú 'ti ango-o, i du di-e bhú gúdhú ango-o, yi de dyíkí ndju doto na 'dhú yi ngú nasuno pi uo me yi atse uo atse. ¹⁵ Ma apa pi yi na paká me, li 'kpí nakodho 'ngú-o, okpála na gúdhú ango-o asia likabhu kpekpeke ané okpála na Sodomú ne Gomolo mane.»

Okpekpeke da 'ngú inde akólo li omukpata gba Yesu

(Tsia bhú Mlk. 13:9-13; di ne bhú Luk. 21:12-17.)

¹⁶ «Yi gbo nga 'dje yi! Ngama-a, ma ngatima yi maka okandelé

bhú ká onute. 'E-e! Yi alá-a de, amba yi du di ne bhúkú bua maka opidjo. ¹⁷ Yi lila liyi ka okpála ndjindji. Padhá de, anga u ambá yi bhú otolibinali, u tsia bhí yi ne fimbo bhú otí gba o nadje lílì gba Moidje-o. ¹⁸ U anú ne yi kala ongámási na ndu doto di ne kala ongbengbe ongámási anga yi abhuka ma. A améne lie mo-o ngubula me yi kpokpo 'ngú gba ma-a kala uo di ne kala okpála inde ne omaYuda ade-o. ¹⁹ Nedhíngá u anú ne yi lie kala okpála ango-o, yi akína liyi li 'ngú inde yi apá e de, di ne lele maka yi ayípa 'ngú li 'ngú ango-o lie de. Ongú inde a ayo me yi pa e, a ahá bha lie pi yi li nedhíngá ango-o. ²⁰ Padhá de, anga engú inde yi agáma e yé ka yi de. Engú bini, Bua gba 'Dyí yi-e agáma 'ngú bhú yi ngae.

²¹ Okpála apú ondaise o me u bhili uo. 'Dyí ndíli apú ndíli gba e me u bhéle ani. Ongísi akólo ne kpekpeke 'ndjí pi okpála inde azu o, u tsia pú okpála azu o me u bhili uo. ²² Ndú okpála hana ayála yi ka 'li ma. Engú bini, kpála bhende akíbila nakolo bha bini makolo ali soso-o, ani tsia kóbho. ²³ U mene yi sisiti bhú gúdhú bini-e, yi de kpe bhú gúdhú koko. Ma apa la pi yi na paká me yi ndjia nadhúkú bhú ogudhú na fsalaele hana de me Ndíli gba kpála nde go de-e de.

²⁴ Yi mbila ndjindji me mukpata ne müssuno gba e ne engbé de, kpála na kulu ne di ngámá na kulu gba e ne engbé de. ²⁵ A ayo me mukpata kolo maka müssuno gba e-o. A ayo di me kpála na kulu kolo maka ngámá na kulu gba e-o. I du me u nde nga'i bhúlú etí-e me Baladjebulá-a,† u a'i la ibili okpála na etí gba ani-e pi!

²⁶⁻²⁷ Kaka-a, yi akpé okpála inde améne yi sisiti-e de! Engú inde ma apa e pi yi bhú biti-e, yi pa ibili ne ngbíkpi. Engú inde u apa e pi yi

* ^{10:8} 10:8 Li bili inde-e, Yesu ngakpokpo 'ngú bhomú-o pindjí angu inde ani aha e pi obhúlú titima gba e ngubula nateteke okpála-o. † ^{10:25} 10:25 Baladjebulá: A bhomú-o suka 'ili gba Djabulú.

bhú t̄upele-e, yi totobhila ibili ne di apí ongbuti. Padhá de, anga ndu 'he inde awo lie mawo-o hana akóto bhú mbasú, la di-e, ndu 'he inde na pepe hana ambila lie mambila. ²⁸ Yi akpé obhende ngabhélè kute yi, inde i ti da nabhélè bua yi de-e de. Yi kpe mangbo Ebhe inde i ti da nabhélè bua yi, la di ne kute yi libhomu bhú djua na dudu ma ko. ²⁹ Li mu tsindji oindjilindjili bhisi-e, mo osia téte mangua tetele tia dho? La-a, súka uo bini kpí padhá de me 'Dyi yi Ebhe nde ziba de-e de. ³⁰ La pi yi-e, Ebhe atanga belegu osundjo yi hana. ³¹ Kaka-a, yi akpé ehe bini de. Ngayi-e, abana u po bha bhála oindjilindjili bhelé-e, yi ane uo ne tata.

³² Li kpála bini pa bhú ká djila okpála me ni ne kpála ka ma-a, ngama-a, ma apá bhadi bhú djila 'Dyi ma inde abhúlá-a me a ko naama kpála. ³³ Engú bini, li kpála bini pa bhú ká djila okpála me ni ne kpála ka ma ade-e, ngama-a, ma apá bhadi bhú djila 'Dyi ma inde abhúlá me a ko naama kpála de.»

*Yesu ago nato egú sunda okpála
(Tsia bhú Luk. 12:51-53, 14:26-27.)*

³⁴ «Yi abhúndja de me ma ago ngú na'o guo 'ngú píla doto de. Ma go ngú na'o guo 'ngú de, engú bini, ma ago mangbo ngú nagbogbo bhúsú okpála. ³⁵ A moko, ma ago nagbogbo bhúsú kpála ne 'dyi e.

Ma ago nagbogbo bhúsú ndili na eelé ne 'hi e.

Ma ago nagbogbo bhúsú ele gba ndili-e ne ogbi e na eelé.

³⁶ Kaka-a, obhúlú yala gba kpála adú bha okpála na abhú 'ti gba ani ko.†

³⁷ Kpála bhende ngakunda 'dyi e, i du di-e 'hi e ane ma mane-e, kpála ang-o ti ne ma de. La di-e, kpála bhende ngakunda ndili na bhobhoko gba e, i du di-e ndili na

eelé gba e ane ma mane-e, kpála ang-o ti ne ma de. ³⁸ Kpála bhende i bi kulusi gba e‡ de, i tsia kpata ma de-e, kpála ang-o ti ne ma de. ³⁹ Kpála bhende alila mukobho gba e-e, ani kpí. Engú bini, kpála bhende atsé la mukobho gba e ngubula ma-a, ani sia mukobho na kúkulú.»

*Makalá gba kpála inde asía omukpata gba Yesu
(Tsia bhú Mlk. 9:41.)*

⁴⁰ «Kpála bhende asia yi-e, ani asia bhomú-o ma. La di-e, kpála bhende asia ma-a, ani asia bhomú-o kpála bhende atima ma ko. ⁴¹ Kpála bhende asia polofeta anga a ko polofeta-a, ani asía makalá inde ati ne opolofeta. La di-e, kpála bhende asia kpála na ngingbili anga a ko kpála na ngingbili-e, ani asía makalá inde ati ne okpála na ngingbili-o. ⁴² Ma apa pi yi na paká me kpála bhende ahá ngabha kópo kpina 'ngu bini pi súka okpála inde li okpála ngau o padhá inde-e anga a ko mukpata gba ma-a, kpála ang-o asía makalá gba e masia.»

11

¹ Li Yesu andjia naha olíli bhomú-o lie pi omukpata gba e ndjíkpa ne ká bhisi-e, ani ayie oo. Ani atsia anú ngú nasuno di ne nakpokpo eli gba Ebhe-e bhú ogudhú na ndu doto na Galilaya.

Djaa bhúlú nabatisa okpála atima okpála nayi 'ngú pindji Yesu

² Li Djaa bhúlú nabatisa okpála adú lie bhú tíkpú-o, ani adje ngali okulu li Kilisito adú amene e-o. Abhomú-o, ani atsia atima omukpata gba e ³ me u nu yi ani me: «Mu ne Masiya inde ayo me Ebhe tima e? Ne me ayo me ya adjeké kpála koko?» ⁴ Yesu agie pi uo me: «Yi nu kpokpo engú inde yi ngadje e ne bhende yi ngau e pi Djaa: ⁵ okpála i u 'kpí

† **10:36** 10:35-36 Tsia bhú Mik. 7:6. ‡ **10:38** 10:38 Nabi kulusi gba e: A ko naziba nazú likabhu di ne nakpi kabula Yesu.

de-e ngau 'kpí, obhende ne eze li 'dhú o-o ngadhukú ndjindji, obhúlú kába ngakobho, obhende i dje 'kpí de-e, la di ngadje 'kpí, obhende amu-o ngazuku, okpála bhende ngau lio padhá kala Ebhe-e la di ngadje Bádha Ngali . ⁶ A ko djali pi kpála inde li engú gba ma-a bhélè nab-huka gba e mabhélè de ko.»

*Yesu akpokpo 'ngú pindji Djaa bhúlú nabatisa okpála
(Tsia bhú Luk. 7:18-35.)*

⁷ Li omakpata gba Djaa aholo 'nú lie, Yesu atsia aholo nakpokpo 'ngú li 'ngú gba Djaa pi kambi okpála inde adú oo me: «Yi anu iginí natsia abhú mili bili-e ni? Yi anu iginí natsia mbamba inde li anvi ngadyíki e? A mo-o ade. ⁸ I du mo-o de-e, yi anu nga iginí natsia ni? Yi anu iginí natsia kpála inde adyi babadha bongo-o ? La-a, okpála bhende adyidyí obabadha bongo-o, u dudu bhú oeti gba ongbengbe ongámási. ⁹ Yi anu nga la iginí natsia ni? Yi anu iginí natsia polofeta ? A moko. Ma apa pi yi me, yi anu iginí natsia kpála inde ane belegú polofeta mane. ¹⁰ Padhá de, anga a ko kpála inde li Bhuku gba Ebhe-e apa nani li 'ngú gba e me:

«Ebhe apa me, ma ngatima bhúlú titima gba ma-a pi mu kalanú ngú naleke kpadji pi mu.†»

¹¹ Ngama-a, ma apa pi yi na paká me, bhú ká okpála-kuti-e, kpála bini inde akoto, inde ngbéngbé ane Djaa bhúlú nabatisa okpála belegú ade bini. La-a, ndu okpála hana inde aziba Naú na abhúlá-a , abana ani du bha mbomboyé pi-ie, ani ane Djaa ne engbé.

¹²⁻¹⁴ Padhá de, anga ndu opolofeta hana di ne lílì gba Moidje akpokpo ngali Naú na abhúlá nakolo makolo li nedhinga gba Djaa-o. I du me yi inde akunda naziba engú ma apa e, Djaa ne Eliya inde a ayo nani me ani

go-o ngae. Nayie bhú nedhinga gba Djaa bhúlú nabatisa okpála akolo pi mbia inde-e, Naú na abhúlá bhú gbene. La di-e, omangopu ngamene ne kpéke hana me o siti masiti. ¹⁵ A ayo me kpála inde li e ne djedje ngú nadje 'kpí-e djedje!

¹⁶ Ma tí da nasuno okpála na naki inde-e li da? Uo maka ongisi inde adúlú bhú mbadhasú.

¹⁷ Okoko nga'u mbálá na ebi pi obi o,

engú bini, obhe u a'u mbálá ango-o pi o ayala nadho 'bi!

U ali matá etsi na da kuo pi uo, engú bini, u ayala naku 'gbá!

¹⁸ Yi maka ongisi inde ayala nadho 'bi di ne naku 'gbá bhomú. Padhá de, anga a maka li Djaa ago nani lie-o. Ani ago maka kpála inde bhú dá kuo. Ani zu 'he de, ani ndji di vino de, yi atsia apa me: «A bhú ani ne siti bua !» ¹⁹ Ndili gba kpála ago di. Ani ago maka kpála inde bhú dá 'bi. Ani azu 'he, ani andji di vino, do yi de me: «Yi tsia nga kpála inde. Ani bha bini ngabundja nazu 'he ne nandji vino! A ko olia ondembí na mandjandja, di ne okpála na sisiti!» Engú bini, bhú natsia nganda okulu gba Ebhe-e, a ngasuno pi yi me imbilangú gba ani-e ngbingbili.»

*Okpála na ogudhú gba omaYuda
inde ayala nadji bua o
(Tsia bhú Luk. 10:13-15.)*

²⁰ Abhomú-o, Yesu aholo nagama 'ngú ne ndje djila pi okpála na ogudhú inde ani amene nani ongamba 'ngú gba e bhélè bhú e-o. Padhá de, anga okpála ango-o dji nani bua o de. ²¹ Ani adú apa me: «A ko likabhu pi yi, okpála na gudhú na Koladjina! A ko likabhu pi yi, okpála na gudhú na Betesaida! Padhá de, anga ma amene ongamba 'ngú bhélè bhú ogudhú gba yi-o. Engú bini, yi dji bua yi de. La-a, ma méne nani ongamba 'ngú bhomú-o

† **11:10** 11:10 Tsia bhú Mal. 3:1. * **11:21** 11:21 Tile ne Sidona nani ne ogudhú ka omaYuda ade. Tsia bhú Isa. 23, ne bhú Edj. 26-28, di ne bhú Ams. 1:9-19.

bhú ogudhú na Tile ne Sidona-a,* okpála na ogudhú ango-o de adyi nani gonia, u túko embi bhú 'ndji o didili naali, u tsia djí bua o. ²² A moko. Ma apa pí yi me, li 'kpí li Ebhe akódho 'ngú gba okpála lie, likabhu gba yi-e ané bhende gba okpála na Tile ne Sidona mane.

²³ Ne yi di, okpála na gudhú na Kpalanauma, yi abhundja naayi me u a'é'e yi akolo abhúlá-a? A mo-o ade. U aké yi ne kuto, akólo bha bini li bili gba okpála inde amu. Padhá de, anga ma amene ongamba 'ngú bheldé bhú gudhú gba yi-o. Engú bini, yi dji bua yi de. La-a, ma méne nani ongamba 'ngú bhomu-o bhú gudhú na Sodomu-o, gudhú ango-o de nga bha bhúka, nakolo pí naki. ²⁴ Kaka-a, ma apa pí yi me, li 'kpí li Ebhe akódho 'ngú gba okpála lie, likabhu gba yi-e ané bhende gba okpála na Sodomu mane.»

Ako djali pí okpála inde ngau lio padhá kala Ebhe

(Tsia bhú Luk. 10:21-22.)

²⁵ Bhú nedhinga bhomu-o, Yesu atsia apa me: «Ma ngadhegə mu, 'Dyi ma, Ngámá na abhúlá ne Ngámá na doto. Padhá de, anga engú inde mo owo e pí okpála inde ngabhundja me a bhú 'ndji o ne imbilangu-o, mo ombamba tata pí obhende ngau lio me o ne okpála na padhá kala mu! ²⁶ A moko, 'Dyi ma, anga bhú bádha bhú 'bu gba mu-o, mo okunda bha nani me a adu moko.

²⁷ Yi mbila ndjindji me 'Dyi ma asuno ndu 'ngú hana mu. Kpála bini mbila Ndili-e de, bha bini 'Dyi Ndili-o. Kpála bini mbila la di 'Dyi Ndili-e de, bha bini Ndili gba ani-o, a la di-e kpála bhende li Ndili-e akunda nasuno ani pí e ko.

²⁸ Yi andala ka okpekpeke lili di ne okpekpeke da 'ngú inde u ngabu e pí yi-o. Mbia inde-e, yi go bhaka ma, ma 'e pí yi ma'e, amba ma ha

† 12:7 12:7 Tsia bhú Oz. 6:6.

naguo pí yi. ²⁹ Yi mene olílì gba ma-o, amba yi 'o me ma suno engú pí yi. Padhá de, anga ma súno pí yi ne bhukú bua di ne na'o líma ne kuto. Yi mene mo-o, yi tsia sía naguo pí yi makpe. ³⁰ A moko, da namene ongú inde ma akunda e di ne olílì gba ma-a kpekpeke ade.»

12

Yesu ne ngámá pí 'ndji ekpí naguo gba omaYuda

(Tsia bhú Mlk. 2:23-28; di ne bhú Luk. 6:1-5.)

¹ Bhú oekpí bhomu-o, Yesu ne omukpata gba e adu akodho 'kpí bhú ngu 'zú inde u a'i e me ngano. A adu ekpí naguo gba omaYuda-o. Omukpata gba ani adu ne gumi. Abhomu-o, u aholo nakodho 'ndji 'ndji, u atsia adu nazuzu. ² Li omukpata au lie mo-o, u atsia apa pí Yesu me: «Ka ni li omukpata gba mu-o ngamene kulu lie bhú 'kpí naguo me lili gba ní-e nde ziba mo-o de-e?» ³ Yesu agie pí uo me: «Yi tanga nga engú inde li Davidi amene nani e di, nedhinga inde li ngaani makpe ne okpála gba e, u adu lie ne gumi-o? ⁴ Ani ali nani bhú 'ti Ebhe, ngaani ne okpála gba e, u atsia azu mapa inde u aha e pí Ebhe-o. A ayo la nani pí súka uo bini nazuzu de. Engú bini, a ayo bha nani me azu mapa ango-o ne odimandø gba Ebhe.

⁵ Ne me engú inde bhú lili gba Moidje-e, yi tanga nga di? Lili gba Moidje apa me, li 'kpí naguo gba omaYuda-a, odimandø inde ngamene kulu bhú 'ngbé 'ti Ebhe-e ngagum bhomu-o lili na ekpí naguo-o. La-a, u 'ó 'ngú pí uo kaka de! ⁶ Engú bini, ma apa la pí yi me kpála bini bhú ká yi si, ani ane 'ngbé 'ti Ebhe mane. ⁷ I dá me yi mbila engú inde li Bhuku gba Ebhe-e apa e uu-o, yi de 'ó engú pí okpála bhomu-o de. Padhá de, anga Bhuku gba Ebhe apa me: «Engú inde a nga li ma

naali-e, a ko nadje ndjinga okpála koko, a ko naха makiso de.^{†»} ⁸ Yesu atsia abu tata-a me: «Ngama, Ndili gba kpála-a, ma ne ngámá pí 'ndji ekpí naguo.»

⁹ Pipita-a, Yesu ayie oo, ani atsia anu ali bhú eti gba uo nadje lili gba Moidje-o. ¹⁰ Bhú 'ti oo, kpála bini inde li 'kpa e andia adu oo. Omufalisai adu akunda na'o 'ngú pí Yesu. Kaka-a, u ayi ani me: «Lili gba ní-e aziba me u kobho kpála bhú 'kpí naguo uu?» ¹¹ Yesu agie pi uo me: «A ko da bhú ká yi inde i du ka e ne koli kandøle bini-e, li kandøle ango-o ti bhú 'dú li 'kpí naguo, ani nu nagbe ani de-e? ¹² La-a, kpála-kuti ane kandøle bhutsibhutsi! Kaka-a, lili aziba namene bádha 'ngú bhú 'kpí naguo.» ¹³ Abhomu-o, ani atsia apa pi kpála ango-o me: «Gbele 'kpa mu.» Kpála ango-o agbele 'kpa e, 'kpa ani atsia akolo ndjindji maka 'kpa ani bhe koko-o. ¹⁴ Pipita-a, omufalisai aze kilidjo. U apo bhúla o ngú nagili kpadjì me o bhølø Yesu.

Yesu ne kpála inde li Ebhe abhu e ngú kulu gba e-o

¹⁵ Li Yesu ambila lie me omufalisai ngagili nabhølø ni-e, ani ayie li bili ango-o. Bhti okpála akpata ani, ani atsia akobho ndu obhende adu ne kuo hana. ¹⁶ Engú bini, ani agbele 'dje uo kpekpeke me u apá pi kpála bini de me ni ne da-ie de, ¹⁷ ngabula me engú inde li polofeta Isaya apa nani e amene lie. Polofeta Isaya apa nani me:

¹⁸ «Ebhe apa me:

<Tsia nga bali gba ma inde ma abhu nani e-o,
ma kunda ani naali, engú gba ani-e nga li ma naali.

Ma a'ó Bu Bhopua gba ma-a pí ani, ani tsia kpókpo ngibili 'ngú pi ndu opiga hana.

¹⁹ Ani bí bhaiki ne kpála bini de, ani gáma kpéke 'ngú de.
U djé 'li ani li okpadji de.

[†] 12:21 12:18-21 Tsia bhú Isa. 42:1-4.

²⁰ Ani bú dú mbamba inde agumu-o de,
ani búlu dhegu eke inde ngatsi-e de.

Ani améne mo-o akólo li 'kpí inde ani a'ó lie me ngibili 'ngú kolo angu e píla doto ko.

²¹ Abhomu-o, li ndu opiga hana tsia 'ó nabhuka gba o-o bhú ani.^{†»}

Omufalisai apa me Yesu ngamene kulu ne angu gba Baladjebula

(Tsia bhú Mlk. 3:22-30; di ne bhú Luk. 11:14-23.)

²² Abhomu-o, u ago pi Yesu ne kpála bini inde i u 'kpí de, i bhú di 'ngú de, anga adu bhú kpála ango-o ne siti bua. Yesu akobho kpála ango-o, ani atsia aholo nagama 'ngú di ne nau 'kpí. ²³ Bhti okpála hana angamba, u atsia aholo napa me: «A inde-e Ndili gba Davidi-e di?» ²⁴ Li omufalisai adje engú bhomu-o lie, u atsia apa me: «Kpála bhomu-o ngapandja osisiti bua padhá ade, Baladjebula, ngámá gba osisiti bua-a, ngaha angu pi ani ngae!»

²⁵ Engú bini, Yesu adu ambila mabhundja gba uo hana. Abhomu-o, ani atsia apa pi uo me: «Ndú kuti hana, i du me okpála kpála nde dje li de-e, kuti ango-o pípilo me a nde akpødhøle. Okpála na gudhù bini, i du di-e piga bini, i du me u nde dje li de-e, gudhù ango-o, i du di-e piga ango-o lú-u de. ²⁶ I du me Satana nde ngabhike Satana-a, amba ani agbogbo bhomu-o bhúsü e ngae makpe. I du la mo-o, kuti gba ani-e lú lele pi? ²⁷ I du me ngama-a, ma nde ngapandja osisiti bua ka angu gba Beledjebula-a, omukpata gba yi-e ngapandja naao uo ka angu gba da? Kaka-a, omukpata gba yi-e akódho galikpe 'ngú gba yi-e ngao makpe. ²⁸ Engú bini, i du la me ma nde ngapandja osisiti bua ka angu gba Bua gba Ebhe-e, bhophomu-o asuno me Naü gba Ebhe-e akolo li yi akolo.

²⁹ Kpála bini ti da nali bhú 'ti gba kpéke kpála, ani tsia bhá ohe gba ani-e de. Ani kúnda nali bhú 'ti gba ani ngú nabha ohe gba ani-e hana-a, ani gbíte ngaiza ani kalanú. Pipita-a, ani tsia lí bhú 'ti gba ani ngú nabha ohe gba ani-o. ³⁰ Kpála bhende ne ma bhú dabili bini ade-e, a ko bhúlú yala gba ma. Kpála bhende ngapola di bhúla okpála bhú dabili bini ne ma ade-e, ani ngatsambala uo matsambala.

³¹ Kaka-a, ma apa pi yi me, okpála asía mambu li ndú osisiti 'ngú di ne li ndú osobho inde li okpála ngasobho Ebhe ne e hana. Engú la bini, li kpála sobho Bu Bacobua-a, ani sía mambu de. ³² I dú me kpála nde apa siti 'ngú li kute ma, ngama Ndili gba kpála-a, Ebhe mbu li ani téte. Engú la bini, i dú me kpála nde asobho Bu Bacobua-a, Ebhe mbú li ani téte bhú nedhinga na naki inde-e de, ani mbú di li ani téte bhú nedhinga inde ngago-o de.»

*U mbimbila ndula lí lí e
(Tsia bhú Luk. 6:43-45.)*

³³ «I dú me ndula nde ndjindji-e, lífí-e dú bhadi ndjindji. I dú me a nde bhú ndula ne kuo-o, lífí-e dú sisiti. U mbimbila ndula lí lí e.

³⁴ Ngayi opiga mbúma inde-e, yi ti da napa ongú na babadha lele pi, me yi nde ne okpála na sisiti-e? Padhá de, anga ebhe ngapa engú inde abedhe li bacobua mabedhe ko. ³⁵ Kpála na babadha-a, ka bádha 'ngú inde li bacobua ani-e, ani apá bhadi bádha 'ngú. Engú bini, kpála na sisiti-e, ka siti 'ngú inde li bacobua ani-e, ani apá bhadi engú na sisiti.

³⁶ Kaka-a, ma apa pi yi me, bhú nedhinga nakodho 'ngú gba okpála-a, okpála apá ta oeli na padhá padhá inde li u apa e hana. ³⁷ Padhá de, anga Ebhe akódho 'ngú gba mu-o li nakpata 'li mu. I dú me mu nde apa oeli na babadha-a, ani 'ó mangimbo pi mu de, i dú me mu nde apa oeli na sisiti-e, ani 'ó mangimbo pi mu.»

*Omúsuno na líli gba Moidje ne omúFalisai ayo ngamba 'ngú ka Yesu
(Tsia bhú Mlk. 8:11-12; di ne bhú Luk. 11:29-32.)*

³⁸ Abhomú-o, omúsuno koko na líli gba Moidje di ne omúFalisai koko apa pi Yesu me: «Músuno, ya akúnda me mene ehe bini pi ya inde asuno me mo oyie bha ndju agba Ebhe.» ³⁹ Do ani pi uo me: «Okpála na naki inde-e sisiti, u bhuka la di Ebhe ne bua o bini de, u ngayo ngamba 'ngú. Engú bini, Ebhe méne ngamba 'ngú pi uo bini de, bha bini bhende ani amene naní e li polofeta Djonasi ko. ⁴⁰ Padhá de, anga maka li Djonasi asi naní lie ekpí bata, di ne sukpe bata bhú 'bu 'ngbé sungu-o, ngama Ndili gba kpála-a, ma así bhadi bhú lata ekpí bata di ne sukpe bata moko. ⁴¹ Li 'kpí li Ebhe akódho 'ngú gba okpála lie, okpála na Ninive akótó kala Ebhe bhú dabili bini ne okpála na naki inde, li okpála na Ninive tsia 'ó 'ngú pi okpála na naki-o. Padhá de, anga u adjí naní bua o li nedhinga u adjé ngali gba Ebhe inde li Djonasi adú akpokpo e-o. Yi mbila la ndjindji me, kpála bini si, ani ngbéngbé ane Djonasi mane!

⁴² Matá di-e, li 'kpí li Ebhe akódho 'ngú gba okpála lie, 'ngbé ngámá na eele inde adú naní atsia 'kpí li ndu doto na Saba-a, akótó kala Ebhe bhú dabili bini ne okpála na naki inde. Ani tsia 'ó 'ngú pi uo, anga ani ayie naní tsutsu ngú nanú nadje eli na imbilangu gba Salomo-o. Yi mbila la ndjindji me, kpála bini si, ani ngbéngbé ane Salomo mane! Engú bini, ngayi-e, yi dje ani de.»

*Gbitaku pindji nagie matá lie ka
siti bua bhú kpála
(Tsia bhú Luk. 11:24-26.)*

⁴³ Abhomú-o, Yesu atsia apa matá gbitaku pi kambi okpála me: «Adú naní bhú kpála bini ne siti bua. Nedhinga li siti bua akoto lie bhú ani-e, siti bua ango-o anú ne djakadha abhú obili inde li engu nde

lì e ade* ngú nagili bili naguo ka e téte. Engú bini, ani u de. ⁴⁴ Ani atsia apa li bua e me: «Ma gie nga lima bhú 'ti gba ma inde ma akoto nako bhú e-o.» Ani akolo oo, ani abhaka me a nde padhá, u nde apo mapo, u nde aleke ndjindji. ⁴⁵ Abhomu-o, ani anu, ani abha osisiti bua koko mananika inde ane ani ne siti. U agie lio, u ali bhú 'ti-o, u atsia dulu oo. Mukobho gba kpála ango-o atsia akolo la matá pipita-a sisiti naali ane bhende na kalanu-o mane. A adu bhadi pi osisiti okpála na naki inde-e moko.»

*'Hi Yesu ne ondaise Yesu ngao dho?
(Tsia bhú Mlk. 3:31; di ne bhú Luk. 8:19-21.)*

⁴⁶ Yesu adu ngabha nagama 'ngú pi kambi okpála-o. Me-e, 'hi ani di ne ondaise ani akolo. U alulu akilidjo, u adu agili me o gama 'ngú ne ani. [⁴⁷ †] ⁴⁸ Yesu agie pi kpála inde apa 'ngú pi ani-e me: «'Hi ma ngae dho, ondaise ma la di ngao dho?» ⁴⁹ Pipita-a, ani a'e 'kpa e, ani asuno omukpata gba e-o. Ani atsia apa me: «Yi tsitsia, 'hi ma ne ondaise ma ngao inde. ⁵⁰ Padhá de, anga kpála inde ngamene engú li 'Dyi ma inde abhulá-a ngakunda e, kpála ango-o, a ko ndai ma na bhabhoko, a ko ndai ma na eelé, a ko la di 'hi ma-a ngae.»

13

*Gbitaku gba kpála nalu nguwa
(Tsia bhú Mlk. 4:1-9; di ne bhú Luk. 8:4-8.)*

¹ Bha li 'kpí ango-o, Yesu akoto kilidjo. Ani atsia anu adu kuto lingo ekpe. ² Abhomu-o, bhti okpála na bhibhiti ago apo bhúla o de ani. Kaka-a, ani anu a'u bhú zabu bini, ani atsia adu bhúbhú ngú nasuno pi

uo. Bhti okpála bhomu-o atsia alulu naao lingo 'ngu-o.

³ Ani atsia aholo nakpokpo 'ngú pi uo bhelé bhú ogbitaku. Ani adu apa pi uo me: «Ekpí bini, kpála bini nalu nguwa anu abhiye gba e ngú nabala nguwa. ⁴ Nedhinga ani adu ababala lie, té nguwa koko abala lingo 'hi kpadjí. Odhu ago, u atsia ahopo nguwa ango-o hana má kpékébhé! ⁵ Olí nguwa koko abala li bili na teme, inde li doto du li e bhelé de. I nde lie me doto du sasa bhelé de-e, ezú-o aké má gala ka li doto akpa sasa lie-o. ⁶ Li ela akolo la lie kpekpeke-e, a atsulu ezú-o, ezú atsia a'ulü ka ndibhili sisie-o. ⁷ Olí nguwa koko abala li bili li lí oulu na eti adu lie. Oeti abhele, a atsia anguwo bhabhomu-o hana. ⁸ Olí nguwa koko abala bhú doto na dobho, a atsia ali lílí: bhe bini-e ali lílí kámá bini, koko-o ali lílí ndjikpa madhia, koko-o ali lílí ndjikpa bata.» ⁹ Yesu atsia apa matá me: «Yi dje ndjindji, i du me a nde li yi ne djedje ko!»

Yesu adu akpo 'ngú pi okpála bhú ogbitaku ka ni?

(Tsia bhú Mlk. 4:10-12; di ne bhú Luk. 8:9-10.)

¹⁰ Abhomu-o, omukpata gba Yesu adyudyo lio de ani, u atsia ayi ani me: «Mu ngakpokpo 'ngú pi okpála bhú ogbitaku ka ni?» ¹¹ Do ani de-e: «Ma ngakpo 'ngú pi uo bhú ogbitaku anga Ebhe ha nambila ngbadhu 'ngú na Naú na abhulá-a pi uo de. Ani aha mangbo pi yi. ¹² Padhá de, anga kpála inde ani aha ngbadhu 'ngú ango-o pi e-e, ani a'o matá koko pi ani pépé. Kpála ango-o tsia du ne di bhelé. Engú bini, kpála bhende ani ha pi e de-e, ani adhépe belegu dhegu bhende ka ani-o. ¹³ Ka 'ngú ango-o, ma ngakpo 'ngú pi uo bhú ogbitaku.

* ^{12:43} 12:43 Bili li engu nde lie ade-e, a ko bili inde li kpála ti da nasi kuti li e de ka ndibhili engu. La pi omaYuda-a, a ko bili inde li osisiti bua ngadulu li e ko. † ^{12:47} 12:47 Lukuluku inde-e, a bhú obhuku koko na didili u aye e bhú eli na giliki ade. [Kpála bini apa pi ani me: «Tsia nga 'hi mu ne ondaise mu alulu akilidjo aoo. U ngagili nagama 'ngú ne mu.»]

Padhá de, anga u ngatsia 'kpí, u u la
'kpí de,

u ngagbo 'dje o, u dje la 'kpí de,
u kē la di mboli 'ngú bini de.

14 Abhomʉ-o, engʉ inde li polofeta
Isaya apa e, a atsia amene lie pi uo,
engʉ inde me:

<Ebhe apa me: Yi adú adje 'kpí, yi
ké la mboli engʉ ango-o de.

Yi adú atsia 'kpí, yi ú la 'kpí de.»

15 <Padhá de, anga Ebhe apa me:
okpála inde-e agbite bua o,
ngʉbula me o ké matá mboli
'ngú de.

U anini djila o,
amba o oú matá 'kpí de,

u anini 'dje o,
amba o odjé matá 'kpí de.

U kʉnda nani nadji bua o de,
abhomʉ-o, ma tsia ti nani da
nakobho uo de.[†]

16 La pi yi-e, a ko djali pi yi anga
djila yi ngau 'kpí, 'dje yi la di ngadje
'kpí. **17** Ma apa pi yi na paká me
opolofeta bhelé, di ne okpála na
ngbingbili bhelé adu nani ne gumʉ
nau ongʉ yi ngau e inde, la-a, u tsia u
de. U adu nani ne gumʉ nadje ongʉ
yi ngadje e inde, la-a, u tsia dje de.»

*Yesu ambamba ta gbitaku gba
kpála nalu nguwa*

(*Tsia bhú Mlk. 4:13-20; di ne bhú
Luk. 8:11-15.*)

18 Abhomʉ-o, Yesu atsia apa matá
pi omukpata gba e me: «Ngayi-e, yi
dje nga la ta gbitaku gba kpála nalu
nguwa-o. **19** Obhende ngadje ngali
na Naʉ gba Ebhe-e, i kē mbolimboli
de-e, uo maka ngo 'hi kpadjí inde
li nguwa ati li e-o. Djabʉlʉ ngago,
ani tsia dhépe 'li Ebhe inde u asia
e li bua o-o. **20** Okpála koko maka
bili na teme inde li nguwa ati li e-o.
U ngadje eli-o, u tsia sía kolo ne
djali. **21** Engʉ bini, u 'o de me eli-e
toto sie e abhʉ o-o de. U ngaha lio
ngánga bha ngʉbula nedhinga bedi.
Abhomʉ-o, i du me likabhu, i du di-e
mbolo nde ago kabula eli gba Ebhe-e
, u ngabala 'kpa li nabhuka má gala!

[†] **13:15** 13:14-15 Tsia bhú Isa. 6:9-10.

22 Okpála koko maka bili li lí oulu
na eti adu lie-o. U adje eli-o, engʉ
bini, gumʉ 'he na doto inde bhʉ
dabili bini ne eu li tia na doto
inde-e ngapite uo ne e, nganguvo
eli gba Ebhe-e bhʉ uo. Kaka-a, a
tsia lí lñlñ belegʉ de bini. **23** Engʉ
bini, okpála koko maka doto na
dobho. U ngadje eli-o, u la di ngake
mbolimboli. Kaka-a, kulu gba uo
ngazu nguwa. Kulu gba okpála
koko ngazu nguwa kámá bini, bhe
gba okoko ndjikpa madhia, bhe gba
okoko ndjikpa bata.»

Gbitaku pindji siti ulu

24 Yesu atsia apa matá gbitaku
koko pi okpála adu adje ani-e me:
«Naʉ na abhʉlá-a mana lie ne engʉ
inde: bhoko bini alu nani bádha
nguwa abhiye gba e. **25** Sukpe bini,
nedhinga li ndu okpála hana adu
lie tìla-a, bhʉlʉ yala gba ani-e ago.
Ani atsia alu siti ulu bhʉ ká nguwa-
o, ani atsia atapa. **26** Ezʉ-o ake,
abhele, atsia aba lñlñ. Abhomʉ-o,
siti ulu-o atsia akoto di. **27** Okpála
na kulu gba bhʉlʉ edyi-e ago ayi
ani me: «Ngámá, siti ulu inde-e ayie
bhʉ bádha nguwa mo olu nako e
bhʉ 'dyi gba mu-o su?» **28** Do ani
pi uo me: «Bhʉlʉ yala amene engʉ
bhomʉ-o ngae.» Abhomʉ-o, okpála
na kulu-o atsia ayi ani me: «Mo
okʉnda me ya nʉ luko siti ulu ango-
o?» **29** Ani agie pi uo me: «Yi aluko
de, anga yi luko-o, yi nʉ luko siti
ulu bhomʉ-o ne ezʉ-o bhʉ dabili
bini. **30** Yi 'o me ndʉndʉ bhisi hana
bhele bhʉ dabili bini akólo nedhinga
na'e nguwa abhiye-o. Nedhinga na'e
nguwa abhiye-e, ma apá pi okpála
na'e nguwa-a me u 'e ngaiza siti ulu-
o. U gbigbite 'i'i ngʉbula natsutsulu,
amba pipita-a, u 'o nguwa-a bhʉ
ngbokopí gba ma-o.»

Gbitaku pindji lí mutadi

(*Tsia bhú Mlk. 4:30-32; di ne bhú
Luk. 13:18-19.*)

31 Yesu akpokpo matá gbitaku
koko pi okpála adu adje ani-e pindji

lí ndula inde u a'i e me mütadi.* Ani pi uo me: «Naü na abhúlá-a mana lie ne lí mütadi. Kpála bini aha, ani atsia alu abhiye gba e. ³² A ko lí ndula na yeYe ane mane bhú ká olí nguwa hana. Engú la bini, i du me a nde aké-o, i né ndu ezü inde abhú 'dyi-e hana ne endjá, i kólo 'ngbé ndula da napa me odhu na abhúlá go nayiki 'ti o bhú oyáyá-o.»

*Gbitaku pindji levile
(Tsia bhú Luk. 13:20-21.)*

³³ Yesu akpokpo matá gbitaku koko pi okpála adu adje ani-e me: «Naü na abhúlá mana lie ne levile inde li éle aha e, ani atsia akpédhélè ne bhiti fufú. Abhomú-o, fufú-o hana atsia afuka.»

Yesu adu akpo 'ngú bhú ogbitaku ka ni?

(Tsia bhú Mlk. 4:33-34.)

³⁴ Yesu adu akpokpo ndu 'ngú bhomú-o hana pi bhiti okpála bhú ogbitaku. Ani kpo 'ngú pi uo mandi gbitaku belegú de bini. ³⁵ Ani adu amene mo-o ngubula me engú inde nani li polofeta akpokpo e-e amene lie, engú inde me:

«Ma akpókpo 'ngú bhú ogbitaku.

Ma akpókpo 'ngú inde awo lie nayie maka u abho nani doto lie-o.†»

Yesu ambamba ta gbitaku pindji siti ulu

³⁶ Abhomú-o, Yesu a'o ká bhiti okpála inde ani adu akpo 'ngú pi o-o, ani atsia agie lie li bili ani adu nadu li e-o. Omukpata gba ani-e adyudyo lio de ani. U atsia apa pi ani me: «Kpokpo nga ta gbitaku pindji siti ulu inde abhiye-e pi ya.»

³⁷ Yesu atsia agie pi uo me: «Kpála bhende i ngalu bádha nguwa-a, a ko ma Ndili gba kpála-o. ³⁸ Edyi-e, a ko doto. Bádha nguwa-a, a ko okpála inde i ngaziba nadu sa lili na Naü na abhúlá-o. Siti ulu-o, a ko okpála bhende ngaziba nadu sa lili gba Djabúlu-o. ³⁹ Bhúlú yala inde alu

siti ulu-o, a ko Djabúlu. Nedhinga na'e nguwa abhiye-e, a ko ekpí na soso-o. Obhúlú na'e nguwa abhiye-e, a ko oandjelu. ⁴⁰ Maka u akukuo siti ulu lie ngú nabubu bhú djua-a, a adu bhadi li sokpí-e moko. ⁴¹ Ndili gba kpála atíma oandjelu gba e, u tsia kúo ndu obhúlú nato okpála bhú nale ne ndu obhúlú namene siti 'ngú hana-a ngú napandja uo bhú ká omaha e mapandja. ⁴² Pipita-a, u tsia bála uo bhú dé djua. Oo, u adu aku 'gbá, u tsia dú di nazu tate o. ⁴³ Abhomú-o, okpála bhe na ngingbili-e adu nasu má ngbi ngbi maka ela bhú Naü gba 'Dyi o-o. Yi dje ndjindji, i du me a nde li yi ne djedje-o!»

Gbitaku pindji tia awo lie di ne pindji léké

⁴⁴ «Naü na abhúlá-a mana lie ne tia inde li kpála awo e abhú 'dyi. Kpála bini akoto téte, ani atsia awo ne toto. Li djali abhélè la ani lie má kusu-o, ani anu atsindji ndu 'he gba e hana, ani atsia ago akala edyi bhomú-o.

⁴⁵ Naü na abhúlá-a mana di matá lie ne kpála natsindji 'he inde ngagili nakala babadha léké. ⁴⁶ Nedhinga ani au léké bini na kpéke mase lie, ani anu atsindji ndu 'he adu ka e hana. Ani atsia ago akala léké na kpéke mase-o.»

Gbitaku pindji nado

⁴⁷ «Naü na abhúlá-a mana matá lie ne nado inde u abhike e bhú 'ngu, inde i ngadhe ndu djua osungu hana. ⁴⁸ Nedhinga abedhe lie, obhúlú nagbe sungu-o gbéle língo 'gè. Pipita-a, u dálú, u bhá osungu na babadha-a bhú kíli, u tsia bála obhende azi-o. ⁴⁹ A adu bhadi li sokpí-e moko: oandjelu agó, u tsia gbogbo bhúsú okpála na ngingbili-e ne obhende na sisiti-o. ⁵⁰ U tsia bála okpála na sisiti-e bhú dé djua. Oo, u adu aku 'gbá, u tsia dú di nazu tate o.»

* **13:31** 13:31 Lí mütadi: A ko mboye lí ndula maka lí kundju. † **13:35** 13:35 Tsia bhú Ets. 78:2.

⁵¹ Yesu atsia ayi omukpata gba e me: «Yi akə mboli ndu ongú bhomu-o hana akə?» U agie me: «Heni.»

⁵² Abhomu-o, aní atsia apa pi uo me: «A moko, yi maka ndu omusuno na lili gba Moidje hana inde aziba engú pindji Naú na abhulá-o. Yi maka obhulü 'ti. Yi ngalo bhú ká oehe inde bhú 'ti gba yi-e obhe na mbia, yi tsia ló di obhe na didili.»

*Okpála na Nadjaleta ziba Yesu de
(Tsia bhú Mlk. 6:1-6; di ne bhú Luk. 4:16-30.)*

⁵³ Li Yesu andjia nakpokpo ogbitaku bhomu-o lie, aní ayie oo.

⁵⁴ Aní atsia anu bhú Nadjaleta, kuti inde aní abhele bhú e-o. Aní aholo nasuno bhú 'ti nadje lili gba Moidje na kuti bhomu. Nasuno gba aní e atsia adu nangamba okpála naali. Kaka-a, u atsia adu ayi lio me: «Aní asia ngua imbilangu inde-e su? A aha angu pi aní ngú namene ongamba 'ngú inde-e da? ⁵⁵ A inde-e ndili gba salapaté-e di? A 'li 'hi aní me Malia adi? Djaki, ne Djodjefu, ne Simo la di ne Djude ne ondaise aní ngao adi? ⁵⁶ Ondaise aní na olisilisi-e, ndu uo hana gba ní sii adi? Aní ayie la ne ndu 'ngú bhomu-o hana su?» ⁵⁷ Ka u ambila du aní lie ndjindji-e, u tsia kunda nabhuka aní de. Abhomu-o, Yesu atsia apa pi uo me: «U mamanga polofeta ne ndu bili hana, naneke bha bini bhú kuti u azu aní bhú e di ne bhú piga gba aní.» ⁵⁸ Yesu atsia amene bha mbo oo ongamba 'ngú bedi ka u bhuka aní lie de-o.

14

*Elode aha lili me u bhøle Djaa
bhulü nabatisa okpála*

(Tsia bhú Mlk. 6:14-29; di ne bhú Luk. 9:7-9.)

¹ Li nedhinga bhomu-o, Elode Atipasi inde adu ngámá na ndu doto na Galilaya adje engú gba Yesu-o.

² Aní atsia apa pi omaha e me: «Kpála u ngakpo 'ngú gba e bhomu-o, a ko Djaa bhulü nabatisa okpála!

Aní azuku bhú ká okpála amu-o bhomu ngae. Kaka-a, angu namene ongamba 'ngú bhú aní.» ³ Elode pa mo-o padhá de. Aní apa mo-o, anga aní aha nani lili me u holo Djaa, u gbigbite aní, amba u bhike aní bhú tikipu li 'ngú gba Elodiade, wala Filipo, ndai aní-o. ⁴ Aní aholo nani Djaa, anga Djaa adu apa pi aní me: «A ayo de me mu ha Elodiade maka wala mu-o de.» ⁵ Elode adu akunda nabhøle Djaa na paká. Engú bini, aní adu akpe okpála makpe. Padhá de, anga u adu au Djaa maka polofeta .

⁶ La-a, li ekpí nakina nazu Elode-e, ndili na eøle gba Elodiade adho 'bi kala okpála u a'i o bhú 'bi-o. Ebí ango-o atsia anga li Elode naali.

⁷ Kaka-a, aní atsia atu silika me ni ahá pi ndili na eøle bhomu-o ndu 'he hana inde aní ayó e-o. ⁸ 'Hi aní atsia ato pi aní me aní yo 'ndji Djaa bhulü nabatisa okpála. Abhomu-o, ndili-e atsia anu apa pi ngámá Elode me: «Ha 'ndji Djaa, Bhulü nabatisa okpála mu-ma mbia inde-e bhú tsakpa saani!» ⁹ Ngámá adje likabhu li bua e naali. La ka silika aní atu e di ne nakpe djila okpála aní a'i o bhú 'bi-e, aní atsia aha lili me u ha 'ndji Djaa pi aní haha. ¹⁰ Abhomu-o, aní atsia atima kpála bini me aní nu kodho ngulü Djaa bhú tikipu. ¹¹ Kpála ango-o, anu. Aní akodho ngulü Djaa, aní atsia ago ne di bhú tsakpa saani. Aní atsia aha pi ndili na eøle bhomu-o. Abhomu-o, ndili na eøle ango-o atsia anu ne di pi 'hi e. ¹² Omukpata gba Djaa anu aha kuo aní, u anu azi. U atsia anu akpokpo engú akodho 'kpí bhomu-o pi Yesu.

Yesu aha 'zu pi okpála kutu bhu-luvue

(Tsia bhú Mlk. 6:30-44; ne bhú Luk. 9:10-17; di ne bhú Dja. 6:1-14.)

¹³ Li Yesu adje engú li omukpata gba Djaa akpokpo e pi aní-e lie, aní agbe lie li bili bhomu. Aní a'u ne omukpata gba e bhú zabu, u atsia

anʉ adʉlhʉ kpi o kpi li bili li kpála nde li e ade. Li okpála ambila lie, u aloko ne ogudhʉ ngangá, u aha 'nú ne 'dhu o língó 'ngu-o ngú nanʉ nakpata ani. ¹⁴ Li Yesu akə lie bhʉ zabʉ-o, ani au bhti okpála-o. Ani adje ndjinga uo, ani atsia akobho okpála na kuo ìnde adʉ bhʉ ká uo-o.

¹⁵ A akolo lie tagolo-o, omukpata adyudyo lio de ani. U atsia apa pi ani me: «Ngámá, ekpí-e asegele, bili ìnde-e la di mimili, gie bhti okpála ìnde-e, amba u nʉ kala ehe nazʉ mazʉ pi o bhʉ okuti.» ¹⁶ Engú bini, Yesu agie pi uo me: «Tata li nagie lie ka uo ade. Yi ha ezʉ pi uo ngayi makpe.» ¹⁷ Abhomʉ-o, omukpata apa pi ani me: «A bha ka ya si ne koli mapa bhuluvue ne osungu bhisi má kpi kili!» ¹⁸ Yesu agie pi uo me: «Yi go mʉma ne di ei.» ¹⁹ Pipita-a, ani aha lìli pi bhti okpála bhomʉ-o me u dʉlhʉ kuto pi ulu-o. Ani atsia aha mapa bhuluvue ne osungu bhisi-o. Ani a'e djila e ne abhʉlá, ani agie hení pi Ebhe. Pipita-a, ani agugumʉ mapa-o, ani aha pi omukpata, omukpata-a atsia agapa li bhti okpála me u zuzʉ. ²⁰ U azʉ ndʉ o hana, u atsia a'u'u. U alo dudu bhe atigala-o, a atsia abebedhe okili ndjikpa ne ká bhisi. ²¹ Okpála hana ìnde azʉ-o, u adʉ masikpe de okpála kutu bhuluvue mandi natanga olisi ne ongisi.

*Yesu adholo pi 'ngu
(Tsia bhʉ Mlk. 6:45-52; di ne bhʉ
Dja. 6:15-21.)*

²² Pipita kolo me-e, Yesu akata omukpata gba e me u 'ʉ'ʉ bhʉ zabʉ, amba u gulu 'ngu pi ni kalanʉ bhʉ nedhinga ni nde nga lie ngaha kpadji pi bhti okpála-o. ²³ Pita ani aha kpadji pi bhti okpála lie, ani a'ʉ apí 'ta ngú nayo Ebhe. Ekpí abi li ani kpi e kpi me ani nde nga bha oo. ²⁴ Li zabʉ li omukpata-a adʉ bhʉ e akolo lie mbo ne atu 'ngu-o, anvi aholo nape pi 'ngu-o, atsia adʉ nandi uo ne sidi. Zabʉ-o atsia adʉ adimba ka ngbo 'ngu-o.

²⁵ Bhʉ 'gbá 'ngu na bini-e, Yesu aholo nago ne li pápá ne apí uo me ani nde ngadholo pi 'ngu. ²⁶ Li omukpata au ani lie ngadhʉkʉ pi 'ngu-o, tsʉlhʉ aholo uo naali. U adʉ apa me: «A ko igbadyibhe!» U atsia aholo atu 'ue ka tsʉlhʉ-o. ²⁷ Engú bini, Yesu atsia apa kolo pi uo me: «A ko ma, yi adjé tsʉlhʉ de. Yi gbite bua yi.»

²⁸ Abhomʉ-o, Piele atsia apa pi ani me: «Ngámá, i du me a nde mʉ na paká-a, ha lìli me ma go bhaka mʉ me ma nde ngadhʉkʉ pi 'ngu.» ²⁹ Do Yesu de-e: «Gogo.» Abhomʉ-o, Piele ake bhʉ zabʉ-o, ani aholo 'nú nabhaka Yesu me ani nde ngadholo pi 'ngu. ³⁰ Engú bini, ani au lie me anvi-e ngape kpekpeke-e, ani adje tsʉlhʉ. Abhomʉ-o, ani aholo nalinda bhʉ 'ngu. Ani atsia asʉla me: «Ngámá, kobho ma!» ³¹ Ma 'li ma me-e, Yesu ato 'kpa e, ani atsia aholo ani ne napa pi ani me: «Ngamʉ, kpála li nabhuka gba e nde yeye, mo osia bua na bhisi bhisi ka ni?» ³² Pipita-a, u a'ʉ'ʉ ndʉ o bhisi hana bhʉ zabʉ-o. Anvi atsia aguo. ³³ Abhomʉ-o, omukpata bhe adʉ iginí bhʉ zabʉ-o akikita lipʉkʉ o kuto kala Yesu. U atsia apa pi ani me: «A na paká me mʉ ne Ndilí gba Ebhe!»

*Yesu akobho okpála na kuo bhʉ
ndu doto na Genedjaleta
(Tsia bhʉ Mlk. 6:53-56.)*

³⁴ Pita li Yesu ne omukpata gba e agulu 'ngu-o lie, u akolo bhʉ ndu doto na Genedjaleta. ³⁵ Okpála na kuti ango-o ambila lie me a ko Yesu-o, u agapa ngali nago ka ani-e bhʉ ndu doto ango-o libhomu. Okpála atsia ago pi ani ne ndʉ obhʉlhʉ kuo hana. ³⁶ U atsia adʉ akikiliki lio pi ani me ani 'o o me o bu nga bha mbo 'kpa o li 'so bongo gba ani-o. Abhomʉ-o, ndʉ obhende hana adʉ abu 'kpa o tété-e adʉ akobho.

15

Kpekebhø pindji dasündu gba omuFalisai

(Tsia bhú Mlk. 7:1-13, 14-23.)

¹ Abhomu-o, omuFalisai di ne omusuno na lili gba Moidje inde ayie bhú Yelusalema anu abhaka Yesu. U atsia ayi ani me: ² «Omukpata gba mu-o ngagumü lili li onguo ogbi ya a'o nani e ka ni? Padhá de, anga u ngavulu 'kpa o kala nazu 'he maka lele li lili-e apa lie ade.» ³ Ani atsia agie pi uo me: «Ala yi-e, yi ngagumü lili gba Ebhe-e ne 'li dasündu gba yi-e ka ni? ⁴ Padhá de, anga Ebhe apa me: <Manga 'dyi mu ne 'hi mu mamanga.> Ani apa di matá me: <Kpála inde agbó nganda 'dyi e, i du di-e 'hi e, a ayo me u bhele ani mabhølø.»[†] ⁵ Engú bini ngayi-e, yi ngapa me: <I du me kpála bini nde apa pi okpála inde azu ani-e me, tia inde a ayo iginí me ni teteke uo ne e, ni a'o pi Ebhe-e, ⁶ kpála angoo matá ne engú namene mamene pi uo ade.» Yi ngagumü lili gba Ebhe-e li ongua okpadji bhomu ngú nakpata lele odasündu gba yi-o. ⁷ Yi ne obhulü kali! Polofeta Isaya pa nani li 'ngú gba yi-e tala me Ebhe apa me:

⁸ <Opiga inde-e ngadhøgø bha ma ne 'bhø-o,
engú bini, bua uo de ma tsutsu.

⁹ Mayo u ngayo ma lie, tata téte ade.
Padhá de, anga nasuno inde u ngasuno e,
a ko bha ndu olili li okpála ngagbe e ngao.[†]>

¹⁰ Pipita-a, Yesu a'i bhti okpála inde adu oo me u dyudyo lio de ni masikpe, ani atsia apa pi uo me: «Yi djedje nga, amba yi ke di mboli engú inde ma adjì apa e inde: ¹¹ A ko de me oehe inde ngali bhú 'bhø kpála ngamene ngae me ani adu bubu kala Ebhe de-e de. Oehe bhe ngakoto bhú 'bhø kpála mangbo ngamene ngae me ani adu bubu kala Ebhe de.»

[†] 15:4 15:4 Tsia bhú Det. 5:16; ne bhú Eki. 20:12, 21:17; di ne bhú Lev. 20:9. [†] 15:9 15:8-9 Tsia bhú Isa. 29:13.

¹² Abhomu-o, omukpata-a adyudyo lio de ani, u atsia apa pi ani me: «Musuno, mu mbila uu me engú mo opa e ake li bua omuFalisai make-e?» ¹³ Ani agie pi uo me: «Ndù 'he hana inde li 'Dyi ma inde abhulá-a lu e ngae de-e, u aluko maluko. ¹⁴ Yi 'o uo: a ko okpála i u 'kpí de inde aholo 'kpa obi o ngú nasuno kpadji pi uo. La-a, i du me kpála i u 'kpí de-e nde aholo 'kpa kilí e ngú nasuno kpadji pi ani-e, ndu uo bhisi hana bála bhú 'dú!»

¹⁵ Piele atsia apa pi ani me: «Kpokpo nga ta gbitaku bhomu-o pi ya.» ¹⁶ Do Yesu de-e: «Ngayi di-e, imbilangü nga bhú yi adi? ¹⁷ Yi mbila de me ndu 'he hana inde ngali bhú 'bhø kpála ngakodho 'kpí abhú 'bu, u tsia bhíke bhú peduo di? ¹⁸ Engú bini, ndu 'he hana inde ngakoto bhú 'bhø kpála ngayie li bua ani. A la bhomu-o bhende i ngamene me ani adu bubu kala Ebhe de-o. ¹⁹ Padhá de, anga bua kpála ngamene ngae me ani du ne mabhundja na sisiti, ani bhele kpála bhú gandji, ani kunda øle, i du di-e bhoko koko, ani kunda olisi, i du di-e obhosí ngangá, ani zi 'he, ani pa 'ngú li obi e ne eu, ani sobho la di kpála. ²⁰ A bhomu-o ndu ongú inde ngamene me kpála adu bubu kala Ebhe de-o. A ko de me nazu 'he mandi navulu 'kpa o ngamene me kpála adu bubu kala Ebhe de-e de.»

Yesu akobho ndili na øøle gba igba Kanana

(Tsia bhú Mlk. 7:24-30.)

²¹ Pipita-a, Yesu ne omukpata gba e ayie li bili bhomu, u atsia anu li pápá na ndu doto li ogudhu na Tile ne Sidona adu bhú e-o. ²² Øle bini du nani nadu bhú ndu doto angoo. A adu nani igba maYuda de, a ko nani naae igba Kanana. Me-e, ani ago abhaka Yesu ne nasusula me: «Ngámá, ndili gba Davidi, dje nga bha-a mbo ndjinga ma! Siti bua

[†] 15:9 15:8-9 Tsia

ngato mbolo li ndili na oele gba ma-a naali.» ²³ Engú bini, Yesu gie engú pi ani belegu de bini. Omukpata gba ani adyudyo lio de ani, u atsia apa pi ani me: «Mésuno, mu ti da namene engú ani ngayo e ka mu-o pi ani di, amba ani 'o nakpata ní ne tolo gba e bhomu-o?»

²⁴ Yesu agie pi uo me: «Ebhe atima bha ma ngú nagili okpála na Isalaele inde maka okandélé inde angita-o.» ²⁵ Engú bini, ele angoo ago atutu lipuku e kuto kala ani ne napa me: «Ngámá, go teteke nga bha mbo ma!» ²⁶ Yesu agie pi ani bhú gbitaku me: «A ndjindji ade me u ha ezú gba ongisi-e, u bhike pi obúlu-o de.» ²⁷ Ólø angoo agie me: «A ko paká Ngámá, la-a, obúlu ngazu okulu 'zú inde ngabala sa misa gba omakulasi oo.» ²⁸ Abhomu-o, Yesu agie pi ani me: «Hi ma-a, nabhuka gba mu-o ngebéngbé! A ayo me Ebhe ha ehe inde mo okunda e pi mu.» Abhomu-o, ndili gba ani-e atsia akobho bha li nedhinga bhomu.

*Yesu aha 'zú pi obhosí kutu badha
(Tsia bhú Mlk. 8:1-10.)*

²⁹ Abhomu-o, Yesu ayie oo, ani atapa lingo ekpé na Galilaya. Ani a'u apí 'ta, ani atsia adu kuto. ³⁰ Okpála bhelé ago abhaka ani. U ago ne okpála adu ne eze li 'dhu o, ne okpála li djila o adu, ne okpála li yá o apu, ne obhe i bhú 'ngú de, la di ne okpála koko bhelé inde adu li o ne kuo. U abu uo bhú li 'dhu Yesu, ani atsia akobho uo. ³¹ Okpála atsia adu angamba naali nedhingga u adu au okpála i bhú 'ngú de-e lie ngagama 'ngú-o, obhe li yá o apu adu lie akólo ne angu-o, nedhingga di li obhe adu ne eze li 'dhu o adu adholo lie ndjindji-o, ne nedhingga li obhe i u 'kpí de-e adu lie au 'kpí-o. U atsia aholo nadhogé Ebhe gba omaIsalaele-o.

³² Abhomu-o, Yesu a'i omukpata gba e-o. Ani atsia apa pi uo me: «Ma ngadje ndjinga bhti okpála inde,

anga akolo mbia inde-e 'kpí bata u bha ngadu de ma si, ehe nazu mazu la matá di ka uo ade. Ma kunda nagie uo gümü de, anga angu uo ti da nandjia li kpadji.» ³³ Omukpata atsia ayi ani me: «Ní ti da nasia mapa na tetete bhú mili bili inde-e su, inde i ti da nale ne bhti okpála inde-e?» ³⁴ Yesu atsia ayi uo me: «A ka yi ne mapa madho?» U agie pi ani me: «A ka ya ne mapa mananika ne mbo odjedje sungu.» ³⁵ Abhomu-o, Yesu apa pi bhti okpála me, u dulu kuto. ³⁶ Ani atsia aha mapa mananika ne osungu-o. Pita nagie hení pi Ebhe-e, ani agugümü, ani aha pi omukpata-o, u atsia agapa li bhti okpála me u zuzu. ³⁷ U azu ndu o hana, u atsia a'u. Omukpata apo bhúla dudu-o, atsia abebedhe okili mananika. ³⁸ Okpála hana inde azu-o, adu obhosí kutu badha mandi nako olisi ne ongisi. ³⁹ Pita li Yesu aha kpadji pi bhti okpála lie, ani a'u bhú zabu, ani atsia atapa bhú ndu doto li gudhu na Magadana adu bhú e-o.

16

*OmúFalisai ne oSadukai ayo ngamba 'ngú ka Yesu
(Tsia bhú Mlk. 8:11-13; di ne bhú Luk. 12:54-56.)*

¹ Abhomu-o, omúFalisai ne oSadukai ago abhaka Yesu. U adu akunda nale ani. Kaka-a, u atsia ayo ka ani me ani mene nga bha ngamba 'ngú bini pi o inde asúno me Ebhe atima ani ngae. ² Ani agie pi uo me: «I kolo tagolo-o, yi pá me: <Ekpi-e adu babadha, anga bhúla 'kpí-e akodho má ngebí, oikupala aze la di bhelé.> ³ I du di-e kékpi-e, yi pá me: <Naki-e, ekpí-e adu sisiti, anga bhúla 'kpí-e mbembe, a la di ne biti.> Yi mbila hana me bhúla 'kpí-e du me-e, a akunda napa pi-ie. La-a, ongú inde ngakodho 'kpí bhú onedhingga inde-e, yi mbila de me akunda napa pi-ie de! ⁴ Okpála na naki inde-e sisiti, u bhuka la di Ebhe ne bua o bini de!

U ngayo ngamba 'ngú. Engú bini, Ebhe méne ngamba 'ngú bini pí uo de, bha bini bhende ani amene nani e li polofeta Djonasi ko.» Pípita-a, Yesu a'o ka uo oo, ani atsia atapa.

Yesu agbele 'dje omukpata gba e li 'ngú gba omufalisai ne oSadukai (Tsia bhú Mlk. 8:14-21.)

⁵ Li Yesu ne omukpata gba e agulu ekpè na Galilaya lie, omukpata-a a'ili 'to o li naha mapa. ⁶ Yesu atsia apa pí uo me: «'E-e! Yi lila liyi ka levile gba omufalisai ne oSadukai-e malila!» ⁷ Abhomu-o, omukpata aholo napa súnda o me: «Ani ngapa mo-o, anga ní go ne mapa de.» ⁸ Engú bini, Yesu ambila engú angoo, ani atsia apa pí uo me: «Nabhuka gba yi-e yeye. Ka ní yi ngapa lie súnda yi me, yi go ne mapa di-e? ⁹ Yi ke nga mboli engú bini di? Yi a'ili 'to yi li mapa bhuluvue inde ma agapa nako e li okpála kutu bhuluvue a'ili? Yi atsia a'ili la di 'to yi me o obebedhe nako okili madhoe ne dudu-o? ¹⁰ La di-e, yi a'ili 'to yi li mapa mananika inde ma agapa nako e li okpála kutu badha a'ili? Yi atsia a'ili la di 'to yi me o obebedhe nako okili madho-ie ne dudu-o? ¹¹ Ma apa igini lie pí yi me yi lila liyi ka levile gba omufalisai ne oSadukai malila-a, ma pa igini bhomu-o engú na mapa de. Yi ke mbolimboli de ka ni?» ¹² Abhomu-o, omukpata-a atsia aké la mboli 'ngú angoo me ani pa engú nalila lie ka levile na mapa de, engú bini, a ko nalila lie ka nasuno gba omufalisai di ne oSadukai ko.

*Piele apa me Yesu ne da-ie
(Tsia bhú Mlk. 8:27-30; di ne bhú Luk. 9:18-21.)*

¹³ Li Yesu ne omukpata gba e akolo lie bhú ndu doto li gudhú na Sedjale gba Filipo adú bhú e-e, ani ayi uo me: «Okpála ngapa me ngama Ndili gba kpála-a, ma ne da?» ¹⁴ U agie

pí ani me: «Pi okpála koko-o, mu ne Djaa bhulú nabatisa okpála. Pi okoko-o, mu ne Eliya. Pi okoko matá-a, mu ne Djelemi, i du di-e súka opolofeta koko.» ¹⁵ Ani apa pí uo me: «A la yi-e, yi ngapa naayi me ma ne da?» ¹⁶ Simo Piele atsia agie pí ani me: «Mu ne Masiya, Ndili gba Ebhe inde uu-o.»

¹⁷ Abhomu-o, Yesu atsia apa pí ani me: «A ko djali pí mu, Simo, ndili gba Djaa, anga ambamba ta engú na kúkúlú inde-e pí mu ne kpála de, engú bini, ambamba tata pí mu ne 'Dyi ma inde abhúlá ko. ¹⁸ Kakaa, ma apa pí mu me a 'li mu me Piele, mu maka teme. Piga gba maa alú pí teme angoo.* Angu kuo kólo téte de. ¹⁹ Ma ahá olifungula na Naú na abhúlá-a pí mu. Ne angu inde ma aha e pí mu bhomu-o, ndu 'he hana inde mo ogbíte e píla doto-o, agbíte bhadi lie abhúlá moko. Ndú 'he hana inde mo obhúlu e píla doto-o, abhúlu bhadi lie abhúlá moko.» ²⁰ Abhomu-o, Yesu atsia aha líli pí omukpata-a me u apá belegu pí kpála bini de me ní ne Masiya-a de.

*Yesu akpo 'ngú pindji nakpi ne nazuku ka e
(Tsia bhú Mlk. 8:31, 9:1; di ne bhú Luk. 9:22-27.)*

²¹ Nayie bhú nedhinga bhomu-o, Yesu aholo nasuno pí omukpata gba e mbámbá me: «A ayo me ma nu bhú Yelusalema. Oo, ma djé likabhu naali sakpa obhelesi okpála, sakpa ongbengbe odimande gba Ebhe, di ne sakpa omusuno na líli gba Moidje-o. U abhéle ma. La-a, bhú 'kpí na bata-a, ma tsia zúku.» ²² Abhomu-o, Piele agbele ani ne li ngongo, ani aholo naboyo ani ne napa pí ani me: «Ngámá, a ayo me Ebhe lila mu! A mo-o ade, engú bhomu-o kólo li mu de!» ²³ Engú bini, Yesu adjí lie, ani atsia apa pí

* ^{16:18} 16:18 Piga gba ma-a alú pí teme bhomu: A akunda napa me Piga gba Ebhe-e alu pí 'li Piele inde ani apa e me Yesu ne Masiya, Ndili gba Ebhe inde uu-o. Tsia bhú Mat. 16:16, di ne bhú Efe. 2:20.

Piele me: «Yie oo ko, Satana ! Mu ne ndjukudu li kpadji gba ma-o. Padhá de, anga omabhundja gba mu-o, a ko bhende gba Ebhe-e de, engú bini, a ko bhende gba okpála.»

A ayo namene ni ngú nakpata Yesu-o?

²⁴ Abhomu-o, Yesu atsia apa pi omukpata gba e me: «I du me kpála bini nde akunda bha nakpata ma na paká-a, a ayo me ani 'o nabhundja 'ngú gba e makpe. A ayo me ani bi kulusi gba[†] e-o, amba ani kpata ma. ²⁵ Padhá de, anga i du me kpála nde akunda nalila mukobho gba e, ani kpí. I du la me kpála nde atse 'kpa li mukobho gba e ngubula ma-a, ani sia mukobho na küküll. ²⁶ La di-e, i du me kpála nde asia ndu 'he hana na doto, engú la bini, ngaani makpe ani kpi-e, ani asia bhúbhú mangua 'he dho? Kpála ti da nakala mukobho gba e ka Ebhe ne mangua 'he dho? ²⁷ Padhá de, anga Ndili gba kpála agó ne oandjelu gba e bhú sangu gba 'Dyi e-o. Abhomu-o, kpála ne kpála tsia sia mbini kulu gba e sakpa ani nakpata lele kulu inde ani amene e-o. ²⁸ Ma apa pi yi na paká me, okpála koko bhú ká obhende inde si-e, mu padhá de, u au ngaiza nago gba Ndili gba kpála maka 'ngbé ngámá kalanu.»

17

*Zi Ebhe asa Yesu ngbalina
(Tsia bhú Mlk. 9:2-13; di ne bhú Luk. 9:28-36.)*

¹ Pita ekpí madhia, Yesu aha Piele, ne Djaki ne ndai e Djaa. Ani anu ne uo titi o apí 'ndjá 'ta. ² Bha si me-e, ani adjie lie kala uo kpi. Bhúla ani aholo nasu má ngbi ngbi ngbi maka zi 'ndji 'la! Obongo li kute ani-e, akolo bububu maka zi 'kpí. ³ Kolo me-e, Moidje ne Eliya aze li uo, u atsia aholo agama 'ngú ne ani. ⁴ Abhomu-o, Piele atsia apa pi Yesu me: «Ngámá, a ndjindji me ní dñu si.

sí. I du me mu nde akunda-a, ma yíki 'ti ngbangbalí bata: bini pi mu, bini pi Moidje, bini pi Eliya.»

⁵ Nedhinga ani adu nga bha lie nagama 'ngú-o, ndindi inde adu li e ne zizi-e ago abuku uo hana. Me-e, eli akoto bhú ndindi ango-o atsia apa pi uo me: «Kpála inde-e ne Ndili gba ma na mukunda. Engú gba ani-e nga li ma naali. Yi dje ani!» ⁶ Li omukpata adje lie mo-o, u adje tsúlu naali. Kaka-a, u atuko kuto, u atsia atutu bhúla o bhú doto. ⁷ Abhomu-o Yesu adyudyo lie de uo, ani a'o 'kpa e li kute uo, ani atsia apa me: «Yi yie bhúlái! Yi adjé tsúlu de!» ⁸ Na'e djila o ka uo me-e, u u kpála bini de, u au bha Yesu kpi e kpi. ⁹ Nedhinga u adu naké eta-a lie, Yesu atsia aha líli inde-pi uo me: «Yi apá engú inde yi au e pi kpála bini de, nakolo bha li nedhinga li ngama Ndili gba kpála ma azúku lie ko.»

¹⁰ Abhomu-o, omukpata ayi ani me: «Ka ni li omusuno na líli gba Moidje ngapa lie me, a ayo me Eliya go ngaiza kala me Masíya go-o?»

¹¹ Ani agie me: «A moko, Eliya agó mago, ani tsia léke ndu 'ngú hana ndjindji. ¹² Engú la bini, ma apa pi yi me Eliya ago nani ago. Okpála mbila ani de, engú bini, u amene ndu 'ngú hana li kute ani maka u akunda lie. A ayo me ngama Ndili gba kpála ma dje bhadi likabhu ka uo moko.» ¹³ A la bhomu-o, nambila ka omukpata-a me ani adu akpo 'ngú pi o pindji Djaa bhúlú nabatisa okpála.

*Yesu akobho ndili bini na bhobhoko li siti bua adu nadu bhú e
(Tsia bhú Mlk. 9:14-29; di ne bhú Luk. 9:37-43a)*

¹⁴ Yesu ne omukpata gba e bata aké eta-o. U akolo lie de kambi okpála-a, kpála bini adyudyo lie de Yesu. Ani atutu lipuku e kuto kala ani, ¹⁵ ani atsia apa pi ani me: «Ngámá, dje nga mbo ndjinga ndili gba ma na bhobhoko-o. A li ani ne kuo na gbúlú magbúlú. A ngagbo 'i

[†] 16:24 16:24 Nabi kulusi gba e: A ko naziba nazu likabhu di ne nakpi kabula Yesu.

ani bhú djua, i dú di-e bhú 'ngu píko. Aní ngadje likabhu naali. ¹⁶ Ma anú ne aní pi omúkpata gba mú-o, la-a, u tì da nakobho aní de.» ¹⁷ Do Yesu de-e: «Ngayi-e, nabhuka gba yi-e su? Yi ne okpála na sisiti. Ma adú bhú dabili bini ne yi akólo bhú mangua nedhingga dho? Ma akibila yi akólo bhú mangua nedhingga dho? Yi go ne aní muma ei.» ¹⁸ U ago pi aní ne ndíli-o. Yesu ambe bhú 'ndjì siti bua-o, siti bua ango-o atsia akoto bhú ndíli-o. Nayie bha li nedhingga bhomú-o, ndíli ango-o atsia akobho.

¹⁹ Abhomú-o, omúkpata-a adyudyo lio de Yesu, u atsia ayi aní me u nde ne uo kpi o kpi me: «Músuno, ka ni ngaya makpe ya ti ìgini da nagbe siti bua bhomú-o lie di-e?» ²⁰ Yesu agie pi uo me: «A ko anga nabhuka gba yi-e mbomboyé. Padhá de, anga ma apa pi yi na paká me, i dú me li nabhuka gba yi-e dú nga bha bhú 'ngbé lie maka lí kündju-o, yi de pá pi eta inde-e me: <Yie si, nü aoo>, i tsia nü oo. Kpéke da 'ngú de dú pi yi de. [²¹ La di-e, ngua siti bua bhomú-o tí da nakoto bha ka mayo bhú dabili bini ne natse 'zü ngú nayo Ebhe.]»

Yesu akpo 'ngú pindji nakpi ne nazuku ka e bhutsibhutsi na bhisi
(Tsia bhú Mlk. 9:30-32; di ne bhú Luk. 9:43b-45.)

²² Ekpí bini, Yesu ne omúkpata gba e anú apo bhúla o ndú o hana abhú ndu doto na Galilaya. Aní atsia apa pi uo me: «A ayo me u pü ma Ndíli gba kpála pi okpála na doto, ²³ amba u bhéle ma, engú bini, bhú ekpí na bata-a, ma tsia zúku.» Abhomú-o, bua omúkpata atsia asia likabhu naali.

Yesu akala mandjandja na 'ngbé 'ti Ebhe gba omaYuda-o

²⁴ Yesu ne omúkpata gba e akolo bhú Kapalanauma. Li u akolo lie oo-o, okpála atsitsindjì mandjandja na 'ngbé 'ti Ebhe gba omaYuda-a adyudyo lio de Piele, u atsia ayi aní me: «Músuno gba yi-e kakala naae

mandjandja na 'ngbé 'ti Ebhe-e di?» ²⁵ Piele agie me: «A mo ade, aní kala makala.» Li Piele ali la lie abhú 'ti-e, Yesu akpo nagama 'ngú ngae. Aní ayi Piele me: «Simo, mo obhundja pi? A kakala mandjandja, i dú di-e otakisi gba ongbengbe ongámási na doto da, ne me a ko ongisi gba uo, ne me a ko okpála koko?» ²⁶ Piele agie me: «A kakala ne okpála koko.» Abhomú-o, Yesu atsia apa pi aní me: «I dú mo-o, ongisi gba ongámási kála naao de, anga uo bhú ngú o. ²⁷ La-a, ngú napa me bua okpála inde-e asíti de-e, nü abhú ekpé. Bhike engbe bhú 'ngu. Sungu na kalanu inde mo ogbé e, bhulu 'bhé aní. Mo obháka oo lí falanga bini. Haha, amba mú ha pi uo, ngubula ní ne mú.»

18

A ngbéngbé bhú Naú na abhúlá-a da?

(Tsia bhú Mlk. 9:33-37; di ne bhú Luk. 9:46-48.)

¹ Bhú nedhingga bhomú-o, omúkpata adyudyo lio de Yesu, u atsia ayi aní me: «A nga ngbéngbé bhú Naú na abhúlá-a da?» ² Yesu a'i mboye ndíli bini, aní a'o aní tü uo, ³ aní atsia apa me: «Ma apa pi yi na paká me, i dú me yi nde li bua yi de, yi ké liyi ne kuto ngú nakolo maka ongisi na djedjedje de-e, yi lí belegú bhú Naú na abhúlá-a de. ⁴ Padhá de, anga gagala 'ngú bhú ndíli ade. Kaka-a, kpála bhende i ngaké lie ne kuto maka mboye ndíli inde-e, kpála ango-o ngbéngbé bhú Naú na abhúlá-a ngae.»

Yi ató okpála koko bhú siti 'ngú de

(Tsia bhú Mlk. 9:42-48; di ne bhú Luk. 17:1-2.)

⁵ Yesu atsia apa matá pi omúkpata gba e me: «Kpála bhende asia nga bha belegú kpála bhende ngaké lie ne kuto maka mboye ndíli inde-e ka 'li ma-a, kpála ango-o ngasia bhomú-o ma makpe. ⁶ Engú bini, li kpála bini to súka ongisi bini inde abhuka

ma-a bhú siti 'ngú-o, a ndjindji pi ani me u gbite ngingi tangulu ani, amba u bhike ani bhú 'ngbé 'ngu. ⁷ A ko likabhu pi okpála na doto, anga a ne ongú bhelé inde ngato uo bhú siti 'ngú! A moko, engú na sisiti néke galikpe 'kpí bini de, engú la bini, a ko likabhu pi kpála inde i ngayie ka e ko!

⁸ I du me 'kpa mu, i du di-e 'dhú mu nde ngato mu bhú siti 'ngú-o, mu de kodho, amba mu bhike de mu tsutsu. Padhá de, anga a ndjindji pi mu nali bhú mukobho na kúkulu ne ekpa bini, i du di-e edhú bini. Bhabhomu-o ane ne bádha me u bhike mu ne 'kpa mu bhisi, i du di-e ne 'dhú mu bhisi hana bhú djua na dudu'ma! ⁹ I du di me lí djila mu bini inde ngato mu bhú siti 'ngú-o, mu de gbe, amba mu bhike de mu tsutsu. Padhá de, anga a ndjindji pi mu nali ne djila mu bini bhú mukobho na kúkulu. Bhabhomu-o ane ne bádha me u bhike mu ne djila mu bhisi hana bhú djua na dudu'ma!»

Gbitaku gba kandolé inde angita (Tsia bhú Luk. 15:3-7.)

¹⁰ Yesu atsia apa matá pi omukpata gba e me: «'E-e! Yi au súka okpála inde ngaké lio ne kuto maka ongisi inde-e padhá de, anga ma apa pi yi me abhúlá-a, oandjelu gba uo ngalú ndu nedhinga hana kala 'Dyi ma. [¹¹ Padhá de, anga ngama Ndili gba kpála ma ago nani ngú nakobho kpála bhende angita ko.]

¹² Yi ngabhundja pi? Li kpála bini du ne okandolé kámá bini-e, li súka uo bini ngita-a, ani 'ó ká obhende ndjikpa odukpabini ne ká odukpabini-e apí 'ta di, ani tsia nú nagili bhende angita-a di? ¹³ I du la me ani nde au ani au-o, ma apa pi yi na paká me, ani bédhe ne djali bedhe ane djali inde ani nde ne e ngú obhende ndjikpa odukpabini ne ká odukpabini inde i ngita naao de

[†] 18:16 18:16 Tsia bhú Det. 19:15.

ko. ¹⁴ A moko, 'Dyi yi inde abhúlá-a kúnda de me súka okpála inde ngaké lio ne kuto maka ongisi inde-e ngita belegu de bini.»

Naleke 'ngú súnda o ne ondaise o

¹⁵ Yesu apa matá pi omukpata gba e me: «Li ndai mu mene mu sisiti-e, mu de nu bhaka ani, amba mu suno siti 'ngú gba ani-e pi ani me yi nde bhisi ka yi ne ani. Ani dje mu-o, amba mo osia ndai mu asia. ¹⁶ Ani dje mu de-e, mu de nu, mu ha kpála bini, i du di-e okpála bhisi, amba engú ango-o lu li 'li okpála bhisi, i du di-e okpála bata[†] maka li Bhuku gba Ebhe apa lie ko. ¹⁷ Ani dje uo de-e, mu de pa engú ango-o bhú Piga gba Ebhe. I du la me ani nde ayala nadje belegu okpála na Piga gba Ebhe-e, a ayo me ani kolo pi mu maka mupagano, la di maka ndembí na mandjandja.

¹⁸ Ma apa pi yi na paká me, ndu 'he hana inde yi agbíte e píla doto-o, a agbíte bhadi lie abhúlá moko. Ndu 'he hana la di yi abhúlu e píla doto-o, a abhúlu bhadi lie abhúlá moko.»

Nayo bhú dabili bini

¹⁹ Do Yesu pi omukpata gba e de-e: «Ma apa matá pi yi me, i du me píla doto, okpála bhisi bhú ká yi inde adje lio ngú nayo 'he, abana i du bha mangua 'he dho-ie, 'Dyi ma inde abhúlá-a há ehe ango-o pi uo. ²⁰ Padhá de, anga bili inde li okpála bhisi, i du di-e okpála bata apo bhúla o lie ne 'li ma-a, ma bhú ká uo oo.»

Yi mbu li ondaise yi

²¹ Abhomu-o, Piele adyudyo lie de Yesu, do ani pi ani me: «Ngámá, li ndai ma mene siti 'ngú li pabili gba ma-a, ma de mbu li ani bhútsibhútsi madho? A apise li bhútsibhútsi mananika?» ²² Yesu agie pi ani me: «Ma pa pi mu de me a apise li bhútsibhútsi mananika-a de, engú bini, a apise li bhútsibhútsi ndjikpa mananika bhútsibhútsi mananika.»

²³ A bhadi moko, Nañ na abhúlá-a, a maka tsingú gba 'ngbé ngámá bini ìnde akündá nani naleke 'ngú na tia gba e ne okpála na kulu gba e-o. ²⁴ Kalanú-o, u ago pi ani ne bhe bini ìnde adu ne tia gba ani-e bhelé na kuo kuo. ²⁵ Li tia du la lie ka ani ngú nagigie de-e, ngámá-a atsia aha lili me u tsindji ani, ne wala ani, ne ongisi gba ani, la di ne ndu 'he gba ani-e hana, amba ni sia tia gba ni-e bhúbhú. ²⁶ Abhomú-o, kpála na kulu-o ati bhú li 'dhú ani, ani atu 'ndj*i* e ne kuto, ani atsia akikiliki lie pi ani me: <Du nga mbo ne 'ndjá bua li pabili gba ma, ma agié ndu tia gba mu-o hana.> ²⁷ Ngámá adje ndjinga ani, ani ambu li ndu bopulu gba ani-e hana. Ani atsia a'o ani me ani núnú.

²⁸ Li kpála na kulu ango-o akoto lie, ani akø lie ne súka kili e na kulu-o bini. Kpála ango-o adu ne bopulu gba ani na lí falanga kámá bini má kpíkili! Ani ati li ngúlú kpála na bopulu gba e bhomú-o má gbu! Ani aholo nafelé ngúlú ani me ni ngabhele ani ne napa pi ani me: <Gie falanga gba ma ìnde ka mu ko.>

²⁹ Kilí ani ango-o ati bhú li 'dhú ani, ani aholo nakikiliki lie pi ani me: <Du nga mbo ne 'ndjá bua li pabili gba ma, ma agié pi mu magie.>

³⁰ Engú bini, bhe koko ayala. La matá pépé-e, ani aha ani, ani anu ne ani me u to ani bhú tìkpú akólo bha bini li ani agié bopulu gba e lie-o.

³¹ Li obi ani koko au lie mo-o, u adje likabhu li bua o naali. Kaka-a, u anu akpokpo ndu 'ngú bhomú-o hana maka a akodho 'kpí lie pi ngámá gba o-o.

³² Abhomú-o, ngámá gba ani-e atsia apa me u 'i ani. Do ngámá-a pi ani de-e: <Mu ne siti kpála na kulu! Ma ambu li ndu bopulu gba mu ìnde-e hana, anga mo okikiliki lìmu múma. ³³ Ngamú di-e, a ayo iginí de me mu dje di ndjinga kilí mu maka ngama makpe ma adje

ndjinga mu lie di?> ³⁴ Bua ngámá-a ake naali. Ani aha ani, ani anu ne ani pi okpekpeke obhos*i* me u mene ani kpekpeke, ngú nakolo bha bini li 'kpí ìnde ani agié ndu bopulu gba e lie hana ko.

³⁵ 'Dyi ma ìnde abhúlá améne bhadi pi yi moko, i du me kpála ne kpála nde mbu li ndai e ne bua e hana de ko.»

19

*Yesu asuno pindji nagbo bhúsú o
bhú kúva
(Tsia bhú Mlk. 10:1-12.)*

¹ Nedhinga li Yesu andjia nagama ongú bhomú-o lie, u ayie ne omukpata gba e bhú ndu doto na Galilaya. U atsia anu bhú ndu doto na Yudaya ìnde lingo ngade 'ngu na Djuludani-o. ² Bhití okpála akpata ani oo. Abhomú-o, ani atsia akobho okpála na kuo ìnde adu bhú ká uo-o.

³ OmúFalisai koko adyudyo lio de ani. U atsia ayi ani ngú nale ani me: «Lili gba ní-e aziba pi bhoko uu me ani gie wala e abana i du bha mangua 'ngú dho-ie?» ⁴ Ani agie me: «Yi tanga nga engú li Bhuku gba Ebhe-e apa e de me nani li lilita-a, Ebhe abho uo ele ne bhoko-o di?[†]

⁵ Bhuku ango-o atsia apa matá me: ka 'ngú ango-o, bhoko a'ó ká 'dyi e ne 'hi e, ani tsia dhédhe li wala e. Ndú uo bhisi hana tsia kólo koli kpála bini.[†] ⁶ Kaka-a, ma apa pi yi me, uo matá bhisi ade. Engú bini, u akolo koli kpála bini. A ayo de me kpála gbo bhúsú 'he ìnde li Ebhe agbite e de!» ⁷ Abhomú-o, omúFalisai ayi ani me: «Ka ni la li Moidje aha nani lili lie me bhoko ha balúa nagbo bhúsú e pi wala e nedhinga ani agie ani lie?» ⁸ Yesu agie me: «Moidje aha nani kpadji pi yi ngú nagie olisi gba yi-e ka kpéke 'ndj*i* gba yi-o. Engú la bini, a li lilita-a, adu nani mo-o de. ⁹ Ma apa pi yi me: i du me kpála nde agie wala e, a nde de me ele ango-o akündá gala

[†] 19:4 19:4 Tsia bhú Dje. 1:27, 5:2. [†] 19:5 19:5 Tsia bhú Dje. 2:24.

bhoko de-e, i du me kpála ango-o nu ha ele koko-o, kpála ango-o akunda bhomu-o ele koko.»

¹⁰ Omukpata-a apa pi ani me: «I du me lili gba bhoko li pabili gba wala e nde mo-o, tata li na ha lio ade.» ¹¹ Ani agie pi uo me: «Ndú okpála hana ke mboli engú bhomu-o de, bha bini obhende li Ebhe aka kpadji pi o téte-o. ¹² A ne engú bheldé bheldé inde nga'o me kpála dudu bhú lingbangi. Pi okpála koko-o, u azu uo me angu na ele nde bhú uo ade. Pi okoko, okpála asiti uo ngao. A la di ne okoko i ha olisi de, ngubula na'o lio kpi ngubula Naú na abhúlá. A ayo me kpála inde ati da nake mboli nasuno inde-e, ani ke mbolimboli keke.»

*Yesu atuko bisagu pi ongisi
(Tsia bhú Mlk. 10:13-16; di ne bhú Luk. 18:15-17.)*

¹³ Abhomu-o, okpála ago pi Yesu ne ongisi ngubula me ani 'o 'kpa e pi 'ndji uo, amba ani yo Ebhe pi uo. Engú bini, omukpata aholo nayoko okpála ango-o. ¹⁴ Yesu atsia apa pi omukpata-a me: «Yi 'o ongisi bhomu, u go bhaka ma, yi ayóko uo de, anga Naú na abhúlá pi okpála bhende li bua o nde maka ongisi ko.» ¹⁵ Ani a'o 'kpa e pi 'ndji uo, pipita-a, ani atsia ayie li bili bhomu-o.

*Bhulú tia bini ayi 'ngú pindji mukobho na dudu'ma
(Tsia bhú Mlk. 10:17-31; di ne bhú Luk. 18:18-30.)*

¹⁶ Abhomu-o, makombi bini adyudyo lie de Yesu. Ani atsia ayi ani me: «Musuno, a ayo me ma mene mangua bádha 'ngú dho ngú nasia mukobho na dudu'maa?» ¹⁷ Yesu agie pi ani me: «Mu ngayi ma pindji bádha 'ngú ka ni? Koli bádha kpála bha bini. I du me mu nde akunda nali bhú mukobho na dudu'maa, lila olíli-e malila.» ¹⁸ Makombi ango-o ayi Yesu me: «Olíli bhedho?» Yesu agie pi ani me: «Mo obhéle kpála de, mo okunda

ele, i du di-e bhoko koko de, mo ozí 'he de, mo opá 'ngú li kili mu bhú djila okpála ne eu de. ¹⁹ Manga 'dyi mu ne 'hi mu mamanga. Kunda kili mu maka mo okunda limu lie ngamu makpe-o.† ²⁰ Makombi-e apa pi ani me: «Ndú 'he bhomu-o hana, ma amene. A aneke matá ma ne bhedho?» ²¹ Yesu apa pi ani me: «I du me mu nde akunda nadu ngingbili-e, nu tsindji ndu 'he inde ka mu-o hana, amba mu ha tia ango-o pi obhulá ndibhili. Abhomu-o, mu tsia sia tia abhúlá. Pipita-a go kpata ma!» ²² Li makombi bhomu-o adje 'ngú bhomu-o lie, ani agie lie ne likabhu naali, anga tia adu naní ka ani na mugwe mugwe.

²³ Abhomu-o, Yesu atsia apa pi omukpata gba e me: «Ma apa pi yi na paká me, da nali ka bhulá tia bhú Naú na abhúlá-a kpekpeke. ²⁴ Ma amata apa pi yi ne toto me da nali ka enu maka eya li gudho mwsana kpekpeke. La-a, da nali ka bhulá tia bhú Naú gba Ebhe-e ane la matá ne kpéke.» ²⁵ Li omukpata adje eli bhomu-o lie, u angamba na kuo kuo. U adu apa me: «I du mo-o, a ati la ibili da nakobho da?» ²⁶ Yesu atsia uo, ani atsia apa pi uo me: «Pi okpála-a, a tí da namene lie de, engú bini, pi Ebhe-e, a tí da namene lie.»

²⁷ Abhomu-o, Piele atsia ayi ani me: «Musuno, djedje nga. Ngaya-a, ya a'o ká ndu 'he hana ngú nakpata mu. Engú bhe gba ya-a adú lele e pi?» ²⁸ Yesu agie pi omukpata-a me: «Ma apa pi yi na paká me, nedhinga li doto adjí lie lie na mbia-a, Ndili gba kpála adú pi kitin na asasaua gba e-o. Ngayi obhe akpata ma-a, yi tsia dú di pi okiti na ngámá ndjikpa ne ká bhisi ngú nakodho 'ngú gba opiga ndjikpa ne ká bhisi gba omañsalaele ko. ²⁹ La di-e, kpála ne kpála inde a'o ká oeti gba e, i du di-e ondaise e na obhosibhosí ne obhe na olisilisi, i du di-e 'dyi e ne 'hi e, i du di-e ongisi gba e, i du di-e edyi gba e

† **19:19** 19:18-19 Tsia bhú Eki. 20:12-16; ne bhú Det. 5:16-20; di ne bhú Lev. 19:18.

ngübula 'li ma-a, ani asia matá koko bhelé. Ani tsia sia di mukobho na duduma. ³⁰ Yi mbila ndjindji me, bhelé na obhende mbia inde-e ne okpála na kalanu-o, akólo okpála na asidi, li obhende mbia inde asidi-e, tsia kólo okpála na kalanu.»

20

Gbitaku gba bhulù 'dyi vino ne okpála na kulu gba e

¹ Abhomu-o, Yesu atsia apa matá me: «Yi gbo nga 'dje yi. Naú na abhálá mana lie ne tsingü gba bhulù 'dyi bini. Bhulù 'dyi ango-o akoto agba e kékpi má bhé ngübula naha okpála ngú kulu na edyi na vino gba e-o. ² Ani au uo lie, u adje lio ne uo me ni ahá kuo 'kpa pi uo li lele kulu na ekpí bini. Ani atsia atima uo ngú nanu amene kulu abhiye na vino gba e-o. ³ Ani akoto matá bhú saa na odukpbabini na kékpi. Ani au okpála inde alulù li bili bini bhomu-o mandi kulu. ⁴ Ani pi uo me: <Ngayi di-e, yi nu abhiye gba ma-o. Kuo 'kpa ma ahá e pi yi-e, adú li lelele.> ⁵ Abhomu-o, u atsia agbida oo. Bhulù 'dyi-e akoto matá tulukpe. Pipita-a, ani akoto matá bhú saa na bata pita tulukpe. Ndú nedhingga ani adú akoto lie hana, ani adú abhaka okpála koko alulù li bili bini bhomu. U adje lio ne uo, ani atsia apa pi uo me u nu abhiye gba ni ko.

⁶ Nakolo matá bhú saa na bhuluvue pita tulukpe-e, ani akoto. Ani abhaka okpála koko alulù oo. Ani atsia ayi uo me: <Yi alulù si ngbolo 'kpí libhomu mandi kulu ka ni?> ⁷ Do uo pi ani de-e: <A ko anga kpála bini ha ya bhú kulu de.> Ani pi uo me: <Ngayi di-e, yi nu mene kulu abhiye na vino gba ma-o.>

⁸ Li ekpí akolo lie tagolo-o, bhulù 'dyi-e apa pi kapita gba e me: <'I okpála na kulu-o, amba mu ha kuo 'kpa gba kpála ne kpála pi e, nayie li obhe ago sidi ngú nabu soso li obhe ago igini kalanu-o.> ⁹ Obhe akpo igini lita kulu bhú saa na bhuluvue

pita tulukpe-e ago. Kpála ne kpála atsia asia kuo 'kpa maka u adje igini lio ne uo lie-o. ¹⁰ Li obhe ago igini kalanu-o ago lie, u abhundja naao me o osia tia bhelé nane obhe ago igini sidi-o. Engú bini, ngauo di-e, kpála ne kpála asia kuo 'kpa aviti bini ne obhe ago igini sidi-o. ¹¹ U adú asisia lie, u aholo adi mutokono li bhulù 'dyi-o. ¹² U adú apa me: <Okpála inde-e ago sidi. U amene kulu bha koli saa bini má kpkili, la-a, mu ngaha uo aviti bini ne ya, ngaya okpála inde andala ne kulu ngbolo 'kpí libhomu bhú ke ku 'la!>

¹³ Engú bini, bhulù 'dyi-e agie pi súka uo me: <Olia ma, mu ti da nadi mutokono de. Ma aha tia gba mu-o pi mu maka ni adje igini liní ne mu lie-o. ¹⁴ Ha tia gba mu-o, tatapa. Ma tí da naha pi obhende ago sidi-e bha maka ma aha pi mu lie-o. ¹⁵ Mu mbila de me ma ti da namene ne tia gba ma-a maka ma akunda lie di? Ne me mu ngatsia ma ne ndje djila ka ma amene okpála bhe ago sidi-e lie ndjindji-e!> ¹⁶ Yesu atsia abu tata-a me: <Okpála inde asidi-e akólo okpála na akalanu, li okpála na kalanu-o tsia kólo okpála na asidi.>

*Yesu apa matá bhutsibhutsi na bata engú nakpi
ne nazuku ka e
(Tsia bhú Mlk. 10:32-34; di ne bhú Luk. 18:31-34.)*

¹⁷ Li Yesu adú lie nanu bhú Yelusalema-a, ani a'i omukpata gba e de e titi o. Ani atsia apa pi uo me: ¹⁸ «Yi djedje nga! Ni adji bhú Yelusalema, bili inde u apú ma Ndili gba kpála lie pi ongbengbe odimande di ne omusuno na líli gba Moidje-o. U akódho 'ngú gba ma-a me ma kpi bha makpi. ¹⁹ U apú ma pi okpála inde ne omaYuda ade ngübula me u mu ma. U abhí ma ne fimbo, u tsia gí ma li kulusi. La-a, ekpí na bata-a, ma tsia zúku.»

*Mayo gba wala Djebedayo
(Tsia bhú Mlk. 10:35-45.)*

20 Abhomu-o, wala Djebedayo adyudyo lie de Yesu bhú dabili bini ne ongisi gba e bhisi na obhosibhosí, Djakí ne uo ne Djaa, inde adu nani omukpata gba Yesu-o. Ani atu 'ndji e ne kuto kala Yesu ngú nayo 'he ka anि. **21** Yesu ayi anि me: «Mo okunda me ma mene pi mu ni?» Ani agie pi Yesu me: «Tsia nga ongisi gba ma bhisi inde. Ha lili me u dulu bhú Naü gba mu-o: bhe bini li pá 'kpa mu na kokpa, bhe koko li pá 'kpa mu na galí.» **22** Do Yesu de-e: «Yi mbila ehe inde yi ngayo e de. Yi ti da nazu likabhu inde ma azú e uu?» U agie me: «Ya ti da nazuzu.» **23** Yesu atsia apa pi uo me: «A moko, likabhu ma azú e, yi azú mazu. La-a, ngú nadu ka yi li pá 'kpa ma na kokpa ne bhe na galí-e, a ko 'ngú ka ma nakodho 'ngú téte de. Obili bhomu-o pi okpála inde li 'Dyi ma aleke pi o ko.»

24 Li omukpata bhe ndjikpa adje 'ngú bhomu-o lie, u ake 'ngú lio pi omukpata bhe bhisi bhomu-o. **25** Abhomu-o, Yesu a'i ndu omukpata hana me u go de ni. Ani atsia apa pi uo me: «Yi mbila ndjindji me ongámási na doto a'o omaha o pi o ma'o, ongbengbe okpála adele omaha o sa 'dhú o. **26** A ayo de me a du bhú ká yi mo-o de. A ayo mangbo me i du me kpála nde akunda nadu 'ngbé kpála bhú ká yi-e, anि de du kpála na kulu gba yi. **27** La di-e, li kpála bini kunda nadu kpála na bini bhú ká yi-e, anि de du bali gba yi-o. **28** A badi moko, ngama Ndili gba kpála ma go ngú napa de me okpála mene kulu lio pi ma-a de. Engú bini, ma ago mangbo ngubula namene kulu líma pi okpála, amba ma ha di mukobho gba ma-a maka tia ngú nagbegbe okpála bheldé bhú siti 'ngú gba o-o.»

Yesu akobho okpála bhisi inde i u 'kpí de
(Tsia bhú Mlk. 10:46-52; di ne bhú Luk. 18:35-43.)

29 Nedhinga li Yesu ne omukpata gba e adu akoto lie bhú gudhu na Djeliko-o, bhti okpála atsia akpata ani. **30** Abhaka me okpála bhisi inde i u 'kpí de-e nde adulu lingo kpadji oo. U adje me Yesu ngakodho 'kpí bhomu-o ngae. Abhomu-o, u aholo nasusula me: «Ngámá, ndili gba Davidi, dje ndjinga ya!» **31** Bhti okpála bhomu-o adu ambembe bhú 'ndji uo ngubula me u ndjili má bulu! Engú bini, u aholo matá nasusula kpekpeke me: «Ngámá, ndili gba Davidi, dje ndjinga ya!» **32** Abhomu-o, Yesu alu. Ani a'i uo. Ani atsia ayi uo me: «Yi akunda me ma mene pi yi mangua 'ngú dho?» **33** Do uo pi anि de-e: «Ngámá, mene me djila ya u 'kpí.» **34** Yesu adje ndjinga uo, anि abu 'kpa e li djila uo. Ma gala kolo me-e, u aholo nau 'kpí. Abhomu-o, u atsia akpata anि.

21

Yesu ali bhú Yelusalema
(Tsia bhú Mlk. 11:1-11; ne bhú Luk. 19:28-40; di ne bhú Dja. 12:12-19.)

1 Yesu ne omukpata gba e akolo masikpe de Yelusalema. U adu ibili de kuti na Betefadje, li ngba 'ta na ondula na Olive. Abhomu-o, Yesu atsia atima omukpata bhisi bhú ká omukpata gba e-o. **2** Ani apa pi uo me: «Yi nu bhú kuti inde kala yi aoo. Yi akólo lie oo, yi abháka kolo me u nde agbite punda na eele bini, la di ne ndili punda bini bhú dabili bini ne anि. Yi bhulu uo, amba yi go ne uo muma. **3** Li kpála bini yi yi me yi adjie uo su-oie, yi de gie me: «Ngámá ne gamu uo.» Abhomu-o, anि 'ó bha kolo me yi nu ne uo nanu.» **4** Engú bhomu-o améne lie mo-o ngubula me engú inde li polofeta apa nani e, amene lie. Polofeta apa nani me:

5 «Yi pa pi okpála na Siona me:
«Yi tsitsia nga, 'ngbé ngámá gba yi-e ngago agba yi.
Ani aké lie ne kuto.»

Kaka-a, ani adu pí 'ngbu ndili punda.[†]»

⁶ Omukpata-a anu, u atsia amene maka li Yesu apa pi uo lie-o. ⁷ U ago ne ndili punda ne 'hi e. U aha okoti gba o-o, u abu pí 'ngbu uo. Abhomu-o, Yesu atsia adu pí 'ngbu ndili punda-o. ⁸ Bhti okpála na bhibhiti apa okoti gba o kuto li kpadji. Okoko adu atsolo 'kpá ngulu, u atsia adu napapa li kpadji. ⁹ Bhti okpála inde adu adholo kala ani di ne obhende adu nakpata ani-e adu asusula me:

«Odjana* pi ndili gba Davidi!

A ayo me bisagu du pí kpála inde ngago ne 'li Ngámá-o!

Odjana pi Ebhe inde abhúlá-o![†]

¹⁰ Li Yesu ali lie bhú Yelusalema-a, gudhu-o adimba madimba. Okpála adu ayi me: «A ko da?» ¹¹ Bhti okpála atsia adu agie me: «A ko polofeta Yesu, kpála na Nadjaleta bhú ndu doto na Galilaya.»

Yesu apandja okpála natsindji 'he bhú 'ngbé 'ti Ebhe gba omaYuda

(Tsia bhú Mlk. 11:15-19; ne bhú Luk. 19:45-48; di ne bhú Dja. 2:13-22.)

¹² Pipita-a, Yesu ali bhú 'ngbé 'ti Ebhe gba omaYuda-o. Ani apandja ndu okpála hana inde adu natsindji onu di ne odhu inde u adu aha o pi Ebhe, a la di-e obhende adu akakala kilidjo. Ani abala omisa gba okpála nayipa falanga, di ne odabili gba okpála natsindji opidjo-o kuto.

¹³ Abhomu-o, ani atsia apa pi uo me: «U aye bhú Bhuku gba Ebhe-e me, Ebhe apa me, <u a'í eti gba ma-a me a ko eti na mayo.> La ngayi-e, yi adji, a tsia akolo bili gba obhulu 'zil![†]»

¹⁴ Abhomu-o, okpála inde i u 'kpí de ne obhende na eze-e adyudyo lio de ani bhú 'ngbé 'ti Ebhe gba omaYuda, ani atsia akobho uo. ¹⁵ Li ongbengbe odimande gba Ebhe , di

ne omusuno na lili gba Moidje au ongamba 'ngú inde ani amene e lie, la di ne ongisi inde adu asusula bhú 'ngbé 'ti Ebhe gba omaYuda me: «Odjana pi ndili gba Davide», u asia siti bua . ¹⁶ Abhomu-o, u atsia ayi Yesu me: «Mu ngadje engú inde li ongisi bhomu-o ngapa e uu?» Yesu atsia agie pi uo me: «Heni, ma ngadjedje hana. Yi tanga nga engú inde li Davidi apa nani e bhú Bhuku gba Ebhe-e belegu de bini? Davidi apa nani me, Ebhe amene me belegu ongisi na djedjedje ne obhende ngandji 'ka toko ni.[†]» ¹⁷ Pipita-a, ani a'o ká ongbengbe odimande di ne omusuno na lili gba Moidje-e bhú gudhu oo. Ani atapa bhú kuti na Betania, ani atsia asi oo ko.

Yesu atu pedjø li 'lá figi inde i li klí de

(Tsia bhú Mlk. 11:12-14, 20-24.)

¹⁸ Kekpí li ekpí aseke lie, li Yesu aholo nagie matá lie lie abhú gudhu-o, ani aholo nadje gumu.

¹⁹ Abhomu-o, ani au 'lá figi dengo 'hi-kpadji. Ani adyudyo lie dede masikpe, engú bini, ani bhaka 'he bhúbhú belegu de bini, bha bini ndu mbulu kpákpá padhá. Ani atsia apa pi ndula na figi-e me: «Mu lí matá lili belegu de bini!» Kolo me-e, 'lá figi a'ulü hana má kekele! ²⁰ Li omukpata au lie mo-o, u angamba naali, u atsia ayi Yesu me: «Lele pi li 'lá figi-e a'ulü bha lie ma 'li mu-o?» ²¹ Do Yesu pi uo me: «Ma apa pi yi na paká me, i du me yi nde ne nabhuka , yi du ne bua na bhisi bhisi de-e, yi méne bha bini engú inde ma amene e li kute 'lá figi-e de. Engú bini, yi ti da napa belegu pi eta inde-e me: <Yie oo, amba mu nu ti bhú ngade 'ngu>, i tsia méne lie moko. ²² I du me yi nde ne nabhuka-a, ndu 'he hana inde yi ayó e bhú mayo-o, yi ásia masia.»

* 21:5 21:5 Tsia bhú Djkl. 9:9. * 21:9 21:9 Odjana: A akunda napa bhú eli gba oebele me «Sangu .» Tsia bhú Ets. 118:25-26. † 21:9 21:9 Tsia bhú Ets. 118:25-26. † 21:13 21:13 Tsia bhú Isa. 56:7; di ne bhú Djlm. 7:11. † 21:16 21:16 Tsia bhú Ets. 8:3.

*A ngaha angu pi Yesu da?
(Tsia bhú Mlk. 11:27-33; di ne bhú Luk. 20:1-8.)*

²³ Yesu akolo lie bhú gudhú-o, ani alí matá bhú 'ngbé 'ti Ebhe gba omaYuda-o. Aní atsia aholo nasuno pi okpála. Abhomú-o, ongbengbe odimande gba Ebhe, ne obhelesi okpála adyudyo lio de ani. U atsia ayi ani me: «A aha kpadji pi mu ngú namene ongú inde-e da? A aha la di angu ango-o pi mu ngánga da?» ²⁴ Yesu agie pi uo me: «Ngama di-e, ma ayí yi li koli engú bini. I du me yi nde agie 'ngú mëma tété-e, ma tsia pá di pi yi me ma ngamene ehe inde-e ne mangua angu dho-ie.

²⁵ Ma ngayi yi me: «A aha nani kpadji pi Djaa ngú nabatisa okpála da? Ne me aha nani kpadji pi ani ne okpála, ne me aha kpadji pi ani ne Ebhe?» U atsia aholo natoto bua o súnda o me: «I du me ní nde apa me: «A aha kpadji pi ani ne Ebhe-e», ani yí ní me: «Ka ní la yi bhuka nani ani lie de-e?» ²⁶ I du la di me ní nde apa me: «A aha kpadji pi ani ne okpála-a», ní de tsia 'kpí liní ka okpála-a ndjindji, anga ndu okpála hana du nani nau Djaa me a ko polofeta.» ²⁷ Abhomú-o, u atsia agie pi Yesu me: «Ya mbila de me aha nani kpadji pi ani da-ie de.» Ngaani di-e, ani atsia apa pi uo me: «Ngama-a, ma pá di pi yi de me aha angu mëma ngú namene ongú inde-e da-ie de.»

Gbitaku pindji ongisi bhisi

²⁸ Yesu atsia ayi matá me: «Yi apa nga naayi li 'ngú inde-e pi? Kpála bini adu nani ne ongisi gba e bhisi. Aní anu abhaka bhe na kalanú-o, ani atsia apa pi ani me: «Ndíka ma, naki-e, nu mene kulu abhiye na vino.» ²⁹ Ndili agie me: «Ma nu de.» Pipita-a, ani adjí bua e, ani atsia anu abhiye-o. ³⁰ 'Dyi uo anu apa di pi bhe na bhisi-e me ani nu abhiye na vino-o. Bhabhomú-o agie pi ani me: «Ma adjí, 'dyi ma.» La-a, ani tsia nu de. ³¹ Bhú ká ongisi bhisi bhomú-o, a amene engú inde li 'dyi

uo adu akunda e da?» U agie me: «Bhende na kalanú-o.» Yesu atsia apa pi uo me: «Ma apa pi yi na paká me, ondembí na mandjandja, di ne obambakuya alí pi yi kalanú bhú Naú gba Ebhe-o. ³² Padhá de, anga Djaa ago agba yi ne nasuno pi yi kpadji na ngbili 'ngú , yi tsia bhuka ani de. Engú bini, ondembí na mandjandja di ne obambakuya atsia abhuka ani. Abana yi au ndu 'ngú bhomú-o hana lie ne djila yi-e, ngayi-e, yi bhuka ani de.»

Gbitaku pindji osisiti okpála na kulu

(Tsia bhú Mlk. 12:1-12; di ne bhú Luk. 20:9-19.)

³³ Yesu atsia apa matá me: «Yi dje nga matá gbitaku koko inde. Bhulú bili bini alu nani ngu vino, ani asa ngongo-o hana ne aga. Aní adjí edú ngú napi olílí-e bhúbhú, ani atsia ayiki 'ndjá 'ti abhúlá bhúbhú ngúbulu nalila edyi-o. Pipita-a, u adje lio ne okpála ngú namene kulu bhú 'dyi-o, amba o du agbó bhúsú o ne uo li nguwa-o. Abhomú-o, ani atsia atapa dhukú. ³⁴ A akolo lie li nedhinga nako lílí-e, ani atima okpála na kulu gba e agba okpála inde ngamene kulu bhú 'dyi vino me u ha nguwa bhe gba ni-e pi ni haha.

³⁵ Engú bini, okpála namene kulu bhú 'dyi vino azumu bha okpála ango-o hana. Bhe bini-e, u abhí ani má kpu! Bhe koko-o, u abhélè ani, bhe na bata-a, u atutulú ani ne teme. ³⁶ Abhomú-o, bhulú 'dyi-e atima matá okpála na kulu koko bhelé nane obhende na kalanú-o mane. U amene bhadi uo moko. ³⁷ Alí soso-o, ani atima ndili gba e agba okpála ango-o ne nabhundja me: «U amánga ndili gba ma-a mamanga.» ³⁸ Engú bini, li okpála namene kulu bhú 'dyi vino au ndili-e lie, u apa súnda o me: «Kukulú kpála inde atígala la ndju ne edyi-e ngae inde. Yi gógo, ní bhélè ani, amba ní tigala ibili ne edyi-e nganí!» ³⁹ Abhomú-o, u ati pi ani má kii! U

aha ani, u agbe ani bhú 'dyi na vino-o, u atsia abhele ani.

⁴⁰ Mbia inde-e, nedhingga li bhúlú 'dyi vino agó lie, ani améne ngú okpála na kulu bhomú-o pi?»

⁴¹ U agie pi ani me: «Ani abhili omabhebhéle kpála bhomú-o hana, ani djé ndjinga uo de. Pipita-a, ani há 'dyi vino pi okpála koko ngú namene kulu bhúbhú, obhende ahá nguwa pi ani bhú nedhingga u adje lio ne uo li e-o.»

⁴² Yesu atsia apa pi uo me yi ngagama 'ngú mugito me yi tanga nga engú inde li Bhuku gba Ebhe-e apa e belegü de bini. Bhuku gba Ebhe-e apa li 'ngú gba Masiya me: «Teme inde li okpála nayiki eti-e au me a ne tata ade-e, a akolo teme inde abi eti-e libhomu-o ngae.

Ebhe Ngámá amene mo-o ngae.

Bhú djila ní-e, a ko 'ngú na ngangamba!†»

⁴³⁻⁴⁴ Kpála bhende atí pi teme ango-o, ani gúgumú. Kpála bhende la di li teme ango-o atí pi e, teme ango-o bá mbu ani má mbu! Ka yi au teme li Bhuku gba Ebhe-e apa 'ngú e lie padhá-a, ma apa pi yi me, ngayi-e, Ebhe ani 'bhe bhoti na Naú gba e pi yi mani, ani tsia bhúlú pi okpála bhende ngamene engú inde ani akúnda e-o.

⁴⁵ Li ongbengbe odimande di ne omúFalisai adje gbitaku ango-o lie, u atsia aké mbolimboli me ani de ngagama 'ngú bhomú-o pindji o. ⁴⁶ U aholo agili kpadji ngú naholo ani, engú bini, u adú ne tsúlú ka okpála, anga okpála adú au me a ko polofeta.

22

Gbitaku pindji 'ngbé anokomia na kúva

(*Tsia bhú Luk. 14:15-24.*)

¹ Abhomú-o, Yesu apa matá gbitaku pi okpála ani adú akpo 'ngú pi o-o me: ² «Yi tsia nga engú inde

li Naú na abhúlá akpo 'ndji e ne e-o: A maka tsingü gba 'ngbé ngámá bini inde amene anokomia na kúva pi ndili gba e na bhobhoko. Ani atsia a'i okpála bhú anokomia ango-o. ³ Ekpí na anokomia ale lie, ani atima okpála na kulu gba e na'i okpála inde ani a'i o me u go bhú anokomia ango-o. Engú bini, u zíba nago li e'i ango-o de.

⁴ Ani atima matá okpála na kulu koko. Ani aha líli pi uo me u nu pa pi okpála ani a'i o-o me: «Mbia inde-e, ma alü ezü gba ma-a alü. Ma abhili obagala gba ma ne onu na tsíkpa abhili, ndéndu hana ibili bedhe. Yi go bhú anokomia ango-o gogo!» ⁵ Engú bini, ngauo-o, u adje bha ne 'dje o. U atsia agbida bhú ongú gba o. Bhe bini aholo ne enú abhú 'dyi gba e, koko bhú natsindji mase gba e. ⁶ Okoko aholo okpála na kulu inde u atima o-o, u amene uo kpekpeke, u atsia abhili uo. ⁷ Li 'ngbé ngámá-a adje lie, ani abi 'gú naali. Abhomú-o, ani atsia atima osúdha gba e me u bhili omabhebhéle kpála bhomú, amba u to di djua li gudhú gba uo-o.

⁸ Pipita-a, ani atsia apa pi okpála na kulu gba e me: «Anokomia na kúva-a bedhe. Engú bini, okpála ma a'i o-o ti matá da nago bhúbhú de. ⁹ Kaka-a, yi nu li odi kpadji, yi 'i ndú okpála inde yi abháka o hana, amba u go zu 'he-o.» ¹⁰ Okpála na kulu bhomú-o aze li okpadji. U atsia apo bhúla okpála bhende u adú abhaka o-o hana, obabadha okpála di ne osisiti okpála. U anú ne uo bhú 'ti na anokomia-o. Abhomú-o, tina 'ti na anokomia atsia abedhe ne uo bedhe.

¹¹ Abhomú-o, 'ngbé ngámá-a ali bhú 'ti na anokomia ngubula nat-sia okpála inde ani a'i o-o. Ani au kpála bini inde i dyi bongo na anokomia de. ¹² Ani ayi kpála ango-o me: «Wai, mo olí ei lele pi me mu nde dyi bongo na anokomia di-e?»

† 21:42 21:42 Tsia bhú Ets. 118:22-23.

Kpála ango-o andjili bha má bulu!
¹³ Abhomu-o, 'ngbé ngámá-a apa pi okpála na kulu-o me: «Yi gbigbite 'kpa ani ne 'dhú ani, amba yi bhike ani bhú biti akilidjo. Oo-o, ani adú aku 'gbá ne nazú tate e.»»

¹⁴ Yesu atsia abu tata-a me: «A moko, Ebhe a'i okpála bhelé, engú la bini, obhende ani alo o-o, uo bhelé ade.»

Omufalisai ato Yesu pindji nakala mandjandja gba 'ngbé ngámá Kaisala

(Tsia bhú Mlk. 12:13-17; di ne bhú Luk. 20:20-26.)

¹⁵ Abhomu-o, omufalisai anu nadi bula ngubula nagili kpadji ngú nateke Yesu li 'li e. ¹⁶ U atsia atima té omukpata gba o bhú dabili bini ne okpála gba Elode ngubula napa pi Yesu me: «Músuno, ya mbila ndjindji me mu ngapa ngibili 'ngú. Mu ngasuno bhadi kpadji gba Ebhe-e ngbingbili. Tsulú kpála belegu li mu ade bini, anga mu tsia di engbé gba kpála de. ¹⁷ Mu ngabhundja naamü pi? A ayo me ya kala mandjandja gba 'ngbé ngámá Kaisala ne me ya kala de. Pa nga pi ya.» ¹⁸ Engú bini, li Yesu ambila siti kali gba uo-o lie, ani atsia apa pi uo me: «Obhulú kali inde-e, ka ni yi ngato ma lie? ¹⁹ Yi suno nga falanga inde u akakala mandjandja ne e muma.» U atsia ago pi ani ne lí falanga bini. ²⁰ Yesu atsia ayi uo me: «Kulu kpála, ne balua inde pi lí falanga inde-e, a ko naa da?» ²¹ U atsia agie pi ani me: «A ko naa Kaisala.» Abhomu-o, ani atsia apa pi uo me: «Yi ha oehe bhende li Kaisala ngayo e pi Kaisala, amba oehe bhende li Ebhe ngayo e, yi ha pi Ebhe.» ²² U adje lie mo-o, u angamba naali. U a'o ká ani, u atsia agbida.

OSadukai ayi 'ngú pindji nazuku ka okpála

(Tsia bhú Mlk. 12:18-27; di ne bhú Luk. 20:27-40.)

† 22:32 22:32 Tsia bhú Eki. 3:6.

²³ Bha li 'kpí bhomu-o, oSadukai ago abhaka Yesu. (Ngauo-o, u ngapa naao me okpála inde amu-o zúku de.) U atsia ayi Yesu me: ²⁴ «Músuno, Moidje apa naní me: «I du me bhoko bini kpi me ani nde zu ongisi de-e, ndai ani na bhobhoko-o bhe aké pita ani-e de ha eké ani ngubula nazú ongisi pi ndai e inde akpi-o.» ²⁵ Gbo nga la 'dje mu. Obhosí mananika adú nani agba ya. A adú nani ondaise. Bhebhele-e aha ele, ani atsia akpi me ani nde zu de. Bhende aké pita ani-e atsia aha eké ani-o. ²⁶ Bhende na bhisi bhomu-o akpi bhadi moko, ani nde zu de. A aké li bhende na bata, nakolo makolo li bhende na mananika-o. Ndú uo hana amu me u nde zu de. ²⁷ Pita namu ka ndú uo hanaa, ele-o atsia akpi di. ²⁸ Li 'kpí li okpála inde amu-o azúku lie, bhú ká obhosí mananika bhomu-o, ele bhomu-o adú naa da? Padhá de, anga ndú uo hana aha nani ani.»

²⁹ Yesu atsia agie pi uo me: «Yi angita, anga yi ke mboli engú li Bhuku gba Ebhe-e ngapa e de. Yi mbila di angu gba Ebhe-e de. ³⁰ Padhá de, anga li okpála inde amu-o azúku lie, olisi ne obhosí há lio de. Engú bini, u adú ibili maka oandjelu abhulá. ³¹ Pindji 'ngú bhende atsia nazuku ka okpála inde amu-o, yi tanga nga eli gba Ebhe-e di? Ebhe apa nani pi yi me: ³² «Ngama-a, ma ne Ebhe inde li onguo ogbi yi Abalahama, Isaka, ne Yakobho ngamene kulu lio pi e ko.» Ebhe-e, a ko Ebhe gba okpála bhende amu-o ade. Engú bini, a ko Ebhe gba okpála inde uu ko.»† ³³ Ndú okpála hana inde adje engú bhomu-o angamba naali li nasuno gba ani-o.

Nasuno pindji líli inde ane ne engbé

(Tsia bhú Mlk. 12:28-34; di ne bhú Luk. 10:25-28.)

³⁴ Abhomu-o, Yesu atsia agbite 'bhé oSadukai ne engú ani agie e pi

uo-o. Lí omuFalisai adje lie mo-o, u anu apo bhúla o de ani. ³⁵ Suka uo adu müssuno na lili gba Moidje . Ani adu akunda nato Yesu. Kaka-a, ani atsia ayi ani me: ³⁶ «Müssuno, bhú ká olíli-e, bhende ane ne engbé-e ngae dho?» ³⁷ Yesu atsia agie pi ani me: «A ayo me kunda Ebhe, Ngámá gba mu-o ne bua mu hana, ne mukobho gba mu-o hana, di ne mabhundja gba mu-o hana.†» ³⁸ A bhomu-o lili inde ane ne engbé, inde di lili na kalanu-o. ³⁹ Bhende pipita, inde bhadi ngebéngbé maka bhe na kalanu-o ngae inde: «A ayo me kunda kilí mu maka mo okunda limu lie ngamu makpe-o.†» ⁴⁰ Engú li u aye e bhú lili gba Moidje ne bhende li opolofeta aye e hana alu pí olíli bhisí bhomu.»

*Masiya ne Ngámá gba Davidi
(Tsia bhú Mlk. 12:35-37; di ne bhú Luk. 20:41-44.)*

⁴¹ OmuFalisai adu nga bha nagama 'ngú ne Yesu. Ani atsia ayi uo me: ⁴² «Yi ngabhundja pindji Masiya pi? A ko ndili ka da?» U atsia agie pi ani me: «A ko ndili ka Davidi.» ⁴³ Yesu atsia ayi uo me: «I du mo-o, lele pi li Davidi, bhú angu gba Bu Bhopua-a nga'i Masiya lie me Ngámá gba ni-e? Padhá de, anga Davidi apa nani me:

⁴⁴ «Ebhe Ngámá apa pi Ngámá gba ma-a me:
go du li pá 'kpa ma na kokpa,
amba ma mene me mu ha angu
obhulu yala gba mu-o.†»

⁴⁵ I du la me Davidi nde nga'i Masiya me «Ngámá gba ni-e», lele pi li Masiya ti da nadu lie ndili ka ani-e?» ⁴⁶ Abhomu-o, kpála bini tsia du ne eli nagigie pi ani li 'ngú ani ayi e de. Nayie li 'kpí bhomu-o, kpála bini tsia le matá nayi ani li 'ngú belegu de bini.

† 22:37 22:37 Tsia bhú Det. 6:5. † 22:39 22:39 Tsia bhú Lev. 19:18. † 22:44 22:44 Tsia bhú Ets. 110:1.

23

*Yesu apa me yi améne 'ngú maka omüsuno na lili gba Moidje di ne omuFalisai-e de
(Tsia bhú Mlk. 12:38-39; di ne bhú Luk. 11:43, 46, 20:45-46.)*

¹ Abhomu-o, Yesu apa pi bhití okpála di ne omukpata gba e me: ² «Kulu gba omüsuno na lili gba Moidje di ne omuFalisai-e , a ko nambamba ta olíli gba Moidje pi okpála. ³ Kaka-a, yi mene ndu 'ngú hana inde u apá e pi yi-o, amba yi tsia lila di ndjindji. Engú la bini, yi akpáta kulu gba uo-o de, anga engú u ngapa e, u mene maka u ngapapa lie de. ⁴ U ngagbite titili 'he na titili, u nga'o'o de-ngulu okpála. La-a, ngauo makpe, u ngayala na'o nga bha téte ndjili 'kpa o ngú nateteke okpála li tili 'he inde u a'o e de-ngrulu uo-o. ⁵ Ndu 'ngú gba uo hana, u ngamemene me okpála u o mau. Kaka-a, u ngaye 'li Ebhe ne baba djila balua, u ngagbigbite pidi o ne li 'kpa o. U la di ngadu 'so kandju gba o ndjandjandja ane mane. ⁶ U ngakunda nadulu bhú dá oanokomia li bili gba ongbengbe okpála, u kunda di nadulu bhú otí nadje lili gba Moidje li bili inde li okpála adu au o lie mau. ⁷ U kükunda me u du nayi o bhú oda-poso, di ne me okpála du a'i o me «Müssuno.»

⁸ Pi yi-e, yi améne de me okpála du a'i yi me «Müssuno-o» de. Padhá de, anga yi bha ne koli Müssuno bini, yi la bhadi ndu yi hana ne ondaise .

⁹ Yi a'i kpála bini píla doto de me «Dyi yi-e» de, anga koli 'dyi yi bha bini ngae inde abhúlá ko. ¹⁰ Yi améne di de me okpála du a'i yi me «Ngámá-a» de, anga koli Ngámá gba yi-e bha bini ne Kilisito . ¹¹ A ayo me kpála inde ane ne engbé bhú ká yi-e du kpála na kulu gba yi ko. ¹² Kpála bhende a'o lie ngae makpe ne abhúlá-a, u aké ani ne akuto.

Kpála bhende a'ó la lie ngae makpe ne akuto-o, u a'e'e ani ne abhúlá.»

*Yesu ambamba ta kali gba omusuno na lili gba Moidje di ne omuFalisai-o
(Tsia bhú Mlk. 12:40; di ne bhú Luk. 11:39-52, 20:45-47.)*

¹³ Yesu apa matá me: «A ko likabhu pi yi, omusuno na lili, di ne omuFalisai. Yi ne obhúlu kali! Padhá de, anga yi ngani 'bhe bhoti na Naú gba Ebhe-e pi okpála. La ngayi-e, yi li oo de, yi ka la di kpadji pi obhende akunda nali-e de. [¹⁴ *]

¹⁵ A ko likabhu pi yi, omusuno na lili di ne omuFalisai. Yi ne obhúlu kali! Padhá de, anga yi ngadholo ne ndu bili hana píla doto ne pi 'ngbé 'ngu ngubula me gandji kpála bini bhuka lili gba Moidje-o. I du la me ani nde abhuka-a, yi ngamene me ani kolo kpála na djua na dudu ma nane yi bhútsibhútsi bhisi.

¹⁶ A ko likabhu pi yi, djila yi adudu. Yi la ngale me yi suno kpadji pi okpála! Yi ngapa me: <I du me kpála nde atu silika ne 'li 'ngbé 'ti Ebhe gba omaYuda-a, engú téte ade. Engú la bini, i du me kpála nde atu silika ne 'li olo na 'ngbé 'ti Ebhe gba omaYuda-a, a ayo me kpála ang-o mene engú inde ani atu silika ngú e-o.> ¹⁷ Ngayi-e, yi ne ongingi, djila yi adudu! A ane ne engbé ne bhedho? Ne me a ko olo, ne me a ko 'ngbé 'ti Ebhe inde ngamene me olo-o kolo bubu kala Ebhe-e? ¹⁸ Yi ngapa matá me: <I du me kpála nde atu silika ne 'li bili natsulu enu pi Ebhe-e, engú téte ade. Engú la bini, i du me kpála nde atu silika ne 'li enu inde u ngatsulu e pépé-e, a ayo me kpála ang-o mene engú inde ani atu silika ngú e-o.> ¹⁹ Ngayi-e, djila yi adudu! A ane ne engbé ne bhedho? Ne me a ko enu inde u ngatsulu e pi Ebhe,

ne me a ko bili inde ngamene me enu ango-o kolo bubu kala Ebhe-e? Ndúndu hana viti bini.

²⁰ Kaka-a, kpála bhende ngatu silika ne 'li bili natsulu enu-o, ani bhomu-o ngatutu ne 'li bili natsulu enu, la di ne 'li ndu 'he hana inde pépé-o. ²¹ La di-e, kpála bhende ngatu silika ne 'li 'ngbé 'ti Ebhe, ani bhomu-o ngatutu ne 'li 'ngbé 'ti Ebhe, di ne 'li Ebhe inde ngadu bhúbhú ko. ²² Kpála bhende ngatu la di silika ne 'li kokpi-e, ani bhomu-o ngatutu ne 'li kitu na ngámá gba Ebhe, la di ne 'li Ebhe inde ngadu pépé-o.

²³ A ko likabhu pi yi omusuno na lili di ne omuFalisai. Yi ne obhúlu kali! Padhá de, anga yi ngaha belegu bini bhú ká ndjikpa na oulu na babadha sese. La-a, ongbengbe 'ngú inde li lili-e ngasuno e pindji nakodho 'ngú li lelele bhú dabili bini ne bua na ndjinga, a la di-e namene engú inde li Ebhe akunda e, yi ngauu padhá. A la bhomu-o engú inde a ayo me yi de amene e, me yi nde 'ili di 'to yi li okoko de ko. ²⁴ Ngayi-e, djila yi adudu, Yi la ngale me o suno kpadji pi okpála! Yi ngapandja ondjindji bhú 'he nandji mandji gba yi-o. La-a, yi ngabhi enu maka eya libhomu bhú 'bu yi má ngbi!

²⁵ A ko likabhu pi yi omusuno na lili di ne omuFalisai. Yi ne obhúlu kali! Padhá de, anga yi ngavulu kute okópo ne osaani gba yi-e má ngbi, la-a, ohe inde yi nga'o e bhúbhú-o, a ko ohe inde yi asia e li kpadji na ezi bhú dabili bini ne kündu 'he inde bhú yi-o. ²⁶ Ngayi omuFalisai-e, yi u 'kpí de! Yi vélü ngaiza bhú kópo-o ngubula me kükute kolo di babadha.

²⁷ A ko likabhu pi yi omusuno na lili di ne omuFalisai. Yi ne obhúlu kali! Padhá de, anga yi maka olata inde u apulu embú pi e, inde i

* ^{23:14} 23:14 Lukuluku inde-e, a bhú obhuku koko na didili u aye e bhú eli na giliki ade. [A ko likabhu pi yi, omusuno na lili di ne omuFalisai. Yi ne obhálu kali! Padhá de, anga yi ngabha ndu 'he inde ka oekesi-e hana. Yi la di ngayo Ebhe ngengele bhú djila okpála, amba u u me yi ne obabadha okpála. Kaka-a, u akódho 'ngú gba yi-e kpekpeke naali!] Tsia bhú Mlk. 12:40.

ngau lie akilidjo babadha. Engú bini, abhúbhá abedhe ne tsagala biki okpála bhende amu di ne ondu 'he na sisiti hana. ²⁸ A bhadi pi yi moko. Bhú djila okpála-a, yi ngau liyi me yi ne okpála na ngingbili. La abhú yi-e, yi abedhe ne kali di ne ongú na sisiti bedhe.

²⁹ A ko likabhu pi yi omusuno na lili di ne omuFalisai. Yi ne obhulú kali! Padhá de, anga yi ngaleke olata opolofeta ndjindji, yi di ngaye obabadha tele li olata okpála na ngingbili-o. ³⁰ Yi la ngapa me: «Ya dú nani bhú 'kpí odyi ya u-o, ya de kpetsé 'kpa ya ne uo ngú nabhili opolofeta de.» ³¹ Kaka-a, yi ngakpokpo bhomu-o engú gba yi makpe, me yi ne ongisi gba okpála inde abhili opolofeta-o! ³² Atoú! Yi bedhe 'bhe engú li odyi yi akpo nani lita e bebedhe! ³³ Yi ne okpulu, yi ne piga ombúma! Yi anéke mangimbo nanu bhú djua na dudu ma lele pi?

³⁴ Kaka-a, yi djedje nga: ma ngatima opolofeta ne obhulú imbilangú, la di ne okukulú omusuno na lili pi yi. Yi abhili okoko bhú ká uo, yi gi okoko li kulusi. Yi abhí okoko ne fimbo bhú oeti nadje lili gba yi-o, yi tsia nú ne nato mbolo li okoko bhú gudhú bini ne bini. ³⁵ Yi améne mo-o ngubula me ngute ndu okpála na ngingbili hana inde yi abhili nani o pila doto libhomu-o tuko pi 'ndji yi. Padhá de, anga yi abhili nani okpála na ngingbili bhelé, nayie li Abele, nakolo li Djakalia, ndili gba Balasi-o. Yi abhelo nani Djakalia bhú mbadhasu na 'ngbé 'ti Ebhe, sonda bili natsulu enu pi Ebhe ne titina na bubu-o. ³⁶ A moko, ma apa pi yi me ndu 'ngú bhomu-o hana atuko pi 'ndji okpála na naki inde.»

Yesuaku 'gbá ngú okpála na Yelusalema
(Tsia bhú Luk. 13:34-35.)

³⁷ Yesu apa matá me: «Ngayi okpála na Yelusalema, ngayi okpála na Yelusalema, ngayi-e, yi ngabhili

opolofeta, yi la di ngabhili okpála inde li Ebhe atima o pi yi-e ne teme! A ko bhutsibhutsi madho, ma akunda napo bhúla ongisi gba yi-e lie maka li 'hi 'ngú apopo bhúla ongisi gba e lie sa mbudha e? La-a, yi tsia kunda de! ³⁸ Kaka-a, kuti gba yi-e atigala padhá. ³⁹ Padhá de, anga ma apa pi yi me nayie pi mbia inde-e, yi ú matá ma belegu de bini akólo li 'kpí inde yi apá lie me: «A ayo me Ebhe tuko bisagu pi kpála inde ngago ne 'li ani-o!†»

24

Yesuapa me u agúgumu 'ngbé 'ti Ebhe gba omaYuda-a kuto

(Tsia bhú Mlk. 13:1-2; di ne bhú Luk. 21:5-6.)

¹ Abhomu-o, Yesu akoto bhú 'ngbé 'ti Ebhe gba omaYuda-o. Li ani aholo ne 'nú lie, omukpata gba ani atsia adyudyo lio de ani ngú napana pi ani maka li 'ngbé 'ti Ebhe gba omaYuda-a ayiki lie lie-o. ² Yesu atsia apa pi uo me: «Yi ngau ndu 'he bhomu-o hana? Ma apa pi yi na paká me, ekpi bini akólo makolo, u agúgumu 'ngbé 'ti Ebhe-e hana kuto. Teme bini tigala pi kili e de.»

Engú inde akólo kala sokpí-o
(Tsia bhú Mlk. 13:3-13; di ne bhú Luk. 21:7-19.)

³ Abhomu-o, Yesu anu adu kuto pi 'ta na ondula na Olive. Omukpata gba ani-e adyudyo lio de ani, u atsia ayi ani me u nde ne uo kpi o kpi me: «Musuno, pa nga pi ya, engú mu de ngapa e bhomu-o améne lie nadho? Ehe inde asúno nago ka mu-o ne ni? Ehe inde asúno la di me sokpí-e akolo ne ni?» ⁴ Yesu agie pi uo me: «'E-e! Yi lila liyi me kpála bini apite yi de. ⁵ Padhá de, anga okpála bhelé agó ne 'li ma. U adú abhi 'kpa o pi mbulu o me o ne Masiya, u tsia pite okpála bhelé naali. ⁶ Yi adjé tolo egú ne ngali 'ngú na egú.

† 23:39 23:39 Tsia bhú Ets. 118:26.

'E-e! Yi adjé tsəlu de, anga a ayo me ndu 'ngú bhomu-o hana mene lie. Engú bini, a nga bhomu-o sokpí-e de. ⁷ Padhá de, anga okpála na kuti bini ahá 'gú pi okpála na kuti koko, li ngámá na kuti bini há 'gú pi ngámá na kuti koko. Adyindí adú li obili ngangá, li adjigidjo dyíki doto li obili ngangá. ⁸ Ndu 'ngú bhomu-o adú maka likabhu inde adúdu kala nazu ka ele.

⁹ Abhomu-o, ndu okpála hana ayála yi ka 'li ma, u apú yi me u mene yi sisiti. U tsia bhili yi. ¹⁰ Li okpála bheldé bhú ká yi 'ó ká nabhuka gba o. U apú ngbángá o súnda o, u tsia yála di lio súnda o. ¹¹ Opolofeta na eu azé bhibhití naali, u tsia píte di okpála bheldé. ¹² Siti 'ngú abé ndu e naali, li mukunda gba okpála bheldé tsia bí zini. ¹³ La-a, kpála bhende alú kpekpeke bhú nabhuka nakolo makolo ali soso-o, kpála ango-o tsia kóbho. ¹⁴ U akpókpo Bádha NgaliNaú na abhúlá inde-e píla doto libhomu, amba ndu opiga hana mbila 'ngú tété ndjindji. Pipita-a, li sokpí-e tsia kólo.»

Okpála azú likabhu naali kala sokpí-o

(*Tsia bhú Mlk. 13:14-23; di ne bhú Luk. 21:20-24.*)

¹⁵ Yesu atsia apa matá pi omukpata gba e me: «Yi aú kpála u a'i e me <'Ngbé Siti bhúlú nabhélə kuti>, inde li polofeta Danyele apa nani engú gba e adú bhú tina 'tí na bubu inde bhú 'ngbé 'tí Ebhe gba omaYuda-o. A ayo me kpála inde atánga engú nani li Danyele aye e bhomu-o ke mbolimboli ndjindji!†

¹⁶ Abhomu-o, obhende abháka o abhú Yudaya-a, a ayo me u kpe apí oeta. ¹⁷ Kpála bhende abháka e kilidjo-o, a ayo de me ani djidji matá lie ngú nanu nabha oehe inde abhú 'tí gba e de. ¹⁸ Kpála bhende abháka e abhiye-e, a ayo de me ani gie matá lie asidi ngú naha koti gba e

de. ¹⁹ A ko la mangua likabhu dho pi olisi inde adú ne ebhi di ne obhende adú a'o 'ka bhú 'bhé ongisi li 'kpí ango-o!

²⁰ Yi yo Ebhe me ekpí nakpe ka yi-e adú bhú nedhinga na zini di ne li 'kpí naguo gba omaYuda-a de. ²¹ Padhá de, anga a adú 'ngbé likabhu na ngbéngbé, inde li okpála u nga e de, nayie maka li Ebhe abho nani kokpí ne doto lie, nakolo pi mbia inde. Okpála ú la matá di galikpe ngua likabhu ango-o belegú de bini. ²² Ebhe amene me oekpí ango-o adú ngengele de. I dú me Ebhe gbételé oekpí ango-o de-e, kpála bini de kóbho de. La-a, ani agbételé oekpí ango-o kabula okpála bhende ani alo o-o. ²³ Li nedhinga bhomu-o, li kpála bini pa pi yi me: <Yi tsitsia nga, Masiya si-i>, i dú di-e me: <Ani abhe-e>, yi abhúka ani de. ²⁴ Padhá de, anga omasiya na eu di ne opolofeta na eu azé bheldé. U améne ongú na ngbengbengbe di ongú na ngangamba ngubula napite okpála. Li angu uo kólo makolo-o, u de píte belegú okpála inde li Ebhe alo o ko. ²⁵ Kaka-a, ma apa engú ango-o pi yi kalanu.

²⁶ A moko, i dú me u nde apa pi yi me: <Yi tsitsia nga, Masiya abhú mili bili-e>, yi anú oo de. U pa di pi yi-e me: <Yi tsitsia, ani awo lie ki>, yi abhúka de. ²⁷ Padhá de, anga maka li ekpí andjendjengene lie nayie andjongu nakolo akati-e, nago ka ma Ndili gba kpála-a adú bhadi moko. Ndu okpála hana au ne djila o. ²⁸ A viti bini maka bili li kuo 'he nde lie me okpála nde mbila de-e, okpála ambíla ka odhu inde azuzu kuo apékébhé bhadi bhúla o lie dede-o.»

Yesu akpokpo lele nago ka e-o
(*Tsia bhú Mlk. 13:24-27; di ne bhú Luk. 21:25-28.*)

† 24:15 24:15 Tsia bhú Dan. 9:27, 11:31, 12:11.

²⁹ Yesu atsia apa matá me: «Pita likabhu na oekpí bhomu-o, ma 'li ma me-e, biti abúku bhála ela libhomu, epe sú matá-a de, oikupala abála kuto, li oangu na abhúlá tsia dyíki má djigi djigi!†

³⁰ Abhomu-o, ehe bini inde asúno me ngama Ndili gba kpála ma ngago-o akóto abhúlá. Ndú okpála hana píla doto libhomu adú bhú 'gbá. U tsia ú ma, ngama Ndili gba kpála me ma nde ngago pí ndindi abhúlá, ma nde abedhe ne angu la di ne sangu bedhe. ³¹ U adjé gili toti na kpekpeke ngaú. Ngama, Ndili gba kpála-a, ma tsia tíma oandjelu gba ma me u ná po bhúla okpála bhende li Ebhe alo o ne ndú 'dje doto badha hana, nayie li pápá bini, akólo makolo li pápá koko.»

*Kpála bini mbila nedhinga nago ka Ndili gba kpála-a de
(Tsia bhú Mlk. 13:28-31; di ne bhú Luk. 21:29-33.)*

³² Yesu akpokpo matá gbitaku koko me: «Nago ka ma, Ndili gba kpála-a, adú maka engú inde asuno lie pí yi li ndula na figi-o. Yi ke mbolimboli ndjindji. Padhá de, anga nedhinga li 'ndji 'ndji aholo asú lie, li okpákpá holo nake-o, yi mbíla me gbokokpi akolo masikpe. ³³ Kaka-a, nedhinga yi aú ndú ongú inde ma akpokpo e pi yi bhomu-o lie hana-a, yi mbíla ndjindji me nago ka ma, Ndili gba kpála akolo masikpe, me ma bha ibili li obhé bhoti gba yi-o.

³⁴ Ma apa pi yi na paká me, ndú 'ngú inde ma akpokpo e pi yi píndji nago ka ma, Ndili gba kpála-a akódho 'kpí me okpála na naki inde-e nde mu nga ndú o hana de. ³⁵ Kokpí ne doto akódho 'kpí makodho, engú bini, 'li ma kódho 'kpí belegu de bini.

³⁶ La-a, kpála bini mbila ekpí di ne nedhinga nago ka ma Ndili gba kpála-a de, abana bha oandjelu inde

abhúlá, u mbíla de, abana bha ma Ndili-o, ma mbíla de. Kpála bini mbíla de, ambíla bha bini ne 'Dyi ma kpi e kpi. ³⁷ Maka engú inde akodho naní 'kpí bhú nedhinga gba Nua-a, nago ka ma Ndili gba kpála adú bhadi moko. ³⁸ Padhá de, anga bhú nedhinga bhomu-o, kala me enguo si na eu eu-o, okpála adú mugito me engú ade. U adú nazú 'he, u atsia adú di nandji pandi. Obhosí ne olisi adú naha lio, u atsia adú di amba ongisi gba o na olisilisi bhú kúva, akolo li 'kpí inde li Nua ali lie bhú 'ngbé zabu-o. ³⁹ 'To uo dú 'to 'ngú bini de, akolo li nedhinga inde li engu asi lie, a atsia abha ndú uo hana má kpekebhe! Nago ka ma, Ndili gba kpála-a adú bhadi moko.

⁴⁰ Abhomu-o, i bhaka okpála bhisi abhiye-e, oandjelu gba Ebhe-e ahá bini, u tsia 'ó ká bhe koko-o. ⁴¹ I bhaka olisi bhisi ngatu mapungaa, oandjelu gba Ebhe-e ahá bini, u tsia 'ó ká bhe koko-o. ⁴² Yi lila liyi ndjindji, anga yi mbíla ekpí inde li Ngámá gba yi-e agó lie de. ⁴³ A ayo me yi mbíla ndjindji me, i dú me bhúlú 'ti-e mbíla nedhinga inde li bhúlú 'zi agó lie sukpe uu-o, aní de dú bha bini li zukú. Aní de 'ó de me bhúlú 'zi gúmu eti gba ni-e de. ⁴⁴ Kaka-a, ngayi di-e, yi dú bedhe, anga nedhinga yi nde lie bhú 'ili 'to-o, a la bhomu-o nedhinga inde li ngama Ndili gba kpála ma agó lie-o.»

*Kpála na kulu inde ngbingbili inde di na imbilangú
(Tsia bhú Luk. 12:41-48.)*

⁴⁵ Yesu atsia apa matá me: «Kpála na kulu inde ngbingbili inde di na imbilangú-o ngae dho? Yi tsitsia nga, a ko ngua kpála na kulu inde li ngámá gba e a'o e pí 'ndji okpála na eti gba e me aní dú naha ezu pi uo li nedhinga ayo lie-o. ⁴⁶ A ko djali pi kpála na kulu bhomu i dú me ngámá gba aní-e nde ago, ani

† 24:29 24:29 Tsia bhú Isa. 13:10, 34:4; ne bhú Edj. 32:7; di ne bhú Djl. 2:10.

bhaka me ani nde ngamemene mo-o. ⁴⁷ Ma apa pi yi na paká me, ngámá a'ó ani pi 'ndji ndu 'he gba e hana. ⁴⁸ Engú bini, i du me a nde kpála na kulu na sisiti-e, ani pá li bua e me: «Ha-a, ngámá gba ma nga bha ngabhue.» ⁴⁹ Abhomu-o, ani hólo nabhi obi e koko na kulu-o, ani hólo nazu 'he, ani hólo nandji pandi ne omülangba. ⁵⁰ Li ngámá gba kpála na kulu ango-o go li 'kpí ani djeke ani lie de, di li nedhingga inde ani mbila e de-e, ⁵¹ ani 'é ani bhú kulu, ani tsia méne ani kpekpeke maka li Ebhe améne galikpe obhulu kali lie li bili ani abú uo lie-o. Oo-o, u adú aku 'gbá, u tsia du di nazu tate e-o.»

25

Gbitaku pindji otsalisi ndjikpa na kuya

¹ Abhomu-o, Yesu apa matá me: «Ekpí li ngama Ndili gba kpála ma agó lie, engú inde akódho 'kpí bhú Naú na abhúlá adú maka gbitaku inde: a adú nani otsalisi ndjikpa inde aha otala gba o ngú nanu nako lio ne bhoko inde adú akunda naha ñele. ² Bhú ká uo, obhe bhuluvue adú ongingi, obhe bhuluvue koko adú obhulu imbilangu. ³ Otsalisi bhe na ngingi-e aha otala gba o-o, la-a, 'to uo a'ilí li naha otsupa 'mú koko dede. ⁴ Engú bini, obhe na imbilangu-o aha otala gba o bhú dabili bini ne otsupa 'mú koko dede. ⁵ Li bhoko-o go lie má gala de-e, ela aholo ndu uo hana, u atsia atuko ne ela.

⁶ Tutu sukpe-e, tolo 'ue akoto: «Bhoko-o ki-e! Yi ze ngú nako liyi ne uo.» ⁷ Abhomu-o, ndu otsalisi-e hana azukú. U atsia aholo naleke otala gba o-o. ⁸ Otsalisi bhe na ngingi-e apa pi obhende na imbilangu-o me: «Yi ha mbo té emu gba yi-e pi ya, anga otala gba ya-a ngabulu.» ⁹ Obhe na imbilangu-o agie pi uo me: «A mo-o ade, anga bhe ka ya-a bhélé da nale li lele ní ne yi ade. Yi nu bhaka mangbo okpála i ngatsitsindji, amba yi kala pi yi ka

uo.» ¹⁰ Obhe na ngingi-e anu nakala emu-o. Engú bini, nedhingga u adú anu lie nakakala-a, bhoko-o akolo. Otsalisi bhuluvue inde adú bedhe ali ne ani bhú 'ti na anokomia-o. U atsia adúla bhoti-o. ¹¹ A abhue bedi, otsalisi bhe koko akolo. U atsia aholo nasusula me: «Ngámá, ngámá, bhulu bhoti-e pi ya!» ¹² Engú bini, bhoko-o agie pi uo me: «Ma apa pi yi na paká me, ma mbila yi de.»

¹³ Yesu atsia abu tata-a me: «Yi lila liyi, anga yi mbila ekpí li ngama Ndili gba kpála ma agó lie de, yi mbila la di nedhingga ango-o de.»

Gbitaku pindji okpála na kulu bata (Tsia bhú Luk. 19:11-27.)

¹⁴ Yesu apa matá me: «Ekpí li ngama Ndili gba kpála ma agó lie, engú inde akódho 'kpí bhú Naú na abhúlá adú maka gbitaku inde: a adú nani bhoko bini inde adú akunda ñanu dhukú. Kala ñanu ka ani-e, ani a'i okpála na kulu gba e-o. Ani atsia a'o tia gba e sakpa uo. ¹⁵ Ani aha pi bhe bini-e lí falanga kámá bhuluvue. Ani aha pi bhe koko lí falanga kámá bhisi. Ani atsia aha pi bhe koko lí falanga kámá bini. Ani aha pi kpála ne kpála li lele angu gba e. Pipita-a, ani atsia atapa. ¹⁶ Kpála na kulu bhe asia kámá bhuluvue-e, anu kolo nabe ndu. Ani atsia asia di lí falanga koko pépé kámá bhuluvue. ¹⁷ Bhende asia kámá bhisi-e amene bhadi moko, Ani atsia asia di lí falanga koko pépé kámá bhisi. ¹⁸ Engú bini, bhende asia kámá bini-e anu bha naae nadji edú bhú doto. Ani atsia awo tia gba ngámá gba e bhúbhú.

¹⁹ Pipita abhue naali, ngámá na kulu gba okpála bhomu-o ago. Ani atsia aholo nagama 'ngú ne uo pindji lele maka u amene kulu ne tia gba ni-e lie-o. ²⁰ Bhe asia nako lí falanga kámá bhuluvue adyudyo lie. Ani agbe lí falanga kámá bhuluvue koko-o ne napa me: «Ngámá, mo oha nako mu'ma lí falanga kámá bhuluvue. A inde-e lí falanga kámá

bhuluvue koko inde ma asia e pépé ko.» ²¹ Do ngámá gba ani pi ani me: «So! Mu ne bádha kpála na kulu, mu la di ngingbili. Mo omene nako ngingbili 'ngú bhú ongú inde djedjedje, ma a'ó ibili mu me mu du atsia 'kpí li ongú na ngingbengbengbe. Go kpi djali bhú dabili bini ne ma.»

²² Kpála na kulu bhende asia nako lí falanga kámá bhisi-e adyudyo di lie. Ani pi ngámá-a me: «Ngámá, mo oha nako muma lí falanga kámá bhisi. A inde-e lí falanga kámá bhisi koko inde ma asia e pépé ko.» ²³ Do ngámá gba ani pi ani me: «So! Mu ne bádha kpála na kulu. Mu la di ngingbili. Mo omene nako ngingbili 'ngú bhú ongú inde djedjedje, ma a'ó ibili mu me mu du atsia 'kpí li ongú na ngingbengbengbe. Go kpi djali bhú dabili bini ne ma.»

²⁴ Li soso-o, kpála bhende asia nako lí falanga kámá bini-e ago di. Ani pi ngámá-a me: «Ngámá, ma adú nako ambila ndjindji me mu ne kpála na gúgú. Mu ngaha 'zu li bili inde mu lu 'zu li e de. Mu ngazú 'he li kulu inde li okpála koko andala lie ngao. ²⁵ Ma adje tsulú mu. Ma atsia anu awo tia gba mu-o bhú doto. A la bhadi ii. Tia gba mu-o ki.» ²⁶ Engú bini, ngámá gba ani agie pi ani me: «Mu ne siti kpála na kulu! Mu di ne bhulú ipio! Ka ni mo odú nako ambila lie ndjindji me ma ngaha 'zu li bili inde ma alu 'zu lie de, me ma ngazú 'he li kulu inde li okpála koko andala lie ngao, ²⁷ mu tsia 'o nako tia gba ma-a bhú baki de ka ni, amba ma agó lie, ma de bhaka me a nde abe ndú e abe-e?»

²⁸ Yaka! Yi gbulú lí falanga kámá bini bhomú-o ka ani, amba yi ha pi kpála inde ka e kutu bini ko.»

²⁹ Ngámá bhomú-o apa mo-o, anga kpála inde ka e ne ehe, u ahá matá koko pi ani pépé. Ani tsia du bhú mandeyi. Engú bini, kpála li ehe nde ka e belegú ade bini-e, u agbúlú belegú dhegu bhende i ti da nadú ka ani-o. ³⁰ Ngámá-a atsia abu 'so

'ngú gba siti kpála na kulu bhomú-o ne napa me, u bhike ani bhú biti akilidjo li bili inde li okpála nde lie bhú 'gbá di ne nazú tate o-o.»

Yesu akpokpo lele maka ani akódho 'ngú gba okpála lie-o

³¹ Yesu atsia apa matá me: «Ekpí li ngama Ndili gba kpála ma agó lie bhú sangu gba ma bhú dabili bini ne oandjelu hana-a, ma adú pi kitu na ngámá gba ma na sangu-o. ³² Ndú okpála na píla doto hana apó bhúla o kala ma. Ma tsia gbogbo bhúsú uo maka li mulila agbogbo bhúsú okandélé lie ne omeme-o. ³³ Ma a'ó okandélé li pá 'kpa ma na kokpa, ma tsia ó omeme-e li pá 'kpa ma na galí.

³⁴ Abhomú-o, ma tsia pá pi obhende adú li pá 'kpa ma na kokpa-a me: «Yi gógo, ngayi okpála asia bisagu ka 'Dyi ma-o. Yi go sia ngámá inde li ani aleke nani e pi yi nayie li nedhinga ani abho kokpí ne doto lie ko. ³⁵ Padhá de, anga ma adje gúmu, yi atsia aha ezú muma. Ma adú adje gúmu 'ngu, yi atsia aha engu nandji mandji muma. Ma adú ne gomago, yi atsia asia ma agba yi. ³⁶ Ma adú ndumbu, yi atsia ato bongo li ma. A adú li ma ne kuo, yi atsia ateteke ma. Ma adú bhú tikpu, yi atsia ago natsia ma.»

³⁷ Abhomú-o, obhende amene mukunda gba Ebhe-e tsia yi ma me: «Ngámá, ya au mu ne gúmu nadho, ya atsia aha 'zu pi mu-o? Ya au mu ne gúmu 'ngu nadho, ya atsia aha engu nandji mandji pi mu-o? ³⁸ Ya au mu me mu nde ne gomago nadho, ya atsia asia mu agba ya-a? Ya au mu ndumbu nadho, ya atsia ato bongo li mu-o? ³⁹ Ya au mu ne kuo, i du di-e me mu nde bhú tikpu nadho, ya atsia anu ateteke mu-o?»

⁴⁰ Ma tsia gíe pi uo me: «Ma apa pi yi na paká me, ndú nedhinga hana inde yi amene bádha 'ngú lie pi súka ondaise ma inde li okpála ngau o padhá inde-e, yi amene bhomú-o muma.»

41 Abhomu-o, ma tsia pá di pi obhende adú li pá 'kpa ma na galie me: «Yi yie si yiyie, yi gbida de ma tsutsu, ngayi okpála li Ebhe atu pédjé lio-o! Yi nu bhu djua na duduma inde li Ebhe aleke nani e pi djabulu ne omaha e-o! **42** Padhá de, anga ma adu adje gumu, yi tsia ha 'zu muma de. Ma adu adje gumu 'ngu, yi tsia ha engu nandji mandji muma de. **43** Ma adu ne gomago, yi tsia sia ma agba yi de. Ma adu ndumbu, yi tsia to bongo li ma de. Ma adu ne kuo di ne bhu tikkpu, yi tsia go nateteke ma de.»

44 Abhomu-o, u tsia yi di ma me: «Ngámá, ya au mu nadho me mu nde ne gumu, i du di-e gumu 'ngu-o? Ya au mu nadho me mu nde ne gomago, mu nde ndumbu, i du di-e me mu nde ne kuo, i du di-e me mu nde bhu tikkpu-o, ya tsia nu teteke mu di-e?» **45** Ma tsia gie pi uo me: «Ma apa pi yi na paká me, ndu nedhinga hana yi mene bádha 'ngu lie pi suka ondaise ma inde li okpála ngau o padhá inde-e de-e, yi mbila me yi aneke di namemene bhomu-o muma.» **46** Abhomu-o, obhende i mene mukunda gba Ebhe-e de-e, gbida nazu likabhu na duduma. Engu bini, obhende amene mukunda gba Ebhe-e, tsia gbida naao bhu mukobho na duduma.»

26

Ongámási gba omaYuda agili kpadji ngú nabho Yesu

(*Tsia bhu Mlk. 14:1-2; ne bhu Luk. 22:1-2; di ne bhu Dja. 11:45-53.*)

¹ Li Yesu andjia nakpo ongú bhomu-o lie hana-a, ani atsia apa pi omukpata gba e me: ² «Yi mbila hana me pita 'kpí bhisi-e, adu anokomia na Pasika. Li 'kpí angoo, u apu ma Ndili gba kpála ngubula me u gi ma li kulusi.»

³ Yesu adu akpo 'ngu bhomu-o pi omukpata gba e lie, abhaka me ongbengbe odimande ne obhelesi

okpála gba omaYuda nde apo bhula o agba bhele kpála gba odimande, u a'i e me Kaifa. **4** U atsia aziba li ngubula naholo Yesu bhu pepe, amba o bhole ani. **5** Engu bini, u adu apa me: «A ayo de me ní holo ani bhu nedhinga na anokomia de, anga li okpála gbe tolo.»

Өlo bini atuko mungotsi pi 'ndji Yesu

(*Tsia bhu Mlk. 14:3-9; di ne bhu Dja. 12:1-8.*)

6 Ekpí bini, Yesu ne omukpata gba e adu bhu kuti na Betania, abhu'ti gba Simo nani li kába amene e-o. **7** Nedhinga u adu azu 'he lie, ele bini ago de ani ne gili inde u abho e li alabatele.* Gili ango-o adu me a nde abedhe ne mungotsi na kpéke mase bedhe. Ani atsia atuko mungotsi ango-o pi 'ndji Yesu. **8** Li omukpata gba ani-e au lie mo-o, u ake 'ngu lio, u atsia apa me: «Ta nasiti mungotsi inde-e padhá me-e ne ni? **9** U ti igini da natsitsindji bhu kpéke mase, u tsia há tia ango-o pi obhulu ndibhili.» **10** Li Yesu ambila engu u adu apa e lie, ani atsia apa pi uo me: «Yi ngato mbolo li ele inde-e ka ni? Engu inde ani amene e li pabili gba ma-a, a ko bádha 'ngu. **11** Padhá de, anga obhulu ndibhili-e, yi adu ne uo ndu nedhinga hana. Engu bini, ngama-a, ní du ne yi ndu 'kpí hana de. **12** Ani atuko mungotsi inde li kute ma, ngubula naleleke ngu ekpi inde u azí ma lie ko. **13** Ma apa pi yi na paká me, pla doto libhomu, ndu bili hana inde u akpókpo Bádha Ngali gba Ebhe-e lie, u akpókpo di engu inde li ele inde-e amene e ngu nabhundja ani.»

Yuda adje lie ne ongámási gba omaYuda ngú napu Yesu pi uo

(*Tsia bhu Mlk. 14:10-11; di ne bhu Luk. 22:3-6.*)

14 Abhomu-o, suka omukpata ndijkpa ne ká bhisi anu nabhaka

* **26:7** 26:7 Alabatele: A ko teme na mase naali inde u abhobho oehe maka gili lie ko.

ongbengbe odimande. A adu 'li mukpata ango-o me Yuda Isikaliote. ¹⁵ Ani atsia apa pi uo me: «Yi akunda na ha mama ni, amba ma pu Yesu pi yi-e?» Abhomu-o, u adje lio ne uo li mase-o. Ongbengbe odimando atanga li falanga ndjikpa bata,[†] u atsia aha pi ani. ¹⁶ Nayie bhú nedhinga bhomu-o, Yuda adu nagili nedhinga na ndjindji ngubula napu Yesu pi uo me u bhelè ani.

*Yesu atima omukpata gba e naleke da anokomia na Pasika
(Tsia bhú Mlk. 14:12-21; ne bhú Luk. 22:7-14, 21-23; di ne bhú Dja. 13:21-30.)*

¹⁷ Li 'kpí na kalanu na anokomia nazu map a inde li levile nde bhú e ade-e, omukpata gba Yesu ago nayi ani me: «Mo okunda me ya leke dá Pasika pi mu su?» ¹⁸ Yesu agie pi uo me: «Yi nu abhú gudhu, agba kpála bini me, amba yi pa pi ani me: <Musuno apa me, nedhinga gba ni-e akolo masikpe. Nganí ne omukpata gba ni-e, o ozú anokomia agba mu.>» ¹⁹ Omukpata amene maka Yesu apa lie pi uo-o. Abhomu-o, u atsia anu aleke da anokomia-o.

Yesu apa me súka omukpata gba ni bini apú ni

²⁰ Li akolo lie tagolo-o, Yesu ne omukpata gba e ndjikpa ne ká bhise-e aholo nazu 'he. ²¹ Nedhinga uo adu azu 'he lie, do Yesu de-e: «Ma apa pi yi na paká me, súka yi bini apú ma.» ²² Omukpata-a asia likabhu naali. Abhomu-o, kpála ne kpála aholo nayi ani me: «Ngámá, a adu bha ndju ma?» ²³ Ani agie pi uo me: «Kpála inde ya ngato 'kpa ya ne e bhú saani bini-e, kpála ango-o apú ma ngae.» ²⁴ Ngama Ndili gba kpála, ma adjii akpí maka u aye 'ngú gba ma lie-o. Engú bini, a ko likabhu pi kpála inde ngapu ma-o! A nani pi kpála ango-o ndjindji me u azú ani de!» ²⁵ Abhomu-o, Yuda, kpála inde

apú ani atsia ayi me: «Musuno, a adu bha ndju ma?» Yesu atsia agie pi ani me: «Mo opa ngamú!»

Yesu agapa mapa ne vino li omukpata gba e ndjikpa ne ká bhisi-o

(Tsia bhú Mlk. 14:22-26; ne bhú Luk. 22:14-20; di ne bhú 1 Kol. 11:23-25.)

²⁶ Nedhinga u adu azu 'he lie, Yesu aha mapa-o. Ani agie hení pi Ebhe, ani agumú bhusu bhusu, ani atsia aha pi omukpata gba e ne napa me: «Yi zuzu, a inde-e kute ma.»

²⁷ Pipita-a, ani aha kópo na vino-o, ani agie hení pi Ebhe, ani atsia aha pi uo ne napa me: «Yi ndji ndu yi hana, ²⁸ anga a inde-e ngute ma. A ko ngute inde ngasuno me Ebhe akodho gandja ne okpala-o. Ngute ango-o atuko ngú na'e osisiti 'ngú gba okpala bhelé. ²⁹ Ma apa pi yi me: Nayie pi mbia inde-e, ma ndjí matá vino belegu de bini, akólo li 'kpí inde ma andjí lie ne toto bhú dabilí bini ne yi bhú Nau gba 'Dyi ma-o.» ³⁰ Pipita-a, u ali etsi na anokomia-o. U aze, u atsia agbida apí eta na ondula na Olive.

Yesu apa me Piele apá me ni mbila ni de

(Tsia bhú Mlk. 14:27-31; ne bhú Luk. 22:31-34; di ne bhú Dja. 13:36-38.)

³¹ Abhomu-o, Yesu atsia apa pi omukpata gba e me: «Sukpe na naki inde-e, ndu yi hana a'ó ká ma. Padhá de, anga Ebhe apa bhú Bhuku gba e me:

<Ma abhélo mulila gba okandelé-o, li okandelé-o tsámbala ne bili ngangá.[†]>

³² Engú bini, ngama-a, ekpí ma azúku lie, ma anú adjeke yi abhú Galilaya.» ³³ Piele atsia apa pi ani me: «Abana li ndu okpala hana 'o ká mu-o, ngama-a, ma 'ó ká mu belegu de bini.» ³⁴ Abhomu-o, Yesu atsia agie pi ani me: «Ma apa pi mu

[†] 26:15 26:15 Li falanga ndjikpa bata: A ko nani tia bhelé de, ati di nani da nakala bali bini de. Tsia bhú Eki. 21:32, di ne bhú Djkl. 11:12. [†] 26:31 26:31 Tsia bhú Djkl. 13:7.

na paká me, sukpe na naki inde-e, kala me engú ku 'gbá-a, mo opá bhútsibhútsi bata me ni mbila ma de.»³⁵ Piele atsia apa matá pi ani me: «Abana i du bha me a nde ayo me ni kpi bhú dabili bini ne mu-o, ma 'ó ká mu de.» Abhomu-o, ndu omukpata koko hana atsia apa bhadi moko.

*Yesu ayo Ebhe bhú Getesemani
(Tsia bhú Mlk. 14:32-42; di ne bhú Luk. 22:39-46.)*

³⁶ Abhomu-o, Yesu akolo ne omukpata gba e li bili bini inde u a'i e me Getesemani. Ani atsia apa pi uo me: «Yi dulu si nedhinga ma adji lie nayo Ebhe aoo ko.»³⁷ Ani aha Piele ne ongisi bhisi gba Djebedayo-o. Ani anu ne uo bhú dabili bini. Tsulu aholo ani, likabhu atsia abedhe di li bua ani bedhe.³⁸ Abhomu-o, ani atsia apa pi uo me: «Bua ma abedhe ne likabhu bedhe ka ma adji akpi lie-o. Yi dulu si, yi du la di ne ma li zuku bhú dabili bini.»

³⁹ Pipita-a, ani adyudyo mbo lie tsutsu bedi. Ani atutu lipuku e kuto, ani atu bhúla e pi doto, ani atsia ayo Ebhe me: «'Dyi ma, i du ndjindji-e, mu de dyudyo likabhu inde-e de ma tsutsu! Engú la bini, mo oméne maka ma akunda lie de, mene mangbo maka mo okunda lie ko!»⁴⁰ Ani agie lie li bili li omukpata bata adu lie-o. Ani abhaka me u nde atuko ne 'la má dhululu! Do ani pi Piele de-e: «Yi ti iginí da nadu li zuku ngabha ne ma ngubula saa bini di?»⁴¹ Yi du li zuku, yi yo Ebhe, amba yi alí bhú nale de. Bua kpála bedhe ndu 'kpí hana ngú namene bádha 'ngú, engú bini, kute ani bhúbhuku.»

⁴² Matá bhútsibhútsi na bhisi-e, ani adyudyo lie de omukpata bata-a tsutsu. Ani atsia ayo Ebhe me: «'Dyi ma, i du me likabhu inde-e nde ti da naneke ma de-e, a nde ayo bha me a kolo li ma-a, a ayo me engú mo okunda e mene lie ngae!»⁴³ Abhomu-o, Yesu agie matá lie li bili li omukpata-a adu lie-o. Ani

abhaka me u nde tila. Padhá de, anga djila uo adu me a nde ne ela má yikpokpo!⁴⁴ Ani a'o ká uo, ani adyudyo matá lie de uo tsutsu. Ani atsia ayo Ebhe bhútsibhútsi na bata ne napa bha oeli bini bhomu-o.

⁴⁵ Abhomu-o, ani ago abhaka omukpata gba e bata-o, ani atsia apa pi uo me: «A ndjindji! Yi la nga lala, amba yi guo! La-a, nedhinga akolo, nedhinga inde u apú ma, Ndili gba kpála lie pi osisiti okpála-o.⁴⁶ Yi tsitsia nga, kpála inde apú ma akolo. Yi yie bhúlá, ni nu bhaka uo!»

*U aholo Yesu
(Tsia bhú Mlk. 14:43-50; ne bhú Luk. 22:47-53; di ne bhú Dja. 18:3-12.)*

⁴⁷ Bha li nedhinga li Yesu adu agama 'ngú lie, me-e, Yuda, súka omukpata ndjikpa ne ká bhisi-e akolo. Ani ago nani ne bhti okpála inde adu sa 'kpa o ne ombotia di ne ondula. A atima nani uo ne ongbengbe odimandé di ne obhelesi okpála gba omaYuda.⁴⁸ Yuda adje nani lie ne uo kalanu me: «Kpála inde ma akáma e, a ko ani. Yi holo ani!»⁴⁹ Me-e, ani adyudyo lie de Yesu, ani atsia ayi ani me: «Máusuno, mu oo!» Ani atsia akama ani.⁵⁰ Yesu atsia apa pi ani me: «Olia ma, engú inde mo ogo namene e, memene!» Abhomu-o, okpála koko inde ago bhú dabili bini ne Yuda-a, adyudyo lio de Yesu, u abu 'kpa o li ani, u atsia aholo ani.

⁵¹ Kolo me-e, súka okpála inde adu bhú dabili bini ne Yesu-o agbe mbotia gba e, ani asu kpála na kulu gba bhele kpála gba odimandé-o ne nakodho 'dje ani má tse!⁵² Yesu atsia apa pi ani me: «Gie mbotia gba mu-o bhú 'ti e. Padhá de, anga ndu okpála hana inde ngagu 'gú ne mbotia-a, amú bhadi li mbotia.⁵³ Mu mbila de me ma ti iginí da nayo ka 'Dyi ma me ani go teteke ma-a di? Ma yo ka ani-e, ani kolo tíma libi oandjelu muma nane ndjikpa ne ká bhisi mane.⁵⁴ I du la

mo-o, engú inde u aye e bhú Bhuku gba Ebhe-e améne lie lele pi? Padhá de, anga Bhuku gba Ebhe-e apa me, a ayo me engú inde ngamene lie inde-e, amene lie moko.»

⁵⁵ Abhomu-o, Yesu atsia apa pi kambi okpála bhomu-o me: «Ndú 'kpí hana ma adú nako nadú bhú 'ngbé 'ti Ebhe gba omaYuda ngú nasuno. La-a, yi holo nako ma de. Ka ni yi ngago lie ngú ma ne ombotia di ne ondula sa 'kpa yi mugito me ma ne siti bhulü 'zi-e? ⁵⁶ Engú bini, ndú 'ngú bhomu-o hana amene lie ngubula me engú inde li opolofeta aye e amene lie.» Abhomu-o, ndú omukpata hana atsambala de ani má mae, u atsia agbida!

*U anu ne Yesu kala Libi okpála
natsia 'kpí li 'ngú
gba omaYuda*

(Tsia bhú Mlk. 14:53-65; ne bhú Luk. 22:54-55, 63-71; di ne bhú Dja. 18:13-14, 19-24.)

⁵⁷ Abhomu-o, okpála inde u atima naní o ngú naholo Yesu-o anu ne ani kala Kaifa, bhele kpála gba odimandé-o, li bili inde li omusuno na lili gba Moidje ne obhelesi okpála apekebhé bhúla o lie-o. ⁵⁸ Piele atsia adú naae nakpata Yesu mbo tsutsu, nakolo makolo bhú mbadhasu gba bhele kpála gba odimandé-o. Ani alí bhú mbadhasu-o, ani atsia adú kuto bhú ká okpála na kulu ngubula natsia me engú ango-o abú 'ta e lele pi-ie.

⁵⁹ Abhomu-o, ongbengbe odimandé bhú dabili bini ne ndú okpála koko na Libi okpála natsia 'kpí li 'ngú gba omaYuda libhomu adú agili kpála inde agó napa 'ngú li Yesu sisiti, abana i du eu, amba o kodho 'ngú gba ani-e me ani kpi bha makpi. ⁶⁰ Engú bini, belegu li bhti okpála adú apa 'ngú li Yesu lie ne eu-o, u u kpála bini de inde apa engú inde u ti da nabhélè ani ka e. Li soso-o, okpála bhisi adyudyo

lio masikpe. ⁶¹ U atsia apa me: «Bhoko inde-e apa nako me, ni ti da nabhélè 'ngbé 'ti Ebhe gba omaYuda-o, ni tsia yíki matá ne toto sunda ekpí bata.»

⁶² Abhomu-o, 'ngbé dimandé-o ayie bhulá, ani atsia ayi Yesu me: «Mu gie 'ngú li 'ngú inde li okpála inde-e ngapa e li kute mu-o belegu de bini?» ⁶³ Engú bini, Yesu andjili bha má bulu! Abhomu-o, bhele kpála gba odimandé-o atsia ayi matá ani me: «Ma ngayi mu ne 'li Ebhe inde uu-o me pa nga pi ya: ngamu-o, mu ne Masiya, Ndili gba Ebhe-e?» ⁶⁴ Yesu agie pi ani me: «Mo opa ngamu. Mbila la me, nayie pi mbia inde-e, yi au Ndili gba kpála adú li pápá na kokpa gba Angbamili me ani nde ngago pi ndindi na abhulá.†»

⁶⁵ Engú bhomu-o ake li bua bhele kpála gba odimandé-o naali. Abhomu-o, ani asidha bongo li e má tsue! Ani atsia apa me: «Ani asobho Ebhe, anga kpála-kuti ti da nakpo 'ndji e ne Ebhe de! Ni matá ne gumu okpála koko ngú nakpokpo 'ngú gba ani-e ade! Yi adje sobho ani asobho Ebhe ne e ne 'dje yi makpe. ⁶⁶ Yi abhundja naayi me ni mene ngú ani pi?» U agie me: «A ayo me u bhélè ani mabhélè.» ⁶⁷ Abhomu-o, u aholo akuku ngusu bhúla ani, u adú asu ani, u atsia adú di abhi bhúla ani. ⁶⁸ U atsia adú apa pi ani me: «I du me mu nde bha ndju ne Masiya na paká-a, pa nga pi ya me asu mu da?»

*Piele apa me ni mbila Yesu de
(Tsia bhú Mlk. 14:66-72; ne bhú Luk. 22:56-62; di ne bhú Dja. 18:15-18, 25-27.)*

⁶⁹ Nedhinga u adú ato mbolo li Yesu lie, abhaka me Piele nde adú kilidjo tu mbadhasu gba bhele kpála gba odimandé-o. Kpála bini na kulu na oele adyudyo lie de ani. Ani atsia apa pi ani me: «Ngamu di-e, mo odú nako bhú dabili bini ne Yesu, kpála na Galilaya-o.» ⁷⁰ Engú

† 26:64 26:64 Tsia bhú Ets. 110:1; di ne bhú Dan. 7:13.

bini, Piele ayala kala ndu okpála hana me: «Ma mbila engú inde mu ngakunda napa e de.» ⁷¹ Abhomu-o, Piele adyudyo lie de 'bhe aga-o. Kpála na kulu koko bini na eele au ani. Ani atsia apa pi okpála inde adu oo me: «Kpála inde-e adu nako bhú dabili bini ne Yesu, kpála na Nadjaleta-o.» ⁷² Piele ayala matá, ani atsia apa me: «Ne 'li Ebhe, ma mbila kpála inde yi ngapa 'ngú gba e bhomu-o de!»

⁷³ Pipita kolo me-e, okpála inde adu oo adyudyo lio, u atsia apa pi Piele me: «A ko kukulu 'ngú. Ngamu di-e, mu bha ne saka uo, anga nagama 'ngú gba mu-o ngambamba ta mu ngae.» ⁷⁴ Abhomu-o, Piele aholo natu silika ne nasima me: «Ne 'li Ebhe, ma mbila kpála bhomu-o de!» Bha li nedhinga bhomu-o, engú atsiaaku 'gbá. ⁷⁵ Abhomu-o, Piele abhundja eli inde li Yesu apa iginí e pi ani me: «Kala me engú ku 'gbá-a, mo opá bhutsibhutsi bata me ni mbila ma de.» Ani akoto kilidjo, ani atsia abhélé kuo e ne egbá má kusu!

27

*U anu ne Yesu kala Pilate
(Tsia bhú Mlk. 15:1; ne bhú Luk. 23:1-2; di ne bhú Dja. 18:28-32.)*

¹ Kekpí má bhe, ndu ongbengbe odimande hana di ne obhelesi okpála gba omaYuda adje lio me o méne lele pi me o bhélé Yesu-o. ² U agbigbite ani, u anu ne ani, u atsia aha ani pi guvelenele Pilate.

*Yuda agi ngulu e
(Tsia bhú Kul. 1:18-19.)*

³ Abhomu-o, Yuda, kpála inde apu Yesu-o au lie me u akodho 'ngú gba ani-e me ani kpi bha makpi-e, ani adje likabhu li bua e naali. Ani atsia anu nagie lí falanga ndjikpa bata-a pi ongbengbe odimande di ne obhelesi okpála. ⁴ Do ani pi uo de-e: «Ma amene siti 'ngú, anga ma apu kpála inde i tu 'ngú de-e pi yi me u bhélé ani!» Engú bini, u agie

pi ani me: «Naaya bhúbhú ne ni? A ko naamu 'ngú!» ⁵ Abhomu-o, Yuda abala lí falanga kuto bhú 'ngbé 'ti Ebhe gba omaYuda ne nakoto bini. Ani atsia anu nagie ngulu e. ⁶ Ongbengbe odimande-o aha tia-o. U atsia apa me: «Líli gba ní-e ziba de me ní 'o tia inde-e bhú ká tia na 'ngbé 'ti Ebhe gba omaYuda-a de, anga a ko tia inde u asia e li ngute kpála.» ⁷ Pita u adje lio lie, u atsia akala ne tia bhomu-o edyi gba kpála bini inde apopo lusa ngubula me u du azi ogomago bhúbhú. ⁸ Kakaa, u nga'i 'li edyi ango-o nakolo pi naki me: «Edyi inde u akala e ne tia na ngute kpála.» ⁹ Abhomu-o, engú nani li polofeta Djelemi apa e atsia amene lie. Ani apa nani me: «U aha lí falanga ndjikpa bata-o.

A bhomu-o mase inde li omañsalaele ato e li ani-o. [†] ¹⁰ U atsia akala ne di edyi gba bhulu napo lusa.

A bhomu-o engú inde li Ebhe Ngámá aha nani líli muma me ma pa e pi uo-o.»

U akodho 'ngú gba Yesu-o me ani kpi bha makpi

(Tsia bhú Mlk. 15:2-5; ne bhú Luk. 23:3-5; di ne bhú Dja. 18:33-38.)

¹¹ Nedhinga u akolo ne Yesu lie kala guvelenele Pilate-o, ani ayi ani me: «Ngamu-o, mu ne 'ngbé ngámá gba omaYuda-a?» Yesu agie me: «Mo opa ngamu.» ¹² Abhomu-o, ongbengbe odimande di ne obhelesi okpála gba omaYuda adu apa 'ngú li ani sisiti. La-a, ani gie 'ngú téte de. ¹³ Pilate atsia ayi ani me: «Mu dje engú inde u ngapa e li kute mu bhomu-o di?» ¹⁴ Engú bini, Yesu gie engú bini pi ani téte de. Abhomu-o, Pilate atsia angamba naali.

¹⁵ Bhú ndu Pasika hana, guvelenele du nani natse 'kpa li bhulu 'kpú bini, bhende li bhti okpála adu akunda me ani tse 'kpa lie-o. ¹⁶ A abhaka me 'ngbé bhulu 'kpú bini inde adu 'li e me Balabasi nde bhú

[†] 27:9 27:9 Tsia bhú Djkl. 11:12-13.

tikpu. ¹⁷ Pilate atsia ayi bhti okpála Ìnde apo bhúla o me: «Yi akúnda me ma tse 'kpa li da pi yi-e? Ne me ma tse 'kpa li Yesu Balabasi, ne me ma tse 'kpa li Yesu Ìnde u a'i e me Masiya-a?» ¹⁸ Pilate yi mo-o padhá de. Ani ayi mo-o, anga ani adu ambila ndjindji me u apu Yesu pi ni anga u adu adje siti bua li ani.

¹⁹ Nedhinga li Pilate adu lie pi kiti nakodho 'ngú-o, wala ani atima kpála bini pi ani ne tobhila me: «Mo olí bhú 'ngú gba ngbili kpála bhomu-o de, anga sukpe na naki Ìnde-e, ma aloto siti loto li 'ngú gba ani-o.»

²⁰ Ongbengbe odimande, di ne obhelesi okpála gba omaYuda ato bhú 'ndji bhti okpála me u yo ka Pilate me ani tse 'kpa li Balabasi, amba ani ka kpadji me u bhéle Yesu. Okpála atsia amene bhadi moko. ²¹ Pilate atsia apa pi uo me: «Ma atsé 'kpa li bhúlu 'kpá bini pi yi matse. Bhú ká Yesu ne Balabasi-e, yi akúnda me ma tse 'kpa li da pi yi-e?» U agie me: «Balabasi!» ²² Pilate ayi uo me: «Ma mene la ngú Yesu Ìnde u a'i e me Masiya pi?» Do uo de-e: «Gi ani li kulusi!» ²³ Pilate atsia ayi uo me: «Ani amene la mangua siti 'ngú dho?» Engú bini, u atsia adu asusula matá kpekpeke me: «Gi ani li kulusi!» ²⁴ Li Pilate au lie me angu ni kolo de-e, di ne me tolo ngakolo kpekpeke-e, ani aha engu, ani atsia avulu 'kpa e kala bhti okpála ne napa me: «Ngama-a, ma bhú ta nakpi gba kpála Ìnde-e ade! A ko naayi 'ngú.» ²⁵ Ndu okpála hana agie me: «A ayo me ngute ani tuko pi 'ndji ya ne ongisi gba ya-o!» ²⁶ Abhomu-o, ani atse 'kpa li Balabasi pi uo. Ani aha líli me u bhi Yesu ne fimbo. Ani atsia aha ani pi uo me u gi ani li kulusi.

Osudha amu Yesu
(Tsia bhú Mlk. 15:16-20; di ne bhú Dja. 19:2-3.)

[†] 27:35 27:35 Tsia bhú Ets. 22:19.

²⁷ Abhomu-o, osudha gba guvelenele anu ne Yesu bhú mbadhasu gba o dengo 'ti gba guvelenele-o. Ndu osudha hana atsia apo bhúla o de ani. ²⁸ U agbe bongo li ani, u atsia ato koti na mbembe li ani mugito me a ko ngámá. ²⁹ U agala 'he na kilikili li kute yá ndula na eti, u atsia ato bhú 'ndji ani. U ato mbamba sa 'kpa ani na kokpa, u atsia atutu lipuku o kuto kala ani. U adu amu ani ne napa me: «'Ngbé ngámá gba omaYuda, mu oo!» ³⁰ U adu aku ngusu li ani, u aha mbamba-a, u atsia adu asu 'ndji ani ne di. ³¹ U andjia namu ani lie, u agbe koti u de ato e li ani-o, u atsia ato matá bongo gba ani-e li ani. Pipita-a, u atsia anu ne ani ngú nagi ani li kulusi.

Osudha agi Yesu li kulusi
(Tsia bhú Mlk. 15:21-32; ne bhú Luk. 23:26-43; di ne bhú Dja. 19:17-27.)

³² Osudha akoto ne Yesu bhú gudhu-o. U adu akoto lie, u aké li o ne kpála bini na kúté na Silene, adu 'li ani me Simo. Osudha aholo ani ne kpéke me ani bi kulusi gba Yesu-o. ³³ Li u akolo lie li bili Ìnde u a'i e me Golgota-a, Ìnde akúnda napa me «Bili na pelege 'ndji-e», ³⁴ osudha aha vino Ìnde u amata e ne 'he na susu-o pi ani. Ani ale lie, ani tsia kunda nandjindji de.

³⁵ Osudha-a agi Yesu li kulusi. Pita u agi ani lie li kulusi-e, u agu gbonda ngú obongo gba ani-o. U atsia agbogbo bhúsu o téte.[†] ³⁶ Pipita-a, u atsia adu lu kuto oo ngú nalila ani. ³⁷ U a'o nani abhúlá pi 'ndji ani balua Ìnde asuno ta nagi ani li kulusi-o. U aye nani balua ango-o me: «A iNDE-E YESU, 'NGBÉ NGÁMÁ GBA OMAYUDA-O.» ³⁸ U atsia agi osisiti obhúlu 'zi bhisi li okulusi de ani: bini li kulusi gba e li pá 'kpa ani na kokpa, koko li kulusi gba e li pá 'kpa ani na gali.

³⁹ Okpála Ìnde adu akodho 'kpíe, adu asobho Yesu ne nako 'ndji o.

⁴⁰ U adu apa pi ani me: «Ngamu,

bhūlū nagugumū 'ngbé 'tì Ebhe gba omaYuda ne nayiyiki bhú 'kpí bata-a, kobho limū ngamū makpe! I dū me mū nde ne ndili gba Ebhe-e, kó li kulusi-e kuto.»

⁴¹ Ongbengbe odimande, omusuno na lili gba Moidje bhú dabili bini ne obhelesi okpála, adu bhadi amu ani moko. U adu apa me: ⁴² «Ani akobho okpála koko. Ka ni ani ti da nakobho lie lie ngae makpe di-e, ngaani inde 'ngbé ngámá gba omafsalaele-e? Ani ke nga kuto li kulusi mbia inde, amba ya bhuka ani! ⁴³ Ani a'o nabhuka gba e bhú Ebhe. A ayo me Ebhe kobho ani mbia inde, i dū me Ebhe nde akunda ani na paká-o, anga ani apa me ni ne Ndili gba Ebhe!» ⁴⁴ Abana osisiti obhūlū 'zi inde u agi o li kulusi lingo Yesu-o, u adu bhadi asobho ani moko.

Yesu andala 'kpa li bua e
(Tsia bhú Mlk. 15:33-41; ne bhú Luk. 23:44-49; di ne bhú Dja. 19:28-30.)

⁴⁵ Abhomu-o, nayie tulukpe akolo bhú saa na bata pita tulukpe-e, biti agba pila doto libhomu. ⁴⁶ Bhú saa na bata pita tulukpe-e, Yesu asula kpekpeke me: «Eli, Eli, lema sabakatani?» A akunda napa me: «Ebhe gba ma, Ebhe gba ma, mo o'o ka ma ka ni?»[†] ⁴⁷ Bini bini bhú ká okpála inde adu oo adje ani lie, u atsia adu apa me: «Ani nga'i Eliya!» ⁴⁸ Ma 'li ma-e, súka osudha-a agu holo. Ani anu aha epondje, ani ato bhú kpongadha pandi. Ani atsia ato li 'ndji mbamba, ani aha pi Yesu me ani ndjindji. ⁴⁹ Engú bini, okoko apa pi ani me: «Djedjeke, ni u nga ne me Eliya ngago nakobho ani!»

⁵⁰ Yesu atsia asula matá kpekpeke, ani atsia andala 'kpa li bua e. ⁵¹ Me-e, 'ngbé 'kpá bongo inde adu abuku 'bhé tina 'ti na bubu bhú 'ngbé 'ti Ebhe gba omaYuda-a asidha bhūsú e bhisi má tsue nayie abhúlá, akolo akuto. Doto adyiki, ongbengbe teme

[†] 27:46 27:46 Tsia bhú Ets. 22:2.

atsia aúupa. ⁵² Abhomu-o, olata-a ada bhūsú o, bhti omabhuka inde amu nani-e atsia azuku. ⁵³ U aze bhú olata gba o-o. Pita li Yesu azuku lie, u atsia agbida bhú Yelusalema, gudhú na bubu-o. Okpála bhelé atsia au uo.

⁵⁴ Ngámá gba osudha na Loma bhú dabili ne osudha gba e inde adu alila Yesu nedhinga ani adu lie li kulusi-e au engú inde akodho 'kpí ne nadyiki ka doto-o. Abhomu-o, u adje tsulu naali. U atsia apa me: «Kpála inde-e bha ndju nako ne Ndili gba Ebhe na paká!» ⁵⁵ Olisi bhelé adu li bili bhomu-o. U adu atsia 'ngú bhomu-o mbo tsutsu. Olisi angoo ayie nani ne Yesu bhú Galilaya, nakolo makolo bhú Yelusalema ngú nateteke ani. ⁵⁶ Bhú ká uo, a adu nani Malia , kpála na gudhú na Magadala, Malia 'hi Djaki ne Djodjefu , a la di-e 'hi ongisi gba Djebedayo-o.

Djodjefu azi Yesu
(Tsia bhú Mlk. 15:42-47; ne bhú Luk. 23:50-56; di ne bhú Dja. 19:38-42.)

⁵⁷ A akolo lie tagolo-o, bhūlū tia bini ago. A adu kpála na gudhú na Alimatayo. A adu 'li ani me Djodjefu . Kpála angoo dū di nani mukpata gba Yesu. ⁵⁸ Ani anu abhaka guvelenele Pilate, ani atsia ayo kuo Yesu ka ani. Pilate atsia aha lili me u ha pi ani haha. ⁵⁹ Abhomu-o, Djodjefu aha kuo Yesu, ani agagala ne daladeli na mbia inde ani akala e bhú kpéke mase. ⁶⁰ Ani anu ato bhú lata na mbia inde ani aleke nani e pi e makpe bhú teme-o. Pipitaa, ani awawala 'ngbé teme bini li bhébhe ngú nanini, ani atsia atapa. ⁶¹ Nedhinga bhomu-o, Malia, kpála na gudhú na Magadala ne Malia bhe koko adulu kuto bhúla lata-o.

U abu osudha ngú nalila lata Yesu
⁶² Li ekpi aseke lie, a akunda napa me bhú ekpi naguo gba omaYuda-a , ongbengbe odimande di ne omuFalisai anu bhú dabili bini agba Pilate. ⁶³ U atsia apa pi ani me:

«Ngámá, 'ndjí ya ago mbia inde-e li engú li bhálu eu bhomu-o apa nako e nedhinga ani adú lie uu-o me pita 'kpí bata ni zúku-o. ⁶⁴ Kaka-a, a ayo me ha lili me u lila lata ani nakolo bhá 'kpí na bata. Padhá de, anga i du mo-o de, omukpata gba ani-e ti da nago nazi kuo ani. U tsia pá pi okpála me ani azuku. Li okpála dje la ibili mo-o, eu bhende-e né la ibili da bhende ani apa nako e kalanu-o mane.» ⁶⁵ Pilate atsia apa pi uo me: «Yi ha osudha-a haha. Yi nu ne uo, amba u lila lata-a maka yi au lie ndjindji-o.» ⁶⁶ U atsia anu naleke lele nalila lata-o. U ayele bheobhe ne teme, u atsia a'o osudha ngú nalilila.

28

Yesu azuku
(Tsia bhá Mlk. 16:1-10; ne bhá Luk. 24:1-12; di ne bhá Dja. 20:1-10)

¹ Pita ekpí naguo gba omaYuda-a, bhá 'kpí yinga kókpí má bhé-o, Malia, kpála na gúdhá na Magadala ne Malia koko-o, agbida ngú natsia lata-o. ² Me-e, doto adyíki ne adjigidjo na ngbéngbé, anga andjelu bini gba Ngámá-a ayie abhálá, ani ago awawala teme inde adú li 'bhe lata-o, ani atsia adú pépé. ³ Kute ani adú asu má ngbí ngbí ngbí! La di-e, bongo gba ani-e avu má tuu! ⁴ Li osudha inde adú alila lata-a au lie mo-o, u aholo nagáku ka tsálu má kpi kpi kpi, u atsia abala kuto mágito me a ko okpála inde amu.

⁵ Engú bini, andjelu-o apa pi olisi-e me: «Yi akpé-e de, anga ma ambila me yi ngagili Yesu inde u agi nako e li kulusi-o. ⁶ Ani sii ade. Ani azuku maka ani apa nako lie-o. Yi go tsia bíli inde u aseke nako ani lie-o. ⁷ Yi nu pa kolo pi omukpata gba ani-e má gala me, ani azuku. Ani adji kala yi bhá Galilaya bhomu. Yi aú ani oo. A bhomu-o ngali ma de ago napa e pi yi-o.» ⁸ Abhomu-o, olisi-e ayie bha kolo bhá lata-a má gala me u nde abedhe ne tsálu di ne djali bedhe. U anu ne holo, u atsia anu ngú napa

ngali ango-o pi omukpata gba Yesu-o. ⁹ Ma 'li ma me-e, Yesu ago aké lie ne olisi ango-o. Ani atsia ayi uo me: «Yi oo!» Abhomu-o, u adyudyo lió de ani, u atuko kuto bhá li 'dhá ani, u atsia adhégé ani. ¹⁰ Pipita-a, Yesu atsia apa pi uo me: «Yi akpé-e de. Yi nu pa pi ondaise ma me u nu abhá Galilaya, u aú ma oo ko.»

Ongámási gba omaYuda ato kali me u bubuku engú nazuku gba Yesu-o

¹¹ Li olisi-e adú nga bha lie li kpadjí-e, okpála koko bhá ká osudha inde adú nalila lata-a anu abhá gúdhá. U atsia akpokpo ndu 'ngú hana inde akodho 'kpí abhá lata-a pi ongbengbe odimande gba Ebhe-o. ¹² Abhomu-o, ongbengbe odimande apo bhála o ne obhelesi okpála gba omaYuda-o, u atsia adje lió me o méne pi-ie. Pita nadje lie ka uo-o, u aha tia bhelé pi osudha-a me u apá kúkálu 'ngú inde akodho 'kpí-e de. ¹³ U atsia apa pi uo me: «I du me kpála bini nde ayi yi-e, yi de pa me: < Nedhinga ya adú lie tila-a, omukpata gba ani-e ago, u atsia azi kuo ani li ya. » ¹⁴ La di-e, i du me guvelenele nde adje-e, ya ambíla lele ya akpókpo pi ani lie ngaya, amba yi asía mangimbo de. » ¹⁵ Osudha abha tia-o, u atsia amene bha maka u apa lie pi uo-o. Abhomu-o, ngali ango-o ayangba bha sunda omaYuda moko nakolo pi naki.

Eli na soso gba Yesu pi omukpata gba e-o

(Tsia bhá Mlk. 16:14-18; ne bhá Luk. 24:36-49; ne bhá Dja. 20:19-23; di ne bhá Kul. 1:6-8.)

¹⁶ Abhomu-o, omukpata ndjikpa ne ká bini-e anu bhá Galilaya, pi eta inde li Yesu apana nani e pi uo me ni aké lini ne uo pi e-o. ¹⁷ U akolo lie oo, Yesu akoto li uo. U au ani lie, u atuko kuto bhá li 'dhá ani, u atsia adhégé ani. Engú bini, okoko bhá ká uo adú ne bua na bhisi bhisi. ¹⁸ Abhomu-o, Yesu adyudyo lie de uo, ani atsia apa pi uo me: «Ebhe

aha ndu angu na abhúlá ne bhe na
píla doto hana múma. ¹⁹ Kaka-a, yi
nu bhú ndu opiga hana. Yi mene me
u kolo omúkpata gba ma. Yi batisa
uo ne 'li 'Dyi ní, ne 'li Ndili, la di ne
'li Bu Bhobua . ²⁰ Yi suno pi uo me
u lila ndu líli inde ma aha e pi yi-
e hana. Yi mbíla la me ngama-a, ní
ne yi bhú dabili bini ndu 'kpí hana
akólo bha bini makolo ali sokpí.»

Bádha Ngali gba Yesu Kilisito maka li Maloko aye lie ko Eli na kalanu

Bádha Ngali maka li Maloko aye lie-e, akpo lita e ne naziba me Bádha Ngali ango-o a ko na Yesu Kilisito, Ndili gba Ebhe. Ani asuno Yesu maka kpála na kulu di na angu. Angu gba ani ngau lie bhú nasuno gba ani, ne bhú angu gba ani pi si siti bua di ne bhú nambu li osisiti 'ngú gba okpála. Yesu ngakpokpo 'ngú gba e makpe maka Ndili gba kpála inde ago ngú na ha mukobho gba e ngubula nagbegbe okpála bhú sisiti 'ngú gba o-o.

Maloko akpokpo 'ngú gba Yesu-o mbámbá, ani agama 'ngú naali píndji kulu li Yesu amene e ane bhende li Yesu akpokpo e di ne bhende ani asuno e-o. La-a, li omukpata gba Yesu adu la lie abhue ne ani bhú dabili bini-e, u atsia ambila ani ndjindji. Engú bini, obhalu yala gba ani adu matá akolo pi ani ne siti bua naali.

Olukuluku (9-20) inde u a aye e sunda oehe bisi me-e, ngau lie me aye ne kpála koko. Maloko ye ngae de.

Ongbengbe ongú inde bhú bhuku inde-e ngae inde:

Lita Bádha Ngali-o 1:1-13

Kulu li Yesu amene e bhú ká okpála abhú Galilaya 1:14 - 9:50

Dhuku gba Yesu nayie bhú Galilaya ngú nanu abhú

Yelusalema 10:1-52

Oekpí nasoso gba Yesu abhú Yelusalema 11:1 - 15:47

Nazuku gba Yesu 16:1-8

Nakoto ka Yesu li okpála, ne na'u ka ani abhúlá 16:9-20

Djaa bhúlú nabatisa okpála aleke kpadji pi Ngámá Yesu

(Tsia bhú Mat. 3:1-12; ne bhú Luk. 3:1-18; di ne bhú Dja. 1:19-28.)

¹ A inde-e lita Bádha Ngali gba Yesu Kilisito, Ndili gba Ebhe-o.

² Maka li polofeta Isaya aye lie bhú bhuku gba e me:

«Ebhe apa me: Djedje nga! Ma atíma bhúlú titima gba ma-a pi mu kalanu ngubula naleke kpadji pi mu.

³ Kpála ango-o ngatotobhila abhú mili bili me:

«Yi leke kpadji pi Ngámá! Yi lili odjedje kpadji pi ani má ngbuu ngbuu!†»

⁴ Kaka-a, Djaa bhúlú nabatisa okpála akoto nani abhú mili bili.

Ani adu a'i okpála me u go sia batisimo ngú nasuno me u adji bua o adji, amba Ebhe 'e siti 'ngú gba uo-o. ⁵ Abhomu-o, ndu okpála hana na ndu doto na Yudaya, di ne ndu okpála hana na gudhu na Yelusalema adu ago abhaka ani. U adu ambamba ta osisiti 'ngú gba o-o kala ndu okpála hana. Djaa atsia adu abatisa uo bhú ngade 'ngu na Djuludani. ⁶ Djaa adu adyi bongo inde u adu e li su enu u a'i e me «samo.» Ani adu agbite ludu e ne ekpú na kó 'nu. Ani adu azu omakindolo di ne nadha 'mu eú.

⁷ Ani atsia adu apa pi uo me: «Kpála bini ngago pita ma. Kpála ango-o ane ma ne angu. Ma ne tetele kpála ade ngubula me ma kita ne kuto ngubula me ma bhulu ekpú na maléké gba ani-o. ⁸ Ngama-a, ma ngabatisa yi ne engu. Engú bini, ngaani-e, ani abátisa yi ne Bu Bhopua ..»

Djaa abatisa Yesu

(Tsia bhú Mat. 3:13; di ne bhú Luk. 3:21-22.)

⁹ Bhú okpí bhomu-o, Yesu ayie bhú Nadjaleta, gudhu bini na ndu doto na Galilaya, Djaa atsia abatisa ani bhú ngade 'ngu na Djuludani.

† 1:3 1:2-3 Tsia bhú Mal. 3:1; di ne bhú Isa. 40:3.

10 Nedhingga li Yesu adu akoto lie bhú 'ngu-o, ani au kokpí ngada bhúsú e. Ani atsia au di Bu Bhabua ngaké pi e maka bebhe. **11** Abhomú-o, eli bini akoto abhúlá, atsia apa me: «Mu ne Ndili gba ma inde ma kunda e naali, mu ne kpúkpú na bua ma.»

*Satana ale Yesu
(Tsia bhú Mat. 4:11; di ne bhú Luk. 4:1-13.)*

12 Pipita kolo me-e, Bu Bhabua atsia amba bhúla Yesu abhú mili bili. **13** Ani adu oo ngubula ekpí ndjikpa badha me Satana nde ngale ani. Yesu adu nadu li bili li onu na bili adudu li e-o. Oandjelu atsia adu nateteke ani.

*Yesu a'i omukpata na gigina
(Tsia bhú Mat. 4:12-22; di ne bhú Luk. 4:14-15, 5:1-11.)*

14 Ekpí bini, pita li Elode Atipasi aholo Djaa lie, ani atsia ato ani bhú tikpu-o, Yesu anu bhú ndu doto na Galilaya. Ani adu akpokpo Bádha Ngali gba Ebhe-e* pi okpála. Ani adu apa me: **15** «Nedhingga nani li Ebhe a'o e akolo. Na gba ani-e akolo di masikpe. Yi dji bua yi, yi bhuka Bádha Ngali gba Ebhe-o.»

16 Li ani adu akpangba ngo 'kpe na Galilaya lie, ani au Simo ne ndai e Andili me u nde ngabhike nado bhúbhú. Padhá de, anga u du nani obhulu nagbe sungu. **17** Yesu atsia apa pi uo me: «Yi kpata ma, ma adjí ibili yi obhulu nagili okpála pi Ebhe.» **18** Kolo me-e, u a'o ka onado gba o-o, u atsia akpata ani.

19 Pipita-a, Yesu adyudyo mbo lie ne kalanu masudha, ani au ongisi gba Djebedayo: Djaki ne ndai e Djaa. U adu me u nde bhú zabu gba o, u nde ngaleke onado gba o-o. **20** Abhomú-o, ani a'i uo. Má gala kolo me-e, u a'o ka 'dyi o, Djebedayo bhú zabu bhú dabili bini ne okpála na kulu-o. U atsia akpata ani.

* **1:14** 1:14 Bhú obhuku koko-o mo obháka me u nde aye me «Bádha Ngali Na gba Ebhe.» Tsia bhú Mlk. 6:17.

*Yesu akobho kpála bini inde li siti bua adu nadu bhú e
(Tsia bhú Luk. 4:31-37.)*

21 Abhomú-o, Yesu ne omukpata gba e akolo bhú kuti na Kapalanauma. A akolo lie bhú 'kpí naguo gba omaYuda-a, Yesu ali bhú 'ti nadje lili gba Moidje, ani atsia aholo nasuno. **22** Okpála inde adu nadje ani-e, adu nangamba naali li nasuno gba ani-o. Padhá de, anga ani du asuno maka omusuno na lili gba Moidje de. Engú bini, ani adu asuno ne angu. **23** A abhaka me bhú 'ti nadje lili oo, kpála bini inde li siti bua adu bhú e nde oo. Abhomú-o, kpála ango-o asula me:

24 «Yesu, kpála na Nadjaleta, mo okunda namene ngú ya pi? Mo ogo

ngú nandjia angu ya? Ma mbila

hana me mu ne da-ie. Mu ne Kpála

na Bubu inde li Ebhe atima e ko!»

25 Engú bini, Yesu ambe bhú 'ndji siti bua ango-o me: «Gbite 'bhé mu, amba mu koto la di bhú kpála ango-o makoto!» **26** Abhomú-o, siti bua adyiki kpála bhomú-o má djigi djigi! Ani atu 'ue, ani atsia akoto bhú ani. **27** Ndu okpála hana angamba naali. Kaka-a, u aholo nayi li o sonda o me: «A inde-e mangua 'ngú dho? Nasuno na mbia inde-e abedhe ne angu! Kpála inde-e ngaha belegu lili pi osisiti bua, u la bhadi ngamemene!» **28** Abhomú-o, ngali gba Yesu-o ayangba bha kolo bhú ndu doto na Galilaya libhomu.

*Yesu akobho okpála bhelé na kuo
(Tsia bhú Mat. 8:14-17; di ne bhú Luk. 4:38-41.)*

29 Yesu akoto lie bhú 'ti nadje lili-e me-e, u atsia anu ne Djaki di ne Djaa bhú 'ti gba Simo ne Andili. **30** A abhaka me 'hi wala Simo nde asi kuto, ka anga adu li ani ne kuo, kute ani adu kpákpá. Abhomú-o, u atsia apa kolo engú gba ani-e pi Yesu. **31** Ani dyudyo lie de ani. Ani aha 'kpa ani, ani a'e ani bhúlá. Kuo ayie li ani, ani atsia aholo nalu 'zu pi uo.

³² A akolo lie tagolo pita natì ka ela-a, okpala aholo nago ne obhulu kuo di ne obhende adu ne osisiti bua bhù o pi Yesu. ³³ Okpala na gudhu libhomu adu apo bhùla o li 'bhè bhoti-o. ³⁴ Abhomu-o, Yesu akobho okpala bhelé inde adu ne okuo ngangá. Ani atsia apandja di obua na sisiti bhelé inde adu nadu bhù okpala-o. Ani ha la di nedhinga pi osisiti bua ango-o ngù nagama 'ngù belegu de bini. Padhá de, anga a adu me u nde ngambilà anì hana.

Yesu akpokpo Ngali gba Ebhe-e bhù Galilaya

(*Tsia bhù Luk. 4:42-44.*)

³⁵ Bhù sìkikpi-e, me biti nde ani nga bha má gbu-o, Yesu ayie bhùlá, anì akoto. Ani atsia atapa abhù mili bili. Oo, anì aholo nayo Ebhe. ³⁶ Abhomu-o, Simo ne okpala bhende u adu ne o-o, aholo nagili anì. ³⁷ U au anì lie, do uo pi anì me: «Ndù okpala hana ngagili mu.» ³⁸ Abhomu-o, Yesu atsia apa pi uo me: «Ní nu li obili koko, bhù okuti na ngongo, amba ma kpokpo di Ngali gba Ebhe-e oo. Padhá de, anga a bhomu-o engù inde ma ago ngù e ko.» ³⁹ Abhomu-o, Yesu adholo nani bhù ndu doto na Galilaya libhomu. Ani atsia adu akpokpo Ngali gba Ebhe-e bhù otì nadje lili na kùti gba uo-o. Ani adu di napandja osisiti bua inde adu nadu bhù okpala-o.

Yesu akobho bhulu kába bini
(*Tsia bhù Mat. 8:1-4; di ne bhù Luk. 5:12-16.*)

⁴⁰ Bhù oekpí bhomu-o, bhulu kába bini adyudyo lie de Yesu. Ani atutu lipuku e kuto kala anì, anì atsia akikiliki lie pi anì me: «I du me mu nde akunda-a, mu ti da nakobho ma.» ⁴¹ Yesu adje ndjinga anì, anì a'o 'kpa e li kute anì. Ani atsia apa pi bhulu kába ango-o me: «Ako, ma akunda. Kokobho!» ⁴² Ma 'li ma me-e, kába agulu li anì hana má da! Ani atsia akobho. ⁴³ Kolo me-e, Yesu agie anì sidi ne nagbele 'dje anì kpekpeke. ⁴⁴ Ani atsia apa pi anì me:

«Djedje! Mo osú 'kpá li 'ngù inde-e de kpala bini belegu de má kpo! Engù bini, nu suno limu pi dimando gba Ebhe, amba mu ha makiso gba mu-o maka li Moidje aye nani lie-o. Bhabhomu-o asúno pi okpala me mo okobho.» ⁴⁵ La-a, li kpala ango-o ayie lie oo, anì aholo bha ne kpokpo 'ngù bhomu-o pi ndù okpala hana li ndù bili hana inde anì adu apu li e-o. Kaka-a, Yesu ti matá nani da nasuno lie mbámbá bhù gudhu de. Engù bini, anì adu bha ibili nadu ne alingo gudhu, bhù omili bili. Okpala adu ayie ne ndù bili hana, u atsia adu ago nabhaka anì.

2

Yesu akobho dükuto
(*Tsia bhù Mat. 9:1-8; di ne bhù Luk. 5:17-26.*)

¹ Pita 'kpí masudha-a, Yesu agie lie bhù Kapalanauma. Okpala atsia adje me anì akuti. ² Abhomu-o, kambi okpala ago apo bhùla o oo. Kaka-a, bili na padhá tsia du de, belegu de ali 'bhè bhoti. Ani atsia adu akpokpo eli gba Ebhe-e pi uo. ³ Bhù nedhinga bhomu-o, obhosì badha ago pi anì ne dükuto bini me u nde abi anì mabi. ⁴ Engù bini, li okpala adu la lie bhelé-e, u tsia ti nani da nakolo ne anì li Yesu de, Abhomu-o, u atsia a'u ne anì apí 'ngbu 'ti. U adu gudho li 'ngbu 'ti-e li lele bili inde Yesu adu lie-o. U atsia akè dükuto-o pi kalagba gba e téte.

⁵ Li Yesu au nabhuka gba uo lie, anì atsia apa pi dükuto-o me: «Ndika ma, osisiti 'ngù gba mu-o a'e lie a'e.»

⁶ Omusuno na lili koko gba Moidje adu me u nde adulu kuto oo. U atsia adu nabhundja li bua o me: ⁷ «Kpala inde-e ngagama 'ngù mo-o ka ni? Ani ngasobho Ebhe. A ti da na'e siti 'ngù gba kpala da, bha bini Ebhe kpi e kpi di?» ⁸ Yesu atsia ambila bha kolo me u ngabhundja li bua o mo-o. Abhomu-o, anì atsia apa pi uo me: «Yi ngabhundja li bua yi mo-o ka ni?» ⁹ A ane ne bhuku ne bhedho: ne napa pi dükuto-o me «Osisiti

'ngú gba mʉ-o a'e lie a'e», ne napa me «Yie bhʉlá, ha kalagba gba mʉ-o, amba mʉ dhʉku?» ¹⁰ Engú bini, ma adji asuno pi yi me «Ndili gba kpála ne angu na'e osisiti 'ngú gba okpála na píla doto.» Abhomʉ-o, ani atsia apa pi dʉkuto-o me: ¹¹ «Ma apa pi mʉ me yie bhʉlá, ha kalagba gba mʉ-o, amba mʉ gie limʉ agba mʉ!» ¹² Kolo me-e, bhoko ango-o ayie bhʉlá, ani aha kalagba gba e-o, ani akoto bhʉ ká djila ndʉ okpála hana, ani atsia atapa. Ndʉ okpála hana adʉ angamba. U adʉ adhegə Ebhe. U atsia adʉ apa me: «Ya u nga ngua engú inde-e belegʉ de bini!»

*Yesu a'i Levi
(Tsia bhʉ Mat. 9:9-13; di ne bhʉ Luk. 5:27-32.)*

¹³ Pipita-a, Yesu anʉ matá lingo ekpə na Galilaya. Bhti okpála adʉ ago abhaka ani, ani atsia adʉ asuno pi uo. ¹⁴ Ani adʉ akodho 'kpí lie, ani au Levi, ndili gba Alafayo me ani nde adʉ bhʉ 'ti inde u adʉ akala mandjandja bhʉ e-o. Yesu apa pi ani me: «Kpata ma.» Levi ayie bhʉlá, ani atsia akpata ani. ¹⁵ Pipita-a, Yesu atsia anʉ nazʉ 'he bhʉ 'ti gba ani. Ondembì na mandjandja di ne okpála namene siti 'ngú bhelé adʉlʉ de Yesu ne omukpata gba e-o. Padhá de, anga ongu okpála bhomʉ-o bhelé adʉ akpata ani. ¹⁶ Li omʉsuno na lili inde adʉ bhʉ ká omʉFalisai au lie me Yesu ngazʉ 'he ne ongu okpála bhomʉ-o, u atsia ayi omukpata gba ani-e me: «Ani ngazʉ 'he bhʉ dabili bini ne ondembì na mandjandja di ne okpála namene siti 'ngú ngú ni?» ¹⁷ Yesu adje uo napa engú bhomʉ-o lie, ani atsia apa pi uo me: «Okpála inde ne kuo ade-e ne gʉmu mʉtia ade. Engú bini, okpála na kuo mangbo ne gʉmu ani ngao. Ma go ngú na'i okpála bhende apa me o ngingbili-e de. Engú bini, ma ago mangbo ngú na'i obhende ngau lio me o ne osisiti okpála ko.»

*Yesu akpo 'ngú pindji natse 'zʉ ngú nayo Ebhe
(Tsia bhʉ Mat. 9:14-17; di ne bhʉ Luk. 5:33-39.)*

¹⁸ Ekpí bini, omukpata gba Djaa bhʉlʉ nabatisa okpála di ne omʉFalisai adʉ atse 'zʉ ngú nayo Ebhe. Abhomʉ-o, okpála ago ayi Yesu me: «Ka ní li omukpata gba mʉ-o tsetse ezʉ lie ngú nayo Ebhe de-e, obhende gba Djaa bhʉlʉ nabatisa okpála di ne obhende gba omʉFalisai-e nde la ngatsetse-e?» ¹⁹ Yesu agie pi uo me: «Yi abhundja naayi me okpála inde ago bhʉ da anokomia na kʉva tì da natse nazʉ 'he me 'ko ele-o nde bhʉ dabili bini ne uo? 'Kpí bini de! Nedhinga inde li 'ko ele-o nde nga bha lie bhʉ dabili bini ne uo-o, u tì da natse nazʉ 'he de. ²⁰ Engú bini, ekpí akólo makolo nedhinga inde li u a'e 'ko ele-o lie bhʉ ká uo-o, ekpí ango-o, u tsia tsé nazʉ 'he. ²¹ Kpála bini tì da naleke bongo na didili ne pála bongo na mbia de. I du mo-o de-e, pála bongo bhe na mbia sídha té bhe na didili-o, li eka ango-o kólo ngbéngbé ane bhe na kalanʉ-o mane. ²² La di-e, kpála bini túko pandi na mbia bhʉ odidili dhudhu na kó 'nʉ de. I du mo-o de-e, pandi-e úpa bhʉsʉ odhudhu-o. Ani tsia néke pandi-e ne odhudhu-o hana. Engú bini, pandi na mbia ayo bha ne odhúdhú na mbia.»

*Yesu ne Ngámá pí 'ndji ekpí naguo gba omaYuda
(Tsia bhʉ Mat. 12:1-8; di ne bhʉ Luk. 6:1-5.)*

²³ Ekpí bini naguo gba omaYuda, Yesu ne omukpata gba e adʉ akodho 'kpí bhʉ ngu 'zʉ inde u a'i e me ngano. Omukpata gba ani-e aholo akodho 'ndji 'ndji, u atsia adʉ nazuzʉ. ²⁴ OmʉFalisai apa pi Yesu me: «Tsia nga engú u ngamene e li 'kpí naguo-o. Lili gba ní-e zibा namene kulu bhʉ 'kpí naguo de.» ²⁵ Ani atsia gie pi uo me: «Yi tanga nga engú inde li Davidi amene nani

e dí? Ekpí bini, ngaani ne okpála inde adú adhukú bhú dabili bini ne ani-e adje gumar. ²⁶ Abhomú-o, ani ali bhú 'ti Ebhe, ani atsia azú mapa inde u a'o e pi Ebhe-o (a adú me Abiatali nde ne bhele kpála gba odimande li nedhinga bhomú-o ngae). La-a, líli gba ní aziba me odimande zuzú bha ngao kpi o kpi. Engú bini, Davidi azú, ani atsia aha di pi okpála inde adú adhukú bhú dabili bini ne ani-o.» ²⁷ Yesu atsia apa matá pi uo me: «U a'o ekpí naguo pi kpála-kuti. Engú la bini, u bho kpála-kuti pi ekpí naguo de. ²⁸ Kaka-a, Ndili gba kpála di ne Ngámá pi 'ndji ekpí naguo.»

3

Yesu akobho bhoko bini li 'kpí naguo gba omaYuda

(Tsia bhú Mat. 12:9-14; di ne bhú Luk. 6:6-11)

¹ Ekpí koko, Yesu ali matá bhú 'ti nadje líli gba Moidje-o. Bhú 'ti oo, kpála bini inde li 'kpa e andia adú oo. ² OmúFalisai adú akunda na'o 'ngú pi Yesu. Kaka-a, u aholo atsia ani ne kpéke djila, atigala ani kóbho kpála inde adú me 'kpa e nde andia-a li 'kpí naguo. ³ Abhomú-o, Yesu atsia apa pi kpála angó-o me: «Yie bhúlá, amba mu lu si bhú ká djila ndú okpála hana.» ⁴ Pipita-a, Yesu atsia ayi okpála inde adú oo me: «Li 'kpí naguo gba omaYuda-a, líli gba ní-e aziba bhedho: U mene bádha 'ngú ne me u mene siti 'ngú? U kobho kpála ne me u bhéle kpála?» Engú bini, u tsia du ne engú na gigie de! ⁵ Ani aholo atsia ndú uo hana bini ne bini na gúgú. Bua ani ake, ka kpéke 'ndji gba uo-o. Abhomú-o, ani atsia apa pi kpála li 'kpa e andia me: «Gbele 'kpa mu.» Kpála angó-o agbele 'kpa e, 'kpa ani atsia akolo matá ndjindji. ⁶ Li omúFalisai aze lie oo, u atsia apo kolo bhúla o ne omaha Elode.* U atsia adje lio me ogili kpadjí nabhéle Yesu.

Kambi okpála akpata Yesu

⁷ Pipita-a, Yesu ne omúkpata gba e agbida língo ekpè na Galilaya. Kambi okpála atsia akpata ani. Okpála angó-o ayie nani bhú ndu doto na Galilaya ne Yudaya, ⁸ bhú gúdhú na Yelusalema, bhú ndu doto na Idumé, bhú ndu doto inde ayi 'ngu na Djúludani, bhú odoto na Tile ne Sidona. Kambi okpála angó-o adje nani ngali na ongú li Yesu adú amene e lie, u atsia ago abhaka ani. ⁹ Yesu atsia aha líli pi omúkpata gba e me u 'o zabu pi ni bini masikpe, amba i du me okpála bhomú-o nde asulu ni má wakaka-a, ni de 'u bhúbhú. ¹⁰ Padhá de, anga ani akobho nani okpála bħelé. Kaka-a, okpála na kuo adú agbene lio me o bu 'kpa o li ani amba o kobho. ¹¹ Li okpála inde li osisiti bua adú ato mbolo li o adú au ani lie, u adú ago atuko ne 'ue bhú li 'dhú ani me: «Mu ne Ndili gba Ebhe.» ¹² Engú bini, Yesu adú apa pi uo na gúgú me u ambámba ta ni pi okpála koko de.

Yesu alo obħulū titima ndjikpa ne ká bhisi

(Tsia bhú Mat. 10:1-4; di ne bhú Luk. 6:12-16.)

¹³ Pipita-a, Yesu a'u apí 'ta. Ani atsia a'i obhende ani adú akunda o-o. U atsia ago abhaka ani. ¹⁴ Abhomú-o, bhú ká okpála angó-o, ani alo okpála ndjikpa ne ká bhisi. Ani agisila li uo me obħulū titima. Ani a'o uo ngħubula me ni du adú ne uo bhú dabili bini, la di ngħubula me ni tima uo ngú napandja osisiti bua bhú okpála. ¹⁵ Ani aha di pi uo angu ngú napandja osisiti bua bhú okpála. ¹⁶ A inde-e obhe ndjikpa ne ká bhisi inde ani alo nani o-o: Simo (inde li Yesu agisila nani 'li e me «Piele»), ¹⁷ Djaki ne ndai e Djaa (ongisi gba Djebedayo inde li Yesu aha nani 'ili koko pi o me «Boaneledjesi», a akunda napa me

* ^{3:6} 3:6 Okpála gba Elode: A ko okpála inde adú bhú dabili bini ne Elode. Tsia bhú Mat 22:16.

«ongisi gba m̄ugbálá»), ¹⁸ a la di-e, Andili, Filipo, Batelemi, Matié, Tuma, Djaki (ndala Alafayo), Tade, Simo (kpála nakunda doto gba e naali), ¹⁹ di ne Yuda Isikaliote, kpála ìnde apá Yesu-o.

Okpála na piga gba Yesu abhundja me ani ati pele

²⁰ Abhomu-o, Yesu agie matá lie li bili ani adu nadu li e-o, bhti okpála atsia ago apo matá bhúla o de ani. Kaka-a, Yesu ne omukpata gba e sia belegu nedhinga ngú nazu 'he de.

²¹ Li okpála na piga gba ani adjengali ango-o lie, u ake kpadji ngú nanu aholo ani. Padhá de, anga u adu apa me: «Yesu akolo bhúlu pele!»

Yesu agie 'ngú pi omusuno na lili gba Moidje

(Tsia bhú Mat. 12:22-32; di ne bhú Luk. 11:14-23, 12:10.)

²² Abhomu-o, omusuno na lili gba Moidje ìnde ayie nani bhú Yelusalema adu apa me: «A bhú kpála bhomu-o ne Beledjebula!» U adu di apa matá me: «A ngaha angu nato holo bhú 'dhú osisiti bua pi ani ne ngámá gba osisiti bua.»

²³ Abhomu-o, Yesu atsia a'i omusuno bhomu-o. Ani atsia apa pi ue bhú gbitaku me: «Lele pi Satana ti da nato holo lie bhú 'dhú Satana-a? ²⁴ I du me okpála gba ngámá bini nde ngagu gbele súnda o, kuti ango-o lú-de. ²⁵ I du me okpála na piga bini nde ngagu gbele súnda o, piga ango-o lú-de. ²⁶ I du me Satana nde ngagu lie ngae makpe, nau gba ani-e gbógbó bhúsue. Ani ti da nabhue de, li 'ngú gba ani-e ndjia.

²⁷ Kpála ti da nali bhú 'ti gba kpéke bhoko bini de, ani tsia bhá ndu 'he gba ani-e me ani nde agbigbite ngaiza kpéke bhoko bhomu-o kalanu de-e de. Engú bini, ani de agbigbite ani agbigbite-e, ani tsia bhá ndu 'he gba ani-o. ²⁸ Ma apa pi yi na paká me, u tí da nambu li osisiti 'ngú gba okpála di ne osobho

ìnde u ngasobho Ebhe ne e hana. ²⁹ Engú la bini, li kpála sobho Bu Bhabua-a, Ebhe 'é siti 'ngú gba kpála ango-o de. Padhá de, anga ani amene bhomu-o siti 'ngú na duduwa. ³⁰ Yesu adu apa nani pi ue mo-o, anga u adu apa me: «A bhú ani ne siti bua.»

'Hi Yesu ne ondaise Yesu ngao dho (Tsia bhú Mat. 12:46-50; di ne bhú Luk. 8:19-21.)

³¹ Pipita-a, 'hi Yesu ne ondaise ani akolo li bili ani adu asuno li e-o. U alulu akilidjo, u atsia atima kpála bini ngú na'i ani. ³² Kambi okpála adulu nani de ani. U atsia apa pi ani me: «Tsia nga, 'hi mu di ne ondaise mu alulu akilidjo, u ngagili mu.»

³³ Ani atsia gie pi ue me: «'Hi ma ne ondaise ma ngao dho?» ³⁴ Abhomu-o, ani atsia bhti okpála asa dengo ani ngbalina-o. Ani atsia apa me: «Yi tsitsia nga, 'hi ma ne ondaise ma ngao ìnde! ³⁵ Ndu kpála hana ìnde ngamene engú li Ebhe akunda e, kpála ango-o, a ko ndai ma na bhobhoko, a ko ndai ma na oelø, a ko la di 'hi ma.»

4

Gbitaku gba bhúlu nalu nguwa (Tsia bhú Mat. 13:1-9; di ne bhú Luk. 8:4-8.)

¹ Li Yesu akolo lie lingo ekpø na Galilaya-a, ani aholo matá nasuno. Abhomu-o, bhti okpála na bhibhití ago apo bhúla o de ani. Kaka-a, ani atsia a'u bhú zabu bini, ani anu adu bhúbhú apí 'ngu. Bhti okpála-a atsia adu naao apigo dengo 'nguo. ² Yesu atsia adu asuno ongú pi ue bhelé bhú ogbitaku. Ani adu apa bhú nasuno gba e me: ³ «Yi djedje nga! Ekpí bini, kpála bini anu abhiye gba e ngú nalu 'zú. ⁴ Nedhinga ani adu alulu lie, téte abala lingo kpadji. Odhu ago, u atsia azu hana má kpékébhe!

⁵ Koko atsia abala li bili na teme, doto du li bili ango-o bhelé de. Kaka-a, a atsia ake má gala, anga doto

dú sasa bħelé de. ⁶ Engú bini, lí ela akolo lie kpekpeke-e, eżu angoo atsia atsulu ka ndibħili sisie-o. Abhomu-o, a atsia a'ulu. ⁷ Té koko abala lí bili na oeti, oeti atsia abhele, a anguvo eżu-o. Kaka-a, a atsia lí lillí de. ⁸ Lí nguwa koko atsia abala lí bili na dobho, a akø, a abhele a atsia ali lillí. Lí nguwa bini ali lillí ndjikpa bata. Koko ali lillí kámá bini.» ⁹ Yesu atsia abu tata me: «Í dū me a nde lí kpála ne djedje ngú nadje 'kpí-e, ani de dje!»

Yesu ngakpo 'ngú bhú ogbitaku ká ni?

(*Tsia bhú Mat. 13:10-17; di ne bhú Luk. 8:9-10.*)

¹⁰ Pipita-a, lí Yesu atigala bha lie ne omukpata ndjikpa ne ká bhisi di ne okpála inde adú nadú de ani titi o-o, u aholo nayi ani pindji ogbitaku-o. ¹¹ Ani atsia agie pi uo me: «Ngaye, Naú gba Ebhe ambamba ta e pi yi ambamba. La-a, pi okpála bhende kilidjo-o, ma bha ngapapa pi uo bhú ogbitaku. ¹² A ko ngubula me engú inde bhú Bhuku gba Ebhe-e mene lie. Engú inde me:

<Abana u dū atsia 'kpí-e, u ú 'kpí de, abana u dū adje 'kpí-e, u kó mbolimboli de. Kaka-a, u djí bua o de, Ebhe 'é di siti 'ngú gba uo-o de.[†]>»

Yesu ambamba ta gbitaku gba bhulú nalu nguwa

(*Tsia bhú Mat. 13:18-23; di ne bhú Luk. 8:11-15.*)

¹³ Pipita-a, Yesu atsia apa pi uo me: «Yi kó mboli gbitaku bħomu-o de! La mbia inde-e, yi akó mboli ndú ogbitaku koko hana lele pi?

¹⁴ Bhulú nalu nguwa inde ma de apa 'ngú e ngalu eli gba Ebhe .

¹⁵ Okpála koko maka ngo 'hi kpadjí lí bili inde lí eli gba Ebhe-e alu lie lí e-o. Nedħinga u adje eli-e lie, kolo ma 'li ma me-e, Satana gó, ani tsia 'é eli inde alu lie bhú uo-o. ¹⁶ Okpála koko

ngasia eli-e bhú doto na ká teme. Nedħinga u ngadje eli-e lie, a bhúe de u ngasisia ne djali hana. ¹⁷ Engú bini, u 'o de me eli bħomu-o si kuti e ali bua o-o de. U nga'o 'to o tété bha mbo ngú nedħinga bedi. Kaka-a, nedħinga lí okpekpeke da 'ngú ngago lie, i dū di-e mbolo ka 'li Ebhe-e, u nga'o ká nabħuka gba o kolo má gala! ¹⁸ Matá-a, okoko ngasia eli-e bhú ká oeti. A bħomu-o, obhende i di me ziba eli inde u ngadje eo. ¹⁹ Engú bini, u ngabħundja naali pindji ongú na doto inde. Tiatiā ngapipite uo. La di-e, ndú ogħum 'ngú ngangá ngali bhú uo, i tsia ngúvo eli-o. Kaka-a, eli-e zú nguwa de. ²⁰ Ngú nabu tata-a, okoko ngasia eli-e bhú doto na dobho. U ngadje eli-o, u ngasisia, u la di ngali lillí. Bhú okoko-o, lillí bini ngali lillí ndjikpa bata, bhú okoko ndjikpa madħia, bhú okoko kámá bini.»

*Yesu akpokpo gbitaku na eke
(Tsia bhú Luk. 8:16-18.)*

²¹ Pipita-a, Yesu atsia apa pi uo me: «U dhedħedhe eke ngubula na'o'o asa luu i dū di-e asa mako uu? U dhedħedhe mangbo ngubula na'o'o pi misa. ²² Padħá de, anga ehe bini ade inde adádħu bhú pepe, inde i kóto bhú mbasu de-e ade. La di-e, ndú 'he hana inde awo lie mawo inde li kpála u e de-e ade. ²³ Í dū me a nde lí kpála ne djedje ngú nadje 'kpí-e, ani de dje!»

²⁴ Yesu atsia apa pi uo me: «Yi 'o 'to yi lí 'ngú ma ngapa e ndjindji, anga yi dje ndjindji-e, yi kó bhadi mboli engú bħelé. ²⁵ Padħá de, anga kpála inde ngake mboli engú ndjindji-e, Ebhe ambámba bhadi ta engú bħelé pi ani. Engú bini, kpála inde i kó mboli engú ndjindji de-e, u a'ē belegu mboyen bhende ka ani-o.»

Naú gba Ebhe-e maka ni?

²⁶ Yesu atsia apa matá pi uo me: «Yi tsia nga ehe inde lí Naú gba Ebhe-e nde maka e ko. A maka kpála

[†] 4:12 4:12 Tsia bhú Isa. 6:9-10.

inde adji abhiye ngú nalu nguwa. ²⁷ Ngbíkpi ne sukpe, abana ani du bha tília, ne me ani du li zákú, lí nguwa du bha me a nde ngaze, a nde la di ngabhele. Ani mbila la de me a ngamene lie lele pi-ie de. ²⁸ Doto ne titi e ngaké ngaiza mágana. Pipita-a, i bí 'bhí. Li soso-o, i bá lílí inde ato na paká paká. ²⁹ Li lílí mbe-e, kpála alu-o tsia kodho anga a ko nedhinga na'e nguwa abhiye.»

³⁰ Yesu atsia apa matá me: «Ní ti da nakpo 'ndjí Naú gba Ebhe-e ne ni, ne me ní ti da nasusuno lí mangua gbitaku dho? ³¹ A maka lí 'lá u a'i e me mütadi. Li u lu ani bhú doto-o, a ko lí nguwa bhe na ye ye a ne mane bhú ká oli nguwa hana na píla doto. ³² Engú bini, nedhinga u alu ani lie, a ngabhele, i tsia kólo ngbéngbé a ne ondula koko hana. Li oyáyá-a kólo ngbengbengbe da napa me odhu ti da nayiki otí gba o bhú bhti kpákpá-o.»

³³ Abhomú-o, Yesu adú asuno bhú ogbitaku bhelé maka obhende bhomú. Ani adú akpokpo 'li Ebhe pi uo li lele bhende lí okpála adú adje ani-e, ti da nake mbolimboli lie ko. ³⁴ Ani du nani agama 'ngú pi uo padhá de mandi gbitaku. Engú bini, nedhinga ani adú nadú lie ne omukpata gba e titi o, ani atsia adú ambamba tata-a pi uo hana.

*Yesu ayoko kpéke anvi pi 'ngu
(Tsia bhú Mat. 8:23-27; di ne bhú Luk. 8:22-25.)*

³⁵ Bha tagolo bhú ekpí bhomú-o, Yesu atsia apa pi omukpata gba e me: «Ní gulu 'ngu ayi 'ngu.»

³⁶ Abhomú-o, u a'o ká bhti okpála-o, u anú ne Yesu bhú zabu ani adú bhú e-o. Ozabu koko adú di bhú dabili bini ne uo. ³⁷ Kolo me-e, kpéke anvi na gipi aholo ape. Ongbo 'ngu-o adú atuko bhú zabu masikpe de me zabu-o bedhe ne engu. ³⁸ La ngaani, Yesu-o, ani adú me ani nde ala atabhu zabu-o. Ani a'o 'ndjí e pi kuse. Omukpata gba ani anú azákú ani ne napa pi ani me: «Máguno, ní

adjí amú. A zi 'ngú bhú djila mu di?» ³⁹ Ani azákú lie, ani ambe bhú 'ndjí anvi-o. Ani atsia apa pi ngbo 'ngu-o me: «Gba 'bhé mu! Ndjili má bulu!» Anvi a'o nape, engu atsia akolo guguo má bi! ⁴⁰ Yesu atsia apa pi omukpata gba e me: «Yi ne tsúlu mo-o ka ni? Nabhuka nga bhú yi adí?» ⁴¹ Engú bini, u adú adje tsúlu naali. U atsia adú apa súnda o me: «Ae mangua kpála dho i ngadje belegu e ne anvi di ne engu-o?»

5

*Yesu akobho kpála bini inde li siti bua adú nadú bhú e
(Tsia bhú Mat. 8:28-34; di ne bhú Luk. 8:26-39.)*

¹ Pipita-a, Yesu ne omukpata gba e akolo ayi 'ngu, bhú ndu doto gba okpála na Gelasa. ² Li Yesu akoto lie bhú zabu-o, kolo me-e, kpála bini akoto li bili na olata, ani atsia ago abhaka ani. Kpála ango-o, siti bua adú nadú bhú ani. ³ Kpála ango-o adú nadú bhú ká olata. Kpála bini ti nani da nagbite ani de, belegu de ne gbindjili. ⁴ Padhá de, anga bhútsibhútsi, u adú agbrite 'dhú ani di ne 'kpa ani ne ogbindjili. Engú bini, ani adú akokodho ogbindjili bhomú-o má dhu dhu dhu! Kpála bini ko nani angu e pi ani de. ⁵ Ndú 'kpí hana sukpe ne ngbíkpi ani adú bha nasasúla bhú ká olata di ne bhú ká oeta. Ani atsia adú natsotsolo eka li kute e ngae makpe ne oteme.

⁶ Ani au Yesu lie me ani nde nga bha tsutsu-o, ani ago ne holo, ani atutu lipuku e kuto kala ani. ⁷ Ani atsia asúla kpekpeke me: «Yesu, Ndíli gba Ebhe Apí 'Kpí, mo okunda namene ngú ma pi? Ma akikiliki lima pi mu! Ne 'li Ebhe, mo otó mbolo li ma de.» ⁸ (Ani asúla mo-o, anga Yesu apa nani pi siti bua ango-o me ani koto bhú kpála bhomú-o makoto!) ⁹ Abhomú-o, Yesu ayi ani me: «A 'li mu pi?» Ani agie pi ani me: «A 'li ma me Bhelé, anga ya

bhibhiti.» ¹⁰ Abhomu-o, osisiti bua-a akikiliki lio pi Yesu naali me ani agbe o bhú ndu doto bhomu-o de.

¹¹ A abhaka me 'ngbé piga opame nde ngazu 'he li pabu 'ta oo.

¹² Osisiti bua atsia akikiliki lio pi Yesu me: «Tima ya bhú ká opame inde, amba ya li bhú uo.»

¹³ Abhomu-o, Yesu atsia aziba pi uo. U aze bhú kpála ango-o, u atsia ali bhú opame-o. Piga opame bhomu-o libhomu ake eta ne holo, u anu atuko bhú ekpè-o, u atsia amu ndu o hana. U adu masikpe de kutu bhisi.

¹⁴ Abhomu-o, omulila gba opame atsi naao ne holo. U anu akpokpo 'ngú ango-o pi okpála abhú gudhú ne bhú okuti na ngongo. Okpála atsia ago ngú nau engú inde akodho 'kpí-o.

¹⁵ U ago de Yesu, u au kpála inde li bhti osisiti bua adu nadu bhú e-o; ani adu me ani nde adu kuto, ani nde ato bongo li e, ani nde ngabhundja 'ngú ndjindji. Abhomu-o, u atsia adje tsulú naali.

¹⁶ Okpála bhende au engú ango-o, atsia akpokpo engú inde akolo li kpála bhomu-o, di ne li opame-e pi uo.

¹⁷ Abhomu-o, u atsia aholo nakikiliki lio pi Yesu me ani yie bhú ndu doto gba o yiyie. ¹⁸ Li Yesu adu a'u lie bhú zabu-o, kpála li siti bua adu igini bhú e, adu akikiliki lie pi ani me ni du bha ibili ne ani bhú dabili bini. ¹⁹ Yesu tsia ziba pi ani mo-o de. Engú bini, ani apa pi ani me: «Gie limu agba mu, bhú ká okpála na piga gba mu-o, amba mu kpokpo ndu 'ngú hana li Ngámá amene e pi mu-o maka ani adje ndjinga mu lie pi uo.» ²⁰ Abhomu-o, kpála ango-o atapa. Ani atsia aholo nakpokpo ndu 'ngú hana li Yesu amene e pi ani-e bhú ndu doto na Ogudhú Ndjikpa. Okpála inde adu adje ani-e, ndu uo hana adu angamba naali.

*Yesu akobho ndili na øøle gba
Yailo di ne øøle bini
(Tsia bhú Mat. 9:18-26; di ne bhú Luk. 8:40-56.)*

²¹ Li Yesu agie matá lie lie ayi ekpè-o, kambi okpála abedhe de ani bedhe lingó ekpè-o. ²² Abhomu-o, súka ongámási na eti nadje líli gba Moidje ago. A du li ani me Yailo. Ani au Yesu lie, ani ati bhú li 'dhú ani. ²³ Ani atsia akikiliki lie pi ani ne kekele ne napa me: «Ndili na øøle gba ma-a masikpe de nakpi. Gogo, nu 'o 'kpa mu pi 'ndji ani ngubula me ani kobho, amba ani akpí-i de.» ²⁴ Abhomu-o, Yesu anu ne ani bhú dabili bini. Bhti okpála na bhibhití naali adu akpata ani. U aholo nasulu ani.

²⁵ Abhomu-o, øøle bini inde asi ne kuo naze ka ngute kalanga ndjikpa ne ká bhisi-e adu oo. ²⁶ Bhti omutia inde atia nani ani-e, aha nani likabhu pi ani naali. Padhá de, anga ani andjia nani tia nganda e hana má kpékébhé, ani kobho de! Engú bini, kuo gba ani-e adu mangbo nakolo sisiti naali. ²⁷ Ani adje ngali gba Yesu-o lie, abhomu-o, ani ago bhú ká bhti okpála ne akele ani, ani atsia abu 'kpa e li bongo gba ani-o. ²⁸ Padhá de, anga ani adu apa li bua e me: «I du me ma nde abu nga bha bini 'kpa ma li bongo gba ani-e, ma kóbho.» ²⁹ Abhomu-o, kolo ma 'li ma me-e, ngute-e akodho má ká! Ani atsia ambila bhú e me Yesu akobho ni ne kuo gba ni-e akobho.

³⁰ Bha li nedhinga bhomu-o, Yesu ambila bhú e makpe me angu nakobho kpála akoto bhú ni. Abhomu-o, ani atsia tsia 'kpí ne lingó e hana, ani atsia ayi me: «A abu 'kpa e li bongo gba ma-a da?» ³¹ Abhomu-o, omukpata gba ani-e agie pi ani me: «Mu ngau hana me bhti okpála asulu mu má wakaka! Lele pi mu ti da nayi lie me: <Abu 'kpa e li ma da-ie?>» ³² Engú bini, Yesu adu bha natsitsia 'kpí lingó e ngú nau kpála inde amene engú bhomu-o. ³³ Øøle ango-o adu adje tsulú, ani aholo naguku. Padhá de, anga ani ambila nani engú inde akolo li ani-e ndjindji. Ani ago ati bhú li 'dhú Yesu, ani atsia apa ndu 'ngú hana

na kükülu pi ani. ³⁴ Abhomu-o, Yesu atsia apa pi ani me: «Ndì ele-e, nabhuka gba mu-o akobho mu akobho, nu ne guo 'ngú. Mo okobho ne kuo gba mu-o akobho.»

³⁵ Yesu ndjia nga nagama 'ngú de, okpála inde ayie agba Yailo akolo. U atsia apa pi ani me: «Ndili gba mu-o akpi. Mo ondála matá Músuno de.»

³⁶ Engú bini, Yesu 'o 'to e li 'ngú u adu apa e de. Ani apa bha pi Yailo me: «Mo odjé tsulu de, du bha ne nabhuka.» ³⁷ Yesu tsia ziba pi kpála koko nanu ne o de. U anu bha bhú dabili bini ne Piele ne Djaki, a la di-e Djaa ndai Djaki-o. ³⁸ U akolo akuti gba Yailo. Yesu au me okpála má dja dja dja! U adu aku 'gbá naali, u atsia adu di atu 'ue. ³⁹ Abhomu-o, ani ali abhú 'ti, ani atsia apa pi uo me: «Yi má dja dja dja di ne naku 'gbá naali me-e ka ni? Ndili-e kpi de, engú bini, ani tila.» ⁴⁰ Abhomu-o, u aholo amu ani.

Engú bini, ngaani-e, ani apandja ndu okpála hana kilidjo. Ani aha bha bini 'dyi ndili-e ne 'hi ndili-o, la di ne omukpata gba e bata-o. Abhomu-o, u atsia ali ne uo abhú tina 'ti inde li ndili-e adu bhú e-o. ⁴¹ Ani aha 'kpa ndili-o, ani atsia apa pi ani me: «Talita kumi!» (Tata-a me: «Ndì ele-e, ma apa pi mu me yie bhúlá!») ⁴² Ndì ele ango-o (inde adu nani ne kalanga ndjikpa ne ká bhisi ayie kolo bhúlá má gala! Ani atsia aholo nadhuku). Bhú nedhinga bhomu-o, bhú 'bhé okpála akpina má di! ⁴³ Abhomu-o, Yesu agbele 'dje uo kpekpeke me u apá engú ango-o pi kpála belegu de bini. Pipita-a, ani atsia apa pi uo me u ha ezu pi ani.

6

*Okpála na Nadjaleta ayala Yesu
(Tsia bhú Mat. 13:53-58; di ne bhú Luk. 4:16-30.)*

¹ Yesu ayie li bili bhomu-o, ani atsia gie lie bhú Nadjaleta, kuti inde ani abhele bhú e-o. Omukpata gba ani-e atsia anu di bhú dabili bini ne ani. ² A akolo lie bhú 'kpí naguo gba

omaYuda-a , ani aholo nasuno bhú 'ti nadje líli gba Moidje-o . Abhomu-o, bhiti okpála inde adu nadje ani-e, adu angamba naali. U adu apa me: «A asuno ongú inde-e pi ani da? Ani ayie ne imbilangú di ne angu namene ongua ongamba 'ngú inde-e su? ³ A inde-e kpála nagolo ndula-a di? A ko ndili gba Malia di? A ko ndai Djaki ne Djodje, ne Djude, la di ne Simo-o di? Ondaise ani na olisilisi la bhadi bhú dabili bini ne ní sii adi?» Kaka-a, u atsia ayala nabhuka ani.

⁴ Abhomu-o, Yesu atsia apa pi uo me: «U mamanga polofeta ne ndu bili hana. La-a, u mamanga ani de-e bha bhú kuti inde u azu ani bhú e-o, ne bhú ká omaha ani, ne la di bhú ká okpála na bhú 'bu 'ti gba ani-o.» ⁵ Ka ndi nabhuka gba uo-o, ani ti nani da namene ongamba 'ngú oo bhelé de. Ani akobho bha obhulú kuo bedi me ani nde nga'o 'kpa e pi uo. ⁶ Abhomu-o, ani atsia adu angamba naali ka ndi nabhuka gba uo-o.

Yesu atima omukpata gba e ndjikpa ne ká bhisi bhú kulu

(Tsia bhú Mat. 10:5-15; di ne bhú Luk. 9:1-6.)

Pipita-a, Yesu adholo bhú ndu okuti na ngongo hana me ani nde ngasuno pi okpála. ⁷ Abhomu-o, ani a'i omukpata ndjikpa ne ká bhisi gba e-e ngú natima uo bhisi bhisi. Kala natima uo-o, ani aha angu pi uo ngú napandja osisiti bua bhú okpála. ⁸ Ani atsia aha líli inde-e pi uo me: «Yi ahá ehe bini ngú enú-o de, yi ha bha ndula bini. Yi abí ezu de, yi ahá gonia de, yi ató falanga li yi bhú 'ti bongo de. ⁹ Yi dyi maléké bhú 'dhú yi, engú bini, yi adyí bongo na mbulu bhisi de. ¹⁰ Nedhinga yi li lie bhú gudhú bini-e, yi de du bha nasi gba koli kpála bini akólo li 'kpí yi akoto bhú gudhú ango-o lie ko.

¹¹ I du me okpála na kuti bini nde sia yi de-e, i du la di me u nde dje yi de-e, yi de yie oo, amba yi

pulu ndju doto na kuti bhomu-o li 'dhue yi hana. Bhabhomu-o asuno ngae me yi abala uo ne ndue 'ngue gba o hana abala.» ¹² Abhomu-o, omukpata ndjikpa ne ka bhisie agbida. U atsia adue akpokpo ngali gba Ebhe-e pi okpala ne napa pi uo me a ayo me u dji bua o. ¹³ U adue apandja osisiti bua bheld bhue okpala. U atsia adue akobho okpala na kuo bheld ne napulu 'mu pi 'ndji uo.

*Elode Atipasi aha lili me u bhelo
Djaa bhule nabatisa okpala
(Tsia bhue Mat. 14:1-12; di ne bhue
Luk. 9:7-9.)*

¹⁴ Abhomu-o, 'ngbe ngama Elode Atipasi adje engue gba Yesu-o, anga li an i ayangba nani ne ndue bili hana. Okpala adue apa me: «Djaa bhule nabatisa okpala azuku! Kaka-a, a bhue an i ne angu namene ongamba 'ngue.» ¹⁵ Okpala koko adue apa naao me: «A ko polofeta Eliya.» Do okoko me: «A ko polofeta koko maka suke obhende na kalanu-o.» ¹⁶ Li Elode adje engue gba Yesu lie-e, an i atsia apa me: «A ko Djaa bhule nabatisa okpala! Ma ha nani lili ngama makpe me u kodho ngulu an i. La-a, an i azuku bhomu-o ngae!»

¹⁷ A na paká me Elode atima nani osuhda me u nu holo Djaa bhule nabatisa okpala, amba u to an i bhue tikpu ngubula Elodiade. Elodiade nani ne ele gba ndai an i Filipo. Engue bini, Elode atsia aha nani an i maka ele ka e. ¹⁸ Abhomu-o, Djaa adue apa pi Elode me: «Lili ziba pi mu ngue naha ele gba ndai mu-o de.»

¹⁹ Kaka-a, Elodiade adue nayala Djaa, an i atsia adue akunda me u bhelo an i. Engue bini, an i ti nani da naha lili de me u bhelo an i mandi napa me Elode ziba. ²⁰ La pi Elode, an i ambila nani lie me Djaa ne kpala na ngingbili di na bubu-o, an i adue namanga an i naali, an i atsia adue di nalila an i. Nedhinga li Elode adue adje li Djaa lie, mabhundja gba

Elode adue angbingi naali. Engue bini, an i adue ne djali naali ngue nadje an i.

²¹ Abhomu-o, li ekpi u azu Elode akolo lie, a adue ekpi na babadha pi Elodiade. Elode amene anokomia pi olubasa gba e, pi ongamasi na sudha, di ne pi ongamasi na ndu doto na Galilaya hana. ²² Ndili ele gba Elodiade ango-o ago. An i atsia ali bhue 'ti na anokomia-o. An i adho ebi, a atsia anga li Elode di ne okpala inde an i a'i o bhue anokomia-o. Abhomu-o, Elode atsia apa pi ndili ele ango-o me: «Yo 'he inde mu nde ne gumu e ka ma, amba ma ha pi mu.» ²³ An i atsia atu silika pi an i me: «Ehe inde mo oyó e ka ma-a, ma ha bha pi mu e, abana i du bha nagbo bhusu nau gba ma ko.» ²⁴ Abhomu-o, ndili ango-o akoto, an i anu ayi 'hi e me: «Mo okunda me ma yo ka ngama ni?» 'Hi an i atsia agie pi an i me: «Yo 'ndji Djaa bhule nabatisa okpala ko.»

²⁵ An i agie lie ne holo agba ngama. An i atsia apa pi an i me: «Ma akunda me ha mu-ma mbia inde-e, bhue tsakpa saani, 'ndji Djaa bhule nabatisa okpala!» ²⁶ Abhomu-o, Elode asia likabhu li bua e naali. Engue bini, an i ti nani da nayayala de ka silika inde an i atu e kala okpala inde an i a'i o bhue anokomia-o. ²⁷ Abhomu-o, Elode atima kolo suka omulila gba e me an i nu, amba an i go ne 'ndji Djaa bhule nabatisa okpala-o. Mülila ango-o anu, an i atsia akodho ngulu Djaa bhule nabatisa okpala bhue tikpu-o má tse! ²⁸ Pipita-a, an i aha 'ndji Djaa-a, an i ago ne di bhue tsakpa saani, an i aha pi ndili ele ango-o. Abhomu-o, ndili ele ango-o atsia anu aha pi 'hi e. ²⁹ Li omukpata gba Djaa adje engue ango-o lie, u ago aha kuo an i, u atsia azi.

Yesu aha ezue pi obhosu kutu bhuluvue

*(Tsia bhue Mat. 14:13-21; ne bhue
Luk. 9:10-17; di ne bhue Dja. 6:1-14.)*

³⁰ Pita nagie lie ka obhulue titima ndjikpa ne ka bhisie bhue kulu-o,

u apo bhúla o de Yesu. U atsia akpokpo ndú 'ngú ìnde u amene e di ne bhende u asuno e hana pí ani. ³¹ Do ani pí uo me: «Yi gógo, ní nü li bili ìnde li kpála nde lie ade, amba yi guo nga mbo masudha.» Padhá de, anga okpála ìnde adú nago, di ne obhende adú agie lio-o, u adú bhibhiti naali. Kaka-a, Yesu ne omúkpata gba e sia belegú nedhínga ngú nazú 'he de. ³² Abhomú-o, u a'ù'ù bhú zabú-o, u atsia atapa bha ngao kpi o kpi li bili li kpála nde li e ade ko. ³³ Engú bini, okpála bhelé au maka u adú anú lie hana. U atsia ambila me a ko uo. Abhomú-o, okpála ayie ne ndú ogudhú bhelé, u agu holo ne 'dhú o, u atsia akolo li bili ango-o pí Yesu ne omúkpata gba e kalanú. ³⁴ Li Yesu akoto lie bhú zabú-o, ani au bhti okpála-o. Ani adje ndjinga uo, anga u adú maka okandele ìnde li mulila nde ka o ade ko. Abhomú-o, ani atsia aholo nasuno engú bhelé pí uo.

³⁵ A akolo lie masikpe de nabi ka ekpí-e, omúkpata gba ani-e adyudyo lio de ani. U atsia apa pí ani me: «Ekpí-e ngabi, a la di-e mili bili. ³⁶ Ha kpadjí pí okpála ìnde, amba u nü kala ezú nazú mazú pí o li ongangba di ne bhú okuti na ngongo sì.» ³⁷ Engú bini, Yesu agie pí uo me: «Yi ha ezú pí uo ngayi makpe!» Abhomú-o, u atsia ayi ani me: «Ya ayié ne bhti tia ngú nakala ezú nazú mazú pí bhti okpála ìnde-e su?» ³⁸ Abhomú-o, ani ayi uo me: «Mapa ka yi madho? Yi nü tsitsia!» U atsia lie, u atsia apa me: «A ka ya ne mapa bhuluvue, la di ne sungu bhisi.»

³⁹ Abhomú-o, Yesu atsia aha lili pí uo me: «Yi pa pí ndú okpála hana me u popo bhúla o, amba u dülü kuto pí ulu-o.» ⁴⁰ U apopo bhúla o, u adülü kuto: okoko kámá kámá, okoko ndjíkpa bhuluvue ndjíkpa bhuluvue. ⁴¹ Abhomú-o, Yesu aha mapa bhuluvue ne sungu bhisi-o. Ani atsia 'kpí ne abhúlá, ani atsia agie hení pí Ebhe ngánga. Pipita, ani atsia agugumú mapa ango-

o, ani aha pí omúkpata gba e-o, amba u gapa li okpála. Ani atsia agapa di sungu bhisi-e pí ndú okpála hana. ⁴² Ndú uo hana azú 'he, u atsia a'u'u má kpe-e kpe-e! ⁴³ Pipita, omúkpata alo dú mapa ne sungu ìnde atigala-o, a atsia abebedhe okíli ndjíkpa ne ká bhisi. ⁴⁴ Bhú ká obhende azú 'he ango-o, obhosí naní kutu bhuluvue. (Mandí natanga olisi ne ongisi.)

*Yesu adholo pí 'ngu
(Tsia bhú Mat. 14:22-33; di ne bhú Dja. 6:15-21.)*

⁴⁵ Pipita kolo me-e, Yesu apa pí omúkpata gba e me: «Yi 'ù'ù bhú zabú. Yi kodho 'kpí muma kalanú ayi 'ngu li pápá na gudhú na Bete-saida li nedhínga ma nde nga lie na ha kpadjí pí okpála ko.» ⁴⁶ Pita nagbo bhúsú e ne uo-o, ani anú a'ù apí 'ta ngú nayo Ebhe. ⁴⁷ Li ekpí abi lie, omúkpata adú ne zabú atú 'ngu, Yesu atsia atigala apí 'go kpi e kpi. ⁴⁸ Ani au me omúkpata gba ni-e ale nadjele zabú pima anga anvi adú amene uo kpekpeke. Abhomú-o, akolo lie bhú 'gbá 'ngú na bini-e, ani aholo nadholo pí 'ngu, ani atsia akolo masikpe de uo. Ani di me ne uo mane. ⁴⁹ Engú bini ngauo-o, u au ani lie ngadholo pí 'ngu-o, u abhundja naao me a ko ighbadyibhe. Kaka-a, u aholo natú 'ue. ⁵⁰ Padhá de, anga u adú au ani ndú o hana. Kaka-a, u atsia abedhe ne tsülü na kuo kuo. La-a, ani atsia apa bha kolo pí uo me: «Yi sia kpéke bua! A ko ma, yi adjé tsülü de!»

⁵¹ Abhomú-o, ani a'ù nganda uo bhú zabú-o, anvi-e a'o nape. U atsia adú ne nangamba na kuo kuo. ⁵² Padhá de, anga ngamba 'ngú ìnde ani amene e li mapa-a, u mbila nga naní de ka ndí nabhuka gba o-o.

*Yesu akobho kpála na kuo bhú
ndu doto na Genedjaleta
(Tsia bhú Mat. 14:34-36.)*

⁵³ Pita u agulu ekpø na Galilaya lie, u atsia akolo bhú ndu doto

na Genedjaleta. Abhomu-o, u atsia agbite zabu lingo 'kpe-o. ⁵⁴ U aze lie bhu zabu-o me-e, okpála ambila bha kolo me Yesu ngae inde. ⁵⁵ Abhomu-o, okpála adj i ndu doto ango-o lib-homu ne holo. U aholo nabi obhulu kuo pí okalagba, ne nanu ne uo li bili inde u adu adje lie me Yesu li e-o. ⁵⁶ Ndu bili hana inde li an*i* adu anu li e, li ongangba, bhu ogudhu, i du di-e bhu okut*i*, okpála adu nabu obhulu kuo bhu odaposo. Obhulu kuo ango-o adu akikiliki lio pi an*i* me an*i* ha kpadji me o bu nga bha 'kpa o li 'so bongo li an*i*-o. A na paká me ndu okpála hana inde adu nabu 'kpa o li an*i*-e, adu nakobho.

7

*Ongú inde ngayie li bua kpála
nga'o kpála sisiti kala Ebhe ngae
(Tsia bhu Mat. 15:1-9.)*

¹ Abhomu-o, omuFalisai di ne omusuno koko na lili gba Moidje inde ayie nani bhu Yelusalema-a, ago apo bhula o de Yesu. ² U au me okoko bhu ká omukpata gba Yesu-o ngazu 'he mandi navulu 'kpa o kalanu. Kaka-a, omuFalisai adu abhundja me omukpata bhomu-o bubu kala Ebhe ade. ³ (Padhá de, anga omuFalisai ne ndu omaYuda hana ngalila odasundu gba onguo ogbi o-o. Kaka-a, kala nazu 'he-e, u vuvulu ngaiza 'kpa o i lí mali. ⁴ I du me u nde kolo bhu daposo-o, u vuvulu 'kpa o ndu 'kpí hana kala nazu 'he. U ngalila di olíli koko u asia e ka onguo ogbi o naali maka: navulu okópo, obhende maka zulubho di ne obhende maka zikio.) ⁵ Abhomu-o, omuFalisai di ne omusuno na lili-e ayi Yesu me: «Omukpata gba mu-o ngakpata 'ngú maka li dasundu gba onguo ogbi ni apa lie ade. U ngazu 'he me u nde vulu 'kpa o de. U ngamene la mo-o ka ni?» ⁶ Yesu agie pi uo me:

«Polofeta Isaya pa nani tala li 'ngú gba yi-e me, yi ne obhulu kali. An*i* aye nani bhu bhuku gba e me: <Okpála inde-e ngamanga ma bha ne 'bho o padhá.

La-a, bua uo de ma tsutsu.

⁷ Nadhoge gba uo zi bhu djila ma de. Padhá de, anga ongú inde u ngasuno e a ko bha bhende i ngayie ka okpála.[†]

⁸ Yi nga'o ká olíli gba Ebhe-e ngú nazi 'ndjí yi bhu olíli gba onguo ogbi yi.»

⁹ An*i* atsia apa matá pi uo me: «Yi nga'o olíli gba Ebhe-e li ngongo ngubula nalila odasundu gba onguo ogbi yi-o. ¹⁰ Padhá de, anga Moidje apa nani me: <Manga 'dyi mu ne 'hi mu mamanga.> An*i* atsia apa matá di me: <Kpála bhende i sobho 'dyi e, i du di-e 'hi e, a ayo me u bhole an*i* mabole.>[‡] ¹¹ Engú bini, ngayie, yi ngasuno pi okpála me, kpála bini ti da napa pi 'dyi e, i du di-e 'hi e me: <Mbu li ma, anga ehe inde ayo igin*i* me ma ha e pi mu-o, a ko makiso inde ma adj i naha e pi Ebhe.> ¹² Ngayi omuFalisai-e, yi ngaziba bhomu-o pi okpála me u améne 'he pi odyi o di ne pi ohi o belegu de bini. ¹³ Kaka-a, yi bhomu-o ngalila odasundu gba onguo ogbi yi-e ane eli gba Ebhe-e mane. Yi la di ngamene ndu ngua ongú bhomu-o bhelé.»

¹⁴ Pipita-a, Yesu a'i matá bhti okpála-o. Abhomu-o, an*i* atsia apa pi uo me: «Yi dje ma ndu yi hana, amba yi ke la di mboli engú inde:

¹⁵ Ehe bini ade inde yi zu e, i 'ó yi sisiti-o. La-a, engú inde ngakoto li bua yi-e, maka oeli di ne okulu-o, a bhomu-o ongú inde nga'o yi sisiti-o.» [¹⁶ *]

¹⁷ Li Yesu ayie lie bhu ká bhti okpála bhomu-o, an*i* atsia al*i* abhu 'ti-e, omukpata gba an*i* atsia ayi an*i*

[†] 7:7 7:6-7 Tsia bhu Isa. 29:13. [†] 7:10 7:10 Tsia bhu Eki. 20:12; ne bhu Det. 5:16; ne bhu Eki. 21:17; di ne bhu Lev. 20:9. ^{*} 7:16 7:16 Lukuluku inde-e, a bhu obhuku koko na didili u aye e bhu eli na giliki ade. [La bhu okoko-o, u aye me: «Kpála inde ne djedje ngú nadje 'kpí-e, an*i* de dje.»]

lì ta gbitaku bhomu-o. ¹⁸ Abhomu-o, Yesu atsia apa pí uo me: «Ngayi di-e, yi mbila 'ngú inde-e dí? Yi mbila de me ndu 'he hana lì kpála ngazu e tì da na'o ani siti kpála de-e dí? ¹⁹ Padhá de, anga ezú ango-o ngali li bhobua ani ade. Engú bini, a ngali bhú 'bu ani. Pipita-a, i tsia kóto.» (Yesu adu apa bhomu-o me ndu 'zu hana ndjindji ngú nazuzu.) ²⁰ Abhomu-o, Yesu atsia abu tata-a me: «Engú inde ayie lì bua kpála, a bhomu-o bhende i nga'o kpála sisiti-o. ²¹ Padhá de, anga osisiti 'ngú inde ngayie lì bhobua kpála ngae inde: omabhundja na sisiti, zabhe, ezi, nabhili okpála, ²² nakunda olisi, i du di-e obhosí gba okpála koko, kündu tia, gümü namene osisiti 'ngú, kali, bambakuya, gümü 'he gba okpála koko, osobho, 'ngbé 'ndji di ne pülü 'ngú. ²³ Ndú osisiti 'ngú bhomu-o hana ngakoto lì bhobua kpála, i tsia 'ó kpála ango-o sisiti bhú djila Ebhe.»

*Gandji olè bini abhuka Yesu
(Tsia bhú Mat. 15:21-28.)*

²⁴ Pipita-a, Yesu ayie oo, ani atsia atapa bhú doto inde lingo gúdhú na Tile. Ani ali bhú 'ti bini, ani tsia kunda de me u mbila de me ni oo de. Engú bini, ngali nago ka ani-e adjie lie ne ndu bili hana. ²⁵⁻²⁶ Ma 'li ma me-e, gandji olè bini adjie 'ngú gba Yesu-o. Olè ango-o du nani maYuda de. Du ani ayie nani bhú ndu doto na Fenisia, bhú doto na Silia. Ndili gba ani na oele adu me siti bua nde bhú ani. Abhomu-o, olè bhomu-o ago ati bhú li 'dhú Yesu, ani atsia ayo ka Yesu me ani gbe siti bua bhú ndili ele gba ni-o. ²⁷ Yesu atsia apa pí ani me: «'O nga ongisi me u zu 'he gba o, amba u 'u'u. Padhá de, anga a ndjindji ade me u ha mapa gba ongisi ngú nabhibhike pi ongisi búlu-o de.» ²⁸ Olè ango-o atsia agie pi Yesu me: «Ngámá, belegu ongisi búlu ngazu okulu 'zu bhende i ngabala asa misa-o.» ²⁹ Yesu apa pi ani me: «Bha bini ka 'li mu bhomu-o,

nunu, siti bua-a akoto bhú ndili gba mu na oele-o akoto.» ³⁰ Abhomu-o, olè ango-o agie lie agba e, ani atsia abhaka ndili-e me ani nde asi pi mako me siti bua nde akoto bhú ani akoto.

Yesu akobho bhoko inde i bhú 'ngú de, i dje di 'kpí de

³¹ Pipita-a, Yesu ayie bhú ndu doto na gúdhú na Tile. Ani apu bhú Sidona. Ani anu li pápá na ekpè na Galilaya, ani atsia akolo bhú ndu doto na Ogúdhú Ndjikpa. ³² U atsia ago pi ani ne bhoko bini inde i dje 'kpí de. Bhoko ango-o da nagama 'ngú ka ani adu kpekpeke. U atsia akikiliki lio pi Yesu me ani 'o 'kpa e pi bhoko ango-o, amba ani kobho.

³³ Abhomu-o, Yesu atsia aha ani, ani anu ne ani li ngongo masudha de bhti okpála-o. Ani atsia 'o likpa e bhú 'dje ani. Ani aku ngusu li likpa e, ani atsia 'o pí 'mi bhoko ango-o ko. ³⁴ Pipita-a, Yesu atsia 'kpí ne abhúlá, ani awo má fe, ani atsia apa pi bhoko ango-o me: «Efata!» (A akunda napa me: «A ayo me bhulu limu!») ³⁵ Ma 'li ma me-e, 'dje ani abhulu lie, 'mi ani ayaka, ani aholo agama 'ngú ndjindji. ³⁶ Yesu atsia aha lili pi okpála me u avé 'ngú ango-o pi kpála belegu de bini. Engú bini, ani adu ayoko uo lie, engú ango-o tsia dje yoko de. ³⁷ U adu angamba na kuo kuo. Kaka-a, u atsia adu apa me: «Ani ngamene ndu 'ngú hana ndjindji. Ani ngaha pi obhende i dje 'kpí de-e nadje 'kpí. Ani ngaha pi obhende i bhú 'ngú de-e nabhu 'ngú.»

8

*Yesu aha 'zu pi okpála kutu badha
(Tsia bhú Mat. 15:32-39.)*

¹ Bhú oekpí bhomu-o, bhti okpála apo matá bhúla o de Yesu. Abhomu-o, li ehe nazu mazu du la lie ka uo de-e, Yesu atsia a'i omukpata gba e, ani atsia apa pi uo me: ² «Ma ngadje ndjinga bhti okpála inde, anga akolo mbia inde-e 'kpí bata u

bha ngadu de ma si, ehe nazu mazu la matá di ka uo ade. ³ I du me ma nde agie uo agba o ne gumar mo-o, angu uo ndjia li kpadji, anga a di bhá ká uo ne okpála bhende ayie tsutsutsu.» ⁴ Omukpata gba ani agie pi ani me: «Ní aú ezu bhá mili bili si-e ngubula nazazu ka uo su?»

⁵ Abhomu-o, Yesu atsia ayi uo me: «A ka yi ne mapa madho?» U agie me: «Mananika.»

⁶ Abhomu-o, ani apa pi bhit i okpála me u dulu kuto. Ani aha map a mananika-o, ani agie hen i pi Ebhe. Ani agugum mapa-o, ani atsia aha pi omukpata gba e me u gapa li okpála. U atsia agapa li uo.

⁷ U adu di nani ne djedje osungu. Ani agie di hen i pi Ebhe ngú osungu-o, ani atsia apa me u gapa di osungu-o li uo. ⁸ Okpála azu 'he, u a'u'u. Pipita-a, omukpata apo bhála dudu inde atigala, atsia abebedhe okili mananika. ⁹ Okpála inde adu oo, u adu masikpe de kutu badha. Pipita-a, Yesu atsia aha kpadji pi uo. ¹⁰ Kolo má gala me-e, ani a'u ne omukpata gba e bhá zabu, u atsia atapa bhá ndu doto na Dalamanuta.

*Omufalisai ayo ngamba 'ngú bini ka Yesu
(Tsia bhá Mat. 16:1-4.)*

¹¹ Abhomu-o, omufalisai ago, u aholo namene kpekebhé ne Yesu. U adu akunda nale ani. Kaka-a, u ayo ka ani me ani mene nga bha pi o ngamba 'ngú bini inde asúno me Ebhe atima ani ngae. ¹² Li Yesu adjie lie mo-o, ani atsia apa me: «Okpála na naki inde-e ngayo ngamba 'ngú ngubula ni? Ma apa pi yi na paká me, ma méne ngamba 'ngú bini pi uo de!» ¹³ Ani a'o ka uo oo, ani a'u matá bhá zabu, ani atsia akodho 'kpí ayi 'ngu.

*Yi lila liyi ka levile gba omufalisai di ne bhe gba Elode malila
(Tsia bhá Mat. 16:5-12.)*

¹⁴ Li omukpata a'u lie bhá zabu-o, u a'ilí 'to o li na ha map a. Kokoli adu bha ka uo bini bhá zabu-o.

¹⁵ Abhomu-o, Yesu atsia agbele dje uo me: «E-e! Yi lila liyi ka levile gba omufalisai di ne bhende gba Elode malila.» ¹⁶ Omukpata aholo namene kpekebhé sonda o me: «Ani ngapa mo-o, anga ní go ne mapa de.»

¹⁷ Li Yesu ambila engú inde u adu apa e sonda o lie, ani atsia ayi uo me: «Yi ngamene kpekebhé sonda yi li 'ngú na mapa li 'to yi a'ilí li e ka ni? Yi ke nga mbolimboli di? Yi mbila la di di? Yi ne nabhuka adi? ¹⁸ Ali yi ne djidjila, yi ngau 'kpí adi ka ni? Ali yi ne djedje, yi ngadje 'kpí adi ka ni? 'To yi a'ilí li ndu ongamba 'ngú inde ma amene e hana? ¹⁹ Nedhinga ma aku nako obhosí kutu bhuluvue lie ne mapa bhuluvue, dudu inde atigala-a, yi abebedhe nako okili ne di madho?» U agie pi ani me: «Ndjikpa ne ká bhisi.» ²⁰ Abhomu-o, Yesu atsia ayi matá uo me: «La di-e, mapa mananika inde ma aku nako okpála kutu badha ne e, dudu inde atigala-a, yi abebedhe nako okili ne di madho?» U agie me: «Mananika.» ²¹ Abhomu-o, Yesu atsia apa pi uo me: «Yi ke nga mbolimboli siii di?»

Yesu akobho kpála bini inde i u 'kpí de

²² Pipita-a, Yesu ne omukpata gba e akolo bhá gudhu na Betesaida. Oo, okpála ago ne kpála bini inde i u 'kpí de-e pi Yesu. U atsia akikiliki lio pi ani me, ani 'o 'kpa e li ani amba ani kobho. ²³ Yesu aholo 'kpa kpála inde i u 'kpí de-o. Ani agbe ani bhá gudhu-o. Aniaku ngusu e bhá djila ani, ani abu 'kpa e li ani, ani atsia ayi ani me: «Mu ngau mbo-o 'he uu?» ²⁴ Kpála ango-o atsia 'kpí li ngo e, ani atsia apa me: «Ma ngau okpála, u mana ndula inde ngadhukú.» ²⁵ Pipita-a, Yesu abu matá 'kpa e li djila ani. Kpála ango-o atsia 'kpí má suu, ani atsia adu au 'kpí ndjindji. Ani atsia akobho. ²⁶ Abhomu-o, Yesu agie ani agba e, ani atsia apa pi ani me: «Mo onú abhá gudhu de.»

*Piele apa me Yesu ne Kilisito
(Tsia bhú Mat. 16:13-20; di ne bhú Luk. 9:18-21.)*

²⁷ Pipita-a, Yesu ne omukpata gba e anu bhú okuti inde li ngo gudhu na Sedjale gba Filipo-o. Li kpadji-e, ani ayi uo me: «Okpála ngapa li ma me ma ne da?» ²⁸ U agie pi ani me: «Okoko ngapa me mu ne Djaa bhulü nabatisa okpála, okoko me mu ne Eliya, okoko matá me mu ne súka opolofeta.» ²⁹ Yesu atsia ayi uo me: «A la yi-e, yi ngapa naayi me ma ne da?» Piele atsia agie pi ani me: «Mu ne Kilisito.» ³⁰ Abhomu-o, Yesu atsia aha lili pi uo kpekpeke me u apá 'ngú gba ni-e pi kpála bini de.

*Yesu akpo 'ngú pindji nakpi ne nazuku ka e
(Tsia bhú Mat. 16:21-28; di ne bhú Luk. 9:22-27.)*

³¹ Pipita-a, Yesu aholo nasuno pi omukpata gba e me: «A ayo me ngama Ndili gba kpála-a, ma dje likabhu naali. Obhelesi okpála, ongbengbe odimande gba Ebhe di ne omusuno na lili gba Moidje ayála ma. U tsia bhéle ma. La-a, pita ekpí bata-a, ma tsia zúku.» ³² Ani du apa 'ngú ango-o lie ne tsulü de-e, Piele atsia agbele ani li ngongo. Do ani pi Yesu de-e: «Mo opá mo-o de.» ³³ Engú bini, Yesu adji lie, ani atsia omukpata gba e-o, ani ambe bhú 'ndji Piele me: «Yie de ma mayie, ngamü Satana! Padhá de, anga mabhundja gba mu-o, a ko bhende gba Ebhe-e de. Engú bini, a ko bhende gba okpála.»

A ayo namene ni ngú nakpata Yesu-o?

³⁴ Pipita-a, Yesu apo bhúla bhti okpála di ne omukpata gba e de e. Ani atsia apa pi uo me: «I du me kpála nde akunda nakpata ma-a, a ayo me ani 'o nabhundja engú gba e makpe, ani bi la di kulusi gba e, amba ani kpata ma.» ³⁵ Padhá de, anga kpála bhende ngalila mukobho gba e pi e makpe, akpi makpi. La-a, kpála bhende ngaha mukobho gba e

libhomu ngubula ma di ne ngubula Bádha Ngali gba Ebhe-e, ani akóbho makobho. ³⁶ I du me kpála nde asia ndu tia na doto hana, tata-a pi ani ne ni i du me ani nde akpi na dudu-ma-a? ³⁷ Ehe bini ade inde li kpála-kuti ti da na'o e bhú da mukobho gba e. ³⁸ I du me kpála bini nde adje numu li ma di ne li oeli gba ma kala obhulu namene sisiti 'ngú na naki inde-e, inde i bhuka di Ebhe ne bua o bini de-e, ngama Ndili gba kpála ma adjé bhadi numu li ani nedhinga ma agó lie bhú sangu gba 'Dyi ma bhú dabili bini ne oandjelu na bububu ko.»

9

¹ Yesu atsia apa matá pi uo me: «Ma apa pi yi na paká me, okpála koko bhú ká obhende si-e, mu padhá de, u au ngaiza Naü gba Ebhe-e me, a nde ngago ne angu kalanu.»

*Kute Yesu ayipa ka sangu gba Ebhe
(Tsia bhú Mat. 17:1-13; di ne bhú Luk. 9:28-36.)*

² Pita ekpí madhia, Yesu aha Piele ne Djaki, di ne Djaa, ani anu ne uo titi o apí 'ndjá 'ta. Bha si me-e, ani adjii lie kala uo kpi, ³ bongo gba ani avu má tuu! Pila doto libhomu-o, kpála bini ti da navulu bongo, i tsia vu mo-o de. ⁴ Kolo me-e, Eliya ne Moidje aze li uo, u atsia aholo agama 'ngú ne Yesu. ⁵ Piele atsia apa pi Yesu me: «Müsuno, a ndjindji maka ni nde lie si. Ziba pi ya me ya yiki otì ngbangbali bata: bini pi mu, bini pi Moidje, bini pi Eliya.»

⁶ Engú bini, Piele du ambila de me ni apa pi-ie de, anga ngaani makpe ne omukpata bhisi inde adu bhú dabili ne ani-e, adu me u nde abedhe ne tsulü na kuo kuo. ⁷ Abhomu-o, ndindi ago abuku uo má kagbu! Eli atsia akoto bhé ndindi ango-o me: «Kpála inde-e, a ko Ndili gba ma inde ma akunda e naali-o. Yi dje ani!» ⁸ Ma gala kolo me-e, li omukpata atsia 'kpí lie lingo o-o, u

u matá kpála bini de, bha Yesu kpi e kpi bhú dabili bini ne uo.

Omukpata ayi 'ngú pindji polofeta Eliya

⁹ Lí Yesu ne omukpata gba e adú akø eta-a lie, ani atsia apa pi uo me: «Yi apá engú yi au e inde-e pi kpála belegü de bini, akólo li nedhingga inde ngama Ndili gba kpála ma azúku lie bhú ká okpála inde amu ko.» ¹⁰ Abhomu-o, u awo eli bhomu-o li bua o, u atsia adú ayi lio súnda o pépé me: «Nazuku bhú ká okpála inde amu-o, ani akunda igini napa bhomu-o pi?»

¹¹ Pipita-a, u ayi Yesu me: «Ka ni li omusuno na líli gba Moidje ngapa lie me kala nago ka Masiya-a, a ayo me Eliya go ngaiza kalanu-o?» ¹² Yesu atsia agie pi uo me: «A na paká me Eliya ngago ngaiza kalanu, naleke ndu 'ngú hana. Engú bini, ka ni u aye naní lie bhú Bhuku gba Ebhe-e me, Ndili gba kpála adjé likabhu naali, la di-e li okpála tsia yála ani-e? ¹³ La-a, ma apa pi yi me, Eliya ago naní ago, okpála atsia ato mbolo li ani má gbekpe maka u a aye lie bhú Bhuku gba Ebhe ko.»

*Yesu akobho ndili na bhobhoko li siti bua adú nadú bhú e
(Tsia bhú Mat. 17:14-21; di ne bhú Luk. 9:37-43a.)*

¹⁴ Lí Yesu ne omukpata bata akø eta-a lie, u anu abhaka omukpata koko-o. A abhaka me bhti okpála nde asa uo ngbalina. La di-e, omusuno na líli nde ngamene kpekebhé ne omukpata ango-o. ¹⁵ Lí bhti okpála-a au Yesu lie, ndu uo hana angamba, u atsia agu holo ngú nago ayi ani. ¹⁶ Yesu ayi omukpata gba e me: «Yi ngamene kpekebhé ne uo pindji ni?»

¹⁷ Kpála bini bhú ká bhti okpála bhomu-o, atsia agie pi ani me: «Musuno, ma ago ne ndili gba ma-a pi mu me kobho ani, anga a bhú ani ne siti bua inde ngagbite 'bhé ani me ani agáma 'ngú de. ¹⁸ Ndu nedhingga

hana li siti bua ango-o agbúgbulú ani lie, a ngagu 'i ani kuto, li efu holo naze bhú 'bhé ani, ani holo nazútate e, kute ani kpekpeke má ki ki ki! Ma ayo ka omukpata gba mu-o me u gbe siti bua ango-o, engú bini, u ale pima.»

¹⁹ Yesu atsia apa pi uo me: «Ngayi okpála na naki-e, nabhuka bhú yi ade! Ma adú matá ne yi ngubula nedhingga madho? Ma akíbila matá yi ngubula nedhingga madho? Yi go ne ndili-e muma ei.» ²⁰ Abhomu-o, u ago ne ani pi Yesu. Lí ndili-e au Yesu lie, siti bua adyiki ani má djigi djigi, ani agu 'i ani kuto! Ndili-e aholo nawawala kuto me efu nde ngaze bhú 'bhé ani. ²¹ Yesu atsia ayi 'dyi ndili-e me: «Kuo inde-e amene ani me-e ngubula kalanga madho?» Ani agie me: «Nayie bhú ndili li ani. ²² La di-e, siti bua ango-o ngagu 'i ani bhú djua di ne bhú 'ngu bhutsibhutsi ngú nabhele ani. Engú bini, i du me mu nde ti da namene 'he-e, mu de dje mbo ndjinga ya, teteke ya!»

²³ Yesu agie pi ani me: «Mu ngapa me: <i du me mu nde ti da namene 'he.> La-a, ndu 'ngú hana ti da namene lie pi kpála inde ngabhuka ko.» ²⁴ Má gala kolo me-e, 'dyi ndili-e asula me: «Ma abhuka. La-a, go teteke ma, amba nabhuka gba ma-a kolo kpekpeke!» ²⁵ Lí Yesu au bhti okpála ngago ne holo li pápá gba o lie, ani atsia ambe bhú 'ndji siti bua me: «Ngamu siti bua inde ngagbite 'bhé ndili inde-e ne nanini 'dje ani, ma aha líli pi mu me: <Koto bhú ndili inde, la di-e, mo ogié matá límu bhú ani belegü de bini!>»

²⁶ Abhomu-o, siti bua atu 'ue, ani adyiki ndili-e má djigi djigi, pipita-a, ani atsia akoto bhú ani! Ndili na bhobhoko ango-o, akolo maka kpála inde akpi. Okpála bheté adú apa me: «Ani akpi.» ²⁷ Engú bini, Yesu aholo 'kpa ani, ani a'e ani bhúlá, ndili-e atsia alu malu.

²⁸ Pipita-a, Yesu ne omukpata gba e agie lio li bili u adú nadú li e-o.

Nedhingga u adu lie ne uo titi o-o, u atsia ayi ani me: «Ka ni ya ti iginí lie da nagbe siti bua bhomu-o bhú ndili inde-e lie de-e?» ²⁹ Yesu atsia agie pi uo me: «U ti da nagbe ngua bua bhomu-o bha bini ne mayo.»

Yesu akpo matá 'ngú pindji nakpi ne nazuku ka e
(*Tsia bhú Mat. 17:22-23; di ne bhú Luk. 9:43b-45.*)

³⁰ Li Yesu ne omukpata gba e ayie lie oo, u agulu ndu doto na Galilaya. Yesu du akunda de me okpala mbila bili inde ni adu li e de, ³¹ anga ani adu asuno pi omukpata gba e-o. Ani adu apa pi uo me: «U apú ngbángá Ndili gba kpala pi okpala, li okpala ango-o tsia bhéle ani. La-a, pita 'kpí bata-a, ani tsia zúku.» ³² Engú bini, omukpata du ambila nani ta engú bhomu-o de. U adu la di ne tsulú ngú nayi ani.

A ngbéngbé da?
(*Tsia bhú Mat. 18:1-5; di ne bhú Luk. 9:46-48.*)

³³ Abhomu-o, Yesu ne omukpata gba e anu bhú gudhu na Kpalanauma. Pipita-a, u ali lie bhú 'ti bini me-e, Yesu atsia ayi omukpata gba e me: «Yi de iginí ngamene kpekebhé sunda yi li kpadji-e pindji mangua 'ngú dho?» ³⁴ Engú bini, u andjili má bulu, anga li kpadji-e, u amene kpekebhé sunda o me a ngbéngbé bhú ká o da-ie. ³⁵ Abhomu-o, Yesu adu kuto. Ani apo bhúla omukpata ndjikpa ne ká bhisí-e de e masíkpe. Ani atsia apa pi uo me: «I du me kpala bini nde akunda nadu kpala na kalanu-o, a ayo me ani du pita ndu okpala hana, ani du di bali gba ndu okpala koko hana.»

³⁶ Pipita-a, ani aha mboye ndili, ani a'o ani bhú ká uo, ani abi ani sa 'kpa e, ani atsia apa pi uo me: ³⁷ «Kpala inde ngasia mboye

ndili maka bhende-e ka 'li ma-a, ani ngasia bhomu-o ma makpe. La di-e, kpala inde ngasia ma-a, ani sia bha bini ma kpi ma kpi de, engú bini, ani ngasia di bhomu-o 'Dyi ma inde atima ma ko.»

Kpala inde i gu ní de-e, a ko naaní kpala
(*Tsia bhú Luk. 9:49-50.*)

³⁸ Abhomu-o, Djaa apa pi Yesu me: «Músuno, ya au kpala bini ngapandja osisiti bua ne 'li mu. Ya atsia ayoko ani, anga a ko suka ní de.» ³⁹ Engú bini, Yesu agie pi uo me: «Yi ayóko ani de, anga kpala inde amene ngamba 'ngú ne 'li ma-a, ti da napa kolo siti 'ngú li ma pipita-a de. ⁴⁰ Padhá de, anga kpala inde i gu ní de-e, a ko naaní kpala. ⁴¹ Ma apa pi yi na paká me, kpala inde ngaha kópo na engu pi yi bini kabula me yi ne okpala gba Kilisito-o , ani asia makalá gba e masia.»

Ongú inde ngato kpala bhú siti 'ngú-o
(*Tsia bhú Mat. 18:6-9; di ne bhú Luk. 17:1-2.*)

⁴² Yesu atsia apa matá pi omukpata gba e me: «Kpala inde ngato suka odjedje ongisi inde ngabhuka ma inde-e bhú siti 'ngú-o, a pi ani ndjindji me u gi ngingi tangulu ani, amba u bhike ani bhú 'ngbé 'ngu. ⁴³ I du me 'kpa mu nde ngato mu bhú siti 'ngú ngae-e, mu de kodho. A ndjindji pi mu nali bhú mu kobho na dudu ma ne koli 'kpa mu bini, ane mane nanu ka mu bhú djua na dudu ma ne dudu ma ne 'kpa mu bhisí hana. [⁴⁴ *]

⁴⁵ I du di me 'dhú mu nde ngato mu bhú siti 'ngú ngae-e, mu de kodho. A ndjindji pi mu nali bhú mu kobho na dudu ma ne koli 'dhú mu bini, ane mane me u bhike mu bhú djua na dudu ma ne dudu ma

* ^{9:44} 9:44 Lukuluku inde-e, a bhú obhuku koko na didili u aye e bhú eli na giliki ade. [Oo, okéké maka bangili inde ngazu kute kpala mumu de, djua bubulu la di-i de.] † ^{9:46} 9:46 Lukuluku inde-e, a bhú obhuku koko na didili u aye e bhú eli na giliki ade. [Oo, okéké maka bangili inde ngazu kute kpala mumu de, djua bubulu la di-i de.]

ne 'dhú mū bhisi hana. [46 †] 47 I dū me li djila mū nde ngato mū bhú siti 'ngú ngae-e, mū de gbe. A ndjindji pí mū nali bhú Naú gba Ebhe-e ne koli li djila mū bini, ane mane me u bhike mū bhú djua na duduuma ne duduuma ne djila mū bhisi hana. 48 Oo, <okéké maka bangili inde ngazu kute kpála mumu de, djua bubulu la di-i de.† 49 Padhá de, anga Ebhe alé nabhuka gba ndu okpála hana bhú djua, amba a kolo kpekpeke.

50 Ngutu ne bádha 'he. Engú bini, i dū me a nde abolo, u ti da nagie matá kpokpo bhúbhú ne ni? Nabhuka gba yi dū maka ngutu inde i bolo de, yi dū la di ne guo 'ngú súnda yi.»

10

Nasuno pindji nagbo bhúsú o ne ole

(Tsia bhú Mat. 19:1-12; di ne bhú Luk. 16:18.)

1 Li Yesu ayie lie oo, ani anú bhú ndu doto na Yudaya, ayi 'ngu na Djuludani. Bhti okpála ago matá de ani. Ani aholo nasuno pi uo maka ani amemene lie-o. 2 Abhomú-o, omúFalisai koko adyudyo lio de Yesu, ngú naholo ani li 'li e. Kaka-a, u atsia ayi ani me: «Lílì gba ní-e aziba uu me bhoko gbo bhúsú e ne ele gba e?» 3 Yesu atsia agie pi uo me: «Moidje aha nani pi yi li 'ngú bhomú-o mangua lílì dho?» 4 U atsia apa me: «Moidje aha nani pi bhoko kpadjí me ani ye balúa ngú nagbo bhúsú o ne wala e, amba ani gie ani agba o.»

5 Engú bini, Yesu agie pi uo me: «Moidje aye nani lílì bhomú-o pi yi ka kpéke 'ndji gba yi-o. 6 La li lilita-a, nedhinga li Ebhe abho ndu 'he lie hana-a <ani abho uo bhoko ne ole.† 7 <Kaka-a, bhoko a'lí ka 'dyi e ne 'hi e, ani tsia dhédhe li wala e, 8 ndu uo bhisi hana kólo koli kpála bini.†> Abhomú-o, uo matá okpála

bhisi ade. Engú bini, u akolo koli kpála bini. 9 Kaka-a, a ayo de me kpála-kuti gbo bhúsú uo de, anga Ebhe akpötse uo ngae.»

10 Li Yesu ne omukpata gba e agie lio lie li bili u adu nadu li e, u atsia ayi ani li 'ngú ango-o. 11 Yesu apa pi uo me: «I dū me bhoko bini nde a'e wala e ngú naha ele koko-o, ani a'o bhomú-o ká wala e na kalanú-o ngú nakunda ele koko. 12 I dū la di me ele nde atse 'ko e ngú naha bhoko koko-o, ani a'o bhomú-o ká 'ko e ngú nakunda bhoko koko.»

*Yesu atuko bisagu pi 'ndji ongisi
(Tsia bhú Mat. 19:13-15; di ne bhú Luk. 18:15-17.)*

13 Abhomú-o, okpála adu ago ne ongisi gba o me Yesu 'o 'kpa e pi uo, ne natuko bisagu pi uo. Engú bini, omukpata ake 'ngú lio pi okpála ango-o. 14 Yesu au lie mo-o, bua ani ake, ani atsia apa pi omukpata gba e me: «Yi 'o ongisi me, u go li pabili ma nde li e-o, yi ayóko uo de. Padhá de, anga Naú gba Ebhe-e , a pi obhende maka uo ko. 15 Ma apa pi yi na paká me, kpála bhende nabhuka gba e nde maka bhe gba ndili ade-e, kpála ango-o ti da nali bhú Naú gba Ebhe-e belegu de bini.» 16 Abhomú-o, Yesu adu abi ongisi bhomú-o, ani atsia adu atuko bisagu pi uo me ani nde nga'o 'kpa e pi uo.

*Bhulu tia bini ayi 'ngú pindji mukobho na duduuma
(Tsia bhú Mat. 19:16-30; di ne bhú Luk. 18:18-30.)*

17 Li Yesu adu a'e ne enú lie, bhoko bini ago ne holo nabhaka ani, ani akikita lipukú e kuto kala ani. Ani atsia ayi ani me: «Mésuno na babadha, a ayo me ma mene pi ngú nasia mukobho na duduuma-a?» 18 Yesu atsia apa pi ani me: «Ka ni mū nga'i ma lie me bádha kpála-a? Bádha kpála belegu ade bini, bha bini Ebhe kpi e kpi. 19 La-a, mū mbila olíli-e ndjindji: <Mo obhéle

† 9:48 9:48 Tsia bhú Isa. 66:24. † 10:6 10:6 Tsia bhú Dje. 1:27, 5:2. † 10:8 10:7-8 Tsia bhú Dje. 2:24.

kpála de, mo osí ne ele, i du di-e bhoko gba kpála koko de, mo ozi 'he de, mo opá 'ngú li kilí mu bhú djila okpála ne eu de, mo ozi kpála bhú nyali de, manga 'dyi mu ne 'hi mu mamanga.^{†>}

²⁰ Bhoko ango-o apa pi ani me: «Musuno, nayie bhú ndili li ma-a, ma amene ndu olíli bhomu-o hana.»

²¹ Yesu atsia ani ne mukunda hana. Ani atsia apa pi ani me: «Mo oneke bha koli 'he bini. Nunu, tsindji ndu 'he inde mu nde ne e hana, amba mu ha tiatia pi obhulu ndibhili, mo osia tia abhulá. Pipita-a, go kpata ma.» ²² Engú bini, nedhinga li bhoko ango-o adje lie mo-o, ani atu 'ndji e ne kuto, ani atsia agie lie ne babuma naali, anga tia adu nani ka ani bhelé.

²³ Abhomu-o, Yesu atsia omukpata gba e inde adu me u nde asa ani ngbalina-o. Ani apa pi uo me: «A ko kpéke da 'ngú pi obhulu tia ngú nali bhú Naú gba Ebhe-o!» ²⁴ Abhomu-o, omukpata atsia angamba ka eli ango-o. La-a, Yesu apa matá pi uo me: «Odi ma, a ko kpéke da 'ngú ngú nali bhú Naú gba Ebhe-o!

²⁵ Da nali ka samo* li gudho muesana kpekpeke. A la matá kpekpeke naali pi bhulu tia nali bhú Naú gba Ebhe-o.» ²⁶ Omukpata angamba matá bha naali, u atsia adu apa sonda o me: «I du mo-o, a ti da nakobho da?»

²⁷ Yesu atsia uo má sru, ani atsia apa pi uo me: «Pi okpála-a, a ko kpéke da 'ngú. Engú bini, pi Ebhe-e, a ko kpéke da 'ngú de, anga ani ti da namene ndu 'ngú hana.»

²⁸ Abhomu-o, Piele apa pi ani me: «Djedje nga, ya a'o ndu 'he hana ngú nakpata mu.» ²⁹ Yesu atsia apa pi ani me: «Ma apa pi yi na paká me, kpála inde a'o ka eti gba e, inde a'o ka ondaise e na obhosibhosí, i du di-e obhende na olisilisi, inde a'o ka 'hi e, i du di-e 'dyi e, i du di-e ongisi gba e, i du di-e edyi gba e ngubula ma, la di ne ngubula

Bádha Ngali-e , ³⁰ kpála ango-o asia mbia inde-e bhutsibhutsi kámá bini: oeti, ondaise na obhosibhosí ne obhende na olisilisi, oehi, ongisi, la di ne oedyi bhú dabilí bini ne olíkabhu. Ani tsia sia di bhú nedhinga inde ngago-o, mukobho na dudu. ³¹ Engú bini, bhelé na okpála inde u ngau o maka okpála na akalanu mbia inde-e, akólo okpála na asidi, li obhende u ngau o maka okpála na asidi mbia inde-e kólo okpála na akalanu.»

Yesu akpo 'ngú bhutsibhutsi na bata pindji nakpi ne nazuku ka e

(*Tsia bhú Mat. 20:17-19; di ne bhú Luk. 18:31-34.*)

³² Li Yesu ne omukpata gba e a'e ibili ne enu lie ngú nanu bhú Yelusalema-a, ani aké pi uo kalanu. Omukpata-a adu angamba. Obhende adu akpata uo-o, adu ne tsulu, Yesu aha matá omukpata gba e ndjikpa ne ká bhisití o, ngú nagama 'ngú pi uo. Ani atsia aholo akpokpo 'ngú pi uo pindji ongú inde akólo li ani-o. ³³ Ani apa pi uo me: «Yi dje nga 'ngú inde. Ní adji bhú Yelusalema. Oo, u apá ngbángá Ndili gba kpála pi ongbengbe odiemande gba Ebhe ne omusuno na lílio. U akódho 'ngú gba ani me ani kpi bha makpi. Pipita-a, u tsia pú ani pi omugan. ³⁴ U ató pádha li ani, u akú ngusu li ani, u abhí ani ne fimbo, u tsia bhéle ani. Engú bini, pita 'kpí bata-a, ani tsia zuku.»

Mayo gba Djaki ngauo ne Djaa

(*Tsia bhú Mat. 20:20-28.*)

³⁵ Pipita-a, Djaki ngauo ne Djaa, ongisi gba Djebedayo, adyudyo li de Yesu. U atsia apa pi ani me: «Musuno, ya ngakunda me mene pi ya engú inde ya adji ayo e ka mu-o.»

³⁶ Yesu atsia ayi uo me: «Yi akunda me ma mene pi yi ni?» ³⁷ U agie pi ani me: «Ziba pi ya nadulu bhú Naú gba mu na sangu-o , bini li pá 'kpa

* ^{10:19} 10:19 Tsia bhú Eki. 20:12-16; di ne bhú Det. 5:16-20. * ^{10:25} 10:25 Enu inde li Yesu abhu lie si-e a ko samo. Li pápá gba uo oo enu inde adu nani ngbengbé ne samo.

mʉ na kokpa, koko lì pá 'kpa mʉ na galí.» ³⁸ Engú bini, Yesu atsia apa pí uo me: «Yi mbila ehe inde yi ngayo e de. Yi tì da nandji kópo na likabhu inde ma andjí e uu? Yi tì da nasia batisimo na likabhu inde ma asia e uu?» ³⁹ U atsia agie pí ani me: «Ya tì da namemene.» Do Yesu pí uo me: «A moko, yi andjí kópo na likabhu inde ma andjí e-o, yi sia di batisimo na likabhu inde ma asia e-o. ⁴⁰ Engú bini, ma tì da napa ngama de me a adúlu lì pá 'kpa ma na kokpa ne me a adúlu lì pá 'kpa ma na galí da-ie de. Obili ango-o, a pí obhende lì Ebhe aleke pí o ko.»

⁴¹ Lì omukpata ndjikpa bhe koko adje engú lì Djakí ne Djaa ayo e lie, u atsia ake 'ngú lio pí uo. ⁴² Abhomu-o, Yesu a'i uo de e, ani atsia apa pí uo me: «Yi mbila hana me ongámási na doto inde ngaʉ pí omaha o ne kpéke. La di-e, ongbengbe okpála ngaha okpekpeke lílì pí omaha o. ⁴³ Engú bini, a ayo de me adu akodho 'kpí súnda yi mo-o de. I du me kpála bini nde akunda nadu 'ngbé kpála bhú ká yi-e, a ayo me ani du kpála na kulu gba yi-o. ⁴⁴ I du me kpála bini bhú ká yi nde akunda nadu kpála na kalanu-o, a ayo me ani du bali gba ndu okpála koko hana. ⁴⁵ Padhá de, anga ngama Ndili gba kpála ma go nani de me okpála du amene kulu lio pí ma-a de. Engú bini, ma ago mangbo ngú namene kulu líma pí okpála, di ne ngubula nagbegbe okpála bhelé bhú bali ne lá ma makpe.»

Yesu akobho Balatimé, kpála i u 'kpí de

(Tsia bhú Mat. 20:29-34; di ne bhú Luk. 18:35-43.)

⁴⁶ Pipita-a, Yesu akolo bhú gudhʉ na Djeliko. Lì Yesu ne omukpata gba e, la di ne bhti okpála adu akoto lie oo, u abhaka kpála bini i u 'kpí de me ani nde adu dengo 'hi kpadji. A adu 'li ani me Balatimé, a adu

ndala Timaya. Ani adu me ani nde ngayoyo 'he. ⁴⁷ Nedhinga ani adje lie me a ko Yesu, kpála na Nadjaleta-a, ani aholo asusula me: «Yesu, Ndili gba Davidi, dje nga mbo ndjinga ma!» ⁴⁸ Bhti okpála adu ambembe bhú 'ndji ani me: «Gbite 'bhø mʉ!» Engú bini, ani aholo la matá asusula kpekpeke me: «Ndili gba Davidi, dje nga mbo ndjinga ma!»

⁴⁹ Abhomu-o, lì Yesu adje lie, ani alu, ani atsia apa me: «Yi 'i ani ei.» U atsia a'i kpála i u 'kpí de ne napa pí ani me: «Atou! Yie bhúlá. Ani nga'i mʉ.» ⁵⁰ Abhomu-o, ani abala 'kpa lì koti gba e-o, ani a'ulu má ngudha, ani atsia ago abhaka Yesu. ⁵¹ Abhomu-o, Yesu atsia ayi ani me: «Mo okunda me ma mene pí mʉ ni?» Kpála i u 'kpí de-e agie pí ani me: «Mʉsuno, ma akunda me ma u matá 'kpí.» ⁵² Yesu atsia agie pí ani me: «Nʉnʉ, nabhuka gba mʉ-o akobho mʉ akobho.» Má gala kolo me-e, ani aholo au 'kpí, ani atsia adu akpata Yesu lì kpadji-o.

11

*Yesu ali bhú Yelusalema
(Tsia bhú Mat. 20:29-34; di ne bhú Luk. 18:35-43.)*

¹ Lì u akolo lie de Yelusalema-a, masikpe de okuti na Betefadje ne Betania-a, u akolo pí eta na ondula na Olive. Yesu atima omukpata bhisi bhú ká omukpata gba e akalanu. ² Ani atsia apa pí uo me: «Yi nʉ bhú kuti inde kala yi aoo. Yi akolo lie oo me-e, yi abháka me u nde agbite ndili punda* inde li kpála bini dhukʉ nga pí e de. Yi bhulu ani, amba yi go ne ani. ³ I du la me kpála bini nde ayi yi me: «Yi ngabhulu ani ngú ni?» Yi de gie pí ani me: «Ngámá ne gʉmʉ ani. Engú bini, ani agie bha ani si mbia inde.»

⁴ Abhomu-o, u anu, u atsia abhaka ndili punda me u nde agbite ani akilidjo, de 'bhø bhoti bini lì 'hi kpadji. U atsia abhulu ani. ⁵ U

* 11:2 11:2 Enu inde si-e a ko piga 'nʉ maka punda, uo la ndundundu u bibi di okpála.

adú abhulu ani lie, okpála koko bhú ká obhende adú oo, ayi uo me: «Yi ngamene bhomú-o ni? Yi ngabhalu ndili punda bhomú-o ngú ni?» ⁶ Omúkpata agie pi uo maka li Yesu apa lie pi uo-o. Okpála ango-o atsia a'o uo me u nñuu. ⁷ Abhomú-o, omúkpata-a atsia ago ne ndili punda-a pi Yesu, u apa obongo gba o pi 'ngbú ani. Abhomú-o, Yesu atsia adú pépé. ⁸ Okpála bhelé apa obongo gba o li kpadji, okoko apa okpálá inde u akodho e bhú bili-o. ⁹ Okpála bhende adú adhukú kala Yesu ne obhende adú akpata ani-e, adú asusúla me:

«Ebhe heni!

A ayo me Ebhe tuko bisagu pi kpála inde ngago ne 'li Ngámáko! [†]

¹⁰ A ayo me Ebhe tuko bisagu pi nau inde ngago, nau gba ogbi ni Davidi ko!

Ebhe Apí 'Kpí heni!»

¹¹ Abhomú-o, Yesu anu bhú gudhu na Yelusalema, ani atsia ali bhú 'ngbé 'ti Ebhe gba omaYuda-o. Pita natsia 'kpí ka ani lingo e hana, ani atsia anu ne omúkpata gba e ndjíkpa ne ká bhisi bhú Betania, anga adú me ekpí nde ngabi.

Yesu atu pédjø li ndula na figi (Tsia bhú Mat. 21:18-19.)

¹² Pita ekpí bhomú-o, u adú akoto lie bhú Betania-a, Yesu aholo nadje gúmú. ¹³ Ani au ndula na figi inde adú bhú e ne kpákpá-a de e tsutsu. Ani atsia anu ngú natsia 'kpí bhú ndula ango-o atigala ni u lili bhúbhú. Engú bini, ani akolo lie dede-e, ani au bha bhti kpákpá-o. Padhá de, anga adú nedhingga nali kaka de. ¹⁴ Abhomú-o, Yesu atsia atu pédjø li ndula na figi-e ne napa me: «Mu lí matá lili inde li kpála ti da nazú e belegú de bini!» Omúkpata gba ani adje 'ngú ango-o hana.

Yesu atsambala obhulu natsindji 'he bhú 'ngbé 'ti Ebhe gba omaYuda

(Tsia bhú Mat. 21:12-17; ne bhú Luk. 19:45-48; di ne bhú Dja. 2:13-22.)

¹⁵ Abhomú-o, u atsia agie matá lio bhú Yelusalema. Li Yesu ali lie bhú 'ngbé 'ti Ebhe gba omaYuda-a, ani aholo natsambala okpála inde adú atsindji 'he, ne obhende adú akala 'he oo-o. Ani atumba omisa gba okpála inde adú ayipa falanga, di ne okiti gba obhende adú atsindji obebhé-o kuto. ¹⁶ Yesu 'o nani kpála bini akodho 'kpí ne ehe bini na mase bhú 'ngbé 'ti Ebhe de. ¹⁷ Pipita-a, ani aholo asuno, ne napa pi uo me: «U aye bhú Bhuku gba Ebhe-e me, Ebhe apa me: <U a'í eti gba ma-a me eti nayo Ebhe pi ndu opiga hana.› Engú bini, ngayi-e, yi adjí, a atsia akolo bili gba obhulu 'zi! [†]» ¹⁸ Ongbengbe odimandé di ne omúsunoo na lili adje engú inde li Yesu amene e-o. U atsia aholo agili kpadji ngú nabhele ani. Engú bini, u adú akpe ani, anga ndu okpála hana adú angamba li nasuno gba ani-e mangamba. ¹⁹ Akolo lie tagolo-o, Yesu ne omúkpata gba e akoto bhú gudhu-o.

Yesu asuno pindji nadu ne nabhuka na kpekpeke

(Tsia bhú Mat. 21:20-22.)

²⁰ Kékpí má bhé-o, Yesu ne omúkpata gba e a'e ne enu. U akolo lie li bili li Yesu atu pédjø lie li ndula na figi-e, omúkpata gba ani au me ndula ango-o a'u hana, akolo makolo bha bini li osisie. ²¹ Abhomú-o, Piele abhundja engú inde li Yesu apa lili e li figi-o, ani atsia apa pi Yesu me: «Músuno, tsitsia nga, ndula na figi inde mo otu pédjø lie a'u hana!» ²² Yesu atsia apa pi omúkpata gba e me: «Yi du ne nabhuka bhú Ebhe! ²³ I du me yi nde apa pi eta inde-e me: <Yie sii, amba mu nu gu 'i mu bhú 'ngbé 'ngu-o, Ebhe méne pi yi, i du me yi

[†] 11:9 11:9 Tsia bhú Ets. 118:25-26. [†] 11:17 11:17 Tsia bhú Isa. 56:7; di ne bhú Djlm. 7:11.

nde ne bua na bhisi bhisi ade ko. Engú bini, a ayo la me yi bhuka me Ebhe améne mamene.²⁴ Kaka-a, ma apa pi yi me: ndu ehe hana yi ayó e bhú mayo-o, yi bhuka me yi asia ehe ango asia. Abhomú-o, ehe ango tsia méne lie pi yi.²⁵ Engú bini, nedhingga yi nde lie ngayo Ebhe-e, i du me yi nde ne engú pi kpála-a, yi de mbu ngaiza li aní, amba 'Dyi yi inde abhúlá-a 'e di osisiti 'ngú gba yi o. [26 †]»

A ngaha angu pi Yesu da?
(Tsia bhú Mat. 21:23-27; di ne bhú Luk. 20:1-8)

²⁷ Yesu ne omukpata gba e agie lio bhú Yelusalema. Li Yesu adu adholo lie bhú 'ngbé 'ti Ebhe gba omaYuda-a, ongbengbe odimande gba Ebhe, ne omusuno na líli, di ne obhelesi okpála ago de ani. ²⁸ U atsia ayi aní me: «A aha kpadji pi mu ngú namene ongú inde-e da? A aha la di angu pi mu ngú namemene da?» ²⁹ Yesu atsia agie pi uo me: «Ma adjí ayi yi li koli engú bini, i du me yi nde agie engú muma téte-e, ma atsia pá pi yi me ma ngamemene ne mangua angu dho-ie. ³⁰ Aha kpadji pi Djaa ngú nabatisa okpála da? Ne me a ko Ebhe, ne me a ko okpála? Yi gie engú muma téte.»

³¹ U aholo amene kpekebhé súnda o me: «I du me ni nde apa me, aha kpadji pi Djaa ne Ebhe-e, aní yi ni me, i du mo-o, ka ni ni bhuka la nani Djaa lie de-e? ³² Engú bini, ni ti da nale napa me: <Aha kpadji pi Djaa ne okpála-a?>» (U apa nani mo-o anga u adu adje tsulu ka bhti okpála-o. Padhá de, anga ndu okpála hana adu abhundja me Djaa ne polofeta na kúkúlu.) ³³ Abhomú-o, u agie pi Yesu me: «Ya mbila de.» Yesu atsia agie pi uo me: «A ndjindji, ngama di-e, ma apa pi yi de me a aha angu muma ngú namene ehe inde-e da-ie de.»

† 11:26 11:26 Lukuluku inde-e, a bhú obhuku koko na didili u aye e bhú eli na giliki ade. [Engú bini, i du me yi nde mbu li okpála koko de-e, 'Dyi yi inde abhúlá-a 'e di osisiti 'ngú inde yi amene e de.]

12

Gbitaku pindji osisiti okpála namene kulu bhú 'dyi vino
(Tsia bhú Mat. 21:33-46; di ne bhú Luk. 20:9-19.)

¹ Abhomú-o, Yesu aholo nakpokpo 'ngú pi uo bhú ogbitaku me: «Kpála bini alu naní ngu vino, aní asa ngongo-o hana ne aga. Aní adjí edú ngú napi olíl-e bhúbhú, aní atsia ayiki 'ndjá 'ti abhúlá bhúbhú ngubula nalila edyi-o. Pipita-a, u adje lio ne okpála ngú namene kulu bhú 'dyi-o, amba o du agbó bhúsú o ne uo li nguwa-o. Abhomú-o, aní atsia atapa dhukú.

² Nedhingga li nguwa abhele lie, aní atima kpála bini na kulu agba okpála ango-o me u ha nguwa bhe gba ni-e pi ni haha. ³ Okpála namene kulu bhú ngu vino aholo kpála ango-o, u abhi aní má kpú! U atsia agie aní ne mbulú 'kpa e padhá. ⁴ Bhulú 'dyi-e atima matá kpála na kulu koko bini, bhobhomú-o di-e, u abhi aní li 'ndji e, u atsia asosobho aní. ⁵ Bhulú 'dyi-e atima matá kpála koko bini, u abhele bha ibili bhobhomú-o mabhele. Pipita-a, bhelé na okpála koko-o, u abhi uo. Okoko-o, u abhili uo.

⁶ A atigala nani ibili ka bhulú edyi-e bha ne koli kpála bini aní ti da natima e, bha ndili na bhobhoko gba aní bini na 'kpú bua aní-o. Ali soso hana-a, aní aha aní, aní atsia atima aní agba uo oo-o. Do aní de-e: <U amánga ndili gba ma-a mamanga.> ⁷ Engú bini, okpála ango-o apa súnda o me: <Yi tsia nga la ndju kpála inde atigala galikpe ne edyi-o. Yi gógo! Ní bhelé aní, amba edyi-e kolo ibili pi ni.> ⁸ U aholo aní, u abhele aní, u atsia abhike kuo aní alingo 'dyi.> ⁹ Abhomú-o, Yesu atsia ayi me: «Mbía inde-e, bhulú 'dyi-e améne pi? Aní agó, aní bhili okpála namene kulu bhú 'dyi-e

hana. Pipita-a, ani há edyi-e, ani tsia pú pi okpála koko. ¹⁰ Yi atanga bha ndju Bhuku gba Ebhe-e uu? Li bili inde u aye lie me:

<Teme inde li okpála nayiki eti-e abhike e,
akolo teme inde abi eti-e lib-homu.

¹¹ Ebhe Ngámá amene engú bhomu-o ngae.

Bhú djila ní-e, a ko engú na ngbéngbé![†]>

¹² Li Yesu apa lie mo-o, obhálu yala gba ani-e atsia adu agili naholo ani. Padhá de, anga u adu ambila ndjindji me ani apa gbitaku bhomu-o pi o. Engú la bini, u adu adje tsulu ka bhti okpála. Abhomu-o, u a'o ká ani, u atsia agbida.

Engú pindji nakala mandjandja gba 'ngbé ngámá Kaisala

(Tsia bhú Mat. 22:15-22; di ne bhú Luk. 20:20-26.)

¹³ Abhomu-o, u atima té omuFalisai di ne okpála gba Elode me u nu agba Yesu, u gama 'ngú ne ani, amba u holo ani li 'li e. ¹⁴ U ago, u atsia apa pi ani me: «Musuno, ya ngambila ndjindji me mu ngapa kükulu 'ngú. Mu ne tsulu kpála belegu ade bini. Mu tsia di engbé gba kpála bini de. Engú bini, mu ngasuno engú gba Ebhe-e pi okpála bhú kükulu 'ngú. Líli aziba pi? U kala mandjandja gba Kaisala, 'ngbé ngámá na doto na Loma, ne me u akála de. A ayo me ya kala, ne me ya akála de?» ¹⁵ Yesu ambila kali gba uo lie, abhomu-o, ani atsia ayi uo me: «Yi ngale ma ngubula ni? Yi go nga muma ne lí falanga bini, ma tsia!» ¹⁶ U ago ne lí falanga bini pi ani. Ani atsia ayi uo me: «Kulu kpála di ne balua inde pépé inde-e, a ko naa da?» U agie pi ani me: «A ko naa Kaisala.» ¹⁷ Abhomu-o, Yesu atsia apa pi uo me: «Yi ha ehe bhende gba Kaisala-a pi Kaisala, amba yi ha la di bhende gba Ebhe-e

pi Ebhe.» U atsia adu nangamba li ani naali.

Engú pindji nazuku ka okpála
(Tsia bhú Mat. 22:23-33; di ne bhú Luk. 20:27-40.)

¹⁸ Abhomu-o, oSadukai ago de Yesu. (Ngauo-o, u ziba naní naao de me okpála inde amu-o azúku mazuku-o de.) U atsia ayi Yesu me: ¹⁹ «Musuno, Moidje aye naní lili pi ní me: «I du me kpála bini nde akpi, ani 'o ká wala e me u nde zu ne ani de-e, a ayo me ndai ani ha eko angoo, amba ani zu ndili pi ndai e inde akpi ko.» ²⁰ La-a, a adu naní obhosí mananika bhú piga bini. Bhende na kalanu-o aha ele, ani akpi padhá me ani nde zu de. ²¹ Bhende na bhisi aha ele ango-o, ani akpi padhá me ani nde zu de. A akolo bhadji li kute bhende na bata moko. ²² Ndú obhosí bhomu-o mananika hana amu me u nde zu de. Pita ndú uo hana-a, ele-o atsia akpi di. ²³ Li 'kpí li okpála inde amu-o azúku lie, ele ango-o adú naa da? Padhá de, anga ndú uo mananika hana aha naní ani!»

²⁴ Abhomu-o, Yesu atsia agie pi uo me: «Yi angita, anga yi mbila Bhuku gba Ebhe-e de, yi mbila la di angu gba Ebhe-e de. ²⁵ Padhá de, anga li okpála inde amu-o azúku lie, u há lio de. Engú bini, u adu ibili maka oandjelu abhúlá. ²⁶ Li 'ngú bhende atsia nazuku ka okpála-a, yi tanga nga bhuku gba Moidje, li bili inde ani akpo 'ngú lie pindji tsá 'pó inde adu atsi-e di? Li bili bhomu-o, u aye me Ebhe apa pi ani me: «Ma ne Ebhe gba Abalahama, Ebhe gba Isaka, Ebhe gba Yakobho.» ²⁷ Ebhe ne Ebhe gba okpála inde amu-o ade. Engú bini, ani mangbo ne Ebhe gba okpála inde uu ko. Yi angita bha ndju na paká paká.»

Líli inde ane ne engbé
(Tsia bhú Mat. 22:34-40; di ne bhú Luk. 10:25-28.)

²⁸ Musuno bini na líli gba Moidje adje uo nedhinga u adu amene

[†] 12:11 12:10-11 Tsia bhú Ets. 118:22-23.

kpekebhə lie-o. Ani atsia au di maka li Yesu agie 'ngú lie pi oSadukai ndjindji-o. Abhomu-o, ani adyudyo lie, ani atsia ayi Yesu me: «Lili inde ane ne engbé-e ngae dho?» ²⁹ Yesu agie pi ani me: «Lili na bini inde ane ne engbé-e ngae inde: <Isalaele, djedje nga! Ebhe, Ngámá gba ní-e bha ne koli Ngámá kpi e kpi. ³⁰ A ayo me kunda Ebhe, Ngámá gba mu-o ne bua mu hana, ne mukobho gba mu-o hana, ne mabhundja gba mu-o hana, la di ne angu gba mu-o hana.† ³¹ Bhende na bhisi-e ngae inde: <A ayo me kunda kili mu maka mo okunda limu lie makpe ko.†> Lili bini ade inde ane obhobhomu-o ne engbé.»

³² Abhomu-o, musuno na lili-e apa pi ani me: «A ndjindji naali, Musuno! Mo opa paká. Ani bha ne koli Ngámá ngae kpi e kpi, Ngámá koko ade, bha bini ani. ³³ La di-e, a ayo me kpála kunda ani ne bua e hana, ne imbilangú gba e hana, ne angu gba e hana, amba ani kunda la di kili e maka ani akunda lie lie makpe ko. Bhabhomu-o ndjindji ane natsulu oenú pi Ebhe di ne obhe u ahaha e pi ani ko.» ³⁴ Li Yesu au lie me ani agie 'ngú ne imbilangú-o, ani atsia apa pi ani me: «Mu de Naú gba Ebhe-e tsutsu ade.» Pipita-a, kpála bini le matá nayi Yesu belegú de bini.

*Masiya ne ngámá gba Davidi
(Tsia bhú Mat. 22:41-46; di ne bhú Luk. 20:41-44.)*

³⁵ Li Yesu adu asuno lie pi okpála bhú 'ngbé 'ti Ebhe gba omaYuda-a, ani atsia adu ayi me: «Lele pi li omusuno na lili gba Moidje ti da napa lie me Masiya ne ndili gba Davidi-e? ³⁶ Padhá de, anga ngaani Davidi makpe-e bhú nateteke gba Bu Bhabua apa naní me:

<Ebhe Ngámá apa pi ngámá gba mama me:

Du li pá 'kpa ma na kokpa,

† 12:30 12:30 Tsia bhú Det. 6:4-5. † 12:31 12:31 Tsia bhú Lev. 19:18. † 12:36 12:36 Tsia bhú Ets. 110:1.

akolo li nedhinga inde ma a'ó obhulú yala gba mu-o lie sa 'dhú mu ko.†

³⁷ Davidi ngae makpe nga'i Masiya me <Ngámá.› Lele pi ani nde la lie ne ndili gba Davidi-e?» Bhti okpála na bhibhiti adu nadje ani ne djali naali.

Yi lila liyi ka omusuno na lili gba Moidje malila

(Tsia bhú Mat. 23:1-36; di ne bhú Luk. 20:45-47.)

³⁸ Yesu adu apa pi okpála bhú nasuno gba e me: «Yi lila liyi ka omusuno na lili gba Moidje malila. Padhá de, anga ngauo-o, u kunda bha nadhukú ne ondjandja yambu, di ne me u du nayi o maka ongámási li obili inde li okpála apepékébhé bhúla o li e-o. ³⁹ U kunda bha nadulú pi odabili na akalanu bhú oeti nadje lili gba Moidje, di ne pi odabili na akalanu bhú da oanokomia. ⁴⁰ U ngabha oehe gba oekesi na olisilisi. U ngayo Ebhe ngengele ngubula me okpála u o. Kaka-a, u asia mangimbo ane bhende gba okpála koko mane.»

Makiso gba eke bini na eele

(Tsia bhú Luk. 21:1-4.)

⁴¹ Yesu adu li bili li sanduku na makiso na 'ngbé 'ti Ebhe-e adu nadu li e, ne li pápá na abhúbhála. Yesu adu atsia maka li okpála adu na'o makiso lie bhúbhú-o. Kambi obhulú tia adu na'o tia bhelé. ⁴² Engú bini, eke bini na eele, bhulú ndibhili ago. Ani aha bha naae djedje lí falanga bhisi padhá má kpi kili! ⁴³ Abhomu-o, Yesu a'i omakpata gba e-o. Ani atsia apa pi uo me: «Ma apa pi yi na paká me, eke na eele inde naae ne bhulú ndibhili inde-e, aha makiso ane ndu okpála inde a'o makiso bhú sanduku inde-e hana. ⁴⁴ Padhá de, anga ndu okoko hana, u aha tia bhende u nde ne gumu e ade ko. Engú bini, ngaani, bhú ndibhili gba e, ani aha ndu bhende adu ka e, inde ani adu akobho li e hana-o.»

13

*Yesu apa me 'ngb   'ti Ebhe gba omaYuda at  ko kuto
(Tsia bh   Mat. 24:1-2; di ne bh   Luk. 21:5-6.)*

¹ Nedh  inga li Yesu ad   akoto lie bh   'ngb   'ti Ebhe gba omaYuda-a, s  ka om  kpata gba ani bini atsia apa pi ani me: «M  suno, tsitsia nga! Ae mangua babadha ka oteme dho! Ae mangua babadha ka oeti dho!»
² Yesu atsia agie pi ani me: «Mo ou ongbengbe 'ti inde ayiki lie inde-e au? Oteme bhom  -o, sus  ka bini t  gala pi kili e de. Nd  nd   hana at  ko kuto.»

*Eng   inde ak  lo kala sokp  -o
(Tsia bh   Mat. 24:3-14; di ne bh   Luk. 21:7-19.)*

³ Li Yesu ad   lie pi eta na ondula na Olive bh  la 'ngb   'ti Ebhe gba omaYuda-a, Piele, Djaki, Djaa ne Andili ad   ne ani titi o. U atsia ayi ani me: ⁴ «Pa nga pi ya me eng   ango-o ak  lo nadho? Ehe inde as  uno la di me nd   'ng   hana adj andjia ad   ni?»

⁵ Abhom  -o, Yesu aholo napa pi uo me: «'E-e! Kp  la bini apite yi de! ⁶ Okp  la bh  le ag   amene eng   ne 'li ma ne napa me: <Ma ne Masiya !> U tsia p  te okp  la bh  le. ⁷ Nedh  inga yi adj   ngali na oeg   di ne dhukudhuku na oeg   lie, yi adj   ts  lu de, anga a ayo me oeng   ango-o kolo. Eng   bini, ad   nga bhom  -o sokp  -e de. ⁸ Padh   de, anga okp  la na kuti bini at   'g   li okp  la na kuti koko. Ng  m   na kuti bini at   'g   li ng  m   na kuti koko. Oadjigidjo na ngbengbengbe ady  ki doto li obili ngang  . Ehe naz   maz   d   ka okp  la beleg   de bini. A ad   maka li bh   'bu ele azuz   lie kala naz   ka e-o.

⁹ 'E-e! Yi lila liyi malila. Padh   de, anga okp  la agb   yi bh   ngbanga kala ong  m  si, di ne abh   oeti nadje lili gba Moidje . U abh   yi, u ap  ndja yi kala okp  la natsia 'kp   li ndu

doto di ne kala ongbengbe ong  m  si ng  bula ma, amba yi kpokpo 'ng   gba ma kala uo. ¹⁰ Padh   de, anga a ayo ngaiza me u kpokpo B  dha Ngali pi nd   opiga hana. ¹¹ Li nedh  inga u an   ne yi lie kala ong  m  si ng   nakodho 'ng   gba yi-e, bua yi ag  ku de me ni ap   pi-ie de. Eng   bini, eng   inde ak  to bh   'bh   yi li nedh  inga bhom  -o, yi de pa bha e. Padh   de, anga eng   yi ap   e y  ie ka yi de. Eng   bini, ay  ie ka Bu B  bua .

¹² Kp  la ap   ndai e na bhobhoko me u bh  le ani. 'Dyi ndili am  ne bhadi moko li pabili gba ndili gba e. Li ongisi k  lo obh  lu yala gba odyi o, u tsia p   uo me u bhili uo. ¹³ Nd   okp  la hana ay  la yi kabula 'ng   gba ma. Eng   bini, kp  la bh  nde al   kpekpeke ak  lo li soso-o, ak  bho ngae.»

*Likabhu na ngb  engb   inde ak  lo kala sokp  -o
(Tsia bh   Mat. 24:15-28; di ne bh   Luk. 21:20-24.)*

¹⁴ «Yi a   kp  la inde u a'i e me <Siti bh  lu nabh  le kuti-e[†]> ad   li bili inde i ti de me ani du lie de-o. (A ayo me kp  la at  ng   bhuku inde-e, ke mbolimboli ndjindji!) Abhom  -o, obh  nde ad   abh   Yudaya-a, a ayo me u kpe ap   oeta. ¹⁵ Kp  la inde ad   ap   'ngb   'ti-e, a ayo de me ani ke ng   nan   abh   'ti gba e na ha 'he bini-e de. ¹⁶ Kp  la bh  nde ad   abhiye-e, a ayo de me ani gie lie na ha bongo gba e de. ¹⁷ Li 'kp   ango-o, a ad   likabhu na ngb  engb   pi olisi na 'bh   di ne obh  nde li ongisi ad   andji 'ka o-o! ¹⁸ Yi yo Ebhe ng  bula me eng   ango-o ak  lo li nedh  inga na zini de.

¹⁹ Padh   de, anga oekp   ango-o ad   oekp   na likabhu u u nga ngua e de, nayie maka li Ebhe abho doto lie nakolo pi mbia inde. La di-e, u u mat   ngungua de. ²⁰ I du me Ng  m   gb  t  le oekp   ango-o de-e, kp  la bini de ti da nad   bh   m  kobho de.

[†] 13:14 13:14 Tsia bh   Dan. 9:27, 11:31, 12:11.

Engú bini, ani agbötölө oekpí ango-o ka okpála bhende ani alo o ko.

21 I du me kpála bini nde apa pi yi me: «Yi tsitsia, Masiya siii!», i du di-e me: «Yi tsitsia, ani abhe!», yi aziba kpála ango-o de.

22 Padhá de, anga omasiya na eu di ne opolofeta na eu agó mago. U améne ongú na ngangamba di ne okiaka 'ngú ngú napite okpála. Li angu uo kolo-o, u apité belegu okpála li Ebhe alo o-o.

23 La-a, ngayie, yi tsia 'kpí liyi ndjindji, anga ma agbele 'dje yi li ndu 'ngú hana kalanu.»

Nago gba Ndili gba kpála
(Tsia bhú Mat. 24:29-31; di ne bhú Luk. 21:25-28.)

24 «Engú bini, li oekpí ango-o, pita likabhu bhomu-o,
li ela kólo biti,
epe sú matá-a de,

25 oikupala ahólo nabala kuto,
oangu inde abhúlá adyíki má
djigi djigi!†

26 Abhomu-o, u ú Ndili gba kpála nago bhú ndindi, ne ndu angu di ne ndu sangu gba e hana.† **27** Ani atíma oandjelu li odje bili badha hana ngú napo bhúla obhende ani alo o-o, abana u du bha su-oie.»

Gbitaku pindji ndula na figi
(Tsia bhú Mat. 24:32-35; di ne bhú Luk. 21:29-33.)

28 «Yi ke mboli nasuno inde li ndula na figi asuno e-o. I du me yi nde au me oyáyá angbengbelo-o, di me okpákpá-a nde ake-o, yi de mbila me gbokokpi ibili masikpe.

29 A bhadi moko. Ngayi di-e, nedhingga yi aú engú bhomu-o ngakolo lie, yi mbila me nago gba Ndili gba kpála akolo masikpe. Ani li obhèbhoti gba yi-o.

30 Ma apa pi yi na paká me, nedhingga na engú ango-o akólo makolo, me ndu okpála inde-e nde ndjia nga ndu o hana de.

31 Ekpí ne doto andjia mandjia. Engú bini, oeli gba ma-a adu dudu ma ne dudu ma.»

† 13:25 13:24-25 Tsia bhú Isa. 13:10, 34:4; ne bhú Edj. 32:7; di ne bhú Djl. 2:10, 3:4. † 13:26 13:26 Tsia bhú Dan. 7:13. * 14:3 14:3 Alabatele: A ko teme na mase naali inde u abhobho oehe maka gili li e ko.

Yi lila liyi
(Tsia bhú Mat. 24:36-44.)

32 «Engú bini, ekpí di ne nedhingga li ongú bhomu-o akólo lie, kpála bini mbila de, belegu de oandjelu abhúlá, belegu de Ndili-o. Ambila bha ne 'Dyi ma kpi e kpi.

33 'E-e! Yi alá-a de, anga yi mbila nedhingga li engú ango-o agó lie de!

34 A adu maka kpála bini inde adji ená: ani a'o ká eti gba e pi obhúlu kulu gba e me u du atsia 'kpí téte. Ani aha kulu namene mamene pi kpála bini ne bini. Ani aha lili pi mulila me ani alá-a de.

35 Kaka-a, yi alá-a de, anga yi mbila nedhingga li bhúlu eti-e agié lie lie de! Nedhingga koko adu tagolo, koko adu tutu sukpe, koko adu bhú 'gbá 'ngú na bini, koko adu kékpi.

36 Ani koto la di-e má gbilikit-e, a ayo de me ani bhaka yi tila-a de!

37 Engú inde ma ngapa e pi yi-e, ma ngapapa pi ndu okpála hana me: «Yi alá-a de!»»

14

Ongámási gba omaYuda agili nabhélo Yesu
(Tsia bhú Mat. 26:1-5; ne bhú Luk. 22:1-2; di ne bhú Dja. 11:45-53.)

1 A adu nani 'kpí bhisi kala anokomia na Pasika, ne kala anokomia nazu mapá inde li levile nde bhú e ade-o. Ongbengbe odi-mandé di ne omusuno na lili gba Moidje adu agili me o hólo Yesu bhú pepe lele pi, amba o bhélo ani-e.

2 U adu apa me: «A ayo de me ní holo ani bhú nedhingga na anokomia de, anga ní mene mo-o, li okpála gbé tolo.»

Өlé bini atuko mungotsi pi 'ndji Yesu

3 Yesu adu bhú kuti na Betania bhú 'ti gba Simo, bhúlu kába-o. Nedhingga u adu lie nazu 'he-e, өlé bini ago ne gili inde u amene e li alabatele.* A adu bhúbhú ne tiki

müngotsi na nalade.[†] A adu la di bhú kpéke mase. Ani agumú gili na alabatele-o, ani atsia atuko müngotsi ango-o pi 'ndji Yesu. ⁴ Okpála koko a adu apa sonda o ne ke bua me: «Müngotsi inde-e ngasiti lie me-e ka ni? ⁵ U ti nako da natsitsindji ngú lí denalio ane kámá bata mane. U tsia há tia ango-o pi obhulú ndibhili!» U atsia adu ake 'ngú lio pi ele ango-o.

⁶ Engú bini, Yesu apa me: «Yi 'o ani. Yi ngato mbolo li ani ngú ni? Ani amene muma bhomú-o bádha 'ngú. ⁷ Padhá de, anga ngayi-e, yi ngadu ne obhulú ndibhili ndu 'kpí hana de yi. Nedhinga yi kunda lie, yi ti da namene bádha 'ngú pi uo. Engú bini, ngama-a, ni ne yi ndu 'kpí hana ade. ⁸ Bhende ani ati nako da namene e, ani amene: ani apulu müngotsi li kute ma kalanú ngú nazí ma ko. ⁹ Ma apa pi yi na paká me, ndu bili hana inde u akpokpo Bádha Ngali lie píla doto libhomu-o, u akpókpo di engú ani amene e, li okpála du di abhundja ani.»

*Yuda Isikaliote agili kpadji napu Yesu
(Tsia bhú Mat. 26:6-13; di ne bhú Luk. 12:1-8.)*

¹⁰ Abhomú-o, Yuda Isikaliote, súka omukpata ndjikpa ne ká bhisi-e anu agba ongbengbe odimande ngú napu Yesu pi uo. ¹¹ U adje engú bhomú-o lie, u akpi ndjili naali. U atsia apa me o há pi ani tia. Abhomú-o, Yuda atsia adu agili bádha nedhinga ngubula napu Yesu pi uo.

*Omukpata gba Yesu anu naleke da anokomia na Pasika
(Tsia bhú Mat. 26:17-25; ne bhú Luk. 22:7-14; di ne bhú Dja. 13:21-30.)*

¹² Ekpí na bini na anokomia nazú mapu inde li levile nde bhú e ade-e, ekpí u adu abhele kandolé lie ngubula Pasika-a, omukpata gba Yesu ayi ani me: «Mo okunda me ya nu leke da nazú Pasika pi mu su?»

¹³ Abhomú-o, ani atima omukpata bhisi bhú ká omukpata gba e-o. Ani atsia apa pi uo me: «Yi nu bhú gudhu, yi aké liyi ne bhoko bini inde abi lusa 'ngu, yi kpata ani. ¹⁴ Bili inde ani alí li e-e, yi de pa pi bhúbhulú-o me: <Musuno apa me: tina 'ti inde mo oleke e muma ne omukpata gba ma ngú nazú Pasika téte-e ngae dho?> ¹⁵ Abhomú-o, ani asúno tina 'ti inde abhúlá-a pi yi. A ngbéngbé, u aleke ndjindji, ndu 'he hana bhúbhú bedhe. A bhomú-o bili inde yi aléke da anokomia pi ni li e ko.»

¹⁶ Omukpata-a agbida. U anu abhú gudhu. U atsia abhaka ndu 'ngú hana maka li Yesu apa pi uo lie ko. Abhomú-o, u atsia alu ezú na Pasika-o.

Yesu apa me súka omukpata bini apú ni

¹⁷ A akolo lie tagolo-o, Yesu ne omukpata gba e ndjikpa ne ká bhisi-e akolo. ¹⁸ Nedhinga u adulu lie pi misa me u nde ngazú 'he-e, Yesu atsia apa me: «Ma apa pi yi na paká me, súka yi bini, inde ngazú 'he ne ma-a, apú ma.» ¹⁹ Omukpata-a abedhe ne babuma li bua o bedhe. U atsia aholo nayı ani bini ne bini me: «A adú ma?» ²⁰ Ani apa pi uo me: «A ko súka yi omukpata ndjikpa ne ká bhisi-o, bhende i ngato 'kpa e ne ma bhú saani-o. ²¹ Ndili gba kpála akpí bha na paká maka u aye lie bhú Bhuku gba Ebhe li 'ngú gba ani-o. Engú bini, a ko likabhu pi kpála inde apú Ndili gba kpála-o. A belegu nako pi kpála ango-o ndjindji me u azú ani de!»

Yesu aha mapa ne vino pi obhulú titima gba e-o

(Tsia bhú Mat. 26:26-30; ne bhú Luk. 22:14-20; di ne bhú 1 Kol. 11:23-25.)

²² Nedhinga u adu azú 'he lie, Yesu aha mapa-o. Pipita-a, ani agie hení pi Ebhe. Ani atsia agumú bhúsú bhúsú, ani atsia aha pi uo. Do ani

[†] 14:3 14:3 Nalade: A ko müngotsi inde u amemene e li 'kpá ulu. Tsia bhú Mat. 26:7.

de-e: «Yi haha, a inde-e kute ma.»
23 Pipita-a, ani aha kópo-o, pita ani agie henri lie pi Ebhe-e, ani atsia aha pi uo. U atsia andji ndu o hana.

24 Ani atsia apa pi uo me: «A inde-e ngute ma, ngute na gandja inde atuko lie pi bhiti okpala-o. **25** Ma apa pi yi na paká me, ma andjí matá galikpe lí ndula na vino belegu de bini, akolo li 'kpí inde ma andjí matá lie ne toto bhú Naú gba Ebhe-o .»

26 Pita u ali 'tsi‡ lie, u aze ngú nanu pi 'ta na ondula na Olive.

*Yesu apa me Piele ayála ni
(Tsia bhú Mat. 26:31-35; ne bhú Luk. 22:31-34; di ne bhú Dja. 13:36-38.)*

27 Abhomu-o, Yesu apa pi uo me: «Ndú yi hana, yi a'ó ká ma, anga u aye bhú Bhuku gba Ebhe-e me:
 «Ma asú mhlila gba okandele-o,
 li ongisi kandele-o gbóngbolo ne bili ngangá.†»

28 Engú bini, ma azúku lie, ma anú adjeke yi abhú Galilaya.» **29** Piele atsia apa pi ani me: «Belegu li ndu okpala hana 'o ká mu-o, ngama de!»

30 Yesu atsia apa pi ani me: «Ma apa pi mu na paká me, ngamu-o, sukpe na naki inde-e, kala me engú ku 'gbá bhutsibhutsi bhisi-e, mo opá bhutsibhutsi bata me ni mbila ma de.» **31** Engú bini, Piele atsia apa matá ne kekele me: «Abana i yo bha me ma kpi bhú dabili bini ne mu-o, ma atsé mu de!» Abhomu-o, ndu uo hana atsia apa bhadi moko.

*Yesu ayo Ebhe bhú Getesemani
(Tsia bhú Mat. 26:36-46; di ne bhú Luk. 22:39-46.)*

32 Pipita-a, Yesu ne omukpata gba e akolo li bili inde u a'i e me Getesemani. Ani atsia apa pi uo me: «Yi dulu kuto si, nedhinga inde ma adu lie nayo Ebhe ko.»

33 Ani anu bhú dabili bini ne Piele, Djaki ne Djaa. Abhomu-o, tsulu

aholo ani, ani aholo azu likabhu li bua e. **34** Ani atsia apa pi uo me: «Bua ma abedhe ne likabhu bedhe ka ma adji akpi lie-o. Yi tigala si, yi alá-a de!»

35 Pipita-a, ani anu mbo tsutsu bedi. Ani atsia agu 'i e bhú doto. Ani atsia adu ayo Ebhe ngubula e me i du me a nde alé male-e, nedhinga bhomu-o de kodho 'kpí de ni tsutsu. **36** Ani adu apa me: «Aba, 'Dyi ma, kpéke da 'ngú pi mu ade. 'E kópo na likabhu§ inde-e de ma ma'e! Engú bini, mo oméne maka ma akunda lie de, mene mangbo maka mo okunda lie ko!»

37 Yesu agie lie, ani abhaka omukpata gba e bata me u nde tila. Do ani pi Piele de-e: «Simo, mu ngala-a? Mu sia angu ngú nadu ndila belegu de ngubula saa bini?

38 Yi alá-a de, yi yo Ebhe, amba yi alí bhú nale de. Bua kpala dudu bedhe ne angu, engú bini, kute ani bhúbhúku.»

39 Pipita-a, Yesu atuto matá lie mbo tsutsu masudha. Ani atsia ayo Ebhe ne oeli bini bhomu.

40 Abhomu-o, ani ago matá, ani abhaka uo tila, anga djila uo adu me a nde ali tili ne ela má yikpokpo! U tsia du nambila de me o opá pi ani pi-ie de. **41** Bhutsibhutsi na bata, ani ago. Ani apa pi uo me: «Yi nga bha ngala di ne naguo? A andjia, nedhinga akolo. Yi tsitsia nga, u apú Ndili gba kpala mbia inde-e pi obhulü siti 'ngú. **42** Yi yie bhulá, ni nunu! Yi tsitsia nga, kpala inde i ngapu ma-a, akolo!»

*U aholo Yesu
(Tsia bhú Mat. 26:47-56; ne bhú Luk. 22:47-53; di ne bhú Dja. 18:3-12.)*

43 Bha li nedhinga li Yesu adu ngabha lie agama 'ngú-o, Yuda, súka obhulü titima ndjikpa ne ká bhisi-e, akoto li uo bhú dabili bini ne

‡ **14:26** 14:26 Etsi: Etsi inde si-e, a ko bhende bhú bhuku na Etsi gba omaYuda ko. OmaYuda du nani alili li 'so anokomia na Pasika. Tsia bhú Mat. 26:30. † **14:27** 14:27 Tsia bhú Djkl. 13:7.

§ **14:36** 14:36 Kópo na likabhu: Bhú eli na giliki-e, u aye bha me kópo.

okpála inde adu sa 'kpa o ne tia 'gú: ombotia ne ondula. U ago me a nde atima uo ne ongbengbe odimande, ne omusuno na lili gba Moidje di ne obhelesi okpála. ⁴⁴ Yuda, kpála inde apú Yesu-o, adje lie ne uo me: «Kpála inde ma anvú pabhe e, a ko ani! Yi holo ani, amba yi nu ne ani ne nalila ani ndjindji.» ⁴⁵ Nedhinga li ani akolo lie, ani atuto lie de Yesu. Ani atsia apa pi ani me: «Labi!» Ani atsia anvú pabhe ani. ⁴⁶ Okpála bhe koko abu 'kpa o li ani, u atsia aholo ani.

⁴⁷ Suka okpála inde adu oo agbe mbotia gba e-o. Ani asu kpála na kulu gba bhele kpála gba odimande-o, ani atsia akodho 'dje ani má tse! ⁴⁸ Abhomu-o, Yesu atsia apa pi uo me: «Yi ago ngú ma ne ombotia di ne ondula mágito me ma ne bhélú 'zi! ⁴⁹ Ma du nako ndu 'kpí hana bhú ká yi bhú 'ngbé 'ti Ebhe gba omaYuda ngú nasuno, yi tsia holo ma de. Engú bini, a ko ngubula me engú inde u aye e bhú Bhuku-o mene lie.» ⁵⁰ Abhomu-o, ndu omukpata hana a'o ká ani. U atsia akpekpe. ⁵¹ Makombi bini adu akpata Yesu me ani nde abuku kute e bha ne mbélú daladeli. U aholo ani. ⁵² Engú bini, ngaani-e, ani abala 'kpa li daladeli-o, ani atsia ayiki lie ne holo ndumbu.

*U anu ne Yesu kala Libi okpála
natsia 'kpí li 'ngú gba omaYuda
(Tsia bhú Mat. 26:57-68; ne bhú
Luk. 22:54-55, 63-71; di ne bhú Dja.
18:13-14, 19-24.)*

⁵³ Abhomu-o, u anu ne Yesu kala bhele kpála gba odimande-o. U atsia apo bhúla o ndu o hana: ongbengbe odimande, obhelesi okpála di ne omusuno na lili gba Moidje. ⁵⁴ Piele adu akpata Yesu mbo tsutsu. Ani atsia akolo bhú mbadhasu gba bhele kpála gba odimande-o. Ani adu kuto, ani atsia adu atu djua bhú dabili bini ne omulila.

† 14:62 14:62 Tsia bhú Ets. 110:1; di ne bhú Dan. 7:13.

⁵⁵ La-a, ongbengbe odimande bhú dabili bini ne Libi okpála natsia 'kpí li 'ngú gba omaYuda adu naao agili kpála inde agó apa 'ngú li kute Yesu sisiti, amba o kodho 'ngú gba ani-e me ani kpi. Engú bini, u u de.

⁵⁶ Okpála bhele adu apa 'ngú li Yesu ne eu. Engú bini, ongú u adu apa e, a go li kpadji bini de. ⁵⁷ Okpála bini bini adu ayie bhálá ne napa 'ngú li ani ne eu me: ⁵⁸ «Ya adje ani me ani nde ngapa me: <Ngama-a, ma abhéle 'ti Ebhe inde li okpála amene e inde. Pita 'kpí bata, ma tsia yíki koko inde li 'kpa kpála mene e de.» ⁵⁹ Engú bini, abana u adu apa lie mono, u du adje lio bhú nakpokpo 'ngú ango-o de.

⁶⁰ Abhomu-o, bhele kpála gba odimande-o ayie bhálá bhú ká okpála-o. Ani atsia ayi Yesu me: «Mu gie 'ngú li kute engú u ngakpokpo e li mu-o di?» ⁶¹ Engú bini, ngaani-e, ani andjili bha má bulu, ani gie engú bini de! Bhele kpála gba odimande-o atsia ayi matá ani me: «Mu ne Masiya, Ndili gba Ebhe inde li okpála ngadhégo e?» ⁶² Yesu agie me: «A moko, ma ne ani. Yi aú Ndili gba kpála adu li pápá na kokpa gba Angbamili me ani nde ngago ne ndindi na abhúlá.†»

⁶³ Abhomu-o, bhele kpála gba odimande-o asidha bongo gba e. Ani atsia apa me: «Ní matá ne gúmu okpála koko ngú nakpokpo 'ngú gba ni-e ade! ⁶⁴ Yi adje maka ani asobho Ebhe lie adje. Yi apa téte pi?» Abhomu-o, ndu uo hana akodho 'ngú gba ani-e me ani ati ne nakpi. ⁶⁵ Bini bini bhú ká uo aholo aku ngusu li ani. U atsia adu di abuku bhúla ani, asu ani ne napa pi ani me: «Pa pi ya me asu mu da!» Omulila-a aha ani, u atsia aholo di nasu ani.

*Piele apa me ni mbila Yesu de
(Tsia bhú Mat. 26:69-75; ne bhú
Luk. 22:56-62; di ne bhú Dja. 18:15-
18, 25-27.)*

⁶⁶ Nedhingga li Piele adu nga bha lie tu mbadhasu-o, suka okpala na kulu bini na eele gba bhele kpala gba odimande ago. ⁶⁷ Ani au Piele lie ngatu djua-a, ani atsia ani ma suu! Ani atsia apa pi ani me: «Ngamu di-e, mo odu nako bhú dabili bini ne Yesu, kpala na Nadjaleta-o!» ⁶⁸ Engú bini, Piele ayaya. Ani atsia apa me: «Ma mbila de. Ma ke di mboli engú mu ngakunda napa e de.» Abhomu-o, ani akoto kilidjo bhú mbaladja. [Pipita-a, engu atsia aku 'gbá.]

⁶⁹ Engú bini, kpala na kulu na eele ango-o au ani. Ani atsia apa matá bhú djila okpala inde adu oo me: «Kpala inde aoo, a ko di suka uo!» ⁷⁰ La-a, Piele ayaya matá. Pita nedhingga masudha, okpala inde adu oo apa matá pi Piele me: «A ko paká, mu ne suka uo, anga ngamu di-e mu ne kpala na Galilaya.» ⁷¹ Engú bini ngaani-e, ani aholo natu silika ne nasima me: «Ma mbila kpala inde yi ngapa 'ngú gba e muma bhomu-o de!» ⁷² Má gala kolo me-e, engu atsia aku 'gbá bhutsibhutsi na bhisi. Abhomu-o, Piele abhundja engú inde li Yesu apa igini e pi ani me: «Kala me engu ku 'gbá bhutsibhutsi bhisi-e, mo opa bhutsibhutsi bata me ni mbila ma de.» Ani atsia akoto ne holo ne naku 'gbá.

15

U anu ne Yesu kala Pilate
(Tsia bhú Mat. 27:1-2, 11-14; ne bhú Luk. 23:1-5; di ne bhú Dja. 18:28-38.)

¹ Kekpi má bhé, ongbengbe odimande gba Ebhe-e apo bhála o bhú bula. U adu bhú dabili bini ne obhesi okpala, ne omusuno na lili gba Moidje, la di ne Libi okpala natsia 'kpí li 'ngú gba omaYuda libhomu. U agbite Yesu ne ekpu, u anu ne ani, u atsia aha ani pi Pilate. ² Pilate ayi ani me: «Mu ne 'ngbé ngámá gba omaYuda?» Yesu agie pi ani me: «Mu ngapapa ngamu.» ³ Ongbengbe odimande adu apa osisiti 'ngú bhelé

li kute ani. ⁴ Abhomu-o, Pilate atsia ayi matá ani me: «Ndu 'ngú inde u ngapa e li kute mu inde-e, mu gie 'ngú tété bini di?» ⁵ Engú bini, Yesu gie 'ngú tété belegu de bini. Kaka-a, Pilate angamba naali.

U akodho 'ngú gba Yesu me ani kpi bha makpi

(Tsia bhú Mat. 27:15-26; ne bhú Luk. 23:13-25; di ne bhú Dja. 18:39 - 19:16.)

⁶ Bhú ndu anokomia na Pasika hana, a ayo me Pilate tse 'kpa li kpala bini inde u aholo e bhú tikpu-o pi omaYuda. A ayo me a adu bhende li okpala ayó me Pilate tse 'kpa li e ko. ⁷ A abhaka me kpala bini inde u a'i e me Balabasi nde bhú tikpu. A adu me u nde aholo ani bhú dabili bini ne okpala na kpekpeke 'ndji me u nde abhele kpala bini bhú nedhingga u agbe kpéke 'ndji lie-o. ⁸ Abhomu-o, bhitii okpala anu abhaka Pilate, u atsia aholo nayo me Pilate mene pi o maka ani amemene lie gomé gomé-o.

⁹ Pilate agie pi uo me: «Yi akunda me ma tse 'kpa li 'ngbé ngámá gba omaYuda pi yi?» ¹⁰ Padhá de, anga ani adu ambila ndjindji me ongbengbe odimande apu Yesu, anga okpala adu ne mukunda naali pi Yesu. ¹¹ Abhomu-o, ongbengbe odimande atsia ato bhú okpala bhelé me u yo me Pilate tse mangbo 'kpa li Balabasi. ¹² Pilate atsia ayi bha matá uo me: «A ayo la me ma mene ngú kpala bhende yi nga'i e me 'ngbé ngámá gba omaYuda-a pi?» ¹³ Okpala bhomu-o atsia agie ne nasusula me: «Gi ani li kulusi!» ¹⁴ Pilate atsia adu ayi uo me: «Ani amene la mangua siti 'ngú dho?» U asusula matá kpekpeke naali ne na'e'e 'li o ne abhála me: «Gi ani li kulusi!» ¹⁵ Abhomu-o, Pilate atse 'kpa li Balabasi pi uo, amba ni atsógbolo bua uo de. Ani aha lili me u bhi Yesu ne fimbo, pipita-a, ani atsia aha ani pi uo me u gi ani li kulusi gigi.

*Osudha amu Yesu
(Tsia bhú Mat. 27:27-31; di ne bhú Dja. 19:2-3.)*

¹⁶ Abhomu-o, osudha aha Yesu, u atsia anu ne ani tu mbadhasu gba Pilate. U a'i ndu osudha koko hana. ¹⁷ U ato bongo na zumbé zumbé li kute ani, u atsia agala ehe na eti má kilili, u aha-a, a ato bhú 'ndji ani. ¹⁸ U atsia aholo nayi ani me: «'Ngbé ngámá gba omaYuda, atou!» ¹⁹ U adu abhi 'ndji ani ne mbamba, u atsia adu aku ngusu li kute ani. U atutu lipuku o kuto, u atsia adu ati kala ani. ²⁰ Pita u amu ani lie má tsiki tsiki-e, u agbe bongo na zumbé zumbé-e li kute ani, u atsia agie obongo gba ani-e pi ani. Pipita-a, u atsia agbe ani kilidjo ngubula nagi ani li kulusi.

*U agi Yesu li kulusi
(Tsia bhú Mat. 27:32-44; ne bhú Luk. 23:26-43; di ne bhú Dja. 19:17-27.)*

²¹ Abhomu-o, osudha aholo kpála bini ne kpéke me ani bi kulusi gba Yesu-o. A adu 'li kpála ang-o me Simo, a adu 'dyi Alekidjandele ngauo ne Lufusi. A adu kpála na gudhu na Silene. U aholo ani me ani nde ngakodho 'kpí oo nedhinga ani adu agie lie lie abhiye-o. ²² U anu ne Yesu li bili inde u a'i e me Gologota, (a akunda napa me «bili na pelege 'ndji»). ²³ U adu akunda naha vino inde u akpetse e ne mila pi ani. Engú bini, Yesu ndji de.

²⁴ U agi ani li kulusi. U agbogbo bhusu o li obongo gba ani-e me u nde agu ngaiza téte gbanda ngú nambila bhende a ayo me kpála bini ne bini sia e ko. ²⁵ U agi Yesu li kulusi bhú saa na odukpbabini kala tulukpe. ²⁶ Balua inde u aye e ngú nasuno ta mangimbo gba ani-e aye nani lie me: «'NGBÉ NGAMÁ GBA OMAYUDA.» ²⁷ U atsia agi la di bhú dabili bini ne ani-e, obhulu 'zi bhisi inde adu agbulu

'he gba okpála ne kpéke. Bini adu li kulusi gba e li pá 'kpa ani na kokpa. Koko atsia adu li kulusi gba e li pá 'kpa ani na galí. [²⁸ Abhomu-o, eli gba Ebhe inde aye lie bhú Bhuku gba ani-e me: «U ato 'li ani bhú ká okpála na sisiti-e†», atsia amene lie.]

²⁹ Okpála inde adu akodho 'kpí oo adu asosobho ani. U adu ako 'ndji o, u atsia adu apa me: «He-e! Ngamá, kpála inde abhéle 'ngbé 'ti Ebhe gba omaYuda, i tsia yíki súnda 'kpí bata-a, ³⁰ kobho límá ngamá makpe, amba mu yie li kulusi-e ke kuto.»

³¹ Ongbengbe odimande gba Ebhe di ne omusuno na lili gba Moidje adu bhadi namu ani moko. U adu apa súnda o me: «Ani akobho okpála koko, ani ti da nakobho lie ngae makpe di! ³² Mbia inde-e, a ayo me Masiya, 'ngbé ngámá gba omafsalaele yie li kulusi, ya u, amba ya bhuka.» Obhende u agi o ne li okulusi gba o dengo ani-e adu bhadi namu ani moko.

*Yesu akpi
(Tsia bhú Mat. 27:45-56; ne bhú Luk. 23:44-49; di ne bhú Dja. 19:28-30.)*

³³ Tulukpe-e, biti aké pi doto libhomu, nakolo pi saa na bata pita tulukpe. ³⁴ Abhomu-o, bhú saa na bata-a, Yesu asula kpekpeke me: «Eloi, Eloi, lama sabakatan?» (A akunda napa me, «Ebhe gba ma, Ebhe gba ma, mo o'o ká ma ka ni?»)†

³⁵ Bini bini bhú ká okpála inde adu oo adje ani lie, u atsia apa me: «Yi djedje, ani nga'i Eliya!» ³⁶ Suka kpála bini agu holo. Ani anu azi epondje bhú kpongadha pandi. Ani agbite li kute mbamba. Ani atsia aha pi ani me ani ndji ne napa pi obi e me: «Ayó nga! Ní tsia nga ne me Eliya agó ngú nake ani li kulusi-e kuto.» ³⁷ Engú bini, Yesu asula kpekpeke. Ani atsia akpi.

† 15:28 15:28 Tsia bhú Isa. 53:12. † 15:34 15:34 Tsia bhú Ets. 22:2. * 15:38 15:38 'Ngbé 'kpá bongo inde si-e, adu nani agbo bhusu tina 'ti na bubu-o, ne bhende na bubu naali bhú 'ngbé 'ti Ebhe gba omaYuda ko. Tsia bhú Eki. 26:31-33, ne bhú Luk. 23:45, di ne bhú Ebe. 6:19.

³⁸ Abhomo, lido* inde adu agbo bhus 'ngbe 'ti Ebhe-e asidha bhus e bhisi ma tse nayie abhula, akolo akuto! ³⁹ Ngama gba osudha kama bini inde adu bhula ani au lele maka ani akpi lie, ani atsia apa me: «Kpala inde-e bha ndju nako ne ndili gba Ebhe kukul!»

⁴⁰ Olisi bini bini adu di oo. U adu atsia 'ngu bhomo mbo tsutsu. Bhu ka uo-o, a adu nani Malia , kpala na gudhu na Magadala, Malia , 'hi Djodje ngauo ne Djaki bhe na makombi makombi-o, a la di-e Salome. ⁴¹ Nedhinga li Yesu adu lie bhu Galilaya-a, olisi bhomo adu adhuku bhu dabili bini ne ani. U atsia adu di ateteke ani. Olisi koko bhele inde ayie nani ne ani bhu Yelusalema adu di oo.

Djodjefu azi Yesu
(Tsia bhu Mat. 27:57-61; ne bhu Luk. 23:50-56; di ne bhu Dja. 19:38-42.)

⁴² A adu ibili tagolo. A abhaka la lie me a nde ekpi naleke lio ngu anokomia-a, a akunda napa me ekpi kala ekpi naguo gba omaYuda-a , ⁴³ suka okpala na Libi okpala natsia 'kpi li 'ngu gba omaYuda ago. A adu 'li ani me Djodjefu , kpala na gudhu na Alimatayo. A adu kpala nakpe makpe. Ani adu di adjeke Nau gba Ebhe-o . Ani atsia asia kpeke bua ngu nali agba Pilate ngu nanu ayo kuo Yesu. ⁴⁴ Pilate angamba naali nadje me Yesu akpi kolo akpi-o. Abhomo, ani a'i ngama gba osudha-o. Ani atsia ayi ani me ani akpi igin*i* bhutode i-e. ⁴⁵ Pita nagie 'ngu tete ka ngama gba osudha-a, Pilate aziba pi Djodjefu na ha kuo Yesu. ⁴⁶ Abhomo, Djodjefu akala daladeli inde u amene e li lene. Ani ake kuo Yesu li kulusi-e kuto. Ani atsia agagala ne daladeli bhomo. Ani anu a'o bhu lata inde adu me u nde adj*i* e bhu teme-o. Ani awawala 'ngbe teme li bhebhe. ⁴⁷ Malia, kpala na gudhu na Magadala ngauo

ne Malia, 'hi Djodje adu atsia bili u a'o ani li e-o.

16

Yesu azuku
(Tsia bhu Mat. 28:1-8; ne bhu Luk. 24:1-12; di ne bhu Dja. 20:1-20.)

¹ Li ekpi naguo gba omaYuda akodho 'kpi lie, Malia , kpala na gudhu na Magadala, ne Malia , 'hi Djaki, bhu dabili bini ne Salome, akala emu inde bhu e ne mungotsi ngu nanu apulu kute kuo Yesu ne di. ² Abhomo, bhu 'kpi yinga kekpi ma bheo-o, nedhinga li ela adu akoto lie, u anu abhu lata. ³ U adu apa sunda o me: «A atumba teme inde li 'bhe lata-a pi ni da?» ⁴ Engu bini, u atsia 'kpi lie me-e, u au me teme bhomo atumba lie atumba. Abana a adu lie ngbengbe.

⁵ U ali lie bhu lata-a, u au makombi bini ato 'ndja yambu na bubu me ani nde adu li papa na kokpa. U atsia adje tsul naali. ⁶ Engu bini, makombi bhomo apa pi uo me: «Yi adje tsul de. Yi ngagili Yesu, kpala na Nadjaleta, inde u agi nako e li kulusi-o. Ani azuku. Ani si*i* ade. Yi tsia nga bili nako u a'o ani li e-o. ⁷ Yi nu pa mangbo pi omukpata gba ani di ne Piele me: <Ani akodho 'kpi pi yi bhu Galilaya kalanu. Yi au ani oo maka ani apa nako pi yi lie ko.>» ⁸ Abhomo, u aze bhu lata-a ne holo kilidjo, anga mabhundja gba uo angbingi, kute uo atsia adu aguku. U tsia pa pi kpala de, anga u adu ne tsul.

Yesu akoto li Malia, kpala na gudhu na Magadala

(Tsia bhu Mat. 28:9-10; di ne bhu Dja. 20:11-18.)

[⁹ Li Yesu azuku lie bhu 'kpi yinga kekpi-e, ani akoto ngaiza li Malia, kpala na gudhu na Magadala, inde ani apandja nani osisiti bua mananika bhu e-o.* ¹⁰ Malia anu napapa pi okpala inde adu nani bhu dabili bini ne Yesu-o. U adu ne

* 16:9 16:9 Ongu nayie si akolo bhu 16:20, a bhu obhuku koko na didili-e ade.

likabhu, u atsia adu di aku 'gbá.
11 Engú bini, li okpála bhomu-o adje lie me aní uu, di ne me Malia au aní-e, u bhuka aní de.

*Yesu akoto li omukpata bhisi
(Tsia bhú Luk. 24:13-35.)*

12 Pipita-a, Yesu asuno matá lie maka kpála koko pi omukpata bhisi inde adu li kpadji ngú nanu akutí-o.

13 Abhomu-o, obhobhomu-o ago apa pi okoko-o. Engú bini, okoko bhuka uo de.

*Yesu asuno lie pi omukpata
ndjikpa ne ká bini*

*(Tsia bhú Mat. 28:16-20; ne bhú Luk. 24:36-49; ne bhú Dja. 20:19-23;
di ne bhú Kul. 1:6-8.)*

14 Li soso-o, Yesu atsia asuno lie pi obhulú titima gba e ndjikpa ne ká bini-e me u nde ngazu 'he. Abhomu-o, aní atsia agbele 'dje uo ka ndi nabhuka di ne kpéke 'ndji gba uo-o. Padhá de, anga u bhuka nani okpála inde au aní me aní nde azuku-o de. **15** Abhomu-o, aní atsia apa pi uo me: «Yi nu píla doto libhomu nakpokpo Bádha Ngali pi ndu okpála hana. **16** Kpála inde abhúka-a, inde ásia la di batisimo-o, aní kóbho. Kpála bhende i bhúka de-e, ásia mangimbo. **17** A inde-e ongú inde adhúku bhú dabili bini ne obhende abhúka-o: u apándja osisiti bua bhú okpála ne 'li ma, u agáma 'ngú bhú odikongú na mbia. **18** U ahólo okpulú ne 'kpa o. I du di me u nde andji elá na bhelé kpála-a, a améne 'he bini ngú uo de. U a'ó 'kpa o pi 'ndji okpála na kuo, li okpála na kuo ango-o kóbho.»

19 Pita napa ongú bhomu-o pi uo-o, Ebhe aha Ngámá Yesu abhúlá. Aní atsia adu kuto li pá 'kpa Ebhe na kokpa. **20** Abhomu-o, omukpata-a atsia anu naao nakpokpo Bádha Ngali ne ndu bili hana. Ngámá adu ateteke uo bhú okulu bhomu-o hana. Ongamba 'ngú inde u adu amene e adu di asuno me nasuno inde u ngasuno e-e, a ko 'ngú na paká.]

Bádha Ngali gba Yesu Kilisito maka li Luka aye lie ko **Eli na kalanu**

Bádha Ngali gba Yesu Kilisito maka li Luka aye lie ngasuno Yesu maka Mukobho inde li Ebhe apa nani me ni aha e pi piga gba omañsalaele la di ne pi ndu opiga na pila doto hana. Luka ngakpokpo me Bu Bhopua gba Ngámá-a a'i nani Yesu ngubula nakpokpo Bádha Ngali pi obhulü ndibhili (4:18). La, Bádha Ngali ango-o abedhe ne ndjinga bhú e pi okpála inde bhú o ne omulopolo gba o hana. Engú na ndjili abhú bhuku gba Luka ngbéngbé ane la mane bhú oalo na kalanu inde ngakpokpo 'ngú nago gba Yesu. Engú na djali ango-o ane matá mane bhú 'so 'kpí nedhinga na'u ka Yesu abhúlá. A ko bha Luka bini inde akpokpo 'ngú bhú bhuku na Kulu gba obhulü titima gba Yesu pindji nabhele a la di-e nayangba ka nabhuka bhú Kilisito pita na'u ka Yesu abhúlá-o.

Bhú Bádha Ngali inde-e, u ngagama 'ngú naali pindji mayo, ne pindji Bu Bhopua, ne pindji kulu gba olisi bhú kulu gba Yesu, di ne lele maka li Ebhe ngambu li sisiti 'ngú gba okpála lie-o.

Ongbengbe ongú inde bhú bhuku inde-e ngae inde:

Eli na kalanu 1:1-4

Nazu lie ne nadu bhú ndili lie gba Djaa bhulü nabatisa okpála di ne Yesu 1:5 - 2:52

Kulu gba Djaa bhulü nabatisa okpála 3:1-20

Batisimo di ne nale inde li Djabulü ale Yesu ne e-o 3:21 - 4:13

Kulu inde li Yesu amene e bhú ká okpála bhú Galilaya 4:14 - 9:50

Dhukü gba Yesu nayie bhú Galilaya ngú nanu abhú Yelusalema 9:51 - 19:27

Oekpí nasoso gba Yesu abhú Yelusalema 19:28 - 23:56
Nazuku gba Yesu, ne nakoto ka ani li okpála, a la di-e na'u ka ani abhúlá-o 24:1-53

Lita 'ngú-o

¹ Ndai ma na mukunda Tiofile, Okpála bheldé ale naye todú na ongú inde akodho 'kpí bhú ká ya-o. ² U aye ongú ango-o maka li okpála inde au nayie li lilita-a, akpokpo pi ya lie ko. A ko okpála inde adu nakpokpo eli gba Ebhe-o. ³ Kaka-a, ngama di-e, pita nagili 'ngú téte má bhotobhoto nayie li dudu-o, ma au ndjindji me, ma kpokpo kúkú pi mu li lelele, bhele kpála Tiofile, maka li ongú ango-o akodho 'kpí lie ko. ⁴ Ma kpokpo kúkú pi mu, amba mu mbila kúkulu 'ngú na ongú inde u asuno e pi mu ko.

Andjelu apa me u azú Djaa bhulü nabatisa okpála

⁵ Bhú nedhinga li Elode adu lie 'ngbé ngámá na ndu doto na Yudaya-a, dimandé bini gba Ebhe-e adu oo. A adu 'li ani me Djakalia, ani adu bhú libi odimandé gba Abia. A adu 'li wala ani me Alidjabheti, ani adu bhú piga gba 'ngbé dimandé Alona. ⁶ Ndu uo bhisi hana adu bhú djila Ebhe ngbingbili. U atsia adu amene ndu lili gba Ngámá Ebhe-e hana. ⁷ Engú bini, ndili du ka uo de, anga Alidjabheti adu ne izude. La di-e, u adu ndu o bhisi hana me u nde agbegbe.

⁸ Ekpí bini, Djakalia adu amene kulu na dimandé gba e kala Ebhe, anga adu ekpí na libi gba uo-o ngú namemene. ⁹ Maka li odimandé adu amemene lie, Djakalia atsia asia ngasa ngú nanu natsulu mangotsi pi Ebhe abhú 'ngbé 'ti gba Ngámá Ebhe, bhú titina na bubu-o. ¹⁰ Nedhinga ani adu atsutsulu lie, ndu okpála hana adu ayo Ebhe akilidjo.

¹¹ Abhomu-o, kolo má gala me, andjelu gba Ngámá Ebhe-e akoto

li ani. Ani alu de bili natsulu mungotsi-e ne li papa na kokpa. ¹² Li Djakalia au ani lie me-e, tsulu aholo amene ani, mabhundja gba ani-e atsia angbingi. ¹³ Engu bini, andjelu-o apa pi ani me: «Djakalia, mo odje tsulu de, anga Ebhe adje nayo gba mu-o adje. Wala mu Alidjabheti azu pi mu ndili na bhobhoko. Mo ogisila li ani me Djaa. ¹⁴ Mo odue ne djali naali, li okpala bhelé tsia kpi di djali ka nazu ani-o. ¹⁵ Ani adu 'ngbe kpala bhue djila Ebhe. Ani ndji vino de, ani ndji di pandi na kpekpeke de. Ani abedhe ne Bu Bhopua me ani nde nga bha bhue 'bu 'hi e. ¹⁶ Ani agie ongisi na Isalaele bhelé li papa gba Ebhe, Ngamá gba o-o. ¹⁷ Ani adu amene kulu kala Ebhe bhue dabili bini ne bua di ne angu maka Polofeta Eliya. Ani aleke engu sunda odyi ongisi ne ongisi gba o-o. Ani adjí mabhundja gba okpala na kpekpeke 'ndji, u tsia kolo ngbingbili, [†] ngubula naleke okpala inde bedhe pi Ebhe Ngamá.»

¹⁸ Abhomu-o, Djakalia ayi andjelu-o me: «Ma ambila la lele pi me a ko kukulu 'ngu-o? Padha de, anga ma agbe, wala ma akolo la di ne kalanga bhelé.» ¹⁹ Andjelu-o atsia agie pi ani me: «Ngama-a, ma ne Gabiele, ndu 'kpí hana ma dudu de Ebhe. Ani atima ma me ma go kpokpo bádha ngali inde-e pi mu. ²⁰ Engu bini, li mu bhuka engu ma apa e pi mu-o lie de-e, kaka-a, 'bhe mu ani, mu ti da nagama 'ngu belegu de bini akolo li 'kpí li ongu ang-o améne lie lie ko. Engu inde améne lie na paká li nedhinga li Ebhe a'o e-o.»

²¹ Li nedhinga bhomu-o, okpala adu adjeke Djakalia, u adu angamba ka ani adu abhue lie bhue 'ti Ebhe oo naali-o. ²² Ani akoto lie, ani ale nagama 'ngu pi uo pima. Abhomu-o, u atsia ambila me oo, ani au engu na ngangamba gba Ebhe-e au. Ani adu asuno 'ngu pi uo ne 'kpa e, ani

ti da nagagama ne 'bhue de.

²³ Li nedhinga na kulu gba ani andjia lie, ani atsia agie lie agba e. ²⁴ Pita nedhinga bhomu-o, wala ani Alidjabheti atsia abi 'bhi. Ani awo nga bha lie ngubula epe bhuluvue libhomu. Ani adu apa me: ²⁵ «Tsia nga engu inde li Ngamá Ebhe amene e muma-o. Ani abhundja ma. Mbia inde-e, ani a'e ehe inde nako adu aha numu muma bhue ká djila okpala a'e.»

Andjelu akpo 'ngu pindji nazu Yesu

²⁶ Li ebhi gba Alidjabheti akolo lie ne epe madhia-a, Ebhe atima andjelu Gabiele bhue kuti bini na ndu doto na Galilaya, inde li e me Nadjaleta.* ²⁷ Ani atima ani gba tsangba bini inde adu adjeke naha lie ne bhoko bini. A adu li bhoko ang-o me Djodjefu, ani adu bhue piga gba 'ngbe ngamá Davidi. Tsangba ang-o, a adu li ani me Malia. ²⁸ Andjelu-o ali agba ani, ani atsia ayi ani me: «Mu oo! Ngamu inde asia bádha bhue 'bu gba Ebhe-e, Ngamá Ebhe bhue dabili bini ne mu.» ²⁹ Malia angamba ka eli bhomu-o naali. Ani adu ayi bua e me: «Ta nayi inde-e pi?» ³⁰ Abhomu-o, andjelu-o atsia apa pi ani me: «Malia, mo odje tsulu de, anga mo osia bádha bhue 'bu gba Ebhe-e asia. ³¹ Tsia nga, mo obi 'bhi, mu zú ndili na bhobhoko, mu tsia gisila li ani me Yesu. ³² Ani adu 'ngbe kpala, u tsia d'u a'i ani me, Ndili gba Apí 'Kpi. Ebhe Ngamá a'o me ani u maka ogbi e Davidi. ³³ Ani a'u dudu ma ne dudu ma pi piga gba omafsalaele. Nau gba ani-e ndija de.»

³⁴ Malia atsia ayi andjelu-o me: «Engu ang-o améne lie lele pi? Padha de, anga ma kunda nga naama bhoko de!» ³⁵ Andjelu-o agie pi ani me: «Bu Bhopua agó pi mu, li angu gba Ebhe Apí 'Kpi búku mu maka kulu zini. Kaka-a, ndili inde

* ^{1:17} 1:17 Tsia bhue Mal. 3:23-24. * ^{1:26} 1:26 Nadjaleta: Nayie bhue Yelusalema akolo bhue Nadjaleta-a, a ko kilometele kámá bini. Tsia bhue Luk. 1:19.

mo ozú e adú bubu, u atsia dū a'i ani me, Ndili gba Ebhe.³⁶ Tsia nga okala mū Alidjabheti di ne ebhi. Ani azú ndili na bhobhoko, abana ani nde lie ne kalanga bħelé. Kpála nako u adu a'i e me izude-o. Mbia inde-e, ebhi gba ani-e ibili ne epe madhia,³⁷ anga kpéke da 'ngú pi Ebhe belegħu ade bini.»³⁸ Abhomu-o, Malia atsia apa me: «Ma ne bali gba Ngámá. A ayo me ndu 'ngú mo opa e hana, a mene lie mħama moko.» Pipita-a, andjelu-o atsia atapa.

Malia anu natsia Alidjabheti

³⁹ Bha bhú oekpí bhomu-o, Malia ayie, ani anu má gala bhú kuti bini na ndu doto na ndu ká eta na Yudaya.⁴⁰ Ani akolo lie oo, ani ali bhú 'ti gba Djakalia, ani atsia ayi Alidjabheti.⁴¹ Li Alidjabheti adje maka li Malia ayi ani lie me-e, ndili-e atsia atili bhú 'bu ani. Abhomu-o, Alidjabheti atsia abedhe ne Bu Bħobua.⁴² Ani atsia asuла kpekpeke me: «Ebhe aha bisagu pi mħu ane ndu olis hana, bisagu gba ani-e di pi ndili inde mo ozú e-o! ⁴³ Ma ne da me 'hi Ngámá gba ma-a go tsia ma-a? ⁴⁴ Tsia nga, li nedħinga inde ma adje maka mo oyi ma lie me-e, ndili inde bhú 'bu ma-a atili ne djali hana.⁴⁵ A ko djali pi mħu, ngamu ole inde abhuka! Padħá de, anga engú inde li Ebhe apa e pi mħu-o, améne lie mamene.»

Etsi gba Malia

⁴⁶ Abhomu-o Malia atsia atoko Ebhe me:
«Bua ma ngadħegħe Ngámá,
⁴⁷ bua ma abedhe ne djali pi Ebhe Mħukobho gba ma-o,
⁴⁸ anga ani abhundja ma, bali gba e-e ko.
A moko, nayie pi mbia inde-e, ndu opiga hana adu a'i ma me, ma ne ole inde asia bisagu ka Ebhe,
⁴⁹ anga Ebhe na Angu amene ongú na ngħengħebbe mħama. A ko Ebhe na bubu,

⁵⁰ ndjinga gba ani-e ngadu duduma ne duduma pi okpála inde ngakpe ani ko.
⁵¹ Ani amene ngħengħebbe 'ngú ne angu gba e-o.
Ani atsambala okpála na 'ngħe bua.
Ani atsia amene me mabhundja gba uo-o kolo padħá.
⁵² Ani akø ongbengħebbe ongámasi ne kuto,
ani atsia a'e'e okpála na padħá ne abħulá.
⁵³ Ani aha eħħeb bħelé pi obħende adu ne għum-o,
ani atsia agie obħulu tia ne 'kpa o padħá.
⁵⁴ Ani ateteke omaħsalaele, obalise gba e-o.
Ani 'ili 'to e de li nasuno bádha 'ngú gba e ndu 'kpí hana,
⁵⁵ maka nani ani apa lie pi onguo ogbi ní Abalahama ne opiga gba e-o.»
⁵⁶ Malia asi ne Alidjabheti masikpe de epe bata. Pipita-a, ani atsia agie lie agba e.

Alidjabheti azu Djaa

⁵⁷ Li nedħinga nazu ka Alidjabheti akolo lie, ani atsia azu ndili na bhobhoko.⁵⁸ Li okpála inde asil kuti dengo ani-e, di ne obhe na piga gba ani-e adje lie me, Ebhe adje bha ndju ndjinga ani-e, u atsia adu akpi djali bhú dabili bini ne ani.

⁵⁹ Pita poso bini-e, u ago ngú nato ndili-e bhú gandja. U adu akunda nagisila li 'dyi ani Djakalia.
⁶⁰ Abhomu-o, 'hi ani atsia apa me: «A mo-o ade, adu li ani me Djaa.»
⁶¹ U atsia apa pi ani me: «Bħu piga gba mħu-o, kpála bini inde ne 'ili bhomu-o ade.»⁶² Abhomu-o, u atsia amene 'kpa o pi 'dyi ani ngú nayi ani me ani akunda me u gisila li ndili-e pi.⁶³ Djakalia amene 'kpa e pi uo me u go pi ní ne pálā ndula, ani atsia aye pépé me: «A li ani me Djaa.» Ndū uo hana atsia angamba naali.⁶⁴ Bha li nedħinga bhomu-o, 'bhe ani abħulu, ani aholo

nagama 'ngú, di ne nadhögé Ebhe. **65** Abhomu-o, ndu okpála hana inde asili kuti lingo uo-o, aholo adje tsulu. Ngali na engú ango-o atsia aya bhú ndu doto na ndu ká eta na Yudaya libhomu. **66** Ndu okpála hana inde adu adjedje-e, adu abhundja pépé, u atsia adu apa me: «Mbo! Ndili ango-o, adú-e maka da?» Angu gba Ebhe-e adu bha ndu bhú dabili bini ne ani.

Djakalia akpokpo ngbengbe 'ngú gba Ebhe

67 Djakalia, 'dyi ndili-e, abedhe ne Bu Bhopua. Abhomu-o, ani atsia aholo nakpokpo 'ngú maka polofeta me:

68 «A ayo me, u dhögé Ebhe,
Ngámá gba omaſsalaele-o,
anga ani abhundja okpála gba e,
ani atsia agbegbe uo bhú bali.

69 Ani atima kpála na angu bini
bhú piga gba Davidi, bali gba e,
ngú nakobho ya.

70 A bhomu-o engú inde ani apa
naní e didili bhú 'li obubu
opolofeta gba e-o.

71 Ani apa naní me, ní akóbho ní sa
'kpa ndu obhulu yala gba ní-e
hana,
di ne obhende ngakunda amene
ní sisiti-o.

72 Ani adje ndjinga onguo ogbi ní,
ani atsia abhundja di gandja na
bubu gba e-o.

73 Silika naní inde ani atu e pi ogbi
ní Abalahama-a,
ani améne pi ní mamene.

74 Piita nakobho ní sa 'kpa obhulu
yala ngubula me ní améne
kulu pi ní ne tsulu de,

75 amba ní dhögé ní ne bua ní hana.
Ní du di bhú djila ní ngbingbili
ndu 'kpí hana bhú mukobho
gba ní-o.

76 Pi mu-o, ndika ma, u adú a'i mu
me, polofeta gba Apí 'Kpí,
anga mo onu kalanu
ngú naleke kpadji gba Ebhe-o.

77 Mo osúno pi okpála gba ani-e me,
ani a'e siti 'ngú inde bhú uo-o
ma'e,
ani tsia kóbho di uo.

78 A ko anga Ebhe gba ní-e abedhe
ne ndjinga bedhe,
kaka-a, ani atíma zi 'kpí pi ní
maka zi 'ndji 'la na kékpi.

79 Ani asúno lie pi obhende bhú biti
di ne obhende ne tsulu kuo,
ngubula me ní dhuku li kpadji
na guo 'ngú .»

80 Ndili-e adu abhele, ani atsia adu
asia kpéke bua. Ani adu nadu bhú
omili bili akolo li 'kpí inde ani asuno
lie lie mbámbá pi omaſsalaele ko.

2

*Malia azu Yesu
(Tsia bhú Mat. 1:18-25.)*

1 Li nedhingga bhomu-o, Agosite,
'ngbé ngámá na Loma , aha líli me u
ye 'li okpála hana inde píla doto gba
ni-o. **2** Gina naye 'li okpála ango-o
amene lie me Kiliniusi nde ne 'ngbé
ngámá na Silia. **3** Ndu okpála hana
adu anu me u ye 'li o. Abhomu-o,
kpála ne kpála atsia anu bhú kuti u
azu ani bhú e ko.

4 Djodjefu ayie bhú kuti na Nad-
jaleta, bhú ndu doto na Galilaya, ngú
nanu bhú ndu doto na Yudaya, bhú
kuti inde u a'i e me Beteleme. A ko
bili inde u azu 'ngbé ngámá Davidi
lie-o, anga ngaani makpe, ani du
naní bhú piga gba Davidi ko. **5** Ani
anu oo me u ye 'li ni, bhú dabili bini
ne Malia , ele inde ani adu adjekte
naha e ko. Ólø ango-o adu ne ebhi.

6 U adu lie abhú Beteleme-e, ekpí
nazu ka ani atsia akolo. **7** Ani azu
ndili na bhobhoko, gina ndili gba e
ko. Ani agagala ani ne bongo , ani
atsia aseke ani bhú ehe nazu 'he gba
onu, anga dabili du pi uo bhú 'ti gba
ogomago-o de.

*Andjelu akpokpo bádha ngali pi
omulila gba okandele*

8 Bha bhú ndu doto bhomu-o,
omulila gba okandele adu asili abhú
'gu ngú nalila onu gba o-o. **9** Andjelu

gba Ebhe-e akoto li uo. Sangu gba Ebhe-e asa uo ngbalina maka zi 'kpí. Abhomu-o, u atsia adje tsulu naali.

10 Engú bini, andjelu-o apa pi uo me: «Yi adjé tsulu de, anga ma ago akpokpo pi yi bádha ngali inde ahá djali naali pi ndu okpála hana.

11 Naki bhú kuti gba Davidi-e, u azu Mukobho pi yi. A ko Kilisito, Ngámá.

12 Yi tsia 'he inde yi ambíla ani ka e ko: yi abháka ndje ndili u agagala e ne bongo, u atsia aseke e bhú ehe nazu 'he gba onu.»

13 Kolo má gala me-e, bhti oandjelu ayie abhúlá, u ago abhaka andjelu bhomu, u atsia adu adhögé Ebhe me:

14 «Sangu pi Ebhe inde abhúlá, guo 'ngú gba ani-e du pila doto pi okpála
inde ani akunda o ko!»

Omúlila anu abhú Beteleme

15 Li oandjelu-o agie lio lie abhúlá-a, omúlila atsia apa súnda o me: «Ní nu kolo nga bha abhú Beteleme, amba ní u engú inde akolo oo, engú inde li Ebhe Ngámá asuno e pi ní ko.»

16 U anu bhú holo, u abhaka Malia, Djodjefu ne mboye ndili-e me u nde aseke ani bhú ehe nazu 'he gba onu.

17 U au ani lie, u atsia akpokpo 'ngú inde li andjelu apa e pi uo pindji mboye ndili bhomu-o.

18 Ndú okpála hana inde adje engú li omúlila adu apa e-e, angamba naali.

19 La-a, pi Malia, ani adu alila ndu 'ngú bhomu-o hana li bua e ndjindji. Ani atsia adu abhundja pépé.

20 Pipita-a, omúlila aholo nagie lio. U adu aha sangu pi Ebhe, u atsia adu di adhögé ani ngubula ndu 'ngú inde u adje e ne bhende u au e hana, anga ndundu hana akodho 'kpí maka li andjelu-o akpokpo pi uo lie ko.

U anu ne Yesu bhú 'ngbé 'ti Ebhe gba omaYuda

[†] **2:23** 2:23 Tsia bhú Eki. 13:2, 12. * **2:24** 2:22-24 Bhú líli gba omaYuda-a, i du nani me ele nde azu-o, a ayo me ani nu ngaiza bhú 'ngbé 'ti Ebhe gba omaYuda, ani valu lie, amba ani kolo bubu kala Ebhe. Tsia bhú Lev. 12:8.

21 Bhú ekpí na madjina pita nazu ani-e, li nedhingga nato ani bhú gandja akolo lie, u atsia agisila 'li ani me Yesu. A bhomu-o 'li inde li andjelu asuno e kala me 'hi ani bi 'bhí ani-o.

22 Li nedhingga navulu lie pita nazu ka Malia akolo lie, maka li líli gba Moidje apa lie, u atsia anu ne ndili-e bhú Yelusalema ngú na'o ani sa 'kpa Ngámá.

23 Padhá de, anga u aye bhú líli gba Ngámá-a me: «Ndú ongisi na obhosibhosí na gigina hana, u a'ó uo kpí pi Ngámá.†»

24 U atsia aha di makiso maka li líli gba Ngámá-a apa lie me: «A ayo naha bëbhë bhisi. I du mo-o de-e, mu de ha ongisi bëbhë bhisi.»*

Simeona agie hení pi Ebhe ngú Yesu

25 Bhú nedhingga bhomu-o, kpála bini adu nani bhú Yelusalema, a adu 'li ani me Simeo. A ko nani kpála na ngingbili, ani adu amanga Ebhe. Ani adu adjeke nedhingga li Ebhe a'é likabhu gba omafsalaele lie ko. Bu Bhopua adu bhú dabili bini ne ani.

26 Abhomu-o, Bu Bhopua atsia apa nani pi ani me, kala nakpi ka ani-e, ani aú ngaiza Masiya inde li Ngámá atima e-o.

27 Nedhingga li okpála inde azu Yesu ago ne ani lie ngú namene maka li líli apa lie li 'ngú gba ani-e, Bu Bhopua ato bhúla Simeo abhú 'ngbé 'ti Ebhe gba omaYuda.

28 Abhú 'ti Ebhe oo, ani aha ndili-o, ani abi ani sa 'kpa e, ani atsia agie hení pi Ebhe me:

29 «Ngámá, mbia inde-e, maka mo opa lie,
mu ti da na'o ma, bali gba mu-o,
me ma nu ne guo 'ngú,

30 anga ma au mukobho gba mu-o ne djila ma au.

31 Mukobho inde mo otima e kala ndu okpála hana-o.

32 Ani adu eke pi omupagano.

Ani tsia dū sangu gba omaſsalaele, okpála gba mū-o.»

³³ 'Dyi Yesu ne 'hi Yesu angamba naali ka engú inde u adú apa e li ani-o. ³⁴ Simeo ayo me Ebhe tuko bisagu pí uo, ani atsia apa pí Malia, 'hi Yesu me: «Ebhe abhú ndili inde-e ngubula me okpála bhelé bhú ká omaſsalaele li bhú mangimbo, amba Ebhe 'e'e matá okoko bhúlá. Ani adú ehe inde li Ebhe ngasuno e, li okpála bhelé tsia yála ani. ³⁵ Kaka-a, ani agbé mabhundja inde awo lie li bua okpála bhelé-e bhú mbasu. La-a, pi mu makpe-e, likabhu adú bua mu maka ngise má puu!»

Ana, polofeta na œole

³⁶ Polofeta bini na œole adú di nani oo. A adú 'li ani me Ana, ndili gba Fanuele bhú piga gba Asela. Ani adú me ani nde agbe má dyuku! U amene nani ne bhoko gba e inde u aha lio ne e bhú ndili-e kalanga mananika. ³⁷ Pita nakpi ka 'ko ani-e, ani atsia ato økø. Li nedhingga bhomu-o, ani adú ibili ne kalanga ndjikpa madjina ne ká badha. Ani dū ayie bhú 'ngbé 'ti Ebhe gba omaYuda-a de. Ani adú amene kulu lie pi Ebhe sukpe ne ngbikpi. Ani adú atse ezú ngú nayo Ebhe. ³⁸ Bha li nedhingga bhomu-o, ngaani di-e, ani ago, ani atsia aholo adhøge Ebhe. Ani aholo akpokpo 'ngú pindji ndili-e pi ndú okpála hana inde adú adjeke me Ebhe gbegbe okpála na Yelusalema bhú likabhu gba o ko.

U agie lio bhú Nadjaleta

³⁹ Li 'dyi Yesu ne 'hi Yesu andjia namene ndú 'ngú hana inde li lili gba Ngámá apa e lie, u atsia agie lio bhú ndu doto na Galilaya, bhú kuti gba o na Nadjaleta-o. ⁴⁰ Ndili-e adú abhele, ani atsia adú abi angu. Imbilangú gba ani-e atsia adú di abhulu lie. Bádha bhú 'bu gba Ebhe-e atsia adú di bhú dabili bini ne ani.

Yesu bhú 'ngbé 'ti Ebhe gba omaYuda

⁴¹ Ndú kalanga hana, okpála inde azu ani-e adú anú bhú Yelusalema ngú namene anokomia na Pasika .

⁴² Li ani akolo lie ne kalanga ndjikpa ne ká bhisi-e, u atsia anú ne ani bhú dabili bini maka u amemene lie ko. ⁴³ Li anokomia andjia lie, u aholo agie lio. Engú bini, ndili-e Yesu atigala naae bhú Yelusalema me 'dyi ani ne 'hi ani nde mbila de. ⁴⁴ U adú abhundja lie me ani bhú dabili bini ne obi o na kpadji-e, u atsia adhukú ekpí bini libhomu. Pipita-a, u aholo nagili ani bhú ká opiga gba o di ne bhú ká obi o-o. ⁴⁵ U u la ani lie de-e, u atsia agie lio bhú Yelusalema ngú nagili ani.

⁴⁶ Bhú 'kpí na bata-a, u abhaka ani bhú 'ngbé 'ti Ebhe gba omaYuda me ani nde adú bhú ká omusuno. Ani adú adje uo di ne nayiyi uo. ⁴⁷ Ndú okpála inde adú adje ani-e hana, adú angamba naali ka imbilangú inde ani adú agie engú ne e ko. ⁴⁸ Li okpála inde azu ani au ani lie, u angamba naali. 'Hi ani atsia ayi ani me: «Ndika ma, mo omene ya mo-o ka ni? Tsia nga ya ne 'dyi mu-o, ya adú iginí agili mu me bua ya nde alu bha ndju abhúlá má gba!» ⁴⁹ Engú bini, ani agie pi uo me: «Yi de ngagili ma ngú ni? Yi mbila iginí de me, a ayo me ma du bhú 'ti gba 'dyi ma-a dí?» ⁵⁰ Engú bini, u mbila nani ta 'ngú inde ani adú apa e pi uo-o de.

⁵¹ Pipita-a, ani atsia agie lie ne uo bhú Nadjaleta. Ani adú amene lili gba uo-o. 'Hi ani adú alila ndú 'ngú bhomu-o hana li bua e ndjindji. Ani atsia adú abhundja pépé. ⁵² Yesu adú abhele, imbilangú gba ani-e adú di abhulu lie. Engú inde ani adú amene e bhú bádha bhú 'bu gba Ebhe-e, a adú anga li Ebhe, di ne li okpála naali.

3

Kulu gba Djaa bhúlú nabatisa okpála

(Tsia bhú Mat. 3:1-12; ne bhú Mlk. 1:1-8; di ne bhú Dja. 1:19-28.)

1-2 Pipita-a, Tibele akolo 'ngbé ngámá na Loma . Bhú kalanga na ndjíkpa ne ká bhuluvue bhú naú gba ani-e, Djaa ndili gba Djakalía, inde adú nani adú abhú 'gu-o, asia eli gba Ebhe . Nedhinga ango-o, Pose Pilate adú alila ndu doto na Yudaya. Elode adú ngámá na ndu doto na Galilaya. Ndai ani Filipo atsia adú ngámá na ndu doto na Itule ne Talakonite. Lisaniasi atsia adú naae ngámá na Abilene. Bhú nedhinga bhomú-o, Ana ne uo ne Kaifa atsia adú obhelesi okpála gba odimande gba Ebhe . **3** Abhomú-o, Djaa aholo adhukú bhú 'gu língó ngade 'ngu na Djuludani, ani atsia adú atotobhila me: «Yi dji bua yi, yi sia batisimo, amba Ebhe 'e siti 'ngú gba yi ko.» **4** Maka li polofeta Isaya, aye lie bhú bhuku gba e me:
«A ko kpála bini inde ngatotobhila abhú 'gu me:

<Yi leke kpadjí pi Ngámá,
yi li okpadjí pi ani ngbingbili!

5 Ndú tsutsukudhu bili súnda ongba 'ta hana abédhe lie.

Ndú oeta na ngbengbengbe ne obhe na djedjedje hana adjí lie,

i kólo má gbata gbata!

Ndú kpadjí na gagala hana akólo ngbingbili.

Okpadjí na sisiti akólo babadha.

6 Li ndú okpála hana tsia ú maka li Ebhe ngakobho okpála lie ko!†»

7 Abhomú-o, okpála bhelé adú ago abhaka Djaa ngubula nasia batisimo. Ani atsia adú ayi uo me: «Ngayi opiga kpulu inde-e! A asuno pi yi da me yi kpe mangimbo gba Ebhe inde ngago-o? **8** I du mo-o, yi mene engú inde asúno me yi adjí bua yi kúkulú! Yi adú abhundja bha li bua yi de me, Abalahama ne ogbi yi. Padhá de, anga ma apa pi yi na paká me, teme yi ngau e inde-e, Ebhe tí da nadjidji, i tsia kólo odi

† **3:6** 3:4-6 Tsia bhú Isa. 40:3-5. * **3:16** 3:16 Nani agba omaYuda-a, kulu nagbe maleké bhú 'dhú ogomago ne navulú 'dhú uo-o, a ko nani kulu ka obalise di ne okpála na padhá.

Abalahama! **9** Maka ma ngapapa lie inde-e, u a'o ngbakpa bhú li ndula-a ngú nadede a'o. Ndú ndula hana inde i li lili na babadha de-e, u adé, u tsia bhíke bhú djua.»

10 Abhomú-o, okpála ango-o atsia adú ayi ani me: «I du mo-o, a ayo me ya mene pi?» **11** Ani atsia adú agie pi uo me: «Kpála bhende li bongo na mbulu nde ka e bhisi-e, a ayo me ani ha bini pi kpála bhende li bongo na mbulu nde ka e ade ko. Kpála bhende li ezú nde ka e-e, a ayo me ani ha di mbo pi kpála bhende li ezú nde ka e ade ko.»

12 Ondembí na mandjandja ago di ngú nasia batisimo, u atsia ayi ani me: «Musuno, a ayo me ya mene pi?» **13** Ani atsia agie pi uo me: «Yi ayó tia ane bhende li lili aziba e de.»

14 Osúdha atsia ayi di ani me: «A la ya-a, a ayo me ya mene naaya pi?» Ani atsia agie pi uo me: «Yi agbúlú tia ka kpála bini ne kpéke, di ne eu de. Engú bini, yi mbila bha tia na kulu gba yi ko.»

15 Maka li okpála adú adjeke nago ka Masiya lie, u atsia adú ayi lio li bua o pindji Djaa me: «A ko ndi-e Masiya inde li Ebhe atima e di?»

16 Djaa atsia agie pi ndú uo hana me: «Ngama-a, ma ngabatisa naama yi ne engu. Engú bini, a ngago pita ma ne kpála. Kpála ango-o ane ma ne angu. Ma belegú ne tetele kpála ade ngubula me ma bhulu ekpú na maleké gba ani-o.* Ani abátisa yi ne Bu Bhabua di ne djua.

17 Ani aholo kakpa gba e sa 'kpa e ngú nape nguwa gba e-o. Ani apó bhúla nguwa na babadha gba e bhú ngbokopi, engú la bini, ani tsia bú fufukudha-a bhú djua inde li kpála bini ti da nabulú e de.»

18 Djaa aha nani lili koko bhelé pi okpála. Bhúbhú-o, ani atsia adú akpokpo Bádha Ngali gba Ebhe-e pi uo. **19** Ngámá Elode aha nani

Elodiade, øle gba ndai e-o.[†] Ani amene nani matá di osisiti 'ngú koko bhelé. Kaka-a, Djaa atsia ambe bhú 'ndji ani. ²⁰ Abhomu-o, Elode amene matá siti 'ngú koko pépé, ani aha Djaa, ani atsia abhike ani bhú tikpu.

*Djaa abatissa Yesu
(Tsia bhú Mat. 3:13-17; di ne bhú Mlk. 1:9-11.)*

²¹ Kala me Djaa li bhú tikpu-o, ani abatisa ngaiza ndu okpála hana. Abhomu-o, Yesu atsia asia di batisimo. Nedhinga li Yesu adu akpokpo 'ngú ne Ebhe lie, kokpí abhulu lie, ²² u au Bu Bhabua ngaké pí ani maka bëbhë. U atsia adje eli ayie abhálá apa me: «Mu ne ndili gba ma na mukunda. Djali li bua ma ngú mu naali.»

*Onguo ogbi Yesu
(Tsia bhú Mat. 1:1-17.)*

²³ Yesu akpo nani lita kulu gba e me ani nde ne kalanga masikpe de ndjikpa bata. Okpála adu abhundja naao me, a ko ndili gba Djodjefu .

Djodjefu ndili gba Eli,
²⁴ Eli ndili gba Matati,
Matati ndili gba Levi,
Levi ndili gba Maleki,
Maleki ndili gba Djanai,
Djanai ndili gba Djodjefu ,
²⁵ Djodjefu ndili gba Matatiasi,
Matatiasi ndili gba Amosi,
Amosi ndili gba Nauma,
Nauma ndili gba Eseli,
Eseli ndili gba Nagai,
²⁶ Nagai ndili gba Mata,
Mata ndili gba Matatiasi,
Matatiasi ndili gba Semeini,
Semeini ndili gba Djoseke,
Djoseke ndili gba Djoda,
²⁷ Djoda ndili gba Yoanana,
Yoanana ndili gba Lesa,
Lesa ndili gba Djelubabela,
Djelubabela ndili gba Salatiele,
Salatiele ndili gba Neli,
²⁸ Neli ndili gba Maleki,
Maleki ndili gba Adi,

Adi ndili gba Kosama,
Kosama ndili gba Elemadama,
Elemadama ndili gba Ele,
²⁹ Ele ndili gba Yesu,
Yesu ndili gba Eledjèle,
Eledjèle ndili gba Djolime,
Djolime ndili gba Matati,
Matati ndili gba Levi,
³⁰ Levi ndili gba Simeo,
Simeona ndili gba Yuda,
Yuda ndili gba Djodjefu ,
Djodjefu ndili gba Djonama,
Djonama ndili gba Eliakime,
³¹ Eliakime ndili gba Melea,
Melea ndili gba Mena,
Mena ndili gba Matata,
Matata ndili gba Natana,
Natana ndili gba Davidi,
³² Davidi ndili gba Yese,
Yese ndili gba Obede,
Obede ndili gba Boadja,
Boadja ndili gba Salamona,
Salamona ndili gba Nasone,
³³ Nasona ndili gba Aminadaba,
Aminadaba ndili gba Adimina,
Adimina ndili gba Aluni,
Aluni ndili gba Edjelone,
Edjelone ndili gba Peledje,
Peledje ndili gba Yuda,
³⁴ Yuda ndili gba Yakobho,
Yakobho ndili gba Isaka,
Isaka ndili gba Abalahama,
Abalahama ndili gba Tela,
Tela ndili gba Naola,
³⁵ Naola ndili gba Seluga,
Seluga ndili gba Lagau,
Lagau ndili gba Pelege,
Pelege ndili gba Ebele,
Ebele ndili gba Sela,
³⁶ Sela ndili gba Kainame,
Kainame ndili gba Alepakasada,
Alepakasada ndili gba Seme,
Seme ndili gba Nuá,
Nuá ndili gba Lemeke,
³⁷ Lemeke ndili gba Matusalema,
Matusalema ndili gba Enoka,
Enoka ndili gba Yelete,
Yelete ndili gba Malalele,
Malalele ndili gba Kenana,

[†] 3:19 3:19 Filipo ne ndai Elode nani inde abhele Djaa bhálu nabatisa okpála ko. A adu nani me Filipo nde kpi nga de. Tsia bhú Lev. 20:21.

38 Kenana ndili gba Enosa,
Enosa ndili gba Sete,
Sete ndili gba Adamu ,
Adamu ndili gba Ebhe.

4

*Djabulu ale Yesu
(Tsia bhú Mat. 4:1-11; di ne bhú
Mlk. 1:12-13.)*

1 Pita li Yesu abedhe lie ne Bu Bhopua-a , ani ayie lingo 'ngu na Djeludani, Bu Bhopua atsia amba bhúla ani abhú mili bili.
2 Oo, Djabulu ale ani ngubula ekpí ndjikpa badha. Bhú oekpí bhomu-o, ani zu 'he de. Pipita-a, gumu aholo amene ani. **3** Abhomu-o, Djabulu atsia apa pi ani me: «I du me mu nde ne Ndili gba Ebhe-e, pa pi teme inde-e me a dji lie, amba a kolo ezu.»
4 Yesu agie pi ani me: «Eli gba Ebhe-e apa me: <Kpála kóbho bha bini ka ezu de.†>»

5 Djabulu aha ani, anu ne ani apí 'ta. Ani asuno ndu ondende na doto pi ani hana, bhú nedhinga bedi bhomu. **6-7** Ani atsia apa pi ani me: «Ebhe aha ndu angu, ne otia na ondende bhomu-o hana muma. Ma ti da nahaha pi kpála inde ma akunda nahaha pi e. I du me mu nde akikita lipuku mu kuto kala ma-a, ma ahá ndu angu ne otia na ondende bhomu-o hana pi mu.»

8 Yesu atsia agie pi ani me: «Eli gba Ebhe-e apa me:

<Dhege Ebhe Ngámá gba mu,
amba mu toko bha bini ani kpi
e kpi.†>

9 Pipita-a, Djabulu aha ani, anu ne ani abhú Yelusalema. Ani a'o ani apí tulundji 'ngbé 'ti Ebhe gba omaYuda, ani atsia apa pi ani me: «I du me mu nde bha ndju ne Ndili gba Ebhe-e, 'ulu, mu ke kuto, **10** anga eli gba Ebhe-e apa me:

<Ebhe ahá lili pi oandjelu gba e me,
u lila mu. †>

11 La di matá:

† **4:4** 4:4 Tsia bhú Det. 8:3. † **4:8** 4:8 Tsia bhú Det. 6:13. † **4:10** 4:10 Tsia bhú Ets. 91:11.
† **4:11** 4:11 Tsia bhú Ets. 91:12. † **4:12** 4:12 Tsia bhú Det. 6:16. † **4:19** 4:18-19 Tsia bhú Isa.
61:1-2.

<U abí mu sa 'kpa o, amba mo otú 'dhú mu li teme de.†>»

12 Yesu atsia agie pi ani me: «Eli gba Ebhe-e apa la di me: <Mo olé Ebhe Ngámá gba mu-o de.†>»

13 Pita li Djabulu andjia nale Yesu lie ne ndu kpadji hana-a, ani atsia a'o ka ani ngú nadjeke nedhinga koko.

*Yesu agie lie bhú Galilaya
(Tsia bhú Mat. 4:12-17; di ne bhú
Mlk. 1:14-15.)*

14 Abhomu-o, Yesu atsia agie lie bhú ndu doto na Galilaya, bhú angu gba Bu Bhopua. Ndú okpála hana aholo nakpokpo 'ngú gba ani-e bhú ndu doto bhomu-o libhomu. **15** Ani adu asuno bhú oeti gba uo nadje lili gba Moidje-o . Ndú okpála hana atsia adu adhögé ani.

*Yesu anu bhú Nadjaleta
(Tsia bhú Mat. 13:53-58; di ne bhú
Mlk. 6:1-6.)*

16 Pipita-a, ani atsia anu bhú Nadjaleta, kuti inde ani abhele bhú e-o. Li 'kpí naguo gba omaYuda-a , ani ali bhú 'ti nadje lili gba Moidje maka ani adu amemene lie ko. Ani ayie bhúlá ngú natanga eli gba Ebhe-e pi okpála. **17** Abhomu-o, u atsia aha bhuku gba polofeta Isaya pi ani. Ani abhulu bhuku-o, ani atsia agili bili u aye lie me:

18 «Bua gba Ngámá-a bhú dabili bini ne ma.

Ani abhú ma ngú nanu nakpokpo Bápda Ngali pi obhúlú ndibhili.

Ani atima ma ngú natobhila pi obalise me, u azé bhú bali gba o-o maze, pi okpála i u 'kpí de-e me, u au matá 'kpí mau.

Ani atima ma di ngú napandja obhende bhú mbolo sa 'kpa obhende ngato mbolo li uo-o.

19 Ngama-a, ma akpókpo pi okpála me nedhinga inde li

Ebhe adjé ndjinga uo lie akolo.[†]

20 Pita li Yesu andjia natatanga lie, ani agagala bhuku-o, ani atsia agie pi kpála na kulu-o. Abhomu-o, ani aha lie adu kuto. Ndu okpála inde adu bhú 'ti oo hana abanga djila o li ani. **21** Ani atsia aholo napa pi uo me: «Engú inde yi adje e bhú Bhuku gba Ebhe-e li bili bhomu-o, amene lie nakí amene.» **22** Ndu okpála hana adu angamba li Yesu naali. U atsia adu aziba eli na bádha bhú 'bu inde ani adu akpokpo e-o. Abhomu-o, u atsia adu apa me: «A inde-e ndili gba Djodjefu-o di?»

23 Abhomu-o, ani atsia apa pi uo me: «Ma ambila na paká me yi apá muma gbitaku inde me: <Mutia, kobho limu ne titi mu.› Yi tsia pá di muma me: <Ya adje ndu 'ngú inde mo omene e bhú Kapalanauma-a hana. Mene nga la di ngua 'ngú ango-o bhú kuti mo obhele bhú e ko.›» **24** Ani atsia apa matá pipita-a me: «A moko, ma apa pi yi me, a ko kükülu 'ngú, okpála ziziba polofeta bhú kuti gba e belegu de bini.

25 Ma apa pi yi na paká me, oekesi na olisilisi adu nani bhelé bhú ká omafsalaele li nedhingga gba polofeta Eliya. Li nedhingga bhomu-o, ebha dhi nani-i de ngubula kalanga bata ne epe madhia. Kaka-a, adyindi na ngbéngbé atsia ali bhú doto ango-o libhomu. **26** Engú bini, Ebhe tima nani Eliya ngú nateteke súka oekesi bhomu-o bini de. Ani atima bha bini ani gba eke bini na gandji katí na Salepeta bhú ndu doto na Sidona. **27** Matá-a, okpála na kába adu di nani bhelé bhú ká omafsalaele li nedhingga gba polofeta Elisa. Engú bini, Ebhe kobho nani súka uo de, bha bini Namana, gandji kpála na Silia.»

28 Li ndu okpála hana inde adu bhú 'ti oo adje 'ngú bhomu-o lie, u ake 'ngú lio naali. **29** U ayie bhúlá, u agbe ani bhú 'ti bhomu-o, u agbele ani apí 'ta inde u ayiki gudhu gba

o pi e-o. U amene nani mo-o ngú nandjimba ani akuto. **30** Engú bini, ani akodho bha 'kpí bhú ká uo oo, ani atsia atapa.

Yesu akobho kpála li siti bua adu ato mbolo lie

(*Tsia bhú Mlk. 1:21-28.*)

31 Abhomu-o, Yesu anu bhú Kapalanauma, kuti bini na ndu doto na Galilaya. Ani atsia adu asuno pi okpála bhú 'kpí naguo gba omaYuda-o. **32** U adu nangamba li ngua nasuno gba ani-o, anga ani adu nasuno ne angu gba Ebhe. **33** Bhú 'ti nadje líli gba Moidje oo, kpála bini li siti bua adu nato mbolo lie, aholo asusula kpekpeke me: **34** «Aa! Yesu, kpála na Nadjaleta, mo okunda namene ngú ya pi? Mo ogo ngú nabhili ya? Ma mbila mu hana, mu ne kpála na bubu inde li Ebhe atima e ko!» **35** Yesu atsia ambe bhú 'ndji ani me: «Gbite 'bhé mu, amba mu koto la di bhú kpála bhomu!» Siti bua-a agu 'i kpála ango-o kuto má gbwe, bhú ká djila ndu okpála inde adu oo hana. Ani akoto bhú ani, engú bini ani mene ani sisiti de. **36** Ndu okpála hana angamba, u atsia adu ayi lio súnda o me: «A inde-e mangua eli dho? Ani ngaha líli ne kpéke, di ne angu pi osisiti bua, uo ngaze bhú okpála!» **37** Okpála atsia adu apa 'ngú gba Yesu-o bhú ndu okuti bhomu-o hana.

Yesu akobho okpála bhelé na kuo
(*Tsia bhú Mat. 8:14-17; di ne bhú Mlk. 1:29-34.*)

38 Li Yesu ayie lie bhú 'ti nadje líli gba Moidje-e, ani atsia anu ali bhú 'ti gba Simo. A abhaka me a nde li 'hi wala Simo ne kpéke bandji. Abhomu-o, u atsia ayo ka Yesu me ani kobho ani. **39** Ani ago alu pi ani, ani ambe bhú 'ndji bandji-o. Abhomu-o, bandji-e atsia ayie li ani. Ani ayie bhúlá kolo má gala, ani atsia aholo nalu 'zu pi uo.

40 Li ela ati lie, ndu okpála hana inde adu ne okpála na kuo ngangá agba o-o, abha uo, u atsia ago ne

uo pi Yesu. Ani a'o 'kpa e pi 'ndji uo bini ne bini, u atsia akobho ndu o hana. ⁴¹ Osisiti bua aze di bhú okpála na kuo bhelé. Osisiti bua ang-o-atsia adu asusula me: «Mu ne Ndili gba Ebhe!» Engú bini, Yesu adu ambe bhú 'ndji uo. Ani atsia adu di agbite kpadi pi uo me u agama 'ngú de, anga u adu ambila hana me a ko Masiya inde li Ebhe atima e ko.

Yesu akpokpo Bádha Ngali bhú ndu doto na Yudaya

(Tsia bhú Mlk. 1:35-39.)

⁴² Li ekpi aseke lie, ani akoto bhú kuti bhomu, ani atsia atapa bhú mili bili. Bhti okpála aholo nagili ani. U au ani lie, u aholo akikiliki lio pi ani me: «Mo o'ó ká ya de, ní tigala ne yi si-i.» ⁴³ Engú bini, Yesu apa pi uo me: «A ayo me ma anu di nakpokpo Bádha Ngali Naú gba Ebhe-e bhú okuti koko, anga Ebhe atima ma ngánga.» ⁴⁴ Abhomu-o, ani atsia adu akpokpo Bádha Ngali bhú otí nadje líli gba Moidje na ndu doto na Yudaya-o.

5

Yesu a'i omukpata na gigina (Tsia bhú Mat. 4:18-22; di ne bhú Mlk. 1:16-20.)

¹ A akolo ekpi bini, Yesu adu lingo ekpe na Genedjaleta.* Bhti okpála asulu de ani má wakaka ngú nadje li Ebhe. ² Ani au zabu bhisi lingo 'ngu me obhubhulu-o nde aze, u nde ngavulu onado gba o na sungu-o. ³ Yesu atsia a'u bhú susuka bini, bhende gba Simo-o. Do ani pi Simo me: «Yie lingo 'go-o, amba mu dyudyo limu mbo ne abhú 'ngu.» Yesu atsia adu bhú zabu-o kuto. Ani aholo nasuno pi bhti okpála bhomu-o. ⁴ Ani andjia nagama 'ngú lie, ani atsia apa pi Simo me: «Dyudyo zabu-o apí tsiba, amba ngayi ne obi mu-o, yi bala

onado gba yi-e bhú 'ngu ngú naholo osungu-o.»

⁵ Simo agie pi ani me: «Musuno, ya amene kuú sukpe inde-e libhomu, ya holo belegu sungu de bini. Engú la bini, ka 'li mu-o, ya abhike onado-o bhú 'ngu mabhike.»

⁶ U abala onado lie bhú 'ngu-o, u atsia aholo osungu bhelé. Kaka-a, onado gba uo-o aholo natsotsolo. ⁷ Abhomu-o, u amene 'kpa o pi obi o inde adu bhú zabu koko ngú na'i uo me, u go ha mbo 'kpa o pi o. Obhobhomu-o ago, u abebedhe ozabu bhisi-e ne osungu bedhebedhe. Kaka-a, ozabu atsia aholo nalinda bhú 'ngu.

⁸ Li Simo Piele au lie mo-o, ani ati bhú li 'dhua Yesu, ani atsia apa me: «Ngámá, gbe limu de ma ne sidi, anga ma ne siti kpála!» ⁹ Ani apa mo-o, anga ngauo ne obi e, u angamba nani naali ka bhti osungu inde u aholo e ko. ¹⁰ Djaki ne Djaa, ongisi gba Djebedayo inde adu amene bhú dabili bini ne Simo-o, angamba bhadi moko. Engú bini, Yesu apa pi Simo me: «Mo odjé tsulu de, anga nayie pi mbia inde-e, mu dú matá agili osungu de, engú bini, mo odú ibili agili okpála pi Ebhe.»

¹¹ Abhomu-o, u agbele ozabu gba o apí 'ge. U a'o ka ndu 'he gba o hana, u atsia anu bhú dabili bini ne Yesu.

Yesu akobho kpála na kába (Tsia bhú Mat. 8:1-4; di ne bhú Mlk. 1:40-45.)

¹² A akolo ekpi bini, Yesu adu bhú kuti bini na ndu doto na Galilaya, kpála bini inde li kába atsotsolo kute e hana-a, akoto. Li ani au Yesu lie, ani ago ati kala ani, ani atu bhála e ne kuto, ani atsia alopolu lie pi ani me: «Ngámá, i du me mu nde akunda-a, mu ti da nakobho ma.» ¹³ Yesu aha 'kpa e a'o li ani. Ani atsia apa me: «Ma akunda moko, kokobho!» Abhomu-o, kába agulu bha kolo li kute kpála ang-o hana maka ndjombe. ¹⁴ Yesu atsia aha

* 5:1 5:1 Genedjaleta: A ko 'ili koko na ekpe na Galilaya. Tsia bhú Mlk. 6:53.

líli pi ani me: «Mo opá belegü engú ìnde-e pi kpála bini de. Engú bini, nü suno bha límu pi dimande gba Ebhe maka li kute mu nde lie ko. Pipita-a, amba mu ha makiso maka li líli gba Moidje apa lie, ngubula napana pi ndu okpála hana me mo okobho.» ¹⁵ Abana mo-o, engú gba Yesu adu bha ayangba ne kalanu. Okpála bhelé adu ago apo bhúla o de ani ngú nadje ani, ne di me ani kobho o ne okuo gba o-o. ¹⁶ Engú la bini, ani adu anu bhú omili bili. Oo, ani atsia adu akpokpo 'ngú ne Ebhe.

*Yesu akobho dákuto
(Tsia bhú Mat. 9:1-8; di ne bhú Mlk. 2:1-12.)*

¹⁷ Ekpí bini, Yesu adu asuno pi okpála. OmúFalisai koko ne omusuno na líli gba Moidje ìnde ayie nani bhú ndu okutí hana na ndu doto na Galilaya ne Yudaya, di ne bhú 'ngbé gudhú na Yelusalema adulu de ani. Ne angu gba Ebhe-e, ani atsia adu akobho okpála na kuo. ¹⁸ Li nedhinga bhomu-o, okpála koko ago ne dákuto bini me u nde abi ani pi kalagba. U adu nagili kpadjí ngú nato ani abhú 'ti, amba u 'o ani kala Yesu. ¹⁹ Engú bini, u ale nali ne ani abhú 'ti pima ka li okpála adu lie bhelé-o. Abhomu-o, u atsia a'u ne ani apí 'ngbu 'ti. U adu gudho li 'ngbu 'ti-e má vuu! U atsia aké ani ne ekpú tété ne kalagba gba e hana bhú ká okpála kala Yesu. ²⁰ Li Yesu ambila lie me okpála bhomu-o abhuka ni na paká-a, ani atsia apa pi kpála na kuo-o me: «Olia ma, ma a'e osisiti 'ngú gba mu-o a'e.»

²¹ Li omusuno na líli di ne omúFalisai adjé 'ngú bhomu-o lie, u atsia aholo nabhundja me: «Kpála ìnde ngasobho Ebhe me-e, a ko nga naae da? A ti da na'e siti 'ngú gba okpála da, bha bini Ebhe ngae kpi e kpi di?» ²² Yesu ambila mabhundja gba uo lie, ani apa pi uo me: «Yi ngabhundja li bua yi mo-o ka ni? ²³ Ne napa me, «Ma a'e osisiti 'ngú

† 5:27 5:27 Levi: A ko 'ili koko gba Matié.

gba mu a'e», ne napa me, «Yie bhúlá, amba mu dhukku-o» a ane ne bhukku ne bhedho? ²⁴ Engú bini, ma akunda me yi mbila me ngama, Ndili gba kpála-a, ma ne angu píla doto ngú na'e siti 'ngú.» Abhomu-o, Yesu atsia apa pi dákuto-o me: «Ma apa pi mu me yie bhúlá, ha dabili gba mu-o, amba mu gie límu agba mu!» ²⁵ Kolo má gala me-e, kpála bhomu ayie bhúlá bhú ká djila ndu okpála hana, ani aha dabili inde ani de asi pi e, ani atsia agie lie agba e me ani nde ngadhége Ebhe. ²⁶ Ndú okpála hana adu angamba naali. U abedhe ne tsulu bedhe, u adu adhégé Ebhe, u atsia adu apa me: «Ya au naki ongú na ngangamba!»

*Yesu a'i Levi
(Tsia bhú Mat. 9:9-13; di ne bhú Mlk. 2:13-17.)*

²⁷ Pipita-a, Yesu akoto kilidjo, ani atsia au ndembí bini na mandjandja, adu li ani me Levi, [†] ani nde adu kuto bhú bilo gba e-o. Yesu apa pi ani me: «Kpata ma.» ²⁸ Levi ayie bhúlá, ani a'o ka ndu 'he hana, ani atsia akpata Yesu.

²⁹ Pipita-a, Levi atsia amene 'ngbé anokomia pi Yesu abhú 'ti gba e. Ondembí na mandjandja bhelé di ne okpála koko adu nazu 'he ne uo bhú dabili bini. ³⁰ OmúFalisai di ne omusuno na líli gba o adu nadi mutokono, u atsia ayi omukpata gba Yesu-o me: «Ka ni yi ngazu 'he ne nandji vino lie bhú dabili bini ne ondembí na mandjandja di ne okpála na sisiti-e?» ³¹ Yesu atsia agie pi uo me: «Okpála bhende li kuo nde li o ade-e, u ne gumu mutia ade. Engú bini, obhende inde li o ne kuo ne gumu mutia ngao. ³² Ma go ngú na'i okpála bhende ngbingbili-e de. Engú bini, ma ago ngú na'i obhende na sisiti-o, ngubula me u dji bua o.»

*Yesu akpo 'ngú pindji natse ezú ngú nayo Ebhe
(Tsia bhú Mat. 9:14-17; di ne bhú Mlk. 2:18-22.)*

33 Okpála bhomu-o apa pí aní me: «Omukpata gba Djaa di ne obhende gba omuFalisai ngatse ezú píko ngú nayo Ebhe. Engú bini, obhende gba mu-o la bha naao ngazú 'he ne nandji vino.» **34** Yesu agie pí uo me: «Yi abhundja naayi me yi tí da naholo omaha 'ko ele ne kpéke ngú natse ezú me 'ko ele-o nde nga bha bhú dabili bini ne uo? **35** Nedhinga koko akólo makolo, nedhinga inde li okpála adhépe 'ko ele-o lie bhú ká uo-o. Li oekpí ango-o, u tsia tsé la 'zú.»

36 Yesu atsia aha di gbitaku inde-e pí uo me: «Kpála bini tí da nasidha bongo na mbia, aní tsia há pápála-a ngú nadudu lí bongo na didili de. Aní mene mo-o, lí bongo na didili-e sídha, la di-e, pála bongo na mbia lé ne bhe na didili-e de. **37** Kpála bini tí da na'o vino na mbia bhú odidili dhudhu na ko 'nú de. Aní mene mo-o, lí vino na mbia bí 'fu, i úpa odidili dhudhu-o. Pandi-e túko, lí odhudhu-o tsia siti di. **38** Engú bini, a ayo na'o vino na mbia bhadi bhú odhudhu na mbia!‡ **39** I du me kpála bini nde andji pandi na didili andji-e, aní kúnda matá pandi na mbia de, anga aní pá me: «Pandi na didili-e ane ne bádha.»»

6

Yesu aziba me ni ne ngámá pí 'ndji ekpí naguo gba omaYuda

(Tsia bhú Mat. 12:1-8; di ne bhú Mlk. 2:23-28.)

1 Ekpí bini naguo gba omaYuda-a, Yesu ne omukpata gba e adu akodho 'kpí bhú ngu 'zú inde u a'i e me ngano. Omukpata gba aní-e aholo akodho 'ndji 'ndji, atutuluba sa-tikpa o, u atsia adu nazuzu.* **2** OmuFalisai koko ayi uo me: «Yi ngamene bhomu-o ni? Líli gba ní-e ziba namene kulu bhú 'kpí naguo de.» **3** Yesu atsia agie pí uo me:

‡ **5:38** 5:38 Yesu akunda napa bhomu-o me, u tí da na'o nasuno gba ni na mbia pí bhe gba omuFalisai-e de. * **6:1** 6:1 Agba omaYuda-a, i du me kpála nde ngakodho ngano-o, amba aní ngamene bhomu-o kulu. La-a, líli gba uo-o ziba namene kulu bhú 'kpí naguo-o de. Tsia bhú Det. 23:26, di ne bhú Lev. 23:5-14.

«Yi atanga ndjindji bhú Bhuku gba Ebhe-e , engú naní lí Davidi amene e? Ekpí bini, ngaani ne omaha e, u adu lie ne gumu-o, **4** aní ali naní bhú 'ti Ebhe. Aní aha mapa inde u a'o e ngú nadhègè Ebhe-e, aní azú. Aní atsia aha di pí omaha e, abana lí líli gba ní-e apa lie me azú bha mapa ango-o ne odimande-o .» **5** Yesu atsia apa matá pí uo me: «Yi mbila me ngama, Ndili gba kpála-a, ma ne ngámá pí 'ndji ekpí naguo.»

Yesu akobho kpála lí 'kpa e adu ne eze

(Tsia bhú Mat. 12:9-14; di ne bhú Mlk. 3:1-6.)

6 A adu naní ekpí naguo koko bini, Yesu ali bhú 'ti nadje líli gba Moidje-o . Aní akolo lie oo, aní atsia aholo nasuno. Bhú ká okpála-a, bhoko bini adu oo, adu lí 'kpa aní na kokpa-a ne eze. **7** Omusuno na líli gba Moidje di ne omuFalisai adu agili kpadjí ngú napú ngbángá Yesu me, aní ngamene siti 'ngú. Kaka-a, u aholo atsia aní ne kpéke djila atigala aní kóbho kpála lí 'kpí naguo.

8 Engú bini, lí Yesu ambila lie me ali bua uo oo, u ngabhundja mo-o, aní atsia apa pí kpála lí eze adu lí 'kpa e me: «Yie bhálá, amba mu lu si bhú ká djila ndu okpála hana.» Kpála ango-o ayie bhálá, aní atsia alu kala ndu okpála inde adu bhú 'ti oo hana. **9** Pipita-a, Yesu atsia apa pí uo me: «Ma ne engú bini ngú nayi yi téte: Li 'kpí naguo, líli gba ní-e aziba pí? U mene bádha 'ngú, ne me u mene siti 'ngú? U kobho kpála, ne me u akóbho aní de?» **10** Aní atsia ndu uo hana bini ne bini. Abhomu-o, aní atsia apa pí kpála na eze-e me: «Gbele 'kpa mu.» Kpála ango-o agbele 'kpa e, 'kpa aní atsia akolo ndjindji. **11** Engú bini, okpála ango-o abi 'gú naali, u atsia aholo nayi lío

sündə o me: «Ní ti da namene ngú Yesu mangua 'ngú dho?»

*Yesu alo obhülü titima ndjikpa ne ká bhisi
(Tsia bhú Mat. 10:1-4; di ne bhú Mlk. 3:13-19.)*

¹² Bhú oekpí bhomú-o, sukpe bini, Yesu a'u apí 'ta ngú nakpokpo 'ngú ne Ebhe. Sukpe libhomu ani asi nakpokpo 'ngú ne Ebhe. ¹³ Li ekpí aseke lie, ani a'i omukpata gba e-o, ani atsia alo okoko bhú ká uo ndjikpa ne ká bhisi inde ani agisila nani 'li o me obhülü titima gba Yesu. ¹⁴ A adú nani Simo (inde li Yesu agisila 'li e me Piele) ne ndai e Andili, Djaki ne Djaa, Filipo ne Batelemi, ¹⁵ Matié ne Túma, Djaki ndili gba Alafayo ne Simo (inde u a'i e me kpála inde akunda doto gba e), ¹⁶ Djude ndili gba Djaki ne Yuda Isikaliote, inde apú Yesu pi obhülü yala-o.

*Yesu asuno pi bhti okpála
(Tsia bhú Mat. 4:23-25.)*

¹⁷ Ani aké ne uo, ani atsia alu asabu 'ta li bili li omukpata gba ani koko bhelé adú lie ko. Okpála bhelé na ndu doto na Yudaya libhomu, na Yelusalema ne ogudhú na ngo 'ngbé 'ngu, gudhú na Tile ne Sidona adú di oo. ¹⁸ Okpála ango-o ago nani ngú nadje Yesu, amba ani kobho di obhende adú ne okuo-o. Ani atsia akobho di okpála inde li osisiti bua adú ato mbolo li o ko. ¹⁹ Ndú okpála hana adú nagili nabu 'kpa o li kute ani, anga ndú uo hana adú akobho ka angu inde adú bhú ani-o.

*Yesu akpo 'ngú pindji djali ne likabhu
(Tsia bhú Mat. 5:1-12.)*

²⁰ Yesu atsia omukpata gba e-o, ani atsia apa pi uo me:
«A ko djali pi yi, ngayi obhülü ndibhili,
anga Ebhe ne ngámá gba yi-e ngae!

²¹ A ko djali pi yi, ngayi obhende ngadje gümü mbia inde, anga yi azú 'he, yi tsia 'ú 'u!

A ko djali pi yi, ngayi obhende ngaku 'gba mbia inde, anga yi amé 'zo!

²² A ko djali pi yi, i du me okpála nde ngayala yi, u nde ngagbe yi bhú ká o, u nde ngasobho yi, u nde ngapa 'ngú gba yi-e sisiti kabula ma, Ndili gba kpála. ²³ Li nedhinga ango kolo, yi de kpi djali, amba yi dho di ebi, anga makalá na ngbéngbé ngadjeke yi abhúlá. Ogbi uo adú nani amene bhadi opolofeta sisiti moko.

²⁴ Engú bini, a ko likabhu pi yi obhülü tia, anga yi asia makalá gba yi-e asia!

²⁵ A ko likabhu pi yi, ngayi obhülü ká 'zú mbia inde, anga yi adú adjé gümü!

A ko likabhu pi yi, ngayi obhende ngamü 'zo mbia inde, anga yi adú bhú talia, yi tsia du naku 'gbá!

²⁶ A ko likabhu pi yi, i du me ndú okpála hana nde ngapa 'ngú gba yi-e ndjindji, anga ogbi uo adú apa bhadi nani babadha 'ngú moko li opolofeta na eu ko!»

*Yi kunda obhülü yala gba yi-o
(Tsia bhú Mat. 5:38-48, 7:12a.)*

²⁷ «Engú bini, ma apa la pi yi me, ngayi obhende ngadje ma-a, yi kunda obhülü yala gba yi-o. Yi mene bádha 'ngú pi obhende ngayala yi ko. ²⁸ Yi yo me bisagu gba Ebhe-e go pi okpála bhende ngatu pédjé li yi, amba yi yo Ebhe pi obhende ngamene yi sisiti ko. ²⁹ Li kpála bini su pála mu li pápá bini-e, mu de dji di pápá koko pi ani, amba ani su.[†] Li kpála bini gbülu koti gba mu-o, mu de 'o di ani amba ani ha bongo na mbulu mu-o. ³⁰ Li kpála yo 'he ka mu-o, mu de ha pi ani. I du me kpála bini nde agbülu 'he ka mu-o, mo oyó matá ka ani de. ³¹ Yi mene

[†] 6:29 6:29 Agba oma Yuda-a, nasu kpála li pabhe e-e, a ko sobho na ngbéngbé.

pí okpála koko bhadi maka bhende yi akündá me u mene e pí yi ko.

32 I dú me yi nde ngakündá bha bini okpála bhende ngakündá yi-e, yi abhúndja de me yi asia makalá kaka-a de, anga okpála na sisiti-e, u ngakündá bhadi okpála bhende ngakündá o ko! **33** I dú me yi nde ngamene bha bini bádha 'ngú pí okpála bhende i ngamemene pí yi-e, yi abhúndja de me yi asia makalá kaka-a de, anga okpála na sisiti-e bhadi ngamemene moko! **34** I dú me yi nde ngaha bha bini 'he pí okpála inde yi abhundja me u ti da di nagigie pí yi li 'kpí koko-o, yi abhúndja de me yi asia makalá kaka-a de. Abana okpála na sisiti, u ngaha di 'he pí obi o okpála na sisiti ngubula me, u gie di pí o li 'kpí koko!

35 Engú bini, yi kunda obhulu yala gba yi-o. Yi mene bádha 'ngú pí uo. Yi ha 'he pí uo me yi nde bhundja de me u agié pí yi magie de. Yi asia 'ngbé makalá. Yi mene mo-o, yi tsia dú ongisi gba Ebhe Apí 'Kpí, anga ngaani-e, ani babadha pí okpála inde i gie hení pí ani de. Ani di babadha pí okpála na sisiti. **36** Yi bedhe ne ndjinga pí okpála maka li 'dyi yi Ebhe abedhe di ne di lie pí okpála ko.»

Yi akódho 'ngú gba okpála koko de (Tsia bhú Mat. 7:1-5.)

37 «Yi akódho 'ngú gba okpála koko de, amba Ebhe akódho di 'ngú gba yi-e de. Yi a'ó engú pí okpála koko de, amba Ebhe a'ó di engú pí yi de. Yi mbu li siti 'ngú gba okpála koko, amba Ebhe mbu di li siti 'ngú gba yi ko. **38** Yi ha 'he pí okpála koko, amba Ebhe ha di 'he pí yi. Ani abédhe kíli gba yi-e ne nguwa bedhe má kpambi, i hólo nabala kuto. A moko, Ebhe ahá bhadi pí yi maka lele yi ngahaha pí okpála koko lie ko.»

39 Yesu atsia apa matá pí uo gbitaku bini me: «Kpála i u 'kpí de-e ti da naholo 'kpa kilí e inde i u 'kpí de ngú nasuno kpadji pí ani uu? A mo-o ade! I dú mo-o, li ndú uo bhisi hana bála bhú 'dú. **40** Mukpata bini ne mésuno gba e ne imbílangú de. Engú la bini, ndú mukpata hana inde u asuno 'he pí e ndjindji-e, ani kólo maka mésuno gba e-o. **41** Ka ni mū ngau mboye kú mésoli inde bhú djila ndai mū-o lie, mū tsia u la ndula inde bhú djila mū-o de? **42** Lele pí mū ti da napa lie pí ndai mū me: <Ndai ma, 'o ma, ma gbe mboye kú mésoli inde bhú djila mū bhomu>, ngamu-o, mū nde u ngala belegu de ndula inde bhú djila mū-o? Bhulu kali, gbe ngaiza ndula inde bhú djila mū-o. Pipita-a, mū tsia u la 'kpí ndjindji ngú nagbe mboye kú mésoli inde bhú djila ndai mū ko.»

Ndula ne lí e

(Tsia bhú Mat. 7:16-20, 12:33-35.)

43 «Ndula na babadha lili lili na sisiti de. La di-e, ndula na sisiti lili lili na babadha de. **44** U mbila ndula li lí e. U koko manga li ndula na eti de. La di-e, u koko malibhombi li kobe de. **45** Kpála na babadha-a, ka bádha 'ngú inde li bua ani-e, ani méne bhadi engú na babadha. La di-e, kpála na sisiti-e, ka siti 'ngú inde li bua ani-e, ani méne bhadi engú na sisiti. Engú inde ngakoto bhú 'bhe kpála-a, a ko engú inde ngayie ali bua ani ko.»

Oeti bhisi

(Tsia bhú Mat. 7:24-27.)

46 «La ka ni yi nga'i ma lie ndú 'kpí hana me: <Ngámá, Ngámá?> Yi la ngamene engú inde ma ngapa e pí yi me yi mene e ade. **47** Kpála bini inde agó abháka ma, adjé 'li ma, ani tsia méne maka ma apa lie, ma akündá napana pí yi me ani maka da. **48** Ani maka kpála inde aholo nayiki eti. Ani adjé edú tsutsu, ani atsia a'o 'dhú 'dhú-o pí teme. Li engu asi lie, a ago atu lie li kute eti-o, eti ango-o tsia dyíki de, anga a alu kpekpeke.

49 Engú bini, kpála bhende adje 'li ma, ani tsia mene maka ma apa lie de-e, ani maka kpála inde ayiki eti gba e pí doto. 'Dhu 'dhu tété ade. Li engu asi lie, a ago atu lie li kute eti-o. Eti-e atuko bha kolo má gala, a atsia agugum hana má kpékébhé!»

7

*Yesu akobho kpála na kulu gba ngámá bini gba osúdha
(Tsia bhú Mat. 8:5-13.)*

1 Pita ani andjia napa ndu ongú bhomu-o lie hana pi okpála-a, ani atsia atapa bhú kuti na Kapalanauma.

2 Oo, abhú Kapalanauma-a, ngámá bini gba osúdha na Loma,* adu ne bali gba e bini inde ani adu akunda e naali. A adu li bali ango-o ne kuo masikpe de me ani kodho bua e.

3 Li ani adje 'ngú gba Yesu-o lie, ani atsia atima obhelesi okpála koko gba omaYuda agba Yesu. U anu napa pi ani me, ani go kobho bali gba ngámá ango-o. **4** Li obhelesi okpála bhomu-o akolo de Yesu lie, u atsia aholo nakikiliki lio pi ani me: «Mu ti da namene ehe inde ani ayo e pi ani, i du me mu nde akunda-o, anga ani ndjindji. **5** Ani kunda di omaha ní naali. Ani ayiki eti nadje líli gba Moidje pi ní ngae.»

6 Abhomu-o, Yesu atsia aholo 'nú ne uo. Ani akolo lie de kuti-e masikpe-e, ngámá gba osúdha-a atsia atima obi e me u pa pi ani me: «Ngámá, mo ondála límu de. Ma ne kpála na padhá. A ayo ka mu nali bhú 'ti gba ma-a de.† **7** Kaka-a, ma u igini líma ndjindji de me ma go kolo li mu ngama-a de. Engú bini, pa bha koli eli bini, amba bali gba ma-a kobho. **8** Ma ngapa mo-o, anga ma sa líli gba ongámási. Ma la di ngaha líli pi osúdha. Ma pa pi bhe bini-e me: <Nanu!> Ani ná. Ma pa pi bhe koko-o me: <Gogo!> Ani gó.

* **7:2** 7:2 Ngámá gba osúdha na Loma: Ngámá bini gba osúdha na Loma: Ngámá ango-o nani ne ngámá pí 'ndji osadha kámá bini. A adu nani maYuda de. † **7:6** 7:6 Li maYuda bini li bhú 'ti gba kpála inde ne maYuda ade-e, li maYuda ango-o kólo sisiti kala Ebhe.

Ma pa pi bali gba ma-a me: <Mene 'he inde!> Ani méne.»

9 Li Yesu adje engú inde li ngámá bhomu-o apa e lie, ani angamba naali. Ani adji lie, ani atsia apa pi bhiti okpála inde adu akpata ani-e me: «Ma apa pi yi me, ma bhaka nga ngua kpála inde abhuka ma me-e de, belegu de bhú ká omałsalaele!»

10 Li okpála na titima agie lio lie agba ngámá-a, u abhaka me kuo nde ayie li bali gba ngámá ango-o ayie.

Yesu azuku ndili na bhobhoko gba əke bini na əele

11 Pita li Yesu akobho bali gba ngámá bhomu-o lie, ani atsia atapa bhú gudhú na Naine. Omukpata gba ani ne okpála bhelé anu bhú dabili bini ne ani. **12** Ani akolo li 'bhé bhoti na gudhú-o lie, a abhaka me u nde adji ne ngbangba makombi bini ngú nazizi. A ko nani koli ndili na bhobhoko bini gba əke bini na əele. Okpála bhelé na gudhú bhomu-o adu bhú dabili bini ne ele ango-o.

13 Abhomu-o, Ngámá Yesu au ani. Li ani au ani lie, ani adje ndjinga ani naali. Ani atsia apa pi ani me: «O naku 'gbá!» **14** Pipita-a, ani adyudyø lie, ani a'o 'kpa e li ngbangba-o. Abhomu-o, okpála inde abi kuo atsia alu. Yesu atsia apa pi makombi bhomu-o me: «Ma apa pi mu me, yie bhúlá!» **15** Kpála inde adu igini me ani nde akpi-e, ani ayie bhúlá, ani adu madu. Ani atsia aholo nagama 'ngú. Abhomu-o, Yesu atsia aha ani pi 'hi e. **16** Ndu okpála hana adje tsulu. U adu adhøgø Ebhe, u atsia adu apa me: «'Ngbé polofeta akoto bhú ká ní! Ebhe ago nateteke okpála gba e-o!» **17** Ngali na engú li Yesu amene e atsia agbolo bhú ndu doto na Yudaya libhomu di ne bhú okuti na ngongo-o hana.

*Djaa bh

ü
 nabatisa okpála atima
okpála agba Yesu
(Tsia bhú Mat. 11:2-19.)*

18 Li omukpata gba Djaa agie lio lie, u atsia akpokpo ndu ongamba 'ngú inde li Yesu amene e hana pi Djaa. Abhomo, ani a'i okpála bhisi bhú ká uo. **19** Ani atsia atima uo ngú nayi Yesu me: «Ne me mu ne Masiya inde ngago, ne me ayo me ya adjeké kpála koko?» **20** Li okpála bhomo akolo lie de ani-e, u atsia apa pi ani me: «Djaa bh

ü
 nabatisa okpála atima ya me ya go yi mu me: <Ne me mu ne Masiya inde ngago, ne me ayo me ya djeke kpála koko?>»

21 Bha li nedhinga bhomo, Yesu akobho okpála bhelé na kuo. Ani akobho obhende adu ne okuo ngangá. Ani akobho di obhende adu ne osisiti bua bhú o-o. Ani atsia abhulu di djila okpála bhelé inde i u 'kpí de-e bhú bádha bhú 'bu gba e-o. **22** Pipita-a, ani atsia agie pi okpála li Djaa atima o-o me: «Yi nu kpopko pi Djaa engú inde yi au e, di ne bhende yi adje e ko. Okpála i u 'kpí de-e ngau 'kpí. Obhende ne eze li 'dhu o-o, u ngadhuku ndjindji. Okpála na kába ngakobho. Obhende i dje 'kpí de-e ngadje 'kpí. Obhende amu-o ngazuku. Ma ngakpokpo Bádha Ngali pi obhulu ndibhili. **23** A ko djali pi kpála inde i bhúka ma ne bua na bhisi bhisi de ko!»

*Yesu akpokpo 'ngú gba Djaa
bh

ü
 nabatisa okpála*

24 Bhití okpála adu oo. Pita li obhulu titima gba Djaa agbida lie, Yesu atsia aholo akpokpo 'ngú gba Djaa pi uo me: «Yi anu igini natsia abhú 'gu-o ni? Yi anu igini natsia kpála inde maka mbamba inde ngadyiki ka anvi-e? A mo-o ade.

25 I du mo-o de-e, yi anu la igini natsia ni? Kpála inde adyi babadha bongo-o? A mo-o ade, anga obhende ngadyi babadha bongo-o, inde di ne ká tia ka o-o ngadu abhú 'ti gba ongámási. **26** Yi anu nga la igini

natsia ni? Polofeta? A moko, ma apa pi yi me, yi au bhende ane belegu polofeta mane. **27** Padhá de, anga a ko kpála inde li eli gba Ebhe-e apa 'ngú gba e me:

<Ebhe apa me, ma ngatima bhú titima gba ma-a
pi mu kalanu

ngú naleke kpadji pi mu.[†]

28 Ma apa pi yi me, Djaa ngbéngbé ane ndu okpála hana. Engú bini, kpála inde ane ne mboye bhú Nau gba Ebhe-e, ani ane ani ne engbé.»

29 Ndu okpála hana, belegu ondembí na mandjandja adu adjé Yesu. Abhomo, u ambila nani ngbili 'ngú gba Ebhe-e lie, Djaa atsia abatisa uo. **30** Engú bini, omuFalisai ne omusuno na lili gba Moidje ayala nani me Djaa batisa o. U amene lie mo-o, u ayala engú inde li Ebhe adu akunda e pi uo-o.

31 Do Yesu matá me: «Ma tí da nasuno okpála na naki si li da? Uo maka da? **32** Uo maka ongisi inde adulu bhú daposo. Okoko ngasusula pi obi o me:

<Ya abhi ngababi na ebi pi yi,
engú bini, yi tsia dho 'bi de!

Ya ali etsi na da kuo pi yi,
engú bini, yi ku 'gbá de!»

33 Padhá de, anga Djaa bhú nabatisa okpála ago, ani zu 'he maka okpála koko de, ani ndji di vino de, do yi me: <A bhú ani ne siti bua!> **34** Ngama, Ndili gba kpála, ma ago, ma ngazu 'he maka okpála koko, ma ngandji vino, do yi me: <Yi tsia nga kpála inde ngabhundja bha bini nazu 'he di ne nandji vino! Ani ngakunda ondembí na mandjandja, a ko la di olia okpála na sisiti!> **35** Engú bini, ndu okpála hana inde abhuka imbilangu gba Ebhe-e, u ambila me imbilangu ang-o-ngbingbili.»

*Yesu azu 'he abhú 'ti gba Simo
muFalisai*

36 A adu nani muFalisai bini, ani a'i Yesu ngú nazu 'he bhú dabili bini

[†] 7:27 7:27 Tsia bhú Mal. 3:1.

ne e. Yesu ali bhú 'ti gba mufalisai-o. Oo, ani atsia aholo nazú 'he-o. ³⁷ Ole bini na sisiti adú bhú gudhu bhomu-o. Ani adje lie me Yesu ngazu 'he abhú 'ti gba mufalisai bhomu-o, ani ago ne gili bini inde u abho e li teme inde u a'i e me alabatele.[‡] Gili ango-o abedhe nani ne mungotsi bedhe. ³⁸ Ani akolo lie, ani atsia akita bhú li 'dhú Yesu li pápá ne akele ani. Ani aholo naku 'gbá, ngula adú atuko li 'dhú Yesu. Abhomu-o, ani aholo nakukuo ne sundjo e. Ani akama 'dhú ani, ani atsia aha mungotsi-e, ani atuko téte. ³⁹ Li mufalisai inde a'i Yesu au lie mo-o, ani atsia apa li bua e me: «Kpála inde-e, a ko bha ndjú polofeta de kukulu! Padhá de, anga ele inde ngabu 'kpa e li ani bhomu-o, a ko siti ele. Ani mbila la-a de!»

⁴⁰ Abhomu-o, Yesu atsia apa pi mufalisai-e me: «Simo, ma mbo ne engú bedi napapa pi mu.» Simo atsia agie me: «Músuno, papa.»

⁴¹ Yesu atsia apa me: «Kpála bini aha nani bopulu pi okpála bhisi. Ani aha pi kpála bhe bini-e lí falanga kámá bhuluvue. Ani atsia aha pi kpála bhe koko-o lí falanga ndjíkpa bhuluvue. ⁴² Li tia du la lie ka okpála ango-o ngú nagigie de-e, abhomu-o, ani atsia ambu li bopulu gba ndu uo bhisi hana. Bhú ká okpála bhisi bhomu-o, akúnda ani ané mane ne bhedho?» ⁴³ Simo atsia agie me: «Ma abhundja me a ko kpála bhende u ambu li bopulu gba e adú bhelé naali ko.» Do Yesu pi ani me: «Mo opa ndjindji.»

⁴⁴ Pipita-a, ani adji lie ne li pápá gba ele-o, ani atsia apa pi Simo me: «Mo ou engú li ele inde-e amene e au? Ma ali lie bhú 'ti gba mu-o, mu ha engu muma ngú navulu 'dhú ma de. [§] Engú bini, ngaani-e, ani avulu 'dhú ma ne ngula na djila e. Ani atsia akuo ne sundjo e. ⁴⁵ Mu kama ma de. Engú bini, ngaani-e,

nayie maka ma ali iginí lie si-e, akolo pi mbia inde-e, ani 'o nakama 'dhú ma de. ⁴⁶ Mu tuko emu pi 'ndjí ma de. Engú bini, ngaani-e, ani atuko mungotsi li 'dhú ma.

⁴⁷ Kaka-a, ma apa pi mu me, mukunda na ngbéngbé inde ani asuno e, apana me u a'e bhti siti 'ngú gba ani-e a'e. Engú bini, kpála inde u a'e siti 'ngú gba e me a nde yeye-e, ani pána bhadji mukunda na yeye. ⁴⁸ Abhomu-o, ani atsia apa pi ele bhomu-o me: «Ma a'e osisiti 'ngú gba mu-o a'e.» ⁴⁹ Okpála inde adú azu 'he bhú dabili bini ne ani aholo nabhundja me: «A inde-e mangua kpála dho? Ani nga 'e belegu siti 'ngú!» ⁵⁰ Abhomu-o, Yesu atsia apa pi ele-o me: «Ebhe akobho mu, anga mo obhuka ma. Nu ne guo 'ngú.»

8

Omukpata ndjíkpa ne ká bhisi ne olisi koko akpata Yesu

¹ Pipita-a, Yesu adú adholo bhú ndu ogudhu di ne bhú ndu okuti hana. Ani adú akpokpo Bádha NgaliNaú gba Ebhe-e ne ndu bili hana. Omukpata ndjíkpa ne ká bhisi-e adú bhú dabili bini ne ani.

² Olisi koko nani li Yesu apandja osisiti bua bhú o, ne obhe ani akobho o ne okuo-o, a adú di bhú dabili bini ne ani. A du nani: Malia (u a'i e me kpála na gudhu na Magadala) nani li Yesu apandja osisiti bua bhú e mananika-o; ³ Djaani, wala Kudja, ngámá na kulu gba 'ngbé ngámá Elode; Sudjana ne olisi koko bhelé. Ndu olisi bhomu-o hana adú aha tia gba o ngú nateteke Yesu ne omukpata gba e ne di.

Gbitaku gba kpála nalu nguwa (Tsia bhú Mat. 13:1-9; di ne bhú Mlk. 4:1-9.)

⁴ Okpála adú nayie bhú gudhu bini ne bini, u adú ago abhaka Yesu. Li

[‡] 7:37 7:37 Alabatele: A ko teme na mase naali inde u abhobho oehe maka gili lie ko. § 7:44 7:44 Simo ha nani engu pi Yesu ngú navulu 'dhú e de, anga Simo adú au lie me ni ngbéngbé pi Yesu ngaani. Tsia bhú Dje. 18:4, 19:2.

okpála bħelé adu apekəbħe bħála o lie de ani-e, ani atsia apa għitaku īnde-e me: ⁵ «Kpála bini anu ngú nabala nguwa abħú 'dyi għa e. Ani adu ababala lie, té nguwa koko atsia abala li kpadji. Okpála adedele ne 'dħu o, odħu atsia ago, u azu bħobhom-o hana. ⁶ Koko abala li bili na teme. Li eżu-o aze lie, atsia a'ullu anga engu du bhú doto sasa de. ⁷ Koko atsia abala li bili na eti. A ake lie, eżu-o ake ne eti-e bhú dabili bini. Eti-e atsia agaga eżu-o. Kaka-a, eżu-o bhele ndjindji de. ⁸ Engú bini, koko atsia abala naae bhú doto na babadha. Eżu-o ake, a atsia ali lill. Nguwa bini ne bini ali lill kámá bini.» Yesu atsia apa matá me: «Yi-dje ndjindji, i du me a nde li yi ne 'dje 'dje ngú nadje 'kpí ko!»

Ka ni li Yesu adu akpo 'ngú lie bhú ogħitaku-o?

(*Tsia bhú Mat. 13:10-17; di ne bhú Mlk. 4:10-12.*)

⁹ Omukpata għa Yesu ayi ani me: «Ta għitaku bħom-o pi?» ¹⁰ Ani atsia agie pi uo me: «Ngayi-e, yi ambila naayi engú īnde awo nani lie kalanu pindji Naħħu għa Ebhe-e ambila. Engú bini pi okpála kokoo, ma akpo engú bħom-o bhú ogħitaku maka li Bhuku għa Ebhe apa lie me:

«U ti da natsia 'kpí,
engú la bini, u ú 'kpí de.
U ti da nadje 'kpí,
engú la bini, u mbīla tata-a
de.†»

*Yesu akpo ta għitaku għa kpála
nalu nguwa-o*

(*Tsia bhú Mat. 13:18-23; di ne bhú Mlk. 4:13-20.*)

¹¹ «Ta għitaku bħom-o me, nguwa-a, a ko eli għa Ebhe-o.

¹² Nguwa bhende abala li kpadji-e, a ko okpála bhende ngadje eli għa Ebhe-o. Engú bini, li Djabu lu gó, ani tsia dhépe eli ango-o li bua uo, ngú nagħbi kpadji pi uo me u abħúka de, amba Ebhe akóbho uo de. ¹³ Nguwa

bħende abala li bili na teme-e, a ko okpála bhende ngadje eli għa Ebhe-e, u tsia sía ne djali hana. Engú bini, eli ango-o lí li bua uo de. U bha ngabhuka ngħubla nedħinga bedi. Li nale kolo-o, u 'o ká nabħuka għa o-o. ¹⁴ Nguwa bhende abala li bili na oeti-e, a ko okpála bhende ngadje eli għa Ebhe-o. Engú bini, u ne għamu ndu 'he na doto ngangá. U ne għamu tia na doto ne odjal i na mukobho na doto. Għamu tia na doto ne odjal i na mukobho na doto ango-o ngagħġa Eli-o. Kaka-a, eli bħom-o lí lill nabhele mabhele de. ¹⁵ Nguwa bhende abala bhú doto na babadha-a, a ko okpála bhende ngadje eli għa Ebhe ne bua na babadha, u tsia zibba. U lila ndjindji, u tsia lí lill ka kekele għa o ko.»

*Għitaku na eke
(Tsia bhú Mlk. 4:21-25.)*

¹⁶ «I du me kpála bini nde ad-hedhe eke-e, ani búku ne lu sa de. Ani tó di asa polo de. Engú bini, ani 'o pi 'he ngħubla me okpála īnde ngali bhú 'ti-e, u u 'kpí tētē ndjindji. ¹⁷ A moko, ndu 'he hana īnde awo lie mawo-o, akόto bhú mbas. Ndū 'he īnde na pepe hana akόto li zi 'kpí, li okpála tsia mbīla. ¹⁸ Kaka-a, 'e-e! Yi lila liyi bhú nadje eli-o, anga kpála li ehe nde ka e, u ahá matá koko pi ani pépé. Engú bini, kpála īnde li ehe nde ka e ade-e, u adħepe belegħu mboye 'he bhende ani ngħabu hundja me a ka ni ko.»

*'Hi Yesu ne ondaise Yesu
(Tsia bhú Mat. 12:46-50; di ne bhú Mlk. 3:31-35.)*

¹⁹ 'Hi Yesu ne ondaise Yesu ago ngú natsia ani. Engú bini, u ale nakolo li ani pima ka bħiti okpála-o. ²⁰ Abħom-o, u atsia apa pi Yesu me: «'Hi mu ne ondaise mu akilidjo, u ngakun da nau mu.» ²¹ Engú bini, Yesu atsia apa pi ndu uo hana me: «'Hi ma ne ondaise ma-a, a ko okpála īnde ngadje eli għa Ebhe ne namemene ko.»

† 8:10 8:10 Tsia bhú Isa. 6:9.

*Yesu ayoko kpéke anvi pí 'ngu
(Tsia bhú Mat. 8:23-27; di ne bhú
Mlk. 4:35-41.)*

²² Ekpí bini pipita-a, Yesu ne omukpata gba e a'u bhú zabu bini. Ani atsia apa pi uo me: «Ní gulu ekpe-o ai 'ngu.» Abhomu-o, u atsia atapa. ²³ Nedhinga u adu agulu 'ngu-o lie, Yesu atsia ati ne ela. Kpéke anvi na gipi aholo nape pi ekpe-o. Engu aholo nabedhe bhú zabu-o, kuo atsia akolo de uo masikpe. ²⁴ Omukpata adyudyo lio de Yesu masikpe, u atsia azuku ani me: «Músuno, Músuno, ní adji amú!» Yesu azuku, ani atsia ambe bhú 'ndji anvi di ne wowo 'ngu-o. Abhomu-o, anvi-e a'o nape, engu-o atsia akolo guguo. ²⁵ Do ani pi uo me: «Nabhuka gba yi-e su?» Engú bini, u adu adje tsulu, u atsia adu angamba naali. Abhomu-o, u adu apa sonda o me: «A e mangua kpála dho inde ngaha belegu líli pi anvi ne engu, uo ngamemene!»

*Yesu akobho kpála bini li osisiti
bua adu ato mbolo li e
(Tsia bhú Mat. 8:28-34; di ne bhú
Mlk. 5:1-20.)*

²⁶ Abhomu-o, u akolo bhú ndu doto gba okpála na Gelasa, ayi ekpe bhúla ndu doto na Galilaya. ²⁷ Nedhinga li Yesu adu akoto bhú zabu-o lie, kpála bini na kuti bhomu-o ago ngú nabhaka ani. Kpála ango-o, osisiti bua adu bhú ani. Ekpí bhelé, ani du adyi bongo de, ani du asi bhú 'ti de. La-a, ani adu bha bini adu bhú ká olata. ²⁸⁻²⁹ Siti bua-a adu agbúlu ani pikó. Abhomu-o, u atsia adu agbite 'kpa ani ne 'dhu ani ne ekpú di ne gbindjili ngú nalila ani. Engú bini, kpála ango-o adu atsotsolo gbindjili di ne ekpú-o má dhu dhu dhu! Siti bua atsia adu amba bhúla ani ne abhú mili bili. Li kpála ango-o au Yesu lie me-e, ani aholo natu 'ue. Abhomu-o, ani ati bhú li 'dhu Yesu, ani atsia asula

kpekpeke me: «Yesu, Ndili gba Ebhe na Apí 'Kpí, mo okunda namene ngú ma pi? Ma ayo ka mu me, mo oméne ma sisiti de!» Ani apa nani mo-o, anga Yesu adu aha líli pi siti bua ango-o me ani koto bhú kpála bhomu-o makoto.

³⁰ Yesu atsia ayi kpála ango-o me: «A 'li mu pi?» Ani agie me: «A 'li ma me <Bhelé.>» Ani apa mo-o anga osisiti bua bhelé ali nani bhú ani. ³¹ Osisiti bua ango-o atsia adu akikiliki lio pi Yesu me: «Mo ombá ya bhú tsu 'dú bhe má ngbongobho-o de!» ³² A abhaka me 'ngbé piga opame bini nde ngagili 'zu gba o pi 'ta oo. Osisiti bua-a atsia apa pi Yesu me: «Ha kpadji pi ya, ya li bhú opame bhomu-o.» Ani atsia aziba pi uo.* ³³ Abhomu-o, osisiti bua aze bhú kpála ango-o, u atsia amba lio bhú opame-o. Piga opame bhomu-o libhomu ayie ne holo apí 'ta, u anu alilinda bhú ekpe-o, u atsia amu.

³⁴ Li omulila gba opame au engú inde akodho 'kpí-e lie, u atsi ne holo, u atsia anu nakpokpo ngali ango-o abhú gudhu ne abhú okuti. ³⁵ Okpála aze ngú nau engú inde akodho 'kpí-o. U akolo de Yesu lie, u abhaka me kpála inde li osisiti bua aze bhú e nde adu kuto bhú li 'dhu Yesu. Ani adu me ani nde adyi bongo, ani nde ngabhundja 'ngú hana ndjindji. Abhomu-o, tsulu atsia aholo uo. ³⁶ Okpála inde au ndu 'ngú bhomu-o hana atsia akpokpo pi uo maka li Yesu akobho kpála ango-o lie ko.

³⁷ Abhomu-o, ndu okpála hana na ndu doto bhomu-o atsia apa pi Yesu me ani yie bhú kuti gba o mayie, anga u adu adje tsulu naali. Yesu a'u bhú zabu-o ngú na'e ne enu. ³⁸ Kpála inde li osisiti bua aze bhú e aholo nalopolu lie pi Yesu me: «Yesu, i du me mu nde akunda-a, mo o'ó ka ma de, ní nu ne mu.» Engú bini, Yesu agie ani sidi, ani

* ^{8:32} 8:32 Engú inde amene lie si-e, a du nani bhú kuti gba omaYuda de, anga omaYuda ngau opame sisiti. Tsia bhú Lev. 11:7, ne bhú Det. 14:8, di ne bhú Mlk. 5:11.

atsia apa pi ani me: ³⁹ «Gie limu agba mu, amba mu kpokpo ndu 'ngu inde li Ebhe amene e pi mu-o hana.» Abhomu-o, kpala ang-o-o atsia atapa ne kpokpo ndu 'ngu li Yesu amene e pi ani-e hana bhú gudhu libhomu.

*Yesu akobho ole bini, ani atsia azuku di ndili na oeole gba Yailo
(Tsia bhú Mat. 9:18-26; di ne bhú Mlk. 5:21-43.)*

⁴⁰ Nedhinga li Yesu agie lie lie ali pala ekpe koko-o, okpala bheld asia ani ndjindji, anga ndu uo hana adu adjeke ani. ⁴¹ Li nedhinga bhomu-o, kpala bini akolo. A adu 'li ani me Yailo. Ani adu nani ngamá na eti nadje lili gba Moidje na bili bhomu-o. Ani ati bhú li 'dhu Yesu, ani atsia akikiliki lie pi ani me ani nu agba ni, ⁴² anga ndili gba ani na oeole adu masikpe de nakpi. Koli ndili bhomu-o bha nani ka ani bini, ani adu ne kalanga ndjikpa ne ká bhisi. Li kpadji-e, bhti okpala asul Yesu má wakaka!

⁴³ A abhaka me ole bini nde oo. Ole ang-o-o, ngute adu atuko li ani bhú sunda kalanga ndjikpa ne ká bhisi. [Ani andjia nani tia lie hana pi omutia], engu bini, kpala bini ti nani da nakobho ani de. ⁴⁴ Ani ago ne akele Yesu, ani atsia abu 'kpa e li bongo 'ta ani-o.[†] Ngute-e a'o bha kolo natuko li ani maka ndjombe.

⁴⁵ Abhomu-o, Yesu atsia ayi me: «A abu 'kpa e li ma da?» Nd uo hana agie me: «A ko naae ya de!» Piele atsia apa pi Yesu me: «Musuno, bhti okpala inde asa mu ngbalina inde-e, ngasul mu ngao.» ⁴⁶ Engu bini, Yesu atsia apa me: «Kpala bini abu 'kpa e li ma, anga ma ambila me té angu gba ma-a akoto.»

⁴⁷ Ole ang-o-o au me Yesu ambila engu inde ni amene e ambila. Abhomu-o, ani ago ne naguku, ani tsia ati bhú li 'dhu Yesu. Ani atsia akpokpo pi Yesu kala ndu okpala hana ta 'ngu inde ani abu 'kpa e li

ani lie, di ne maka ani akobho bha lie maka ndjombe-o. ⁴⁸ Yesu pi ani me: «Ndi ole-e, mo okobho, anga mo obhuka ma kukulu. Nu ne guo 'ngu.»

⁴⁹ Nedhinga li Yesu adu apa lie mo-o, kpala bini ayie agba ngamá Yailo, ani ago apa pi ani me: «Ndili gba mu-o andjili. Mo ondala matá musuno de.» ⁵⁰ Engu bini, li Yesu adje ani lie, ani atsia apa pi Yailo me: «Mo odje tsul de, du bha ne nabhuka, ndili gba mu-o akobho makobho.»

⁵¹ Li Yesu akolo lie agba ngamá Yailo, ani ziba de me kpala bini li nganda ni abhu 'ti-e de, bha bini Piele, Djaa ne Djaki, a la bhadi-e 'dyi ndili-e ne 'hi ndili-o. ⁵² Nd u okpala inde adu oo hana, adu atu 'ue ne naku 'gbá ngu ndili ang-o-o. Abhomu-o, Yesu atsia apa pi uo me: «Yi 'o naku 'gbá! Ndili-e kpi de, engu bini, ani tila.» ⁵³ La-a, u aholo namu ani anga u adu ambila ndjindji me ndili-e akpi. ⁵⁴ Abhomu-o, Yesu aholo 'kpa ani, ani atsia asula kpekpeke me: «Ndika ma, yie bhulá!» ⁵⁵ Ndili-e azuku, ani ayie bhulá kolo má gala! Yesu atsia aha lili pi uo me, u ha ezu pi ani. ⁵⁶ Okpala inde azu ani angamba naali. Engu bini, Yesu agbele 'dje uo kpekpeke me u apá belegu engu inde akodho 'kpi-e pi kpala bini de.

9

*Yesu atima obhul titima ndjikpa ne ká bhisi gba e-o
(Tsia bhú Mat. 10:5-15; di ne bhú Mlk. 6:7-13.)*

¹ Ekpí bini, Yesu apo bhula omukpata ndjikpa ne ká bhisi gba e-o. Ani aha angu pi uo me u pandja ndu osisiti bua hana bhú okpala, amba u kobho di okpala na kuo.

² Pipita-a, ani atsia atima uo me u nu ne kpokpo ngali Na gba Ebhe , amba u kobho di okpala na kuo.

[†] 8:44 8:44 Bhú lili gba omaYuda-a, li ole du ne kuo gba olisi-e, ani bu 'kpa e li bhoko-o, li bhoko ang-o-o kólo sisiti kala Ebhe. Tsia bhú Lev. 15:25-33.

3 Ani pi uo me: «Nanu ka yi-e, yi abhä oehe de. Yi ahá ndula de. Yi ahá ehe ngú nabi 'he bhübhü de. Yi ahá ezü de. Yi ahá falanga de. Kpála bini bhü ká yi ahá bongo na mbulu bhisi de. **4** Ndu eti hana u asia yi bhü e-e, yi du bha oo, akólo li nedhinga inde yi ayié lie bhü eti ango-o. **5** Ndu eti hana u sia yi bhü e de-e, yi de koto bhübhü, amba yi pulu doto na kuti gba uo inde adhedhe li 'dhü yi-o. Bhabhomu-o asúno pi uo me u amene siti 'ngú.»* **6** Obhulu titima gba Yesu agbida, u apu bhü ndu okuti hana. U akpokpo Bädha Ngali gba Ebhe-e pi okpála. U atsia akobho di okpála na kuo ne ndu bili hana.

Mabhundja gba Elode adholo ngangá

(Tsia bhü Mat. 14:1-12; di ne bhü Mlk. 6:14-29.)

7 Elode , ngámá na ndu doto na Galilaya, adje ndu 'ngú li Yesu ne omukpata gba e adu amene e hana. Abhomu-o, mabhundja gba ani-e atsia aholo adholo ngangá, anga okpála koko adu apa me: «Djaa bhülbü nabatisa okpála azuku!» **8** Okoko adu apa me: «Polofeta Eliya akoto bhomu-o ngae.» Okoko atsia adu apa matá me: «Süka opolofeta na kalanu-o, azuku bhomu-o ngae.» **9** Engú bini, Elode atsia apa naae me: «Ma aha nani líli-e ngama me u kodho ngülbü Djaa . Kpála bhende ma ngadje okpála apa 'ngú gba e me-e, a ko matá naae da?» Abhomu-o, ani atsia adu agili me ni u Yesu.

Yesu aha 'zü pi bhti okpála

(Tsia bhü Mat. 14:13-21; ne bhü Mlk. 6:30-44; di ne bhü Dja. 6:1-14.)

10 Li obhulu titima agie lio lie de Yesu-o, u atsia akpokpo ndu 'ngú inde u amene e hana pi ani. Pipita-a, ani abha uo, ani atsia atapa ne uo de okpála tsutsu li pápá na güdhü na Betesaida. **11** Engú bini, li bhti

okpála bhomu-o ambila lie me u agbida oo, u atsia akpata ani. Abhomu-o, Yesu asia uo, ani atsia akpokpo 'ngú pindji Naü gba Ebhe-e pi uo. Ani atsia akobho di okpála inde adu ne kuo ko.

12 Li ekpí aholo lie nabi-e, obhulu titima ndjikpa ne ká bhisi-e adyudylo lio de Yesu, u atsia apa pi ani me: «Ha kpadji pi okpála, amba u gbida nagili dabili nasi téte, di ne ehe nazu mazu bhü odjedje kuti masikpe si, anga ní ei bhü mili bili.» **13** Do Yesu pi uo me: «Yi ha 'zü pi uo ngayi.» U atsia agie me: «A bha ka ya si ne mapa bhuluvue di ne sungu bhisi. Ne me mo okunda me ya nu nakala ezü pi ndu okpála inde-e hana ngaya?» **14** (Obhosí adu nani oo masikpe de kutu bhuluvue.) Yesu atsia apa pi omukpata gba e me: «Yi pa pi uo me u popo bhüla o okpála ndjikpa bhuluvue, ndjikpa bhuluvue, amba u dälü kuto.»

15 Omukpata-a amene maka ani apa pi uo lie ko. U atsia apa pi ndu okpála hana me u dälü kuto.

16 Abhomu-o, Yesu aha mapa bhuluvue ne sungu bhisi-o, ani atsia 'kpí ne bhüla, ani atsia agie henri pi Ebhe ngübulu ezü bhomu-o. Pipita-a, ani agümü mapa ne sungu-o, ani aha pi omukpata ngú nagagapa li okpála. **17** Ndu uo hana azü 'he, u a'u'u má kpü kpü kpü! Dudu atigala-a, obhulu titima alo, a atsia abebedhe okili ndjikpa ne ká bhisi.

Piele apa me Yesu ne Masiya

(Tsia bhü Mat. 16:13-19; di ne bhü Mlk. 8:27-29.)

18 A akolo ekpí bini, Yesu adu akpokpo 'ngú ne Ebhe kpi e kpi me, omukpata gba ani-e nde de ani. Ani atsia ayi uo me: «Okpála ngapa me ma ne da?» **19** U agie me: «Okpála koko ngapa me, mu ne Djaa bhülbü nabatisa okpála. Okoko me, mu ne polofeta Eliya. Okoko matá me, süka opolofeta na kalanu-o azuku.» **20** Ani

* **9:5** 9:5 Okuti gba omaYuda inde i ziba nani Bädha Ngali gba Ebhe-e de-e, u du nani au uo maka omaYuda de, ne odoto gba o-o hana. Tsia bhü Mlk. 6:11.

atsia ayi matá uo me: «A la yi-e, yi ngapa naayi me ma ne da?» Do Piele me: «Mʉ ne Masiya ìnde lì Ebhe atima e ko.»

Yesu akpo 'ngú pindji nakpi ne nazuku ka e
(Tsia bhú Mat. 16:20-28; di ne bhú Mlk. 8:30, 9:1.)

²¹ Engú bini, ani agbele 'dje uo kpekpeke, ani atsia aha líli me u apá belegú engú bhomʉ-o pi kpála bini de. ²² Abhomʉ-o, ani atsia apa matá pi uo me: «A ayo me ngama, Ndíli gba kpála-a, ma dje líkabhu naali. Obhelesi okpála, ongbengbe odimande di ne omʉsuno na líli gba Moidje ayála ma. U abhéle ma, engú bini, ekpí na bata-a, ma tsia zúku.»

²³ Pipita-a, ani apa pi ndʉ okpála hana ìnde adu oo me: «I du me kpála nde akʉnda nakpata ma-a, a ayo me ani 'o nabhundja 'ngú gba e makpe. Ekpí bini ne bini hana, a ayo me ani bi kulusi gba e-o, amba ani kpata ma. ²⁴ Padhá de, anga i du me kpála nde akʉnda nalila mʉkobho gba e, ani kpí. La-a, i du me kpála nde akʉnda nakpi ngʉbula ma-a, ani tsia kóbho. ²⁵ I du me kpála nde asia ndʉ 'he na doto hana, engú la bini, ngaani makpe ani ngita-a, ani tsia kpi-e, a la pi ani babadha bhábhá ne ni? ²⁶ I du me kpála bini nde adje nʉmʉ li 'ngú gba ma-a, di ne bhe ma ngapa e-e, ngama Ndíli gba kpála, ma adjé bhadi nʉmʉ li 'ngú gba ani. A adú moko li nedhinga ma agó lie bhú nau na assasaua gba ma, ne bhe gba 'Dyí ma, di ne bhe gba oandjelu na bububu-o. ²⁷ Ma apa pi yi na paká me, okpála koko bhú ká obhende ìnde si-e, mú padhá de, u áu ngaiza Nau gba Ebhe-e kalanu.»

Zi Ebhe asa Yesu ngbalina
(Tsia bhú Mat. 17:1-8; di ne bhú Mlk. 9:2-8.)

²⁸ Masikpe de ekpí madjína pítá ani apa 'ngú bhomʉ-o lie, Yesu aha Piele, ne Djaa di ne Djaki, ani atsia a'ʉ ne uo apí 'ta ngú nakpokpo 'ngú ne Ebhe. ²⁹ Ani adu akpokpo 'ngú ne

Ebhe lie, bhála ani ayipa lie, bongo gba ani avu má tuu! ³⁰ Kolo me-e, okpála bhisi aze, u atsia aholo nagama 'ngú ne ani. A adu nani Moidje ne Eliya. ³¹ Zi Ebhe asa uo ngbalina. U atsia adu akpokpo 'ngú ne Yesu maka ani adjí nandjia kulu gba e lie ne nakpi ka e abhá Yelusalema ko. ³² Piele ne obi e adu ne ela má yikpokpo! U agbʉngbua lio lie, u au Yesu ne okpála bhisi me zi Ebhe nde asa uo ngbalina. ³³ Li okpála bhisi bhomʉ-o adu ayie lie de Yesu-o, Piele atsia apa pi ani me: «Mʉsuno, ya sì ndjindji. A ayo me ya yiki 'tì ngbangbalí bata, bini pi mu, bini pi Moidje, bini pi Eliya.» (Engú bini, ani du ambila ta 'ngú ìnde ani adu apa e de.)

³⁴ Nedhinga ani adu apa 'ngú bhomʉ-o lie, ndindi atsia ago abuku uo. Li ndindi adu abuku uo lie, omukpata atsia aholo nadje tsʉlʉ naali. ³⁵ Bhú ndindi-e, eli bini akoto, atsia apa me: «Kpála ìnde-e, a ko Ndíli gba ma ìnde ma abhá e ko. Yi dje ani!» ³⁶ Pita li eli bhomʉ-o andjia lie, u au bha ibili Yesu kpi e kpi. Nani li nedhinga bhomʉ-o, omukpata andjili bha má bulu! U tsia pa nga nani engú ang-o-o pi kpála bini de.

Yesu akobho ndíli na bhobhoko bini li siti bua adu ato mbolo lie
(Tsia bhú Mat. 17:14-18; di ne bhú Mlk. 9:14-27.)

³⁷ Li ekpí aseke lie, Yesu ne omukpata bata-a ake eta-o. Okpála bhelé atsia ago ngú nake lio ne Yesu. ³⁸ Bhú ká okpála bhomʉ-o, kpála bini aholo nasʉsʉla me: «Mʉsuno, kikiliako, dje nga bha-a mbo ndjinga ndíli gba ma na bhobhoko-o. Koli ani bha ka ma bini! ³⁹ Siti bua ngagbʉlʉ ani pikó. A ngaha pi ani natu 'ue. A ngadyíki ani kpekpeke má djigi djigi! Li efu holo naze bhú 'bhe ani. Bua ang-o-o le bha nakoto bhú ani pima. Li angu ani ndjia má ngba! ⁴⁰ Ma akikiliki líma pi omukpata gba mu-o me u gbe bua

ango-o bhú ani, engú bini, u ale pima.»

41 Do Yesu de-e: «Ngayi okpála na naki-e, yi ne nabhuka ade, yi ngamene siti 'ngú. Ma adú matá ne yi bhú dabili bini ngubula ekpí madho? Ma akibila matá yi ngubula ekpí madho?» Pipita-a, Yesu apa pi kpála ango-o me: «Go ne ndili gba mu ei.»

42 Li ndili-e adú ago lie, bua ango-o adyíki ani má djigi djigi! Ani atsia agú 'i ani kuto má gbwe! Abhomú-o, Yesu ambe bhú 'ndji siti bua ango-o. Ani akobho ndili-o, ani atsia aha ani pi 'dyi e. **43** Ndú okpála hana adú angamba. U atsia aziba me Ebhe ne angu naali.

Yesu akpo matá engú pindji nakpi gba e ko

(*Tsia bhú Mat. 17:22-23; di ne bhú Mlk. 9:30-32.*)

Li ndú okpála hana adú angamba lie li ndú 'ngú li Yesu adú amene e, ani atsia apa pi omukpata gba e me:

44 «Yi dje engú ma adji apa e pi yi inde-e ndjindji. U apé ma, Ndili gba kpála-a, pi okpála na doto.» **45** Engú bini, omukpata gba ani-e mbila nani ta 'ngú bhomú-o de. Ebhe awo nani tata-a pi uo mawo. U atsia adú adje tsulú ngú nayi ani téte.

A ngbéngbé da?

(*Tsia bhú Mat. 18:1-5; di ne bhú Mlk. 9:33-37.*)

46 Abhomú-o, omukpata aholo amene kpekebhe súnda o ngú nambila me, a ti da nadú ngbéngbé bhú ká o da. **47** Engú bini, li Yesu ambila engú inde u adú abhundja e li bua o-o lie, abhomú-o, ani aha mboye ndili bini, ani a'o ani de e.

48 Ani atsia apa pi uo me: «Kpála inde asia mboye ndili inde-e ka 'li ma-a, ani asia bhomú-o ma. Kpála inde asia ma-a, ani asia la di bhomú-o kpála inde atima ma ko. Padháde, anga kpála inde ane ne mboye

bhú ká yi hana-a, ani ane ne engbé ngeae.»

Kpála inde i yala yi de-e, a ko naayi kpála

(*Tsia bhú Mlk. 9:38-40.*)

49 Abhomú-o, Djaa adyudyo lie de ani, ani atsia apa pi ani me: «Musuno, ya au kpála bini ngapandja osisiti bua bhú okpála ne 'li mu. Ya di me yoko ani, anga a ko mukpata gba mu-o maka ya de.»

50 Engú bini, Yesu agie pi ani me: «Yi ayóko ani de, anga kpála inde i yala yi de-e, a ko naayi kpála.»

Okpála na kuti bini na ndu doto na Samalia ayala nasia Yesu

51 Li nedhinga nagie lie ka Yesu abhúlá-a akolo lie masikpe-e, ani atsia aholo kpadji na Yelusalema ne kpéke bua hana. **52** Ani atima obhúlú titima kalanú bhú kuti bini na ndu doto na Samalia, ngú naleke ndú 'ngú hana pi ani ndjindji.

53 Engú bini, ani adú la anú lie ne abhú Yelusalema-a, okpála na kuti bhomú-o atsia ayala nasia ani.

54 Omukpata Djaki ne Djaa au lie mo-o, u atsia apa pi Yesu me: «Ngámá, mo okunda me ya ha lili me mágálá yie abhúlá, amba a go bhili uo?» **55** Engú bini, Yesu adji bhúla e ne li pápá gba uo, ani atsia ambe bhú 'ndji uo. **56** Abhomú-o, u atsia agbida bhú kuti koko.

Okpála bhende akunda nakpata Yesu

(*Tsia bhú Mat. 8:19-22.*)

57 U adú lie li kpadji-e, kpála bini apa pi Yesu me: «Ma akpáta mu li ndú bili mo onú lie hana.» **58** Yesu atsia apa pi ani me: «A ka onekpe di ne odhu ne dabili gba o ngú nasi téte. Engú bini, dabili ngú naguo ka ma, Ndili gba kpála téte ade.»

59 Ani apa matá pi kpála koko me: «Kpata ma.» Engú bini, kpála angoo apa pi ani me: «Ngámá, 'o nga

† **9:55** 9:55 U aye bhú obhuku koko-o me: «Yi mbila ngua bua inde i ngagama 'ngú bhú yi-e de. Padhá de, anga ngama, Ndili gba kpála-a, ma go ngú nabhili okpála de, ma ago mangbo ngú nakobho uo.» *Tsia bhú Luk. 19:10.*

ma, amba ma nü zi ngaiza 'dyi ma.»‡
60 Yesu agie pi ani me: «'O okpála bhende amu-o, u zi okuo gba o-o, amba ngamue-o, mu nu naamue ne kpokpo ngali Naue gba Ebhe ko.»
61 Kpála koko apa matá pi ani me: «Ngámá, ma akpáta mu makpata. Engú la bini, 'o ngaiza ma, amba ma nu bhana líma pi opiga gba ma ko.»
62 Yesu agie pi ani me: «Li kpála bini holo namene kulu ne kengé-o, pipita ani tsia 'kpí ne sidi-e, kpála ango-o ti ne Naue gba Ebhe-e de.»

10

Yesu atima omukpata ndjikpa mananika ne ká bhisi

1 Pipita-a, Ngámá Yesu alo omukpata koko ndjikpa mananika ne ká bhisi.* Ani atsia atima uo bhisi bhisi kalanu bhú ndu ogudhu ne ndu bili hana inde a ayo nako lie me, ani nu bha ngae makpe ko.
2 Ani atsia apa pi uo me: «Nguwa abhú 'dyi bhelé. Engú bini, okpála namene kulu ango-o bhelé ade. Yi yo ka bhálu edyi-e me ani tima okpála na kulu bhelé bhú edyi gba e ko. **3** Ma atima yi maka okandele bhú ká osia. Yi nñññ! **4** Yi ahá falanga de. Yi ahá ehe nabí 'he bhábhá de. Yi ahá maléké de. Yi adú ne lulu li kpadi-e ngú nayiyi okpála de.

5 Yi li bhú 'ti bini-e, yi de pa ngaiza me: «Guo 'ngú gba Ebhe-e du bhú 'ti inde.» **6** Li kpála inde akunda guo 'ngú du bhú 'ti ango-o, li guo 'ngú gba yi-e du bhú dabili bini ne ani. I du mo-o de-e, nayi na guo 'ngú gba yi-e gie lie pi yi. **7** Yi du bhú 'ti ango-o. I du me u nde aha ehe nazu mazu di ne bhe nandji mandji pi yi-e, yi de zu, amba yi ndji. Padhá de, anga a ayo me kpála na kulu sia makalá na kulu gba e ko. Yi adú asi bhú 'ti ngangá de.

* 9:59 9:59 A adu me 'dyi ani nde kpi nga nani-i de. Tsia bhú Eki. 20:12. * **10:1** 10:1 U aye bhá obhuku koko-o me: «Ndjikpa mananika.» † **10:12** 10:12 Sodomu: A ko gudhu inde li Ebhe atsulu nani e ka siti 'ngú gba okpála ango-o. Tsia bhú Dje. 19:24-28.

8 I du me yi nde ali bhú gudhu bini-e, li okpála na gudhu ango-o sia yi-e, yi de zu 'he inde u ahá e pi yi ko. **9** Yi kobho obhálu kuo inde bhú gudhu ango-o, amba yi pa pi ndu okpála hana me: «Naue gba Ebhe-e akolo de yi masikpe.»

10 Engú bini, i du la me yi nde ali bhú gudhu bini-e, u sia yi de-e, yi de ze ali kpadi, amba yi pa me: **11** «Ya ngapulu belegu doto na gudhu gba yi inde adhedhe li 'dhá ya, ngú nasuno pi yi me yi amene siti 'ngú. Yi mbila la ndjindji me, Naue gba Ebhe-e akolo de yi masikpe.» **12** Ma apa pi yi me li 'kpí li Ebhe akódho 'ngú gba okpála lie, okpála na gudhu ango-o adjé likabhu naali ané okpála na Sodomu† mane.»

Okuti inde ayala nabhuka Yesu (Tsia bhú Mat. 11:20-24.)

13 «'E-e! A ko likabhu pi yi okpála na gudhu na Koladjina! A ko likabhu pi yi okpála na gudhu na Betesaida! Padhá de, anga i du me ongamba 'ngú inde amene lie agba yi-e, i méne lie bhú ogudhu na Tile ne Sidona-a, okpála na ogudhu ango-o de adyi nani pili didili, u tsia túko 'mbi bhú 'ndji o ngú napana me u adji bua o adji. **14** Kaka-a, li 'kpí li Ebhe akódho 'ngú gba okpála lie, likabhu gba yi-e ané bhende gba okpála na Tile ne Sidona mane. **15** Ne yi di, okpála na Kapalanauma-a, yi abhundja naayi me u a'é'e yi abhálá-a? A mo-o ade. U abála yi bhú djua na duduuma.»

16 Do ani matá pi omukpata gba e me: «Li kpála bini dje yi-e, amba ani adje bhomu-o ma. Li kpála bini yala nasia yi-e, amba ani ayala bhomu-o nasia ma. Engú bini, li kpála bini yala nasia ma-a, amba ani ayala bhomu-o nasia kpála inde atima ma ko.»

*Omukpata ndjikpa mananika ne
ká bhisi-e agie lio*

¹⁷ Omukpata ndjikpa mananika ne ká bhisi-e agie lio me u nde abedhe ne djali bedhe. U atsia apa me: «Ngámá, osisiti bua ngamanga belégü ya ngao nedhinga ya ngaha lílí pi uo lie ne 'li mꝫ ko!» ¹⁸ Yesu atsia apa pi uo me: «Ma au Satana ayie abhúlá akø kuto maka mægbálá. ¹⁹ Yi djedje nga, ma aha angu pi yi ngú nadele okpulu ne oapekebhe ne 'dhú yi di ne nandjia ndu angu gba bhúlú yala gba yi-e hana. Ehe bini tí da namene yi sisiti de. ²⁰ Engú bini, yi akpí djali ka lí osisiti bua ngamanga yi lie de. Yi kpi mangbo djali ka lí Ebhe aye 'li yi lie abhúlá ko.»

Yesu akpi djali
(Tsia bhú Mat. 11:25-27, 13:16-
17.)

²¹ Bha li nedhinga ango-o makpe-e, Yesu abedhe nani ne djali bedhe ka Bu Bhopua . Ani atsia apa me: «Ma agie hení pi mꝫ, 'Dyi ma, Ngámá na abhúlá ne Ngámá na doto. Padhá de, anga engú inde mo opana e pi obhende imbilangú de-e, mo owo pi okpála na imbilangú di ne obhende amene balúa má too! A moko, 'Dyi ma, anga mo okunda bha nani moko.

²² 'Dyi ma, mo oha ndu 'he hana mæma. Kpála bini mbila de me ngama, Ndili-e, ma ne da-ie, bha bini ngamú, 'Dyi ma. Kpála bini mbila la di de me ngamú, 'Dyi ma-a, mꝫ ne da-ie, bha bini ngama, Ndili gba mæ-o, la di ne okpála bhende lí ngama, Ndili-e, ma akunda napana mꝫ pi o ko.»

²³ Pipita-a, ani adji bhúla e lí pápá gba omukpata gba e-o, ani atsia apa pi uo kpi o kpi me: «A ko djali pi yi, ngayi okpála i ngau engú inde yi ngau e ko! ²⁴ Padhá de, anga ma apa pi yi me opolofeta di ne ongbengbe ongámási 'bhélé akunda nani nau

engú yi ngau e inde, engú bini u u de. U akunda nani nadje engú yi ngadje e inde, engú bini u dje de.»

*Kpála bini na ndu doto na Samalia
inde amene bádha 'ngú*

²⁵ Abhomu-o, mæsuno bini na lílí gba Moidje ayie bhélá. Ani atsia ayi Yesu ngú nale ani me: «Mæsuno, a ayo me ma mene pi ngubula me ma sia mækobho na duduuma?» ²⁶ Yesu agie pi ani me: «U aye bhú lílí gba ní-e pi? Mo otatanga lie, mꝫ djedje bhúbhú pi?» ²⁷ Kpála ango-o atsia agie pi ani me: «A ayo me kunda Ebhe, Ngámá gba mæ-o, ne bua mꝫ hana, ne mækobho gba mæ-o hana, ne angu gba mæ-o hana, ne mabhundja gba mæ-o hana», amba <Mꝫ kunda la di kilí mꝫ, maka mo okunda limu lie makpe ko.† » ²⁸ Do Yesu pi ani me: «Mo ogie ndjindji. Mene moko, amba mꝫ sia mækobho na duduuma.»

²⁹ Engú bini, mæsuno na lílí-e ango-o adu akunda nasuno me engú inde ní ayi e, a ngingbili. Abhomu-o, ani atsia ayi Yesu me: «Kilí ma-a, a ko da?»

³⁰ Do Yesu pi ani me: «Kpála bini ayie nani bhú Yelusalema, ani adu akø ne abhú Djeliko. Lí kpadji-e, ani ati bhú 'kpa obhúlú 'zi inde adu agbúlú 'he gba okpála ne kpéke. U abha obongo gba ani-o. U abhi ani má kpú! U abha lio-o, u agbida. U atsia a'o ka ani masikpe de nakpi.

³¹ Dimandé bini adu apu lí kpadji ango-o. Ani au kpála ango-o lie mee, ani abúma bha ani lí pála kpadji koko, ani atsia atapa. ³² Kpála bini na piga gba Levi‡ akolo di lí bili lí kpála ango-o adu lie-o. Ani au ani lie, ani abúma bha ani lí pála kpadji koko, ani atsia atapa.

³³ Engú bini, kpála bini na ndu doto na Samalia inde adu naae bhú dhukú lí kpadji bhomu-o, akolo de ani. Ani au ani lie, ani adje ndjinga ani naali. ³⁴ Ani adyudyo lie de ani

† 10:27 10:27 Tsia bhú Det. 6:5; di ne bhú Lev. 19:18. ‡ 10:32 10:32 Piga gba Levi: A ko okpála inde a adu nani ateteke odimandé lí kulu bhú 'ngbé 'ti Ebhe gba omaYuda-o.

masikpe. Ani aha emu di ne vino, § ani atuko li djila oeka gba ani-o, ani atsia agbite ne papala bongo. Ani aha ani, ani a'o ani pi 'ngbu punda gba e-o. Ani anu ne ani bhú 'ti gba ogomago. Oo, ani atsia alila ani ndjindji. ³⁵ Li ekpi aseke lie, ani agbe li falanga bhisi, ani aha pi bhulü eti-o. Ani atsia apa pi ani me: «Lila kpála inde-e ndjindji. I du me mu nde apu tia koko pi ani pi bhende-e, ma agie pi mu ngama, nedhinga ma apu matá lie si ko.»

³⁶ Yesu atsia ayi muesuno bhomuo me: «Mo obhundja naamu pi? Bhú ká okpála bata bhomuo-o, a ko kpála bhedho adu nani kili kpála inde ati bhú 'kpa obhulü 'zi bhomuo?» ³⁷ Muesuno na lili-e agie me: «A ko bhende adje ndjinga ani-o.» Yesu atsia apa pi ani me: «Nunu, amba mu mene bhadi moko.»

Yesu anu natsia Malata ne Malia

³⁸ Li Yesu ne omukpata gba e adu lie li kpadji-e, ani ali bhú kuti bini. Oo, ole bini adu 'li ani me Malata, ani atsia asia Yesu agba e. ³⁹ Malata adu ne ndai e na ole bini, adu 'li ani me Malia. Malia adu naae kuto bhú li 'dhü Yesu, ani atsia adu adje engü inde li Yesu adu apa e ko. ⁴⁰ Bua Malata adu abhulá ka bhiti kulu-o. Ani ago de Yesu, ani atsia apa pi ani me: «Ngámá, li ndai ma a'o ka ma lie namene ndu kulu hana kpi ma kpi me-e, mu bhundja 'ngü téte bini di? Pa ngala pi ani me, ani go ha mbo 'kpa e muma.» ⁴¹ Ngámá agie pi ani me: «Malata, Malata, mu nga'o bua mu abhulá, mu la di ngatutu limu ngubula ongú bhelé. ⁴² La-a, a ndjindji ne koli 'he bini. Malia aha naae ehe inde ane ne bádha, inde li kpála bini dhépe e ka ani de.»

11

*Yesu asuno nakpokpo 'ngü ne Ebhe pi omukpata gba e-o
(Tsia bhú Mat. 6:9-13)*

§ **10:34** 10:34 Vino du di nani ngü nabhili okéké bhú djila eka.

¹ A adu ekpi bini, Yesu adu akpokpo 'ngü ne Ebhe li bili bini. Ani andjia lie, súka omukpata gba ani-e atsia apa pi ani me: «Ngámá, suno nakpokpo 'ngü ne Ebhe pi ya, maka li Djaa asuno di lie pi omukpata gba e ko.» ² Yesu atsia apa pi uo me: «Yi du akpokpo 'ngü ne Ebhe-e, yi de pa me:

«Dyi ya,
a ayo me, okpála mbila me, mu ne Ebhe na bubu;
a ayo me, mu go u Ngámá píla doto.

³ Ha ezü gba ya na ekpi bini ne bini-e pi ya.

⁴ Mbu li osisiti 'ngü gba ya ko.
A moko, ngaya makpe, ya ngambu di li osisiti 'ngü li okpála amene e li pabili gba ya ko.

Mo o'ó de me nale ha angu ya-a de.»

⁵ Yesu atsia apa matá pi uo me: «I du me súka yi bini nde ne kili e, ani nu bhaka ani agba e tutu sukpe ngü napa pi ani me: «Wai, ha mbo mapa muma bata. ⁶ Kilí ma bini inde bhú dholo ago li ma oo, ehe la ka ma ngü nahaha pi ani ade.» ⁷ I du me bhende abhú 'ti-e nde agie pi ani me: «Mo ondála ma de! Ma ani bhoti-e ani. Ngaya ne ongisi gba ma-a, ya asili kuto asili. Ma ti da nayie bhulá ngü naha mapa pi mu de.» ⁸ Ma apa pi yi na paká me, abana ani yie bhulá ngü nahaha pi ani kabula mukunda gba o-o de-e, engü bini, ani ayié bhulá ngü naha ndu 'he hana inde ani nde ne gumü e pi ani ka ani ngandala ani lie ko.

⁹ Ngama-a, ma atsia apa pi yi me, yi yo 'he inde yi nde ne gumü e-o, amba Ebhe ha pi yi. Yi gili 'he inde yi nde ne gumü e-o, amba yi u. Yi bhi bhoti-o, amba Ebhe 'u pi yi.

¹⁰ Padhá de, anga ndu okpála hana inde ngayo 'he ani nde ne gumü e, ani ngasisia. Kpála bhende ngagili 'he inde ani nde ne gumü e, ani ngauu. Ebhe nga'u bhoti pi kpála

bhende ngabhibhi-o. ¹¹ Bhú ká yi odyi ongisi-e, a ti da naha kpála pi ndili gba e da, i du me ndili-e nde ayo ka ani sungu-o?* ¹² I du me ani nde ayo ka ani pala 'ngu-o, ani tsia há pi ani apekebhe-e? ¹³ Belegu ngayi okpála na sisiti-e, yi ngaha babadha 'he pi ongisi gba yi-o. A ane la mane ne bádha pi 'Dyi yi inde abhúlá-a me ani ha Bu Bhopua pi obhende ngayoyo ka ani ko!»

Yesu agbe siti bua inde adu ani 'bhé kpála-o

(*Tsia bhú Mat. 12:22-30; di ne bhú Mlk. 3:22-27.*)

¹⁴ Yesu adu agbe siti bua inde adu ani 'bhé kpála bhú bhoko bini. Li siti bua ango-o akoto lie, kpála ango-o aholo agama 'ngú. Abhomu-o, bhti okpála inde adu oo angamba naali. ¹⁵ Okpála koko bhú ká uo atsia apa me: «Ngámá gba osisiti bua inde 'li e me Beledjebula ngaha angu pi ani ngae, ngú napandja osisiti bua ne di!»

¹⁶ Okoko adu agili nale ani. Abhomu-o, u atsia apa pi ani me, ani mene ngamba 'ngú ngú napana me, angu gba ani-e ngayie abhúlá.

¹⁷ Engú bini, Yesu ambila mabundja gba uo-o lie, ani atsia apa pi uo me: «I du me okpála gba ngámá bini nde ngagu gbele sunda o, nau ango-o lú-u de. Li ndu eti hana túko.

¹⁸ I du me omaha Satana nde ngagu gbele sunda o-o, nau gba ani-e ti da nalú lele pi? Padhá de, anga yi ngapa me, ma ngapandja osisiti bua ne angu gba Beledjebula. ¹⁹ I du me ma nde ngapandja osisiti bua ne angu gba Beledjebula-a, okpála gba yi-e ngapandja uo ne angu gba da? Kaka-a, okpála gba yi-e akódho 'ngú gba yi-e ngao! ²⁰ La-a, i du me ma nde ngapandja osisiti bua ne angu gba Ebhe na paká-a, apa bhomu-o me, Nau gba Ebhe-e akolo li yi akolo.

* **11:11** 11:11 U aye bhú obhuku koko-o me: «Teme i du me u nde ayo ka ani mapa.» † **11:24** 11:24 Mili bili: A ko bili inde li engu nde lie ade, li kpála ti da di nasi kuti lie de.

²¹ Li kpála bini na angu inde li tia 'gú nde ka e ndjindji, du alila eti gba e-e, ehe bini díla tia gba ani-e de. ²² Engú la bini, i du me kpála bini inde ane ani ne angu-o go, ani há egú pi ani, ani tsia há angu ani. Ani bhá ndu tia 'gú inde ani adu a'o bua e lie hana. Ani tsia gápa ndu 'he inde ani abha e ka ani-e hana.

²³ Kpála bhende pi ma ade-e, a ko yala ma. Kpála bhende i ha 'kpa e muma ngú napo bhúla okpála de-e, ani ngatsambala uo matsambala.»

*Siti bua ti da matá nagie lie
(Tsia bhú Mat. 12:43-45.)*

²⁴ «Li siti bua koto bhú kpála bini-e, ani ná ne djakadha abhú omili bili† ngú nagili bili naguo ka e téte. I du me ani nde u de-e, ani pá li bua e me: «Ma agié líma bhú 'ti gba ma inde ma akoto nako bhú e-o.» ²⁵ Ani gie lie oo, ani bháka me u apo bhú 'ti-o, u aleke ndjindji. ²⁶ Abhomu-o, ani ná, ani bhá osisiti bua koko mananika inde ane ani ne siti. U gie lio bhú dabili bini, u lí bhú 'ti-o, u tsia dílu. Pipitaa, mukobho gba kpála ango-o, kólo la matá sisiti naali ane bhende na kalanu-o mane.»

Djali na kukulu

²⁷ Nedhinga ani adu apa 'ngú bhomu-o lie, ele bini atsia asula pi ani bhú ká okpála me: «A ko djali pi ele inde azu mu-o, inde di mo ondjí 'ka e-o!» ²⁸ Engú bini, Yesu agie me: «A ko djali mangbo pi okpála inde ngadjé eli gba Ebhe di ne nalilila ko!»

Yesu ayala namene ngamba 'ngú pi okpála

(*Tsia bhú Mat. 12:38-42.*)

²⁹ Li bhti okpála ago apo bhúla o lie de Yesu-o, ani atsia aholo apa me: «Okpála na naki inde-e sisiti. U ngayo ngamba 'ngú. Engú bini, Ebhe méne ngamba 'ngú bini pi uo de, bha bini bhende

gba polofeta Djonasi. ³⁰ Padhá de, anga maka li Ebhe aha naní Djonasi lie ngú napana ngamba 'ngú pi okpála na Ninive-e, Ebhe ahá bhadi ma, Ndili gba kpála-a, ngú napana ngamba 'ngú pi okpála na naki moko. ³¹ Ngámá na eele inde adú atsia 'kpí li ndu doto na Saba ayie nani tsutsu ngú nago nadje oeli na imbilangú gba 'ngbé ngámá Salomo. Li Ebhe akódho 'ngú gba okpála lie, ngámá na eele ango-o alú kala okpála na naki, ani tsia a'ó 'ngú pi uo. Kaka-a, kpála bini si, ani ane Salomo mane! ³² Okpála na Ninive adjí nani bua o li nedhinga u adje ngali gba Ebhe inde li Djonasi adú akpokpo e lie-o. Li Ebhe akódho 'ngú gba okpála lie, okpála na Ninive alú kala okpála na naki, u tsia a'ó 'ngú pi uo. Kaka-a, kpála bini si, ani ane Djonasi mane!»

Nadú li zi 'kpí

(*Tsia bhú Mat. 5:15, 6:22-23.*)

³³ «I dú me kpála bini nde adhedhe eke-e, ani tó asa lusa de. Engú bini, ani 'ó pi 'he amba okpála inde ngali bhú 'ti-e, u u 'kpí téte ndjindji. ³⁴ Djila mu ne zi 'kpí na kute mu. Li djila mu dú ndjindji-e, ndú kute mu hana dú bhú zi 'kpí. Engú bini, li djila mu dú sisiti-e, ndú kute mu hana dú bhú biti. ³⁵ Tsia ndjindji me zi 'kpí inde bhú mu-o, adú biti de. ³⁶ I dú me ndú kute mu hana nde li zi 'kpí-e, yá mu bini nde bhú biti ade-e, kute mu libhomu dú li zi 'kpí, maka li zi 'ke ngaziga mu lie má ngilili ko!»

Yesu ambamba ta osisiti 'ngú gba omúFalisai di ne bhende gba omusuno na líli gba Moidje-o

(*Tsia bhú Mat. 23:1-36; di ne bhú Mlk. 12:38-40.*)

³⁷ Li Yesu andjia nagama 'ngú lie, muFalisai bini atsia a'i ani agba e ngú nazú 'he. Ani ali abhú 'ti gba muFalisai-o, ani atsia aholo nazú

'he-o. ³⁸ MuFalisai ango-o angamba naali, anga ani au me Yesu vúlú lie kala nazú 'he-e de.‡

³⁹ Abhomú-o, Ngámá Yesu apa pi ani me: «Ngayi omúFalisai-e, yi ngavulú kute pápá di ne kute saani. Engú la bini, ngayi-e, yi abedhe ne 'ngbé bua di ne siti bua bhú yi bedhe. ⁴⁰ Imbilangú bhú yi ade! Ebhe inde abho kute-e, ani bho di bua ngae di? ⁴¹ Kaka-a, yi ha mangbo pi obhulú ndibhili ehe bhende bhú opápá di ne bhú osaaní gba yi ko. Yi mene mo-o, li ndú 'he hana kólo pi yi babadha.

⁴² La-a, a ko likabhu pi yi, omúFalisai! Padhá de, anga yi ngaha bini bhú ká ndjikpa na oulu na sese ne ndú djedje ulu na abhú 'dyi-e hana pi Ebhe. La-a, yi mene engú na ngingbili pi okpála de. Yi kunda la di Ebhe de. A la bhomú-o engú inde ayo me yi mene ngaiza e me, yi nde 'ili 'to yi li naha bini bhú ká ndjikpa na oehe gba yi-e pi Ebhe de ko. ⁴³ A ko likabhu pi yi, omúFalisai! Padhá de, anga yi kunda bha nadulú pi dabili na akalanú bhú otí nadje líli gba Moidje. . Yi kunda la di me okpála dú ne yiyi yi maka ongámási li ohi-kpadji. ⁴⁴ A ko likabhu pi yi! Padhá de, anga yi maka olata inde u 'o 'he pi e ngú nasusuno de, li okpála ngadhwukú pi e me u nde mbila de!»

⁴⁵ Suka omusuno na líli-e apa pi ani me: «Músuno, mo opa lie mo-o, mo osobho di bhomú-o ya.» ⁴⁶ Yesu atsia agie me: «A ko di likabhu pi yi, omusuno na líli! Padhá de, anga yi ngamene mugito me yi nga'o titili 'he li 'ngbu okpála. Engú la bini, ngayi makpe-e, yi 'o belegú likpa yi bini téte ngú nateteke uo de. ⁴⁷ A ko likabhu pi yi! Padhá de, anga yi ngaleke olata opolofeta, inde li ogbi yi abhili nani o-o! ⁴⁸ Yi ngapana bhomú-o me, yi aziba engú inde li ogbi yi amene nani e ko. Padhá

‡ **11:38** 11:38 OmúFalisai adú nani navulú lio kala nazú 'he ngubula nasuno me o naao ne obabadha okpála kala Ebhe.

de, anga ngauo-o, u abhili opolofeta, ngayi-e, yi la ngaleke olata uo!

⁴⁹ Kaka-a, Ebhe ne imbilangü gba e, apa li 'ngú gba yi-e me: «Ma atíma opolofeta di ne obhülü titima pi uo. U abhili okoko bhú ká uo, u tsia méne okoko sisiti.»

⁵⁰ Nayie maka li Ebhe abho nani doto lie, okpála atuko ngute opolofeta bheldé. Kaka-a, okpála na naki abi mangimbo ango-o ngao.

⁵¹ Kalanu-o, u abhélé Abele. Ali soso-o, u abhélé Djakalia bhú mbadhasu na 'ngbé 'ti Ebhe gba omaYuda, sunda bili natsulu enü pi Ebhe ne titina na bubu-o. Ma apa pi yi na paká me, okpála na naki abi mangimbo na ngute okpála bhomu-o hana ngao!

⁵² A ko likabhu pi yi, omusuno na líli! Padhá de, anga yi ani bhoti na imbilangu-o. La ngayi makpe-e, yi li de. Yi atsia ani la di bhoti ango-o pi obhende akunda nali-o.»

⁵³ Li Yesu ayie lie li bili bhomu-o, omusuno na líli ne omuFalisai aholo napadha ani. U atsia aholo ayiyi ani li ongú bheldé bheldé. ⁵⁴ Padhá de, anga u adu agili nagbo ani li 'li e.

12

*Yi du apa 'ngú mbámbá, yi adú ne tsulu de
(Tsia bhú Mat. 10:26-27.)*

¹ Nedhinga bhomu-o, bhti okpála apo bhúla o de Yesu. U adu bhibhti naali, kaka-a, u adu adedele 'du obi o. Abhomu-o, Yesu atsia aholo napa ngaiza pi omukpata gba e me: «'E-e! Yi lila liyi ka levile gba omuFalisai-e uu! Padhá de, anga u ngali bhú ndu ongú hana ne kali gba o-o maka li levile* ngali bhú mapa lie hana ko. ² Ndu 'ngú inde awo lie mawo-o hana, akóto bhú mbasu. Ndu 'ngú inde na pepe hana, ndu okpála hana ambíla. ³ Kaka-a, ndu 'ngú inde yi apá e sukpe-e hana, okpála adjé ne ngbikpi. Ndu 'ngú inde yi apá e

bhú tipele abhú 'ti-e hana, okpála asúsula ne di bhú mbasu.»

*Kpála inde a ayo me yi kpe e ko
(Tsia bhú Mat. 10:28-31.)*

⁴ «Ma apa pi yi, ngayi ondaise ma me: yi akpé okpála bhende ngabhéle kute-e de, inde pipita-a, i ti da matá namene 'he bini de ko. ⁵ Ma asúno pi yi kpála inde a ayo me yi kpe e ko. Yi kpe Ebhe inde ka e ne angu ngú nabhili okpála. Pipita-a, ani ti da nabu uo bhú djua na duduwa. A moko, ma apa pi yi me: yi kpe mangbo ani!»

⁶ U tsitsindji odjedje odhu bhulu-vue ngubula senge bhisi di? La-a, Ebhe 'ili 'to e li súka uo bini de. ⁷ Ebhe mbila belegü alo na sundjo yi-e hana. Yi adjé tsulu de, bhú djila Ebhe-e, yi ane bhti odjedje 'du bhomu-o mane!»

*Okpála ayála Yesu-o, Yesu ayála di uo
(Tsia bhú Mat. 10:32-33, 12:32.)*

⁸ «Ma apa pi yi me: kpála inde apá li ma bhú ká djila okpála me ni ne naama kpála-a, ngama, Ndili gba kpála-a, ma apá bhadi li ani bhú ká djila oandjelu gba Ebhe-e me, a ko naama kpála. ⁹ Engú bini, kpála inde apá li ma bhú ká djila okpála me ni mbila ma de-e, ngama, Ndili gba kpála, ma apá bhadi li ani bhú ká djila oandjelu gba Ebhe-e me, ma ambila ani de.

¹⁰ I du me kpála bini nde apa siti 'ngú li kute ma, Ndili gba kpála-a, li Ebhe mbú li ani. I du la me kpála bini nde asobho Bu Bhopua-a, Ebhe mbú li ani de.

¹¹ Nedhinga u anú lie ne yi bhú otí nadje líli gba Moidje, di ne kala ongámási inde ngatsia 'kpí li doto me u kodho 'ngú gba yi-e, yi adjé tsulu de me yi akóbho li mangua kpadji dho-ie de, di ne me yi apá pi-ie de. ¹² Padhá de, anga li nedhinga bhomu-o, Bu Bhopua asúno pi yi ngae engú inde a ayo me yi pa e-o.»

* ^{12:1} 12:1 Li bili inde-e, levile ngasuno ehe na sisiti.

Mukobho gba kpála ane tia

¹³ Abhomu-o, kpála bini bhú ká okpála apa pi Yesu me: «Músuno, pa pi ndai ma me aní ha naama tia na libhondi 'dyi ya-a muma haha.»

¹⁴ Yesu agie pi aní me: «Wai, a'o ma kpála nakodho 'ngú di ne nagbogbo bhúsú otia gba yi-e da?» ¹⁵ Aní atsia apa pi ndú uo hana me: «E-e! Yi lila liyi ka gúmu tia na doto uu, anga belegu li tia du bha ka kpála bhelé-e, mukobho gba aní-e dú bhúbhú de.»

¹⁶ Abhomu-o, aní atsia akpokpo gbitaku inde-e pi uo me: «Kpála bini na tia adú nani ne odyi bhelé inde aha nguwa pi aní naali. ¹⁷ Aní adú ayi li bua e me: <Ma améne si pi? Dabili ka ma ngú nalila nguwa gba ma-a téte hana ade.»

¹⁸ Pipita-a, aní me: <Ma ambila engú inde ma améne e ambila! Ma apándjala ongbokopi gba ma-o, ma ayíki ibili obhe na ngbengbengbe. Ma bú nguwa ne otia gba ma-a hana bhúbhú. ¹⁹ Abhomu-o, ma tsia pá li bua ma me, tia ka ma bhelé ngúbulu bhti kalanga. Ma guo ngala mbo guguo. Ma zu babadha 'zu, ma ndji pandi, amba ma kpi djali.» ²⁰ Engú bini, Ebhe pi aní me: <Mu ne ngingi! Sukpe na naki-e, mu ngakpi. Ndú 'he inde mo opo bhúla e hana-a atígalá pi da?» ²¹ Yesu apa matá me: «A bhadi moko pi kpála inde ngapo bhúla tia pi e makpe, me aní nde gili nadú bhúlu tia li pápá gba Ebhe de ko.»

Yi ha liyi pi Ebhe

(Tsia bhú Mat. 6:25-34.)

²² Pipita-a, Yesu atsia apa pi omukpata gba e me: «Kaka-a, ma apa pi yi me: yi akína liyi ngúbulu ezu inde yi nde ne gúmu e ngú mukobho gba yi-e de. Yi akína di liyi ngúbulu obongo inde yi nde ne gúmu e ngú kute yi-e de. ²³ Padhá de, anga mukobho gba yi-e ane ezu. La di-e, kute yi ane bongo. ²⁴ Yi tsia nga odhu, u lulu 'dyi de. U popo bhúla nguwa de. Dabili ngú naleke

'zu ka uo téte ade. Ngbokopi ka uo ade. La-a, Ebhe ngakú uo! Mukobho gba yi-e, ane bhe gba odhu-o tsutsu naali!

²⁵ A ko da bhú ká yi-e, inde ka nakina lie, i ti da nadyudyo ekpí na mukobho gba e nga bha mbo ne ekpí bini-e? ²⁶ I du me yi nde ti da namene belegu de mboyé ehe bhomu-o, yi la ngakina liyi ngú ongú koko ka ni? ²⁷ Yi tsia nga ofelele abhiye. U memene kulu de. U dudu bongo de. Ma apa la pi yi me, belegu 'ngbé ngámá Salomo bhú ndú ká tia gba e hana-a, aní sia bongo bini ane ne bádha maka susuка de. ²⁸ I du me Ebhe nde ngadyi bongo li ulu inde naki abhiye, mambi u tsia bhíke e bhú djua-a, aní ti da nadyi bongo li yi ane mane di? Ngayi okpála inde li nabhuka gba yi-e nde yeye!

²⁹ Kaka-a, yi a'o bua yi abhúlá ngú nagili ezu inde yi azú e, ne ehe bhende yi andjí e de. ³⁰ Omúpagano, okpála na doto inde-e, u ngagili ehe bhomu-o ndú 'kpí hana ngao. Engú bini, 'Dyi yi Ebhe mbila hana me yi ne gúmu. ³¹ Yi gili nga mangbo namene ongú inde li Naú gba Ebhe-e akunda e ko. Yi mene mo-o, li Ebhe tsia há di ndú 'he koko pi yi hana pépé.»

Yi wo tia gba yi-e abhúlá (Tsia bhú Mat. 6:19-21.)

³² «Ngayi okpála gba ma, inde bhelé ade-e, yi adjé tsúlu de. Padhá de, anga 'Dyi yi Ebhe au ndjindji me yi du ongámási bhú Naú gba aní-e, maka ngaani 'Dyi yi, ni nde lie ne Ngámá ko. ³³ Yi tsindji ohe gba yi-o, amba yi ha tiatia, yi ha pi obhúlu ndibhili. Yi bho pi yi otí bongo inde i kádha de. Yi wo tia gba yi-e abhúlá, li bili i siti lie de. Obhúlu 'zi ti da nakolo téte de. Okéké ti la di da nazuzu de. ³⁴ Padhá de, anga bili inde li tia gba yi-e nde lie, bua yi bhadi oo ko.»

Okpála na kulu inde i ngalila

³⁵ «Yi du bedhe ngúbulu kulu maka kpála inde adyi bongo na

kulu, ani atsia adhedhe eke gba e madhedhe.³⁶ Yi du bedhe maka okpála inde i ngadjeke ngámá gba o me, ani nde atapa bhú anokomia na kúva. U ngadjeke me u 'u bhoti-e pi ani má gala, li nedhingga inde ani agó nabhibhi lie ko.³⁷ A ko djali pi okpála na kulu inde li ngámá gba o akólo lie, ani bháká me u nde la de ko! Ma apa pi yi na paká me, ani dyí bongo na kulu gba e-o, ani 'í uo ngubula nazu 'he. Ani tsia há ezú-o pi uo.³⁸ A ko djali pi uo, i du me ani nde abhaka me u nde la de ko, belegü ani go tutu sukpe, belegü ani go bhú síkíkpi!³⁹ Yi mbila ndjindji me, i du me bhulü eti mbila nedhingga inde li bhulü 'zi agó lie mambila-a, ani de 'ó de me ani li abhú 'ti gba ni-e de.⁴⁰ Ngayi di-e, yi du bedhe. Padhá de, anga yi mbila nedhingga li ngama, Ndili gba kpála-a, ma agó lie de.»

Kpála na kulu na ngingbili di ne kpála na kulu na sisiti

(Tsia bhú Mat. 24:45-51.)

⁴¹ Abhomú-o, Piele atsia ayi ani me: «Ngámá, mo opa gbitaku inde-e bha bini pi ya kpi ya kpi? Ne me, mo opa pi ndu okpála hana.»⁴² Ngámá agie pi ani me: «Kpála na kulu na ngingbili ne imbílangú-o, a ko bhedho? A ko kpála bhende li ngámá gba e a'o e ngú nalila eti gba e-o, di ne nagapa ezú pi okpála koko na kulu, i du me nedhingga ango-o nde akolo-o. ⁴³ A ko djali pi kpála na kulu ango-o, i du me ngámá gba ani-e nde agie lie agba e, ani tsia bhaka me ani nde ngamene kulu gba e ko! ⁴⁴ Ma apa pi yi na paká me, ngámá bhomú-o 'ó ani pi 'ndji ndu 'he gba e hana. ⁴⁵ Engú bini, i du me kpála na kulu ango-o nde apa li bua e me: <Ha-a! Ngámá gba ma-a gó má gala de.> Ani hólo nabhi obi e na obhosibhosí di ne obhe na olisilisi-o. Ani hólo nazu 'he, nandji pandi ne nalangba ne di. ⁴⁶ Ngámá gba

^{† 12:46} 12:46 U aye bhú obhuku koko-o me: «U kókodho bhúsú ani má mbi mbi mbi!» ^{† 12:53} 12:53 Tsia bhú Mik. 7:6.

ani-e gie lie li ekpí ani djeke ani lie de, li nedhingga inde ani mbila e de. Ngámá gba ani-e 'é ani bhú kulu, ani tsia 'ó ani bhú ká okpála na sisiti.[†]

⁴⁷ I du me kpála na kulu nde ambila engú li ngámá gba e akunda e, engú bini ani tsia leke lie ngú namemene maka li ngámá ango-o akunda lie de-e, kaka-a, u bhí ani naali. ⁴⁸ La-a, i du me kpála na kulu nde mbila 'ngú li ngámá gba e ngakunda e de-e, ani mene engú inde a ayo me u bhi ani ka e, u bhí ani naali de. Padhá de, anga kpála bhende u aha 'he pi e bhelé-e, u ayó bhadi 'he ka ani bhelé. Kpála bhende u a'o 'he sa 'kpa e bhelé-e, u ayó matá ehe ka ani pépé ane mane.»

*Yesu ago ngú nagbogbo bhúsú
okpála*

(Tsia bhú Mat. 10:34-36.)

⁴⁹ «Ma ago ngú nabhike djua píla doto. Ma akunda me adu atsi matsi!

⁵⁰ A ayo me ma sia batismo na likabhu. La-a, likabhu li bua ma naali akólo li 'kpí inde ma asia lie ko!

⁵¹ Yi abhundja naayi me ma ago ngú na'o guo 'ngú píla doto? Ma apa pi yi me, a mo-o ade. Ma ago mangbo ngú nagbogbo bhúsú okpála. ⁵² Nayie pi mbia inde-e, piga bini na okpála bhuluvue agbó bhúsú e, bata ayála bhisi, li bhisi yála bata.

⁵³ 'Dyi ndili ayála ndili na bhobhoko gba e-o,

li ndili-e yála 'dyi e.

'Hi ndili ayála ndili na eele gba e-o,
li ndili-e yála 'hi e.

Ogbi na eele ayála ele gba ndala e,
li ele gba ndili-e yála ogbi e. [†]

*Yi mbila engú inde ngakodho 'kpí
mbia inde-e ko*

(Tsia bhú Mat. 16:2-3.)

⁵⁴ Yesu apa matá pi okpála me: «Yi u me ebha ngago ne kati, yi kolo pá me: <Ebha inde-e adhí madhi.» I tsia méne la bhadi lie moko.⁵⁵ Yi dje anví me a nde ngayie li pápa

na yoyoko, yi pá me: «Ekpí-e akpá naali.» I tsia méne la bhadi lie moko. ⁵⁶ Ngayi obhulu kali inde-e! Yi mbila engú inde ngakodho 'kpí abhúlá ne bhende píla doto-o hana. La ka ni, yi kunda nambila engú inde ngakodho 'kpí li nedhinga inde-e lie de-e?»

Yi dje liyi ne kpála inde yi nde ne e bhú 'ngú ko

(*Tsia bhú Mat. 5:25-26.*)

⁵⁷ «Ka ni, ngayi makpe, yi mbila nakodho 'ngú na ngingbingbili inde ayo namene e lie de-e? ⁵⁸ I du me yi nde bhú 'ngú ne kilí mu-o, ani du anú ne mu bhú djila okpála nakodho 'ngú-o, mu de mene ne kpéke me yi dje liyi ne ani li kpadijí. Mu ngakpe bhomu-o me, ani anú ne mu pi kpála nakodho 'ngú-o de. Li kpála nakodho 'ngú-o há mu pi osudha de. Li osudha-a tsia bhíke mu bhú tikipu de. ⁵⁹ Ma apa pi mu me, mu kóto bha oo me, mu nde agie ndu bopulu gba mu-o hana má kpékébhé!»

13

Ebhe nga'i okpála me u dji bua o

¹ Abhomu-o li nedhinga ang-o-o, okpála koko ago akpokpo pi Yesu me: «Pilate abhili okpála koko na Galilaya me u nde ngatsulu enu pi Ebhe.» ² Ani agie pi uo me: «Yi abhundja naayi me, i du me Pilate nde abhili uo mo-o, a akunda napa me u adu sisiti ane ndu okpála koko na Galilaya hana? ³ Ma apa pi yi me, a mo-o ade. Engú bini, i du me yi nde dji bua yi de-e, ndu yi hana, yi amú bhadi maka uo. ⁴ Yi bhundja okpála ndjikpa ne ká madjina nani li 'ndjá 'ti na Silue abhili o-o. Yi abhundja naayi me u adu nani sisiti ane ndu okpála koko na Yelusalema hana? ⁵ Ma apa pi yi me, a mo-o ade. Engú bini, i du me yi nde dji bua yi de-e, ndu yi hana, yi amú bhadi maka uo.»

Ndula na figi inde i li lili de

⁶ Pipita-a, Yesu atsia apa gbitaku inde-e pi uo me: «Kpála bini alu

nani ndula na figi bhú edyi gba e na vino. Ekpí bini, ani ago nagili lili bhúbhú. La-a, ani u belegu de bini. ⁷ Abhomu-o, ani atsia apa pi kpála na kulu gba e me: «Tsitsia nga, a ko mbila inde-e kalanga bata, ma ngago agili lili bhú ndula inde. La-a, ma u belegu de bini. Dede! A ngangi bili padhá ka ni?» ⁸ Engú bini, kpála na kulu-o agie pi ani me: «Ngámá, 'o nga matá ndula ang-o-o li kalanga inde, amba ma dji doto bhú lili ngbalina, ma tuko doto na eká bhúbhú. ⁹ Koko bhú kalanga na sidi-e, i lí lili. I du la me a nde li lili de-e, mu tsia dé.»»

Yesu akobho ele bini na kuo bhú 'kpí naguo gba omaYuda

¹⁰ Li 'kpí bini naguo gba omaYuda, Yesu adu asuno bhú 'ti nadje lili gba Moidje-o. ¹¹ A abhaka me ele bini na kuo nde oo. Súnda kalanga ndjikpa ne ká madjina, siti bua adu bhú ani. Siti bua ang-o-o atsia adu anu 'ngbu ani. Kaka-a, ani ale nani nali lie pima. ¹² Li Yesu au ele ang-o lie, ani a'i ani. Ani atsia apa pi ani me: «'Hi ma, kuo gba mu-o ayie.» ¹³ Ani abu 'kpa e pi ani, kolo má gala me-e, ani ali lie má ngubuu! Ani atsia aholo nadhögé Ebhe.

¹⁴ Engú bini, ngámá na eti nadje lili-e ake 'ngú lie naali, ka li Yesu akobho kpála lie bhú 'kpí naguo-o. Do ani pi okpála inde adu oo me: «A ne 'kpí madhia ngú namene kulu. Yi go li okpí bhomu-o, ngubula me u kobho yi ne okuo gba yi ko. Engú bini, yi agó bhú 'kpí naguo de!» ¹⁵ Abhomu-o, Ngámá Yesu atsia agie pi ani me: «Yi ne obhulu kali! Li 'kpí naguo-o, yi bhuhulu bagala di ne punda gba yi-e bhú 'ti o, ngú nanu ne uo me u ndji 'ngu di? ¹⁶ Ele inde-e, ani bhú piga gba Abalahama. Satana agbite ani kalanga ndjikpa ne ká madjina. A ayo de me u bhulu ani li 'kpí naguo di?» ¹⁷ Li Yesu agie pi uo lie mo-o, ndu obhulu yala gba ani-e hana atsia asia námu. Engú

bini, ndu okpála hana adu akpi djali ka ndu obabadha kulu hana inde ani adu amene e ko.

*Gbitaku pindji lí ndula u a'i e me mütadi
(Tsia bhú Mat. 13:31-32; di ne bhú Mlk. 4:30-32.)*

¹⁸ Abhomu-o, Yesu atsia apa me: «Na gba Ebhe-e, a maka ni? Mata da napapana li ni? ¹⁹ A maka lí ndula na mütadi. Kpála bini aha, ani alu bhú 'dyi gba e-o. A aké, a akolo 'ngbé ndula. Odhu atsia ayiki 'ti o bhú oyáyá ko.»

*Gbitaku pindji levile
(Tsia bhú Mat. 13:33.)*

²⁰ Do Yesu matá me: «Ma ti da napana Na gba Ebhe-e li ni? ²¹ A maka levile inde li ele bini aha e. Ani atsia akpedhélé ne bhti faline akolo li nedhinga li faline hana afúka lie ko.»

*Yi li li bhoti na yeye
(Tsia bhú Mat. 7:13-14, 21-23.)*

²² Yesu aholo 'nú bhú Yelusalema. Li ani adu anu lie oo, ani adu apu bhú ogudhu ne bhú okuti me ani inde ngasuno Bádha Ngali pi okpála. ²³ Kpála bini ayi ani me: «Ngámá, Ebhe akóbho bha okpála masudha?» Abhomu-o, Yesu atsia agie pi uo me: ²⁴ «Yi mene ne kpéke me yi li li bhoti na yeye-o. Padhá de, anga ma apa pi yi me, okpála bhelé agili me ni li, engú la bini u alé pima.»

²⁵ A maka me li nedhinga li bhul 'ti-e ayie bhulá lie, ani ni bhoti-o. Pipita-a, yi dulu akilidjo. Yi hólo nabhi bhoti-e me yi nde ngapa me: «Ngámá, 'u bhoti-e pi ya.» Ani tsia gie pi yi me: «Ma mbila bili li yi ayie lie de!» ²⁶ Abhomu-o, yi tsia pá pi ani me: «Ní azu nani 'he, ní andjì di pandi ne yi bhú dabili bini. Mo otsia asuno li okpadji gba ya-o.» ²⁷ Ani tsia gie pi yi me: «Ma mbila bili li yi ayie lie de. Ngayi osisiti okpála, yi yie de ma oo ko!» ²⁸ Nedhinga yi au Abalahama, Isaka, Yakobho

† 13:35 13:35 Tsia bhú Djlm. 22:5; di ne bhú Ets. 118:5.

di ne ndu opolofeta hana lie bhú Na gba Ebhe-e, li Ebhe tsia bála la naae yi akilidjo! Oo, yi adú aku 'gbá di ne nazu tate yi. ²⁹ Okpála ayie ne 'dje doto badha hana, u tsia gó bhú anokomia bhú Na gba Ebhe ko. ³⁰ Abhomu-o, okpála koko inde asidi mbia inde-e, u akolo akalanu. Li obhe koko inde akalanu mbia inde-e, u tsia kólo asidi.»

*Yesu li kpadji na Yelusalema
(Tsia bhú Mat. 23:37-39.)*

³¹ Li nedhinga ango-o, omuFalisai koko ago apa pi Yesu me: «Yie si mayie, anga ngámá Elode ngakunda nabhélə mu.» ³² Yesu atsia agie pi uo me: «Yi nu pa pi bhul kali maka nekpe bhomu-o me: «Ma ngapandja osisiti bua bhú okpála. Ma di ngakobho okpála na kuo naki di ne mambi. Ma tsia ndjia kulu gba ma-a bhú 'kpí na bata.» ³³ Engú bini, a ayo me ma kpata kpadji gba maa, naki, mambi di ne ekpí na bata. Padhá de, anga a ayo de me, okpála bhéle polofeta li bili koko de, bha bini abhú Yelusalema.

³⁴ Aa! Ngayi, okpála na Yelusalema-a, yi ngabhili opolofeta! Yi la di ngabhili ne teme okpála inde li Ebhe atima o agba yi-o! A ko bhutsibhutsi madho ma akunda napo bhúla yi maka li 'hi 'ngu apopo bhúla ongisi gba e lie sa mbudha e-o. La-a, yi tsia kunda de! ³⁵ Mbia inde-e, kuti gba yi-e atigala padhá. Ma apa pi yi me, yi ú matá ma belegu de bini akolo li nedhinga inde yi apá lie me: «A ayo me Ebhe tuko bisagu pi kpála inde ngago ne 'li ani ko!†»

14

Yesu akobho kpála na kuo li 'kpí naguo gba omaYuda

¹ A akolo ekpí bini, ekpí naguo gba omaYuda-a, Yesu anu nazu 'he agba súka ongámási gba omuFalisai-o. Okpála inde adu oo adu atsia Yesu ne kpéke djila. ² Abhomu-o, kpála

bini inde li kute e asisika ne engu adu kala ani. ³ Yesu ayi omusuno na lili gba Moidje ne omu Falisai-e me: «Lili gba ni aziba nakobho kpala li 'kpí naguo? Ne me a ziba de.» ⁴ Engú bini, u andjili bha má bulu! Abhomu-o, Yesu aha 'kpa bhulukuo-o, ani akobho ani. Ani atsia apa pi ani me ani gie lie agba e. ⁵ Pipita-a, ani pi uo me: «Belegu li 'kpí naguo-o, li suka ongisi gba yi na bhosibhos-e,* i du di-e suka bagala gba yi-e ti bhú 'dú 'ngu-o, yi kolo gbé ani má gala! A mo-o adi?» ⁶ U mbila engú bini inde u agie e téte-e de.

Yi ke liyi ne kuto

⁷ Yesu au me okpala inde u a'i o-o ngadulu pi odabili na akalanu. Abhomu-o, ani atsia apa gbitaku inde-e pi ndu uo hana me: ⁸ «Li kpala bini 'i mu bhú anokomia na kúva-a, mo oná adu pi dabili na akalanu de. Padhá de, anga mu mbila de me, u a'i kpala koko inde ane mu mane e-e de. ⁹ I du mo-o, li kpala inde a'i ndu yi bhisi hana gó pa pi mu me: <O ka dabili bhomu-o pi ani.> Abhomu-o, mu ná ne numu hana, mu tsia dú asidi. ¹⁰ Engú bini, li kpala bini 'i mu bhú anokomia-a, mu de nu du pi dabili na asidi, amba li kpala inde a'i mu agó lie, ani de pa pi mu me: <Ndai ma, dyudyo limu-ne akalanu.> Li ndu okpala bhende yi ngazu 'he ne o-o hana, tsia ú mu me, mu ne 'ngbé kpala. ¹¹ Padhá de, anga i du me kpala nde nga'o lie ne abhulá-a, li Ebhe kó ani ne kuto. I du la me kpala nde nga'o lie ne kuto-o, li Ebhe 'e'e ani ne abhulá.»

A ayo na'i da bhú anokomia gba mu-o?

¹² Pipita-a, Yesu apa pi kpala inde a'i ani-e me: «Li mu 'i okpala ngú nazu 'he tulukpe, i du di-e tagolo-o, mo o'í obi mu de. Mo o'í ondaise mu de. Mo o'í la di okpala na tia inde asili kuti lingo mu-o de. Padhá de,

anga ngauo-o, u 'í di mu li 'kpí koko, u tsia gie ehe inde mo omene e pi uo-o pi mu. ¹³ Engú bini, li mu 'i okpala bhú anokomia-a, 'i obhulukdibhili. 'I okpala na eze. 'I obhende ne eze li 'dhú o-o di ne obhende i u 'kpí de ko. ¹⁴ Mu mene mo-o, mu dú ne djali, anga u ti da nagie 'he bini pi mu de. Ebhe agié pi mu li 'kpí li okpala na ngingbili-e azúku lie ko.»

Gbitaku pindji 'ngbé anokomia (Tsia bhú Mat. 22:1-10.)

¹⁵ U adje 'ngú bhomu-o lie, suka okpala inde adu azu 'he bhú dabili bini ne Yesu-o atsia apa pi ani me: «A ko djali pi kpala inde azú anokomia bhú Nau gba Ebhe-o !» ¹⁶ Do Yesu pi ani me: «Kpala bini amene 'ngbé anokomia. Ani atsia a'i okpala bheldé ngángá. ¹⁷ A akolo lie li nedhinga nazu 'he-e, ani atsia atima kpala na kulu gba e ngú napa pi okpala inde ani a'i o-o me: <Ezú-o abhu, yi gógo.> ¹⁸ Kpala ne kpala aholo ayo ka ani me ani mbu li ni. Bhe na kalanu-o apa pi ani me: <Ma akala edyi, a ayo me ma nu natsitsia. Ma ayo ka mu me mbu li ma.> ¹⁹ Koko apa pi ani me: <Ma akala obagala ndjikpa ngubula kulu na edyi. Ma adjale uo. Ma ayo ka mu me mbu li ma.> ²⁰ Koko atsia apa matá me: <Ma aha ele mbia inde. Kaka-a, ma ti dá nanu-u de.›

²¹ Kpala na kulu-o agie lie agba ngámá gba e-o. Ani atsia akpokpo 'ngú bhomu-o pi ani. Abhomu-o, ngámá-a aholo ake 'ngú lie. Ani atsia apa pi kpala na kulu gba e me: <Nu má gala bhú odaposo, di ne li okpadji. 'I obhulukdibhili. 'I okpala na eze. 'I obhende i u 'kpí de, di ne obhende ne eze li 'dhú o-o.> ²² Pi nedhinga masudha-a, kpala na kulu ago, ani atsia apa me: <Ngámá, ma amene lili gba mu-o amene. Engú bini, dabili nga bha uu.> ²³ Abhomu-o, ngámá atsia apa pi kpala na kulu gba e me: <Nu li okpadji 'dyi, lingo

* ^{14:5} 14:5 Ongisi na obhosibhos: Bhú obhuku koko-o u aye me «punda.»

oaga na edyi, mba okpála ne kpéke, amba eti gba ma-a bedhe bedhe.
24 Padhá de, anga ma apa pi yi me, okpála inde ma a'i o kalanu-o, súka uo bini zú anokomia gba ma-a de!»

*Yi 'o ka ndu 'he hana ngú nakpata
Yesu
(Tsia bhú Mat. 10:37-38.)*

25 Ekpí koko-o, li okpála bhelé adu adhukú lie bhú dabili bini ne Yesu-o, ani adji bhúla e li pápá gba uo-o, ani atsia apa pi uo me: **26** «Kpála inde akunda akpata ma-a, a ayo me ani yala 'dyi e ne 'hi e. Ani yala wala e ne ongisi gba e-o. Ani yala ondaise e na obhosibhosí, di ne obhende na olisilisi, amba ani yala belegú mukobho gba e makpe ko. I du mo-o de-e, ani tí da nadu mukpata gba ma-a de. **27** Kpála inde i kunda nabi kulusi gba e de-e, inde i kpata ma de-e, ani tí da nadu mukpata gba ma-a de.

28 I du me súka yi nde akunda nayiki 'ngbé 'ti-e, ani dú ngaiza kuto. Ani tsia hólo nabhundja ngú nambila me tia ka ni bhelé ngú nandjia kulu ango-o. **29** I du mo-o de-e, ani 'o 'dhú 'ti-e, pipita ani tsia ndjia eti-e de-e, ndu okpála hana inde aú-o, u hólo namu ani. **30** U tsia dú apa me: <Yi tsia nga kpála inde, ani akpo nako lita nayiki eti. Engú bini, ani ndjia de!> **31** A bhadí moko, i du me 'ngbé ngámá bini nde akunda nagú 'gú ne 'ngbé ngámá koko, ani dú ngaiza kuto. Ani holo nabhundja ngú nambila me, ne okpála kutu ndjikpa-a, ni tí da nagú 'gú ne 'ngbé ngámá inde ka e ne okpála kutu ndjikpa bhisi-o. **32** I du mo-o de-e, ani tíma obhulú titima pi 'ngbé ngámá ango-o nedhinga ani nde nga bha lie tsutsu-o. Ani tsia yi ani me: <A ayo namene pi ngubula me egú adú-u de-e?> **33** Abhomu-o, Yesu atsia apa matá me: «Súka yi bini ti da nadu mukpata gba ma-a de, i du me ani nde 'o ka ndu 'he gba e hana de ko.»

*Ngutu inde akolo padhá
(Tsia bhú Mat. 5:13; di ne bhú Mlk. 9:50.)*

34 «Ngutu ne bádha 'he. Engú bini, i du me kpokpo nde andjia bhúbhú andjia, u tí da nagie matá kpokpo bhúbhú ne ni? **35** A belegú ndjindji ade ngú doto di ne ngú nalu 'zu. U bála bha ibili akilidjo. Kpála inde ne 'dje 'dje ngú nadje 'kpí-e, ani djedje!»

15

*Gbitaku gba kandolé inde angita,
u atsia au matá e
(Tsia bhú Mat. 18:12-14.)*

1 Ekpí bini, ondembí na mandjandja di ne okpála na sisiti ago ndu o hana de Yesu ngú nadje ani. **2** OmúFalisai ne omúsunu na líli gba Moidje adu adi ani. U adu apa me: «Kpála inde-e ngasia okpála na sisiti. Ani la di ngazú 'he ne uo bhú dabili bini!»

3 Abhomu-o, Yesu atsia apa gbitaku inde-e pi uo me: **4** «Kpála bini bhú ká yi ne okandolé kámá bini. Li súka uo bini ngita-a, ani mene pi? A na paká me, ani 'ó ká obhende ndjikpa odukpabini ne ká odukpabini-e li bili nazú 'he ka oo. Ani tsia nú nagili bhende angitaa, akólo li nedhinga inde ani aú ani lie-e ko. **5** Li ani au ani lie, ani bédhe ne djali bedhe. Ani há kandolé-o, ani 'ó ani pi de-ngulú e. **6** Ani gie lie agba e. Pipita-a, ani 'í obi e ne okpála inde asili kuti de ani-o. Ani tsia pá pi uo me: <Yi kpi djali bhú dabili bini ne ma, anga ma au kandolé gba ma inde angita nako au!> **7** Yesu atsia apa matá me: «Djali adú bhadi moko abhúlú ngubula kpála bini na sisiti inde adji bua e. Djali ango-o ané bhende u nde ne e ngubula okpála na ngbingbili ndjikpa odukpabini ne ká odukpabini, inde ngabhundja me o ne gúmu nadji bua o ade ko.»

*Gbitaku pindji lí falanga inde
angita, u atsia au matá e*

8 «Matá di-e, i du me olo bini nde ne lí falanga* ndjíkpa, lí súská bini ngita-a, ani méne pi? A na paká me, ani dhédhe eke. Ani pó bili abhú 'ti. Ani gíli má bhotobhoto, akólo lí nedhinga inde ani aú lie-e ko! **9** Li ani au lie, ani í obi e di ne okpála inde asili kuti de ani-o. Ani tsia pá pi uo me: <Yi kpi djali bhú dabili bini ne ma, anga ma au lí falanga inde angita nako ka maa au!> **10** Yesu atsia apa matá me: «Oandjelu gba Ebhe-e akpí bhadi djali moko ngubula koli kpála na sisiti bini inde adji bua e ko.»

Gbitaku gba ndili inde angita, u atsia au matá e

11 Yesu atsia apa matá me: «Bhoko bini adu nani ne ongisi na obhosibhosí bhisí. **12** Bhende na ndimindimi-e apa pi 'dyí e me: <'Dyi ma, ha naama tia na libhondi-e muma haha.> Abhomu-o, 'dyí uo atsia agapa tia gba e li uo. **13** Pita 'kpí bedi, ndili na ndimindimi-e abha tia gba e, ani atapa ne di bhú kuti bini tsutsu. Oo, ani andjia tia gba e hana má kpékébhé li ndu 'ngú na padhá padhá!

14 Li ani andjia tia gba e lie hana-a, adyindi na ngbéngbé atsia ali bhú ndu doto ango-o. Abhomu-o, ani aholo adje gumu. **15** Ani anu ali bhú kulu pi súka kpála na ndu doto bhomu-o. Kpála ango-o aha ani, ani atsia atima ani abhú 'dyí gba e me ani du nalila opame. **16** Ani adu akunda nazu ezú gba opame-o. La-a, kpála bini ha nani ehe nazu mazú pi ani de.

17 Abhomu-o, ani aholo abhundja. Pipita-a, ani atsia apa li bua e me: <Ndú okpála na kulu gba 'dyí ma-a hana, ezú ka uo bhibhiti naali. Ngama la ei-e, ma ngakpi ne gumu! **18** Ma agié lima agba 'dyí ma, ma tsia pá pi ani me: 'Dyi ma, ma amene siti 'ngú kala Ebhe di ne li pápá gba mu. **19** A ayo matá na'i ma me ndili ka

mú de. Ha bha ibili ma maka súka okpála na kulu gba mu ko.»

20 Ani atsia aholo agie lie agba 'dyí e. Li nedhinga inde ani adu nga bha lie de kuti-e tsutsu-o, 'dyí ani au ani. Ani au ani lie, ani adje ndjinga ani naali. Ani anu ne holo, ani ati li ngálú ani, ani atsia akama ani li kute e. **21** Abhomu-o, ndili-e atsia apa pi ani me: <'Dyi ma, ma amene siti 'ngú kala Ebhe di ne li pápá gba mu. A ayo matá na'i ma me ndili ka mu de.> **22** U akolo lie akuti-e, do 'dyí ani pi okpála na kulu gba e me: <Yaka! Yi go ne yambu bhende ane ne bádha, yi dyí li ani. Yi to kati bhú 'kpa ani, amba yi to maleké bhú 'dhú ani. **23** Pipita-a, yi nu bhole folo bagala na tsíkpa-o. Ní zu 'he, amba ní kpi djali. **24** Padhá de, anga ndili gba ma inde adu nako mugito me ani akpi-e, ani agie matá lie bhú mukobho. Ani adu nako me ani nde angita, ma atsia au matá ani.> Abhomu-o, u atsia aholo nakpi djali.

25 Li nedhinga bhomu-o, ndili bhende na gigina adu abhiye. Nedhinga ani adu agie lie lie akuti-e, ani akolo lie de eti-e masikpe-e, ani adje tolo 'tsi ne ebi. **26** Ani a'i súka okpála na kulu-o. Ani atsia ayi ani li engú inde adu akodho 'kpí-o. **27** Kpála na kulu ango-o agie pi ani me: <Ndai mu agie lie agie. 'Dyi mu atsia abhél folo bagala na tsíkpa-o, anga ani au me, ani agie lie ne kute na angu.> **28** Abhomu-o, ndili na gigina-a aholo nake 'ngú lie. Ani ayala nali abhú 'ti-o. 'Dyi ani akoto, ani atsia alopolo lie pi ani me ani lili. **29** Engú bini, ndili-e agie pi 'dyí e me: <Djedje nga, a ko kalanga bhelé ma ngamene kulu pi mu maka bali. Ma ndjo súka líli gba mu-o 'kpí bini de. Mu ha nga la belegú ndili meeme muma bini de me, ya mene anokomia ne obi ma-a ne di. **30** Li ndili gba mu inde andjia tia gba mu-o hana ne olisi na

* **15:8** 15:8 Agba omaYuda-a, lí falanga bini (denaliusi) nani ne makalá pi kpála na kulu ngubula ekpí bini.

zabhe-e ago lie, mo otsia abhələ folo bagala na tsikpa-a pí ani!»

³¹ 'Dyi ani atsia apa pí ani me: <Ndika ma, ndu 'kpí hana, ní ne mū bhú dabili bini. Ndu 'he inde gba ma-a hana, a ko naamu. ³² Engú bini, a ayo bha iginí me ní mene anokomia amba ní kpi djali. Padhá de, anga ndai mū inde adu nako mugito me ani akpi-e, ani agie matá lie bhú mukobho. Ani adu nako me ani nde angita, ma atsia au matá ani!»

16

Kpála na kulu na kali

¹ Pipita-a, Yesu atsia apa matá pí omukpata gba e me: «Bhulú tia bini adu ne kpála na kulu gba e. Kpála ango-o adu atsia 'kpí li ohe gba ani-o. Okpála koko ago apa pí ani me, kpála na kulu ango-o ngapupu tia gba ani-o. ² Abhomu-o, ani a'i kpála na kulu-o. Ani atsia apa pí ani me: <Ma ngadje pindji mū e mangua 'ngú dho? Suno obhuku na ndu tia gba ma-a hana mūma, anga mū tí da matá natsia 'kpí li ohe gba ma-a de.» ³ Abhomu-o, kpála na kulu ango-o aholo ayi bua e me: <Ma améne si pi? Padhá de, anga ngámá gba ma adji a'é ma bhú kulu. Angu ka ma ngú nade edyi ade. A la di li ma ne nūmū ngú nadu ne yoyo 'he. ⁴ Aa! Ma ambila engú inde ma améne e ambila, ngubula me okpála sia ma ndjindji li nedhinga u a'é ma lie bhú kulu ko!»

⁵ Abhomu-o, ani a'i okpála bini ne bini inde adu ne bopulu gba ngámá gba ani-o. Ani ayi bhende na kalanu-o me: <Bopulu gba ngámá gba ma-a ka mū madho?» ⁶ Ani agie pí ani me: <Ngbengelé na emu kámá bini.» Kpála na kulu-o pí ani me: <Ha 'kpa balúa na bopulu gba mū-o. Du kuto má gala, amba mū dji me ndjikpa bhuluvue.» ⁷ Pipita-a, ani ayi koko me: <A la mū-o, bopulu gba mū-o madho?» Ani agie me: <Kili mapanga kámá bini.» Kpála na

kulu-o pí ani me: <Ha 'kpa balúa na bopulu gba mū-o, amba mū dji me ndjikpa madjina.» ⁸ Ngámá gba kpála na kulu na kali ango-o adhége ani, anga ani amene ehe maka kpála inde ngau 'kpí tsutsu. Okpála na doto inde-e ne imbilangú na kali gba o-o, u ambila namene ehe súnda o ane ongisi gba Ebhe.

⁹ Ngama-a, ma apa pí yi me, yi gili nadu bhú makpolia ne obi yi ne tia na kali na doto inde, amba li tia neke ka yi-e, u de sia yi bhú kuti na duduuma. ¹⁰ Kpála bhende ngbingbili bhú ohe na djedjede-e, ani bhadi ngbingbili bhú ohe na ngbengbengbe. Kpála bhende ngbingbili bhú ohe na djedjede-e ade, ani di ngbingbili bhú ohe na ngbengbengbe ade. ¹¹ I du me yi nde mene ndjindji ne tia na kali na doto inde-e de-e, Ebhe tí da naha küküla tia pi yi de. ¹² I du me yi nde mene ehe ngbingbili ne tia gba kpála koko de-e, a há tia gba yi-e pi yi da?

¹³ Kpála bini tí da namene kulu pí ongámási bhisi de. Ani yála bini, ani tsia kúnda koko. Ani méne kulu pí koko ndjindji, ani tsia ú koko bhú djila e padhá. Yi tí da namene kulu pí Ebhe bhú dabili bini ne namene pí tia de.»

*Yesu asuno pindji 'ngú ngangá
(Tsia bhú Mat. 11:12-13, 5:31-32;
di ne bhú Mlk. 10:11-12.)*

¹⁴ Omufalisai adje ndu 'ngú bhomu-o hana. Abhomu-o, u atsia adu amu Yesu, anga u adu nani akunda tia naali. ¹⁵ Yesu atsia apa pí uo me: «Yi ngamene ehe bhú djila okpála mugito me yi ngbingbili. Engú bini, Ebhe mbila bua yi hana, anga ehe li okpála ngau e bhú djila o ngbéngbé-e, Ebhe ngauu bhú djila e padhá.»

¹⁶ Nakolo li nedhinga gba Djaa bhulú nabatisa okpála-a, u akpokpo 'li Ebhe pí okpála bhú lili gba Moidje di ne bhú obhuku gba opolofeta . Nayie li nedhinga bhomu-o, u

akpokpo Bádha NgaliNaú gba Ebhe-e pi okpála. Kpála ne kpála ngagili ne kpéke me ni li bhú kuti na mündeyi-o . ¹⁷ A ko mboye 'ngú masudha me ekpí di ne doto kodho 'kpí. A ko la kpéke da 'ngú me okpála 'e mboye ku eli bini bhú ká lili gba Moidje-o.

¹⁸ Li bhoko bini 'e wala e bhú kúva-a, ani ha ele koko-o, ani akunda bhomu-o ele gba kpála koko. Li bhoko bini ha ele inde li 'ko e a'e e bhú kúva-a, ani akunda di bhomu-o ele gba kpála koko.»

Gbitaku gba bhúlu tia ne bhúlu ndibhili

¹⁹ «A adú nani bhúlu tia bini. Ani adú adyi babadha bongo na tia naali. Ndú 'kpí hana, ani adú nadú ndjindji. Ani atsia adú di nazú 'he ndjindji. ²⁰ Bhúlu ndibhili bini adú di nani oo. A adú li ani me Ladjalo. Eka atsotsolo nani kute ani hana. Ani adú asi kuto li bhoti gba bhúlu tia-o. ²¹ Ani adú akunda nazú okulu 'zú inde adú abala sa dabili nazú 'he gba bhúlu tia-o. La di-e, obúlu adú ago adhapa oeka gba ani-o. ²² Bhúlu ndibhili-e akpi. Oandjelu aha ani, u atsia anu a'o ani ade Abalahama. Bhúlu tia akpi di, u atsia azi ani.

²³ Oo, li bili gba okpála inde amu-o, ani adú adje likabhu naali. Ani atsia 'kpí ne abhúlá, ani au Abalahama tsutsu ne Ladjalo de e. ²⁴ Abhomu-o, ani aholo natobhila me: <'Dyi ma Abalahama, dje nga bha mbo ndjinga ma! Tima Ladjalo me ani to ndji-likpa e bhú 'ngú, amba ani go ne di tunu pí 'mi ma, anga ma ngadje likabhu bhú djua inde-e naali.> ²⁵ Abalahama agie pi ani me: <Ndika ma, bhundja me mo osia nani tia bhelé li nedhinga mo odú lie bhú makobho píla doto-o. La-a, Ladjalo atsia asia nani naae likabhu naali. Mbía inde-e, ani ngasia bádha 'ngú, mu la naamu ngasia likabhu. ²⁶ Matá-a, a sunda ni ne tsú 'dú, ngubula me li kpála kunda nayie gba ya ei akodho 'kpí ne agba yi oo, ani de le pima! Li

kpála kunda nayie gba yi oo akodho 'kpí ne agba ya ei-e, ani de le di pima!>

²⁷ Do bhúlu tia me: <'Dyi ma, kikiliako, ma ayo nga bha-a ka mu me, tima Ladjalo agba 'dyi ma, ²⁸ anga ondaise ma na obhosibhosí bhuluvue oo. A ayo me, ani nu nagbele 'dje uo, amba ngauo di-e, u agó li bili na likabhu inde-e de.›

²⁹ Abalahama agie me: <U mbila lili gba Moidje di ne obhuku gba opolofeta-a hana. A ayo me u dje uo.› ³⁰ Bhúlu tia atsia apa me: <'Dyi ma Abalahama, a mo-o ade. Engú bini, i du me suka okpála inde amu-o nde azuku-o, ani nu pa pi uo-o, u djí bua o.› ³¹ Abalahama pi ani me: <I du me u nde dje engú inde bhú lili gba Moidje di ne bhú obhuku gba opolofeta de-e, belegu i du me suka okpála inde amu-o nde azuku-o, u djé di ani de.›»

17

*Yi mbu li siti 'ngú gba okpála koko
(Tsia bhú Mat. 18:6-7, 21-22; di ne
bhú Mlk. 9:42.)*

¹ Pipita-a, Yesu apa pi omukpata gba e me: «Engú inde ngato okpála bhú siti 'ngú-o néke de. Engú la bini, a ko likabhu pi kpála inde i ngato engú ango-o ko! ² I du me kpála bini nde ngato ongisi bhú siti 'ngú-o, a pi ani ndjindji me u gbite ngingi tangulu ani, amba u bhike ani bhú 'ngbé 'ngú. Bhabhomu-o pi ani ndjindji naali ane me suka okpála na bhúbhuku-o ti ka ani bhú siti 'ngú. ³ 'E-e! Yi lila liyi ndjindji!

I du me ndai mu nde amene siti 'ngú-o, mu de suno pi ani. I du me ani nde apa me ni amene sisiti-e, mu de mbu li ani. ⁴ I du me ani nde amene mu sisiti bhútsibhútsi mananika li 'kpí bini-e, ani go bhútsibhútsi mananika hana, ani pa pi mu me: <Ma amene mu sisiti, mbu li ma.› Mu de mbu li ani.»

Nabhuka na kpekpeke

⁵ Obhulü titima apa pi Ngámá Yesu me: «Mene me nabhuka gba ya-a kolo matá kpekpeke.» ⁶ Abhomü-o, Ngámá Yesu atsia agie me: «Í dú me nabhuka gba yi-e dú maka lí ndula na mutadi-e, yi de tí da napa pi ndula inde-e me: <Yie sí, amba mʉ nʉ lu limʉ abhú 'ngbé 'ngu.» Í tsia méne bhadi moko.»

Kulu inde a ayo me kpála na kulu mene e ko

⁷ «Li kpála bini bhú ká yi dʉ ne kpála na kulu gba e bini-e, i dʉ me kpála na kulu ango-o nde ngamene kulu abhiye, aní dʉ di-e ngalila onʉ-o, aní gie lie akuti-e, aní tsia pá pi kpála na kulu ago-o me: <Go má gala ngú nazu 'he?> ⁸ A mo-o ade. Aní pá mangbo pi aní me: <Lʉ ezu, mʉ yipa bongo-o ngú naha ezu-o mʉma akólo li nedhinga ma andjia nazu 'he lie di ne nandji 'he bhende nandji mandji lie ko. Pipita-a, mʉ tsia zu 'he amba mʉ ndji di 'he bhe gba mʉ-o.» ⁹ Aní ti da nagie hení pi kpála na kulu-o, anga aní amene lili gba aní-e uu? Belegu de bini. ¹⁰ A bhadi pi yi moko. Nedhinga yi amene ndʉ 'ngú inde u apa e pi yi e lie hana-a, yi de pa me: <Ya bha naaya ne okpála na kulu. Ya amene bha kulu inde a ayo igañi me ya mene e ko.»

Yesu akobho okpála na kába ndjikpa

¹¹ Li Yesu adʉ anʉ lie abhú Yelusalema-a, aní apʉ sunda ndu doto na Samalia ne bhe na Galilaya. ¹² Aní alí lie bhú kuti bini me-e, obhosí na kába ndjikpa ago ake lio ne aní. U alulʉ mbo de aní tsutsu. ¹³ U atsia aholo atobhila me: «Ngámá Yesu, dje nga bha-a mbo ndjinga ya!» ¹⁴ Yesu au uo lie, aní atsia apa pi uo me: «Yi nʉ suno liyi pi odimande gba Ebhe-o.» Nedhinga u adʉ anʉ lie, u atsia akobho. ¹⁵ Li sʉka uo bini au lie me ni akobho-o, aní atsia agie lie sidi me aní nde ngadhégo Ebhe ne angu hana. ¹⁶ Aní ati bhú li 'dhʉ Yesu.

Aní atu bhúla e ne kuto. Aní atsia agie hení pi Yesu. Bhoko ango-o adʉ nani kpála na Samalia. ¹⁷ Abhomü-o, Yesu atsia ayi me: «Ndʉ okpála ndjikpa hana akobho adi? Obhende odukpabini-e la su? ¹⁸ Kpála bini bhundja nago nagie hení pi Ebhe de, bha bini kpála inde naae ne maYuda ade inde-e?» ¹⁹ Pipita-a, Yesu atsia apa pi aní me: «Yie bhúlá, nʉnʉ. Mo okobho, anga mo obhuka ma.»

Nedhinga li Ebhe agó nau lie píla doto

(*Tsia bhú Mat. 24:23-28, 37-41.*)

²⁰ OmʉFalisai ayi Yesu me: «Naʉ gba Ebhe-e agó nadho?» Aní atsia agie pi uo me: «Naʉ gba Ebhe-e gó ngua bhende de me okpála nde ngauu mau-o de. ²¹ U pá de me: <Yi tsitsia, a sii!> ne me <A aoo!> padhá de, anga yi mbila me Naʉ gba Ebhe-e bhú ka yi.»

²² Pipita-a, aní atsia apa pi omukpata-a me: «Nedhinga koko akólo makolo. Yi akúnda me yi u nga bha mbo ma, Ndili gba kpála, 'kpí bini. Engú bini, yi ú la ma de.

²³ U apá pi yi me: <Aní aoo!> di ne me: <Aní sii!> engú bini, yi agú holo oo de. ²⁴ Ekpí li ngama, Ndili gba kpála, ma agó lie, a adú maka mʉgbálá, li zi e ngayie li 'dje kokpí, li pápá bini akólo li pápá koko. ²⁵ Engú bini, a ayo me ma dje ngaiza likabhu naali, amba okpála na naki yala di ma.

²⁶ Maka engú inde akodho 'kpí nani bhú 'kpí Nua-a, akódho bhadi 'kpí moko li 'kpí inde li ngama, Ndili gba kpála, ma agó lie ko. ²⁷ Padhá de, anga bhú 'kpí Nua, okpála adʉ azʉ 'he. U adʉ andji pandi. Obhosí ne olisi adʉ aha lio akolo li 'kpí li Nua alí bhú zabu lie ko. Ebha adhí, engu asi píla doto libhomu, a atsia abhili ndʉ uo hana. ²⁸ A adú maka bhú 'kpí gba Loto. Okpála adʉ azʉ 'he. U adʉ andji pandi. U adʉ akala 'he di ne natsindji 'he. U adʉ alu 'zʉ. U adʉ ayiki 'ti. ²⁹ Engú bini, ekpí li Loto akoto bhú Sodomʉ lie,

djua di ne itimeli ayie abhúlá, abala pí uo maka ebha, atsia abhili ndú uo hana. ³⁰ A akódho bhadi 'kpí moko li 'kpí li ngama, Ndili gba kpála-a, ma súno angu gba ma-a lie pi okpála ko.

³¹ Li 'kpí ango-o, kpála bhende abháka e apí 'ngbú 'tí-e, a ayo de me ani li abhú 'tí ngú nabha ohe gba e de. A bhadi moko, kpála bhende abháka e abhú 'dyi-e, a ayo de me ani gie lie akuti-e de. ³² Yi bhundja engú inde amene nani wala Loto-o.* ³³ Kpála bhende agíli nalila mukobho gba e, ani kpí. Kpála bhende la abhíke mukobho gba e, ani tsia kóbho. ³⁴ Ma apa pi yi me, sukpe ango-o, okpála bhisi adú pi mako bini, u ahá bini, u tsia 'ó ká koko. ³⁵ Olisí bhisi adú atú mapúnga bhú dabili bini, u ahá bini, u tsia 'ó ká koko. [³⁶ Obhosí bhisi adú amene kulu bhú edyi bini, u ahá bini, u tsia 'ó ká koko.] ³⁷ Omúkpata ayi ani me: «Ngámá, engú ango-o akódho 'kpí ne su?» Ani atsia agie pi uo me: «Bili li kuo kpála adú lie, oagbagba apékébhé bhadi bhúla o oo ko.»

18

Gbitaku gba siti kpála nakodho 'ngú ne eké bini na eele

¹ Pipita-a, Yesu apa gbitaku bini pi omúkpata gba e ngú nasuno pi uo me, a ayo me u dú nayo Ebhe ndú nedhinga hana, u andála de.

² Ani pi uo me: «Kpála nakodho 'ngú bini adú nani bhú gúdhú bini. Ani dú akpe Ebhe de. Ani atsia adú di au okpála bhú djila e padhá.

³ Bhú gúdhú ango-o, eké na eele bini adú di oo. Ani adú ago apa pi ani me: «Leke engú súnda ya ne kpála inde ya nde ne e bhú 'ngú ko.»

⁴ Ekpí bhelé, kpála nakodho 'ngú ango-o adú ayayala. Pipita-a, ani atsia apa li bua e me: «Ma ngakpe Ebhe ade. Ma la di ngau okpála bhú djila ma padhá. ⁵ Engú bini, eké

inde ngandala ma naali. A ayo me ma leke engú gba ani-o, anga i dú mo-o de-e, ani dú bha ago naba 'ndjí ma.»»

⁶ Ngámá Yesu atsia apa matá me: «Yi dje engú inde li siti bhúlú nakodho 'ngú bhomú-o apa e ndjindji! ⁷ Ebhe méne bádha 'ngú pi okpála inde ani alo o-o di? I dú me u nde ngaku 'gba pi ani sukpe ne ngbíkpi-e? Ani djéke ngengele ngú nateteke uo? ⁸ Ma apa pi yi me, ani aléke 'ngú gba uo-o má gala! La-a, li nedhinga li ngama, Ndili gba kpála, ma agó lie, ma abháka me okpála nde abhuka Ebhe píla doto uu?»

Gbitaku gba muFalisai , ne ndembí na mandjandja

⁹ Okpála koko adú au lio me o naao ngingbili. U atsia adú au ndú okpála koko hana bhú djila o padhá. Abhomú-o, Yesu atsia apa gbitaku inde-e li 'ngú gba uo-o me: ¹⁰ «Ekpí bini, okpála bhisi anú bhú 'ngbé 'tí Ebhe gba omaYuda ngú nayo Ebhe. Bhe bini adú muFalisai , bhe koko adú ndembí na mandjandja.

¹¹ MuFalisai-e ayie bhúlá, ani atsia ayo Ebhe a li bua e me: «Oo, Ebhe! Ma ngagie hení pi mu, anga ma maka okpála koko ade. U ngazi 'he. U ngamene sisiti 'ngú. U ngakunda olisí, i dú di-e obhosí gba okpála koko. Ma di ngagie hení pi mu, anga ma maka ndembí na mandjandja inde-e ade. ¹² Ma tsetse ezú 'kpí bhisi súnda poso bini ngú nayo mu. Ma haha bini bhú ká ndjíkpa pi ndú 'he ma ngasia e hana.»

¹³ Ndembí na mandjandja alú naae mbo tsutsu, ani akpe belegú natsia 'kpí ne abhúlá. Engú bini, ani atú bhúla e ne kuto, ani abu 'kpa e pi 'ka e, ani atsia apa me: «Oo, Ebhe! Dje nga bha-a mbo ndjinga ma, ma naama ne siti kpála.»» ¹⁴ Do Yesu matá me: «Ma apa pi yi me, ndembí na mandjandja ango-o agie nani lie agba e me, Ebhe nde adjé

* ^{17:32} 17:32 Wala Loto akolo nani teme na ngutu anga ani agumú nani lili gba Ebhe. Tsia bhú Dje. 19:26.

nayo gba ani-e adje. Engú bini, Ebhe dje bhende gba mufalisai-e de. Padhá de, anga kpála bhende nga'o lie ne bhúlá-a, li Ebhe kó ani ne kuto. La-a, kpála bhende nga'o lie ne kuto, li Ebhe 'é'e ani ne bhúlá.»

Yesu asia ongisi na ndjendje

¹⁵ Okpála adú ago di pi ani ne ongisi na ndjendje ngubula me ani 'o 'kpa e pi 'ndji uo. Li omukpata au lie mo-o, u aholo nayoko uo. ¹⁶ Engú bini, Yesu a'i uo, ani atsia apa me: «Yi 'o ongisi na djedjede me u go bhaka ma! Yi ani kpadji pi uo de, anga Naú gba Ebhe-e, a pi okpála inde maka uo ko. ¹⁷ Ma apa pi yi na paká me, kpála inde i sia Naú gba Ebhe-e maka mboye ndili de-e, ani ti ne Naú gba Ebhe-e de.»

Bhulú tia ne uo ne Yesu
(Tsia bhú Mat. 19:16-30; di ne bhú Mlk. 10:17-31.)

¹⁸ Abhomú-o, ngámá bini gba omaYuda ayi Yesu me: «Musuno, ngamú bádha kpála, a ayo me ma amene pi ngubula nasia mukobho na dudu'ma?» ¹⁹ Yesu atsia agie pi ani me: «Mu nga'i ma me bádha kpála ka ni? Kpála bini babadha ade. Ebhe bha babadha ngae kpi e kpi. ²⁰ Mu mbila olíli-e ndjindji: <Mo okúnda ele, i du di-e bhoko gba kpála koko de. Mo obhéle kpála de. Mo ozí 'he de. Mo opá eu li kilí mu de. Manga 'dyi mu ne 'hi mu mamanga.†>» ²¹ Ngámá ango-o atsia apa me: «Nayie bhú ndili li ma-a, ma amene ndu 'ngú bhomú-o hana.» ²² Pita li Yesu adje engú bhomú-o lie, ani atsia apa pi ani me: «Mo oneke matá koli ehe bini. Nunú, tsindji ndu 'he gba mu-o hana, amba mu gapa tiatia pi obhulú ndibhili. Mo osia tia abhúlá. Pipita-a, mu go kpata ma.» ²³ Ani adje lie mo-o, ani asia likabhu naali, anga tia adú nani ka ani bhelé naali.

²⁴ Li Yesu au lie me ani asia likabhu mo-o, ani atsia apa me:

«A bha ndju kpekpeke pi obhulú tia ngú nali bhú Naú gba Ebhe-o! ²⁵ A kpekpeke pi eya ngubula nali li gudho musana. A la matá kpekpeke ane pi bhulú tia ngubula nali bhú Naú gba Ebhe ko.»

²⁶ Abhomú-o, okpála inde adje engú inde ani apa e atsia ayi me: «I du mo-o, a ti da nakobho da?» ²⁷ Yesu agie me: «Engú bhende i ti ne okpála de-e, a ati bha ne Ebhe.»

²⁸ Abhomú-o, Piele atsia apa me: «Tsitsia nga, ya a'o ká ndu 'he gba ya-a hana ngú nakpata mu.» ²⁹ Do Yesu pi uo me: «Ma apa pi yi na paká me, i du me kpála bini nde a'o ká eti gba e, ani 'o ká wala e, ani 'o ká ondaise e, ani 'o ká okpála inde azu e, ani 'o ká ongisi gba e ngubula Naú gba Ebhe-e, ³⁰ ani sia 'he bhelé naali kuto ei. Pipita-a, bhú nedhinga inde ngago-o, ani tsia sia di mukobho na dudu'ma.»

Yesu akpo 'ngú bhutsibhutsi na bata pindji nakpi di ne nazuku ka e
(Tsia bhú Mat. 20:17-19; di ne bhú Mlk. 10:32-34.)

³¹ Pipita-a, Yesu aha okpála na titima ndjikpa ne ká bhisi-e, ani anu ne uo li ngongo, ani atsia apa pi uo me: «Yi djedje, ni adji mbia inde-e abhú Yelusalema. Oo, ndu 'ngú hana inde li opolofeta aye e pindji ma, Ndili gba kpála-a, adji amene lie. ³² Padhá de, anga u apú ma pi omupagano. Li okpála ango-o mu ma, u sóbho ma, u tsia kú di ngusu li kute ma. ³³ U abhí ma ne fimbo. Pipita-a, u tsia bhéle ma. La-a, bhú 'kpí na bata-a, ma tsia zúku.» ³⁴ Engú bini, omukpata mbila nani ta 'ngú ango-o de, anga a awo nani lie pi uo mawo. U tsia du ambila ta 'ngú li Yesu adú apa e de.

Yesu akobho kpála bini inde i u 'kpí de
(Tsia bhú Mat. 20:29-34; di ne bhú Mlk. 10:46-52.)

† 18:20 18:20 Tsia bhú Eki. 20:12-16; di ne bhú Det. 5:16-20.

³⁵ Lì Yesu akolo lie masikpe de Djeliko-o, kpála bini inde i u 'kpí-de-e adu kuto dengo 'hi-kpadji. Ani adu ayo 'he. ³⁶ Ani adje tolo okpála akodho 'kpí lie, ani atsia ayi me: «A ko ni?» ³⁷ Okpála atsia agie pi ani me: «Yesu, kpála na kuti na Nadjaleta ngakodho 'kpí bhomu-o ngae.» ³⁸ Abhomu-o, ani atsia asula me: «Yesu, Ndili gba Davidi, dje nga bha-a mbo ndjinga ma!» ³⁹ Okpála inde adu akalanu-o aholo ambembe bhú 'ndji ani me: «Gbite 'bhø mu.» Engú bini, ani aholo asusula matá kpekpeke me: «Ndili gba Davidi, dje nga bha-a mbo ndjinga ma!» ⁴⁰ Yesu alu, ani atsia aha lili me u go ne ani pi ni. Ani akolo lie de ani-e, Yesu atsia ayi ani me: ⁴¹ «Mo okunda me ma mene pi mu ni?» Ani agie me: «Ngámá, bhulu djila ma, amba ma u matá 'kpí.» ⁴² Yesu apa pi ani me: «U matá 'kpí uu! Mo okobho anga mo obhuka ma.» ⁴³ Kolo má gala me-e, ani aholo matá nau 'kpí. Ani atsia adu akpata Yesu me ani inde ngadhégo Ebhe. Ndu okpála hana inde au engú ango-o, aholo di nadhégé Ebhe.

19

Yesu ali bhú 'ti gba Djakayo

¹ Pita li Yesu ali lie bhú Djeliko, ani atsia adu agulu gudhu-o. ² A abhaka me kpála bini nde oo, a adu 'li ani me Djakayo. A adu nani ngámá gba ondembí na mandjandja. Tia adu ka ani bhelé. ³ Ani adu agili nau me Yesu ngae dho. Engú bini, li okpála adu la lie bhelé-e, ani ale nau ani pima anga ani adu nani ndundu. ⁴ Abhomu-o, ani ayiki lie ne holo ne akalanu. Ani atsia a'u bhú ndula bini dengo 'hi-kpadji ngubula me ni u Yesu nedhinga inde ani apú lie oo ko.

⁵ Lì Yesu akolo lie li bili bhomu-o, ani a'e djila e ne abhúlá, ani atsia ani. Ani atsia apa pi ani me:

«Djakayo, kē kuto má gala, anga a ayo me ma si naki bhú 'ti gba mu-o.» ⁶ Abhomu-o, Djakayo akø kuto bhú holo. Ani atsia asia Yesu ne djali hana. ⁷ Ndu okpála hana au lie mo-o, u aholo adi mutokono. U atsia adu apa me: «Lele pi li kpála inde-e atapa lie nasi agba kpála na sisiti-e!» ⁸ Djakayo ayie bhúlá, do ani pi Yesu me: «Ngámá, djedje nga. Ma agbó bhúsú tia gba ma-a bhisi. Ma ahá bhe bini-e pi obhúlú ndibhili. I du me ma nde aha tia gba kpála bini ne kali-e, ma agie pi ani bhútsibhútsi badha.» ⁹ Abhomu-o, Yesu atsia apa pi ani me: «Naki-e, Ebhe akobho mu. Ngamu di-e, mu bhú piga gba Abalahama-o. ¹⁰ Padhá de, anga ngama, Ndili gba kpála-a, ma ago nagili di ne nakobho okpála inde angita ko.»

Gbitaku gba okpála na kulu ndjikpa

(*Tsia bhú Mat. 25:14-30.*)

¹¹ Yesu akolo de Yelusalema masikpe. Okpála inde adu adje ani-e adu abhundja naao me, Naú gba Ebhe-e asúno lie pi okpála mbia inde. ¹² Kaka-a, ani atsia apa gbitaku bini pi uo me: «Kpála bini na piga gba ngámá bini anu nani bhú doto bini tsutsu ngubula me u to palata na ngámá tangulú ni, amba pipita-a, ni gie lini. ¹³ Kala me ani nu-o, ani a'i okpála na kulu gba e ndjikpa-o. Ani agapa lí falanga* bini bini li ndu uo hana. Ani atsia apa pi uo me: <Yi mene kulu ne falanga inde, akólo li nedhinga inde ma agie líma lie ko.» ¹⁴ Okpála na doto gba ani-e adu ayala ani. U atima okpála nganda ani ngú napa me: <Ya kúnda de me kpála bhomu-o u ngámá pi 'ndji ya-a de.»

¹⁵ La-a, u ato palata na ngámá tangulú ani. Ani atsia agie lie bhú doto gba e-o. Abhomu-o, ani a'i okpála na kulu inde ani agapa nako falanga lio ngubula nambila bhende

* **19:13** 19:13 Agba omaYuda-a, lí falanga bini (olo) nani ne makalá pi kpála na kulu ngubula epe bata.

u asia e pépé-o. ¹⁶ Abhomu-o bhe na kalanu-o ago. Ani atsia apa me: <Ngámá, ma asia lí falanga ndjikpa pí bhende nako mo oha e muma ko.>

¹⁷ Abhomu-o, ngámá-a apa pí ani me: <A ndjindji. Mu ne bádha kpála na kulu, anga mo omene ndjindji bhú mboye ehe bedi. Ma a'o ibili mu ngámá pí 'ndji ogudhu ndjikpa.>

¹⁸ Bhe na bhis-i-e ago, ani atsia apa me: <Ngámá, ma asia lí falanga bhuluvue pí bhende nako mo oha e muma ko.> ¹⁹ Abhomu-o, ngámá-a apa di pí ani me: <Ngamu di-e, ma a'o mu ngámá pí 'ndji ogudhu bhuluvue.>

²⁰ Pipita-a, koko ago, do ani de-e: <Ngámá, lí falanga gba mu-o ii. Ma awo nako bhú bongo . ²¹ Mu 'o li ma tsulu, anga mu ne kpála inde ngamene 'ngú na kpekpeke. Mu ngaha ehe bhende mu 'o e ngamu de. Mu ngaha 'zu inde mu lu e ngamu de.> ²² Ngámá-a apa pí ani me: <Mu ne siti kpála na kulu. 'Li mu makpe agbíte mu ngae. Mo ombíla nako hana me, ma ne kpála inde ngamene 'ngú na kpekpeke. Ma ngaha ehe inde ma a'o e ngama de. Ma ngaha ezu inde ma alu e ngama de. ²³ Ka ni mu 'o nako tia gba ma-a lie bhú baki de-e? Maka ma ago-o, ma de asia koko pépé.>

²⁴ Pipita-a, ani apa pí okpála inde adu oo me: <Yi dhepe tia inde ka ani bhomu, amba yi ha pí bhende ne di ndjikpa ko.> ²⁵ U atsia apa pí ani me: <Ngámá, a ka ani ndjikpa!> ²⁶ Ani agie me: <Ma apa pí yi me, kpála bhende li ehe nde ka e, u ahá ehe pi ani bhelé. Engú bini kpála bhende li ehe nde ka e ade-e, u adhépe belegu mboye ehe inde ka ani ko. ²⁷ La-a, pí obhulu yala gba ma inde i kunda nako de me ma au ngámá pí 'ndji o-o, yi go ne uo ei, amba yi bhili uo kala ma sii.>>

*Yesu ali bhú Yelusalema
(Tsia bhú Mat. 21:1-11; ne bhú Mlk. 11:1-11; di ne bhú Dja. 12:12-19.)*

²⁸ Pita li Yesu akpo 'ngú bhomu-o lie, ani atsia akodho 'kpí ne akalanu ngú nanu bhú Yelusalema. ²⁹ Ani akolo lie sunu kuti na Betefadje ne Betania-a,[†] lingo 'ta na ondula na Olive, ani atsia atima omukpata bhisi. ³⁰ Ani pí uo me: «Yi nu bhú kuti inde kala yi aoo. Yi akólo lie oo, yi abháka me u nde agbite ndili punda oo. Kpála bini dhuku nga pi ani de. Yi bhulu ani amba yi go ne ani ei. ³¹ I du me kpála bini nde ayi yi me: <Yi ngabhulu ani ngú ni?> Yi de pa pí ani me: <Ngámá ne gumu ani.>> ³² Omukpata bhisi anu, u atsia abhaka ndu 'ngú hana maka li Yesu apa pí uo lie ko. ³³ U adu abhulu enu-o lie, obhubhulu-o ayi uo me: «Yi ngabhulu enu bhomu-o ngú ni?» ³⁴ U agie me: «Ngámá ne gumu ani.»

³⁵ Pipita-a, u ago ne ndili 'nu-o pí Yesu. U apa okoti gba o pí 'ngbu enu-o. U atsia ateteke Yesu ngú na'u pí 'ngbu ani.[‡] ³⁶ Ani adu anu lie, okpála adu apa okoti gba o li kpadji. ³⁷ Ani akolo de Yelusalema masikpe li ngba 'ta na ondula na Olive. Ndu omukpata hana abedhe ne djali bedhe. U atsia aholo nadhögo Ebhe kpekpeke ngú ndu ongamba 'ngú hana inde u au e ko. ³⁸ U adu apa me:

«A ayo me Ebhe tuko bisagu pí 'ngbé ngámá inde ani atima e ko!
Guo 'ngú abhulá,
amba sangu du di pí Ebhe Apí 'Kpí![†]»

³⁹ OmuFalisai koko inde adu bhú ká okpála bhomu-o, apa pí Yesu me: «Musuno, yoko omukpata gba mu-o mayoko.» ⁴⁰ Yesu atsia agie me: «Ma apa pí yi me, i du me u nde agbite 'bho o-o, li oteme holo natu 'ue!»

[†] **19:29** 19:29 Nayie bhú Yelusalema akolo bhú Betefadje ne Betania, a ko kilometele bata. [‡] **19:35** 19:35 Na'u ka Yesu pí 'ngbu punda-a, asuno nani bhomu-o guo 'ngú di ne nako lie ka ani ne kuto. Tsia bhú Djkl. 9:9. [†] **19:38** 19:38 Tsia bhú Ets. 118:26.

Yesu aku 'gbá ngú okpála na Yelusalema

⁴¹ Li Yesu akolo lie masikpe de Yelusalema-a, ani au gudhú-o lie, ani atsia aholo aku 'gbá ngú okpála ango-o. ⁴² Ani adú apa me: «Aa! Ngayi okpála na Yelusalema-a, i dú me yi mbíla li 'kpí na naki inde-e, guo 'ngú inde u ago pí yi ne e uu-o! La-a, a ko likabhu pí yi anga mbia inde-e, awo lie pí yi mawo. ⁴³ Padhá de, anga oekpí koko akólo pí yi makolo, li 'kpí ango-o, obhulú yala gba yi-e, asá aga dengo yi ngbalina. U búka yi, u tsia há 'gú pí yi ne ndú pápá hana. ⁴⁴ U agugumú gudhú-o. U tsia bhili ndú okpála inde bhúbhú-o hana. Agba yi-e, teme bini tigala pí kilí e de, anga yi mbila naní ekpí inde li Ebhe ago natsia yi lie de!»

Yesu ali bhú 'ngbé 'ti Ebhe gba omaYuda

(Tsia bhú Mat. 21:12-17; ne bhú Mlk. 11:15-19; di ne bhú Dja. 2:13-22.)

⁴⁵ Pipita-a, Yesu ali bhú 'ngbé 'ti Ebhe gba omaYuda-o. Ani atsia aholo natsambala okpála inde adú atsindji 'he oo-o. ⁴⁶ Ani apa pí uo me: «U aye bhú Bhuku gba Ebhe-e me, Ebhe apa me: <Eti gba ma-a, a adú eti nayo ma.> Engú bini, ngayi-e, yi adjí, atsia akolo bili gba obhulú 'zi![†]»

⁴⁷ Yesu adú asuno ndú 'kpí hana bhú 'ngbé 'ti Ebhe gba omaYuda. Ongbengbe odimande, omusuno na líli gba Moidje di ne obhelesi okpála adú agíli kpadjí ngú nabhélè ani. ⁴⁸ Engú bini, u tsia sia kpadjí ngú namemene de, anga ndú okpála hana adú adje ani ne gugumú naali.

20

A ngaha angu pi Yesu da?
(Tsia bhú Mat. 21:23-27; di ne bhú Mlk. 11:27-33.)

§ **19:45** 19:45 U adú naní atsindji onú di ne odhu bhú 'ngbé 'ti Ebhe gba omaYuda ngabula me okpála, inde adú ne gugumú ngú nahaha pí Ebhe-e, kala. ^{*} **19:46** 19:46 Tsia bhú Isa. 56:7; di ne bhú Djlm. 7:11. ^{*} **20:9** 20:9 Bhú bhuku gba polofeta Isaya-a, vino ngasuno piga gba omaIsalaele. Tsia bhú Isa. 5:1-7.

¹ A akolo ekpí bini, Yesu adú asuno pí okpála bhú 'ngbé 'ti Ebhe gba omaYuda. Ani atsia adú di nakpokpo Bádha Ngali pí uo. Ongbengbe odimande gba Ebhe, omusuno na líli gba Moidje di ne obhelesi okpála ago. ² U atsia ayi ani me: «Pa nga pí ya, aha kpadjí pí mu ngú namene ongú inde-e da? A aha la di angu ango-o pí mu ngángada?» ³ Abhomú-o, Yesu atsia agie pí uo me: «Ngama di-e, ma ayí yi lí 'ngú bini. Yi pa nga muma, ⁴ a ha kpadjí pí Djaa ngú nabatisa okpála da? Ne me a ko Ebhe, ne me a ko okpála?»

⁵ U aholo namene kpekebhe sundao. U atsia adú apa me: «I dú me ní nde agie me: <A aha kpadjí pí ani ne Ebhe>, ani yi ní me: <I dú mo-o, ka ní yi bhuka la naní engú inde ani adú apa e lie de-e?> ⁶ I dú di me ní nde apa me: <A ha kpadjí pí ani ne okpála-a>, li ndú okpála hana bhili ní ne teme, anga u ambila ndjindji me Djaa naní ne polofeta.» ⁷ Abhomú-o, u atsia agie me: «Ya mbila kpála inde aha kpadjí pí ani-e de.» ⁸ Do Yesu pí uo me: «I dú mo-o, ngama di-e, ma pá pí yi de me aha kpadjí muma da ngú namene ehe inde.»

Gbitaku pindji okpála na kulu inde abhélè ndíli gba ngámá gba o-o

(Tsia bhú Mat. 21:33-46; di ne bhú Mlk. 12:1-12.)

⁹ Pipita-a, Yesu aholo nakpokpo gbitaku inde-e pí okpála me: «Kpála bini alu naní ngu vino.* U adje lio ne okpála ngú namene kulu bhú 'dyí-o, amba o dú agbó bhúsú o ne uo li nguwa-o. Ani atsia atapa dhukú ngubula 'kpí bhelé.

¹⁰ A akolo lí nedhinga nako lílí o. Abhomú-o, ani atima kpála na kulu bini agba okpála ango-o me u

ha nguwa bhe gba ni-e pi ni haha. Engú bini, okpála ango-o abhi kpála na kulu bhomu-o má kpú! U atsia agie ani ne mbulù 'kpa e padhá. ¹¹ Bhulù 'dyi-e atima matá kpála na kulu koko bini. U abhi di ani, u asosobho ani, u atsia agie ani ne mbulù 'kpa e padhá. ¹² Ani atima matá kpála na bata. Bhabhomu-o, u atsotsolo kute ani ne eka. U atsia agbe ani bhú 'dyi-o.

¹³ Abhomu-o, bhulù 'dyi atsia apa me: «Ma améne si pi? Ma atima nga ibili ndili gba ma na mukunda-o. Nedhinga koko-o, u tí da namanga ani.» ¹⁴ Engú bini, lí okpála ango-o au ndili-e lie me-e, u atsia apa sonda o me: «Yi tsia nga la ndju kpála inde atigala galikpe ne edyi-o. Ní bhelé ani, amba edyi-e kolo ibili naaní.» ¹⁵ Abhomu-o, u agbe ani bhú 'dyi-o, u abhelé ani.» Yesu atsia ayi me: «Mbía inde-e, bhulù 'dyi-e améne ngú uo pi? ¹⁶ Ani agó, ani bhíli okpála na kulu ango-o. Ani tsia há edyi-e pi okpála na kulu koko.» Li okpála adje engú bhomu-o lie, u atsia apa me: «A ayo de me, bhabhomu-o mene lie de!»

¹⁷ Yesu atsia uo, ani atsia apa me: «Engú inde u aye e bhú Bhuku gba Ebhe-e me:
 -Teme inde lí okpála nayiki eti-e abhike e,
 akolo teme inde abi eti-e lib-homu.[†]
 A akunda napa pi? ¹⁸ I du me kpála nde ati pi teme ango-o, ani gúgumú. I du la di me teme ango-o nde ati pi kpála-a, i tú nu ani.»

*Engú pindji nakala mandjandja
 (Tsia bhú Mat. 22:15-22; di ne bhú Mlk. 12:13-17.)*

¹⁹ Bha lí nedhinga bhomu-o, omusuno na lili gba Moidje di ne ongbengbe odimande gba Ebhe-e, agili nani naholo Yesu, anga u ambila me ani apa gbitaku bhomu-o lí 'ngú gba o-o. Engú bini, u adu adje tsulù ka okpála. ²⁰ Abhomu-o,

[†] 20:17 20:17 Tsia bhú Ets. 118:22.

u aholo akenge Yesu. U atsia atima obhulù kali inde adu amene ehe mugito me uo ngingbili. Okpála ango-o adu agili naholo ani lí 'li e ngubula me o pu ani pi Pilate, ngámá na ndu doto ango-o. ²¹ U ayi ani me: «Musuno, ya ambila me mu ngagama 'ngú ndjindji, mu la di ngasuno 'ngú ngingbili. Mu tsia engbé gba kpála de. Mu ngasuno kpadji gba Ebhe-e pi okpála ngingbili. ²² Pa nga pi ya, a ayo me ya kala mandjandja gba Kaisala, 'ngbé ngámá na doto na Loma-a, ne me ya kala de?»

²³ Li Yesu ambila ekú gba uo-o lie, ani atsia apa pi uo me: ²⁴ «Yi suno nga lí falanga muma bini. A pépé ne kulu da, la di ne 'li da?» U agie me: «A ko kulu Kaisala, 'ngbé ngámá na doto na Loma, di ne 'li ani.» ²⁵ Abhomu-o, Yesu atsia apa pi uo me: «I du mo-o, yi ha ehe bhende gba Kaisala, 'ngbé ngámá na doto na Loma-a pi e, amba yi ha la di bhende gba Ebhe-e pi Ebhe.» ²⁶ U u siti 'ngú bhú engú inde ani adu apa e kala okpála-a de. Engú bini, u angamba naali ka eli inde ani agie e ko. Kaka-a, u andjili bha má bulu!

*Nazuku ka okpála inde amu
 (Tsia bhú Mat. 22:23-33; di ne bhú Mlk. 12:18-27.)*

²⁷ Abhomu-o, oSadukai koko ago de Yesu. OSadukai ziba nani naao de me okpála inde amu-o, azúku mazuku-o de. U ayi ani me: ²⁸ «Musuno, Moidje aye nani lili pi ní me: «Li kpála kpi 'o ká wala e me ani nde zu de-e, a ayo me ndai ani de ha ele ango-o, amba ani zu ongisi pi ndai e inde akpi ko.» ²⁹ La-a, adu nani obhosí mananika bhú piga bini. Bhende na kalanu-o aha ele, ani akpi padhá me ani nde zu de. ³⁰ Bhende na bhisi-e aha eke ango-o. Ani atsia akpi. ³¹ Pipita-a, bhende na bata-o. A adu bhadi moko pi ndu uo mananika hana, u amu me u nde zu de. ³² Ali soso-o,

ele ang-o-o atsia akpi di. ³³ Ya ngayi mu me: Li 'kpí li okpála inde amu-o azúku lie, ele ang-o-o adú naa da? Padhá de, anga ndú uo mananika hana aha nani ani!»

³⁴ Abhomo, Yesu atsia agie pi uo me: «Okpála na naki inde-e ngaha lio. ³⁵ Engú bini, okpála bhende amu-o, li Ebhe au me u ti da nazuku ngú nasia mukobho bhú nedhinga inde ngago-o, u há lio de. ³⁶ U tí da matá namu-u de, anga u akolo ibili maka oandjelu . A ko ongisi gba Ebhe, anga u azuku. ³⁷ Moidje asuno pi ni mbámbá me okpála inde amu-o azúku mazuku. Ani aye bhú bhuku gba e li bili inde ani akpo 'ngú lie pindji tsa 'po inde adú atsie me, Ebhe apa me: <Ma ne Ebhe inde li Abalahama ngadhé e, Ebhe inde li Isaka ngadhé e, Ebhe inde li Yakobho ngadhé e ko.[†] ³⁸ Ebhe ne Ebhe gba okpála bhende amu-o ade. Engú bini, a ko Ebhe gba okpála bhende bhú mukobho, maka li Abalahama, Isaka ne Yakobho nde pi ani lie bhú mukobho ko.»

³⁹ Abhomo, omsuno na lí koko atsia agie pi ani me: «Msuno, mo opa ndjindji.» ⁴⁰ Kaka-a, u yi matá ani li 'ngú bini de.

Masiya ne Ngámá gba Davidi (Tsia bhú Mat. 22:41-46; di ne bhú Mlk. 12:35-37.)

⁴¹ Abhomo, Yesu apa matá pi uo me: «Lele pi li okpála ti da napa lie me Masiya ne ndili na piga gba Davidi-e? ⁴² Padhá de, anga ngaani Davidi makpe-e, ani apa bhú bhuku na oetsi gba omaYuda me:

<Ebhe Ngámá apa pi Ngámá gba ma-a me:

Dú kuto li pá 'kpa ma na kokpa, ⁴³ akólo li nedhinga inde ma a'ó obhú yala gba mu-o lie dabili na sa-tidhu mu ko.[†]

⁴⁴ I du me Davidi nde nga'i Masiya me Ngámá gba ni-e, lele pi li Masiya

ti da nadú lie ndili na piga gba Davidi-e?»

*Yi améne maka omsuno na lí de
(Tsia bhú Mat. 23:1-36; di ne bhú Mlk. 12:38-40.)*

⁴⁵ Ani apa pi omskata kala ndú okpála hana inde adú adje ani-e me: ⁴⁶ «'E-e! Yi lila liyi ka omsuno na lí gba Moidje-e uu! U kunda bha nadhú ne ondjandja yambu. U kunda bha me okpála du ne yiyi o maka ongámási li bili li okpála apépékébhé bhúla o lie ko. U kunda bha nadú pi odabili na akalanú bhú oeti nadje lí , di ne odabili na akalanú bhú da anokomia. ⁴⁷ U ngandjia angu oekesi na olisilisi ne nabha ohe gba uo. U ngayo Ebhe ngengele ngú nasuno mugito me a ko obabadha okpála. Kaka-a, u asia likabhu naali!»

21

Makiso gba øke bini na øele (Tsia bhú Mlk. 12:41-44.)

¹ Ekpí bini, Yesu adú bhú 'ngbé 'ti Ebhe gba omaYuda. Ani atsia 'kpí, ani au me obhú tia ngabhike tia gba o-o bhú sanduku na makiso na 'Ngbe 'ti Ebhe-e ngú nahaha pi Ebhe.

² Ani atsia au di øke bini na øele bhú ndibhili me ani nde ngabhike senge bhisi. ³ Abhomo, ani atsia apa me: «Ma apa pi yi na paká me, øle na ndibhili li 'ko e akpi inde-e, aha makiso ane ndú okpála koko hana. ⁴ Padhá de, anga ndú okoko hana, u aha tia bhende u nde ne gmu e ade ko. Engú bini, ngaani-e, abana ani nde lie bhú ndibhili-e, ani aha ndú bhende ani adú akobho lie hana.»

Yesu apa me: «U agúgumú 'ngbé 'ti Ebhe gba omaYuda-o»

(Tsia bhú Mat. 24:1-2; di ne bhú Mlk. 13:1-3.)

⁵ Pipita-a, okpála koko aholo akpokpo 'ngú pindji 'ngbé 'ti Ebhe gba omaYuda-o. U adú apa me:

[†] 20:37 20:37 Abalahama, Isaka ne Yakobho ngadhé Ebhe anga pi Ebhe-e, belegú u amu lie li kute o, uo bhú mukobho li bua o. Tsia bhú Eki. 3:6. [†] 20:43 20:42-43 Tsia bhú Ets. 110:1.

«A bha ndju babadha naali ne obabadha teme ango-o, di ne ohe na mase naali inde u aha e pi Ebhe-o.» Engú bini, Yesu atsia apa me: ⁶ «Ndú 'he inde yi ngau e inde-e, ekpí koko akólo makolo, teme bini tigala pi kilí e de. U agúgumú eti-e hana kuto.»

*Likabhu inde akólo kala sokpí-o
(Tsia bhú Mat. 24:3-14; di ne bhú Mlk. 13:3-13.)*

⁷ Abhomu-o, u atsia ayi ani me: «Musuno, engú inde mu ngakpokpo 'ngú pindji e bhomu-o, akólo nadho? Ehe inde asúno nedhinga nago ka engú ango-o, a adú ni?» ⁸ Yesu agie me: «Yi lila liyi uu! Kpála bini apité yi de. Padhá de, anga okpála bhelé agó ne 'li ma, u tsia pá me: <Ma ne Masiya !> U tsia pá di me: <Nedhinga nago ka Masiya akolo!> Engú bini, yi akpáta uo de. ⁹ I du me yi nde adje okpála ngakpo 'ngú na oegú di ne ongú na okpekpeke 'ndjí-e, yi adjé tsulu de. Padhá de, anga a ayo ngaiza me oengú ango-o kolo kalanu. La-a, sokpí-e dú nga kolo má gala mo-o de.» ¹⁰ Pipita-a, ani matá pi uo me: «Okpála na kuti bini ahá 'gú pi okpála na kuti koko. Li ngámá na kuti bini há 'gú pi ngámá na kuti koko. ¹¹ Doto adyíki ne adjigidjo na ngbéngbé. Adyindi di ne osisiti kuo natagba matagba alí bhú obili ngangá. Yi aú ongamba 'ngú di ne ongú na tsulu tsulu abhúlá.

¹² Engú bini, kala me ndú 'ngú bhomu-o hana kolo-o, u ahólo yi. U améne yi sisiti. U anú ne yi me u kodho 'ngú gba yi-e bhú 'ti nadje líli gba Moidje . U tsia bhike yi bhú tikpu. U asungula yi pi ongbengbe ongámási di ne obhende ngatsia 'kpí li kuti-e kabula 'li ma. ¹³ Bhabhomu-o ahá kpadjí pi yi ngubula me, yi kpokpo 'ngú gba ma-a pi uo. ¹⁴ Yi 'o li bua yi me, yi gíli engú inde yi apá e li nedhinga nakodho 'ngú gba yi-e kalanu de. ¹⁵ Padhá de, anga ma ahá eli di ne imbilangu pi yi ngama makpe, ngubula nagbite 'bhé ndú

obhúlú yala gba yi-e hana. ¹⁶ Odyí yi ne ohi yi, ondaise yi ne okpála na piga gba yi di ne obi yi apú belegú yi ngao. U abhili okpála koko bhú ka yi. ¹⁷ Ndú okpála hana ayála yi kabula 'li ma. ¹⁸ Engú bini, 'kpa sundjo yi ngíta belegú de bini. ¹⁹ I du me yi nde alu kpekpeke akólo li soso-o, yi sia mukobho na duduma.»

*Engú inde akólo li Yelusalema
(Tsia bhú Mat. 24:15-21; di ne bhú Mlk. 13:14-19.)*

²⁰ «Nedhinga yi aú lie me osúdha asa Yelusalema ngbalina-a, yi de mbila me, nakpi kaka-a akolo masikpe. ²¹ Abhomu-o, okpála bhende a abháka o bhú ndu doto na Yudaya-a, a ayo me u kpe ne apí 'ta. Obhende adú bhú Yelusalema-a, a ayo me u ze bhúbhú maze. Obhende adú asangba gudhú-o, a ayo matá de me u li abhú gudhú-o de. ²² Padhá de, anga adú ekpí nakodho 'ngú gba Ebhe ngubula me ndú 'ngú hana inde u aye e bhú Bhuku gba Ebhe-e , amene lie. ²³ Li 'kpí ango-o, adú likabhu na ngbéngbé pi olisi na ebhi di ne obhende li ongisi adú andjí 'ka o-o. Padhá de, anga okpála na doto adjé likabhu naali, li mangimbo gba Ebhe-e súno lie pi uo. ²⁴ U abhili okoko ne ombotia. U tsia mbá okoko bhú bali ne ndú bili hana. Omúpagano adédele Yelusalema ne 'dhú o akólo bha bini li nedhinga gba uo andjía lie ko.»

*Nakolo ka sokpí
(Tsia bhú Mat. 24:29-31; di ne bhú Mlk. 13:24-27.)*

²⁵ «U aú oengú na ngangamba bhúla ela, bhúla epe di ne bhúla oikupala. Píla doto-o, bua okpála hana adú ati má ngbi ngbi ngbi ne tsulu ka tolo, di ne ka li 'ngbé 'ngu adú adimba lie ko! ²⁶ Okpála amú ne tsulu ka nabhundja engú inde akólo píla doto libhomu-o, anga ndú 'he na abhúlá hana adyíki má djigi djigi! ²⁷ Pipita-a, u tsia ú ma ngama, Ndíli gba kpála, me ma nde ngago

bhú ndindi ne angu di ne asasaua gba ma-a hana.[†] ²⁸ Nedhíngá li ongú ango-o ahólo amene lie lie, yi de lú kpekpeke, amba yi 'e 'ndjí yi ne abhúlá, anga ekpí li Ebhe akóbho yi lie akolo masikpe.»

*Gbitaku pindji ndula na figi
(Tsia bhú Mat. 24:32-35; di ne bhú Mlk. 13:28-31.)*

²⁹ Pipita-a, Yesu atsia apa gbitaku inde-e pi uo me: «Yi tsia nga ndula na figi di ne ondula koko hana. ³⁰ Yi u me 'kpá 'kpá aholo nake-o, yi mbila me gboko 'kpí akolo masikpe. ³¹ A bhadi moko, nedhíngá yi aú ongú bhomu-o lie ngakolo-o, yi de mbila me Naú gba Ebhe-e akolo masikpe. ³² Ma apa pi yi na paká me, ndu 'ngú bhomu-o hana akólo me okpála na naki inde-e nde mu nga ndu o hana de. ³³ Ekpí ne doto akódho 'kpí makodho. Engú bini, 'li ma kódho 'kpí belegú de bini.»

Yi lila liyi malila

³⁴ «'E-e! Yi lila liyi uu! Yi adú abhundja bha engú na anokomia, ne engú nalangba ne pandi di ne ongangá 'ngú na doto inde-e de. I du mo-o, li ekpí li ngama, Ndili gba kpála, ma agó lie, i kólo li yi bhú gbilikiti, ³⁵ maka ekú ahoholo onu lie ko. Padhá de, anga ahólo okpála píla doto libhomu. ³⁶ Yi alá-a de. Yi du nayo Ebhe ndu nedhíngá hana, ngubula me yi sia angu ngú nakpe ndu 'ngú inde akólo hana, amba yi koto ngú nalú kala ma, Ndili gba kpála-o.»

³⁷ Ne ngbikpi-e, Yesu adú asuno bhú 'ngbé 'ti Ebhe gba omaYuda-o. Tagolo, ani atsia adú anu asi apí 'ta na ondula na Olive. ³⁸ Ndú okpála hana adú ago bhú sükpi bhú 'ngbé 'ti Ebhe ngú nadje ani.

[†] 21:27 21:27 Tsia bhú Dan. 7:13.

22

*Ongámási gba omaYuda agili nabhélə Yesu
(Tsia bhú Mat. 26:1-5; ne bhú Mlk. 14:1-2; di ne bhú Dja. 11:45-53.)*

¹ Ekpí na anokomia na Pasíka , ekpí ayo di lie me u zu mapá inde li levile nde bhú e ade-e, akolo masikpe. ² Ongbengbe odimandé gba Ebhe di ne omesuno na lili gba Moidje adu agili kpadji ngú nabhélə Yesu. Engú la bini, u adu adje tsulù ka okpála.

³ Pipita-a, Satana ali li bua Yuda inde u a'i e me Isikaliote, suka obhulù titima ndjikpa ne ká bhisi gba Yesu-o. ⁴ Abhomu-o, ani anu nadje lie ne ongbengbe odimandé gba Ebhe di ne ongámási gba okpála nalila 'ngbé 'ti Ebhe gba omaYuda. Ani anu nakpokpo ne uo maka ani apú Yesu lie pi uo ko. ⁵ U akpi djali naali, u atsia adje lio sundà o me o há pi ani falanga. ⁶ Yuda aziba. Ani atsia aholo agili nedhíngá na ndjindji ngú napu Yesu pi uo me, okpála nde de uo ade.

*Yesu atima okpála me, u nu po bhúla ezú na anokomia
(Tsia bhú Mat. 26:14-16; ne bhú Mlk. 14:12-21; di ne bhú Dja. 13:21-30.)*

⁷ Ekpí na anokomia nazu mapá inde li levile nde bhú e ade-e akolo. A adu di ekpí inde ayo lie me u bhélo folo kandélo ngubula anokomia na Pasíka-o. ⁸ Yesu atima Piele ne Djaa . Ani pi uo me: «Yi nu leke ndu 'ngú hana pi ní ngú anokomia-o.» ⁹ U atsia ayi ani me: «Mo okunda me ya nu leke su?» ¹⁰ Ani agie pi uo me: «Yi djedje, yi alí lie bhú Yelusalema-a, yi atú liyi ne bhoko bini me ani nde abi lusa 'ngu pi 'ndjí e. Yi kpata ani bhú eti inde ani alí bhú e-o. ¹¹ Yi yi bhulù eti ango-o me: <Mésuno ngayi mu me, tina 'ti inde ma azú anokomia ne omukpata gba ma-a bhú e ngae dho?> ¹² Ani

asúno 'ngbé tina 'tì bhe na abhúlá-a pi yi bini. Ndù 'he hana bhúbhú. Yi leke ehe na anokomia bhúbhú.» ¹³ U agbida, u abhaka ndù 'ngú hana maka li Yesu apa lie ko. Abhomu-o, u atsia aleke ezù na anokomia-o.

Yesu aha mapa ne vino pi obhúlu titima

(*Tsia bhú Mat. 26:26-30; ne bhú Mlk. 14:22-26; di ne bhú 1 Kol. 11:23-25.*)

¹⁴ Li nedhinga ango-o akolo lie, Yesu ne obhúlu titima gba e atsia adúlu kuto ngú nazù 'he-o. ¹⁵ Aní apa pi uo me: «Ma adú nako ne gúmu naali me ní zu anokomia inde-e ne yi bhú dabili bini kala me ma dje likabhu ko! ¹⁶ Padhá de, anga ma apa pi yi me, ma zú matá-a de, akólo li nedhinga inde li tata-a asúno lie lie bhú Naú gba Ebhe ko.» ¹⁷ Abhomu-o, aní aha kópo na vino-o, aní agie hení pi Ebhe. Aní atsia apa me: «Yi haha, amba yi ndjí ndù yi hana. ¹⁸ Ma apa pi yi me, ma ndjí matá-a de akólo li nedhinga inde li Naú gba Ebhe-e agó lie ko.» ¹⁹ Pipita-a, aní aha mapa-o, aní agie hení pi Ebhe. Aní agúmu bhúsú bhúsú, aní aha pi uo. Aní atsia apa me: «A inde-e kute ma [inde aha lie pi yi-o. Yi du amemene moko, ngubula nabhundja ma.]» ²⁰ Pita u andjia nazù 'he bhomu-o lie, aní aha di kópo na vino-o pi uo, aní atsia apa me: «Vino inde-e, a ko gandja na mbia li Ebhe akodho e ne yi ne ngute ma inde atuko pi yi-o.]

²¹ Engú bini yi tsitsia, kpála inde apú ma-a, aní ngazù 'he ne ma bhú dabili bini sì! ²² Padhá de, anga a ayo me ngama, Ndili gba kpála-a, ma kpi maka li Ebhe apa lie ko. Engú la bini, a ko likabhu naali pi kpála inde apú ma ko!» ²³ Abhomu-o, u atsia aholo ayi lio súnda o me, a ko kpála bhedho bhú ka o inde i tí da namene 'ngú bhomu-o.

Ane ne engbé da?

²⁴ Pipita-a, omukpata aholo amene kpekebhé súnda o ngú nambila me

ane ne engbé bhú ká o da. ²⁵ Yesu atsia apa pi uo me: «Ongbengbe ongámási gba omúpagano-o ngaha líli pi okpála gba o-o. Obhende ngatsia 'kpí li doto-o kúnda me u 'i o me «Obabadha okpála.» ²⁶ Pi yi-e, yi améne mo-o de. Engú bini, a ayo me kpála inde ane ne engbé bhú ká yi-e du maka mboye ndili, amba kpála inde ngatsia 'kpí li okpála koko-o, du naae maka kpála na kulu gba uo-o. ²⁷ Padhá de, anga ane ne engbé da, ne me a ko kpála inde ngazù 'he? Ne me a ko kpála inde ngamene kulu kulu-o. A ko kpála inde ngazù 'he-e di? La-a, ma bhú ká yi maka kpála na kulu gba okpála koko.

²⁸ Ngayi obhúlu titima gba ma-a, ní adú ne yi ndù 'kpí hana bhú nedhinga inde ma adú adje likabhu gba ma-a lie ko. ²⁹ Kaka-a, ma ahá Naú pi yi maka li 'Dyi ma aha di múma lie ko. ³⁰ Abhomu-o, yi azú 'he, yi tsia ndjí di vino ne ma bhú dabili bini, i du me ma nde ali bhú Naú gba ma-o. Yi adúlu di pi odabili na ngámá ngú nakodho 'ngú gba opiga ndjikpa ne ká bhisi gba omafsalaele ko.»

Yesu apa pi Piele me: «Mo oyála ma»

(*Tsia bhú Mat. 26:31-35; ne bhú Mlk. 14:27-31; di ne bhú Dja. 13:36-38.*)

³¹ Pipita-a, Ngámá Yesu atsia apa me: «Simo, Simo, djedje nga! Ebhe aha kpadji pi Satana me aní pe yi maka u apepe mapunga lie ko.

³² Engú bini, ngama-a, ma ayo Ebhe ngú mu, amba mo o'ó ká nabhuka gba mu-o de. Mo odjí matá bua mu lie, mu de ha di angu pi ondaise mu uu.» ³³ Piele apa pi aní me: «Ngámá, ma bedhe me, abana i du nanú bhú tikpu di ne nakpi-e, ní ná ne mu bhú dabili bini.» ³⁴ Yesu agie pi aní me:

«Piele, ma apa pi mu me, sukpe na naki inde-e, kala me engú ku 'gbá-a, mo opá bhútsibhútsi bata me ní mbila ma de.»

Yesu apa pi omukpata gba e me, u leke lio ngubula egú

³⁵ Pipita-a, aní atsia ayi uo me: «Nedhinga nako ma atima yi lie mandi tia-a, mandi gonia ne maleké-o, ehe bini aneke nako ka yi uu?» U agie me: «Ehe bini neke ka ya de.» ³⁶ Do aní pi uo me: «Mbia inde-e, kpála bhende li tia ne gonia nde ka e-e, a ayo me aní haha. Kpála bhende li mbotia nde ka e ade-e, a ayo me aní tsindji koti gba e-o, amba aní kala mbotia ne di. ³⁷ Padhá de, anga ma apa pi yi me, engú inde u aye e bhú Bhuku gba Ebhe-e me, «U ato aní bhú ká okpála na sisiti-e», a ayo me amene lie li kute ma. A moko, engú inde atsia ma-a, a adji amene lie.†» ³⁸ Omukpata atsia apa me: «Ngámá, a ka ya si ne ombotia bhisi.» Aní atsia agie pi uo me: «A ale.»

Yesu anú nayo Ebhe pi eta na ondula na Olive

(Tsia bhú Mat. 26:36-46; di ne bhú Mlk. 14:32-42.)

³⁹ Pipita-a, Yesu akoto. Aní anú apí eta na ondula na Olive* maka aní adú amemene lie ko. Omukpata gba aní atsia akpata di aní. ⁴⁰ U akolo lie oo, aní atsia apa pi uo me: «Yi yo Ebhe, amba yi alí bhú nale de.» ⁴¹ Aní ayie de uo, aní adyudyo mbo lie tsutsu masudha. Aní akikita lipukú e kuto, aní atsia ayo Ebhe me: ⁴² «'Dyi ma, i dú me mu nde akunda-a, mu de 'e likabhu inde-e de ma tsutsu. La-a, mo oméne maka ma akunda lie de, mene mangbo maka mo okunda lie ko.» [⁴³ Abhomú-o, andjelu bini ayie abhúlá, aní akoto li aní, aní atsia aha angu pi aní. ⁴⁴ Aní abedhe lie ne likabhu-o, aní atsia aholo matá nayo Ebhe kpekpeke naali. Ngufo na kute aní akolo maka ngute, a atsia adú ayi kuto má ta ta ta!]

⁴⁵ Pita li aní a'o nayo Ebhe lie, aní ayie bhúlá, aní agie lie ade omukpata. Aní abhaka me u nde

† 22:37 22:37 Tsia bhú Isa. 52:12. * 22:39 22:39 Eta na ondula na Olive-e asangba gudhu na Yelusalema.

atuko ne ela ka likabhu. ⁴⁶ Aní atsia apa pi uo me: «Yi atuko ne ela ka ni? Yi yie bhúlá, amba yi yo Ebhe, ngubula me yi alí bhú nale de.»

U aholo Yesu

(Tsia bhú Mat. 26:47-56; ne bhú Mlk. 14:43-50; di ne bhú Dja. 18:3-11.)

⁴⁷ Li nedhinga li Yesu adú apa 'ngú bhomú-o lie, Yuda súka obhúlú titima ndjíkpa ne ká bhisi-e ago ne bhti okpála. Aní adyudyo lie de Yesu masíkpe ngubula me ni nvú pabhé aní. ⁴⁸ Abhomú-o, Yesu atsia apa pi aní me: «Mu nganvú pabhé ma, Ndíli gba kpála, ngubula napú ma-a?»

⁴⁹ Li omukpata gba Yesu-o au engú inde adji akódho 'kpí-e lie, u atsia ayi Yesu me: «Ngámá, a la ya gu ne uo ne mbotia?» ⁵⁰ Súka uo asú kpála na kulu gba bhele kpála gba odimande gba Ebhe-o. Aní atsia akodho kpadje aní li pápá na kokpa-a má tse! ⁵¹ Engú bini, Yesu atsia apa me: «Yi 'o'o, a apise moko.» Aní aha kpadje kpála ango-o, aní a'o 'kpa e téte, aní atsia akobho aní.

⁵² Pipita-a, Yesu atsia apa pi ongbengbe odimande ne ongámási gba omúlila na 'ngbé 'ti Ebhe gba omaYuda, di ne obhelesi okpála inde ago ngú naholo aní-e me: «Ka ni yi ago ngú ma lie ne ombotia, di ne ondula mugito me yi ago ngú naholo bhúlú 'zi-e? ⁵³ Ní adú nako ne yi ndú 'kpí hana bhú dabili bini bhú 'ngbé 'ti Ebhe gba omaYuda. La-a, yi holo ma de. Engú bini, nedhinga gba yi-e akolo, nedhinga gba ngámá na biti-o.»

Piele apa me ni mbila Yesu de

(Tsia bhú Mat. 26:57-58, 69-75; ne bhú Mlk. 14:53-54, 66-72; di ne bhú Dja. 18:12-18, 25-27.)

⁵⁴ Abhomú-o, u aholo Yesu, u anú ato aní bhú 'ti gba bhele kpála gba odimande gba Ebhe-o. Piele adú akpata uo mbo tsutsu. ⁵⁵ A abhaka

me u nde akpo djua tu mbadhasu, okpála adulu dede. Piele atsia ago adu bhu ká uo. ⁵⁶ Kpála na kulu bini na oele au ani li zi djua me ani nde adu kuto. Ani atsia Piele ne kpéke djila, ani me: «Kpála inde-e du di nako ne ani bhu dabili bini!» ⁵⁷ Engú bini, Piele ayala, do ani de: «Ma ambila ani de, ele-e.» ⁵⁸ Pita nedhinga bedi-e, bhoko bini au ani, ani atsia apa me: «Ngamu di-e, mu ne suka okpála gba Yesu-o!» Engú bini, Piele atsia agie me: «Bhoko-e, ma ne suka uo ade.»

⁵⁹ Pipita abhue mbo ngengele. Bhoko koko atsia azi kekele téte me: «A ko kukulu 'ngú, kpála inde-e du nako ne Yesu bhu dabili bini, anga a ko di kpála na Galilaya.» ⁶⁰ Engú bini, Piele agie pi bhoko ango-o me: «Bhoko-e, ma mbila 'ngú inde mu ngapa e de.» Bha li nedhinga inde ani adu apapa lie, engú atsiaaku 'gbá. ⁶¹ Ngámá Yesu adjibhúla e, ani atsia bhúla Piele. Abhomu-o, Piele atsia abhundja engú inde li ngámá Yesu apa iginí e pi ani-o me: «Sukpe na naki inde-e, kala me engu ku 'gbá-a, mo opá bhutsibhútsi bata me ni mbila ma de.» ⁶² Piele akoto kilidjo, ani abhólo kuo e ne egbá má kusu!

*U asobho Yesu, u atsia abhi di ani
(Tsia bhú Mat. 26:67-68; di ne bhú
Mlk. 14:65.)*

⁶³⁻⁶⁴ Okpála inde adu alila Yesu-o aholo amu ani. U agbite djila ani. U aholo abhi ani. U atsia adu ayi ani me: «Aa! Ngamu, polofeta-a, pa nga pi ya me asu mu da!» ⁶⁵ U asosobho ani. U atsia apa di ongú koko pi ani bhelé bhú osobho inde u adu asosobho ani ne e ko.

*Odimande akodho 'ngú gba Yesu
(Tsia bhú Mat. 26:59-66; ne bhú
Mlk. 14:55-64; di ne bhú Dja. 18:19-
24.)*

⁶⁶ Li ekpí aseke lie, obhelesi okpála gba omaYuda apekébhé bhúla o bhú dabili bini ne ongbengbe odimande gba Ebhe, di ne

omusuno na lili gba Moidje-o. U atsia agbe ani kala Libi okpála natsia 'kpí li 'ngú gba omaYuda-o. ⁶⁷ U ayi ani me: «I du me mu nde ne Masiya-a, mu de pa pi ya.» Abhomu-o, ani agie pi uo me: «I du me ma nde apa pi yi-e, yi bhúka de. ⁶⁸ I du la di me ma nde ayi yi li 'ngú-o, yi gie 'ngú muma téte de. ⁶⁹ Nayie pi mbia inde-e, ngama, Ndili gba kpála-a, ma adú li pápá na kokpa gba Ebhe na angu-o.†» ⁷⁰ Abhomu-o, ndu uo hana atsia ayi me: «Bhobhomu-o apa me mu ne Ndili gba Ebhe?» Ani agie pi uo me: «A maka yi apa lie ko.» ⁷¹ Abhomu-o, u atsia apa me: «Ní matá ne gúmu okpála koko inde i ti da napa engú ango-o pi ní ade, anga ní adje bha nganí makpe bhú 'li ani adje!»

23

*U anu ne Yesu kala Pilate
(Tsia bhú Mat. 27:1-2, 11-14; ne
bhú Mlk. 15:1-5; di ne bhú Dja. 18:28-
38.)*

¹ Pipita-a, ndu okpála hana inde adu bhú dá bula-a ayie bhúlá, u atsia anu ne Yesu kala Pilate, ngámá na Loma. ² Oo, u aholo apa li Yesu me: «Ya abhaka kpála inde-e me ani nde ngaha kpéke 'ndji pi okpála gba ya-o. Ani nde ngayoko uo me u akala mandjandja gba Kaisala, 'ngbé ngámá na Loma-a de. Ani atsia adu apa di me ni ne Masiya, akunda napa me 'ngbé ngámá.»

³ Pilate ayi ani me: «Ngamu-o, mu ne 'ngbé ngámá gba omaYuda?» Yesu agie pi ani me: «Mo opa ngamu.» ⁴ Abhomu-o, Pilate atsia apa pi ongbengbe odimande di ne bhiti okpála bhomu-o me: «Ma u engú bini inde a ayo me u holo kpála inde-e ngú e de.» ⁵ Engú bini, u azi bha kekele téte me: «Bhú nasuno gba ani-e, ani ngaha kpéke 'ndji pi okpála me u améne lili gba ngámá-a de. Ani amene bhú doto gba omaYuda libhomu. Ani akpo bhú

† 22:69 22:69 Tsia bhú Ets. 110:1.

ndu doto na Galilaya. Mbia inde-e, anि akolo ibili ne di ei.»

U anu ne Yesu kala ngamá Elode

6 Li Pilate adje lie mo-o, anि atsia ayi me: «Kpála inde-e, a ko kpála na Galilaya?» **7** U agie pi anि me: «A moko, a ko kpála na Galilaya.» Abhomu-o, li Pilate adje lie me Yesu ayie bhú ndu doto li ngamá Elode adu alila e-e, anि atsia atima anि pi anि. Padhá de, anga bhú ekpí angoo, Elode adu di bhú Yelusalema oo. **8** Elode akpi djali naali li anि au Yesu lie. Padhá de, anga nayie nani didili naali, anि adu akunda me ni u Yesu ka engú gba anि inde anि adu adje e-o. Anि atsia adu akunda nau anि me anि nde ngamene ngamba 'ngú. **9** Anि ayiyi Yesu li ongú bheldé. Engú bini, Yesu gie 'ngú pi anि téte belegu de bini. **10** Ongbengbe odimande di ne omusuno na lili gba Moidje adu oo. U adu apa 'ngú li kute anि sisiti naali. **11** Elode ne osudha gba e amu anि, u atsia assosobho di anि. Pipita-a, u adyi bádha bongo li anि, u atsia agie anि pi Pilate. **12** Kalanu-o, Elode ne Pilate du nadje lio de. Nayie li 'kpí angoo, u atsia akolo bhú makpolia.

U akodho 'ngú gba Yesu me anि kpi bha makpi

(Tsia bhú Mat. 27:15-26; ne bhú Mlk. 15:6-15; di ne bhú Dja. 18:39 - 19:16.)

13 Abhomu-o, Pilate apo bhúla ongbengbe odimande, ongámási gba omaYuda di ne okpála. **14** Anि atsia apa pi uo me: «Yi ago ne kpála inde-e muma me anि ngaha kpéke 'ndji pi okpála. La-a, ma ayi anि li 'ngú angoo kala yi si, ma u anि ne siti 'ngú belegu de bini bhú ká ndu 'ngú hana inde yi apa e li anि-o. **15** Elode u di siti 'ngú ka anि de anga anि agie anि pi ní ei. A moko me kpála inde-e mene siti 'ngú belegu de bini inde u ti da nabhélè anि ka e ko. **16** Kaka-a, ma abhí anि ne fimbo, ma atsia tsé 'kpa li anि.» [**17** Bhú ndu anokomia na Pasika hana, a ayo me

Pilate tse 'kpa li kpála inde u aholo e bhú tikpu-o pi uo bini.]

18 Engú bini, ndu uo hana aholo asusula bhú dabili bini me: «Bhele kpála bhomu-o mabhele, amba mu tse 'kpa li Balaba pi ya!» **19** (U aholo naní Balaba bhú tikpu anga anि agbe naní kpéke 'ndji abhú Yelusalema, anि atsia abhélè di kpála.) **20** Pilate adu akunda natse 'kpa li Yesu. Kaka-a, anि atsia ayi matá uo li 'ngú angoo ko. **21** Engú bini, u aholo bha nasusula me: «Gi anि li kulusi! Gi anि li kulusi!» **22** Bhutsibhútsi na bata-a, anि apa pi uo me: «Anि amene la mangua siti 'ngú dho? Ma u engú inde anि amene e, u ti da nabhélè anि ka e de. Ma abhí bha anि ne fimbo, ma tsia tsé 'kpa li anि.»

23 Engú bini, u azi bha kekele téte kpekpeke me, a ayo me u gi Yesu li kulusi. U adu bha a'é'e 'li o ne bhúlá, akolo li nedhinga li 'li uo aha angu Pilate lie ko. **24** Abhomu-o, Pilate atsia aziba namene maka u adu akukunda lie ko. **25** Anि atsia atse 'kpa li kpála inde u adu ayo e-o, kpála inde u aholo e bhú tikpu-o. Padhá de, anga anि agbe kpéke 'ndji, anि atsia abhélè di kpála. Engú bini, anि atsia aha Yesu pi uo me u mene ne anि maka u adu akukunda lie ko.

U anu ne Yesu ngú nabhélè anि

(Tsia bhú Mat. 27:32-44; ne bhú Mlk. 15:21-32; di ne bhú Dja. 19:17-27.)

26 Li osudha adu anu ne Yesu lie, u aké lio ne Simo, kpála na ndu doto na Silene, me anि nde ayie abhiye. U aholo anि, u atsia a'o kulusi gba Yesu-o li 'ngú anि me, anि bibi amba anि kpata Yesu ne di.

27 Okpála bheldé adu akpata Yesu. Bhú ká uo-o, adu di ne olisi inde adu aku 'gbá ne nalopoló lio ngú anि-o.

28 Yesu adji bhúla e ne apí uo, anि atsia apa pi uo me: «Ngayi, olisi na Yelusalema-a, yi akú 'gbá ngú ma de! Engú bini, yi ku mangbo egba ngú yi ne ongisi gba yi ko. **29** Padhá de, anga oekpí koko akólo makolo, oekpí inde u apá lie me: <A ko djali

pí olisi inde i zu de, inde i bi 'bhí de, di ne obhende li ongisi ndji 'ka o de-o!» ³⁰ Li nedhinga bhomu-o, okpála ahólo napa pí ongbengbe 'ta me: «Yi buku ya!» U tsia pá pi odjedje 'ta me: «Yi wo ya!»[†] ³¹ Padhá de, anga i dú me okpála nde amene ndula bhe na yiyi-e mo-o, u méne la ibili naae ndula bhe na keke-e pi?»*

³² Li nedhinga bhomu-o, u anú di ne obhosí bhisi koko inde amene sisiti 'ngú naali me u bhili uo bhú dabili bini ne Yesu.

U agi Yesu li kulusi
(Tsia bhú Mat. 27:45-56; ne bhú Mlk. 15:33-41; di ne bhú Dja. 19:28-30.)

³³ U akolo li bili inde u a'i e me «Pelegendji.» U atsia agi Yesu li kulusi di ne okpála na sisiti bhisi-o, koko li kulusi gba e li pá 'kpa ani na kokpa, koko li kulusi gba e li pá 'kpa ani na gali. ³⁴ [Abhomu-o, Yesu atsia apa me: «'Dyi ma, mbu li siti 'ngú gba uo, anga u mbila engú inde u ngamene e de.»]

Osúdha agú gbanda ngú nagapa obongo gba ani-e li o. ³⁵ Okpála adú oo, u adú atsia engú inde adú akodho 'kpí-o. Ongámási gba omaYuda adú amú ani. U atsia adú apa me: «Ani akobho okpála koko. A ayo me ani kobho di lie ne tití e, i dú me ani nde ne Masiya inde li Ebhe abhú e ko!» ³⁶ Osúdha amú di ani. U adyudyo lio masikpe, u aha kpongadha pandí pi ani, u atsia apa me: ³⁷ «I dú me mú nde bha ndju ne 'ngbé ngámá gba omaYuda-a, mú de kobho limú ne tití mú!» ³⁸ Pi 'ndji ani-e, u aye me: «A INDE-E 'NGBÉ NGAMÁ GBA OMAYUDA-O.»

³⁹ Súka okpála na sisiti inde u agi o li kulusi adú asobho ani me: «Mu ne Masiya adi? Kobho limú ne tití mu, amba mu kobho di ya!» ⁴⁰ Engú bini, bhe koko ambe bhú 'ndji ani, do ani de-e: «Mu kpe Ebhe di, ngamu inde ngasia bhadi likabhu maka ani-e? ⁴¹ Pi ní-e, a li likabhu gba ní-e ne

tata, anga ní ngasia bhomu-o mbini kulu gba ní ko. La-a, ngaani-e, ani mene naae siti 'ngú belegú de bini.» ⁴² Pipita-a, ani atsia apa pi Yesu me: «Bhundja ma uu, li nedhinga inde mo ogó lie ngú nau ngámá gba mu ko.» ⁴³ Yesu agie pi ani me: «Ma apa pi mu na paká me, naki-e, ní adú ne mu bhú dabili bini bhú kuti na mandeyi ko.»

Yesu akpi

⁴⁴ A akolo masikpe de tulukpe, ela a'o nasú. Biti aha píla doto libhomu akolo li saa na bata píta tulukpe. ⁴⁵ 'Ngbé 'kpá bongo inde adú agbo bhúsú 'ngbé 'ti Ebhe gba omaYuda asidha bhúsú e tütü má tsue! ⁴⁶ Abhomu-o, Yesu atsia asúla kpekpeke me: «'Dyi ma, ma nga'o bua ma sa 'kpa mu.» Pita ani apa engú bhomu-o lie, ani atsia andala 'kpa li bua e. ⁴⁷ Li ngámá gba osúdha na Loma au engú inde akodho 'kpí-e lie, ani atsia adú adhégé Ebhe me: «A ko paká me kpála inde-e bha ndju nako ne kpála na ngingbili!» ⁴⁸ Ndú okpála hana inde ago apo bhúla o ngú natsia engú ango-o, au engú inde akodho 'kpí-o. U atsia adú agie lio agba o me u nde abubu 'kpa o pi 'ka o ka likabhu. ⁴⁹ Ndú obi Yesu hana di ne olisi inde adhákú ne ani bhú dabili bini nayie bhú Galilaya-a, alálu mbo tsutsu. U adú natsia engú inde adú akodho 'kpí ko.

U azi Yesu

(Tsia bhú Mat. 27:57-61; ne bhú Mlk. 15:42-47; di ne bhú Dja. 19:38-42.)

⁵⁰⁻⁵¹ Kpála bini adú nani oo. A adú 'li ani me Djodjefu, kpála na Alimaté, súka gúdhú gba omaYuda. A ko nani kpála na babadha inde adú di ngingbili. Ani adú nani nadjeke nago ka Naú gba Ebhe píla doto. A ko nani súka Libi okpála natsia 'kpí li ongú gba omaYuda-o. Engú bini, ani dú aziba engú

* 23:30 23:30 Tsia bhú Oz. 10:8. * 23:31 23:31 Ndula bhe na yiyi-e, a ko Yesu. Ndula bhe na keke-e, a ko okpála.

inde li Libi okpála natsia 'kpí li ongú gba omaYuda adu abhundja e di ne namene e li Yesu-o de. ⁵² Ani anu abhaka Pilate, ani atsia ayo kuo Yesu ka ani. Pilate aziba. ⁵³ Pipita-a, ani atsia a'e kuo ani li kulusi-o. Ani agagala ne bongo. Ani atsia ato bhú lata inde u adjí e bhú teme, lata inde u zi nga kpála bhú e kalanu de. ⁵⁴ A adu nani 'kpí kulu bhuluvue, masikpe de ekpí naguo .

⁵⁵ Olisi inde ayie nani ne Yesu bhú Galilaya-a, anu bhú dabili bini ne Djodjefu. U atsia lata-o, u au maka u a'o kuo Yesu lie bhúbhú-o. ⁵⁶ Pipita-a, u agie lio agba o. U atsia aleke emu, di ne mungotsi ngubula me sidi-e, u nu pulu kute kuo-o ne di. Li 'kpí naguo-o, u atsia aguo maka li lili apa lie ko.

24

*Yesu azuku
(Tsia bhú Mat. 28:1-10; ne bhú Mlk. 16:1-8; di ne bhú Dja. 20:1-10.)*

¹ Bhú 'kpí yinga kekpí má bhé-o, olisi aha mungotsi inde u agili e-o, u atsia agbida abhú lata. ² U abhaka me teme nde awawala li 'bhé lata-a awawala. ³ U ali lie, u bhaka kuo Ngámá Yesu de. ⁴ Nedhinga u adu akiaka lie ka 'ngú ango-o, kolo me e okpála bhisi aze li uo. Okpála ango-o adyidyi bubu bongo má tuu tuu! ⁵ U adu la lie ne tsulu naali-e, u atutu bhúla o ne kuto. Okpála ango-o atsia apa pi uo me: «Yi ngagili kpála inde uu-o bhú ká okpála inde amu-o ka ni? ⁶ Ani siii ade. Engú bini, ani azuku. Yi bhundja engú nako ani apa e pi yi li nedhinga inde ani adu nga bha lie bhú Galilaya me: ⁷ «A ayo me u pu ma, Ndili gba kpála, pi okpála na sisiti. U gi ma li kulusi, amba bhú 'kpí na bata-a, ma tsia zuku.»» ⁸ Abhomu-o, u atsia abhundja 'li ani-o.

⁹ U ayie bhú lata-o. U atsia anu nakpokpo ndu 'ngú bhomu-o hana pi obhúlú titima ndjikpa ne ká bini, di ne ndu obhende adu ne uo bhú

dabili bini-e hana. ¹⁰ Olisi ango-o, adu nani Malia , kpála na gudhú na Magadala, Djaani ne Malia , 'hi Djaki. Ngauo ne olisi koko inde adu bhú dabili bini ne uo akpokpo pi obhúlú titima gba Yesu-o. ¹¹ Engú bini, obhúlú titima abhundja naao me, engú inde li olisi akpokpo ee, a ko engú na ngingi. Kaka-a, u tsia bhuka de. ¹² Engú bini, Piele ayie bhúlá, ani anu ne holo abhú lata. Ani akolo lie oo, ani akita ne kuto, ani atsia 'kpí, ani au bha bongo inde u agagala kuo ne e ko. Pipita-a, ani agie lie agba e me ani nde ngangamba naali ka engú inde akodho 'kpí ko.

Yesu akoto li omukpata bhisi li kpadji na Emausi

(Tsia bhú Mlk. 16:12-13.)

¹³ Bha li 'kpí ango-o, omukpata bhisi adu anu bhú kuti bini inde u a'i e me Emausi. Kuti ango-o adu de Yelusalema tsutsu, masikpe de kilometele ndjikpa ne ká bini. ¹⁴ U adu akpokpo 'ngú sunda o pindji ndu 'ngú hana inde akodho 'kpí-o. ¹⁵ Nedhinga uo adu akpokpo 'ngú di ne namene kpekebhé lie sunda o-o, ngaani Yesu makpe, ani adyudyo lie de uo masikpe. Ani atsia aholo 'nu ne uo bhú dabili bini. ¹⁶ U adu au ani, engú bini, ehe bini adu amene me u ambila ani de. ¹⁷ Ani ayi uo me: «A ko mangua 'ngú dho yi adjí ne kpokpo e sunda yi me-e?» Abhomu-o, u alu, u atsia abedhe ne likabhu bedhe.

¹⁸ Súka uo bini inde adu 'li e me Keleopasi apa pi ani me: «Bhú ká ogomago na Yelusalema libhomu-o, engú inde akodho 'kpí sunda okpí inde-e, mu mbila bha de ngamu kpi mu kpi?» ¹⁹ Ani ayi uo me: «Mangua 'ngú dho?» U atsia agie pi ani me: «Engú inde akolo li Yesu, kpála na Nadjaleta! A ko nako polofeta kükülu. Ongú inde ani amene e ne bhende ani asuno e, ani amene ndundu hana ne angu. Ani atsia asuno ongú ango-o kala Ebhe

di ne kala ndu okpála hana. ²⁰ La-a, ongbengbe odimandé gba Ebhe di ne ongámási gba ní-e, apu ani me u bhéle ani. U atsia agi ani li kulusi.

²¹ La-a, ya adu nako ne 'to ya naaya me, a ko kpála inde agbégbe Isalaele bhú bali-o. Engú bini, a ane naki ekpí bata maka li oengú ango-o akodho 'kpí lie ko. ²² La matá di-e, ya angamba ka olisi koko bhú ka ya naali. U anu iginí bhú sìkikpi abhú lata. ²³ Engú bini, u u kuo ani de. U agie lio, u apa pi ya me oandjelu aze lio. Oandjelu atsia apa pi o me ani uu. ²⁴ Pipita-a, okpála koko bhú ká ya anu abhú lata, u atsia abhaka ndu 'ngú hana maka li olisi akpokpo lie ko. Engú bini, ngaani makpe-e, u u ani de.»

²⁵ Abhomu-o, Yesu atsia apa pi uo me: «Yi ne ongingi! Ka ni yi ngabhuka lie má gala ade ndu 'ngú hana inde li opolofeta-a apa e! ²⁶ A ayo nako de me Kilisito dje likabhu kala me ani li bhú nau na asasaua gba e di?» ²⁷ Pipita-a, ani aholo nakpokpo ndu 'ngú hana inde u apa e pindji ani bhú oBhuku gba Ebhe-e pi uo. Ani akpokpo nayie bhú obhuku gba Moidje akólo bhú obhuku gba ndu opolofeta-a hana.

²⁸ U akolo lie de kuti inde u adu anu bhú e masikpe-e, Yesu amene mágito me ni adji tsutsu. ²⁹ Engú bini, u atsia apa pi ani me: «Ní si ne yi si, anga ekpí asegele, biti la di ngago.» Ani atsia ali ngú nasi bhú dabili bini ne uo oo ko. ³⁰ Nedhinga ani adu azu 'he lie bhú dabili bini ne uo-o, ani aha mapu, ani agie hení pi Ebhe. Pipita-a, ani agumú mapao, ani atsia aha pi uo. ³¹ Abhomu-o, djila uo abhulu, u atsia ambila ani. Engú bini, ani angita bha kolo bhú djila uo má pele! ³² U atsia aholo nayi lio sunda o me: «Li nedhinga inde ani adu akpokpo 'ngú di ne nasuno ta eli gba Ebhe lie pi ní li kpadji-e, bua ní bedhe iginí bhú ní ne djila bedhe di?»

³³ Bha li nedhinga bhomu-o, u ayie bhúlá kolo má gala, u atsia agie li abhú Yelusalema. Oo, u abhaka me obhúlú titima ndjíkpa ne ká bini-e nde apo bhúla o ne obi o-o bhú dabili bini. ³⁴ U atsia apa pi obhe bhisi bhomu-o me: «Ngámá azuku na kúkúlú! Simo au ani!» ³⁵ Pipita-a, omukpata bhe bhisi-e atsia akpokpo 'ngú inde akodho 'kpí li kpadji-e pi uo, di ne maka u ambila Yesu lie li nedhinga ani agumú mapu lie ko.

Yesu asuno lie pi omukpata gba e-o
(Tsia bhú Mat. 28:16-20; ne bhú Mlk. 16:14-18; ne bhú Dja. 20:19-23; di ne bhú Kul. 1:6-8.)

³⁶ Li nedhinga u adu nga bha lie nakpokpo 'ngú ango-o, Yesu atsia alu bhú ká uo. Do ani pi uo me: «Guo 'ngú du bhú dabili bini ne yi!» ³⁷ U adje tsúlú naali, u atsia aholo agukú, anga u adu abhundja me o ou igbadyibhe. ³⁸ Engú bini, Yesu atsia apa pi uo me: «Yi ngadjé tsúlú ka ni? Yi ne bua na bhisi bhisi ka ni? ³⁹ Yi tsia nga 'kpa ma di ne 'dhú ma, a ko bha ma makpe. Yi tana nga kute ma, amba yi u, anga mbilika ne bikí li igbadyibhe ade maka yi ngau ma lie ne di ko.» ⁴⁰ Ani apa engú bhomu-o lie, ani atsia asuno 'kpa e di ne 'dhú e pi uo. ⁴¹ Li djali di ne nangamba aha angu uo lie naali-e, u tsia bhuka ngaiza de. Ani atsia ayi uo me: «Mbo 'he nazú mazú ka yi si uu?» ⁴² U atsia aha ndu sungu inde u azi e mazi-e pi ani. ⁴³ Ani aha, ani atsia azu li djila uo oo.

⁴⁴ Pipita-a, ani pi uo me: «Ma apa nako pi yi ndjindji nedhinga ní adu nga bha lie bhú dabili bini-e me, a ayo me ndu 'ngú hana inde u aye e pindji ma bhú lili gba Moidje, bhú obhuku gba opolofeta di ne bhú obhuku na oetsi gba ní-e, amene lie.» ⁴⁵ Pipita-a, ani atsia abhulu imbilangu gba uo ngubula me u mbila ta engú inde u aye e bhú obhuku gba Ebhe ko. ⁴⁶ Ani atsia apa pi uo me: «Maka u aye lie

bhú oBhuku gba Ebhe-e me, a ayo me Kilisito dje likabhu, amba ani tsia zuku bhú 'kpí na bata. ⁴⁷ A ayo me okpála kpokpo 'ngú gba ani-e pi ndú okpála hana píla doto libhomu. U akpókpo nayie bhú Yelusalema me okpála dji bua o, amba Ebhe 'e siti 'ngú gba uo ko. ⁴⁸ Yi au engú inde akodho 'kpí-e ne djila yi makpe. ⁴⁹ Ngama-a, ma atíma pi yi bhende li 'Dyi ma apa me ni atíma e-o. Kaka-a, yi du bha bhú gudhu si akólo li 'kpí inde li Ebhe atíma angu pi yi lie ko.»

*Ebhe aha Yesu abhúlá
(Tsia bhú Mk. 16:19-20; di ne bhú Kul. 1:9-11.)*

⁵⁰ Pipita-a, Yesu anú ne omúkpata gba e masikpe de kuti na Betania. U akolo lie oo, ani a'e 'kpa e, ani atsia atuko bisagu pi uo. ⁵¹ Li nedhinga ani adú atuko bisagu pi uo lie, ani ayie bhú ká uo. Ebhe atsia aha ani abhúlá. ⁵² Ngauo-o, u adhögé ani. Pipita-a, u atsia agie lio abhú Yelusalema me u nde abedhe ne djali bedhe. ⁵³ Ndú 'kpí hana, u adú nadú bhú 'ngbé 'ti Ebhe gba omaYuda ngú nadhögé Ebhe.

Bádha Ngali gba Yesu Kilisito maka li Djaa aye lie ko **Eli na kalanu**

Bádha Ngali gba Yesu Kilisito maka li Djaa aye lie ngasuno Yesu maka Eli na dudu'ma gba Ebhe. Eli akolo maka kpála-kuti atsia adu bhú ká ní (1:14). Maka li bhuku ngae makpe ngapapa lie, Bádha Ngali inde aye nani li e ngubula me okpála inde ngatatanga bhuka me Yesu ne Mukobho inde li Ebhe abhú nani e, inde di Ndili gba Ebhe, ngubula me ka nabhu'ka bhú ani-e, u sia mukobho na dudu'ma (20:31).

U aye engú gba ele na zabhe súnda oehe bhisi me anga bhú obhuku na didili koko-o, u ye engú ango-o de, okoko atsia aye li obili koko (8:1-11).

Djaa ngagama 'ngú naali pindji mukobho na dudu'ma inde li Ebhe aha e padhá bhú Yesu. A ngakpo lita e naki inde i tsia gó pi obhende ngaziba Yesu maka kpadji, maka kükulu 'ngú, la di maka mukobho. Engú na ngbéngbé inde bhú Bádha Ngali gba Djaa, a ko ngubula nasuno engú inde bhú mukobho gba kpála ngubula ekpí bini ne bini, ngubula nasuno lele kükulu 'ngú na Bu Bacobua : maka engu, maka mapu, maka zi 'kpí, maka mulila gba okandele ne okandele gba e, la di maka vino ne lí e.

Ongbengbe ongú inde bhú bhuku inde-e ngae inde:

Eli na kalanu 1:1-18

Djaa bhulú nabatisa okpála, ne omukpata gba Yesu na kalanu 1:19-51

Kulu gba Yesu bhú ká okpála 2:1 - 12:50

Oekpí nasoso gba Yesu abhú Yelusalema 13:1 - 19:42

Nazuku gba Yesu, ne nakoto ka Ngámá li okpála 20:1-31
Eli nasoso: ani akoto matá li okpála abhú Galilaya 21:1-25

Eli inde zi 'kpí di ne mukobho

¹ Nayie li lilita-a, Eli* adu nani uu.
Eli ango-o adu nani bhú dabili bini ne Ebhe.

La di-e, Eli ango-o a adu Ebhe.

² Nayie li lilita-a, Eli ango-o adu nani bhú dabili bini ne Ebhe.

³ Ebhe atsia abho ndu 'he hana ne Eli ango-o.

Ehe bini inde amene lie mandi ani ade.

⁴ Mukobho akoto bhú Eli ango-o.
Mukobho ango-o atsia adu zi 'kpí pi okpála.

⁵ Zi 'kpí ngaziga bili bhú biti.
Engú la bini, biti ha angu zi 'kpí ango-o de.

⁶ Ebhe atima kpála bini. A adu 'li kpála ango-o me Djaa . ⁷ Ani ago maka kpála nakpokpo 'ngú. Ani atsia akpokpo 'ngú mbámbá pindji zi 'kpí-o, amba ndu okpála hana bhuka ka ani.[†] ⁸ Ngaani makpe-e, ani du nani zi 'kpí de. Engú bini, ani ago nani ngú nakpokpo 'ngú pindji zi 'kpí-o. ⁹ Zi 'kpí ango-o, a ko nani zi 'kpí na kükulu. A ago píla doto, a ngaziga ndu okpála hana.

¹⁰ Eli-e adu nani píla doto. Ebhe atsia abho ndu 'he hana ne di. La-a, okpála na píla doto tsia mbila ani de.

¹¹ Eli-e ago nani bhú ká omaha e. Engú bini, omaha ani tsia sia ani de.

¹² La-a, okpála koko asia ani, u atsia abhuka di ani. Abhomu-o, ani atsia aha angu pi uo me u kolo ongisi gba Ebhe.

¹³ U kolo ongisi gba Ebhe li kpadji bhende maka u azuzu okpála na doto lie de. A ko la di ka gümü gba bhoko bini de. Engú bini, ayie ka Ebhe.

¹⁴ Eli-e adjie lie, atsia akolo kpála. Ani adu nani bhú ká ní. Ni au sangu gba ani, sangu inde ani asia e ka 'Dyi e-o. A ko sangu gba koli Ndili

* **1:1** 1:1 Eli: Eli-e, a ko Yesu (tsia lukuluku 14).
a ko Djaa bhulú nabatisa okpála-o.

† **1:7** 1:7 Okpála bhuka zi 'kpí ka ani: Ani inde-e,

bini, inde abedhe ne bádha bua di ne ngbili 'ngú . ¹⁵ Djaa‡ akpokpo 'ngú pindji ani mbámbá. Ani atsia asúla me: «Engú nani ma apa e me: <Kpála inde ngago píta ma-a, ani ane ma mane. Padhá de, anga nani me ma nde nga ade-e, ani adú bha naae uu.» Ma apa nani engú ango-o pindji ani.» ¹⁶ Abhomu-o, bhú bádha bua gba ani inde bedhe-e, ndú ní hana ní atsia asia bádha bua pí bádha bua koko. ¹⁷ Padhá de, anga ní asia lísa 'kpa Moidje . La-a, bádha bua di ne ngbili 'ngú-o, ní asia ka Yesu Kilisito . ¹⁸ Kpála bini u Ebhe belegü de bini. La-a, koli Ndili bini inde di Ebhe, inde ngadu de 'Dyi e-e, asuno ani pi ní ngae.

*Djaa bhúlú nabatisa okpála akpokpo 'ngú gba Masiya
(Tsia bhú Mat. 3:1-12; ne bhú Mlk. 1:1-8; di ne bhú Luk. 3:1-18.)*

¹⁹ A inde-e engú li Djaa akpokpo e, nedhinga li ongámási gba omaYuda na Yelusalema atima odimande di ne okpála na piga gba Levi lie agba ani-o. U atima uo ngú nayi ani me: «Mu ne da?» ²⁰ Ani yala nagie engú téte de. Ani apa mbámbá me: «Ngama-a, ma ne Masiya ade.» ²¹ U atsia ayi ani me: «Mu la ne da? Mu ne Eliya?» Djaa agie me: «Ma ne ani ade.» U ayi ani me: «Mu ne polofeta inde ya ngadjeke e?» Ani agie me: «Ma ne polofeta ade.» ²² Abhomu-o, u atsia apa pi ani me: «Mu la naamúne da? Padhá de, anga a ayo me ya gie engú téte pi okpála inde atima ya ko. Ngamu makpe-e, mu ngapa li 'ngú gba mu-o pi?» ²³ Djaa agie me: «Ma ne kpála inde ngatotobhila bhú 'gu me,

<Yi leke kpadji ngbingbili pi Ngámá.»
(A bhomu-o engú inde li polofeta Isaya apa nani e-o).†

²⁴ Okpála inde u atima o agba Djaa, a adú nani omúFalisai . ²⁵ U

ayi ani me: «Mu ne Masiya ade. Mu ne Eliya ade. Mu ne polofeta inde ya ngadjeke e ade. Mu la ngabatisa okpála ngú ni?» ²⁶ Djaa agie pi uo me: «Ngama-a, ma ngabatisa okpála ne engu. La-a, kpála bini bhú ká yi, inde yi mbila e de. ²⁷ Ani ngago píta ma. Ma belegü ne tetele kpála ade ngubula me ma bhulu ekpú na maléké gba ani-o.»

²⁸ Engú bhomu-o akodho 'kpí bhú kütí na Betania, ayi 'ngu na Djuludani li bili inde li Djaa adú abatisa okpála li e-o.

Yesu ne Ndili Kandele gba Ebhe

²⁹ Li ekpí aseke lie, Djaa au Yesu me ani nde ngago li pápá inde ani adú li e-o. Ani atsia apa me: «Yi tsia nga Ndili Kandele gba Ebhe-o. Ani nga'e siti 'ngú píla doto ngae.

³⁰ Engú inde ma akpokpo e, ma akpokpo pindji ani, engú inde me: <Kpála bini ngago píta ma. La-a, ani ane ma mane. Padhá de, anga ani adú nani muma kalanu.» ³¹ Ma du ambila ani de. Engú bini, ma ago nabatisa okpála ne engu, ngubula me Ebhe suno ani pi omafsalaele.»

³² Djaa akpokpo matá engú gba ani-e me: «Ma au Bua§ gba Ebhe-e ngayie ne abhúlá, maka bøbhø, atsia adú pí ani. ³³ Ma du ambila ani de. Engú bini, Ebhe inde atima ma ngú nabatisa okpála ne engu-o, apa muma me: <Mo ou Bua gba Ebhe-e ngakø, i tsia du pí kpála bini. A bhomu-o kpála inde abátisa okpála ne Bu Bhopua ko.» ³⁴ Ngama-a, ma au, ma atsia akpokpo la di 'ngú mbámbá me kpála inde-e, a ko Ndili gba Ebhe!»

Yesu a'i omúkpata na gigina

³⁵ Li ekpí aseke lie, Djaa adú ago matá oo bhú dabili bini ne omúkpata gba e bhisi. ³⁶ Nedhinga ani au Yesu lie ngakodho 'kpí-e, ani atsia apa me: «Yi tsia nga

‡ 1:15 1:15 Djaa: A ko Djaa bhende Bhúlú nabatisa okpála-o. † 1:23 1:23 Tsia bhú Isa. 40:3.

§ 1:32 Bua: I du me u nde aye ne 'dhú balua na ngbéngbé-e (madjisikile), amba a ko Bu Bhopua.

Ndili Kandelə gba Ebhe-o.» ³⁷ Li omukpata gba ani bhisi-e adje ani lie ngapa 'ngú bhomu-o, u atsia akpata Yesu. ³⁸ Yesu adji lie. Ani au me u adu akpata ni, ani atsia ayi uo me: «Yi ngagili ni?» U agie pi ani me: «Labi, mu ngadu su?» (Labi akunda napa me M̄usuno.) ³⁹ Yesu agie pi uo me: «Yi gógo amba yi u.» (A adu nani masikpe de saa na badha pita tulukpe.) U anu, u atsia au bili inde ani adu nadu li e ko. Li 'kpí ango-o, u atsia adulu ne uo bhú dabili bini.

⁴⁰ Andili, ndai Simo Piele, nani ne suka omukpata bhisi inde adje engú li Djaa apa e-e, atsia akpata Yesu-o. ⁴¹ Andili abhaka ngaiza kalanu hana-a ndai e makpe Simo. Ani atsia apa pi ani me: «Ya au Masiya au.» (A akunda napa me Kilisito.) ⁴² Ani anu ne Simo agba Yesu. Yesu atsia ani, ani atsia apa me: «Ngamu-o, mu ne Simo, ndili gba Djaa. U adu a'i mu me Sefasi.» ('Ili ango-o akunda napa me Piele.)

Yesu a'i Filipo

⁴³ Li ekpí aseke lie, Yesu akunda nanu bhú ndu doto na Galilaya. Ani abhaka Filipo, ani atsia apa pi ani me: «Kpata ma.» ⁴⁴ (Filipo nani ne kpála na gudhu na Betesaida, gudhu inde li Andili ngauo ne Piele ayie bhú e-o.) ⁴⁵ Pipita-a, Filipo abhaka Natanaele. Ani apa pi ani me: «Ya au kpála inde li Moidje aye nani engú gba e bhú bhuku na lili-o, li opolofeta akpokpo di nani engú gba e-o. A ko Yesu, ndili gba Djodjefu, kpála na gudhu na Nadjaleta.» ⁴⁶ Natanaele ayi ani me: «Ehe na ndjindji ti da nayie bhú kuti na Nadjaleta uu?» Filipo agie pi ani me: «Gogo, amba mu u.»

⁴⁷ Li Yesu au Natanaele lie ngago li pápá gba e, ani atsia apa li 'ngú gba ani-e me: «Yi tsia nga kukulu małsalaele inde. Pulu 'ngú bhú ani belegu ade bini.» ⁴⁸ Natanaele ayi ani me: «Mo ombila ma lele pi?» Yesu agie pi ani me: «Ma au mu nedhinga mo odú lie sa ndula na figi

, kala me Filipo 'i mu-o.» ⁴⁹ Abhomu-o, Natanaele atsia apa pi ani me: «Labi, ngamu-o, mu ne Ndili gba Ebhe! Mu ne 'ngbé Ngámá gba omałsalaele!» ⁵⁰ Yesu apa pi ani me: «Mo obhuka, anga ma apa pi mu me ma au mu sa ndula na figi? Mo ou ongú na ngbengbengbe ane bhabhomu-o mane!» ⁵¹ Yesu atsia apa matá me: «Ma apa pi yi na paká me yi au kokpí me a nde abhulu lie, oandjelu gba Ebhe-e nde nga'u, u nde di ngaké pi 'ndji ma, Ndili gba kpála!»

2

Anokomia na kúva bhú kuti na Kana

¹ Abhomu-o, pita 'kpí bhisi-e, anokomia na kúva adu bhú Kana, kuti bini na ndu doto na Galilaya. 'Hi Yesu adu oo. ² U atsia a'i di Yesu ne omukpata gba e bhú anokomia ango-o. ³ Li vino andjia lie, 'hi Yesu atsia apa pi ani me: «Vino matá ka uo ade.» ⁴ Engú bini, Yesu agie pi ani me: «'Hi ma, a ka ní ne mu ne ni? Nedhinga gba ma-a kolo nga de.» ⁵ Abhomu-o, 'hi ani atsia apa pi okpála na kulu-o me: «Yi mene ndu 'ngú hana inde ani apá e pi yi ko.»

⁶ Ngbengbe madakpa inde u abho e li teme-e, adu oo madhia. OmaYuda vuvulu lio bhúbhú ngubula nakolo bubu kala Ebhe. Omadakpa ango-o bini ne bini ti da naha litele kámá bini. ⁷ Yesu apa pi okpála na kulu-o me: «Yi bebedhe omadakpa bhomu-o ne engu.» Okpála na kulu-o abebedhe omadakpa ne engu bedhe bedhe.

⁸ Abhomu-o, Yesu atsia apa pi uo me: «Mbía inde-e, yi sese, amba yi nu ha pi ngámá na anokomia-o.» U amene bhadi moko. ⁹ Li ngámá na anokomia ale engu-o lie, ani au me akolo vino. Ani du ambila bili inde ayie li e de. (La-a, okpála na kulu inde asene engu-o, adu ambimbila ngao.) Abhomu-o, ani a'i 'ko ele-o.

¹⁰ Ani apa pi ani me: «Ndu okpála hana haha ngaiza kalanu vino na

babadha. I du la me u nde andji vino bheldé andji-e, u tsia há bhende babadha ade ko. La-a, ngamu-o, mo owo vino bhende na babadha-a akolo li nedhinga inde!»

11 Abhomu-o gina ongú na ngangamba* inde li Yesu amene e-o. Ani amene bhú Kana, kuti bini na ndu doto na Galilaya. Ani asuno sangu gba e-o, omukpata gba ani-e atsia abhuka ani. **12** Pipita-a, ani anu bhú gudhú na Kapalanauma bhú dabili bini ne 'hi e, ne ondaise e, di ne omukpata gba e-o. U mene la oo ekpí bheldé de.

*Yesu atsambala okpála natsindji 'he bhú 'ngbé 'ti Ebhe gba omaYuda
(Tsia bhú Mat. 21:12-13; ne bhú Mlk. 11:15-17; di ne bhú Luk. 19:45-46.)*

13 Anokomia na Pasika gba omaYuda akolo masikpe. Abhomu-o, Yesu atsia anu bhú gudhú na Yelusalema. **14** Oo, ani ali bhú 'ngbé 'ti Ebhe gba omaYuda-o. Ani abhaka me okpála ngatsindji obagala, ne okandele, di ne obebhé. Ani atsia abhaka di me okpála nayipa falanga nde adulu.† **15** Abhomu-o, Yesu amene fimbo li kute ekpu. Ani apandja ndu uo hana bhú 'ngbé 'ti Ebhe gba omaYuda-a kilidjo, bhú dabili bini ne okandele, di ne obagala gba o-o. Ani agu 'i dabili gba okpála nayipa falanga kuto. Ani atsia abala di falanga gba uo-o. **16** Ani atsia apa pi okpála inde adu natsindji obebhé-o me: «Yi 'e ehe inde-e si ma'e! Yi adjí eti gba 'Dyi ma-a eti natsindji 'he de!» **17** Omukpata gba ani-e atsia abhundja engú inde u aye e bhú Bhuku gba Ebhe-e me: «Mákunda inde ma nde ne e ngubula eti gba mu-o, atsúlu ma maka djua!†»

* **2:11** 2:11 Ongú na ngangamba: Bhú Bádha Ngali gba Yesu Kilisito maka li Djaa aye lie, mo obháka ongamba 'ngú mananika inde asuno okulu gba Yesu-o. Bhú obhuku koko u aye me «Okulu», bhú okoko u aye me «Ehe inde ngasuno ehe koko, i du di-e engú koko» (sinye). Tsia bhú Dja. 4:43-54, 5:1-16, 6:1-21. † **2:14** 2:14 OmaYuda inde adu ayie bhú okuti koko adu ngaiza nayipa falanga gba o-o. Pipita-a, u tsia ti la da nakala enu ngú nahaha pi Ebhe di ne nadi epo na 'ngbé 'ti Ebhe gba omaYuda-o. † **2:17** 2:17 Tsia bhú Ets. 69:10.

18 Abhomu-o, omaYuda ayi ani me: «Mo oméne pi ya mangua ngamba 'ngú dho inde asúno me, mu ne angu namene mo-o?» **19** Yesu agie pi uo me: «Yi bheldé 'ngbé 'ti Ebhe gba omaYuda inde, súnda 'kpí bata-a, ma tsia yíki matá.» **20** OmaYuda ayi ani me: «A ayo nani kalanga ndjikpa badha ne ká madhia, ngú nayiki 'ngbé 'ti Ebhe gba omaYuda inde! La ngamu-o, mu tsia yíki súnda 'kpí bata?»

21 Engú bini, 'ngbé 'ti Ebhe inde li Yesu adu apa 'ngú e, adu kute ani. **22** Kaka-a, li Yesu azuku lie, omukpata gba ani-e atsia abhundja engú nani ani apa e-o. Abhomu-o, u atsia abhuka engú inde u aye e bhú Bhuku gba Ebhe, di ne bhende nani li Yesu apa e ko.

Yesu mbila bua ndu okpála hana

23 Li Yesu adu lie bhú gudhú na Yelusalema ngubula anokomia na Pasika-a, okpála bheldé au ongú na ngangamba inde ani adu amene e-o. Abhomu-o, u atsia abhuka ani. **24** Engú bini, ngaani makpe, ani ziba uo de. Padhá de, anga ani adu ambila ndu uo hana ndjindji. **25** Ani ne gámu nayi kpála bini li 'ngú pindji kpála-kuti ade. Padhá de, anga ngaani makpe, ani adu ambila engú inde bhú kpála ndjindji.

3

Yesu ngauo ne Nikodemu

1 Kpála bini adu nani bhú ká omuFalisai . A adu li ani me Nikodemu. Ani adu nani súka ongámási gba omaYuda . **2** Ani anu abhaka Yesu sukpe, ani atsia apa pi ani me: «Musuno, ya ambila me Ebhe atima mu ngae, ngú nasuno 'ngú pi ya. Padhá de, anga kpála bini ti da

namene ongamba 'ngú , maka mʉ ngamemene lie inde-e de, i dʉ me Ebhe nde bhú dabili bini ne ani ade ko.» ³ Yesu agie pí ani me: «Ma apa pí mʉ na paká me, kpála bini ti da nau Naʉ gba Ebhe-e de, i dʉ me u nde zu ani ne toto de ko.» ⁴ Nikodemʉ ayi ani me: «Lele pí, u ti da nazu gbé kpála lie ne toto-o? Ani ti da nagie lie bhú 'bu 'hi e, li 'hi ani tsia zú ani ne toto?»

⁵ Yesu agie pí ani me: «Ma apa pí mʉ na paká me, kpála bini ti da nali bhú Naʉ gba Ebhe-e de, i dʉ me ani nde sia nazu li kpadji na engu di ne li kpadji na Bua de ko. ⁶ Bhende azu lie bhú kute-e, a ko kute. Bhende azu lie bhú Bhopua-a , a ko bua. ⁷ Mo ongámba de ka ma apa lie pí mʉ me: <A ayo me u zu ndʉ yi hana ne toto.> ⁸ Anvi ngape li pápá akʉnda nape li e. Mʉ ngadje gigili. Engú bini, mʉ mbila bili li anvi ango-o ayie li e de. Mʉ mbila la di pápá adjí li e de. A bhadi moko pí ndʉ obhende hana asia nazu li kpadji na Bua.»

⁹ Abhomʉ-o, Nikodemʉ ayi Yesu me: «Engú ango-o ti da namene lie lele pi?» ¹⁰ Yesu atsia agie pí ani me: «Ngamʉ-o, mʉ ne suka ongbengbe omʉsuno na Isalaele. Engú la bini, mʉ mbila engú ango-o de! ¹¹ Ma apa pí mʉ na paká me: ya ngapa engú inde ya ambila e. Ya la di ngakpokpo 'ngú pindji bhende ya au e ne djila ya. Engú la bini, yi bhuka engú inde ya akpokpo e pi yi-e de. ¹² Ma ngakpokpo 'ngú pi yi pindji 'ngú na píla doto. Engú bini, yi bhuka de. I dʉ la me, ma nde akpokpo 'ngú pi yi pindji 'ngú na abhúlā-a, yi tsia bhúka? ¹³ Padhá de, anga kpála bini ade inde akolo nga abhúlā, bha bini ngama, Ndili gba kpála inde ayie oo!

¹⁴ Maka li Moidje a'e'e naní kulu kpʉlʉ lie li ndula abhú 'gu-o, a ayo bhadi me ngama, Ndili gba kpála-a, u 'e'e bhadi ma moko.* ¹⁵ U 'e'e ma, amba kpála ne kpála inde abhuka

ma-a, ani sia mʉkobho na dʉdʉma.

¹⁶ Padhá de, anga Ebhe akʉnda okpála na píla doto naali. Kaka-a, ani atima koli Ndili gba e bini-e ngʉbula me kpála ne kpála inde abhuka ani-e, ani akpí-i de. Engú bini, ani sia mʉkobho na dʉdʉma.

¹⁷ La-a, Ebhe tima nani Ndili gba e ngú nakodho 'ngú gba okpála na píla doto de. Engú bini, ani atima ani ngʉbula me, okpála na píla doto kobho ka ani. ¹⁸ Kpála ne kpála inde abhuka ani-e, mangimbo pí ani ade. Engú la bini, kpála inde i bhuka de-e, u a'o mangimbo pí ani bhʉtode. Padhá de, anga ani bhuka koli Ndili bini gba Ebhe-e de.

¹⁹ Ta mangimbo ango-o me: zi 'kpí ago píla doto, engú la bini, okpála na píla doto akʉnda mangbo biti ane zi 'kpí, ka siti 'ngú inde u ngamene e-o.

²⁰ Ndʉ kpála hana inde ngamene siti 'ngú-o, yala zi 'kpí mayala. Ani gó di li bili li zi 'kpí nde li e de. Padhá de, anga ani ngakpe me osisiti 'ngú gba ni-e akoto mbámbá li zi 'kpí de. ²¹ Engú la bini, ndʉ kpála hana inde ngamene ngbili 'ngú , ngago li bili li zi 'kpí nde li e-o. Ani ngamene mo-o ngʉbula me u u mbámbá me okulu ni ngamene e, a amene lie maka li Ebhe aziba lie ko.»

Yesu ngauo ne Djaa

²² Pita 'ngú ango-o, Yesu ngauo ne omʉkpata gba e anʉ bhú ndu doto na Yudaya. Oo, ani adʉ ne uo ngʉbula mbo nedhingga bedi. Ani atsia adʉ abatisa okpála. ²³ Djaa atsia adʉ di nabatisa okpála bhú 'ngu na Enona, de bili na Salime, anga engu adʉ li bili ango-o naali. Okpála adʉ ago abhaka ani, ani atsia adʉ abatisa uo. ²⁴ (Li nedhingga bhomʉ-o, a abhaka me u nde bhike nga Djaa bhú tikpu de.)

²⁵ Abhomʉ-o, bhú ká omʉkpata gba Djaa, okoko aholo nabi bhayiki ne maYuda bini, pindji 'ngú navʉlʉ lie ngú nakolo ka e bubu, maka li

* ^{3:14} 3:14 Yesu ngapa bhomʉ-o engú nakpi ka e li kulusi di ne nagie lie ka e agba Ebhe.

líli apa lie-o. ²⁶ U anu abhaka Djaa, u atsia apa pi ani me: «Musuno, kpála nako yi adu ne e ayi 'ngu na Djuludani-e, di mo okpokpo 'ngú gba e-e, tsia nga mbia inde-e, ani ngabatisa okpála. Okpála bhelé nganu abhaka ani.»

²⁷ Djaa agie pi uo me: «Kpála bini ti da nasia 'he belegu de bini, i du me Ebhe nde ha pi ani ngae de ko.

²⁸ Ngayi makpe, yi ti da napapa li ma ngayi me, ma apa nako me: <Ngama-a, ma ne Masiya ade. Engú la bini, ma ne kpála inde u atima e pi ani kalanu.> ²⁹ Bhulú olé-o, a ko 'ko olé-o. Olia bhoko-o alu de ani, ani ngadje ani. Ani ngakpi djali naali ka ani ngadje 'li 'ko olé-o lie-o. A ko di djali gba ma-o, djali ango-o mbia inde-e libhomu. ³⁰ A ayo me u 'e'e ani ne abhúlá, amba ngama-a, ma ke naama ne kuto.»

Kpála inde ayie abhúlá-a ane ndu okpála hana

³¹ «Kpála inde ayie abhúlá ane ndu okpála hana. Kpála inde ayie píla doto-o, a ko kpála na píla doto. Ani ngakpokpo 'ngú na píla doto. Kpála inde ayie abhúlá-a ane ndu okpála hana. ³² Ani ngakpokpo 'ngú pindji engú inde ani au e, di ne bhende ani adje e-o. La-a, kpála bini ziba engú inde ani ngakpokpo e de. ³³ Kpála inde aziba engú inde ani ngakpokpo e abhuka me Ebhe ngapa kúkulu 'ngú. ³⁴ Kpála inde li Ebhe atima e, ngakpokpo eli gba Ebhe. Padhá de, anga Ebhe abedhe ani ne Bua gba e bedhe. ³⁵ 'Dyi Ndili-e, akunda Ndili na bhobhoko gba e-o. Ani a'o ndu 'he hana sa 'kpa ani. ³⁶ Kpála inde abhuka Ndili-e, asia mukobho na dudu'ma. La-a, kpála inde i bhuka Ndili-e de-e, sia mukobho ango-o de. Engú bini, ke 'ngú gba Ebhe-e adu pi ani.»

4

Yesu ngauo ne olé bini na ndu doto na Samalia

¹⁻³ Abhomu-o, omukpata adje me okpála bhelé ngakpata Yesu, di ne me ani ngabatisa okpála bhelé ane Djaa. (A na paká me Yesu du nani naae nabatisa okpála de. Omukpata gba ani-e adu mangbo nabatisa okpála ngao.) Li Yesu adje lie mo-o, ani ayie bhú ndu doto na Yudaya, ani atsia agie lie bhú ndu doto na Galilaya, ⁴ ngú nanu oo. Padhá de, anga a ayo me ani pu bhú ndu doto na Samalia.

⁵ Ani akolo bhú gudhu bini na Samalia. A adu li gudhu ango-o me Sikale, dengo ndu doto inde nani li Yakobho aha e pi ndili gba e Djodjefu-o. ⁶ Li dabili ango-o, kpongu gba Yakobho adu oo. Li Yesu andala lie ka dhukhu-o, ani atsia adu dengo kpongu ango-o kuto. A adu masikpe de tulukpe.

⁷ Olé bini na Samalia ago ngú nase 'ngu. Abhomu-o, Yesu atsia apa pi ani me: «Ha mbo engu nandji mandji muma.» ⁸ (A abhaka me omukpata gba ani-e nde agbida bhú gudhu, ngú nakala ezu nazu mazu.) ⁹ Abhomu-o, olé-o apa pi Yesu me: «Mu ne maYuda. Ngama-a, ma ne kpála na Samalia. Lele pi mu ti da nayo engu nandji mandji lie ka ma?» (Padhá de, anga omaYuda djedje lio ne omuSamalia de.)

¹⁰ Yesu agie pi ani me: «I du me mu mbila makalá gba Ebhe-e uo, i du la di me mu mbila kpála inde apa pi mu me: <Ha mbo engu nandji mandji muma uo>, mu de ayo mangbo engu ka ani ngamu. Ani de ahá engu na mukobho pi mu.» ¹¹ Olé ango-o agie pi ani me: «Ngámá, ehe ngú nase engu-o ne di ka mu ade. 'Du 'ngu-o la di tsutsu. Mo oyié ne engu na mukobho-o su? ¹² Ogbi ya Yakobho aha kpongu inde-e pi ya ngae. Ngaani makpe, ani andji engu inde-e bhú dabili bini ne ongisi di ne onu gba e-o. Mo obhundja naamü me mu ngbengbé ane ani?»

¹³ Yesu agie pi ani me: «Kpála inde andji engu inde-e, ani adjé matá

gumü 'ngu madje. ¹⁴ Engú bini, kpála inde andjí engu inde ma ahá e pi ani-e, ani djé matá gumü 'ngu belegü de bini. La-a, engu inde ma ahá e pi ani-e, akólo bhú ani kpongú na mukobho na duduuma.» ¹⁵ Óle ango-o apa pi ani me: «Ngámá, ha mbo engu ango-o mümä, amba ma adjé matá gumü 'ngu de. Ma agó la di matá nase engu inde-e de.»

¹⁶ Yesu apa pi ani me: «Nu 'i 'ko mu, amba mu gie matá limu ei.»

¹⁷ Ani agie pi Yesu me: «Bhoko ka ma ade.» Yesu atsia apa pi ani me: «Mo opa ndjindji me bhoko ka mu ade ko. ¹⁸ Padhá de, anga mo odú nako ne obhosí bhuluyue. Bhoko bhende yi nde ne e mbia inde-e, a ko la di 'ko mu de. Mo opa küküla 'ngü.»

¹⁹ Abhomü-o, ele ango-o apa pi Yesu me: «Ngámá, ma au me mu ne polofeta. ²⁰ Onguo ogbi ya, okpála na ndu doto na Samalía-a, adhégo Ebhe pi eta inde. Engú bini, ngayi omaYuda-a, yi ngapa me gúdhü na Yelusalema ne bili inde a ayo lie me u dhégo Ebhe-o.»

²¹ Yesu atsia agie pi ani me: «Óle-e, bhuka 'li ma. Nedhinga ngago, nedhinga inde yi dhégo 'Dyi ni lie pi eta inde-e de. Yi dhégo la di ani lie bhú gúdhü na Yelusalema de. ²² Ngayi okpála na ndu doto na Samalía-a, yi ngadhégo Ebhe inde yi mbila e de. Engú bini, ngaya-a, ya ngadhégo Ebhe inde ya ambila e. Padhá de, anga mukobho ago ne li pápá gba omaYuda. ²³ Engú bini, nedhinga ngago, nedhinga ango-o belegü akolo, nedhinga inde li okükülu okpála nadhégo 'Dyi ni adhégo ani lie bhú Bu Bhopua, di ne bhú kükülu 'ngü-o. Padhá de, anga a bhomü-o okükülu okpála nadhégo 'Dyi ni inde ani nde ne gumü o-o.

²⁴ Ebhe ne Bua. Kaka-a, a ayo me okpála inde ngadhégo ani-e, dhégo ani bhú Bua di ne bhú kükülu 'ngü.»

²⁵ Óle-o apa pi Yesu me: «Ma ambila me Masiya ('ili ango-o akunda napa

me Kilisito) agó mago. Li ani agó lie-e, ani tsia bhúlu ndu 'ngü hana pi ya mbámbá.» ²⁶ Yesu agie pi ani me: «Ngama kpála inde ngakpokpo 'ngü pi mu mbia inde-e, ma ne ani.»

²⁷ Li nedhinga bhomü-o, omukpata gba Yesu-o agie lio. U angamba naali ngü nau ani me ani nde ngagama 'ngü ne ele. Engú bini, súka uo bini yi ani de me: «Mu ngagili ni?» di ne me: «Mu ngagama 'ngü ne ani ngü ni?»

²⁸ Abhomü-o, ele ango-o a'o ká lusa 'ngu gba e-o. Ani agie lie abhú gúdhü. Ani atsia apa pi okpála me: ²⁹ «Yi gógo, yi u kpála inde akpokpo ndu 'ngü hana inde ma amene e mümä. A ko ndi Masiya di?» ³⁰ Abhomü-o, u aze bhú gúdhü-o, u atsia agbida nabhaka Yesu.

³¹ Bhú nedhinga bhomü-o, omukpata gba Yesu-o adu atu ani me ani zu 'he. U adu apa pi ani me: «Músuno, zu nga mbo 'he!» ³² Engú bini, ani agie pi uo me: «A ka ma ne ehe nazü mazü inde yi mbila 'ngü li e de.» ³³ Abhomü-o, omukpata-a ayi lio sunda o me: «Kpála bini ago ndi pi ani ne ehe nazü mazü adi?»

³⁴ Yesu apa pi uo me: «Ezu gba ma-a, a ko namene gumü gba kpála inde atima ma-o, di ne nandjia kulu inde ani aha e mümä-o.

³⁵ Ngayi-e, yi papa me: «A atigala matá epe badha ngubula na'e nguwa abhiye.» La ngama-a, ma apa pi yi me, yi tsia nga oedyi-e ndjindji. Padhá de, anga nguwa abhele, a akolo bedhe ngubula na'e'e abhiye! ³⁶ Kpála inde ngagbe nguwa abhiye-e ngasia makalá gba e-o. Ani ngapo bhúla nguwa-a ngubula mukobho na duduuma. Kaka-a, kpála nalu nguwa, ne kpála inde nga'e'e abhiye-e, ngakpi djali bhú dabili bini. ³⁷ Padhá de, anga a ko kükülu 'ngü, engü inde u apa e bhú gbitaku me: «Kpála koko ngalu nguwa-o, li kpála koko tsia 'é abhiye.» ³⁸ Ngama-a, ma atima yi na'e nguwa bhiye inde yi ndala bhú e de. Okpála koko

andala bhúbhú, yi la ngasia bádha 'ngú li kulu gba uo-o.»

³⁹ Abhomu-o, okpála bhelé na gúdhú na Samalia bhomu-o abhuka Yesu ka eli inde li ele-o akpokpo e me: «Aní akpokpo ndú 'ngú hana inde ma amene e múma.» ⁴⁰ Kaka-a, li okpála na gúdhú na Samalia akolo lie de Yesu-o, u ayo ka aní me aní dú mbo gba o oo. Abhomu-o, Yesu atsia amene oo ekpí bhisi. ⁴¹ Okpála bhelé naali abhuka matá ka eli inde li Yesu apa e-o. ⁴² U atsia apa pi ele-o me: «Mbía inde-e, ya bhuka bha bini ka engú mo okpokpo e de. Engú bini, ya abhuka anga ngaya makpe-e, ya adje aní. Ya atsia ambila na paká me a ko Múkobho gba okpála na píla doto.»

Yesu akobho ndili na bhobhoko gba 'ngbé kpála bini

⁴³ Píta 'kpí bhisi li Yesu amene e oo, aní ayie oo, aní atsia anú bhú ndu doto na Galilaya. ⁴⁴ Ngaani makpe-e, aní apa nani me: «Polofeta inde u amanga e bhú doto gba e belegú ade bini.»

⁴⁵ Li aní akolo lie bhú ndu doto na Galilaya-a, okpála inde oo asia aní ndjíndji. Padhá de, anga u au ndú 'ngú hana inde li aní amene e li nedhinga na anokomia bhú gúdhú na Yelusalema-o, anga u adú di oo.

⁴⁶ Pipíta-a, Yesu agie lie bhú kúti na Kana, bhú ndu doto na Galilaya. A bhomu-o bílì inde aní adjí nani engu li e, atsia akolo vino-o. 'Ngbé kpála bini na Líta adú oo. Adú li ndili gba aní na bhobhoko-o ne kuo, bhú kúti na Kapalanauma. ⁴⁷ Li kpála ango-o adje lie me Yesu ayie bhú ndu doto na Yudaya, aní akolo bhú ndu doto na Galilaya-a, aní anú abhaka aní. Aní atsia akikiliki lie pi aní me aní nú bhú kúti na Kapalanauma, amba aní kobho ndili gba ni na bhobhoko-o. Padhá de, anga ndili ango-o adú masíkpe de nakpi.

⁴⁸ Abhomu-o, Yesu atsia apa pi aní me: «I dú me yi nde u ongamba

'ngú , di ne okiaka 'ngú de-e, a na paká me yi ti da nabhubhuka de!»

⁴⁹ 'Ngbé kpála na Líta-a apa pi aní me: «Ngámá, kala me ndili-e kodho bua e, gogo.» ⁵⁰ Yesu apa pi aní me: «Gie límu agba mu, ndili gba mu-o akobho!» Kpála ango-o abhuka engú inde li Yesu apa e pi aní-o. Aní atsia atapa. ⁵¹ Nedhinga aní adú anú lie-e, okpála na kulu gba aní-e ago aké lio ne aní li kpadjí. U apa pi aní me: «Ndili gba mu-o akobho!» ⁵² Aní atsia ayi uo li nedhinga li ndili-e akolo lie ndjíndji-o. U apa pi aní me: «Bandji-e ayie li aní lili bhú saa na bini, píta tulukpe.» ⁵³ Abhomu-o, 'dyí ndili-e atsia ambila me, a ko saa inde li Yesu apa pi aní lie me: «Ndili gba mu-o akobho-o.» Nayie li nedhinga bhomu-o, ngaani makpe-e, aní abhuka, di ne pigá gba e libhomu.

⁵⁴ A bhomu-o ngamba 'ngú na bhisi li Yesu amene e, píta aní ayie lie bhú ndu doto na Yudaya, aní atsia agie lie bhú ndu doto na Galilaya ko.

5

Yesu akobho kpála inde agugumú kuto

¹ Píta ongú akodho 'kpí-e, anokomia bini gba omaYuda atí. Abhomu-o, Yesu atsia anú bhú gúdhú na Yelusalema. ² Bhú gúdhú oo, de bhotí inde u a'i e me bhotí gba Okandélé-o, 'dú 'ngu bini navúlu kúte adú oo. A adú li 'li bhú eli na Ebele me Betedjata. Djedje 'he maka 'ti ngbangbali adú dede bhuluvue. ³ Obhúlu kuo bhelé adú me u nde asíli kuto sasa. A adú nani okpála inde i u 'kpí de, ne okpála inde ne eze li 'dhú o, di ne okpála na bhuka kúte. [U adú adjeke me engu-o dimba. ⁴ Padhá de, anga li onedhinga koko-o, andjelu bini gba Ngámá-a adú ake bhú 'ngu-o, engu-o atsia adú adimba. Kpála na kuo inde adú ake bhúbhú kalanú-o, adú nakobho. Belegú li kuo dú bha nani pi-ie.]

⁵ Bhoko bini adu oo, ani asi nani ne kuo kalanga ndjikpa bata ne ká madjina. ⁶ Li Yesu au ani lie asi kuto-o, ani ambila di lie me ani asi ne kuo 'kpí bhelé-e, ani atsia ayi ani me: «Mo okunda nakobho?» ⁷ Kpála na kuo ango-o agie pi ani me: «Ngámá, kpála ka ma ade ngubula me ani ke ma bhú 'ngu-o, li nedhinga inde i ngadimba lie-o. Ma le me ma nu me-e, li kpála koko kodho 'kpí kala ma.» ⁸ Yesu apa pi ani me: «Yie bhúlá, ha tsala gba mu-o, nunu.» ⁹ Kolo má gala me-e, kpála na kuo-o akobho. Ani aha tsala gba e-o, ani atsia aholo nadhukú.

La-a, adu nani li 'kpí naguo gba omaYuda-o. ¹⁰ Abhomu-o, omaYuda apa pi kpála inde akobho-o me: «A ko 'kpí naguo. A ayo de me mu bi tsala gba mu-o de.» ¹¹ Ani agie pi uo me: «Kpála inde akobho ma-a, apa muma me: <Ha tsala gba mu-o, nunu.>» ¹² U ayi ani me: «A ko kpála bhedho inde apa pi mu me: <Ha tsala gba mu-o nunu?>» ¹³ Engú bini, kpála inde akobho-o mbila de me a ko da. Padhá de, anga adu me Yesu nde angita bhú ká okpála inde adu li bili ango-o angita.

¹⁴ Pipita-a, Yesu abhaka ani bhú 'ngbé 'ti Ebhe gba omaYuda-o. Yesu apa pi ani me: «Tsitsia nga, mo okobho. Mo oméne matá siti 'ngú de, amba engú inde ane ne siti-e, akólo li kute mu de.» ¹⁵ Kpála ango-o anu napa pi omaYuda me Yesu akobho ni ngae. ¹⁶ Kaka-a, omaYuda aholo nadje siti bua pindji Yesu. Padhá de, anga ani amene nani engú ango-o bhú 'kpí naguo. ¹⁷ Engú bini, Yesu agie pi uo me: «Maka li 'Dyi ma ngamene kulu lie nakolo pi mbia inde-e, Ngama di-e, ma ngamemene moko.» ¹⁸ Kaka-a, omaYuda adu agili matá ne kekele ngú nabhole ani. Padhá de, anga ani gámu bha bini lili na 'kpí naguo de, engú bini, ani adu apa lie me Ebhe ne 'Dyi ni-e, ani adu ale lie bhomu-o li Ebhe.

Ebhe aha ndu 'ngú gba e hana pi Ndili gba e-o

¹⁹ Abhomu-o, Yesu apa matá pi uo me: «A moko, ma apa pi yi na paká me ngama Ndili-e, ma ti da namene 'he bini bhú ngu ma de, bha bini bhende ma au me 'Dyi ma ngamene e-o. Padhá de, anga ehe inde li 'Dyi ma ngamene e, ngama Ndili-e, ma ngamemene bhadi moko. ²⁰ 'Dyi ma kunda ma, Ndili gba e-o. Ani ngasuno ndu 'ngú hana inde ngaani makpe ani ngamene e muma, Ndili gba e-o. Ani asúno muma, Ndili gba e, okulu na ngbengbengbe inde ane obhende-e mane. Yi tsia ngámba téte. ²¹ Padhá de, anga maka li 'Dyi ma ngazuku okpála inde amu-o lie, ani la di ngaha mukobho pi uo-o, ngama, Ndili gba ani-e, ma ngaha bhadi mukobho moko pi kpála inde ma akunda nahaha pi e ko. ²² 'Dyi ma kodho 'ngú gba kpála bini de. Engú bini, ani aha nakodho 'ngú hana muma, Ndili gba e, ²³ ngubula me ndu okpála hana du namanga ma, Ndili gba ani, maka u ngamanga ani 'Dyi ma lie ko. Kpála inde i manga ma, Ndili-e de-e, ani manga di 'Dyi ma inde atima ma-a de.

²⁴ A moko, ma apa pi yi na paká me kpála inde adje 'li ma-a, inde abhuka la di kpála inde atima ma-a, kpála ango-o asia mukobho na duduuma. U 'ó mangimbo pi kpála ango-o de. Engú bini, ani ayie bhú kuo, ani atsia akodho 'kpí bhú mukobho. ²⁵ A moko, ma apa pi yi na paká me nedhinga ngago, mbia inde-e, nedhinga ango-o bellegu akolo, nedhinga li okpála inde amu-o, adjé 'li Ndili gba kpála-a lie-o. Abhomu-o, okpála inde adjé-e, u tsia kóbho.

²⁶ Padhá de, anga maka li 'Dyi ma nde lie ne angu ngubula naha mukobho-o, ani aha bhadi angu muma, Ndili gba e moko ngubula me ma du naha mukobho. ²⁷ Ani atsia aha la di angu muma, Ndili gba e, ngú nakodho 'ngú gba okpála,

anga ma ne Ndili gba kpála. ²⁸ Yi angámba téte de. Padhá de, anga nedhinga ngago. Bhú nedhinga ango-o, ndu okpála hana inde bhú lata-a, adjé 'li Ndili gba kpála-o. ²⁹ Abhomu-o, u tsia zé. Okpála bhende amene bádha 'ngú-o, azúku ngubula nasia mukobho. Engú bini, okpála bhende amene siti 'ngú-o, azúku ngubula nasia mangimbo.»

Yesu bha bini ngamene gümü gba 'Dyi e

³⁰ Ngama-a, ma ti da namene 'he bini bhú ngú ma de. Ma ngakodho 'ngú maka li kpála atima ma-a ngapapa muma lie ko. Kaka-a, nakodho 'ngú gba ma-a ngingbili. Padhá de, anga ma gili namene gümü gba ma-a de. Engú bini, ma ngagili mangbo namene gümü gba kpála inde atima ma ko. ³¹ I dú me ma dú akpokpo 'ngú inde a atsia ma-a, engú ango-o de dú kükulu 'ngú de. ³² Engú bini, kpála koko ngakpokpo 'ngú gba ma-a ngae. Ma ambila me engú gba ma inde ani ngakpokpo e, a ko kükulu 'ngú. ³³ Ngayi-e, yi atima okpála agba Djaa, ani atsia akpokpo kükulu 'ngú. ³⁴ Ngama-a, ma ne gümü kpála ngú nakpokpo 'ngú gba ma-a ade. La-a, ma ngapapa mo-o ngubula me yi sia mukobho.

³⁵ Djaa nani maka eke inde u adhedhe e, inde ngatsi matsi. Ngayi-e, yi atsia akunda nani nakpi djali ngubula mbo nedhinga bedi li zi 'ke gba ani-o. ³⁶ Engú bini, engú gba ma inde u ngakpokpo e, ane bhende gba Djaa mane. A ko bhende na kulu inde li 'Dyi ma apa me ma mene e-o. A moko, kulu inde ma ngamene e ngasuno me 'Dyi ma atima ma ngae. ³⁷ 'Dyi ma inde atima ma-a, akpokpo di engú gba ma-a ngae. La-a, yi dje nga 'li ani belegu de bini, yi u nga la di ani de. ³⁸ Eli gba ani-e ngadu bhú yi ade. Padhá de, anga yi ayala nabhuka kpála inde ani atima e-o. ³⁹ Yi ngadjipi 'ngú pindji Bhuku gba Ebhe-e ndjindji, anga yi ngabhundja

me yi asia mukobho na dudu ma bhúbhú. A la bhomu-o Bhuku inde ngakpokpo 'ngú gba ma-o! ⁴⁰ Abana mo-o, yi kunda nago abhaka ma ngú nasia mukobho ango-o de.

⁴¹ «Ma gili de me okpála dhögé ma-a de. ⁴² Engú bini, ma mbila yi ndjindji. Ma ambila me yi ne mukunda pi Ebhe ade. ⁴³ 'Dyi ma atima ma ngae. La-a, yi sia ma de. I du la me kpála koko nde ago bhú ngú e, yi tsia sia ani! ⁴⁴ Yi ngatoko liyi sunda yi. Yi gili de me Ebhe toko bha yi ngae de. Lele pi yi ti da nabhuka ma lie? ⁴⁵ Yi abhúndja de me ma a'o yi bhú mangimbo kala 'Dyi ma ngama-a de. Kpála bhende a'o yi bhú mangimbo-o, a ko Moidje inde yi a'o 'to yi 'to e ko. ⁴⁶ I dú me yi bhúka Moidje kükulu-o, yi de abhúka di ma mabhuka. Padhá de, anga Moidje aye nani engú gba ma-o. ⁴⁷ Engú bini, i du me yi nde bhuka engú inde ani aye e de-e, yi abhúka la 'li ma lele pi?»

6

Yesu aha ezü pi obhosí kutu bhu-luvue

(*Tsia bhú Mat. 14:13-21; ne bhú Mlk. 6:30-44; di ne bhú Luk. 9:10-17.*)

¹ Pipita-a, Yesu akodho 'kpí li pápá koko na ekpè na Galilaya, inde u a'i di-e me ekpè na Tibeliade. ² Bhti okpála na bhibhti adu akpata ani. Padhá de, anga u adu au ongamba 'ngú inde ani adu amene e li nakobho okpála na kuo-o. ³ Yesu atsia a'u apí 'ta. Oo, u atsia adu ne omukpata gba e kuto. ⁴ A adu me anokomia na Pasika gba omaYuda nde akolo masikpe.

⁵ Abhomu-o, Yesu atsia 'kpí, ani au bhti okpála na bhibhti ngago abhaka ani. Ani atsia ayi Filipo me: «Ní ti da nakala mapa su ngubula me okpála inde-e hana zu-o?» ⁶ (Yesu adu apa mo-o ngubula nale Filipo. Padhá de, anga ngaani Yesu-o, ani adu ambila engú inde ani

améne e ndjindji.) ⁷ Filipo atsia agie pi ani me: «Abana ya kala mapane lí denalio kámá bhisi-e, alé de me kpála ne kpála sia mbo-o de.» ⁸ Suka omukpata gba ani koko-o, Andili ndai Simo Piele, apa pi ani me: ⁹ «Ndili na bhabhoko bini si-i, a ka ani ne mapa na olodje* bhuluvue di ne sungu bhisi. A la bhomu-o ni pi bhiti okpála inde-e?»

¹⁰ Do Yesu de-e: «Yi pa pi okpála me u dulu kuto.» (Ulu adu li bili ango-o naali.) Okpála atsia adulu kuto. Obhosí adu masikpe de kutu bhuluvue. ¹¹ Abhomu-o, Yesu aha mapa-o. Ani atsia agie hení pi Ebhe. Ani atsia agapa li okpála inde adu oo-o. Ani aha bhadí sungu-o pi uo moko li lele maka u adu akakunda lie ko. ¹² Li okpála a'u'u lie, Yesu atsia apa pi omukpata gba e me: «Yi po bhúla dudu inde atigala-o, ngubula me asiti de.» ¹³ Dú mapa na olodje bhuluvue inde atigala-a, u apo bhúbhúla. A atsia abebedhe okili ndjikpa ne ká bhisi.

¹⁴ Li okpála au ngamba 'ngú inde li Yesu amene e lie, u atsia apa me: «A inde-e bha ndju polofeta inde a ayo me ani go píla doto-o!» ¹⁵ Yesu ambila me u ngakunda nago aholo ni ne kpéke me ni du ngámá. Abhomu-o, ani ayie, ani atsia anu matá kpi e kpi apí 'ta.

Yesu adhukú pi 'ngu (Tsia bhú Mat. 14:22-33; di ne bhú Mlk. 6:45-52.)

¹⁶ A akolo lie tagolo-o, omukpata gba Yesu aké alingo ekpéo-o. ¹⁷ U a'u bhú zabu bini u atsia aholo nagugulu, anu li pápá na Kapalanauma. La-a, ekpí abi li uo padhá me Yesu nde kolo nga li uo de. ¹⁸ Anvi adu ape kpekpeke. Kaka-a, engu-o aholo nadimba. ¹⁹ A abhaka me omukpata-a nde adhukú ne zabu-o masikpe de kilometele madhia. Li nedhinga bhomu-o, u au Yesu me ani nde ngadhukú pi 'ngu.

* **6:9** 6:9 Mapa na olodje: A ko nani mapa na bhukú mase. Okpála na ndibhili ti nani da nakakala ndjindji.

Ani akolo de zabu-o. Abhomu-o, u aholo nadje tsulu. ²⁰ Engú bini, Yesu apa pi uo me: «A ko ma, yi adjé tsulu de!» ²¹ U adu akunda me o ha ani, amba o bi ani bhú zabu-o. La-a, zabu akolo bha kolo língo 'gə li bili u adu anu lie-o.

Bhiti okpála agili Yesu

²² Li ekpí aseke lie, bhiti okpála inde atigala ayi 'ngu-o au bha koli zabu bini. La-a, u adu ambila ndjindji me Yesu 'u bhú zabu bhú dabili bini ne omukpata gba e de. Omukpata-a anu kpi o kpi. ²³ Li nedhinga bhomu-o, ozabu koko ayie bhú gudhu na Tibeliade, atsia akolo de bili li okpála azu mapa li e pita li Ngámá agie hení lie pi Ebhe-o. ²⁴ Li bhiti okpála bhomu-o au lie me Yesu ne omukpata gba e oo ade-e, u a'u'u bhú ozabu-o, u atsia agbida bhú Kapalanauma ngú nagili Yesu.

Yesu ne mapa na mukobho

²⁵ U anu abhaka Yesu ayi 'ngu. Abhomu-o, u ayi ani me: «Músuno, mo okolo ei nadho?» ²⁶ Yesu agie pi uo me: «Heni, ma apa pi yi na paká me, yi ngagili ma ka ongamba 'ngú inde yi au e ade. Yi ngagili mangbo ma ka mapa inde yi azu e, yi atsia a'u'u ne e má kpú kpú kpú-o! ²⁷ La-a, yi améne kulu ngubula ezu inde ngazi mazi-e de. Engú bini, yi mene mangbo ngubula ezu inde ngabhue, di ne bhende ngaha mukobho na duduuma ko. Ngama, Ndili gba kpála-a, ma ahá ezu ango-o pi yi ngama. Padhá de, anga Ebhe 'Dyi ma a'o kasé na angu gba e li kute ma.»

²⁸ Abhomu-o, u atsia ayi ani me: «A ayo me ya mene pi ngú namene kulu maka li Ebhe akunda lie?» ²⁹ Do Yesu pi uo me: «Kulu gba Ebhe-e, a ko me yi bhuka kpála inde ani atima e ko.»

³⁰ Abhomu-o, u atsia ayi ani me: «Mo oméne mangua ngamba 'ngú dho me ya u, amba ya bhuka mu-o? Kulu gba mu-o ne ni? ³¹ Li

onguo ogbi ya adu lie abhú 'gu-o, u azu mana maka u aye nani lie bhú Bhuku gba Ebhe-e me: <Ani aha mapa inde ayie abhúlá-a pi uo ngú nazuzu.[†]>³² Abhomu-o, Yesu agie pi uo me: «A moko, ma apa pi yi na paká me, Moidje ha mapa na abhúlá-a pi yi ngae de. Engú bini, 'Dyi ma ngaha mapa na kúkulu na abhúlá-a pi yi ngae. ³³ Padhá de, anga mapa inde li Ebhe ngaha e, a ko bhende ngayie abhúlá, inde ngaha la di mukobho pi okpála na doto-o.» ³⁴ Abhomu-o, u atsia apa pi Yesu me: «Ngámá, ha pi ya ndu 'kpí hana mapa bhomu!»

³⁵ Yesu agie pi uo me: «Ma ne mapa na mukobho. Kpála bhende ago abhaka ma-a, gúmú 'zu méne ani belegú de bini. Kpála bhende abhuka la di ma-a, gúmú 'ngu méne ani belegú de bini. ³⁶ Engú bini, ma apa 'ngú inde-e pi yi apa. Yi au ma. La-a, yi bhuka de. ³⁷ Ndu kpála hana inde li 'Dyi ma ngaha e muma-a, agó li pabili gba ma. La di-e, ndu kpála hana inde agó li pabili gba ma-a, ma bhíke ani de. ³⁸ Padhá de, anga ma ayie abhúlá, ma ago ngú namene engú inde li kpála inde atima ma-a akunda e ko. Engú bini, ma go ngú namene naama 'ngú de. ³⁹ Engú inde li kpála inde atima ma akunda e-e, a ngae inde: ndu okpála inde ani aha o muma hana, a ayo de me súka uo bini ngita-a de. Engú bini, a ayo me, ali sokpí-e, ma zuku ndu uo hana. ⁴⁰ Padhá de, anga 'Dyi ma akunda me, ndu okpála hana inde au ma Ndili-e, inde abhuka la di ma-a, sia mukobho na duduuma, amba ma zuku uo ali sokpí.»

⁴¹ Abhomu-o, omaYuda aholo namene bhayiki li kute ani. Padhá de, anga ani apa nani me: «Ma ne mapa inde ayie abhúlá.» ⁴² U atsia apa me: «A inde-e Yesu, ndili gba Djodjefu-o di? Ya mbila 'dyi ani ne 'hi ani hana. Lele pi ani apa lie

me ni ayie abhúlá?» ⁴³ Yesu agie pi uo me: «Yi 'o namene bhayiki súnda yi. ⁴⁴ Kpála ti da nago abhaka ma de, i du me 'Dyi ma inde atima ma-a nde holo 'kpa ani ngae de ko. Ngama la di-e, ma azúku ani li sokpí. ⁴⁵ Opolofeta aye engú inde-e me: <Ebhe asuno 'ngú pi ndu okpála hana.[†] Kpála ne kpála inde adje 'li 'Dyi ma, inde asia la di nasuno gba ani-e, ago nabhaka ma. ⁴⁶ Bhabhomu apa me, kpála bini u Ebhe de. Bha bini ma, kpála inde ayie agba Ebhe-e, ma au bha 'Dyi ma ngama. ⁴⁷ A moko, ma apa pi yi na paká me, kpála inde abhuka-a, asia mukobho na duduuma.

⁴⁸ Ngama-a, ma ne mapa na mukobho. ⁴⁹ Onguo ogbi yi azu nani mana abhú 'gu. La-a, u atsia amu. ⁵⁰ Engú bini, mapa bhende ayie abhúlá-a, a ko bhende li kpála zu e, ani kpí de ko. ⁵¹ Ma ne mapa inde uu, inde ayie abhúlá ko. I du me kpála nde azu mapa angoo, ani du bhú mukobho na duduuma. Mapa inde ma ahá e, a ko kute ma. Ma ngahaha me okpála na doto sia mukobho.»

⁵² Li omaYuda adje 'ngú bhomu-o lie, u aholo amene kpekebhé súnda o kpekpeke. U adu apa me: «Lele pi kpála inde-e ti da naha kute e lie pi ní me ní zu-o?» ⁵³ Abhomu-o, Yesu apa pi uo me: «A moko, ma apa pi yi na paká me: i du me yi nde zu kute ma, Ndili gba kpála de-e, i du la di me yi nde ndji ngute ma de-e, yi du bhú mukobho de. ⁵⁴ Kpála inde ngazu kute ma, inde la di ngandji ngute ma-a, ani bhú mukobho na duduuma. Ngama-a, ma azúku la di ani ali sokpí. ⁵⁵ Padhá de, anga kute ma-a, a ko ezu na kúkulu. Ngute ma la di-e, a ko ehe nandji mandji na kúkulu. ⁵⁶ Kpála inde ngazu kute ma, inde la di ngandji ngute ma-a, ani ngadu bhú ma. Ma la di ngadu bhú ani.

[†] 6:31 6:31 Tsia bhú Eki. 16:4, 15; di ne bhú Ets. 78:24. [†] 6:45 6:45 Tsia bhú Isa. 54:13.

⁵⁷ 'Dyi ma inde atima ma-a, ani uu. Ma la di ngadu bhú mukobho ka ani. A bhadi moko, kpála inde azú ma-a, ani adú bhú mukobho ka ma. ⁵⁸ A bhomu-o mapa inde ayie abhálá ko. A maka bhende li onguo ogbi yi azú e, u atsia amu-o ade. Engú bini, kpála inde azú mapa inde-e, adú bhú mukobho na duduuma.» ⁵⁹ Yesu akpokpo ndu 'ngú bhomu-o li nedhinga inde ani adú asuno lie bhú 'ti nadje lili gba Moidje bhú Kapalanauma-o.

Eli inde ngaha mukobho na duduuma

⁶⁰ Pita u adje engú inde li Yesu apa e lie, bhelé na omukpata gba ani-e atsia apa me: «Eli inde-e, a kpekpeke! A ti da naziziba da?» ⁶¹ Engú bini, Yesu ambila me omukpata gba ni-e ngamene kpekebhé pindji 'ngú ango-o. Kaka-a, ani apa pi uo me: «Engú ango-o ngamene yi sisiti? ⁶² A la yi u me ngama, Ndili gba kpála-a, ma nde nga'u li bili inde ma adudu nani lie kalanu-o? ⁶³ Bua gba Ebhe-e ngaha mukobho ngae. Kpála-kuti ti da namene 'he bini de. Oeli inde ma apa e pi yi bhomu-o, a ko Bua inde ngaha mukobho. ⁶⁴ Engú bini, okoko bhú ká yi bhuka de.» A na paká me Yesu ambila nani nayie li lilita me obhende i bhuka ni de-e ngao dho. Ani atsia ambila la di me apú ni daie. ⁶⁵ Ani atsia apa matá me: «Kaka-a, ma apa nako pi yi me: <kpála bini ti da nago gba ma de, i du me 'Dyi ma nde ha kpadji pi ani ngae de ko.>

⁶⁶ Nayie li nedhinga bhomu-o, bhelé na omukpata gba ani-e a'o ká ani. U kpata matá ani de. ⁶⁷ Abhomu-o, Yesu atsia ayi obhende ndjikpa ne ká bhisi-e me: «Ngayi di-e, yi akunda nagbida?» ⁶⁸ Simo Piele agie pi ani me: «Ngámá, ya ti da nanu gba da? A ka mu ne oeli inde ngaha mukobho na duduuma. ⁶⁹ Ngaya-a, ya abhuka. Ya atsia ambila la di me mu ne Kpála na

bubu inde li Ebhe atima e ko.» ⁷⁰ Yesu agie pi uo me: «Ngayi okpála ndjikpa ne ká bhisi-e, ma lo nako yi ngama di? La-a, súka yi bini ne djabulu!» ⁷¹ Ani adu apa 'ngú bhomu-o li Yuda, ndili gba Simo Isikaliote. Padhá de, anga belegu ani adu lie súka omukpata ndjikpa ne ká bhisi-e, adu kpála inde apú Yesu-ongae.

7

Ondaise Yesu bhuka ani de

¹ Pipita-a, Yesu aholo nadholo bhú ndu doto na Galilaya. Ani du akunda nadholo bhú ndu doto na Yudaya de, anga omaYuda adu akunda nabhele ani oo. ² A adu me, anokomia na otí ngbangbalí gba omaYuda nde akolo masikpe. ³ Abhomu-o, ondaise Yesu atsia apa pi ani me: «Yie si yiyie. Nu bhú ndu doto na Yudaya, ngubula me omukpata gba mu-o, ngauo di-e, u u ngamba 'ngú inde mu ngamene e ko. ⁴ Padhá de, anga kpála inde akunda me okpála u ngamba 'ngú inde ni ngamene e mau-o, ani méne bhú pepe de. I nde lie me mu nde ngamene ngua ngamba 'ngú bhomu-o, mene kala ndu okpála hana!» ⁵ Padhá de, anga ondaise ani-e, ngauo makpe-e, u bhuka nani ani de.

⁶ Abhomu-o, Yesu atsia apa pi uo me: «Nedhinga gba ma-a kolo nga de. Engú bini, pi yi-e, nedhinga ndu 'kpí hana ndjindji. ⁷ Okpála na doto ti da nayala yi de. La mama-a, u ngayala ma. Padhá de, anga ma ngapa me kulu gba uo-o ndjindji ade. ⁸ Yi nu bhú anokomia-a nunu. Ngama-a, ma nu-u de. Padhá de, anga nedhinga gba ma-a kolo nga de.» ⁹ Pita ani apa lie mo-o, ani atsia atigala bhú ndu doto na Galilaya.

Yesu asuno pi okpála bhú 'ngbé 'ti Ebhe gba omaYuda

¹⁰ Li ondaise Yesu agbida lie bhú anokomia-a, ani atsia anu di oo. La-a, ani suno lie mbámbá de. Ani

adu me ani nde awo lie mawo. ¹¹ Abhomu-o, omaYuda adu agili ani bhú nedhingga na anokomia-o. U adu ayi me: «Ani su?» ¹² U adu amene kpekebhé naali li 'ngú gba ani-e bhú ká okpála. Okoko adu apa me: «A ko bádha kpála.» Okoko adu apa me: «A mo-o ade, ani ngapite okpála.» ¹³ Engú bini, u du apa engú ango-o mbámbá de. Padhá de, anga u adu akpe omaYuda.

¹⁴ Nedhingga li anokomia akolo lie tutu-o, Yesu anu bhú 'ngbé 'ti Ebhe gba omaYuda, ani atsia aholo nasuno pi okpála. ¹⁵ Abhomu-o, omaYuda angamba naali. U atsia adu ayi lio me: «Kpála inde-e mene balua de. Ani ambila la 'he me-e lele pi?» ¹⁶ Yesu agie pi uo me: «Nasuno gba ma-a ngayie ka ma ade. Engú bini, a ngayie ka Kpála inde atima ma ko. ¹⁷ I du me kpála nde akunda namene engú inde li Ebhe akunda e-e, ani ti da nambila me, ne me ayie ka Ebhe, ne me ma ngakpokpo 'ngú gba ma makpe. ¹⁸ Kpála bhende ngakpokpo 'ngú gba e makpe-e, ani ngagili me okpála dhége ni. Engú bini, kpála bhende ngagili me u dhége kpála bhende atima ni-e, ani ngapa 'ngú na kúkúlu. Ani pa la di eu de. ¹⁹ Moidje aha nani lílí pi yi ngae. A mo-o adi? La-a, kpála bini bhú ká yi ngamene lílí ango-o ade. Yi la ngagili nabhélé ma ngubula ni?»

²⁰ Okpála agie pi ani me: «A bhú mu ne siti bua ! A ngagili nabhélé mu da?» ²¹ Yesu agie pi uo me: «Ma amene bha koli ngamba 'ngú bini má kpikili, ndu yi hana yi atsia aholo nangamba! ²² Moidje aha nani lílí pi yi me, yi du nato ongisi na bhosibhosie bhú gandja. Engú bini, lílí ango-o yie ka Moidje de. A ayie ka onguo ogbi yi. Kaka-a, yi ngaziba nato kpála bhú gandja belegu bhú 'kpí naguo gba omaYuda. ²³ Yi ngato kpála bhú gandja bhú 'kpí naguo ngú nakpe me yi agúmu lílí gba Moidje-e de. Ngama-a, ma

akobho kpála-kuti libhomu bhú 'kpí naguo. Yi la ngake 'ngú liyi muma téte ngú ni? ²⁴ Yi akódho 'ngú maka yi ngauu lie de. Engú bini, yi kodho 'ngú ngbingbili!»

Yesu ne Masiya ?

²⁵ Abhomu-o, okpála koko na gudhu na Yelusalema adu apa me: «A oo kpála inde u ngagili nabhélé e di? ²⁶ Yi tsitsia nga, ani ngagama 'ngú mbámbá bhú ká okpála. La-a, u pa 'ngú pi ani belegu de bini! Ongámási gba ní-e ambila bha ndju si ndjindji me Masiya ngae inde-e? ²⁷ Padhá de, anga bili li kpála inde-e ayie li e, ya mbila hana. Engú bini, nedhingga inde li Masiya agó lie, kpála bini mbila bili inde ani ayié li e de.»

²⁸ Li nedhingga bhomu-o, Yesu adu asuno bhú 'ngbé 'ti Ebhe gba omaYuda. Abhomu-o, ani atsia asula me: «Yi mbila bha ndju ma ndjindji? Yi mbila la di bili inde ma ayie li e hana? Padhá de, anga ngama-a, ma go bhú angu gba ma makpe-e de. Engú bini, kpála inde atima ma-a, a ko kpála na ngbingbili. Kpála ango-o, yi mbila ani de. ²⁹ Ngama-a, ma mbila ani ndjindji. Padhá de, anga ma ayie agba ani. Ani atima la di ma ngae.»

³⁰ Abhomu-o, u adu agili me, o holo ani. La-a, kpála bini bu 'kpa e li kute ani de. Padhá de, anga nedhingga gba ani-e le nga nani-i de. ³¹ La-a, okpála bhelé bhú ká bhti okpála bhomu-o abhuka ani. U adu apa me: «Nedhingga li Masiya agó lie, ani améne ongamba 'ngú ané obhende li kpála inde-e amene e?»

U atima okpála ngú naholo Yesu

³² OmúFalisai adje engú inde li okpála adu apa e bhú tuele li 'ngú gba Yesu-o. Abhomu-o, ongbengbe odimande di ne omúFalisai atima omúlila na 'ngbé 'ti Ebhe gba omaYuda ngú naholo ani. ³³ Yesu atsia apa me: «Ma adú nga matá ne yi ngubula nedhingga bedi. Pipita-a,

ma tsia tápa agba kpála inde atima ma ko. ³⁴ Yi agíli ma, engú bini, yi ú la ma de. Padhá de, anga yi ti da nanu li bili inde ma adji li e de.» ³⁵ Abhomu-o, omaYuda atsia ayi lio súnda o me: «Aní anú li bili bhedho inde ní ti da nau aní lie de-e? Aní anú nabhaka omaYuda bhende atsambala bhú ká oGiliki-e? Aní anú asuno pi oGiliki? ³⁶ Oeli inde aní apa e me: <Yi agíli ma, engú bini, yi ú la ma de, anga yi ti da nanu li bili inde ma adji li e de.› A akúnda napa pi?»

Engu na mukobho

³⁷ Ekpí na soso na anokomia-a, a adú ekpí na ngbéngbé. Li 'kpí ango-o, Yesu alu malu, aní asúla me: «I du me kpála nde ne gúmu 'ngu-o, a ayo me, aní go bhaka ma, amba aní ndji! ³⁸ Kpála bhende ngabhuka ma-a, maka li Bhuku gba Ebhe-e apa lie me: <Engu adá aze li bua aní. Engu ango-o, a ko engu na mukobho.›» ³⁹ (Yesu adú apa 'ngú bhomu-o li Bua gba Ebhe inde li okpála inde abhúka aní asía e-o. Li nedhinga bhomu-o, Bua gba Ebhe-e go nga nani-i de. Padhá de, anga Yesu nde sia nga nani sangu gba e de.)

OmaYuda koko abhuka me Yesu ne Masiya

⁴⁰ Okpála adje oeli inde li Yesu apa e-o. Okpála koko bhú ká uo atsia apa me: «Kpála inde-e bha ndju ne polofeta inde ya ngadjeke e kúkulú!» ⁴¹ Okoko atsia apa me: «A ko Masiya!» Engú bini, okpála koko atsia apa matá me: «Masiya ti da nayie bhú ndu doto na Galilaya? ⁴² Padhá de, anga Bhuku gba Ebhe-e apa me, Masiya adú súka okpála na piga gba Davidi. Aní ayié la di bhú Beteleme, kuti inde li Davidi abhele bhú e ko.» ⁴³ Abhomu-o, okpála atsia agbogbo bhússu o li 'ngú gba aní-o. ⁴⁴ Okoko bhú ká uo adú akúnda me, o holo aní. Engú bini, kpála bini bu 'kpa e li aní de.

Ongámási gba omaYuda ayala nabhuka Yesu

⁴⁵ Abhomu-o, omúlila na 'ngbé 'ti Ebhe gba omaYuda-a agie lio agba ongbengbe odimande, di ne omúFalisai-o. U atsia ayi omúlila-a me: «Yi go ne Yesu de ngúbula ni?»

⁴⁶ Omúlila-a agie me: «Kpála inde agama 'ngú maka kpála bhomu-o belegú ade bini!» ⁴⁷ Abhomu-o, omúFalisai atsia agie pi uo me: «Ngayi di-e, yi a'o di me aní pite yi? ⁴⁸ Bhú ká ongámási, i du di-e bhú ká omúFalisai-e, kpála bini abhuka aní uu? ⁴⁹ Engú bini, bhití okpála bhende abhuka aní bhomu-o, u mbila líli gba Moidje de. Ebhe abála uo mabala.»

⁵⁰ Nikodemu-o, a ko súka omúFalisai. Aní anú la di nani kalanu abhaka Yesu-o ngae. Aní apa pi uo me: ⁵¹ «Líli gba ní-e zíba naholo kpála padhá de. A ayo ngaiza me ní dje aní, amba ní mbila la di engú inde aní amene e ko.» ⁵² U agie pi aní me: «Ngamú di-e, mu ne kpála na ndu doto na Galilaya? Tanga nga oBhuku gba Ebhe-e ndjindji. Mu ú de me, polofeta bini ayié bhú ndu doto na Galilaya de.»

[⁵³ Pipita-a, kpála ne kpála atsia agie lie agba e.*

8

Өlé na zabhe

¹ Abhomu-o, Yesu anú apí 'ta na ondula na Olive. ² Li ekpí aseke lie, bhú síkíkpi-e, aní agie lie bhú 'ngbé 'ti Ebhe gba omaYuda. Ndu okpála hana adyudyo lio de aní masikpe. Yesu adú kuto, aní atsia ahólo nasuno pi uo. ³ Abhomu-o, omúsunu na líli gba Moidje, di ne omúFalisai ago ne ele bini. U akoto li өlé ango-o bha li nedhinga u adú akúnda lio lie ne bhoko koko. U aha aní, u atsia a'o aní kala ndu okpála hana. ⁴ Do uo pi Yesu me: «Músunu, u akoto li өlé inde-e bha li nedhinga

* ^{7:53} 7:53 Ongú nayie si akólo bhú 8:11, a bhú obhuku koko na didili-e ade.

u adu akunda lio lie ne bhoko koko.
⁵ Moidje aye nani pi ya bhú lili-e me, a ayo nabhili ongu olisi bhomu-o ne teme. Ngamu-o, mo opa naamu téte pi?»

⁶ U adu apa engú bhomu-o ngú na'o ekú ngú ani. Padhá de, anga u adu agili nau engú inde u a'o e pi ani-o. Engú bini, Yesu akita ne kuto, ani aholo naye 'he kuto bhú doto ne likpa e. ⁷ La-a, u azi bha kekele li nayi ani. Abhomu-o, ani ayie bhúlá, ani atsia apa pi uo me: «A ayo me kpála inde bhú ká yi, i mene nga naae siti 'ngú bini de-e, ani tulu ani ne teme na kalanu-o ngae.» ⁸ Pipita, Yesu akita matá ne kuto, ani atsia aholo bha naye ehe kuto bhú doto. ⁹ Li u adje oeli bhomu-o lie, ndu uo hana atsia aholo ayie bini ne bini. Akpo nayie ne obhelesi okpála. Yesu atigala bha ngae kpi e kpi. Ole angoo atsia adu la bhadi li bili inde u a'o ani li e bhomu. ¹⁰ Abhomu-o, Yesu ayie matá bhúlá, ani ayi ole angoo me: «Okpála angoo su? Kpála bini kodho 'ngú gba mu-o sisiti di?» ¹¹ Ole angoo agie me: «Musuno, ma u kpála bini de.» Do Yesu pi ani me: «Ngama di-e, ma kódro 'ngú gba mu-o sisiti de. Mu ti da natapa. La-a, nayie pi mbia inde-e, mo oméne matá siti 'ngú belegu de bini.】

Yesu ne zi 'ke pi okpála na píla doto

¹² Abhomu-o, Yesu apa matá pi bhati okpála-a me: «Ngama-a, ma ne zi 'ke pi okpála na píla doto. Kpála inde ngakpata ma-a, ani dhukhu bhú biti de. Engú bini, a adú ka ani ne zi 'ke na mukobho.» ¹³ Abhomu-o, omuFalisai atsia apa pi ani me: «Mu ngakpokpo bhomu-o naamu 'ngú makpe! Engú inde mu ngakpokpo e bhomu-o, tata téte ade!»

¹⁴ Yesu agie pi uo me: «A na paká moko me ma ngakpokpo 'ngú gba ma makpe. La-a, engú inde

ma ngakpokpo e, a ko kükulu 'ngú. Padhá de, anga ma mbila bili inde ma ayie li e, di ne bili inde ma adji li e ndjindji. Engú bini, ngayi-e, yi mbila bili inde ma ayie li e de. Yi mbila la di bili inde ma adji li e de. ¹⁵ Yi ngakodho 'ngú maka okpála. Ngama-a, ma kodho 'ngú gba kpála bini de. ¹⁶ Idú la me, ma nde akodho 'ngú-o, nakodho 'ngú gba ma-a dú ngingbili. Padhá de, anga ma kpi ma kpi ade, engú bini, 'Dyi ma inde atima ma-a, ya ne ani bhú dabili bini.

¹⁷ U aye bhú lili gba yi makpe-e me: «Idú me okpála bhisi nde akpokpo 'ngú-o, engú angoo dú ngingbili.» ¹⁸ Ma ngakpokpo naama 'ngú makpe. 'Dyi ma inde atima ma-a, ngakpokpo la di engú gba ma ko.»

¹⁹ Abhomu-o, u ayi ani me: «'Dyi mu su?» Yesu agie pi uo me: «Yi mbila ma de. Yi mbila la di 'Dyi ma de. Yi mbila ma uu-o, yi de ambila di 'Dyi ma ambila.» ²⁰ Yesu apa 'ngú bhomu-o li nedhinga ani adu asuno lie bhú 'ngbé 'ti Ebhe gba omaYuda, li bili li osanduku inde u adu a'o tia bhú e adu li e-o. Kpála bini tsia bu nani 'kpa e li ani de, anga nedhinga gba ani-e kolo nga nani-i de.

Yesu akpo 'ngú pindji bili inde ani ayie li e-o

²¹ Abhomu-o, Yesu atsia apa matá pi uo me: «Ma adji. Yi agili ma. La-a, yi amú bhú siti 'ngú gba yi-o. Yi ti da nanu li bili inde ma adji li e de.» ²² OmaYuda atsia ayi liosunda o me: «Ani abhéle lie ne titi e? Kaka-a, ani apa me bili inde ni adji li e, ni ti da nakolo téte di?»

²³ Yesu agie pi uo me: «Ngayi-e, yi ayie kuto si. Engú la bini, ngama-a, ma ayie abhúlá. Ngayi-e, yi ne okpála na píla doto. Engú la bini, ngama-a, ma ne kpála na píla doto ade. ²⁴ Kaka-a, ma apa igini pi yi me, yi amú bhú siti 'ngú gba yi ko. Padhá de, anga idu me yi nde bhuka

* ^{8:24} 8:24 Ma uu: A bhomu-o 'ili gba Ebhe inde ani asuno e pi Moidje nedhinga ani atima ani lie bhú Edjipeto. Tsia bhú Eki. 3:14.

de me Ma uu-o* de-e, yi amú bhú siti 'ngú gba yi ko.» ²⁵ Abhomú-o, u ayi ani me: «Ngamú-o, mū ne da?» Yesu agie pí uo me: «A ko bha engú inde ma apa e pí yi, nayie li lilita-o. ²⁶ Ma ne engú bhelé napapa, di ne nakokodho li 'ngú gba yi ko. Engú bini, ma ngapa pí okpála engú inde ma adje e ka kpála inde atima ma ko. Ngaani-e, ani ngapa ngbili 'ngú.»

²⁷ U mbila de me ani ngapa pí o bhomú-o engú gba 'Dyi e de. ²⁸ Abhomú-o, Yesu atsia apa pí uo me: «Nedhinga yi a'é'e ma, Ndili gba kpála lie ne abhúlá-a, yi tsia mbíla me ngama-a, ma uu. Yi mbíla la di me, ma mene ehe bini bhú angu gba ma makpe de. Engú bini, ma ngapa bha bini engú inde li 'Dyi ma asuno e múma ko. ²⁹ Ya ne kpála inde atima ma-a bhú dabili bini. Ani 'o ká ma kpi ma kpi de. Padhá de, anga ma ngamene ndú 'kpi hana engú inde i nganga li ani manga ko.» ³⁰ Abhomú-o, okpála bhelé inde adje Yesu ngapa 'ngú bhomú-o, atsia abhuka ani.

Okpála bhende ne obalise na siti 'ngú

³¹ Abhomú-o, Yesu atsia apa pí omaYuda inde abhuka nani ani-e me: «I dú me yi nde alila eli inde ma ngapa e pí yi-e ndjindji-e, yi dú omukpata gba ma-a na kúkulú. ³² Yi mbíla la di ngbili 'ngú. Li ngbili 'ngú-o tsia gbégbé yi bhú bali.»

³³ U agie pí ani me: «Ya ne odi Abalahama. Ya dú nga bali pí kpála belegú de bini. Lele pí mū ti da napa lie pí ya me, ya azé bhú bali maze-e?» ³⁴ Yesu agie pí uo me: «A moko, ma apa pí yi na paká me: ndú kpála hana inde ngamene siti 'ngú-o, a ko bali ka siti 'ngú. ³⁵ Bali ngadú bhú piga ndú 'kpi hana ade. Engú bini, ndili na bhobhoko ngadú ndú 'kpi hana bhú piga. ³⁶ Kaka-a, i dú me Ndili-e nde agbegbe yi bhú bali-e, yi tsia zé bhú bali kúkulú. ³⁷ Ma mbila hana me, yi

ne odi Abalahama. Engú la bini, yi ngagili nabhéle ma. Padhá de, anga yi ngayala li ma. ³⁸ Ngama-a, ma ngakpokpo engú inde li 'Dyi ma asuno e múma ko. La ngayi-e, yi ngamene engú inde li 'dyi yi apa e pí yi ko.»

³⁹ Abhomú-o, u atsia agie pí ani me: «'Dyi ya-a, a ko Abalahama.» Do Yesu pí uo me: «I dú me yi dú ne odi Abalahama-a, yi de méne 'ngú maka Abalahama. ⁴⁰ Engú bini, mbia inde-e, yi ngakunda nabhéle ma, abana ma apa kúkulú 'ngú inde ma adje e ka Ebhe lie pí yi-o. Abalahama mene la nani mo-o de. ⁴¹ Engú bini, ngayi-e, yi ngamene bhadí ngua kulu inde li 'dyi yi ngamene e-o.» U atsia agie pí ani me: «Ya ne ongisi na ngongo ade. Koli 'dyi ya bha bini, Ebhe.»

⁴² Yesu apa pí uo me: «Li Ebhe dú bha ndju ne 'Dyi yi-e, yi de akunda ma. Padhá de, anga ma ayie agba Ebhe. Ma la di si bhú ngú ani. Ma go bhú ngú ma de. Engú bini, ani atima ma ngae. ⁴³ Yi mbila engú inde ma ngapa e pí yi-e de ka ni? A ko anga, yi ti da nadje eli inde ma ngapa e pí yi-e de. ⁴⁴ 'Dyi yi ne Djabúlú. Yi la di ngamene 'ngú inde li 'dyi yi akunda e-o. A ko bhúlú nabhéle kpála nayie li lilita. Ani lú bhú kúkulú 'ngú belegú de bini. Padhá de, anga kúkulú 'ngú bhú ani ade. Nedhinga inde ani ngapa eu lie, ani ngapa 'ngú gba e makpe. Padhá de, anga a ko kpála na eu. A ko la di 'dyi eu. ⁴⁵ Engú bini, ngama-a, ma ngapa kúkulú 'ngú. Yi ngabhuka ma ade kaka. ⁴⁶ A ko kpála bhedho bhú ká yi-e, i ti da nasuno siti 'ngú inde ma amene e? I dú me ma nde ngapa kúkulú 'ngú-o, ka ni yi bhuka la ma lie de-e? ⁴⁷ Kpála gba Ebhe-e ngadjé li Ebhe. Engú bini, yi ne okpála gba Ebhe ade. Kaka-a, yi ngadjedje ade.»

Yesu akpo 'ngú pindji Abalahama

⁴⁸ OmaYuda agie pí Yesu me: «Ya apa kúkulú 'ngú de me mū ne kpála na Samalia, a la di bhú mū ne siti

bua ?» ⁴⁹ Yesu agie pí uo me: «Siti bua bhú ma ade. Engú bini, ma ngadhegø 'Dyi ma. La-a, ngayi-e, yi ngayala nadhegø ma. ⁵⁰ Ngama-a, ma gili de me okpála dhøgø ma-a de. 'Dyi ma ngagigili muma ngae. Ani la di ngakodho 'ngú-o ngae. ⁵¹ A moko, ma apa pí yi na paká me: kpála inde alila eli inde ma ngapa e, ani kpí duduma de.»

⁵² OmaYuda atsia apa pí ani me: «Mbía inde-e, ya ambila la kúkúlú me abhú mu ne siti bua! Abalahama akpi. Opolofeta di amu. La ngamú-o, mu ngapa me: <Kpála inde ngalila eli inde ma ngapa e, ani kpí duduma de.> ⁵³ 'Dyi ya Abalahama akpi. Mu ngabundja me ni ngbéngbé ane ani? Opolofeta di amu. Mu la ngau nga naamu límu me ni ne da?»

⁵⁴ Yesu agie pí uo me: «I dú me, ma dú adhøgø líma ngama makpe-e, nadhegø gba ma-a de padhá. 'Dyi ma ngadhegø ma ngae, a ko kpála inde yi nga'i e me: <A ko Ebhe gba ya-o> ⁵⁵ me yi nde mbila la ani de ko. Engú bini ngama-a, ma mbila ani hana. I dú me ma pá me ma mbila ani de-e, ma de ne kpála na eu maka yi. Engú bini, ma mbila ani hana. Ma la di ngalila eli inde ani ngapa e-o. ⁵⁶ 'Dyi yi Abalahama akpi nani djali naali. Padhá de, anga ani adú abhundja me ni aú ekpí nago gba ma-o. Ani au, ani atsia akpi djali.»

⁵⁷ Abhomú-o, omaYuda atsia apa pí ani me: «Ngamú-o, mu kolo nga ne kalanga ndjikpa bhuluvue de. Mu la ngapa me, ni au Abalahama!»

⁵⁸ Yesu agie pí uo me: «A moko, ma apa pí yi na paká me kala me u zu Abalahama, <Ma uu.» ⁵⁹ Abhomú-o, u abha teme ngubula natutulú ani ne di. Engú bini, Yesu awo lie, ani atsia akoto bhú 'ngbé 'tì Ebhe gba omaYuda-o.

9

Yesu akobho kpála inde u azu e me ani nde u 'kpí de

* ^{9:7} 9:7 'Dú 'ngu navulú kute na Siloe nani abhú aga na Yelusalema.

¹ Lí Yesu adú akodho 'kpí lie lí kpadji-e, ani au kpála bini inde u azu e me ani nde u 'kpí de. ² Omukpata gba ani ayi ani me: «Músuno, u azu kpála inde-e me ani nde u 'kpí de ka ni? A ko ka siti 'ngú gba ani makpe, ne me a ko ka siti 'ngú gba okpála inde azu ani?»

³ Yesu agie me: «A ko ka siti 'ngú gba ani-e de. A ko la di ka siti 'ngú gba okpála inde azu ani-e de. Engú bini, u azu ani mo-o ngubula me okpála u ngamba 'ngú inde lí Ebhe ngamene e bhú ani. ⁴ A ayo me ní mene kulu gba kpála inde atima ma-a nedhinga lí ekpí nde nga lie ne ngbikpi-o. Padhá de, anga biti ngago, kpála bini tì da namene kulu de. ⁵ Nedhinga ma nde nga lie píla doto-o, ma ne zí 'ke pí okpála na píla doto.» ⁶ Pita ani apa lie mo-o, ani aku ngusú bhú doto. Ani akpedhøle doto ne di. Ani aha ngbedhø ango-o, apulu pí kó djila kpála inde i u 'kpí de ko. ⁷ Abhomú-o, Yesu atsia apa pí ani me: «Nu vúlú bhúla mu bhú 'dú 'ngu navulú kute na Siloe.*» ('Ili bhomú-o akunda napa me «U atima ani.») Ani anu, ani atsia avulú bhúla e. Ani agie lie me ani nde ngau 'kpí ndjindji!

⁸ Okpála bhende asili kuti lingo ani, di ne obhende au ani kalanu me ani nde ne yoyo 'he-e, a adú ayi me: «A inde-e kpála adú nako adú kuto ngú nayo 'he-e di?» ⁹ Okoko adú apa me: «A ko ani.» Do okpála koko me: «A ko ani de. Engú bini, ani mana ani.» La-a, kpála ango-o adú apa me: «A ko bha-a ma.» ¹⁰ Abhomú-o, u ayi ani me: «Djila mu abhulu lie lele pí?» ¹¹ Ani atsia agie me: «Kpála inde u a'i e me Yesu-o, amene ngbedhø, ani apulu pí kó djila ma. Ani atsia apa muma me: «Nu vúlú bhúla mu bhú Siloe.» Ma anu oo. Pita ma avulú líma lie, ma aholo nau 'kpí!» ¹² U ayi ani me: «Kpála ango-o su?» Ani agie me:

«Ma mbila de.»

OmuFalisai ayiyi kpála inde li djila e akobho-o

¹³ Abhomu-o, u ago ne kpála inde adu kalanu me ani nde u 'kpí de-e pi omuFalisai . ¹⁴ Yesu amene nani ngbedhe, ani atsia abhulu djila ani ne di me a nde la ekpí naguo gba omaYuda . ¹⁵ Abhomu-o, omuFalisai ayi di ani me djila ani aholo au 'kpí lele pi. Ani agie pi uo me: «Ani apulu ko djila ma ne ngbedhe. Ma avulü lima, ma atsia aholo au 'kpí.» ¹⁶ OmuFalisai koko atsia adu apa me: «Kpála amene engú inde-e, ani yie agba Ebhe de. Padhá de, anga ani ngalila lili na ekpí naguo ade.» Engú bini, okoko atsia adu apa naao me: «Kpála na sisiti ti da namene ngua ongamba 'ngú me-e lele pi?» U atsia agbogbo bhusu o.[†]

¹⁷ Abhomu-o, omuFalisai ayi matá kpála inde li djila e abhulu-o me: «A la mu-o, mo opa naamu li 'ngú gba kpála inde abhulu djila mu-o pi?» Ani agie me: «A ko polofeta .»

¹⁸ Engú bini, ongámási gba omaYuda kunda nani nabhuka de me, ani adu me ani nde u 'kpí de, ani atsia aholo au 'kpí-e de. Kaka-a, u atsia a'i okpála inde azu ani-o. ¹⁹ U ayi uo me: «Kpála inde-e, a ko ndili gba yi na paká? A na paká me yi azu ani me ani nde u 'kpí di? Ani la ngau 'kpí mbia inde-e lele pi?» ²⁰ Okpála inde azu ani-e agie me: «Ya ambila me a ko ndili gba ya. Ya azu ani me ani nde u 'kpí de. ²¹ Engú la bini, maka ani ngau 'kpí lie mbia inde-e, ya mbila naaya de. Ya mbila la di de me abhulu djila ani da-ie de. Yi yi ani, ani abhele, ani ti da nakpokpo 'ngú gba e ngae makpe!» ²² Okpála inde azu ani-e apa nani mo-o, anga u adu akpe omaYuda. Padhá de, anga omaYuda adje nani lio me, i du me kpála nde aziba me Yesu ne Masiya , u de gbe ani bhú 'ti nadje lili gba

Moidje-e magbe. ²³ Kaka-a, okpála inde azu ani-e apa nani me: «Ani abhele, ani ti da nakpokpo 'ngú gba e ngae makpe. Yi yi ani!»

²⁴ Abhomu-o, omuFalisai a'i matá kpála inde adu nako me ani nde u 'kpí de-o. U atsia apa pi ani me: «Dhegø Ebhe bhú napa kúkúlu 'ngú. Ya ambila me kpála inde akobho mu bhomu-o, a ko siti kpála.» ²⁵ Kpála ango-o atsia agie me: «I du siti kpála, i du siti kpála de, ma mbila naama de. La-a, ma ambila koli 'ngú bini: ma du nako au 'kpí de, engú bini, mbia inde-e, ma ngau 'kpí.»

²⁶ Abhomu-o, u ayi matá ani me: «Ani amene ngú mu pi? Ani abhulu djila mu lele pi?» ²⁷ Ani agie pi uo me: «Ma apa iginí pi yi apa. Engú bini, yi dje ma de. Yi akunda matá nadjedje ne toto-o? Atigala yi ngakunda me yi kolo di omukpata gba ani.» ²⁸ U asosobho ani. U atsia apa pi ani me: «Mu mangbo ne mukpata gba kpála bhomu-o ngamu! Ngaya-a, ya naaya ne omukpata gba Moidje . ²⁹ Ya ambila me Ebhe akpokpo 'ngú pi Moidje. Engú bini, ngaani-e, ya mbila de me ani ayie naae su-oie de!»

³⁰ Kpála ango-o agie pi uo me: «A ko 'ngú na ngangamba. Yi mbila bili inde ani ayie li e de. La-a, ani abhulu djila ma! ³¹ Ní mbila hana me Ebhe djedje okpála na sisiti de. Engú bini, ani djedje ndu kpála hana inde ngamanga ani, inde di ngamene engú ani akunda e-o. ³² Nani akpo lie, kpála bini dje nga de me u ngapa me kpála bini abhulu djila kpála inde u azu e me ani nde u 'kpí de-e de. ³³ I du me kpála inde-e yie agba Ebhe de-e, ani de ti da namene 'he bini de.» ³⁴ Abhomu-o, u agie pi ani me: «Ngamu-o, 'lá mu libhomu bhú siti 'ngú nayie maka nani u azu mu lie. Mu la ngakunda nasuno 'ngú pi ya?»

[†] **9:16** 9:16 Si-e, omuFalisai au me li Yesu akobho kpála lie bhú 'kpí naguo, ani amene bhomu-o kulu. La-a, lili gba Moidje ziba nani namene kulu bhú 'kpí naguo de.

U atsia agbe anि bhú 'tì nadje lílì-e kilidjo.

Okpála i u 'kpí kükülu de

³⁵ Yesu adje me omüFalisai agbe kpála inde li djila e akobho-o kilidjo. Yesu anü abhaka anि, anि atsia ayi anि me: «Mo obhuka Ndili gba kpála-a abhuka?» ³⁶ Anि agie pi anि me: «Müsuno, kpála ango-o, a ko da, amba ma bhuka anि-e?» ³⁷ Yesu agie pi anि me: «Mo ou anि au. Anि ngagama 'ngú ne mü mbia inde-e ngae.» ³⁸ Do kpála ango-o me: «Ngámá, ma abhuka.» Anि atsia atutu lipukü e kuto kala Yesu.

³⁹ Abhomü-o, Yesu atsia apa pi anि me: «Ma ago píla doto ngú nakodho 'ngú. Ma ago ngübula me okpála bhende i u 'kpí de-e, u u 'kpí, amba okpála bhende ngau 'kpí-e, 'o nau 'kpí.»

⁴⁰ OmüFalisai inde adü de anि oo, adje oeli bhomü-o. U atsia ayi anि me: «Ngaya di-e, ya u 'kpí di?»

⁴¹ Yesu agie pi uo me: «Yi dú ne okpála bhende i u 'kpí de-e, yi de bhú siti 'ngú ade. Engú bini, maka yi apa lie me: <Ya ngau 'kpí-e>, yi nga bha ne okpála na sisiti.»

10

Yesu ne mülila na babadha gba okandøle

¹ Yesu apa me: «A moko, ma apa pi yi na paká me: kpála inde i li bhú aga gba okandøle li bhëbhë-o de-e, engú bini, inde nga'u li pabu aga li pápá koko-o, kpála ango-o ne bhülü 'zi. Anि la di ne bhülü nagbulu 'he gba okpála ne kpéke. ² Kpála inde ali la naae li bhëbhë-o, a ko mülila gba okandøle-o. ³ Mülila na 'bhé aga-a nga'u pi anि. Okandøle-o ngadjé la di 'li anि. Anि nga'i okandøle gba e bini ne bini li 'li e. Anि la di ngapandja uo kilidjo. ⁴ Li anि apandja uo hana lie kilidjo-o, anि ké kala uo, u tsia holo nakpata anि. Padhá de, anga u mbila 'li anि hana. ⁵ Engú bini, kpála bhende u mbila e

de-e, u kpáta anि de. U kpé de anि tsutsu. Padhá de, anga u mbila 'li anि de.»

⁶ Yesu akpokpo gbitaku bhomü-o pi okpála inde adü adje anि-o. La-a, u mbila nani ta engú inde anि adü apa e pi uo-o de.

⁷ Abhomü-o, Yesu atsia apa matá me: «A moko, ma apa pi yi na paká me: ma ne 'bhé aga gba okandøle-o.

⁸ Ndu okpála hana inde ago müma kalanü-o, a ko obhülü 'zi. A ko la di obhülü nagbulu 'he gba okpála ne kpéke. Engú bini, okandøle-o dje uo de. ⁹ Ngama-a, ma ne 'bhé bhoti. Kpála inde alí li pá bili gba ma-a, anि kóbho. Anि tí da nali, anि kóto, anि tsia sia di ehe nazü mazü. ¹⁰ Bhülü 'zi ago bha naae ngübula nazi 'he. Anि ago ngübula nabhëbhële mabhële. Anि ago ngübula nasisiti masiti. La ngama-a, ma ago ngübula me okandøle sia mükobho, u sia mükobho ango-o bhelé.

¹¹ Ma ne bádha mülila gba okandøle. Mülila na babadha gba okandøle-o bedhe ngú naha mükobho gba e pi okandøle gba e-o.

¹² Kpála inde ngamene kulu bha bini ngübula tia-a, a ko kükülu mülila gba okandøle-o de. A ko okandøle ka anि de. Li anि u me sia ngago-o, anि há holo, anि 'ó ká uo. Abhomü-o, li sia-a tí pi uo, anि tsia tsámbala uo.

¹³ Padhá de, anga anि ngamene bha naae kulu ngübula tia. Anि la di ne ndjinga uo ade. ¹⁴⁻¹⁵ Ngama-a, ma ne mülila na babadha gba okandøle. Maka li 'Dyi ma ambila ma lie, ma atsia ambila di anि-e, ma ambila okandøle gba ma-o, okandøle gba ma-a atsia ambila di ma. Ma la di bedhe ngú naha mükobho gba ma-a pi okandøle gba ma-o. ¹⁶ A ka ma ne okandøle koko inde bhú aga inde-e ade. A ayo me ma go di ne uo. U adjé 'li ma. U akólo koli piga okandøle bini, u tsia dú ne koli mülila bini.

¹⁷ 'Dyi ma ngakündä ma, anga ma bedhe ngú naha mükobho gba ma-a, amba pipita-a, ma sia matá. ¹⁸ Kpála

bini ha mukobho gba ma-a ne kpéke de. Engú bini, ma ngahaha bha ngama. Ma ne angu ngú nahaha, ma la di ne angu ngú nasisia. Ma asia lili bhomu-o ka 'Dyi ma.»

¹⁹ OmaYuda atsia agbogbo matá bhusu o ka oeli bhomu-o. ²⁰ Bhelé bhú ká uo adu apa me: «A abhú ani ne siti bua ! A ko la di bhulu pele! Yi ngadje ani ka ni?» ²¹ Okoko adu apa me: «Kpála inde bhú e ne siti bua-a ti da napa 'ngú mo-o de. Siti bua ti da nabhulu djila okpála inde i u 'kpí de-e uu?»

OmaYuda ayala Yesu

²² Abhomu-o, bhú gudhu na Yelusalema-a, bhú nedhinga na zini-e, u amene anokomia Naleke 'ngbé 'ti Ebhe gba omaYuda-o . ²³ Bhú 'ngbé 'ti Ebhe-e , Yesu adu adhukú sa ngba 'ti gba Salomo-o. ²⁴ Abhomu-o, omaYuda asa lio dengo ani ngbalina. U atsia apa pi ani me: «Bua ya adu bha ka mu me a nde alu abhúlá má gba me-e ngubula ekpi madho? I du me mu nde ne Masiya-a , mu de pa pi ya mbámbá.» ²⁵ Yesu agie pi uo me: «Ma apa pi yi apa. Engú bini, yi ziba ma de. Ongamba 'ngú inde ma ngamene e ne 'li 'Dyi ma-a, a ngakpokpo 'ngú gba ma-o. ²⁶ Engú bini, yi bhuka de anga yi ne okandele gba ma-a ade. ²⁷ Okandele gba ma-a ngadje 'li ma. Ma ambila uo, u la di ngakpata ma. ²⁸ Ma ngaha mukobho na duduuma pi uo. U mu duduuma de. Kpála bini tí la di da nagbulu uo ka ma de. ²⁹ 'Dyi ma inde aha uo muma-a, ani ngbengbé ane ndu 'ngú hana. Kpála bini tí la di da nagbulu 'he bini ka 'Dyi ma de. ³⁰ Ngaya ne 'Dyi ma-a, koli ya bha bini.»

³¹ Abhomu-o, omaYuda abha matá teme ngú natutulú ani ne di. ³² Yesu agie pi uo me: «Obabadha 'ngú bhelé inde ma asuno e pi yi-e, ayie ka 'Dyi ma. A ko ngubula obabadha 'ngú bhedho yi ngakunda nabhelo

ma lie ne teme?» ³³ OmaYuda agie pi ani me: «A ko de me ya ngakunda nabhelo mu ne teme ka bádha 'ngú-o de. Engú bini, a ko anga mu ngasobho Ebhe. Ngamu inde bha ne kpála-kuti-e, mu nga'o limu maka Ebhe.»

³⁴ Yesu agie pi uo me: «U aye bhú lili gba yi-e me, ngama-a, ma apa me: <Yi ne oebhe.†> ³⁵ Ya ambila me, u ti da nabulu engú inde li Bhuku gba Ebhe-e apa e de. Okpála inde li eli gba Ebhe-e akolo nani gba oo, u a'i uo me oebhe. ³⁶ Engú bini ngama-a, Ebhe abhu ma, ani atsia atima ma píla doto. Lele pi yi ngapa la lie me ma ngasobho Ebhe, anga ma ngapa me ma ne Ndili gba Ebhe-e? ³⁷ I du me ma nde ngamene ngamba 'ngú gba 'Dyi ma ade-e, yi abhúka ma de. ³⁸ I du la me ma nde ngamene ngamba 'ngú gba 'Dyi ma-a, abana yi bhuka ma de-e, yi de bhuka ngabha mbo ongamba 'ngú ango-o. Yi bhuka ongamba 'ngú ango-o ngubula nambila ndjindji me 'Dyi ma ngakobho bhú ma, ma la di ngakobho bhú ani.» ³⁹ Abhomu-o, u agili matá naholo ani. Engú bini, ani atsia akobho sa 'kpa uo.

⁴⁰ Yesu atsia agie matá lie ayi 'ngu na Djuludani, li bili inde li Djaa adu nani abatisa okpála li e kalanu-o. Ani atsia adu oo. ⁴¹ Okpála bhelé ago nabhaka ani. U adu apa me: «Djaa mene ngamba 'ngú belegu de bini. Engú bini, ndu 'ngú hana inde ani apa nani e pindji kpála inde-e, a ko kükulu 'ngú.» ⁴² Oo, okpála bhelé abhuka ani.

11

Ladjalo akpi

¹ Kpála bini inde adu 'li e me Ladjalo, asi kuo. Ani adu nadu bhú Betania, kuti li Malia ne ndai e Malata adu nadu bhú e-o. ² Malia ne ele inde atuko nani mungotsi li 'dhú Ngámá, ani atsia akuo ne

† 10:34 10:34 Tsia bhú Ets. 82:6.

sundjo e-o. Ladjalo inde adu ne kuo-o, nani ne ndai ani. ³ Ondaise ani na olisilisi bhisi bhomu-o, atima kpála ngú napa pi Yesu me: «Ngámá, ali kpála mo okukunda e ne kuo.» ⁴ Li Yesu adje engú bhomu-o lie, ani atsia apa me: «Kuo bhomu-o ngubula nabhélè ani mabhele ade. Engú bini, a ngubula naha sangu pi Ebhe. A ko la di ngubula me ngama, Ndili gba Ebhe-e, ma sia sangu bhúbhú.»

⁵ Yesu adu ne mukunda pi Malata, ne ndai e na eelé, di ne Ladjalo naali. ⁶ La-a, ani adje lie me ali Ladjalo ne kuo-o, ani amene matá 'kpí bhisi li bili abhaka me ani nde li e-o. ⁷ Pipita-a, ani apa pi omukpata gba e me: «Ní gie matá liní bhú ndu doto na Yudaya.» ⁸ Omukpata-a apa pi ani me: «Músuno, a mene nga 'kpí bhelé de, omaYuda adu nako agili nabhélè mu ne teme oo. Mo odji matá bha oo?» ⁹ Yesu agie pi uo me: «Ngbikpi ne saa ndjikpa ne ká bhisi. A mo-o adi? Idú me kpála nde ngadhukú ne ngbikpi-e, ani dó 'dhú e de. Padhá de, anga ani ngau zi 'kpí na doto inde-e ndjindji. ¹⁰ Engú bini, i du la me kpála nde ngadhukú sukpe-e, ani dó 'dhú e. Padhá de, anga ani li zi 'kpí ade.»

¹¹ Pita li Yesu apa 'ngú bhomu-o lie, ani atsia apa pi uo me: «Ladjalo, olia ní-e, ani ala. Engú bini, ma adjí, amba ma zukú ani.» ¹² Abhomu-o, omukpata gba ani-e atsia apa pi ani me: «Ngámá, i du me ani nde tila-a, ani dú bhú mukobho.» ¹³ A na paká me Yesu adu apa me Ladjalo akpi. Engú bini, omukpata-a adu abhundja naao me ani akpo 'ngú pindji ela inde li okpála alala e-o. ¹⁴ Abhomu-o, Yesu atsia apa pi uo mbámbá me: «Ladjalo akpi. ¹⁵ Ma ne djali pi yi anga ma du nako oo de, amba yi bhuka ma. Engú bini, ní nu nabhaka ani!» ¹⁶ Abhomu-o, Túma (inde u agisila 'li e me Bhuko-o), apa pi omukpata koko me: «Nganí-e, ní nu di oo, ngubula me ní mu ne

Músuno bhú dabili bini.»

Malata anu nakə lie ne Yesu

¹⁷ Li Yesu akolo lie, ani abhaka me u azi Ladjalo azi, a nde ane nga 'kpí badha. ¹⁸ Kuti na Betania du nani de gádhú na Yelusalema masikpe de kilometele bata. ¹⁹ A abhaka me omaYuda bhelé nde ago oo ngú nateteke Malata ne Malia ka li ndai uo na bhabhoko-o akpi lie ko.

²⁰ Li Malata adje lie me Yesu akolo de kuti masikpe-e, ani anu akə lie ne ani li kpadji. Engú bini, Malia adu naae akuti. ²¹ Abhomu-o, Malata atsia apa pi Yesu me: «Ngámá, mu dú nako si-e, ndai ma de kpi de. ²² Engú bini, ma ambila me belegu mbia inde-e, Ebhe ti da naha ndu 'he hana inde mo oyó e ka ani-e pi mu.» ²³ Yesu apa pi ani me: «Ndai mu azúku mazuku.» ²⁴ Malata agie pi ani me: «Ma ambila me ani azúku li 'kpí li okpála inde amu-o, azúku lie li sokpí-o.»

²⁵ Yesu apa pi ani me: «Kpála nazuku okpála-a, a ko ma. Kpála naha la di mukobho pi okpála-a, a ko ma. Kpála inde abhuka ma-a, abana ani kpi, ani kóbho. ²⁶ La di-e, kpála ne kpála inde bhú mukobho, inde abhuka la di ma-a, ani kpi duduuma de. Mo obhuka mo-o?» ²⁷ Malata agie me: «A moko, Ngámá, ma abhuka me mu ne Masiya, Ndili gba Ebhe. Kpála inde a ayo me ani go píla doto ko.»

Malia anu di nakə lie ne Yesu

²⁸ Pita ani apa 'ngú bhomu-o lie, Malata anu a'i ndai e Malia. Do ani pi ani bhú tipele me: «Músuno aoo. Ani nga'i mu.» ²⁹ Li Malia adje lie mo-o, ani ayie kolo bhúlá má kia! Ani atsia anu abhaka Yesu. ³⁰ A adu me Yesu nde kolo nga bhú kuti na Betania de. Engú bini, ani adu ngabha li bili inde li Malata anu akə lie ne ani li e ko. ³¹ Li omaYuda inde adu abhú 'ti ngú nateteke Malia au lie me ani ayie bhúlá ne nakoto kilidjo bhú holó-o, u atsia akpata ani. Padhá de, anga u adu abhundja naao me ani adjí aku 'gba apí lata.

³² Malia akolo li bili li Yesu adu li e-o. Ani au Yesu lie, ani ati bhú li 'dhú ani. Ani atsia apa pi ani me: «Ngámá, mu dú nako si-e, ndai ma de kpi de.» ³³ Yesu au me ani ngaku 'gba di ne okpála inde ago ne ani bhú dabili bini-o. Ani asia likabhu naali li bua e. Mabhundja gba ani-e atsia angbingi di. ³⁴ Abhomu-o, ani atsia ayi uo me: «Yi azi ani su?» U agie pi ani me: «Ngámá, gogo, amba mu u.» ³⁵ Yesu aku 'gba. ³⁶ Abhomu-o, omaYuda atsia apa me: «Yi u maka ani akunda nako ani lie ko!» ³⁷ Engú bini, okpála koko bhú ká uo atsia apa me: «Ngaani inde abhulu nako djila kpála inde i u kpí de-e, ani ti da nako namene de me Ladjalo akpí de-e di?»

Yesu azuku Ladjalo

³⁸ Abhomu-o, Yesu asia matá likabhu naali li bua e. Ani anu abhú lata. A adu nani lata inde u adjí e bhú teme. U ani nani bhebbé ne teme na ngbéngbé. ³⁹ Abhomu-o, Yesu atsia apa me: «Yi 'e teme-o.» Malata, ndai kpála inde akpi-e, apa pi ani me: «Ngámá, se ani aholo napu aholo. Padhá de, anga ani amene nga sate 'kpí badha.» ⁴⁰ Yesu agie pi ani me: «Ma pa iginí pi mu de me, i du me mu nde abhuka ma-a, mu ú sangu gba Ebhe-e di?» ⁴¹ Abhomu-o, u a'e teme-o. Yesu atsia 'kpí ne bhúlá, ani atsia apa me: «'Dyi ma, ma ngagie hení pi mu, anga mo odje ma.» ⁴² Ma ambila ndjindji me mu ngadje ma ndu 'kpí hana. Ma ngapapa mo-o ka okpála inde asa lio dengo ma inde, amba u bhuka me, mo otima ma ngamu.» ⁴³ Ani apa 'ngú bhomu-o lie, ani asula kpekpeke me: «Ladjalo, koto ei!» ⁴⁴ Ladjalo akoto. Ani akoto me 'dhú ani, di ne 'kpa ani nde agbigbite lie ne opapala bongo. Bhúla ani nde agbite la di lie ne bongo. Yesu atsia apa pi uo me: «Yi bhulu ani, amba yi 'o ani, ani tapa.»

*Ongámási gba omaYuda adje lio ngú nabhélè Yesu
(Tsia bhú Mat. 26:1-5; ne bhú Mlk. 14:1-2; di ne bhú Luk. 22:1-2.)*

⁴⁵ Abhomu-o, omaYuda bhelé bhú ká okpála inde ago gba Malia au engú inde li Yesu amene e-o. U atsia abhuka Yesu. ⁴⁶ Engú bini, okoko bhú ká uo anu abhaka omuFalisai. U akpokpo 'ngú inde li Yesu amene e pi uo. ⁴⁷ Abhomu-o, ongbengbe odiemande gba Ebhe, di ne omuFalisai apo bhúla o bhú 'ngbé bula. U atsia apa me: «Kpála inde-e ngamene ongamba 'ngú bhelé. Ní améne si pi? ⁴⁸ I du me ní nde a'o me ani du bha anu ne di ne kalanu me-e, ndu okpála hana bhúka ani. Pipita-a, okpála na gudhú na Loma kólo ne angu. U bhélè 'ngbé 'ti Ebhe gba ní-o. U tsia bhélè la di kuti gba ní-o!»

⁴⁹ Kpála bini adu bhú ká uo. A adu 'li ani me Kaifa. Ani adu bhele kpála gba odiemande bhú kalanga bhomu-o ngae. Ani apa pi uo me: «Ngayié, yi mbila 'ngú de! ⁵⁰ Yi mbila de me a pi yi ndjindji me kpála bini kpi pi ndu okpála hana, amba kuti libhomu akpí de-e di?» ⁵¹ La-a, ani du apa 'ngú bhomu-o bhú ngú e de. Engú bini, a adu la lie me ani nde ne bhele kpála gba odiemande bhú kalanga bhomu-o ngae-e, ani atsia apa 'ngú maka polofeta me: «A ayo me Yesu kpi ngubula kuti gba omaYuda-o. ⁵² Ani kpi bha bini ngubula omaYuda de. Engú bini, ani kpi ngubula me ni po bhúla ongisi gba Ebhe inde atsambala ne bili ngangá-a bhú piga bini.»

⁵³ Nayie li 'kpí bhomu-o, ongámási gba omaYuda atsia adje lio me o bhélè Yesu. ⁵⁴ Kaka-a, Yesu du matá adholo mbámbá bhú ká omaYuda de. Ani atapa bhú gudhú na Efalaime, bhú ndu doto inde de egú-o. Abhomu-o, ani atsia adu ne omukpata gba e oo.

⁵⁵ Pasika gba omaYuda akolo masikpe. Kaka-a, okpála bhelé na kuti ango-o atsia anu bhú gudhú

na Yelusalema ngubula me o vəlu lio, amba o du pi Ebhe bubu kala anokomia-o . ⁵⁶ Abhomu-o, u adu agili Yesu. U alulu bhú 'ngbé 'ti Ebhe gba omaYuda-o. U atsia adu ayi lio sonda o me: «Yi abhundja pi? Ani agó bha ndju bhú anokomia inde-e mago? Ne me, ani gó-o de?» ⁵⁷ Ongbengbe odimande gba Ebhe, di ne omuFalisai aha nani lili me: «I du me kpála nde ambila bili inde li Yesu nde lie-e, ani de pa, amba u nu holo ani.»

12

*Malia atuko mungotsi li 'dhú Yesu
(Tsia bhú Mat. 26:6-13; di ne bhú
Mlk. 14:3-9.)*

¹ Abhomu-o, ekpi madhiá kala Pasika-a, Yesu anu bhú kuti na Betania. A bhomu-o bili inde li Ladjalo, kpála inde li Yesu azuku e adu nadu li e-o. ² Oo, u aha ezu pi ani, Malata atsia adu a'o'o kala ani. Ladjalo atsia adu di bhú ká okpála inde adu azu 'he bhú dabili bini ne Yesu-o. ³ Abhomu-o, Malia aha gili bini inde li mungotsi na mase naali adu bhú e-o. U amene nani mungotsi ango-o bha li ndula inde 'li e me nalade.* Ani aha, ani atuko li 'dhú Yesu. Ani akuo 'dhú ani ne sundjo e. Bádha se mungotsi ango-o atsia aha eti-e libhomu.

⁴ Engú bini, Yuda Isikaliote, suka omukpata gba Yesu, kpála inde apú ani pi obhulu yala-a, atsia apa me: ⁵ «A ayo iginí de me u tsindji mungotsi inde-e li lí denalio kámá bata, amba u ha falanga ango-o pi obhulu ndibhili-e di?» ⁶ La-a, a ko de me ani apa mo-o, anga ani adu ne ndjinga obhulu ndibhili-e de. Engú bini, a ko anga ani adu bhulu 'zi. Padhá de, anga ani adu la alila gba tia lie ngae-e, ani adu azi téte. ⁷ Engú bini, Yesu atsia apa me: «'O ele bhomu! Padhá de, anga engú inde ani amene e, a ngubula ekpi inde

u azí ma lie bhú lata ko. ⁸ Padhá de, anga yi adu bhú dabili bini ne obhulu ndibhili ndu 'kpí hana. Engú la bini, ngama-a, ni du ne yi ndu 'kpí hana de.»

Ongbengbe odimande adje lio ngú nabhélə Ladjalo

⁹ Abhomu-o, bhti omaYuda adje me Yesu abhú kuti na Betania, u atsia anu oo. U nu oo bha bini ngubula Yesu de, engú bini, u anu di me o u Ladjalo inde li Yesu azuku e-o. ¹⁰ Abhomu-o, ongbengbe odimande gba Ebhe-e atsia adje li me o bhele di Ladjalo. ¹¹ Padhá de, anga omaYuda bhelé adu a'o ká uo, u atsia adu abhuka Yesu ka engú gba Ladjalo-o.

*Yesu ali bhú gudhu na Yelusalema
(Tsia bhú Mat. 21:1-11; ne bhú
Mlk. 11:1-11; di ne bhú Luk. 19:28-
40.)*

¹² Ekpí bhe pipita-a, bhti okpála na bhibhiti inde ago bhú anokomia na Pasika adje me Yesu adji bhú gudhu na Yelusalema. ¹³ Abhomu-o, u abha 'kpá ngulu, u aze ngú nanu nake lio ne ani. U atsia adu asusula me:

«Sangu pi Ebhe!
A ayo me Ebhe Ngámá tuko bisagu pi kpála inde ngago ne 'li ani-o!

A ayo me Ebhe tuko bisagu pi 'ngbé Ngámá gba omaIsalaele-o!†»

¹⁴ Yesu au ndili punda, ani atsia a'u pi 'ngbu ani maka li Bhuku apa lie me:

¹⁵ «Gudhu na Siona , mo odjé tsulu de!

Tsitsia, 'ngbé Ngámá gba mu-o ngago, ani adu pi 'ngbu ndili punda na eeole.†»

¹⁶ Li nedhinga bhomu-o, omukpata gba ani-e mbila nga nani ta engú ango-o de. La li nedhinga inde li Yesu asia sangu gba e lie, u atsia abhundja me u aye nani ongú bhomu-o

* ^{12:3} 12:3 Nalade: A ko mungotsi inde u amemene e li 'kpá ulu. Tsia bhú Mat. 26:7. † ^{12:13} 12:13 Tsia bhú Ets. 118:25-26. † ^{12:15} 12:15 Tsia bhú Djkl. 9:9.

bhú Bhuku gba Ebhe-e pindji ani. U atsia amene pi ani.

¹⁷ Abhomu-o, bhti okpála inde adu nani bhú dabili bini ne ani li nedhinga inde ani a'i Ladjalo lie me ani koto bhú lata-a, ani atsia azuku di ani-e, adu akpokpo 'ngú inde u au e-o. ¹⁸ Kaka-a, bhti okpála ango-o abhaka ani. Padhá de, anga u adje nani me ani amene ngamba 'ngú bhomu-o. ¹⁹ Abhomu-o, omuFalisai atsia apa súnda o me: «Yi au, ní ti da namene 'he bini de. Ndu okpála hana agbida nganda ani!»

OGiliki koko agili Yesu

²⁰ OGiliki koko adu bhú ká okpála inde ago bhú gudhu na Yelusalema ngú nadhégé Ebhe bhú anokomia-o. ²¹ U adyudyo lio de Filipo, kpála na gudhu na Betesaida, bhú ndu doto na Galilaya. U atsia apa pi ani me: «Músuno, ya akunda nau Yesu.» ²² Filipo anu apa pi Andili. Pipita-a, ndu uo bhisi hana atsia anu apa pi Yesu. ²³ Yesu agie pi uo me: «Mbía inde-e, a ko nedhinga inde a ayo lie me Ndili gba kpála sia sangu gba e-o. ²⁴ A moko, ma apa pi yi na paká me: i du me lí ngano bini nde ati bhú doto, i kpi de-e, i tígala bha ngae kpi e kpi. Engú bini, i du la me a nde akpi-e, i lí lílí bhelé. ²⁵ Kpála inde akunda mukobho gba e, ani kpi. Engú bini, li kpála bini kunda Ebhe ane mukobho gba e píla doto inde-e, mukobho ango-o lila lie, li kpála ango-o tsia sía di mukobho na duduuma. ²⁶ I du me kpála nde akunda namene kulu lie muma-a, a ayo me kpála ango-o kpata ma. La di-e, bili inde ma adu li e, kpála na kulu gba ma-a adu bhadi oo. 'Dyi ma adhége kpála inde ngamene kulu muma ko.»

Yesu akpo 'ngú pindji nakpi ka e

²⁷ «Mbía inde-e, bua ma ngadjé likabhu. Ma apá la pi? Ma pá de me, <'Dyi ma, kobho ma li nedhinga inde-e de.» Padhá de, anga ma ago

ngubula nedhinga ango-o. ²⁸ 'Dyi ma-e, dhége 'li mu!» Abhomu-o eli ayie abhúlá, atsia apa me: «Ma adhége ani adhége. Ma adhége la matá ani madhége.» ²⁹ Abhomu-o, bhti okpála inde adu oo, inde adje la di eli ango-o, adu apa me: «Mugbálá asúla bhomu-o ngae!» Okoko atsia adu apa me: «Andjelu bini agama 'ngú pi ani ngae.»

³⁰ La-a, Yesu apa pi uo me: «Eli bhomu-o pa lie ka 'ngú ka ma de. Engú bini, a apa lie ka 'ngú ka yi.

³¹ Mbía inde-e, u akódho 'ngú gba okpála na píla doto. Mbía inde-e, u ató holo bhú 'dhú ngámá na doto inde. ³² La ngama-a, li nedhinga inde u a'é'e ma lie abhúlá-a, ma agbélé ndu okpála hana li pápá gba ma.» ³³ Yesu adu apa 'ngú bhomu-o ngú nasuno lele maka ani akpí lie-o.

³⁴ Abhomu-o, bhti okpála-a atsia agie pi ani me: «Ya adje bhú bhuku na lili me Masiya adu duduuma ne duduuma. Lele pi mu ngapa lie me u a'é'e Ndili gba kpála abhúlá? Ndili gba kpála ango-o ne da?»

³⁵ Abhomu-o, Yesu atsia agie pi uo me: «Zi 'ke nga matá bhú ká yi ngubula nedhinga bedi. Yi dhukú bhú nedhinga inde yi nde nga lie ne zi 'ke, ngú nakpe me biti ahólo yi bhú gbilikiti de. Padhá de, anga kpála inde ngadhukú bhú bitié mbila bili inde ani adji li e de. ³⁶ Nedhinga yi nde lie ne zi 'ke-e, yi bhuka zi 'ke ango-o, amba yi kolo ongisi na zi 'ke.» Pita li Yesu apa engú bhomu-o lie, ani atapa, ani atsia anu awo lie de uo tsutsu.

OmaYuda bhuka Yesu de

³⁷ Abana li Yesu amene ongamba 'ngú lie bhalé-e, omaYuda du abhuka ani de. ³⁸ U du abhuka ani de ngubula napa me engú inde li polofeta Isaya apa e-e, a mene lie, engú inde me:

«Ngámá, abhuka engú inde ya adu apa e da?

† 12:38 12:38 Tsia bhú Isa. 53:1.

Ngámá apána angú gba e pi
da?†»
39 Isaya apa di nani me, ka ni li
okpála bhomú-o ti nani da nabhuka
lie de-e. Aní apa me:

40 «Ebhe agbite djila uo.

Aní adjí bua uo maka teme,
ngübula me u áu 'kpí de,
ngübula me u ambíla 'ngú bini
de,
di me u adjí bua o de,

amba Ebhe akóbho uo de.†»

41 Isaya apa engú bhomú-o, angá
ani au nani sangu gba Yesu-o. Aní
atsia akpokpo di 'ngú píndji ani.

42 La-a, belegú bhú ká ongámási
gba omaYuda-a , bhelé abhuka Yesu.
Engú bini, ka nakpe omúFalisai-e,
u dú apa engú angó-o mbámbá de.
Padhá de, angá u adú akpe me,
u apándja o bhú 'ti nadje lílì gba
Moidje de. **43** U adú akunda me
okpála dhégo o ane me Ebhe dhégo
o ngae.

Kpála inde abhúka 'li Yesu-o, aní kóbho

44 Yesu asúla me: «Kpála inde
abhuka ma-a, aní bhuka bhomú-o
ma de. Engú bini, aní abhuka kpála
inde atima ma ko. **45** Kpála inde
ngau ma-a, aní ngau bhomú-o kpála
inde atima ma-o. **46** Ngama-a, ma
ago píla doto maka zí 'ke, ngübula
me ndú okpála hana inde abhuka
ma-a, adú bhú biti de. **47** I dú me
kpála nde adje 'li ma-a, aní lila de-e,
ma kódho 'ngú gba aní-e ngama de.
Padhá de, angá ma go ngübula na'o
'ngú pí okpála de. Engú bini, ma
ago ngú nakobho uo. **48** Kpála inde
ayala ma-a, inde i ziba di 'li ma de-e,
u akódho 'ngú gba aní-o. Eli inde
ma apa e, eli angó-o akódho 'ngú gba
aní li sokpí-e ngae. **49** Padhá de, angá
ma pa 'ngú gba ma makpe de. 'Dyi
ma inde atima ma-a, aha lílì múma
ngae makpe ngübula ndú 'ngú hana
inde a ayo me ma pa e, di ne bhende
a ayo me ma kpokpo e-o. **50** Padhá
de, angá ma ambíla me lílì gba aní-e

ngaha mukobho na dudu. Kaka-
a, ndú 'ngú hana inde ma ngapa e,
ma ngapapa maka li 'Dyi ma apa
múma lie ko.»

13

Yesu avúlu 'dhú omúkpata gba e

1 A adú nani ekpí kala anokomía
na Pasíka . Yesu ambíla nani me
nedhinga nayie ka ni píla doto inde-e,
ngú nanú agba 'Dyi ni-e akolo. Aní
adú akunda okpála gba e inde píla
doto-o. Aní akunda uo akolo ali soso.

2 Yesu ne omúkpata gba e adú
azú 'he tagolo. A adú me Djabúlu
nde a'o li bua Yuda, ndíli gba Simo
Isikaliote, me aní pú Yesu pí obhúlu
yala. **3** Yesu ambíla nani ndjindji me
ngani makpe-e, ni ayie agba Ebhe.
Aní atsia ambíla la bhadi ndjindji
me ni agié lini agba Ebhe, la di me
'Dyi ni a'o ndú 'ngú hana sa 'kpa
ni. **4** Aní ayie bhúlá, aní ayie li bílì
nazú 'he-o. Aní agbe bongo inde
u adyídyi e pí bongo koko-o. Aní
aha pála bongo, aní agbite ludu e.

5 Pipita-a, aní aha engu, aní atuko
bhú base. Aní aholo navúlu 'dhú
omúkpata gba e ne di. Aní atsia adú
akuko ne bongo inde aní agbite e
ludu e-o.

6 Aní akolo li Simo Piele. Do
Piele pí aní me: «Ngámá, mo ovúlu
bha ndjú 'dhú ma ngamú makpe?»

7 Yesu atsia agie pí aní me: «Engú
inde ma ngamene e mbíla inde-e, mú
mbíla de. Engú bini, mo ombíla
sidi.» **8** Piele apa pí aní me: «A mo
o ade. Mú vúlu 'dhú ma belegú de
bini!» Yesu atsia agie pí aní me: «I
dú me ma nde vúlu 'dhú mú de-e,
mú ti da nadú bhú dabili bini ne
ma de.» **9** Simo Piele apa pí aní me:
«Ngámá, mo ovúlu bha bini 'dhú
ma de. Engú bini, vúlu di 'kpa ma,
ne 'ndjí ma!» **10** Yesu apa pí aní me:
«Kpála inde avúlu kute e avúlu-o,
kute aní libhomu akolo ndjindji. Aní
tí matá da navúlu kute e de. Engú
bini, aní vúlu bha íbili 'dhú e. Ngayi-
e, yi bubu. La-a, yi bubu ndú yi

† 12:40 12:40 Tsia bhú Isa. 6:10.

hana ade.» ¹¹ Yesu apa 'ngú bhomú-o anga ani adú ambila ndjindji me, apú ni pi obhulú yala da-ie. Kaka-a, ani atsia apa me: «Yi ndú yi hana bubu ade.»

¹² Pita ani avulú 'dhú uo lie, ani aha bongo gba e, ani adyi. Ani agie lie li bili nazú 'he-o. Ani atsia apa pi uo me: «Yi mbila ta 'ngú inde ma amene e li yi-e uu? ¹³ Yi nga'i ma me: <Musuno>, yi la di nga'i ma me: <Ngámá.> A ko kukulú 'ngú, anga ma mo-o. ¹⁴ I du me ngama, inde ne Ngámá, inde la di ne Musuno-o, ma nde avulú 'dhú yi-e, ngayi di-e, yi de vulú 'dhú yi súnda yi moko. ¹⁵ Ma asuno pi yi bhomú-o me amba ngayi di-e, yi mene maka ma amene pi yi lie ko. ¹⁶ A moko, ma apa pi yi na paká me, kpála na kulu ngbéngbé ane ngámá gba e ade. La di-e, bhulú titima ngbéngbé ane kpála inde atima ani-e ade. ¹⁷ Mbía inde-e, yi ambila ndú ongú bhomú-o hana ambila. A ko djali pi yi, i du me yi nde ngamene ongú ango-o.

¹⁸ Engú inde ma ngapa e, a pi ndú yi hana ade. Ma mbila okpála inde ma abhu o-o hana. Engú bini, a ayo me engú inde u aye e bhú Bhuku gba Ebhe-e, a mene lie, engú inde me: <Kpála inde ya adú azú 'he ne e bhú dabili bini-e, adjie lie bhulú yala gba ma.†> ¹⁹ Ma apa pi yi mbía inde-e kala nakolo ka ongú ango-o, amba li engú ango-o akólo lie, yi bhuka me ngama-a <Ma uu.> ²⁰ A moko, ma apa pi yi na paká me: i du me kpála nde asia kpála inde ma atima e, amba ani asia bhomú-o ma. I du la di me kpála nde asia ma-a, amba ani asia bhomú-o kpála inde atima ma-o.»

Yesu apa me Yuda apú ni pi obhulú yala gba ni-o

(Tsia bhú Mat. 26:20-25; ne bhú Mlk. 14:17-21; di ne bhú Luk. 22:21-23.)

²¹ Pita li Yesu apa ongú bhomú-o lie, ani asia likabhu li bua e naali. Ani atsia apa mbámbá me: «A moko,

ma apa pi yi na paká me: súka yi bini apú ma pi obhulú yala gba ma-o.» ²² Omukpata-a aholo natsitsia bhúla o. U du ambila de me Yesu ngapa inde-e engú gba da-ie de. ²³ Li nedhinga u adú azú 'he lie, súka omukpata gba Yesu inde li Yesu adú akunda e naali-e, aseke 'ndji e pi mbulu ani. ²⁴ Abhomú-o, Simo Piele amene 'kpa e pi mukpata ango-o me, ani yi Yesu me ani ngapa engú gba da. ²⁵ Abhomú-o, mukpata ango-o adjie bhúla e li pápá gba Yesu. Ani atsia ayi Yesu me: «Ngámá, a ko e da?»

²⁶ Yesu agie pi ani me: «Mangatunú mapa bhú 'mú 'zu-o, kpála inde ma ahá pi e-e, a ko ani.» Abhomú-o, Yesu aha mapa, ani atunú bhú 'mú 'zu-o. Pipita-a, ani atsia aha pi Yuda, ndili gba Simo Isikaliote.

²⁷ Bha li nedhinga li Yuda aha mapa-a lie, Satana ali bhú ani. Yesu atsia apa pi ani me: «Engú inde mú nde ne e, mene má gala!» ²⁸ Kpála bini bhú ká okpála inde u adú azú 'he ne o-o mbila de me ani apa pi Yuda mo-o ka ni-ie de. ²⁹ Li Yuda adú alila tia lie ngae, kaka-a, okpála koko adú abhundja naao me, ani apa pi Yuda me ani kala ezú inde a ayo me u kala e ngú anokomia-o, ne me ani ha mbo ehe pi obhulú ndibihili. ³⁰ Li Yuda aha ndu mapa lie, kolo má gala me-e, ani akoto kilidjo. A adú me ekpi nde abi.

Líli na mbia

³¹ Pita li Yuda akoto lie, Yesu atsia apa me: «Mbía inde-e, Ndili gba kpála, asia sangu gba e asia. Ebhe asia la di sangu ka ani. ³² Maka li Ebhe asia sangu ka ani lie, Ebhe asúno ngae makpe sangu gba ani-o. Ani asúno má gala! ³³ Odi ma, ní dú matá ne yi ngubula 'kpí bhelé de. Pipita-a, yi agíli ma. Engú la bini, ma ngapa pi yi mbía inde-e engú inde ma apa e pi oma Yuda koko me, yi ti da nanú li bili inde ma adjie li e de. ³⁴ Ma ngaha pi yi-e líli na mbia. Líli

† 13:18 13:18 Tsia bhú Ets. 41:10.

inde me yi du ne mukunda sonda yi. A ayo me yi du ne mukunda sonda yi maka ma nde lie ne mukunda pi yi ko. ³⁵ Padha de, anga i du me yi nde ne mukunda sonda yi-e, li ndu okpala hana mbila me yi ne omukpata gba ma-o.»

³⁶ Simo Piele ayi ani me: «Ngamá, mo odji su?» Yesu agie pi ani me: «Mu ti da nakpata ma li bili ma adji li e mbia inde-e de. Engú bini, mo okpata ma sidi.» ³⁷ Piele apa pi ani me: «Ngamá, ma ti da nakpata mu mbia inde-e de ka ni? Ma bedhe ngú nandala 'kpa li mukobho gba ma-a ngubula mu!» ³⁸ Yesu agie pi ani me: «Mu bha ndju bedhe ngú nandala 'kpa li mukobho gba mu-o ngubula ma? A moko, ma apa pi mu na paká me, kala me engu ku 'gbá-a, mo opá bhutsibhutsi bata me ni mbila ma de.»

14

Yesu ne kpadji ngú nanu agba Ebhe

¹ Yesu apa pi omukpata gba e me: «Yi a'ó bua yi abhulá de. Yi bhuka Ebhe, yi bhuka di ma. ² Abhu 'ti gba 'Dyi ma-a, dabili nadu téte-e bhelé. Ma adji naleke dabili pi yi. I du mo-o de-e, ma de apa pi yi apa. ³ Pita nanu ka ma naleke dabili pi yi-e, ma agó matá, ma atsia há yi ngú nadu bhú dabili bini ne yi, amba bili inde ma ngadu li e, yi du bhadi téte. ⁴ Yi mbila la di kpadji na bili inde ma adji li e hana.»

⁵ Tuma apa pi ani me: «Ngamá, ya mbila bili mo odji li e de. Ya ti da nambila kpadji-e lele pi?» ⁶ Yesu agie pi ani me: «Ma ne kpadji. Ma ne kukulu 'ngú. Ma la di ne mukobho. Kpala bini ti da nanu agba 'Dyi ma li kpadji koko de, bha bini me ani nde apu li papa gba ma. ⁷ I du me yi nde ambila ma-a, yi mbila di 'Dyi ma. Nayie pi mbia inde-e, yi mbila ani hana. Yi au la di ani au.»

⁸ Filipo apa pi ani me: «Ngamá, pana 'Dyi mu pi ya, amba ale pi ya.»

⁹ Yesu agie pi ani me: «Filipo, enú ni abhue lie ne yi ngengele-e, mu mbila nga ma sii di? Kpala inde au ma-a, ani au 'Dyi ma au. La ka ni mu ngapa lie me: <Pana 'Dyi mu pi ya?>

¹⁰ Mu bhuka de me ma ngadu bhú 'Dyi ma, 'Dyi ma la di ngadu bhú ma-a di? Oeli inde ma ngapa e pi yi-e, ayie ka ma makpe de. Engú bini, 'Dyi ma inde ngadu bhú ma-a, ani ngamene kulu gba e-o. ¹¹ Yi bhuka ma, maka ma apa lie pi yi me ma ngadu bhú 'Dyi ma, 'Dyi ma la di ngadu bhú ma-o. I du mo-o de-e, yi de bhuka ka kulu inde ma ngamene e-o. ¹² A moko, ma apa pi yi na paká me: kpala inde abhuka ma-a, ani améne bhadi okulu inde ma ngamene e-o. Ani améne belegu okulu na ngbengbengbe ane bhende-e mane. Padha de, anga ma adji agba 'Dyi ma. ¹³ Ma améne ndu 'ngú hana inde yi ayó e ne 'li mama mamene, ngubula me 'Dyi ma sia sangu gba e bhú ma, Ndili gba e ko.

¹⁴ I du me yi nde ayo 'he ka ma ne 'li ma-a, ma améne.

Ebhe atíma Bu Bhobua pi obhulú titima gba Yesu

¹⁵ I du me yi nde akunda ma-a, yi lila olifi gba ma-o. ¹⁶ Ma ayó ka 'Dyi ma me ani ha kpala koko ngú nateteke yi. Ani adu ne yi dudu ma ne dudu ma. ¹⁷ A ko Bua na kukulu 'ngú inde li okpala na pila doto ti da nasia e de. Padha de, anga u u ani de. U mbila la di ani de. Engú bini, ngayi-e, yi mbila ani hana, anga ani ngadu bhú ká yi. Ani la di ngadu bhú yi. ¹⁸ Ma 'ó ká yi kpi yi kpi maka otsulosi de. Engú bini, ma agie matá lima agba yi magie. ¹⁹ Atigala nedhinga bedi, okpala na pila doto ú matá ma de. Engú bini, ngayi-e, yi au ma, anga ma bhú mukobho. Ngayi di-e, yi adu bhú mukobho. ²⁰ Li 'kpí ango-o, yi ambila me ma ngadu bhú 'Dyi ma, yi ngadu bhú

ma, ma la di ngadu bhú yi. ²¹ Kpála inde akúnda ma-a, a ko kpála inde ngalila, di ne namene olíli gba ma-o. 'Dyi ma akúnda kpála inde akúnda ma-o. Li ma kúnda di ani. Ma tsia pána lima pí ani.»

²² Abhomu-o, Yuda (a ko Yuda Isikaliote de) apa pí Yesu me: «Ngámá, mo opána bha bini límu pí ya, lele pí mu tsia pána límu pí okpála na píla doto lie de-e?» ²³ Yesu agie pí ani me: «I du me kpála nde akúnda ma-a, ani méne engú inde ma ngapa e-o. Li 'Dyi ma kúnda ani. Ngaya ne 'Dyi ma-a, ya agó agba ani, ya tsia dálú oo ko. ²⁴ Kpála inde i kúnda ma de-e, ani méne oeli ma ngapa e de. Engú inde yi ngadje ma ngapa e, a ngayie ka ma ade. Engú bini, a ngayie ka 'Dyi ma inde atima ma ko.

²⁵ Ma apa ongú bhomu-o pí yi li nedhingga inde ní nde ngabha lie ne yi bhú dabili bini-o. ²⁶ 'Dyi ma atíma Bu Bhopua pí yi ne 'li ma. Ani atéteke yi ngae. Bu Bhopua angoo asúno ndu 'ngú hana pí yi ngae. Ani tsia méne di me yi bhundja ndu 'ngú hana inde ma apa e pí yi ko. ²⁷ Ma a'o pí yi guo 'ngú. Ma aha guo 'ngú gba ma-a pí yi. Ma ha pí yi maka li okpála na píla doto ngahaha lie de. Kaka-a, yi a'o bua yi abhúlá de. Yi adjé la di tsúlú de. ²⁸ Yi adje maka ma apa lie pí yi me: <Ma adji, engú bini, ma agie matá líma agba yi magie.› I du me yi kúnda ma uu-o, yi de kpí djali kabula me ma adji agba 'Dyi ma. Padhá de, anga 'Dyi ma ngbéngbé ane ma. ²⁹ Ma apa pí yi mbia inde-e kala me ongú angoo kolo, amba i kolo-o, yi de bhuka. ³⁰ Ma gáma matá 'ngú ne yi ngengele de, anga ngámá na píla doto inde-e ngago. Ani ne angu pí ma belegü ade bini. ³¹ Engú bini, a ayo me okpála na píla doto mbila me ma kúnda 'Dyi ma. U mbila la di me ma ngamene olíli inde ani aha e mémá-o. Yi yie bhúlá! Ní yie sì yiyie.»

15

Yesu ne ndula na vino na kúkúlu

¹ «Ma ne ndula na vino na kúkúlu. 'Dyi ma la ne kpála inde ngaleleke-o. ² Ani nga'e ndu yáyá hana inde aké li ma inde i li líli de ko. Engú bini, ani ngaleke obhende ngali líli-o, amba a li matá líli bheldé. ³ Eli inde ma apa e pí yi-e, avulu yi avulu. ⁴ Yi du bhú ma, maka ma nde lie bhú yi ko. Padhá de, anga yá ndula ngae kpi e kpi ti da nali líli de, i du me a nde li kute 'lá e ade ko. A bhadi moko, yi ti da nali líli de, i du me yi nde bhú ma ade ko.

⁵ Ma ne ndula na vino. Yi ne oyáyá-o. Kpála inde ngadu bhú ma, ma nde la di ngadu bhú e-e, ani lí líli bheldé. Padhá de, anga i du me yi nde bhú dabili bini ne ma ade-e, yi ti da namene 'he bini de. ⁶ Kpála inde bhú ma ade-e, u abhíke ani akilidjo maka u abhibhike yá ndula lie-o. Yá ndula-a 'úlú, u há, u bhíke bhú djua, i tsí. ⁷ I du me yi nde bhú ma-a, 'li ma nde la di bhú yi-e, yi yo ehe inde yi akúnda e, amba yi sia. ⁸ I du me yi nde ali líli bheldé-e, yi suno di me yi ne omukpata gba ma-a, li 'Dyi ma tsia sía sangu. ⁹ Maka li 'Dyi ma akúnda ma lie, ma akúnda bhadi yi moko. Yi du bhú mukunda gba ma-o. ¹⁰ I du me yi nde alila olíli gba ma-a, yi du bhú mukunda gba ma-o, maka ma alila olíli gba 'Dyi ma lie, ma ngadu bhú mukunda gba ani-o.

¹¹ Ma apa engú bhomu-o pí yi, ngubula me djali gba ma-a du bhú yi, amba djali gba yi-e du libhomu. ¹² Líli gba ma-a ngae inde: yi kúnda liyi súnda yi maka ma akúnda yi lie ko. ¹³ Mukunda na ngbéngbé inde li kpála ti da nasuno e, a ko naha mukobho gba e pí oolia e. ¹⁴ Yi ne oolia ma, i du me yi nde amene líli gba ma-o. ¹⁵ Ma nga'i matá yi me okpála na kulu ade. Padhá de, anga kpála na kulu mbila ehe inde li ngámá gba ani-e ngamene e de. Ma nga'i yi me oolia ma. Padhá de, anga ma asuno ndu 'ngú hana inde

ma asia e ka 'Dyi ma-a pi yi asuno. ¹⁶ Yi bhú ma ngayi de. Engú bini, ma abhú yi ngama. Ma atima yi me yi nu zu nguwa inde i ti da nabhue mabhue, amba ndú 'he hana inde yi ayó e ka 'Dyi ma ne 'li ma-a, ani de ha pi yi. ¹⁷ La-a, lili ma aha e pi yi-e ngae inde, yi kunda liyi sonda yi.»

Yesu apa me okpála na doto ayála ni ne omaha ni

¹⁸ «I du me okpála na doto nde ngayala yi-e, yi mbila ndjindji me u ayala ngaiza ma pi yi kalanú. ¹⁹ I du me, yi du ne okpála na doto-o, okpála na doto de ngakunda yi. Padhá de, anga yi bhú ngú doto. Engú bini, ma abhú yi, ma atsia a'e yi bhú ká okpála na doto. Kaka-a, okpála na doto ngayala yi. ²⁰ Yi bhundja engú inde ma apa e pi yi-e me: <Kpála na kulu ngbéngbé ane ngámá gba e ade.[†] Maka nani u ato mbolo li ma lie, u ató bhadi mbolo li yi moko. I du me u djé 'li ma uu-o, u de adjé bhadi 'li yi moko.

²¹ Engú bini, u améne ndú 'ngú bhomú-o hana li yi kabula ma. Padhá de, anga u mbila kpála inde atima ma-a de. ²² I du me ma gó de-e, i du la di me ma kpókpo pi uo de-e, a de okpála namene siti 'ngú ade. Engú bini, mbia inde-e, u mbú li siti 'ngú inde u amene e de. ²³ Kpála inde ayala ma-a, ani ayala di 'Dyi ma. ²⁴ Ma amene bhú ká uo ongamba 'ngú, inde li kpála bini mene nga e de. I du me ma méne mo-o de-e, a de okpála namene siti 'ngú ade. Engú bini, u au ongamba 'ngú gba ma-o, u ayala ma, u atsia yala di 'Dyi ma. ²⁵ Engú bini, engú bhomú-o akolo ngubula me, eli inde u aye e bhú lili gba uo-o, amene lie, eli inde me: <U ayala ma padhá, tata téte ade.[†]

²⁶ Ma atíma pi yi kpála inde a ayo me ani teteke yi-o. Kpála ango-o ayie agba 'Dyi ma. A ko Bua na

kukulu 'ngú inde ayie agba 'Dyi ma-o. Nedhinga ani agó lie, ani akpókpo 'ngú gba ma-a ngae. ²⁷ Ngayi di-e, yi akpókpo 'ngú gba ma-o. Padhá de, anga ní adu ne yi nayie li lilita.»

16

¹ «Ma apa 'ngú bhomú-o pi yi, amba yi a'ó de me nabhuka gba yi-e kpi-e de. ² U apándja yi bhú otí nadje lili gba Moidje. La di-e, ekpí akólo makolo, li okpála inde abhili yi-e adu abhundja lie me o ngamene lio bhomú-o kulu pi Ebhe. ³ U améne mo-o, anga u mbila 'Dyi ma de, u mbila la di ma de. ⁴ Kaka-a, ma apa 'ngú ango-o pi yi kalanú, amba li engú ango-o akólo lie, yi de bhundja me ma apa engú ango-o pi yi apa.»

Bua na kukulu 'ngú agó mago

«Ma pa nga nani engú ango-o pi yi nayie li lilita de, anga ní adu nga nani ne yi bhú dabili bini. ⁵ Mbia inde-e, ma adjí agba kpála inde atima ma ko. La-a, kpála bini bhú ká yi yi ma de me: <Mo odji su?> ⁶ Engú bini, bua yi abedhe ne babuma, anga ma apa pi yi moko. ⁷ Ma apa la pi yi na paká me, pi yi-e, a ndjindji me ma nu. Padhá de, anga i du me ma nde nu de-e, kpála inde atéteke yi-e gó-o de. Engú bini, i du me ma nde anu-o, ma tsia tíma ani pi yi. ⁸ Nedhinga ani agó lie, ani asúno pi okpála na doto me u ngapite lio pindji osisiti 'ngú inde u ngamene e-o. U di ngapite lio pindji ngibili 'ngú, di ne pindji nakodho 'ngú gba Ebhe-o. ⁹ U ngapite lio pindji osisiti 'ngú inde u ngamene e, anga u bhuka ma de. ¹⁰ U ngapite lio pindji ngibili 'ngú, anga ma adjí agba 'Dyi ma. La di-e, u ú matá ma de. ¹¹ U ngapite lio pindji nakodho 'ngú, anga u akodho 'ngú gba ngámá na doto inde-e akodho.

¹² Ma matá ne engú bhelé napapa pi yi. Engú bini, yi ti da nakikibila

[†] 15:20 15:20 Tsia bhú Mat. 10:24; ne bhú Luk. 6:40; di ne bhú Dja. 13:16. [†] 15:25 15:25 Tsia bhú Ets. 35:19, 69:5.

mbia inde-e de. ¹³ Nedhingga li Bua na kükülu 'ngú-o agó lie, aní asúno pi yi ndu okükülu 'ngú hana. Aní pá 'ngú gba e makpe-e de. Engú bini, aní apá ndu 'ngú hana inde aní adjé e-o. Aní tsia pá di ndu 'ngú hana inde akólo-o pi yi. ¹⁴ Aní adhége ma. Padhá de, anga ndu 'ngú hana inde aní apá e pi yi-e, aní asia ka ma.

¹⁵ Ndu 'he gba 'Dyi ma-a hana, a ko di naama 'he. Kaka-a, ma apa me ndu 'ngú hana inde li Bua apá e pi yi-e, ayié ka ma.»

Yesu apa me babuma adjí lie djali

¹⁶ «Pita nedhingga bedi, yi ú matá ma de. La matá pita nedhingga bedi-e, yi ú ma.» ¹⁷ Omukpata koko gba aní-e apa sunda o me: «Aní apa pi ní me: <Pita nedhingga bedi, yi ú matá ma de. La matá pita nedhingga bedi-e, yi ú ma.> Aní apa matá di me: <Ma adjí agba 'Dyi ma.> Engú bhomu-o akunda napa pi?» ¹⁸ U adu apa matá me: «Engú inde aní ngapa e me: <Nedhingga bedi>, a akunda napa pi? Ní mbila engú inde aní ngapa e de.»

¹⁹ Yesu ambila me, u ngakunda nayi ni. Abhomu-o, aní atsia apa pi uo me: «Yi ngagili sunda yi ta 'ngú inde me: <Pita nedhingga bedi, yi ú matá ma de. La matá pita nedhingga bedi-e, yi ú ma.> ²⁰ A moko, ma apa pi yi na paká me yi akú 'gbá, yi tsia lópolo di liyi. La-a, okpála na doto adu naao akpi djali. Yi adu ne babuma engú bini, likabhu gba yi-e adjí lie djali. ²¹ Nedhingga li ele ngazu lie, aní dú adje likabhu naali. Padhá de, anga nedhingga na likabhu pi aní akolo. Engú bini, nedhingga inde aní azu lie, aní 'íli 'to e 'to likabhu ango-o hana ka djali. Padhá de, anga u azu kpála-kuti píla doto. ²² Ngayi di-e, mbia inde-e, yi bhú likabhu. Engú bini, ma aú matá yi mau. Yi tsia kpí djali li bua yi. La di-e, kpála bini 'é djali ango-o bhú yi de.

²³ Li ekpí ango-o akólo lie, yi yi matá ma li 'ngú belegü de bini. A moko, ma apa pi yi na paká me ndu 'he hana inde yi ayó e ka 'Dyi ma ne 'li ma-a, aní ahá pi yi maha. ²⁴ Nakolo pi mbia inde-e, yi yo nga 'he ne 'li ma belegü de bini. Yi yoyo, amba yi sia, ngubula me djali gba yi-e du bedhe.»

Yesu aha angu doto

²⁵ «Engú bini, ma apa 'ngú bhomu-o pi yi bhú ogbitaku. Nedhingga inde ngago-o, ma pá matá 'ngú pi yi mo-o belegü de bini. La-a, nedhingga ango-o, ma akpókpo ongú gba 'Dyi ma-a pi yi mbámbá. ²⁶ Li 'kpí ango-o, yi ayó 'he ka 'Dyi ma ne 'li ma. Ma pa la di pi yi de me, ma ayó 'Dyi ma Ebhe pi yi-e de. ²⁷ Padhá de, anga 'Dyi ma, ngae makpe akunda yi. Aní akunda yi, anga yi akunda ma. La di-e, anga yi abhuka me ma ayie agba Ebhe. ²⁸ Ma ayie agba 'Dyi ma. Ma atsia ago píla doto. Mbia inde-e, ma nga'o ká doto, ma tsia gie líma agba 'Dyi ma.»

²⁹ Abhomu-o, omukpata gba aní-e atsia apa pi aní me: «Tsia nga mbia inde-e, mu ngapa 'ngú mbámbá. Mu matá ngapapa bhú ogbitaku ade. ³⁰ Mbia inde-e, ya ambila me, mu ngambila ndu 'ngú hana. A padhá me u yi mu li 'ngú. Kaka-a, ya ngabhuka me mo oyie agba Ebhe.» ³¹ Yesu atsia agie pi uo me: «Yi abhuka la mbia inde-e abhuka? ³² Yi tsitsia nga. Nedhingga ngago, mbia inde-e, nedhingga ango-o akolo, nedhingga inde yi andjámbala lie má mu! Kpála ne kpála atápa li kpadji gba e. Yi tsia 'ó la di ká ma kpi ma kpi. Engú bini, ma la kpi ma kpi ade, anga 'Dyi ma bhú dabili bini ne ma. ³³ Ma apa 'ngú bhomu pi yi, amba yi sia guo 'ngú bhú ma. Yi asia likabhu píla doto. Engú bini, yi adjé tsülü de! Padhá de, anga ma aha angu doto aha.»

17

Yesu ayo Ebhe ngú e makpe

¹ Pita li Yesu apa ongú bhomú-o lie, ani atsia 'kpí ne bhúlá, ani atsia apa me: «'Dyi ma, nedhinga akolo. Ha sangu múma, ngama Ndili gba mú-o, amba ngama, Ndili gba mú-o, ma ha di sangu pi mú. ² Padhá de, anga mo oha angu múma pi 'ndji ndú okpála hana, amba ma ha mukobho na dudu ma pi ndú okpála hana inde mo oha o múma-o. ³ La-a, mukobho na dudu ma-a, a ko me u mbila mú, ngamú koli Ebhe inde na kúkulu-o. A ko me u mbila la di Yesu Kilisito, kpála inde mo otima e-o. ⁴ Ma aha sangu pi mú píla doto. Ma andjia kulu inde mo oha e múma me ma mene e andjia. ⁵ La mbia inde-e, 'Dyi ma, ha sangu múma de mú, sangu inde ma adú nani ne e agba mú kala me u bho doto ko.»

Yesu ayo Ebhe ngúbulu omúkpata gba e

⁶ «Ma asuno 'li mú pi okpála inde mo 'e o bhú ká okpála na doto, mo otsia aha o múma-o. A ko nani okpála ka mú, mo otsia aha uo múma. U atsia alila la di 'li mú. ⁷ Mbia inde-e, u ambila me ndú 'he inde mo oha e múma hana, ayie ka mú. ⁸ Padhá de, anga oeli inde mo okpokpo e múma-a, ma akpokpo pi uo. U asia oeli ango-o. U ambila na paká me ma ayie agba mú. U atsia abhuka di me mo otima ma ngamú.

⁹ Ma ngayo mú ngúbulu uo. Ma ngayo mú ngúbulu okpála na doto ade. Engú bini, ma ngayo ngúbulu obhende mo oha o múma ko. Padhá de, anga a ko okpála ka mú. ¹⁰ Ndú 'he inde ka ma-a hana, a ko naamú. Ndú 'he inde la di ka mú-o hana, a ko naama. La di-e, ma atsia asia sangu ka uo. ¹¹ Ma matá ne kpála na doto ade. Engú bini, ngauo-o, a ko okpála na doto. Ngama-a, ma adjí agba mú. 'Dyi ma inde bubu, lila uo ne 'li mú inde mo oha e múma-o, amba u du bini maka nganí ne mú, ní nde lie bini-o. ¹² Nedhinga ya adú lie ne uo-o, ma alila uo ne 'li mú

inde mo oha e múma ko. Ma alila uo ndjindji, kpála bini bhú ká uo ngita de. Angita bha bini ne kpála inde a ayo me ani ngita-o ngúbulu me engú inde u aye e bhú Bhuku-o, a amene lie.

¹³ La mbia inde-e, ma adjí agba mú. Ma ngapa mo-o li nedhinga inde ma nde nga lie píla doto, amba u sia djali gba ma-a bhú o makpe, u bedhe la di ne di bedhe. ¹⁴ Ma aha 'li mú pi uo. Okpála na doto atsia ayala uo. Padhá de, anga uo bhú ngú doto ade, maka ma nde lie bhú ngú doto ade ko. ¹⁵ Ma ngayo mú ade me mú 'e uo píla doto ma'e-e de. Engú bini, ma ngayo mú me lila uo sakpa Siti malila. ¹⁶ A ko okpála na doto de, maka ma nde lie ne kpála na doto ade ko. ¹⁷ Mene me u du libhomu bubu li kpadjí na kúkulu 'ngú. 'Li mú-o, a ko kúkulu 'ngú. ¹⁸ Ma atima uo píla doto, maka mo otima ma lie píla doto-o. ¹⁹ Ngama makpe-e, ma aha líma hana pi mú ngúbulu me ngauo di-e, u ha lio hana pi mú li kpadjí na kúkulu 'ngú.»

Yesu ayo Ebhe ngú ndú okpála hana abhuka ani-o

²⁰ «Ma ngayo bha bini ngúbulu uo ade. Engú bini, ma di ngayo ngúbulu okpála bhende abhúka ma ka 'li uo ko. ²¹ Ma ngayo me ndú uo hana du bini. 'Dyi ma, a ayo me u du bhú ní, maka mú nde lie bhú ma, ma la di bhú mú-o. A ayo me u du bini, amba okpála na doto bhuka me mo otima ma ngamú.

²² Ma aha sangu inde mo oha e múma-a pi uo, amba u du bini maka nganí ne mú ní nde lie bini-o. ²³ Ma bhú uo, mú la di bhú ma. Abhomú-o, u tí da nadú bha ndjú bini, amba okpála na píla doto mbila me mo otima ma ngamú, u mbila la di me mo okunda uo maka mo okunda ma lie ko. ²⁴ 'Dyi ma, mo oha uo múma. Ma akunda me u du bhú dabili bini ne ma li bili inde ma nde li e, amba u u sangu gba ma ko, sangu inde mo oha e múma anga mo okunda ma kala nabho doto. ²⁵ 'Dyi ma inde

ngbingbili, okpála na píla doto mbila mʉ de. Engú bini, ngama-a, ma ambila mʉ. Okpála inde-e ambila la di me mo otima ma ngamʉ. ²⁶ Ma asuno 'li mʉ pi uo. Ma asúno la matá mʉ pi uo masuno, ngubula me mukhanda inde mʉ nde ne e mʉma-a du bhú uo, amba ngama makpe-e, ma du di bhú uo.»

18

U aholo Yesu
(Tsia bhú Mat. 26:47-56; ne bhú Mlk. 14:43-50; di ne bhú Luk. 22:47-53.)

¹ Pita li Yesu andjia nayo Ebhe lie, ani anu ne omukpata gba e ayi mutselemutsele inde 'li e me Sedolo. Edyi bini adu oo. Yesu atsia ali ne omukpata gba e bhúbhú. ² Yuda, bhʉlʉ napʉ Yesu-o adu ambila di bili ango-o ndjindji. Padhá de, anga Yesu ne omukpata gba e adu anu oo pi ko. ³ Abhomʉ-o, Yuda anu abhú 'dyi oo bhú dabili bini ne ká osudha, di ne omulila na 'ngbé 'ti Ebhe gba omaYuda, inde li ongbengbe odimande di ne omuFalisai atima o-o. A adu sa 'kpa osudha-a ne otolosi, ne oeke, di ne otia 'gú. ⁴ La-a, Yesu inde adu ambila ndu 'ngú inde akólo li kute e hana-a, adyudyo lie de uo. Ani atsia ayi uo me: «Yi ngagili da?» ⁵ U agie pi ani me: «Ya ngagili Yesu, kpála na Nadjaleta.» Yesu atsia apa pi uo me: «A ko ma.» Yuda, bhʉlʉ napʉ Yesu-o adu di bhú dabili bini ne uo. ⁶ Li Yesu apa pi uo lie me: «A ko ma-a», u agbe lio ne sidi, u atuko kuto má dhululu!

⁷ Yesu atsia ayi matá uo me: «Yi ngagili da?» U agie me: «Ya ngagili Yesu, kpála na Nadjaleta.» ⁸ Yesu apa pi uo me: «Ma apa iginí pi yi apa me, a ko ma. I du la me, yi nde ngagili ma-a, yi de 'o okpála koko-o, amba u gbida naao.» ⁹ Engú bhomʉ-o amene lie mo-o, ngubula me eli inde nani li Yesu apa e, amene lie, eli inde ani apa nani e me: «'Dyi ma, bhú ká okpála inde mo oha o mʉma-a, sʉka uo bini ngita ka ma de.»

¹⁰ Simo Piele adu ne mbotia ludu e. Ani aluko ngise ango-o bhú 'ti e má vuu! Ani asu Malakusi, kpála na kulu gba 'ngbé dimandø gba Ebhe-o. Ani atsia akodho kpadje ani li pápá na kokpa-a má tse! ¹¹ Engú bini, Yesu atsia apa pi Piele me: «Gie mbotia gba mʉ-o bhú titi. Mo obhundja naamʉ me likabhu inde li 'Dyi ma aha e mʉma-a, ma azú-ʉ di?»

U anu ne Yesu kala Ana
¹² Abhomʉ-o, osʉdha ne ngámá gba o, di ne omulila na 'ngbé 'ti Ebhe gba omaYuda inde anu naholo Yesu-o, atsia aholo ani. U agbite ani ne ekpʉ. ¹³ U atsia anu ngaiza ne ani gba Ana. Ana ango-o, a ko nani 'dyi wala Kaifa. Kaifa adu nani bhele kpála gba odimande bhú kalanga bhomʉ-o ngae. ¹⁴ Abhomʉ-o, Kaifa atsia aha nani mabhundja pi ongámási gba omaYuda ngae me, a ndjindji mangbo me koli kpála bini kpi ngubula ndu okpála hana.

Piele apa me ni ne mukpata gba Yesu ade
(Tsia bhú Mat. 26:69-70; ne bhú Mlk. 14:66-68; di ne bhú Luk. 22:55-57.)

¹⁵ Simo Piele, ngauo ne mukpata koko adu akpata Yesu. Bhele kpála gba odimande-o ambila nani mukpata ango-o ndjindji. Kaka-a, mukpata ango-o ali nani ne Yesu bhú dabili bini bhú mbadhasʉ gba bhele kpála gba odimande-o. ¹⁶ Engú bini, Piele atigala naae li 'bhø aga akilidjo. Abhomʉ-o, mukpata koko inde li bhele kpála gba odimande-o ambila e ndjindji-e akoto. U agama 'ngú ne olø inde adu alila 'bhø aga-o. Ani atsia ato Piele. ¹⁷ Olø inde adu bhú kulu nalila 'bhø aga-a, apa pi Piele me: «Ngamʉ di-e, mʉ ndi ne sʉka omukpata gba kpála inde-e adi?» Piele agie pi ani me: «A mo-o ade, ma ne sʉka uo ade.» ¹⁸ Okpála na kulu, di ne omulila na 'ngbé 'ti Ebhe gba omaYuda-a akpo djua na makala. U ago alʉlʉ dede

ngú natutu. Padhá de, anga zini adu naali. Piele ago alu di bhú dabili bini ne uo ngú natu djua-o.

*Bhele kpála gba odimande ayiyi Yesu
(Tsia bhú Mat. 26:59-66; ne bhú Mlk. 14:55-64; di ne bhú Luk. 22:66-71.)*

¹⁹ Abhomu-o, bhele kpála gba odimande-o aholo nayiyi Yesu pindji 'ngú gba omukpata gba ani, di ne pindji nasuno gba ani-o. ²⁰ Yesu agie pi ani me: «Ma akpokpo 'ngú mbámbá pi ndu okpála hana. Ma adu asuno ndu 'kpí hana bhú oti nadje lili gba Moidje , di ne bhú 'ngbé 'ti Ebhe gba omaYuda li bili li ndu omaYuda hana adu apékébhé bhála o li e-o. Ma pa 'ngú bhú pepe belegu de bini. ²¹ Mu ngayi ma ka ni? Yi okpála inde adje ma-a me ma apa pi. Padhá de, anga u mbila engú inde ma apa e ndjindji.» ²² Li Yesu apa lie mo-o, súka okpála nalila 'ngbé 'ti Ebhe gba omaYuda-a asu pála ani má pa! Ani atsia apa pi ani me: «Abhomu-o eli inde mu ti da nagie e pi bhele kpála gba odimande gba Ebhe-e?» ²³ Yesu atsia apa pi ani me: «Engú inde ma apa e, i du me a nde sisiti-e, yi de suno sisiti ango-o. Engú bini, i du la me ma nde apa ndjindji-e, mo otsia asu la ma ngú ni?» ²⁴ Abhomu-o, Ana atsia atima Yesu pi Kaifa, bhele kpála gba odimande-o me u nde agbigbite ani magbigbite.

Piele apa matá me ni ne mukpata gba Yesu ade

(Tsia bhú Mat. 26:71-75; ne bhú Mlk. 14:69-72; di ne bhú Luk. 22:58-62.)

²⁵ Nedhinga ango-o, Simo Piele alu de djua-o. Ani adu atutu. U atsia apa pi ani me: «Ngamú di-e, mu ne súka omukpata gba kpála inde-e adi?» Piele ayala, ani atsia apa me: «A mo-o ade, ma ne súka uo ade.» ²⁶ Súka okpála na kulu gba bhele kpála gba odimande gba Ebhe-e, inde adu kpála na piga gba

kpála li Piele akodho kpadje e, ayi Piele me: «A ko mu di inde ma au nako e ne Yesu abhú 'dyi-e?» ²⁷ Engú bini, Piele atsia ayala matá. Bha bini li nedhinga ango-o, engu atsia aku 'gbá.

*U anu ne Yesu kala Pilate
(Tsia bhú Mat. 27:1-2, 11-14; ne bhú Mlk. 15:1-5; di ne bhú Luk. 23:1-5.)*

²⁸ Abhomu-o, omaYuda ayie ne Yesu agba Kaifa, u atsia anu ne ani agba ngámá na Loma , inde adu atsia 'kpí li ndu doto-o. A adu kékpi má bhé! Engú bini, omaYuda li naao abhú 'ti oo de. Padhá de, anga u adu akunda nadu bubu kala Ebhe, amba o zu anokomia na Pasika-o . ²⁹ Kakaa, Pilate ngámá na ndu doto ango-o ago abhaka uo akilidjo. Ani atsia ayi uo me: «Yi agbe kpála inde-e kala ma me ani nde amene mangua siti 'ngú dho?» ³⁰ U agie pi ani me: «Li kpála inde-e dú ne siti kpála de-e, ya de go ne ani pi mu de.» ³¹ Abhomu-o, Pilate atsia apa pi uo me: «Yi ha ani ngayi makpe, amba yi kodho 'ngú gba ani-e maka li lili gba yi-e apa lie ko.» OmaYuda agie pi ani me: «U ha kpadji pi ya ngú nabhélè kpála de.»

³² Engú bhomu-o amene lie mo-o ngú nakpata engú inde li Yesu apa nani e-o. Engú inde ani apa nani e ngú nasuno lele maka ani akpí lie ko. ³³ Abhomu-o, Pilate agie matá lie abhú 'ti. Ani a'i Yesu, ani atsia ayi ani me: «Mu ne 'ngbé ngámá gba omaYuda?» ³⁴ Yesu agie pi ani me: «Engú inde mo opa e bhomu-o, mo obhundja bha ngamú makpe? Ne me okpála koko apa 'ngú gba ma-a pi mu ngao!» ³⁵ Pilate agie pi ani me: «Ngama-a, ma ne maYuda? Okpála na kuti gba mu di ne ongbengbe odimande gba Ebhe-e apu mu muma. Mo omene la mangua 'ngú dho?»

³⁶ Yesu agie pi ani me: «Naú gba ma-a, a ko bhende na doto inde-e de. I du bhende na doto inde-e, okpála gba ma-a de agu 'gú, ngubula me u

apú ma pí omaYuda de. Engú bini, naú gba ma-a, a ko bhende na doto inde-e de.» ³⁷ Pilate atsia apa pí ani me: «A akunda napa me, mʉ ne 'ngbé ngámá?» Yesu agie pí ani me: «Mo opa ngamʉ me ma ne 'ngbé ngámá. U azu ma, ma atsia ago píla doto ngú nakpokpo 'ngú píndji kukulu 'ngú. Kpála inde bhú kukulu 'ngú-o ngadje engú inde ma ngapa e-o.» ³⁸ Pilate ayi ani me: «Kukulu 'ngú-o, a ko ni?»

Pita li Pilate apa 'ngú bhomʉ-o lie, ani akoto, ani anu matá nabhaka omaYuda akilidjo. Ani atsia apa pí uo me: «Ma u engú inde u tì da nabhøle kpála inde-e ka e belegʉ de bini.» ³⁹ Engú bini, maka u amemene lie agba yi-e, bhú anokomia na Pasika-a, a ayo me ma tse 'kpa li bhʉlʉ 'kpú pí yi bini. Yi akunda me ma tse 'kpa li 'ngbé ngámá gba omaYuda-a pí yi?» ⁴⁰ Abhomʉ-o, u aholo asusula me: «I-i! Ngaani de. Engú bini, tse mangbo pí ya 'kpa li Balabasi!» La-a, Balabasi nani ne 'ngbé bhʉlʉ 'zi.

19

¹ Abhomʉ-o, Pilate atsia apa me u go ne Yesu, amba u bhi ani ne fimbo.

² Osudha agala ehe na eti má kilili, u ato bhú 'ndji ani! U atsia ato di bongo na zumbé zumbé li kute ani.

³ U adu ago de ani. U atsia adu apa pí ani me: «'Ngbé ngámá gba omaYuda-a, atou!» U adu di nabhi bhúla ani.

⁴ Abhomʉ-o, Pilate akoto matá kilidjo. Ani atsia apa pí uo me: «Yi djedje nga! Ma agbé ani pí yi kilidjo ei, amba yi mbila ndjindji me ma u belegʉ ehe bini de inde ma tì da naholo ani ngú e.» ⁵ Abhomʉ-o, Yesu atsia akoto kilidjo me u nde ato ehe na eti-e bhú 'ndji ani, ani nde di ne bongo na zumbé zumbé li kute e. Abhomʉ-o, Pilate atsia apa pí uo me: «Kpála ango-o i!» ⁶ Engú bini, li ongbengbe odimande gba Ebhe ,

di ne omʉlila na 'ngbé 'ti Ebhe au ani lie me-e, u aholo nasusula me: «Gi ani li kulusi! Gi ani li kulusi!» Pilate apa pí uo me: «Yi nu gi ani li kulusi ngayi makpe. Padhá de, anga ngama-a, ma u belegʉ ehe bini de inde ma tì da naholo ani ngú e.» ⁷ OmaYuda agie pí ani me: «A ka ya ne lili. A ayo me ani kpi maka li lili ango-o apa lie-o. Padhá de, anga ani apa me ni ne ndili gba Ebhe.»

⁸ Li Pilate adje engú bhomʉ-o lie, ani adje matá tsulu naali. ⁹ Ani agie lie abhú 'ti. Ani atsia ayi Yesu me: «Mo oyie su?» Engú bini, Yesu gie 'ngú de. ¹⁰ Abhomʉ-o, Pilate atsia apa pí ani me: «Mʉ kunda nagama 'ngú mʉma di? Mʉ mbila de me ma ne angu natse 'kpa li mʉ. Ma la di ne angu nagi mʉ li kulusi-e di?» ¹¹ Yesu atsia apa pí ani me: «Mʉ ne angu pí ma belegʉ ade bini. I du me Ebhe há angu pí mʉ de-e, mʉ de tì da namene 'he bini ngú ma de. Kaka-a, kpála inde apʉ ma pí mʉ-o, amene siti 'ngú naali ane mʉ.» ¹² Nayie li nedhingga bhomʉ-o, Pilate adu agili kpadji me ni tse 'kpa li Yesu. Engú bini, omaYuda aholo asusula me: «I du me mʉ nde atse 'kpa li kpála bhomʉ-o, amba mʉ kunda 'ngbé ngámá Kaisala de! Ndʉ kpála hana inde apa me ni ne 'ngbé ngámá-a, a ko bhʉlʉ yala gba 'ngbé ngámá Kaisala!»

¹³ Li Pilate adje eli bhomʉ-o lie, ani agbe Yesu kilidjo. Pilate atsia adu pí dabili nakodho 'ngú-o, li bili inde u a'i e me «U apa oteme kuto» (inde u a'i e bhú eli na ebele me «Gabata»). ¹⁴ A adu nani masikpe de tulukpe, kala ekpí na Pasika. Pilate apa pí omaYuda me: «'Ngbé ngámá gba yi-e i!» ¹⁵ Engú bini, u aholo nasusula me: «Bhøle ani! Bhøle ani! Gi ani li kulusi!» Pilate apa pí uo me: «A ayo me ma gi 'ngbé ngámá gba yi-e li kulusi?» Ongbengbe odimande gba Ebhe-e agie pí ani me: «'Ngbé ngámá koko ka ya ade. A ko bha bini 'ngbé ngámá

Kaisala.» ¹⁶ Abhomu-o, Pilate atsia atse 'kpa li Yesu ngubula me u gi ani li kulusi.

*U agi Yesu li kulusi
(Tsia bhú Mat. 27:32-44; ne bhú Mlk. 15:21-32; di ne bhú Luk. 23:26-43.)*

16 U aha Yesu, u atsia atapa ne ani. 17 Yesu abi kulusi gba e ngae makpe. Ani atsia akoto nayie bhú gudhú akolo li bili na «Pelege 'ndji» (u a'i e bhú eli na ebele me «Gologota»). 18 A bhomu-o bili inde li osudha agi Yesu li e li kulusi-o. U atsia agi di okpála koko bhisí li kulusi. Yesu adú tutu, koko li kulusi gba e li pá 'kpa ani na kokpa, koko li kulusi gba e li pá 'kpa ani na gali. 19 Pilate atsia aha di lili me, u ye balua, amba u bhi li kulusi gba Yesu-o. Balua ango-o adú me: «YESU, KPÁLA NA NADJALETA, 'NGBÉ NGAMÁ GBA OMAYUDA.»

20 Abhomu-o, omaYuda bhelé atanga balua ango-o. Padhá de, anga bili inde u agi nani Yesu li kulusi li e, a adú de gudhú masikpe. La di-e, balua ango-o adú bhú eli na ebele, a adú bhú eli na latino, a atsia adú di bhú eli na giliki. 21 Abhomu-o, ongbengbe odimande gba omaYuda atsia apa pi Pilate me: «Mo oyé de me, <'ngbé ngamá gba omaYuda-a> de. Engú bini, ye mangbo me, <Kpála bhomu-o apa me, ma ne 'ngbé ngamá gba omaYuda.>» 22 Pilate agie pi uo me: «Bhende ma aye e, adjí lie de.»

23 Li osudha agi Yesu li kulusi lie, u abha obongo gba ani-o. U agbo bhúsú bhúsú badha. Sudha bini ne bini aha naae bini. U atsia aha di bongo gba ani inde u du e madú de-o. Pápála adú bha bini nayie abhúlá akolo akuto. 24 Osudha-a apa súnda o me: «Ní asidha bongo inde-e de. Engú bini, ní gu mangbo gbanda téte, amba ní mbila me a adú na da.» U amene mo-o ngubula me eli inde

[†] 19:24 19:24 Tsia bhú Ets. 22:19. * 19:26 19:26 Ebhe. Kaka-a, ani a'i ani me: «Oló-e.» [†] 19:29 19:29 Epondje nani u ato e bhú kpongadha pandí inde u aha nani e pi Yesu me ani ndji-e, nedhinga ani adú lie li kulusi-e, u agbite nani li Idjope.

u aye e bhú Bhuku-o, amene lie, eli inde me:

«U agbogbo bhúsú o li obongo gba ma-o.»

U atsia agu gbanda li bongo gba ma ko.†»

A bhomu-o engú inde li osudha amene e-o.

25 Malia , 'hi Yesu, ne ndai e na eeole, ne Malia , wala Kolopasi, di ne Malia , kpála na kuti na Magadala, alulú de kulusi gba Yesu-o. 26 Yesu au 'hi e ne mukpata inde li ani adú akunda e naali-o. Mukpata ango-o adú me ani nde alú de 'hi ani oo. Ani atsia apa pi 'hi e me: «Oló-e,* tsia ndili gba mu-o i.» 27 Pipita-a, ani atsia apa pi mukpata-a me: «Tsia 'hi mu i.» Nayie li nedhinga bhomu-o, mukpata-a atsia aha 'hi Yesu agba e.

*Yesu akpi
(Tsia bhú Mat. 27:45-56; ne bhú Mlk. 15:33-41; di ne bhú Luk. 23:44-49.)*

28 Pita ongú bhomu-o, Yesu ambila me, mbia inde-e, ndú 'ngú hana andjia. Abhomu-o, ngubula me 'li Bhuku-o amene lie akolo ali soso-o, ani atsia apa me: «A li ma ne gumu 'ngu.» 29 Lusa bini adú oo. A adú bhúbhú ne kpongadha pandí bedhe. Osudha aha epondje, u ato bhú kpongadha pandí-o. U agbite li ndula inde u a'i e me idjope.† U atsia adyudyo de 'bhé Yesu masikpe. 30 Li Yesu andji kpongadha pandí-e lie, ani atsia apa me: «Ndú 'ngú hana andjia!» Abhomu-o, ani atu 'ndji e ne kuto, ani atsia andala 'kpa li bua e.

Sudha bini adú pá kala Yesu ne mandambi

31 A adú nani ekpí inde u adú aleke lio lie ngú ekpí naguo-o . Ongámási gba omaYuda du akunda de me okuo okpála du li okulusi li 'kpí naguo-o de. Padhá de, anga ekpí naguo ango-o, adú ngbéngbé ane

† 19:26 Li kulusi-e, Yesu agama 'ngú pi 'hi e maka

19:29 Idjope: A ko súka ondula na gba omaYuda.

okoko mane. Kaka-a, u atsia ayo ka Pilatø me u gugumù 'dhù okpála ìnde u agi o li okulusi-o, amba u 'e okuo uo téte ma'e. ³² Abhomù-o, osùdha ago de okpála ìnde u agi o li okulusi bhù dabili bini ne Yesu-o. U agugumù 'dhù kpála bhe na kalanù-o. Pipita-a, u agugumù 'dhù kpála bhe koko-o. ³³ U akolo lie li Yesu-o, u abhaka me ani nde akpi. Kaka-a, u gugumù 'dhù ani de.

³⁴ Engú bini, sùdha bini adù pá kala ani ne mandambi má pùu! Kolo me-e, ngute di ne engu aze bhù eka ango-o. ³⁵ Kpála ìnde ngakpokpo ongú ìnde-e, au ongú ango-o ne djila e. La di-e, ongú ìnde ani ngakpokpo e, a ko kükülu 'ngú. Ngaani-e, ani mbila ndjindji me ni ngakpokpo e kükülu 'ngú. Ani ngakpokpo ngùbula me ngayi di-e, yi bhuka. ³⁶ Ongú bhomù-o akolo ngùbula me engú ìnde u aye e bhù Bhuku-o, amene lie, engú ìnde u aye e me: «U gúmu sùka biki ani belegù de bini.†» ³⁷ La di-e, u aye bhù Bhuku li bili koko me: «U atsia kpála ìnde u adù e-o.†»

U azi Yesu
(Tsia bhù Mat. 27:57-61; ne bhù Mlk. 15:42-47; di ne bhù Luk. 23:50-56.)

³⁸ Pita ongú akodho 'kpí-e, Djodjefù , kpála na gudhù na Alimatayo, ayo ka Pilatø me ani ha kpadji pi ni ngú na'e kuo Yesu. (Djodjefù nani ne sùka omukpata gba Yesu-o. Engú bini, ani du asuno lie mbámbá de, anga ani adù akpe ongámási gba omaYuda-o.) Pilate aziba pi ani. Abhomù-o, Djodjefù anu, ani atsia a'e kuo Yesu. ³⁹ Nikodemù, ìnde anu nani nabhaka Yesu 'kpí bini sukpe-e, ago di. Ani ago ne mèngotsi ìnde u amene e li mila bhù dabili bini ne aloesi.‡ Mèngotsi ango-o, adù masikpe de kilo ndjikpa bata. ⁴⁰ Abhomù-o, ndù uo bhisi hana aha kuo Yesu. U agagala ne opapala

† 19:36 19:36 Tsia bhù Eki. 12:46; ne bhù Nom. bhù Djkl. 12:10. ‡ 19:39 19:39 Aloesi: A ko mèngotsi inde li se e nde má wese. A ko la di elá, u memene li ndende ndula.

bongo na lene me u nde atuko mèngotsi téte, maka li omaYuda adù amemene lie bhù nedhinga nazì kuo-o. ⁴¹ Li bili nani u agi Yesu li e li kulusi-e, edyi bini adù oo. Bhù 'dyi ango-o, edù bini na mbià adù oo. Edù ango-o, u zi nga nani kpála bini bhùbhù de. ⁴² U atsia ato Yesu bhùbhù. Padhá de, anga u adù agbene lio ka li ekpí naguo gba omaYuda adù lie masikpe-o. La di-e, edù ango-o adù oo masikpe.

20

Yesu azuku

(Tsia bhù Mat. 28:1-8; ne bhù Mlk. 16:1-8; di ne bhù Luk. 24:1-12.)

¹ Abhomù-o, bhù 'kpí yinga kékpi má bhé-o, Malia , kpála na gudhù na Magadala, anu abhù lata. A adù me ekpí nde nga bha ne biti. Ani au me teme ìnde adù li 'bhù lata-a nde ayie li bhebhe ayie. ² Abhomù-o, ani anu ne holo, ani anu abhaka Simo Piele, di ne mukpata koko ìnde li Yesu adù akunda e naali-o. Ani atsia apa pi uo me: «U agbe kuo Ngámá bhù lata-a agbe. La-a, ya mbila de me u a'o ani su-oie de.»

³ Abhomù-o, Piele ne uo ne mukpata koko-o aholo 'nù, u atsia agbida abhù lata. ⁴ Ndù uo bhisi hana agu holo. Engú bini, mukpata bhe koko agu naae holo kpekpeke ane Piele mane. Kaka-a, ani atsia akolo abhù lata kalanù. ⁵ Ani akita ne kuto ngú natsia 'kpí bhùbhù. Ani au opapala bongo na lene me a nde a'o lie oo. La-a, ani li de. ⁶ Abhomù-o, Simo Piele ìnde adù akpata ani sidi-e, akolo di. Ani atsia ali abhù lata. Ani au opapala bongo na lene me a nde a'o lie oo, ⁷ la di ne bongo bhende adù me a nde abuku bhùla Yesu-o. Bongo ango-o du bhù dabili bini ne opapala bongo na lene de. Engú bini, a adù me a nde agagala naae lie kpi li bili koko. ⁸ Abhomù-o, mukpata

9:12; di ne bhù Ets. 34:21. † 19:37 19:37 Tsia bhù Djkl. 12:10.

koko inde akolo abhú lata kalanú-o, atsia ali di. Aní au, aní atsia abhuka. ⁹ Padhá de, anga nakolo li nedhínga bhomú-o, omúkpata mbila nga nani ndjindji de, engú inde u aye e bhú Bhuku gba Ebhe-e me Masiya azúku bhú ká okpála inde amu-o mazuku. ¹⁰ Pita 'ngú bhomú-o, omúkpata bhisi-e atsia agie li o agba o.

Yesu akoto li Malia, kpála na kuti na Magadala

(*Tsia bhú Mat. 28:9-10; di ne bhú Mlk. 16:9-11.*)

¹¹ Malia adú me aní nde alú akilidjo de lata-o. Aní adú naku 'gbá. Nedhínga inde aní adú nga bha lie naku 'gbá-a, aní akita ne kuto ngúbula natsia 'kpí abhú lata. ¹² Aní au oandjelu bhisi. U adyidyi obubu bongo. U adúlú li bili inde u a'o nako kuo Yesu li e ko. Bini adú li pápá na 'ndji aní, koko atsia adú li pápá na 'dhú aní. ¹³ Oandjelu-o ayi Malia me: «Olé-e, mū ngaku 'gba ngú ni?» Aní agie pi uo me: «U a'e kuo Ngámá gba ma-a a'e. Ma mbila de me u a'o su-oie de.»

¹⁴ Pita aní apa 'ngú bhomú-o lie, aní adjí lie, aní atsia au Yesu me aní nde alú oo. Engú bini, aní du ambila de me a ko Yesu-o de. ¹⁵ Yesu ayi aní me: «Olé-e, mū ngaku 'gbá ngú ni? Mū ngagili da?» Malia abhundja me a ko kpála inde ngamene kulu bhú 'dyi-o. Kaka-a, aní apa pi aní me: «'Dyi ma, i du me mū nde a'e kuo Ngámá gba ma-a ngamu-o, suno bili mo o'o li e mūma, amba ma nū ha.» ¹⁶ Yesu apa pi aní me: «Malia!» Malia adjí lie, aní atsia apa pi aní bhú eli na ebele me: «Laboni!» (A akunda napa me «Músuno.») ¹⁷ Yesu apa pi aní me: «Mo obú 'kpa mū li ma de. Padhá de, anga ma nū nga agba 'Dyi ma abhúlá de. Engú bini, nū bhaka ondaise ma, amba mū pa pi uo me: «Ma adjí abhúlá agba 'Dyi ma. A ko la di 'Dyi yi. Ma adjí abhúlá agba Ebhe gba ma-o. A ko la di Ebhe gba yi-o.»

¹⁸ Abhomú-o, Malia, kpála na kuti na Magadala, atsia anú akpokpo pi omúkpata me: «Ma au Ngámá au!» Aní atsia akpokpo 'ngú inde li Yesu apa e pi aní-e, pi uo.

*Yesu akoto li omúkpata gba e-o
(Tsia bhú Mat. 28:16-20; ne bhú Mlk. 16:14-18; di ne bhú Luk. 24:36-49.)*

¹⁹ Bha bhú 'kpí yinga bhomú-o tagolo-o, omúkpata-a apo bhúla o bhú 'ti bini. U atsia adhodho obhé bhoti nganda o madhodho. Padhá de, anga u adú akpe ongámási gba omaYuda-o. Yesu ago alú tñ uo. Aní atsia apa pi uo me: «Guo 'ngú du bhú dabili bini ne yi!» ²⁰ Pita aní apa 'ngú bhomú-o lie, aní asuno 'kpa e, di ne pála kala e pi uo. Li omúkpata au Ngámá lie, u abedhe ne djali bedhe. ²¹ Yesu atsia apa matá pi uo me: «Guo 'ngú du bhú dabili bini ne yi! Maka li 'Dyi ma atima ma lie, ngama di-e, ma atima yi.» ²² Pita aní apa lie mo-o, aní a'ulu wo e pi uo, aní atsia apa pi uo me: «Yi sia Bu Bacobua! ²³ Okpála bhende yi ambú li siti 'ngú gba o-o, li Ebhe mbú di li siti 'ngú gba uo-o. Okpála bhende yi mbú li siti 'ngú gba o de-e, Ebhe mbú di téte de.»

Yesu akoto li omúkpata gba e pita Túma

²⁴ Nedhínga li Yesu akoto li omúkpata gba e lie abhú 'ti-e, súka omúkpata ndjikpa ne ká bhisi-e Túma (inde u a'i di-e me Bhuko-o) du bhú dabili bini ne uo de. ²⁵ Abhomú-o, omúkpata koko atsia apa pi aní me: «Ya au Ngámá.» Engú bini, aní atsia agie pi uo me: «Ma akunda nau oeka na oete inde li okpa aní-o. Ma akunda na'o likpa ma li pokoli na oete ango-o. Ma akunda la di na'o 'kpa ma li pála kala aní. I du mo-o de-e, ma bhúka de.» ²⁶ Pita 'kpí madjina, omúkpata gba Yesu apo matá bhúla o abhú 'ti. Túma adú bhú dabili bini ne uo. Obhé bhoti-e adú me a nde adhodho lie madhodho. Engú bini, Yesu ago, aní

alu tu uo. Ani atsia apa pi uo me: «Guo 'ngú du bhú dabili bini ne yi!»

²⁷ Pipita-a, ani apa pi Túma me: «'O likpa mu si, amba mu tsia 'kpa ma. Go ne 'kpa mu, amba mu 'o li pala kala ma. Mo odú ne bua na bhisi bhisi de. Du mangbo ne nabhuka .» ²⁸ Túma agie pi ani me: «Ngámá gba ma, di ne Ebhe gba ma!» ²⁹ Yesu apa pi ani me: «Mo obhuka ka mo ou ma lie? A ko djali pi okpála inde ngabhuka me u nde u ne djila o de ko.»

A inde-e ta bhuku inde

³⁰ Yesu amene matá ongamba 'ngú koko bhelé li djila omukpata gba e-o. La-a, u ye bhú bhuku inde-e de. ³¹ Engú bini, ongú inde aye lie bhúbhú-o, a ko ngubula me yi bhuka me Yesu ne Masiya, Ndili gba Ebhe, amba i du la me yi nde abhuka ani-e, yi de sia mukobho ka 'li ani.

21

Yesu akoto li omukpata gba e lingo ekpe na Tibeliade

¹ Ekpí koko pipita-a, Yesu akoto matá li omukpata gba e lingo ekpe na Tibeliade. Lele maka ani akoto li uo lie, ngae inde: ² a adu nani Simo Piele, ne Túma, (inde u a'i e me Bhuko), ne Natanaele, (kpála na kuti na Kana, bhú ndu doto na Galilaya), ne ongisi gba Djebedayo, di ne omukpata koko bhisi gba Yesu-o. U adu bhú dabili bini. ³ Simo Piele apa pi uo me: «Ma adji nagbe sungu.» U agie pi ani me: «Ngaya di-e, ni anu ne yi bhú dabili bini.» Abhomú-o, u anu, u atsia a'u'u bhú zabu. Engú bini, sukpe bhomú-o, u gbe sungu belegu de bini.

⁴ Li ekpí aholo naseke lie, Yesu alu lingo 'ngu oo. Engú bini, omukpata-a du ambila de me a ko ani-e de.

⁵ Abhomú-o, Yesu atsia apa pi uo me: «Odi ma, yi aholo mbo sungu uu?» U agie pi ani me: «Ya holo de.»

⁶ Ani apa pi uo me: «Yi bhike nado lingo zabu-o ne li pápá na kokpa, amba yi holo sungu.» Abhomú-o,

u atsia abhike nado-o bhú 'ngu. U ale nagbele nado ango-o bhú 'ngu pima. Padhá de, anga osungu adu bhúbhú bhibhiti naali. ⁷ Abhomú-o, mukpata inde li Yesu adu akunda e naali-e apa pi Piele me: «A ko Ngámá!»

Li Simo Piele adje lie me a ko Ngámá-a, ani adyi bongo . Padhá de, anga abhaka me ani nde agbe bongo-o magbe ngú nagbe sungu-o. Ani atsia agu 'i e bhú 'ngu. ⁸ Omukpata koko agie lio ne zabu-o me u nde ngagbele nado-o. Nado ango-o adu me a nde abedhe ne osungu bedhe. U du nani dengo 'go-o tsutsu de. U adu masikpe de metele kámá bini.

⁹ Nedhinga u aze lie apí 'go-o, u au djua ne sungu pépé, di ne mapa. ¹⁰ Yesu apa pi uo me: «Yi go ne té osungu inde yi aholo e-o.»

¹¹ Abhomú-o, Simo Piele a'u matá bhú zabu-o. Ani agbele nado apigo. Nado ango-o adu me a nde abedhe ne ongbengbe osungu kámá bini ndjikpa bhuluvue ne ká bata. Abana li osungu adu lie bhúbhú bhelé-e, nado ango-o tsotsolo de. ¹² Yesu apa pi uo me: «Yi go zu 'he.» Kpála bini bhú ká omukpata-a le nayi ani de me: «Mu ne da?» Padhá de, anga u adu ambila hana me, a ko Ngámá. ¹³ Abhomú-o, Yesu adyudyo lie masikpe. Ani aha mapa, ani atsia agapa li uo. Ani atsia aha di sungu-o pi uo. ¹⁴ A adu nani bhomú-o bhutsibhutsi na bata me Yesu koto li omukpata gba e, pita ani azuku lie bhú ká okpála bhende amu ko.

Yesu ayi Piele bhutsibhutsi bata me ani kunda ni uu ie

¹⁵ Pita u azu 'he-e lie, Yesu ayi Simo Piele me: «Simo, ndili gba Djaa , mu kunda ma nane maka li okpála koko inde-e akunda ma lie mane?» Piele agie pi ani me: «Heni, Ngámá, mu mbila hana me ma kunda mu.» Yesu apa pi ani me: «Ku ongisi kandøle gba ma-o.»

¹⁶ Yesu ayi matá ani bhutsibhutsi na

bhis-e me: «Simo, ndili gba Djaa, mʉ kʉnda ma uu?» Piele agie pí ani me: «Heni, Ngámá, mʉ mbila hana me ma kʉnda mʉ.» Yesu apa pí ani me: «Lila okandələ gba ma-o.» ¹⁷ Yesu ayi matá ani bhʉtsibhʉtsi na bata-a me: «Simo, ndili gba Djaa, mʉ kʉnda ma uu?» Piele asia likabhu li bua e. Padhá de, anga Yesu ayi ani bhʉtsibhʉtsi na bata me: «Mʉ kʉnda ma uu?» Ani atsia apa pí Yesu me: «Ngámá, mʉ mbila ndʉ 'ngú hana. Mʉ mbila bhadi hana me ma kʉnda mʉ!» Yesu apa pí ani me: «Kʉ okandələ gba ma-o.

¹⁸ A moko, ma apa pí mʉ na paká me, nedhingga nani mo odʉ lie makombi-e, mo odʉ agbite ekpá gba mʉ-o ludu mʉ ngamʉ makpe. Mo odʉ la di anʉ li bili inde mo odʉ akʉnda nanʉ li e-o. Engú bini, nedhingga mo okólo lie 'gbé kpála-a, mo o'é'e 'kpa mʉ abhʉlá, li kpála koko tsia gbíte 'kpú gba mʉ-o ludu mʉ ngae. Ani tsia nʉ di ne mʉ li bili inde mʉ kʉnda nanʉ li e de.» ¹⁹ Yesu adʉ apa mo-o ngʉbula nasuno lele maka li Piele akpí lie, ani tsia há la di sangu pí Ebhe ko. Pipita-a, Yesu apa pí ani me: «Kpata ma!»

Piele ayi 'ngú pindji mʉkpata inde li Yesu adʉ akʉnda e naali-o

²⁰ Li Piele adji lie lie, ani au mʉkpata li Yesu adʉ akʉnda e-o, (kpála inde aseke nani 'ndji e pí mbulu Yesu, nedhingga inde u adʉ azʉ 'he lie-o, inde atsia ayi di nani Yesu me: «Ngámá, kpála bhende apú mʉ-o, a ko da?») ²¹ Abhomʉ-o, Piele au mʉkpata ango-o, ani atsia ayi Yesu me: «Ngámá, a la ani-e, a akólo li ani ne mangua 'ngú dho?»

²² Yesu agie pí ani me: «I du me ma nde akʉnda me ani du, akolo li nedhingga inde ma agó matá lie, a ko naamʉ 'ngú? Ngamʉ-o, kpata ma!» ²³ Abhomʉ-o, ngali atsia ayangba bhʉ ká omabhuka me, mʉkpata ango-o kpí naae de. La-a, Yesu pa nani pi Piele de me: «Ani kpí de-e de.» Engú bini, ani

apa nani mangbo me: «I du me ma nde akʉnda me ani du akólo li nedhingga inde ma agó matá lie, a ko naamʉ 'ngú?» ²⁴ Mʉkpata ango-o ngakpokpo ongú inde-e ngae makpe. Ani aye la di bhʉ bhuku ngae. Ya mbila la di ndjindji me engú inde ani ngakpokpo e, a ko kʉkʉlu 'ngú. ²⁵ Yesu amene di nani ongú koko bhelé. I du me u yé ongú ango-o bini ne bini hana-a, ma abhundja me doto libhomu de tí ne obhuku inde i de yé lie de.

Kulu gba oBh - ü Titima gba Yesu **Eli na kalanü**

Kulu gba oBh

- ü

 Titima gba Yesu ne bhuku na bhisi inde li Luka aye e-o.

Engú na ngbéngbé inde bhú bhuku inde-e, a ko nakpokpo lele maka li omükpata gba Yesu na kalanü adu adhükü bhú angu gba Bu Bhopua, u atsia adu akpokpo Bádha Ngali pindji Yesu inde adu ayangba abhú: «Yelusalema, ne bhú Yudaya, ne abhú Samalia nakolo makolo abhú dje doto» (1:8). A ko Ngali gba Kilisito inde akpolita e agba omaYuda atsia akolo nabhuka pi ndu okpála na píla doto hana.

Engú na ngbéngbé inde bhú bhuku gba obh

- ü

 titima-a, a ko kulu gba Bu Bhopua inde ago ne angu pi omabhuka abhú Yelusalema li 'kpí na Patekote. Bu Bhopua ango-o, la di ngateteke ne na ha angu pi Piga gba Ebhe ne okpála inde ngadjedjele, nakpata lele ongú inde u aye e bhú bhuku ango-o. Engú na kalanü inde atsia omakilisito akpokpo lie bhelé bhú eli gba Ebhe inde u adu aha e pi okpála-o. A la di ongú inde u aye e bhú bhuku gba obh

- ü

 titima gba Yesu ngasuno angu na ongú ango-o bhú mukobho gba omabhuka, la di bhú makpötse inde bhú Piga gba Ebhe-o.

Ongbengbe ongú inde bhú bhuku inde-e ngae inde:

Naleke lio ngú nakpokpo 'ngú pindji 'ngú mo ue ne bhe mo adje e 1:1-26

(1) Líli na soso ne engú inde li Yesu apa me ni amene e 1:1-14

(2) Kpála inde aha da Yuda-o 1:15-26

Okpála inde akpokpo 'ngú pindji 'ngú inde u au e ne bhe u adje e abhú Yelusalema 2:1 - 8:3

Okpála inde akpokpo 'ngú pindji 'ngú inde u au e ne bhe u adje e abhú Yudaya ne abhú Samalia 8:4 - 12:25

Kulu gba Polo 13:1 - 28:31

(1) Dholo gba Polo na kalanü ngübulu nakpokpo Bádha Ngali 13:1 - 14:28

(2) Bula abhú Yelusalema 15:1-35

(3) Dholo gba Polo na bhisi ngübulu nakpokpo Bádha Ngali 15:36 - 18:22

(4) Dholo gba Polo na bata ngübulu nakpokpo Bádha Ngali 18:23 - 21:16

(5) Polo bhú tíkpü abhú Yelusalema, ne bhú Sedjale a la di-e bhú Loma 21:17 - 28:31

Yesu apa me: «Yi asia Bu Bhopua»

¹ Ndai ma na mukunda Tiofile, Bhú bhuku gba ma na kalanü-o,* ma akpokpo ndu 'ngú hana inde li Yesu amene e di ne bhende ani asuno e ko. Ma akpokpo nayie li lilita[†] ² akolo li 'kpí li Ebhe aha ani lie abhülá ko. Kala nanü ka ani abhülá-a, bhú angu gba Bu Bhopua-a , ani aha olíli gba e pi okpála inde ani alo nani o maka obh

- ü

 titima-o . ³ Pita nakpi ka ani-e, ani apama lie pi obh

- ü

 titima gba e-o. Ani asuno pi uo li okpadji bhelé me ni bhú mukobho. Ani asuno lie pi uo ngübulu 'kpí ndjikpa badha. Ani atsia akpokpo di 'ngú pi uo pindji Naü gba Ebhe . ⁴ Ekpí bini, li ani adu azu 'he lie bhú dabili bini ne uo-o, ani atsia aha líli inde-e pi uo me: «Yi ayié bhú Yelusalema de, engú bini, yi djeke ehe inde li 'Dyi ma apa me ni ahá e pi yi ko. A ko ehe inde ma apa 'ngú pi yi pindji e ko. ⁵ Padhá

* **1:1** 1:1 Bhuku na kalanü: A akunda napa me Bádha Ngali gba Yesu Kilisito maka li Luka aye lie ko. Kulu gba obh

- ü

 titima gba Yesu ne bhuku na bhisi gba ani-o. † **1:1** 1:1 Lilita: A akunda napa me a ko nayie li lita kulu gba Yesu Kilisito li 'kpí ani asia batisimo lie ko.

de, anga Djaa abatisa naní okpála ne engu. Engú bini ngayi-e, píta 'kpí masudha-a, yi asia batismo na Bu Bhopua.»

Ebhe aha Yesu abhúlá

⁶ Li obhúlu titima adú apo bhúla o lie de Yesu-o, ekpí koko-o, u atsia ayi ani me: «Ngámá, mo ogbégbe omafsalaele bhú bali, mè tsia há ngámá pi uo mbia inde-e?» ⁷ Yesu atsia agie pi uo me: «A ko engú ka yi de ngú nambila nedhinga di ne oekpí ango-o. Padhá de, anga Ebhe ne angu gba e makpe, a'o oekpí ango-o maka ani akunda lie ko. ⁸ Engú bini, yi asia angu, li nedhinga li Bu Bhopua aké pi yi lie-o. Yi tsia kpókpo 'ngú gba ma inde yi au e ne bhe yi adje di e bhú gúdhú na Yelusalema, bhú ndu doto na Yudaya libhomu, ne bhende na Samalia, akólo makolo ali dje doto.»

⁹ Li Yesu andjia nakpokpo 'ngú bhomu-o lie, Ebhe atsia aha ani abhúlá me ndú uo hana nde ngatsia ani. Abhomu-o, ndindi atsia abuku ani. U u matá ani de. ¹⁰ Nedhinga u adú nga bha lie atsia 'kpí abhúlá-a, li pápá li Yesu atapa lie, kolo me-e, okpála bhisi aze li uo. U adyidyi bubu bongo. ¹¹ U atsia apa pi uo me: «Ngayi okpála na Galilaya, yi alálu sí ne natsia 'kpí abhúlá ka ni? Yesu inde li Ebhe aha e abhúlá bhomu-o, ani agié bhadi lie maka yi au ani lie anú abhúlá ko.»

Libi obhúlu titima gba Yesu

¹² Abhomu-o, obhúlu titima-a ayie pi eta u a'i e me eta na ondula na Olive, u atsia agie lio bhú gúdhú na Yelusalema. Eta ango-o adú de Yelusalema masikpe de kilometele bini.‡ ¹³ U akolo lie bhú Yelusalema-a, u a'u bhú tina 'ti bhe abhúlá, bili inde u adú adulu lie-o. A adú nani: Piele ne Djaa, ne Djaki di ne Andili, ne Filipo di ne Túma, ne Batelemi di ne Matié, ne Djaki ndili gba Alafayo, ne Simo kpála nakunda doto gba o,

la di ne Djude ndili gba Djaki. ¹⁴ Ndú uo hana, adú apo bhúla o ne bua bini, ndú nedhinga hana ngú nayo Ebhe. U adú bhú dabili bini ne olisi koko, ne Malia 'hi Yesu, di ne ondaise Yesu.

U agbe kpála bhú dá Yuda

¹⁵ Bhú oekpí bhomu-o, ekpí bini, omabhuka apo bhúla o. U adú masikpe de kámá ne ndjíkpa bhisi. Abhomu-o, Piele ayie bhúlá bhú ká uo. Aní atsia apa pi uo me: ¹⁶ «Ondaise ma, engú inde u aye e bhú Bhuku gba Ebhe-e, a ayo me amene lie. Bu Bhopua apa 'ngú ango-o bhú 'li Davidi pindji Yuda, kpála inde ago nani ne okpála inde aholo Yesu-o. ¹⁷ Yuda nako ne súka ní. Ngámá abhú ani ngú namene kulu maka ní adú di ne di lie-o.»

¹⁸ (Aní akala edyi ne tia inde u aha e pi ani li ani abhele kpála lie-o. Bhú edyi ango-o, ani atí adjí 'ndjí e ne kuto. 'Bu ani aúpa. 'Ndja ani atsia aze kuto. ¹⁹ Ndú okpála hana na Yelusalema ambila 'ngú ango-o ndjíndji. Kaka-a, u a'o nani 'ili li edyi ango-o bhú eli na gba o me «Akeledama», a akunda napa me «edyi na Ngúte».)

²⁰ Pipita-a, Piele apa matá me: «Padhá de, anga u aye bhú bhuku na oEtsi gba omaYuda-a me:
<A ayo me kúti gba ani-e kolo mili bili,

kpála bini adú bhúbhú de.> U atsia aye matá me:

<A ayo me kpála koko ha kulu gba ani-o.†

²¹⁻²² Kaka-a, a ayo me kpála bini li bhú ká ní, amba ani du akpokpo ngali nazuku gba Ngámá Yesu-o. A ayo me kpála ango-o du súka okpála inde adhukú bhú dabili bini ne ní ndú nedhinga hana li Ngámá Yesu adhukú lie ne ní píla doto ko. Kpála ango-o du kpála inde adhukú bhú dabili bini ne ní nayie li nedhinga li

‡ **1:12** 1:12 Masikpe de kilometele bini: U aye bhú obhuku koko me «maka enú na ekpí naguo gba omaYuda.» † **1:20** 1:20 Tsia bhú Ets. 69:26, 109:8.

Djaa abatisa Yesu lie,§ akolo li ekpí li Ebhe aha ani lie ngú nanu abhúlá-o.»

²³ Abhomu-o, u atsia agbe okpála bhisi. A adu 'li bhe bini-e me Djodjefu, inde u a'i e me Balasabasi. 'Hli koko gba ani-e matá me Djusitusi. A adu 'li bhe koko me Matiasi. ²⁴ U atsia ayo Ebhe me: «Ngámá, mu mbila bua ndu okpála hana. Pana kpála inde mo obhu e bhú ká okpála bhisi inde-e pi ya. ²⁵ Ani adú bhúlú titima gba Yesu. Ani ahá kulu inde li Yuda a'o ká e ngú nanu li bili gba e makpe ko.» ²⁶ Pita u ayo Ebhe lie, u agu gbanda.* Gbanda asuno Matiasi. Abhomu-o, u atsia ato ani bhú ká obhúlú titima ndjíkpa ne ká bini-o.

2

Bu Bhabua aké pí omabhuka

¹ Li ekpí na Patekote akolo lie, ndu omabhuka hana apo bhúla o li bili bini. ² Má gala kolo me-e, tolo ayie abhúlá maka anvi na kpekpeke. Tolo ango-o aha bili bhú 'ti inde u adu bhú e hana. ³ Abhomu-o, u au oehe maka dingidhi djua. Oehe ango-o agbogbo bhúsú e, atsia adúlú pí 'ndji ndu uo hana bini ne bini. ⁴ Ndu uo hana abedhe ne Bu Bhabua. U atsia aholo agama 'ngú bhú oeli koko, maka li Bu Bhabua adu ahaha pi uo lie ngú nagagama ko.

⁵ Bhú gúdhú na Yelusalema-a, omaYuda inde ayie bhú ndu okuti hana* píla doto libhomu adu oo. A adu okpála inde adu akpe Ebhe. ⁶ Li u adje tolo ango-o lie, bhti okpála ango-o ago apo bhúla o. U atsia adu angamba naali. Padhá de, anga kpála ne kpála adu adje omabhuka agama 'ngú bhú eli gba e makpe. ⁷ U abedhe ne nangamba, di ne nakiaka. U atsia adu apa me: «Okpála i ngagama 'ngú inde-e, ndu uo hana

§ 1:21-22 1:21-22 Nayie li nedhinga li Djaa abatisa Yesu lie: U aye bhú obhuku koko me «nayie li nedhinga inde li Djaa adu abatisa okpála lie-o.» * 1:26 1:26 U agu gbanda: U du nani agu gbanda ango-o pi Ebhe, ngú nambila engú inde ani akunda e-o. * 2:5 2:5 OmaYuda inde ayie bhú ndu okuti hana: U adu nani ago bhú Yelusalema ngú nadhogé Ebhe bhú anokomia na Patekote .

ne okpála na ndu doto na Galilaya adi? ⁸ Lele pi ndu ní hana bini ne bini, ní ngadje uo lie ngagama 'ngú bhú eli gba ní makpe na kuti-e?

⁹⁻¹⁰ Bhú ká ní si-e, okpála koko ayie bhú doto na Palate. Okoko ayie bhú Media. Okoko ayie bhú Elama. Okoko ayie bhú Edjipeto. Okoko ne okpála na Medjopotami. Okoko ayie bhú ndu doto na Yudaya. Okoko ayie bhú Kapadose. Okoko ayie bhú Pote di ne Adjia. Okoko ayie bhú Filidjia. Okoko ayie bhú Pamifilia. Okoko ayie lingo gúdhú na Silene inde bhú doto na Libiko. Okoko ayie bhú gúdhú na Loma. ¹¹ Okoko ayie bhú kpeme na Kelete. Okoko ayie bhú doto na Alabi. U azu okoko omaYuda. Okoko-o, a ko ogandji okpála inde abhuka Ebhe gba omaYuda-o. La-a, lele pi ní ngadje uo ngakpokpo 'ngú píndji ongamba 'ngú gba Ebhe bhú eli gba ní na kuti lie bini ne bini-e!» ¹² Ndu uo hana adu ne nangamba naali. Mabhundja gba uo-o angbingi. Abhomu-o, u atsia apa súnda o me: «Engú inde-e akunda napa pi?» ¹³ Engú bini, okoko adu amu omabhuka. U atsia adu apa me: «Pandi aholo uo e-e ngeae bha-a!»

Piele akpokpo eli gba Ebhe-e pi bhti okpála

¹⁴ Piele ayie bhúlá bhú dabili bini ne obhúlú titima ndjíkpa ne ká bini koko-o. Ani aholo agama 'ngú kpekpeke pi bhti okpála me: «Ngayi omaYuda, di ne ndu yi okpála hana inde ngadúlú bhú gúdhú na Yelusalema-a, yi dje ma ndjíndji, amba yi mbila la di engú i ngakodho 'kpí inde. ¹⁵ Okpála inde-e, a holo uo ne pandi maka yi ngab-hubhundja lie de. Padhá de, anga a ko nga bha saa na odukpabini na

kékpí. ¹⁶ Engú bini, engú i ngakodho 'kpí mbia inde-e, a ko engú inde li polofeta Djuele apa nani e-o. Engú inde me:

¹⁷ <Ebhe apa me: li sokpí-e,
ma atúko Bua[†] gba ma-a pí ndu
okpála hana.

Ongisi gba yi na obhosibhosí, di ne
obhe na olisilisi akpókpo ongú[‡]
inde ma akunda e-o.

Omakombise gba yi-e aú ongú[‡]
inde ma akunda nasuno e bhú
loto.

Ogbegbe okpála gba yi-e atsia
alóto oloto inde ma atíma e pi
uo ko.

¹⁸ Li oekpí ango-o, ma atúko belegu
di Bua gba ma-a
pí okpála na kulu gba ma na
obhosibhosí, di ne obhe na
olisilisi.

U tsia kpókpo ongú inde ma
akunda e-o.

¹⁹ Ma améne ongamba 'ngú abhúlá.
Ma tsia méne ongamba 'ngú
kuto píla doto.
Ngute atúko, li djua tsí, a adú di
ne ndindi nguwa.

²⁰ Kala me ekpí gba Ngámá-a kolo-o,
ekpí na ngbéngbé,
di ne ekpí na asasaua-a,
ela adjí lie biti.

Li epe djí lie maka ngute.

²¹ Abhomu-o, kpála ne kpála inde
abhú 'li Ngámá-a,
tsia sía mukobho.^{†»}

²² Abhomu-o, Piele atsia apa me:
«Ngayi okpála na Isalaele, yi dje
nga engú ma adjí apa e pi yi
inde: Ebhe apana pi yi mbámbá
me ni atima Yesu, kpála na kuti
na Nadjaleta-a, pi yi. Aní apana
li namene ongamba 'ngú súnda yi
bhú aní. Aní amene okiaka 'ngú,
di ne oehe na tsulutsálú bhú aní.
Ngayi makpe-e, yi mbila 'ngú téte
ndjindji. ²³ Kpála bhomu-o, u apu
aní pi yi. Ebhe ambila nani 'ngú téte
kalanú. Aní atsia akunda me amene
lie moko. Yi abhélè aní. Padhá de,

anga yi aha aní pi okpála na sisiti.
U agi aní li kulusi, u atsia abhélè
aní. ²⁴ Engú bini, Ebhe azuku aní,
aní atsia a'e aní bhú likabhu na kuo.
Padhá de, anga a ayo nani de me kuo
to aní bhú tikpu gba e-e de. ²⁵ Kaka-
a, Davidi apa li 'ngú gba aní-e me:
<Ma adú au Ngámá Ebhe kala ma
ndu nedhinga hana.

Padhá de, anga aní li pá 'kpa ma
na kokpa, amba ma agúku de.

²⁶ Kaka-a, bua ma abedhe ne djali
bedhe.

Ma la di ngali 'tsi ne djali hana.
Ekpí ma akpí lie,
ma adú ne 'to ma me ma akóbho
makobho.

²⁷ Padhá de, anga mu 'ó ká ma de me
ma du li bili gba okpála inde
amu-o de.

Mu kánda de me kpála gba mu
na ngbingbili-e zi bhú lata-a
de.

²⁸ Mo osuno muma okpadji na
mukobho.

Mo obédhe ma ne djali, anga ní
ne mu bhú dabilí bini.^{†»}

²⁹ Piele apa matá me: «Ondaise
ma, ma ti da napa engú pi yi
mbámbá píndji ogbi ní Davidi. Aní
akpi, u atsia azi aní. Lata aní bhú ká
ní akolo pi naki. ³⁰ Engú bini, a ko
nani polofeta. Aní ambila me Ebhe
apa nani ne natu silika me: <Ma
a'ó suka ongisi gba mu-o bini ngámá
bhú da mu.» ³¹ Davidi au nani engú[‡]
inde agó-o kalanú. Kaka-a, aní atsia
apa engú nazuku gba Masiya me:
<Ebhe 'o ká aní li bili gba okpála inde
amu-o de.

Aní 'o la di de me aní zi bhú lata-
a de.»

³² Yesu inde ma ngapa 'ngú gba e-
e, Ebhe azuku aní. Ndú ya hana, ya
au engú ango-o ne djila ya. ³³ Pipita-
a, Ebhe a'e aní abhúlá, aní atsia a'o
aní li pá 'kpa e na kokpa. 'Dyi ní
Ebhe aha Bu Bhopua pi aní maka
aní apa nani lie kalanú ko. Aní atsia
atuko Bu Bhopua ango-o pi ya. A ko

[†] 2:17 2:17 Bua: I du me u nde aye ne 'dhú balúna ngéngbé-e (madjisikile), amba a ko Bu Bhopua. [†] 2:21 2:17-21 Tsia bhú Djl. 3:1-5. [†] 2:28 2:25-28 Tsia bhú Ets. 16:8-11.

bhende yi ngau e, di ne bhende yi ngadje e mbia inde-e ko. ³⁴ Padhá de, anga Davidi ngae makpe 'u nani abhálá de. Engú bini, ani apa ngae me:
 <Ngámá Ebhe apa nani pi Ngámá gba ma-a me:

Dú li pá 'kpa ma na kokpa,
³⁵ akólo li 'kpí ma a'ó obhulú yala
 gba mu-o lie sa 'dhú mu ko.[†]
³⁶ A ayo me ndú okpála hana na Isalaele mbila engú inde-e ndjindji me: Yesu inde-e, inde yi abhélé e li kulusi-e, Ebhe a'o ani Ngámá, ani atsia a'o di ani Masiya!»

³⁷ Li u adje engú bhomu-o lie, bua uo asia likabhu naali. U atsia ayi Piele di ne obhulú titima koko-o me: «Ondaise ya, a ayo me ya mene pi?» ³⁸ Abhomu-o, Piele atsia agie pi uo me: «Kpála ne kpála dji bua e, ani sia batisimo ne 'li Yesu Kilisito, amba Ebhe 'e siti 'ngú gba ani-o. Abhomu-o, yi tsia sía la di Bu Bhopua padhá. ³⁹ Padhá de, anga ani apa nani kalanu me ni améne pi yi ne ongisi gba yi-e moko. Ani atsia apa me ni améne di pi okpála bhende ngadulú tsutsutsu,[‡] di ne pi ndú okpála hana bhende li Ngámá gba ni-e a'í o-o.»

⁴⁰ Abhomu-o, Piele atsia akpo 'ngú koko pi uo bheldé ngú naha pi uo gümú me u bhuka, di me u du ne nalila lio malila. Ani adu apa pi uo me: «Okpála na naki inde-e sisiti. Yi yie bhú ká uo mayie, amba Ebhe kobho yi.» ⁴¹ Okpála bheldé inde adje 'li Piele-e, aziba. U atsia asia batisimo. Li ekpí angó-o, okpála masikpe de kutu bata ali bhú ká omabhuka.

Omabhuka na kalanu-o adu nani lele o pi?

⁴² U adu aha lio ndú 'kpí hana ngú nadje nasuno gba obhulú titima gba Yesu-o. U adu nadu súnda o bhú mukunda maka ondaise. U adu azu

'he bhú dabili bini, [§] u atsia adu di ayo Ebhe bhú dabili bini. ⁴³ Ndú okpála hana adu ne tsúlu. Padhá de, anga obhulú titima-a adu amene ongú na ngangamba, di ne okiaka 'ngú naali. ⁴⁴ Ndú omabhuka hana adu adulú bhú dabili bini. Ndú 'he gba uo-o hana adu bhadi bhú dabili bini. U atsia adu agbogbo bhúsú bhúsú li o. ⁴⁵ U adu atsindji oedyi gba o, di ne oehe koko gba o-o. U atsia adu agbogbo bhúsú tia angó-o li ndú okpála hana, maka li gümú gba kpála bini ne bini adu lie ko. ⁴⁶ Ekpí bini ne bini hana, u adu apo bhúla o bhú dabili bini, u adu ali bhú 'ngbé 'ti Ebhe gba omaYuda. U adu agümú mapa bhú eti gba o, u atsia adu azu 'he ne djali, di ne bua na bhúbhukú. ⁴⁷ U adu atoko Ebhe. Engú inde u adu amene e-e bhú bádha bhú 'bu gba Ebhe-e, a adu anga li okpála naali. Abhomu-o, ndú 'kpí hana, Ngámá atsia adu ato okpála koko bhende asia mukobho-o bhú ká uo.

3

Dékuto adhukú

¹ Ekpí bini, pita tulukpe, Piele ne Djaa adu anu bhú 'ngbé 'ti Ebhe gba omaYuda, ngú nayo Ebhe inde u adu ayo e bhú saa na bata-o. ² De 'bhe 'ngbé 'ti Ebhe gba omaYuda angó-o inde u a'i e me «Babadha-a», kpála bini inde i dhukú de nayie maka u azu ani lie adu oo. Ndú 'kpí hana, u adu ago a'o ani oo ngubula me ani du ayo tia ka okpála inde ngali bhú 'ti Ebhe ko. ³ Li ani au Piele ne Djaa lie me u nde adjí ali bhú 'ngbé 'ti Ebhe-e, ani atsia ayo tia ka uo.

⁴ Piele ne Djaa abanga djila o li ani. Abhomu-o, Piele atsia apa pi ani me: «Tsia ya!» ⁵ Kpála angó-o atsia a'o mabhundja gba e-e hana pi uo. Padhá de, anga ani adu abhundja me ni asía 'he ka uo masia.

[†] 2:35 2:34-35 Tsia bhú Ets. 110:1. [‡] 2:39 2:39 Okpála bhende ngadulú tsutsutsu: A akunda napa me ogandji okpála, okpála bhende ne omaYuda ade. [§] 2:42 2:42 Nazu 'he bhú dabili bini: A ko nazu komonyo. A ko la di nazu 'he bhú dabili bini.

6 Abhomu-o, Piele atsia apa pi ani me: «Falanga ka ma ade. Olo la di ka ma ade. Engú bini, ma ahá pi mu ehe inde ka ma-o: ne li Yesu Kilisito na Nadjaleta-a, yie bhúlá, amba mu dhukú!» **7** Pipita-a, Piele aholo 'kpa ani na kokpa, ani atsia a'e ani bhúlá. Má gala kolo me-e, obiki na 'dhú ani akolo kpekpeke. **8** Ani a'ulu, aké má kprii! Ani atsia aholo nadhukú. Pipita-a, ani ali bhú 'ngbé 'ti Ebhe bhú dabili bini ne Piele ne Djaa. Ani adú adhukú. Ani adú a'u'ulu. Ani atsia adú adhégé Ebhe. **9** Ndú okpála hana au ani me ani nde ngadhukú, ani nde ngadhégé Ebhe. **10** U atsia ambila me, a ko kpála inde adú nadú li 'bhe 'ngbé 'ti Ebhe, li bhébhé bhende u a'i e me «Babadha», ngubula nayo 'he. Abhomu-o, ndú uo hana angamba, u atsia akiaka naali ka engú inde akolo li kute dákuto-o.

Piele akpokpo 'ngú pi bhti okpála bhú 'ngbé 'ti Ebhe gba omaYuda

11 Abhomu-o, kpála ango-o du ayie de Piele ne Djaa de. Ndú okpála hana angamba naali ka engú inde akodho 'kpí-o. U ago ne holo, u atsia apo bhúla o de uo sa basa inde u a'i e me «Sa ngba 'ti gba Salomo.*»

12 Li Piele au lie mo-o, do ani pi bhti okpála bhomu-o me: «Ngayi okpála na Isalaele, yi ngangamba li nakobho ka kpála inde-e ka ni? Li yi abanga djila yi lie li ya mugito me ya amene ngaya ne angu gba ya makpe me kpála inde-e dhukú-o? La di mugito me a ko anga ya ngakpata engú gba Ebhe-e? A mo-o ade. **13** Ebhe gba Abalahama, Ebhe gba Isaka, Ebhe gba Yakobho, Ebhe gba onguo ogbi ni amene me li bali gba ni Yesu-o adhégé lie. La-a, ngayi makpe-e, yi apu ani pi ongámási. Yi atsia ayala ani kala Pilate me ani nde adú akunda la me ni tse 'kpa li ani-o.

* **3:11** 3:11 Sa ngba 'ti gba Salomo: A ko sa ngba 'ngbé 'ti Ebhe gba omaYuda-o. † **3:23** 3:22-23 Tsia bhú Det. 18:15, 18, 19.

14 Ngayi-e, yi ayala Kpála bhende bubu, inde di ngbingbili. Yi atsia ayo me Pilate suno bádha bhú 'bu pi kpála bhende ngabhili okpála-o. **15** Yi abhélè kpála inde ngaha mukobho. Engú bini, Ebhe azuku ani bhú ká okpála bhende amu-o. Ya au engú ango-o ne djila ya makpe. **16** Mbía inde-e, yi ngau kpála inde, yi mbila la di hana me a ko nako dákuto. Ani akobho ka li Yesu. Padhá de, anga ya abhuka ani. A ko ka nabhuka bhú Yesu, ani atsia akobho hana maka yi ngau ani lie inde.

17 Engú bini, ondaise ma, ma ambila ndjindji me ngayi ne ongámási gba yi-e, yi amene li Yesu mo-o, anga yi mbila nani kükélù 'ngú-o de. **18** La-a, Ebhe ngae makpe amene mo-o ngubula nasuno mbámbá engú inde ani apa nani e kalanu bhú 'li ndú opolofeta hana ko. Ani apa nani me Masiya gba ni-e azú likabhu. **19** Kaka-a, yi dji bua yi. Yi gie liyi li pápá gba Ebhe, amba ani e siti 'ngú gba yi-o. **20** Abhomu-o, Ebhe ahá onedhinga naguo pi yi. Ani tsia tíma matá Masiya inde ani abhú nani e kalanu-o pi yi. A akunda napa me Yesu.

21 Engú bini, mbía inde-e, a ayo me Yesu Kilisito du ngaiza abhúlá. Ani du oo akólo li nedhinga inde li ndú 'ngú hana akólo lie na mbía-o. Nayie didili naali-e, Ebhe apa nani engú ango-o bhú 'li obubu opolofeta-o. **22** Maka li Moidje apa la di nani lie me: <Ebhe Ngámá gba yi-e atíma polofeta pi yi maka ma. A adú súka ondaise yi. A ayo me yi dje ndú 'ngú hana inde ani apá e pi yi ko. **23** La-a, kpála bhende i djé 'li ani de-e, u agbé ani bhú ká okpála gba Ebhe, u tsia bhéle ani.†>

24 La di-e, ndú opolofeta hana inde akpokpo 'ngú gba Ebhe-e, nayie li Samuele, akpo engú ndú o hana bini ne bini pindji engú inde-e akolo li

'kpí ango-o ko. ²⁵ Engú li Ebhe apa nani e kalanu bhú 'bhé opolofeta-a, a pi yi. La di-e, gandja inde li Ebhe akodho nani e kalanu-o ne onguo ogbi yi-e, a di pi yi. Ani apa nani kalanu pi Abalahama me: «Ma atúko bisagu pi ndu opiga hana píla doto li pápá gba ongisi gba mu-o.†» ²⁶ Kaka-a, Ebhe abhu bali gba e, ani atsia atima ngaiza ani pi yi omañsalaele. Ani atima ani me ani tuko bisagu pi yi. Ani agbé kpála ne kpála bhú siti 'ngú gba e-o.»

4

Libi okpála natsia 'kpí li 'ngú gba omaYuda aholo Piele ne Djaa

¹ Li Piele ne Djaa adu akpo 'ngú lie pi okpála-a, odimande gba Ebhe-e ago bhú dabili bini ne ngámá gba okpála nalila 'ngbé 'ti Ebhe gba omaYuda di ne oSadukai . ² U adje siti bua naali. Padhá de, anga Piele ne Djaa adu asuno pi bhti okpála. U adu akpokpo pi uo me okpála inde amu-o azúku di mazuku, maka li Yesu azuku lie ko. ³ Abhomu-o, u aholo Piele ne Djaa. U atsia ato uo bhú tikipu akolo pi kókpí, anga adu me ekpí nde ngabi. ⁴ La-a, bhelé na okpála inde adje nani eli gba Ebhe-e , akolo omabhuka . Abhomu-o, omabhuka abe ndu o, u atsia akolo masikpe de okpála kutu bhuluvue.

⁵ Li ekpí aseke lie, ongámási gba omaYuda , ne obhelesi okpála di ne omusuno na líli gba Moidje , apo bhúla o bhú gudhú na Yelusalema. ⁶ A adu nani: bhele kpála gba odimande Ana, ne Kaifa, ne Djaa , ne Alekidjandele di ne ndu okpála hana inde bhú piga gba bhele kpála gba odimande gba Ebhe-o. ⁷ Abhomu-o, okpála inde aholo Piele ne Djaa, atsia agbe Piele ne Djaa kala uo. U atsia ayi uo me: «Yi akobho kpála inde ne mangua angu dho? La di ne 'li da?»

⁸ Abhomu-o, Piele inde abedhe nani ne Bu Bhabua-a atsia apa pi uo me: «Ngayi ongámási, di ne yi obhelesi okpála-a, ⁹ ya amene bádha 'ngú pi dükuto inde. La naki-e, u ngayi ya me ani akobho lele pi. ¹⁰ A ayo me ndu yi hana, di ne ndu okpála na Isalaele hana, yi mbila engú inde-e ndjindji: kpála inde-e alu kala yi ne kute na angu ka angu gba Yesu Kilisito , kpála na Nadjaleta. A ko Yesu inde yi agi nani e li kulusi, Ebhe atsia azuku ani-o. ¹¹ Yesu ne kpála inde li Bhuku gba Ebhe-e apa nani engú gba e me Ebhe apa me:

«Ani ne teme inde li ngayi okpála nayiki 'ti-e abhike e-o.

La-a, teme ango-o akolo teme inde abi eti-e libhomu.†»

¹² Ani ti bha da nakobho okpála ngae kpi e kpi. Padhá de, anga píla doto libhomu, Ebhe ha 'li kpála koko bini de inde u ti da nakobho ka e.»

¹³ Li Libi okpála natsia 'kpí li 'ngú gba omaYuda au lie me Piele ne Djaa ngagama 'ngú ne tsulu ade-e, u angamba naali. Padhá de, anga u adu ambila ndjindji me Piele ne Djaa ne okpála na padhá. U mene balua bhelé de. La di-e, u adu ambila ndjindji me, u adu adhuku nani bhú dabili bini ne Yesu. ¹⁴ Engú bini, u adu di au kpála inde akobho-o alu de uo. U tsia du ne engú nagigie pi uo de. ¹⁵ Abhomu-o, ongámási aha líli me obhulú titima ze kilidjo. U atsia aholo nagama 'ngú súnda o. ¹⁶ U adu apa me: «Ní améne ngú okpála inde-e pi? Padhá de, anga ndu okpála hana na Yelusalema ambila ndjindji me, u amene ngamba 'ngú inde-e ngao. Ní ti la di da nayayala de. ¹⁷ Engú bini, ngubula me ngali ango-o ayángba naali súnda okpála de-e, a ayo me ní gbele 'dje uo kpekpeke me u apá matá engú ne 'li Yesu pi kpála belegu de bini.»

¹⁸ Abhomu-o, u a'i matá obhulú titima-o. U atsia aha líli pi uo

† 3:25 3:25 Tsia bhú Dje. 22:18. † 4:11 4:11 Tsia bhú Ets. 118:22.

kpekpeke me, u agáma 'ngú di ne me u asúno ne 'li Yesu matá-a de.

¹⁹ Engú bini, Piele ne Djaa agie pi uo me: «Yi kodho 'ngú inde-e ngayi makpe. Bhú djila Ebhe-e, a ngingbili ne bhedho? Ne me ya mene lili gba yi, ne me ya mene mangbo lili gba Ebhe! ²⁰ La pi ya-a, ya ti da na'o nakpokpo ngali na engú inde ya au e ne bhende ya adje e de.»

²¹ Abhomu-o, Libi okpála natsia 'kpí li 'ngú gba omaYuda agama matá engú pi uo kpekpeke. Pipita-a, u atsia atse 'kpa li uo. La-a, u u nani engú inde u ti da namene uo sisiti ka e de. Padhá de, anga ndu okpála hana adu adhegø Ebhe ka engú inde akodho 'kpí-o. ²² Dukuto li nakobho gba e adu ngangamba bhomu-o, adu nani ne kalanga nane ndjikpa badha mane.

Omabhuka ayo Ebhe

²³ Li u atse 'kpa li Piele ne Djaa lie, u anu abhaka obi o. U atsia akpokpo ndu 'ngú hana inde li ongbengbe odimande gba Ebhe di ne obhelesi okpála apa e-e pi uo. ²⁴ Pita u adje engú bhomu-o lie, omabhuka ayo Ebhe ne bua bini me: «Ngámá, mo obho ekpí ne ndu 'he inde bhúbhú-o hana ngamu. Mo obho doto ne ndu 'he inde bhúbhú-o hana ngamu. Mo obho la di 'ngbé 'ngu ne ndu 'he inde bhúbhú-o hana ngamu. ²⁵ Mo opa nani ngamu bhú angu gba Bu Bhopua, bhú 'li ogbi ya Davidi, bali gba mu-o, me:

<Opiga inde ne omaYuda ade-e abedhe ne siti bua ka ni?

Okpála na kuti koko adje lio ngú namene ongú na padhá padhá ka ni?

²⁶ Ongbengbe ongámási na doto aleke lio ngú egú.

Ongámási apo bhúla o bhú dabili bini

ngú nagú Ngámá Ebhe,
di ne kpála inde li Ebhe abhu e-o.*>

* ^{4:26} 4:25-26 Kpála inde li Ebhe abhu e-o: A akunda napa me Kilisito. Tsia bhú Ets. 2:1-2.

²⁷ Padhá de, anga a na paká me ngámá Elode Atipasi ne Pose Pilate apo nani bhúla o bhú gudhu inde, bhú dabili bini ne opiga inde ne omaYuda ade, di ne opiga na Isalaele. U apo bhúla o ngubula me o gu Yesu, bali na bubu gba mu, inde mo obhu e maka Masiya-o.

²⁸ U amene bhomu-o ndu 'ngú hana inde mo opa nani e didili ne angu gba mu-o me améne lie mamene ko. ²⁹ La mbia inde-e, Ngámá, tsia nga maka u ngato mbolo li ya lie-o. Kaka-a, ha angu pi ya, obalise gba mu, amba ya akpókpo eli gba mu-o ne tsulu de. ³⁰ Ha angu gba mu-o pi ya, ngubula me ya akobho okpála, amba ya mene ongamba 'ngú di ne okiaka 'ngú ne 'li Yesu, bali gba mu na bubu-o.» ³¹ Li u andjia nayo Ebhe lie, bili inde u apo bhúla o lie adyiki má djigi djigi! Ndu uo hana abedhe ne Bu Bhopua. U tsia du akpokpo eli gba Ebhe-e ne tsulu de.

Omabhuka abu 'he gba o bhú dabili bini

³² Ndu omabhuka hana adu ne bua bini. U adu di ne nabhundja bini. Bhú ká uo-o, kpála bini du abhundja de me ehe gba ni-e bha pi ni kpi ni kpi-e de. Engú bini, oehe gba uo-o adu bha pi ndu uo hana. ³³ Obhulü titima gba Yesu adu akpokpo ne angu hana me Ngámá Yesu azuku. Abhomu-o, bádha bhú 'bu gba Ebhe-e atsia adu pi ndu uo hana. ³⁴ Bhú ká uo-o, kpála bini du aneke 'he de. Padhá de, anga ndu okpála hana inde adu ne oedyi di ne oeti-e adu atsitsindji, u adu ago ne tia ango-o. ³⁵ U atsia adu ahaha pi obhulü titima. Pipita-a, u atsia adu agbogbo bhúsü tia ango-o li kpála bini ne bini maka li gümü gba ani adu lie ko.

³⁶ Kpála bini adu nani bhú ká uo, a adu 'li ani me Djodjefu. Ani adu kpála na piga gba Levi. U azu nani ani bhú kpemé na Sipele. Obhulü

titima agisila nani 'ili koko li ani me Balanabasi (inde akunda napa me «Kpála inde ngato masi»). ³⁷ Ani atsindji edyi gba e. Ani ago ne tia ango-o, ani atsia a'o kala obhulu titima.

5

Siti 'ngú gba Anania ne Safila

¹ Abhomu-o, kpála bini inde adu 'li e me Anania, adje lie ne wala e Safila. U atsindji edyi gba o-o. ² Ani aha té tia ango-o, a'o pi e. Ani atsia anu a'o dudu-o kala obhulu titima gba Yesu-o . Wala ani adu ambila 'ngú téte ndjindji. ³ Abhomu-o, Piele apa pi ani me: «Anania, mo oziba me Satana pite ni ngú ni? Mo opa eu pi Bu Bhobua , anga mo oha té tia na edyi-e, mo o'o pi mu. ⁴ Kala me mu tsindji edyi ango-o, a ko nako naamu di? La di-e, mo otsindji lie, tia ango-o, a ko nako naamu di? Mo oziba me ni mene ngua 'ngú inde-e ka ni? Mu pite okpála de, engú bini, mo opite bhomu-o Ebhe.» ⁵ Bha li nedhingga inde li Anania adje engú bhomu-o lie, ani ati, ani atsia akpi. Ndú okpála hana inde adje engú ango-o, adu ne tsulu naali. ⁶ Abhomu-o, omakombise ago. U agala kuo ani ne bongo , u a'e, u atsia anu azi.

⁷ Masikpe de pita saa bata-a, wala Anania ago ali oo me ani nde mbila engú inde akodho 'kpí-e de. ⁸ Piele ayi ani me: «Pa nga mama, yi atsindji bha ndju edyi gba yi-e bhú mase inde-e?» Ólé-o agie me: «A moko, ya atsindji bhú mase bhomu-o.» ⁹ Abhomu-o, Piele atsia apa pi ani me: «Yi adje liyi ne 'ko mu ngú nale Bua gba Ngámá-a ngú ni? Djedje nga! Okpála inde i kolo nazi 'ko mu-o, u alulu li bhoti bhomu. U abí bhadi mu moko!» ¹⁰ Bha li nedhingga bhomu-o, ólé-o ati kuto bhú li 'dhu Piele, ani atsia akpi. Omakombise ali, u abhaka me ani nde akpi. Abhomu-o, u a'e kuo ani, u atsia anu azi ani dengo 'ko e. ¹¹ Ndú okpála na Piga gba Ebhe-e hana, di

ne ndú okpála hana inde adje engú inde akodho 'kpí-e, adje tsulu naali.

Obhulu titima gba Yesu-o amene ongamba 'ngú bhelé

¹² Obhulu titima gba Yesu-o adu amene nani ongamba 'ngú di ne okiaka 'ngú bhelé bhú ká okpála. Ndú omabhuka hana adu apo bhúla o sa basa inde u a'i e me «Sa ngba 'ti gba Salomo.» ¹³ Kpála bini bhú ká okpála bhende i bhuka de-e le nani nali bhú ká uo de, abana li ndú okpála hana adu apa 'ngú gba uo-o lie ndjindji-o. ¹⁴ Obhosí bhelé naali di ne olisi bhelé naali inde abhuka Ngámá-a, adu ali bhú ká omabhuka, u atsia adu abe ndú o. ¹⁵ U aholo belegu apandja okpála na kuo li okpadji. U adu aseke uo pi okalagba di ne pi otsala. U adu amene mo-o, anga u adu abhundja me i du me Piele nde akodho 'kpí oo, kulu ani de pu mbo pi súka uo, amba ani kobho. ¹⁶ Okpála bhelé adu di ayie bhú okuti na ngo Yelusalema, u adu ago ne okpála na kuo di ne okpála inde adu ne osisiti bua bhú o-o. Ndú uo hana atsia adu akobho.

U aholo obhulu titima gba Yesu

¹⁷ Abhomu-o, bhele kpála gba odimande gba Ebhe-e di ne ndú okpála hana inde adu bhú dabili bini ne ani-e, a akunda napa me libi oSadukai , adje siti bua naali pindji obhulu titima gba Yesu. U atsia apa me, a ayo namene uo sisiti. ¹⁸ U aholo obhulu titima-o, u atsia ato uo bhú tikpu bhe na ngbéngbé-o. ¹⁹ La sukpe-e, andjelu bini gba Ngámá-a'uh obhé bhoti na tikpu-o. Ani apandja obhulu titima-o. Ani atsia apa pi uo me: ²⁰ «Yi nu bhú 'ngbé 'ti Ebhe gba omaYuda. Oo, yi kpokpo pi okpála ndú 'ngú hana inde atsia mukobho na mbia-o.» ²¹ Obhulu titima-a amene bhadi mo-o. Kékpi naali-e, u anu bhú 'ngbé 'ti Ebhe, u atsia aholo nasuno pi okpála.

Li nedhingga bhomu-o, bhele kpála gba odimande gba Ebhe-e bhú dabili

bini ne okpála gba e-e, u a'i Libi okpála natsia 'kpí li 'ngú gba omafsalaele-o. U atsia atima okpála me u nü ha obhülü titima-a bhú tikpü, amba u go ne uo. ²² Engú bini, li okpála ango-o ane lie, u bhaka uo bhú tikpü de. U agie lio, u atsia apa pi Libi okpála natsia 'kpí li 'ngú gba omaYuda-a me: ²³ «Ya abhaka me 'bhe tikpü-o nde ani lie ndjindji. Okpála nalila tikpü-o nde adulü li obhóbhe. La-a, ya a'u bhoti-e lie, ya abhaka kpála bhúbhú oo belegü de bini!» ²⁴ Li ngámá gba okpála nalila 'ngbé 'ti Ebhe-e, di ne ongbengbe odimande gba Ebhe , adje engú ango-o lie-e, mabhundja gba uo angbingi naali. U mbila de me a akolo li obhülü titima-a ne mangua 'ngú dho-ie de. ²⁵ Pipita-a, kpála bini ago, ani apa pi uo me: «Yi djedje nga! Okpála inde yi abu nako o bhú tikpü-o, uo mbia inde-e bhú 'ngbé 'ti Ebhe. U alülü malulü, u ngasuno pi okpála.»

²⁶ Abhomü-o, ngámá gba omülila-a anu ne osudha gba e-o. Ani aha obhülü titima-a, ani ago ne uo. Engú bini, u mene uo sisiti de. Padhá de, anga u adü akpe me okpála abhili o ne teme de. ²⁷ Pita ani ago ne uo lie, ani a'o uo kala Libi okpála natsia 'kpí li 'ngú gba omaYuda-o. Abhomü-o, bhele kpála gba odimande gba Ebhe-e aholo nayiyi uo me: ²⁸ «Ya aha nako lili pi yi kpekpeke me yi asúno ne 'li kpála bhomü-o de. La-a, nasuno gba yi-e aha Yelusalema libhomu! Yi ngakunda me ngute kpála bhomü-o tuko pi ya!»

²⁹ Piele di ne obhülü titima koko agie me: «A ayo me ya mene lili gba Ebhe ane lili gba okpála. ³⁰ Ngayi-e, yi abhélé Yesu li kulusi. Engú bini, Ebhe gba ogbi ní-e azuku ani bhú ká okpála inde amu. ³¹ Ebhe a'e'e ani abhálá li pá 'kpa e na kokpa, ani a'o ani Ngámá di ne Mákobho . Ani amene mo-o ngubula me okpála na Isalaele dji bua o, amba Ebhe 'e siti

'ngú gba uo-o. ³² Ya au ongú bhomü-o ne djila ya makpe. Bu Bhopua, inde li Ebhe ngaha e pi okpála inde ngamene lili gba ani-e, au di.»

³³ Li Libi okpála natsia 'kpí li 'ngú gba omaYuda adje engú ango-o lie, u abi 'gú naali. U di me bhili obhülü titima gba Yesu-o. ³⁴ Engú bini mafalisai bini inde adu 'li e me Gamaliele, a adu bhú ká uo. A adu mäsuno na lili . Ndü okpála hana adu amanga ani ndjindji. Ani ayie bhúlá. Ani ayo me u pandja nga obhülü titima-a kilidjo. ³⁵ Pipita-a, ani atsia apa me: «Ngayi okpála na Isalaele, yi lila lili ndjindji li 'ngú inde yi adj amene e li kute okpála inde-o! ³⁶ Padhá de, anga ane nga ekpí bhelé de, kpála bini akoto nako, a adu 'li ani me Teudasí. Ani adu apa me ni ne 'ngbé kpála. Okpála masikpe de kámá badha adu akpata ani. Engú bini, u abhélé ani lie, ndü okpála hana inde adu akpata ani-e atsia atsambala. Abhomü-o, engú gba ani-e atsia andjia.

³⁷ Pita ani-e, li nedhinga u adu atanga okpála lie, Yuda, kpála na Galilaya, akoto. Ani agbele okpála nganda e bhelé. Ngaani di-e, u abhélé ani. Abhomü-o, okpála inde adu akpata ani-e atsia atsambala. ³⁸ Kaka mbia inde-e, ma apa pi yi me yi adhéché li okpála inde-e de. Yi 'o uo. Padhá de, anga i du me mabhundja di ne ongú gba uo nde ayie ka okpála-a, i kólo padhá. ³⁹ Engú bini, i du la me ongú bhomü-o nde ayie ka Ebhe-e, yi tí da nabhóbhe de. 'E-e! Yi agú gbele ne Ebhe de.»

Abhomü-o, Libi okpála natsia 'kpí li 'ngú gba omaYuda atsia aziba mabhundja gba Gamaliele-o. ⁴⁰ U a'i obhülü titima-o. U aha lili me u bhi uo ne fimbo. U aha di lili pi uo kpekpeke me u akpó 'ngú matá ne 'li Yesu belegü de bini. Pipita-a, u atsia atse 'kpa li uo. ⁴¹ Abhomü-o, obhülü titima-a akoto me u nde abedhe ne djali bedhe. Padhá de, anga Ebhe au ndjindji me u zu likabhu ngubula

'li Yesu. ⁴² Ekpí bini ne bini hana, u adú bha nasuno di ne nakpokpo Bádha Ngali gba Yesu Masiya bhú 'ngbé 'ti Ebhe di ne bhú otí gba o-o.

6

U alo okpála mananika ngú nateteke obhúlú titima gba Yesu

¹ Li nedhinga ango-o, omakpata adú akolo bhelé. Engú bini, omaYuda inde adú nadi eli na gilike, atsia aholo nadi mutokono li obhende adú nadi eli na ebele-o. U adú apa me: «Ndú 'kpí hana nedhinga nagapa 'zu-o, u ngaha ezú pi ookesi na libi gba ya-a ndjindji ade.» ² Abhomú-o, obhúlú titima ndjikpa ne ká bhisi gba Yesu-o apékebhé bhúla ndú omabhuka hana. U atsia apa pi uo me: «A ayo de me ya 'o ká nakpokpo eli gba Ebhe-e ngú nagapa 'zu-o de. ³ Kaka-a, ondaise ya, yi gili okpála mananika inde li okpála ngaziba o ndjindji, inde abedhe ne Bu Bhopua di ne imbilangú bhú ká yi, amba ya ha kulu bhomú-o pi uo. ⁴ Abhomú-o ngaya-a, ya tí da naha ndú nedhinga gba ya-a hana ngubula nayo di ne nakpokpo Bádha Ngali gba Ebhe-o.»

⁵ Ndú okpála hana aziba engú inde li obhúlú titima apa e ko. Abhomú-o, u alo Etieni, kpála inde abedhe ne nabhuka di ne Bu Bhopua, ne Filipo, ne Polokole, ne Nikanola, ne Timoni, ne Palamenasi, ne Nikola, kpála na kuti na Atiokia inde abhuka nani Ebhe gba omaYuda ko.* ⁶ U anú ne uo kala obhúlú titima. Abhomú-o, obhúlú titima a'o 'kpa o pi uo, u atsia ayo Ebhe pi uo.

⁷ Eli gba Ebhe-e adú bha naya ne kalanu. Abhomú-o, alo gba omabhuka atsia adú a'u ne bhúla naali bhú Yelusalema. Odimande gba Ebhe bhelé atsia abhuka di.

U aholo Etieni

* **6:5** 6:5 Nabhuka Ebhe gba omaYuda: A akunda napa me okpála koko, inde ne omaYuda ade-e, adji nani bua o, u atsia abhuka Ebhe gba omaYuda-o. Nikola inde-e, atsia abhuka di nani Yesu.

⁸ Etieni abedhe nani ne angu ka bádha bhú 'bu gba Ebhe. Abhomú-o, ani atsia adú amene ongbengbe 'ngú di ne ongú na ngangamba bhú ká okpála. ⁹ Okpála koko ago ngú namene kpekebhé ne Etieni. Bhú ká uo-o, okoko adú okpála inde adú apo bhúla o bhú eti nadje lili gba Moidje, inde u a'i e me «Eti nadje lili gba okpála inde aze bhú bali-o.» Okoko ayie nani bhú gudhú na Silene, ne bhú gudhú na Alekidjandili, ne bhú ndu doto na Silisia di ne bhú ndu doto na Adjia. ¹⁰ Engú bini, imbilangú gba uo ti nani da nakolo li bhe gba ani-e de. Padhá de, anga ani adú agama 'ngú ne imbilangú di ne angu inde li Bu Bhopua adú aha e pi ani ngae ko.

¹¹ Abhomú-o, u aha tia pi okpála, amba u pa eu li ani me: «Ya adje ani me ani nde ngasobho Moidje di ne Ebhe!» ¹² U amene moko ngubula me okpála, ne obhelesi okpála di ne omusuno na lili-e, bi 'gú ngú Etieni. Pipita-a, u aze li Etieni, u aholo ani. U atsia anú ne ani kala Libi okpála natsia 'kpí li 'ngú gba omaYuda ko. ¹³ Oo, u anú di ne okpála inde adú apa 'ngú li Etieni ne eu. Okpála ango-o atsia adú apa me: «Kpála inde-e, ndú 'kpí hana, ngapa bha bini 'ngú sisiti li kute 'ngbé 'ti Ebhe na bubu gba ní, di ne li kute lili gba Moidje-o. ¹⁴ Ya adje ani me ani nde ngapa me: <Yesu ango-o, kpála na Nadjaleta, abhélo 'ngbé 'ti Ebhe inde, ani tsia djí di odasundú inde ya asia e ka Moidje ko.» ¹⁵ Ndú okpála inde adú bhú 'ti oo hana abanga djila o li Etieni. U atsia au me bhúla ani adú asú maka bhúla andjelu .

7

Etieni akpokpo 'ngú kala okpála

¹ Abhomú-o, bhele kpála gba odiemande ayi Etieni me: «Engú inde u ngapa e li mu bhomú-o, a ko bha

ndju kukulu 'ngú?» ² Etieni atsia agie me: «Odyi ma di ne ondaise ma, yi djedje nga! Ebhe na sangu akoto nani li ogbi ni Abalahama bhú ndu doto na Medjopotami kala me ani nu nasi kuti bhú ndu doto na Alana. ³ Ani atsia apa pi ani me: <'O ká doto gba mu di ne piga gba mu-o, amba mu nu bhú doto inde ma asúno e pi mu ko.†>

⁴ Abhomu-o, Abalahama ayie bhú doto gba oKaladea, ani atsia anu nasi kuti bhú Alana. Pita li 'dyi ani akpi lie, Ebhe a'e ani bhú Alana, ani atsia ago a'o ani bhú doto yi nde bhú e mbia inde-e ko. ⁵ Ebhe ha nga nani edyi pi ani si de, belegu de mboye bili na'o 'dhú e ka ani téte. La-a, ani atsia apa nani pi ani kalanu me: <Ma ahá doto inde-e pi mu, li ongisi gba mu-o* tsia tígala ne di pita mu-o ngao.› La-a, li nedhinga bhomu-o, ndili du nga nani ka ani de.

⁶ Ebhe apa pi ani bhomu-o me: <Ongisi gba ongisi gba mu-o anu adulu bhú doto na gandji gandji. Oo, u akólo obalise gba okpála na doto ango-o. Li okpála ango-o méne uo sisiti ngubula kalanga kámá badha.›

⁷ La-a, Ebhe apa matá di me: <Ma akódho 'ngú gba okpála inde u akólo obalise pi o-o ngama. Pipita-a, u zé oo, u tsia gó dí adhégé ma li bili inde.†> ⁸ Abhomu-o, Ebhe atsia akodho gandja ne Abalahama. Li Abalahama azu Isaka lie, ani atsia ato ani bhú gandja bhú 'kpí na madjina nayie li 'kpí u azu ani lie-o. Isaka amene bhadi moko pi Yakobho. Yakobho atsia amene bhadi moko pi onguo ogbi ni ndjikpa ne ká bhisi-o.

⁹ Pipita-a, onguo ogbi ni ango-o adje siti bua naali pi Djodjefu, ndindili pita o-o. Abhomu-o, u atsia atsindji ani me u nu ne ani bhú bali bhú Edjipeto. La-a, Ebhe adu bhú dabili bini ne ani. ¹⁰ Ebhe agbegbe Djodjefu bhú likabhu gba e hana.

† 7:3 7:3 Tsia bhú Dje. 12:1. * 7:5 7:5 Ongisi gba mu: A akunda napa me ongisi gba ani na obhosibhosí. † 7:7 7:6-7 Tsia bhú Dje. 15:13-14.

Ani asuno bádha bhú 'bu gba e pi ani ne imbilangú, ani atsia amene di me engú gba ani-e du anga li Falao, 'ngbé ngámá na doto na Edjipeto-o naali. Abhomu-o, Falao atsia a'o ani ngámá pi 'ndji Edjipeto di ne pi 'ndji eti gba e libhomu.

¹¹ Pipita-a, adyindi atsia ali bhú Edjipeto libhomu di ne bhú doto na Kanana. Likabhu adu naali. Kaka-a, onguo ogbi ni du asia ehe nazú mazu de. ¹² Li Yakobho adje lie me ehe nazú mazu bhú Edjipeto-o, ani atsia atima ongisi gba e, onguo ogbi ni oo bhutsibhútsi na bini. ¹³ U anu lie bhutsibhútsi na bhisi-e, Djodjefu atsia asuno lie pi ondaise e. Abhomu-o, Falao atsia ambila piga gba Djodjefu-o. ¹⁴ Pipita-a, Djodjefu atima okpála me u nu ha 'dyi ni Yakobho ne piga gba e hana. U adu nani ndu o hana okpála ndjikpa mananika ne ká bhuluvue. ¹⁵ Abhomu-o, Yakobho anu bhú dabili bini ne ongisi gba e, onguo ogbi ni, bhú Edjipeto. U atsia amu oo. ¹⁶ U abha kuo uo anu ne di bhú gudhú na Sikeme. Abhomu-o, u atsia azi bhú lata inde li Abalahama akala nani e ka ongisi gba Emola bhú Sikeme-o.

¹⁷ Li nedhinga akolo lie masikpe ngubula me Ebhe mene engú inde ani apa nani e kalanu me ni améne e pi Abalahama, piga gba ni-e abe ndu e. Okpála atsia akolo bhelé bhú Edjipeto. ¹⁸ Pipita-a, ngámá koko aholo nau bhú Edjipeto. Ngámá ango-o mbila nani engú gba Djodjefu-o de. ¹⁹ Ani apite okpála gba ni-o, ani atsia amene onguo ogbi ni sisiti. Ani aholo uo ne kpéke me u 'o ká ongisi na ndjendje gba o-o, amba ongisi ango-o mu. ²⁰ Li nedhinga bhomu-o, u azu Moidje. Ani adu babadha naali bhú djila Ebhe. U akú ani epe bata bhú 'bu 'ti gba 'dyi e. ²¹ Li u a'o ká ani lie, ndili na œele gba Falao aha ani, ani atsia akú ani

maka ndili gba e makpe. ²² U asuno ndu imbilangu hana gba okpala na Edjipeto pi Moidje. Ani atsia akolo kpekpeke bhú nagama 'ngú di ne namene 'he.

²³ Li Moidje akolo lie ne kalanga ndjikpa badha-a, ani atsia abhundja li bua e me ni nu tsia ondaise ni, omaſsalaele. ²⁴ Oo, ani au me maEdjipeto bini ngamene suka omaſsalaele sisiti. Abhomu-o, ngú nagie siti 'ngú bhomu-o, ani atsia abhélé maEdjipeto ango-o. ²⁵ Moidje adu abhundja naae me ondaise ni omaſsalaele ambila me Ebhe alo ni ngú nakobho o. Engú bini ngauo-o, u mbila la mo-o de. ²⁶ Li ekpi aseke lie, Moidje abhaka me omaſsalaele bhisi nde ngagu gbele súnda o. Abhomu-o, ani akunda nayoko uo. Do ani de-e: <Wai, yi ne ondaise. Yi ngamene liyi sisiti ka ni?> ²⁷ Engú bini, kpala bhende adu amene kili e sisiti-e andjimba Moidje, ani atsia apa me: <A ko da inde a'o mu ngámá di ne kpala nakodho 'ngú gba ya-a? ²⁸ Mo okunda nabhéle ma, maka mo obhéle lili maEdjipeto lie?†> ²⁹ Li Moidje adje eli bhomu-o lie, ani ayie bhú Edjipeto, ani akpe, ani atsia anu adu bhú doto na Madiana. Oo, ani azu ongisi na obhosibhosí bhisi.

³⁰ Pi ta kalanga ndjikpa badha-a, andjelu bini akoto li Moidje bhú mili bili dengo eta na Sinai. Andjelu ango-o akoto li ani bhú djua me a nde ngatsi bhú tsá 'pó. ³¹ Ani angamba naali ka engú inde ani au e-o. Nedhinga ani adu adyudyo lie lie masikpe ngú natsitsia-a, ani atsia adje 'li Ngámá apa me: ³² <Ma ne Ebhe gba onguo ogbi mu, Ebhe gba Abalahama, Ebhe gba Isaka, Ebhe gba Yakobho.†> Moidje aholo nagukú ka tsulú, ani le natsitsia de. ³³ Abhomu-o, Ngámá atsia apa pi ani me: <Pandja maleké bhú 'dhú mu, anga bili mo olu lie inde-e, a ko bili na bubu. ³⁴ Ma au maka u

ngato mbolo li okpala gba ma bhú Edjipeto lie au. Ma atsia adje la di maka u ngalopolo lio lie adje. Ma ago ngú nagbegbe uo bhú bali angoo. Mbía inde-e, ma ngatima mu bhú Edjipeto, nunu.†>

³⁵ A ko Moidje inde li omaſsalaele ayala e, inde u apa pi e me: <A'o mu ngámá di ne kpala nakodho 'ngú gba ya-a da?> Ebhe atima ani me ani du ngámá di ne mukobho. Andjelu apa pi ani li nedhinga inde ani akoto li ani lie bhú tsá 'pó inde adu atsi ko. ³⁶ Moidje agbegbe omaſsalaele bhú doto na Edjipeto ngae. Ani amene ongú na ngbeng-bengbe di na ngangamba bhú doto ango-o, bhú 'ngbé 'ngu na Membé di ne bhú 'gu. Ani amene ongú ango-o bhú kalanga ndjikpa badha. ³⁷ A ko matá bhadi Moidje inde apa pi omaſsalaele me: <Ebhe agbé polofeta pi yi maka ma bhú ká ondaise yi.†> ³⁸ Li onguo ogbi ni apekébhé bhúla o lie bhú 'gu-o, Moidje adu oo. Ani adu bhú dabili bini ne onguo ogbi ni. Ani adu la di bhú dabili bini ne andjelu inde adu agama 'ngú pi ani apí 'ta na Sinai-o. Ani asia eli na mukobho-o ngú nakpokpokpo pi ni ngae.

³⁹ Engú bini, onguo ogbi ni du amene líli gba ani-e de, u adu ayala ani. Abhomu-o, u adu akunda nagie lio bhú doto na Edjipeto. ⁴⁰ U apa pi Alona me: <Bho oebhe pi ya, amba u du adholo kala ya. Padhá de, anga Moidje inde-e, inde apandja ya bhú doto na Edjipeto-o, ya mbila engú inde akolo li ani-e de.>† ⁴¹ Abhomu-o, u abho kulu ndili bagala, bhú oekpi bhomu, u atsia atsulu enu pi ani. U amene anokomia kabula ehe inde u abho e ne 'kpa o-o. ⁴² Engú bini, Ebhe adjí 'ngbu e li uo, ani atsia a'o uo me u dhége oikupala, maka u aye lie bhú bhuku gba opolofeta me: <Ngayi okpala na Isalaele-e, yi at-

† 7:28 7:27-28 Tsia bhú Eki. 2:14. † 7:32 7:32 Tsia bhú Eki. 3:6. † 7:34 7:33-34 Tsia bhú Eki. 3:5, 7, 8, 10. † 7:37 7:37 Tsia bhú Det. 18:15, 18. † 7:40 7:40 Tsia bhú Eki. 32:1.

sulu nani oenu muma uu?
 Yi aha la di oehe koko muma uu
 sunda kalanga ndjikpa badha
 bhú 'gu-o?

A mo-o ade.

⁴³ Yi abi mangbo wema gba ebhe
 Moloko,
 di ne kulu ikupala gba ebhe gba
 yi Lefana-o.

A bhomu-o kulu oehe na padhá
 padhá, inde yi abho o ngubula
 nadhége o-o.

Kaka-a, ma ambá yi tsutsu nane
 Babilona mane.[†]

⁴⁴ Onguo ogbi ní, bhú 'gu-o, adu
 nani ka uo ne 'ti ngbangbali li Ebhe
 adu asuno lie bhú e-o. Moidje abho
 nani maka bhende li Ebhe asuno
 nani e pi ani-o. ⁴⁵ Abhomu-o, u
 atsia aha 'ti ngbangbali ang-o-o pi
 ongisi gba onguo ogbi ní, inde adu li
 nedhinga li Djodjue adu lie ngámá-o.

U atsia adu ali ne di bhú odoto gba
 opiga inde li Ebhe ato nani holo bhú
 'dhu o kala uo-o. U adu oo akolo bhú
 nedhinga gba 'ngbé ngámá Davidi.

⁴⁶ Engú gba Davidi inde asia nani
 bádha bhú 'bu gba Ebhe-e, adu bhú
 djila Ebhe ndjindji. Ani atsia ayo
 nani kpadji me ni yiki eti pi Ebhe
 gba Yakobho. ⁴⁷ Engú bini, Salomo,
 ndili gba Davidi-e, ayiki mangbo
 nani eti pi ani ngae. ⁴⁸ La-a, Ebhe
 Apí 'Kpí dudu bhú 'ti inde li okpála
 ayiki e ne 'kpa o-o de. Maka li
 polofeta apa lie me:

⁴⁹ «Ngámá apa me: ekpí ne dabili na
 ngámá gba ma-o.

Doto ne dabili na sa 'dhu ma.
 Mangua 'ti dho yi ayiki e muma?

Bili ma agúo lie su?

⁵⁰ Ma bho ndu 'he bhomu-o hana
 ngama di?»[†]

⁵¹ Pipita-a, Etieni atsia apa me:
 «Ngayi-e, yi ne okpála na kpekpeke
 'ndji! Bua yi agbigbite lie, 'dje
 yi atsia anini! Ndu 'kpí hana yi
 ngamene kpekebhé ne Bu Bhabua
 maka onguo ogbi yi! ⁵² A ko polofeta

[†] 7:43 7:42-43 Tsia bhú Ams. 5:25-27. [†] 7:50 7:49-50 Tsia bhú Isa. 66:1-2. [†] 7:58 7:58 Saulo:
 A ko 'ili na ebele. Polo: a ko 'ili na gili. U aholo na'i ani me Polo li nedhinga ani aholo nakpokpo
 Bádha Ngali lie pi ogandji okpála ko.

bhedho inde li onguo ogbi yi to
 mbolo li e de-e? U abhéle belegu
 obhende akpokpo 'ngú pindji nago
 ka Kpála na Ngingbingbili-o. Mbia inde-
 e, kpála ang-o-o, yi apu ani, yi atsia
 abhéle ani. ⁵³ Ngayi okpála inde asia
 lili gba Ebhe-e ka oandjelu-o, engú
 bini, yi mene la lili ang-o-o de!»

U abhéle Etieni

⁵⁴ Li okpála inde adu li bili
 nakodho 'ngú-o adje engú li Etieni
 apa e lie, u abi 'gú li bua o. U
 atsia aholo nazu tate o ngubula ani.

⁵⁵ Engú bini, Etieni inde adu me ani
 inde abedhe ne Bu Bhabua-a, atsia
 'kpí ne abhélá, ani au zi Ebhe. Ani
 atsia au di Yesu me ani nde alu li
 pá 'kpa na kokpa gba Ebhe-o. ⁵⁶ Ani
 atsia apa me: «Yi djedje nga! Ma au
 kokpí abhulu lie, Ndili gba kpála alu
 li pá 'kpa na kokpa gba Ebhe!»

⁵⁷ Ndu okpála hana inde adu oo
 adje engú bhomu-o lie, u asula ne
 'ue kpekpeke, u anini 'dje o. U anu
 ndu o hana bhú dabili bini, u atsia
 atuko pi Etieni. ⁵⁸ U agbe ani bhú
 gudhu-o, u atsia aholo natutulu ani
 ne oteme ngú nabhéle ani. Okpála
 inde adu apa 'ngú li ani ne eu-o,
 abhú nani makombi bini. U atsia
 abu obongo gba o-o bhú li 'dhu ani
 ngú nalilila. A adu 'li makombi
 ang-o-o me Saulo.[†] ⁵⁹ Nedhinga u
 adu atutulu Etieni lie ne teme ngú
 nabhéle ani-e, ani atsia ayo Ebhe
 me: «Ngámá Yesu, ha bua ma
 haha!» ⁶⁰ Abhomu-o, ani akikita
 lipuku e kuto, ani asula kpekpeke
 me: «Ngámá, mo otsia siti 'ngú gba
 uo-o de!» Pita ani apa 'ngú bhomu-o
 lie, ani atsia andala 'kpa li bua e.

8

¹ Abhomu-o, Saulo atsia aziba me
 u bhele Etieni.

*U aholo nato mbolo li okpála na
 Piga gba Ebhe*

Bha li 'kpí ango-o, u aholo nato mbolo naali li okpála na Piga gba Ebhe na gúdhú na Yelusalema. Ndú omabhuka hana akpe, naneke bha bini obhúlú titima gba Yesu-o . U atsia atsambala bhú ndu doto na Yudaya ne bhú ndu doto na Samalía.

² Okpála koko bhende adú akpe Ebhe-e aku 'gbá Etieni naali. U aha kuo ani, u atsia anú azi. ³ La-a, Saulo aholo nato mbolo li Piga gba Ebhe-e ngú nabhebhélo. Ani adú nali bhú 'tí bini ne bini. Ani adú napandja omabhuka, olisi di ne obhosí, ani atsia adú namba uo bhú tikpú.

Filipo akpokpo Bádha Ngali bhú Samalía

⁴ Omabhuka inde atsambala adú anú ne ndú bili hana me u nde ne kpokpo Bádha Ngali . ⁵ Abhomú-o, Filipo anú bhú súka gúdhú bini na Samalía. Oo-o, ani atsia akpokpo ngali gba Masiya-o . ⁶ Okpála bhelé ne bua bini abhuka 'li Filipo. Padhá de, anga u adú adje ngali ongú na ngangamba inde ani adú amene e-o. U atsia adú la di auu ne djila o. ⁷ Osisiti bua bhelé aze bhú okpála. Osisiti bua ango-o adú aze me u nde ngatú 'ue kpekpeke. Okpála bhelé inde adú odúkuto, di ne obhende adú ne eze li 'dhú o-o, atsia akobho. ⁸ Abhomú-o, djali atsia adú naali bhú gúdhú ango-o.

⁹ Kpála bini adú nani bhú gúdhú ango-o, a adú 'li ani me Simo. Nayie didili naali, ani adú amene 'ngú na mambengú mambengú. Ndú okpála hana na ndu doto na Samalia adú angamba ka ani naali. Ani atsia adú apa me ni ne 'ngbé kpála. ¹⁰ Ndú okpála hana adú aha lio ngú nadje ani, nayie li okpála na padhá, akólo li okpála na ngbengbengbe. U adú napa me: «Kpála inde-e, a ko angu gba Ebhe, angu inde u a'i e me «Angu na ngbéngbé.»» ¹¹ U adú nakpata ani, anga nayie didili naali, ongú na mambengú gba ani-e adú angamba uo naali. ¹² Engú bini, li Filipo adú akpokpo Bádha Ngali Naú gba

Ebhe , di ne Yesu Kilisito lie pi uo-o, olisi ne obhosí abhuka. Pipita-a, u atsia asia batísimo. ¹³ Simo abhuka belegú di ngae, ani atsia asia batísimo. Ani du matá nayie de Filipo de. Ani adú nangamba naali li oehe di ne ongamba 'ngú na ngbengbengbe inde li Filipo adú namene e-o.

¹⁴ Obhúlú titima gba Yesu abhú gúdhú na Yelusalema adje me okpála na ndu doto na Samalía asia eli gba Ebhe-o . Abhomú-o, u atima Piele di ne Djaa pi uo. ¹⁵ U akolo lie bhú ndu doto na Samalia oo, u atsia ayo Ebhe pi uo ngúbula me u sia Bu Bhabua . ¹⁶ Padhá de, anga Bu Bhabua ke nga naní pi súka uo bini de. U asia nga bha naní batísimo ne 'li Ngámá Yesu. ¹⁷ Abhomú-o, Piele ne Djaa a'o 'kpa o pi 'ndjí uo, u atsia asia Bu Bhabua.

¹⁸ Simo au me Bu Bhabua ake pi okpála inde li obhúlú titima a'o 'kpa o pi 'ndjí o-o. Abhomú-o, ani ago ne tia me ni ngaha makiso pi Piele ne Djaa. ¹⁹ Do ani de me: «Yi ha di angu ango-o múma, amba kpála bhende ma a'o 'kpa ma pi 'ndjí e, ani de sia Bu Bhabua.» ²⁰ Engú bini, Piele agie pi ani me: «Siti de bhaka bhado bha mú bhú dabili bini ne tia gba mú-o! Padhá de, anga mo obhundja me mú ti da nakala ehe inde li Ebhe ngaha e padhá-a ne tia. ²¹ Ndú 'ngú inde ngakodho 'kpí inde-e hana, a pi mú ade. Mú ti la di da nali bhúbhú de. Padhá de, anga bua mú kala Ebhe ngbingbili ade. ²² La-a, dji bua mú ka siti 'ngú inde mo obhundja e li bua mú ko. Yo ka Ngámá ngúbula me, i du me ani nde akúnda-a, ani de 'e siti 'ngú ango-o. ²³ Padhá de, anga ma au me mo obedhe bhú mú ne gúmu 'he. Mú la di bhú 'kpí gba siti.» ²⁴ Abhomú-o, Simo apa pi Piele ne Djaa me: «Ngayi makpe-e, yi yo mangbo Ngámá ngú ma ngayi, ngúbula me ngua 'ngú yi apa e bhomú-o, akólo li ma de.»

²⁵ Pipita-a, Piele ne Djaa akpokpo ongú inde li Ngámá Yesu amene e

lì djila uo-o. U asuno eli gba ani-e pi okpála. Abhomu-o, u atsia agie lio bhú Yelusalema. Li kpadji-e, u akpokpo Bádha Ngali bhú okuti bhéle na ndu doto na Samalia.

Kpála bini na Etiopi adji bua e

²⁶ Pipita-a, andjelu bini gba Ngámá-a apa pi Filipo me: «Yie bhúlá, amba mu ke li pápá na yoyoko, li kpadji inde ayie bhú gúdhú na Yelusalema, atsia aké bhú Gadja ko. Kpadji ang-o apu bhú mili bili.» ²⁷ Abhomu-o, Filipo ayie bhúlá, ani atsia aholo ne enú li kpadji ang-o. Li kpadji-e, bhoko bini akoto. A adu nani eniki,* 'ngbé kpála na doto na Etiopi. Ani adu nalila ndu tia hana gba Kandase, ngámá na oele na Etiopi-o. Ani anu nani bhú Yelusalema ngú nadhege Ebhe, ²⁸ ani atsia adu nagie lie agba e. Ani adu kuto bhú kpulukpulu gba e-o. Ani atsia adu natanga bhuku gba polofeta Isaya.

²⁹ Bu Bacobua apa pi Filipo me: «Nu de kpulukpulu bhomu, amba yi nu ne bhúbhúlu-o.» ³⁰ Filipo anu bhú holo, ani atsia adje kpála na Etiopi bhomu-o ngatanga bhú bhuku gba polofeta Isaya. Abhomu-o, Filipo ayi ani me: «Engú inde mu ngatanga e bhomu-o, mu ngadje tata-a uu?» ³¹ Kpála ang-o agie me: «Ma ambíla la tata-a lele pi, i du me kpála nde kpokpo kúkú mu-ma de-e?» Abhomu-o, ani a'i Filipo me ani 'u bhú kpulukpulu-o, amba ani du de ni. ³² Eli inde ani adu atanga e bhú bhuku gba Isaya ngae inde: «U adu nanu ne ani maka kandélé inde u adji nabhél-e, maka ndili kandélé inde agbite 'bhé e li nedhinga u ngaka su ani lie-o. Ani 'u 'bhé e de. ³³ U aké ani ne kuto, u kodho 'ngú gba ni-e ngbingbili de. A ko da inde i ti da napa 'ngú gba ongisi gba ani-e?

* ^{8:27} 8:27 Eniki: A ko bhoko inde i ti da nakunda ele de, anga angu na bhoko bhú ani ade. Tsia bhú Mat. 19:12. † ^{8:33} 8:32-33 Tsia bhú Isa. 53:7-8.

Padhá de, anga u a'e mu-kobhó gba ani-e píla doto a'e.†»

³⁴ Bhoko na Etiopi ang-o ayi Filipo me: «Ma ayo ka mu me pa nga mu-ma: polofeta ngapa 'ngú bhomu-o li da? Ne me ani ngapapa li e, ne me ani ngapapa li kpála koko?»

³⁵ Abhomu-o, Filipo aholo na'o'o tata pi ani li Bádha Ngali gba Yesu-o nayie li Eli inde ani adu atanga e-o.

³⁶ U adu anu lie li kpadji-e, u akolo li bili bini, adu oo ne engu. Abhomu-o, 'ngbé kpála ang-o apa pi Filipo me: «Tsia nga engu ii! Nasia batisimo ka ma-a, a adha mbia inde-e li ni?» [³⁷ Filipo atsia apa pi ani me: «I du me mu nde abhuka ne bua mu hana-a, mu ti da nasia batisimo.» Kpála ang-o agie pi ani me: «Ma abhuka me Yesu Kilisito ne Ndili gba Ebhe.»] ³⁸ Abhomu-o, ani atsia apa me kpulukpulu-o lulu. Pipita-a, ndu uo bhisi hana, Filipo ne kpála ang-o, aké bhú 'ngu. Filipo atsia abatisa ani. ³⁹ Li u aze lie bhú 'ngu-o me-e, Bua gba Ngámá-a atsia adhepe Filipo. Kpála na Etiopi u matá ani de. Kpála na Etiopi ang-o aholo bha ibili enú kpi e kpi me ani nde ngakpi djali. ⁴⁰ La pi Filipo-o, u anu au bha ibili ani bhú gúdhú na Adjota. Pipita-a, ani apu bhú ndu ogúdhú hana me ani nde ngakpokpo Bádha Ngali akólo bha bini li nedhinga ani akolo lie bhú Sedjale ko.

9

Saulo adji bua e

(Tsia bhú Kul. 22:6-16, 26:12-18.)

¹ Li nedhinga bhomu-o, Saulo adu nagili omukpata gba Ngámá Yesu ngú nabhili uo. Ekpí koko ani anu nabhaka bhele kpála gba odimande gba Ebhe-o. ² Ani anu nayo balua me ni nu ne di ngú nali bhú otí nadje líli gba Moidje inde bhú gúdhú na Damasi. Ni nu oo, amba i du me ni nde abhaka okpála inde ngakpata

'ngú gba Yesu-o, obhosí di ne olisi, ni de holo uo, amba ni nü ne uo bhú gúdhú na Yelusalema.

³ Nedhinga aní adú anú lie, aní akolo lie de Damasi masíkpe-e, má gala kolo me-e, zi 'kpí bini ayie abhúlá, a ago asa ngo aní ngbalina.

⁴ Aní atsokodho atí kuto má ngbi! Aní atsia adje eli bini apa pi aní me: «Saulo, Saulo, mū ngato mbolo li ma ngú ni?» ⁵ Abhomú-o, Saulo atsia ayi me: «Ngámá, a ko mū da?» Eli atsia akoto matá pi aní me: «A ko ma Yesu, mū ngato mbolo e li ma.

⁶ La-a, yie bhúlá yiyie, amba mū nü bhú gúdhú. Engú inde ayo me mū mene e-e, u apá pi mū oo ko.»

⁷ Okpála inde adú anú ne aní bhú dabili bini-e alulú. Bhú 'bhé uo akpina má ndje ka tsulú. U adú adje eli, engú bini, u dú au kpála inde adú agama 'ngú-o de. ⁸ Abhomú-o, Saulo ayie bhúlá, aní abhulu djila e, engú bini, aní u la 'kpí de. U atsia aholo 'kpa aní ngú nanú ne aní bhú Damasi. ⁹ Oo, aní amene ngbolo 'kpí bata. Aní u 'kpí de, aní zu 'he de, aní ndjí la di ehe nandji mandji de.

¹⁰ Múkpata bini adú bhú Damasi oo, a adú 'li aní me Anania. Ngámá a'i aní bhú ehe maka loto me: «Anania!» Anania atsia abhuka me: «Ma ii, Ngámá!» ¹¹ Abhomú-o, Ngámá atsia apa pi aní me: «Mbíá inde-e, a ayo me mū nü li kpadji inde u a'i e me Ngbili kpadji bhú 'ti gba kpála bini inde u a'i e me Yuda. Yi Saulo, kpála na gúdhú na Talasi. Li nedhinga inde-e, aní ngayo Ebhe. ¹² Aní atsia au bhú 'he maka loto kpála bini, inde 'li e me Anania, ali bhú 'ti nganda ni. Kpála ango-o atsia a'o 'kpa e pi 'ndjí aní ngú napa me aní u matá 'kpí.»

¹³ Anania atsia agie me: «Ngámá, okpála bhelé apa 'ngú mūma pindji bhoko bhomú. Ma mbíla la di ndú siti 'ngú hana inde aní amene e li kute okpála na bububu gba mū bhú Yelusalema-o. ¹⁴ Ongbengbe odiemande aha la di kpadji pi aní me aní

go ei ngú naholo ndú okpála hana inde ngabhuka mū-o.» ¹⁵ Engú bini, Ngámá apa pi aní me: «Núnu, anga bhoko bhomú-o, ma abhú aní ngú kulu gba ma-o. Aní anú nakpokpo engú gba ma-a pi opiga inde i mbíla ma de, pi ongbengbe ongámási gba uo, di ne pi omałsalaele. ¹⁶ Ma asúno pi aní, ngama makpe, ndú likabhu hana inde a ayo me aní zu e kabula 'li ma-o.»

¹⁷ Abhomú-o, Anania anú, aní ali bhú 'ti oo, aní abhaka Saulo, aní a'o 'kpa e pi aní. Aní atsia apa me: «Ndai ma Saulo, Ngámá atima ma ngae. A ko Yesu inde akoto li mū li kpadji nedhinga mo odu nago lie-o. Aní atima ma, ngubula me mū u matá 'kpí, amba mū bedhe di ne Bu Bhabua.» ¹⁸ Kolo má gala me-e, ehe maka kudhú 'he ayie bhú djila Saulo, abala kuto. Aní atsia aholo nau matá 'kpí. Abhomú-o, aní ayie bhúlá, aní atsia asia batisimo. ¹⁹ Pípita-a, aní azú 'he, aní atsia asia angú.

Saulo akpokpo Bádha Ngali bhú gúdhú na Damasi

Saulo amene mbo ekpí bhú dabili bini ne omúkpata na Damasi.

²⁰ Kolo má gala me-e, aní aholo nakpokpo pi omaYuda bhú oeti nadje líli gba Moidje me Yesu ne Ndili gba Ebhe. ²¹ Ndú okpála hana inde adú nadje aní-e adú angamba naali. U adú nayi me: «A inde-e bhulú nato mbolo li okpála inde ngabhuka Yesu abhú gúdhú na Yelusalema di? Aní go nako e ngú naholo uo, di ne nanú ne uo pi ongbengbe odiemande gba Ebhe di?»

²² Engú bini, Saulo adú akolo ne angu bhú nasuno. Aní adú asuno mbámbá pi omaYuda na Damasi me Yesu ne Masiya. Kaka-a, u dú nambila matá engú inde u agié e pi aní-e de.

²³ Pita ekpí bhelé, omaYuda adje lio me o bholé Saulo. ²⁴ Engú bini, Saulo ambíla siti mabhundja gba uo-o. U atsia adú di nalila obhoti na

gudhu-o sukpe ne ngbikpi ngubula nato ani, amba o bhelé ani. ²⁵ Sukpe bini-e, ngaani ne omukpata gba e, u anu li malilisa na aga na gudhu-o. U ato ani bhú kili, u atsia aké ani ne di kuto akilidjo.

Saulo bhú gudhu na Yelusalema

²⁶ Li Saulo akolo lie bhú Yelusalema-a, ani adu nale nagbite lie li omukpata, engú bini, ndu uo hana adu nadje tsulu. Padhá de, anga u du nabhuka de me a ko ndju kükülu mukpata-a de. ²⁷ La-a, Balanabasi anu aha Saulo, ani atsia anu ne ani pi obhulu titima gba Yesu-o. Oo, Balanabasi akpokpo pi uo maka li Saulo au Ngámá Yesu lie li kpadji, di ne maka li Ngámá agama 'ngú lie pi ani-o. Ani atsia akpokpo di maka li Saulo du nasuno 'ngú lie ne tsulu de ne 'li Yesu bhú Damasi-o. ²⁸ Abhomu-o, obhulu titima atsia aziba Saulo. Nayie li nedhingga bhomu-o, Saulo du matá na'o ká obhulu titima-a de. U adu adhukú bhú Yelusalema bhú dabili bini. Ani tsia du nasuno ne 'li Yesu ne tsulu de. ²⁹ Ani adu di nasuno pi omaYuda inde adu nadi eli na giliki-o, ani atsia adu namene kpekebhé ne uo. Engú bini, ngauo-o, u adu agili nabhele ani. ³⁰ Li ondaise Saulo, omabhuka adje lie, u anu na'o Saulo bhú Sedjale. Oo, u atsia atima ani bhú Talasi.

³¹ Abhomu-o, omabhuka bhú ndu doto na Yudaya, bhú ndu doto na Galilaya, di ne bhú ndu doto na Samalia libhomu adu bhú guo 'ngú. U adu akolo kpekpeke bhú nabhuka. U adu amanga Ngámá mamanga. U atsia adu nabe ndu o, ka angu gba Bu Bhopua.

Piele akobho Ene

³² Piele adu napu ne ndu bili hana. Abhomu-o, ekpí bini, ani anu natsia omabhuka inde adu bhú gudhu na Lida-o. ³³ Oo-o, ani abhaka bhoko bini, a adu 'li ani me Ene. Sunda kalanga madjina, ani adu me ani nde asi kuto pi kalagba gba e-o.

Padhá de, anga adu nani dükuto. ³⁴ Li Piele au ani lie, ani atsia apa pi ani me: «Ene, Yesu Kilisito akobho mu mbia inde akobho! Yie bhúlá, amba mu leke dabili gba mu-o, ngamu makpe.» Kolo má gala me-e, Ene ayie bhúlá. ³⁵ Ndú okpála hana na Lida, di ne egú na Salona au lie mo-o, u adji bua o, u atsia abhuka Ngámá

Piele azuku Tabita

³⁶ Li nedhingga bhomu-o, mukpata bini na ee'lé adu nani bhú gudhu na Djope, a adu 'li ani me Tabita (bhú eli gba oGiliki-e me «Dolokasi», a akunda napa me «gbelende»). Ani adu amene obabadha 'ngú, ani atsia adu ateteke di obhulu ndibhili ndu 'kpí hana. ³⁷ Ekpí bini, ani asi kuo, ani atsia akpi. U aválu kute kuo ani, u atsia a'o bhú tina 'ti bini abhúlá.

³⁸ Gudhu na Lida masikpe de gudhu na Djope. Kaka-a, li omukpata adje lie me Piele bhú Lida-a, u atsia atima okpála bhisi ngú napa pi ani me: «Kikiliako, ya ayo ka mu me go nga gba ya ei má gala!» ³⁹ Piele ayie bhúlá kolo má gala, ani atsia anu bhú dabili bini ne okpála inde u atima o-o. Ani akolo lie oo-o, u anu na'o ani bhú tina 'ti inde abhúlá-o. Ndú oekesi hana na gudhu angó-o ago de Piele me u nde ngaku 'gbá. U adu asuno obongo na mbulu, di ne okoti inde li Tabita adu amene e nedhingga ani adu lie bhú mukobho-o pi ani.

⁴⁰ Piele apandja ndú okpála hana kilidjo, ani akikita lipukú e kuto, ani atsia ayo Ebhe. Pipita-a, ani adjí bhúla e ne apí kuo-o, ani atsia apa me: «Tabita, yie bhúlá!» Abhomu-o, Tabita a'u djila e. Li ani au Piele lie, ani atsia adu madu. ⁴¹ Piele aholo 'kpa ani, ani atsia a'e ani bhúlá. Pipita-a, Piele a'i omabhuka koko di ne oekesi na olisilisi, ani atsia asuno ani pi uo me ani nde uu. ⁴² Ndú okpála hana na Djope adje engú inde akodho 'kpí-o. Abhomu-o, okpála bhelé atsia abhuka Ngámá. ⁴³ Piele amene bhú Djope ekpí bhelé.

Ani adu nadu gba kpála bini inde li 'li e adu me Simo. Kpála ang-o-o adu namene kulu na kó 'nú.

10

Koloneli a'i Piele agba e

¹ Kpála bini adu nani bhú gúdhú na Sedjale, a adu 'li ani me Koloneli. Ani adu ngámá pí 'ndji osúdha kámá bini. Libi osúdha ang-o-o inde u a'i e bhú dabili bini ne osúdha koko-o me «Libi osúdha na Itali.» ² Kpála ang-o-o adu amanga Ebhe di ne nakpe Ebhe bhú dabili bini ne piga gba e libhomu. Ani adu ateteke obhúlú ndibhili inde adu bhú ká omaYuda-a-naali. Ani atsia adu ayo Ebhe piko.

³ Ekpí bini, masikpe de saa na bata píta tulukpe-e, ani au mbámbá bhú 'he maka loto me andjelu bini gba Ebhe-e nde ngalí agba ani. Andjelu ang-o-o a'i ani me: «Koloneli!»

⁴ Ani atsia andjelu ang-o-o ne tsúlú hana. Ani atsia apa pí ani me: «A ko mangua 'ngú dho, Ngámá?» Andjelu-o agie pí ani me: «Ebhe adje nayo gba mú-o adje. Ani aziba di oehe inde mú ngaha e pí obhúlú ndibhili-o. Kaka-a, 'to ani 'ili li mú de. ⁵ Mbía inde-e, tima okpála bhú Djope ngúbula na'i kpála bini inde u agisila 'li e me Simo Piele-o. ⁶ Ani ngasí agba kpála bini inde 'li e me Simo, kpála namene kulu na kó 'nú. Kuti gba ani-e a de 'ngbé 'ngu.»

⁷ Pipita-a, andjelu inde agama 'ngú pí ani-e atapa. Abhomu-o, Koloneli atsia a'i okpála na kulu gba e bhisi, di ne súdha bini. Súdha ang-o-o adu kpála nakpe Ebhe. Ani atsia asi di nani bhú kulu gba ani-e naali. ⁸ Koloneli akpokpo ndu 'ngú inde akodho 'kpí-e hana pí uo. Pipita-a, ani atsia atima uo bhú Djope. Abhomu-o, u atsia agbida.

Piele anu agba Koloneli

⁹ Li ekpí aseke lie, okpála u atima o-o adu nga bha lie li kpadji-e, u

akolo de gúdhú na Djope. A abhaka me Piele nde a'u apí 'ngbú 'ti ngú nayo Ebhe masikpe de tulukpe.

¹⁰ La-a, gúmú aholo amene ani, ani adu akunda nazú 'he. Nedhinga u adu alu 'zu-o lie pí ani-e, ani atsia au engú maka loto. ¹¹ Ani au kokpí abhulu lie, Ani au ehe bini maka 'ngbé 'kpá bongo. U ahoholo li odjedje badha. A ayie abhúlá, atsia adu akø kuto.

¹² Bhú 'ngbé 'kpá bongo ang-o-o, ndu djua onu hana na 'dhu badha, ne ndu djua onu inde ngagbele li o ne 'bu o kuto, di ne ndu djua odhu hana adu bhúbhú. ¹³ Abhomu-o, ani adje eli bini inde apa pí ani me: «Piele, yie bhúlá! Bhebhélo, amba mū zu!» ¹⁴ Engú bini, Piele agie me: «A mo-o ade, Ngámá! Padhá de, anga ma zu nga ezu inde li lili gba Moidje ayala e, di ne bhende na sisiti kala Ebhe belegu de bini.*» ¹⁵ Ani adje matá eli ang-o-o bhútsibhútsi na bhisi-e me: «Ehe inde li Ebhe adji e akolo bubu-o, mo opá de me a sisiti-e de.» ¹⁶ Engú ang-o-o amene lie bhútsibhútsi bata. Pipita-a, má gala kolo me-e, bongo ang-o-o atsia agie lie abhúlá.

¹⁷ Abhomu-o, mabhundja gba Piele atsia angbingi ka engú inde ani au e-o. Ani adu ayi bua e me: «Tata-a pí?» Bha li nedhinga li Piele adu ayi bua e lie bhomu-o, okpála inde li Koloneli atima o akolo li bhoti gba Simo-o. A adu me u nde ayi okpála me eti gba Simo-o su. ¹⁸ U a'i kpála bini, u atsia ayi ani me: «A inde-e bili li Simo u agisila 'li e me Piele asisi lie?» ¹⁹ Li nedhinga bhomu-o, Piele adu nga bha nabhundja píndji engú inde ani au e-o. Abhomu-o, Bu Bhabua atsia apa pí ani me: «Tsitsia nga, okpála bata† ngagili mū. ²⁰ Yie bhúlá, kø akuto, amba yi nu bhú dabili bini ne uo. Mo odjídji límu de. Padhá de, anga ma atima uo ngama.»

* ^{10:14} 10:14 Lili gba omaYuda adu nani nayala nazú onu koko maka pame mayala. † ^{10:19} 10:19 U aye bhú obhuku koko me «kpála bini.» U aye bhú okoko me «okpála bhisi.» U atsia aye bhú okoko me «okpála.»

²¹ Abhomu-o, Piele akø, ani abhaka okpála ango-o. Do ani pi uo me: «Kpála inde yi ngagili e-e, a ko ma. Yi ago la ngú ni?» ²² U agie pi ani me: «Ngámá gba osudha, inde li e me Koloneli-e atima ya ngae. A ko kpála na ngingbili, inde di ngadhege Ebhe. Ndu omaYuda hana ngapa 'ngú gba ani-e ndjindji. Andjelu bini gba Ebhe-e akoto li ani, ani atsia apa pi ani me: <Tima okpála ngú na'i Piele, amba mu dje engú inde ani akpokpo e pi mu ko.>» ²³ Abhomu-o, Piele ato okpála ango-o abhú 'ti. Ani atsia asuno dabili u asi lie pi uo. U atsia asi téte.

Li ekpí aseke lie, Piele anu bhú dabili bini ne uo. Abhomu-o, omab-huka koko na Djope atsia anu na'o Piele. ²⁴ Pita 'kpí bini-e, u atsia akolo bhú Sedjale. A abhaka me Koloneli nde apo bhúla omaha e di ne obi e na mukunda. Ani atsia adu adjeke uo oo. ²⁵ Li Piele akolo lie, Koloneli ago nake lio ne ani. Ani ati bhú li 'dhu ani. Ani atsia atu bhúla e ne kuto ngú namanga ani. ²⁶ Engú bini, Piele a'e ani bhúla. Ani atsia apa pi ani me: «Lu malu! Padhá de, anga ngama-a, ma bhadi ne kpála na padhá!» ²⁷ Ani adu agama 'ngú lie ne Koloneli-e, ani atsia ali abhú 'ti. Oo-o, ani abhaka me bhti okpála nde apo bhúla o. ²⁸ Ani apa pi uo me: «Yi ambila ndjindji me lili ziba de me maYuda bini du bhú dabili bini ne gandji kpála-a de. A ziba la di de me ani nu agba ani-e de. Engú bini, ngama-a, Ebhe asuno muma me ma a'i kpála bini de me a ko kpála na sisiti kala Ebhe-e de. ²⁹ Kaka-a, mo o'i ma lie, ma yala de. Mbia inde-e, ma akunda nambila ta 'ngú inde mo o'i ma ngú e-o.»

³⁰ Abhomu-o, Koloneli agie pi ani me: «A ane nga ekpí bata, masikpe de li ngua nedhinga inde, bhú saa na bata pita tulukpe, ma adu nayo Ebhe bhú 'ti gba ma-o. Kolo me-e, kpála bini alu kala ma. Ani adyi bongo inde adu li e ne zizi. ³¹ Ani

atsia apa muma me: <Koloneli, Ebhe adje nayo gba mu-o adje. Ani atsia abhundja di maka mu ngateteke obh

u ndibhili lie ko. ³² Mbia inde-e, tima okpála bhú Djope ngú na'i Simo inde u agisila li e me Piele. Ani ngadu gba Simo, inde adu dengo 'ngbé 'ngu, kpála namene kulu na kó 'nu.> ³³ Abhomu-o, ma atima bha kolo okpála ngú na'i mu má gala! Heni naali! A ndjindji maka mo ogo lie-o. Mbia inde-e, ndu ní hana ní kala Ebhe si ngú nadje ndu 'ngú hana inde li Ngámá akpokpo e pi mu me mu pa e pi ya-o.»

Piele akpokpo Bádha Ngali pi ogandji okpála

³⁴ Abhomu-o, Piele aholo nakpokpo me: «Mbia inde-e, ma ambila ndjindji me Ebhe gbogbo bhu okpála de. ³⁵ Engú bini, bhú ká ndu opiga hana, kpála inde ngamanga Ebhe, inde di ngamene engú na ngingbili-e, kpála ango-o bhú djila Ebhe ndjindji. ³⁶ Yi mbila ndjindji me Ebhe atima eli gba e pi omafsalaele. A ko Bádha Ngali na guo 'ngú inde ní asia e ka Yesu Kilisito-o. Ngaani-e, a ko Ngámá gba ndu okpála hana. ³⁷ Yi mbila ndu 'ngú hana inde akodho 'kpí nayie bhú ndu doto na Galilaya, akolo bhú ndu doto na Yudaya libhomu, pita li Djaa akpokpo eli gba Ebhe , di ne nabatisa okpála lie ko.

³⁸ Yi mbila hana me Ebhe abhu nani Yesu, kpála na Nadjaleta-a kalanu. Ani atsia aha Bu Bhopua di ne angu pi ani ngú namene kulu gba e-o. Ani apu ne ndu bili hana me ani nde ngamene bádha 'ngú. Ani atsia adu di nakobho ndu okpála hana inde li Djabu agbigbite o-o. Padhá de, anga Ebhe adu bhú dabili bini ne ani. ³⁹ Ngaya makpe, obhu titima gba Yesu-o , ya au ndu 'ngú hana inde ani amene e bhú kuti gba omaYuda di ne bhú Yelusalema ne djila ya. U abhøle ani me u nde agi ani li kulusi. ⁴⁰ Engú bini, Ebhe azuku ani bhú 'kpí na bata. Ani aha

angu pí ani ngú napana lie pí okpála me ni uu.

⁴¹ Aní pana lie pí ndú okpála hana de. Engú bini, ani apana bha lie pí ya okpála inde li Ebhe abhú o kalanú, inde au 'ngú ango-o ne djila o-o. Pita ani azuku lie, ya azú 'he, ya atsia andji di ehe bhe nandji mandji ne uo bhú dabili bini. ⁴² Abhomú-o, ani atsia atima ya me ya nü ne kpokpo Bádha Ngali pí okpála. Aní atima ya me ya apa pí okpála me, a ko kpála inde li Ebhe a'o e ngú nakodho 'ngú gba okpála inde uu di ne okpála bhende amu-o. ⁴³ Ndú opolofeta hana akpokpo 'ngú gba ani-o. U akpokpo me kpála ne kpála inde abhuka Yesu-o, Ebhe a'é siti 'ngú gba ani-e ka Yesu.»

Ogandji okpála asia Bu Bhabua

⁴⁴ Bha li nedhingga li Piele adú akpokpo 'ngú bhomú-o lie, Bu Bhabua atsia aké pí ndú okpála hana inde adú adje ani-o. ⁴⁵ OmaYuda koko inde abhuka Yesu-o, ago bhú dabili bini ne Piele. U angamba naali, anga u au me Ebhe atuko di Bu Bhabua pí ogandji okpála. ⁴⁶ Padhá de, anga u adú adje uo ngagama 'ngú bhú odikongú koko. U adú adhögé Ebhe maka ani nde lie ngebéngbé-o. Abhomú-o, Piele atsia apa me: ⁴⁷ «Mbía inde-e, li okpála inde asia di Bu Bhabua lie maka ní-e, kpála bini tí da nayoko me u abátisa uo ne engu dí?» ⁴⁸ Aní aha líli me u batisa uo ne 'li Yesu Kilisito. Abhomú-o, u atsia ayo ka ani me ani du nga mbo ne o ngubula mbo 'kpí bedi.

11

Piele akpokpo maka li ogandji okpála asia Bu Bhabua lie ko

¹ Obhulú titima gba Yesu , di ne omabhuka inde bhú ndu doto na Yudaya-a, adje me ogandji okpála

asia di eli gba Ebhe , u atsia abhuka Yesu Kilisito . ² Li Piele agie lie lie bhú gúdhú na Yelusalema-a, omaYuda inde abhuka* aholo namene kpekebhé ne ani. ³ U adú apa me: «Lele pí ngamú kpála inde ali gandja mo oli lie bhú 'tí gba okpála inde i li gandja de-e, mo otsia azú belegú di 'he ne uo bhú dabili bini-e?†»

⁴ Abhomú-o, Piele atsia aholo akpokpo kúkú pí uo nayie li lilita. Aní pí uo me: ⁵ «Ngama-a, ma adú bhú gúdhú na Djope. Nedhingga ma adú ayo Ebhe lie, ma au engú maka loto. Ehe bini ayie abhúlá maka 'ngbé 'kpá bongo . U ahoholo li odjedje badha. A ayie abhúlá, atsia aké kuto li bili ma adú lie-o. ⁶ Ma atsia 'kpí bhúbhú ne kpéke djila. Ma au onu na kuti, ma au onu na bili, ma au onu bhende ngagbele lio ne 'bu o kuto di ne odhu. ⁷ Ma atsia adje di eli bini inde apa muma me: <Piele, yie bhúlá! Bhebhélé amba mu zu!> ⁸ Abhomú-o, ma atsia apa me: <A mo-o ade, Ngámá! Padhá de, anga ezú inde li lili gba Moidje ziba e de-e, di ne bhende na sisiti kala Ebhe li nga bhú 'bhé ma belegú de bini.> ⁹ Bhútsibhútsi na bhisi, ma adje matá eli ayie abhúlá, a apa muma me: <Ehe inde li Ebhe apa li e me a bubu-o, mo opá de me a sisiti-e de.> ¹⁰ Engú ango-o, amene lie bhútsibhútsi bata. Pipita-a, bongo ango-o ne ndú 'he inde bhúbhú-o hana atsia agie lie abhúlá.

¹¹ Bha li nedhingga bhomú-o, obhosí bata akolo li bili inde ya adú li e-o. Kpála bini na gúdhú na Sedjale atima uo me u go bhaka ma. ¹² Abhomú-o, Bu Bhabua apa muma me: <Nu bhú dabili bini ne uo, mo opá de me a ko ogandji okpála-a de.> Ondaise ma madhia inde-e atsia anu bhú dabili bini ne ma. Ndú ya hana, ya ali bhú 'tí gba kpála inde

* ^{11:2} 11:2 Okpála koko na imbilangú adú nabhundja me té omaYuda bedi adú apa me a ayo me ogandji okpála li bhú gandja ngú nakolo omakilisito. † ^{11:3} 11:3 Lili gba omaYuda ziba nani de me u du bhú dabili bini ne ogandji okpála de.

a'i ya-o. ¹³ Abhomu-o, ani akpokpo pi ya maka li andjelu akoto li ani lie abhu 'ti gba ani-o. Andjelu ango-o atsia apa pi ani me: «Tima okpala bhú gudhu na Djope ngú na'i Simo inde u agisila 'li e me Piele-o. ¹⁴ Ani akpokpo pi mu, ngamu di ne okpala inde bhú 'ti gba mu-o, eli gba Ebhe inde akóbho mu-o.»

¹⁵ Li nedhinga li ngama Piele, ma aholo nagama 'ngú lie, Bu Bhopua atsia aké pi uo maka ani aké nani di lie pi ni li 'kpí na Patekote ko.

¹⁶ Abhomu-o, ma atsia abhundja eli gba Ngámá inde apa me: «Djaa abatisa nani okpala ne engu, engú bini ngayi-e, yi asia batisimo na Bu Bhopua.» ¹⁷ Ma au mbámbá me Ebhe aha Bu Bhopua pi ogandji okpala bhomu-o, maka ani aha di nani koli Bu Bhopua bini bhomu-o pi ni, li nedhinga inde ni abhuka Ngámá Yesu Kilisito lie-o. La-a, ngama-a, ma ne da me ma yoko Ebhe li engú inde ani akunda namene e?» ¹⁸ Li omaYuda inde abhuka bhomu-o adje lie, u adhege Ebhe, u atsia apa me: «A na paká me Ebhe aha di nadji bua o pi ogandji okpala, amba u sia di mukobho na dudu-ma.»

Lita Dadju gba Ebhe na gudhu na Atiokia bhú ndu doto na Silia

¹⁹ Pita u abhelo Etieni lie, u aholo namene omabhuka sisiti. Abhomu-o, omabhuka bhelé atsia atsambala.[‡] Okoko bhú ká uo agbida bhú ndu doto na Fenisia, di ne bhú kpemé na Sipele, di ne bhú gudhu na Atiokia. U atsia adu nakpokpo Bádha Ngali gba Yesu-o bha bini pi omaYuda.

²⁰ Okoko bhú ká uo adu okpala na kpemé na Sipele, di ne gudhu na Silene. U anu bhú gudhu na Atiokia. Abhomu-o ngauo, u atsia aholo nakpokpo Bádha Ngali gba Ngámá Yesu di pi ogandji okpala. ²¹ Angu gba Ngámá-a adu bhú dabili bini ne uo. Kaka-a, ogandji okpala

[‡] **11:19** 11:19 Pita nabhelo Etieni-e, u adu ato mbolo li omabhuka ane kalanga ndjikpa mane. Kaka-a, omabhuka bhelé atsia atsambala.

bhelé abhuka, u atsia adji lio pi Ngámá.

²² Omabhuka na Yelusalema adje engú ango-o. Abhomu-o, u atsia atima Balanabasi bhú Atiokia. ²³⁻²⁴ Balanabasi nani ne bádha kpala. Ani abedhe nani ne Bu Bhopua di ne nabhuka bedhe. Ani akolo oo, ani atsia au me Ebhe atuko bisagu pi omabhuka. Abhomu-o, ani akpi djali, ani atsia ato masi bhú ndu uo hana me u ha lio pi Ngámá ne bua o bini. Abhomu-o, okpala bhelé atsia abhuka Ngámá.

²⁵ Pipita-a, Balanabasi anu nagili Saulo bhú gudhu na Talasi. ²⁶ Li ani au ani lie, u atsia agie lio ne ani bhú gudhu na Atiokia. Ndu uo bhisit hana amene kalanga bini libhomu bhú ká omabhuka ango-o. U atsia adu asuno pi okpala bhelé. U agisila nani 'li na omakilisito li omabhuka bhutsibhutsi na bini bhú gudhu na Atiokia.

²⁷ Li nedhinga bhomu-o, opolofeta koko ayie bhú gudhu na Yelusalema, u atsia ago bhú gudhu na Atiokia.

²⁸ Abhomu-o, súka uo bini, a adu 'li ani me Agabusi ayie bhúlá. Ani akpokpo bhú angu gba Bu Bhopua me: «Adyindi na ngbé alí píla doto libhomu.» (Atsia amene lie bhú nedhinga li Kolode adu lie 'ngé ngámá-o.) ²⁹ Omabhuka atsia apa me kpala ne kpala ha tia bhende li angu ani akolo lie, ngubula natitima me ateteke omabhuka inde bhú ndu doto na Yudaya ko. ³⁰ Abhomu-o, u amene bhadji mo-o. U atsia atima tia ango-o pi obhelesi okpala bhú Yelusalema sa 'kpa Balanabasi ne uo ne Saulo.

12

Elode abhelo Djaki, ani atsia abhike Piele bhú tikpu

¹ Bhú nedhinga bhomu-o, 'ngé ngámá Elode Agilipa aholo amene okpala koko na Piga gba Ebhe-e sisiti. ² Ani aha líli me u bhele Djaki,

ndai Djaa , ne mbotia. U atsia abhələ ani. ³ Li ani au lie me engú angoo anga li omaYuda naali-e, ani atsia aha matá lili me u holo Piele. (A adu masikpe de nedhinga na anokomia na Pasika , di ne anokomia nazu mapu inde li levile nde bhú e ade ko.) ⁴ Li ani aholo Piele lie, ani abhike ani bhú tikpu. Abhomu-o, ani atsia a'o osudha badha badha bhú libi badha ngú nalila ani. Ani adu akunda nakodho 'ngú gba ani-e bhú ká djila ndu okpála hana pita anokomia na Pasika-o. ⁵ Li Piele adu lie bhú tikpu-o, okpála na Piga gba Ebhe-e adu ayo Ebhe ne bua o hana ngubula ani.

Piele akoto bhú tikpu maka ndjombe

⁶ Sukpe kala me Elode kodho 'ngú gba Piele, Piele adu ala sonda osudha bhisi. A adu me u nde agbigbite ani ne ogbindjili bhisi. Omulila atsia adu alila obhoti na tikpu-o. ⁷ Má gala kolo me-e, andjelu bini gba Ngámá-a akoto. Zi djua aha bili bhú tina 'ti ango-o hana. Andjelu-o adula Piele li kala e, ani azukü ani. Ani atsia apa pi ani me: «Yie bhúlá má gala!» Abhomu-o, ogbindjili-e abhulu bhú 'kpa ani, atsia abala kuto.

⁸ Pipita-a, andjelu-o apa pi ani me: «Gbite 'kpú ludu mu, mu toto la di malekə gba mu-o bhú 'dhú mu.» Piele amene bhadi moko. Andjelu-o atsia apa matá pi ani me: «To koti gba mu-o, amba mu kpata ma.»

⁹ Piele aholo nakpata andjelu-o, ani atsia akoto bhú tina 'ti inde ani adu bhú e ko. Ani du ambila de me engú inde li andjelu ngamene e-e, a ko kükülu 'ngú-o de. Ani adu abhundja naae me a ko ehe maka loto. ¹⁰ U ane libi osudha na bini inde adu nalila tikpu-o. Pipita-a, u ane libi osudha bhende na bhisi-o. U akolo li 'ngbé bhoti na kalase inde nakoto bhú gudhu-o. Bhoti ango-o a'u bha lie kala uo ne titi e, u atsia aze. U

aholo 'nú, u akolo li kpadji bini. Má gala kolo me-e, andjelu-o angita li ani má pele!

¹¹ Abhomu-o, Piele ambila me engú inde amene lie-e, a ko kükülu 'ngú. Ani atsia apa me: «Mbía inde-e, ma ambila na paká me Ngámá atima andjelu gba e, ani atsia akobho ma sa 'kpa Elode di ne ndu osisiti 'ngú hana inde li omaYuda adu akunda namene e ngú ma ko.»

¹² Li imbilangü gba Piele abhulu lie lie, ani atsia anu bhú 'ti gba Malia , 'hi Djaa , kpála u agisila 'li e me Maloko-o. Oo, okpála bhelé apékəbhə nani bhúla o, u atsia adu ayo Ebhe. ¹³ Piele abhi bhoti na ngebéngbé-o. Abhomu-o, suka kpála bini na kulu na eélé adu oo, a adu 'li ani me Lode. Ani atsia ago ngú na'u bhoti-o. ¹⁴ Li ani ambila 'li Piele lie, ani tsia 'u bhoti-e de ka djali. Engú bini, ani agie lie ne holo abhú 'ti, ani atsia apa pi okpála inde adu bhú 'ti oo me: «Piele alu li bhoti akilidjo!»

¹⁵ Okpála ango-o atsia agie pi ani me: «Mu ne bhúlu pele!» Engú bini, ani azi bha kekele téte me a ko kükülu 'ngú. Abhomu-o, u atsia apa pi ani me: «A ko andjelu gba ani ko.»

¹⁶ La-a, Piele adu bha nabhi bhoti-o. U a'u lie, u au ani, u atsia angamba naali. ¹⁷ Abhomu-o, Piele amene 'kpa e pi uo me u ndjili nga má bulu! Ani atsia akpokpo pi uo maka li Ngámá agbe ani lie bhú tikpu-o. Ani atsia apa matá me: «Yi kpokpo pi Djaki* di ne pi ondaise ní koko-o.» Pipita-a, ani akoto, ani atsia atapa li bili koko.

¹⁸ Li ekpí aseke lie, osudha inde adu alila tikpu-o, aholo nazi tolo naali sonda o. Abhomu-o, u atsia adu ayi lio me: «A akolo li Piele ne mangua 'ngá dho?» ¹⁹ Elode atima okpála me u gili ani. Engú bini, u u ani de. Ani ayiyi osudha inde adu alila ani-o. Abhomu-o, ani atsia aha lili me u bhili uo. Pipita-a, Elode

* ^{12:17} 12:17 Djaki: A ko Djaki bhende ndai Yesu, nani akolo bhele kpála na Piga gba Ebhe na Yelusalema ko. Tsia bhú Kul. 15:13.

ayie bhú Yudaya, aní atsia anú bhú gúdhú na Sedjale. Oo, aní adú mbo ngúbula nedhíngá.

'Ngbé ngámá Elode Agilipa akpi

²⁰ La-a, Elode adú adje siti bua naali pi okpála na gúdhú na Tile di ne Sidona. Okpála ango-o adje lio. Pipita-a, u atima okpála ngúnanú nagama 'ngú ne 'ngbé ngámá Elode. Okpála ango-o adje ngaiza lio ne Balasitusi, kpála natsia 'kpí li oehe gba 'ngbé ngámá Elode-o. U adú nayo ka 'ngbé ngámá guo 'ngú, anga ndú ezu gba uo-o hana adú nayie bhú doto gba aní-o.

²¹ Abhomú-o, Elode a'o 'kpí ngú nagama 'ngú pi uo. Li 'kpí ango-o, aní adyi bongo na ngámá, aní atsia adú pi kiti na ngámá gba e-o. Aní atsia aholo agama 'ngú pi uo bhú ká djila ndú okpála hana. ²² Ndú okpála hana asúla me: «A ngagama 'ngú inde mboye ebhe, a ko kpála-kuti de!» ²³ Li Elode adje lie mo-o, aní atsia aziba, aní dhége Ebhe de. Bha li nedhíngá bhomú-o, andjelu bini gba Ngámá-a asú aní. Padhá de, anga aní dhége Ebhe de. Obangili aholo nazú aní, aní atsia akpi.

²⁴ Li nedhíngá bhomú-o, eli gba Ebhe-e adú ayangba naali. ²⁵ Li Balanabasi ne Saulo andjia kulu gba o-o lie bhú gúdhú na Yelusalema-a, u atsia agie lio bhú Atiokia bhú dabili bini ne Djaa inde u agisila 'li e me Maloko-o.

13

U alo Balanabasi ne Saulo ngúkulu

¹ Opolofeta di ne omusuno inde adú nani bhú Piga gba Ebhe na Atiokia, a ko nani Balanabasi, Simeo (inde u a'i e me Negele*), Lukiusi (kpála na Silene), Manaene inde abhele bhú dabili bini ne ngámá Elode Atipasi, di ne Saulo. ² Ekpí bini,

nedhíngá u adú nayo Ebhe lie di ne natse 'zú-o, Bu Bhopua atsia apa pi uo me: «Yi 'o Balanabasi ne Saulo muma kpi ngúbula namene kulu inde ma a'i uo ngú e ko.» ³ Abhomú-o, pita natse 'zú di ne nayo Ebhe-e, u a'o 'kpa o pi 'ndji uo, u atsia aha kpadji pi uo me u nánu.

Balanabasi ne Saulo anú bhú Sipele

⁴ Li Bu Bhopua atima uo lie, u atsia anú bhú gúdhú na Selusia. Oo, u a'u bhú 'ngbé zabú, u atsia atapa bhú Sipele. ⁵ U akolo lie bhú Salamine-e, u aholo nakpokpo eli gba Ebhe-e bhú oeti nadje lili gba omaYuda-o. Djaa Maloko adú bhú dabili bini ne uo ngú nateteke uo. ⁶ U agulu kpémé-o hana, u atsia akolo bhú Pafosi. Oo, u abhaka maYuda bini, bhulú mambengú inde adú 'li e me Bale-Yesu. Aní adú apa me ni ne polofeta. ⁷ Aní adú nadú agba Selugio Polo, kpála na imbilangú, inde adú ngámá na ndu doto ango-o. Ngámá ango-o a'i Balanabasi ne Saulo, anga aní akunda nani nadje 'li Ebhe. ⁸ Engú bini, bhulú mambengú Elimasi (anga 'ili bhomú-o akunda napa bhú eli gba oGiliki moko) ayala. Aní adú agili me ni yoko ngámá na ndu doto ango-o me aní abhúka de.

⁹ Abhomú-o, Saulo, inde li 'li e adú di me Polo-o, [†] abedhe ne Bu Bhopua, aní atsia aní ne kpéke djila.

¹⁰ Aní atsia apa me: «Ngamú siti kpála na kali inde ngapite okpála, ndili gba Djabulú, kpála nayala ndú 'ngú na babadha hana, mu 'ó nasiti okpadji na ngingbili gba ngámá-a di! ¹¹ Tsitsia, mbia inde-e, Ebhe asú mu. Djila mu aní. La di-e, mu ú matá zindjila de ngúbula mbo oekpí.» Kolo me-e, ndindi aní djila Elimasi. Biti atsia abuku aní hana, aní adú abubudha bíli de e ngalina nagili me kpála holo 'kpa ni ngú

* **13:1** 13:1 Negele: U aye bhú obhuku koko me «Bibili.» † **13:9** 13:9 Polo: 'Hí na Saulo bhú eli gba omaYuda, bhende na Polo bhú eli gba oGiliki. U agisila nani 'ili na Polo li aní nedhingá inde aní abhú ka nakpokpo Bádha Ngali gba Yesu Kilisito lie pi oGiliki ko.

nateteke ni. ¹² Li ngámá na ndu doto au engú akodho 'kpí-e lie me-e, ani atsia abhuka di ne nangamba naali ka nasuno inde u asuno e ne 'li Ngámá ko.

Polo ne Balanabasi bhú Atiokia inde abhú Pisidia

¹³ Polo di ne okpála inde adu adhukú bhú dabili bini ne ani-e, ayie bhú Pafosi ngú nanu bhú Peledje bhú ndu doto na Pamifilia. Engú bini, Djaa Maloko a'o ká uo oo, ani atsia agie lie abhú Yelusalema. ¹⁴ Ngauo-o, u akpata bha kpadjí gba o-o. U ayie bhú Peledje, u atsia akolo bhú Atiokia inde bhú Pisidia ko. Bhú 'kpí naguo gba omaYuda-a, Polo ngauo ne Balanabasi ali bhú 'ti nadje líli gba Moidje, u atsia adulú kuto. ¹⁵ Pita natanga líli di ne obhuku gba opolofeta-a, ongámási na eti nadje líli-e atsia atima eli pi uo me: «Ondaise ya, i du me yi nde ne engú ngú nateteke okpála ne di-e, yi de pa!»

¹⁶ Polo ayie bhúlá, ani amene 'kpa e pi okpála, ani atsia apa me: «Ngayi okpála na Isalaele di ne yi okpála inde ngakpe Ebhe-e,[‡] yi dje nga ma! ¹⁷ Ebhe gba okpála inde omaIsalaele, abhú nani onguo ogbi ní. Ani abe ndu uo bhú nedhingga u adu lie bhú bali bhú Edjipeto-o. Pipita-a, ne angu gba e-e, ani atsia agbe uo bhú doto na Edjipeto. ¹⁸ Ani akibila uo bhú mili bili ngubula kalanga masikpe de ndjikpa badha. ¹⁹ Pipita-a, ani abhili opiga mananika bhú doto na Kanana. Ani atsia aha doto gba uo-o pi onguo ogbi ní ²⁰ ngubula kalanga masikpe de kámá badha ne ndjikpa bhuluvue.

Pipita-a, ani aha okpála nakodho mangimbo pi uo akolo bhú nedhingga gba polofeta Samuele.

²¹ Pipita-a, u ayo me o okunda 'ngbé

ngámá. Abhomú-o, Ebhe atsia aha Saulo pi uo, ndili gba Kisi, bhú piga gba Bendjamé. Ani au nani pi 'ndji uo ngubula kalanga ndjikpa badha. ²² Pita li Ebhe ayala Saulo lie, ani atsia agbe 'ngbé ngámá Davidi pi uo. Ani atsia apa li 'ngú gba ani-e me: <Ma au Davidi, ndili gba Yese. A ko kpála na babadha bhú djila ma. Ani améne ndu 'ngú hana maka ma akunda lie.[†] ²³ Bhú piga gba Davidi-e, Ebhe agbe pi omaIsalaele Mukobho Yesu maka ani apa nani lie kalanu ko. ²⁴ Kala nago ka ani-e, Djaa akpokpo Bádha Ngali pi ndu okpála na Isalaele hana. Ani adu ayo ka uo me u dji bua o, amba u sia batismo. ²⁵ Li Djaa akolo lie li 'so kulu gba e, ani adu apa me: <Yi ngabhundja me ma ne da? Ma ne kpála inde yi ngadjike e ade! Engú bini, yi djedje, a ngago pita ma ne kpála. Ma ne tetele kpála ade ngubula me ma gbe malekéß bhú 'dhú ani.>

²⁶ Ondaise ma, ngayi okpála na piga gba Abalahama di ne yi okpála inde si-e, inde ngakpe Ebhe-e, Ebhe atima nani ngali na mukobho inde-e pi ní. ²⁷ A na paká me okpála na Yelusalema di ne ongámási gba o-o mbila nani Yesu de. Bhú oekpí naguo gba omaYuda bini ne bini hana-a, u adu atanga obhuku gba opolofeta. La-a, u du ambimbila de. Engú bini u akodho 'ngú gba Yesu lie me u bhélo ani-e, u amene bhomú-o engú inde li opolofeta apa e ko. ²⁸ Belegú u u nani engú bini inde u ti da nabhélo Yesu ka e lie de-e, u ayo ka Pilate me u bhélo ani. ²⁹ Pita u amene ndu 'ngú hana maka li 'li Ebhe apa lie li 'ngú gba ani-e, u a'e ani li kulusi, u atsia anu ato ani bhú lata.

³⁰ Engú bini, Ebhe atsia azuku ani bhú ká okpála inde amu-o. ³¹ Yesu

[‡] **13:16** 13:16 Okpála inde ngakpe Ebhe: A ko ogandji okpála inde abhuka Ebhe gba omaYuda ko.

[†] **13:22** 13:22 Tsia bhú 1 Sam. 8:5, 19, 10:21, 13:14, 16:12. § **13:25** 13:25 Nagbe maleke: Nani agba omaYuda-a, kulu nagbe maleké bhú 'dhú ogomago ne naválú 'dhú uo-o, a ko nani kulu ka obalise di ne okpála na padhá.

asuno lie pi okpála inde adu adholo ne ani bhú dabili bini nayie bhú Galilaya akólo bhú Yelusalema ngúbula 'kpí bheldé. Mbia inde-e, okpála ango-o ngakpokpo 'ngú gba ani-e pi okpála na Isalaele ngao. ³² Ngaya makpe-e, ya ago ngú nakpokpo Bádha Ngali inde-e pi yi, Bádha Ngali inde li Ebhe apa nani kalanu me ni apá e pi onguo ogbi ní-o. ³³ Ani amene mbia inde-e pi ní ongisi gba uo-o, li kpadji nazuku Yesu bhú ká okpála inde amu, maka u aye nani lie bhú Etsi na bhisí gba omaYuda-a me:

<Mu ne ndili gba ma na bhobhoko,
Ma azu mu naki ngama
makpe.[†]>

³⁴ Ebhe apa nani me ni azúku Yesu bhú ká okpála inde amu-o mazuku, ngúbula me ani akpi matá-a de. Ako engú inde ani apa nani e me:

<Ma ahá obisagu na bububu inde di
na kükülu-o pi mu,
inde ma apana nani e pi Davidi
ko.[†]>

³⁵ Kaka-a, ani apa matá li bili koko me:

<Mu 'ó de me kpála na ngbingbili
gba mu-o zi bhú lata-a de.[†]>

³⁶ Padhá de, anga Davidi bhú nedhinga gba e, amene líli gba Ebhe-e hana. Pipita-a, ani akpi, u azi ani de onguo ogbi e, ani atsia azi.

³⁷ Engú bini, kpála inde li Ebhe azuku e, ani zí naae de. ³⁸⁻³⁹ Ondaise ma, yi mbila ndjindji me u apa pi yi me u a'e osisiti 'ngú gba yi-e ka Yesu. Yi ti da nakobho ka namene líli gba Moidje-e de. Engú bini yi akóbho bha me yi nde abhuka Yesu.

⁴⁰ 'E-e! Yi lila liyi uu me engú inde li opolofeta apa e akólo li yi de, engú inde me:

⁴¹ <Yi tsitsia nga, ngayi okpála na
'ngbé 'ndji, yi ngamba naali,
amba yi ngíngítá má pele!

Padhá de, anga bhú nedhinga
gba yi-e, ma améne engú bini
inde

yi ti da naziba e de,
abana i du me kpála bini nde
apa nani engú ango-o pi yi
kalanu.^{†»}

⁴² Li Polo ne uo ne Balanabasi akoto lie bhú 'ti nadje líli-e, u atsia ayo ka uo me u go bhú 'kpí naguo na sidi, amba u kpokpo matá engú bini bhomu-o. ⁴³ U atsambala lie bhú bula-a, bheldé na omaYuda ne ogandji okpála inde adu akpe Ebhe-e, akpata Polo ne uo ne Balanabasi. Abhomu-o, Polo ne uo ne Balanabasi, bhú nagama 'ngú gba o ne uo-o, u ato masi bhú uo me u holo lio li bádha bhú 'bu gba Ebhe-e kpekpeke.

⁴⁴ Ekpí naguo na sidi-e, masikpe de ndu okpála na gúdhú hana apo bhúla o ngú nadje 'li Ebhe. ⁴⁵ Li omaYuda au bhti okpála ango-o lie, u asia siti bua, u atsia adu asobho Polo ka eli inde ani adu apa e ko.

⁴⁶ La-a, Polo ne uo ne Balanabasi du nani nagama 'ngú pi uo ne tsúlú de. U adu apa me: «A ayo nani me ya kpo ngaiza nakpokpo eli gba Ebhe-e kalanu pi yi. Engú bini, maka yi ayala lie, yi au la di me yi ti da nasia mukobho na duduuma de. Kaka mbia inde-e, ya anú ibili agba ogandji okpála. ⁴⁷ Padhá de, anga líli inde ya asia e ka Ngámá-a ngae inde:
<Ma a'o mu eke pi opiga,

ngúbula me mu gapa ngali na
mukobho
akólo bha bini ali 'dje doto!^{†»}

⁴⁸ Li ogandji okpála adje lie mo-o, u akpi djali, u atsia aholo nadhégé 'li Ngámá. Ndú okpála hana li Ebhe alo o ngú nasia mukobho na duduuma atsia abhuka.

⁴⁹ Abhomu-o, 'li Ngámá atsia adhukú bhú ndu doto ango-o libhomu. ⁵⁰ Engú bini, omaYuda ato 'ngú bhú 'ndji olisi na tia inde adu adhégé Ebhe di ne obhelesi okpála na kuti-o. Abhomu-o, u aholo amene

[†] **13:33** 13:33 Tsia bhú Ets. 2:7. [†] **13:34** 13:34 Tsia bhú Isa. 55:3. [†] **13:35** 13:35 Tsia bhú Ets. 16:10. [†] **13:41** 13:41 Tsia bhú Abk. 1:5. [†] **13:47** 13:47 Tsia bhú Isa. 49:6.

Polo ne uo ne Balanabasi sisiti, u atsia agbe uo bhú doto gba o-o. ⁵¹ Abhomú-o, okpála bhisi ango-o apulu doto na kúti gba uo inde adhedhe li 'dhú o, ngúbulu nasuno pi uo me u amene siti 'ngú. U atsia agbida bhú Ikoniomú. ⁵² Engú bini, pi omukpata-a, u abedhe ne djali di ne Bu Bhobua bedhe.

14

Polo ne Balanabasi bhú Ikoniomú

¹ Bhú Ikoniomú-o, a amene bhadi lie moko. Polo ne uo ne Balanabasi ali bhú 'ti nadje líli gba omaYuda. OmaYuda bhelé di ne okpála inde ne omaYuda ade-e, akolo omabhuka ka engú inde u agama e ko. ² Engú bini, omaYuda bhende i bhuka nani de-e, a ato bhú ogandji okpála mabhundja na sisiti píndji ondaise ní, omabhuka. ³ La-a, Polo ne uo ne Balanabasi abhue mbo nani bhú Ikoniomú naali. U dí agama 'ngú ne tsúlu de anga u adú ne nabhuka bhú Ngámá, inde adú asuno me eli inde u adú akpokpo e píndji bádha bhú 'bu gba ní-e, adú kúkulu 'ngú. Padhá de, anga ani adú aha angu pi uo ngú namene okiaka 'ngú di ne ongú na ngangamba. ⁴ Kaka-a, okpála na gúdhú ango-o atsia agbo bhúsú o: okoko adú pi omaYuda, okoko atsia adú pi obhúlu titima gba Yesu.

⁵ Abhomú-o, omaYuda di ne ogandji okpála bhú dabili bini ne ongámási gba o-o, atsia aleke lio ngú namene Polo ne Balanabasi sisiti, ngú nabhili uo ne teme. ⁶ Li okpála bhisi bhomú-o ambila 'ngú ango-o lie, u atsia akpe agbida bhú ogudhú na Lisitele ne Delebe, la di ne bhú okuti na ngongo, bhú ndu doto na Likaonia. ⁷ Oo di-e, u aholo akpokpo Bádha Ngali pi okpála.

Polo ne Balanabasi bhú Lisitele

⁸ Bhú Lisitele-e, kpála inde li eze adú li 'dhú e adú oo. Ani dhúku

de nayie maka nani u azu ani lie-o. ⁹ Ani adú adje engú inde li Polo adú apa e ko. Polo atsia ani ne kpéke djila. Ani au me kpála ango-o abhuka me ni ti da nasia mukobho. ¹⁰ Abhomú-o, Polo atsia apa pi ani ne kpéke 'li me: «Yie bhúlá, lu ngbingbili!» Kpála ango-o ayie bhúlá, ani a'ulu aké má kpri! Ani atsia aholo nadhúku. ¹¹ Li okpála bhelé au engú li Polo amene e lie, u asúla bhú eli na kúti gba okpála na ndu doto na Likaonia me: «Oebhe akolo maka okpála-kúti, u atsia ago gba ní!» ¹² U a'o 'ili li Balanabasi me Djeusi,* u atsia a'o 'li Polo me Elemesi, anga ani adú agama 'ngú-o ngae. ¹³ Dimande gba ebhe Djeusi, inde li 'ti ebhe gba e adú li 'bhé gúdhú-o, ago ne obagala na obhosibhosí li 'bhé bhoti na gúdhú-o. Ani aha di 'i felele, bhú dabili bini ne okpála na kúti-o, ani atsia adú akunda me ni bhéle onu ango-o ngú nahaha pi Balanabasi ne uo ne Polo.

¹⁴ Li obhúlu titima gba Yesu adje engú bhomú-o lie, u asisidha obongo li kute o má tsue tsue!† U anu ne holo bhú ká okpála ne nasúslu me: ¹⁵ «Ondaise ya, yi ngamene bhomú-o ní? Ya bha ne okpála maka yi. Ya ago pi yi ne Bádha Ngali me yi 'o ká oebhe inde na padhá padhá bhomú-o, inde li mbiniimbini nde bhú o ade ko. La di me yi ha liyi pi Ebhe na mukobho inde abho ekpí, abho doto, abho 'ngbé 'ngu ne ndu 'he inde bhúbhú-o hana ko. ¹⁶ Bhú nedhinga gba okpála na kalanú-o, ani a'o me u kpata kpadji gba o makpe ko. ¹⁷ Engú bini, ani 'ili 'to e li napana lie ne namene babadha 'ngú pi uo de. Padhá de, anga ani ngatima pi yi ebha di ne onguwa bhú nedhinga gba o-o. Ani ngaha ezú pi yi. Ani la di ngabedhe yi ne djali.» ¹⁸ Abana u adú apapa lie mo-o, da me u yoko bhti okpála adú

* ^{14:12} 14:12 Djeusi: Bhú mabhundja gba oGiliki-e, Djeusi nani ne ngámá gba oebhe na eu. Elemesi atsia adú bhúlu titima gba uo ko. † ^{14:14} 14:14 Li bili inde-e, nasidha bongo li kute akunda nasuno me nayala 'ngú.

kpekpeke me u abhéle onu pi o de ko.

¹⁹ Li nedhingga bhomu-o, omaYuda inde ayie bhú Atiokia, bhú ndu doto na Pisidia, di ne bhú Ikonomu, apite bhití okpála bhomu-o me, u tutulá Polo ne teme ngú nabhéle ani. U agbe ani ali ngo gúdhú anga u adu abhundja me ani akpi. ²⁰ Engú bini, li omabhuka ago asa lio lie dengo ani-e, ani ayie bhúlá, ani atsia agie matá lie bhú gúdhú. Li ekpí aseke lie, ngauo ne Balanabasi-e, u atsia atapa bhú Delebe.

Polo ne Balanabasi agie lio bhú Atiokia bhú ndu doto na Silia

²¹ Bhú gúdhú na Delebe, u akpokpo Bádha Ngali pi okpála, u atsia asia omukpata bhibhiti. Pipita-a, u agie lio bhú Lisitele, bhú Ikonomu di ne bhú Atiokia bhú ndu doto na Pisidia. ²² U a'e tsulu li bua uo, u ato masi bhú uo me u lu kpekpeke bhú nabhuka. U adu apa pi uo me: «A ayo me ní dje likabhu naali ngú nali bhú kuti na Na u gba Ebhe ko.» ²³ Bhú Dadjua gba Ebhe bini ne bini hana, u adu alo obhelesi okpála. Pita u atse ezu ngú nayo Ebhe lie, u atsia a'o uo sa 'kpa Ngámá inde u abhuka e ko.

²⁴ U agulu Pisidia lie, u atsia akolo bhú Pamifilia. ²⁵ Pita u akpokpo 'li Ebhe lie pi okpála bhú Peledje-e, u atsia anu bhú Atalia. ²⁶ U ayie lie oo, u ali bhú zabu, u atsia anu bhú Atiokia. A bhomu-o bílì inde u a'o nani uo lie me u sia bádha bhú 'bu gba Ebhe ngúbula kulu inde u amene e mbia inde-e ko.

²⁷ U akolo lie oo, u apo bhúla okpála na Dadjua gba Ebhe-o. U atsia akpokpo pi uo ndu ngú hana inde li Ebhe amene e bhú dabili bini ne uo-o. U atsia akpokpo di pi uo maka li Ebhe abhulu kpadji pi ogandji okpála lie ngú nabhuka di ani Ebhe ko. ²⁸ Polo ne Balanabasi asi nani mbo ekpí bheté bhú dabili bini ne omukpata na Atiokia.

15

Kpekebhó pindji nakodho gandja

¹ Okpála koko inde ayie bhú Yudaya-a, akolo bhú Atiokia. U adu asuno pi omabhuka me: «Yi ti da nasia mukobho de, i du me u nde kodho yi bhú gandja maka li líli gba Moidje apa lie de ko.» ² Abhomu-o, Polo ne Balanabasi agbe bhayiki, u atsia aholo amene kpekebhé ne uo naali pindji engú ang-o-o. U atsia adje lio me Polo ne Balanabasi, la di ne okpála koko na Atiokia, nu bhú Yelusalema, amba u kpokpo 'ngú pindji 'ngú ang-o-o bhú dabili bini ne obhulu titima gba Yesu di ne obhelesi okpála .

³ Abhomu-o, ndu okpála hana na Dadjua gba Ebhe atsia anu a'o uo li kpadji. U apu bhú ndu doto na Fenisia di ne bhú Samalia. U adu akpokpo maka li ogandji okpála akolo omakilisito lie ko. Ngali ang-o aha djali naali pi ndu omabhuka hana. ⁴ U akolo lie abhú Yelusalema-a, ndu okpála hana na Dadjua gba Ebhe, ne obhulu titima gba Yesu di ne obhelesi okpála-a, atsia asia uo. U atsia akpokpo pi uo ndu 'ngú hana inde li Ebhe amene e bhú dabili bini ne uo-o. ⁵ Engú bini, okpála bini bini bhú ká omuFalisai , obhende akolo omabhuka-a, ayie bhúlá, u atsia apa me: «A ayo me omabhuka inde ne omaYuda de-e, u to uo bhú gandja, amba u pa pi uo me u mene líli gba Moidje ko.»

⁶ Abhomu-o, obhulu titima gba Yesu di ne obhelesi okpála apo bhúla o ngú natsia 'kpí li engú ang-o-o. ⁷ Pita u amene kpekebhé lie naali-e, Piele ayie bhúlá, ani atsia apa me: «Ondaise ma, yi mbila hana me Ebhe abhú nani ma bhú ká yi bhutode ngúbula me ma akpokpo Bádha Ngali pi okpála inde ne omaYuda ade ko. U dje, amba u bhuka di Ngali ang-o-o. ⁸ La di-e, Ebhe inde ambila bua okpála-a, asuno me ní aziba uo anga ani aha Bu Bhopua pi uo maka ani aha nani

di lie pi ní ko. ⁹ Aní gbo bhúsú ní ne uo de. Aní avúlú bua uo anga u abhuka. ¹⁰ Mbía inde-e, ka ní yi ngale Ebhe lie ne na'o tili 'ngú pí omabhuka? Engú inde li onguo ogbi ní, abana nganí makpe, ní ti nani da nabí e de-e! ¹¹ A mo-o ade! Engú bini, ní abhuka mangbo me ní akobho maka uo ka bádha bhú 'bu gba Ngámá Yesu.»

¹² Abhomú-o, ndú okpála hana andjili má bulu! U atsia adú adje engú inde li Balanabasi ne Polo adú akpokpo e ko. U adú adje okiaka 'ngú di ne ongú na ngangamba inde li Ebhe amene e bhú dabili bini ne uo bhú ká ogandji okpála ko. ¹³ U andjia nagama 'ngú lie, Djaki atsia apa me: «Ondaise ma, yi dje nga ma! ¹⁴ Simo akpokpo maka li Ebhe amene nani lie nayie li lilita pi okpála inde naao ne omaYuda ade-e, maka aní alo piga bini lie bhú ká uo ngú nakolo piga gba e-o.† ¹⁵ La di-e, engú inde li opolofeta apa e aviti bini ne di, anga u aye bhú Bhuku gba Ebhe-e me:

¹⁶ ‹Pita bhobhomú-o, ma agó matá, Ngámá apa moko,

ngú nayiki etí gba Davidi inde atuko-o.

Ma aléke obili bhende asisiti-e, ma atsia líli ngbingbili.

¹⁷ Ndú okpála koko hana agíli ma, Ngámá,

bhú dabili bini ne ndú okpála hana inde nani ma alo o-o.

¹⁸ A bhomú-o eli inde li Ngámá apa nani e ko.

Ngaani inde i ngamene engú inde ani apa nani e didili-o.†»

¹⁹ Djaki atsia apa matá me: «Kaka-a, ma abhundja me, a ayo nani kpadji pi ogandji okpála inde ngabhuka Ebhe-e de. ²⁰ Engú bini, ní ye mangbo balúa pi uo amba ní yo ka uo me, u 'o nazú so 'nú inde u abhólé e pi oebhe na padhá padhá-a ma'o. U 'o nakúnda olísí di ne obhosí ngangá ma'o. U 'o di nazú so

'nú inde akpi ne ngute bhú e hana, amba u 'o di nazú ngute ma'o.† ²¹ Padhá de, anga nani bhútode, bhú ogúdhú bini ne bini hana, okpála ngasuno líli gba Moidje. U la di ngatatanga bhú otí nadje líli-e ndú 'kpí naguo hana.»

Balúa pi omabhuka inde naao ne omaYuda ade

²² Abhomú-o, obhúlú titima gba Yesu ne obhelesi okpála, bhú dabili bini ne ndú okpála na Dadjua gba Ebhe hana, atsia aziba me u gbe okpála koko bhú ká o. U tima uo bhú Atiokia bhú dabili bini ne Polo ne Balanabasi. U atsia alo Djude inde u a'i e me Balasabasi, di ne Sila, okpála bhisi inde li ndú okpála koko hana adú amanga o ko. ²³ Balúa u atima uo ne e, a ngae inde:

«Obhúlú titima gba Yesu di ne obhelesi okpála na Dadjua gba Ebhe, ondaise yi-e, u apa me o yi ondaise o inde naao ne omaYuda ade inde ngadúlú bhú Atiokia, bhú Silia di ne bhú Silisia mayi. ²⁴ Ya adje me okpála koko inde ayie bhú ká ya ei-e, ato kpekebhé bhú ká yi ne 'li o, u atsia angbingi bua yi. Engú bini, yi mbila ndjindji me ya tima uo ngaya de. ²⁵ Kaka-a, ya adje liya ne bua bini me ya alo okpála, amba ya tima uo gba yi oo. U anú bhú dabili bini ne ondaise ya na mukúnda, Balanabasi ne Polo. ²⁶ Okpála inde aha lio libhomu ngubula kulu gba Ngámá gba ní Yesu Kilisito ko.

²⁷ Kaka-a, ya atima pi yi Djude ne uo ne Sila, u akpókpo ndú 'ngú hana inde ya aye e si-e pi yi ndjindji. ²⁸ Padhá de, anga Bu Bhobua di ne ya makpe-e, ya abhundja me, a ayo na'o tili 'ngú koko pi yi de, bha bini bhende a ayo me yi mene e ko: ²⁹ yi azú so 'nú inde u abhólé e pi oebhe na eu-o de. Yi azú ngute de. Yi azú

† 15:14 15:14 Tsia bhú Kul. 10:34-48. † 15:18 15:16-18 Tsia bhú Ams. 9:11-12. † 15:20 15:20 Tsia bhú Eki. 34:15-16; di ne bhú Lev. 18:6-20, 17:10-14.

so 'nu inde akpi ne ngute bhú e hana-a de. Yi adú akunda olisi di ne obhosí ngangá de. I du me yi nde alila liyi makpe ne ndu 'ngú bhomu-o hana-a, bhabhomu-o dú ndjindji. Yi du ndjindji.»

³⁰ Abhomu-o, u aha kpadji pi uo, u atsia agbida bhú Atiokia. Oo, u apo bhúla omabhuka hana, u atsia aha balua pi uo. ³¹ U atanga balua-o. Ndú uo hana akpi djali naali ka masi inde li balua ango-o ato e bhú uo ko. ³² La-a, li Yuda ne Sila adú di lie ngao makpe opolofeta-a, u agama 'ngú pi omabhuka ngengele ngubula nato masi bhú uo, di ne na ha angu pi uo. ³³ Mbo pita 'kpí bedi-e, omabhuka atsia a'o uo me u gie lio ne guo 'ngú agba okpála inde atima uo ko. [³⁴*] ³⁵ Abhomu-o, Polo ne Balanabasi atigala bhú Atiokia. U atsia adú asuno di ne nakpokpo Bádha Ngali gba Ngámá-a bhú dabili bini, di ne okpála koko bhelé.

Polo ne Balanabasi agbo bhúsú o

³⁶ Pita mbo 'kpí masudha, Polo apa pi Balanabasi me: «Ní gie liní bhú ndú okuti hana inde ní akpokpo nako eli gba Ngámá-a bhú e-o, amba ní mbila maka li omabhuka nde lie oo ko.» ³⁷ Balanabasi adú akunda me o nu bhú dabili bini ne Djaa inde u agisila 'li e me Maloko-o. ³⁸ Engú bini, Polo tsia ziba na ha aní de, anga aní a'o naní ká uo bhú Pamifilia. Aní tsia du di matá namene kulu ne uo bhú dabili bini de. ³⁹ U amene kpekebhé súnda o naali. Kaka-a, u atsia agbogbo bhúsú o. Abhomu-o, Balanabasi aha Maloko, u a'ú bhú zabu, u atsia agbida bhú Sipele. ⁴⁰ Pita li omabhuka ayo lie me Polo sia bádha bhú 'bu gba Ebhe-e, aní aha Sila, aní atsia atapa. ⁴¹ Aní apu bhú ndú doto na Silia di ne Silisia. Aní atsia adú nateteke omabhuka na oDadjua gba Ebhe-o.

* ^{15:34} 15:34 Lukuluku inde-e, a bhú obhuku koko na didili u aye e bhú eli na giliki ade. [Engú bini, Sila atsia au ndjindji me ni tigala ne aní oo.] * ^{16:3} 16:3 'Dyi Timoté nani ne maYuda ade. Kaka-a, Timoté li nga naní bhú gandja kalanú de.

16

Timoté anú bhú dabili bini ne Polo di ne Sila

¹ Abhomu-o, Polo akolo bhú Delebe, pipita-a, bhú Lisitele. Mukpata bini adú nani oo, a adú 'li aní me Timoté. 'Hi aní adú ne maYuda inde abhuka Ebhe. Engú bini, 'dyi aní nani naae ne Giliki. ² Omabhuka na Lisitele di ne Ikoniomu adú apa 'ngú gba aní-e ndjindji naali. ³ Polo adú akunda me ni ha aní ngú nadhukú bhú dabili bini ne aní. Aní aha aní, aní atsia ato aní bhú gandja. Aní amene nani mo-o ka omaYuda inde adú oo, anga ndú okpála hana adú ambila ndjindji me 'dyi Timoté nani ne Giliki.* ⁴ Bhú ndú ogudhú inde u adú apu bhú e hana-a, u adú akpokpo pi omabhuka líli inde li obhalu titima gba Yesu di ne obhelesi okpála na Yelusalema aha e-o. U atsia adú ayo ka uo me u mene líli ango-o ko. ⁵ ODadjua gba Ebhe-e adú akolo kpekpeke bhú nabhuka . Alo gba omabhuka atsia adú abe ndú e ndú 'kpí hana.

Polo apu bhú Adjia

⁶ La li Bu Bhabua ayoko uo lie me u akpokpo 'ngú gba Ebhe bhú ndú doto na Adjia de-e, u atsia apu bhú ndú doto na Filidjia di ne Galatia. ⁷ U akolo lie de ndú doto na Misia, u adú ale nanú bhú Bitinia. Engú bini, Bua gba Yesu atsia ayoko uo. ⁸ Abhomu-o, u agulu Misia, u atsia aké bhú gudhú na Tuluasi. ⁹ A akolo lie sukpe-e, Polo au engú maka loto: kpála bini na Makedonia alú kala aní. Aní atsia adú akikiliki lie pi aní me: «Kodho 'ngbé 'ngu-o, nu bhú Makedonia, amba mú teteke ya!» ¹⁰ Pita engú inde li Polo au e, ya agili bha kolo má gala me ya anú bhú Makedonia. Padhá de, anga ya ambila na paká me Ebhe a'i ya ngú nakpokpo Bádha Ngali pi okpála na kuti ango-o.

U akolo bhú gúdhú na Filipoi

¹¹ Ya a'u bhú zabú bhú Túluasi, ya anú ngingbili bhú Samútalasi. Lí ekpí aseke lie, ya atsia anú bhú Neapolisi. ¹² Ya ayie lie oo, ya atsia akolo bhú gúdhú na Filipoi, gina kúti na ndu doto na Makedonia inde adú sa oLoma-o. Ya amene mbo ekpí bhelé bhú gúdhú angó-o. ¹³ Bhú 'kpí naguo gba omaYuda-a, ya akoto bhú gúdhú ngú nanú ali ngo 'ngu. Padhá de, anga ya adú abhundja me dabili gba omaYuda ngú nayo Ebhe oo. Ya adúlú kuto, ya atsia akpokpo 'ngú pi olisi inde apekébhe bhúla o oo. ¹⁴ A adú 'li súka olisi angó-o me Lidia. Ani ayie nani bhú gúdhú na Tiatile. Ani adú nani atsindji ombembe obongo na mase naali. Ani adú nani adhóge Ebhe. Maka aní adú adje ya lie, Ngámá atsia abhulu bua aní ngú nabhuka engú inde lí Polo adú apa e-o. ¹⁵ Abhomú-o, aní atsia asia batísmo bhú dabili bini ne piga gba e-o. Pipita-a, aní atsia ayo ka ya me: «Í dú me yi nde au me ma abhuka Ebhe kúkúlú-o, yi de go dú gba ma.» Ani atsia agbite ya ne kpéke ngú naziziba.

U ahólo Polo ne Sila

¹⁶ Ekpí bini, ya adú anú lie li bili nayo Ebhe-e, ndili na oéle bini na kuú ago abhaka ya. Bua na madhoko adú bhú aní. Ani atsia adú asia tia pi omakulasi e naali. ¹⁷ Ngaya ne Polo-o, aní ahólo akpata ya. Ani atsia adú asusúla me: «Okpála inde-e, a ko okpála na kulu gba Ebhe Apí 'Kpí! U ngasuno pi yi kpadji na mukobho.» ¹⁸ Aní amene engú angó-o ngúbula ekpí bhelé. Lí engú angó-o andala Polo lie naali-e, aní adjí lie, aní atsia apa pi bua angó-o me: «Ne 'li Yesu Kilisito, ma apa pi mu me: koto bhú aní!» Abhomú-o, bua na madhoko angó-o atsia akoto bha kolo bhú aní bhú nedhinga angó-o. ¹⁹ Lí omakulasi aní au lie me o sía matá tia ka aní de-e, u ahólo Polo ne Sila, u atsia agbele uo bhú mbadhasú kala okpála nakodho 'ngú. ²⁰ U atsia anú

ne uo kala ongámási na Loma, do uo de-e: «Okpála inde-e, a ko omaYuda. U ngato mbedhembedhe bhú gúdhú gba ya-o. ²¹ U ngasuno ongú. La-a, lílì gba ní okpála na Loma ziba nasia ongú angó-o ne namemene de.»

²² Abhomú-o, ndú okpála hana atsia abi di 'gú ne uo. Ongámási aha lílì me u pandja bongo lí kute uo, amba u bhi uo ne fimbo. ²³ Pita u abhi uo lie ne fimbo naali-e, u atsia abhike uo bhú tikpú. U atsia aha lílì pi mulila na tikpú-o me aní lila uo ndjindji. ²⁴ Lí mulila asia lílì angó-o lie, aní ato uo bhú tina tikpú bhe na tutu-o. Aní atsia atoto 'dhú uo bhú kpékpe.

Polo ne Sila aze bhú tikpú

²⁵ Masikpe de tutu sukpe-e, Polo ne Sila adú ayo Ebhe di ne nadhóge aní bhú etsi. Okpála koko na tikpú-o adú adje uo. ²⁶ Má gala kolo me-e, doto adyiki ne adjigidjo na ngebéngbé má djigi djigi, masikpe de me tikpú-o tuko kuto! Ndú obhoti na tikpú-o hana akolo abhubhulu lie. Ogbindjili inde u agbigbite ndú okpála hana na tikpú-o ne e-e, atsia abhubhulu di lie.

²⁷ Lí mulila agbúngbúa lie lie tila-a, aní au me ndú obhoti-e hana baba. Abhomú-o, aní agbe mbotia me ni ngabhéle líní ne di, anga aní adú abhundja me ndú okpála na tikpú-o hana akpekpe. ²⁸ Engú bini, Polo atsia asúla pi aní kpekpeke me: «Mo oméne límu sisiti de, anga ndú ya hana bha si!» ²⁹ Abhomú-o, mulila-a ayo eke, aní ali kolo má gala abhú 'ti me aní nde ngagukú ka tsúlú má kpi kpi kpi! Aní atsia ati bhú li 'dhú Polo ne Sila. ³⁰ Pipita-a, aní apandja uo kilidjo. Aní atsia ayi uo me: «Odyí ma, a ayo me ma mene pi ngúbula me ma kobho?»

³¹ U atsia agie pi aní me: «Bhuka Ngámá Yesu, amba mu kobho, ngamú di ne piga gba mu-o hana.»

³² Abhomú-o, u atsia akpokpo eli gba Ngámá Ebhe-e pi aní, di ne pi ndú okpála hana inde adú bhú 'ti gba

ani-o. ³³ Bha sukpe bhomu-o, mülila na tikpu-o abha uo, ani atsia avulü oeka gba uo-o. Pipita-a, ani asia bha kolo batisimo má gala, bhú dabili bini ne okpála gba e hana. ³⁴ Pipita-a, ani anu ne uo agba e. Ani atsia aha ezü pi uo. Ngaani ne piga gba e-e, u akpi djali naali, anga u abhuka Ebhe.

³⁵ Li ekpí aseke lie, ongámási gba okpála na Loma atima okpála me u nu pa pi mülila na tikpu-o me: «Pandja okpála bhomu-o bhú tikpu-o, amba mu 'o uo, u gbida.»

³⁶ Abhomu-o, mülila atsia ago apa pi Polo me: «Ongámási atima eli me ma apandja yi bhú tikpu papandja. Yi zeze, amba yi nu ne guo 'ngú.»

³⁷ Do Polo pi okpála ango-o me: «Ya ne okpála na Loma! U aha lili me u bhi ya bhú ká djila okpála me u nde kpokpo 'ngú li 'ngú gba ya-a de. U abhike ya bhú tikpu. La mbia inde-e, u ngakunda napandja ya bhú pepe? Belegu de bini, u go gbegbe bha ya ngao makpe!» ³⁸ Okpála ango-o atsia anu apa eli ango-o pi ongámási na Loma. Li ongámási na Loma adje lie me Polo ne Sila a ko okpála na Loma-a, u atsia adje tsulu. ³⁹ Abhomu-o, ongámási ago nakikiliki lio pi uo. U atsia ayo ka uo me u yie bhú kuti ango-o yiyie. ⁴⁰ Li Polo ne Sila aze lie bhú tikpu-o, u atsia anu agba Lidia. Pita u au omabhuka lie, u ato masi bhú uo, u atsia agbida.

17

Polo ne Sila bhú gudhu na Tesonike

¹ Li Polo ne Sila agulu gudhu na Afipolis ne Apolonia lie, u atsia akolo bhú gudhu na Tesalonike. A bhomu-o bili inde li omaYuda adu ne eti nadje lili gba Moidje lie ko.

² Polo amene maka ani amemene lie-o. Ani adu anu abhaka uo bhú 'ti nadje lili-e ngubula poso bata bhú 'kpí naguo gba omaYuda-o. Ani atsia adu amene kpekebhé ne uo pindji Bhuku gba Ebhe-o. ³ Ani adu

abhulu tata pi uo mbámbá, di ne nasuno pi uo me bhuku apa me a ayo me Kilisito zu likabhu, amba ani zuku. Ani adu apa pi uo me: «Yesu inde ma ngakpokpo 'ngú gba e pi ye-e, a ko Kilisito ngae.» ⁴ Okpála koko bhú ká uo abhuka, u atsia akpata Polo ne Sila. OGiliki bhelé, inde adu adhegø Ebhe-e, amene bhadi moko bhú dabili bini ne bhti olisi inde adu ne tia naali-o.

⁵ Engú bini, omaYuda abi 'gu naali. U abha okpála koko na sisiti inde adu adjakadha li okpadji, u apékébhé bhála uo. U agbe tolo bhú ká okpála, u atsia ato mbedhembedhe bhú 'ndji okpála bhú gudhu. U anu nagili Polo ne Sila bhú 'ti gba Djasone ngubula me o gbe uo kala okpála na kuti bhomu-o. ⁶ U bhaka la uo lie de-e, u aha Djasone di ne omabhuka koko, u atsia anu ne uo kala ongámási. U aholo asusula me: «Okpála inde angbingi 'ndji okpála píla doto libhomu. Mbia inde-e, u akolo ibili si! ⁷ Djasone asia uo agba e! Ndú uo hana ngayala namene lili gba 'ngbé ngámá Kaisala. U ngapa me ngámá koko uu! A li ani me Yesu.» ⁸ Li bhti okpála di ne ongámási na kuti ango-o adje eli ango-o lie, bua uo atsia ake. ⁹ Pita li Djasone di ne okpála koko akakala lio lie ka uo, u atsia atse 'kpa li uo.

Polo ne Sila bhú gudhu na Belya

¹⁰ A akolo lie sukpe-e, omabhuka anu a'o bha kolo Polo ne Sila bhú Belya má gala! U akolo lie oo, u atsia ali bhú 'ti nadje lili gba Moidje-o. ¹¹ Okpála ango-o adu ne bádha bua nane okpála na Tesalonike. U asia eli gba Ebhe-e ne gugumü naali. Ndú 'kpí hana, u adu atsia 'kpí bhú Bhuku gba Ebhe ngú nambila me ongú ango-o, a ko 'ngú na paká. ¹² Abhomu-o, okpála bhelé bhú ká uo atsia abhuka. Olisi na Giliki inde adu ne tia naali-e abhuka. Bhti obhosu inde adu oo atsia abhuka di. ¹³ Engú bini, li omaYuda na Tesalonike adje lie me

Polo ngakpokpo eli gba Ebhe-e di bhú Beloya-a, u atsia ago di oo. U ato mbedhembedhe bhú ká okpála bhomu-o, u atsia angbingi di 'ndji uo. ¹⁴ Abhomu-o, omabhuka anu bha kolo a'o Polo me ani nu ali ngo 'ngbé 'ngu. Engú bini, Sila ne Timoté atsia atigala naao abhú Beloya. ¹⁵ Obhende anu na'o Polo-o, u akolo ne ani bhú gudhú na Atene. Pipita-a, u adu agie lio lie, Polo atsia atima eli me Sila ne Timoté kpata ni má gala! U atsia agbida.

Polo akolo bhú gudhú na Atene

¹⁶ Bhú nedhinga li Polo adu adjeke Sila ne Timoté lie bhú Atene-e, ani au me gudhú ango-o abedhe ne oebhe na eu bedhe. Kaka-a, bua ani adu ne likabhu naali. ¹⁷ Abhomu-o, ani adu amene kpekebhe ne omaYuda di ne okpála koko inde adu adhege Ebhe bhú 'ti nadje lili gba Moidje-o. Ndú 'kpí hana, ani adu amene bhadi moko ne okpála inde ani adu ake lie ne oo. ¹⁸ Okpála na imbilangú koko oEpikulo* ne oSatua† adu di agama 'ngú ne ani. Okoko adu ayi me: «Bhulú agolé inde-e ngapa-e pi?» Li okpála koko adje Polo ngakpokpo 'ngú pindji Yesu di ne nazuku ka ani e lie, u atsia adu apa me: «A amana mugito me ani ngasuno bhomu-o oebhe na gandji gandji.»

¹⁹ Abhomu-o, u aholo ani, u anu ne ani kala okpála inde adu atsia 'kpí li 'ngú na gudhú na Atene-o. U adu a'i uo me Aliopadje.‡ U atsia apa pi ani me: «Ya ti da nambila engú na mbia inde mu ngasuno e uu? ²⁰ Ya akunda nambila tata-o. Padhá de, anga mu ngandala 'dje ya ne ndú 'ngú na gandji gandji.» ²¹ (Ndú okpála na Atene hana di ne okpála na gandji gandji inde adu nadu oo, adu abhélé

nedhinga gba o-o bha li nakpokpo 'ngú di ne nadje engú na mbia.)

²² Abhomu-o, Polo ayie bhúlá tu Aliopadje-o, ani atsia apa me: «Ngayi okpála na Atene, ma au me yi kpekpeke li engú gba oebhe ane ndú 'ngú hana. ²³ Padhá de, anga ma adu adhukú lie bhú gudhú gba yi-e, ma atsia okulu oebhe gba yi-o. Ma au belegu bili bini inde u ngatsulu enu lie pi Ebhe. U aye téte me: <Pi EBHE INDE YA AMBIŁA E DE.> A moko, ma ago asuno pi yi ebhe inde yi ngadhége e me yi nde mbila e de ko. ²⁴ Ebhe inde abho doto di ne ndú 'he inde bhúbhú-o hana-a, a ko Ngámá na abhúlá di ne Ngámá na doto. Ani dudu bhú oeti inde li okpála ayiki e ne 'kpa o-o de. ²⁵ Ani ne gúmu ade me okpála mene ehe pi ni-e de, anga ani ne gúmu 'he bini ade. Ani ngaha mukobho, ewo di ne ndú 'he koko pi ndú okpála hana ngae. ²⁶ Ani abho kpála bini inde li ndú opiga hana aze bhú e-e ngae. Ani atsia abu uo píla doto libhomu. Ani agbo bhúsú kalanga ne gbokokpi. Ani atsia akokodho okozie li bili inde ayo me u sili kuti lie ko.

²⁷ Ebhe amene mo-o ngubula me okpála gili ni amba u le nau ni, i du me u nde ti da nau ni uu ko. A na paká me Ebhe de ni bini ne bini tsutsu ade. ²⁸ Padhá de, anga ani ngaha mukobho ne angu ngú namene ehe di ne maka ni nde lie pi ni ngae. La di maka li okpála koko na etsi gba yi-e apa lie me: <Ni di ne ongisi gba ani.» ²⁹ La-a, ka ni nde lie ne ongisi gba Ebhe-e, a ayo nabhundja de me Ebhe maka ebhe na padhá u abho e li olo, li aladja di ne teme-e de. A ayo la di nabhundja de me Ebhe maka ebhe inde akoto li kulu di ne mabhundja gba kpála-a

* ^{17:18} 17:18 OEpikulo: A ko nani omukpata gba Giliki bini inde adu 'li e me Epikulo. Ani adu asuno me engú na ngbéngbé bhú mukobho gba kpála, a ko nadu ndjindji, nadu ne likabhu de.

† ^{17:18} 17:18 OSatua: A ko nani omukpata gba Giliki bini inde adu 'li e me Djeno. U adu nani nau engú nadu bhú djali bhú djila o padhá. U atsia adu bha bini akpata 'ngú pindji imbilangú inde bhú kpála. ‡ ^{17:19} 17:19 Aliopadje: A adu nga nani kalanu 'li eta inde li okpála ango-o adu apekebhe bhúla o pi e-o.

de.

³⁰ Nani-e, okpála dū ambila Ebhe de. Ani tsia matá 'kpí li nedhingga ango-o de. Engú bini mbia inde-e, ani nga'i ndu okpála hana ne ndu bili hana me u dji bua o. ³¹ Padhá de, anga ani a'o ekpí bini inde ani akódho 'ngú gba okpála na doto libhomu lie ngingbili ko. Ani abhú kpála bini inde akódho 'ngú ango-o. Ani asuno engú ango-o pi ndu okpála hana li nedhingga inde ani azuku kpála ango-o lie ko!»

³² U adje Polo lie apa me okpála inde amu-o azúku mazuku-o, u aholo amu ani. Okoko atsia apa me: «Ya adjé nga matá mu pindji 'ngú ango-o li 'kpí koko.» ³³ Abhomu-o, Polo atsia a'o ká uo. ³⁴ Abana mo-o, okpála koko aziiba ani, u atsia abhuka. Bhú ká uo adu nani Denisi, súka okpála na Aliopadje, ne øle bini inde adu 'li e me Damalisi di ne okpála koko.

18

Polo akpo lita Dadjua na gudhu na Kolito

¹ Pipita-a, Polo ayie bhú gudhu na Atene, ani atsia atapa bhú gudhu na Kolito. ² Oo, ani abhaka maYuda bini, a adu 'li ani me Akuila, kpála na ndu doto na Pote. Ngaani-e, ani ayie nani bhú Itali, bhú dabili bini ne wala e Pilisila, anga 'ngbé ngámá Kolode aha nani lili me ndu omaYuda hana ze bhú Loma maze. Abhomu-o, Polo atsia anu nabhaka uo. ³ Ani adu la lie amene ngua kulu bini ne uo (u adu abho eti inde u a'i e me 'ti ngingbali), ani adu nadu agba uo, u atsia adu amene kulu bhú dabili bini. ⁴ Polo adu nasuno eli gba Ebhe-e bhú ndu 'kpí naguo gba omaYuda hana bhú eti nadje lili gba Moidje-o. Ani atsia adu di namene ne kpéke me omaYuda di ne oGiliki ziba 'li ni.

⁵ Li Sila ne uo ne Timoté ayie lie bhú ndu doto na Makedonia, u atsia akolo bhú gudhu na Kolito. Polo aha nedhingga gba e hana ngú

nakpokpo Bádha Ngali gba Ebhe-e pi okpála. Ani adu asuno pi omaYuda me Yesu ne Masiya. ⁶ Engú bini, omaYuda adu ayayala, u atsia adu di nasobho Ebhe. Abhomu-o, ani apulu doto li bongo gba e, ani atsia apa pi uo me: «A ayo me ngute gba yi-e, tuko pi 'ndji yi. A ko matá naama 'ngú de. Nayie pi mbia inde-e, ma anu ibili agba ogandji okpála.» ⁷ Abhomu-o, Polo ayie oo, ani atsia anu agba kpála bini inde li 'li e adu me Tito Djesitusi. Kpála ango-o adu kpála nadhøge Ebhe. Kuti gba ani-e adu de eti nadje lili gba Moidje-o. ⁸ Kilisipisi, ngámá na eti nadje lili-e, abhuka Ebhe di ne piga gba e libhomu. Okpála bhelé na gudhu na Kolito adje Polo lie, u abhuka, u atsia asia di batisimo.

⁹ Ekpí bini sukpe-e, Ebhe apa pi Polo bhú ehe maka loto me: «Mo odjé tsulu de. Engú bini, dū bha nagama 'ngú, mo ondjili má bulu de. ¹⁰ Padhá de, anga ma bhú dabili bini ne mu. Kpála bini bú 'kpa e li mu ngú namene mu sisiti de, anga okpála gba ma bhú gudhu inde-e bhelé.» ¹¹ Abhomu-o, Polo asi bhú gudhu na Kolito oo kalanga bini ne epe madhia. Ani adu asuno eli gba Ebhe-e pi ndu okpála hana.

OmaYuda asungula Polo pi ongámási

¹² Bhú nedhingga inde li okpála na Loma a'o Galio lie ngámá na ndu doto na Akai-e, omaYuda adje li o bhú dabili bini me o mene Polo sisiti. Abhomu-o, u atsia agbe ani kala okpála nakodho 'ngú. ¹³ Do uo de me: «Kpála inde ngagili nagbele okpála ngú nadhøge Ebhe li kpadji bhende li lili ziba e de.» ¹⁴ Li Polo di me gama 'ngú lie, Galio atsia apa pi omaYuda me: «Ngayi omaYuda-a, i dū igini me kpála inde-e bhéle kpála, ani méne di engú na sisiti naali-e, ma de adje yi ndjindji. ¹⁵ La-a, i nde lie me yi nde ngamene kpekebhø pindji oeli ne o'ili di ne lili gba yi makpe-e, atsia bha-a yi!

Ma akunda naama nakodho 'ngú li ngua 'ngú bhomu-o de!» ¹⁶ Ani atsambala uo li bili nakodho 'ngú-o. ¹⁷ Abhomu-o, ndu uo hana aholo Sosetene, ngámá na eti nadje lili gba Moidje, u atsia aholo nabhi ani bhú mbadhasu li bili nakodho 'ngú-o. Engú bini, Galio adu bha au 'ngú ango-o bhú djila e padhá.

Polo agie lie bhú gúdhú na Atiokia

¹⁸ Polo adu matá mbo ngengele bhú gúdhú na Kolito. Pipita-a, ani a'o ká omabhuka, ani a'u bhú zabu, ani atsia atapa bhú ndu doto na Silia bhú dabili bini ne Pilisila di ne Akuila. Kala me ani 'u bhú zabu-o, u aka ngaiza 'ndjí ani bhú gúdhú na Sekele, anga ani asili nani ndjinga me ni aha lini pi Ebhe. ¹⁹ U akolo bhú gúdhú na Efeso. Oo, Polo a'o ká Pilisila ne Akuila. Ani ali bhú 'ti nadje lili gba Moidje, ani atsia adu akpokpo 'ngú ne omaYuda.

²⁰ La-a, u ayo ka ani lie me o du nga matá mbo ne ani ngengele-e, ani atsia ayala. ²¹ Engú bini, nedhinga inde ani adu a'e ne enú lie, ani atsia apa me: «I du me Ebhe nde akunda-a, ma agó matá agba yi mago.» Ani a'u bhú zabu. Ani ayie bhú gúdhú na Efeso, ²² ani atsia atapa bhú gúdhú na Sedjale. Oo, ani a'u bhú gúdhú na Yelusalema ngú nabhana lie pi omabhuka. Pipita-a, ani atsia aké bhú gúdhú na Atiokia. ²³ Ani abhue oo mbo ekpí bedi, abhomu-o, ani atsia atapa. Ani agulu ndu doto na Galatia ne ndu doto na Filidjia me ani nde ngato masi bhú omabhuka.

Apolosi anu bhú gúdhú na Efeso, di ne bhú gúdhú na Kolito

²⁴ MaYuda bini akolo bhú gúdhú na Efeso, a adu 'li ani me Apolosi, kpála na gúdhú na Alekidjandili. Ani mbila nani nagama 'ngú ndjindji. Ani mbila di nani Bhuku gba Ebhe-e ndjindji. ²⁵ U asuno nani kpadji gba Ngámá pi ani ndjindji. Ani adu ne bua na masi, ani atsia adu akpokpo di ne nasuno engú

pindji Yesu ngbingbili. Engú bini, ani ambila bha nani naae batismo gba Djaa-o.

²⁶ Abhomu-o, ani aholo nakpokpo 'ngú ango-o bhú 'ti nadje lili gba Moidje. Ani du ne tsulu de. Li Pilisila ne Akuila adjé engú ani apa e lie, u aha ani, u anu ne ani. U atsia asuno kpadji gba Ebhe-e pi ani ndjindji. ²⁷ Pipita-a, Apolosi adu akunda nanu bhú ndu doto na Akai. Abhomu-o, omabhuka ato masi bhú ani, u atsia aye balua pi omabhuka na ndu doto ango-o me, u sia ani ndjindji. Ani akolo lie oo, ani ateteke okpála inde abhuka ka bádha bhú 'bu gba Ebhe-e ndjindji naali. ²⁸ Padhá de, anga ani adu asuno mbámbá ne angu hana bhú ká djila ndu okpála hana me omaYuda li ngbili kpadji ade. Ani atsia adu apana pi uo bhú Bhuku gba Ebhe-e me Yesu ne Masiya.

19

Polo akpokpo 'ngú gba Ebhe-e bhú gúdhú na Efeso

¹ Nedhinga li Apolosi adu lie bhú gúdhú na Kolito-o, Polo agulu ndu doto na ndu ká eta na Adjia, ani atsia akolo bhú gúdhú na Efeso. Ani abhaka omukpata koko oo. ² Ani atsia ayi uo me: «Yi akolo omabhuka lie, yi asia Bu Bhopua uu?» U atsia agie pi ani me: «Ya adjé nga engú pindji Bu Bhopua belegu de bini.»

³ Abhomu-o, Polo atsia ayi uo me: «Yi asia la mangua batismo dho?» U agie pi ani me: «Batisimo bhende gba Djaa ko.» ⁴ Polo atsia apa pi uo me: «Djaa adu abatisa okpála inde adu aziba nadji bua o. Ani atsia adu apa pi okpála na Isalaele me: <Yi bhuka kpála inde ngago pita ma ko.> A akunda napa me Yesu.» ⁵ U adjé engú bhomu-o lie, Polo atsia abatisa uo ne 'li Ngámá Yesu. ⁶ Pipita-a, ani a'o 'kpa e pi 'ndji uo, u atsia asia Bu Bhopua. U aholo agama 'ngú bhú odikongu koko di ne nakpokpo 'ngú maka opolofeta

. ⁷ Ndu obhosi bhomu-o hana adu masikpe de ndjikpa ne ka bhisi.

⁸ Polo adu ali piko bhú 'ti nadje lili gba Moidje , sunda epe bata, ani du akpokpo 'ngú pindji Nau gba Ebhe-e ne tsulu de. Ani atsia adu amene ne kpe ngubula me okpála bhuka Yesu. ⁹ Engú bini, okpála koko adu ne kpeke 'ndji. U ayala nabhuka . U atsia adu apa sisiti 'ngú li kte okpála inde adu akpata kpadji gba Yesu-o kala ndu okpála hana. Abhomu-o, Polo a'o ka uo, ani anu ne omukpata-a bhú 'ti balua gba Tulanisi. Oo, ani atsia adu asuno pi uo ndu 'kpe hana. ¹⁰ Ani amene mo-o ngubula kalanga bhisi. Abhomu-o ndu okpála hana na ndu doto na Adjia, omaYuda di ne oGiliki, atsia adje eli gba Ngamá-o.

*Engú inde akolo li ongisi na obhosibhos*i* gba Seva*

¹¹ Ebhe adu amene ongamba 'ngú na ngbengbengbe pi okpála bhú Polo. ¹² Kaka-a, okitambala di ne obongo inde atenu lie li kte Polo-o, u adu ago ne di, a'o'o li kte okpála na kuo. Abhomu-o, okpála na kuo ango-o adu akobho, osisiti bua atsia adu di aze bhú uo.

¹³ OmaYuda koko, inde adu anu li obili koko hana ngubula napandja osisiti bua bhú okpála-a, ale di napandja osisiti bua ne 'li Ngamá Yesu. U adu apa pi osisiti bua ango-o me: «Ma aha lili pi yi ne 'li Yesu, inde li Polo ngakpokpo 'ngú gba e me, yi zeze.» ¹⁴ Ongisi na obhosibhos*i* mananika gba Seva, suka 'ngbe dimande bini gba omaYuda-a adu amemene moko. ¹⁵ Engú bini, siti bua-a agie pi uo me: «Ma mbila Yesu hana. Ma mbila la di hana me Polo ne da-ie. Ngayi-e, yi la naayi ne oda?»

¹⁶ Abhomu-o, kpála inde li siti bua adu bhú e, ati pi uo ne gbele, angu gba ani ane bhende gba uo-o mane. Ani amene uo sisiti naali. Kaka-a, u atsia aze bhú 'ti ango-o ndumbu di ne oeka li kte o. ¹⁷ Ndu okpála

na gudhu na Efeso hana, omaYuda di ne oGiliki, adje engú ango-o. Ndu uo hana adje tsulu naali. Abhomu-o, u atsia adhége 'li Ngamá Yesu. ¹⁸ Bhti okpála inde abhuka adu ago ambamba ta osisiti 'ngú inde u amene e ko. ¹⁹ Bhelé bhú ka uo adu obhulu mambengu. U ago ne obhuku gba o-o, u atsia atsulu kala ndu okpála hana. U ako masemase-e lie, u atsia au me a akoto olí falanga kutu ndjikpa bhuluvue. ²⁰ Abhomu-o, ka angu gba Ngamá-a, eli-e adu ayangba, atsia adu akolo kpekpeke.

Tolo akoto bhú ka okpála na gudhu na Efeso

²¹ Pita ongú bhomu-o, Polo atsia abhundja me ni gulu ondu doto na Makedonia di ne Akai ngú nanu bhú gudhu na Yelusalema. Ani adu apa me: «I du me ma nde akolo oo, a ayo me ma akolo di bhú gudhu na Loma.» ²² Abhomu-o, ani atima okpála bhisi bhú ka okpála inde adu ateteku ani-e, Timoté di ne Elasite, bhú gudhu na Makedonia. Engú bini, ani atsia adu mbo matá naae bhú ndu doto na Adjia ngubula nedhinga bedi.

²³ Bha li nedhinga bhomu-o, tolo na ngbengbe atsia akoto bhú gudhu na Efeso pindji kpadji gba Ngamá Yesu-o. ²⁴ Kpála bini adu oo, a adu 'li ani me Demetiliusi. Ani adu abho djedje kulu eti gba ebhe na eele Alatemi li teme inde u a'i e me aladja. Okpála na kulu ango-o adu asia tia tete naali.

²⁵ Abhomu-o, ani apo bhúla uo bhú dabili bini ne okpála inde adu amene di ngua kulu ango-o. Ani atsia apa pi uo me: «Ondaise ma, yi mbila ndjindji me ni ngakobho ka kulu inde. ²⁶ Yi ngauu, yi la di ngadjedje, engú li Polo inde-e ngamene e-o. Ani ngapa me oebhe inde li okpála amene e ne 'kpa-a, a ko oebhe de. Ani agbele okpála nganda e bhelé. Ani mene mo-o, bha bini bhú gudhu na Efeso siii de, engú bini, masikpe de bhú ndu

doto na Adjia libhomu. ²⁷ Eli angoo ti da nasiti bha bini kulu gba ní-e de, engú bini, a ti da nayaka di sa eti gba 'ngbé ebhe na eele Alitemi. Abhomu-o, li okpála 'ó nadhögé Alitemi, ebhe na eele inde li okpála na ndu doto na Adjia di ne píla doto libhomu ngadhögé e-o.»

²⁸ Li okpála inde adu oo adje engú bhomu-o lie, u abi 'gú naali. U atsia aholo nasusula me: «Alitemi gba okpála na gudhú na Efeso-o ngbengbé!» ²⁹ Abhomu-o, tolo aha gudhú libhomu. U aholo Gayusi, ngauo ne Alisitaluka, okpála bhisi na gudhú na Makedonia inde adu adhukú bhú dabili bini ne Polo-o. U atsia anu ne uo bhú holo li bili li okpála apekébhé bhúla o lie ko. ³⁰ Kaka-a, Polo me ni ngakoto kala ndu okpála hana, engú bini, omukpata atsia ayoko ani. ³¹ Okpála koko di na ndu doto na Adjia inde adu akunda ani-e, atima eli pi ani me, ngaani makpe-e, ani anu li bili li okpála apekébhé bhúla o lie de.

³² Li nedhinga angoo, tolo adu naali. Abhomu-o, okpála dje li de. Okoko adu asusula ne engú kpi, okoko atsia adu di asusula ne engú koko. Bhelé na uo du ambila ta 'ngú inde u apekébhé bhúla o ngú e de. ³³ Okpála koko bhú ká bhti okpála bhomu-o, akpokpo pi Alekidjandele inde adu bhú ká uo-o, u atsia adyudyo ani ne akalanu. Abhomu-o, ani a'e 'kpa e bhúlá, ngubula nasuno me ni ngakunda nagama 'ngú kala okpála. ³⁴ Engú bini, li okpála ambila lie me a ko maYuda-a, ndu uo hana aholo asusula bhú dabili bini ngubula nedhinga masikpe de saa bhisi me: «Alitemi gba okpála na gudhú na Efeso-o ngbengbé!»

³⁵ Ali soso-o, ndembí bini na gudhú angoo ayoko uo, ani atsia apa me: «Ngayi okpála na gudhú na Efeso-o, ndu okpála hana mbila ndjindji me gudhú na Efeso ngalila

'ti ebhe gba 'ngbé ebhe na eele Alitemi, di ne kulu ani inde ayie nani abhúlá atsia ati kuto-o. ³⁶ Kpála bini ti da nayayala de. Kaka-a, a ayo me yi 'o bua yi kuto. Yi améne 'ngú bhú holo de.

³⁷ Yi ago ne okpála inde-e ei. Ngauo-o, u zi 'he bhú 'ti ebhe na eele gba ní-e de. U tsia sobho la di ani de. ³⁸ I du me Demetelisi ne okpála na kulu gba e nde ne engú sunda o ne kpála bini-e, a ne oekpí di ne ongámási ngú nakodho 'ngú angoo. A bhomu-o bili inde a ayo me u nu kpokpo 'ngú sunda o lie ko. ³⁹ I du me a nde matá ne engú koko inde a ayo me u gama 'ngú lie, ya apékébhé bhúla ya maka li líli apa lie, ya tsia kpókpo 'ngú téte. ⁴⁰ Atigala bedi me u pa li ni me, ni ngaha kpéke 'ndji pi okpála li 'ngú inde akodho 'kpí naki-o. Padhá de, anga tata li napékébhé bhúla ni me-e ade. Ni ti la di da nakpokpo 'ngú téte pi okpála ndjindji de.» [⁴¹ *]

20

Polo ayie bhú gudhú na Efeso

¹ Li tolo andjia lie, Polo a'i omukpata-o, ani atsia ato masi bhú uo. Pipita-a, ani abhana lie pi uo, ani atsia atapa bhú ndu doto na Makedonia. ² Ani agulu ndu doto angoo, ani ato masi bhú omabhuka ne oeli bhelé. Pipita-a, ani atsia akolo bhú ndu doto gba oGiliki. ³ Oo, ani asi epe bata. Li nedhinga inde ani adu akunda lie naha 'ngbé zabu ngú nanu bhú ndu doto na Silia, ani adje me omaYuda apo bhúla o ngú namene ni sisiti. Abhomu-o, ani atsia au ndjindji me ni gie liní, amba ni pu ne abhú ndu doto na Makedonia. ⁴ Okpála inde adu nani adhukú ne ani bhú dabili bini-e, adu nani: Sopatolosi, ndili gba Pilusi, kpála na gudhú na Beloya; Alisitaluka ngauo ne Sekundusi, okpála na gudhú na

* ^{19:41} 19:41 Lukuluku inde-e, a bhú obhuku koko na didili u aye e bhú eli na giliki ade. [Pita li ani andjia nakpo 'ngú bhomu-o lie, ani atsia aha kpadji pi okpála.]

Tesalonike; Gayusi, kpála na gúdhú na Delebe, ne uo ne Timoté; Tisike ngauo ne Tolofime, okpála na ndu doto na Adjia. ⁵ Okpála bhomú-o agbida kalanú, u atsia adú adjeke ya bhú gúdhú na Tuluasi. ⁶ Engú bini, ngaya-a, ya aha 'ngbé zabú bhú gúdhú na Filipoi. Pita anokomia nazú mapa inde li levile nde bhú e ade-e, ya atsia anú abhaka uo bhú gúdhú na Tuluasi, pita ekpí bhuluvue. Oo, ya asi poso bini.

Polo akpokpo 'ngú gba Ebhe-e bhú gúdhú na Tuluasi

⁷ Bhú 'kpí kulu madhia tagolo-o,* ya apo bhúla ya ngú nazú mapa-o. Polo adú agama 'ngú pi uo, anga aní adú akunda nanú pita 'kpí angoo. Aní atsia agama 'ngú ngengele akolo tutu sukpe. ⁸ Ya apo bhúla ya bhú tina 'ti bhende na abhúlá-o. Oo, oeke adú bhelé. ⁹ Makombi bini, a adú 'li aní me Etikusi, aní adú li malilisa. Li Polo adú la lie agama 'ngú ngengele-e, aní atí ne ela má kolio! Abhomú-o, aní atsokodho abhúlá bhú tina 'ti na bata-a, aní atsia atí kuto má kpu! U a'e bha ibili aní me aní nde akpi. ¹⁰ Polo aké, aní angumba pi aní, aní aha aní, abi aní sa 'kpa e. Aní atsia apa me: «Yi adjé tsúlú de. Aní kpi de.» ¹¹ Pipita-a, Polo agie matá lie abhúlá, aní aha mapa-o, aní agumú, aní atsia azú. Abhomú-o, aní agama matá 'ngú ngengele akolo bhú sikíkpi. Pipita-a, aní atsia atapa. ¹² La-a, pi makombi bhomú-o, u anú ne aní me aní nde uu. Engú bhomú-o ateteke okpála naali.

Polo anú bhú gúdhú na Mileté

¹³ Ya ayie kalanú, ya aha 'ngbé zabú ngú nanú bhú gúdhú na Asosa. A bhomú-o bili inde a ayo lie me ya ha Polo bhú 'ngbé zabú-o. Padhá de, anga aní apa pi ya mo-o ngae me, ni anú naaní ne 'dhu ni. ¹⁴ Aní ago

abhaka ya lie bhú gúdhú na Asosaa, ya aha aní bhú 'ngbé zabú, ya atsia atapa bhú gúdhú na Mitilene. ¹⁵ Li ekpí aseke lie, ya ayie oo, ya akolo bhúla kpemé na Kio. Ekpí na bhisi-e, ya akolo bhú kpemé na Samosi. Ekpí na bata-a, ya atsia akolo bhú gúdhú na Mileté. ¹⁶ Polo abhundja me ni lú bhú gúdhú na Efeso de. Padhá de, anga aní du akunda de me ni bhue bhú ndu doto na Adjia ngengele-e de. Aní adú agbene lie ngúbula me, i du me nedhinga nde u-o, ni de du bhú gúdhú na Yelusalema bhú anokomia na Patekote .

Polo abhana lie pi obhelesi okpála na gúdhú na Efeso

¹⁷ Li Polo adú lie bhú gúdhú na Mileté-e, aní atima okpála bhú gúdhú na Efeso me u nu 'i obhelesi okpála na Dadjua gba Ebhe-o. ¹⁸ U akolo lie de aní-e, aní atsia apa pi uo me: «Yi mbila maka ma adú nadú lie bhú ká yi, nayie li 'kpí ma akolo lie bhú ndu doto na Adjia hana. ¹⁹ Ma amene kulu gba Ngámá me ma nde aké lima ne kuto. Ma adú aku 'gbá, ma atsia adú di adje likabhu ka li omaYuda adú adje lio lie ngú namene ma sisiti-o. ²⁰ Yi mbila hana me ma wo 'he bini inde i ti da nadú pi yi ndjíndji-e belegü de bini. Ma akpokpo Bádha Ngali gba Yesu-o. Ma atsia asuno la di pi yi mbámbá bhú ká okpála, ne bhú oeti gba yi-o. ²¹ Ma apa pi omaYuda di ne oGiliki me u dji lio pi Ebhe, amba u bhuka Yesu Ngámá gba ni ko.

²² Mbía inde-e, ma adjí bhú gúdhú na Yelusalema maka li Bu Bhopua aha lili muma lie ngú namemene ko. Ma mbila de me abháka ma oo ne mangua 'ngú dho-ie de. ²³ Ma ambila bha bini me Bu Bhopua ngapa muma me bhú gúdhú bini ne bini-e, tikpu di ne likabhu ngadjeke ma. ²⁴ La-a, mukobho gba ma makpe-e, bhú djila ma ngbéngbé

* ^{20:7} 20:7 'Kpí kulu madhia tagolo: U aye bhú obhuku koko me «Ekpí na kalanú.» Pi omaYuda-a, ekpí na kalanú-o, a ko 'kpí kulu madhia. La pi ni-e, ekpí na kalanú-o, a ko 'kpí yinga.

ade. Padhá de, anga ma akündá namene kulu inde li Ngámá Yesu aha e mʉma-a, akólo bha bini ali soso: nakpokpo Bádha Ngali na bádha bhú 'bu gba Ebhe ko.

²⁵ Ma apʉ bhú okuti gba yi, ma akpokpo 'ngú pindji Naʉ gba Ebhe. Engú bini mbia inde-e, ma ambila me yi ú matá ma de. ²⁶ Kaka-a, ma apa pi yi naki me: i du me kpála bini bhú ká yi nde angita-a, a ko matá naama 'ngú de. ²⁷ Padhá de, anga ma akpokpo ndu 'ngú gba Ebhe-e pi yi hana. Ma wo engú belegʉ de bini. ²⁸ Yi lila liyi ngayi makpe, di ne ndu piga hana inde li Bu Bhabua a'o e sa 'kpa yi me yi lila e ko. Yi lila Piga gba Ebhe inde ani akala e ne ngute Ndili gba e makpe ko. ²⁹ Padhá de, anga ma ambila ndjindji me pita ma-a, okpála inde maka onute-e alí bhú ká yi. U tsia bhéle piga gba Ebhe-o. ³⁰ Abana bha bhú ká yi makpe-e, okpála koko azé, u adú apa eu, u tsia gbéle omabhuka bhelé nganda o. ³¹ 'E-e! Yi lila liyi, amba yi bhundja la di me, bhú súnda kalanga bata, sukpe ne ngbikpi, ma ndala li nasuno pi kpála bini ne bini de. Ma adu asuno belegʉ ne ngúla bhú djila ma.

³² Mbia inde-e, ma nga'o yi sa 'kpa Ebhe, di ne eli na bádha bhú 'bu gba ani-o. A ko ani inde ngateteke yi ngubula me yi lu kpekpeke-o. Ani di ne angu ngú naha pi yi obabadha 'ngú inde ani awo e pi ndu obubu okpála gba e hana-o. ³³ Ma du ne gʉmu tia de. Ma du ne gʉmu olo de. Ma du di ne gʉmu bongo gba kpála bini de. ³⁴ Ngayi makpe, yi ambila ndjindji me ma amene kulu ne 'kpa ma ngubula me ngaya ne obi ma-a, ya sia 'he inde ya adu ne gʉmu e ko. ³⁵ Ma apana pi yi bhú ndu 'ngú hana me a ayo namene kulu ngubula nateteke okpála bhende bhú ndibibili-o. Yi bhundja di eli inde li Ngámá Yesu apa e ngae makpe me: < Djali naali

pi kpála inde ngaha 'he ane kpála inde ngasia 'he ko!»

³⁶ Pita ani apa 'ngú bhomʉ-o lie, ani atutu lipukʉ e kuto, ani atsia ayo Ebhe bhú dabili bini ne uo. ³⁷ Ndʉ uo hana aholo naku 'gbá. U aga ngʉlʉ ani. U atsia apa pi ani me, ani nu ndjindji. ³⁸ U adu ne likabhu naali, anga Polo apa pi uo me u ú matá ni de. Abhomʉ-o, u atsia anu a'o ani ade 'ngbé zabu-o.

21

Polo atapa bhú gʉdhʉ na Yelusalema

¹ Pita ya agbo bhʉsu ya ne uo lie, ya aha 'ngbé zabu, ya anu bhú kpemə na Kosi. Li ekpí aseke lie, ya akolo bhú kpemə na Lodosi. Ya ayie lie oo, ya atsia anu akolo bhú gʉdhʉ na Patala. ² Oo, ya abhaka me 'ngbé zabu bini nde adji bhú ndu doto na Fenisia. Abhomʉ-o, ya a'u bhúbhú, ya atsia atapa. ³ Ya akolo lie lingo kpemə na Sipele-e, ya nde ibili ngauu hana-a, ya a'o káká ne li pápá na gali ngú nanu li pápá na ndu doto na Silia. Ya akolo bhú gʉdhʉ na Tile, li bili inde a ayo lie me u pandja 'he bhú 'ngbé zabu-o. ⁴ Ya abhaka la omabhuka lie oo, ya amene ne uo poso bini. Abhomʉ-o, Bu Bhabua atsia apa pi uo me, u pa pi Polo me ani anu bhú gʉdhʉ na Yelusalema de. ⁵ Engú bini, li ekpí gba ya ale lie, ya atsia agbida. Ndʉ uo hana, ne olisi di ne ongisi gba o-o, anu na'o ya. Ya akoto bhú gʉdhʉ-o. Ya akolo lingo 'ngbé 'ngu, ya atutu lipukʉ ya kuto, ya atsia ayo Ebhe. ⁶ Kala me ya agbo bhʉsu ya ne uo-o, ya aholo 'kpa uo. Ya anu a'u bhú 'ngbé zabu-o. Abhomʉ-o, u atsia agie lio agba o.

⁷ Ya ayie bhú gʉdhʉ na Tile, ya akodho 'ngbé 'ngu-o, ya atsia akolo bhú gʉdhʉ na Potolemaisi. Ya akolo lie oo, ya aholo 'kpa ondaise ya, ya atsia adu ne uo ekpí bini. ⁸ Li ekpí aseke lie, ya aholo ne enu, ya atsia akolo bhú gʉdhʉ na Sedjale. Oo,

ya ali bhú 'ti gba Filipo, m̄usuno na Bâdha Ngali gba Ebhe, s̄uka okpála mananika nani inde u abhú o bhú gudhú na Yelusalema ko. Ya atsia adu agba ani. ⁹ A adu nani ka ani ne ongisi na olisilisi badha inde i mbíla nga nani engú na obhosí de. U adu nani akpokpo 'li Ebhe pi okpála.

¹⁰ Ya adu oo ngubula ekpí bheldé. Li nedhinga ango-o, polofeta Agabusí ayie bhú ndu doto na Yudaya atsia ago oo. ¹¹ Ani ago abhaka ya. Ani abhulu ekpú na ludu Polo. Ani agbigbite 'kpa e di ne 'dhú e ne di. Do ani de me: «Bu Bhabua apa me: < Bhâlú ekpú inde-e, bhú gudhú na Yelusalema-a, omaYuda agbigbite bhadi ani moko, u tsia pú ani pi ogandji okpála .» ¹² Ya adje engú bhomú-o lie, ngaya, di ne omabhuka na gudhú na Sedjale-e, ya akikiliki liya pi Polo me ani anú bhú gudhú na Yelusalema de. ¹³ Engú bini, Polo atsia agie me: «Yi ngamene bhomú-o ni? Yi ngaku 'gbá, di ne nangbingi bua ma lie mo'o! Ma bha bini bedhe ade ngubula me u mbimbí ma ne ekpu, engú bini, ma bedhe ngubula me ma kpi bhú gudhú na Yelusalema ngubula 'li Ngámá Yesu.» ¹⁴ Ya ale la nadji mabhundja gba ani-e lie pima-a, ya tsia zì kekele téte de. Ya apa bha ibili me: «A ayo me Ngámá mene maka ani akunda lie ko!»

¹⁵ Pita ekpí ya amene e li bili bhomú-o, ya aleke liya. Abhomú-o, ya atsia agbida bhú gudhú na Yelusalema. ¹⁶ Omukpata koko na gudhú na Sedjale anú bhú dabili bini ne ya. U anú a'o ya gba kpála bini inde a ayo me ya adu gba e-o. A adu 'li ani me Menaso, kpála na kpemé na Sipele, s̄uka omukpata na kalanú ko.

Polo anú natsia obhelesi okpála bhú gudhú na Yelusalema

¹⁷ Ya akolo lie bhú gudhú na Yelusalema-a, omabhuka asia ya ne djali. ¹⁸ Li ekpí aseke lie, Polo anú bhú dabili bini ne ya agba Djaki. Oo,

ndu obhelesi okpála hana na Dadjua gba Ebhe-e, atsia apékébhé bhúla o. ¹⁹ Polo aholo 'kpa uo. Abhomú-o, ani atsia akpokpo ndu 'ngú hana bini ne bini maka li Ebhe adú amemene lie bhú kulu gba ani bhú ká ogandji okpála ko. ²⁰ Li u adje lie-e, u atsia adhége Ebhe. Pipita-a, u atsia apa pi ani me: «Ndai ya, m̄u ngauu! A ko omaYuda kêté ne kêté inde abhuka Ebhe, ndu uo hana agbite lio li lili. ²¹ La-a, u adje li 'ngú gba m̄u-o me, m̄u ngasuno pi ndu omaYuda hana inde ngadulú bhú ká ogandji okpála me, a ayo me u 'o nakpata lili gba Moidje-o. U adje di me mo opa di pi uo me, u 'o nato ongisi gba o-o bhú gandja, amba u 'o di nakpata dasundu gba omaYuda-o. ²² A ayo me ya mene pi? A na paká me, u adjé madje me mo okolo si.

²³ Mene bhende ya apá e pi m̄u ko. A ka ya si ne obhosí badha inde asili ndjinga me, o aha lio pi Ebhe. ²⁴ Ha uo, yi n̄u ne uo, yi vulu liyi ngubula me yi kolo bubu kala Ebhe, amba m̄u ha tia ngubula me u ka 'ndji uo. Abhomú-o, li ndu okpála hana tsia mbíla me engú inde u apa e li m̄u-o, a ko kükülu 'ngú de. Engú bini ngamú di-e, m̄u ngakpata lili gba Moidje ko. ²⁵ La pi ogandji okpála inde abhuka-a, ya aye pi uo lili gba ya-o: u 'o nazú so 'n̄u inde u abhélè e pi oebhe na eu-o ma'o. U 'o nazú ngute di ne so 'n̄u inde akpi ne ngute bhú e hana, amba u 'o nakunda olisi di ne obhosí ngangá ma'o.»

²⁶ Abhomú-o, li ekpí aseke lie, Polo abha obhosí ango-o, ani anú avulú lie ne uo bhú dabili bini ngubula me o kolo bubu kala Ebhe. Pipita-a, ani ali bhú 'ngbé 'ti Ebhe gba omaYuda, ani atsia a'o ekpí inde li mavulú ango-o andjia lie, u tsia bhéle enu pi Ebhe ngubula ndu uo hana bini ne bini.

U aholo Polo bhú 'ngbé 'ti Ebhe gba omaYuda

²⁷ A akolo lie masikpe de me oekpí mananika-a ndjia, omaYuda koko na

ndu doto na Adjia au Polo bhú 'ngbé 'ti Ebhe gba omaYuda. Abhomu-o, u ato siti 'ngú bhú 'ndji ndu okpála hana. U atsia aholo ani. ²⁸ U adu asusula me: «Ngayi omañsalaele-e, yi go teteke ya! Yi tsia nga kpála inde ngasuno ne ndu bili hana pi ndu okpála hana me, u yala omañsalaele, u yala lili gba Moidje, di ne 'ngbé 'ti Ebhe gba omaYuda-o. Ani amba belegu oGiliki bhú 'ngbé 'ti Ebhe. Abhomu-o, ani atsia asiti di bili na bubu ango-o.» ²⁹ (U adu apa mo-o, anga kalanu-o, u au Tolofime, kpála na gudhu na Efeso, bhú dabili bini ne Polo abhú gudhu. Kaka-a, u adu abhundja me Polo ato ani bhú 'ngbé 'ti Ebhe gba omaYuda.)

³⁰ U aholo amene tolo bhú gudhu libhomu. Abhomu-o, okpála ayie ne ndu bili hana, u ago apekèbhé bhúla o. U aholo Polo, u agbele ani akilidjo, u atsia anini kolo obhoti na 'ngbé 'ti Ebhe gba omaYuda-o. ³¹ Li u adu agili nabhele Polo lie, ngali ango-o atsia akolo li 'ngbé ngámá gba osudha na gudhu na Loma me okpála bhú gudhu na Yelusalema libhomu ngazi tolo. ³² Kolo má gala me-e, ani abha ongámási gba osudha di ne osudha, ani anu ne uo li bili li okpála adu azi tolo lie-o. U au 'ngbé ngámá di ne osudha-a lie, u atsia a'o nabhi Polo. ³³ Abhomu-o, 'ngbé ngámá-a adyudyo lie de Polo. Ani me u holo ani, ani atsia aha lili me u gbigbite ani ne gbindjili bhisi. Pipita-a, ani ayi me: «A ko naae da, ani amene la di ni?» ³⁴ Bhú ká bhti okpála bhomu-o, okpála adu asusula ne engú ngangá, u dje lio de. Li tolo adu lie naali-e, 'ngbé ngámá-a tsia dje ta 'ngú ango-o de. Abhomu-o, ani atsia aha lili me u nu ne Polo bhú 'ti inde li osudha nalila gudhu adu lie ko.

³⁵ Ani akolo lie li ngba 'ti-e, osudha atsia abi ani ka li bhti okpála bhomu-o adu amene ani lie sisiti-o. ³⁶ Padhá de, anga ndu uo hana adu akpata ani. U atsia adu atu 'ue me u bhéle ani.

Polo akpokpo 'ngú gba e-o

³⁷ Nedhinga u adu akunda nato Polo lie abhú 'ti-e, Polo apa pi 'ngbé ngámá-a me: «Mu ti da naziba uu me ma pa mbo engú pi mu?» 'Ngbé ngámá-a atsia ayi ani me: «Mu mbila eli gba oGiliki-e hana? ³⁸ A ko ndi mu di maEdjipeto inde ato kpéke 'ndji bhú okpála sunda 'kpí inde-e? Ani atsia anu di ne okpála kete badha bhú 'gu-o?» ³⁹ Abhomu-o, Polo agie me: «Ngama-a, ma ne maYuda. U azu ma bhú gudhu na Talasi bhú ndu doto na Silisia. Ma ne kpála na gudhu na padhá padhá ade. Kikiliako, ha kpadji muma, ma gama 'ngú pi okpála.» ⁴⁰ 'Ngbé ngámá-a atsia aziba pi ani. Abhomu-o, Polo alu li ngba 'ti-o, ani amene 'kpa e me ni akunda nagama 'ngú pi okpála. Ndú okpála hana andjili má bulu! Abhomu-o, Polo aholo nagama 'ngú pi uo bhú eli gba omaYuda me:

22

¹ «Odyi ma, di ne ondaise ma, yi dje engú inde ma adji apa e pi yi mbia inde-e ndjindji, amba yi mbila me ma mene 'ngú bhomu-o de.» ² Li u adje lie me ani ngagama 'ngú pi o bhú eli gba omaYuda-a, u atsia andjili la matá má bulu! Polo atsia apa me: ³ «Ngama-a, ma ne maYuda. U azu ma bhú gudhu na Talasi, bhú ndu doto na Silisia. Ma abhele bhú gudhu na Yelusalema inde. Musuno gba ma Gamaliele asuno nambila lili gba onguo ogbi ni-e muma ndjindji. Ma aha nani lima pi Ebhe ne bua ma bini maka ndu yi hana yi ngamemene lie naki ko.

⁴ Ma adu ato mbolo li okpála inde adu akpata kpadji gba Ngámá-o, ma atsia adu agili nabhili uo. Ma azumu obhosu di ne olisi, ma atsia amba uo bhú tikpu. ⁵ Bhele kpála gba odimandé gba Ebhe di ne obhelesi okpála mbila ndjindji me ma ngapa e kükülu 'ngú. U aha belegu obalua

máma ngubula me ma nü ne di pi ondaise ní inde bhú gudhú na Damasi. Ma anü oo me ma holo omabhuka inde oo, ma gbigbite uo ne gbindjili, amba ma mba uo bhú gudhú na Yelusalema ngubula me u mene uo sisiti.»

Polo akpokpo maka ani adji bua e lie ko

(*Tsia bhú Kul. 9:1-19, 26:12-18.*)

⁶ «Abhomu-o, ma adu lie li kpadjí-e, masikpe de nakolo bhú gudhú na Damasi de tulukpe-e, kolo me-e, zi 'kpí na kpekpeke ayie abhúlá, a ago asa ma ngbalina. ⁷ Ma agü 'i ma kuto má gbwüe! Ma atsia adje eli bini inde apa máma me: <Saulo, Saulo, má ngato mbolo li ma ngü ni?> ⁸ Abhomu-o, ma atsia agie me: <A ko má da, Ngámá?> Ani atsia agie máma me: <A ko ma Yesu, kpála na kütí na Nadjaleta, inde má ngato mbolo lie ko.> ⁹ Okpála inde adu bhú dabili bini ne ma-a, au zi 'kpí angoo. Engü bini, u dje 'li kpála inde adu agama 'ngü máma-a de. ¹⁰ Abhomu-o, ma atsia ayi matá me: <Ngámá, a ayo la me ma mene pi?> Ngámá agie máma me: <Yie bhúlá, nü bhú gudhú na Damasi. Oo, u apá pi má ndu 'ngü hana inde li Ebhe akunda me má mene e ko.> ¹¹ La-a, ma du au 'kpí ka kpéke zi 'kpí bhomu-o lie de-e, okpála inde adu bhú dabili bini ne ma-a, aholo 'kpa ma, u atsia anü ne ma bhú gudhú na Damasi.

¹² Kpála bini adu nani oo, a adu 'li ani me Anania. Ani adu akpe Ebhe, ani atsia adu di akpata líli gba ní-e ndjindji. Ndú omaYuda hana na gudhú na Damasi adu apa 'ngü gba ani-e ndjindji. ¹³ Ani ago natsia ma. Ani akolo lie de ma-a, ani atsia apa máma me: <Ndai ma Saulo, u matá 'kpí uu!> Bha li nedhinga bhomu-o, djila ma abhulu, ma atsia au ani. ¹⁴ Abhomu-o, ani atsia apa máma me: <Ebhe gba onguo ogbi ní abhú nani má didili ngubula me má mbila engü inde ani akunda e-o. Ani abhú má ngubula me má mbila Kpála

inde ngbingbili-o, amba má dje di 'li ani makpe. ¹⁵ Padhá de, anga pi ani-e, mo odú akpokpo ongú gba ani bhende mo ou e, di ne bhende mo odje e pi ndu okpála hana. ¹⁶ Mbía inde-e, má matá ngadjéke ni? Yie bhúlá, sia batisimo, má yo Ebhe, amba ani 'e siti 'ngü gba má ko.»

Polo akpokpo maka li Ebhe atima ani lie agba ogandji okpála-o

¹⁷ Abhomu-o, ma agie líma bhú gudhú na Yelusalema. Ekpí bini, ma adu ayo Ebhe bhú 'ngbé 'ti Ebhe gba omaYuda, ma atsia au engü maka loto. ¹⁸ Ma au Ngámá, ani atsia apa máma me: <Yaka! Koto bhú gudhú na Yelusalema má gala, anga okpála na gudhú inde-e, u ziba engü gba ma inde mo opá e pi uo-de.> ¹⁹ Abhomu-o, ma atsia apa me: <Ngámá, u mbila hana me ma adu nako nanu bhú otí nadje líli gba Moidje, ma adu aholo okpála inde abhuka má-o. Ma adu amba uo bhú tíkpú, ma atsia adu di abhi uo ne fimbo.> ²⁰ Nedhinga u adu abhélè Etieni, kpála nakpokpo Bádha Ngali gba má-o lie, ma adu di oo. Ma aziba okpála inde adu abhélè ani-o. Ma atsia adu alila obongo gba uo-o.> ²¹ Abhomu-o, Ngámá atsia apa máma me: <Nanu, anga ma atíma má tsutsu agba ogandji okpála .>>

Polo apa me, ni ne kpála na gudhú na Loma

²² Bhti okpála bhomu-o adu nga bha nadje ani akolo li engü inde ani apa e bhomu-o. Abhomu-o, u atsia aholo asusula me: «Yi bhele kpála bhomu-o mabhele! Ani ti da nadu píla doto de!» ²³ U adu asusula kpekpeke. U adu ape obongo gba o, u atsia adu abala ndju doto ne abhúlá. ²⁴ Abhomu-o, 'ngbé ngámá gba osudha aha líli me u to Polo abhú 'ti gba osudha. Ani atsia apa me u bhi ani ne fimbo, amba ani pa ta 'ngü inde li okpála ngasusula lie me u mene ani sisiti-o. ²⁵ Li u agbigbite ani lie ne ekpú ngubula

nabhi ani ne fimbo-o, abhomu-o, ani atsia apa pi ngamá gba osudha inde adu oo me: «A ayo bha ndju uu me, yi bhi ndili na kuti na Loma ne fimbo me, u nde kodho nga 'ngú gba ani-e di?»

²⁶ Li ngamá bhomu-o adje engú li Polo ayi e lie, ani atsia anu abhaka 'ngbé ngamá gba osudha-o. Ani atsia ayi ani me: «Mo oméne pi, anga kpála bhomu-o, a ko ndili na kuti na Loma!» ²⁷ Ngbé ngamá-a ago abhaka Polo, ani atsia ayi ani me: «Pa nga mu ma, mu ne ndili na kuti na Loma na paká?» Polo atsia agie pi ani me: «Heni, a na paká.» ²⁸ Abhomu-o, 'ngbé ngamá-a atsia apa me: «Ma aha nani tia bhelé ngubula me ma kolo kpála na kuti na Loma.» Polo atsia apa naae me: «Ngama-a, u azu ma kpála na kuti na Loma.» ²⁹ Kolo má gala me-e, okpála inde i di me bhi ani ngubula me ani gama 'ngú-o, u atsia atsambala de ani. Abhomu-o, 'ngbé ngamá gba osudha-a aholo adje tsulu, li ani ambila lie me ni aha lili ngani me u gbigbite ndili na kuti na Loma-o.

Polo kala Libi okpála natsia 'kpí li 'ngú gba omaYuda

³⁰ Abhomu-o, 'ngbé ngamá gba osudha-a adu akunda me, ni mbila kukulu ta 'ngú inde li omaYuda asungula Polo lie pi ongámási-o. Kaka-a, li ekpi aseke lie, ani aha lili me u bhubhulu Polo, di me ongbengbe odimande gba Ebhe, di ne Libi okpála natsia 'kpí li 'ngú gba omaYuda perekbehé bhúla o. Pipita-a, ani ago ne Polo, ani atsia a'o ani kala uo.

23

¹ Abhomu-o, Polo atsia Libi okpála natsia 'kpí li 'ngú gba omaYuda ne kpéke djila. Do ani de-e: «Ondaise ma, nakolo pi mbia inde-e, ma adhukku kala Ebhe ndjindji.» ² Engú bini, bhele kpála gba odimande

Anania aha lili pi okpála inde adu de ani-e me u su 'bhe ani. ³ Abhomu-o, Polo atsia apa pi ani me: «Ebhe assu mu ngae, ngamu kpála inde maka pabu 'ti inde u ato embú lie! Mo odu oo ngú nakodho 'ngú gba maka maka li lili apa lie. Engú bini, mo ogumu lili anga mo opa me u su ma!» ⁴ Abhomu-o, okpála inde adu de Polo atsia apa pi Polo me: «Mu ngasobho bhele kpála gba odimande gba Ebhe!» ⁵ Polo agie me: «Ondaise ma, ma mbila iginde me a ko bhele kpála gba odimande gba Ebhe-e de. Padhá de, anga Bhuku gba Ebhe-e apa me: «Mo osóbho ngamá gba okpála na doto gba mu-o de.†»

⁶ Li Polo ambila la nani lie me bhú ká okpála inde apo bhúla o bhomu-o, okoko adu oSadukai, okoko adu omuFalisai-e, ani atsia asula bhú ká uo me: «Ondaise ma, ma ne muFalisai, ndili gba omuFalisai. Idi me u nde nga'o 'ngú pi ma me-e, a ko anga ni ne 'to ni me okpála inde amu-o, azúku mazuku.» ⁷ Li ani apa 'ngú bhomu-o lie, omuFalisai ne oSadukai aholo natsi sunda o. Abhomu-o, okpála atsia agbo bhúsú o bhisi. ⁸ (Padhá de, anga oSadukai ziba nani naao de me okpála azúku mazuku-o de. U atsia apa di nani matá me andjelu ade, bua di ade. Engú bini, omuFalisai atsia aziba nani naao ndu 'ngú bhomu-o hana.) ⁹ Abhomu-o, tolo atsia akolo naali. Omusuno na lili koko inde adu bhú ká omuFalisai-e ayie bhúlá, u atsia apa ne angu hana me: «Ya u siti 'ngú bhú kpála inde-e belegü de bini. A mana mugito me andjelu bini, i du di-e bua, agama 'ngú pi ani ngae!»

¹⁰ Li okpála adu alo 'bhe lie sunda o naali-e, 'ngbé ngamá gba osudha-a aholo adje tsulu me u adjí adolo Polo. Kaka-a, ani aha lili pi osudha-a me, u ke, u nu ha Polo bhú ká uo, amba u gie ani abhú 'ti gba osudha inde ngalila gudhú-o.

† 23:5 23:5 Tsia bhú Eki. 22:27.

¹¹ Sukpe-e, Ngámá akoto li Polo, ani atsia apa pi ani me: «Atou! Padhá de, anga maka mo okpokpo 'ngú gba ma lie bhú gúdhú na Yelusalema-a, a ayo bhadi me mu nu kpopko bhú gúdhú na Loma moko.»

OmaYuda adje lio ngú nabhélə Polo

¹² Li ekpí aseke lie, omaYuda adje lio pindji Polo, u atsia atu silika me o zú bha bini 'he, li o ndjí la bhadi 'he bhe nandji mandji-e me, o nde abhélə bha bini ani kalanu. ¹³ Okpála inde nani adje lio bhomu-ane nani ndjikpa badha mane. ¹⁴ U anu abhaka ongbengbe odimande di ne obhelesi okpála, u atsia apa pi uo me: «Ya atu silika me ya azú bha 'he me ya nde abhélə Polo kalanu.

¹⁵ Mbía inde-e, a ayo me ngayi ne Libi okpála natsia 'kpí li 'ngú gba omaYuda-a, yi yo ka 'ngbé ngámá gba osudha-a me, ani go ne Polo kala yi si. Yi mene mugito me yi akunda atsia 'kpí li engú gba ani-e ndjindji. La pi ya-a, ya bedhe ngú nabhélə ani me ani nde kolo nga de.»

¹⁶ Engú bini, ndili na bhobhoko gba ndai Polo na eelə-o adje engú ango-o. Ani anu, ani ali bhú 'ti gba osudha inde ngalila gúdhú-o. Ani atsia apa pi Polo. ¹⁷ Abhomu-o, Polo a'i súka ongámási gba osudha-o. Do ani pi ani me: «Nu ne makombi inde-e pi 'ngbé ngámá gba osudha-o. Padhá de, anga ani ne engú napapa pi ani.» ¹⁸ Ngámá gba osudha-a aha ani, ani anu ne ani pi 'ngbé ngámá gba osudha-o. Ani atsia apa me: «Bhulú 'kpí Polo a'i ma, ani atsia ayo ka ma me, ma go ne makombi inde-e pi mu. Padhá de, anga ani ne engú napapa pi mu.»

¹⁹ Abhomu-o, 'ngbé ngámá gba osudha-a aha 'kpa makombi-o. Ani anu ne ani ne li ngongo, ani atsia ayi ani me: «Mo okunda napa muma mangua 'ngú dho?» ²⁰ Ani atsia apa me: «OmaYuda adje lio me, o yo ka mu me ha Polo, amba mu go mambi ne ani kala Libi okpála natsia 'kpí

li 'ngú gba omaYuda-o. U améne mugito me u ngakunda atsia 'kpí li 'ngú gba ani-e ndjindji. ²¹ Engú bini, mo obhúka uo de. Padhá de, anga okpála nane ndjikpa badha bhú ká uo, adje lio ngú namene ani sisiti. U atu silika me o zú bha bini 'he, li o ndjí la bhadi 'he bhe nandji mandji-e me, o nde abhélə bha bini Polo kalanu. Mbía inde-e, uo bedhe. U ngadjeke bha maka mo opá lie ko.» ²² 'Ngbé ngámá gba osudha-a apa pi makombi ango-o me: «Mo opá pi kpála bini de me, ni apa engú inde-e muma apa-a de.» Pipita-a, 'ngbé ngámá gba osudha-a atsia agie ani sidi.

U atima Polo bhú gúdhú na Sedjale

²³ Pipita-a, 'ngbé ngámá gba osudha-a a'i ongámási na súdha gba e-e bhisi. Ani atsia apa pi uo me: «Yi po bhúla osudha kámá bhisi, di ne obhende ndjikpa mananika inde adhúdhukú pi 'ngbu opunda, amba yi po la di bhúla obhende na mandambi-e kámá bhisi. Ndú yi hana yi du bedhe ngú nanu bhú gúdhú na Sedjale tagolo bhú saa na odukpabini. ²⁴ Yi leke di punda ngú nabi Polo. Yi mene me ani kolo li bili li ngámá Felikisi nde lie ndjindji me ehe bini nde mene ani de.»

²⁵ Abhomu-o, ani atsia aye balua me:

²⁶ «Kolode Lisiasi apa me, ni yi Felikisi, ngámá na asasaua, mayi.

²⁷ OmaYuda aholo nako kpála inde ma atima e pi mu inde-e ngao. U adu akunda nabhélə ani. La-a, ma adje lie me a ko ndili na kuti na Loma-a, ngama ne osudha gba ma-a, ya atsia agbulu ani ka uo.

²⁸ Maka ma adu akunda nambila ta 'ngú inde u aholo ani ngú e lie, ma atsia anu ne ani kala Libi okpála natsia 'kpí li 'ngú gba uo-o. ²⁹ Ma au me, u aholo ani pindji ongú inde atsia líli gba uo-o. La-a, ma u ani ne engú bini inde u ti da nabhélə ani, di ne bhende u ti da naholo ani ka e de. ³⁰ Li u apa

mumá lie me u adu agili nabhélé ani-e, ma atsia atima ani pi mu kolo má gala! Ma atsia apa di pi okpála inde a'o 'ngú pí ani-e me, u nu kpokpo 'ngú gba ani-e pí mu.»
 31 Abhomu-o, osudha-a atsia amene maka li 'ngbé ngámá gba uo apa pi uo lie ko. U aha Polo, u atsia anu bha ne ani sukpe bhomu bhú gudhu na Atipatilisi. 32 Li ekpí aseke lie, osudha bhende adhukú ne 'dhú o agie lio li bili li osudha nalila gudhu-o adudu lie ko. U atsia a'o obhende adu adhukú pí 'ngbú opunda-a me, u nu ne Polo. 33 U akolo lie bhú gudhu na Sedjale-e, osudha-a aha balua pi ngámá na ndu doto ango-o. U atsia a'o di Polo sa 'kpa ani. 34 Abhomu-o, ngámá-a atanga balua-o. Ani atsia ayi me Polo ne kpála na ndu doto bhedho. Ani adje la lie me a ko kpála na ndu doto na Silisia-a, 35 ani atsia apa pi ani me: «Ma adjé engú gba mu-o me okpála inde yi nde ne o bhú 'ngú-o nde akolo.» Abhomu-o, ani atsia aha lili me u lila Polo bhú eti gba 'ngbé ngámá Elode.*

24

OmaYuda agbe Polo kala ngámá Felikisi

1 Pita ekpí bhuluvue, bhele kpála gba odimande Anania akolo bhú gudhu na Sedjale, bhú dabili bini ne obhelesi okpála koko di ne avuka bini inde adu 'li e me Teletulusi. U atsia ato siti 'ngú ne 'li Polo pi Felikisi, ngámá na ndu doto ango-o. 2 U a'i Polo. Abhomu-o, Teletulusi atsia aholo akpokpo li ani me: «Ngámá na asasaua, Felikisi, mo oto guo 'ngú bhú ndu doto inde-e ngamú. Mu di aleke ongú bhelé bhú doto gba ya ne imbilangú gba mu-o. 3 Ndu 'kpí hana di ne ndu bili hana, ngámá na asasaua, Felikisi, ya ngagie hení ngú ndu 'ngú bhomu-o hana. 4 Engú bini, ma kunda nabhélé nedhinga

gba mu-o de. Kaka-a, ma ayo ka mu me dje nga mbo ya bedi ne bádha bua.

5 Ya au me kpála inde-e, a ko kpála na mugwe. Ani ngato kpéke 'ndji bhú 'ndji ndu omaYuda hana pila doto libhomu. A ko la di ngámá na Dadjua bini na Ebhe gba okpála na kuti na Nadjaleta. 6 Ani ale belegu nasiti 'ngbé 'ti Ebhe gba omaYuda-o. Abhomu-o, ya atsia aholo ani. [Ya akunda nako me kodho 'ngú gba ani-e maka li lili gba ya apa lie-o. 7 Engú bini, Lisiasi, 'ngbé ngámá gba osudha-a, atsia ayoko. Ani atsia agbulu ani ka ya. 8 Pipita-a, ani atsia aha lili pi ya me ya go ne ani kala mu.] I du me mu nde ayi ani ngamú makpe-e, mu tsia mbila me ndu 'ngú hana inde ya apa e li ani-e, a ko kukulu 'ngú.] 9 OmaYuda atsia aziba di ongú ango-o. Do uo me: «A ko kukulu 'ngú.»

Polo akpokpo 'ngú gba e kala ngámá Felikisi

10 Abhomu-o, ngámá Felikisi amene 'kpa e pi Polo me ani kpokpo 'ngú gba e-o. Polo atsia apa me: «Ma mbila ndjindji me, ngubula kalanga bhelé-e, mu ngakodho 'ngú gba ya okpála na kuti inde-e ngingbili. Kaka-a, ma ne djali naali ngú nakpokpo 'ngú gba ma-a pi mu. 11 Mu ti da nambila bha ngamú makpe me ane nga ekpí ndjikpa ne ká bhisí de maka ma anu nako lie bhú gudhu na Yelusalema ngú nadhögé Ebhe-o. 12 Kpála bini bhaka ma namene kpekebhé ne kpála bini na 'ngbé 'ti Ebhe gba omaYuda-a de. Kpála bini bhaka la di ma nato kpéke 'ndji bhú 'ndji okpála bhú 'ti nadje lili gba Moidje , di ne li kpadji de.

13 Okpála ago ne ma kala mu inde-e ne engú bini ade inde i ti da nasuno me engú inde u ngapa e li ma inde-e, a ko kukulu 'ngú. 14 Ma

* 23:35 23:35 Eti gba 'ngbé ngámá Elode: A adu nani bhú Sedjale. Elode Ngbéngbé ayiki nani ngae. Ongámási na Loma atsia adjí nani dabili nadu ka o téte.

aziba kala mu si me ma ngakpata kpadji na mbia inde ngauo, u ngau e me a sisiti-o. La-a, ma ngadhego Ebhe gba onguo ogbi ni. Ma la di ngabhuka ndu 'ngu inde u aye e bhé obhuku na lili di ne bhe gba opolofeta-a hana. ¹⁵ Ma ne nabhuka bhé Ebhe bhadhi maka uo me, okpála na ngingbili di ne obhende ngingbili ade-e azúku mazuku. ¹⁶ Kaka-a, ma ngamene ndu 'kpí hana ne kpéke me, bua ma du ndjindji kala Ebhe, di ne kala okpála.

¹⁷ Ma du lie de bhé gudhu na Yelusalema ngubula kalanga bhelde, ma atsia agie lima oo ngu nateteke obhulu ndibhili na doto gba ma-a ne tia, di ne naha makiso gba ma-a pi Ebhe. ¹⁸ Kaka-a, u abhaka ma bhé 'ngbé 'ti Ebhe gba omaYuda me, ma nde avulu lima ngu nakolo bubu kala Ebhe avulu. Ma bha ká okpála de. Ma to la di kpéke 'ndji bhé 'ndji okpála de. ¹⁹ OmaYuda koko bhé ká obhende ayie bhé ndu doto na Adjia, adu oo. A ayo nako me u gbe ma kala mu ngao, i du me u nde ne engu li pápá gba ma-o. ²⁰ I du mo-o de-e, a ayo me okpála inde si-e suno siti 'ngu inde u au ma ne e, nedhingga inde u agbe nako ma lie kala Libi okpála natsia 'kpí li 'ngu gba omaYuda-o .

²¹ Padhá de, anga ma amene bha koli 'he bini. Ma apa kpekpeke kala uo me: «Yi agbe naki ma kala yi ngu nakpokpo 'ngu anga ma abhuka me okpála inde amu-o, azúku mazuku!» ²² La-a, pi ngamá Felikisi-e, ani adu ambila kpadji gba Yesu-o ndjindji. Abhomu-o, ani agie engu ango-o me ni akodho sidi. Ani atsia apa pi uo me: «Ma akodho 'ngu gba yi-e, li nedhingga li 'ngbé ngamá gba osudha Lisiasi agó lie ko.» ²³ Ani atsia aha lili pi ngamá gba osudha-a me u lila Polo, kpála na 'kpoo, malila. Engu la bini, u 'o ani me ani du mbo bhé ngu e. U ayoko di omaha ani ngu nateteke ani de.

U agbe matá Polo kala ngamá Felikisi ne Dulusile

²⁴ Pita mbo ekpi bedi-e, ngamá Felikisi ago ne wala e Dulusile. Olé ango-o adu maYuda. Ngamá Felikisi atima okpála me u nu 'i Polo. Abhomu-o, ani atsia adje engu li Polo akpokpo e pindji nabhuka Yesu Kilisito-o . ²⁵ Pipita-a, Polo aholo akpokpo lele maka a ayo lie nadu ngingbili , ne nane gumi kute di ne me ekpi koko akolo makolo, ekpi inde li Ebhe akodho 'ngu gba okpála lie ko. Abhomu-o, ngamá Felikisi aholo adje tsulu. Ani atsia apa me: «Mbia inde-e, mu ti da nanu. I du me ma nde asia nedhingga-a, ma tsia 'i matá mu.» ²⁶ Ani adu di ne 'to e me ni asia tia ka Polo. Kaka-a, ani adu a'i Polo piko ngu nakpokpo 'ngu ne ani.

²⁷ Pita kalanga bhis-e, Polosiusi Fesitusi akolo ngamá bhé da ngamá Felikisi. Engu bini, ngamá Felikisi a'o ká Polo bhé tikpu, anga ani adu amene me omaYuda u ni ndjindji.

25

Polo ayo me 'ngbé ngamá Kaisala kodho 'ngu gba ni-e ngae

¹ Li ngamá Fesitusi akolo lie bhé ndu doto ango-o, pita 'kpí bata-a, ani ayie bhé gudhu na Sedjale, ani atsia anu bhé gudhu na Yelusalema. ² Ongbengbe odimande , di ne ongámási gba omaYuda-a , ago kala ani. U atsia ato siti 'ngu ne 'li Polo pi ani. U akikiliki lio pi ani me, ³ ani ziba pi o me o nu ne Polo bhé gudhu na Yelusalema. U adje lio me, li o kolo li kpadji-e, o de bhele ani. ⁴ Engu bini, ngamá Fesitusi agie pi uo me: «Bili na tikpu gba Polo-o, a ko Sedjale. La-a, ngama makpee, ma adjii bhadhi oo mbia inde.» ⁵ Ani atsia apa matá me: «A ayo me ongbengbe okpála gba yi-e nu bhé dabili bini ne ma. I du me kpála bhomu-o nde amene siti 'ngu-o, u de kpokpo oo ko.»

⁶ Ngámá Fesitusí amene agba uo ekpí nayie bhú madjína masíkpe de nakolo bhú ndjíkpa. Pipita-a, ani atsia agie lie bhú gúdhú na Sedjale. Li ekpí aseke lie, ani atsia anu li bili nakodho 'ngú-o. Abhomú-o, ani atsia aha líli me u go ne Polo. ⁷ Li Polo ago lie, omaYuda inde ayie bhú gúdhú na Yelusalema-a, asa lio dengo ani. Abhomú-o, u aholo apa osisiti 'ngú na ngbengbengbe li ani bhelé bhelé. La-a, u du ambila nakpokpo ta ongú ango-o de, anga a adú eu. ⁸ Abhomú-o, Polo atsia aholo nakpokpo 'ngú gba e me: «Ma mene siti 'ngú bini de. Ma gúmu líli gba omaYuda-a de. Ma siti 'ngbé 'ti Ebhe gba omaYuda-a de. Ma mene la di siti 'ngú li 'ngbé ngámá Kaisala de.» ⁹ Ngámá Fesitusí adú amene me omaYuda u ni ndjíndji. Kaka-a, ani atsia ayi Polo me: «Mo kunda nanu bhú gúdhú na Yelusalema, ngubula me u kodho 'ngú gba mu-o kala ma oo?»

¹⁰ Engú bini, Polo agie me: «Ma alu e bhú ndende gba 'ngbé ngámá Kaisala-o. A ayo me u kodho 'ngú gba ma-a bha si. Ma mene siti 'ngú li omaYuda belegú de bini. Ngamu makpe-e, mo ombila 'ngú téte ndjíndji. ¹¹ I du me ma nde atu 'ngú, i du di me ma nde amene siti 'ngú inde ayo me u bhélo ma ka ee, ma yala nakpi de. Engú bini, i du la me, kúkúlú 'ngú nde bhú ká ongú inde u ngapa e li ma ade-e, kpála bini ti da natse 'kpa li ma pi uo de. Ma ayo me 'ngbé ngámá Kaisala kodho bha 'ngú gba ma-a ngae.»

¹² Abhomú-o, pita li ngámá Fesitusí agama 'ngú ne obhelesi okpála gba e lie, ani atsia apa me: «Mo oyo lie me 'ngbé ngámá Kaisala kodho bha 'ngú gba mu-o ngae, mo onu agba ani.»

Polo akpokpo 'ngú gba e kala 'ngbé ngámá Agilipa

¹³ Pita mbo oekpí, 'ngbé ngámá Agilipa ne ndai e na eelé Belenise,

akolo bhú gúdhú na Sedjale. U anu natsia ngámá Fesitusí. ¹⁴ U asi oo mbo ekpí bhelé. Abhomú-o, ngámá Fesitusí atsia akpokpo 'ngú gba Polo pi 'ngbé ngámá Agilipa me: «Kpála bini bhú tikpu si, ngámá Felikisi a'o nani ka ani ngae. ¹⁵ Ma anu nako lie bhú gúdhú na Yelusalema-a, ongbengbe odimande gba Ebhe di ne obhelesi okpála gba omaYuda-a, ato siti 'ngú ne 'li ani muuma. U atsia apa muuma me, ma 'o 'ngú pi ani. ¹⁶ Ma agie pi uo me: <Agba ya okpála na Loma-a, kala me u 'o 'ngú pi kpála-a, ayo me u du'lú ngaiza kala ongámási ne okpála inde agbe ani kala uo-o bhú dabili bini. Ani kpokpo 'ngú gba e ngú nagbegbe lie bhú 'ngú ango-o ko.»

¹⁷ Ya atsia ago si ne uo bhú dabili bini. Ma djeke de, li ekpí aseke lie, ma aha líli me u go ne kpála ango-o kala ma li bili nakodho 'ngú-o. ¹⁸ Okpála inde ato siti 'ngú li ani pi ongámási-e ago. Engú bini, ma u siti 'ngú inde u asungula ani pi ongámási ngú e maka bhende ma adú abhundja e de. ¹⁹ La-a, u adú amene kpekebhe pindji 'ngú na Ebhe gba o di ne pindji 'ngú gba kpála bini inde 'li e me Yesu. Padhá de, anga kpála ango-o akpi, engú bini, Polo la ngapa me ani uu.

²⁰ Muuma-a, ma mbila 'ngú ma akódho e li ngua 'ngú bhomú-o de. Kaka-a, ma ayi Polo atigala ani ziba nanu bhú gúdhú na Yelusalema, amba u kodho 'ngú gba ani-e oo. ²¹ Engú bini, Polo ayo me 'ngbé ngámá na gúdhú na Loma kodho bha engú gba ni-e ngae. Abhomú-o, ma atsia aha líli me u lila ani bhú tikpu akolo li 'kpí ma atíma ani lie pi 'ngbé ngámá Kaisala ko.» ²² 'Ngbé ngámá Agilipa atsia apa pi ngámá Fesitusí me: «Ngama di-e, ma akunda nga di me ma dje kpála ango-o.» Ngámá Fesitusí atsia agie pi ani me: «Mo odjé ani mambi.»

²³ Abhomú-o, li ekpí aseke lie,

'ngbé ngámá Agilipa ne Belenise ago bhú asasaua ne bhti okpála. U ali bhú 'ti nakodho 'ngú bhú dabili bini ne ongámási gba osudha di ne ongbengbe okpála na gúdhú-o. Ngámá Fesitusi atsia aha líli me u go ne Polo.

²⁴ Pipita-a, ngámá Fesitusi atsia apa me: «'Ngbé ngámá Agilipa di ne ndú yi okpála hana inde bhú dabili bini ne ya si-e, yi tsia nga kpála inde. Ndú omaYuda hana ago akpokpo 'ngú gba ani-e múma. U abhaka ma bhú gúdhú na Yelusalema, u atsia ago belegú ei ne nasusula me: <A ayo me u bhéle ani!>

²⁵ Múma-a, ma u siti 'ngú inde ayo me u bhéle ani ka e de. La-a, ani ayo lie me 'ngbé ngámá na Loma kodho bha 'ngú gba ni-e ngae, ma atsia aziba me ma tima ani pi ani.

²⁶ Ma mbila engú inde ma ti da naye e pi 'ngbé ngámá li engú gba ani-e de. Kaka-a, ma agbe ani kala yi, la ndju makpe kala mu, 'ngbé ngámá Agilipa. Yi ani, amba ma sia engú inde ma ayé e ko.

²⁷ Padhá de, anga a ko múma engú na ngingi me, ma tima kpála na tikpu pi 'ngbé ngámá Kaisala me, ma nde suno ta 'ngú inde u aholo ani ngú e pi ani de ko.»

26

Polo akpokpo 'ngú gba e kala 'ngbé ngámá Agilipa

¹ 'Ngbé ngámá Agilipa atsia apa pi Polo me: «Mu ti da nakpokpo 'ngú gba mu-o.» Abhomu-o, Polo a'e 'kpa e, ani atsia akpokpo 'ngú gba e me:

² «'Ngbé ngámá Agilipa, naki-e, ma ne djali naali ngubula nakpokpo 'ngú gba ma kala mu li ndú 'ngú hana inde li omaYuda apa e li ma ko.

³ Padhá de, anga mu mbila dasundú di ne kpekebhe gba omaYuda hana. Kaka-a, ma ayo ka mu me, dje nga mbo ma ne 'ndjá bua.

⁴ Ndú omaYuda hana mbila mukobho gba ma-a ndjindji nayie li nedhinga ma adu lie makombi-o. U mbila maka ma adu akobho lie bhú ká okpála na doto gba ma

di ne bhú gúdhú na Yelusalema ndjindji.

⁵ U ambila nani ma didili. U ti da napapa ngao, i du me u nde akunda-o. Ma du nani ne suka omuFalisai inde adu alila líli nadhège Ebhe gba ni-e ndjindji-o.

⁶ La mbia inde-e, u agbe ma libili nakodho 'ngú-o anga ma ne 'to ma 'to engú inde li Ebhe apa nani kalanu me ni améne e pi onguo ogbi ni-o.

⁷ Okpála na piga ndjikpa ne ká bhisi gba ni-e, nga'o 'to o me engú ango-o améne lie mamene. Ka 'ngú ango-o, u ngamene kulu kpekpeke pi Ebhe, sukpe ne ngbikpi. 'Ngbé ngámá Agilipa, ngama di-e, ma bhadi ngabhuka moko. Kaka-a, omaYuda atsia ato siti 'ngú ne li ma pi ongámási.

⁸ Ka ni ngayi omaYuda, yi ti da nabhuka lie de me, Ebhe azúku okpála inde amu-o mazuku-o?

⁹ Ngama makpe, ma adu abhundja nani me, ma mene ne kpéke me okpála abhúka Yesu, kpála na kuti Nadjaleta de.

¹⁰ A ko engú inde ma amene di-e bhú gúdhú na Yelusalema ko. Ongbengbe odimande aha kpadji múma ngao. Ma amba omabhuka bhelé bhú tikpu. U adu akodho 'ngú gba uo lie me u bhili uo, ma atsia adu aziziba.

¹¹ Ma adu apu piko bhú oti nadje líli gba Moidje-o. Ma adu amene uo sisiti ngubula me u sobho Yesu. Bhú nabi 'gú gba ma-a, ma adu belegú nakpata uo bhú ogudhú gba ogandji okpála ..»

Polo akpokpo maka ani adji bua e lie-o

¹² Kaka-a, ekpí bini ma adu anu bhú gúdhú na Damasi. Ongbengbe odimande aha angu múma, u atsia atima ma oo.

¹³ Li kpadji-e, bhú nedhinga na tulukpe-e, 'ngbé ngámá Agilipa, ma au zi 'kpí ayie abhúlá. Zi 'kpí ango-o adu kpekpeke naali ane zi ela mane. Zi 'kpí ango-o aholo aziga ma ngbalina bhú dabili bini ne okpála inde ya adu ne o ko.

¹⁴ Ndú ya hana, ya atuko kuto má dhululu!

Abhomu-o, ma atsia adje eli bini apa muma bhu eli gba omaYuda me: «Saulo, Saulo, mu ngato mbolo li ma ka ni? Mu ngaha likabhu pi mu makpe maka enu inde atu lie li ndula gba mulila gba e-o.» ¹⁵ Ma atsia ayi me: «A ko mu da, Ngámá?» Abhomu-o, Ngámá atsia agie muma me: «Ngama-a, ma ne Yesu inde mungato mbolo lie ko.

¹⁶ Engú bini, yie bhulá, amba mulu malu. Padhá de, anga ma akoto li mu ngubula me mu kolo kpála na kulu gba ma-o. Mo okpókpo pi okpála me mo ou ma naki. Mo okpókpo di matá pi okpála ndu 'ngú hana inde ma asúno e pi mu sidi ko. ¹⁷ Ma alíla mu ka omaYuda di ne ogandji okpála inde ma atíma mu agba o-o. ¹⁸ Mo obhúlu djila uo, u zé bhu biti, u tsia lí li zi 'kpí. U du matá sa líli gba Satana de. Engú bini, u adjí ibili lio pi Ebhe. I du me u nde abhuka ma-a, u tsia sía nambu li siti 'ngú gba o-o. U tsia du la di bhu dabili bini ne okpála na bububu gba Ebhe-o.

Polo akpokpo 'ngú pindji engú inde ani amene e-o

¹⁹ «Kaka-a, 'ngbé ngámá Agilipa, nayie li nedhinga bhomu-o, ma yala titima na engú ma au e inde ayie ka Ebhe-e de. ²⁰ Engú bini, ma akpokpo ngaiza pi okpála na gudhu na Damasi, ne okpála na gudhu na Yelusalema, ne okpála na ndu doto na Yudaya libhomu, la di ne pi ndu okpála hana na gandjigandji. Ma akpokpo pi uo me: <Yi dji bua yi, amba yi gie liyi li pápá gba Ebhe.› La matá di me: <Yi mene bádha kulu inde asúno me yi adji bua yi kukulu.› ²¹ Ka 'ngú angoo, omaYuda aholo ma bhu 'ngbé 'ti Ebhe gba omaYuda, u di me bhule ma. ²² Engú bini, Ebhe alila ma nakolo pi naki. Padhá de, anga ma ngakpokpo engú gba Yesu-o pi ndu okpála hana, pi ongisi di ne pi obhelesi okpála. Ma pa 'ngú koko de, bha bini bhende li opolofeta di ne Moidje

apa naní e me akólo makolo-o. ²³ U apa naní me Masiya azú likabhu, ani tsia du kpála na bini inde azúku bhu ká okpála inde amu-o. Ani akpókpo pi ndu okpála na piga gba ní-e hana di ne pi ogandji okpála ngali na zi 'kpí na mukobho.»

Eli gba Polo ale nagbele bua 'ngbé ngámá Agilipa

²⁴ Li nedhinga li Polo adu akpokpo 'ngú gba e lie, ngámá Fesitusi atsia asúla me: «Polo, mu ne bhulu pele! Balua mo omene e naali-e ato bhu djila mu pele!» ²⁵ Abhomu-o, Polo atsia agie pi ani me: «Ngámá Fesitusi, ma ne bhulu pele ade. Engú inde ma ngapa e, a ko 'ngú na kukulu di na imbilangu. ²⁶ 'Ngbé ngámá Agilipa mbila ndu 'ngú bhomu-o hana ndjindji. Kaka-a, ma ngakpokpokpo pi ani ne tsulu ade. Ma aziba me ani mbu li susuka bini de. Padhá de, anga ndu 'ngú bhomu-o hana mene lie bhu pepe de. ²⁷ 'Ngbé ngámá Agilipa, mo obhuka engú inde li opolofeta apa e uu? Ma ambila me mo obhuka!»

²⁸ Abhomu-o, 'ngbé ngámá Agilipa ayi Polo me: «Mo obhundja naamu me ni ti da nadji ma makilisito bhu nedhinga bedi mo-o?»

²⁹ Polo atsia agie me: «Belegu i du ngubula nedhinga bedi, belegu i du di ngubula nedhinga bhelé-e, ma ngayo Ebhe bha ngubula mu kpi mu kpi ade. Engú bini, ma ngayo Ebhe ngubula ndu yi okpála hana inde ngadje ma li 'kpí na naki. Ma ngayo Ebhe ngú yi me, yi kolo di maka ma nde lie, naneke bha bini ogbindjili inde bhu 'kpa ma inde.»

³⁰ Abhomu-o, 'ngbé ngámá Agilipa, ne ngámá Fesitusi, ne Belenise di ne ndu okpála hana inde adu bhu dabili bini ne uo-o, ayie bhulu.

³¹ U agbe lio ne li ngongo, u atsia akpokpo sunda o me: «Kpála inde-e mene siti 'ngú bini de inde ayo me, u to ani bhu tikpu di me u bhule ani ka e-o.» ³² 'Ngbé ngámá Agilipa

apa pi ngámá Fesitusi me: «I dú me kpála inde-e yó nako de me 'ngbé ngámá Kaisala kodho bha 'ngú gba ni-e ngae de-e, mʉ de agbe ani bhú tikpʉ agbe .»

27

U atima Polo bhú gudhʉ na Loma

¹ Li u apa lie me ya nʉ bhú doto na Itali bhú 'ngbé zabu-o, u atsia aha Polo di ne okpála koko na tikpʉ-o pi ngámá bini gba osudha. A adu 'li ani me Djulusi. Ani adu ngámá pi 'ndjì libi osudha inde u adu a'i o me «Osudha gba 'ngbé ngámá Kaisala-o .» ² Ya aha 'ngbé zabu na gudhʉ na Adalamite. 'Ngbé zabu ango-o adu anu li pápá li obili li ozabu alʉlʉ lie bhú ndu doto na Adjia-o. Abhomʉ-o, ya atsia agbida. Kpála bini na gudhʉ na Tesalonike, bhú ndu doto na Makedonia, anu bhú dabili bini ne ya. A adu 'li ani me Alisitaluka.

³ Li ekpí aseke lie, ya akolo bhú gudhʉ na Sidona. Djulusi adu ne bádha bua li pápá gba Polo. Abhomʉ-o, ani atsia aha kpadji pi Polo me ani nʉ agba obi e, amba u teteke ani ne oehe inde ani nde ne gʉmʉ e-o. ⁴ Ya yie lie oo, ya apʉ lingo kpemə na Sipele, anga anvi adu akʉnda nagie ya ne sidi. ⁵ Ya agulu 'ngbé 'ngu inde lingo ndu doto na Silisia di ne Pamifilia ko. Abhomʉ-o, ya atsia akolo bhú gudhʉ na Mila bhú ndu doto na Lisia. ⁶ Oo, ngámá gba osudha-a abhaka 'ngbé zabu bini na gudhʉ na Alekidjandili me a nde adji bhú doto na Itali, ani atsia abu ya bhúbhʉ.

⁷ 'Ngbé zabu-o adu adhʉkʉ bhúbhʉkʉ naali. Kaka-a, ya amene 'kpí bħelé, ya atsia adje likabhu naali ngübula nakolo lingo gudhʉ na Sinide. La ya ale lie nanu li pápá bħomʉ-o pima ka anvi-e, ya atsia apʉ lingo doto na Salamone inde ali ne abħú 'ngu bhú kpemə na Kelete ne asagħo-o. ⁸ Ya adhʉkʉ má tili tili lingo kpemə-o, ya atsia akolo li bili

inde u a'i e me «Babadha ngo 'gə», masikpe de gudhʉ na Ladje.

⁹ Abhomʉ-o, da nadħukʉ bhú 'ngbé zabu-o atsia akolo sisiti, masikpe de namu ka okpála. Padħá de, anga nedħinga na anokomia natse 'zū na epe na odukpabini-e adu me a nde ane. Kaka-a, Polo atsia apa pi uo me: ¹⁰ «Ondaise ma, ma ngau me enā inde-e adu sisiti. 'Ngbé zabu ne oehe inde bhúbhʉ-o asiti masiti, abana nganí makpe-e, ní akólo masikpe de namu.»

¹¹ Engú bini, ngámá gba osudha adu azibba naae naali mabhundja gba kpála inde adu adjele 'ngbé zabu-o, di ne bhe gba bhʉlʉ 'ngbé zabu-o. Ani tsia zibba bhe gba Polo-o de. ¹² Matá di-e, kuti ango-o ti ne nabhue bhúbhʉ bhú nedħinga na zini de. Abhomʉ-o, masikpe de ndu okpála hana inde adu bhú 'ngbé zabu-o atsia apa me o yie oo mayie. U adu akʉnda di me, i du me o nde ne ngasa-a, o de kolo bhú gudhʉ na Fenikisi. A ko sūka gudhʉ na ngo 'ngu na kpemə na Kelete. A ngatsia 'kpí ne li pápá na sunda yoyoko ne akati, di ne sunda abebe ne akati. U adu akʉnda me o kolo oo ngübula me nedħinga na zini-e kodho 'kpí me o nde oo ko.

Anvi na kpekpeke ape pi 'ngu

¹³ Abhomʉ-o, anvi na bhúbhʉkʉ aholo nape nayie ne li pápá na yoyoko. U atsia azibba me mabhundja gba o-o akódho 'kpí ndjindji. U agbe kalase inde u agbite e li 'kpí ngú nalu ka 'ngbé zabu-o bhú 'ngu, u atsia aholo akpangba ngo kpemə na Kelete. ¹⁴ Kolo pita nedħinga bedi-e, anvi na kpekpeke inde u a'i e me «Elakele», ayie bhú kpemə, atsia aholo nape. ¹⁵ Anvi ango-o aholo atumba 'ngbé zabu-o. Da napa me 'ngbé zabu-o lu kakala-a adu kpekpeke. Abhomʉ-o, ya atsia a'o me 'ngbé zabu-o nʉ ibili bha ne ya li pápá inde li anvi adu atumba ya lie ko.

16 Ya akolo lingo mboye kpemə u a'i e me Kauda inde alila mbo ya bedi ka anvi-o. Abhomu-o, ya atsia amene ne kpéke ngú nagbili mboye kéké-o ne bhulá. **17** U aha, u ato bhú 'ngbé zabu-o. Pipita-a, u agbigbite ngo 'ngbé zabu-o hana ne ekpú ngú nalilila. U adu la lie ne tsulu me 'ngbé zabu anú atu lie li sike, i tsia bála o lingo doto na Libi de-e, u a'e bongo inde pí 'ngbu 'ngbé zabu-o, u atsia a'o me anvi du ibili adyudyo o ngae. **18** Li ekpí aseke lie, anvi adu bha adyiki 'ngbé zabu-o ne ya kpekpeke. Kaka-a, u atsia aholo apandja oehe inde adu bhúbhú-o, ababala bhú 'ngu. **19** Bhú 'kpí na bata-a, okpála na kulu ngao makpe-e, u abha oehe inde nadjele 'ngbé zabu-o, u atsia abala bhú 'ngu. **20** Súnda 'kpí bhelé, ya u ela de. Ya u di oikupala de. Anvi adu bha nape kpekpeke. Ya du matá ne 'to ya de me ya akóbho makobho-o de.

21 Okpála inde adu bhú 'ngbé zabu-o zu 'he de ngubula 'kpí bhelé. Abhomu-o, Polo ayie bhulá, ani alu bhú ká uo. Ani atsia apa me: «Ondaise ma, i dú nako me yi djé ma uu me ní ayie bhú kpemə na Kelete de-e, ní de sia ngua likabhu inde-e de. Oehe-e de siti la di-i de. **22** La mbia inde-e, yi sia kpéke bua. Padhá de, anga súka yi bini kpí-i de, engú bini, asiti bha bini ne 'ngbé zabu-o. **23** Sukpe na naki-e, Ebhe inde ma nde ne bali gba e-e, ma nde la di ngamene kulu pi e-e, atima andjelu gba e muma. **24** Ani atsia apa muma me: <Polo, mo odjé tsulu de. A ayo me mu kpokpo 'ngú gba mu-o kala 'ngbé ngámá Kaisala. Kaka-a, Ebhe bhú bádha bhú 'bu gba e akóbho mu di ne okpála inde yi nde ngadholo bhú dabili bini ne o bhú 'ngbé zabu-o.> **25** Ka 'ngú ango-o, ondaise ma, atou! Padhá de, anga ma ngabhuka me, Ebhe améne maka ani apa lie muma ko. **26** Engú

bini, 'ngbé zabu anú atu lie ne ní lingo kpemə bini.»

27 Sukpe na ekpí na ndjikpa ne ká badha, anvi adu adyudyo 'ngbé zabu-o ne ya pí 'ngbé 'ngu inde li e me Adiliatike.* Abhomu-o, tutu sukpe-e, okpála nadjele 'ngbé zabu-o abhundja naao me ya akolo dengo 'ge. **28** U aha ekpú inde u agbite tili 'he li 'ndji e, u abhike bhú 'ngu. U atsia au me engu-o tsutsu metele ndjikpa bata ne ká mananika. U adyudyo mbo li o ne kalanu masudha, u atsia abhike matá bhú 'ngu. U au me engu-o tsutsu metele ndjikpa bhisi ne ká madjina.

29 U adu adje tsulu me 'ngbé zabu-o atu lie li oteme de. Kaka-a, u atsia abala okalase badha inde u agbigbite e li okpu-o bhú 'ngu ne akele 'ngbé zabu-o, ngubula me alu bhú da e bini. U atsia adu ne gümü me ekpí seke bhado má gala!

30 Okpála nadjele 'ngbé zabu-o adu agili kpadji ngú nakpe. Abhomu-o, u agbe mboye kéké-o, u abhike pí 'ngu. U amene mugito me u adji abala okalase inde u agbigbite e li 'kpú-o, ngú nalú ka 'ngbé zabu-o ne akala zabu-o. **31** Polo atsia apa pi ngámá gba osudha di ne pi osudha-a me: «Li okpála inde-e du bhú 'ngbé zabu-o de-e, yi ti da nakobho de.» **32** Abhomu-o, osudha-a atsia atsotsolo okpu na mboye kéké-o, atsia atapa.

33 Kala me ekpí seke-e, Polo ayo ka ndu okpála hana me u zu 'he. Ani atsia apa pi uo me: «A ko naki ekpí ndjikpa ne ká badha, yi ngadjeke. Yi ngasi gümü. Yi le ku 'he belegu de bini. **34** Kaka-a, ma ayo ka yi me yi zu 'he. Padhá de, anga yi ne gugumü ngubula me yi kobho. Kpála bini bhú ká yi kpí-i de.» **35** Pita ani apa lie mo-o, ani aha mapa, ani agie henpi Ebhe bhú ká djila ndu okpála hana. Pipita-a, ani agumü mapa-o,

* **27:27** 27:27 Adiliatike: 'Ngbé 'ngu ango-o súnda doto na Itali ne bhende gba oGiliki. U aye bhú obhuku koko me «'ngbé 'ngu na Meditelani».

ani atsia aholo nazuzu. ³⁶ Abhomu-o, ndu uo hana asia kpéke bua, u atsia aholo di nazu 'he. ³⁷ Bhú 'ngbé zabu-o, ya adu hana okpála kámá bhisi ndjikpa mananika ne ká madhia.[†] ³⁸ U a'u'u lie, u atsia abala ngano bhú 'ngu ngubula me 'ngbé zabu-o kolo yayaka.

'Ngbé zabu-o alinda bhú 'ngu

³⁹ Li ekpí aseke lie, okpála nadjele 'ngbé zabu-o mbila de me o bhú mangua doto dho-ie de. Engú bini, u au ngo 'ge di ne sike. U atsia abhundja me o ti da nadyudyo 'ngbé zabu-o li bili ango-o. ⁴⁰ U abhubhulu okalase-o, u atse 'kpa téte bhú 'ngu. U abhubhulu di ekpú na oehe inde adu amene me 'ngbé zabu-o dhukú-o. Pipita-a, u abhulu bongo inde li bhúla 'ngbé zabu-o ngubula me anvi holo nadyudyudo. Abhomu-o, u atsia aholo nanu ne li papa na ngo 'ge. ⁴¹ Engú bini, 'ngbé zabu-o anu atu lie li 'ta sike, li bili inde li engu ngago lie ne ndu pasu bhisi hana-o. Bhúla 'ngbé zabu-o adha bhú 'ta sike-o, a ale adu la lie pima. Tabhu tabhu-o atsia agumu. Padhá de, anga engu-o atu lie téte kpekpeke.

⁴² Osudha adu akunda nabhili okpála na tikpu-o, amba suka uo bini akpé ne akango de. ⁴³ Engú bini, ngamá gba osudha-a adu akunda nakobho Polo. Abhomu-o, ani ayoko uo me u améne mo-o de. Ani atsia aha lili pi okpála bhende ambila nati akango me u bala bhú 'ngu kalanu, amba u ze apí 'ge. ⁴⁴ Okpála koko akpáta uo sidi me u nde ahoholo lio li opalangi di ne opapala 'he na 'ngbé zabu-o. Abhomu-o, ndu uo hana atsia akolo apí 'ge ndjindji.

28

Polo bhú kpemé na Malete

¹ Pita ya akobho lie, ya atsia adjé me a 'li kpemé ango-o me Malete.

[†] 27:37 27:37 Kámá bhisi ne ndjikpa mananika ne ká madhia: U aye bhú obhuku koko me «kámá bhisi ne ndjikpa mananika ne ká bhuluvue.» * 28:11 Diosikulese: A ko nani oebhe obhukosi inde li oGiliki adu aha o maka oebhe gba o. Okpála nadhuku bhú 'ngu aha nani uo maka oebhe inde adu alila o ko.

² Okpála na kpemé ango-o asia ya ndjindji. Li ebha aholo adhi lie, zini aholo amene ya. Abhomu-o, u akpo djua má tu tu tu! Ya atsia ago adu ndu ya hana dede. ³ Polo akuo 'i 'wa, ani abu bhú djua. Engú la bini, mbúma akoto bhúbhú ka wowo djua, ani atsia adhedhe li 'kpa ani. ⁴ Li okpála na kpemé ango-o au lie me kpulü adhedhe li 'kpa ani mo-o, u atsia apa súnda o me: «Kpála inde-e bha ndu ne bhúlú nabhélé kpála kúkulú. Padhá de, anga belegu ani akobho lie bhú 'ngu-o, Ebhe inde 'li e me ngibili 'ngú ziba de me ani du bhú mukobho-o de.»

⁵ Engú bini, Polo adyíki 'kpa e, kpulü-o atsia ati bhú djua, ehe bini mene ani de. ⁶ La-a, u adu adjeke me 'kpa ani adjé asíka di ne me ani ati kuto ne nakpi ka e bini. U adjeke ngengele, u au la lie me ehe bini mene ani de-e, u adjé mabhundja gba o-o. U atsia apa me: «A ko ebhe!» ⁷ Ngamá na kpemé inde adu 'li e me Pubiliusi adu ne kuti gba e na ngbéngbé de bili ango-o. Ani asia ya ndjindji, ya atsia asi agba ani ekpí bata. ⁸ Bhú nedhinga bhomu-o, 'dyi Pubiliusi adu ne kuo pi mako. Ani adu ne bandji, ani atsia adu di agie ngute. Abhomu-o, Polo anu natsia ani. Ani ayo Ebhe pi ani. Ani a'o 'kpa e pi 'ndji ani. Ani atsia akobho ani. ⁹ Pipita-a, okpála koko inde adu ne kuo bhú kpemé bhomu-o, ago di nabhaka ani, ani atsia akobho uo. ¹⁰ U adhége ya naali. Nedhinga nayie ka ya oo, u aha ndu 'he hana inde a ti ne ya ngubula kpadji-e pi ya.

Polo akolo bhú gudhu na Loma

¹¹ Pita epe bata-a, ya a'u bhú 'ngbé zabu na Alekidjandili. A adu 'li 'li me «Diosikulese.*» Nedhinga na zini ane nani 'ngbé zabu ango-o bhú kpemé oo. ¹² Ya akolo lie bhú gudhu

na Silakusi, ya asi oo ekpí bata. ¹³ Ya ayie oo, ya aholo nakpangba ngo 'ngú, ya atsia akolo bhú gúdhú na Ledjio. Li ekpí aseke lie, anvi ayie ne li pápá na yoyoko, aholo nape. Abhomú-o, pita 'kpí bhisí-e, ya atsia akolo bhú gúdhú na Pudjole. ¹⁴ Bhú gúdhú ango-o, ya abhaka ondaise ya omabhuka oo. U atsia ayo ka ya me ya dú mbo ne o ngúbula poso bini. Abhomú-o, ya atsia anú bhú gúdhú na Loma. ¹⁵ Ondaise ya na gúdhú na Loma adje me ya akolo. Kaka-a, u ago akolo bhú gúdhú inde 'li e me Daposo na Apiusi, di ne bhende 'li e me Oeti Bata, ngú nako lio ne ya. Li Polo au uo lie, ani agie hení pi Ebhe, ani atsia asia kpéke bua. ¹⁶ Abhomú-o, ya akolo bhú gúdhú na Loma. U aha dabili pi Polo kpi bhú dabili bini ne súdha inde adú atsia 'kpí li ani-o.

Polo akpokpo 'ngú gba e bhú gúdhú na Loma

¹⁷ Abhomú-o, pita ekpí bata-a, Polo a'i ongámási gba omaYuda inde ngadúlú bhú gúdhú na Loma-a agba e. U apo bhúla o lie, ani atsia apa pi uo me: «Ondaise ma, ma mene okpála na kúti gba ní-e sisiti de. Ma siti la di dasúndú gba onguo ogbi ní-e de. Abana mo-o, u aholo ma bhú gúdhú na Yelusalema, u atsia apú ma pi okpála na gúdhú na Loma. ¹⁸ U ayiyi ma li ongú. Engú bini, u u ma ne engú bini inde u tí da nabhéle ma ka e de. Kaka-a, u adú akúnda me o tse 'kpa li ma. ¹⁹ La li omaYuda ayala lie, ma atsia au ndjindji me 'ngbé ngámá Kaisala kodho 'ngú gba ma-a ngae. Engú la bini, ma dú akúnda na'o 'ngú pi okpála na kúti gba ma-a de. ²⁰ Kaka-a, ma akúnda nako me ma u yi, amba ní gama la di 'ngú ne yi. Padhá de, anga u agbite ma ne gbindjili inde-e kabula kpála inde li omañsalaele nde ne 'to o me Ebhe atima e-o.»

²¹ U agie pi ani me: «Ya sia balúa bini nayie bhú ndu doto na Yudaya

inde akpokpo 'ngú píndji 'ngú gba mú-o de. Suka ondaise ya bini yie oo go ei de ne engú gba mú, di go kpokpo 'ngú na sisiti li kúte mú de. ²² Engú bini, ya akúnda me kpokpo nga bha ngamú makpe, engú inde mú ngabhundja e ko. Padhá de, anga ya ambila me ne ndú bili hana, okpála ngapa 'ngú sisiti li libi okpála gba mú-o.»

Polo akpokpo Bádha Ngali pi omaYuda na gúdhú na Loma

²³ Abhomú-o, omaYuda a'o matá ekpí bini ngú nako lio ne Polo. Li 'kpí ango-o, u ago bhélé naali li bili inde ani adú asi lie ko. Nayie kékpi nakolo tagolo-o, Polo adú akpokpo 'ngú pi uo píndji Naú gba Ebhe-o. Ani adú amene ne kpéke me u ziba Yesu. Bhú nakpokpo 'ngú ango-o, ani adú atanga pi uo líli gba Moidje di ne obhuku gba opolofeta. ²⁴ Okpála koko aziba engú inde ani akpokpo e-o. Engú bini, okoko tsia bhuka de. ²⁵ Abhomú-o, u agbo bhúsú o me u nde dje lio súnda o de. Polo atsia apa bha pi uo me: «Engú naní inde li Bu Bhabua apa e bhú 'li polofeta Isaya pi onguo ogbi yi-e, a ko kúkúlú 'ngú! ²⁶ Ani apa naní me: <Na pa pi okpála bhomú-o me: Yi adjé 'kpí ndjindji, engú la bini, yi mbíla tata-a de.

Yi atsia 'kpí ndjindji, engú la bini, yi ú 'kpí de.

²⁷ Padhá de, anga bua uo akolo maka teme.

U anini 'dje o, u agbagba djila o, ngúbula me, djila o aú 'kpí de, 'dje o adjé 'kpí de, imbilangú gba o-o ambíla tata-a de, u adjí bua o de, amba ma akóbho uo de. Ebhe apa mo-o.†»

²⁸ Do Polo matá me: «Yi mbíla me, Ebhe atima ngali na mukobho gba e pi ogandji okpála. Ngauo di-e, u adjé madje.» [²⁹ Li u adje engú inde li Polo apa e lie, omaYuda atsambala

† 28:27 28:26-27 Tsia bhú Isa. 6:9-10.

me u nde ngamene kpekebhø sønda
o kpekpeke.]

³⁰ Abhomø-o, Polo asi kalanga
bhisi libhomu bhø eti inde ani adø
nadø bhø e me ani nde ngaha pi
bhøbhølø-o falanga ko. Oo, ani atsia
adø asia ndø okpála hana inde adø
ago atsia ani-o. ³¹ Ani adø akpokpo
ngali Naø gba Ebhe, di ne nasuno
ne angu hana engú gba Ngámá Yesu
Kilisito-o . Ehe bini ni kpadji pi ani
de.

Balua gba Polo pi omabhuka na gudhu na Loma Eli na kalanu

Balua inde li Polo aye nani e pi omabhuka na Loma-a , ani aye nani ngú napa pi uo me ni ne gumu ngú nanu atsia Dadjua na gudhu na Loma. Gumu gba ani adu me ni mene mbo kulu ne omabhuka inde oo, ngubula nedhinga bedi amba u teteke di ni ngubula nanu abhu Esipanye. Ani aye balua ango-o ngú nakpokpo lele maka ani ambila lele nabhuka bhú Yesu nde lie di ne ongú inde li nabhuka ango-o ngamene e, ngubula mukobho gba omakilisito. Engú li Polo akpokpo e hana abhu bhuku inde.

Pita li Polo ayi okpála na Dadjua na gudhu na Loma di ne ani ayo Ebhe pi uo lie-e, ani akpokpo engú na ngbéngbé inde bhú balua pi uo, engú inde me: Bádha Ngali ngasuno maka li Ebhe ngamene lie me okpála kolo ngingbili: a ko ka nabhuka, nayie li lilita akolo ali soso (1:17).

Pipita-a, Polo atsia abhulu 'ngú ango-o. Ani apa me: i du omaYuda, i du die omupagano, a ayo me u kolo ngingbili kala Ebhe. Padhá de, anga ndu uo hana amene siti 'ngú. Abhomu-o, li soso, Polo aye ongú pindji lele nadu ka mukobho gba omakilisito, ane la mane li kpadji na mukunda bhú nadu nadje li ne okpála koko. Ani atsia agama matá 'ngú pindji ongú maka kulu gba Ebhe, ne engú inde a ayo me omakilisito mene e pi ongámási na doto, ne bhende gba okpála sunda o. Ani abu ta balua gba e ne nakpokpo 'ngú gba e makpe di ne oeli bhe nadhögé Ebhe.

Ongbengbe ongú inde bhú bhuku inde-e ngae inde:

Eli na kalanu ne engú na ngbéngbé inde bhú bhuku inde 1:1-17
Gumu nasia mukobho 1:18 - 3:20
Mabhundja gba Ebhe ngubula mukobho 3:21 - 4:25
Mukobho na mbia bhú Kilisito 5:1 - 8:39
Isalaele bhú mabhundja gba Ebhe 9:1 - 11:36
Lele dasundu gba omakilisito 12:1 - 15:13
Eli na soso ne nayi okpála 15:14 - 16:27

Polo yi omabhuka na gudhu na Loma mayi

¹ Ma aye balua inde-e ngama Polo. Ma ne bali gba Yesu Kilisito . Ebhe a'i ma me ma du ne bhulü titima gba ni, ani atsia a'o ma kpi pi e ngú nanu nakpokpo Bádha Ngali gba ni- e pi okpála.

² Ebhe apa nani bhutode me ni atíma Bádha Ngali bhomu-o pi okpála li kpadji gba opolofeta gba ni-o. Ani apa nani engú ango-o bhú Bhuku gba e-o. ³ Bádha Ngali ango-o pindji ndili gba ani Yesu Kilisito inde Ngámá gba ni-o. U azu ani bhú kute bhú piga gba 'ngbé ngámá Davidi. ⁴ Engú bini, li kpadji gba Bu Bhopua-a , ani asuno lie maka Ndili gba Ebhe bhú angu nedhinga ani azuku lie bhú ká okpála inde amu-o. ⁵ Li kpadji gba ani-e, Ebhe asuno bádha bhú 'bu muma me ma kolo bhulü titima gba ani. Ma ne bhulü titima ngubula me ma gbele ndu okpála inde ne omaYuda ade-e hana me u bhuka Yesu Kilisito, u manga ani, amba u toko la di ani. ⁶ Ngayi okpála na Loma-a , yi di bhú ká okpála bhomu-o, ngayi okpála inde li Ebhe a'i o me yi kolo di okpála gba Yesu Kilisito-o.

⁷ Ma aye balua inde-e pi ndu yi hana, ngayi okpála inde li Ebhe nde ne mukunda pi o-o, ani atsia a'i o me yi du bhú mukobho pi ni-o. A ayo me Ebhe 'Dyi ní, ne Ngámá gba ní Yesu Kilisito suno bádha bhú 'bu

gba o-o pí yi, amba u ha di guo 'ngú pí yi.

Polo apa me ni ne gümü nakpokpo Bádha Ngali gba Ebhe-e pi ndu okpála hana

⁸ Kala ndu 'ngú hana-a, ma ngagie hení pí Ebhe gba ma li kpadjí gba Yesu Kilisito. Ma ngagie hení pí ani li 'ngú gba ndu yi hana, anga okpála na píla doto libhomu ngakpokpo 'ngú píndjí nabhuka gba yi-o. ⁹ Ndú nedhínga hana, ma du nayo Ebhe-e, ma ngayo ani ngubula yi. Ebhe apá li ma ngae me a ko kükülu 'ngú. Ma ngamene kulu líma pi Ebhe bhomu-o li kpadjí nakpokpo Bádha Ngali inde atsia Ndili gba ani-o. ¹⁰ Ma ngayo Ebhe ndu 'kpí hana me ani kündá-a, ani de bhulu kpadjí muma me ma kolo li yi. ¹¹ Padhá de, anga ma ne gümü naali me ma u yi ngubula me yi sia di bádha bhú 'bu inde ayie ka Bu Bhopua-a, amba yi sia angu li bua yi. ¹² Ma akunda mangbo napa me ma ne gümü nakolo li yi ngubula napa me ní to angu bhú ní sonda ní ne yi. Ka nabhuka ní nde ne e bhú Kilisito-o, ma to angu bhú yi, amba yi to di angu bhú ma.

¹³ Ondaise ma, yi mbila me bhütsibhütsi, ma adu ne mabhundja nanu agba yi, engú bini, ma sia nga kpadjí de nato pi naki. Ma ne gümü nago gba yi ngubula me kulu gba ma-a zu di nguwa agba yi maka a azu di nguwa lie agba opiga koko inde ne omaYuda ade-o. ¹⁴ Kaka-a, a ayo me ma kpokpo Bádha Ngali pi ndu okpála hana, abana i du pi oGiliki di ne pi okpála inde ne oGiliki ade-o. Ma akpókpo Bádha Ngali bhomu-o pi okpála inde amene balua di ne obhende i mene balua de. Ebhe aha bhophomu-o muma ngae. ¹⁵ A bhomu-o ta 'ngú inde ma nde lie ne gümü nago nakpokpo di Bádha Ngali pi yi, ngayi okpála inde ngadulu bhú gudhu na Loma-o.

† 1:17 1:17 Tsia bhú Abk. 2:4.

¹⁶ Ma belegü ne nümü ade ngú nakpokpo Bádha Ngali-o. Padhá de, anga a bhúbhú ne angu inde li Ebhe ngamene kulu ne e ngú nakobho ndu okpála hana inde ngabhukao. Ebhe ade kpadjí ango-o ngú nakobho ngaiza omaYuda, pipita-a, okpála inde ne omaYuda ade ko. ¹⁷ Padhá de, anga Bádha Ngali ango-o ngasuno lele maka li Ebhe nga'o okpála lie ngingbili bhú djila e-o. Kpadjí ango-o ngakpo lita e bhú nabhuka, engú koko kekele ade. A maka li Bhuku gba Ebhe-e apa lie me: «Kpála inde abhuka Ebhe-e, Ebhe méne me ani kolo bhú djila ní ngingbili, a ko kpála inde bhú kükülu mukobho.†»

Bua Ebhe ngake ne osisiti 'ngú gba okpála make

¹⁸ Li Ebhe nde lie abhúlá-a, ani ngasuno mbámbá me ní ngazi mbutu li ndu osisiti 'ngú hana inde li okpála ngamene e li ani-o di ne bhe li okpála ngamene e súnda o-o. Ani ngazi mbutu anga ndu osisiti 'ngú li okpála ngamene e ngani kpadjí me okpála koko ambila kükülu 'ngú de. ¹⁹ La-a, engú inde ayo me okpála mbila e li pápá gba Ebhe-e mbámbá pi ndu okpála hana. Ebhe ngae makpe apana pi uo mbámbá.

²⁰ Padhá de, anga nayie maka li Ebhe abho kokpí ne doto lie nakolo pi naki-e, ndu oehe inde ani abho e hana ngasuno ani mbámbá me ani maka da-ie. Oehe bhomu-o ngasuno me a bhú ani ne angu na duduuma, oehe bhomu-o la bhadi ngasuno mbámbá me a ko Ebhe. Kaka-a, Ebhe ti da nambu li okpála inde aziba siti 'ngú-o de. ²¹ Padhá de, anga abana u ngambila lie hana me Ebhe uu-o, u dhégo ani de, u gie la di hení pi ani de maka ayo lie me u mene pi ani-o. Engú bini, mabhundja gba uo-o ati ngingi, bua uo bhú biti, u mbila matá bádha 'ngú de. ²² U ngapa me a bhú 'ndji

o ne imbilangu, engú bini, u akolo obhulu pele. ²³ Pi uo-o, ngú napa me u dhégo sangu gba Ebhe inde bhú mukobho duduuma ne duduuma, u mene mo-o de. U mangbo ngadhégo okulu 'he inde li okpála abho o maka o-o. La-a, kpála bhú mukobho duduuma ne duduuma ade. U di ngadhégo okulu 'he inde li okpála abho o maka oedhu, maka onu di ne obhende ngagbeke lio ne 'bu o kuto.

²⁴ Kaka-a, Ebhe atse 'kpa li uo me u mene ongú na sisiti inde li bua uo ngakunda me u mene e-o. U ngamene lie mo-o, u bhomu-o ngamene engú na numu lio sonda o. ²⁵ Ngauo-o, u a'o nabhuka kuku 'ngú inde atsia Ebhe-e li ngongo, u atsia abhuka eu. U ngadhégo oehe inde li Ebhe abho o, uo di ngamene kulu lio pi oehe ango-o, engú bini u dhégo Ebhe inde abho ndu 'he hana ngae de. A ayo la me u de atoko mangbo ani duduuma ne duduuma. A adu moko!

²⁶ Kaka-a, Ebhe atse 'kpa li uo me u mene ongú na numu li gumu e asi bhú uo bedhe-o. Olisi gba uo-onga'o ká obhosí, u ngadhuku ne obi o olisi mada obhosí. ²⁷ A bhadi pi obhosí moko. U di nga'o ká nadhuku ne olisi, u abedhe mangbo ne gumu nadhuku ne obi o obhosí mada olisi. Obhosí ngamene engú na numu ne obi o obhosí koko. U ngagbele pi o makpe bhomu-o ke 'ngú gba Ebhe inde ati ne ngua siti 'ngú u amene e bhomu-o.

²⁸ Maka li okpála bhomu-o ayala lie nambila kuku 'ngú inde atsia Ebhe-e, Ebhe atse 'kpa li uo me u abhündja matá ndjindji de, di ne me u mene engú inde ayo de me u mene e mo-o de. ²⁹ Sisiti 'ngú abedhe li bua uo bedhe, u abedhe ne gumu 'he gba okpála koko, a ko okpála na siti bua, u ngadje siti bua li obi o naali, u ngabhilli obi o, a ko obhulu nagbe bhayiki, a ko obhulu kali, a ko obhulu napa eu ne 'li obi o. ³⁰ U ngapa 'ngú lio sonda o sisiti, a ko

obhulu yala gba Ebhe, u ngasobho obi o, u ngadje kute o, u ngapa 'li o, uo ndu 'kpí hana bedhe 'ngú nabhundja siti 'ngú koko na mbia, u manga okpála azu o-o de.

³¹ Bubua li uo ade, u ngapa 'ngú ne 'li o bhisi bhisi, u ne mukunda pi obi o ade, ndjinga bhú uo ade.

³² U mbila hana me 'li Ebhe apa me okpála inde ngadhuku li ngua kpadji bhomu-o ati ne nakpi. Abana u ambila lie mo-o hana-a, u bha bini nganu ne kalanu bhú namene ngua osisiti 'ngú bhomu-o. Bhe ane la matá mane-e, u ngakpi ndjili li okpála inde ngamene ngua osisiti 'ngú bhomu-o.

2

Ebhe ngakodho 'ngú gba okpála li lelele

¹ Ngamu kpála bhende a'o lie bhú dá djidji ngú nakodho 'ngú gba okpála koko-o, abana mu du bha ne da-ie, Ebhe mbú li mu de. Padhá de, anga nedhinga mu ngakodho 'ngú gba okpála koko lie me mu nde bhadi ngamene 'ngú maka uo-o, mu ngato ngulu mu bhú 'kpí bhomu-o ngamu makpe. ² Ní mbila hana me Ebhe ngakodho 'ngú gba okpála inde ngamene ngua sisiti 'ngú bhomu-o li lelele. ³ Ngamu kpála inde ngakodho 'ngú gba okpála koko li ngua siti 'ngú inde ngamu makpe mu ngamene e-e, mo obhundja naamu me mo onéke mangimbo gba Ebhe-e maneke?

⁴ Nedhinga koko-o, mu ngau Ebhe bhú djila mu padhá, anga ani babadha naali, ani di ne 'ndjá bua, ani di ngandjili má bulu li osisiti 'ngú mu ngamene e-o. Mu u de me ani ngamene mu ndjindji ngubula me mu dji bua mu-o di? ⁵ Ngamu-o, mu ne kpéke 'ndji, mu kunda nadji bua mu de. Kaka-a, mu bhomu-o ngagbele pi 'ndji mu mangimbo bhende ane la matá mane bhú ekpi inde li Ebhe asúno ke 'ngú gba e lie, ani tsia kódho di engú gba okpála

hana ngbingbili-o. ⁶ Ekpí ango-o, aní ahá makalá pí kpála ne kpála li lele kulu gba e inde aní amene e-o.[†] ⁷ Aní ahá mukobho na dudu ma pi okpála bhende adhedhe li namene bádha 'ngú-o. Okpála ango-o ngagili sangu sakpa aní, u ngagili me aní pa 'ngú gba o-o ndjindji, di ne me o sia mukobho na dudu ma.

⁸ Engú bini, aní asúno ke 'ngú gba e pi okpála bhende agbe kpéke 'ndji li ani-o, okpála inde ayala kükulu 'ngú inde di ngaziba namene siti 'ngú-o. Aní aké 'ngú lie pi uo na kuo kuo! ⁹ Ndú okpála hana inde ngamene siti 'ngú-o, asia likabhu bhe na kuo kuo! Likabhu ango-o akpó ngaiza li omaYuda, pipita-a i ké di li okpála inde ne omaYuda ade-o. ¹⁰ Engú bini, Ebhe ahá sangu pi kpála ne kpála inde ngamene bádha 'ngú, aní apá 'ngú gba uo-o ndjindji, aní tsia há di guo 'ngú pi uo. Ndú babadha 'ngú bhomu-o hana, Ebhe ahá ngaiza pi omaYuda, pipita-a aní tsia há di pi okpála inde ne omaYuda ade-o. ¹¹ Padhá de, anga Ebhe ngakodho 'ngú gba kpála ne kpála li lelele, aní tsia bhúla kpála de.

¹² Ndú okpála hana inde ngamene siti 'ngú mandi nambila líli gba Moidje-e, amú mamu, nakpi gba uo kpáta la lele líli gba Moidje de. Engú bini, ndú okpála hana inde ngamene siti 'ngú me u nde ambila líli gba Moidje hana-a, Ebhe akódho bhadi 'ngú gba uo-o nakpata lele líli bhomu-o.

¹³ Padhá de, anga okpála inde ngbingbili bhú djila Ebhe-e, a ko obhende ngadjé líli gba Moidje ne 'dje o-o de, engú bini, okpála inde ngbingbili bhú djila Ebhe-e, a ko obhende ngamene engú maka li líli-e aziba lie-o. ¹⁴ Okpála inde ne omaYuda ade-e, u mbila líli gba Moidje-e de. Nedhinga koko, u la ngamene 'ngú maka li líli apa lie. Bhobhomu-o asuno me líli ango-o

así kúti e abhú u, belegu u mbila lie de-o. ¹⁵ U bhomu-o ngasuno me engú inde li líli-e apa e así kúti e li bua o. Bua nakpokpo ku 'ngú ne mabhundja gba uo-o bhadi ngasuno moko. Nedhinga koko-o, u ngambilà me o omene engú ndjindji ne me o omene sisiti. ¹⁶ A bhomu-o engú inde akótó ekpí inde li Ebhe akódho 'ngú gba okpála lie li kpadji gba Yesu Kilisito-o. Ekpí ango-o, Ebhe akódho 'ngú gba okpála maka li Bádha Ngali inde ma ngakpokpo e ngapapa lie-o. Ebhe akódho 'ngú ango-o pindji ongú inde awo lie mawo, inde li okpála ngabhundja e li bua o-o.

OmaYuda na kükulu-o ngao dho?

¹⁷ La ngamu kpála inde ngapa me ni ne maYuda-a, mu ngalu pi líli gba Moidje-o, mu di ngabhi 'kpa mu pi mbulu mu me ni ne kpála gba Ebhe. ¹⁸ Mu mbila engú li Ebhe akúnda e hana, líli gba Moidje asuno la bhadi pi mu ndjindji me engú inde babadha ngae dho-ie. ¹⁹ Mu ngabhundja li bua mu me ni ngasuno kpadji pi okpála inde i u kpí de. Mu di ngabhundja li bua mu me ni ne zi 'kpí pi okpála inde bhú biti-o. ²⁰ Mu ngabhundja li bua mu me ni ti da nasuno 'ngú pi okpála bhende imbila 'ngú de-o. Mu di ngabhundja li bua mu me ni ti da nasuno 'ngú pi okpála bhe i bhele nga li kpadji gba Ebhe-e de-o. Mu ngabhundja me líli gba Ebhe-e asuno imbilangu ne kükulu 'ngú pi ni hana.

²¹ Kaka-a, ma ngayi mu me, ngamu kpála inde ngasuno 'ngú pi okpála koko-o, mu suno 'ngú ango-o pi mu ngamu bhúbhulà de ka ni? Ngamu kpála inde ngapa pi okpála me u azí 'he de-e, mu ngazi 'he ka ni? ²² Ngamu kpála inde ngapa pi okpála me u akúnda ole, i du di-e bhoko gba kpála koko de-e, mu la ngakúnda ole, i du di-e bhoko gba kpála koko ka ni? Ngamu kpála inde ngayala engú na oebhe na eu-o, mu

[†] 2:6 2:6 Tsia bhú Ets. 62:13; di ne bhú Gbt. 24:12.

la ngabha oehe bhú 'ti nayo gba uo-o ngú ni? ²³ Ngamʉ kpála inde ngabhi 'kpa mʉ pí mbulu mʉ me ni mbila lili gba Ebhe-e hana-a, mʉ nde la ngandjo lili ango-o, okpála ngasiti 'li Ebhe ka mʉ, anga mʉ ngamene engú maka li lili gba ani-e apa lie ade. ²⁴ A maka u aye lie bhú Bhuku gba Ebhe-e me: «Okpála inde ne omaYuda ade-e ngasobho 'li Ebhe ka engú li ngayi omaYuda yi ngamene e-o.†»

²⁵ I du me mʉ nde ngamene engú maka li lili-e apa lie, nali gandja pi mʉ ne tata. La-a, i du me mʉ nde mene engú maka li lili-e apa lie de-e, a mana mugito me mʉ li gandja de. ²⁶ La di-e, li kpála inde i li gandja de-e du namene engú maka li lili-e apa lie, Ebhe ú ani mugito me a ko kpála bhe ali gandja. ²⁷ Kpála inde i li gandja bhú kute de, engú bini, inde i ngamene engú maka li lili-e apa lie, akódho 'ngú gba mʉ-o ngae, ngamʉ kpála inde i kpata lili-e de, abana inde lie me a ka mʉ ne lili, mʉ nde ali la di gandja-o.

²⁸ Padhá de, anga a ko de me kükulu maYuda-a, a ko bha bhende li okpála ngau e li kute e de, inde ali di gandja bha li kute e de, ngú napa me okpála u ne djila o-o de. ²⁹ La-a, kükulu maYuda-a, a ko bhende ne maYuda li bua e, inde ali gandja li lele Bua gba Ebhe, inde i li gandja bha bini ka lili-e de. Kpála ango-o, Ebhe ngatoko ani ngae, okpála toko ani ngao de.

3

Ebhe ndu 'kpí hana bedhe ngú namene engú inde ani apa me ni améne e-o

¹ I du me a nde mo-o, ta nadu ne maYuda ne ni? Nali gandja ngateteke kpála lele pi? ² Ndʉ 'ngú bhomʉ-o hana bha ndjindji! Ebhe ambamba ngaiza nani ta engú gba e pi uo omaYuda. ³ A na paká me okpála koko bhú ká uo kpata nani

ongú li Ebhe apa e ne bua bini-e de. La-a, Ebhe amene bha naae engú inde ani apa nani me ni améne e pi uo-o. ⁴ Abana li ndu okpála hana du bha ne obhʉlʉ eu-o, Ebhe papa bha naae kükulu 'ngú. A maka u aye lie bhú Bhuku gba ani-e me:

«Ngamʉ Ebhe, nedhinga mʉ ngagama 'ngú lie,
ndu okpála hana ngambila me
mʉ

ne ngbili kpála .

I du di me u nde anu ne mʉ gba
okpála nakodho 'ngú-o,
u ú ehe inde ayo me u holo mʉ
li e belegʉ de bini.†»

⁵ Ma gama nga 'ngú nakpata lele maka okpála-kuti agagama 'ngú lie. Nedhinga koko, okpála koko pá me siti 'ngú ni ngamene e ngateteke okpála ngú nambila me Ebhe ne ngbili kpála. U pa mo-o, ni gie pi uo mangua 'ngú dho? Ni gie pi uo me a ko paká, Ebhe ne ngbili kpála, anga ani nga'o mangimbo pi 'ndji ni ade. ⁶ Ebhe bha ndu 'kpí hana ne ngbili kpála, ani ngakodho 'ngú gba okpála na doto kaka.

⁷ Engú bini, okpála koko ti da napa me eu o ngapa e ngagbe kükulu 'ngú gba Ebhe bhú mbasu, a di ngaha sangu pi ani. A ko la ni li Ebhe nga'o 'ngú lie pi o mugito me o ne osisiti okpála? ⁸ Okpála koko ngasobho ya. U ngapa li ya me ya apa me: «Ni mene siti 'ngú, amba ni u lele bádha 'ngú inde akótó bhúbhú-o.» Ebhe a'o mangimbo pi okpála bhomʉ-o a'o. U ati la bhadi ne di.

Ndu okpála hana ngamene siti 'ngú

⁹ Nganí omaYuda-a, ni belegʉ bhú djila Ebhe ngbéngbé ade da nane opiga koko. Ma apa iginí apa me ndu ni okpála hana ni sa lili gba siti 'ngú. ¹⁰ A maka u aye lie bhú Bhuku gba Ebhe-e me:

«Ngbili kpála ade, belegʉ de bini.

† 2:24 2:24 Tsia bhú Isa. 52:5. † 3:4 3:4 Tsia bhú Ets. 51:6.

11 Kpála inde ngakə mboli 'ngú ade,
 kpála inde ngagili Ebhe-e belegu ade bini.
 12 Ndù okpála hana a'o ká kpadji gba Ebhe-e a'o, ndù uo hana angita.
 Kpála inde ngamene bádha 'ngú-o ade, belegu de bini![†]
 13 Tangulu uo mana lata inde li 'bhø e nde bábá.
 'Mi uo ngapa 'ngú napite okpála.
 Eli inde ngaze bhú 'bhø uo mana sili kpulu inde ngabhili okpála.[†]
 14 U ngatu pødjø li okpála ndù 'kpí hana ne 'bhø o, u di ngapa oeli na susu pi uo.[†]
 15 U ngagu holo ne angu o hana ngú nanu nabhili okpála.
 16 Ndù bili u ngapu li e hana-a, u ngasiti ohe, u di ngato mbolo li okpála.
 17 U mbila kpadji na guo 'ngú de.[†]
 18 Tsulu Ebhe bhú uo belegu ade bini.^{†»}
 19 Ní mbila hana me ndù 'ngú inde u aye e bhú lili-e hana, u aye pi okpála inde li Ebhe aha nani lili ango-o pi o-o. Ebhe amene mo-o ngubula nagbite 'bhø ndù okpála hana ne napa me ni 'o mangimbo pi 'ndji ndù uo hana. 20 Padhá de, anga kpála bini belegu ade inde i ti da nakoto ngibili kpála kala Ebhe ka namene lili-o. Kulu gba lili-e bha bini ne nateteke okpála ngú nambila me siti 'ngú ngae dho-ie.

Kpála ngakolo ngbingbili bhú djila Ebhe ka nabhuka

21 Mbia inde-e, Ebhe apana kpadji inde ngamene lie me okpála kolo ngbingbili kala ni-o. Kpadji ango-o kpi, a koto li lili de. Obhuku na olili di ne obhuku gba opolofeta apa nani engú ango-o kalanu. 22 Kpadji ango-o me, Ebhe nga'o okpála ngbingbili

[†] 3:12 3:10-12 Tsia bhú Ets. 14:1-3, 53:1-3; di ne bhú Ekl. 7:20. [†] 3:13 3:13 Tsia bhú Ets. 5:10, 140:3. [†] 3:14 3:14 Tsia bhú Ets. 10:7. [†] 3:17 3:15-17 Tsia bhú Isa. 59:7-8. [†] 3:18 3:18 Tsia bhú Ets. 36:2.

kala e li kpadji nabhuka Yesu Kilisito ka uo-o. Ani ngamene mo-o pi ndù okpála hana inde ngabhuka ani-o. Ndù uo hana ngasia mukobho bha li koli kpadji bini inde gba Yesu Kilisito-o. 23 Padhá de, anga ndù okpála hana amene siti 'ngú, kaka-a, Ebhe bhú sangu gba e adji 'ngbu e li uo adji.

24 Engú bini, Ebhe bhú bádha bhú 'bu gba e amene me u kolo ngbingbili bhú djila ni padhá. Ani amene mo-o li kpadji gba Yesu Kilisito inde ngagbegbe uo sakpa siti-o. 25-26 Yesu Kilisito ne kpála inde li Ebhe abhù e me ani kpi mada ni ka siti 'ngú gba ni-o. Ani tuko ngute e ngú na'e siti 'ngú gba ni-o. Kpadji ango-o Ebhe aleke pi okpála bhende abhuka-o. Ebhe amene mo-o ngubula me ni mbila me ni ne ngibili kpála. Bhú nedhingga na kalanu-o, nedhingga li okpála adu namene siti 'ngú lie, ani adu ne 'ndjá bua pi uo, ani adu atsia siti 'ngú inde u adu amene e mugito me ani u de. Bhú nedhingga na mbia inde-e, ani ngasuno me ni ne ngibili kpála. Kaka-a, ani a'o ndù okpála hana inde abhuka Yesu-o me u du ngbingbili bhú djila ni.

27 I nde lie mo-o, engú bini belegu ade inde i ti da naha 'ngbé 'ndji pi ni. Ka ni? Anga ehe bhende ane ne engbé-e, a ko matá namene lili-e de, engú bini, a ko bha bini nabhuka. 28 Padhá de, anga ya au me kpála-kuti ngakolo ngbingbili kala Ebhe ka nabhuka gba e. A ko de me anga ani amene lili-e hana-a de. 29 Yi abhundja naayi me Ebhe bha ne Ebhe ka omaYuda? A ko di Ebhe gba okpála inde ne omaYuda ade-e di? A mo-o ade. A ko di Ebhe gba okpála inde ne omaYuda ade-o. 30 Padhá de, anga koli Ebhe bha bini. Ani amene me ni 'o omaYuda kala ni ngbingbili li kpadji na nabhuka. Ani améne bhadi pi okpála inde ne omaYuda ade-e moko. 31 I du me a

nde mo-o, a kunda napa me ní u ibili lili-e padhá? A mo-o ade, ní mangbo bhomu-o nga'o lili-e bhú da e.

4

Nabhuka gba Abalahama

¹ Ní bhundja nga pindji ogbi ní Abalahama. Ní apá li 'ngú gba ani-e pi? A akolo nani li ani ne mangua 'ngú dho? ² Li Ebhe ú nani ani me a ko ngbili kpála bhú djila ni ka obabadha kulu inde ani adú amene e, Abalahama de adú ne engú inde ani ti da nabhi 'kpa e pi mbulu e ka e-o. La-a, ani ti da namene bhú djila Ebhe mo-o de. ³ Padhá de, anga Bhuku gba Ebhe ngapa me: «Abalahama abhuka Ebhe, abhomu-o Ebhe atsia au ani me a ko ngbili kpála ka natsia nabhuka gba ani-o.†» ⁴ Ní mbila hana me li kpála mene kulu-o, u há kuo 'kpa pi ani téte, kuo 'kpa bhomu-o ha lie pi ani padhá de. Ani amene ngánga kulu. ⁵ La-a, li kpála mene kulu de, ani bhuka me Ebhe ngasia obhulú namene siti 'ngú-o, nabhuka gba ani-e nga'o ani ngbingbili bhú djila Ebhe. ⁶ Kaka-a, Davidi ngapa 'ngú na djali gba kpála inde li Ebhe au e maka ngbili kpála bhú djila e-o, inde ani tsia okulu gba e de-o. ⁷ Davidi apa me:

«A ko djali pi okpála inde li Ebhe ambu li ndjondjo gba o ambu, okpála inde li Ebhe a'e osisiti 'ngú gba o a'e-o!

⁸ A ko djali pi okpála inde li Ebhe Ngámá lila

osisiti 'ngú gba o li bua e de-o!†

⁹ Engú li Davidi apa e bhomu-o, ne me a atsia bha bini okpála bhende ali gandja, ne me a atsia di obhende i li gandja de-o? Ní de ngapa me: «Ebhe au Abalahama ngbingbili bhú djila e, anga Abalahama abhuka ani.» ¹⁰ Engú bhomu-o akodho 'kpí nadho? Ne me a ko me Abalahama nde ali gandja ali, ne me a ko me ani nde li nga gandja de? A

mo-o ade, a ko kala me Abalahama li gandja.

¹¹ Kala me Abalahama li gandja-a, Ebhe au ani bhú djila e me a ko ngbili kpála. Pipita-a, Ebhe apa pi ani me ani li gandja. Gandja bhomu-o adú maka ehe inde asuno me ani ngbingbili bhú djila Ebhe kabula nabhuka gba e-o. Kaka-a, Abalahama akolo 'dyi ndu okpála hana inde ngabhuka Ebhe mandi nali gandja. Ebhe ngau ndu okpála bhomu-o hana bhú djila e ngbingbili maka ani au nani Abalahama lie-o. ¹² Abalahama di ne 'dyi okpála bhende ali gandja-o. A akunda napa me Abalahama di ne 'dyi okpála inde ngakpi bha bini ndjili li nali gandja ade, engú bini, inde ngakpata lele nabhuka inde adú nani bhú ogbi ní Abalahama kala me ani li gandja-o.

¹³ Ebhe apa nani pi Abalahama ne odi e me ní ahá doto pi uo. A ko de me Ebhe apa nani engú bhomu-o ka anga Abalahama amene lili-e de, a ko mangbo anga Ebhe au nani ani ngbingbili bhú djila e ka nabhuka gba e-o. ¹⁴ I du me okpála bhende ngamene lili-e nde asia bha bini ohe li Ebhe apana e ngao, a akunda napa me tata li nabhuka ade. La di-e, engú inde li Ebhe apa nani me ní amene e pi uo, a ko 'ngú na padhá.

¹⁵ Padhá de, anga nedhinga li okpála adje lili lie, i du me u nde kpata de-e, li Ebhe ké 'ngú lie. La-a, bili li lili inde li e ade-e, u agumu lili-e lele pi?

¹⁶ A bhomu-o engú yi ngau lie me Ebhe apa nani me ní ahá doto pi Abalahama ne odi e kabula nabhuka gba e ngubula me a adú pi uo maka ehe ani aha e pi uo padhá bhú bádha bhú 'bu gba e-o. Oehe li Ebhe apa me ní ahá e pi okpála-a, a bha bini pi obhende ngakpata lili-e ade, engú bini, a di pi okpála inde abhuka Ebhe maka Abalahama abhuka lie-o. Kaka-a, Abalahama ne 'dyi ndu ní hana. ¹⁷ A maka u aye lie bhú

† 4:3 4:3 Tsia bhú Dje. 15:6. † 4:8 4:7-8 Tsia bhú Ets. 32:1-2.

Bhuku gba Ebhe-e me Ebhe apa pi
Abalahama me: «Ma a'o mu 'dyi
okpála na opiga bheldé.[†]» Abalahama
ne 'dyi ni bhú djila Ebhe inde ani
abhuka e-o. A ko Ebhe inde ngazuku
okpála inde amu, inde di ngabho
oehe inde nga ade-o.

¹⁸ Abalahama adú bha ne nab-
huka bhú Ebhe, ani atsia adú bha
na'o 'to e 'to ani. Natsia la lele ani-e,
a ko nani kpála inde i ti matá nani
da na'o 'to e 'to ehe inde li Ebhe apa
me ni ahá e pi ani-e de. Abhomu-o,
Ebhe amene engú ani apa nani me
ni améne e pi ani-o. Ani atsia akolo
'dyi okpála na opiga bheldé maka li
Ebhe apa nani lie pi ani me: «Opiga
gba mu-o adú bheldé.[†]» ¹⁹ A abhaka
me ani nde ne kalanga masíkpe de
kámá bini. Ani adú nambila ndjindji
me ni agbe, ani adú di nambila hana
me wala ni Sala ne izude, engú bini,
nabhuka gba ani-e gie lie ne sidi de.
²⁰ Ani adú bha nabhuka me Ebhe
ahá ehe inde ani apa me ni ahá e pi
ni-e maha. Ani du ne bua bhisí bhisí
de da napa me ni gbe 'to ni 'to Ebhe-
e de. Engú bini, nabhuka inde ani
adú ne e bhú Ebhe-e, adú bha naha
angu pi ani ngú nanu ne kalanu, ani
atsia adú adhögé Ebhe. ²¹ Ani adú
nabhuka na paká me Ebhe ne angu
ngú namene engú inde ani apa me
ni améne e-o.

²² Ka nabhuka gba Abalahama-a,
Ebhe au ani bhú djila e me a ko
ngbili kpála. ²³ I du me Bhuku gba
Ebhe-e nde apa me, Ebhe au ani bhú
djila e me, a ko ngbili kpála-a, a ko
bha bini pi ani kpi e kpi de. ²⁴ Eli
bhomu-o aye di lie pi ni okpála inde
li Ebhe aú o bhú djila e me ni ne
okpála na ngbingbili-o. Padhá de,
angu ni ne nabhuka bhú Ebhe inde
azuku Yesu Ngámá gba ni-e bhú ká
okpála inde amu-o. ²⁵ Ebhe apu Yesu
pi okpála ngubula me u bhélo ani li
'ngú na siti 'ngú gba ni-o. Ebhe atsia
azuku ani bhú ká okpála inde amu-o
ngú napa me ni kolo ngbingbili bhú

djila ni.

5

*Yesu ato guo 'ngú sunda ni ne
Ebhe*

¹ I nde lie me Ebhe au ni me ni
ne okpála na ngbingbili bhú djila e
ka ni abhuka ani lie, ni mbia inde-
e ne guo 'ngú sunda ni ne Ebhe
li kpadji gba Yesu Kilisito, Ngámá
gba ni-o. ² Yesu abhulu kpadji pi ni
ngae ngubula me Ebhe suno bádha
bhú 'bu gba e pi ni li kpadji na
nabhuka. Nabhuka gba ni-e alu
pi bádha bhú 'bu bhomu-o. Ni la
bhadi ngakpi djali anga ni nga'o 'to
ni me Ebhe ahá di sangu pi ni maka
ani aha pi Yesu lie-o. ³ A pise bha
bini li bhabhomu-o de. Ni di ngakpi
ndjili bhú likabhu ni ngazu e anga
ni ambila me likabhu ngaha pi ni
nambila nadu ne 'ndjá bua. ⁴ Nadu
ne 'ndjá bua ngaha pi ni nasia angu
bhú kpéke da 'ngú, ni sia angu bhú
kpéke da 'ngú-o, bhabhomu-o ngaha
pi ni me ni 'o 'to ni li engú li Ebhe
apa me ni améne e-o. ⁵ Ni du na'o 'to
ni 'to engú li Ebhe apa me ni améne
e mo-o, a padhá ade. Padhá de, anga
li kpadji gba Bu Bhabua-a, Ebhe
asuno me ni abedhe ne mukunda pi
ni bedhe.

⁶ A ko paká, nedhinga ni adú lie
me ni nde ti da nagbe 'ndji ni de-
e, Yesu Kilisito akpi li 'ngú gba ni
osisiti okpála li nedhinga inde li
Ebhe a'o nani e-o. ⁷ Ni mbila hana
me, da napa me kpála ziba nakpi
li 'ngú gba ngbili kpála kpekpeke.
Nedhinga koko-o, kpála ti da naziba
mangbo nakpi li 'ngú gba kpála na
bádha 'ngú. ⁸ Engú bini, ehe inde
asuno me Ebhe ne mukunda pi ni-e
ngae inde: nedhinga ni adú nga bha
lie bhú siti 'ngú-o, Yesu Kilisito akpi
li 'ngú gba ni-o.

⁹ I nde la lie me mbia inde-e Ebhe
au ni okpála na ngbingbili bhú djila
e li kpadji na ngute ani-e, ni mbila
me ni akóbho bhú 'bhé ke 'ngú gba

[†] 4:17 4:17 Tsia bhú Dje. 17:5. [†] 4:18 4:18 Tsia bhú Dje. 15:5.

Ebhe-e li kpadji na ngute ani. ¹⁰ Nani kalanu, nedhinga ni adu lie nayala Ebhe-e, Ebhe ato guo 'ngu sunda ni ne o li kpadji nakpi gba Ndili gba e-o. Kaka-a, ni mbila ndjindji me maka li Ebhe ato guo 'ngu lie sunda ni ne o ato-o, ani akobho bhadi ni li kpadji gba Ndili gba e, anga Ndili ango-o bhá mukobho. ¹¹ La matá pepé-e, ni ngakpi djali li 'ngu li Ebhe amene e li kpadji gba Ngámá gba ni Yesu Kilisito-o. Padhá de, anga ani amene me guo 'ngu li sunda ni mbia inde-e ne Ebhe.

*Ní ali bhá mangimbo ka Adamu ,
ní akobho ka Yesu*

¹² Ni mbila hana me, siti 'ngu ali píla doto ka koli kpála bini má kpi kili! A li kpála ango-o me Adamu . Siti 'ngu ango-o atsia azu kuo. Ka li ndu okpála hana amene siti 'ngu lie, kuo atsia akolo li ndu uo hana. ¹³ Kala me Ebhe ha líli gba e pi Moidje-e, siti 'ngu adu nani píla doto. Engu bini, inde lie me Ebhe nde ha nga nani líli gba e pi okpála de-e, ani du na'o 'to e 'to siti 'ngu gba uo de. ¹⁴ La-a, abana a adu lie mo-o, nayie li Adamu, nakolo li Moidje , kuo adu ne angu pi ndu okpála hana, abana pi okpála bhende i mene siti 'ngu maka Adamu andjo nani li Ebhe lie de-o. Adamu nani ne kulu kpála inde a ayo nani me ani go-o.

¹⁵ Engu bini, siti 'ngu gba Adamu-o kpo 'ndji e ne bisagu li Ebhe aha e padhá-a de. Eu ade, okpála bhelé amu kabula siti 'ngu gba koli kpála bini bhomu-o. Engu bini, bádha bhá 'bu gba Ebhe-e ane ne engbé. La di-e, bisagu inde ani aha e padhá pi okpála bhelé li kpadji gba koli kpála bini inde li e me Yesu Kilisito-o, ane di ne engbé. ¹⁶ Bádha bhá 'bu li Ebhe aha e pi okpála-a naae ngazu ngua koko. A viti bini ne siti 'ngu inde li koli kpála bini bhomu-o amene e de. Siti 'ngu li koli kpála bini bhomu-o amene e, amene

me Ebhe 'o 'ngu pi okpála. La-a, bádha bhá 'bu li Ebhe aha e pi okpála padhá pita u amene siti 'ngu lie bhelé-e aha pi uo me u kolo ngingbili kala Ebhe.

¹⁷ A na paká me kuo apa lie li okpála ka siti 'ngu gba koli kpála bini. Engu bini, kpála bhe koko inde li e me Yesu Kilisito-o ngamene naae okulu na ngingbengbe. Li kpadji gba ani-e, Ebhe ngasuno bádha bhá 'bu gba e inde ane mane-e pi okpála padhá, ani di ngau uo bhá djila e me a ko okpála na ngingbili. Bha li kpadji gba ani-e, u asia mukobho na duduuma, u aú di ngámá ka ani.

¹⁸ Ni au me kabula siti 'ngu gba koli kpála bini inde li e me Adamu-o, mangimbo gba Ebhe-e ati pi ndu okpála hana. A bhadi moko, kabula bádha kulu gba kpála bini inde li e me Yesu Kilisito-o, okpála hana akolo ngingbili bhá djila Ebhe. Bádha kulu gba Yesu Kilisito di ngaha mukobho pi okpála ngae. ¹⁹ Ka li kpála bini andjo li Ebhe lie, okpála bhelé ati bhá siti 'ngu. A bhadi moko, ka li kpála bini adje li Ebhe lie, okpála bhelé akolo ngingbili bhá djila ani.

²⁰ Pindji bhende atsia líli gba Moidje-e , Ebhe aha nani pi okpála ngae. La natsitsia-a, siti 'ngu atsia abe matá ndu e naali. Engu bini, li bili inde li siti 'ngu abe ndu e lie, bádha bhá 'bu gba Ebhe abe la matá ndu e ane mane. ²¹ A bhadi moko, maka li siti 'ngu apána angu e pi okpála lie li kpadji gba nakpie, bádha bhá 'bu gba Ebhe-e apána bhadi angu e pi okpála li kpadji nakobho uo. Bádha bhá 'bu ango-o améne me ni kolo bhá mukobho na duduuma li kpadji gba Yesu Kilisito, Ngámá gba ni-o.

6

*Ní akpi bhá dabili bini ne Yesu, ni
azuku bhadi maka ani*

¹ Ní apá la ibili pi? Ní mene bha ibili siti 'ngú ne kalanu, amba bádha bhú 'bu gba Ebhe-e nu ne kalanu?
² Belegu de bini! Ní amu li pabili gba siti 'ngú amu. Lele pi ní ti lie matá da nanu bhú siti 'ngú ne kalanu-o?
³ Yi mbila de me nedhingga ní asia batisimo lie, ndu ní hana ní akpetse liní bhú dabili bini ne Yesu Kilisito bhú nakpi ka e di? ⁴ Li kpadjí na batisimo-o, ní amu ne aní bhú dabili bini, u atsia azi ní ne aní bhú lata bhú dabili bini ngubula me Ebhe 'dyi ní zuku di ní bhú ká okpála inde amu-o maka aní azuku Yesu Kilisito lie bhú angu gba e inde ane mane-o. Aní azuku ní ngubula me ní du di ne lele mukobho na mbia.

⁵ Padhá de, anga maka ní akpetse liní ne aní lie bhú ngua nakpi inde aní akpi e-e, ní azuku bhadi ngua nazuku inde aní azuku e-o. ⁶ Ní mbila ndjindji me, nedhingga li Yesu Kilisito akpi lie li kulusi-e, Ebhe agi lele mukobho gba ní na kalanu-o bhadi li kulusi oo ngubula me lele mukobho bhomu-o kpi di, amba ní adú matá obalise gba siti 'ngú de. ⁷ Padhá de, anga kpála inde akpi-e, akoto bhú bali gba siti 'ngú akoto. ⁸ I du me ní nde akpi bhú dabili bini ne Yesu Kilisito akpi-e, ní bhadi ne nabhuka me ní adú bhadi ne aní bhú mukobho. ⁹ Yesu Kilisito azuku nani azuku. Ní mbila hana me nayie li 'kpi bhomu-o, aní kpi matá-a de. Nakpi matá ne angu pí aní ade. ¹⁰ Bhú nakpi ka aní e-e, aní akpi li pápá na siti 'ngú bhutsibhutsi bini má kpikili! Aní nde lie bhú mukobho mbia inde-e, aní bhú mukobho pi Ebhe. ¹¹ A viti bhadi bini, ngayi di-e, yi 'o liyi mugito me yi amu li pápá gba siti 'ngú-o amu. La mbia inde-e, yi bhú mukobho pi Ebhe li kpadjí na makpetse gba yi ne Yesu Kilisito.

¹² I nde lie mo-o, a ayo matá de me siti 'ngú ko angu e pí kute yi na kukuo inde-e de. Yi adhákku li lele gumi na sisiti gba kute yi bhomu-o de. ¹³ Yi a'ó matá oyá yi de me

adú bhú kulu gba siti 'ngú maka otia kulu gba ani-e de. Yi ha mangbo liyi pi Ebhe maka okpála inde amu, u atsia azuku. Yi ha liyi libhomu ngú kulu gba Ebhe maka otia kulu ngú namene ngibili 'ngú. ¹⁴ Padhá de, anga a ayo de me siti 'ngú ko matá angu e pi yi-e de, anga yi matá sa líli ade, engú bini yi mangbo sa bádha bhú 'bu gba Ebhe-o.

Ní matá ne obalise gba siti 'ngú ade, ní ibili ne obalise gba Ebhe

¹⁵ Mbia inde-e, ní matá ngadhákku sa líli ade, ní mangbo sa bádha bhú 'bu gba Ebhe. I nde li mo-o, a ayo me ní nu bha ne siti 'ngú ne kalanu anga ní nde sa bádha bhú 'bu gba Ebhe? Belegu de bini! ¹⁶ Yi mbila hana me i du me mu nde bhú kulu gba kpála bini ngú namene engú aní akunda e-e, mu ne bali gba kpála inde mu nde bhú kulu gba e-o. I du me mu nde bhú kulu gba siti 'ngú-o, mu ne bali gba aní. Mu du bhú kulu gba Ebhe-e, mu ne bali gba aní. Yi mbila la me, siti 'ngú ngato kpála bhú kuo. Engú bini, namanga Ebhe ngamene me Ebhe 'o kpála ngbingbili bhú djila e.

¹⁷ Heni pi Ebhe, anga yi du nako ne obalise gba siti 'ngú, la mbia inde-e, yi abhuka Ebhe. Yi atsia aziba di ne bua yi bini nadu bhú mukobho nakpata lele nasuno inde u asuno e pi yi-o. ¹⁸ Ebhe agbegbe yi bhú bali gba siti 'ngú-o agbegbe, yi atsia akolo obalise gba aní ngú namene engú inde ngbingbili. ¹⁹ Ma ngakpokpo 'ngú bhomu-o pi yi ne nasusuno li kute obalise, anga yi ngake mboli engú má gala ade. Nani kalanu-o, yi aha kute yi libhomu maka obalise inde bhú kulu gba siti 'ngú inde ngazu kpéke 'ndji li pabili gba Ebhe. Maka yi aha nani liyi lie libhomu pi siti 'ngú-o, mbia inde-e, yi ha di liyi libhomu pi Ebhe maka obalise inde bhú kulu gba ngibili 'ngú ngubula me lele mukobho

gba yi-e dū bhende nganga li Ebhe manga.

²⁰ Nedhinga yi adū nako lie obalise gba siti 'ngú-o, ehe bini ade inde i ti nako da natima yi me yi mene ngbili 'ngú. ²¹ Nedhinga yi adū lie amene osisiti 'ngú inde nga'o naki nūmū li yi bhomu-o, yi asia bhúbhú mangua bádha 'ngú dho? Ehe bini ade! Ongú bhomu-o ngatima kpála bhú kuo. ²² La mbia inde-e, Ebhe agbegbe yi bhú siti 'ngú agbegbe, yi atsia akolo okpála na kulu gba anio. Li kpadji bhomu-o, yi asia nadū bhú mukobho inde nganga li Ebhe-o. Ali soso-o, yi asia mukobho na dudu-ma. ²³ Padhá de, anga makalá gba siti 'ngú-o, a ko nakpi, engú bini, Ebhe naae ngaha pi okpála mukobho na dudu-ma inde bhú Yesu Kilisito Ngámá gba ní-e padhá.

7

Ní aze bhú bali gba líli-e aze

¹ Ondaise ma, yi mbila engú inde ma adjí apa e hana, anga yi ambila líli-e ndjindji. Yi mbila hana me líli ngako angu e pi kpála bha bini li nedhinga ani nde lie bhú mukobho-o. ² Ní ha nga kukulu li olé inde bhú kuya. Nedhinga li 'ko ani nde lie téte-e, ani tí da na'o ká ani ngú nanu na ha bhoko koko de, anga líli ziba mo-o de. I dū la me 'ko ani nde akpi-e, ehe bini inde ani matá kpadji pi ani ngú na ha bhoko koko ade. ³ Bhabhomu-o apa me, i dū me olé yie nu ha bhoko koko me 'ko ani nde nga bha téte-e, líli apa me olé bhomu-o akunda bhoko gba kpála koko. I dū la me 'ko ani nde akpi ma kpi-e, líli ne engú bini pi ani ade. Kaka-a, ani tí da na ha bhoko koko. U pá li ani de me ani aha bhoko gba kpála koko-o de.

⁴ A bhadi pi yi moko, ngayi ondaise ma. Yi akolo li pabili gba líli maka okpála bhende amu, anga Yesu Kilisito akpi mada yi. Kaka-a, yi ibili ne okpála ka ani, ngaani kpála

inde li Ebhe azuku e-o. Ebhe amene mo-o ngubula me ní dū azu pi ni onguwa na babadha. ⁵ Nedhinga ní adū nani akobho lie maka li osisiti gūmu na kute ní adū atima ní lie, líli adū apala pi ní me, a inde-e siti 'ngú. La-a, ní dje mo-o, kute ní adū mangbo atima ní me ní mene osisiti 'ngú bhomu-o. Osisiti 'ngú ango-o adū atima ní ne kalanu ngú nazu nguwa inde ngatima kpála bhú kuo. ⁶ Engú bini, mbia inde-e, maka ní amu lie li pápá gba ehe inde a'o nako ní bhú bali-e amu-o, líli matá ne engú pi ní ade. Kaka-a, ní ti da namene kulu liní pi Ebhe li lele bhe na mbia. Ní améne kulu ango li kpadji gba Bu Bhabua, a adū matá li lele bhe na kalanu ní adū amene e sa líli inde u aye e maye-e de.

Líli gba Ebhe-e asuno siti 'ngú gba ní-e mbambá

⁷ I dū mo-o, ní pa me líli ne ehe na sisiti? A mo-o ade! I dū ka líli de-e, ma de mbila siti 'ngú de. U yé nani bhú líli de me: «Mo odú ne gūmu 'he gba kpála de-e»,[†] ma de mbila de me nadū ne gūmu 'he gba kpála ne siti 'ngú-o de. ⁸ Nedhinga ma ambila líli bhomu-o lie, siti 'ngú au kpadji e abhú ma. A tsia amba bhúla ma me ma dū ne gūmu ohe gba okpála ngangá. Padhá de, anga li líli dū de-e, siti 'ngú kó angu e pi ma de. ⁹ Nani kalanu me ma nde mbila nga líli de-e, bua ma adū má bii! La-a, nedhinga ma aké mboli engú li Ebhe akunda e lie, siti 'ngú me ní ngani bhomu,¹⁰ ma atsia akpi. Líli inde li Ebhe aha e ngubula me aha mukobho pi okpála-a, aha naae mūma nakpi. ¹¹ Padhá de, anga ma ambila líli-e lie, siti 'ngú au kpadji e bhú ma. A apite bua ma, ma atsia akpi kaka.

¹² Bhabhomu-o atima ní naziba me ndu líli-e hana ayie ka Ebhe, la di-e ndu ongú inde u aye e bhúbhú-o hana ayie ka ani. Ehe na sisiti bhúbhú belegú ade bini. ¹³ A

[†] 7:7 7:7 Tsia bhú Eki. 20:17; di ne bhú Det. 5:21.

akunda napa me ehe na babadha-a abhələ ma ngae? A mo-o ade! A abhələ mangbo ma ne siti 'ngú. Siti 'ngú-o aha lili, ani atsia abhəle ma ned. A mene lie mo-o ngubula me okpála mbila me siti 'ngú bha ne siti 'ngú. Li kpadji gba lili-e, siti 'ngú atsia asuno la ibili me ni ane ne siti mane.

Nganí okpála-kuti-e, ní ngagw gbele ne siti 'ngú inde abedhe bhú ní bedhe-o

¹⁴ Ní mbila hana me lili-e ayie ka Ebhe. La ngama-a, ma ne kpála li angu nde bhú e ade, ma ne bali gba siti 'ngú. ¹⁵ Ma ngakə mboli engú inde ma ngamene e ade. Padhá de, anga ma ngamene engú inde ma kunda namene e de. Ma mangbo ngamene bhende ma ayala namene e-o. ¹⁶ I du me ma nde ngamene engú inde ma ngayala e, bhabhomu-o asuno me ma abhuka me lili ne bádha 'he. ¹⁷ Bhabhomu-o apa me nedhinga ma ngamene siti 'ngú lie, a ko ma de, a ko mangbo siti 'ngú inde asi kuti e abhú ma ko. ¹⁸ Padhá de, anga ma ambila me bádha 'ngú si kuti e bhú ma de, a akunda napa me bhú kute ma, ngama kpála inde li angu nde bhú e ade-o. A na paká me a bhú ma ne gümü namene bádha 'ngú, engú bini angu namemene la bhú ma ade. ¹⁹ Padhá de, anga bádha 'ngú inde ma akunda namene e-e, ma ngamemene ade. Siti 'ngú inde ma ayala namene e-e, ma mangbo ngamene e. ²⁰ Li ma du amene engú inde ma akunda namene e de-e, a kunda napa me, a ko ma de, a ko mangbo siti 'ngú inde asi kuti e abhú ma-o.

²¹ I nde lie mo-o, engú ma ngau e ndu 'kpí hana ngae inde: ngama kpála inde ne gümü namene bádha 'ngú-o, a bha bini bhú ma ne angu namene siti 'ngú. ²² A li bua ma-a, ma ngakpi ndjili li lili gba Ebhe-o. ²³ Engú bini, a bhú kute ma-a, ma ngau lili koko inde ngagu gbele ne lili inde li bua ma ngaziba e-o. Lili

inde bhú kute ma-a nga'o ma bali gba lili na siti 'ngú inde abhú ma-o. ²⁴ A ko likabhu muma! A agbégbe ma sakpa kute ma inde ngato ma li kpadji nakpi inde-e da? ²⁵ Heni pi Ebhe li kpadji gba Yesu Kilisito, Ngámá gba ní-o!

Ma ti da nabu 'li ma me, li bua ma-a, ma ne bali gba lili gba Ebhe, engú bini, li kute ma-a, ma ne bali gba lili gba siti 'ngú.

8

Nadu bhú mukobho inde li Bu Bhabua aziba e

¹ Mbia inde-e, engú na'o'o matá pí okpála inde akpətse lio bhú dabili bini ne Yesu Kilisito ade. ² Padhá de, anga lili gba Bu Bhabua inde ngaha mukobho pí kpála li kpadji gba Yesu Kilisito agbegbe ma bhú bali gba lili na siti 'ngú bhú dabili bini ne bali gba nakpi-e agbegbe. ³ Lili gba Moidje ti nako da naha mukobho pí ní de, anga nganí okpála-kuti-e, angu bhú ní ngú namene olili-e hana-a de. Engú bini, Ebhe amene ehe inde li lili-e ti nako da namene e de-o. Ngú na'e osisiti 'ngú gba ní-e, ani atima Ndili gba e makpe me ani go kobho maka ní osisiti okpála. Bhabhomu-o akunda napa me Ebhe kunda siti 'ngú inde li okpála ngamene e belegu de bini.

⁴ Ebhe amene mo-o ngubula me nganí okpála inde ngakobho maka Bu Bhabua akunda lie, ní mene ndu 'ngú hana inde li lili-e aziba e, ní améne matá ongú maka li kute ní aziba lie de. ⁵ Padhá de, anga mu du akobho nakpata ongú inde li kute mu aziba e, mu du bha nabhundja engú na kute. Engú bini, mu du akobho nakpata ongú inde li Bu Bhabua akunda e-e, mu du bhadi nabhundja ongú gba Bu Bhabua. ⁶ I du me mu nde ngabhundja bha bini pí ongú inde li kute mu akunda e-e, mu kpi. Engú bini, li mu du abhundja bha bini pí bhende li Bu Bhabua gba Ebhe-e ngakunda e,

Ebhe méne me mu du bhú mukobho bhú dabili bini ne guo 'ngú'.

⁷ Okpála bhende ngabhundja bha bini ongú li kute o aziba e, a ko obhulú yala gba Ebhe. U ngamene lili gba Ebhe-e ade, u ti la di da namemene de. ⁸ Okpála bhende ngamene mo-o, u ti da nanga li Ebhe de.

⁹ La ngayi-e, yi ngamene engú maka li kute yi aziba lie ade. Yi ngamene engú maka li Bu Bhopua aziba lie-o. Padhá de, anga Bu Bhopua gba Ebhe ngadu bhú yi. Kpála inde li Bua gba Ebhe-e ngadu bhú e ade-e, a ko makilisito de. ¹⁰ Li Yesu Kilisito du bhú yi-e, li pápá na kute yi-e, yi amú mamu, anga yi nde amene siti 'ngú'. La li pápá na bua yi-e, Bua gba ani-e ngaha mukobho pi yi, anga yi akolo ngingbili bhú djila Ebhe. ¹¹ La di-e, li Bua gba Ebhe inde azuku nani Yesu bhú ká okpála inde amu-o du bhú yi-e, a na paká me Ebhe bini bhomu-o ahá di mukobho pi okute yi na kukuo bhomu li kpadji gba Bua gba ani inde ngadu bhú yi-o.

¹² Kaka-a, ondaise ma, a ayo me ni du akobho maka li Bu Bhopua akunda lie, a ayo de me ni du akobho maka li kute ni akunda lie de. ¹³ Padhá de, anga yi du akobho maka li kute yi makpe ngatima yi lie, yi mu. Engú bini, li Bu Bhopua teteke yi me yi 'o namene siti 'ngú na paká-a, yi sia mukobho. ¹⁴ Padhá de, anga ndu okpála hana inde ngadhukú maka li Bua gba Ebhe-e akunda lie, a ko ongisi gba Ebhe.

¹⁵ Bu Bhopua inde li Ebhe aha e pi yi-e nga'o yi bhú bali ade, ani di ngabedhe matá yi ne tsulu ade. A ko mangbo Bua inde ngamene me yi kolo ongisi gba Ebhe. Ka angu gba Bua bhomu-o, ni ti da nagama 'ngú pi Ebhe ne na'i ani me: «Aba, 'Dyi ya!» ¹⁶ Bua gba Ebhe-e belegu ngapapa ngae makpe pi ni abhú ni me ni ne ongisi gba Ebhe. ¹⁷ Ni ne ongisi gba ani-e na paká. A akunda napa me ni asia obabadha

'ngú inde li Ebhe apa me ni ahá e pi ni-e masia. Ni asia obabadha 'ngú bhomu-o nganí bhú dabili bini ne Yesu Kilisito. Maka ni ngazu likabhu lie bhú dabili bini ne ani-e, ni adú bhadji bhú dabili bini ne ani li bili gba ani na sangu-o .

Sangu inde ni nga'o 'to ni 'to e-o

¹⁸ Ma ambila na paká me olikabhu ni ngazu e mbia inde-e kpo 'ndji e ne sangu inde li Ebhe ambámba galikpe 'ta e pi ni-e belegu de bini. ¹⁹ Padhá de, anga ndu 'he inde li Ebhe abho e hana ngadjeko ne gugumu hana ekpi inde li Ebhe asúno lie mbámbá me okukulu ongisi gba ni-e ngao dho. ²⁰ Padhá de, anga ndu 'he inde li Ebhe abho e hana ati sakpa angu na padhá. A ko de me ohe bhomu-o akunda ngao-o de, a ko mangbo anga Ebhe ato uo sa angu bhomu-o ngae. Engú bini, ohe li Ebhe abho e ti da na'o nga matá 'to e 'to engú bini. ²¹ Engú ango-o me, ekpi akólo makolo li Ebhe tsia gbégbé bhú bali gba kuo ndu ohe inde ani abho e hana. U kpí matá-a de, u asia sangu maka ongisi gba Ebhe-o.

²² Ni mbila hana me nayie nani aoo, nakolo pi mbia inde-e, ndu ohe li Ebhe abho e hana-a, ngazu likabhu, u di ngazu tate o maka ele inde li bhú 'bu e nde ngazu ka ezu. ²³ Ohe inde li Ebhe abho e bha bini ngazu likabhu kpi e kpi ade, abana nganí okpála inde asia Bu Bhopua maka gina 'he inde li Ebhe aha e pi ni-e, ni di ngazu likabhu. Ni ngazu likabhu ali bua ni nedhinga ni ngadjeko lie me Ebhe mene me ni kolo ongisi gba ni, amba ani gbegbe la di ni libhomu bhú bali. ²⁴ Ebhe akobho nani ni akobho, ni u nga la sangu ango-o de, ni bha nga'o 'to ni toto. Li ni du au ongú inde ni nga'o 'to ni 'to e ne djila ni-e, a bhomu-o matá na'o 'to o 'to 'ngú de, anga a nde sakpa ni. Padhá de, anga kpála 'o'o 'to e 'to ehe inde ani au e ne djila e au-o de. ²⁵ Engú bini, i du me ni nde u nga ehe inde ni nga'o 'to ni

'to e de-e, ní dú nadjedjeke ne 'ndjá bua.

²⁶ Engú koko di ngae inde, Bu Bhopua ngateteke ní li kpadjí gba Ebhe-o, anga angu nde bhú ní ade. Padhá de, anga ní mbila nayo Ebhe li lelele de. Bu Bhopua mangbo ngayo Ebhe mada ní ngae makpe. Aní ngayo Ebhe ne bua e hana da napa me u ti da napapa ne ebhe de. ²⁷ Ebhe mbila ndú 'ngú hana inde bhú kpála. Aní ngambila di engú inde li Bu Bhopua ngakunda napa e hana. Padhá de, anga Bu Bhopua ngayo Ebhe mada omaha Ebhe maka li Ebhe akunda lie ngae.

²⁸ Ní mbila hana me ndú 'ngú li Bu Bhopua ngamene e hana-a, aní ngamemene ngubula me okpála bhende ne mukunda pi Ebhe-e sia bádha 'ngú. A ko okpála inde li Ebhe a'i nani o me u mene engú inde ní akunda e. ²⁹ Padhá de, anga Ebhe abhú nani uo kalanú, aní atsia apa di kalanú me ní améne me u kolo maka Ndili gba ní, ngubula me Ndili gba ní-e dú ne gina 'zu bhú ká ongisi bheldé. ³⁰ Obhe li Ebhe amene engú bhomú-o pi o-o, aní a'i di uo. Obhe aní a'i o-o, aní amene di me u kolo bhú djila ní okpála na ngingbili. Obhe aní amene me u kolo bhú djila ní okpála na ngingbili-e, aní amene di me u sia sangu gba ní-o.

Ehe bini gbó bhúsú ní ne mukunda li Ebhe nde ne e pi ní-e de

³¹ Nakpata ndú 'ngú bhomú-o hana-a, ya ti da nabu tata-a me: «Li Ebhe nde lie pi ní-e, kpála bini ti da naha angu ní de.» ³² Ngaani Ebhe-e, aní gili Ndili gba e makpe pi ní de. Aní apú aní ngú napa me aní go kpi pi ndú ní hana. Maka aní apú Ndili gba e lie pi ní-e, aní ahá di ondú 'he koko-o hana pi ní bhú bádha bhú 'bu gba e-o. ³³ Kpála bini ne engú napa mapá li okpála li Ebhe abhú o ade. Padhá de, anga Ebhe ngae makpe au uo me u bhú djila ní ngingbili.

[†] 8:36 8:36 Tsia bhú Ets. 44:23.

³⁴ Kpála bini ti da na'o 'ngú pi okpála li Ebhe abhú o de. Padhá de, anga Yesu Kilisito ngae makpe akpi pi ní. Pépé-e, aní azuku, aní ali li pá 'kpa na kokpa gba Ebhe. Aní di ngayo Ebhe ngubula ní. ³⁵ A ti da nagbo bhúsú ní ne mukunda li Yesu Kilisito nde ne e pi ní-e da? Abana ní dú bhú likabhu, abana ní dú bhú kpéke da 'ngú, abana li okpála dú nato mbolo li ní, abana ní dú bhú ndibhili, abana li kpéke 'ngú dú nago ngú ní, abana li okpála dú nakodho ngulu ní, abana li gomu dú namene ní, ehe bini inde ayóko mukunda li Yesu Kilisito nde ne e pi ní-e belegu ade bini. ³⁶ A maka u aye lie bhú bhuku gba Ebhe-e me:

«Okpála ngagili ndú 'kpí hana me o bhélè ya

kabula 'ngú gba mu-o.

Okpála ngau ya mugito me
ya ne okandélé inde u adjí ab-
hili o.[†]»

³⁷ La bhú ndú 'ngú bhomú-o hana-a, ya ngaha angu ndú ongú bhomú-o hana ka angu gba kpála inde ne mukunda pi ya-o. ³⁸ Padhá de, anga ma ambila na paká me ehe bini inde agbo bhúsú ní ne mukunda li Yesu Kilisito nde ne e pi ní-e ade. Abana i dú me ní nde bhú mukobho, abana i dú me ní nde amu, a viti bha bini. Abana i dú oandjelu, abana i dú di ongú na biti, abana ongú na naki, abana ongú inde ngago, bini bhú káká-a gbó bhúsú ní ne mukunda gba Yesu Kilisito de. ³⁹ Abana i dú ohe inde ngadú abhúlá, abana ohe bhende ngadú asa doto, abana ndú ohe koko hana inde li Ebhe abho e, ehe bini ade inde i ti da nagbo bhúsú ní ne mukunda inde li Ebhe nde ne e pi ní li kpadjí gba Yesu Kilisito, Ngámá gba ní-o.

9

Ebhe ngamene ndú 'ngú hana bhú ngú e

1 Ma ne kpála gba Yesu Kilisito ! Engú ma adjí apa e inde-e, a ko kükülu 'ngú, ma pa eu de. Bu Bhobua ngasuno mama me 'li maa, a ko paká, bua nakpokpo kú 'ngú gba ma la bhadi ngaziziba moko me a ko paká. **2** A ko paká me bua ma ne likabhu naali, likabhu inde li bua ma-a ndjindjia di-i de. **3** Li kpadjí dú uu-o, ngama makpe, ma de ayó me Ebhe tu pédjø li ma, amba aní gbo bhusu ya ne Yesu Kilisito i dú me a nde ti da nateteke ondaise ma omaYuda u-o, anga a ko ondaise ma na piga. **4** A ko okpála na piga gba Isalaele. Ebhe abhú uo me u kolo ongisi gba ni, aní aha pi uo me u sangu gba ni-o, aní akodho gandja ne uo bhutsibhutsi, aní aha lili gba e pi uo, aní asuno lele nayo pi uo, aní apa me ni améne obabadha 'ngú pi uo. **5** A ko odi Abalahama ne ongisi gba e-o. La di-e Yesu Kilisito ngae makpe li pápá na kute-e, a ko kpála na piga gba uo. Ngaani, a ko Ebhe inde pi 'ndji ndú 'he hana-o. A ayo me okpála toko aní duduuma ne duduuma. A adú moko.

6 Ma pa de me engú li Ebhe apa me ni améne e, aneke de. Ní mbila hana me a ko de me ndú odi Isalaele hana bha ne ongisi gba aní makpe-e de. **7** La di-e, ndú odi Abalahama hana bha ne ndú ongisi gba aní makpe ade. Padhá de, anga Ebhe apa pi Abalahama me: «Odi mu akoto li kpadjí gba Isaka.†» **8** A kunda napa me ndú ongisi li Abalahama azu o hana ne ongisi gba Ebhe ade. Pi Ebhe-e, kükülu odi Abalahama bha bini ne ongisi inde aní azu o nakpata lele maka li Ebhe apa nani lie me ni ahá pi aní-o. **9** Padhá de, anga Ebhe apa nani engú na ongisi ango-o pi aní me: «Bhú kalanga na sidi-e, bhú ngua onedhinga inde-e, ma agié matá lima, ma abháka me Sala nde azu ndili na bhobhoko.†»

10 A viti bhadi bini ne bhe gba Lebeka-o. Ndú ongisi gba aní-e bhisi

hana, koli 'dyi uo bha bini, ogbi ní Isaka. **11-12** La-a, kala napa me u zu uo-o, Ebhe apa me: «Bhebhele-e adú kpála na kulu gba ndindili-o.†» Ebhe apa 'ngú bhomu-o kala me súka uo mene bádha 'ngú, i dú di-e siti 'ngú. Lebeka nde zu nga uo de. Ebhe amene mo-o ngú nasuno me ni memene bha bini engú maka ni akunda lie. Aní ngabhu okpála bha bhú ngu e. Aní tsia de me kpála ango-o amene bádha 'ngú ne me aní amene siti 'ngú-o de. **13** A maka u aye lie bhú bhuku gba Ebhe-e me Ebhe apa me:

«Ma ne mukunda pi Yakobho, ma ayala Esau.†»

14 I dú me a nde mo-o, ní pá me ngbili 'ngú bhú Ebhe adi? Belegu de bini! **15** Padhá de, anga Ebhe apa pi Moidje me:

«Ma kunda namene bádha 'ngú pi kpála-a,
ma méne.

I dú di me ma nde akunda nadje ndjinga kpála-a,
ma djé.†»

16 Bhabhomu-o akunda napa me, li Ebhe mene bádha 'ngú pi kpála-a, aní amene bha pi aní anga aní adje ndjinga aní. A ko de me aní amene pi aní anga kpála ango-o akunda ngae, ne me aní amene téte kulu-o de. **17** A maka engú inde aní apa nani e bhú Bhuku gba e pi 'ngbé ngámá na Edjipito me: «Ma a'o mu 'ngbé ngámá ngubula me ngama Ebhe-e ma pana angu gba ma bhú mu, di ne ngubula me ndú okpála na pila doto libhomu mbila me ma ne da-ie.†» **18** Kaka-a, ní ngau me li Ebhe kunda nadje ndjinga kpála-a, aní djé, aní kunda nato kpéke 'ndji bhú 'ndji kpála-a, aní tó.

Ní ti da nadjidji 'ngú sa 'li Ebhe de

† 9:7 9:7 Tsia bhú Dje. 21:12. † 9:9 9:9 Tsia bhú Dje. 18:10-14. † 9:11-12 9:11-12 Tsia bhú Dje. 25:23. † 9:13 9:13 Tsia bhú Mal. 1:2-3. † 9:15 9:15 Tsia bhú Eki. 33:19. † 9:17 9:17 Tsia bhú Eki. 9:16.

19 Nedhinga koko-o, kpála bini ti da nayi ma me: «Li Ebhe dá nabhu okpála maka ani akunda lie, ka ni ani nde lie nga'o 'ngú pi okpála, u nde bha ngamene bhomu-o bhende ani akata uo me u mene e?» **20** Ngamu kpála inde ngayi ma mo-o, mu ne da ngú nadjidji 'ngú sa 'li Ebhe? Madakpa ti da nayi kpála inde apo ani-e uu me: «Mo omene ma me-e ka ni?» Belegu de bini!† **21** Bhulù napo lusa ti da namene engú inde ani akunda e ne doto na lusa-a hana. Ani ti da nagbo bhushu doto na lusa-a bhisi. Ani há bhe bini-e, ani méne téte lusa na kpéke mase, ani há bhe koko-o, ani méne téte lusa u amemene kulu ne e ndu 'kpí hana.

22 Li Ebhe kunda nadu maka bhulù napo lusa-a, naamu bhúbhú ne ni? Ani amene mo-o ngubula nasuno ke 'ngú gba e, di ne me a bhú ni ne angu. La-a, ani akibila nani ne 'ndjá bua okpála inde a ayo nani me u sia ke 'ngú gba ani-o, inde adu nako masikpe de napa me ani bhili o-o. **23** Ebhe amene mo-o ngubula me okpála mbila me sangu abedhe bhú ni bedhe pi okpála inde ni nde ne ndjinga pi o-o. Ani aleke uo kalanu me u sia sangu gba ni-o. **24** Ní di ne okpála inde ani a'i o pi e. Ani bhú bha bini okpála ani a'i o pi e bhú ká omaYuda de, ani abhu di uo bhú ká opiga inde ne omaYuda ade-e uu. **25** A bhomu-o engú ani apa e bhú bhuku gba polofeta Oze me: «Okpála inde nani i du okpála ka ma de-e,

ma a'i uo me a ko okpála ka ma. Okpála inde nani ma du ne mukunda pi o de-e,

ma apá me ma ne mukunda pi uo.†

26 Li bili nako ma apa pi uo lie me:

«Ngayi-e, yi ne okpála ka ma ade-e», bha li bili bini bhomu-o, ma apá pi uo me:

† **9:20** 9:20 Tsia bhú Isa. 29:16, 45:9. † **9:25** 9:25 Tsia bhú Oz. 2:25. † **9:26** 9:26 Tsia bhú Oz. 2:1. † **9:28** 9:28 Tsia bhú Isa. 10:22-23. † **9:29** 9:29 Tsia bhú Isa. 1:9. † **9:33** 9:33 Tsia bhú Isa. 8:14-15, 28:16.

<Yi ne ongisi gba ma, Ebhe na mukobho-o.†» **27** La pi okpála na Isalaele-e, polofeta Isaya agama di 'ngú li 'ngú gba uo-o. Ani atsia apa me: «Abana li omaIsalaele du bha bhelé maka sike abhú 'ngbé 'ngu-o, yi mbila me obhe li Ebhe akóbho o-o bhelé ade. **28** Padhá de, anga engú li Ebhe apa me ni améne e píla doto-o, ani améne bha hana má kpékébhé! Ani améne la di má gala!†» **29** A di maka polofeta Isaya apa matá nani lie me: «Li Ebhe Ngámá Apí 'Kpí bhíli nani ongisi gba ní-e hana-a, ní de andjulù maka okpála na Sodomo ne Gomolo andjulù nani lie-o.†»

Okpála koko bhú ká omaIsalaele bhuka de

30 I du mo-o, ní ti da nabu tata pi? Engú inde ya akunda nabu tata ne e ngae inde, okpála inde bhú piga gba omaIsalaele ade-e, gili nako nadu ngbingbili kala Ebhe de. La-a, Ebhe au uo me a ko okpála na ngbingbili bhú djila e ka u abhuka ni lie-o. **31** La-a, okpála na Isalaele inde adu agili me o kolo ngbingbili bhú djila Ebhe li kpadji namene lili-e, kolo nedu ali soso de. **32** U kolo nedu ali soso de ka ni? U kolo de, anga u adu abhundja me o kólo ngbingbili bhú djila Ebhe ka okulu gba o-o. U du abhuka de me kpála ngakolo ngbingbili bhú djila Ebhe ka nabhuka gba e de. U atsia ado 'dhú o li teme inde ngagbo 'i kpála-o. **33** Bhuku gba Ebhe-e ngapa 'ngú na teme angó-o me:

«Yi gbo 'dje yi!

Ma nga'o bhú gudhu na Siona teme bini inde li okpála ngado 'dhú o lie.

A ko teme inde ngagbo 'i kpála. La-a, kpála abhuka ani-e, ani djí 'ngbu e li ani 'kpí bini de.†»

10

¹ Ondaise ma, engú inde ma ngakunda e ne bua ma hana-a, a ko me omaſsalaele sia mukobho. Ma ngayo Ebhe pi uo ngánga. ² Ma au me u akunda namene kulu lio pi Ebhe na paká. Engú bini, u mbila kpadji ango-o de. ³ U mbila kpadji li Ebhe ngau kpála li e bhú djila e ngingbili-e de. U agili nade kpadji bhe gba o ngao makpe. Kaka-a, u ayala nakpata kpadji li Ebhe ngau kpála li e bhú djila e ngingbili-o. ⁴ Padhá de, anga li Yesu Kilisito ago lie, ani andjia angu líli gba Moidje-o. Ani amene mo-o ngubula me ndu okpála hana inde abhuka ni-e kolo ngingbili bhú djila Ebhe.

Ebhe ngakobho ndu okpála hana inde abhuka Yesu

⁵ Moidje aye engú pindji lele maka li Ebhe ngau okpála lie bhú djila e ngingbili ka nakpata líli-o. Ani me: «Kpála inde akpáta ndu líli-e hana-a, adú bhadi bhú mukobho kaka.†» ⁶ Engú bini, u papa pindji lele maka li Ebhe ngau okpála lie bhú djila e ngingbili ka nabhuka me: «Mo opá li bua mu de me: <A a'ú abhálá da?†>» Padhá de, anga li mu pa mo-o, a akunda napa me, mu ngayi li bua mu me: «A a'ú abhálá da ngú napa pi Yesu Kilisito me ani go bhaka ní kuto ei.» ⁷ Mo opá di li bua mu de me: «A aké asaté da?» Padhá de, anga li mu pa mo-o, a akunda napa me, mu ngayi li bua mu me: «A aké asaté da ngú nagbegbe Yesu Kilisito bhú ká okpála inde amu-o?†» ⁸ Bhuku gba Ebhe-e apa mangbo me: «Li Ebhe dengo mu masikpe.

A bhú 'bhe mu, a di li bua mu.†» Engú ya ngakpokpo e-e, a pindji eli bhomu, a ayo me okpála bhuka eli ango-o. ⁹ Li mu pa ne 'bhe mu kala ndu okpála hana me Yesu ne Ngámá-a, li mu bhuka di ne bua bini me Ebhe azuku ani bhú ká okpála inde

amu-o, Ebhe kóbho mu. ¹⁰ Padhá de, anga ní bhuka Yesu Kilisito li bua ní-e, ní kólo ngingbili bhú djila Ebhe. Ní pa ne 'bhe ní mbámbá me Yesu Kilisito ne Ngámá-a, Ebhe kóbho ní. ¹¹ A maka u aye lie bhú Bhuku gba Ebhe-e me: «Ndú okpála hana inde abhuka ani-e, ani djí 'ngbú e li uo 'kpí bini de.†» ¹² Ka 'ngú ango-o, abana omaYuda, abana di okpála bhende ne omaYuda ade-e, u viti bha bini. Koli Ngámá gba uo bha bini. Ani ngaha obabadha 'ngú gba e bhelé pi ndu okpála hana inde ngayo ka ani me ani teteke o-o. ¹³ A maka u aye lie bhú Bhuku gba Ebhe-e me: «Ndú okpála hana inde ayó ka Ebhe Ngámá me ani teteke o-o, ani akóbho uo makobho.†»

¹⁴ A moko. Engú bini, li okpála bhuka ani de-e, u ayó ani lele pi? Li okpála dje engú gba ani-e de-e, u abhúka ani lele pi? Li kpála kpokpo 'ngú gba ani-e de-e, okpála adjé engú gba ani-e lele pi? ¹⁵ Li ani tima okpála de-e, u anú nakpokpo 'ngú gba ani-e lele pi? U aye di bhú Bhuku gba ani-e me: «Tsitsia nga, a ko djali nau okpála inde ngakpokpo obabadha ngali-e nago ne kpokpokpo!†» ¹⁶ Engú bini, a ko de me ndu okpála hana abhuka Bádha Ngali-e de. Padhá de, anga Isaya ayi nani belegu me: «Ngámá, a abhuka ongali ya akpokpo e pi okpála da?†» ¹⁷ Ní mbila me, kpála ngabhuka nedhinga inde ani adje ngali lie-o. Ngali bhomu-o, a ko bhende ngalú pi 'li Yesu Kilisito-o.

¹⁸ I nde lie mo-o, ma ngayi me, a akunda napa me omaYuda dje nga ngali bhomu-o di? A mo-o ade, u adje! Bhuku gba Ebhe-e ngapa me: «Ngbíkpi ne sukpe u ngakpokpo 'li Ebhe ne ndu bili hana píla doto.

† **10:5** 10:5 Tsia bhú Lev. 18:5. † **10:6** 10:6 Tsia bhú Det. 30:13. † **10:7** 10:7 Tsia bhú Det. 30:13.

† **10:8** 10:8 Tsia bhú Det. 30:14. † **10:11** 10:11 Tsia bhú Isa. 28:16. † **10:13** 10:13 Tsia bhú Djl.

3:5. † **10:15** 10:15 Tsia bhú Isa. 52:7. † **10:16** 10:16 Tsia bhú Isa. 53:1. † **10:18** 10:18 Tsia bhú Ets. 19:5.

'Li uo akolo ne li ndu 'dje doto badha hana.[†]

19 Ma ngayi matá engú bini, okpála na Isalaele ke mboli engú u adje e di? A mo-o ade, u aké mbolimboli aké! Ngaiza kalanu-o, Moidje apa nani me:
 «Ebhe apa me:
 <Ma améne engú da napa me ngayi okpála gba ma-a yi kolo ne siti bua pi okpála inde ne okpála gba ma ade-o.

Ma améne engú da napa me yi kolo ne ke 'ngú pi opiga inde li imbilangú nde bhú 'ndji o ade-o.[†]»

20 Pipita-a, polofeta Isaya apa belegú me:
 «Ebhe apa me:
 <Okpála inde i du agili ma de-e, au ma.
 Ma asuno lima pi okpála inde i du ayo ma de-o.[†]»

21 La li 'ngú gba omaIsalaele-e, Ebhe apa me:
 «Ekpí libhomu, ma ato 'kpa ma pi omaha ma me u gogo, engú bini, u amene kpéke 'ndji, u ayala engú inde ma adu napa e-o.[†]»

11

Ebhe ne ndjinga pi omaIsalaele

1 Ma ngayi me, i nde lie mo-o, Ebhe abala omaha e abala? A mo-o ade! Padhá de, anga ngama makpe-e, ma ne maIsalaele. Abalahama ne ogbi ma, u azu ma bhú piga gba Bendjame. **2** Ebhe bala omaha e inde ani abhu nani o pi e bhutode-e de. Yi mbila engú inde li Bhuku gba Ebhe apa e hana li bili inde li polofeta Eliya adu alopololo lie lie kala Ebhe li 'ngú gba okpála na Isalaele-o.

3 Eliya adu alopololo lie me: «Ngámá, u abhili opolofeta gba mu-o. U atsia agugumú di odabili inde ya tsutsulu 'he pi mu pi e-o. Ma atigala bha kolí

ma kpi ma kpi. U la bhadi ngagili nabhélə ma.[†]»

4 Ebhe atsia agie pi ani pi? Ebhe agie pi ani me: «A mo-o ade, mu kpi mu kpi ade. Ma alila okpála kete mananika pi ma makpe. U tutu lipukú o kala Bala inde li okpála ngau e maka Ebhe-e de.[†]» **5** Bhú okpí na naki inde-e, a bhadi moko. Dú omaIsalaele koko atigala, inde li Ebhe abhu o pi e ka bádha bhú 'bu gba e-o. **6** Ani bhú uo ka babadha okulu gba uo de, ani abhu uo ka bádha bhú 'bu gba e-o. Li Ebhe bhú uo ka obabadha okulu gba uo-o, ní de apá me bádha bhú 'bu gba ani-e, a ko bádha bhú 'bu de.

7 Bhabhomu-o akunda napa me okpála na Isalaele sia ehe inde u adu nagili e de. Okpála bini bini bhú ká uo inde li Ebhe abhu o-o asia ehe inde u adu nagili e bha bini ngao. La pi okpála koko-o, Ebhe ato kpéke 'ndji bhú uo. **8** A maka u aye lie bhú Bhuku gba Ebhe-e me:

«Ebhe amene me u aké mboli 'ngú bini de.

Ani ani djila uo me u aú kpí de. Ani atsia abuku di 'dje uo me u adjé 'kpí de nakolo pi naki.[†]»

9 Davidi atu di nani 'kpa e li uo me: «Oanokomia gba uo du pi uo maka ekú, a adu pi uo maka ndjukudu li kpadji, amba u sia mbini kulu inde u ngamene e-o.

10 A ayo me Ebhe dudu djila uo me u aú 'kpí de.

A ayo me Ebhe ha likabhu pi uo, me 'ngbu uo kodho.[†]»

11 Ma atsia ayi matá me, li okpála na Isalaele ati lie, u ati bha na paká-a? A mo-o ade! Engú bini, ka u ati lie, okpála inde ne omaIsalaele ade atsia asia mu-kobho. Ebhe amene mo-o ngubula napa me omaIsalaele du ne siti bua li

[†] **10:19** 10:19 Tsia bhú Det. 32:21. [†] **10:20** 10:20 Tsia bhú Isa. 65:1. [†] **10:21** 10:21 Tsia bhú Isa. 65:1-2. [†] **11:3** 11:3 Tsia bhú 1 Ong. 19:10, 14. [†] **11:4** 11:4 Tsia bhú 1 Ong. 19:18. [†] **11:8** 11:8 Tsia bhú Det. 29:3; di ne bhú Isa. 6:10, 29:10. [†] **11:10** 11:9-10 Tsia bhú Ets. 69:23-24.

okpála inde ne omaſsalaele ade-o. ¹² Lí omaſsalaele amene siti 'ngú lie, Ebhe amene bádha 'ngú pi ndu okpála na doto hana. Lí omaſsalaele ati lie, Ebhe aha tia pi okpála inde ne omaſsalaele ade-o. I du me Ebhe nde amene bádha 'ngú pi ndu okpála na doto hana nedhinga inde li omaſsalaele andjo 'li ani lie, ani améne la matá bádha 'ngú pi uo ane mane, nedhinga li ndu omaſsalaele hana agie lio lie li pápá gba ani-o.

Lele maka li Ebhe akobho okpála inde ne omaYuda ade-e lie-o

¹³ Mbía inde-e, ma ngagama 'ngú inde-e pi yi okpála inde ne omaYuda ade-o. Ma ne bhulkü titima inde li Ebhe atima e pi okpála inde ne omaYuda ade-o. Kaka-a, ma ngau kulu inde li Ebhe aha e muma ne tata. ¹⁴ Ka ma ngau kulu ango-o lie ne tata-a, ma abhundja me okpála na piga gba ma-a adjé siti bua li ma téte, li Ebhe tsia kóbho di bini bini bhú ká uo. ¹⁵ Lí Ebhe abala omaYuda lie, okpála na opiga koko atsia apo bhúla o de ani. Lí Ebhe ató guo 'ngú súnda o ne omaYuda lie, adú djali na ngebéngbé. A adú maka kpála inde akoto bhú kuo, ani atsia agie lie bhú mukobho!

¹⁶ I du me u nde aha ndu mapana kalanu-o pi Ebhe-e, a akunda napa me mapa bhomu-o libhomu ne naani. Lí u ha sie ndula pi Ebhe-e, a akunda napa me oyáyá-a hana di ne naani. ¹⁷ Okpála na Isalaele maka 'lá ndula na olive. Ebhe ava oyáyá bini bini. Ani atsia ato yi, opiga koko inde ne omaYuda ade-e, bhú da oyáyá bhomu-o. Obabadha ohe inde li omaYuda adú asia e-e, ngayi omatobhúkayi-e, yi di ngasisia maka li oyá ndula asisia angu lie ka sie e-o.

¹⁸ Kaka-a, a ayo de me yi u okpála inde maka oyá ndula inde u ava e padhá-a de. Yi nga'o liyi ne bhúlá ka ni? Sie ndula-a dha bhú yá e de, yá ndula adha mangbo bhú sie ndula ko. ¹⁹ Eu ade. Mu ti da napa

me: «Ebhe ava nani oyáyá bhomu-o ngubula napa me, ngama-a, ani to ma mada uo-o.» ²⁰ A ko paká me, Ebhe ava nani uo anga u bhuka nani ani de. Mo osia dabili bhomu-o anga mo obhuka ani. Engú bini, mo o'ó limu kaka abhúlá naali de. Du mangbo ne tsulu Ebhe. ²¹ Padhá de, anga Ebhe va nani omaYuda padhá de, a asi la masi maka mu. OmaYuda la nani ne okukulu oyá ndula na olive ngao. Mu lila limu de-e, Ebhe akódho bhadi mu maka ani ava uo lie-o. ²² Mbila me Ebhe babadha, ani la di ngakodho 'ngú gba okpála ngingbili. Ani ngakodho 'ngú gba okpála bhende nga'o ká kpadji gba ani-o. Ani la babadha li pápá gba mu-o. La-a, a ayo me nu bha li kpadji gba ani-e ne kalanu. I du mo-o de-e, ani akódho di mu maka ani ava oyá ndula koko lie-o.

²³ La pi omaYuda-a, i du me u nde a'o kpéke 'ndji gba o-o, Ebhe gie matá uo li bili u adu nako lie-o. Padhá de, anga Ebhe ne angu ngú nagie uo matá bhú da o ne toto. ²⁴ Ngayi okpála inde ne omaYuda ade-e, yi maka oyá ndula na olive inde u lu e malu de. Ebhe atsia ava yi, ani ago a'o yi li kute 'lá olive bhende u alu e malu. U memene la mo-o de. La pi omaYuda-a, uo maka oyá ndula na olive bhe u a lu e malu. Kaka-a, dá napa me Ebhe gie uo bhú dá o-o kpekpeke ade.

Ndjinga gba Ebhe-e pi ndu okpála hana

²⁵ Ondaise ma, ma akunda me yi mbila engú inde li Ebhe awo e mawo-o, ngubula me yi au liyi mugito de me yi ne obhulkü imbilangu-o de. Yi mbila me té okpála na Isalaele adú nagbe kpéke 'ndji li 'ngú gba Ebhe-o, nakolo li 'kpí inde li ndu okpála inde ne omaYuda ade-e hana agie lio lie agba Ebhe-o. ²⁶ Abhomu-o li 'kpí ango-o, li omaſsalaele hana tsia kóbho maka li Bhuku gba Ebhe-e apa lie me:

«Kpála inde akóbho okpála ayié bhú
Siona.

Aní a'é osisiti 'ngú gba odi
Yakobho.

²⁷ A bhomú-o gandja inde ya akódho
e ne uo-o,
nedhingga ma a'é osisiti 'ngú gba
uo lie-o.[†]

²⁸ Li ní tsia maka li omaYuda ayala
Bádha Ngali-e lie, a ko obhulu yala
gba Ebhe. Engú bhomú-o amene
lie lie mo-o, ngayi okpála inde ne
omaYuda ade-e, yi atsia asia bádha
'ngú gba Ebhe-o. Engú bini, ní tsia
maka li Ebhe abhú uo lie me u dú
bhú ngú ni-e, Ebhe ndú 'kpí hana
ne mukunda pi uo ka gandja nani
u akodho e ne onguo ogbi uo mo-
o. ²⁹ Padhá de, anga li Ebhe ha
'he pi kpála-a, aní gbúlu matá ka
aní de. Aní 'i di kpála-a, aní dji
matá mabhundja gba e li pabili gba
aní-e de. ³⁰ Nani kalanú-o, ngayi
di-e, yi andjo 'li Ebhe. Engú bini
mbia inde-e, yi ambila ndjinga gba
Ebhe anga omaYuda andjo di 'li aní.
³¹ A bhadi moko. U andjo bhadi
'li Ebhe mbia inde-e ngubula me
Ebhe dje ndjinga yi. Ebhe amene
mo-o ngubula me ngauo di-e ní dje
ndjinga uo mbia inde. ³² Padhá de,
anga ka li ndú okpála hana andjo 'li
Ebhe lie, u akolo maka obhulu tikpu.
Ebhe amene mo-o ngubula me ní dje
ndjinga ndú uo hana.

Ebhe ngbéngbé ane ndú 'he hana

³³ A na paká me bádha bhú
'bu gba Ebhe ane ne engbé mane!
Fmbilangú gba aní-e ane ndú 'ngú
hana! Aní mbila ndú 'ngú hana!
Engú inde aní ngabhundja e li bua e,
kpála bini ti da nakpokpo kúkú de.
Kpála bini ti da nake mboli okpadji
gba aní-e de. ³⁴ A maka u aye lie bhú
Bhuku gba aní-e me:

«Kpála bini mbila mabhundja gba
Ebhe Ngámá-a de.

Kpála bini ade inde i ti da
nakpokpo pi Ebhe

[†] 11:27 11:26-27 Tsia bhú Isa. 59:20-21, 27:9.
11:34-35 Tsia bhú Isa. 40:13; di ne bhú Djb. 41:3.

lele engú inde ayo me aní mene
e-o.[†]

³⁵ Kpála bini ade inde akpo naha 'he
pi Ebhe

ngubula napa me aní dú adjeké
me Ebhe gie pi ni-o.[†]»

³⁶ Padhá de, anga aní abho ndú 'he
hana ngae. Aní ngamene me ndú
'he ni abho e hana dú bhú mukobho.
Ndündú hana ngagie lie agba aní. A
ayo me okpála dhögé Ebhe duduma
ne duduma! A adú moko.

12

Ebhe aha kulu pi okpála kpikpikpi

¹ Ondaise ma, i nde lie me Ebhe
nde adje ndjinga ní mo-o, ma ayo
ka yi me yi ha liyi ngayi makpe
pi Ebhe maka makiso inde na uu.
Yi dú libhomu pi aní ngú nanga li
ani. Pi yi-e, a bhomú-o kúkúlu lele
nadhogé Ebhe-o. ² Yi adú amene 'he
maka okpála na doto inde-e de. Yi
'o mangbo me Ebhe dji yi, amba aní
ha pi yi imbilangú na mbia. Yi mene
mo-o, yi tsia mbila me Ebhe akunda
ni i-e. A akunda napa me yi ambila
engú inde na babadha, engú inde
anga li ani, engú inde li kpadjí.

³ Kabula kulu inde li Ebhe aha e
múma ka bádha bhú 'bu gba e-e,
ma ngapa pi ndú yi hana me: yi
aú liyi ne bhúlánane mane de. Yi
mbila mangbo lele yi makpe, maka
yi nde lie-o. Yi tsia lele nabhuka li
Ebhe aha e pi yi ngú nambila me
da yi ngae dho-ie. ⁴ Koli 'lá kpála
bha bini, engú bini oyáyá téte bhelé
inde ngamene okulu kpikpikpi. ⁵ A
viti bhadi pi ní bini. Abana ní nde
lie bhelé-e, ní akolo koli kpála bini
bhú nakpetse liní ne Yesu Kilisito-
o. Ní atsia akpetse liní maka oyá
kpála-kuti akpetse lie lie-o.

⁶ Ebhe aha pi ní oangu ngangá ngú
namene kulu nedí. Aní aha pi ní
padhá bhú bádha bhú 'bu gba e, li
lele maka anga li bua aní lie-o. Kaka-
a, li súka ní sia angu nakpokpo eli

[†] 11:34 11:34 Tsia bhú Isa. 40:13. [†] 11:35

inde ayie ka Ebhe-e, a ayo me, ani kpokpo nakpata lele nabhuka gba e-o. ⁷ Li Ebhe ha pi kpála koko angu nateteke obi e, a ayo me ani teteke uo. Li Ebhe ha pi koko angu nasuno 'ngú pi okpála koko-o, a ayo me ani suno. ⁸ Li Ebhe ha pi kpála koko angu nato masi bhú obi e-e, a ayo me ani to masi bhú uo. Li Ebhe ha pi kpála koko angu napu 'he pi obi e-e, a ayo me ani pu ne bua e hana. Li Ebhe ha pi kpála koko angu nau pi 'ndji obi e-e, a ayo me ani mene kulu ango-o ne bádha bua. Li Ebhe ha pi kpála koko angu nateteke obhulú ndibhili-e, a ayo me ani mene ne djali.

Lele nakobho gba omabhuka

⁹ Yi du ne mukunda pi ndu okpála hana ne bua bini. Yi adú apa 'ngú na mukunda bha ne 'bhø yi de. Yi yala siti 'ngú, yi dhedhe li bádha 'ngú. ¹⁰ Yi du ne mukunda súnda yi maka a ayo lie me ondaise du ne mukunda súnda o. Yi du ne mazima súnda yi na paká paká. ¹¹ Yi ha liyi pi kulu ne angu yi hana. Yi adú ne obhulú ipio de. Yi mene kulu liyi pi Ngámá ne bua yi hana. ¹² Yi du bhú djali kabula yi nga'o 'to yi lie 'to ohe li Ebhe apa me ni ahá e pi yi-o. Yi kibila okpekpeke da 'ngú ne 'ndjá bua. Yi ayó Ebhe ne ndala téte de. ¹³ Yi teteke ondaise yi inde bhú ndibhili-o. Yi sia obhende ngago li yi-e ndjindji.

¹⁴ Yi yo Ebhe me ani tuko bisagu pi okpála bhende ngato mbolo li yi-o. Yi ayó de me Ebhe tu pedjø li uo de. ¹⁵ Yi kpi djali bhú dabili bini ne obhende bhú djali-o. Yi ku 'gbá bhú dabili bini ne obhende bhú 'gbá-o. ¹⁶ Yi du nadje liyi súnda yi ne obi yi ndjindji. Yi adú ne 'ngbé 'ndji de, engú bini, yi ziba ndu kulu hana inde u ahá e pi yi-o, abana i du bha kulu li okpála ngau e padhá. Yi au liyi de me ni ambila ndu 'ngú hana-a de.

¹⁷ Yi agié siti pi siti de. Yi le ne kpéke me yi mene bádha 'ngú kala ndu okpála hana. ¹⁸ I du li naayi-e, yi mene ne kpéke me yi du bhú guo 'ngú ne ndu okpála hana. ¹⁹ Ngayi okpála na mukunda gba ma-a, yi agié siti pi okpála de, yi 'o mangbo me Ebhe gie siti pi uo ngae. Padhá de, anga Ngámá Ebhe apa bhú Bhuku gba e me:

«Ngama-a, ma agié siti 'ngú li okpála amene e li yi-e ngama.

Ngama makpe, ma améne uo nakpata lele engú u amene e li yi-o.†»

²⁰ Engú bini, pi yi-e, yi mene mangbo maka li Bhuku gba Ebhe-e apa lie me:

«I du me a nde li bhulú yala gba mu-o ne gumu-o,

mu de ha ezu pi ani.

I du li ani ne gumu 'ngu-o,

mu de ha engu nandji mandji pi ani.

Padhá de, anga mu mene mo-o, a adú mugito me mu ngabu ndjekedhe djua na dédé pi 'ndji ani.†»

²¹ Mo o'ó de me siti 'ngú ha angu ni-e de. Engú bini, ha mangbo angu siti 'ngú ne namene bádha 'ngú.

13

A ayo me ni manga ongámási mamanga

¹ A ayo me ndu yi hana, yi manga ongámási inde pi 'ndji ni-e mamanga. Padhá de, anga ndu okpála hana inde ngau ngámá-a, u au ka Ebhe. Ani a'o okpála inde ngau ngámá-a ngae. ² Kpála inde ngagbe kpéke 'ndji li ongámási-e ngagbe bhomu-o kpéke 'ndji li lili inde li Ebhe a'o e-o. Okpála inde ngamene mo-o agbélé ke 'ngú gba Ebhe-e pi o makpe. ³ Okpála inde ngamene ngibili 'ngú kpekpe ongámási de, engú bini, a kpekpe mangbo ongámási ne okpála inde ngamene siti 'ngú-o. Kaka-a, li mu kunda me ni adú

† 12:19 12:19 Tsia bhú Det. 32:35. † 12:20 12:20 Tsia bhú Gbt. 25:21, 22.

nakpe ongámási de-e, mene bádha 'ngú ngubula me mʉ dʉ nanga bhú djila ongámási manga.

⁴ A mo-o. Padhá de, anga ongámási ngamene kulu inde li Ebhe aha e pi uo-o ngubula me u teteke yi, amba yi dʉ amene bádha 'ngú. I dʉ la me mʉ nde ngamene siti 'ngú-o, mʉ de kpe ongámási makpe! Padhá de, anga angu li Ebhe aha e pi uo-o, ani ha padhá de. Ani aha pi uo, anga ani a'o uo bhú kulu gba e ngú nasuno ke 'ngú gba e pi okpála inde ngamene siti 'ngú. ⁵ Kaka-a, a ayo me yi manga ongámási mamanga. Yi amánga bha bini uo ka nakpe ke 'ngú gba Ebhe-e de, engú bini, yi manga di uo ka anga yi ambila li bua nakpokpo kú 'ngú gba yi-e ndjindji me, a ko bádha 'ngú.

⁶ A di bhomu-o ta 'ngú yi ngakala mandjandja ka e ko. Padhá de, anga Ebhe a'o ondembí na mandjandja ngubula me u mene kulu bhomu-o.

⁷ Yi ha pi kpála ne kpála ehe inde ati ne ani-o. Yi futa ndʉ mandjandja hana inde a ayo me yi futa e-o. Yi manga ongámási inde a ayo me yi manga o-o mamanga.

Ndʉ líli hana agbite lie bhú mukunda

⁸ Yi adú ne bopulu gba kpála bini de. Yi dʉ bha bini ne kolí bopulu bini na mukunda inde yi nde ne e súnda yi-o. Kpála inde ne mukunda pi obi e-e, ani amene bhomu-o ndʉ líli gba Ebhe-e hana má kpékébhé!

⁹ Líli gba Ebhe-e apa me: «Mo okúnda olé, i dʉ di-e bhoko gba kpála koko de, mo obhéle kpála de, mo ozí 'he de, mo odú ne gʉmʉ 'he gba kpála koko de.» Olíli bhomu-o ne ndʉ olíli koko hana agbite lie bhú kolí líli bini inde me: «A ayo me kunda kilí mʉ maka mo okúnda límu lie ngamʉ makpe.†» ¹⁰ Kpála inde ne mukunda pi kilí e, ani méne ani sisiti belegʉ de bini. Kaka-a, mʉ

dʉ ne mukunda pi kilí mʉ-o, mo omene bhomu-o ndʉ líli-e hana.

A ayo me ní dʉ bedhe ndʉ nedhinga hana

¹¹ Yi 'o 'ngú bhomu-o li bua yi, anga yi mbila nedhinga ní nde bhú e hana. A inde-e nedhinga ayo lie me yi dʉ li zákʉ. Nedhinga inde li Ebhe akóbho ní lie akolo masikpe, a matá tsutsu maka nedhinga nani ní abhuka lie ade. ¹² Ekpí-e abi abhue, ngbikpi ibili masikpe. Kaka-a, ní adú matá namene engú na biti de. Ní dyi li kute ní otia 'gú inde u agúgʉ 'gú ne e ne ngbikpi-o. ¹³ Ní mene 'he liní ndjindji maka okpála inde ngamene 'he ne ngbikpi. Ní adú nadho osisiti 'bi de, ní adú nalangba ne pandi de. Ní adú nasi ne olisi, i dʉ di-e obhosí ngangá de. Ní adú nagbe bhayiki de, ní adú di ne 'ngbé bua li okpála koko de. ¹⁴ Yi dyi mangbo Ngámá Yesu Kilisito li kute yi maka tia 'gú. Yi adú nadhákʉ maka li kute yi akunda lie de.

14

Yi aú okpála koko bhú djila yi padhá de

¹ Yi sia kpála inde bhúbhákʉ bhú 'bu nabhuka-o , yi abi bhayiki ne ani pindji engú bhende atsia mab-hundja gba ani-e de. ² Ní ha nga kukulu pindji engú na ezʉ. Okpála koko ngabhuka me o ti da nazʉ ndʉ 'he hana. La-a, okoko inde bhúbhákʉ bhú nabhuka-a ngab-hundja me a ndjindji bha bini ne nazʉ okpálá. ³ A ayo de me kpála bhende ngazʉ ndʉ 'he hana-a u kilí e inde i zu mbilika de-e padhá-a de. A ayo di de me kpála bhende i zu mbilika de-e u di bhende ngazʉ ndʉ 'he hana-a padhá-a de. Padhá de, anga Ebhe aziba di ani. ⁴ Ngamʉ-o, mʉ ne da ngú nakodho 'ngú gba kpála na kulu gba kpála koko-o? Ngámá na kulu ne angu nakodho

† 13:9 13:9 Tsia bhú Eki. 20:13-17; ne bhú Det. 5:17-21; di ne bhú Lev. 19:18.

'ngú gba kpála na kulu gba e ngae, abana ani mene babadha, ne me ani ti li kpadji na kulu gba e-o. Ma au la bhadi me ani alá kpekpeke, anga Ngámá Yesu ne angu ngú nali ani me ani atí-i de.

⁵ Okpála koko ngabhundja me oekpí koko ane okoko ne tata. La pi okpála koko, ndu 'kpí hana viti bha bini. A ayo me kpála ne kpála ke mboli engú ani ngabhundja e li bua e ndjindji me a ko kükülu 'ngú. ⁶ Kpála inde ngau ekpí koko ngbéngbé-e, ngadhégo Ngámá gba ní-o. Kpála inde ngazú ndu 'he hana-a, ngadhégo di bhomu-o Ngámá gba ní-o. Padhá de, anga ani ngagie hení pi Ebhe pindji ezú inde ani ngazú e-o. Kpála inde i zu ndu 'he hana de-e ngamene mo-o ngú nadhégé Ngámá gba ní-o. Ani di ngagie hení pi Ebhe pindji ezú inde ani ngazú e-o.

⁷ Yi mbila ndjindji me kpála bini ade bhú ká ní inde ngakobho ka e makpe. Kpála bini la di ade inde ngakpi ka e makpe. ⁸ I du me ní nde bhú mukobho-o, ní ngakobho ngubula me ní toko Ngámá gba ní-o. I du me ní mu di-e, ní amu ngú naha sangu pi Ngámá gba ní-o. Kaka-a, belegú ní du bhú mukobho, belegú ní mu di mamuo, ndu ní hana, ní ne okpála gba Ngámá Yesu. ⁹ Padhá de, anga Yesu Kilisito akpi, ani atsia azuku ngubula nadu ngámá gba okpála inde bhú mukobho bhú dabili bini ne obhende amu-o. ¹⁰ I nde lie mo-o, ngamu-o, mu ngakodho 'ngú gba ndai mu-o ka ni? Ngamu-o, mu ngau ndai mu bhú djila mu padhá ka ni? Ndu ní hana, ní alá kala Ebhe ngú napa me ani kodho 'ngú gba ní-o. ¹¹ Padhá de, anga Bhuku gba Ebhe-e apa me:

«Ngama Ebhe Ngámá inde uu-o, ma apa pi yi na paká me
ndu okpála hana atútu lipukú o kuto
kala ma.

[†] 14:11 14:11 Tsia bhú Isa. 45:23.

Ndu uo hana tsia pá me ma ne Ebhe.[†]

¹² Bhabhomu-o akunda napa me kpála ne kpála bhú ká ní akpókpo engú inde ani amene e ngae makpe e pi Ebhe.

Mo otó kilí mu bhú siti 'ngú de

¹³ I nde lie mo-o, yi 'o nakodho 'ngú gba obi yi-e ma'o. Yi 'o mangbo li bua yi me a ayo de me ní mene engú inde li kilí ní asendele ka e de, ngú napa me ani li bhú siti 'ngú-o de.

¹⁴ Bhú makpétse gba ya ne Ngámá Yesu Kilisito-o, ma ambila na paká me ezú na ligina ade. Engú bini, li kpála bini bhundja me ezú inde-e sisiti-e, ezú bhomu-o akolo ligina pi ani. ¹⁵ I du me mu nde ngato likabhu li bua ndai mu pindji ezú inde mu ngazú e-e, bhabhomu-o a akunda napa me mu ne mukunda pi ani ade. Kaka-a, lila limu me ní ató kpála inde li Kilisito akpi pi e bhú ngita kabula 'ngú na ezú de. ¹⁶ Li ehe du bhú djila mu ndjindji-e, mo oméne de, i du me mu nde au me, li mu mene e li okpála koko pá 'ngú téte sisiti-o.

¹⁷ Padhá de, anga Naú gba Ebhe-e, a ko engú na ezú, i du di-e engú na pandi de. Engú bini, Naú gba Ebhe-e mangbo ne engú inde atsia kulu li Bu Bhabua ngamene e bhú ní-o. Bu Bhabua ngaha pi ní engú inde ngbingbili, ani ngaha pi ní nadu ne guo 'ngú sunda ní, ne nadu bhú djali. ¹⁸ Kpála inde ngamene kulu gba Yesu Kilisito li kpadji bhomu-o nganga li Ebhe ngae. Okpála ngapa di li ani me ani ngamene bádha 'ngú. ¹⁹ I nde lie mo-o, a ayo me ní gili namene engú inde ngato guo 'ngú sunda ní, engú inde ngamene me ní teteke liní li kpadji gba Ebhe-o.

²⁰ Mo obhéle kulu gba Ebhe-e ka engú na ezú de. A na paká me ndu ezú hana ndjindji ngú nazuzu. La-a, a ndjindji ade me ní du nazú 'he inde ngato kpála bhú siti 'ngú-o de.

²¹ Engú inde ndjindji-e ngae inde: a ayo natse nazu mbilika, a ayo natse nandji pandi, a ayo natse ndu 'he hana inde i ti da nato kilí mu bhá siti 'ngú. ²² Lila engú inde li bua mu ngapa e pi mu pindji engú na ezu di ne bhe na pandi-e pi mu makpe. Mo opá pi kpála koko de, engú ango-o du bha sonda mu ne Ebhe. A ko djali pi kpála inde li bua e yoko e li 'ngú bini de bhá ká ongú inde li bua ani ngatima ani me ani mene e-o. ²³ La-a, Ebhe a'ó 'ngú pi kpála inde ngazu 'he inde li bua nakpokpo kú 'ngú gba e ngayoko e li e-o. Padhá de, anga ani ngamene engú inde i lu pi nabhuka de. Yi mbila hana me, ndu 'ngú hana inde li kpála ngamene e me a nde lu pi nabhuka de-e, a ko siti 'ngú.

15

A ayo me ní mene engú inde nganga li obi ní manga-o

¹ A ayo me nganí okpála inde alu kpekpeke bhá nabhuka-a, ní teteke di okpála bhende kpekpeke ade-o. A ayo de me ní du bha bini namene engú bhende nganga li ní-e de. ² A ayo me ní mene engú inde nganga li obi ní ngubula nateteke uo, amba u nu li kpadji gba Ebhe-e ne kalanu. ³ Padhá de, anga Yesu Kilisito ngae makpe gili nani engú inde adu anga lie de. Engú bini, a akolo li ani maka u aye lie bhá Bhuku gba Ebhe-e me: «Okpála asobho mu, Ebhe, abhomu-o, sobho ango-o atsia aku li kute ma.†»

⁴ Ndú ongú hana inde u aye nani e bhá Bhuku gba Ebhe-e, u aye ngubula nasuno pi ní kukulu 'ngú, ngú napa me ní du na'o 'to ní 'to Ebhe. Padhá de, anga Bhuku ango-o ngato bhá ní masi, a la di ngaha pi ní nadu ne 'ndjá bua. ⁵ A ayo me

Ebhe inde ngato masi bhá okpála-a, inde di ngaha 'ndjá bua pi uo-o mene me yi du ne mabhundja bini, nakpata lele mukobho gba Yesu Kilisito. ⁶ Abhomu-o, ndu yi hana bhá dabili bini, ne koli eli bini, yi tsia dhége Ebhe, 'Dyi Ngámá gba ní Yesu Kilisito-o.

Ndu okpála hana atóko Ebhe

⁷ Kaka-a, yi du nasia liyi sonda yi ne bua yi bini maka li Yesu Kilisito asia di yi lie-o. Yi mene mo-o ngubula me okpála dhége Ebhe. ⁸ Ma apa pi yi na paká me, Yesu Kilisito akolo nani kpála na kulu gba omaYuda, ngubula me ani suno pi uo me Ebhe papa naae eu de. Ani ago nani ngú nabedhe 'bhé engú inde li Ebhe apa nani me, ni améne e pi onguo ogbi uo-o. ⁹ A ayo nani di me okpála inde ne omaYuda ade-e, toko Ebhe kabula ndjinga gba ani-o. A maka u aye lie bhá Bhuku gba Ebhe-e me:

«Kaka-a, ma atóko mu bhá ká okpála inde ne omaYuda ade, ma alí oetsi pi mu.†»

¹⁰ Bhuku gba Ebhe-e apa matá di me: «Ngayi okpála inde ne omaYuda ade-e, a ayo me yi kpi djali bhá dabili bini ne okpála gba Ebhe-o.†»

¹¹ A atsia apa matá di li bili koko me: «Ngayi, ndu yi hana okpála inde ne omaYuda ade-e, a ayo me yi toko Ngámá Ebhe.

A ayo me ndu okpála hana toko ani.†»

¹² Polofeta Isaya apa di me: «Kpála bini akoto bhá piga gba Yese, ani agó ngubula nau ngámá pi 'ndjí okpála inde ne omaYuda ade-o. Okpála ango-o a'ó 'to o 'to ani.†»

¹³ A ayo me Ebhe inde amemene me okpála du na'o 'to o 'to ni-e bedhe yi ne djali bedhe di ne guo

† 15:3 15:3 Tsia bhá Ets. 69:10. † 15:9 15:9 Tsia bhá Ets. 18:50. † 15:10 15:10 Tsia bhá Det. 32:43. † 15:11 15:11 Tsia bhá Ets. 117:1. † 15:12 15:12 Tsia bhá Isa. 11:10.

'ngú , anga yi abhuka ani. Abhomu-o, yi tsia dú na'o 'to yi 'to ani na pakápaká bhú angu gba Bu Bhobua-o .

Polo akpokpo 'ngú pindji kulu gba e

¹⁴ Ondaise ma, ma ambila mbámbá me yi abedhe ne bádha 'ngú bhú yi bedhe. Ma mbila di hana me yi ambila ndu 'ngú inde a ayo me yi mbila e hana, di ne me yi ti da nasusuno súnda yi. ¹⁵ Belegu inde lie mo-o, ongú bini bini bhú balua inde-e, ma alu pépé kpekpeke ngubula me 'ndjí yi ayié téte de. Ma aye mo-o kabula bádha bhú 'bu inde li Ebhe asuno e muma-o. ¹⁶ Ebhe a'o ma kpála na kulu gba Yesu Kilisito bhú ká okpála inde ne omaYuda ade-o. Ma aha líma libhomu pi Ebhe ngubula nakpokpo Bádha Ngali gba ani-e pi uo ngubula me u bhuka ani, amba u du maka makiso inde nganga li ani manga. Makiso angoo, Bu Bhobua a'o kpi pi ani.

¹⁷ I nde lie mo-o, ma ne gindaginda bhú kulu inde ma ngamene e pi Ebhe-o, anga ya akpetse liya ne Yesu Kilisito bhú dabilí bini. ¹⁸ Ma ti da napa 'ngú koko bini de. Ma apá bha bini engú inde li Yesu Kilisito amene e li kpádi gba ma-o. Ani amene me ma gbele okpála inde ne omaYuda ade-e kala Ebhe ngubula me u du namanga ani. Ani amene mo-o bhú oeli inde ma akpokpo e-o, di ne bhú okulu inde ma amene e-o. ¹⁹ Ani amene di mo-o bhú ongamba 'ngú ngangá di ne bhú nau maka li Bu Bhobua gba ani-e adu nasuno angu gba e lie-o. Abhomu-o, ma atsia akpokpo Bádha Ngali gba Yesu Kilisito pi okpála ne ndu bili hana, nayie bhú Yelusalema nakolo makolo bhú ndu doto na Ilili. ²⁰ Ma adu nakunda ndu 'kpí hana nakpokpo Bádha Ngali-e li bili inde li okpála dje nga engú gba Yesu Kilisito lie de-o. Ma du nakunda nakpokpokpo li bili inde u adje engú gba ani-e lie adje-e de, ngubula me

ma ayíki eti li bili li kpála koko abhu ka kulu lie abhu-o de. ²¹ Ma amene maka u aye lie bhú Bhuku gba Ebhe-e me:

«Obhende u kpokpo nga nani engú gba ani-e pi o de-e,
u aú ani.

Obhende i dje nga nani engú gba ani-e de-e,
u aké mbolimboli.[†]»

²² A bhomu-o engú inde ani kpádi muma bhutsibhutsi me, ma akólo li yi de-o.

Gumu gba Polo ngú nanu bhú gudhu na Loma

²³ Kalanga bhelé ane, ma adu ne gumu nakolo li yi, engú bini, kulu adu nani kpádi muma. La mbia inde-e, kulu gba ma bhú ondu doto ango-o andjia. ²⁴ Súnda 'kpí inde-e, ma adjí bhú Esipanye. Li ma du nanu-o, ma apá bhú Loma ngubula me ní si mbo ne yi ekpí bhisi. Pipitaa, yi téteke ma me ma kodho 'kpí.

²⁵ La-a pi mbia inde-e, ma adjí nga bhú Yelusalema ngubula nateteke okpála gba Ebhe inde oo-o. ²⁶ Padhá de, anga omabhuka na Makedonia di ne Akai au ndjindji me o po bhúla tia ngubula nateteke omabhuka inde bhú ndibhili bhú Yelusalema ne di. ²⁷ U abhundja engú ango-o bhú ngú o, a ayo la bhadi nako me u mene moko. OmaYuda ateteke okpála bhende ne omaYuda ade-e ngubula me u sia bádha bhú 'bu gba Ebhe . Kaka-a, a ayo bhadi me okpála inde ne omaYuda ade-e teteke omaYuda ne oehe inde aneke ka uo-o. ²⁸ Abhomu-o, i du me ma nde andjia kulu bhomu-o andjia-a, ma kódho 'kpí bhú Esipanye. A akunda napa me pita nandjia nagapa tia u apo bhúla e li uo-o. Kala nakodho 'kpí ka ma-a, ma apá ngaiza agba yi. ²⁹ Ma ambila me ma akólo lie agba yi-e, Yesu Kilisito asúno bádha bhú 'bu gba e pi ní na kuo kuo.

³⁰ Ondaise ma, ma ngayo ka yi ne 'li Ngámá gba ní Yesu Kilisito, di

[†] 15:21 15:21 Tsia bhú Isa. 52:15.

ne 'li mukunda inde li Bu Bhopua ngaha e me, yi kpetsø liyi ne ma bhú gbele inde ma ngagü e ne nayo Ebhe muma. ³¹ Yi yo Ebhe me nedhinga ma akólo lie bhú Yudaya-a, okpála inde i bhuka Yesu Kilisito de-e ató mbolo li ma de. Yi yo di Ebhe me, omabhuka inde bhú Yelusalema sia oehe inde ma adji ne e pi uo-o ne bádha bua. ³² Abhomu-o, i du me Ebhe nde akunda-a, ma kólo agba yi ne djali li bua ma, ni tsia du ne yi bhú dabili bini. ³³ A ayo me Ebhe inde ahaha guo 'ngú-o du bhú dabili bini ne ndu yi hana. A adu moko.

16

Polo yi okpála bini bini na Loma mayi

¹ Ma ngakpokpo 'ngú pi yi pindji ndai ni na eele Foebe. Ani ngamene kulu bhú Dadjua gba Ebhe inde bhú Sekele-o. ² Li ani akólo lie agba yi-e, yi de sia ani ndjindji kabula 'li Ngámá gba ni Yesu Kilisito. A ayo me okpála gba Ebhe-e du namene moko. Yi teteke ani ne ndu 'he hana inde ani nde ne gümü e-o, anga ani ateteke okpála bheldé, ani atsia ateteke belegü di ma.

³ Ma yi Pilisila ne 'ko e Akuila mayi. Ngaya ne uo-o, ya amene kulu gba Yesu Kilisito bhú dabili bini. ⁴ U di me mu ngubula nakobho ma. Ma ngagie henri pi uo naali. A ko la bha bini ma kpi ma kpi de, engú bini, ndu oDadjua gba Ebhe hana inde bhú ndu doto gba omaYuda ade-e di ngagie henri pi uo. ⁵ Ma yi di okpála na Dadjua inde apepekébhé bhúla o ngubula nayo Ebhe bhú 'ti gba uo-o mayi.

Ma yi ndai ma na mukunda Epainete mayi. A ko kpála na kalanu inde abhuka Yesu Kilisito bhú ndu doto na Adjia-o. ⁶ Ma yi di Malia inde amene kulu pi yi naali-e mayi. ⁷ Ma yi di okpála gba ma, Adolonikasi ne uo ne Djuniasi* mayi. Ngaya

ne uo-o, ya adu nako bhú tikpu bhú dabili bini. A ko obhulü titima inde li okpála mbila o ndjindji naali. U abhuka nani Yesu Kilisito muma kalanu.

⁸ Ma yi di ndai ma na mukunda Apiliatusi mayi. Ya akpetsø liya ne ani bhú 'bu Ngámá gba ni-o. ⁹ Ma yi di Ulubano mayi. Ya ngamene kulu gba Yesu Kilisito ne ani bhú dabili bini. Ma yi di ndai ma na mukunda Sítakisi mayi. ¹⁰ Ma yi Apelesi mayi. Ani azu likabhu kabula Yesu Kilisito, ani atsia alu kpekpeke. Ma yi di okpála na piga gba Alisitobile mayi.

¹¹ Ma yi di Elodiona mayi. A ko kpála na piga gba ma. Ma yi di okpála gba Ebhe inde bhú piga gba Nalasise mayi. ¹² Ma yi di Tilifene ne Tilifose† mayi. U aha lio ngú namene kulu gba Ngámá gba ni-e ne bua o bini. Ma yi di ndai ni na eele na mukunda inde 'li e me Peleside mayi. Ani aha di lie ngú namene kulu gba Ngámá gba ni-e ne bua bini. ¹³ Ma yi Lufusi, kükülu bádha kpála na kulu gba Ngámá gba ni-e mayi. Ma yi di 'hi ani, inde ateteke ma maka kükülu ndili gba e makpe mayi.

¹⁴ Ma yi di Asikilite ne Felegone ne Elemesi ne Patalobasi ne Elemasi di ne ndu ondaise ni hana inde bhú dabili bini ne uo-o mayi. ¹⁵ Ma yi di Filologe ne Djulie ne Nele di ne ndai e na eele-o mayi. Ma yi di Olipasi di ne ndu okpála gba Ebhe-e hana inde ne uo-o mayi.

¹⁶ Yi yi liyi sonda yi bhú dabili bini ne mukunda gba omabhuka-o. Ndú oDadjua gba Yesu Kilisito-o hana yi yi mayi.

Polo aha olíli na soso pi omabhuka na Loma

¹⁷ Ondaise ma, ma ngagbele 'dje yi me: yi lila liyi ka okpála inde ngabi bhayiki li ongú inde u asuno e pi yi-e malila. Uo ngagbogbo bhúsü okpála, u tsia mbá bhúla uo li osisiti kpadji. Yi gbe liyi de uo magbe.

* **16:7** 16:7 Okpála bheldé ngabhundja me Adolonikasi nani ne 'ko Djuniasi. Okoko ngabhundja naao me a ko nani ondaise. † **16:12** 16:12 Tilifene ne Tilifose nani ne olisi.

18 Padhá de, anga ongua okpála bhomu-o ngamene kulu gba Ngámá gba ní Yesu Kilisito ade. Engú bini, uo mangbo ngamene engú bhende a nga li o makpe. U ngapite okpála inde i mbila kali de-e ne obabadha oeli di ne oeli ngú nabo kpála. **19** La pí yi-e, ndu omabhuka hana ambila me, yi ngamanga Ngámá gba ní-o. Abhomu-o, ma ngakpi djali naali kabula yi, ma akunda la di me yi mbila engú inde babadha ngubula namemene, di ne me yi améne siti 'ngú de. **20** Ebhe inde ahaha guo 'ngú-o teteke yi me yi dedele Satana ne 'dhú yi má gala! A ayo me Yesu Ngámá gba ní-e suno bádha bhú 'bu gba e pí yi!

21 Timoté, inde ngamene kulu bhú dabili bini ne ma-a, yi yi mayi. Okpála gba ma, Lukiusi ne Djasone ne Sosipatele, yi di yi mayi.

22 Ngama Teletiusi-e, Polo apa muma ngae me ma ye balúa inde-e pí yi. Ma yi di yi mayi ne 'li Ngámá.

23 Gayusi, inde ma ngadu gba e-e, yi di yi mayi. Okpála na Dadjua gba Ebhe inde ei-e ngapo bhála o bhá 'ti gba ani. Elasite, inde alilila tia na gudhu-o bhú dabili bini ne ndai ní Kualatusi, yi di yi mayi. [**24** A ayo me bádha bhú 'bu gba Ngámá gba ní Yesu Kilisito du bhú dabili bini ne ndu yi hana! A adu moko.]

25 A ayo me ní dhögé Ebhe! Ani ti da naha angu pi yi ngubula me yi lu kpekpeke li kpadji gba ni-o, maka Bádha Ngali inde ma ngakpokpo e pi okpála pindji Yesu Kilisito apa lie-o. Ebhe mbamba nga nani ta Bádha Ngali ango-o pi okpála kalanu de. **26** La mbia inde-e, ani ambamba tata pi okpála. Okpála la bhadi ngakpokpokpo maka li opolofeta aye nani lie-o. Ebhe inde ngadu dudu ma ne dudu ma akata nani opolofeta me u ye me ndu opiga hana dje Bádha Ngali bhomu, ngubula me okpála bhuka ani, amba u manga di ani.

27 A ayo me ní dhögé Ebhe dudu ma ne dudu ma! Kukulu imbilangú

makpe bha ka ani kpi e kpi. A ayo me ní dhögé ani kabula Yesu Kilisito! A adu moko.

Balua na bini gba Polo pi omabhuka na gudhu na Kolito **Eli na kalanu**

Balua na bini inde li Polo aye nani e pi okpala na Kolito-o, ani aye nani pindji ongu atsia mukobho gba omakilisito di ne nabhuka inde ali bhú Piga gba Ebhe nani li Polo a'o e bhú gudhu na Kolito-o. Bhú nedhinga ang-o-o, Kolito nani ne gudhu na ngbeengbe gba oGiliki inde li okpala ngangá apo bhula o bhú e-o, a ko 'ngbe gudhu na ndu doto na Akayi inde bhú nau na Lomo. 'Li gudhu na Kolito au nani naali ka oehe na mase inde adu bhúbhú bhele-o, ne ka dasundu gba okpala ang-o-o, ne engú na zabhe inde adu bhúbhú naali-o, a la di-e ongangá engú na ebhe inde abedhe nani bhúbhú bedhe-o. Engú na ngbeengbe inde li Polo adu agu gbele ne e, a ko engú nagbo bhusu o, engú na zabhe inde adu bhú Dadjua gba Ebhe-o, ne ongu inde u ayi e pindji bhoko ne ole, ne pindji naha lio, pindji bua nakpokpo kú 'ngú, pindji namene 'ngú li kúkú bhú Dadjua gba Ebhe, pindji ehe li Bu Bhopua ngaha e padhá, a la di-e pindji nazuku gba okpala-o. La, Polo atsia asuno imbilangu gba e ne nasuno lele maka li Bápda Ngali ngagama 'ngú li ongu ang-o-o lie-o.

Alo na (13) inde ngasuno mukunda maka ehe na babadha naali inde li Ebhe ngaha e pi omaha e padhá-a, okpala mbila 'ngú pindji alo (13) ndjikpa ne ká bata-a naali ane oalo koko hana bhú bhuku inde. A ko engú inde li okpala ambila e ane mane bhú bhuku inde ngae.

Ongbengbe ongu inde bhú bhuku inde-e ngae inde:

Eli na kalanu 1:1-9
Nagbogbo bhusu o bhú Dadjua gba Ebhe 1:10 - 4:21

Dasundu na ndjindji gba ole ne bhoko, di ne piga gba e 5:1 - 7:40

Omakilisito a la di-e omupagano 8:1 - 11:1

Mukobho na Dadjua gba Ebhe a la di-e engú na Ebhe 11:2 - 14:40

Nazuku gba Kilisito a la di-e nazuku gba omabhuka 15:1-58

Naha makiso pi omakilisito na Yudaya 16:1-4

Engú nayi mayi a la di-e engú bhe na soso 16:5-24

Polo yi omabhuka na gudhu na Kolito mayi

¹ Ngama Polo, Ebhe a'i ma bhú ngú e me ma kolo bhulü titima gba Yesu Kilisito. Ya aye balua inde bhú dabili bini ne ndai ni Sosotene. ² Ya aye pi yi okpala na Dadjua gba Ebhe inde bhú gudhu na Kolito, ngayi okpala inde li Ebhe a'o o kpi pi e. Yi akolo okpala gba ani ka nabhuka Yesu Kilisito, bhú dabili bini ne ndu okpala hana inde ngabhu 'li Ngámá gba ni Yesu Kilisito ne ndu bili hana-o. Yesu ne Ngámá gba uo, a ko la di Ngámá gba ni-o. ³ Bápda bhú 'bu ne guo 'ngú gba 'Dyi ni Ebhe di ne Ngámá gba ni Yesu Kilisito-o du ne yi bhú dabili bini.

Obabadha 'ngú inde li Ebhe aha e pi okpala na Kolito bhú bápda bhú 'bu gba e-o

⁴ Ma ngagie heni pi Ebhe ndu nedhinga hana ngubula yi kabula bápda bhú 'bu inde ani aha e pi yi li kpadji gba Yesu Kilisito-o. ⁵ Bhú makpetse gba yi ne Yesu Kilisito-o, Ebhe abedhe yi ne ndu obabadha ongu hana. Kaka-a, yi mbila nadi mabelu li eli gba ani-e ndjindji, a la di bhú 'ndji yi ne imbilangu bhú ndu 'ngú hana. ⁶ Ngali gba Yesu Kilisito inde ya akpokpo e pi yi-e, asia dabili li bua yi ndjindji. ⁷ Kaka-a, yi asia ndu 'he hana inde li Ebhe ngaha e pi okpala bhú bápda bhú 'bu gba e-o, ngayi okpala inde ngadjeke ekpí li Ngámá gba ni Yesu Kilisito asúno

matá lie lie pí okpála-o. ⁸ Aní atéteke yi ngae me yi lü kpekpeke akólo li soso, amba kpála bini adú ne engú na sisiti napapa li yi de, li 'kpí li Ngámá gba ní Yesu Kilisito agó lie-o. ⁹ Ebhe gba ní-e djidji 'li e de. Aní a'i yi me yi kpétse liyi ne Ndili gba ní Yesu Kilisito, Ngámá gba ní-o, aní díj 'li e bhomu-o de.

Omakilisito na Kolito agbogbo bhusu o

¹⁰ Ondaise ma, ma ngakikiliki lima pí yi ne 'li Ngámá gba ní Yesu Kilisito me, yi du ndu yi hana ne koli bua bini, yi agbógbó bhusu yi de. Yi gbite 'ngbo yi bini ne nadu ne mabhundja bini di ne nabhuka bini.

¹¹ Ondaise ma, ma pa mo-o padhá de, a ko anga okpála na piga gba Koloe apa muma me yi ngadjé liyi ade. ¹² Engú ma apa e bhomu-o, ma apa anga sundá yi-e, yi ngagbogbo bhusu yi. Okpála koko ngapa me o ngakpata Polo. Okoko ngapa me o ngakpata Apolosi.[†] Okoko ngapa me o ngakpata Piele. Okoko ngapa me o ngakpata Kilisito. ¹³ Engú yi ngamene e mana mugíto me Kilisito agbo bhusu e magbo. Yi pa nga muma, u agi nani ma Polo li kulusi ngú nakobho yi uu? Yi asia nani batísimo ne 'li ma Polo? A mo-o ade.

¹⁴ Ma ngagie hení pí Ebhe anga ma batisa kpála bini bhú ka yi de. Ma abatisa bha bini Kilisipusi ne uo ne Gayusi[†] ¹⁵ Kaka-a, kpála bini ti da napa de me u abatisa yi ne 'li ma-a de. ¹⁶ A ko paká! Ma abatisa di nani piga gba Setefanasi.[†] Engú bini, ma ziba de me ma abatisa kpála koko uu-o de. ¹⁷ Padhá de, anga Kilisito tima nani ma ngú nabatisa okpála de. Engú bini, aní atima ma ngú nakpokpo Bádha Ngali pí uo. Ma ngakpokpo Bádha Ngali ango-o ne mabelu má pua pua maka okpála koko ade. Li ma du nakpokpokpo ne mabelu maka okpála koko-o, nakpi

gba Kilisito li kulusi-e de matá ne tata ade.

Yesu Kilisito pi ní ne angu di ne imbilangú inde ayie ka Ebhe

¹⁸ Padhá de, anga pí okpála bhende li kpadji na ngita-a, nakpokpo ngali pindji nakpi gba Yesu li kulusi-e, a ko 'ngú na pele. Engú bini, pí ní obhende li Ebhe ngakobho o-o, ní ngau angu gba Ebhe-e bhú ngali ango-o. ¹⁹ A maka u aye lie bhú Bhuku gba Ebhe-e me: «Ma améne me imbilangú gba obhulú imbilangú-o kolo padhá.

Ma aú imbilangú gba uo bhú djila ma maka ehe na padhá.[†]»

²⁰ I du me Ebhe nde apa mo-o, a akunda napa me, okpála na imbilangú na doto inde-e, imbilangú gba uo bhú 'ngú de. Okpála inde ngasuno olíli gba omaYuda-a, tata li nasuno gba uo ade. La di-e, obhulú nadi mabelu na sükü inde-e, mabelu gba uo-o, tata téte ade. Ebhe asuno bhomu-o me imbilangú na doto inde-e padhá. ²¹ Padhá de, anga okpála na doto ne imbilangú gba o na kpála-kuti-e ti da nani nambila imbilangú gba Ebhe-e de. Kaka-a, li kpadji na engú inde li okpála ngau e bhú djila o maka engú na pele-e, Ebhe au ndjindji me ní kobho okpála inde ngabhuka-o. Engú na pele ango-o, a ko Bádha Ngali inde ya ngakpokpo e-o.

²² OmaYuda ngayo ongamba 'ngú kala me u bhuka, oGiliki naao ngagili imbilangú. ²³ La pí ya-a, ya ngakpokpo 'ngú gba Kilisito inde u agi e li kulusi-o. Li omaYuda ngadjé engú ango-o lie, a ngangbingi 'ndjí uo mangbingi. Li okpála bhende ne omaYuda ade-e ngadjedje lie, a ngamene uo maka engú na pele. ²⁴ Engú bini, pí okpála bhende li Ebhe alo o-o, i du di-e omaYuda, i

[†] 1:12 1:12 Tsia bhú 1 Kol. 16:12; di ne bhú Kul. 18:24-28. [†] 1:14 1:14 Tsia bhú Kul. 18:8, 19:29.

[†] 1:16 1:16 Tsia bhú 1 Kol. 16:15-17. [†] 1:19 1:19 Tsia bhú Isa. 29:14.

dú di-e obhende ne omaYuda ade-e, u ngambila ndjindji me Yesu Kilisito akolo pi o angu di ne imbilangú inde ayie ka Ebhe-e ngae. ²⁵ Okpála koko ngapa me engú li Ebhe amene e bhú nakpi ka Yesu-o, a ko 'ngú na pele. Engú bini, engú inde u a'i e me a ko 'ngú na pele bhomú-o ane imbilangú gba kpála-kutí mane. I dú me u nde ngabhundja me Ebhe bhúbhukú-o, a mo-o ade. Padhá de, anga bhukú gba Ebhe-e ane angu gba okpála-kutí ne kpéke.

Ebhe nga'o tata li ehe inde li okpála ngau e bhú djila o padhá

²⁶ Ondaise ma, ngayi okpála li Ebhe a'i o-o, yi bhundja nga me yi ne oda-ie! Nakpata mabhundja gba okpála na doto-o, okpála na imbilangú, ne obhende na angu, ne obhende azu lio bhú piga na tia bhú ká yi bheldé ade. ²⁷ Engú bini, Ebhe alo engú li okpála na doto nga'i e me a ko engú na pele-e ngubula me imbilangú gba obhukú imbilangú-o kolo ehe na padhá. Aní alo ongú bhende li okpála na doto ngau e me angu bhábhú ade-e ngubula me angu gba bhukú angu-o kolo ehe na padhá. ²⁸ Aní alo ohe inde li tata nde lie e ade, inde li okpála na doto ngamú e, inde u ngau e bhú djila o padhá-o. Aní alo ngubula me ní bhili ohe bhende li okpála ngau e me a téte ne tata-a ne di.

²⁹ Kaka-a, kpála bini ti da nadje kute e kala Ebhe de. ³⁰ La ngayi-e, Ebhe akpetse yi bhú dabili bini ne Yesu Kilisito. Aní amene me Yesu kolo pi ní imbilangú inde ayie ka ni-o. Yesu amene ngae me ní kolo ngbingbili bhú djila Ebhe. Aní amene me ní dú libhomu pi Ebhe. Aní atsia agbegbe di ní bhú bali gba siti. ³¹ Kaka-a, a maka u aye lie bhú Bhuku gba Ebhe-e me: «I dú me kpála nde akunda nau lie ngbéngbé-e, aní de u lie ngbéngbé bhú engú li Ngámá Ebhe amene e ko.†»

† 1:31 1:31 Tsia bhú Djlm. 9:22-23.

2

Imbilangú li Polo adú akpokpo 'ngú pindji Yesu Kilisito ne e-o

¹ Ondaise ma, ngama makpe-e, nedhinga ma anú nani lie agba yi ngubula nakpokpo engú inde li Ebhe ambamba ta e li kpadji gba Kilisito-o, ma di pi yi mabelu bhe nane mane de. Ma gama di 'ngú pi yi ne imbilangú naali de. ² Padhá de, anga nedhinga ma adú lie agba yi-e, ma gili nambila engú koko bhú ka yi de. Ma agili bha bini nambila Yesu Kilisito, ma agili bha nambila makpe me-e Yesu Kilisito inde u agi nani e li kulusi-o. ³ Kaka-a, ma adú agba yi bhukú kpála, ma adú ne tsulú, ma atsia adú di nagukú naali. ⁴ Bhú nasuno gba ma-a ne bhú nakpokpo Bádha Ngali-e, ma dú nagama 'ngú ne imbilangú gba kpála-kutí de, ma dú di nadi pi yi mabelu de. Engú bini, Bua gba Ebhe-e adú nani nasuno pi yi ne angu me engú ma adú akpokpo e adú kükülu 'ngú. ⁵ Ma adú akpokpo 'ngú pi yi mo-o ngubula me yi a'ó nabhuka gba yi-e bhú imbilangú gba okpála de, engú bini yi 'o mangbo bhú angu gba Ebhe-o.

Imbilangú li Polo ngakpokpo 'ngú ne e ayie ka Ebhe

⁶ Nedhinga ya ngasuno lie pi okpála inde abhele li kpadji gba Ebhe-e abhele-e, ya ngasuno kükülu imbilangú, a ko imbilangú na doto inde-e de. A ko la di bhende gba ongámási na doto inde li 'bhé ngámá gba o andjia mandjia de. ⁷ Imbilangú ya ngakpokpo 'ngú ne e inde-e, a ko mangbo imbilangú gba Ebhe. A ko ehe inde awo lie mawo, inde li okpála dú nani nambila e de. Kala me Ebhe bho doto-o, Ebhe a'o nani imbilangú ango-o ngubula me ní sia té sangu gba ni-o. ⁸ Ongámási na doto inde-e mbila nani imbilangú ango-o de. I dú me u mbila nani uu-o, u de bheldé nani Ngámá gba

ní ìnde abedhe ne sangu bedhe li kulusi de. ⁹ Ehe li Ebhe amene e, a maka u aye lie bhú Bhuku gba ani-e me:

«Engú ìnde li djila okpála u nga nani e de-e,
li 'dje okpála dje nga nani e de-e, di ne bhende li okpála bhundja belegú engú li e de-e, a la bhomu-o engú ìnde li Ebhe aleke nani e pi okpála ìnde
ne mukunda pi ani-o.†»

¹⁰ Pi ní-e, Ebhe ambamba ta engú ango-o bhú angu gba Bhopua gba e-o. Bhopua ango-o mbila ndú 'ngú hana. Ani mbila belegú mabhundja gba Ebhe ìnde awo lie mawo-o.

¹¹ Bhú ká okpála-a, a ko da ìnde ambila engú ìnde bhú kilí e? A ambila bha bini ne bua ìnde bhú kpála ango-o. A bhadimoko, engú ìnde bhú Ebhe-e, ambila bha bini ne Bhopua gba Ebhe-o. ¹² Pi ní-e, Bua ìnde bhú ní-e yie ka okpála na doto ìnde-e de, engú bini, a yie ka Ebhe. Ebhe aha pi ní ngubula me ní mbila ndú 'he ìnde ani aha e pi ní bhú bádha bhú 'bu gba e hana. ¹³ Nedhinga ya ngakpokpo 'ngú lie pi okpála-a, ya ngakpokpo ne imbilangú gba okpála ade. Engú bini, ya ngakpokpokpo ne imbilangú ìnde ayie ka Bhopua gba Ebhe-o. A akunda napa me, ya ngambamba ta ongú pindji Bhopua gba Ebhe-e pi okpála ìnde li Bua ango-o nde bhú o-o.*

¹⁴ Kpála bhende li Bhopua gba Ebhe-e nde bhú e ade-e ti da naziba obisagu ìnde li Bhopua ango-o ngaha e pi okpála-a de. Bisagu ango-o pi ani maka engú na pele. Imbilangú ngú nambila 'ngú ango-o bhú 'ndji ani ade. Padhá de, anga Bua gba Ebhe-e ti da nambamba ta 'ngú ango-o bha pi kpála ngae. ¹⁵ Kpála ìnde li Bua gba Ebhe-e nde bhú e mbila ndú 'ngú hana, bhende

na babadha, ne bhende na sisiti. Engú bini, ngaani-e, kpála bini ti da nambila 'ngú ìnde bhú ani-e má kpulukutu de. ¹⁶ A maka u ye lie bhú Bhuku gba Ebhe-e me:

«Kpála bini mbila engú ìnde li Ebhe Ngámá ngabhundja e de.
Kpála bini ti da naha líli pi ani de.†»

Engú bini, ngaya okpála li Bua gba Ebhe nde bhú o-o, nambhundja gba ya viti ne bhe gba Kilisito bini.

3

Omabhu na gudhu na Kolito maka okpála ìnde ngakpata Yesu na mbia

¹ Ondaise ma, pi ma-a, nedhinga ma adu lie agba yi-e, ma ti nani da nagama 'ngú pi yi maka okpála li Bua gba Ebhe-e nde bhú o-o de. Engú bini, ma agama bha ibili 'ngú pi yi maka okpála na doto ìnde. Padhá de, anga yi adu maka okpála ìnde i ngakpata nga Yesu Kilisito na mbia. ² Ongú ìnde ma asuno e pi yi-e adu maka miliki. A adu ezú na kpekpeke de. Belegú pi mbia ìnde-e, yi ti nga da nazú ezú na kpekpeke de. ³ Padhá de, anga yi nga bha ngakobho maka okpála na doto ìnde, anga yi ngamene 'he liyi súnda yi ne 'ngbé bua. Yi la di ngatsi súnda yi. I du me yi nde ngamene mo-o na paká-a, yi mbila de me bhophomu-o ngasuno me yi nga bha ngadhukú maka li kute yi akunda lie di? ⁴ Nedhinga li kpála bini bhú ká yi ngapa lie me ni ngakpata Polo-o, li kpála koko pa me ni naani ngakpata Apolosi-e, asuno me yi ne okpála ìnde na doto. A mo-o adi?

Ebhe ne Ngámá na kulu gba ní-e ngae

⁵ Apolosi ne da? Polo la di ne da? Ya bha ne obalise gba Ebhe ìnde ani atima o ngú nakpokpo eli gba e pi yi, ngubula me yi bhuka Ngámá

* 2:9 2:9 Tsia bhú Isa. 64:3, 52:15. * 2:13 2:13 Li bili ìnde-e, u tí da di napa me: «Ya ngakpokpo engú pindji Bhopua gba Ebhe-e pi okpála ne oeli ìnde ayie ka Bhopua ango-o.» † 2:16 2:16 Tsia bhú Isa. 40:13.

Yesu Kilisito. Kpála ne kpála bhú ká ya bha ngamene kulu inde li Kilisito aha e pi ani-o. ⁶ Ya adú maka okpála nalu nguwa. Ngama-a, ma akpolita nakpokpo eli gba Ebhe-e bhú ká yi maka kpála inde ngalu nguwa. Apolosi anú ne di ne kalanú maka kpála inde ngabolo 'ngu pí 'zu-o. Engú bini, Ebhe amene ngae me ezú ango-o bhele. ⁷ Bhabhomu-o asuno me, ne kpála inde ngalu nguwa, ne bhende ngatuko 'ngu pépé-e, tetele kpála bhú ká uo ade. Engú bini, kpála na tetele mangbo ne Ebhe, anga ani ngamene ngae me ezú-o bhele. ⁸ Ne kpála inde ngalu nguwa, ne bhende ngatuko 'ngu pépé-e, u viti bini. Ebhe ahá makalá na kulu gba kpála ne kpála-a pi e li lele kulu gba e-o. ⁹ Ndú ya bhisi hana, ya ngamene kulu gba Ebhe-e bhú dabili bini. Ngayi-e, yi maka edyi gba Ebhe.

Yi la di maka eti li Ebhe ngayiki e-o. ¹⁰ Bhú bádha bhú 'bu gba Ebhe-e, Ebhe aha angu muma, ma atsia aholo namene kulu gba ani. Ma adú maka kpála nayiki eti ne imbilangú, inde ambila dí nabanga 'dhú 'ti-e ndjindji, kpála na kulu koko atsia ago ngú nadyudyo kulu ango-o ne kalanú. A ayo me kpála ne kpála inde nga'o biliki pí 'dhú 'ti ango-o, 'o li lelele. ¹¹ 'Dhú 'ti ango-o, a ko Yesu Kilisito inde yi nga'o nabhuka gba yi-e bhú e-o. Kaka-a, kpála bini ti da na'o matá 'dhú 'ti koko de. ¹² Pí 'dhú 'ti ango-o, okpála koko ngayiyiki ne tia kulu inde ngabhue mabhue maka olo, aladjá di ne teme na mase naali. Okpála koko ngayiyiki ne tia kulu inde i bhúe de maka ndula, ulu di ne soli.

¹³ La-a, li 'kpí li Ebhe akódho 'ngú gba okpála na doto lie-e, kulu gba mäsuno bini ne bini akóto bhú mbasú. Okpála aú kulu gba uo-o mbámbá. Padhá de, anga li kpí ango-o, Ebhe alé kulu gba kpála ne kpála bhú djua ngú nambila me ne

me a ndjindji, ne me a sisiti. ¹⁴ I du me kulu inde li kpála amene e nde tsi bhú djua de-e, li Ebhe há makalá pi kpála ango-o. ¹⁵ Engú bini, i du me kulu inde li kpála amene e nde atsi bhú djua-a, Ebhe há makalá pi ani de. Ebhe akóbho kpála ango-o makobho, engú bini, kpála ango-o ave kukuo, ani de atsi bhú djua atsi.

¹⁶ Yi mbila de me yi maka Eti gba Ebhe, di ne me Bua gba ani-e ngadú bhú yi-e di? ¹⁷ I du me kpála nde abhèle Piga gba Ebhe-e, li Ebhe bhéle di kpála ango-o. Padhá de, anga Ebhe a'o Dadjua ango-o pi e. Piga inde ani ngadú bhú e-e, a ko yi.

İmbilangú gba Ebhe-e kpi ne imbilangú gba okpála-kuti

¹⁸ Kpála bini apité lie de. I du me kpála bini bhú ka yi nde ngabhundja me ni ne imbilangú maka okpála na doto inde-e, ani de yala imbilangú gba e bhomu. Ani kolo mangbo bhú djila okpála na doto maka bhúlú pele, amba ani sia imbilangú na kúkulú. ¹⁹ Ma pa mo-o padhá de, a ko anga oehe li okpála na doto nga'i e me a ko imbilangú-o, a ko ongú na pele bhú djila Ebhe. A maka u aye bhú Bhuku gba Ebhe-e lie me:

«Ebhe ngaholo okpála i ngabhi 'kpa o pi mbulu o me
o ne obhulú imbilangú bhú oeli na kali gba o-o.†»

²⁰ U aye di matá bhú bhuku gba Ebhe-e me:

«Ebhe mbila mabhundja gba okpála inde ngabhi 'kpa o pi mbulu o me

o ne obhulú imbilangú-o hana.

Ani mbila hana me a padhá.†»

²¹ Kaka-a, ma apa pi yi me kpála bini bhú ka yi abhí 'kpa e pi mbulu e bhú nakpata mäsuno de. Padhá de, anga ndú 'he hana ne naayi. ²² Ne ma Polo, ne Apolosi, di ne Piele-e, ya ndú ya hana ne naayi okpála. Belegú doto, ne mukobho di ne kuo ne naayi 'he. Ongú na naki inde di

† 3:19 3:19 Tsia bhú Djb. 5:13. † 3:20 3:20 Tsia bhú Ets. 94:11.

ne ongú agó galikpe bhadi ne ndu naayi 'he. ²³ Engú bini ngayi-e, yi ne okpála ka Yesu Kilisito, Yesu Kilisito ne kpála ka Ebhe.

4

A ayo namanga obhulu titima gba Yesu-o mamanga

¹ A ayo me okpála mbila me, ngaya, obhulu titima gba Yesu Kilisito-o, ya ne okpála na kulu gba ani. Ebhe a'o ongú inde nani awo lie mawo-o sakpa ya ngubula me ya suno pi okpála. ² Yi mbila ndjindji me, engú inde u ngayo e ka kpála inde u a'o 'he sakpa e, a ko nadu ngingbili. ³ La pi ma-a, belegu ngayi-e, yi pa me ma ne siti kpála, ne me ma ne siti kpála ade-e, a méne 'he bini ngú ma de. Abana li okpála nakodho 'ngu-o pa me nganda kulu gba ma-a a ndjindji, ne me a ndjindji ade-e, a méne 'he bini ngú ma de. Abana ngama makpe, ma pa de me nganda kulu gba ma-a ndjindji, ne me a sisiti-e de.

⁴ Padhá de, anga pi ma-a, bua ma pa muma de me ma ngamene siti 'ngu-o de. Engú bini, bhabhomu-o kunda napa de me ma mene siti 'ngu de-e de. Ngámá Ebhe akódho mangbo engú gba ma-a ngae. A akódho ne kpála koko de. ⁵ Kaka-a, yi akódho 'ngu gba okpála koko de. Yi djeke mangbo me nedhinga li Ebhe a'o e ngú nakodho 'ngu gba okpála kolo paká. A ko okpí li Ngámá Yesu agié lie lie-o. Li 'kpí ango-o, ani apándja ondu 'ngú hana inde awo lie naki mawo-o bhú mbasu. Ani agbé engú inde li okpála nde ngabhundja e li bua o-o li zi 'kpí. Ekpí ango-o, li Ebhe tsia dhégo kpála ne kpála li lele kulu gba e-o.

⁶ Ondaise ma, ma apa ongú bhomu-o pi yi pindji ya ne Apolosi ngubula nateteke yi, amba yi mbila ongú inde bhúbhú-o. Ma akunda me yi kpata nganda ya ngubula me yi ke mboli gbitaku inde-e me: «A ayo napise li kozie inde u a'o e-o.» A ayo

de me kpála bini bhú ká yi sia 'ngbé 'ndji ne 'ili me ni naaní ne kpála ka tsipakala, amba ani u okpála koko bhú djila e padhá-a de. ⁷ Ngamu kpála inde ngabhundja me ni ane okpála koko mane-e, mu naamu ne da? Ebhe ha ndu 'he inde ka mu-o hana pi mu ngae di? Idú la me Ebhe nde aha pi mu ngae, mu ngamene 'ngbé 'ndji téte mugito me mo osia ka angu gba mu-o ka ni?

'Ngbé 'ndji gba omabhuka na Kolito

⁸ A ndjindji, anga yi asia naayi ndu 'he hana inde li Ebhe ngaha e asia. Yi ibili ne obhulu tia li kpadji na nabhuka. Yi ngapa me yi ndu yi hana ne ongámási, la ngaya obhulu titima gba Yesu Kilisito-o, ya naaya ne ongámási ade. Idú me yi du bhú djila Ebhe ne ongámási na paká-a, a de ndjindji ngubula me ni u ne yi bhú dabili bini. ⁹ Ya ne obhulu titima gba Yesu Kilisito. Engú bini, ma ngau mugito me Ebhe a'o ya asidi pita ndu okpála koko hana. Ya maka okpála bhende u akodho 'ngu gba o, inde u abhili o kala ndu okpála hana. A akunda napa me doto libhomu ne okpála-kuti la di ne oandjelu ngatu 'ue bhú 'ndji ya maka bhú da ngeme.

¹⁰ Ngaya-a, ya ne obhulu pele kabula li Yesu Kilisito! La ngayi-e, yi ne obhulu imbilangu kabula ani! Ngaya-a, ya ne okpála li angu nde bhú o ade! Engú bini, ngayi-e, yi ne okpekpeke okpála! Ngaya-a, okpála ngau ya bhú djila o padhá, engú bini, ngayi-e u ngamanga yi mamanga! ¹¹ Nakolo pi mbia inde-e, ya ngadje gumu di ne gumu 'ngu. Ya ngadyi obongo inde akadha. U ngato mbolo li ya. Ya sili kuti de. ¹² Ya ngamene kulu ne 'kpa ya kpekpeke. Nedhinga li okpála ngasobho ya lie, ya ngayo Ebhe me ani tuko bisagu pi uo. Nedhinga li okpála ngato mbolo li ya lie, ya ngakikibila, ya gisila de. ¹³ Nedhinga li okpála ngapa 'ngu gba ya lie sisiti-e, ya ngagie pi uo bhukú

eli. Ya akolo maka oehe inde u abala e apí 'ká. Nakolo pi naki-e, ya akolo maka oehe inde li tata nde lie ade.

Polo asuno bua gba e na 'dyi ongisi-e pi omabhuka na Kolito

¹⁴ Ma ye engú inde-e de me yi sia nūmu ká engú inde yi ngamene e de. Ma aye mangbo ngübula me ma ha lili, anga yi ne ongisi gba ma na mukunda. ¹⁵ Padhá de, anga abana li omusuno dū bha ka yi bheldé-e li kpadjì gba Yesu Kilisito-o, koli 'dyi yi bha bini. 'Dyi yi ango-o, a ko ma. A akunda napa me ma akpolita nakpokpo Bádha Ngali gba Yesu Kilisito pi yi ngama. ¹⁶ Ma nde lie ne 'dyi yi-e, ma ngayo ka yi me yi mene engú inde ma ngamene e-o. ¹⁷ Ngübula nateteke yi-e, ma atima Timoté agba yi oo. Ma atima ani ngübula me ani nū suno pi yi ne toto lele maka ma ngadhukü lie li kpadjì gba Yesu Kilisito-o. Ongú inde ani asúno e pi yi-e, a bhomu-o ongú inde ma susuno e pi okpála gba Ebhe ne ndu bili hana-o. Yi dje Timoté, a ko ndili gba ma na mukunda-o. Ani la di ngadhukü ngbingbili li kpadjì gba Ngámá Yesu Kilisito.

¹⁸ Okpála koko bhá ka yi ngabhi 'kpa o pi mbulu o anga u ngabundja me ma agó matá gba yi oo de. ¹⁹ Engú bini, i du me Ngámá gba ní-e nde aziba-a, ma agó oo ne 'kpí bhisi inde. Li ma kolo oo, ma ú obhulü 'ngbé 'ndji bhomu. Ma tsia mbila ne me u bha ngape 'li o padhá, ne me abhá uo ne angu namene engú. ²⁰ Padhá de, anga Naú gba Ebhe-e ne eli ade, a mangbo bhá angu gba Bu Bhabua. ²¹ Nedhinga ma agó lie agba yi-e, yi akunda me ma go ne mangua 'ngú dho? Yi akunda me ma ago sakpa ma ne fimbo? Ne me ma go ne bhukü bua ngú nasuno pi yi me ma kanda yi naali?

[†] 5:1 5:1 Tsia bhá Lev. 18:8; di ne bhá Det. 23:1. bili inde-e me nagbe kpála bhá Piga gba Ebhe.

Polo apa pi omakilisito me u gbe kpála inde amene siti 'ngú bhá ka o magbe

¹ Ma ngadje ngali gba yi-e ndu 'kpí hana. Okpála ngapa me bhá ká yi-e, okpála koko ngadhukü ne olisi, i du di-e ne obhosí ngangá. A ko engú inde belegü okpála i bhuka Ebhe de-e ti da namene e de. A mana mugito me súka yi bini ngadhukü ne wala 'dyi e. ² Ngayi-e, engú ango-o ngaha pi yi 'ngbé 'ndji. A ayo la iginí me yi de aku 'gbá ngübula siti 'ngú ango-o. A ayo la di iginí me yi gbe ngua makilisito bhomu-o bhá ká yi magbe.

³ Ngama-a, belegü ma nde lie bhá ka yi ade-e, bua ma ne yi bhá dabili bini. Ma akodho engú gba kpála inde amene engú bhomu-o akodho mugito me ma ne yi bhá dabili bini.

⁴ Ma akodho 'ngú bhomu-o ne 'li Ngámá gba ní Yesu. Ma ngapa pi yi me, yi po bhála yi-e, li bua ma du ne yi bhá dabili bini. Li angu gba Ngámá gba ní Yesu tsia súno di lie. ⁵ Nedhinga yi apó bhála yi lie, yi pu kpála bhomu-o pi Satana* ngübula me siti 'ngú inde bhá ani-e koto hana má kpékébhé, amba Ebhe kobho bua ani li 'kpí li Ngámá gba ní Yesu agó lie ngú nakodho 'ngú gba okpála-o.

⁶ A ndjindji ade me yi bhá 'kpa yi pi mbulu yi li siti 'ngú bhomu-o de. Yi mbila de me mboye kú levile bedié ngamene ngae me faline libhomu fuka di-i? ⁷ Yi 'e siti 'ngú bhomu-o bhá ka yi ma'e. I du me yi nde amene mo-o, yi kolo bubu maka faline inde u 'o levile bhá e de-o. Ma ambila ndjindji me Ebhe amene me yi kolo bubu li kpadjì nakpi ka Yesu Kilisito. Yesu maka ndili kandélé inde u abhélè e ngübula me okpála zu bhá anokomia na Pasika. ⁸ Kaka-a, ní kpi djali kabula li Ebhe agbegbe

* 5:5 5:5 Napu kpála pi Satana: Ti da napa li

ní lie bhú bali-o. Ní 'e osisiti 'ngú gba ní-e maka li omaYuda a'e nani dili levile gba o lie ngubula nazú anokomia nazú mapá inde li levile nde bhú e ade-o . Ní mene mo-o, ní dú bubu, di ngbingbili kala Ebhe.

⁹ Bhú balua ma atima nako e pi yi kalanú-o, ma apa pi yi bhúbhú me yi adú bhú dabili bini ne okpála inde ngadhukú ne olisi, i dú di-e ne obhosí ngangá-a de. ¹⁰ Ma pa engú bhomú-o pi yi pindji ndú okpála na doto inde-e hana de. Ma pa engú bhomú-o pindji okpála inde ngadhukú ne olisi, i dú di-e obhosí ngangá-a de, ne pi obhende li gúmu 'he gba okpála abedhe bhú o bedhe-e de. Ma pa la di engú bhomú-o pindji okpála inde ngazi 'he-e de, i dú di-e obhende ngadhégo ebhe na eu-o de. Li kpála kúnda nadú bhú dabili bini ne okpála bhomú-o de-e, kpála ango-o de yie píla doto mayie.

¹¹ Ma akúnda mangbo nayoko yi me, yi akpétsé liyi ne kpála inde ngapa me ni ne makilisito me ani nde ngadhukú ne olisi, i dú di-e ne obhosí ngangá-a de. Yi akpétsé liyi ne omakilisito bhende li gúmu 'he gba okpála abedhe bhú o bedhe-e de. Yi akpétsé liyi ne omakilisito bhende ngayo ebhe na eu-o de, i dú di-e makilisito inde ngasobho okpála koko, ne obhende ngalangba ne pandí, i dú di-e bhálu 'zi-e de. Yi akpétsé liyi ne uo de. Yi azú 'he ne ngua kpála bhomú-o belegu de bini. ¹²⁻¹³ Padhá de, anga a ko 'ngú ka ma de me ma kodho 'ngú gba okpála inde ne omakilisito ade-o. Ebhe akódho 'ngú gba uo-o ngae. Engú bini ngayi-e, yi tí da nakodho 'ngú gba omakilisito yi nde ne o-o. Maka u aye lie bhú Bhuku gba Ebhe-e me: «Yi gbe kpála inde ngamene siti 'ngú bhú ká yi-e magbe.†»

6

Lele naleke 'ngú súnda omakilisito

¹ I dú me súka yi nde ne 'ngú súnda o ne ndai e-e, lele pi ani tí da nanú lie ne di kala ongámásí na doto? A ayo mangbo igini me ani nü ne ani kala okpála gba Ebhe. ² Yi mbila de me okpála gba Ebhe-e akódho 'ngú gba okpála na doto li sokpí-e ngao di? I dú la me yi nde akódho 'ngú gba okpála na doto-o, lele pi yi tí da nakodho odjedje ongú inde-e lie de-e? ³ Yi mbila de me ní akódho belegu engú gba oandjelu-o nganí-e di? Ka ni la ni tí da nakodho odjedje 'ngú na naki inde-e lie de? ⁴ Li odjedje 'ngú dú súnda yi-e, ka ni yi nganú lie ne di kala okpála inde bhú Piga gba Ebhe-e ade-e? ⁵ Ma ngapa 'ngú bhomú-o ngubula me yi sia námu. Kpála na imbílangú bini bhú ka yi adi ngubula me ani leke 'ngú súnda omakilisito-o? ⁶ A bha ndju ndjindji me li makilisito dú ne engú súnda e ne makilisito-o, u de nü ne di kala okpála inde i bhuka Yesu di?

⁷ A na paká me nadú ne engú súnda yi-e, a bhomú-o námu na ngbéngbé. I dú me u nde mene ngbili 'ngú li pabili gba yi-e de-e, u nde ngazi 'he gba yi-e, ka ni yi tí da nakikibila lie ne 'ndjá bua de-e? ⁸ Engú bini, okpála inde i mene ngbili 'ngú pi okpála koko de-e ne yi! Yi la di ngazi 'he gba ondaise yi omakilisito!

⁹ Yi mbila na paká me okpála inde ngamene osisiti 'ngú-o lí bhú Naú gba Ebhe-e de. Yi apíte liyi de, okpála inde ngakúnda olisi, i dú di-e ne obhosí ngangá-a, ne obhende ngadhégo oebhe na eu, ne obhende ngakúnda olisi, i dú di-e obhosí gba okpála koko, i dú di-e obhende ngakúnda lio súnda o maka ole ne bhoko, u li bhú Naú gba Ebhe-e de. ¹⁰ Yi apíte liyi de, obhálu 'zi, ne obhende li gúmu 'he gba okpála abedhe bhú o bedhe,

† 5:12-13 5:12-13 Tsia bhú Det. 17:7.

ne obhende ngalangba ne pandi, ne obhende ngadi okpála koko, ne obhende ngagbúlú 'he gba okpála ne kpéke djila-a, lí bhú Nau gba Ebhe-e de. ¹¹ A na paká me bhú ká yi-e, okpála koko adú nani namene osisiti 'ngú bhomú. Engú bini, mbia inde-e, Ebhe avúlú yi bhú siti 'ngú gba yi-e avúlú. Aní a'o yi kpi pi e, aní atsia amene me yi kolo ngingbili kala ni. Aní amene ndú 'ngú bhomú-o hana lí kpadjí gba Ngámá gba ní Yesu Kilisito di ne bhe gba Bu Bhabua gba e-o.

Kute ní ne eti gba Bu Bhabua

¹² Mú ti da napa me: «Ma nde lie ne makilisito-o, ma ti da namene ndú 'ngú hana.» A na paká moko, mu ti da namemene. Engú bini, ongú koko bhú ká ongú inde mu ngamene e bhomú-o ti da nateteke mu de. Ma aziba me, ma ti da namene ndú 'ngú hana. Engú bini ngama-a, ma kúnda nadú bali na 'ngú bini de. ¹³ Mú ti da napa matá me: «Ebhe aha ezú ngúbula nabedhe ebu ne di. Aní atsia amene di ebu ngúbula ezú.» A na paká moko. Engú bini, lí sokpí-e, Ebhe abhélo ebu, aní tsia bhélo di ezú. Ndündú bhisi hana tsia ndjúlú. Padhá de, anga Ebhe bho kute ní ngúbula nadhukú ne olisi, i du di-e ne obhosí ngangá de. Aní amene mangbo kute ní ngúbula nakpata Ngámá Yesu ne di. Padhá de, anga a ko Ngámá na kute ní ngae. ¹⁴ Ebhe azuku Ngámá gba ní Yesu Kilisito bhú kuo. Aní azúku bhadi kute ní bhú angu gba e-o.

¹⁵ Yi mbila de me, kute yi ne súka yá Kilisito di? Lele pi ma ahá kute ma inde súka yá Kilisito lie ngú nakpékpetse ne kute olé na zabhe-e? Bhabhomú-o méne lie belegú de bini! ¹⁶ Yi mbila de me, i du me kpála nde akpétse lie ne olé na zabhe-e, ndú uo bhisi hana akolo koli kute bini-e di? Padhá de, anga u aye bhú Bhuku gba Ebhe-e

me: «Ndú uo bhisi hana akólo koli kpála bini.*» ¹⁷ La-a, kpála bhende akpétse lie ne Ngámá-a, akolo ne aní ne koli bua bini. ¹⁸ Ka 'ngú ango-o, yi 'o nadhukú ne olisi, i du di-e ne obhosí ngangá ma'o. Ondú 'ngú na sisiti lí kpála amemene e hana-a, aní memene ne kute e de. Engú bini, kpála inde ngakpétse lie ne olé na zabhe-e ngamene siti 'ngú ne kute e makpe. ¹⁹ Yi mbila de me kute yi ne eti gba Bu Bhabua-a di? Yi mbila la di de me Bu Bhabua ango-o ngadú bhú yi, Ebhe aha la di pi yi ngae di? Kute yi ne ehe ka yi ade. A ko na Ebhe. ²⁰ Ebhe akala yi bhú kpéke mase. Kaka-a, kute yi dhegø Ebhe bhú ndú 'ngú hana inde yi ngamene e ne di-o.

7

Polo agie 'ngú pi omabhuka na gudhú na Kolito pindji 'ngú na kúva

¹ Mbía inde-e, ma ngagie 'ngú pi yi li ongú maka yi ayi ma lie bhú balúa gba yi-o. Ngayi-e, yi ngapa me: «A ndjindji pi bhoko me aní abú 'kpa e li olé de.» ² Abana mo-o, ma ngabhundja me, kabula nadú nadhukú ne olisi, i du di-e obhosí ngangá de-e maka okoko bhú ká yi ngamemene lie, a ndjindji me bhoko ha olé gba e, amba olé ha di bhoko gba e. ³ A ayo me bhoko mene pi olé gba e ehe inde li bhoko amemene e pi olé maka a ayo lie-o. A ayo la di me olé mene pi 'ko e engú inde li olé amemene e pi bhoko gba e ko.

⁴ Olé ti da namene ne kute e maka aní akunda lie de. Kute aní ne ehe ka 'ko aní. La di-e, bhoko ti da namene ne kute e maka aní akunda lie de. Kute aní ne ehe ka wala aní. ⁵ Kpála bini agbíté kute e pi kilí e de.

Yi mene bha bini mo-o me yi nde adje liyi bhú dabili bini, ngú na'o mbo nedhingga ngúbula nayo Ebhe. Pipita-a, amba yi gie liyi bhú dabili bini, anga yi mene mo-o de-e, yi tí bhú gúmu kute, yi tsia tí bhú ekú

* **6:16** 6:16 Nakolo koli kpála bini inde si-e, a kpi ne nakolo koli kute bini. Tsia bhú Dje. 2:24.

gba Satana . ⁶ Engú nagbite kute o ngubula nedhinga bedi ma ngapa e pi yi inde-e, a ko lili de, a ko mangbo ngú napa pi yi me, i du me yi nde amene mo-o, a adú sisiti de.

⁷ Ma akunda naali me ndu okpála hana du olingbangi maka ma. La-a, a ti da namene lie mo-o de, anga Ebhe aha makalá pi ni kpi kpi kpi. Ani aha pi okoko naha lio. Ani atsia aha pi okoko nadu olingbangi.

⁸ Engú ma ngapa e pi olingbangi ne oekesi-e ngae inde: a ndjindji pi yi nadu kpi yi kpi maka ma. ⁹ Engú bini, yi u me yi ti da nadu kpi yi kpi de-e, yi de ha liyi. A ndjindji me yi ha liyi nane me gümü kute ha angu yi.

A ayo me omabhuka inde bhú kúva-a agbó bhusu o de

¹⁰ Pi okpála bhende bhú kúva-a, ma ngapa bhobhomu-o ngama Polo ade, a ko Ngámá Yesu Kilisito . Ani apa me, a ayo de me ole yie bhú kúva-a de. ¹¹ I du me ole nde ayie bhú kúva-a, ani ahá matá bhoko koko de. I du me ani nde au me ni ti da nadu kpi ni kpi de-e, ani de gie lie bhú kúva gba e-o. Pi bhoko-o, a ayo de me ani gie wala e de.

¹² Pi okpála koko-o, ma ngapa 'ngú inde-e ngama, a ko Ngámá Yesu de. Ma ngapa me: i du me a nde ka makilisito na bhobhoko ne ole inde mupagano-o, i du me ole ango-o nde akunda nadu ne 'ko e-e, 'ko ani de du ne ani. ¹³ A bhadi moko pi ole inde makilisito. I du me 'ko ani nde ne makilisito ade-e, li bhoko ango-o kunda nadu ne wala e-e, u de du ne ani. Ole-o atsé ani de. ¹⁴ Padhá de, anga bhoko inde ne makilisito ade bhomu-o ti da nabhuka ka wala e inde ne makilisito-o. A bhadi moko pi ole inde ne makilisito ade-o. I du me 'ko ani nde ne makilisito-o, ani ti da nabhuka ka 'ko e inde makilisito-o. Padhá de, anga i du mo-o de-e, li ongisi gba uo-o du maka ongisi gba okpála inde i bhuka de. Engú bini, u ti da nabhuka ka 'dyi o, i du di-e ka 'hi o inde abhuka-o.

¹⁵ La-a, kpála bhende ne makilisito ade-e kunda nagbo bhusu o ne makilisito-o, u de gbo bhusu o. A moko, kpála inde ne makilisito, i du bhoko, i du di-e ole-o sa lili bini ngú nadu bha bhú kúva bhomu ade. La-a, yi mbila me Ebhe a'i ni me ni du bhú kúva bhú guo 'ngú . ¹⁶ Mu ti da nambila lele pi, ngamu ole inde ne makilisito me ni ti da nakobho 'ko ni de-e? I du di-e ngamu bhoko inde makilisito-o, mu ti da nambila lele pi me ni ti da nakobho wala ni de-e?

A ayo me kpála ne kpála du kala Ebhe lele maka ani adu nani lie-o

¹⁷ Engú na ngbéngbé inde bhú 'ngú bhomu-o, a ko me kpála ne kpála du maka li Ngámá Ebhe aha pi ani lie-o. A ayo la di me ani du maka ani adu nani lie nedhinga li Ebhe a'i ani lie-o. A bhomu-o lili inde ma aha e bhú ndu oDadjua gba Ebhe-e hanano. ¹⁸ I du me Ebhe nde a'i kpála me ani nde ali gandja ali-e, a ayo de me ani wo gandja inde ani ali e bhomu-o de. I du la me Ebhe nde a'i kpála me ani nde li nga ngandja de-e, a ayo de me ani li gandja-a de. ¹⁹ Padhá de, anga li kpála li gandja-a, ani li di gandja de-e ne 'ngbé 'ngú ade. Engú na ngbéngbé-e, a ko namene lili gba Ebhe.

²⁰ A ayo me kpála ne kpála du lele maka ani adu nani lie li nedhinga li Ebhe a'i ani lie-o. ²¹ Mu du nani ne bali nedhinga li Ebhe a'i mu lie? Mo odjé tsulu de. Engú bini, i du me a nde pi mu nedhinga me mu koto bhú bali-e, mu de koto. ²² Kpála bhende adu nani bali li nedhinga li Ngámá a'i ani lie akoto mbia inde bhú bali-e akoto, anga ani akpetse lie ne Ngámá. La-a, kpála bhende ne bali bhú 'ngú na doto ade-e, inde li Ebhe a'i e-e, ani akolo mbia inde-e bali gba Kilisito. ²³ Ebhe akala yi ne mase naali. Kaka-a, a ayo de me yi kolo obalise gba okpála na doto de. ²⁴ Ondaise ma, a ayo me kpála ne kpála du kala Ebhe lele maka ani adu nani lie li nedhinga li Ebhe a'i ani lie-o.

Engú pindji olingbangi

²⁵ Pi okpála bhende i ha nga olisi de-e, ma ngaha pi yi-e mabhundja gba ma maka kpála inde u ti da naziba e ka bádha bhú 'bu gba Ebhe-o. Ebhe kata ma ngae de. ²⁶ Ka likabhu inde na nedhinga inde-e, ma abhundja me a ndjindji pi kpála me ani du bha maka ani nde lie-o. ²⁷ Mu ngakunda naha ele? Mo oyála ani de. Mu kunda naha ele di? Du lingbangi. Mo ohá ele de. ²⁸ Engú bini, i du me mu nde aha ele-o, mu mene bhomu-o siti 'ngú de. I du la di me tsa ele nde aha bhoko-o, ani mene siti 'ngú de. La-a, yi mbila ndjindji me okpála bhende ngaha olisi ngazu likabhu píla doto naali. Ma akunda la de me yi zu likabhu bhomu-o de.

²⁹ Ondaise ma, ma akunda napa pi yi me, nedhinga inde atigala pi ni-e bedi. Nayie pi mbia inde ngú nanu ne kalanu-o, a ayo me okpála bhende ka o ne olisi du mugito me olisi ka uo ade. ³⁰ Okpála bhende ngaku 'gbá-a mene mugito me uo bhú likabhu ade. Obhende ngamu 'zo-o mene mugito me uo bhú djali ade. Obhende ngakala 'he mene mugito me ehe ka uo ade. ³¹ Obhende ngasia tia na doto inde-e mene mugito me tia ka o ade. Padhá de, anga doto maka i ngau lie lie mbia inde-e, bhú matá nedhinga bhéde.

³² Ma akunda me yi adú ne likabhu de. Bhoko bhende i ha ele de-e gbite lie li engú gba Ebhe, ani ngagili nanga li Ebhe. ³³ Engú bini, bhoko bhende aha ele-o, agbite lie li ongú na doto, ani ngagili namene engú inde anga li wala e. ³⁴ Ani agbo la di bhusu e li di kulu bhisi. A bádhi moko pi ele inde aha bhoko, ani ngagbite lie li 'ngú na doto. Ani ngagili namene engú inde nganga li 'ko e. Engú bini, pi ele, i du di-e tsa ele bhende i ha nga bhoko de-e, ani ngagbite lie li engú gba Ngámá. Padhá de, anga ani akunda naha lie pi ani bhú du 'ngú hana

inde ani ngamene e, ne bhende ani ngabhundja e-o.

³⁵ Ma ngapa 'ngú bhomu-o ngubula bádha 'ngú gba yi, ma pa ngubula na'o tili kili li 'ngbu yi de. Engú bini, a ko ngubula me yi mene engú inde ndjindji, amba yi kpata la di Ngámá Yesu ne bua yi hana.

³⁶ La mbia inde-e, i du me makombi bini nde akpe namene siti 'ngú li pabili gba tsa ele inde ani abedhe ne gümü naha e, ani bhundja me a ayo me engú angoo kpata kpadji na ndjindji-e, ani de mene maka ani au lie. Ani mene siti 'ngú de. U de ha lio maka li bhoko-o akunda lie-o. ³⁷ Engú bini, i du me makombi-e nde apa me ni ha tsa ele bhomu-o de-e, i du me engú angoo nde ayie li bua ani makpe me u nde kata ani téte gandji de-e, ani amene bádhi bádha 'ngú. ³⁸ Bhoko bhende aha tsa ele inde nako ani adú nakunda naha e amene bádha 'ngú. Engú bini, bhoko bhende apa naae me ni ha ani de-e, amene bádha 'ngú naali.

Engú pindji oekosi

³⁹ Ele inde li 'ko e nde bhú ka-a ti da nadu ne bhoko koko de. Engú bini, i du me bhoko angoo nde akpi-e, bhobhomu-o aha kpadji pi ani ngú naha bhoko koko maka ani akunda lie. La-a, a ayo me bhoko angoo du ne makilisito. ⁴⁰ Engú bini, ngama-a, ma abhundja me i du me ani nde adú kpi e kpi-e, ani du bhú djali nane me ani ha matá bhoko koko. Ma pa mo-o, ma abhundja me Bhabua gba Ebhe-e di bhú ma.

8

Kpadji na imbilangú di ne kpadji na mukunda

¹ Mbia inde-e, ni tsia nga 'ngú pindji so 'nu inde u aha e pi oebhe na eu. A na paká me imbilangú bhú ndu ni hana, maka yi ngapapa lie-o. 'E-e! Imbilangú angoo ti da naha pi kpála 'ngbé 'ndji. Engú bini, mukunda naae ngadyudyo ni

bhú nabhuka ne kalanú. ² Kpála bhende ngabhundja me ní ambila 'ngú-o mbila nga maka a ayo lie me ani mbila-a de. ³ Engú bini, kpála kúnda Ebhe na paká paká-a, Ebhe ambila kpála ango-o.

Yi ató ondaise yi bhú ngita de

⁴ Pindji 'ngú inde atsia so 'nú inde u aha e pi oebhe na eu-o, ní ti da nazuzu, ne me ní ti da nazuzu de? Ní mbila ndjindji me oebhe na eu ne oehe na kúkulú ade. Ní ambila di me, Ebhe bha koli e bini kpi e kpi. ⁵ A na paká me a abhúlá di ne píla doto ne oehe inde li okpála ngadhége o maka oebhe gba o. Ongua oebhe na eu bhomú-o bheldé, u di ngako pi okpála. ⁶ La pi ní-e, ní mbila ndjindji me koli Ebhe bha bini. A ko 'Dyi ní inde abho ndú 'he hana píla doto. Ani atsia abho di ní me ní du pi ni. Ní la bhadí ne koli Ngámá bini, a ko Yesu Kilisito. Ndú 'he hana ngayie ka ani, ní di ngasia mukobho ka ani.

⁷ Engú bini, i du me ní nde ambila me mukobho bhú oebhe na eu ade-e, a ne okpála inde imbila nga kúkulú 'ngú ango-o má kpulukutu de. Okpála koko bhú ká yi adú nadhégé oebhe na eu. La mbia inde-e, uo bha ngazu so 'nú ango-o ne nabhundja me oebhe na eu bhomú-o ne angu pépé. Okpála ango-o nga bha bhébhéku li kpadji gba Ebhe. Abhomú-o, u ngabhundja me so 'nú ango-o ngato o bhú siti 'ngú kala ani. ⁸ Ní mbila ndjindji me ezú bini ti da nadyudyo ní de Ebhe masikpe de. Belegú ní zu, belegú ní zu de-e, a méne 'ngú bini li ní de.

⁹ 'E-e! Yi lila liyi me, kpadji inde u aha e pi yi ngú nazú ndú 'he hana-a, a tó okpála bhende bhébhéku bhú nabhuka bhú siti 'ngú de. ¹⁰ Padhá de, anga i du me kpála inde bhébhéku bhú nabhuka nde au mu, ngamu kpála inde ambila kúkulú 'ngú ambila-a, mu nde ngazu so 'nú inde u abhélè e pi oebhe na eu bhú eti u adhédhége

uo bhú e, mo ombhundja naamú me ani ti da di nazuzu di? ¹¹ Kaka-a, kpála inde bhébhéku ango-o, ndai mu inde li Kilisito akpi pi e tsia ngita ka mu, kabula engú nasisiti inde mo omene e, ngamu kpála ambila kúkulú 'ngú má kpulukutu-o ambila-o! ¹² Namene ngua siti 'ngú bhomú-o li pabili gba ondaise yi-e, di ne na'o eka li bua uo inde nakpokpo kú 'ngú inde bhébhéku bhomú-o, a ko namene siti 'ngú li Kilisito ngae makpe. ¹³ Kaka-a, i du me ezú bini inde ngato ndai ma bhú siti 'ngú-o, ma zú matá ezú ango-o de, amba ndai ma atí bhú siti 'ngú ka ma de.

9

Lele li Polo adú nakpokpo Bádhá Ngali gba Yesu Kilisito lie-o

¹ Ngama-a, ma ti da nasia ndú 'he hana maka súka obhúlú titima gba Ngámá gba ní Yesu Kilisito di? Ngama-a, ma u ani ne djila ma makpe di? Ngayi-e, yi bhuka ani ka kulu gba ani inde ma amene e bhú ka yi-e di? ² Belegú li okpála koko ziba de me ma ne súka obhúlú titima gba Yesu-o di-e, la pi yi-e, ma ne bhúlú titima gba ani. Padhá de, anga nau me yi akpetse liyi ne Ngámá-a asuno na paká me, ma ne bhúlú titima gba ani, anga ma akpokpo Bádhá Ngali-e pi yi ngama.

³ Eli inde ma agié e pi okpála inde ngapa 'ngú li ma sisiti-e ngae inde: ⁴ A ayo di de me ya sia ezú di ne ehe nandji mandji kabula kulu inde ya ngamene e di? ⁵ Yi abhundja naayi me li ya ha olé inde makilisito me ya du nadhékú bhú dabili bini ne ani maka Piele ne obhúlú titima koko gba Yesu, di ne ondaise Yesu-o, amba ko siti 'ngú? ⁶ Yi abhundja naayi me, okpála inde a ayo me u mene kulu ne 'kpa o ngú nakobho ka o-o bha ne ya ne Balabasi? ⁷ Kpála inde bhú kulu na súdha-a haha makalá gba e pi e ngae makpe uu? Belegú de bini. Li kpála lu edyi-e, ani zuzú ezú ango-o di, i du me kpála nde ngalila enú-o,

ani ndjindji miliki na 'ka 'nʉ ango-o di?

⁸ Ongú inde ma apa e bhomʉ-o, a ko bha bini bhende li okpála ngabhundja e ngao-o de. U aye bhadí bhʉ lili gba Moidje-e moko.

⁹ Padhá de, anga u aye bhʉ lili ango-o me: «I dʉ me bagala nde ngatu ngano-o, mo ogbíte 'bhʉ ani de. 'O me ani zu mbo té ngano ango-o uu.[†]» Yi abhundja naayi me Ebhe apa 'ngú bhomʉ-o bha bini pi obagala? A mo-o ade. ¹⁰ Ebhe apa 'ngú bhomʉ-o pi ní makpe adi? A na paká me ani apa pi ní. Padhá de, anga kpála inde ngalu 'dyi-e nga'o 'to e li ezʉ inde ani asia e-o. A bhadí ndjindji me kpála bhende nga'e nguwa abhiye-e sia té nguwa ango-o.

¹¹ Ya akpokpo Bádha Ngali pi yi maka u alulu nguwa lie abhiye-o. I dʉ la me yi nde ateteke ya ne tia na doto-o, amba a ko siti 'ngú? ¹² I dʉ me okpála koko nde ngasia tia na doto ka yi-e, ka ní ngaya-a, ya ti da nasisia ka yi lie de-e? Engú bini, ya tsia yo ehe ka yi de. Ya ngakibila ndʉ likabhu hana inde ngakolo li kute ya-a, anga ya kʉnda namene engú inde i ní kpadji pi okpála me u adjé Bádha Ngali gba Yesu Kilisito-o de-e de.

¹³ Yi mbila de me okpála inde ngamene kulu bhʉ 'ngbé 'ti Ebhe-e ngasia ezʉ gba o bhʉ kulu inde u ngamene e adi? Obhende ngatsulu enʉ pi Ebhe-e ngasia téte ngú nazʉ adi? ¹⁴ A bhadí moko pi okpála bhende ngakpokpo Bádha Ngali-o. Ngámá gba ní-e apa me, okpála inde ngakpokpo Bádha Ngali-e, akóbho bhadí li Bádha Ngali.[†]

¹⁵ Engú bini, belegʉ inde lie mo-o, ngama-a, ma yo ehe bini ka yi de. Ma pa pi yi de me, ma aye balua inde-e pi yi me yi tima 'he mʉma-a de. A ndjindji mʉma naali me ma kpi ne gʉmu! A ayo de me kpála bhʉlʉ engú inde ma nde ne

gindaginda ka e de. ¹⁶ Nakpokpo Bádha Ngali ma ngakpokpo e-e ha kpadji mʉma de me 'ndji ma be-e de. Padhá de, anga Ebhe ngae makpe apa mʉma me ma kpokpo Bádha Ngali ango-o. A moko, a ko likabhu mʉma i dʉ me ma nde kpokpo Bádha Ngali-e de ko. ¹⁷ I dʉ nani me ma alo kulu ango-o ngama-a, a de adʉ ndjindji me u ha makalá mʉma téte. A la mo-o ade. Ma lo kulu ango-o ngama makpe de. Ma ngamemene anga Ebhe a'o kulu ango-o sakpa ma. ¹⁸ Makalá ma ngasia e li kulu ango-o ne ni? Makalá gba ma ne nakpokpo Bádha Ngali-e mandi nayo 'he. Maka kpála nakpokpo Bádha Ngali-e, ma ti da nayo 'he ka yi, la-a ma yó ehe bini de.

Polo ateteke kpála ne kpála bhʉ dasʉndʉ gba e ngú nabhuka Ngámá Yesu

¹⁹ Ma bhʉ ngʉ ma, ma ne bali gba kpála bini ade. La-a, ma atsia a'o lima bali gba ndʉ okpála hana, ngʉbula me ma sia okpála bhelé ngú nabhuka Ngámá Yesu. ²⁰ Li ma dʉ bhʉ ká omaYuda-a, ma dʉ maka uo ngʉbula me ma teteke uo ngú nabhuka Ngámá Yesu. Ma ambila ndjindji me lili gba Moidje ne angu pi ma ade. Engú bini, i dʉ me ma nde bhʉ ká okpála inde ngamene lili ango-o, ma améne mʉgito me ma sa lili ango-o ngʉbula me ma teteke uo ngú nabhuka Ngámá Yesu.

²¹ Li ma dʉ bhʉ ká okpála bhende i mbila lili gba Moidje de-e, ma adʉ bhadí maka uo ngʉbula me ma teteke uo ngú nabhuka di Ngámá Yesu. Bhabhomʉ-o kʉnda napa de me ma mene lili gba Ebhe de-e de. Ma ngamemene anga ma ngamene lili gba Ngámá Yesu Kilisito. ²² Li ma dʉ bhʉ ka okpála inde bhʉbhʉkʉ li kpadji gba Ebhe-e, li ma 'ó di lima bhʉbhʉkʉ ngú nateteke uo ngʉbula me u kolo kpekpeke bhʉ nabhuka

[†] 9:9 9:9 Tsia bhʉ Det. 25:4; di ne bhʉ 1 Tim. 5:18. [†] 9:14 9:14 Tsia bhʉ Luk. 10:7; di ne bhʉ Mat. 10:10.

Ngámá Yesu. Belegü li okpála dū lele pi-ie, i dū me ma nde akolo bhú ká uo-o, ma dū bhadi maka uo ngübula me ma teteke okpála koko bhú ká uo ngú nabhuka Ngámá Yesu, amba u kobho. ²³ Ma ngamene ndu 'ngú bhomu-o hana ngübula me Bápda Ngali-e nü ne kalanu, amba Ebhe tuko bisagu pí ma bhú kulu ango-o.

A ayo natsia 'kpí lio ndjindji bhú nabhuka

²⁴ Yi mbila de me, okpála inde agugu holo-o, u dudu okpála bħelé, engú bini kpála bhende akokoto kalanu-o sisia makalá ngae. Yi mene ne kpéke maka okpála inde ngagu holo, amba yi sia di makalá. ²⁵ Ndú okpála hana inde agugu holo-o dudu sa lili nakpekpeke. U ngamene mo-o ngübula nasia makalá. La-a, makalá ango-o bhú de. Engú bini nganí-e, ní ngamene ngübula nasia makalá inde adú duduwa ne duduwa. ²⁶ Kaka-a ngama-a, ma ngagu holo ngangá ade. Ma la di maka kpála inde ngagu gbele me ani nde ngatsia 'kpí lie ndjindji. ²⁷ Ma ngamene kute ma kpekpeke ngú napa me kute ma mene lili gba ma-o, amba li sokpí-e, Ebhe abhike ma de, pita nakpokpo Bápda Ngali pí okpála koko-o.

10

Yi lila liyi ka nale-e malila

¹ Ondaise ma, ma ngagbele 'dje yi mo-o, ngübula me yi bhundja nga matá engú inde akolo nani li onguo ogbi ní bhú nedhinga u adú adħukú lie nganda Moidje-o. [†] Ebhe abuku nani ndu uo hana ne ndindi ngú nalila uo. Ndú uo hana agulu nani 'ngbé 'ngu na Mbembe. ² Nabuku uo ne ndindi ne nakodho 'kpí ka uo bhú 'ngu-o amana mágito me Ebhe aha pí uo bhomu-o Batisimo,

[†] **10:1** 10:1 Tsia bhú Eki. 13:21-22, 14:19-29. [†] **10:3** 10:3 Tsia bhú Eki. 16:35. [†] **10:5** 10:5 Tsia bhú Nom. 14:16, 29-30. [†] **10:6** 10:6 Tsia bhú Nom. 11:4, 34. [†] **10:7** 10:7 Tsia bhú Eki. 32:6. [†] **10:8** 10:8 Tsia bhú Nom. 25:1-18. [†] **10:9** 10:9 Tsia bhú Nom. 21:5-6. [†] **10:10** 10:10 Tsia bhú Nom. 17:6-14.

ngübula me u kpetsø lio bini ne Moidje. ³ Ndú uo hana azu ezu inde adú ayie ka Ebhe. [†] ⁴ Ndú uo hana andji engu inde adú akoto bhú teme. Teme ango-o, a ko kulu Yesu Kilisito inde adú adħukú ne uo bhú dabili bini-o. ⁵ La-a, belegü u au ongamba 'ngú bhomu-o lie hana-a, okpála bħelé bhú ká uo dū amene engú inde anga li Ebhe-e de. Kaka-a, u amu, u atsia atigala bhú 'gu. [†]

⁶ Ongú bhomu-o ngasuno pí ní me, ní adú ne gumu namene siti 'ngú maka onguo ogbi ní de. [†] ⁷ Yi ayó oebhe na eu maka okoko bhú ká uo amene nani lie de. Padħá de, anga u aye bhú Bhuku gba Ebhe-e me: «Okpála adħul kuto ngübula nazu anokomia. Pipita-a, u atsia ayie bhħálá ngú nadho 'bi kala kulu ebhe na eu. [†] » ⁸ Okpála koko bhú ká uo adú adħukú ne olisi ngangá. Kaka-a, okpála kete ndjikpa bħisi ne ká bata atsia amu bhú koli 'kpí bini. Pi ní-e, ní améne maka uo de. [†] ⁹ Okpála koko bhú ká uo ale Ngámá. Kaka-a, okpálu adolo uo má bi bi bi, uo atsia amu. Pi ní-e, ní améne maka uo de. [†] ¹⁰ Okpála koko bhú ká uo adú adi mħutokono li Ebhe. Kaka-a, andjelu gba Ebhe inde abħebħele kpála-a, a atsia ago abħili uo. Pi yi-e, yi adi mħutokono li Ebhe maka uo de. [†]

¹¹ Ndú ongú bhomu-o hana akolo li uo ngübula nateteke okpála koko me u améne maka uo de. U aye ongú ango-o bhú Bhuku gba Ebhe ngübula me asuno kpadji pí ní, nganí inde ngakobho li sokpí-o. ¹² Kaka-a, kpála bhende ngabħundja me ní alu bhú nabhuka kpekpeke-e lila lie ndjindji me ní atí-i de. ¹³ Nale inde ngabhaka yi-e, a ko nale inde ngakolo bha li ndu okpála hana. Ebhe atéteke yi maka ani apa lie-o. Ani ti da naka kpadji de me engú inde akólo li yi-e ha angu yi-

e de. Engú bini, i du me nale nde akolo li yi-e, Ebhe há angu pi yi ngú nakikibila. Aní tsia téteke yi me yi atí-i de.

Yi lila liyi ka oebhe na eu-o malila

14 Kaka-a, ondaise ma na mukunda, yi 'o nadhögé oebhe na eu ma'o. **15** Ma ngagama 'ngú pi yi maka okpála na imbilangú. Yi aló doto bhú 'ngú ma ngapa e ngayi makpe. **16** Nedhinga ní adulu lie pi misa gba Ngámá-a bhú dabili bini-e, ní ngandji vino inde ní ngagie hení pi Ebhe ngú e-o. Ní akpetse liní bhomu-o ne Yesu Kilisito bhú ngute e. Li ní gumu mapa-a ngú nazuzu-o, ní akpetse bhomu-o liní bhú kute Yesu Kilisito. **17** Koli mapaa bha bini. Belegu ní nde lie bheldé-e, ndu ní hana ní ngazu koli mapaa bini bhomu. Bhabhomu-o ngasuno me ní akpetse liní, ní akolo bini.

18 Yi bhundja nga okpála na Isalaele. Nedhinga u ngazu enu inde u aha e pi Ebhe lie, u akpetse lio bhomu bhú dabili bini ne Ebhe inde u aha enu bhomu-o pi e-o. A mo-o adi? **19** Ma akunda napa bhomu-o pi? Ma akunda napa me, ebhe na eu di ne enu inde u ha e pi aní-e, a ne tata? **20** A mo-o ade. Ma apa mangbo me, li okpála bhende imbila Ebhe de-e du na ha 'he bhú 'ti oebhe gba o-o, u haha pi odjabulu. U haha pi Ebhe de. La-a, ma kunda de me yi kpétse liyi ne odjabulu-o de. **21** Yi ti da nandji vino bhú kópo gba Ngámá Yesu, yi tsia ndjí di bhú bhende gba odjabulu-o de. Yi ti da nazu 'he pi misa gba Ngámá, yi tsia zu di pi misa gba odjabulu-o de. **22** Yi abhundja me ní kpekpeke ane Ngámá-a? Ní akunda me bua aní ke ne ní?

Yi mene ndu 'ngú hana ngubula nadhögé Ebhe

23 Okpála koko bhú ká yi ngapa me: «Ya ne omakilisito, ya ti da namene ndu 'ngú hana.» A na paká,

engú bini, ongú koko ti da nateteke ní de. Yi ngapa me: «Ní ti da namene ndu 'ngú hana.» La-a, ongú koko ti da namene de me okpála koko bhele li kpadji gba Ebhe-e de. **24** A ayo de me kpála 'o bha 'to e 'to e makpe de, engú bini, a ayo me aní 'o di 'to e 'to okpála koko.

25 Yi ti da nazu ndu enu hana inde u ngatsindji e bhú daposo me yi nde yi 'ngú téte de kabula bua nakpokpo ku 'ngú gba yi-o. **26** Padhá de, anga Bhuku gba Ebhe-e apa me: «Doto ne ndu 'he inde bhúbhú-o hana ne tia ka Ngámá.[†]»

27 I du me mupagano nde a'i mu agba e ngú nazu 'he-e, i du me mu nde akunda nanu-o, li mu kolo-o, mu de zu ndu 'he hana u ahá e pi mu-o, mo oyí 'ngú bini de kabula bua nakpokpo ku 'ngú gba mu-o. **28** La-a, i du me kpála nde apa pi mu me enu inde mu ngazu e bhomu-o, a ko enu inde u aha e pi oebhe na eu-o, mo ozá-u de, amba bua nakpokpo kú 'ngú gba kpála inde apa 'ngú ango-o pi mu-o asítí de. **29** Ma ngapa 'ngú bhomu-o pindji 'ngú inde li kpála bhomu-o ti da nabhundja e li bua nakpokpo kú 'ngú gba e-o. Ma pa ngubula bua nakpokpo kú 'ngú gba mu-o de. Ka ní ma améne 'ngú lie li lele mabhundja gba kpála koko, ma nde mene mangbo maka ma ngabundja lie ngama makpe-e di-e? **30** I du me ma nde agie hení pi Ebhe ngubula ezu-o, ka ní li kpála koko nga uu lie sisiti-e?

31 Abhomu-o, i du me yi nde ngazu 'he, i du di-e me yi nde ngandji 'he nandji mandji, i du di-e me yi nde ngamene mangua 'ngú koko dho i-e, yi de mene ndu 'ngú bhomu-o hana ngú nadhögé li Ebhe. **32** Yi améne engú inde li okpála koko ti da natí ka e de, abana omaYuda, abana obhende ne omaYuda ade, abana okpála na Piga gba Ebhe. **33** Ngama-a, ma bhadi ngamene mo-o. Ndu 'ngú ma ngamene e hana, ma

[†] **10:26** 10:26 Tsia bhú Ets. 24:1.

ngamemene me a nga li ndu okpála hana. Ma bha ngabhundja engú inde atéteke ma-a ade. Ma ngabhundja mangbo pindji engú inde i ti da nateteke okpála bhelé, amba Ebhe kobho uo.

11

¹ Yi kpata engú inde ma ngamene e maka ma ngakpata bhende gba Kilisito lie-o.

Lele nadu ka obhosí di ne olisi bhú nedhinga nayo Ebhe

² Ma ngaha apepe pi yi, anga yi ngabhundja ma bhú ndu 'ngú hana. Yi la di ngamene olíli gba omabhuka inde ma asuno e pi yi-o. ³ La-a, ma akunda me yi mbila engú inde: Kilisito ne Ngámá pi 'ndji bhoko. Bhoko ne ngámá pi 'ndji ele. Ebhe ne Ngámá pi 'ndji Yesu Kilisito. ⁴ I du me bhú nedhinga nayo Ebhe, li bhoko du nayo Ebhe, ani du di-e nakpokpo eli inde ani asia e ka Ebhe me ani nde adyi ndata-a, amba ani ngaha bhomu-o námu pi Ngámá gba e-o. ⁵ Engú bini, i du me bhú nedhinga na mayo-o, li ele 'o 'ndji e padhá li nedhinga ani ngayo Ebhe lie, i du di-e li nedhinga ani ngakpokpo eli inde ani asia e ka Ebhe-e lie-e, ele ango-o ngaha námu pi ngámá gba e-o. Ani maka ele inde aka 'ndji e maka. ⁶ I du me ele nde ga kitambala bhú 'ndji e de-e, amana mágito bhomu-o me ani aka 'ndji e maka. I nde la lie me a nde námu pi ele ngú naka 'ndji e ndundundu, i du di-e ma ngbidhidhi-e, a ayo me ani ga kitambala bhú 'ndji e.

⁷ La pi bhoko nedhinga ani ngayo Ebhe lie-e, a ayo de me ani dyi ndata-a de, anga Ebhe abho ani li kulu e. Ani ngasuno sangu gba Ebhe. La pi ele-o, ani ngasuno sangu gba bhoko. ⁸ Yi mbila ndjindji me, Ebhe bho gina bhoko li ele de, engú bini ani abho mangbo gina ele li bhoko. ⁹ La di-e, Ebhe bho

bhoko pi ele de, ani abho mangbo ele pi bhoko. ¹⁰ Kaka-a, i nde lie me Ebhe abho ele mo-o, a ayo me ani ga kitambala bhú 'ndji e ngú nasuno me ani ti da nayo Ebhe, amba oandjelu mbila me ndu 'ngú hana li lelele.

¹¹ Ní mbila ndjindji me kala Ngámá-a, olisi ne gámu obhosí, obhosí la di ne gámu olisi. ¹² Padhá de, anga maka u abho nani ele lie li bhoko-o, a bhadi moko a ngazu bhoko ne ele, la di-e, ndu 'he hana ngayie ka Ebhe.

¹³ Yi pa nga ngayi, a pi ele ndjindji nayo Ebhe me ani nde buku 'ndji e di? ¹⁴ Ndú okpála na píla doto hana mbila ndjindji me a ko námu pi bhoko ngú na'o sundjo e ndjandjandja. ¹⁵ La pi ele-o, ndjandja sundjo-o, a ko bádha 'ngú naali. Padhá de, anga Ebhe aha nani sundjo pi ele ngú nabuku 'ndji e ne di. ¹⁶ I du me kpála nde akunda nabi bhayiki li 'ngú bhomu-o, a ayo me ani mbila me lele dasundu gba ní-e ngae bhomu. Piga gba Ebhe-e alu la bhadi pi 'ngú bini bhomu.

Polo agbele 'dje omabhuka li lele nazu komonyo

(*Tsia bhú Mat. 26:26-29; ne bhú Mlk. 14:22-25; di ne bhú Luk. 22:15-20.*)

¹⁷ Ní kodho 'kpí li 'ngú koko. Ma ti da nadhögé yi téte de. Padhá de, anga nedhinga yi ngakpetse liyi lie ngú nayo Ebhe-e, engú yi ngamene e ngagie mangbo yi ne sidi. A dyudyo yi ne kalanu de. ¹⁸ Na bini-e, u apa máma me nedhinga yi ngake liyi lie bhú dabili bini-e, yi ngagbogbo bhúsü yi. Ma abhundja me a ti la bhadi nadu moko. ¹⁹ A ayo la bhadi me nagbo bhúsü o du bhú ká yi, amba okpála mbila obhende ngakpata Yesu Kilisito ne bua o bini-o. A mo-o adi! ²⁰ Nedhinga yi ngakpetse liyi lie ngú nazu ezü gba Ngámá-a, yi ngabhundja ani bhúbhú ade. ²¹ Okpála koko bha bini ngagbene liio ngú nazu 'he gba o makpe. Ka 'ngú

ango-o, okoko ngalangba, okoko la ngadulù gümü. ²² Gbágبá li yi ade ngú nazú 'he di ne ngú nandji pandi téte-e? Ne me yi ngau Dadjua gba Ebhe-e padhá. Yi atsia akunda naha numu pi okpála inde li ehe nde ka o ade. Yi nga'o 'to yi me ma pá pi yi pi? Ma adhégo yi lele pi me yi ngamene bádha 'ngú-o? A mo-o ade. Ma adhégo yi téte de.

Lele nazú komonyo

²³ Ongú inde ma asuno e pi yi ngama makpe-e, ma asia ka Ngámá Yesu. Engú angó-o me: sukpe inde u adjí apú ani lie pi obhulù yala-a, Ngámá Yesu aha mapá, ²⁴ ani agié hení pi Ebhe, ani agugumù, ani atsia apa me: «A inde-e kute ma inde ma aha e pi yi-o. Yi du amene me-e, ngú nakina ma.» ²⁵ Pita u andjia nazú 'he-e lie, ani aha bhadi kópo na vino moko. Ani atsia apa me: «Vino inde-e, ngasuno gandja na mbia inde li Ebhe akodho e ne yi-o. Gandja angó-o alu pi ngute ma. Ndú nedhinga hana inde yi adú andjindji lie, yi du andjindji ngú nakina ma.» ²⁶ Li bili bhomu-o, Ngámá Yesu akunda napa me: ndú nedhinga hana inde yi azú mapá lie di ne nedhinga inde yi andjí vino lie mo-o, yi bhomu-o ngakpokpo pi okpála mbámbá nakpi ka ani akolo li 'kpí inde ani agié lie-o.

²⁷ Kaka-a, kpála inde azú mapá gba Ngámá Yesu, inde andjí la di vino gba ani-e li lelele de-e, asia mangimbo anga ani andjo kute Ngámá Yesu, ani atsia andjo di ngute ani. ²⁸ A ayo me kpála ne kpála tsia lie makpe ngae bhubhulù, amba pipita-a, ani tsia zu mapá, amba ani ndjí di vino gba ani-o. ²⁹ Padhá de, anga li kpála zu mapá gba Ngámá Yesu, ani tsia ndjí di vino gba ani-e me ani nde ngauu maka i de ehe na padhá-a, ani bhomu-o ngagbele mangimbo pi e ngae makpe. ³⁰ A bhomu-o, engú inde yi ngau ka e me okpála bhelé bhú ká yi ne

kuo, okoko bhubhukù, la di-e, okoko bhelé amu. ³¹ I dú me ní dú atsia bua ní nganí makpe kala nazuzu-o, Ngámá de kódho 'ngú gba ní-e de. ³² Engú bini, Ngámá ngakodho 'ngú gba ní-o, ani di ngalili ní ngubula me ani a'ó galikpe engú pi 'ndjí ní bhú dabili bini ne pi 'ndjí okpála koko de.

³³ Ka 'ngú angó-o, ondaise ma, nedhinga yi ngakpetse liyi lie ngú nazú ezú gba Ngámá-a, yi dje liyi súnda yi. ³⁴ I du me suka yi nde ne gümü-o, a ayo me ani zu ngaiza 'he agba e, ngubula me yi agbélé mangimbo gba Ebhe-e pi yi de bhú nakpetse lie gba yi-o. Pindji ongú koko inde yi ayi e-e, ma agié 'ngú pi yi pépé nedhinga ma akolo lie agba yi-o.

12

Angu inde li Bu Bhabua ngaha e pi kpála ne kpála ngú nateteke Piga gba Ebhe-o

¹ Ondaise ma, pindji engú bhende atsia angu li Bu Bhabua ngaha e pi kpála ne kpála ngú nateteke Piga gba Ebhe-e, ma akunda me yi mbila 'ngú téte. ² Yi mbila ndjindji me nedhinga yi adú nga lie ne omupagano-o, osisiti bua adú agbele yi li pápá gba oebhe na eu inde i gama 'ngú de-o. U atsia amba bhúla yi li okpadji ngangá. ³ Kaka-a, ma apa pi yi mbámbá lele nambila me kpála ngagama 'ngú bhú angu gba Bu Bhabua. Kpála du nagama 'ngú bhú angu gba Bu Bhabua-a, ani ti da napa de me a ayo me u tu pédjø li Yesu-o de. Engú bini, li kpála pa me: «Yesu ne Ngámá-a», a akunda napa me Bu Bhabua akata ani ngae.

⁴ Angu li Bu Bhabua ngaha e pi kpála ne kpála ngú nateteke Piga gba Ebhe-e kpi kpi kpi, la-a, ngaani Bu Bhabua inde ngaha angu angó-o, koli ani bha bini má kpikili!

⁵ Ní ti da namene kulu pi Ngámá Yesu li okpadji ngangá, la-a, ngaani Ngámá Yesu inde ní ngamene kulu

ango-o pi e-e, koli ani bha bini má kpíkili! ⁶ Ebhe ngaha angu pi okpála kpíkpíkpí ngú namene kulu gba ani e ne di. La-a, Ebhe bhulú naha angu bhomú-o pi okpála-a, koli ani bha bini má kpíkili!

⁷ Angu gba Bu Bhopua-a ngasuno lie bhú kpála ne kpála ngubula me ani teteke okpála koko ne angu angu-0. ⁸ Bu Bhopua ngaha pi okpála koko-o angu nagama 'ngú ne imbilangú. Pi okpála koko-o, Bu Bhopua bini bhomú-o ngaha angu nasuno 'ngú gba Ebhe-e pi okpála.

⁹ Bu Bhopua bini bhomú-o ngaha pi okpála koko angu nadú ne nab-huka na kpekpeke. Koli Bu Bhopua bini bhomú-o ngaha pi okpála koko angu nadú nakobho okuo li okpála.

¹⁰ Bu Bhopua ngaha pi okpála koko angu namene ongamba 'ngú. Pi okoko-o, ani ngaha angu nakpokpo engú maka opolofeta. Pi okoko-o, ani ngaha angu nambila nagbogbo bhúsú osisiti bua ne Bu Bhopua. Pi okoko-o, ani ngaha angu nagama 'ngú bhú eli gba oandjelu. Pi okoko-o, ani ngaha angu nambamba tata. ¹¹ Ndú 'ngú bhomú-o hana ngayie ka koli Bu Bhopua bini. Ani ngaha pi kpála bini ne bini angu maka ani akunda lie.

Piga gba Ebhe-e maka kute kpála inde ne oyáyá lie bhelé

¹² Kute Yesu Kilisito maka kute kpála-kuti inde li oyáyá nde lie bhelé. Mu tsia 'lá kpála-kuti-e, yáyá li ani bhelé, kute ani la bha koli e bini má kpíkili! Abana li yá kpála nde lie bhelé-e, ndundú hana amene bha koli kute bini. ¹³ Ndú ní hana, abana omaYuda ne okpála inde ne omaYuda ade, abana okpála inde bhú bali ne obhende bhú ngú o, ndú ní hana ní asia nani batisimo ngú napa me ní kolo maka kute bini li kpadji gba Bu Bhopua bini. Ndú ní hana, ní atsia asia bhadi angu gba Bu Bhopua bhomú-o.

¹⁴ Mu tsia kute kpála-kuti-e, oyáyá téte bhelé, a bha koli e bini ade. ¹⁵ Li

'dhú kpála pa me: «Ma ne yá kpála ade anga ma nde ne kpele kpála ade-e», a ko de me ani ayié yá kpála kaka-a de. ¹⁶ Li 'dje kpála pa me: «Ma ne yá kpála ade, anga ma ne djila kpála ade-e», a ko de me ani ayié yá kpála kaka-a de. ¹⁷ I dú me 'lá kpála-kuti libhomu dú bha ne djila-a, kpála de adú nadje 'kpí lele pi? I dú di me 'lá kpála-kuti libhomu nde bha ne edje-e, kpála de adú nadje se 'he lele pi? ¹⁸ A na paká me Ebhe a'o naní oyá kpála-kuti maka ani akunda lie. ¹⁹ I dú me Ebhe 'ó naní li kpála bha koli yáyá bini-e, u de 'í de me a ko kpála-kuti-e de. ²⁰ Engú bini, a mo-o ade. Oyáyá li kute koli kpála bini-e bhelé.

²¹ Kaka-a, djila ti da napa pi ekpa de me: «Ma ne gúmú mu ade-e de.» La di-e, endji ti da napa pi odhú de me: «Ma ne gúmú yi ade-e de.»

²² Engú bini, oyá kpála bhende ní ngau e me abhúbhuku-o, pi ní ne tata. ²³ Obhe ní ngau e me tata téte naali ade-e, ní ngalilila nane okoko mane. Obhe ní ngadje númú li napa 'ngú o-o, ní ngatsia 'kpí téte ndjindji. ²⁴ Oyá ní bhe li númú nde li ní lie ade-e, ní nga'o 'to ní téte naali ade. Engú bini, Ebhe abho 'lá kpála-kuti da napa me ní dú atsia 'kpí li oyá ní bhe nga'o númú li ní-e ndjindji. ²⁵ Ani amene mo-o ngubula me nagbo bhúsú o adú bhú kute ní de, engú bini, oyá ní hana dú nateteke lio súnda o. ²⁶ I dú me yá kpála bini nde ngazu likabhu-o, ndú okoko hana ngazu likabhu bhú dabili bini ne ani. I dú me u nde ngadhége yá kpála-kuti bini-e, ndú okoko hana ngakpi ndjili ne ani bhú dabili bini.

²⁷ Pi yi-e, yi ndú yi hana ne kute Kilisito, akunda napa me, yi ne oyá ani. Kpála ne kpála ne da e bhú kute Yesu Kilisito. ²⁸ Kaka-a, bhú Piga gba Ebhe-e, Ebhe a'o ngaiza na bini obhulú titima gba Yesu, na bhisi-e, ani a'o okpála bhende ngakpokpo 'ngú maka opolofeta, na

bata ani a'o omusuno. Pipita-a, ani a'o okpála inde ngamene ongamba 'ngú. Pipita-a, ani a'o okpála bhende ngakobho obhulu kuo. Ebhe atsia aha di angu pi okpála koko ngú natsia 'kpí li obi o di ne nateteke uo. Ani a'o okpála inde ngasuno kpadji pi okpála koko. Ani atsia aha di angu pi okpála ngú nagama 'ngú bhú oeli gba oandjelu.

²⁹ Ndú okpála hana ne obhulu titima gba Yesu? Ndú okpála hana ne okpála nakpokpo 'ngú maka opolofeta? Ndú okpála hana ne omusuno? Ndú okpála hana ne angu namene ngamba 'ngú? ³⁰ Ndú okpála hana di ne angu ngú nakobho okpála na kuo? Ndú okpála hana di ne angu ngú nagama 'ngú bhú oeli gba oandjelu? Ndú okpála hana di ne angu ngú namamba ta 'ngú? ³¹ Kaka-a, a ayo me yi bedhe ne gümü namene ongú inde lie ne tata ngú nateteke okpála koko.

Mbia inde-e, ma adji asuno pi yi kpadji inde ane okoko ne bádha ngubula me yi teteke Piga gba Ebhe-e tete.

13

Polo akpo 'ngú pindji mukunda bhú Piga gba Ebhe

¹ Abana i du me ma nde ne angu nadi ndú eli gba okpála hana, i du di-e bhe gba oandjelu , i du me mukunda nde bhú ma ade-e, ma bha bini maka mangbou inde li gili e ngau, i du di-e mbulu ngbengbó inde li gili e ngau kpekpeke. ² I du me ma nde ne angu nakpokpo 'ngú maka polofeta , i du me ma nde ne imbilangú na ndú ongú hana, i du me ma nde ne angu nake mboli ndú ongú li Ebhe awo e mawo, i du me ma nde di ne nabhuka inde i ti da napa me ma 'e ne di eta, i du la me mukunda nde bhú ma ade-e, ma ne ehe na padhá. ³ I du me ma nde apu ndú 'he gba ma-a hana pi obhulu ndibhili, i du me ma nde atse belegú

kute ma me u tsulu bhú djua, i du la me mukunda nde bhú ma ade-e, bhobhomu-o ne tata pi ma ade.

⁴ Kpála inde ne mukunda pi obi e-e, bua ani ndjándjá, ani di ngamene babadha 'ngú pi obi e. Ani ne 'ngbé bua li 'he gba okpála koko ade, a ko pa 'li e de, ani di ne 'ngbé 'ndji ade. ⁵ Kpála inde ne mukunda pi obi e méne engú na numu de. Ani bhéndja bha bini engú gba e kpi e kpi de. Ani ké di 'ngú lie de. Ani gbíte di bua e pi obi e de. ⁶ Kpála inde ne mukunda pi obi e kpi djali li siti 'ngú de. Ani ngakpi mangbo djali li bádha 'ngú. ⁷ Kpála inde ne mukunda pi obi e ngakibila ndú 'ngú hana li okpála amene e li ani-o. Ani ngabhuka ndú 'ngú hana, ani nga'o 'to e ndú nedhinga hana 'to Ebhe, ani di ngagbite bua e ka ndú 'ngú hana magbite.

⁸ Mukunda ndjía 'kpí bini de. La-a, nedhinga akolo makolo li ongú inde li okpála ngakpokpo e maka opolofeta andjía mandjia. Nagama 'ngú bhú oeli gba oandjelu-o andjía mandjia. Angu nasuno 'ngú gba Ebhe-e pi okpála-a andjía mandjia. ⁹ Padhá de, anga angu nasuno 'ngú gba Ebhe-e pi okpála píla doto akódho 'kpí makodho. La di-e, angu gba ní nakpokpo 'ngú maka opolofeta akódho 'kpí makodho. ¹⁰ Engú bini, ekpí li Ebhe ambámba ta ongú na babadha pi ní lie, li ongú bhende libhomu ade-e tsia ndjía.

¹¹ Nani ma adú lie bhú ndili-e, ma adú agama 'ngú maka ndili, ma adú abhundja maka ndili, ma adú di aké mboli 'ngú maka ndili. Engú bini, nedhinga ma abhele lie, ma a'o namene engú bhe na ndilio. ¹² A la bhadi pi ní moko. Bhú mbia inde-e, ní ngau ohe bulusu bulusu mugito me ní ngatsia 'kpí bhú bitolobi bhende na didili. Engú bini, ekpí akólo makolo ní aú ndú 'he hana má ngilili ne djila ní! Bhú

mbia inde-e, imbilangú gba ma-a mbila ndú 'ngú hana de. Engú bini, ekpí akólo makolo ma tsia mbíla ndú 'ngú hana má ngilili maka Ebhe ambila ma lie ngae makpe-o!

¹³ Ngú nabu tata-a, ní mbila me ongú bata inde-e yie bhú da o de. Ongú ango-o ngae inde: nabhuka Ebhe, na'o 'to o 'to ani, a la di-e nadú ne mukunda pí ani di ne pí obi o. La-a, bhú káká hana-a, nadú ne mukunda pí Ebhe di ne pí obi o, ane ndú obhe bhisi bhomú-o hana.

14

Nakpokpo 'ngú maka polofeta ane nakpokpo 'ngú bhú oeli gba oandjelu

¹ Yi mene ne kpéke me yi du ne mukunda pí obi yi. Yi du ne gumú angu li Bu Bhopua ngaha e pí kpála ne kpála ngú nateteke Piga gba Ebhe-o, ane la mane angu nakpokpo 'ngú maka polofeta. ² Kpála inde ngakpokpo 'ngú bhú oeli gba oandjelu ngakpokpokpo pí Ebhe. Ani kpo pí okpála de, anga kpála bini ke mboli engú ani ngakpokpo e de. Ani ngakpokpo bhú angu gba Bu Bhopua ta ongú inde li Ebhe awo ta e mawoo.

³ Engú bini, kpála inde ngakpokpo 'ngú maka polofeta-a, ngakpokpokpo pí okpála ngubula nabe ndú nabhuka gba uo-o, ngú nato masi bhú uo di ne ngú nateteke bua uo. ⁴ Kpála inde ngagama 'ngú bhú eli gba oandjelu-o ngabe ndú nabhuka gba e kpi e kpi. Engú bini, kpála inde ngakpokpo 'ngú maka polofeta bhú oeli li ndú okpála hana ngadje e-e, ngabe ndú nabhuka gba okpála na Piga gba Ebhe-e libhomu.

⁵ Ma ne gumú me ndú yi hana yi du nagama 'ngú bhú oeli u mbila e de. La-a, a nga matá li ma naali me yi du nakpokpo ongú maka opolofeta. Padhá de, anga kpála du nakpokpo 'ngú bhú oeli gba oandjelu-o, a ayo me kpála koko du ngú nambamba tata. I du mo-o de-e,

kpála bhende ngakpokpo 'ngú maka polofeta ngabe ndú nabhuka gba okpála na Piga gba Ebhe-e libhomu ane mane.

⁶ Ondaise ma, ma yi nga yi: i du me ma nde ago agba yi, ma nde ngagama 'ngú pí yi bhú oeli gba oandjelu-o, tata pí yi téte ne ni? Tata bini ade. A ayo mangbo me ma go kpokpo 'ngú pí yi bhú eli inde yi ambila e, belegu i du engú li Ebhe ambamba ta e muma, i du di-e me ma go ha pí yi imbilangú na mbia, i du di-e me ma go kpokpo 'ngú pí yi maka polofeta, ne me ma go suno 'ngú pí yi, a ayo me yi mbila tata-a ndjindji.

⁷ Yi bhundja nga pindji omavulu mbálá. U du na'u mbálá-a, u 'u li lelele de-e, mo ombíla salisali-e lele pí? A bhadi moko pí dumú. ⁸ La di-e, i du me bhulú na'u mbala nde 'u li lelele de-e, okpála aléke lio ngú egú lele pí? ⁹ A bhadi pí yi moko. Okpála aké mboli engú yi ngapa e bhú eli na gandji gandji-e lele pí, i du me u nde mbila eli bhomú-o de-e? A mana me yi ngagama 'ngú pí anvi. ¹⁰ Oeli píla doto kpikpikpi. Engú bini, ndündu hana abhú 'ngú. ¹¹ La-a, li kpála du nagama 'ngú bhú eli inde ma mbila e de-e, kpála bhomú muma ne gandji kpála, ma di pí ani ne gandji kpála. ¹² A bhadi pí yi moko. Maka yi akunda lie ne bua yi hana nasia angu gba Bu Bhopua-a, yi gili naali nadú okpála inde ngabe ndú nabhuka gba okpála na Piga gba Ebhe-o.

¹³ Kaka-a, kpála bhende ngagama 'ngú bhú eli gba oandjelu-o, a ayo me ani yo ka Ebhe angu nambamba ta eli ango-o. ¹⁴ Padhá de, anga i du me ma nde ngayo Ebhe bhú ngua eli bhomú-o, bua ma bhú mayo na paká paká, engú bini, imbilangú gba ma-a li kulu bini ade. ¹⁵ I du mo-o, a ayo me ma mene pí? A ayo me ma yo Ebhe bhú eli gba oandjelu, engú bini, ma ayó di ani ne imbilangú gba ma-o. A ayo me ma li 'tsi bhú eli gba oandjelu-o, engú bini, ma alí di

ne imbilangú gba ma-o. ¹⁶ Padhá de, anga i du me mu nde ngagie hení pi Ebhe bha bhú oeli gba oandjelu-o, kpála bhe yi nde ne e bhú 'ti Ebhe-e apá me: «A adu moko» li mayo gba mu nagie hení-e lele pi me, ani nde mbila engú mu ngapa e de-e? ¹⁷ A bana i du me mayo gba mu nagie hení-e nde bha babadha naali-e, i du bhú oeli gba oandjelu-o, a be ndu nabhuka gba kilí mu yi nde ne e bhú 'ti Ebhe-e de.

¹⁸ Ma ngagie hení pi Ebhe anga ma ngagama 'ngú bhú oeli gba oandjelu-o ane ndu yi hana. ¹⁹ Engú bini, i du me ya nde apo bhúla ya ne omaha Ebhe-e, ma uu ndjindji me ma pa engú bhuluvue inde li okpála adjé e ne tata ngubula nasuno 'ngú pi uo, ane me ma pa engú kete ndjikpa bhú oeli gba oandjelu.

Pindji nakpokpo 'ngú bhú eli gba oandjelu-o, yi du nabhundja maka obhelesi okpála

²⁰ Ondaise ma, pindji ongú ma apa e pi yi bhomu-o, yi adú abhundja pépé maka ongisi de. Yi du ne odjedje ongisi li pápá na siti 'ngú. Engú bini, yi du ne obhelesi okpála li pápá na nabhundja 'ngú. ²¹ U aye bhú Bhuku gba Ebhe-e me, Ebhe Ngámá apa me:

«Li kpadji gba ogandji okpála ne bhú 'li uo-o, ma agáma 'ngú pi omaha ma.

Abana mo-o, u djé ma de.[†]

²² Kaka-a, nagama 'ngú bhú oeli na gandji gandji-e, a ko ehe inde ngasuno mangimbo gba Ebhe-e pi okpála inde i bhuka de-o. La-a, pi okpála bhende abhuka-a, a pi uo ade. Nakpokpo 'ngú maka polofeta-a, a pi omabhuka . La-a, pi obhende i bhuka de-e, a pi uo ade.

²³ I du me yi nde apo bhúla yi ngú nayo Ebhe-e, li ndu yi hana holo nagama 'ngú bhú oeli gba oandjelu-o, i du me okpála bhende

i mbila 'ngú bhomu-o de-e, i du di-e obhende i bhuka de-e go oo, u pá de me yi ne obhulu pele-e di? ²⁴ La-a, i du me yi nde ngakpokpo 'ngú maka opolofeta-a, li okpála bhe imbila engú bhomu-o de, i du di-e okpála bhe i bhuka de-e go li bhú ká yi-e, u tsia kó mboli siti 'ngú gba o-o. Engú inde u ngadje e hólo bua uo. ²⁵ Ongú inde awo lie li bua uo-o zé li zi 'kpí. Abhomu-o, u tú 'ndji o ne kuto. Ú tsia dhégé Ebhe ne napa me: «Ebhe bhú ká yi na paká!»

Yi du amene 'ngú bhú Piga gba Ebhe-e li lelele

²⁶ Ondaise ma, ní abú tata-a lele pi? Nedhinga yi apo bhúla yi lie ngú nadhögé Ebhe-e, kpála bini bhú ká yi ti da nali etsi, koko ti da nasuno eli gba Ebhe pi okpála, koko ti da nakpokpo engú li Ebhe ambamba ta e pi ani, koko ti da nagama 'ngú bhú oeli gba oandjelu, li koko tsia mbámba tata. A ayo me yi mene ndu 'ngú bhomu-o hana da napa me abe ndu nabhuka gba okpála gba Ebhe-o.

²⁷ I du me okpála holo nagama 'ngú bhú ká yi bhú oeli gba oandjelu-o, a ayo me a de du okpála bhisi, i du bhisi de-e, a de pise bhú bata. A ayo la di me u du agagama bini bini, kpála bini nde ngambamba ta 'ngú u ngagama e-o. ²⁸ Li kpála nambamba ta 'ngú bhomu-o du de-e, a ayo me kpála inde i di me gama 'ngú bhomu-o ndjili bhú ká yi má bulu! Ani nu gama bha bini pi Ebhe agba e. ²⁹ Pi okpála bhe ngakpokpo 'ngú maka opolofeta-a, a ayo me okpála bhisi, i du di-e bata gama 'ngú, amba okpála koko lo doto bhú 'ngú u ngakpokpo e-o. ³⁰ La-a, i du me Ebhe nde asuno engú koko na mbia pi súka yi inde bhú ká yi oo, a ayo me kpála bhende ngagama 'ngú-o 'o nga nagagama, ngubula me kilí ani-e gama 'ngú.

[†] 14:21 14:21 Tsia bhú Isa. 28:11-12.

³¹ Kaka-a, yi du nagama 'ngú maka opolofeta, a ayo me yi gama bini bini. Yi mene mo-o ngubula me ndu omaha Ebhe hana sia imbilangú, amba yi to di masi bhú ndu uo hana.

³² Okpála inde ngakpokpo 'ngú maka opolofeta-a, a di bhú uo ne angu ngú nagbite 'bhé o pi engú li Ebhe asuno e pi uo-o.

³³ Padhá de, anga Ebhe kunda de me ní du amene 'ngú púpulu-o de. Engú bini, ani akunda mangbo me ní du amene 'ngú li kúkú. Maka u amemene lie bhú ndu oDadjua gba Ebhe-e hana,

³⁴ nedhinga yi apekébhé bhúla yi lie ngú nayo Ebhe-e, a ayo me olisi* ndjili má bulu! U ha kpadji pi uo ngú nagama 'ngú oo de. A ayo me u ndjili ma bulu ngú nadje 'ngú u ngakpokpo e-o, maka li lili gba Moidje apa lie-o.

³⁵ I du me u nde akunda nambila 'ngú pindji ongú bini bini-e, u de yi obhosí gba o-o akuti. A ndjindji ade me ele gama 'ngú bhú makpötse gba omabhuka.

³⁶ Aiya! Ne me yi ngabhundja me eli gba Ebhe-e ayie agba yi, ne me eli ango-o, a ko bha bini na yi 'he kpi yi kpi?

³⁷ Li kpála bhundja me ni ne polofeta-a, ne me ani bhundja me ni asia angu gba Bu Bhabua-a ngú nabe ndu nabhuka gba okpála gba Ebhe-e, a ayo me ani mbila me engú inde ma aye e pi yi inde-e, a ko lili ayie ka Ngámá.

³⁸ Engú bini, ani bhuka mo-o de-e, Ngámá mbila di ani de.

³⁹ Kaka-a, ondaise ma, yi gili ne bua bini nadu nakpokpo 'ngú maka opolofeta. La-a, yi ayóko okpála de me u agáma 'ngú bhú oeli gba oandjelu-o de-e de.

⁴⁰ A ayo mangbo me ndu 'ngú bhomu-o dhukú li lelele, yi améne bhú tolo de.

15

Nabhuka gba ní-e alu pi nazuku

gba Yesu Kilisito

¹ Ondaise ma, ma akunda matá nakpokpo pi yi Bápda Ngali inde yi asia e, inde yi adhedhe di lie má kpakala-o!

² Bápda Ngali ango-o ngakobho yi, i du me yi nde ngalilila maka nako ma akpokpo pi yi lie-o. I du mo-o de-e, tata li nabhuka gba yi-e ade.

³ Ma asuno pi yi ongú na ng-bengbengbe inde ma asia e ka Yesu Kilisito-o. Engú ango-o me: Yesu Kilisito akpi pindji mugwe gba ní-o, maka u aye lie bhú Bhuku† gba Ebhe-o.

⁴ U azi ani, ani atsia azuku bhú 'kpí na bata maka li Bhuku gba Ebhe-e apa lie-o.†

⁵ Ani azuku lie, ani akoto li Piele. Pipita-a, ani akoto li obhulü titima ndjikpa ne ká bhisi gba e-o.

⁶ Pipita-a, ani akoto li omukpata gba e nane kámá bhuluvue mane bhú nedhinga bini. Bhalé na uo nga bha bhúka, okoko amu.

⁷ Pipita-a, ani akoto li Djaki, ani atsia akoto di li ndu obhulü titima gba e hana.

⁸ Pita ndu uo hana-a, ani akoto di li ma, belegü ma du lie ne tetele kpála de-o.

⁹ Ma ne bhulü titima na yeye ane mane bhú ká obhulü titima-o.

A na paká me, ma ti belegü da napa de me kpála 'i ma me bhulü titima gba Yesu-o de. Padhá de, anga ma ato nani mbolo li Piga gba Ebhe-o.

¹⁰ Engú bini, bhú bápda bhú 'bu gba Ebhe-e, ma maka ma nde lie inde. Bápda bhú 'bu gba ani nani ani aha e muma bhomu-o padhá ade. La-a, ma amene kulu kaka naali nane obhulü titima koko hana. Angu ango-o yie ka ma de, bápda bhú 'bu gba Ebhe-e adú mangbo namene kulu bhú ma ngae.

¹¹ Kaka-a, abana ma, abana obhulü titima koko-o, a bhomu-o Bápda Ngali inde ya ngakpokpo e-o, a la bhadi bhomu-o Bápda Ngali inde yi abhuka e-o.

* ^{14:34} 14:34 Abana li olisi nde lie ne angu ngú nayo Ebhe-e, di ne nagama 'ngú maka opolofeta-a bhú ká omabhuka-a, u ha nani kpadji pi uo ngú nalo doto bhú ongú li opolofeta adú apa e de. Tsia bhú 1 Kol. 1:11, 5. † ^{15:3} 15:3 Tsia bhú Isa. 53:5-12. † ^{15:4} 15:4 Tsia bhú Oz. 6:2; di ne bhú Luk. 24:34-49.

A na paká me okpála azúku di mazuku

¹² Bádha Ngali ya ngakpokpo e me Yesu Kilisito azuku. I du la me a nde mo-o, lele pi li okpála koko bhú ká yi ti da napa lie me okpála inde amu-o zúku de-e? ¹³ I du na paká me okpála inde amu-o nde zúku de-e, bhabhomu-o akunda napa di me Yesu Kilisito zuku de. ¹⁴ I du la me Yesu Kilisito nde zuku de-e, akunda napa me tata bini li Bádha Ngali ya ngakpokpo e ade, tata bini la di li nabhuka gba yi-e ade.

¹⁵ I du me Yesu Kilisito nde zuku de-e, amba akunda napa me ní ngapa eu li Ebhe. Padhá de, anga ní ngapa pi okpála me Ebhe azuku Yesu Kilisito bhú ka okpála inde amu-o. La-a, ani mene mo-o de, i du me okpála nde zúku di de-o. ¹⁶ Padhá de, anga i du me okpála nde zúku de-e, bhabhomu-o akunda napa di me Yesu Kilisito zuku de. ¹⁷ I du me Yesu Kilisito nde zuku de-e, bhabhomu-o akunda napa me tata bini li nabhuka gba yi-e ade, yi nga bha sa mangimbo gba Ebhe.[†] ¹⁸ A akunda di napa me okpála bhende amu me u nde abhuka Kilisito-o, amu dudu ma ne dudu ma. ¹⁹ I du me nganí omabhuka ní nde a'o 'to ní 'to Kilisito bha bini ngubula mukobho inde-e, amba ní ne okpála na likabhu naali nane okpála koko.

²⁰ La-a, a mo-o ade, a bha ndju na paká me Kilisito azuku bhú ka okpála inde amu-o! A ko kpála na gigina inde azuku bhú kuo. ²¹ Padhá de, anga koli kpála bini amene naní me kuo li píla doto, koli kpála bini koko atsia amene la bhadi me okpála amu-o zuku. ²² Ndú okpála hana ngamu, anga ní ne opiga gba Adamu. Ndú okpála hana inde abhuka Yesu Kilisito asia bhadi mukobho ka ani. ²³ Engú bini, kpála ne kpála azúku li nedhinga gba e. Kilisito azuku naní kalanu. Li

nedhinga ani agó lie, li okpála gba ani-e tsia zúku di.

²⁴⁻²⁵ Abhomu-o, Yesu Kilisito méne me ndú osisiti angu hana kolo padhá. Ani tsia kó angu e pi ndú okpála na angu hana inde ngagú ani-o. Padhá de, anga a ayo me ani u ngámá akólo bha makolo li Ebhe a'ó ndú obhulu yala gba ani-e lie hana sa 'dhú ani-o. Pipita-a, li 'ngú na doto ndjia. Ani tsia gíe nau-o pi Ebhe 'Dyi e.[†] ²⁶ Bhulu yala na soso inde li Ebhe abhéle e-e, a ko kuo. ²⁷ Padhá de, anga u aye bhú Bhuku gba Ebhe-e me: «Ebhe a'o ndú 'he hana má kpékébhé sa 'dhú ani![†]» Engú bini, i du me u nde apa mo-o, a mbámbá me u to Ebhe bhúbhú de. Ani sa Ndili gba e ade. ²⁸ Li ndú 'he hana a akólo lie sa angu gba Kilisito-o, li ngaani makpe Ndili-e, ani tsia 'ó lie makpe sa angu gba Ebhe, ngubula me Ebhe u ngámá pi 'ndji ndú 'he hana má da!

Pindji 'ngú nazuku ka okpála inde amu-o, yi apité liyi de

²⁹ Okpála koko bhú ká yi ngasia batisimo mada okpála inde amu-o. Uo ngasia ni? I du me okpála inde amu-o nde zúku de-e, uo la ngasia batisimo mada uo ka ni? ³⁰ I du me okpála nde zúku de-e, ka ni ya ngazu likabhu lie ndú nedhinga hana-a? ³¹ Ondaise ma, a na paká me ndú 'kpí hana kuo de ma masikpe. A la bhadi paká me ma ne gindaginda kabula yi akpetse liyi lie ne Ngámá gba ní Yesu Kilisito-o. ³² A bhú gudhu na Efeso-o, ma azu likabhu naali sakpa okpála. A mana mugito me ma adu agu gbele ne onu 'te. I du me ma nde ngabhundja bha bini ndú ongú na doto-o, gbele angoo atéteke ma lele pi? I du me okpála inde amu-o nde zúku de-e, bhabhomu asuno me engú inde u apapa e me: «Ní zu 'he, amba ní ndji di vino, anga ní amú mambi-e![†]» A ko kukulu 'ngú.

[†] 15:17 15:17 Tsia bhú Lom. 6:8-11. [†] 15:24-25 15:24-25 Tsia bhú Ets. 110:1. [†] 15:27 15:27 Tsia bhú Ets. 8:7. [†] 15:32 15:32 Tsia bhú Isa. 22:13.

³³ Yi apíte liyi de. Yi mbila me, mʉ kʉ dhʉkʉ ne kpála na siti 'ngú-o, mʉ tágba di siti 'ngú. ³⁴ Yi gie liyi li ngbili kpadjí, amba yi améne matá siti 'ngú de. Okpála koko bhʉ ka yi mbila Ebhe de. Ma ngapa mo-o, ngubula me yi sia nʉmʉ.

Bhʉ nazuku ka okpála-a, kʉte ní adjí lie na mbia

³⁵ Kpála bini tí da nayi ma me: «Okpála inde amu-o, azúku lele pi? Kʉte u azúku ne e adú lele pi?»

³⁶ Ma gie pi ani me, ngamu-o, mʉ ne ngingi. Ngua inde mo olu e ti da nake-e de, i dʉ me a nde zi de ko. ³⁷ Ngua inde mo olu e, i dʉ di-e dadha, i dʉ di-e ngua koko-o, mʉ ngalu bha bini lili. Mʉ lu lálá bhende akə-o de. ³⁸ Pita li ngua akə lie, li Ebhe há pípi lálá na mbia maka ani akʉnda lie. Ani ngaha pi ngua ne ngua 'lá e makpe.

³⁹ Kʉte ndʉ 'he hana inde bhʉ mukobho-o bhadi kpi kpi kpi. Kʉte kpála-kʉti kpi ne bhende gba onʉ, bhende gba odhu di ne bhende gba osungu. ⁴⁰ A ne oehe inde na abhʉlá, a la di ne oehe na kuto ei. Bádha gba oehe na abhʉlá-a kpi ne bhende gba oehe na kuto ei. ⁴¹ A li ela ne zí e, a li epe ne zí e, a la di li oiküpala ne zí o. Belegʉ bhʉ ká oiküpala-a, zí uo kpi kpi kpi.

⁴² A adú bhadi moko li okpála amu-o azúku lie-o. Kʉte inde u azi e azi mazi. Kʉte inde azuku-o zí matá-a de. ⁴³ U azi maka ehe li tata nde lie naali ade, li angu nde bhʉ e ade. Li azúku lie-e, a abédhe ne angu, i tsia dʉ di babadha. ⁴⁴ Nedhingga nazizi-e, a ko kʉte na doto. Li azúku lie, a adú kʉte inde li Bu Bhobua ngaha mukobho pi e ngae. A ne kʉte na doto, a la di ne kʉte inde li Bu Bhobua ngaha mukobho pi e. ⁴⁵ A maka u aye lie bhʉ Bhuku gba Ebhe-e me: «Adamʉ nani ne kpála-kʉti na kalanʉ, ani asia mukobho ka Ebhe.†» La-a, Kilisito u a'i e me Adamʉ

na bhisi-e abedhe ne Bu Bhobua, ngaani-e, ani ngaha mukobho pi okpála.

⁴⁶ Ehe na kalanʉ inde u ngau e-e, a ko kʉte na doto. Pipita-a, u tsia ú la kʉte inde li Bu Bhobua ngaha mukobho pi e-o. ⁴⁷ Adamʉ, kpála na kalanʉ li Ebhe abho e nani ne kpála-kʉti, Ebhe abho ani li doto. Kilisito, Adamʉ na bhisi-e ayie naae abhʉlá. ⁴⁸ Kʉte okpála-kʉti maka kʉte kpála li Ebhe abho nani e li doto-o. La-a, kʉte okpála inde azúku ngú nanʉ abhʉlá-a, adú bhadi maka kʉte kpála inde ayie abhʉlá. ⁴⁹ Mbia inde-e, ní maka kpála inde li Ebhe abho e li doto. Kpí bini, ní adú bhadi maka kpála bhende ayie abhʉlá-o.

Ngámá Yesu Kilisito aha angu kuo

⁵⁰ Ondaise ma, ma apa pi yi me kpála-kʉti lí bhʉ Nau gba Ebhe-e ne kʉte na doto inde-e de. Kʉte inde nazi mazi-e ti da nadʉ dudʉma ne dudʉma de.

⁵¹ Yi gbo nga dje yi, ma adji nambamba pi yi inde ta 'ngú inde li Ebhe awo e nakolo pi mbia inde-o. Ní mʉ ndʉ ní hana de,† engú bini, ndʉ ní hana, kʉte ní adjí lie madji, i tsia kólo na mbia. ⁵² Engú ang-o-o améne lie bhʉ nedhingga bedi, maka nakopo ka djila, nedhingga u a'ú toti na soso lie-o. Li a aú lie, okpála inde amu-o azúku ne kʉte inde i kpi matá-a de. La nganí bhende bhʉ mukobho-o, kʉte ní adjí lie na mbia. ⁵³ Padhá de, anga a ayo me kʉte ní inde nakpi makpi inde-e dji lie, akolo kʉte inde i kpi matá-a de, i tsia zí la di matá de.

⁵⁴ Nedhingga li kʉte nakpi makpi-e akólo lie kʉte i kpi-i de-e, li kʉte nazi mazi-e akólo lie kʉte i zí-i de-e, li engú inde u aye e bhʉ Bhuku gba Ebhe-e tsia kólo mbámbá. U aye bhʉbhʉ me: «Ebhe aha angu kuo aha, kuo matá ade.†» ⁵⁵ U aye mata di me:

† **15:45** 15:45 Tsia bhʉ Dje. 2:7. † **15:51** 15:51 Tsia bhʉ 1 Tes. 4:15. † **15:54** 15:54 Tsia bhʉ Isa. 25:8. † **15:55** 15:55 Tsia bhʉ Oz. 13:14.

«Oo kuo! Angu mu mo oko pí okpála
ne e su?

Oo kuo! Angu mo obhibhili
okpála ne e su?[†]

⁵⁶ Angu li kuo ngabhili okpála ne e-e,
ngayie ka siti 'ngú. Angu li siti 'ngú
ngabhili okpála ne e-e, ngayie bhú
lili gba Moidje . ⁵⁷ La-a, a ayo me
ní toko Ebhe inde amene me ní ha
angu siti 'ngú di ne angu kuo kabula
Ngámá gba ní Yesu Kilisito-o!

⁵⁸ Abhomu-o, ondaise ma na
mukunda, yi lu kpekpeke, u apité
yi de. Yi nu ndu kpí hana ne kulu
gba Ngámá-a ne kalanu. Yi mbila
hana me kulu inde yi ngamene e pi
Ngámá-a, nu padhá de.

16

Tia inde ayo napo e pi omabhuka na Yelusalema

¹ Ma adjí apa mbo engú inde-e
pi yi pindji tia inde yi ngapo e pi
omaha Ebhe inde bhú Yelusalema-
o. Yi mene matá maka ma aha nako
lili lie pi omabhuka na ndu doto na
Galatia-o.[†] ² Ndu 'kpí yinga hana, a
ayo me kpála ne kpála 'o mbo té tia
inde ani asia e li ngongo, nakpata
lele bhende li Ebhe aha e pi ani-o. Yi
wo tia bhomu-o nganda yi, ngú napa
me ma gó lie, ní apó matá bhéla tia
de. ³ Nedhinga ma kólo lie agba yi-e,
ma ayé balua pindji tia bhomu, ma
tsia tíma okpála bhende yi alo o bhú
ka yi-e ne di ngú nanu na'o'o abhú
Yelusalema. ⁴ I yo me ma nu di-e, ya
anu ne uo bhú dabili bini.

Onú inde ayo me Polo nu e-o

⁵ Ma agó agba yi pita nakodho 'kpí
ka ma bhú ndu doto na Makedonia,
anga ma apú bhú ndu doto bhomu.
⁶ Nedhinga koko-o, ní adú mbo ne yi
ngú nedhinga bedi. Koko-o, ní adú
ne yi oo ngú nadjeke me nedhinga
na zini-e kodho 'kpí. I du me ní nde
asi ekpí bhe ayo me ní si e ne yi-e asi-
e, yi tsia teteke ma ngú nanu li obili
bhe ma adjí lie-o. ⁷ Padhá de, anga
mbia inde-e, ma kunda bha nau yi

ne nakodho 'kpí ka ma makodho de.
Ma ngabhundja me, i du me Ebhe
nde akunda-a, ma de go sidi, amba
ní bhue mbo ne yi ngengele.

⁸ Mbia inde-e, ma ngabhundja me
ma du nga bha bhú Efeso si nakolo
bhú 'kpí na Patekote. ⁹ Padhá de,
anga Ebhe abhulu 'bho 'ti muma
mbámbá ngú namene kulu gba ani-
e ne angu ma hana si, belegu li
okpála bhelé nde lie ngagu kulu ma
ngamene e lie-o.

¹⁰ Kaka-a, li Timoté kolo-o, yi mene
me ehe bini ato zini bhú ani agba yi
oo de, anga ani ngamene kulu gba
Ngámá-a maka ma ngamemene lie-
o. ¹¹ Kpála bini aú ani bhú djila
e padhá de. Yi teteke mangbo ani
me ani dhuku bhú guo 'ngú ngú
nakolo li bili ma nde lie-o, anga ma
ngadjeke ani ne ondaise ní inde u
agó ne o-o.

¹² Li 'ngú bhende atsia ndai
ní Apolosi-e, ma ayo ka ani
bhutsibhutsi me ani nu agba yi bhú
dabili bini ne ondaise ní koko ngú
natsia yi. La-a, ani kunda nga nanu
oo mbia inde-e de. Ani sia nedhinga-
a, ani tsia nu.

Polo yi matá omabhuka na Kolito mayi

¹³ Yi du li zuku, yi lu kpekpeke bhú
'bu nabhuka , bua yi adú ne tsulu de,
yi du ne angu. ¹⁴ Yi mene ndu 'ngú
yi ngamene e hana ne mukunda.

¹⁵ Ondaise ma, yi mbila Etieni ne
uo ne pigi gba e hana. Yi mbila hana
me u adjí nani bua o bhú ndu doto
na Akai kalanu ngao, u atsia aha li
ngubula nateteke omabhuka. Kaka-
a, ma ayo ka yi me: ¹⁶ yi manga
ongua okpála bhomu-o mamanga.
Yi manga di okpála inde ngamene
kulu ne kekele bhú dabili bini ne uo
mamanga.

¹⁷ Ma ne djali naali li nago nako
ka Etieni, ne Folotunasi ne uo ne
Akaikusi-o. Ma ngau uo lie, a mana
mugito me ma ngau yi ndu yi hana.

[†] 16:1 16:1 Tsia bhú Lom. 15:25-26.

¹⁸ U ato masi bhú ma maka u ato di nako masi bhú yi lie-o. Ongua okpála bhomú-o, a ayo bha ndju namanga uo mamanga.

¹⁹ ODadjua gba Ebhe ìnde bhú ndu doto na Adjia yi yi ma yi. Akwila ne Pilisila bhú dabili bini ne omabhuka ìnde ayoyo Ebhe agba uo-o, yi yi ne 'li Ngámá mayi. ²⁰ Ndú ondaise ní ìnde ei hana yi yi ma yi. Yi yi li yi súnda yi ne nakama liyi li kúte yi.

²¹ Ma yi yi ma yi. Engú ìnde ma aye e me ma yi yi mayi bhomú-o, ma aye ne 'kpa ma makpe. ²² I dú me kpála nde kúnda Ebhe de-e, u de tø podjo li ani! Malanata: a ayo me Ngámá gba ní-e gógo! ²³ A ayo me bádha bhú 'bu gba Ngámá Yesu-o dú bhú dabili bini ne yi. ²⁴ Ma kúnda ndú yi hana naali ka ní akpetse líní ne yi lie bhú 'bu Yesu Kilisito-o .

- 13:10
Eli na soso 13:11-13

Balua na bhisi gba Polo pi omabhuka na gudhu na Kolito Eli na kalanu

Balua na bhisi inde li Polo aye nani e pi okpala na Kolito, ani aye bhú nedhinga inde u du adje lio lie ne omabhuka na Dadjua na gudhu na Kolito de-o. Omabhuka koko na Dadjua gba Ebhe adu nani nagu Polo naali. Engú bini, ani asuno 'ndjá bua gba e ngú nadje lie ne uo, ani atsia adje djali naali li nedhinga li engú bhomu-o andjia lie sunda uo-o.

Engú na bini bhú balua inde-e, Polo ngakpo 'ngú pindji nadje lio ne okpala na Dadjua na Kolito, ani akpo ta ani agie 'ngú lie kpekpeke li sobho inde adu bhú Dadjua gba Ebhe-o, ne nagu inde li okpala na Kolito adu agu Dadjua gba Ebhe-e ne e-o. Polo atsia asuno di djali gba e, padhá de, anga egú inde ani agu e, amene me okpala dji di bua o amba u tsia dje di lio. Pipita-a, ani atsia ayo ka okpala na Dadjua gba Ebhe-e me u ha makiso ne bádha bua, ngubula nateteke omabhuka inde bhú ndibhili bhú Dadjua na Yudaya ne di. Bhú oalo na soso-o, Polo ngakpokpo 'ngú pindji kulu gba e na bhulü titima pi okpala koko na Kolito inde ngau lio me ni ne obhulü titima na kükülu gba Yesu ngaani. Padhá de, anga okpala ango-o adu apa me Polo ne bhulü titima na eu.

Ongbengbe ongú inde bhú bhuku inde-e ngae inde:

Eli na kalanu 1:1-11

Polo a la di-e Dadjua gba Ebhe na
Kolito 1:12 - 7:16

Makiso pi omabhuka na Yudaya
8:1 - 9:15

Nakpokpo 'ngú gba Polo ne angu
maka bhulü titima gba Yesu 10:1

*Polo yi omabhuka na gudhu na
Kolito mayi*

¹ Ma aye balua inde-e ngama Polo bhú dabili bini ne ndai ni Timoté. Ma aye pi yi omabhuka na Dadjua gba Ebhe inde bhú gudhu na Kolito di ne pi yi obhende bhú ndu doto na Akai-e libhomu. Ebhe amene ngae me ma du ne bhulü titima gba Yesu Kilisito. ² A ayo me Ebhe 'Dyi ni ne Ngámá Yesu Kilisito suno bádha bhú 'bu gba o-o pi yi, amba u ha di guo 'ngú pi yi.

*Omabhuka na Kolito ngazu
likabhu bhú dabili bini ne Polo*

³ A ayo me u toko Ebhe. A ko 'dyi Ngámá gba ni Yesu Kilisito. A ko 'dyi ni inde abedhe ne ndjinga bedhe. A ko Ebhe inde ngateteke bua kpala bhú ndu 'ngú hana. ⁴ Ani ngateteke bua ni bhú ndu olíkabhu gba ni-e hana, ngubula me ni teteke bua okpala bhende ngazu likabhu-o, li kpadji na angu inde, nganí makpe, ni asia e ka ani-o. ⁵ Maka ya nde lie ngazu likabhu ne Kilisito na paká paká-a, ani bhadi ngateteke bua ya na paká paká. ⁶ I du me ya nde bhú likabhu-o, a ko ngubula me yi sia angu di ne mukobho. I du me bua ya nde aké-o, a ko ngubula me yi sia di angu. Angu ango-o ngaha pi yi nakibila ngua olíkabhu inde ya nde ngakibila e-o. ⁷ Ya nga'o to ya me Ebhe atéteke yi mateteke. Padhá de, anga ya ambila ndjindji me yi ngazu likabhu bhú dabili bini ne ya. Li Ebhe aké bua ya lie-e, bua yi aké bhadi moko.

⁸ Ondaise ya, ya akunda me yi mbila ngua likabhu inde ya azu e bhú ndu doto na Adjia* ndjindji. Ya azu likabhu naali, likabhu ango-o aha angu ya maha. Ya du abhundja de me ya akóto bhúbhú makoto de.

⁹ Ya adu abhundja li bua ya me ekpi

* **1:8** 1:8 Adjia: A ko ndu doto adu nani bhú kuti na Tiliki na naki-o. Efeso du nani ne 'ngbé gudhu na kuti ango-o ngae.

gba ya-a ale. La-a, engú bhomú-o akolo li ya ngubula me ya a'ó nabhuka gba ya-a bhú ya makpe de, ya 'o bha bini bhú Ebhe kpi e kpi. Aní ngazuku okpála inde amuo ngae. ¹⁰ Aní agbegbe ya bhú nakpi bhomú-o ngae. Aní agbégbe matá ya bhú okoko magbegbe. Ya la di nga'o 'to ya me aní agbégbe galikpe ya bhúbhú magbegbe. ¹¹ Ebhe améne bhobhomú-o, i du me yi nde akpètse liyi ne ya bhú dabili bini bhú mayo-o. Abhomú-o, nedhingga li Ebhe adjé mayo gba yi-e lie, aní tsia há bádha bhú 'bu gba e pi ní padhá, li okpála bħelé tsia gie di hení pi aní.

Polo apa me ni nú nga bhú Kolito mbia inde-e de

¹² Ehe inde ya nde ka e bhú djali ngae inde: bua ya ngaziba me ya adħukkha bhú ká okpála ne nake liya ne kuto bhú dabili bini ne nawo 'ngú de. Ebhe akunda me ya dhukkha bhú ká yi moko. Ya dhukkha bhú ka yi ne imbilangú inde i yie ka okpála de. Engú bini, ya ngadħukkha ne bádha bhú 'bu li Ebhe ngaha e pi ya ngae. ¹³⁻¹⁴ A ayo me yi mbila engú bhomú, anga bhú obalua ya aye e pi yi-e, ya aye bha engú inde yi ti da natanga e, yi ti di da nake mboli e ndjindji. Nakolo pi mbia inde-e, yi dje nga ya má kpulukutu de! Engú bini, ma abhundja me yi ahólo nadje ya má kpulukutu madje! Abhomú-o, li 'kpí li Ngámá Yesu agó lie, yi akpí djali li 'ngú gba ya maka ya nde di lie ngakpi djali li 'ngú gba yi-o.

¹⁵ Ma adu nako ne nabhuka bhú 'ngú bhomú-o. Kaka-a, ma adu akunda me ma apu agba yi bhutsibhutsi bhisi, amba yi sia di bádha bhú 'bu bhutsibhutsi na bhisi. ¹⁶ A akunda napa me ma akunda nako nanu agba yi kala nanu bhú Makedonia.[†] Pipita-a, ma adu di akunda me ma gie matá lima

[†] **1:16** 1:16 Makedonia: A ko ndu doto bhú kati gba o Giliki. A li pápá na Abebe. [‡] **1:23** 1:23 Nalila: Polo akunda me ni 'o nedhingga pi okpála na Kolito ngú nadji bua o li 'ngú u amene e li ani-o.

agba yi ngubula me yi teteke ma ngubula nanu bhú Yudaya.

¹⁷ Nedhingga ma apa lie pi yi me ma améne mo-o, ma apa ne 'li ma bhisi bhisi? A mo-o ade. Nedhingga ma nga'o oekpa gba ma-a lie, ma'o li mabhundja inde ayie ka ma makpe de, ngú napa me ma aziba engú ne nayayala bhú dabili bini. ¹⁸ Ebhe apá li ma ngae me engú ma apa e pi yi inde-e, ma pa ne eli bhisi bhisi de. ¹⁹ Padhá de, anga Yesu Kilisito, Ndili gba Ebhe inde ya akpokpo engú gba e pi yi-e, ngama Polo, ne Sila bhú dabili bini ne Timoté, aní go nani ngú naziba 'ngú ne nayayala bhú dabili bini de. Engú bini, aní memene engú inde aní ngapa e-o.

²⁰ Ndú 'ngú li Ebhe apa me ni améne e pi ní-e, améne lie kabula Yesu. Kaka-a, ya ngaziba me adu moko ne 'li aní ngú nadhego Ebhe. ²¹ Ebhe abħu ya ngae makpe, la di-e, ngaani makpe ngato angu bhú ya bhú dabili bini ne yi li kpadji gba Yesu Kilisito-o. ²² Aní a'o di Bu Bħobua gba e li bua ní ngú nasuno me ní ne naanī okpála. Maka aní aha Bu Bħobua gba e lie pi ní-e, ní ambila bhadi me aní ahá di ndu oħe koko inde aní apana e pi ní-e maha.

²³ Ne 'li Ebhe, li ma pa eu-o, Ebhe de bhølø ma. Kabula nalila[‡] yi-e, ma kunda nanu agba yi bhú Kolito mbia inde-e de. ²⁴ A ko de me ya ngakunda naa ngámá pi nabhuka gba yi-e de ngú napa me yi bhuka bha bini bhende ya ngakunda e de. Padhá de, anga yi alu kpekpeke bhú nabhuka gba yi-o. Ya akunda mangbo namene kulu bhú dabili bini ne yi ngubula me bua yi du bhú djali.

2

¹ Abhomú-o, ngama-a, ma apa li bua ma me a ndjindji ade me ma nu

nga agba yi-e de. Padhá de, anga ma asítí matá bua yi ne toto* ² Lí ma ha siti pí bua yi-e, a há matá djali mūma da? Padhá de, anga kpála inde li bua e asiti-e, tí matá da naha djali mūma de. ³ Kaka-a, ma aye balúa bhomú-o pí yi, maka ma aye nako lie bhú balúa gba ma na kalanú-o.† Ma kúnda nako de me ma kolo agba yi-e, bua ma de siti matá ka okpála inde ayo nako me u ha djali mūma-a de. Ma ambila na paká me nedhinga ma nde lie bhú djali-e, ndú yi hana di bhú djali. ⁴ Nedhinga ma aye balúa bhomú-o lie pí yi-e, bua ma adú me a nde abedhe ne likabhu di ne tsúlú bedhe. Maaku belegú egbá. Yi abhúndja de me ma aye balúa bhomú-o pí yi ngú na siti bua yi-e de. Ma aye mangbo ngú nasuno pí yi lele mukúnda ma nde pí yi ne e ko.

Polo apa me u mbu li kpála inde amene siti 'ngú-o

⁵ Lí 'ngú bhende atsia kpála inde amene siti 'ngú-o, aní asiti bua ndú yi hana ane ma mane. Engú bini, ma kúnda napa 'ngú tété ne na'e'e bhú da e ma'e de. Aní siti bua ndú yi hana de, la-a, aní asiti bua té okpála bedí bhú ká yi. ⁶ Okpála bhelé bhú ká yi ambe bhú 'ndjí kpála bhomú-o ambe. Ma abhundja me a pise moko. ⁷ A ayo ibili mangbo mbia inde-e me yi suno bádha bhú 'bu pí aní, amba yi to masi bhú aní, ngúbulu me likabhu ahá angu aní má tsitsidha de! ⁸ Kaka-a, ma ayo ka yi me yi suno mukúnda gba yi-e pí aní. ⁹ Ta naye balúa gba ma na kalanú-o pí yi-e, a ko ngúbulu nale yi, amba ma mbila me yi nani bedhe ngú namene ndú 'ngú inde ma apa e pí yi-e hana. ¹⁰ Yi suno

bádha bhú 'bu pí kpála-a, ma asúno bádha bhú 'bu pí aní. Lí ma mbu li siti 'ngú-o, i dú me engú na sisiti ngú nambu tété ka ma nde uu-o, ma ambú tété ka yi kala Yesu Kilisito . ¹¹ Ma amene mo-o ngúbulu me Satana apité ní li 'ngú bini de. Padhá de, anga ní mbila engú inde ani akúnda namene e ndjindji.

Polo adú akúnda me Tito go bhaka ni bhú gúdhú na Túluasi ne ngali gba omabhuka na Kolito

¹² Nedhinga ma akolo lie bhú gúdhú na Túluasi ngú nakpokpo Bádha Ngali gba Yesu Kilisito-o, ma au me Ngámá abhulu 'bhé bhotí mūma ngú nakpokpokpo abhulu. ¹³ Engú bini, ma azú likabhu li bua ma naali anga ma bhaka ndai ma Tito de. Kaka-a, ma abhana líma pí okpála na Túluasi, ma atsia atapa bhú ndu doto na Makedonia.

Polo ngadhegé Ebhe kabula kulu gba e-o

¹⁴ Engú bini, a ayo me ya dhége Ebhe, anga aní ngaké pí ya ndú 'kpí hana kalanú bhú galasisi‡ inde ngasuno me Yesu Kilisito agboko 'gú pí 'ndjí ndú 'he hana agboko. Aní ngatima ya ne ndú bili hana ngúbulu nasuno Yesu Kilisito pí okpála. Nambila aní-e, a maka bádha se 'he inde ngapu ne ndú bili hana. ¹⁵ A ko paká. Ya maka mungotsi inde li se e nde babadha, inde li Yesu Kilisito aha e pí Ebhe. Se mungotsi ango-o ngapu pí okpála inde li Ebhe ngakobho o di ne okpála bhende ngangita.

¹⁶ Pí okpála bhende bhú ngítá-a, se mungotsi bhomú-o sisiti, pí uo-o, se mungotsi ango-o ngatima uo bhú kuo.§ Pí okpála bhende li Ebhe

* **2:1** 2:1 Ne toto: Polo anú nani bhú gúdhú na Kolito, súka mabhuka bini na Dadjua gba Ebhe-e atsia asobho aní, engú bini Dadjua gba Ebhe-e tsia gama 'ngú tété de. † **2:3** 2:3 Balúa na kalanú: A ko bha ndú balúa na bini gba Polo pí omabhuka na Kolito de. A ko balúa inde angita pí ní-o.

‡ **2:14** 2:14 Bhú galasisi: Polo ngabundja pindji 'ngbé ngámá gba osúdha inde ngagie lie bhú 'gú me aní agboko 'gú-o agboko. Okpála ngabchia kuo li aní ne natsulu mungotsi. § **2:16** 2:16 Bhú kuo: Bhú galasisi-e, adú nani ne osúdha inde agboko 'gú, adú la di ne obhende u agboko o bhú 'gú-o. Obhende u agboko-o, adú nani nadjeke kuo.

ngakobho o-o, se m̄ngotsi bhom̄-o babadha, a ngaha p̄i uo m̄kobho. A moko! A li nakpokpo Bâdha Ngali-e ne tata na ngbéngbé. A ti da namemene da? ¹⁷ Ya maka okpála koko bhelé ìnde ngakpokpo eli gba Ebhe-e li nasia tia ade. Engú bini, ya mangbo ngakpokpo 'li Ebhe kala ani bhú ngbili 'ngú , bhú nakpötse lio ne Yesu Kilisito.

3

Omabhuka ne balua inde li Yesu Kilisito aye e-o

¹ Engú ìnde ma aye e bhom̄-o akunda napa me ya akunda matá na'o liya ngaya makpe abhúlá? Ya ne gumu balua ngú nasuno p̄i yi me ya ne obhulü titima gba Yesu ade. Ya di ne gumu ade me yi ye balua p̄i ya ngú nadhukü ne di me ya d̄u nasusuno p̄i okpála. La pi obhulü titima koko-o, a ayo balua. Ya maka uo ade! ² Yi ne balua gba ya-a ìnde li Yesu Kilisito aye e li bua ya-a ngayi makpe. Nd̄u kpála hana ti da nambimbila ne natatanga. ³ A ko paká, a mbámbá me yi ne balua ìnde li Yesu Kilisito aye e ngae, ani atsia atima sakpa ya. Ani ye ne 'ngu balua de. Ani aye mangbo ne Bua gba Ebhe ìnde uu-o. Ani ye p̄i opapala teme[†] de, ani aye mangbo li bua okpála-kuti.[†]

Polo ngamene kulu gba Ebhe-e li lele gandja na mbia

⁴ Ya ngabhuka bhú ongú bhom̄-o anga Yesu Kilisito apana p̄i ya me Ebhe atima ya ngae. ⁵ A ko de me ya ngamene ngua kulu bhom̄-o ne angu gba ya makpe-e de, ya mene bhú 'ndji ya de. Ebhe ngaha angu bhom̄-o p̄i ya ngú namemene ngae. ⁶ Ebhe aha angu p̄i ya ngú nad̄u okpála na kulu na gandja na mbia-a ngae. Gandja ango-o lu pí líli ìnde u aye nani e maye-e de, alu mangbo p̄i Bu Bhopua . Líli ìnde u

aye nani e ngato kpála bhú kuo. La-a, Bu Bhopua naae ngaha p̄i okpála m̄kobho.

Sangu na gandja na mbia ane bhende na didili-e mane

⁷ Nedhinga li Ebhe aye nani líli lie p̄i opapala teme ngú nahaha p̄i Moidje-e , sangu gba Ebhe-e adu asu bhúla ani. Abana li zizi adu andjia lie bhúla Moidje-e, a adu nga bha kpekpeke. Omaſsalaele ti nani belegu da natsia bhúla ani de.[†] Ní au me belegu li gandja na didili adu ato kpála lie bhú kuo-o, adu bhadi ne sangu. ⁸ I d̄u mo-o, gandja na mbia ìnde li Ebhe ngaha Bu Bhopua gba e p̄i ní bhú e asúno sangu gba Ebhe ane mane. A mo-o adi! ⁹ I d̄u me kulu gba Moidje ìnde adu nato okpála bhú kuo nde nani ne sangu-o, asi la masi p̄i kulu na mbia gba Ebhe ìnde ngamene me okpála d̄u ngingbili-e, a asúno sangu gba ani-e ane mane di! ¹⁰ Ní ti belegu da napa me sangu ìnde akoto nani bhom̄-o matá ngau lie ka sangu na naki ìnde-e ade, anga a ane bhe nani na kalanu-o mane. ¹¹ Padhá de, anga i d̄u me gandja na didili, ìnde akoto nani ngú nedhinga bedi-e nde akoto ne sangu-o, asi la masi maka gandja na mbia ìnde ngabhue duduma ne duduma-a?

¹² Ya ne nabhuka bhú gandja na mbia-o. Kaka-a, ya ti da napa 'ngú pi yi mbámbá. ¹³ Ya mene maka Moidje de. Padhá de, anga Moidje adu nani nabuku bhúla e ne bongo ngabula me omaſsalaele aú lele maka zi sangu gba Ebhe ìnde adu asu bhúla ani-e d̄u abulü lie de-o. Zi sangu ango-o adu la bha nani ngú nedhinga bedi. ¹⁴ Omaſsalaele ango-o, agbite nani bua o má ki! Ngú nakolo p̄i naki-e, li ongisi gba uo d̄u natanga ongú ìnde u aye e bhú gandja na didili-e, u ke mbolimboli de. A mana mugito me bongo ngabuku tata-a p̄i uo. Bongo bhom̄-o bha bini nga'e lie me kpála nde

[†] 3:3 3:3 Tsia bhú Eki. 24:12. [†] 3:3 3:3 Tsia bhú Djlm. 31:33. [†] 3:7 3:7 Tsia bhú Eki. 34:29.

akpötse lie ne Yesu Kilisito. ¹⁵ Abana pi naki, ndu nedhinga hana inde li omafsalaele ngatanga obhuku gba Moidje lie, u ke mbolimboli de.

¹⁶ Engú bini, maka u aye bhú bhuku gba Ebhe-e lie me, li kpála dji bhúla e li pápá gba Ngámá Ebhe-e, oehe inde li pála bongo abuku e ú lie mbámbá. ¹⁷ A ko paká, Ngámá Ebhe-e, a ko Bu Bhopua. La-a, bili li Bua gba Ngámá-a nde li e, okpála inde oo bhú ngú o, a ko matá obalise na líli gba Moidje de. ¹⁸ Ndu ní hana inde li bongo nabuku bhúla ní-e ayie bhúla o ayie, ní ngasuno sangu gba Ngámá maka bhú bitolobi. Abhomu-o, Ngámá inde di Bu Bhopua-a ngadji ní me ní kolo maka ní, ne sangu inde nganu bha ne kalanu.[†]

4

Ebhe ngasuno angu gba e bhú bhuku gba obalise gba e-o

¹ Ebhe bhú bádha bhú 'bu gba e aha pi ya kulu nakpokpo Bádha Ngali. Kaka-a, ya gie liya ne sidi de. ² Ya ayala ndu 'ngú na pepe, i du di-e bhe na námu-o hana. Ya mene ehe bhú kali de, ya kpötse di 'li Ebhe bhú dabili bini ne engú na eu de. Ya mangbo ngasuno ngibili 'ngú pi okpála mbámbá. Ya ngamene mo-o kala Ebhe ngubula me okpála hana mbila me lele nadhukú gba ya-a ngingbili. ³ La-a, i du me Bádha Ngali inde ya ngakpokpo e nde mbámbá ade-e, a mbámbá ade bha bini pi okpála inde ngangita-o. ⁴ U ngabhuka ade anga Satana, ebhe na doto inde-e angbingi imbilangú gba uo-o angbingi. Ngaani ebhe ango-o amene me u aú zi 'kpí inde bhú Bádha Ngali-e de. A ko zi 'kpí na sangu gba Kilisito. Ngaani-e, ani mana Ebhe libhomu. ⁵ Nedhinga ya ngakpokpo Bádha Ngali-e lie, a ko de me ya ngakpokpo engú gba ya makpe-e de. Ya ngakpokpo me Yesu

[†] 3:18 3:13-18 Tsia bhú Eki. 34:29-35. [†] 4:6 4:6 Tsia bhú Dje. 1:3. [†] 4:13 4:13 Tsia bhú Ets. 116:10.

Kilisito ne Ngámá ngae. La pi ya-a, ya bha naaya ne obalise gba yi kabula ani. ⁶ Padhá de, anga Ebhe apa nani me: «Zì 'kpí su bhú biti![†]» Ani amene ngae makpe me zi 'kpí gba ni-e su li bua ya ngubula me ya mbila sangu gba ni inde ngasu bhúla Yesu Kilisito-o.

⁷ Oehe na babadha bhomu-o, Ebhe a'o bhú ya. Engú bini, ya bhúbhukú maka madakpa. Ebhe amene mo-o ngú nasuno me angu na ngangamba bhomu-o yie bhú ya de, ayie mangbo bhú ni. ⁸ Ya ngazu ndu ngua likabhu hana, engú bini, likabhu bini ha nga angu ya de. Bua ya angamba, engú bini, ya ngaholo bua ya. ⁹ Okpála ngato mbolo li ya, engú bini, Ebhe 'o ká ya de. U agbo 'i ya, engú bini, u bhélo ya de. ¹⁰ Ya ngadhukú ne kuo ndu 'kpí hana sa so ya maka Yesu, ngubula me mukobho gba ani u di lie bhú lele nadhukú gba ní-o. ¹¹ Ndu nedhinga hana ya nde lie bhú mukobho-o, kuo de ya masikpe kabula Yesu. Abhomu-o, u tsia tí da di nau mukobho gba ani-e bhú lele nadhukú gba ní píla doto-o. ¹² Kaka-a, kuo ngamene kulu bhú ya ngubula me mukobho du namene kulu bhú yi.

¹³ Bhuku gba Ebhe-e ngapa me: «Ma abhuka mu Ngámá, kaka-a, ma atsia agama 'ngú.[†]» Ngaya di-e, ya abhuka Ngámá, kaka-a, ya atsia agama di 'ngú. ¹⁴ Ya ambila me Ebhe inde azuku Ngámá Yesu bhú ká okpála inde amu-o, azuku di ya bhú dabili bini ne ani. Ani tsia 'ó di ya bhú dabili bini ne yi de e. ¹⁵ Ndu 'ngú ya ngakibila e hana-a, a ngubula yi, amba ngayi okpála inde li Ebhe ngasuno bádha bhú 'bu gba e pi yi-e, yi du nabe ndu yi ane mane. Abhomu-o, mayo gba yi nagie hení pi ani-e tsia bé di ndu e. Bhophomu-o tsia há sangu pi Ebhe.

¹⁶ Kaka-a, ya gie liya ne sidi de. Abana li kute ya du nandala-

a, ya ambila me bua ya ngasia angu na mbia ekpí bini ne bini hana. ¹⁷ Likabhu ya ngazú e mbia inde-e mbomboyé, ní tsia sangu na ngbéngbé inde ngadjeke ní-o. Sangu ango-o ane ndú 'he hana, a la di ngabhue dudu'ma ne dudu'ma. Olikabhu ní ngazú e inde-e ngaleke ní ngú nasia sangu bhomú-o. ¹⁸ Padhá de, anga ní nga'o 'to ní 'to engú i u lie ne djila de-o. Ní 'o 'to ní 'to engú inde ngau lie ne djila de-e de. Ehe bhende ngau lie ne djila ngabhue naali ade, engú bini, ehe i u lie ne djila de-e, ngadú dudu'ma ne dudu'ma.

5

Kute na mbia inde li omabhuka asía e abhú'lá-o

¹ Ní mbila hana me li etí inde ní nde bhú e kpi-e, a ka ní ne etí koko abhú'lá a akunda napa me, ekpí bini, ní akpí makpi, ní tsia 'ó ka kute na doto inde. Etí li Ebhe aleke e pi ní-e, okpála yiki ngao de. Etí ango-o adú dudu'ma ne dudu'ma. ² Nedhinga ní nde lie bhú kute inde-e, ní ngalopolo liní anga gümü gba ní na ngbéngbé-e me ní dyi kute na abhú'lá maka bongo na mbia. ³ Nedhinga ní a'ó ka kute na doto inde-e lie, ní dú abhú'lá mandí kute de. Ní asia kute na mbia. ⁴ Ní mbila hana me ní nde nga bha lie bhú kute na doto inde-e, ní ngalopolo liní mugito me ní abi tili 'he. A ko de me ní ngagili nadú mandí kute-e de. Ní mangbo ngagili me ní dyi kute na abhú'lá ngubula me mukobho ha angu ehe bhe na kukuo-o. ⁵ Ebhe aleke ní ngubula mukobho ango-o ngae makpe. Ani atsia aha ngaiza Bua gba e pi ní bhú ka ohe inde ani aleke e pi ní-o.

⁶ Ní mbila hana me, nedhinga ní nde lie bhú kute na doto inde-e, ní nga bha tsutsu de bili li Ebhe Ngámá nde lie-o. Abana inde lie mo-o, ní abedhe ndú 'kpí hana ne masi. ⁷ Padhá de, anga ní ngadhukú li lele nabhuka makpe, ní dhukú li

lele nakpata engú ní ngau e ne djila ní-e de. ⁸ A moko, ya abedhe ne masi bedhe. Ya la di ne gümü nayie bhú kute inde-e ngú nanu nadú dengo Ngámá gba ní-o. ⁹ Engú inde li bua ya ngae inde, a ayo me ya mene engú inde anga li Ebhe, abana ya dú bhú kute inde, abana ya yie bhú kute ango-o. ¹⁰ Padhá de, anga a ayo me ndú ní hana ní ze bhú djila Yesu Kilisito ngú napa me aní kodho 'ngú gba ní-o. Abhomú-o, li kpála ne kpála tsia sía ehe inde atí ne engú li aní amene e li nedhinga aní adú lie bhú kute na doto-o. Kpála ne kpála asia makalá na bádha 'ngú, i dú di-e bhe na siti 'ngú inde aní amene e-o.

Ebhe nga'i okpála bhú 'li ya

¹¹ Ya mbila hana me namanga Ebhe ne ni-ie. Kaka-a, ya ngagili me ya to bhú 'ndjí okpála me u bhuka Bádha Ngali ya ngakpokpo e-o. Kala Ebhe-e, ní ti da nawo liní de. Ma ngabhundja la di me kala yi-e, ma wo lima de. ¹² Ya kunda matá de me ya kpokpo 'ngú gba ya-a pi yi ngaya makpe de. Engú bini, ya ngakunda na'o yi me yi dú ne gindaginda li 'ngú gba ya-o. Abhomú-o, yi ti da nagie 'ngú pi okpála inde ngau ngbengbe ongú bhende i ngau lie mbámbá, inde i tsia 'kpí li 'ngú bhende li bua kpála de-o.

¹³ I dú me ya nde ne obhulú pele maka li okpála koko ngabhubhundja lie-e, a ko kabula Ebhe. I dú me ya nde ne obhulú pele ade-e, a ko ngubula nateteke yi. ¹⁴ Engú inde ngatima ya me ya mene kulu inde-e ne kekele-e, a ko mukunda li Yesu Kilisito nde ne e pi ya-o. Ya ambila ndjindji me Yesu Kilisito akpi mada ndú okpála hana. Kaka-a, bhú djila Ebhe-e, ndú okpála hana amu bhú dabili bini ne aní. ¹⁵ Aní akpi ngubula ndú okpála hana, amba ndú obhende bhú mukobho adú matá akobho bhú ngú o de, engú bini, u dú akobho pi kpála inde akpi, atsia azuku pi uo-o.

¹⁶ Kaka-a, ya matá ngatsia kpála ne djila bhe na kpála-kuti ade. A ko paká ya adú nako natsia Yesu Kilisito ne djila bhe na kpála-kuti, la mbia inde-e, ya matá ngatsia ani mo-o ade. ¹⁷ Nedhingga li kpála akpetse lie lie ne Yesu Kilisito-o, ani akolo kpála na mbia. Lele dasundu gba ani na kalanu-o andjia. A ibili bhú ani ne lele dasundu na mbia. ¹⁸ Ebhe ngamene ndu 'ngú bhomu-o hana ngae. Ani atima Yesu Kilisito me ani go to guo 'ngú súnda ní ne o. Ani aha kulu bhomu-o pi ya ngae me ya nu gbele okpála koko de ni, amba ni to guo 'ngú súnda ní ne uo. ¹⁹ Padhá de, anga Ebhe adú namene kulu ngú nato guo 'ngú súnda o ne okpála-kuti li kpadji gba Kilisito. Ani tsia matá siti 'ngú gba uo de. Abhomu-o, Yesu Kilisito atsia atima ya me ya kpokpo pi okpála lele maka a ayo lie me u sia guo 'ngú súnda o ne Ebhe-o.

²⁰ Bhabhomu-o akunda napa me Yesu Kilisito atima ya ngae makpe. A na paká me Ebhe nga'i okpála bhú 'li ya. Kaka-a, ya ngayo ka uo ne 'li Yesu Kilisito me, u 'o me Ebhe to guo 'ngú súnda o ne e. ²¹ Yesu Kilisito mene nani siti 'ngú belegu de bini. Engú bini, Ebhe a'o kíli siti 'ngú gba ní-e li 'ngbu ani, ngubula me li kpadji gba ani-e, ní sia ngasa nakolo ngbingbili bhú djila Ebhe.

6

¹ Ya ngamene kulu bhú dabili bini ne Ebhe. Ìnde lie mo-o, ya ngayo ka yi me, yi au bádha bhú 'bu li Ebhe apana e pi yi-e padhá de, ² Padhá de, anga Ebhe apa bhú Bhuku gba e me: «Nedhingga akolo lie me ma mene bádha 'ngú pi yi okpála gba ma-a, ma adje yi.

Nedhingga akolo lie me ma kobho yi-e, ma ateteke yi.[†]»

Ondaise ma, yi gbo 'dje yi, a ko mbia ìnde-e nedhingga na babadha, a ko nedhingga na mukobho.

Likabhu li Polo azu e asuno me a ko kükülu bali gba Ebhe

³ Ya kunda namene engú bini de ìnde améne me okpála ti ka e-o, anga i du mo-o de-e, u pá 'ngú li kulu gba ya-a sisiti. ⁴ Bhú ndu 'ngú ya ngamene e hana-a, ya akunda mangbo nasuno pi okpála me ya ne obalise na kükülu gba Ebhe. Abana ya du nasia mangua likabhu dhoie, abana u du nato mbolo li ya, ya bha ngakikibila makibila. ⁵ U abhi ya, u amba ya bhú tìkpù, u ato kpéke ndji bhú 'ndji okpála me u mene ya sisiti. Ya abhèlè kuo ya ne kulu masikpe da napa me ya asia belegu nedhingga nala ne nazu 'he de. ⁶ Bua ya kala Ebhe bubu, ya ngasuno me ya ambila ongú gba Ebhe-e má kpulukutu! Ya ne 'ndjá bua, ya ne bádha bua, Bu Bhabua bhú ya, ya la di ne mukunda na kükülu.

⁷ Ya ngakpokpo kükülu 'ngú pi okpála bhú angu gba Ebhe. Lele bádha nadhuku gba ya-a pi ya maka tia 'gú ngú naha 'gú ne obhulu yala gba ya-o. A di pi ya maka kopí ngú nalila liya ne di sakpa obhulu yala gba ya-o. ⁸ Okpála koko ngamanga ya, okoko ngau ya bhú djila o padhá. Okpála koko ngatoko ya, okoko ngasobho ya. Okpála ngau ya mugito me ya ne obhulu eu, ya nde la ngapa kükülu 'ngú-o. ⁹ Okpála koko ziba de me ya ne obhulu titima gba Yesu-o de, engú bini, okpála bhelé ngaziba ya. Okpála koko ngau ya mugito me ya ne omakpiakolo, ya nde la bhú mukobho-o. U ngato mbolo li ya, engú bini, ya mu de. ¹⁰ Abana li bua ya ngabi likabhu lie ka okpála naali-e, ya bha ndu 'kpí hana bhú djali. Ya bhú ndibhili, engú bini, ya ngamene me okpála bhelé kolo obhulu tia kala Ebhe. Ya

[†] 6:2 6:2 Tsia bhú Isa. 49:8.

ngau liya bhú djila okpála mágito me ehe bini ka ya píla doto inde-e ade. La-a, bhú ngbingbili-e, ndú 'he hana ne naaya 'he.

¹¹ Ngayi ondaise ya na Kolito-o, ya agama 'ngú pí yi mbámbá. Ya wo engú inde li bua ya-a belegü de bini.

¹² Pi ya-a, ya gbite bua ya pí yi de, yi agbite mangbo bua yi pí ya ngayi.

¹³ Ma ngagama 'ngú pí yi mágito me yi ne ongisi ka ma. Ma ngapa pí yi me: «Yi gie mukunda ya nde ne e pi yi-e pí ya. Yi awó engú inde li bua yi-e pí ya de.»

Yi akpétsø liyi ne omúpagano de

¹⁴ Yi akpétsø liyi bhú dabili bini ne omúpagano ngú namene ehe ne uo de. Ehe inde ngbingbili-e ti da nakpétse lie bhú dabili bini ne ehe na sisiti-e lele pi? Zi 'kpí ti da nakpétse lie bhú dabili bini ne biti lele pi? ¹⁵ Yesu Kilisito ti da nadje lio ne djabulu lele pi? Kpála inde abhuka Yesu-o ti da nadú ne mabhundja bini ne kpála bhende i bhuka de-e uu? ¹⁶ Nganí-e, ní ne 'ngbé 'ti Ebhe inde uu. 'Ngbé 'ti Ebhe ti da nakpétse lie ne 'ti atolo belegü de bini. A maka li Ebhe apa lie li 'ngú gba omaha e me:

«Ma adú bhú ká uo,

ma tsia dhúku bhú dabili bini ne uo.

Ma adú ne Ebhe gba uo, u tsia dú ne omaha ma.[†]

¹⁷ Ka 'ngú ang-o-o, Ebhe Ngámá apa pí uo me:

«Yi ze bhú ká omúpagano maze,
yi adú ne uo bhú dabili bini de.

Yi abú 'kpa yi li 'he inde kala ma sisiti-e de,
abhomu-o ngama-a, ma tsia ziba yi.[†]

¹⁸ Ma adú ne 'dyi yi,
yi tsia dú ne ongisi gba ma.
Ngámá Angbamili apa mo-o.[†]

[†] 6:16 6:16 Tsia bhú Lev. 26:11-12; ne bhú Edj. bhú Isa. 52:11; di ne bhú Edj. 20:34, 41.

37:27; di ne bhú Dilm. 32:28. [†] 6:17 6:17 Tsia 6:18 Tsia bhú 2 Sam. 7:8, 14.

7

¹ Ondaise ma na mukunda, Ebhe apa me engú inde ni apa me ni améne e pi ni-e, ni améne mamene. I nde lie mo-o, a ayo me ni vél liní bhú ndú osisiti 'ngú inde ngato zibotu li kute ni ne bua ni-e hana. Ni mene ne kpéke me ni du bubu kala Ebhe ne namanga ani mamanga.

Polo akpi ndjili ka li omabhuka na gudhu na Kolito adjı bua o lie-o

² Ondaise ma, yi 'o ya li bua yi! Ya amene siti 'ngú li pabili gba kpála bini de. Ya a'e kpála bini li kpadji gba Ebhe-e de. Ya ha 'he ka kpála bini bhú napite ani de. ³ A ko de me ma ngapa 'ngú bhomu-o ngú na'o mangimbo pi yi-e de. A maka ma de apa lie-o, ya ne mukunda pi yi naali. Ehe bini gbó bhusu mukunda ya nde ne e pi yi-e de, abana i du nakpi, abana i du me ni nde bhú mukobho. ⁴ Yi ne kpíkpí na bua ma. Ma ne gindaginda naali li 'ngú gba yi-o. Bhú ndú likabhu ya ngazu e hana, ya gie liya ne sidi de, ya abedhe mangbo ne djali bedhe.

⁵ A ko paká, abana nedhinga ya akolo lie bhú Makedonia, ya sia belegü nedhinga bedi ngú naguo de. Ya asia okpekpeke da 'ngú ne ndú pasu hana. Ya du ne guo 'ngú súnda ya ne okpála koko de, ya atsia adú ne tsulu. ⁶ Engú bini, Ebhe inde atoto masi bhú okpála inde andala-a, abedhe matá ya ne masi li nedhinga li Tito agie lie lie-o. ⁷ Ya bedhe bha ne masi ka nago ka ani-e de, engú bini, ngali ani akpokpo e pi ya-a ato di masi bhú ya ngae. Ani akpokpo pi ya lele maka yi ato masi bhú ani lie-o. Ani akpokpo pi ya me yi abedhe ne gümü nau ma bedhe. Ani apa me yi ngakina liyi ka osisiti 'ngú yi amene e-o. Ani apa me yi ne gümü nago nateteke ma bhú egú

ma ngagú e ne obhálu yala gba mā-o. Ma adje lie mo-o, ma abedhe matá ne djali bedhe.

⁸ Ma ambila me balua* inde ma aye nako e pi yi-e aha babuma pi yi naali. Ma ti nako da nadje likabhu li bua ma téte, padhá de anga, ma ambila me balua bhomu-o aha likabhu pi yi ngú nedhinga bedi. Engú bini, bua ma ne likabhu téte mbia inde-e ade.

⁹ A na paká me, ma mangbo ngakpi djali. Ma kpi djali ango-o ka babuma yi asia e ka ma-a de. Engú bini, ma ngakpi djali anga babuma yi asia e amene me yi dji bua yi. Babuma yi asia e bhomu-o, yi asia li lele maka li Ebhe akunda lie-o. Inde lie mo-o, ya mene yi sisiti de. ¹⁰ Padhá de, anga li kpála sia babuma li bua e li lele maka li Ebhe akunda lie-e, babuma ango-o há pi ani nadji bua e. Ani dji bua e-e, ani tsia kóbho. Ya ti da nadje likabhu li bua ya téte lele pi? Engú bini, li kpála sia babuma li bua e, i du me ani nde dji bua e de-e, bhabhomu-o ngagbele pi ani nakpi.

¹¹ Babuma yi asia e, yi asia li lele maka li Ebhe akunda lie-o. Yi tsia nga obabadha 'ngú inde li babuma ango-o azu e bhá yi-o: a ngaha pi yi me yi du ne bádha bua ngú naleke 'ngú súnda yi má gala! Yi asuno mbámbá me yi li bhá siti 'ngú de.[†] Yi ngake 'ngú liyi li siti 'ngú ango-o. Yi ne tsúlu li 'ngú inde li siti 'ngú ango-o ti da nazu e-o. Yi abedhe ne gámu nau ma di ne namene engú li lele maka li Ebhe akunda lie bedhe. Yi bedhe ngú na'o 'ngú pi kpála inde amene siti 'ngú-o. Yi apana mbámbá me ngayi makpe-e, yi li bhá 'ngú bhomu-o de.

¹² Li ma ye balua pi yi-e, ma ye ka 'ngú gba kpála inde amene siti 'ngú-o de. Ma ye di ka 'ngú gba kpála bhe u amene siti 'ngú li e de. Ma aye mangbo ngú nasuno me

* 7:8 Balua: A ko balua na bini gba Polo pi omabhuka na Kolito de. A ko balua inde ani aye e atsia angita-o. † 7:11 7:11 Tsia bhá 2 Kol. 2:5-11. * 8:1 8:1 ODadjua gba Ebhe na Makedonia: A ko obhende bhá Filipoi, Tesalonike ne Beloya-o.

yi mbila mbámbá kala Ebhe me yi ne mukunda pi ya li bua yi naali. ¹³ Kaka-a, engú yi amene e akø bua ya kuto.

Bua ya ke bha kuto ngae de, ya akpi di djali naali ka nau me Tito adu ne djali naali ka li ndu yi hana ato masi bhá ani lie-o. ¹⁴ Nedhinga ma atima ani lie agba yi-e, ma akpo 'ngú yi pi ani ndjindji. Mbia inde-e, yi tsia ha námu máma de. Maka ya akpokpo nako lie pi yi kúkulu 'ngú ndu 'kpí hana-a, ndu babadha 'ngú ya akpokpo e li 'ngú gba yi pi Tito asuno me a ko kúkulu 'ngú. ¹⁵ Nedhinga ani akolo lie agba yi-e, yi asia ani ndjindji. Ndú yi hana, yi amanga ani naali, yi au ani ne tsúlu, yi atsia adu amene engú maka ani akunda lie-o. Ani bhundja engú bhomu-o, ani bédhe matá ne mukunda pi yi bedhe. ¹⁶ Ma ne djali, anga yi ne kpákpú na bua ma bhá ndu 'ngú hana.

8

Polo ato masi bhá omabhuka na gúdhá na Kolito me u teteke ondaise o na Yelusalema

¹ Ondaise ya, ya akunda me yi mbila engú inde li Ebhe amene e bhá bádha bhá 'bu gba e pi okpála na ODadjua gba Ebhe na Makedonia.* ² Omabhuka inde oo azu naní likabhu naali, engú bini, u abedhe ne djali bedhe. U adu naní bhá ndibhili naali, engú bini, u du atsia bhála 'he pi okpála de. ³ Ma au ne djila ma makpe. U apu 'he nakpata lele ehe inde adu ka uo-o. U apu belegu 'he nane dada mane. U aha bhá ngú o, okpála kata uo téte gandji de. ⁴ U akikiliki lio pi ya naali me ya asuno bádha bhá 'bu pi o, ngubula me o to 'kpa o pi omabhuka na Yudaya ne natima tia pi uo. ⁵ Ehe inde u amene e ane bhende ya adu nabhundja e-o. U aha ngaiza lio

libhomu ngubula kulu gba Ngámá Yesu. U atsia aha di lió ngú nateteke ya nakpata lele maka li Ebhe akunda lie-o.

⁶ Kaka-a, ya ayo ka Tito ne kekele me ani gie lie agba yi ngú nandjia dú kulu na bádha bhú 'bu inde ani akpo nani lita e ko. ⁷ Yi ne obhulü tia kala Ebhe nane okpála koko. Nabhuka gba yi-e kpekpeke. Yi ngakpokpo Bádha Ngali gba Ebhe-e ndjindji. Yi mbila 'ngú gba Ebhe-e ndjindji. Yi aha liyi libhomu ngú kulu gba Ebhe-o. Yi ne mukunda naali li pabili gba ya. Ka 'ngú ango-o, yi mene ne kpéke me yi dú ne obhulü tia li kpadji na ngua bádha bhú 'bu bhomu-o.

⁸ Engú inde ma apa e pi yi bhomu-o, a ko de me ma aha pi yi maka líli-e de. Ma apa mangbo pi yi, ngubula nasuno lele maka li oDadjua gba Ebhe koko amene lie-o. I dú me yi nde akpata lele maka u amene lie-e, yi súno me mukunda gba yi-e di kákulu. ⁹ Padhá de, anga yi mbila bádha bhú 'bu gba Ngámá gba ní Yesu Kilisito hana. Ngaani kpála inde adú bhulü tia, ani a'o lie bhulü ndibhili ngú nateteke yi. Ani amene mo-o ngú napa me, bhú ndibhili gba ni-e, yi kolo obhulü tia kala Ebhe.

¹⁰ Ma ngaha pi yi mabhundja gba ma pindji napu 'he pi omabhuka inde bhú ndibhili-o. Bhú kalanga inde akodho 'kpi-e, yi adú nako okpála na kalanu ngú napu 'he. Yi dú bha bini kalanu bhú napu 'he de, yi adú di ne okpála na kalanu nabhundja 'ngú ango-o. ¹¹ Kaka-a, mbia inde-e, yi ndjia kulu bhomu-o ndjindji. Yi 'o bua yi ngú nanu ne 'ngú ango-o ne kalanu akolo a li soso, ne mukunda inde yi adú nani ne e ngú namemene, nakpata lele ehe inde ka yi-o.

¹² Padhá de, anga i dú me yi nde apu 'he pi Ebhe ne bua yi bini-e, Ebhe ngaziziba bha bini li lele bhende ka yi-o. A ko de me Ebhe

nga'o 'to e me yi pu pi ni ehe bhende ka yi ade-e de. ¹³ A ko de me ma akunda na'o likabhu gba okpála koko pi 'ngbu yi ngú nato yi bhú ndibhili-e de. A ko mangbo me ndú yi hana yi dú ne 'he inde ati ne yi-o. ¹⁴ Mbia inde-e, ehe ka yi bhelé. Kaka-a, yi ti da nateteke okpála bhende bhú ndibhili-o. Ekpi koko-o, yi dú di bhú ndibhili me ehe nde ka uo bhelé-e, u ti da nateteke di yi. Li ndú yi hana tsia dú ne 'he inde ati ne yi-o. ¹⁵ A maka u aye lie bhú bhuku gba Ebhe-e me:

«Okpála anu ngú nalo mana.

Okpála bhende alo bhelé-e, u azú lie, ale ne uo.

Okpála bhende i lo bhelé de-e, u azú lie, ale bhadi ne uo.†»

Polo atima Tito ne obi e nalo tia

¹⁶ A ayo me ní dhögé Ebhe inde a'o li bua Tito me ani nu teteke yi maka ya amemene lie-o. ¹⁷ Tito aziba engú inde ya ayo e ka ani-o. Ani ziba bha bini 'li ya de, engú bini, ani aziba ne bua e makpe me ni nu agba yi anga ani ne mukunda pi yi.

¹⁸ Ya atima ani di bhú dabili bini ne ndai ní, inde li oDadjua gba Ebhe-e ngadhögé e kabula kulu inde ani ngamene e ngubula Bádha Ngali-o.

¹⁹ La matá di-e, oDadjua gba Ebhe abhú ani ngubula me ya anu ne uo bhú dabili bini ngú namene kulu na bádha bhú 'bu inde. A ko kulu inde a ayo me ní mene e ngú naha sangu pi Ngámá gba ní ngae makpe. Abhomu-o, i tsia súno di pi okpála bádha bua gba ní-o. ²⁰ Otia inde ya apo bhála e-e bhelé. Kaka-a, ya ngalilila ndjindji ngubula me okpála apá 'ngú na sisiti li ya téte de. ²¹ Ya ngagili ne kpéke me ya mene engú inde babadha bhú djila Ngámá gba ní di ne bhú djila ndú okpála hana.

²² Ya di ngatima súka ndai ní bini bhú dabili bini ne obhe bhisi bhomu. Ya ale ani bhutsibhutsi, ya atsia au me ani ngaha lie ndú 'kpi hana ngú kulu gba Ebhe-o. La mbia

† 8:15 8:15 Tsia bhú Eki. 16:18.

inde-e, ani matá ngaha lie ane mane anga ani ngambila ndjindji me yi ne kpúkpú na bua ni. ²³ La pi Tito-o, a ko kpála inde ya ngamene kulu ne e bhú dabili bini. Ya ngamene kulu ne ani bhú ká yi bhú dabili bini. Okpála bhe bhisi inde adhákú ne ani-e, okpála na oDadjua gba Ebhe-e atima uo ngao. U ngamene kulu ngú naha sangu pi Yesu Kilisito. ²⁴ Kaka-a, yi suno mukunda gba yi-e pi uo ne bua bini. Li okpála na oDadjua gba Ebhe-e aú lie mo-o, bhabhomú-o suno pi uo me ya pa 'ngú gba yi-e bhú djila uo bhú eu de.

9

Ebhe ne mukunda naali pi okpála inde ngapu 'he ne djali-o

¹ Tata ngú napa me ma ye 'ngú pi yi pindji kulu gba ní nateteke omabhuka inde bhú ndu doto na Yudaya ade. ² Padhá de, anga ma mbila bádha bua yi nde ne e pi uo hana. Ma ngapa li ma téte de ondaise ní na Makedonia* me, «ngayi ondaise ya na Akai, yi bedhe ngú nateteke omabhuka na Yudaya, naye bha bini bhú kalanga inde akodho 'kpí-o.» Li okpála na Makedonia adje lie mo-o, okpála bhelé bhú ká uo asia di gúmu nanu nateteke uo.

³ La-a, ma ngatima ondaise ní bata agba yi ngú napa me yi po bhúla tia bhomú-o kalanu maka ma apa nako pi okpála koko lie me yi améne mamene-o. Abhomú-o, nedhinga ya akólo lie agba yi-e, engú ya apa e pindji yi pi uo-o, akóto eu de. ⁴ Ne ma ne okpála na Makedonia, li ya kolo agba yi, ya bhaka me yi nde nga bedhe ade-e, némú méne ya naali. Ma ambila la bhadi me némú bhe gba yi-e dú la matá bhe nane mane, anga ma apa pi uo me yi bedhe. ⁵ Kaka-a, ma au ndjindji me ma yo ka ondaise ní inde-e me, u nu pi ya agba yi kalanu ngú napa me u holo

napo bhúla tia inde yi apa nako me yi ahá e-o. Abhomú-o, tia bhomú-o adú bedhe ngú nadjeke nakolo ka ma-o. A tsia suno me yi ngahaha ne bádha bua, yi ha ne siti bua de.

⁶ Yi mbila ndjindji me: kpála inde alu ezú bedi-e, ani asia bhadi bedi. Kpála inde alu ezú bhélé-e, asia bhadi bhélé! ⁷ Kaka-a, a ayo me kpála ne kpála ha maka ani abhundja lie-o. Ani apú ne bua na bhisí bhisí de, ani apú di de me anga u aholo ni téte ne kpéke-e de. Padhá de, anga Ebhe ne mukunda pi kpála inde ngapu 'he ne djali-o.

⁸ Yi mene mo-o, Ebhe ne angu ngú nabedhe yi ne ndu bádha bhú 'bu hana, ngubula me yi du ndu 'kpí hana ne ndu 'he hana inde yi nde ne gúmu e ngú mukobho gba yi-o. I du mo-o, yi du di ne 'he inde yi ti da na'o e li tula ndu obabadha kulu hana. ⁹ A maka u aye lie bhú Bhuku gba Ebhe-e li 'ngú gba kpála inde ngbingbili-e me:

«Kpála inde ngapu 'he pi obhúlu ndibhili ne bua e bini-e, bádha 'ngú gba ani-e ngadu dudu ma ne dudu ma.†»

¹⁰ Ebhe ngaha nguwa pi okpála ngú nalulu, di ne mapa ngú nazézé. I nde lie mo-o, ani ahá ndu nguwa yi nde ne gúmu e hana pi yi. Ani tsia méne di me a bhele ngubula me yi du napu 'he ne kalanu. ¹¹ Ebhe améne me yi du ndu nedhinga hana ne obhúlu tia ngubula me yi du napu 'he ndu 'kpí hana. Abhomú-o, li okpála bhelé gie hení pi Ebhe li ohe inde ya ahá e pi uo ne 'li yi-o. ¹² Padhá de, anga ehe yi apú e téteke bha bini omabhuka inde bhú ndibhili-e de. A méne di me okpála bhelé gie hení pi Ebhe bhú mayo gba o-o. ¹³ U aú kulu yi ngamene e ne tata naali. Kaka-a, u agié hení pi Ebhe ngú nau me yi ngamanga Bádha Ngali gba Yesu Kilisito, di ne me yi ngagbo bhúsú 'he gba yi-e ne

* **9:2** 9:2 ODadjua gba Ebhe na Makedonia: A ko obhende bhú Filipoi, Tesalonike ne Beloya-o.

† **9:9** 9:9 Tsia bhú Ets. 112:9.

o, di ne okpála koko. ¹⁴ U asúno mukunda gba o-o pi yi bhú nayo Ebhe. U améne mo-o, anga bádha bhú 'bu gba Ebhe-e amene me yi bhulu 'kpa yi pi uo. ¹⁵ A ayo me ndu okpála hana dhögé Ebhe ngú bádha 'ngú gba e inde ane mane-o.

10

Polo agie 'ngú pi okpála inde nga'o 'ngú pi ani-o

¹ Ngama Polo-o, ma ngayo ka yi engú bini, ne 'li Yesu Kilisito kpála na bhákü 'ngú di ne bádha 'ngú-o. U ngapa li ma me ní du ne yi bhú dabili bini-e, ma ngaké lima ne kuto, i du la me ma nde tsutsu-o, ma ngagama okpekpeke 'ngú pi yi bhú obalua gba ma-o. ² Engú inde ma ngayo e ka yi-e, ma ngayo ka yi me, yi atíma ma de me ma gama okpekpeke 'ngú pi yi nedhinga ma akólo lie agba yi-e de. Okpála koko bhú ká yi ngabhundja me ya ngamene 'ngú maka okpála na doto. La-a, pi okpála bhomu-o, ma asúno angu gba ma-a pi uo masuno.

³ A na paká me ya ne okpála-kuti, engú bini, ya ngagu gbele maka okpála-kuti ade. ⁴ Bhú gbele ya ngagu e-e, otia 'gú ya ngagu gbele ne e-e, a ko obhende na píla doto inde-e de. A ko okpekpeke tia 'gú inde ayie ka Ebhe. Otia 'gú bhomu-o ne angu ngú nabhili okpála inde ngagu Ebhe-o. Ya ngani ne di 'bhé obhálu eu inde ngagbe kpekebhe-o. ⁵ Ya ngaha angu eu gba uo inde ngamene me u abhúka Ebhe de-o. Ya ngagili nadji mabhundja gba uo-o ngubula me u manga Yesu Kilisito. ⁶ Nedhinga yi apána lie me yi ngamanga ya maka a ayo lie-e, ya 'ó 'ngú pi ndu okpála koko hana inde i kunda namanga ya de-o.

⁷ Yi tsia 'ngú maka inde lie-o. Li okpála koko bhú ká yi pa me o ne okpála ka Yesu Kilisito-o, a ayo me u mbila me ya di ne okpála ka Yesu Kilisito maka uo. ⁸ Angu li

Ngámá Yesu Kilisito aha e muma-a, a ngubula me ma teteke yi ne di. A ngubula nabhili yi ade. Nedhinga koko-o, ma ne gindaginda téte naali, ma dje námu téte de. ⁹ Ma kunda de me yi holo nabhundja me ma ngakunda nabu tsulu li yi, ne obalua gba ma, ma aye e pi yi-e de. ¹⁰ Padhá de, anga okpála bini bini ngapa me: «Li Polo ye balua pi ní-e, ani ngaye okpekpeke 'ngú, a ngandjia angu ní mandjia. Engú bini, ani kolo bhú ká ní ngae makpe-e, ani holo nagukü, ani lé nagama 'ngú pima.» ¹¹ A ayo me okpála inde ngapa ngua 'ngú bhomu-o mbila me, engú inde ya ngaye e bhú obalua gba ya me ya nde de yi tsutsu-o, ya kolo gba yi-e, ya améne bha maka ya aye lie pi yi bhú obalua-o.

¹² Okpála bhomu-o ngau lio ne bhálá naali. Ya pá de me ya viti ne uo bini-e de, ya kpó 'ndji ya ne uo de. A ko ongingi. U ngapima lio ngao makpe, u ngakpo 'ndji o li kute o makpe. ¹³ Li pápá gba ya-a, ya ti da napa 'li ya nane dada mane de. Nedhinga li Ebhe amba bhála ya lie ne kulu agba yi-e, ani atsia akodho kozie téte. Ya apise bha ne kulu gba ya li kozie ango-o. ¹⁴ Ya gó nani ne Bádha Ngali gba Yesu Kilisito agba yi de-e, u de apá li ya me ya agulu kozie gba ya-a agulu. Engú bini, i nde la lie me ya nde ne okpála na kalanu ngú nanu ne Bádha Ngali pi yi-e, bhabhomu-o asuno me ya gulu nga kozie gba ya-a de.

¹⁵ Kaka-a, ya pá 'li ya li kulu inde li okpála koko amene e de. Engú bini, ya ne gumu me nabhuka gba yi-e be ndu e, ngubula me kulu gba ya bhú ká yi-e be di ndu e. Ya abhundja me ya ne nga bili inde li Ebhe apa me ya pise lie de. ¹⁶ Pipita-a, ya ti da nasia kpadji ngú nanu ne Bádha Ngali-e bhú ondu doto koko. Ya kunda napa 'li ya li kulu li okpála koko amene e ngao li bili li Ebhe atima uo lie de.

¹⁷ Padhá de, anga Bhuku gba Ebhe-e apa me: «Li kpála kunda

napa lie-e, a ayo me aní de pa bha bini li engú inde li Ebhe Ngámá amene e-o.[†] » **18** Padhá de, anga a ko de me Ebhe ngaziiba okpála inde ngapa 'li o ngao makpe-e de. Engú bini, aní ngaziiba obhende anga li aní-o.

11

Polo akpo 'ndji e ne okpála inde ngabhi 'kpa o pí mbulu o me o ne obhulü titima-o

1 Yi tì da nadu ne 'ndjá bua muma uu, ngabula me ma gama mbo 'ngú maka bhulü pele! A moko, yi du ne 'ndjá bua muma. **2** Padhá de, anga ma ne botolo ngú yi ndu nedhinga hana, maka li Ebhe nde di lie ne botolo ngú yi-o. Ma ngatsia 'kpí li yi ndjindji ngabula me yi du bubu ngú kava. Bhoko na kava ango-o, a ko Yesu Kilisito. **3** Yi bhundja me kpálu apite nani Eva, aní atsia ayie li bádha kpadji. Kaka-a, ma ngakpe me kpála bini agó apíte yi de ngabula me mukunda gba yi pi Yesu Kilisito ndjia.

4 Ma ngapa mo-o, anga li kpála bini go agba yi-e, yi bedhe ngú nabhuka aní má gala! Engú la li kpála ango-o ngakpo e li 'ngú gba Yesu, ne li 'ngú gba Bu Bhabua, la di ne li 'ngú na Bádha Ngali-e kpi ne bhende ya asuno e pi yi-o. **5** Yi ngabhundja me okpála bhomu-o ne ongbengbe obhulü titima. La ngama-a, ma bhundja de me u ane ma-a de. **6** A na paká me pi yi-e, ma mbila nagama 'ngú bhú ká okpála ndjindji de. Engú bini, li pápá nambila Ebhe-e, ma mbila aní ndjindji. Ya asuno engú ango-o pi yi mbánbá bhutsibhutsi bhú ndu 'ngú hana inde ya amene e-o.

7 Nedhinga ma akpokpo Bádha Ngali gba Ebhe lie pi yi-e, ma dha bhú yi de. Ma aké líma ne kuto ngabula me yi 'u ne bhulá. Bhabhomu-o apa me ma amene sisiti?

A mo-o ade. **8** Ma adu lie oo-o, ma aziba me oDadjua koko bi mukobho gba ma ngao. Ma abha otia na oDadjua ango-o ngú nateteke yi nedi! **9** Oo-o, ma dha bhú kpála bini bhú ká yi de, li ma adu lie ne gumu tia-o. Engú bini, omabhuka na Makedonia ago muma ne ehe inde ma adu ne gumu e ngao. Ma alila líma bhú ndu 'ngú hana me ma adu pi yi maka tili kili de. Ma ayó la di galikpe ehe li yi de.

10 Ne 'li Yesu Kilisito inde bhú ma-a, ma ngapa pi yi kúkulu 'ngú: ma ne gindaginda naali anga ma nde ha 'he ka yi de. Bhú ndu doto gba yi na Akai libhomu-o, kpála bini ti da nayoko ma de me ma adu ne gindaginda téte de-e de. **11** Ma kúnda nadu tili kili pi yi de ka ni? A ko anga ma ne mukunda pi yi adi? Ebhe apá bhabhomu-o li ma ngae! **12** Ma adu bha maka ma nde lie inde. Ma ziba tia ka yi de, ngabula me okpála bhe i ngabhi 'kpa o pí mbulu o me o ne obhulü titima aú kpadji ngú napa 'li o de me o bhadi ngamene kulu maka ya-a de. **13** Okpála ango-o, ngapite okpála. U ngamene 'he mugito me a ko obhulü titima gba Yesu Kilisito. **14** Engú ango-o ahá nangamba pi ni de, anga Satana ngae makpe ti bhadi da namene 'he mugito me a ko andjelu na zi 'kpí. **15** Kaka-a, li okpála na kulu gba aní-e mene 'he liio mugito me a ko kúkulu okpála na kulu gba Ebhe inde ngbingbili-e, ni angámba téte de. Engú bini, li sokpí-e, u asia galikpe engú inde ati ne kulu inde u amene e-o.

Polo apa 'li e li olikabhu aní azu e-o

16 Ma matá ngapapa ne toto, kpála bini apá li ma de me ma ne bhulü pele-e de. I du me okpála nde abhundja me ma ne bhulü pele-e, yi de ziba me ma ne bhulü pele ngú napa me ngama di-e ma pa mbo 'li ma bedi. **17** Engú ma adjí apa inde-e, a ko de me ma adjí napapa maka li

[†] **10:17** 10:17 Tsia bhú Djlm. 9:23; di ne bhú 1 Kol. 1:31.

Ngámá akündà lie de. Ma adji napa maka li bhélù pele agagama 'ngú lie-o. ¹⁸ Maka li okpála bħelé ngapa 'li o lie li ongú na doto-o, ngama di-e ma apá bħadi 'li ma tété moko. ¹⁹ Ngayi okpála na imbilangu-o, yi dje obħulù pele ngagama 'ngú-o, yi ngadje uo ne 'ndjá bua! ²⁰ Yi ngakibila me okpála bħomu-o mene yi mugito me yi ne obalise. Yi ngakibila me u zi oħe gba yi-o. Yi ngakibila me u pite yi. Yi ngakibila me u u yi padħá. Yi ngakibila me u sħi bħália yi. ²¹ Yi mbu li ya, anga ya adu nani bħebħuku ngú namene mo-o! Ma ne nūmū naali ngú napapa!

Mbia inde-e, ma adji agáma 'ngú maka bhélù pele. Engú inde li okpála koko ngapa 'li o lie, ma apá nga bħadi 'li ma tété. ²² U ngapa me o ne omaYuda, ma di ne maYuda. U ngapa me o ne omafsalaele, ma di ne mafsalaele. U ngapa me o ne odi Abalahama, ma di ne ye Abalahama. ²³ U ngapa me o ne okpála na kulu gba Yesu Kilisito. Mbia inde-e, ma agama 'ngú maka bhélù pele. Ma belegħu ngamemene ane uo mane. Ma mene kulu ango-o ne ndala de. Ma ali bħú tikpu ane uo mane. Ma azu bhikpa ane uo mane. Ma akolo masikpe de nakpi bħetsibħutsi bħelé.

²⁴ Ma adu azu fimbo ndjikpa bata ne ká odukpabini, bħetsibħutsi bħuluvue sakpa ongámási gba omaYuda-o. ²⁵ Ongámási gba okpála na Loma abhi ma ne fimbo bħetsibħutsi bata. Okpála atutħul ma ne teme bħetsibħutsi bini ngú nabħelø ma. 'Ngbé zabu alinda ne ma bħú 'ngu bħetsibħutsi bata. Ekpí bini, ma alipila bħú 'ngu, ma asi di bħubħu.

²⁶ Bħú odħukku ma adu adħukku e naali-e, ma adu ne tsulù ka nasi ka engu. Ma adu ne tsulù ka obħulù nagħbulu 'he gba okpála ne kpéke. Ma adu ne tsulù ka ondaise ma omaYuda, la di ka obħende ne

† 11:33 11:32-33 Tsia bħú Kul. 9:23-25.

omaYuda ade-o. Ma adu ne tsulù bħú għudħu, di ne bħú omili bili. Ma adu ne tsulù pí 'ngbé 'ngu. Ma adu ne tsulù ka okpála inde ngapa me o ne omakilisito, a nde la mo-o ade-o. ²⁷ Ma amene kulu kpekpeke. Ma asi ndi 'la bħetsibħutsi. Ma adje għum bħú dabili bini ne għum 'ngu. Bħetsibħutsi bħelé, ma sia kpadji nazu 'he de. Bongo du ka ma bħelé de, ma atsia adu adje zini. ²⁸ Olikabhu ma azu e bħelé, ma ti da nakpokpokpo hana de. Engú bini, engú inde li bua ma ngalù pí e, a ko nabħundja oDadju għad Ebhe-e ndu 'kpí hana. ²⁹ Li kpála bini du bħebħukku li kpadji għad Yesu-o, a ngamene ma sisiti mugito me a ko ma. Li kpála bini ti bħú siti 'ngú-o, a ngamene bua ma sisiti naali.

³⁰ I du me a nde a ayo me ma pa 'li ma-a, ma apá bha bini li ongú inde ngasuno me ma bħebħukku-o. ³¹ A ayo me okpála dhogħeb Ebhe inde 'Dyi Ngámá Yesu-o dudħuma ne dudħuma. Ani mbila hana me engú inde ma adji apa e pi yi inde-e, a ko eu de. ³² Yi tsia nga engú inde ngasuno me ma bħebħukku-o. Ekpí bini, nedħinga ma adu lie bħú għudħu na Damasi-e, ngámá na kuti bħomu-o, adu 'li ani me Alitasi. A adu ka ani ne guvelenele bini inde adu atsia 'kpí li għudħu bħomu-o. Ani a'o nani okpála għad li okpadji nali bħú għudħu bħomu-o ngú napa me u u ma-a, u de holo ma. ³³ Engú bini, okpála għad Ebhe-e ato ma bħú baga, u agbite ekpú tété, u atsia ake ma ne di li malilisa na aga asa kuti libħomu-o. Ma atsia akobho sakpa ani.†

12

Polo apa 'li e pindji angu inde li Ebhe ngaha e pi ani bħú bhukku għa e-o

¹ A ayo me ma pa matá 'li ma ne kalanu, abana li tata nde lie tété ade-o. Kaka-a, ma adji nagama 'ngú

pindji ongú li Ngámá Yesu asuno e mūma, ani atsia ambamba di ta e mūma-o. ² Ma ambila kpála bini* inde agbite lie li Yesu Kilisito . A ane nga kalanga ndjíkpa ne ká badha, Ebhe a'e kpála bhomu-o abhúlá agba e, ani atsia agie ani kuto ei. Ma mbila de ne me ani aloto nani maloto, ne me Ebhe a'e ani abhúlá na paká. Ebhe ambila bha ngae, ma mbila naama de. ³ Ma apá matá ne toto, ne me ani aloto maloto, ne me Ebhe a'e ani abhúlá na paká. Ma mbila de, Ebhe ambila bha ngae.

⁴ Ebhe a'e kpála bhomu-o abhú kuti na mündeyi . Oo, ani atsia adje ongú inde li kpála-kuti ti da nakpokpo kú e de. ⁵ Ma ti da napa 'li ma li 'ngú akolo li kpála bhomu-o. Engú bini, pindji ongú bhe atsia ma makpe-e, ma ti da napa 'li ma bha bini li engú inde ngasuno me engú bhú ma ade. ⁶ La-a, i dú me ma kúnda napa 'li ma u-o, ma de dú ne bhulú pele de. Padhá de, anga ma de apá kúkulú 'ngú. Engú bini, ma kúnda napa 'li ma de, anga ma kúnda de me okpála u ma mugito me ma ne 'ngbé kpála-a de. Ma akunda mangbo me okpála manga ma ka ongú inde u ngadje ma me ma ngapa e ko.

⁷ A ayo nako me 'ndji ma be naali ka ongú na ngangamba inde li Ebhe ambamba ta e mūma-o. La-a, ngú napa me 'ndji ma abé naali de-e, Ebhe a'o ehe bini na ke make li kute ma. Ehe ango-o maka bhulú titima gba Satana . A ngabhi ma, a di ngayoko ma me ma abédhe ne 'ngbé 'ndji bedhe de. ⁸ Ma ayo ka Ngámá bhútsibhútsi bata me ani gbegbe ma bhú likabhu bhomu-o. ⁹ Ani agie mūma me: «Ma ngaha bádha bhú 'bu gba ma-a pi mu ngubula me a teteke mu ngú nakibila likabhu bhomu-o. Padhá de, anga nedhinga li kpála nde lie bhúbhukú-o, a bhomu-o nedhinga inde li angu gba ma-a ngamene kulu

lie bhú kpála bhomu libhomu-o.» I nde lie mo-o, ma akunda mangbo me ma pa 'li ma li ongú inde ngasuno me ma bhúbhukú-o, ngubula me angu gba Yesu Kilisito mene kulu bhú ma.

¹⁰ Kaka-a, ma téte ne djali li nedhinga ma nde lie bhúbhukú-o. Abana li okpála sobho ma, abana ma zu likabhu, abana u to mbolo li ma, abana ma kibila olíkabhu bhomu-o hana kabula 'li Yesu Kilisito-o, ma téte ne djali, anga nedhinga li angu nde lie bhú ma ade-e, a bhomu-o nedhinga ma nde lie kpekpeke-o.

Polo alopolo lie li 'ngú gba omabhuka na gudhú na Kolito

¹¹ Ma agama 'ngú bhomu-o mugito me ma ne bhulú pele. La-a, yi akata ma téte ngayi. A ayo me yi kpo 'ngú gba ma-a ngayi. Padhá de, anga abana ma dú ne kpála na padhá-a, me obhende yi nga'i o me a ko ongbengbe obhulú titima bhomu-o, u ne ma ne 'ngbé de. ¹² Okulu inde-e ngasuno me ma ne bhulú titima , ma amene bhú ká yi ne 'ndjá bua. Ongú ango-o, a ko ongamba 'ngú inde li Ebhe amene e-o. ¹³ Ongú bhende ma amene e pi obi yi omabhuka na Dadjua koko me ma nde mene agba yi de-e ngae dho? Belegú de bini! Ehe inde ma mene e agba yi de-e, a ko bha bini ma dha lie bhú yi de-o. Yi suno bádha bhú 'bu mūma li siti 'ngú ma amene e li yi bhomu-o!

¹⁴ Mbía inde-e, ma ngakunda nanu agba yi bhútsibhútsi na bata. Abana ma nu agba yi bhú dhukú inde-e, ma dhá bhú yi de. Ma ngakpata mangbo yi, ma kpata tia gba yi-e de. Yi mbila ndjindji me a ayo de me ongisi po tia pi okpála azu o de. A ayo mangbo me odyi ongisi, ne ohi ongisi po tia pi ongisi gba o-o. ¹⁵ Li pápá gba ma-a, abana ma pu ndu 'he inde ka ma-a hana ngubula yi, abana ma pu mukobho gba ma-a ngubula yi-e,

* **12:2** 12:2 Ngú nambila kpála inde li Polo ngakpo 'ngú gba e si-e, tsia lukuluku 7.

ma dū bha téte bhú djali. Ma suno mukunda pi yi naali mo-o, yi tsia súno mukunda muma bedi?

¹⁶ Ndú yi hana yi mbila ndjindji me ma dha nako bhú kpála bini bhú ká yi de. Engú bini, okpála koko bhú ká yi ngapa me: «Polo ne bhulú kali! Aní abha tia gba ní-e bhú nyali.»

¹⁷ Ma apite yi lele pi? Ma azi yi li kpadji gba súka okpála ma atima o agba yi-e? ¹⁸ Ma ayo ka Tito ne kekele me ani nü agba yi. Ma atima di bhú dabili bini ne ani ndai ní inde yi mbila e ndjindji-o. Tito akolo lie agba yi-e, ani aha 'he li yi bhú kali? A mo-o ade! Ehe inde li Tito amene e ne bhende ma amene e-e, aviti bha bini, bua ya ne ani bhú dabili bini.

¹⁹ Nedhinga koko, nayie nani bhutode yi ngabhundja me ya ngagili nabubuku nganda ya bhú djila yi. A mo-o ade! Ya mangbo ngakpokpo 'ngú inde-e kala Ebhe maka li Yesu Kilisito akunda lie-o. Ondaise ya, ya apa ndú ongú bhomu-o hana pi yi, anga ya akunda nateteke yi me yi bhele li kpadji gba Yesu Kilisito-o. ²⁰ Ma ngakpe me nedhinga koko, li ma akólo lie agba yi-e, ma bhaka me yi ngakobho maka ma akunda lie de. Ma ngakpe di me lele dasündu gba ma-a ngá li yi de. Ma ngakpe me nedhinga ma akólo lie agba yi-e, yi du nagbe bhayiki súnda yi, yi du nadje gúmu 'he liyi súnda yi, yi du nake 'ngú liyi sisiti, yi du nagbo bhúsú yi, yi du nasobho li yi súnda yi, yi du napadha liyi súnda yi, yi du nadje kute yi, yi tsia du la di namene engú ngangá.

²¹ Ma ngakpe me nedhinga ma agó lie agba yi bhe na sidi-e, Ebhe gba ní-e ha nümü muma bhú djila yi. Ma ngakpe me ma ku 'gbá ka okpála bheldé inde ngamene siti 'ngú ne kalanu maka nako u adú namemene lie kalanu-o. Okpála ango-o, u dji nga bua o ne toto li namene siti 'ngú de, u ngakunda olisi, i du di-e obhosí

ngangá, u ngamene ndú sisiti 'ngú hana.

13

Polo agbele 'dje omabhuka na gudhu na Kolito ne toto

¹ A inde-e bhutsibhutsi na bata me ma go agba yi. A maka u aye lie bhú Bhuku gba Ebhe-e me: «Li kpála pa 'ngú li kili e, a ayo mbo me okpála bhisi, i du di-e okpála bata de lu pí 'ngú ango-o. I du mo-o de, u kódho 'ngú téte de.[†]» ² Nako ma ago lie agba yi bhutsibhutsi na bhisi-e, ma agbele 'dje okpála inde adu namene siti 'ngú-o bhú dabili bini ne okpála koko hana. Mbía inde-e, ma nde lie tsutsu-o, ma matá ngagbele 'dje uo ne toto me nedhinga ma agó matá lie agba yi-e, ma djé ndjinga kpála bini bhú ká uo de.

³ Yi ngagili me yi u ehe inde ngasuno me Yesu Kilisito ngagama 'ngú bhú ma ngae-o. Ma asúno pi yi masuno. Yesu Kilisito bhú ká yi bhúbhukú ade. Engú bini, ani ngasuno angu gba e bhú ká yi. ⁴ A na paká me nedhinga u abhi ani ne nyeli lie li kulusi-e, angu du bhú ani de. Engú bini, mbía inde-e, ani bhú mukobho ka angu gba Ebhe. Maka ya akpetse liya lie ne ani-e, ngaya di-e, ya bhúbhukú maka ani adú nani lie-o. Engú bini, ya akpetse liya lie ne ani bhú mukobho gba e-e, lele nalili okpála ka ya bhú ka yi adú bhadí ne angu gba ani-o.

⁵ Yi tsia bua yi ngayi makpe ngú nambila me yi ngakobho maka omabhuka na paká. Yi mbila ndjindji me Yesu Kilisito bhú ka yi. A mo-o adi? I du mo-o de-e, u ú ehe inde ngasuno me yi abhuka de. La-a, a ko likabhu i du me ani nde bhú yi ade-o. ⁶ Engú bini, ma abhundja me yi mbila ndjindji me, pi ya-a, okpála ti da nau ehe inde asuno me ya ne kükülu obhulú titima gba Yesu Kilisito.

[†] **13:1** 13:1 Tsia bhú Det. 19:15; ne bhú Mat. 18:16; ne bhú 1 Tim. 5:19; ne bhú Ebe. 10:28; di ne bhú 2 Kol. 12:14.

⁷ Ya ngayo Ebhe me yi améne siti 'ngú bini de ne nayala me ya li yi. A ko de me ya ngakunda bhomu-o nasuno me angu ya akolo de. Engú bini, ya ngakunda mangbo me ya du nau yi namene bádha 'ngú, abana i du me a nde ngau lie me angu ya kolo de-o. ⁸ Padhá de, anga ya ti da nagú yi de, i du me yi nde ngakpata nasuno na kúkúlú gba Ebhe-o. I du me yi nde amene mo-o, a ayo mangbo me ya teteke yi ngú nanú ne kalanú. ⁹ Ya ngakpi djali ndu 'kpí hana nedhinga li ngaya-a, ya nde lie mandi angu, me a nde la bhú yi ne angu-o. Kaka-a, ya ngayo di bhú omayo gba ya-a me yi kolo ngbingbili ne ndu kpadjì hana. ¹⁰ Ka 'ngú ango-o, ma ngaye ndu 'ngú bhomu-o hana pi yi nedhinga ma nde lie bhú ká yi ade-o. A ko ngubula me nedhinga ma akólo lie bhú ká yi-e, ma améne yi kpekpeke de ne angu li Ngámá Yesu aha e muma-o. Angu ango-o ngateteke yi me Dadjua gba yi-e be ndu e ne kalanú, a ngubula nabhébhéle mabhéle ade.

¹¹ Ngú nabu tata-a, ondaise ma, yi bedhe ne djali bedhe. Yi mene kulu ngú napa me yi du ngbingbili ne ndu kpadjì hana, yi to masi bhú yi súnda yi, yi du bhú nadje liyi súnda yi, yi du ne guo 'ngú súnda yi. Yi mene mo-o, Ebhe inde ne Ebhe na mukunda di ne guo 'ngú-o tsia du ne yi bhú dabili bini. ¹² Yi yi liyi súnda yi ne nakama liyi maka ondaise. Ndu ondaise ní inde ei-e hana apa me o yi yi ma yi. ¹³ A ayo me bádha bhú 'bu gba Ngámá Yesu Kilisito, ne mukunda gba Ebhe, la di ne nakpëtsé lio gba Bu Bhobua-a du bhú dabili bini ne ndu yi hana.

Balua gba Polo pi omabhuka na gudhu na Galate Eli na kalanu

Li okpala inde ne omaYuda ade aholo aziba Bädha Ngali lie-e, abhomu-o, u atsia ayi ngú nambila me: ngú nakolo makilisito na kükulu-o, a ayo bha me kpála mene lili gba Moidje-e? Polo atsia apa me a mo-o ade. Padhá de, anga engú na ngebéngbé inde bhú mukobho gba makilisito, a ko nabhuka inde li ndu okpala hana akolo ngingbili kala Ebhe ka e-o. La-a, okpala koko adu agu Polo, u atsia adu apa me, a ayo me u mene di lili gba Moidje ngubula me u kolo ngingbili kala Ebhe. Balua inde li Polo aye e pi okpala na Galate-e, ani aye nani ngubula me okpala inde ambu li kpadji ka omesuno na eu bhomu-o, u sia nabhuka na kükulu, amba u kolo la di li bädha kpadji. Polo aholo nakpokpo lele maka a ayo lie me u 'i ani me bhulu titima gba YesuKilisito. Ani atsia agama 'ngú pindji ngú napa me e'i ango-o ngú napa me ni kolo bhulu titima gba Yesu-o, ayie ka Ebhe, ayie ka angu gba kpála na doto belegu de bini. Ani atsia apa me kulu gba ni-e atsia naali okpala inde ne omaYuda ade-o. Bhú oalo na soso-o, Polo ngasuno me nabhuka bhú Kilisito ngaha mukunda, mukunda ngaha la di nadholo ndjindji bhú mukobho gba makilisito.

Ongbengbe ongú inde bhú bhuku inde-e ngae inde:

Eli na kalanu 1:1-10

Angu gba Polo maka bhulu titima
gba Yesu 1:11 - 2:21

Bädha Ngali na bädha bhú 'bu gba
Ebhe 3:1 - 4:31

Nadu bhú ngu e gba makilisito a
la di-e kulu gba ani 5:1 - 6:10

Eli na soso 6:11-18

Polo yi omabhuka na ndu doto na Galatia mayi

¹ Ma aye balua inde-e ngama Polo, ma ne bhulu titima gba YesuKilisito . Ma ne bhulu titima gba kpála koko ade. Yesu Kilisito atima ma ngae, a la di-e 'Dyi ani inde azuku ani bhú ká okpala inde amu-o. ² Ngama bhú dabili bini ne ndu ondaise ní hana inde ei-e, ya aye balua inde-e pi omabhuka na oDadjua gba Ebhe inde bhú ndu doto na Galatia. ³ A ayo me 'Dyi ní Ebhe bhú dabili bini ne Ngámá gba ní Yesu Kilisito suno bädha bhú 'bu gba o-o pi yi, amba u ha di guo 'ngú pi yi. ⁴ Yesu Kilisito andala 'kpa lie ngae makpe, ngubula nagbegbe ní bhú siti 'ngú gba ní, amba osisiti 'ngú na doto améne matá ehe bini ngú ní de. Ani amene mo-o nakpata lele maka li Ebhe 'Dyi ní akunda lie-o. ⁵ A ayo me okpala dhögé Ebhe duduuma ne duduuma. A adu moko!

Koli Bädha Ngali gba Yesu Kilisito-o bha bini

⁶ Ma ngangamba ka yi naali! Ebhe abhu yi me yi du ne okpala gba ni-e li kpadji gba Yesu Kilisito, ani atsia asuno bädha bhú 'bu gba e pi yi. La-a, belegu mo-o, yi akolo adjji 'ngbu yi li ani má gala, yi atsia aholo nadje Bädha Ngali koko. ⁷ A la na paká me Bädha Ngali koko matá ade. Engú bini, okpala koko ngangbingi 'ndji yi. U ngakunda nasiti Bädha Ngali gba Kilisito-o. ⁸ I du me kpála koko, i du di-e ya, i du di-e súka andjelu bini ayie abhúlá nde akpokpo Bädha Ngali koko kpí ne bhende ya akpokpo e pi yi-e, Ebhe de tu pédje li ani. ⁹ Ya apa, ma la matá mbia inde-e ngapapa me, i du me kpála koko nde akpokpo Bädha Ngali kpí ne bhende yi asia e-e, Ebhe de tu pédje li ani.

¹⁰ La-a, yi abhundja naayi me ma ngagili me okpala ziba ma? A mo-o ade, ma akunda mangbo me Ebhe ziba ma ngae. Yi abhundja naayi me ma akunda nanga li okpala? A mo-o

ade. I dú me ma kündá matá nanga lí okpála-a, ma de ne bali gba Kilisito ade.

Polo akpokpo lele maka ani akolo lie bhülü titima gba Kilisito-o

¹¹ Ondaise ma, ma akündá me yi mbila me Bápda Ngali inde ma ngakpokpo e, yie ka kpála-kuti de. ¹² Ma sia ka kpála-kuti de, kpála bini suno la di muma ngae de. Engú bini, Yesu Kilisito ambamba ta 'ngú inde awo lie mawo-o muma ngae. ¹³ Yi mbila lele nadholo gba ma nani na kalanu-o, nedhinga ma adu nakpata dasundu na Ebhe gba omaYuda lie hana. Li nedhinga bhomu-o, ma adu nato mbolo li omabhuka na Dadjua gba Ebhe-e nane dada mane. Ma adu nakunda nabhebhéle mabhéle. ¹⁴ Ma ane nani omaYuda bheldé, inde adu ne kalanga maka ma bhú lele nakpata dasundu gba omaYuda-o. Ma aha nani lìma libhomu ngubula dasundu gba onguo ogbi ní-o.

¹⁵⁻¹⁶ Belegü inde lie mo-o, Ebhe abhu nani ma. Ani abhu nani ma me ma nde ngabha bhú 'bu 'hi ma. Ani asuno nani bádha bhú 'bu gba e muma, ani atsia a'i ma me ma mene kulu gba ni-o. Li nedhinga ani a'o nani e akolo lie, ani atsia amene me ma mbila Ndili gba ni-e, ngubula me ma kpokpo Bápda Ngali gba ani-e pi okpála inde ne omaYuda ade-o. Li nedhinga bhomu-o, ma nu bhaka kpála bini de. ¹⁷ Ma nu la di bhú Yelusalema ngú nabhaka okpála inde adu nani obhülü titima gba Yesu Kilisito muma kalanu-o de. Engú bini, ma anu bha kolo má gala bhú Alabia, pipita-a, ma agie lima bhú Damasi. ¹⁸ Pita kalanga bata-a, ma atsia anu bhú Yelusalema ngubula me ya u li ya ne Piele* bhutsibhutsi na bini. Ma adu agba ani ngubula 'kpí ndjíkpa ne ká bhu-luvue. ¹⁹ Ma u bhülü titima koko bini de, ma au bha bini Djaki, ndai

* ^{1:18} 1:18 Bhú eli na giliki-e, Sefasi-e: A ko 'ili koko gba Piele.

Ngámá. ²⁰ Engú inde ma aye e inde-e, a ko kükülu 'ngú, kala Ebhe-e, ma apa eu de.

²¹ Pipita-a, ma atsia anu bhú ndu doto na Silia di ne ndu doto na Silisia. ²² Omabhuka na oDadjua gba Kilisito na ndu doto na Yudaya u nga nani ma ne djila o de. ²³ U adu bha nadje ongú inde li okpála koko adu napa e li 'ngú gba ma-o. U adu napa me: «Kpála inde adu nako nato mbolo li ya kalanu-o ayipa, ani ibili mbia inde-e ngakpokpo pi okpála Bápda Ngali inde ani adu nako nakunda nabhéle e-o.» ²⁴ Abhomu-o, u atsia adu nadhégé Ebhe kabula ma.

2

Polo agama 'ngú ne obhelesi okpála bhú gudhü na Yelusalema

¹ Pita kalanga ndjíkpa ne ká badha-a, ngaya ne Balanabasi, ya anu matá bhú gudhü na Yelusalema. Ma atsia aha di Tito bhú dabili bini ne ma. ² Ma anu maka li Ebhe asuno muma lie mbámbá me ma nu-o. Ma akolo lie, ngama bhú dabili ne obhelesi okpála-a, ya apekebhé bhúla ya li ngongo. Abhomu-o, ma atsia akpokpo kú Bápda Ngali inde ma ngakpokpo e-e pi omápagano-o pi uo. Ma du nakunda de me kulu inde ma amene e ne bhe ma nde ngamane e-e du padhá-a de.

³ Tito ya adu ne e adu Giliki. La-a, u pa pi ani de me ani li gandja-a de. ⁴ Engú bini, omabhuka na eu ali bhú ká ya, u atsia adu napa me, a ayo me ani li gandja. Okpála angoo ali bhú pepe ngú natsia lele maka ya nde lie matá sa lìli ade-o, anga ya akpotsé liya ne Yesu Kilisito. U ngakunda me ya kolo matá obalise na lìli gba Moidje-o. ⁵ Ya 'o belegü nedhinga pi uo bedi de ngubula me ya lila kükülu 'ngú na Bápda Ngali-e pi yi malila.

⁶ Engú bini, obhende li okpála ngau o bhú djila o maka ongámási

na Piga gba Ebhe-e, mʉma-a, a ko 'ngbé 'ngú naali de. Padhá de, anga Ebhe tsia bhʉla kpála de. Ongbengbe okpála bhomʉ-o, nedhinga ma akpokpo BÁdha Ngali inde ma ngakpokpo e pí okpála lie pí uo-o, u 'o 'ngú koko pépé de. ⁷ Engú bini, u au me Ebhe a'o mangbo kulu na nakpokpo BÁdha Ngali-e pi okpála inde ne omaYuda ade-e pí madhaka ma, maka ani a'o nani bhende nakpokpo BÁdha Ngali pi omaYuda lie pí madhaka Piele-o. ⁸ Padhá de, anga u atsia ambila me a ko bha koli Ebhe bini inde nani aha angu pí Piele, atsia atima ani agba omaYuda-o. Ebhe ango-o aha di angu mʉma, ani atsia atima di ma agba okpála inde naao ne omaYuda ade-o.

⁹ Djaki ne Piele di ne Djaa inde li okpála adu nau o maka onepanda-a, ambila me Ebhe asuno bádha bhʉ 'bu ango-o mʉma na paká. Abhomʉ-o, u atsia aholo 'kpa ya ne Balanabasi. Bhobhomʉ-o asuno me ya akpøtsø liya ne uo bhʉ dabili bini. Ya atsia adje liya ne uo ndu ya hana me, ngaya-a, ya anú naaya namene kulu agba okpála inde naao ne omaYuda ade-o. La ngauo-o, u anú naao namene kulu agba omaYuda. ¹⁰ U apa bha pí ya koli engú bini. U apa pí ya me ya teteke obhʉlʉ ndibhili inde bhʉ ká omabhuka inde abhʉ Yelusalema-o. A la bhadi bhomʉ-o engú inde ma amene e ne bua ma bini-o.

Polo ambe bhʉ 'ndji Piele bhʉ Atiokia kala okpála

¹¹ Li Piele[†] ago bhʉ Atiokia lie, ma ambe bhʉ 'ndji ani kala okpála. Padhá de, anga ani amene pʉlʉ 'ngú. ¹² Kala me okpála li Djaki atima o kolo-o, Piele adu nazʉ 'he ne okpála inde ne omaYuda ade-e bhʉ dabili bini. Li okpála ango-o akolo lie, Piele agbe lie bhʉ ká uo, ani zu matá 'he ne okpála bhende ne omaYuda ade-e de. Padhá de, anga

ani adu nakpe okpála inde adu akpata lili nali gandja-a makpe. ¹³ Ndʉ omaYuda koko hana adu di namene maka Piele. Abhomʉ-o ngaani Balanabasi, ani amene bhadi engú na kali maka uo. ¹⁴ Li ma u lie me u dhʉku li kpadji na ngbingbili, na kʉkʉlʉ BÁdha Ngali-e de-e, ma atsia apa pí Piele me: «Mu ne maYuda, mo omene la 'ngú maka kpála inde ne maYuda ade. I nde lie mo-o, lele pí mu ngagbite okpála bhende ne omaYuda ade-e lie ne kpéke me u du namene e lio maka omaYuda?»

A ayo nabhuka Kilisito ngʉbula nasia mʉkobho

¹⁵ Nganí-e, ní azu liní omaYuda, ní ne okpála na kʉti koko ade, inde i mbila lili gba Ebhe-e de-o. ¹⁶ Ní mbila ndjindji me kpála inde ngbingbili bhʉ djila Ebhe-e, a ko kpála bhende abhuka Yesu Kilisito, a ko bhende ngamene lili gba Moidje-e de. Nganí di-e, ní abhuka Yesu Kilisito ngʉbula me ní kolo ngbingbili kala Ebhe ka nabhuka gba ní bhʉ Yesu Kilisito-o. A ko ka de me ní ngamene lili gba Moidje-e de. Padhá de, anga kpála bini ti da nakolo ngbingbili kabula namene lili de.

¹⁷ Engú bini nganí-e, ní ngagili nadu ngbingbili kala Ebhe, anga ní abhuka Yesu Kilisito. Ní ngamene lie mo-o, ní maka okpála na sisiti. Bhobhomʉ-o akʉnda napa me Kilisito ngato ní bhʉ siti? A mo-o ade!

¹⁸ I du me ma nde akoto sa lili-e, pipita-a, ma gie matá lima sasa-a, ma akolo matá bhomʉ-o ngama makpe kpála inde i manga lili-e de.

¹⁹ Li bhende atsia lili-e, ma akpi kuo inde ayie ka lili makpe ngʉbula me ma du bhʉ mʉkobho pí Ebhe. U agi nani ya bhʉ dabili bini ne Kilisito li kulusi. ²⁰ Kaka-a, mʉkobho inde ma nde bhʉ e-e, a ko matá ma de, Kilisito ngakobho bhʉ ma ngae. Padhá de, anga mʉkobho ma nde ne e bhʉ kute inde-e, ma bhʉbhʉ anga ma abhuka Ndili gba Ebhe inde

[†] 2:11 2:11 Tsia bhʉ Gal. 1:18, 2:9, 14.

akunda ma, ani atsia andala di kpa li mukobho gba e muma. ²¹ Ma yala bádha bhú 'bu gba Ebhe-e de. I du me kpála nde ngbingbili kala Ebhe anga ani ngamene líli-e, bhobhomu-o akunda napa me tata li nakpi gba Kilisito-o ade.

3

Ebhe ngakobho okpála li pápá na nabhuka

¹ Ngayi okpála na Galatia, yi ne ongingi! Apite yi da? U akpokpo pi yi mbámbá lele maka li Yesu Kilisito akpi lie li kulusi-o. ² Ma ngayi yi li koli engú bini. Bu Bhopua inde li Ebhe aha e pi yi-e, ani aha pi yi anga yi sa líli gba Moidje? Ne me ani aha pi yi anga yi adje, yi atsia abhuka la di Bádha Ngali-o. ³ Lele pi yi nde lie ne ongingi-e? Li lilita-a, yi akpo nani ne angu gba Bu Bhopua. Lele pi, yi ti da nabu tata lie ne angu gba kpála-kuti-e? ⁴ Engú apu pi yi bhé. Yi abhundja naayi me a padhá? Ma abhundja naama me a padhá ade. ⁵ Ebhe ngaha Bua gba e pi yi, ani di ngamene ngamba 'ngú bhú ká yi. Ani ngamemene anga yi sa líli gba Moidje? Ani ngamemene anga yi adje, yi atsia abhuka la di Bádha Ngali-o?

⁶ Abalahama abhuka nani Ebhe. Kaka-a, Ebhe atsia au ani bhú djila e me a ko ngbili kpála. ⁷ A ayo me yi mbila ndjindji me, okpála abhuka Ebhe-e ne kükülu ongisi gba Abalahama-a ngao. ⁸ U aye nani didili bhú Bhuku gba Ebhe-e me, okpála inde ne omaYuda ade-e, Ebhe au uo ngbingbili bhú djila e ka nabhuka gba o-o. Kaka-a, Ebhe akpokpo nani Bádha Ngali inde-e pi Abalahama didili me: «Ma atúko bisagu pi ndu okpála na píla doto hana kabula mu. ⁹ Abalahama abhuka nani Ebhe, abhomu-o, Ebhe atsia atuko bisagu pi ani. Okpála

inde abhuka Ebhe-e, ani atúko bhadi bisagu pi uo maka ani.

¹⁰ La pi okpála bhende ngab-hundja me o du ngbingbili kala Ebhe anga o ngamene engú inde li líli ngapa e, mangimbo gba Ebhe-e pi uo. Padhá de, anga Bhuku gba Ebhe-e apa me: «Ndú kpála hana inde i lila líli inde u aye e bhú bhuku-o ndu nedhinga hana de-e, a ayo me u ta pédjé li ani. ¹¹ A mbámbá me, kpála ngakolo kala Ebhe ngbingbili anga ani ngamene líli-e de. Ní ambila bhobhomu-o anga Bhuku gba Ebhe-e apa me: «Kpála inde ngbingbili kala Ebhe ka nabhuka-a, a kóbho makobho. ¹² La-a, líli dha bhú nabhuka de. A la di maka engú inde u aye e me: «Kpála inde ngamene ongú inde li líli-e ngapa e akóbho kaka. ¹³ Kilisito agbegbe ní sa pédjé na líli-o. Abhomu-o, pédjé ango-o atsia ati pi ani bhú da ní. Padhá de, anga u aye bhú Bhuku gba Ebhe-e me: «Kpála inde u agi e li ndula-a, a ayo me pédjé ti pi ani. ¹⁴ Amene lie mo-o ngubula me bisagu nani li Ebhe apa me ní ahá e pi Abalahama-a, okpála inde ne omaYuda ade-e sia di li kpadji gba Yesu Kilisito. A ko la di me li pápá na nabhuka-a, ní sia Bu Bhopua inde li Ebhe apa nani me ní ahá e-o.

Ebhe ngakobho okpála bhú gandja ani akodho e ne Abalahama-o

¹⁵ Ondaise ma, ma ngaha kukulu pi yi li engú inde ní auu e píko píko-o. I du me kpála bini nde apa ne bua e hana me ní améne engú inde ní abhundja namene e-e, i du la di me ongámási nde aziba engú ango-o, kpála bini ti da nabhebhele de, ani 'ó la di engú koko pépé de. ¹⁶ Ebhe apa nani me ní améne 'ngú pi Abalahama, di ne pi ndili inde akóto bhú piga gba ani. Bhuku gba Ebhe-e pa de me: «pi ongisi inde

^{† 3:6} 3:6 Tsia bhú Dje. 15:6. ^{† 3:8} 3:8 Tsia bhú Dje. 12:3, 18:18, 22:18. ^{† 3:10} 3:10 Tsia bhú Det. 27:26. ^{† 3:11} 3:11 Tsia bhú Abk. 2:4. ^{† 3:12} 3:12 Tsia bhú Lev. 18:5. ^{† 3:13} 3:13 Tsia bhú Det. 21:23.

azé bhú piga gba mū», mugito me a ko okpála bheldé-e de. A apa me: «ne pi ndili inde akóto bhú piga gba mū†», ngú nasuno koli kpála bini inde Kilisito.

¹⁷ Engú inde ma ngakunda napa e ngae inde: Ebhe akodho nani gandja ne Abalahama, ani atsia apa me engú inde ni apa me ni améne e-e, ni améne mamene. Kalanga kámá badha ne ndjikpa bata pipita-a, líli gba Moidje atsia akoto. Líli angó-o ti da natu silika nani li Ebhe akodho e ne Abalahama de, a ti la di da nabholé engú inde li Ebhe apa nani me ni améne e pi Abalahama de. ¹⁸ I du me Ebhe nde ngamene bádha 'ngú pi okpála anga u ngakpata líli-e, amba a kpata engú inde li Ebhe apa me ni améne e pi okpála-a de. La-a, Ebhe asuno bádha bhú 'bu gba e pi Abalahama, anga ani apa nani me ni améne pi ani mamene.

Ta líli li Ebhe aha e ne ni?

¹⁹ Ta líli-e ne ni? Ebhe aha nani líli-e ngubula me ni mbila me siti 'ngú ngae dho-ie. Ani aha nani ngú nadjeke nedhinga inde li Ndili gba Abalahama agó lie-o. A ko kpála inde li Ebhe apa nani me ni améne ehe pi e-o. Ebhe aha nani líli angó-o pi okpála li pápá gba oandjelu, u atsia akpokpo 'ngú téte pi okpála li pápá gba bhende adu maka ludu* sunda Ebhe ne okpála-o. ²⁰ U dudu ne gumu ludu ngubula koli kpála bini de. La-a, Ebhe bha ngae kpi e kpi.

²¹ A akunda napa me líli-e ngatu 'ndji e ne engú li Ebhe apa e? A mo-o ade. I du ne líli inde i ti da naaha mukobho na kükülu pi okpála-a, a de ti da namene me u kolo di ngingbili kala Ebhe. ²² Engú bini, a maka u aye lie bhú Bhuku gba Ebhe-e me, siti 'ngú ako angu e pi ndu okpála na píla doto libhomu. Kaka-a, Ebhe aha ehe inde ani apa me ni

ahá e pi omabhuka kabula nabhuka gba o bhú Yesu Kilisito-o.

²³ Nani kalanu me kpadji nde nga ade ngubula me okpála bhuka-a, ni adu maka okpála inde bhú tikpu sa líli, akolo li nedhinga li Ebhe asuno kpadji lie pi ni ngú nabhuka-o. ²⁴ Líli-e adu nani pi ni maka mulila akolo li nedhinga li Yesu Kilisito ago lie-o. A adu mo-o ngubula me ni kolo ngingbili bhú djila Ebhe, anga ni abhuka Yesu Kilisito. ²⁵ Mbia inde-e, li kpadji abhulu lie lie me ni bhuka Yesu Kilisito-o, líli-e matá ne mulila gba ni ade. ²⁶ Padhá de, anga ndu yi hana yi ne ongisi gba Ebhe, anga yi abhuka Yesu Kilisito. ²⁷ Ndú yi hana inde asia batismo bhú Kilisito-o, yi akolo maka ani. ²⁸ Kaka-a, ndu yi hana, yi akolo kpála bini anga yi akpetse liyi ne Yesu Kilisito, maYuda, i du di-e kpála inde ne maYuda ade-e ade. Bali, i du di-e kpála inde ne bali ade-e ade. Bhoko, i du di-e ole ade. ²⁹ I du me yi nde ne okpála gba Yesu Kilisito-o, amba yi ne odi Abalahama. Abhomu-o, yi asia ehe inde li Ebhe apa nani me ni ahá e pi Abalahama masia.

4

Omakilisito matá bhú bali ade, engú bini, u akolo ongisi gba Ebhe

¹ Engú inde ma akunda napa e ngae inde: a maka ndili inde asia tia gba 'dyi e-o. Nedhinga ani nde nga bha lie yeye-e, ani maka bali, belegu li ndu 'he hana nde lie naani-o. ² Nedhinga ani nde nga bha lie yeye-e, okpála du nalila ani, u tsia du di natsia 'kpí li ongú gba ani-e akólo li ekpí li 'dyi ani a'o e-o. ³ A bhadji moko, li nedhinga ni adu nani lie maka ongisi-e, ni adu obalise gba osisiti bua inde ngau píla doto-o. ⁴ Nedhinga inde li Ebhe a'o nani e akolo lie, Ebhe atsia atima Ndili gba e-o. Ole bini azu ani ngae.

† 3:16 3:16 Tsia bhú Dje. 12:7. * 3:19 3:19 Ludu: A ko Moidje .

Ani adu nani sa lili gba omaYuda-a, ⁵ ngubula me ani kobho okpala bhende adu sa lili-o, amba ni kolo ongisi gba Ebhe.

⁶ Ka yi nde lie ne ongisi gba Ebhe-e, ani atima Bua gba Ndili gba e li bua ni. Bua ango-o ngapa me: «Aba, 'Dyi ma!» ⁷ Bhabhomu-o, akunda napa me, mu matá ne bali na lili gba Moidje ade, engú bini, mo okolo ndili gba Ebhe. Mu nde lie ne ndili gba ani-e, ani ahá obabadha 'ngú inde ani a'o e pi ongisi gba e pi mu maha.

Omabhuka na Galatia masikpe de nagie matá lio bhú bali ne toto

⁸ Nani kalanu-o, yi mbila nga nani Ebhe de, yi atsia adu obalise gba oebhe na eu, inde ne okukulu Ebhe ade. ⁹ Engú bini, la mbia inde-e, yi ambila Ebhe, ne me ani ambila mangbo yi ngae. La-a, lele pi yi ti da matá lie nagie liyi li pápá gba osisiti bua na padhá, inde li angu nde bhú o ade-e, inde li tata nde la di li o ade-e? Ka ni yi akunda matá lie nakolo obalise gba uo-o? ¹⁰ Yi aholo matá namene olili inde atsia oekpi, ne oepe, ne onedhinga di ne okalanga. ¹¹ Ma ngadje tsulu me ndala gba ma li ma amene kulu lie pi yi-e anú padhá de.

¹² Ondaise ma, ma ngakikiliki lima pi yi me, yi kolo maka ma, anga ma akolo di maka yi. Yi mene siti 'ngú li ma belegu de bini. ¹³ Yi ambila ndjindji me ma akpokpo Béda Ngali-e pi yi bhutsibhutsi na bini-e anga adu li ma ne kuo. ¹⁴ Kaka-a, a ayo nako me kuo ango-o bu tsulu li yi, amba yi tse la di ma. La-a, yi u ma padhá de, yi tsia tse la di ma de. Yi asia ma maka andjelu gba Ebhe, mugito me yi asia Yesu Kilisito. ¹⁵ Li nedhinga bhomu-o, yi adu bhú djali. Akolo li yi ne mangua 'ngú dho? Ma ambila ndjindji me li kpadji d'uu-o, yi de apandja odjila yi, yi tsia há muma. ¹⁶ La mbia inde-e, ma akolo bhulu yala gba yi, anga ma ngapa pi yi kukulu 'ngú?

¹⁷ Obhulu eu bhomu-o ngakunda me o gbele yi li pápá gba o, engú bini, ta namene ka uo mo-o ndjindji ade. U ngamene mo-o ngubula me yi dji 'ngbu yi li ma, amba yi gbite liyi li o. ¹⁸ A ndjindji ne nagbite lio ndu 'kpí hana li bádha 'ngú. Yi améne bha bini de me ma nde bhú ká yi-e de. ¹⁹ Odi ma, ma matá ngazu likabhu kabula yi ne toto maka ele inde ngazu. Ma azú likabhu ango-o akólo li nedhinga inde yi akólo lie maka Kilisito-o. ²⁰ Ma ne gamu me ma du de yi mbia inde-e ngubula me ma gama 'ngú pi yi kpi. Padhá de, anga bua ma alu ngú yi abhúlá má gba!

Agala ne Sala ngasuno lele gandja bhisi gba Ebhe-o

²¹ Yi pa nga muma, ngayi okpala inde akunda nadu sa lili-o. Yi dje engú inde li lili ango-o ngapa e di? ²² U aye bhú Bhuku gba Ebhe-e me Abalahama azu nani ongisi na bhosibhosí bhisi. Ani azu bini li Agala, ele inde adu bhú bali, bhe koko-o, ani azu li Sala, ele inde i du naae bhú bali de ko. ²³ Ndili bhende ani azu e li ele inde adu bali-e, ani azu ani maka u azuzu kpála-kuti lie-o. La-a, ndili bhende ani azu e li ele inde i du bhú bali de-e, ani azu ani maka li Ebhe apa nani lie-o.

²⁴ Engú inde akodho 'kpí li bili bhomu-o ngasuno pi ni engú inde na ngeengbé, li ta e awo di lie mawo. Olisi bhisi bhomu-o ngasuno gandja bhisi li Ebhe akodho nani e-o. Ole na kulu, Agala ngasuno gandja inde li Ebhe akodho nani e ne Moidje pi eta na Sinai-o. Ongisi gba Agala nani ne obalise. ²⁵ Agala-a, a ko kulu eta u a'i e me Sinai bhú doto na Alabia. Eta ango-o mbia inde-e maka Yelusalema. Padhá de, anga Yelusalema bhú bali ne ongisi gba e-e hana. ²⁶ Engú bini, Yelusalema na abhúlá-a bhú ngue. A ko 'hi ni ngae. ²⁷ Padhá de, anga u aye bhú Bhuku gba Ebhe-e me:

«Kpi djali, ngamu i zu de, ngamu ele
inde i zuzu de-o.

Sula ne djali, amba mu tu 'ue,
ngamu ele inde i dje likabhu nazu
de-o!

Padhá de, anga ongisi gba ele
inde li 'ko e ngabhundja e ade-e,
adú bhele ane ongisi gba ele
inde bhú kuya-o.[†]

²⁸ Ngayi ondaise ma, maka Isaka-a, yi ne ongisi inde u azu o maka li Ebhe apa nani lie-o. ²⁹ Nani li nedhinga bhomu-o, ndili inde u azu e maka u azuzu kpála-kuti lie adu nato mbolo li ndili inde u azu e bhú angu gba Bu Bhopua-o. A bhadi li nedhinga na naki-e moko. ³⁰ La-a, Bhuku gba Ebhe-e apa pi? A apa me: «To holo bhú 'dhu ele na bali-e bhú dabili bini ne ndili gba e-o. Padhá de, anga a ayo de me ndili gba bali-e sia ohe gba 'dyi o-o bhú dabili bini ne ndili gba ele inde bhú bali ade-e de.[†]» ³¹ Kaka-a ondaise ma, ni ne ongisi gba ele na bali-e ade, ni mangbo ne ongisi gba ele inde bhú bali ade ko.

5

Kilisito agbegbe ní bhú bali-e agbegbe

¹ Kilisito agbegbe ní bhú bali-e agbegbe ngubula me ní du bha ndju bhú ngu ni. Kaka-a, yi lu kpekpeke, yi a'ó matá de me yi gie liyi bhú bali-e de.

² Yi djedje! Ngama Polo-o, ma apa pi yi me, i du me yi nde ali gandja-a, Kilisito du pi yi ne tata de. ³ Ma ngapa matá na paká paká pi ndu obhosí hana inde ali gandja-a me, a ayo me u manga ndu lili-e hana.

⁴ Ngayi okpála bhende ngabhundja me Ebhe aú yi ngbingbili bhú djila e kabula namanga lili-e, yi agbo bhúsá yi ne Kilisito agbo. Bádha bhú 'bu gba Ebhe-e aneke yi aneke.

⁵ La pi ya-a, ya nga'o 'to ya 'to Ebhe,

inde améne me ya du bhú djila ni ngbingbili ko. A bhomu-o engú inde ya ngadjeke me amene lie má gala li pápá na angu gba Bu Bhopua, inde ngau lie bhú nabhuka gba ya-o. ⁶ Padhá de, anga pi kpála bhende akpetsø lie ne Yesu Kilisito-o, nali gandja, i du di-e nali gandja de-e, a pi ani ne tata ade. Engú bini, ehe inde ne tata-a, a ko nabhuka inde ngamene kulu ne mukunda.

⁷ Yi akpo lilita ndjindji. A ani kpadji pi yi da me yi amánga kükülu 'ngú-o de-e? ⁸ Engú na sisiti inde u ato e bhú 'ndji yi bhomu-o yie ka Ebhe kpála inde a'i yi-e de. ⁹ Mboyé kú levile* bedi ngamene me ndu mapa hana fuka. ¹⁰ Ngama-a, ma nga'o 'to ma libhomu 'to Ngámá li 'ngú gba yi-o, anga ma ambila na paká me yi bhundja 'ngú koko kpi ne ma de. Engú bini, kpála bhende ngangbingi 'ndji yi bhomu-o abí mangimbo gba Ebhe, belegu i du bha da-ie!

¹¹ Mumá-a ondaise ma, i du me ma nde nga bha matá ngakpokpo 'ngú nali gandja-a, ka ni la u nde ngabha lie ngato mbolo li ma-a? I du mo-o, amba tata li nakpokpo 'ngú pindji nakpi gba Kilisito li kulusi-e ade. ¹² A ayo me okpála inde ngangbingi 'ndji yi-e kolo maka oenike.[†]

¹³ Pi yi-e ondaise ma, Ebhe a'i yi me yi adú matá obalise na lili gba Moidje de. Yi nde la lie bhú ngu yi-e, yi adú namene ogumá na sisiti gba yi na kalanu-o de. Engú bini, yi teteke liyi súnda yi ne mukunda.

¹⁴ Padhá de, anga ndu lili hana akpetsø lie bhú kolí lili bini inde me: «Kunda kilí mu maka mo okunda limu lie ngamu makpe ko.[†]» ¹⁵ Engú bini, i du me yi nde ngamene liyi maka onu 'te inde nganunumu lio di ne na'o'o 'ka lio súnda o-o, 'e-e la-e, yi abhili liyi súnda yi mabhili.

[†] 4:27 4:27 Tsia bhú Isa. 54:1. [†] 4:30 4:30 Tsia bhú Dje. 21:9, 10. * 5:9 5:9 Levile: Ngasuno lele kulu okpála inde apite omabhuka na Galatia-o. [†] 5:12 5:12 Eniki: A ko bhoko inde i ti da nakunda olo de, anga angu na bhoko bhú ani ade. Tsia bhú Mat. 19:12. [†] 5:14 5:14 Tsia bhú Lev. 19:18.

Yi 'o me Bu Bhopua suno kpadji pi yi ngae

¹⁶ Ma apa pi yi me, yi 'o me Bu Bhopua suno kpadji pi yi ngae. I du me yi nde amene mo-o, yi kpáta matá ogumü na sisiti gba yi na kalanü-o de. ¹⁷ Padhá de, anga ogumü na sisiti gba yi ngagü bhende gba Bu Bhopua-o. Gümü gba Bu Bhopua di ngagü bhende gba ní makpe-o. Ogumü bhomü-o ngatü 'ndji o sonda o, masikpe de napa me yi ti da namene engü inde yi akunda namene e-e de. ¹⁸ I du me Bu Bhopua nde ngasuno kpadji pi yi ngae-e, yi matá sa lili ade.

¹⁹ Okulu gba kute ní makpe ngau lie mbámbá. A ngau lie bhú nakunda olisi, i du di-e obhosu ngangá, di ne ogumü ongú koko hana na sisiti. ²⁰ A ko nadhege oebhe na eu, a ko namene engü na kobha. U ngayala lio sonda o, u ngatsi, u ne 'ngbé bua, u ngake 'ngú lio, u bha bini ngabhundja engü gba o makpe. U ngaggobgo bhúsü o, u dje lio de. ²¹ U abedhe ne gumü 'he gba okpála koko bhú o bedhe, u akolo obalise na pandi, a ko obhulü kandü 'zu, u ngamene ongú koko bhelé bhelé maka ongú bhomü-o. Ma ngagbele 'dje yi mbia inde-e maka ma amene lie nako kalanü-o: okpála inde ngamene ongú mo-o, sia dabili bhú Naü gba Ebhe-e de.

²² Engü bini nguwa gba Bu Bhopua-a, a ko mukunda, djali, guo 'ngú, 'ndjá bua, bádha bua, namene bádha 'ngú, nadü ne kpála inde u ti da na'o 'to o 'to e, ²³ nake lio ne kuto, naholo bua o ka 'ngú maholo. Lili bini yala ongú bhomü-o de. ²⁴ Okpála gba Yesu Kilisito agi ogumü na sisiti gba o-o li kulusi. ²⁵ Bu Bhopua ngaha mukobho pi ní ngae, kaka-a, a ayo me ní 'o me ani suno kpadji pi ní ngae. ²⁶ Ní adú ne 'ngbé 'ndji de. Ní adú nake 'ngú liní sonda ní de. Ní adú la di ne 'ngé bua sonda ní de.

6

Ní teteke liyi sonda ní

¹ Ondaise ma, i du me kpála bini nde ati bhú siti 'ngú-o, ngayi okpála bhende li Bua gba Ebhe-e nde bhú o-o, yi de gie ani li ngbili kpadji ne bádha bua. Kpála ne kpála lila la di lie me ní ati bhú nale de. ² Yi teteke liyi sonda yi bhú otilli 'ngú inde sonda yi-o. I du me yi nde ngamene mo-o, yi méne lili gba Kilisito. ³ I du me kpála bini nde ngabhundja me ní ne 'ngbé kpála, a nde la kpála na padhá-a, amba ani ngapite lie ngae makpe. ⁴ A ayo me kpála ne kpála tsia lele nadhukü gba e ngae makpe. I du me a nde ndjindji-e, ani tsia kpí djali li kulu gba e-o. Ani kpí djali de me anga ní akpo 'ndji ní ne kpála koko de. ⁵ Padhá de, anga a ayo me kpála ne kpála bi titili 'ngú gba e-o.

⁶ Kpála inde u asuno eli gba Ebhe-e pi e-e, a ayo me ani gbogbo bhúsü tia gba e ne müssuno gba e-o.

⁷ Yi apité liyi de, u mümü Ebhe de. Kpála asia bha bini nguwa inde ani alu e-o. ⁸ I du me ani nde ngamene 'ngú maka li ogumü na sisiti ngatima ani lie-e, nguwa inde ani asia e-e, a du kuo. Engü bini, ani mene engü inde nganga li Bu Bhopua-a, nguwa inde ani asia e-e, a du mukobho na duduuma. ⁹ Ní andála li namene babadha 'ngú de. Padhá de, anga ní zi kekele téte nakolo ali soso-o, ní sia nguwa gba ní-e li nedhinga ango-o. ¹⁰ Kaka-a, i du me kpadji nde u-o, a ayo me ní mene bádha 'ngú pi ndu okpála hana, a ne la mane pi ondaise ní bhende bhú 'bu nabhuka ko.

Polo ngaha olili na soso

¹¹ Engü inde ma aye e pi yi mbia inde-e, ma aye ne 'kpa ma makpe, maka yi ngauu lie ne ngbengbe djila balua-o. ¹² Okpála inde ngaholo yi ne kpéke me yi li gandja-a, a ko okpála inde ngakunda nanga li okpála. U ngamene mo-o ngubula me okpála ató mbolo lio kabula

kulusi gba Kilisito de. ¹³ Okpála inde ngali gandja bhomu-o ngamanga lili ade. Uo ngaholo yi ne kpéke me yi li gandja, amba u bhi 'kpa o pi mbulu o me o to yi bhú gandja ne kpéke.

¹⁴ La muma-a, ma ngabhi bha bini 'kpa ma pi mbulu ma kabula kulusi gba Ngámá gba ní Yesu Kilisito-o. Padhá de, anga li pápá na kulusi-e, ma au ongú na doto maka ehe na kukuo, la di-e, ma maka kpála inde akpi bhú ongú na doto akpi. ¹⁵ Kaka-a, nali gandja, i du di-e nali gandja de-e, tata téte ade. Engú inde ane mane-e, a ko mangbo me Ebhe dji kpála, amba ani kolo kpála na mbia. ¹⁶ Pi ndu okpála hana inde ngakpata engú inde ma ngasuno e-e, a ayo me Ebhe ha guo 'ngú pi uo, amba ani dje di ndjinga uo bhú dabili bini ne omañsalaele na kúkúlú, inde okpála gba Ebhe ko.

¹⁷ Nayie pi mbia inde-e, a ayo de me kpála bini 'o matá lungalú kala ma li 'ngú bini-e de. Padhá de, anga opokoli inde li kute ma inde-e ngasuno me ma ne kpála ka Yesu.

¹⁸ Ondaise ma, a ayo me bádha bhú 'bu gba Ngámá gba ní Yesu Kilisito du bhú dabili bini ne ndu yi hana. A adu moko!

Balua gba Polo pi omabhuka na gudhu na Efeso **Eli na kalanu**

Balua inde li Polo aye e pi omabhuka na Efeso-o, ngatsia ngaiza kalanu engú inde pindji mabhundja gba Ebhe, ngubula napo bhála ndu oehe hana inde ani abho e, ohe inde na abhúlá ne bhe na píla doto bhá dabili bini ne Kilisito maka ndjindji-o (1:10). Ani nga'i okpála gba Ebhe me u du akobho li lele mabhundja na ngeengbé bhomu inde pi ndu okpála hana bhá nakpetse lio ne Kilisito.

Bhá balua inde ane okulu oehe bhelé inde ngasuno me, okpála gba Ebhe ngadu bini bhá makpetse bhá dabili bini ne Kilisito: Piga gba Ebhe maka kute kpála inde li Kilisito nde ne 'ndji e. A di maka eti inde li Kilisito nde ne nepanda na e-o. A la matá di maka oló inde li Kilisito nde maka ko e-o. Bhá nagama ongú gba Polo pindji mabhundja na bádha bhá 'bu gba Ebhe inde bhá Kilisito-o, a ne oeli bhende ngatu kpála, a la di ne oeli inde nga'e bua kpála abhúlá má gba! Ndu 'ngú bhomu-o hana ngau lie li zi 'kpí na mukunda gba Kilisito, bhá makiso, bhá mambu, bhá bádha bhá 'bu, a la di-e bhá navulu lio.

Ongbengbe ongú inde bhá bhuku inde-e ngae inde:

Eli na kalanu 1:1-2

Kilisito a la di-e Dadjua gba Ebhe 1:3 - 3:21

Mukobho na mbia bhá Kilisito 4:1 - 6:20

Eli na soso 6:21-24

Polo yi omabhuka na Efeso mayi

¹ Ngama Polo, ma ne bhálu titima gba YesuKilisito , anga Ebhe akunda mo-o. Ma aye balua inde-e pi okpála na bububu gba Ebhe inde bhá gudhu na Efeso, inde abhuka

la di Yesu Kilisito-o. ² A ayo me Ebhe 'Dyi ní, ne Ngámá gba ní Yesu Kilisito, suno bádha bhá 'bu gba o-o pi yi, amba u ha di guo 'ngú pi yi.

Ebhe atuko bisagu pi ní bhá makpetse gba ní ne Yesu Kilisito

³ Ní dhége Ebhe, 'Dyi Ngámá gba ní Yesu Kilisito-o! Ani atuko bisagu pi ní bhá nakpetse liní ne Yesu Kilisito, anga ani aha ndu bisagu hana na bhabua na abhúlá-a pi ní.

⁴ Kala me Ebhe bho doto-o, ani abhú nani ní bhátoye ngubula me ní du ne okpála gba ní li pápá gba Kilisito, amba ní du ne okpála inde bubu, u ti da nau siti 'ngú napapa li o de. Padhá de, anga ani akunda ní.

⁵ Kaka, nayie nani bhátoye naali-e, ani amene me ní kolo ongisi gba ni li pápá gba Yesu Kilisito. A bhomu-o engú inde ani amene e pi ní bhá bádha bhá 'bu gba e-o. ⁶ Ní toko sangu gba Ebhe ngubula bádha 'ngú inde ani amene e pi ní ne bádha bua gba e, anga ani akunda me amene lie mo-o bhá Ndili gba e na mukunda-o.

⁷ Padhá de, anga bhá nakpetse liní ne Yesu-o, Ebhe agbegbe ní bhá siti 'ngú ka ngute ani. Ani atsia ambu li siti 'ngú gba ní-o. Ebhe asuno pi ní bhomu-o tia inde bhá bádha bhá 'bu gba e, ⁸ inde ani aha e me a nde abedhe bedhe-o. Ani atsia aha di ndu imbilangú hana pi ní.

⁹ Ani asuno engú gba e inde awo lie mawo-o pi ní. Engú inde bhá bádha bhá 'bu gba e inde ani apa nani bhátoye me ní améne e bhá Kilisito-o. ¹⁰ Engú inde ani apa me ní améne e li nedhinga ani a'o e-e, a ko nakpetse ndu 'ngú hana inde abhúlá, ne bhende píla doto-o sa koli Ngámá bini, Kilisito.

¹¹ Bhá nakpetse liní ne Kilisito-o, ní asia ehe inde li Ebhe apa nani me ní ahá e pi ní-o. Padhá de, anga Ebhe alo nani ní kalanu didili naali maka ani akunda lie-o. La di-e, ani ngamene ndu 'ngú hana maka ani akunda nani lie, di ne maka ani apa

lie-o. ¹² Kaka-a, a ayo me ní toko sangu gba Ebhe, nganí okpála inde a'o 'to o nani bhútode bhú Kilisito.

¹³ Ngayi di-e, li yi adje ngali na kúkúlú 'ngú-o lie, Bádha Ngali inde aha mukobho pi yi-e, yi atsia abhuka Kilisito. Abhomú-o, Ebhe atsia atu kasé inde ngasuno me yi ne ongisi gba ni-e li kute yi, li ani aha Bu Bacobua inde ani apa nani me ni ahá e pi yi-e lie-o. ¹⁴ Bu Bacobua ang-o-ne ehe na kalanú bhú ka obabadha 'ngú inde li Ebhe aleke e pi omaha e-o. Ani ngapa pi ni me ni asia ongú ang-o-masia li nedhingga li Ebhe agbégbe ni lie bhú siti 'ngú gba ni hana-o. Kaka-a, ayo me ni toko sangu gba Ebhe.

Polo ayo Ebhe ngú omabhuka

¹⁵ Kaka-a, mbia inde-e, li ma adje lie me yi abhuka Ngámá Yesu-o, di ne me yi ne mukunda pi ndú omabhuka hana-a, ¹⁶ ma'o nagie hení pi Ebhe li 'ngú gba yi-e de. Ma ngabundja yi bhú omayo gba ma-o. ¹⁷ Ma ngayo ka Ebhe gba Ngámá gba ní Yesu Kilisito, 'Dyi ní na asasaua me ani ha bua na imbilangú pi yi. Bua ang-o-asúno Ebhe pi yi mbámbá, ani tsia méne di me yi mbila ani na paká paká. ¹⁸ Ma ngayo me ani bhulu imbilangú gba yi ngú nambila obabadha 'ngú inde ani apa me ni ahá e pi okpála bhende ani a'i o-o. Ma la di ngakunda me yi mbila tia di ne sangu inde bhú obabadha 'ngú inde ani aleke e pi okpála gba e-o.

¹⁹ Kaka-a, yi ambíla angu na kuo kuo inde ani nde ne e pi ni omabhuka-o. Angu ang-o-o, a ko bhende li Ebhe asuno e na paká paká, ²⁰ nedhingga li ani azuku Yesu Kilisito lie, ani atsia a'o ani li pá 'kpa e na kokpa abhúlá-o. ²¹ Oo, ani a'o Kilisito pi 'ndji ndú obua hana, pi 'ndji ndú obua hana na angu, pi 'ndji ndú obua hana na kpekpeke ne pi 'ndji ndú o'ili hana inde u ti da na'i e bha bini naki de, engú bini,

inde u ti da di na'i e bhú okpí inde ngago ko. ²² Ebhe a'o ndú 'he hana sa 'dhú Kilisito. Ani atsia a'o ani Ngámá pi 'ndji ndú 'he hana di ne pi 'ndji Dadjua gba e-o. ²³ Piga gba Ebhe-e, a ko kute Yesu Kilisito. Angu gba ani-e ngadú bhú Dadjua ang-o-o, ngaani-e, ani ne ndú bili hana.

2

Ní azuku bhú dabili bini ne Yesu Kilisito

¹ Nani kalanú-o, yi amu li bua yi kabula pulu 'ngú di ne kabula siti 'ngú gba yi-o. ² Yi adú nakobho bhú siti 'ngú nakpata lele mukobho na doto inde. Yi adú namanga ngámá na angu gba osisiti bua inde atu 'kpí-o. Ngámá ang-o-o, a ko bua inde ngamene kulu bhú okpála inde ngagú Ebhe-o. ³ Ní adú bhadi nani ndú ni hana maka uo. Padhá de, anga ni adú nani nakobho bhú gümü na sisiti gba ni-o. Ní adú namene gümü na kute ni, di ne gümü na bua ni. Ka siti 'ngú gba ni-e, a ayo nani me ke 'ngú gba Ebhe-go pi ni maka okpála koko.

⁴ Engú bini, ndjinga gba Ebhe-e ngebé, mukunda gba ani pi ni-e ngebé naali. ⁵ Kaka-a, ani aha matá mukobho pi ni li pápá gba Kilisito, nganí okpála inde amu nani ka siti 'ngú gba ni-o. A na paká me ni akobho ka bádha bhú 'bu gba Ebhe.

⁶ Bhú makpotso gba ni ne Yesu Kilisito-o, Ebhe azuku ni bhú kuo bhú dabili bini ne ani, ngubula me ni u bhú dabili bini ne ani abhúlá.

⁷ Bhú nasuno bádha bhú 'bu inde ani asuno e pi ni bhú Yesu Kilisito-o, Ebhe akunda nasuno bhomú-o ngubula ndú nedhingga hana inde ngago-o bádha bhú 'bu gba e na ngebé ko. ⁸ Padhá de, anga yi akobho ka bádha bhú 'bu gba Ebhe kabula nabhuka. Mukobho ang-o-yie ka yi de, a ko ehe inde li Ebhe aha e pi yi padhá. ⁹ Mukobho ang-o-yie ka okulu gba yi-e de. Kaka-a,

a ayo de me kpála bini pa 'li e tété-e de. ¹⁰ A na paká me Ebhe abho ní ngae. Ani abho ní bhú nakpétse liní ne Yesu Kilisito ngübula me ní mene ongú na babadha. Obabadha 'ngú ango-o, Ebhe aleke nani pi ní bhutode me ní mene.

Yesu akpétse omaYuda ne obhende ne omaYuda ade-e bhú nakpi gba e-o

¹¹ Yi bhundja nga maka yi adu nani lie kalanú-o. Ngayi okpála inde li omaYuda adu na'i o me okpála inde i li gandja* de, anga bhú nazuo, yi ne omaYuda ade. U atsia adu na'i lio me o ne okpála inde ali gandja. A ko la ehe inde li okpála amene e li kute ne 'kpa o. ¹² A na paká me bhú nedhinga bhomú-o, yi adu nani de Kilisito tsutsu. Yi adu ne ogandji okpála, yi dū nani bhú piga gba omañsalaele de. Gandja inde li engú li Ebhe apa nani lie me ni améne e pi okpála gba ni-e alu pi e, dū pi yi de. Yi adu nani nadu píla doto me yi nde 'o 'to yi 'to Ebhe de. Ebhe dū la di bhú yi de. ¹³ La mbia inde-e, bhú nakpétse liyi ne Yesu Kilisito-o, ngayi okpála inde adu nani de ani tsutsu-o, yi adyudyo liyi de ani masikpe kabula ngute ani-o.

¹⁴ Padhá de, anga Kilisito ngae makpe aha guo 'ngú pi ní ngae bhú namene me omaYuda, ne okpála bhende ne omaYuda ade-e kolo koli okpála bini. Bhú nakpi ka ani-e, ani agugumu kozie inde adu nani nagbo bhúsú uo-o. Kozie ango-o adu nani nayala lio súnda o. ¹⁵ Ani abulú lili gba Moidje ne odapo ango-o hana. Ani amene me omaYuda, di ne okpála bhende ne omaYuda ade-e kolo koli piga bini na mbia bhú nakpétse lio ne ani. Abhomú-o, ani atsia agie guo 'ngú. ¹⁶ Bhú nakpi ka ani li kulusi-e, Kilisito akpétse uo bhú koli kute bini. Ani atsia agie makpolia súnda uo ne Ebhe. Li pápá na kulusi-e, ani a'e yala

súnda uo. ¹⁷ Kilisito ago ngübula nakpokpo Bádha Ngali na guo 'ngú pi yi okpála inde adu nani tsutsu de Ebhe, di pi okpála inde adu nani masikpe-o. ¹⁸ Li pápá gba Kilisito-o, ndu ní hana, omaYuda ne okpála bhende ne omaYuda ade-e, ní ti da nadyudyo liní de Ebhe, 'Dyí ní, ka koli Bu Bhopua bini.

¹⁹ Kaka-a, ngayi okpála inde ne omaYuda ade-e, yi matá ne ogandji okpála ade, yi maka ogomago ade. Engú bini, yi mbia inde-e ne ongisi na kuti, yi bhú ká okpála gba Ebhe. Yi ne okpála na piga gba Ebhe. ²⁰ Ngayi-e, yi akolo ndula na eti inde li 'dhú e nde ne obhulu titima gba Yesu, di ne opolofeta. Nepanda na eti ango-o, a ko Yesu Kilisito ngae makpe. ²¹ Ani ngamene ngae me eti-e lu kpekpeke. Ani la di ngamene me eti ango-o kolo 'ngbé 'ti Ebhe na bubu, inde u a'o e pi Ngámá. ²² Bhú nakpétse lio ne Kilisito-o, ngayi di-e, yi maka ndula na eti inde u ayiki e-o. Yi atsia akolo ne ndu okpála koko koli eti bini inde li Ebhe ngadu bhú e li pápá gba Bu Bhopua.

3

Polo akpokpo 'ngú pindji engú inde awo lie mawo gba Kilisito

¹ Kaka-a, ngama Polo-o, ma ne kpála na tikpu gba Yesu Kilisito kabula yi okpála inde ne omaYuda ade-o. ² A na paká me yi adje engú pindji kulu inde li Ebhe aha e bhú bádha bhú 'bu gba e me, ma mene e pi yi ko. ³ Ebhe ambamba ta 'ngú gba e inde awo lie mawo muma, ngübula me ma mbila tata-a ndjindji. Ma aye mbo 'ngú pi yi pépé bedi. ⁴ Nedhinga yi ngatanga balua inde-e lie, yi ti da nambila imbilangú inde ma nde ne e li engú inde awo lie mawo gba Kilisito-o. ⁵ Nani kalanú-o, Ebhe mbamba nga nani ta engú ango-o pi okpála na kalanú-o de. Engú bini, ani asuno

* ^{2:11} 2:11 Gandja: A adu nani engú inde asuno me a inde-e kpála ka Ebhe.

mbia inde-e li pápá gba Bua gba e pi obhulu titima na bububu gba Yesu, di ne pi opolofeta . ⁶ Okpála inde ne omaYuda ade-e ngasia koli ehe bini ne omaYuda. Uo bhú koli kute bini. U asia la di ehe inde li Ebhe apa me ni améne e bhú Yesu Kilisito li pápá na Bádha Ngali-e masia.

⁷ Ma akolo kpála na kulu na kpokpo Bádha Ngali ka bádha bhú 'bu gba Ebhe , inde ani aha e muma bhú angu gba e-o. ⁸ Ngama-a, ma ne mboye kpála bhú ká ndu okpála gba Ebhe-e hana. Engú bini, Ebhe atsia aha bádha bhú 'bu gba e muma ngubula me ma kpokpo Bádha Ngali pi okpála bhende ne omaYuda ade-e pindji tia na ngbéngbé gba Kilisito, inde ane mabhundja gba okpála mane-o.

⁹ Ma ti da nasuno pi ndu okpála hana mbámbá maka li Ebhe ngamene engú gba e inde awo lie mawo lie-o. Ngaani-e, a ko kpála inde abho ndu 'he hana. Nayie nani didili naali-e, engú ango-o adu me a nde awo lie mawo, ¹⁰ ngubula me mbia inde-e, kabula engú li Ebhe amene e bhú Dadjua gba e-e, ndu obua hana, di ne ndu obua hana na angu inde abhúlá-a ti da nambila imbilangú gba Ebhe inde u ti da nambila alo na e de. ¹¹ Ndú 'ngú bhomu-o amene lie li lele mabhundja li Ebhe adu nani ne e nayie li lilita, inde ani amene e bhú Yesu Kilisito, Ngámá gba ní-o. ¹² Ní akpetsø liní ne Kilisito, ní atsia abhuka la di ani. Kaka-a, li ndu kpadji hana ní adu ne tsulu de ngú nadyudyo liní de Ebhe. ¹³ Kaka-a, ma ngayo ka yi me, bua yi asia ndala ka likabhu inde ma ngazú e ngubula yi-e de. Likabhu ango-o mangbo ngaha pi yi sangu .

A ayo me omabhuka mbila lele mukunda gba Kilisito inde ane ndu 'ngú hana-o

¹⁴ Kaka-a, ma ngatatu lipuku ma kuto kala 'Dyi ní Ebhe, ¹⁵ li ndu piga hana inde abhúlá ne píla doto adha

bhú e-o. ¹⁶ Ma ngayo ka ani me ani ha angu pi yi li pápá na Bhopua gba e, anga sangu gba ani-e ne 'ngbé tia na ngbéngbé. Abhomu-o, yi tsia sia angu li bua yi. ¹⁷ A ayo me Kilisito si kuti e li bhopua yi li pápá bhe nabhuka . Ma ngayo me sie yi li bhú mukunda mali, la di me a lu bhú mukunda ango-o malu. ¹⁸ Abhomu-o, yi kólo ne angu ngú nambila bhú dabilí bini ne ndu okpála gba Ebhe-e hana me lele mukunda gba Kilisito pi ní-e, ane mane! ¹⁹ Yi mbíla lele mukunda gba Kilisito inde ane ndu 'ngú hana u ti da nambila e-o. Yi abédhe ne ndu 'ngú hana inde bhú Ebhe-e bedhe.

²⁰ Ebhe ngamene kulu bhú ní ne angu gba e-o. Li ní yo 'he ka ani-e, ani ti da nahaha pi ní bheldé ane mane, anga angu gba ani-e ane ndu 'ngú hana inde ní ti da nabhundja e. ²¹ A ayo me sangu du ne ani bhú Piga gba Ebhe di ne bhú Yesu Kilisito, ndu nedhingga hana, dudama ne duduma. A adu moko.

4

Yi gili ndu 'kpí hana nadu bhú makpetsø ne Kilisito

¹ Ngama kpála inde bhú tikpu anga ma ngamene kulu pi Ngámá-a, engú inde ma ngayo e ka yi kpékpéke-e ngae inde: ngayi okpála inde li Ebhe a'i o-o, kaka-a, yi dhuku maka li okpála inde li Ebhe a'i o-o adhuhuku lie-o. ² Yi du ndu 'kpí hana nake liyi ne kuto, yi du ne bhuku bua, di ne 'ndjá bua. Yi kibila liyi bhú ongú inde súnda yi-e ne bua na mukunda. ³ Yi gili ne angu hana nadu bhú makpetsø inde li Bu Bhopua ngaha e bhú guo 'ngú inde ngagbite yi bhú dabilí bini ko. ⁴ A ne koli kute bini, di ne koli Bu Bhopua bini. Ebhe a'i la bhadi ní me ní 'o 'to ní to koli 'he bini. ⁵ Koli Ngámá bha bini, ne koli nabhuka bini, di ne koli batisimo bini. ⁶ Koli Ebhe bha bini, inde 'Dyi ndu okpála hana. Ani ngaú pi 'ndji ndu okpála hana. Ani

ngamene kulu bhú ndú okpála hana, aní la di ngadú bhú ndú omabhuka hana.

⁷ La-a, Kilisito aha pi kpála ne kpála angu gba Bhopua ngú namene ehe. Aní atsia aha di bhe gba kpála ne kpála pi e ne bádha bua. ⁸ U aye me:

«Li aní a'u lie abhúlá-a,
aní abha okpála na tikpú ne
angu,
aní atsia aha angu gba Bhopua
ngú namene ehe pi okpála.†»

⁹ La-a, napa me «aní a'u abhúlá-a», a akunda napa pi? Bhophomú-o akunda napa me, kala na'u abhúlá-a, Kilisito aké ngaiza a sate. ¹⁰ Kpála inde ake a sate-o, a ko di kpála inde a'u abhúlá tsutsu ngubula me aní du bhú ndú 'he hana. ¹¹ A ko aní inde aha kulu pi kpála ne kpála-o. Aní aha pi okoko nadú obhulu titima gba Yesu, okoko ne opolofeta. Okoko ne omusuno na Bádha Ngali, okoko ne odimando, i du di-e omusuno. ¹² Yesu amene me okpála gba Ebhe-e kolo bedhe ngú namene kulu gba aní, ne okulu inde li Kilisito aha e pi uo bhomú-o, ngubula me kute ni inde Piga gba Ebhe-e, kolo kpekpeke. ¹³ Ní mene mo-o, ndú ní hana ní kólo bhú makpötse bini bhú nabhuka ne nambila Ndili gba Ebhe-e ndjindji. Ní bhele bhú nabhuka ango-o, ní tsia kólo libhomu maka Kilisito.

¹⁴ Abhomú-o, ní du matá maka ongisi de. Ní du la di maka zabú inde li anvi ngadyudyo e ne ndú pasú hana, di ne anvi na nasuno gba omusuno inde ngapite okpála-a de. ¹⁵ Engú bini, i du me ní nde ngapa kükulu 'ngú bhú mukunda-a, ní bhéle bhú ndú 'ngú hana li pápá gba Kilisito inde ne 'ndji Piga gba Ebhe-o. ¹⁶ Aní ngamene ngae me oyá ní du bini, aní atsia akpötse di lie bhú dabili bini ne ní. Kute ní inde Piga gba Ebhe-e bhadi moko. I du me nganí inde ne okpála na Piga gba Ebhe-e ní nde ngamene kulu gba

ní bhú dabili bini ne mukunda-a, li Dadjua ango-o bhéle.

Yi koto bhú mukobho na kalanú, amba yi kolo okpála na mbia

¹⁷ Engú inde ma ngayo e ka yi ne kekele-e ne 'li Ngámá-a ngae inde: yi adú nadhukú matá maka omúpagano de. Padhá de, anga mabhundja gba uo-o padhá.

¹⁸ Ímbilangú gba uo-o bhú biti. Mukobho inde ngayie ka Ebhe-e pi uo ade. Padhá de, anga u mbila 'ngú bini de. U agbite la di bua o má ki! ¹⁹ U ngadje námu li 'ngú bini ade. U ngamene ndú 'ngú na sisiti hana inde u akunda namene e. U la di ngakunda olisi ne obhosí ngangá.

²⁰ Pi yi-e, a bhomú-o engú inde u apa e pi yi pindji Kilisito-o de. ²¹ A na paká me u apa ndú 'ngú gba Yesu-o pi yi hana. Maka omakilisito-o, u asuno pi yi kükulu 'ngú inde ní asia e ka aní-o. ²² Kaka-a, a ayo me yi tse mukobho gba yi na kalanú-o. Lele naní maka yi adú lie kalanú-o, yi koto bhúbhú makoto, anga ogumú ango-o ngapite okpála. A la di ngato okpála bhú kuo. ²³ A ayo na'o me Bu Bhopua dji yi libhomu, amba yi kolo okpála na mbia li bua yi, di ne bhú mabhundja gba yi ko. ²⁴ Yi kolo okpála na mbia, inde li Ebhe abho o maka e makpe, inde la di ngau lie bhú mukobho na ngbingibili, inde di bubu li kükulu 'ngú ngagbe e-o.

²⁵ Kaka-a, yi 'o napa eu ma'o. A ayo me kpála ne kpála pa pi kilí e kükulu 'ngú. Padhá de, anga ní ndú ní hana ne yá koli kute bini. ²⁶ I du me bua yi nde ake-e, yi alí bhú siti 'ngú de. A ayo me bua yi ke kala me ela ti.† ²⁷ Yi aká kpadji pi Djabulú de me aní ko pi yi-e de. ²⁸ A ayo me kpála inde adú nako nazi 'he-e, 'o nazi 'he ma'o. A ayo mangbo me aní mene kulu ne 'kpa e makpe, amba aní sia ezú pi e li bádha kpadji. Aní du la di ne ehe ngú nateteke okpála inde li ehe aneke ka o-o. ²⁹ Eli na

† 4:8 4:8 Tsia bhú Ets. 68:19. † 4:26 4:26 Tsia bhú Ets. 4:5.

sisiti bini akóto bhú 'bhé yi de. Yi pa bha bini eli na babadha inde i ti da nateteke okpála koko nakpata gúmu gba uo-o, a la di ngamene bádha 'ngú pi obhende ngadjedje-o.

³⁰ Yi ahá likabhu pi Bu Bhopua inde li Ebhe aha e pi yi-e de. Padhá de, anga Bu Bhopua inde li Ebhe atu e li yi maka kasé-e ngapa pi yi ngae me bhú oekpí inde ngago-o, Ebhe agbégbe yi bhú siti 'ngú gba yi-e magbegbe. ³¹ Yi 'e ndu 'ngú hana na sisiti li bua yi ma'e. Yi 'e ndu bua bhú yi ma'e. Yi 'e ke 'ngú bhú yi ma'e. Yi 'o nasusula ma'o. Yi 'o la di nasobho sobho ma'o. Yi 'o namene ndu sisiti 'ngú hana má kpekebhé! ³² Yi du sunda yi ndjindji, amba yi bedhe ne mukunda bedhe. Yi mbu li sisiti 'ngú inde sunda yi maka li Ebhe ambu la di li yi lie kabula Kilisito-o.

5

Yi dhukku maka okpála inde bhú zi 'kpí

¹ I nde lie me yi nde ne ongisi li Ebhe-e akunda o-o, yi mene ne kpéke me yi du maka ani. ² A ayo me yi du ne mukunda maka Kilisito . Padhá de, anga ani akunda ní. Ani atsia andala 'kpa li mukobho gba e pi ní maka makiso, maka enu inde u atsutsulu e pi Ebhe, inde li se e ngapu ndjindji.

³ Yi ne okpála na bububu gba Ebhe. Kaka-a, a ayo de me u dje ongú nakunda olisi, di ne obhosí ngangá, di ne namene ndu ongú na sisiti hana, i du di-e gúmu 'he naali bhú ka yi-e de. ⁴ A ayo de me siti 'li, ne engú na ngingi, ne zibotu koto bhú 'bhé yi-e de. Engú bini, yi gie mangbo hení pi Ebhe. ⁵ Yi mbila ndjindji me, kpála bini na zabhe, kpála na zibotu, i du di-e kpála na endju (padhá de, anga endju-o, a ko nayo ebhe na eu), ani lí bhú Naú gba Kilisito di ne Ebhe-e belegü de bini.

⁶ Kpála bini apité yi ne 'li na padhá padhá de. Padhá de, anga

ngua osisiti 'ngú bhomu-o ngagbele ke 'ngú gba Ebhe-e pi okpála inde ngayala namene lili gba ani-e ngae.

⁷ Kaka-a, yi akpétse liyi ne ngua okpála bhomu-o de. ⁸ Yi adu nani kalanu-o bhú biti. La mbia inde-e, li yi akpetse liyi lie ne Ngámá-a, yi akolo bhú zi 'kpí. Kaka-a, yi dhukku maka okpála inde bhú zi 'kpí. ⁹ Padhá de, anga zi 'kpí ngazu ndu 'ngú na babadha hana. A la di ngazu ngbili 'ngú ne kükulu 'ngú. ¹⁰ Yi gili ne kpéke ngú nalo engú inde li Ngámá akunda e-o. ¹¹ Yi akpétse liyi ne okpála bhende ngamene ongú na padhá padhá na sukpe-e de. Engú bini, yi gbe engú ango-o mbámbá bhú djila okpála. ¹² Padhá de, anga a ko nümü naali ngú nagama 'ngú li 'ngú inde li okpála ango-o ngamene e bhú pepe. ¹³ La-a, engú inde u agbe e pi okpála-a, akolo mbámbá. ¹⁴ La di-e, ndu 'ngú hana inde u agbe e li zi 'kpí-e, a akolo bhadi li zi 'kpí. Kaka-a, u apa me:

«Ngamu kpála inde ngala-a,
zuzuku,
yie bhú ká okpála inde amu-o
mayie,
amba Kilisito suno zi 'kpí gba e
pi mu.»

¹⁵ Kaka-a, 'ee, yi lila liyi ndjindji bhú nakobho ka yi-o. Yi adu nakobho maka ongingi de. Engú bini, yi du nakobho maka okpála na imbilangú. ¹⁶ Yi djele onedhinga inde yi nde bhú e ndjindji. Padhá de, anga onedhinga inde ní nde bhú e sisiti. ¹⁷ Kaka-a, yi adu maka ongingi de. Engú bini, yi mene ne kpéke me yi mbila engú inde li Ngámá akunda me yi mene e-o.

¹⁸ Yi alángba ne pandi de. Padhá de, anga pandi ngatima kpála bhú 'ngú na púpulu. Engú bini, yi bedhe mangbo ne Bu Bhopua . ¹⁹ Yi to masi bhú yi ne nali ndu odjua oetsi hana inde li Bu Bhopua ngaha e-o. Yi toko Ngámá ne bua yi hana. ²⁰ Yi gie hení pi 'Dyi ní Ebhe ndu nedhinga

hana, di ne ngú ndu 'ngú hana ne 'li Ngámá gba ní Yesu Kilisito.

A ayo me olø ne bhoko manga liosunda o

²¹ Yi manga liyi sonda yi kabula mazima yi nde ne e pi Kilisito ko.

²² Ngayi olisi-e, yi manga obhosí gba yi-e maka yi ngamanga Ngámá lie-o. ²³ Padhá de, anga bhoko ne ngámá pi 'ndji wala e, maka li Kilisito nde lie ne Ngámá pi 'ndji Piga gba Ebhe-o. Kilisito ne Mukobho na Piga gba Ebhe. Piga ango-o maka kute ani. ²⁴ A ayo me olisi manga obhosí gba o-o bhú ndu 'ngú hana, maka Piga gba Ebhe-e ngamanga Kilisito lie-o.

²⁵ Ngayi obhosí-e, yi du ne mukunda pi olisi gba yi, maka li Kilisito akunda Piga gba Ebhe-e lie-o. Ani asuno mukunda ango-o li nandala kpa li Mukobho gba e ngubula Dadjua ango-o. ²⁶ Ani akunda nani namene me Piga gba Ebhe-e kolo bubu, ani atsia avulu ne engu* di ne 'li e. ²⁷ Padhá de, anga ani akunda nani me Piga gba Ebhe-e koto kala ni ne sangu gba e hana. A adú ne doto bhú e de, ne engú na sisiti napapa téte de, di ne zibotu de. Dadjua ango-o du la di bubu, inde u ti da nau siti 'ngú napapa li e de.

²⁸ Kaka-a, a ayo me obhosí du ne mukunda pi olisi gba o maka u akunda kute o lie makpe-o. Padhá de, anga kpála inde ne mukunda pi wala e-e, ani ngakunda bhomu-o li e makpe. ²⁹ Padhá de, anga kpála bini inde ayala kute e makpe ade. Engú bini, kpála ne kpála ngakü kute e, di ne nalilila ndjindji, maka Kilisito ngamemene lie bhú Piga gba Ebhe-e ko. ³⁰ Padhá de, anga ní ne tika kute ani. ³¹ A maka u aye lie bhú bhuku gba Ebhe-e me: «Kaka-a, bhoko a'ó ká 'dyi e ne 'hi e ngubula nakpøtsø lie ne wala e. U tsia kólo ndu o bhisi hana koli kute bini.†» ³² 'Ngbé 'ngú na kükülu awo lie bhú engú

inde u apa e bhomu-o. Ngama-a, ma apa me u ngapa 'ngú bhomu-o li 'ngú gba Kilisito di ne Piga gba Ebhe. ³³ Engú bini, u la di ngapa 'ngú ango-o pi yi: a ayo me bhoko ne bhoko du ne mukunda pi ele gba e maka ani akunda li e lie makpe-o. A ayo la di me ele ne olø manga 'ko e.

6

Lele dasundu gba ongisi ne okpála azu o-o

¹ Ngayi ongisi, engú inde a ayo me yi mene e maka li Ngámá akunda lie ngae inde: yi manga okpála azu yi-e mamanga, anga bhabhomu-o ndjindji. ² Líli na kalanu inde li Ebhe asuno e di ne napa me ní améne ehe bhú e ngae inde: «Manga 'dyi mu ne 'hi mu mamanga, ³ amba mu du ne kpála na djali, mu tsia bhúe la di ngengele píla doto.†»

⁴ Ngayi odyi ongisi, yi améne de me ongisi gba yi-e kolo ne kpéke 'ndji-e de. Engú bini, yi ku uo ne nalili uo di ne naha líli inde ayie ka Ngámá-a pi uo.

Lele dasundu gba obalise ne omakulasi o

⁵ Ngayi obalise, yi manga omakulasi yi píla doto mamanga ne nazi uo ndjindji, ne koli bua bini mugito me yi ngamanga Kilisito. ⁶ Yi améne bha bini mo-o li nedhinga inde u ngatsia 'kpí li yi lie de. Padhá de, anga yi mene mo-o, i mána mugito me yi amene ngubula me okpála ziba yi. Engú bini, yi mene engú inde li Ebhe akunda e ne koli bua bini, maka obalise gba Kilisito. ⁷ Yi mene kulu pi omakulasi yi ne bádha bua mugito me, yi ngamemene pi Ngámá ngae makpe, anga yi mene pi kpála de. ⁸ Padhá de, anga yi ambila me, abana i du bali, i du di-e bali de-e, kpála ne kpála asia makalá sakpa Ngámá

* ^{5:26} 5:26 Engu: A ko batisimo. Tsia bhú Tit. 3:5. † ^{5:31} 5:31 Tsia bhú Dje. 2:24. ‡ ^{6:3} 6:2-3 Tsia bhú Eki. 20:12; di ne bhú Det. 5:16.

li lele bádha kulu li kpála ango-o amene e-o.

⁹ Ngayi, omakúlasi okpála, yi mene bhadi moko pi obalise gba yi-o. Yi abú tsúlu bhú uo ne napa de me yi ató mbolo li uo de. Yi mbíla ndjindji me ngayi ne obalise gba yi-e, a ka yi ne koli Ngámá bini abhúlá. Ani gbogbo bhúsú okpála de.

Yi bi tia 'gu inde li Ebhe ngaha e pi yi-o

¹⁰ Ngú nabu tata-a, yi gili angu gba yi-e bhú nakpötse liyi ne Ngámá, bhú angu na ngbéngbé gba aní-o.

¹¹ Yi bi ndú tia 'gu hana inde li Ebhe ngaha e pi yi, ngubula me yi lú kpekpeke kala siti mabhundja gba djabúlu-o. ¹² Padhá de, anga ní ngagú gbele ne okpála-kutí ade. Engú bini, ní ngagú 'gu ne osisiti bua inde ne angu abhúlá. Ní ngagú 'gu ne ongámásí na angu di ne obhende na sukpe. ¹³ Kaka-a, yi ha ndú tia 'gu gba Ebhe-e hana, amba li nedhíngua na sisiti akólo lie, yi de lú kala bhúlú yala gba yi-e kpekpeke. La di-e, pítá nagú gbele akolo alí soso-o, yi tsia lú li bili yi nde li e kpekpeke.

¹⁴ Ka 'ngú ango-o, yi lú kpekpeke. Yi gbite kúkulu 'ngú ludu yi maka mukabha. Yi holo ngibili 'ngú maka bongo na kó 'nú inde ngalila mbulu kpála. ¹⁵ Yi dyí gúmu na nakpokpo Bádha Ngali na guo 'ngú maka maleke. ¹⁶ Yi holo nabhuka ndú 'kpí hana maka kopí. Bhabhomú-o ahá angu pi yi ngú nabulú ndú edji hana inde ne djua gba Satana. ¹⁷ Yi dyí mukobho maka ndata na kalase. Yi holo Eli gba Ebhe-e maka mbotia inde li Bu Bhabua ngaha e-o.[†] ¹⁸ Yi mene ndú 'ngú bhomú-o hana bhú mayo. A na paká, yi yo Ebhe bhú ndú 'ngú hana maka li Bu Bhabua atéteke yi lie-o. Kaka-a, yi alá-a de, yi yo Ebhe ndú 'kpí hana pi ndú okpála hana na bububu-o.

¹⁹ Yi yo di Ebhe muma, amba Ebhe ha eli na ngbingbili muma nedhíngua

ma akúnda nagama 'ngú lie-o. La di-e, a ngubula me ma adú ne tsúlu de nedhíngua ma ngambamba ta ongú inde awo lie bhú Bádha Ngali-e lie-o. ²⁰ Ma ne bhúlú titima na Bádha Ngali inde ma nde bhú tikpú ngubula e-o. Kaka-a, yi yo Ebhe ngú ma, amba ma akpókpo Ngali ango-o ne tsúlu de, ma kpokpo mangbo maka a ayo lie-o.

Eli na soso

²¹ Tisiko, ndai ní na mukúnda, kpála inde di ngamene kulu gba Ngámá ndjindji akpókpo ndú 'ngú hana inde atsia ma pi yi. Ani akpókpo pi yi ngubula me yi mbíla lele maka ma nde lie di ne ehe inde ma ngamene e-o. ²² Ma atima ani ngubula nakpokpo pi yi lele maka ya nde lie, amba ani to di masi bhú yi.

²³ A ayo me Ebhe 'Dyi ní, di ne Ngámá Yesu Kilisito ha guo 'ngú, ne mukúnda di ne nabhuka pi ndú ondaise ní hana. ²⁴ A ayo me bádha bhú 'bu gba Ebhe dú ne ndú okpála hana inde ne mukúnda na duduuma pi Ngámá gba ní Yesu Kilisito ko.

[†] 6:17 6:14-17 Tsia bhú Isa. 59:17, 11:5, 27:1, 34:5, 49:2; ne bhú Oz. 6:5; ne bhú Ebe. 4:12; di ne bhú Apok. 1:16, 19:15.

Balua gba Polo pi omabhuka na gudhu na Filipoi Eli na kalanu

Polo aye nani balua inde-e pi omabhuka na Dadjua na kalanu inde ani a'o nani e bhú putu-o, bhú ndu doto na ngámá gba okpála na Loma inde abhú Makedonia-o. Ani aye balua ango-o me ani nde bhú tikpu. Li nedhinga inde ani adu lie me bua ani nde angamba ka nagú inde li obhelesi okpála koko na Dadjua gba Ebhe adu agú ne e-o, la di bua ani atsia alu bhúlá má gba ka onasuno na eu inde adu bhú Dadjua gba Ebhe inde abhú Filipoi-o.

Engú inde i ti da nau lie má gala bhú balua inde-e, a ko nagie hení pi omakilisito na Filipoi ngubula makiso inde u atima nani e pi ani ngú nateteke ani bhú ongú gba e ko. Polo aha nedhinga bhomu ngú nato masi bhú omakilisito na Filipoi ngubula me u andala bhú kulu gba Ebhe-e de, abana u adu ato mbolo lie li ndu uo hana-o.

Balua inde-e agama 'ngú kpekpeke pindji djali, naziba, nadu bini di ne 'ndjá bua inde bhú nabhuka a la di-e mukobho gba makilisito. Ani atsia asuno la di mukunda na kpekpeke inde li Polo adu ne e pi Dadjua na Filipoi-o.

Ongbengbe ongú inde bhú bhuku inde-e ngae inde:

Eli na kalanu 1:1-11

Engú atsia Polo kpi e kpi 1:12-26

Mukobho inde bhú Kilisito-o 1:27
- 2:18

Mabhundja inde adu pi Timoté
ngaou ne Epafolodite 2:19-30

Nalila lio ka obhulú yala di ne
okpekpeke 'ngú inde ngago 3:1
- 4:9

Polo ngaou ne obi e na Filipoi 4:10-
20

Eli na soso 4:21-23

Polo yi omabhuka na gudhu na Filipoi mayi

¹ Ngama Polo, bhú dabili bini ne Timoté-e, ya yi yi mayi. Ya ne obalise gba Yesu Kilisito . Ma aye balua inde-e pi ndu yi omabhuka inde bhú gudhu na Filipoi hana, pi yi obhelesi okpála di ne pi yi okpála inde ngateteke kulu gba Ebhe, ndu yi hana inde akpetse liyi bhú dabili bini ne Yesu Kilisito-o. ² A ayo me Ebhe 'Dyi ní, bhú dabili bini ne Ngámá gba ní Yesu Kilisito suno bádha bhú 'bu gba o-o pi yi, amba u ha di guo 'ngú gba o-o pi yi.

Polo agie hení, ani atsia ayo di Ebhe ngú omabhuka na gudhu na Filipoi

³ Ma ngagie hení pi Ebhe, ndu nedhinga hana ma ngabhundja yi lie-o. ⁴ Ndú nedhinga hana ma ngayo Ebhe lie pi ndu yi hana-a, ma ngakpi djali. ⁵ Ma ngagie hení pi Ebhe anga yi akpetse liyi ne ma bhú nakpokpo Bádha Ngali , nayie bha bini li 'kpí na kalanu yi abhuka lie, akolo makolo pi mbia inde. ⁶ Ma ambila ndjindji me Ebhe inde akpo nani lita bádha kulu li bua yi-e, anú bha ne di ne kalanu, ani tsia bú soso li 'kpí li Yesu Kilisito agó lie-o. ⁷ A ndjindji me ma bhundja bha pindji ndu yi hana mo-o. Padhá de, anga bua ma abedhe ne djali ka yi, anga Ebhe asuno bádha bhú 'bu muma di ne pi ndu yi hana, ngubula me yi teteke ma nedhinga ma nde lie mbia inde-e bhú tikpu, di ne nedhinga inde ma ngakpokpo lie ne angu ma hana kükulu 'ngú pindji Bádha Ngali lie-e, kala okpála nakodho mangimbo-o. ⁸ Ebhe mbila hana me, ma ngapa kükulu 'ngú me ma ne mukunda pi yi naali. Mukunda inde ma akunda yi ne e-e, ayie ka Yesu Kilisito.

⁹ Ehe inde ma ngayo Ebhe pi yi ngú e ngae inde: ma ngayo Ebhe me mukunda gba yi-e nu bha ne kalanu, amba ateteke yi me yi mbila

engú na kükülu ne lele maka yi ngadú lie súnda yi-o. ¹⁰ Abhomu-o, yi tsia mbíla di nalo obabadha 'ngú. Ma ngayo ndú 'ngú bhomu-o hana ngübula me ekpí li Yesu Kilisito agié lie lie, bua yi de dú má ngilili di ne me ehe bini na sisiti adú bhú yi de. ¹¹ Nakolo li 'kpí ango-o, nadhukú gba yi-e dú ndjindji bhú angu gba Yesu Kilisito, amba okpála dhége Ebhe, u toko di ani.

Polo akpi djali anga u ngakpokpo Bádha Ngali gba Kilisito

¹² Ondaise ma, ma akündà me yi mbila ndjindji me ongú inde akolo li ma-a, amene mangbo me Bádha Ngali-e yangba ne kalanú. ¹³ Ka 'ngú ango-o, ndú osúdha hana inde ngalila etí gba guvelenele, di ne ndú okpála koko hana ambila me ma bhú tikpu kabula kulu gba Kilisito ma ngamene e-o. ¹⁴ La matá di-e, nau ma me ma bhú tikpu-o, ato masi bhú omabhuka bhelé li kpadji gba Ngámá gba ní-o. Uo matá ne tsúlú ngú nakpokpo Bádha Ngali-e ade.

¹⁵ A na paká me okpála koko ngakpokpo Bádha Ngali gba Kilisito-o, anga u ne 'ngbé bua li kute ma, u ngakündà nagú ma. La-a, okoko di ngakpokpo engú gba ani-e ne bua bini. ¹⁶ Obhe ngamene ne bua o bini bhomu-o, ngamemene anga u ne mukündà li pabili gba ma, u mbila ndjindji me kulu gba ma li bili inde-e, a ko ngübula me ma akpokpo Bádha Ngali, amba ma suno di pi okpála me a ko kükülu 'ngú. ¹⁷ Okpála ma de apa 'ngú gba o kalanú-o, ngakpokpo Bádha Ngali gba Kilisito anga u ngakündà me ní dú nagú ma. Engú inde u ngakpokpo e yie li bua uo de, u ngakündà me ma zú matá likabhu bhú tikpu ei ane mane.

¹⁸ A mene 'he bini de. Belegú u dú akpokpo Bádha Ngali gba Kilisito ne siti bua, i dú di-e ne bádha bua, Bádha Ngali ango-o bha naae nganú ne kalanú. Kaka-a, ma ngakpi djali.

La matá-a, ma adú bha ne djali, ¹⁹ padhá de, anga ma ambila me ndú okpekpeke da 'ngú bhomu-o hana améne me Ebhe kobho ma, anga yi ngayo ani ngú ma, Bu Bhopua inde nani li Yesu Kilisito atima e-e, la di ngateteke ma.

²⁰ Engú inde ma nga'o 'to ma 'to e naali-e, a ko me ma ahá galikpe nümü pi Kilisito 'kpí bini de. La-a, mbia inde-e, maka ne ndú nedhinga hana-a, ma abhuka ne bua bini me, ma adú bha bini nadhégé Kilisito belegú ma dú bhú mukobho, belegú ma kpi makpi. ²¹ Padhá de, anga muma-a, ma dú bhú mukobho-o, ehe inde ane ne engbé-e, a ko nadhégé Kilisito. Ma kpi makpi-e ane la matá ne bádha. ²² I dú me nadú ka ma bhú mukobho píla doto ei inde ade kpadji muma na ateteké okpála-a, ma mbila kpadji bhende ayo nalo e de. ²³ Ma ngadho 'bi súnda ongú bhisi bhomu. A nga líma naali ne nayie píla doto inde ngübula me ma nü dú de Kilisito. ²⁴ La-a, nadú ka ma bhú mukobho-o ndjindji kabula yi.

²⁵ Ma ambila ndjindji me, a la bhadí moko, ma dú nga matá bhú mukobho, ní tsia dú ne yi bhú dabili bini ngübula me yi nü li kpadji gba Ebhe-e ne kalanú, amba yi tsia kpi di djali li kpadji ango-o. ²⁶ Nedhinga ma akóto lie bhú tikpu-o, ní tsia dú matá ne yi bhú dabili bini-e, yi atóko Yesu Kilisito naali ka engú inde ani amene e muma-o.

Yi lu kpekpeke bhú nabhuka

²⁷ Engú inde ane la mane-e ngae inde: a ayo me nadhukú gba yi dú li lelele maka li Bádha Ngali gba Kilisito apa lie-o, ngübula me, belegú ma go natsia yi, belegú ma go de-e, ma de dje me yi alú kpekpeke ne mabhundja bini, ne me yi ngalila ndú yi hana nabhuka gba yi inde alú pi Bádha Ngali-o. ²⁸ Yi adjé tsúlú ka obhülú yala gba yi-e belegú de bini. Bhopua-o asúno pi uo mbámbá me, ngauo-o, u angita, la ngayi-e, yi

lì kpadjì na mukobho. Ebhe asúno pì uo ngae. ²⁹ Padhá de, anga Ebhe suno bha bini bádha bhú 'bu gba e pì yi ngú nabhuka Kilisito de, engú bini, ani asuno bádha bhú 'bu gba e pì yi ngú nazú di likabhu kabula Bádha Ngali gba ani-o. ³⁰ Yi ngagú bhomú-o ngua gbele inde nako yi au me, ngama-a, ma adú agú e-o. Yi la di ngadje me, mbia inde-e, ma nga bha ngagú 'gú.

2

Yi kε liyi ne kuto maka Yesu Kilisito

¹ I nde lie me yi akpètse liyi bhú dabili bini ne Kilisito-o, bhabhomú-o ngaha angu pì yi. A mo-o adí! I nde lie me ani ne mukunda pi yi-e, bhabhomú-o ngaha angu pì yi ngú nakpata kpadjì gba ani-o. A mo-o adí! A na paká me Bu Bhabua akpètse yi ngae. A mo-o adí! A na paká me Ebhe la di ngasuno bádha bhú 'bu pì yi ngae. A mo-o adí! ² I nde lie mo-o, yi bedhe bua ma ne djali bedhe li kpadjì nadú, ne li kpadjì nadú ne mukunda súnda yi, di ne li kpadjì nadú ne makpètse na kúkulu súnda yi. ³ Yi adú amene engú na bhayiki bhayiki de. Yi adú nabhi 'kpa yi pí mbulu yi li engú de. Engú bini, yi kε liyi ne kuto, yi dú nau okpála koko me u ane yi mane. ⁴ Kpála ne kpála adú bha bini natsia engú gba e makpe de, engú bini, a ayo di natsia engú gba okpála koko uu.

⁵ Yi dú bhú ka yi ne ngua mabundja li Yesu Kilisito adú nani ne e-o.

⁶ Belegú u aviti nani lie ne Ebhe-e bhú dabili bini-e, ani kpo nani 'ndji e ne Ebhe de me ni dú ndú 'kpí hana maka ani-e de.

⁷ La-a, ani a'o ká ndú 'ngú bhomú-o hana,

ani akolo bali, u atsia azu ani kpála-kuti.

Ndú okpála hana au me a ko kpála-kuti.

⁸ Ani ake matá lie ne kuto, ani amanga Ebhe akolo bha makolo bhú nakpi ka e,* inde u agi ani lie li kulusi-o.

⁹ Ka 'ngú ango-o, Ebhe ngae makpe a'e'e ani ne abhúlá nane ndú ohe hana.

Bhú bádha bhú 'bu gba e, ani atsia a'o 'ili li ani, inde ane ndú 'ili hana.

¹⁰ Ani amene mo-o ngubula me ndú 'he hana inde abhúlá di ne píla doto di ne asa doto,[†]

kikita lipuku o kuto kala Yesu ngú nadhégé ani ka 'li ani-o,

¹¹ amba ndú okpála hana kpokpo mbámbá me Yesu Kilisito ne Ngámá.

U mene mo-o, u tsia dhégé di Ebhe 'Dyí ani.

Yi dú maka zi 'ke píla doto

¹² Kaka-a, ondaise ma na mukunda, maka yi amemene lie gémé gémé-o, yi manga Ebhe mamanga. Yi amángá bha bini ani ka de djila ma de. Engú bini, yi manga ani la matá ane mane nedhinga ní nde lie ne yi bhú dabili bini ade ko. Yi mene kulu liyi pí Ebhe ngubula nasuno me yi akobho, yi mene kulu ango-o bhú dabili bini ne nake liyi ne kuto. ¹³ Padhá de, anga Ebhe ngae makpe ngamene kulu li bua yi ngubula me yi dú nakunda di ne namene ongú inde nganga li ni-o.

¹⁴ Bhú ndú kulu hana inde yi ngamene e-e, yi adú nadi mütokono de, yi adú la di ne kpeke 'bhé de,

¹⁵ ngubula me kpála bini aú engú na sisiti napapa li yi de, di ne me yi dú libhomu hana ndjindji, amba yi dú ne ongisi gba Ebhe, ongisi inde li siti 'ngú nde bhú o ade. Yi ngakobho bhú ká osisiti okpála na

* ^{2:8} 2:8 Nakpi ka e: Nani bhú nedhinga gba oma Yuda-a, u adú bha nani nagí li kulusi ongbengbe obhulu 'zi. † ^{2:10} 2:10 Asa doto: A ngasuno kuti gba okpála inde amu.

doto inde. Yi dū bhú ká uo maka zi 'ke inde ngasu masu, ¹⁶ padhá de, anga yi ngakpokpo pi uo eli na mukobho. Abhomu-o, li 'kpí li Kilisito agó lie, ma adú kala ani ne gindaginda kabula yi, anga bhabhomu-o asuno mbámbá me kpéke kulu inde ma amene e bhú ka yi-e, ma mene padhá de. ¹⁷ Engú bini, nabhuka gba yi-e, a ko makiso inde yi ngaha e pi Ebhe-o. I dū me u nde abhélé ma-a, bhabhomu-o dū maka makiso gba ma inde ma a'o e pi bhende gba yi-o. I dū mo-o, ma adú ne djali, ní tsia kpí djali ne ndu yi hana bhú dabili bini. ¹⁸ A ayo me ngayi di-e, yi dū ne djali, amba yi kpí djali ne ma bhú dabili bini.

Polo atima Timoté bhú Filipo

¹⁹ I dū me Ngámá Yesu nde akunda-a, ma ne 'to ma me ma tima Timoté agba yi súnda 'kpí inde, ngubula me ani gie lie-e, ani de kpokpo ngali gba yi-e muma, amba ani teteke bua ma maka ani adjidi nateteke bua yi lie-o. ²⁰ Kpála koko ka ma ei ade inde ngabhundja maka ma, a ko bha bini ani. Ani a'o bua e kükülu li 'ngú gba yi-o. ²¹ Ndú okpála koko hana bha bini nga'o bua o li ongú gba o makpe, u bhundja bhende gba Yesu Kilisito-o de. ²² Timoté makpe, yi mbila ndjindji me a ko bádha kpála. Ne ma ne ani-e, ya amene kulu nakpokpo Bádha Ngali. Ani ateteke ma bhú kulu ango-o maka li ndili ateteke 'dyi e lie-o. ²³ Ma nga'o 'to ma me ma tima ani agba yi má gala, i dū me u nde akodho 'ngú gba ma-a akodho-o. ²⁴ Ma ne nabhuka me, i dū me Ngámá nde akunda-a, ngama di-e, ma anú agba yi oo má gala!

Polo agie Epafalodite bhú Filipo

²⁵ Ndai ma Epafalodite inde yi atima nako e me ani go teteke ma li ndu ongú bhende aneke ka ma-a, ya amene kulu ne ani bhú dabili bini. Ya agú egú ne ani bhú dabili bini. La mbia inde-e, ma abhundja me a

ndjindji me ma gie ani pi yi. ²⁶ Ani ne gümü naali me ni u matá ndu yi hana. Bua ani adu nako abhúlá, anga ani adje me yi ambila me adu nako li ni ne kuo. ²⁷ A na paká me a adu nako li ani ne kuo masikpe de nakpi. La-a, Ebhe asuno bádha bhú 'bu gba e pi ani. Ebhe suno bha bini bádha bhú 'bu gba e pi ani de, ani asuno di muma ngubula me ma asia matá likabhu pi koko nane mane de.

²⁸ Kaka-a, bua ma alu abhúlá má gba me ma gie ani pi yi, yi u matá ani, yi tsia kpí djali, amba muma-a, bua ma tsia ke. ²⁹ Li ani akólo lie oo, yi de sia ani ne djali anga a ko ndai yi bhú 'bu Ngámá. A ayo me yi manga ngua okpála bhende maka ani-e mamanga, ³⁰ anga ani di me kpi nako li tula kulu gba Kilisito-o. Ani kpe kuo de, ani ateteke ma bhú da yi, maka a ayo nako lie me yi mene ngayi makpe, i dú me yi dú nako siii-o.

3

Lele nadu ngbingbili kala Ebhe

¹ Ondaise ma, 'li ma na soso pi yi-e ngae inde. Yi kpi djali anga yi ne okpála gba Ngámá. Ongú nako ma aye e pi yi kalanu-o, ma matá bha ngayeye ne toto. Ndala li ma téte ade, la pi yi-e, a ngubula nato masi bhú yi ne kalanu. ² Ma apa pi yi me, yi lila liyi ka okpála inde ngamene sisiti kulu-o malila. A ko obúlu. U bha bini ngau ngbéngbé engú nato okpála bhú gandja. ³ Nganí-e, ní ne okpála inde ngakodho kükülu gandja-a nganí, anga ní ngamene kulu liní pi Ebhe ne angu gba Bu Bhabua. Ní ne gindaginda anga ní ne okpála ka Yesu Kilisito. Ní 'o bua ní li ongú inde ngayie ka okpála-a de.

⁴ I dú me adu li ongú ango-o ne tata-a, ma de a'o di bua ma téte. I dú me kpála bini nde abhundja me ni ti da na'o bua ni li ongú ango-o, ngama-a, ma ambila me ta na'o

bua ma téte ane bhende gba ani e mane. ⁵ Ngama-a, ma ne kükülu Ebele, azu ma ne oEbele. Ma ne maſsalaele, bhú piga gba Bendjame. U azu ma lie, u ato ma bhú gandja pita 'kpí madjina.* Li 'ngú bhende atsia lílì gba omaYuda-a, ma nako ne muFalisai . ⁶ Li 'ngú bhende atsia nakpata lílì gba ní-e li lelele-e, ma adú nako nato mbolo li omakilisito. Li 'ngú bhende atsia nadú ngbingbili inde li u aye e bhú olílì gba ní omaYuda-a, ma akpata ndündú hana má kpékébhø, ma ti belegu li susuka de bini.

⁷ Ma adú nako abhundja me ongú bhomu-o ti da nateteke ma. La-a, kabula Kilisito, ma au ndündú hana padhá. ⁸ Ma au ndú oehe inde adú ka ma-a hana me tata téte ade. Padhá de, anga i dú me ma nde ambila Ngámá gba ma Yesu Kilisito ndjindji-e, bhobhomu-o ane muma ne bádha ngae. Ma atse ndú 'he hana kabula ani. Ma ngau ongú bhomu-o bhú djila ma maka zibotu ngubula me ma sia Kilisito, ⁹ di ne me ma dú libhomu hana pi ani. Ma pá matá de me ma ngbingbili kala Ebhe anga ma ngakpata lílì gba omaYuda-a de. Ehe inde nga'o ma ngbingbili kala ani-e, a ko mangbo ma abhuka Kilisito lie-o. Ebhe amene ngae me ma kolo ngbingbili anga ma abhuka ani. ¹⁰ Ma akunda bha koli 'he bini. Ma akunda me ma mbila Kilisito, a la di-e me ma mbila angu inde azuku ani-o. Ma akunda la di me ma zu likabhu maka ani azu nani lie-o. Ma tsia dú bedhe ngú nakpi pi ani maka ani akpi nani lie muma-o, ¹¹ ngubula me i dú me Ebhe nde akunda-a, ma de zuku di maka ani.

¹² Ma abhi 'kpa ma pi mbulu ma de me ma asia oehe bhomu-o asia, di ne me ma akolo ali soso akolo-o de. Engú bini, ma ngamene ne kpéke me ma sia oehe bhomu, anga Yesu Kilisito aholo 'kpa ma makpe ngae. ¹³ Ondaise ma, ngama-a, ma

pa de me ma asia oehe bhomu-o asia de. Koli 'he bini inde ma ngamene e-e, a ko napa me ma 'ili 'to ma li ongú bhende akodho 'kpí akodho-o, amba ma mene ne kpéke me ma nu ne kalanu. ¹⁴ Ma ngagu holo ne kalanu ngubula me ma kolo li bili inde ma a'o bua ma lie-o, amba ma sia makalá li Ebhe nga'i ní ngú e abhúlá, kabula engú inde li Yesu Kilisito amene e pi ní-o. ¹⁵ A ayo me, nganí obhende inde abhele li kpadjii gba Ebhe-e abhele-e, ní dú nabhundja moko. I dú la me kpála koko nde ngabhundja kpi-e, Ebhe ambámba tata pi ani mambamba. ¹⁶ Belegu i dú bha pi-ie, ní kpata bha kpadjii inde ní akpata e nakolo pi mbia inde-e ko.

¹⁷ Ondaise ma, ndú yi hana yi kpata nganda ma. Yi banga djila yi li okpála bhende ngadhukú maka ya apana lie pi yi ko. ¹⁸ Ma pa mo-o padhá de, anga okpála bhelé ngadholo maka obhulu yala gba Kilisito kabula nakpi ka ani li kulusio. Ma apa 'ngú bhomu-o pi yi bhútsibhútsi. La mbia inde-e, ma matá ngapapa ne ngula bhú djila ma. ¹⁹ Li 'so 'kpí-e, u anú bhú djua. Padhá de, anga ebhe gba uo-o, a ko 'bu uo. Uo ne gindaginda li ongú inde a ayo me u dje nümü li e-o. U bha bini ngabhundja ongú na doto. ²⁰ La pi ní-e, kütì gba ní-e abhúlá. Ní ngadjeke Ngámá gba ní Yesu Kilisito, inde di mukobho gba ní-e me ani yie abhúlá, amba ani go. ²¹ Ani agó lie, ani ayípa kute ní na mbolo inde-e me akolo maka kute ni na angu. Ani améne mo-o ne angu inde ani di ngako angu e pi ndú 'he hana ne e-o.

4

¹ I dú mo-o, ondaise ma na mukunda, yi lu kpekpeke bhú Ngámá. Ma kunda yi naali, ma ne gümü me ma u matá yi. Ma

* 3:5 3:5 Pita 'kpí madjina: A akunda napa me pita 'kpí mananika u azu ndili lie.

ngakpi djali kabula yi, ma la di ne gindaginda kabula yi.

Polo aha olíli na soso

² Kikiliako, Evodia ne Sitika, ma ayo ka yi me yi du ne guo 'ngú súnda yi, anga yi ne okpála gba Ngámá. ³ Ma ayo di ka mū ndai ma na mukúnda, teteke olisi bhisi bhomú-o mateteke, anga ya amene kulu ne uo kpekpeke, ya atsia azú di likabhu ne uo bhú dabili bini ngúbula Bádha Ngali, di ne Kelema, a la di-e ndú ondaise ma koko hana inde ya amene kulu gba Ngámá ne o ko. U aye ndú 'li uo hana bhú bhuku na mukobho.

⁴ A ayo me yi kpi djali ndú 'kpi hana anga yi ne okpála gba Ngámá. Ma matá ngapapa ne toto me, a ayo me yi 'kpi djali. ⁵ A ayo me yi du ne bhukú bua pi ndú okpála hana. Yi mbila hana me Ngámá agó mbia. ⁶ Bua yi agúku belegú ka 'ngú bini de, engú bini, yi yo mangbo ka Ebhe ndú 'he hana yi nde ne gúmu e-o. Yi yo ani bhú nedhinga hana. Yi yo ani, amba yi gie hení pi ani. ⁷ I du me yi nde amene mo-o, li Ebhe há guo 'ngú gba e inde ane ndú imbilangú hana-a pi yi. Guo 'ngú ango-o alila bhobua yi bhú dabili bini di ne mabhundja gba yi-e, anga yi ne okpála gba Yesu Kilisito.

⁸ Ondaise ma, 'li ma na soso pi yi-e ngae inde: a ayo me yi mbila liyi ne nabhundja píndji obabadha ongú, li okpála atotoko e-o. A ko 'ngú inde li eu nde bhú e ade, engú inde ngingbili, engú inde li zibotú nde bhú e ade. A ko 'ngú inde nganga li okpála, engú inde li lelele. ⁹ Ongú inde ma akpokpo e pi yi, inde yi aziba e, ongú inde yi adje e bhú 'bhé ma, yi au ma ngamene e-e, yi mene ongú bhomú. Abhomú-o, Ebhe inde ahaha guo 'ngú pi ní-e du bhú dabili bini ne yi.

Polo agie hení ngúbula oehe inde u atima e pi ani-o

¹⁰ Ma ngakpi djali naali bhú Ngámá anga yi amata abhundja ma.

A na paká me yi adú nako nabhundja ma kalanú. Engú bini, kpadji du nako de me yi teteke ma-a de. Nedhinga ane la bhadi naali me yi nde teteke ma de. ¹¹ Ma pa mo-o ka 'ili de me ma bhú ndibhili-e de. Padhá de, anga ma ambila lima ne nagili nganda ma bhú ndú nedhinga hana. ¹² Ma ambila lima ne nakobho bhú ndibhili, ma ambila di líma ne nakobho bhú nedhinga li ehe nde lie ka ma bhelé. Ma ambila lima ne nadú ndjindji ne ndú bili hana, ne bhú onedhinga hana, belegú li ehe nazú mazú du ka ma, belegú li nedhinga na gúmu, belegú li ehe du ka ma bhelé, belegú ma du bhú ndibhili. ¹³ Ma ti da nakibila ndú ongú bhomú-o hana ka angu gba Yesu Kilisito inde bhú ma-o. ¹⁴ Belegú inde lie mo-o, yi amene ndjindji ngúbula nateteke ma li nedhinga ma ngazú likabhu lie-o.

¹⁵ Ondaise ma na gúdhú na Filipoi, yi mbila hana me nedhinga ma abhúka nakpokpo Bádha Ngali lie bhú ndu doto gba yi na Makedonia-a, ateteke bha bini ma ne Dadjua gba yi-o. Dadjua koko bini ade inde ya amata 'kpa ya ne e. ¹⁶ Padhá de, anga ma adú lie bhú Tesalonike-e, yi atima ehe inde ma adú ne gúmu e múma bhútsibhútsi. ¹⁷ A ko de me ma ngagili makalá-a de. Engú bini, ma ngagili mangbo me Ebhe suno bádha bhú 'bu gba e pi yi ane mane ka ohe yi ngapú e múma-o. ¹⁸ Ma asia ndú 'he hana inde yi atima e múma-a, ane belegú bhende ma adú ne gúmu e-o. Li ma au oehe li Epafolodite ago múma ne e lie, ehe bini neke matá ka ma de. Oehe ango-o maka makiso inde u ahaha e pi Ebhe, inde li se e nde li Ebhe ndjindji, inde di nganga li Ebhe manga. ¹⁹ A ka Ebhe gba ma-a ne bhti ehe na bhibhiti. Aní ahá pi yi ndú 'he hana yi nde ne gúmu e-o. Aní ahá pi yi li kpadji gba Yesu Kilisito. ²⁰ A ayo me u dhégo Ebhe 'Dyí ní dudu ma ne dudu ma. A adú

moko!

*Polo abhana lie pi omabhuka na
Filipo*

²¹ Yi yi ndu okpála hana inde
li Yesu Kilisito abhu o me u du
ne okpála gba ni-o. Ondaise ní
ya nde ne o ei-e, yi di yi mayi.
²² Ndu omabhuka koko hana inde
ei yi yi mayi, ane la mane obhende
ngamene kulu bhú 'ti gba 'ngbé
ngámá na LomaKaisala-o .

²³ A ayo me Ngámá Yesu Kilisito
suno bádha bhú 'bu gba e pi yi.

Balua gba Polo pi omabhuka na gudhu na Kolosai Eli na kalanu

Polo aye nani balua inde pi okpala na Dadjua na Kolosai, gudhu na Adji Minele ne Efeso. Dadjua angoo, Polo 'o nani ngae de, la-a, adu nani bhú ndu doto inde li Polo adu atsia 'kpí lie ngae. Abhomu-o, ani atsia atima okpala na kulu nayie bhú Efeso, 'ngbe gudhu na ndu doto na ngamá gba okpala na Loma inde bhú Adji-o. Padhá de, anga Polo adjenani me omusuno na eu abhú Dadjua na Kolosai. Ta ngú nasuno angoo adu me ngubula nambila Ebhe ne nadu ne mukobho na kukulu-o, a ayo nadhègè obhelesi okpala koko di ne ongámasi na Ebhe. La-a, omusuno bhomu-o apa me, a ayo naziba namene ongú koko maka nakodho gandja, amba u kpata li lelele ongú pindji oehe nazu mazu, ne pindji ongú koko.

Polo aye balua pindji nasuno na kukulu gba makilisito ngubula naboyo onasuno na eu angoo ko. Engú na ngbéngbé ani agie e, a ko me Yesu Kilisito ne angu ngú naha mukobho na kukulu. La-a, omabhuka koko ne ndu ongú u ngamene e ngato bha kpala bhú ngita. Li pápá gba Kilisito, Ebhe abho doto. La di li pápá gba ani-e, Ebhe atsia agie ndu oehe na doto hana pi ani. Yi du bhú makpetse ne Kilisito de-e, mukobho dú pi okpala na doto de. Pipita, Polo ngapana mbámbá nasuno inde ngbéngbé inde pi omabhuka ngubula mukobho gba o-o.

Tisike inde anu ne balua gba Polo abhú Kolosai-e, adholo bhú dabili bini ne Onezime inde bali li Polo aye balua li 'ngú gba e pi Filemo-o.

Ongbengbe ongú inde bhú bhuku inde-e ngae inde:

Eli na kalanu 1:1-8

Mukobho gba Kilisito ne kulu gba e-o 1:9 - 2:19
Mukobho na mbia bhú Kilisito 2:20 - 4:6
Eli na soso 4:7-18

Polo yi omabhuka na gudhu na Kolosai mayi

¹ Ngama Polo, ma ne bhulü titima gba Yesu Kilisito. Padhá de, anga Ebhe akunda ngae, a la die-e Timoté, ndai ní. Ya aye balua inde-e ² pi okpala na bububu di na ngingbili gba Ebhe inde bhú gudhu na Kolosai, ondaise ní na mukunda inde abhuka Kilisito. A ayo me Ebhe 'Dyi ní tuko bisagu pi yi, amba ani ha di guo 'ngú pi yi.

Polo agie henri pi Ebhe

³ Ya ngagie henri pi Ebhe, 'Dyi Ngamá gba ní Yesu Kilisito ndu nedhingga hana ya ngayo Ebhe pi yi lie-o. ⁴ Padhá de, anga ya adje engú pindji nabhuka gba yi bhú Yesu Kilisito, di ne mukunda yi nde ne e pi ndu obubu okpala gba Ebhe-e hana-o. ⁵ Li ngali na kukulu 'ngú, inde Bádha Ngali akolo lie bhutsibhutsi na kalanu agba yi-e, yi atsia ambila 'ngú li engú inde li Ebhe awo e pi yi abhulá-o. Abhomu-o, nabhuka gba yi ne mukunda gba yi-e atsia alü pi engú inde yi nga'o 'to yi 'to e angoo-o. ⁶ Bádha Ngali angoo ngayangba, a la di ngazu nguwa píla doto libhomu. A amene bhadji pi yi moko li 'kpí inde yi adje engú lie pindji bádha bhú 'bu gba Ebhe-e lie-o, di ne yi ambila lie me bádha bhú 'bu angoo kukulu-o. ⁷ Epafaladje, ndai ní na mukunda bhú kulu apa engú angoo pi yi ngae. Ani ngamene kulu pi yi maka kpala na kulu na kukulu gba Kilisito. ⁸ Ani akpokpo 'ngú pi ya pindji mukunda inde li Bu Bhopua aha e pi yi-o.

⁹ Kaka-a, nayie li ekpí ya adje engú gba yi-e lie-e, ya ndala li nayo Ebhe pi yi de. Ya la di ngayo ka Ebhe me ani ha imbilangu na kpokpo kú 'ngú inde ngayie ka Bu Bhopua gba

ani-e pi yi. Abhomu-o, yi tsia mbíla 'ngú inde ani akúnda me yi mene e-o. ¹⁰ Yi tsia kóbho maka li Ngámá akúnda lie-o. Yi tsia méne di ndú 'ngú hana inde ani akúnda e-o. Yi méne ndú 'ngú na babadha hana, yi tsia mbíla Ebhe ndjindji. ¹¹ Ya ngayo ka Ebhe me ani bedhe yi ne angu na asasaua gba e bhú ndú 'ngú hana, ngúbula me yi kibila ndú 'ngú hana ne 'ndjá bua. ¹² Yi gie hení pi 'Dyí ní Ebhe ne djali hana. Padhá de, anga ani aha angu pi yi ngú nasia tia inde ani awo e pi okpála gba e bhú kuti na mundeyi na zi 'ke-o. ¹³ Ani agbegbe ní bhú angu na biti, ani atsia a'o ní bhú kuti gba e na mundeyi gba Ndili gba e na mukúnda-o. ¹⁴ Li pápá gba ani-e, Ebhe agbegbe ní bhú bali. Ani atsia ambu di li siti 'ngú gba ní-o.

*Lele maka li Yesu Kilisito nde lie,
la di ne kulu gba e-o*

¹⁵ Ebhe inde u ti da nau e de-e ngau lie bhú Kilisito.
A ko Ndili na kalanu,*
inde di pi 'ndji ndú 'he hana li Ebhe abho e-o.

¹⁶ Padhá de, anga Ebhe abho ndú 'he inde abhúlá ne bhende akuto-o hana li pápá gba ani:
oehe inde u ngau e,
ne bhende u uu e de,
osisiti bua inde ngau abhúlá, ne píla doto, inde la di ne angu.

Ebhe abho ndú 'he hana li pápá gba ani.

Ani abho la di ndú 'he ango-o hana pi ani.
¹⁷ Kilisito bhú mukobho kala ndú 'he hana.

La di-e, ndú 'he hana inde bhú mukobho-o alu li kute ani.

¹⁸ Ngaani-e, a ko 'ndji kute, inde Piga gba Ebhe-o.

Mukobho na mbia-a akpo lita e bhú ani, ani ne Ndili na kalanu-o ngae.

A ko kpála na kalanu inde u azuku e bhú ká okpála inde amu,

ngúbula me ani du kpála na kalanu bhú ndú 'he hana ngae.

¹⁹ Padhá de, anga Ebhe apa me ni adú ndú 'kpí hana bedhe má kpaka bhú Ndili gba ni-o.

²⁰ La di-e, ani agie nadje lio ne ndú 'he hana li pápá gba Ndili gba e-o.
A na paká me li Kilisito atuko ngute e lie li kulusi-e,
ani agie nadje lio ka Ebhe ne ndú 'he hana inde abhúlá,
di ne bhende píla doto-o.

²¹ La ngayi-e, yi adú naní de Ebhe tsutsu. Yi adú obhúlu yala gba ani ka ndú sisiti 'ngú hana inde yi adú abhundja e, di ne bhe yi adú amene e-o. ²² Engú bini, kabula nakpi inde li Ndili gba ani akpi e li kute e-e,

Ebhe aholo matá nadje lie ne yi. Ani amene mo-o ngúbula me yi kolo kala ni bubu, amba yi adú bhú zibotu de, yi adú la di bhú siti 'ngú de.

²³ Kaka-a, a ayo me yi lu kpekpeke bhú nabhuka. Yi ayé li kpadji na Bádha Ngali-e de, anga a ko ehe inde ní nga 'o 'to ní 'to e ko. Yi adje Ngali angó-o, u atsia akpokpo di pi ndú okpála hana. Ngama Polo, ma akolo kpála na kulu na Bádha Ngali angó-o.

*Polo ngadje likabhu, ani di ngagu
gbele ngú omabhuka*

²⁴ Mbia inde-e, ma ngakpi djali ngú likabhu inde ma ngazu e ngúbula yi ko. Padhá de, anga bhú kute ma-a, ma ngabedhe bhomu-o bhé likabhu inde li Kilisito a neke e ngúbula kute e, inde Piga gba Ebhe-o. ²⁵ Ma akolo kpála na kulu na Piga gba Ebhe, nakpata lele kulu inde li Ebhe aha e muma ngúbula yi-o. Ani aha muma kulu nakpokpo ngali gba e hana. ²⁶ Ngali angó-o, a ko engú gba ani inde ani awo nani e bhútode pi ndú okpála hana. Engú

* ^{1:15} 1:15 Ndili na kalanu: A akunda napa me: ani adú nani bhú mukobho kala ndú 'he hana inde li Ebhe abho e-o.

bini, mbia inde-e, ani ambamba tata pi omabhuka gba e-o.

²⁷ Padhá de, anga Ebhe akunda nambamba ta engú gba e inde ani awo nani e mawo-o pi uo. A ko engú inde ndjindji naali, ne asasaua,

inde ani aleke e pi ndu okpála hana. Engú ango-o ngae inde: Kilisito bhú yi, ani atsia apa pi yi ndjindji me yi alí bhú Asasaua gba Ebhe inde yi nga'o 'to yi 'to e-o.

²⁸ Kaka-a, ya ngakpokpo ngali gba Kilisito pi ndu okpála hana. Ya ngagbele 'dje okpála ne naha lili pi uo ne imbilangú hana, amba kpála ne kpála bhele bhú nabhuka bhú nakpötse lio ne Kilisito. ²⁹ Kaka-a, ma ngamene kulu, ma la di ngagú gbele ne angu inde ayie ka Kilisito, inde la di ngamene kulu bhú ma ne angu hana-o.

2

¹ Ma akunda me yi mbila ndjindji me gbele inde ma ngagu e ngú yi-e kpekpeke. Ma ngagu gbele ango-o pi okpála na Laodikia, la di pi okpála koko inde i u nga ma de-o. ² Ma akunda me bua uo bedhe ne masi bedhe. U du bini bhú mukunda, u du la di ne djali hana bhú engú li imbilangú na kükülu-o ngaha e-o. U tsia ti da nambila engú gba Ebhe inde awo li e mawo-o. A akunda napa me, a ko Kilisito ngae makpe. ³ Ndu otia na imbilangú hana inde ayie ka Ebhe-e awo lie bhú ani. ⁴ Ma ngapa 'ngú bhomu-o, amba kpála bini apité yi ne babadha eli na eu de. ⁵ Abana ma nde lie de yi tsutsu bhú kute-e, ma ne yi bhú dabili bini li bhobua. Ma la di ne djali ngú nau me agba yi-e, ndu 'ngú hana ngadholo li kükú, yi alu la di kpekpeke bhú nabhuka bhú Kilisito.

Yi lu kpekpeke bhú nabhuka inde u asuno e pi yi-o

⁶ A na paká me yi asia Yesu Kilisito maka Ngámá. Kaka-a, yi du bhú makpötse ne ani. ⁷ Yi to sie yi bhú

ani, mukobho gba yi du la di me a nde alu bhú ani. Yi du ndu 'kpí hana me yi nde alu kpekpeke bhú nabhuka, nakpata lele nasuno inde yi asia e-o. Yi bedhe ne nagie hení pi Ebhe.

⁸ 'Ee! Yi lila liyi me kpála bini aholo yi li ekú ne obabadha oeli na eu, di ne imbilangú gba kpálakuti de. Padhá de, anga a ngalú pí nasuno gba okpála, a di ngalú pí angu na obua na doto inde. A alu pí Kilisito de. ⁹ Padhá de, anga ndu 'ngú hana inde bhú Ebhe-e asia kute bhú Kilisito. A la di ngadu hana libhomu bhú ani. ¹⁰ Yi asia la di ndu 'ngú hana má kpékébhé bhú Kilisito. Ngaani-e, ani ne angu pí 'ndji osisiti bua inde ngau, inde la di ne angu-o.

¹¹ Bhú nakpötse liyi ne ani-e, yi ali gandja. Gandja ango-o, akodho ne 'kpa kpála de. Engú bini, gandja ango-o ayie ka Kilisito, ngubula naggbegbe yi bhú 'ngú inde adu ato yi bhú siti 'ngú-o. ¹² Padhá de, anga li yi asia batismo lie-e, u azi yi bhú dabili bini ne Kilisito. Yi atsia azuku la di bhú dabili bini ne ani. Padhá de, anga yi abhuka angu gba Ebhe inde azuku ani bhú ká okpála inde amu-o.

¹³ Nani kalanu-o, yi adu me yi nde amu li bhobua yi amu kabula siti 'ngú gba yi-o. Padhá de, anga yi adu me yi nde li gandja de. Yi adu la di omupagano. Engú bini, mbia inde-e, Ebhe amene me yi du bhú mukobho ne Kilisito. Ani ambu li sisiti 'ngú gba ní-e hana. ¹⁴ Ani abulu balua inde adu na'o 'ngú pí ní, inde adu di napa 'ngú li ní sisiti ka ongú inde u aye e bhúbhú-o. Ani abhélé engú ango-o li u abhi ani lie li kulusi-o. ¹⁵ Ka kulusi gba Kilisito-o, Ebhe a'e angu gba osisiti bua inde ngau, inde la di ne angu-o. Ani atsia asuno nayie ka uo mbámbá maka okpála na 'kpú inde ngadhukú bhú galasisi li Ndili gba ani aha angu uo lie-o.

¹⁶ Kaka-a, yi a'ó kpála bini de me

ani 'o 'ngú pí yi pindji eza inde yi
nde ngazu e, di ne engu inde yi
ngandji e, i du di-e pindji engú na
anokomia , i du di-e ne epe inde
akoto na mbia, di ne ekpi naguo
de. ¹⁷ Ndu ongú bhomu-o hana ne
kulu ongú na babadha inde ngago-
o. Engú bini, engú na kukulu-o ne
Kilisito. ¹⁸ Yi a'ó de me kpála bini 'o
'ngú pí yi-e de, okpála inde ngakpi
djali bhú nake lio ne kuto bhú
namene ongú inde ngau lie mau-
o de. La di ne bhú nayo oandjelu
maka Ebhe-e, u ngaha lio pi ongú
inde u ngau e-o. U abedhe ne 'ngé
'ndji li tata nde lie ade, li mabhundja
gba o na kpála-kuti ngatima me u
mene e-o. ¹⁹ U ngayala nagbite lio
li Kilisito inde maka endji na kute.
Padhá de, anga kute ango-o libhomu
ngasia angu ka Kilisito, a ngagbite la
di lie bhú dabili bini maka li Ebhe
akunda lie-o.

*Yi amu bhú dabili bini ne Kilisito,
yi la di ngakobho bhú dabili bini ne
ani*

²⁰ Li yi akpi lie bhú dabili bini ne
Kilisito, yi atsia akoto bhú bali sakpa
obua inde ngaú pí doto-o, la ka ni
yi ngamene 'ngú lie maka okpála
na doto? Ka ni yi aziba lie me u
ha olíli pi yi me: ²¹ mo ohá ehe
inde-e de. Mo olé ehe inde-e de.
Mo obú 'kpa mu téte de. ²² Angu
na ndu 'he bhomu-o ngandjia hana
má kpekobhe nedhinga li okpála
ngamene kulu lie ne di-o. A bhomu-
o olíli di ne nasuno gba okpála. ²³ A
na paká me olíli bhomu-o ngau lie
maka bhende na imbilangú. Padhá
de, anga a ngagama 'ngú pindji
mayo gba okpála, di ne nake lio ne
kuto di ne namene kute o kpekpeke.
Engú bini, olíli ango-o ne angu bini
ade ngubula naha angu gumu na
sisiti gba kute ni-o.

3

Yi gili ongú inde abhúlá

¹ Yi azuku bhú dabili bini ne
Kilisito . Kaka-a, yi gili ongú inde

abhúlá li bili li Kilisito adu lie li
pá 'kpa na kokpa gba Ebhe-o. ² Yi
ha liyi libhomu ngubula engú na
abhúlá. Yi adu ne naha liyi ngubula
engú na pila doto inde-e de. ³ Padhá
de, anga yi amu, mukobho gba yi
atsia awo lie bhú dabili bini ne
Kilisito bhú Ebhe. ⁴ Mukobho gba yi
na kukulu-o ne Kilisito. La di-e, li
ani asúno lie lie, yi azé bhadi ne uo
bhú sangu-o bhú dabili bini.

⁵ Kaka-a, yi bhelé ogumu na doto
inde li bhobua yi-e mabhele: a ko
zabhe, zibotu, gumu kute, gumu na
sisiti, gumu 'he inde maka nayo
ebhe na eu-o. ⁶ Ongua ongú bhomu
ngagbele ke 'ngú gba Ebhe-e pí
okpála inde ngandjo 'li ani-e ngae.
⁷ A bhomu-o lele maka yi adu naní
lie li nedhinga yi adu amene siti 'ngú
lie-o.

⁸ La mbia inde-e, yi bala ndu
ongú bhomu-o hana: ndu bua, nake
'ngú lio, ne siti bua . Sobho ne
siti 'li akoto bhú 'bhe yi de. ⁹ Yi
apá eu sonda yi de, anga yi a'o ká
mukobho gba yi na didili-e ne ndu
'ngú ango-o hana. ¹⁰ La di-e, yi
akolo bhú mukobho na mbia, anga
yi akolo okpála na mbia inde li Ebhe
ngamene lie me u kolo maka ni Ebhe
gba yi, amba u mbila ni ndjindji.
¹¹ Kaka-a, mbia inde-e, angu napa
me: a inde-e omaYuda, obhende
ne omaYuda ade, a inde-e okpála
ali gandja, obhende i li gandja de-
e matá ade. Ogandji okpála , di ne
obhende i mbila lio ne nakobho ne
okpála bhende bhú bali ade-e matá
di ade. Obalise, ne okpála bhende
bhú bali ade-e matá di ade. Engú
inde pi ni ngbéngbé-e, a ko Kilisito,
inde ale pi ni bhú ndu 'ngú hana.

¹² Yi ne okpála gba Ebhe. Ani abhu
yi, ani la di ne mukunda pi yi. Kaka-
a, a yoo me yi du ne ndjinga. Yi du
ne bádha bua. Yi ke liyi ne kuto. Yi
du ne guo 'ngú di ne 'ndjá bua. ¹³ Yi
kibila liyi sonda yi makibila, amba
yi du di ne mambu. Li kpála du
ne engú ne kilí e-e, ani de mbu li

ani maka Ngámá ambu nani li yi lie-o. ¹⁴ Bhú ndú 'ngú bhomú-o hana-a, yi dú ne mukúnda súnda yi, anga mukúnda ne ekpú inde ngagbite yi bhú dabili bini. ¹⁵ A ayo me guo 'ngú gba Ebhe-e si kuti e li bua yi. Ebhe a'i yi kabula guo 'ngú ango-o me yi dú bhú koli kute bini. Yi dú okpála inde ngagie hení pi Ebhe. ¹⁶ A ayo me eli gba Kilisito ne obabadha ndú 'ngú gba ani-e hana adú li bua yi. Yi suno ongú súnda yi, amba yi ha la di líli súnda yi ne imbilangú hana. Yi li ndú oetsi hana pi Ebhe ne bua yi hana, di ne nagie hení pi ani. ¹⁷ Ndú 'ngú hana inde yi ngamene e, i dú bhú nagama 'ngú, i dú di-e bhú namene ehe-e, yi mene ne 'li ngámá Yesu, ne nagie hení pi 'Dyi ní Ebhe li pápá gba ani.

Engú inde a ayo me omabhuka kpata e bhú mukobho na mbia-o

¹⁸ Ngayi olisi-e, yi manga obhosí gba yi-e mamanga maka a ayo lie me yi mene kala Ngámá-o. ¹⁹ Ngayi obhosí-e, yi dú ne mukúnda pi olisi gba yi-o. Yi aná bhúla yi pi uo de. ²⁰ Ngayi ongisi-e, yi mene líli gba okpála inde azu yi-e bhú ndú 'ngú hana. Padhá de, anga a bhomú-o engú inde li Ngámá akúnda e-o. ²¹ Ngayi odyi ongisi-e, yi adú nambembe bhú 'ndji ongisi gba yi-e de, amba bua uo asia ndala de.

²² Ngayi obalise-e, yi mene líli gba omakúlasi yi píla doto bhú ndú 'ngú hana. Yi améne bha bini li nedhíngua nde ngalila yi lie ngubula me u ziba yi-e de. Engú bini, yi mene líli gba uo-o ne bua bini kabula yi ngamanga Ngámá lie-o. ²³ Bhú ndú 'ngú hana yi nde ngamene e, yi mene ne bádha bua mugito me yi ngamemene pi Ngámá. A aú lie de me yi amene pi kpála de. ²⁴ Yi mbíla ndjindji me Ngámá ahá makalá pi yi maha. Yi asia bádha 'ngú inde ani a'o e pi okpála gba e masia.

* **4:3** 4:3 Engú inde awo lie: A ko ngali gba Ebhe inde u mbíla nga nani e kalanú de-o. Ngali ango-o, a ko Kilisito.

Padhá de, anga Musuno na kúkúlu inde yi ngamene kulu pi e-e, a ko Kilisito. ²⁵ Engú bini, kpála inde amemene siti 'ngú-o, asia makalá na siti 'ngú gba e-o. Padhá de, anga Ebhe gbogbo bhúsú okpála de.

4

¹ Ngayi omakúlasi okpála-a, yi mene obalise gba yi-e ndjindji. Yi dú di pi uo ne ngbili 'ngú. Yi mbíla ndjindji me ngayi-e, a di ka yi ne Makúla yi inde abhálá.

Líli pi omabhuka

² Yi gbite liyi li mayo. Yi dú li zákú bhú nayo Ebhe ne nagie hení pi ani. ³ Bhú mayo gba yi-e, yi yo Ebhe di pi ya, amba ani ha kpadji pi ya ngú nakpokpo eli gba ani, di ne nakpokpo engú inde awo* lie bhú Kilisito-o. Padhá de, anga ma mbíla inde bhú tikpú kabula 'ngú ango-o. ⁴ Yi yo ka Ebhe me ma kpokpo 'ngú li 'ngú inde awo lie bhomú, di ne me ma suno mbámbá maka a ayo lie-o.

⁵ Yi dhákú bhú ká okpála inde ne omakilisito ade-e ne imbilangú, ne namene kulu ndjindji bhú ndú nedhíngua gba yi-e hana. ⁶ A ayo me 'li yi dú 'ndji hana ndjindji, atí la di li bua okpála. Yi mbíla liyi ne nagie bádha 'li pi ndú okpála hana.

Polo bhú dabili bini ne obi e yi omabhuka mayi

⁷ Tisiko akpókpo ngali gba ma pi yi ngae. A ko ndai ní na mukúnda, a ko bádha kpála na kulu. A ko kpála na kulu na kúkúlu bhú dabili bini ne ma bhú kulu gba Ngámá-o. ⁸ Kakáa, ma atima ani ngaani makpe agba yi ngú nakpokpo lele maka ya nde lie pi yi, di me ani to masi bhú yi. ⁹ U adhákú bhú dabili bini ne ndai ní na mukúnda inde la di ngingbili, Onezime inde súka yi-o. U akpókpo ndú 'ngú inde ngakodho 'kpí ei-e pi yi hana.

10 Alisitaluko inde bhú dabili bini ne ma bhú tikpú-o, yi yi mayi. A la di-e Maloko, dhongba gba Balan-abasi-o. Yi adje engú píndji Maloko adje, i dú me ani nde anú agba yi oo, yi de sia ani ndjindji. **11** Yesu, inde u agisila 'li e me Djesitusi-e, yi di yi mayi. Bhú ká omaYuda inde abhuka-a, a ko bha bini okpála bata bhomú, inde ngamene kulu bhú dabili bini ne ma ngubula Naú gba Ebhe-o . U ateteke ma naali.

12 Epafalasi, inde di ne súka yi-e, yi yi mayi. Ngaani inde kpála na kulu gba Yesu Kilisito-o, ndala li nayo Ebhe pi yi de. Ani ngayo Ebhe me yi dú omakiliso na kúkulu, amba yi mene la di ndú 'kpí hana engú inde li Ebhe akunda e-o. **13** Ma ti da napa li ani pi yi me, ani ngadje likabhu naali pi yi, pi okpála na gúdhu na Laodikia di ne pi obhende na Yelapolisi.[†] **14** Luka, mutia gba ní na mukunda, di ne Demasi yi yi mayi.

15 Yi yi ondaise ní na Laodikia di ne obhende na Nimifia bhú dabili bini ne Dadjua gba Ebhe inde bhú 'ti gba ani-o. **16** I dú me yi nde atanga balua inde-e, yi de tima pi omabhuka na Dadjua na Laodikia, amba yi tanga di balua inde ayié ka uo oo-o. **17** Yi pa pi Alukipo me: «Mene kulu gba Ngámá inde u a'o e sakpa mu-o ndjindji.»

18 Ma aye engú nayi yi bhomú-o ngama ne 'kpa ma makpe. Ma ayi yi mayi. Yi a'íli 'to yi de me ma bhú tikpú-o de. A ayo me bádha bhú 'bu gba Ebhe-e dú bhú dabili bini ne yi.

[†] **4:13** 4:13 Ogúdhu bhisi inde-e, a de gúdhu na Kolosai.

Balua na bini gba Polo pi omabhuka na gudhu na Tesalonike **Eli na kalanu**

Tesalonike ne 'ngbé gudhu ngámá gba okpála na Loma na Makedonia-o. Polo a'o nani Dadjua gba Ebhe oo pita nayie ka ani bhú Filipo-i-o. Má gala kolo me-e, omaYuda adú ne botolo u atsia adú agú ani. Padhá de, anga engú gba Kilisito inde li Polo adú akpokpo e adú anú bha ne kalanu bhú ká okpála inde ne omaYuda ade inde aziba engú na Ebhe gba omaYuda-o. Kaka-a, Polo ayie bhú gudhu na Tesalonike ani akodho 'kpí bhú gudhu na Beloya. Pi'a ani akolo lie bhú gudhu na Kolito-o, Polo asia ngali ka kili e Timoté inde u adú amene kulu ne e-e, pindji mukobho na Dadjua gba Ebhe inde abhú gudhu na Tesalonike-o.

Polo aye balua na kalanu pi omabhuka na Tesalonike ngú nato masi di ngú nake bua omakilisito kuto. Polo atsia asia nedhinga bhomu ngú napa pi'uo me u du bha namene kulu me u nde a'o bua o kuto me u nde ne 'to o 'to nago gba Kilisito-o.

Ongbengbe ongú inde bhú bhuku inde-e ngae inde:

Eli na kalanu 1:1

Nagie henin ne natoko 1:2 - 3:13

Lili ngú mukobho gba makilisito 4:1-12

Olili pindji nago gba Kilisito 4:13 - 5:11

Nato masi na soso 5:12-22

Eli na soso 5:23-28

Polo ne obi e yi omabhuka na gudhu na Tesalonike mayi

¹ Ngayi omabhuka na Dadjua gba 'Dyi ní Ebhe, di ne Ngámá gba ní Yesu Kilisito na gudhu na Tesalonike-e, ya yi yi mayi. Ma aye balua inde-e ngama Polo bhú dabili bini ne Silivano di ne Timoté. A ayo

me bádha bhú 'bu ne guo 'ngú gba 'Dyi ní Ebhe di ne Ngámá gba ní Yesu Kilisito-o du ne yi bhú dabili bini.

Mukobho di ne nabhuka gba okpála na Tesalonike

² Ya ngagie henin pi Ebhe piko ngubula ndu yi hana. Ya la di ngabhu 'li yi ndu nedhinga hana ya ngayo Ebhe lie-o. ³ Nedhinga ya ngayo Ebhe lie, ya ngagie henin pi Ebhe 'Dyi ní ndu nedhinga hana li ongú inde: yi ngamene kulu pi Ebhe anga yi abhuka Yesu, yi ngateteke okpála anga yi ne mukunda pi'uo, yi alu kpekpeke bhú nabhuka gba yi nedhinga u ngato mbolo li yi lie, anga yi ngabhuka me Ngámá gba ní Yesu Kilisito agié lie magie.

⁴ Ondaise ya, ya di ngagie henin pi Ebhe, anga ya ambila ndjindji me Ebhe akunda yi, ani atsia abhu di yi ngú nadu piga gba e makpe. ⁵ Padhá de, anga nedhinga ya adu lie agba yi-e, ya kpokpo bha bini Bádha Ngali pi yi ne 'li ya de, engú bini, ya akpokpo Bádha Ngali ang-o bhú dabili bini ne angu di ne Bu Bhabua. Ya adu ambila di ndjindji me engú inde ya adu apa e adu kákulu 'ngú. Yi mbila ndjindji lele maka ya adu nadu lie bhú ká yi ngubula me yi du ndjindji-o.

⁶ Ngayi-e, yi asia Eli gba Ebhe-e ne djali inde ngayie ka Bu Bhabua, abana u adu ato mbolo li yi lie-o. Abhomu-o, yi amene 'ngú maka ya amene lie di ne maka li Ngámá gba ní Yesu Kilisito amene lie-o. ⁷ Kaka-a, yi akolo pi ndu omabhuka hana na ndu doto na Makedonia di ne Akai okpála inde li okpála koko ngakpata nganda o.

⁸ Mbia inde-e, Eli gba Ngámá-a yangba bha bini nayie agba yi bhú ndu doto na Makedonia ne Akai de, engú bini, ngali pindji nabhuka gba yi bhú Ebhe-e ayangba di ne ndu bili hana. Kaka-a, ya matá ne gumi napa 'ngú gba yi-e pi okpála ade. ⁹ Padhá de, anga ndu uo hana

ngakpokpo 'ngú pindji maka yi asia ya lie nedhinga ya akolo lie agba yi-o. U di ngakpokpo maka yi a'o nakpata oebhe na eu lie ngubula naha liyi pi Ebhe na kúkulú inde na mukobho-o. Mbia inde-e, yi ngamene kulu liyi pi ani. ¹⁰ U di ngakpokpo me yi ngadjeke me Yesu, Ndili gba Ebhe-e yie abhúlá, go píla doto. A ko kpála inde li Ebhe azuku e bhú ká okpála inde amu, ani ngagbegbe ní bhú mangimbo li Ebhe akódho 'ngú lie-o. Ekpí nakodho 'ngú ango-o akolo masíkpe.

2

Kulu gba Polo bhú gudhú na Tesonike

¹ Ondaise ya, ngayi makpe-e, yi mbila ndjindji me enú ya anu e agba yi-e, adu enú na padhá padhá de. ² Yi mbila la di ndjindji me, kalanu-o, u ato ngaiza mbolo li ya, ya atsia azu di likabhu bhú gudhú na Filipoi. Engú bini, Ebhe gba ní-e atsia ato masi bhú ya ngubula me ya kpokpo Bádha Ngali gba ní-e pi yi, belegu u adu ale nani kpadji pi ya lie-o. ³ Padhá de, anga e'i inde ya nga'i okpála lie me u ziba Bádha Ngali-e, a ko eu de, a ko di kabula gúmu na sisiti de, ya gili la di napite kpála bini de. ⁴ Engú bini, ya ngakpokpo Bádha Ngali anga Ebhe ale ya, ani atsia au me ya ti da nakpokpokpo li lelele. Abhomu-o, ani atsia aha Bádha Ngali ango-o pi ya me ya kpokpo pi okpála koko. Ya gili nanga li okpála de, ya ngagili mangbo nanga li Ebhe inde ngale bua ní ngú nambila engú inde bhúbhú-o.

⁵ Yi mbila ndjindji me ya du apa 'ngú ka djila kpála 'kpí bini de. Ya pa di obabadha 'li ngú nasia ehe bini de. Ebhe apá bhobhomu-o li ya ngae. ⁶ Ya gili de me okpála dhégo ya-a de, abana i du yi, abana i du di okpála koko. ⁷ A ayo nako me ya du bhú ká yi maka ongbengbe okpála, anga ya ne obhulú titima gba Kilisito

. Engú bini, ya adu bhú ká yi me ya nde abedhe ne bhukú 'ngú maka 'hi ongisi inde ngakú ongisi gba e.

⁸ Ya kúnda yi naali. Kaka-a, ya du bha bini bedhe de ngú nakpokpo pi yi Bádha Ngali gba Ebhe, engú bini ya adu bedhe ngú nateteke yi ne ndu kpadji hana, anga yi akolo kpúkpé na bua ya. ⁹ Ondaise ya, yi bhundja nga kulu di ne ndala gba ya-o. Nedhinga ya adu akpokpo Bádha Ngali gba Ebhe-e lie pi yi-e, ya amene kulu ngebíkpi ne sukpe ngubula me ya adhá bhú kpála bini bhú ká yi de. ¹⁰ Yi apá li ya ngayi, li Ebhe tsia pá di li ya ngae me, nedhinga ya adu lie bhú ká yi omabhuka-a, ya amene engú inde nganga li Ebhe, engú na ngingbili, engú inde li okpála pá siti 'ngú li ya ka e de. ¹¹ Yi mbila la di ndjindji me ya amene pi kpála bini bini bhú ká yi maka li 'dyi ongisi amemene pi ongisi gba e makpe lie-o. ¹² Ya ato masi bhú yi, ya atsia apa di pi yi ne kekele me yi dholo maka li Ebhe akúnda lie. Ngaani-e, ani nga'i yi me yi li bhú Naú gba ni, di me yi sia sangu gba ní-o.

¹³ La di-e, ya ngagie hení pi Ebhe ndu 'kpí hana, anga yi asia eli gba Ebhe inde ya akpokpo e pi yi-e lie, yi aziba me a ko 'li okpála de. Engú bini, yi aziba me a ko eli gba Ebhe na paká, eli inde di ngamene kulu bhú yi okpála inde abhuka-o. ¹⁴ Ondaise ya, engú inde akolo li yi-e maka engú inde akolo li okpála abhuka Yesu Kilisito bhú oDadjua gba Ebhe bhú ndu doto na Yudaya-o. Padhá de, anga yi azu likabhu bhomu-o sakpa ondaise yi makpe na kúti bini maka u azu di lie sakpa omaYuda-o. ¹⁵ Ngauo-o, u abhele Ngámá Yesu di ne opolofeta gba Ebhe, u atsia ato di mbolo li ya. U nga li Ebhe di ne li okpála de. ¹⁶ Padhá de, anga u ngamene ne kpéke me o ni kpadji pi ya me ya akpókpo Bádha Ngali pi okpála inde ne omaYuda ade-e de, ngubula me u akóbho de. U

ngamene lie mo-o, u ngabe ndu siti 'ngú gba o ndu 'kpí hana. La ali soso-o, ke 'ngú gba Ebhe-e atí pí uo.

Gumú gba Polo ngú nau omabhuka na Tesalonike

¹⁷ Ondaise ya, pi ya-a, pita nedhingga bedi ní agbo bhúsú ní lie ne yi bhú kute, bua ní nde bha ne yi bhú dabili bini-e, ya amene ne kpéke hana me ya nü u yi, anga ya adu ne gumú naali me ya u matá yi. ¹⁸ Ya adu ne gumú me ya gie liya agba yi. Ngama Polo, ma ale bhútsibhútsi. La-a, Satana ani kpadji pi ya. ¹⁹ A ko paká. Ta na'o 'to ya 'to Ngámá-a, a ko yi. Ta djali gba ya-a, a ko yi. Nedhingga li Ngámá gba ní Yesu Kilisito agó lie, yi adú pi ya maka ndata na ngámá inde u ahaha e pi okpála inde agboko 'gú-o. Ya tsia dú kala ani ne gindaginda. ²⁰ A moko, ya ne gindaginda kabula yi, ya la di ngakpi djali kabula yi.

3

¹ Abhomú-o, i nde lie me ya nde ti da nako nakibila nagbo bhúsú ní ne yi de-e, ya au ndjindji me ya tigala bhú gudhu na Atene tití ya, ² amba ya tima ndai ní Timoté agba yi mada ya. Ani ngamene kulu bhú dabili bini ne Ebhe ngú nakpokpo Bádha Ngali gba Kilisito-o. Ya atima ani me ani be ndu nabhuka gba yi, amba ani tsia to di masi bhú yi, ³ ngubula me súka yi bini a'ó ká nabhuka gba e ka olifikabhu yi ngazu e mbia inde-e de. Padhá de, anga ngayi makpe-e, yi mbila ndjindji me Ebhe aziba ngae me ní zu ngua likabhu bhomú.

⁴ A na paká me, nedhingga ya adu lie agba yi-e, ya adu apa pi yi me okpála ató mbolo li ní. Yi mbila me, a la bhadi ngae inde akolo li yi inde. ⁵ Li ma au lie me ma ti matá da nagbite bua ma de-e, ma atsia atima Timoté me ani nü tsia lele nabhuka gba yi-o. Ma atima ani, anga ma adu akpe me djabulá alé yi de, di me kulu gba ya

inde ya amene e bhú ká yi-e, akólo padhá de.

Polo asia angu li bua e ka nabhuka gba okpála na Tesalonike

⁶ Engú bini, Timoté akolo li ya mbia inde-e bhú 'nú ani ayie lie agba yi-o. Ani apa pi ya bádha ngali me yi alu kpekpeke bhú nabhuka di me yi ne mukunda súnda yi. Ani apa di pi ya me yi ngabhundja ya ndu 'kpí hana ne bádha bua, yi la di ngakunda me yi u matá ya maka ya ngakunda di lie me ya u yi-o. ⁷ Ondaise ya, ka nadje engú li Timoté apa e pi ya-a, abana ya ngazu likabhu di ne u ngato mbolo li ya lie, ya asia angu li bua ya ka yi. Padhá de, anga ya adje me yi ngalila nabhuka gba yi bhú Yesu-o ndjindji. ⁸ Mbia inde-e, ya abi matá angu, anga yi alu kpekpeke bhú nabhuka Ngámá. ⁹ Ya ti da nagie henri pi Ebhe lele pi ka ngua djali ya abedhe ne e li 'ngú gba yi kala ani-e? ¹⁰ Ngbíkpi ne sukpe, ya ngazi kekele li nayo Ebhe me ani mene me ní u matá líní ne yi, amba ya bedhe 'bhe 'he inde aneke bhú nabhuka gba yi-o.

¹¹ A ayo me Ebhe 'Dyi ní ngae makpe, di ne Ngámá gba ní Yesu bhulu kpadji pi ya li pápá gba yi. ¹² A ayo me Ngámá be ndu mukunda yi nde ne e súnda yi di ne bhe yi nde ne e pi ndu okpála hana li lele mukunda ya nde di ne e pi yi ko. ¹³ A ayo me ani ha di angu pi yi li bua yi, amba yi du bubu, amba 'Dyi ní Ebhe aú siti 'ngú napapa li yi de, bhú nedhingga li Ngámá gba ní Yesu agó lie bhú dabili bini ne okpála na bububu gba e hana-o. [A adu moko.]

4

Nadu bhú mukobho inde ngaha djali pi Ebhe

¹ Ngú nabu tata-a, ondaise ya, ya asuno pi yi lele maka ayo lie me mukobho gba yi-e ha djali pi Ebhe-o. A na paká me yi la bhadi ngamemene moko. Ya la ngayo ka

yi di ne nakikiliki liya pi yi ne 'li Ngámá Yesu me, yi nu matá ne di ne kalanu ane bhende yi ngamene e ko. ² Padhá de, anga yi mbila olíli inde ya aha e pi yi bhú nasuno inde ya asuno e pi yi ne 'li Ngámá Yesu-o hana. ³ Ebhe akunda me yi du bubu ngú nasuno me yi libhomu pi ni. A akunda napa me, yi adú akunda olisi di ne obhosí ngangá de, ⁴ kpála bini ne bini bhú ká yi mbila nalila kute e* me adú bubu da napa me u manga yi.

⁵ Yi a'ó de me gümü kute ha angu yi maka li omupagano inde i mbila Ebhe de-e ngamemene lie de. ⁶ Bhú engú bhomu-o, a ayo de me kpála bini mene siti 'ngú li pá bili gba kilí e de. Ani apité la di ani de. Ya agbele nako 'dje yi téte kpekpeke me, Ngámá a'ó 'ngú pi okpála inde ngamene ngua 'ngú bhomu. ⁷ Padhá de, anga Ebhe 'i ní ngú nadu bhú zibotu de, ani a'i mangbo ní ngú nadu bubu kala ni. ⁸ Kaka-a, kpála inde ngandjo lili bhomu-o, ani ndjo kpála bini de, ani ngandjo mangbo Ebhe inde ngaha Bu Bhopua gba e pi yi-o.

⁹ Pindji 'ngú bhe atsia mukunda sonda yi-e, yi ne gümü ade me ya ye engú pi yi pépé-e de. Padhá de, anga ngayi makpe-e, Ebhe asuno pi yi lele maka a ayo lie me yi kunda liyi-o. ¹⁰ A ko la bhadi koli mukunda bini inde yi ngasuno e pi ondaise ní hana na ndu doto na Makedonia-o. La-a, ya ngayo ka yi me yi nu ne di ne kalanu. ¹¹ La di-e, yi du nadu ne guo 'ngú sonda yi. Yi adú ali bhú 'ngú bhe i tsia yi de-e de. Yi du amene kulu ne 'kpa yi makpe ngubula mukobho gba yi-e maka ya apa nako pi yi lie ko. ¹² Yi mene mo-o, li omupagano mánga yi, yi dhá la di bhú kpála bini de.

Nagie lie ka Ngámá Yesu

* ^{4:4} 4:4 Nambila nalila kute o: A akunda napa me u manga yi. U ti da napa di li bili inde-e me: «Naha lio li lelele.»

¹³ Ondaise ya, ya akunda me yi mbila kükülu 'ngú pindji engú gba okpála inde amu, ngubula me yi adú ne likabhu maka okpála bhende i bhuka de-e de. Padhá de, anga pi uo-o, pita nakpi-e, okpála amu-o zúku de. ¹⁴ Ní abhuka me Yesu akpi, ani atsia azuku. Ní abhuka bhadi moko me Ebhe apó bhúla okpála inde amu me u nde abhuka Yesu-o bhú dabili bini ne ani.

¹⁵ A inde-e engú ya ngapa e pi yi maka li Ngámá asuno lie me, li 'kpí nago ka ni-e, nganí okpála bhende adú nga uu-o, ní kódho 'kpí kala okpála inde amu-o de. ¹⁶ Padhá de, anga Ngámá ayie abhúlá ngae makpe ngú nake píla doto. Li nedhinga ango-o, ani há lili kpekpeke, li ngámá gba oandjelu-o bini tsia súla, li toti gba Ebhe 'ú lie. Abhomu-o, li okpála inde amu me u nde abhuka Kilisito tsia zúku ngaiza kalanu ngao. ¹⁷ Pipita-a, nganí okpála bhende adú bhú mukobho li nedhinga bhomu-o, Ebhe a'é ní bhú ndindi bhú dabili bini ne obhende azuku-o ngubula me ní nu ke liní ne Ngámá abhú 'kpí. Abhomu-o, ní tsia du bhú dabili bini ne Ngámá dudu ma ne dudu ma. ¹⁸ Kaka-a, yi teteke liyi sonda yi ne oeli bhomu.

5

¹ Ondaise ya, li bhende atsia ekpí li Yesu agié lie lie, yi ne gümü ade me u ye 'ngú pi yi pépé-e de. ² Padhá de, anga yi mbila ndjindji me ekpí nago ka Ngámá-a akóto li ní bhú gibilikití maka bhulü 'zi agógo lie sukpe me 'to kpála nde 'to ani ade-o. ³ Nedhinga li okpála apá lie me: «Egú ade, ní bhú guo 'ngú-o», a la bhomu-o nedhinga li likabhu atí pi uo lie má kii-o. A atí pi uo maka kuo nazu ká bhú 'bu ole na 'bhí adhidhika lie-o. Likabhu ango-o néke uo de.

⁴ Engú bini, ngayi ondaise ya-a, yi bhú biti ade. Kaka-a, ekpí ango-o kótó li yi bhú gbilikiti maka bhúlú 'zi agógo lie de. ⁵ Ma apa pi yi mo-o, anga ndú yi hana yi ne okpála na zi 'kpí, yi la di ne okpála na ngbikpi. Ní ne okpála na sukpe ade, ní la di ne okpála na biti ade. ⁶ Kaka-a, a ayo de me ní dú tila maka okpála koko-o de. Engú bini, a ayo me ní dú li zukú, amba ní dú bedhe ndú nedhinga hana. ⁷ Padhá de, anga obhúlú nala ela, lala sukpe, obhúlú nalangba, lalangba sukpe.

⁸ Engú bini, nganí okpála na ngbikpi-e, a ayo me ní dú bedhe ndú nedhinga hana. Ní ha nabhuka ne mukunda maka kopí. Ní abhuka me Yesu akóbho ní makobho. Kaka-a, ní lila mabhundja bhomu-o maka ndata li osudha atoto e* ngú nalila lie bhú 'gú-o. ⁹ Padhá de, anga Ebhe 'i ní ngú nasia ke 'ngú gba e de. Engú bini, ani a'i ní me ní sia mukobho li kpadji gba Ngámá gba ní Yesu Kilisito. ¹⁰ Yesu akpi pi ní ngubula me abana i dú me ní nde nga bha téte, ne me ní mu-o, nedhinga ani agié lie lie, ní de dú bhú mukobho bhú dabili bini ne ní. ¹¹ Kaka-a, yi to masi bhú yi súnda yi, amba yi tsia teteke liyi bhú nabhuka maka yi nde ngamemene lie-o.

Polo aha olíli na soso

¹² Ondaise ya, ya ngayo ka yi me yi dú ne mazima pi obhende ngamene kpéke kulu bhú ká yi, inde li Ebhe a'o o me u dú alu kala yi, inde di ngaha líli pi yi-o. ¹³ Yi dú pi uo ne mazima di ne mukunda naali ka kulu gba uo-o. Yi dú ne guo 'ngú súnda yi.

¹⁴ Ondaise ya, ya ngayo ka yi me yi gbele 'dje okpála bhe na ipio-o. Yi to masi bhú obhende ne tsulu-o. Yi teteke obhende bhúbhukú-o. Yi dú ne 'ndjá bua pi ndú okpála hana.

¹⁵ Yi lila liyi me kpála bini agié siti pi siti de. Engú bini, yi gili namene

* **5:8** 5:8 Ndata li osudha atoto e: A ko ndata na kalase inde li osudha atoto e ngú nalila 'ndji o bhú 'gú-o.

bádha 'ngú súnda yi ndú 'kpí hana, di ne pi ndú okpála hana.

¹⁶ Yi dú ne djali ndú 'kpí hana.

¹⁷ Yi zi kekele li nayo Ebhe. ¹⁸ Yi gie hení pi Ebhe li ndú 'ngú hana, anga a bhomu-o engú inde li Ebhe akunda me yi mene e bhú mukobho gba yi bhú Yesu Kilisito-o.

¹⁹ Yi aní kpadji li kulu gba Bu Bacobua-a de. ²⁰ Yi andjó 'li opolofeta de. ²¹ Engú bini, yi gili 'ngú pindji ndú 'ngú hana, amba yi dhedhe li bhe na babadha-o. ²² Yi lila liyi ka ndú osisiti 'ngú hana.

²³ A ayo me Ebhe ngae makpe inde bhúlú guo 'ngú-o mene me yi dú libhomu pi ni. Aní lila 'lá yi libhomu, ne bua yi, ne mukobho gba yi, ne kute yi me okpála aú engú na sisiti napapa li yi de, akólo li 'kpí li Ngámá gba ní Yesu Kilisito agié lie lie-o. ²⁴ Ebhe inde nga'i yi-e améne me yi dú libhomu pi ni, anga aní memene ndú 'ngú hana inde aní apapa e-o.

²⁵ Ondaise ya, yi yo di Ebhe ngú ya.

²⁶ Yi yi ndú ondaise ní hana ne nakama uo li kute yi.

²⁷ Ma ayo ka yi ne 'li Ngámá me, yi tanga balúa inde-e pi ndú ondaise ní hana.

²⁸ A ayo me bádha bhú 'bu gba Ngámá gba ní Yesu Kilisito-o dú ne yi bhú dabili bini.

Balua na bhisi gba Polo pi omabhuka na gudhu na Tesalonike Eli na kalanu

Li nadje lio de-e pindji nago gba Kilisito adu lie agbe tolo bhú Dadjua gba Ebhe na Tesalonike-e, Polo atsia aye balua na bhisi gba e inde-e pindji nabhuka inde me ekpi nago gba ngámá-a akolo. Ani atsia apa me a mo-o ade, do ani de-e, kala nago ka Kilisito-o, engú nasisiti di ne bhe nato mbolo li okpála-a, inde ayié ka kpála na tsülütsülü u a'i me «Bhulü yala» adú naali ané mane (2:3). Kpála ango-o adú nagu Kilisito.

Polo ngapa pi okpála i ngatanga balua inde-e me, u lu bha kpekpeke bhú nabhuka, abana okpekpeke da 'ngú ne olikabhu du bha pi-ie, u du bha namene kulu ngubula nasia mukobho maka li Polo ne obi e ngamemene lie-o, amba u du ne 'ndjá bua ne namene bádha 'ngú.

Ongbengbe ongú inde bhú bhuku inde-e ngae inde:

Eli na kalanu 1:1-2

Natoko ne nadhege 1:3-12

Lili pindji nago gba Kilisito 2:1-17

Engú inde a ayo ngubula mukobho gba makilisito 3:1-15

Eli na soso 3:16-18

Polo ne obi e yi omabhuka na gudhu na Tesalonike mayi

¹ Ngayi omabhuka na Dadjua gba 'Dyi ni Ebhe di ne Ngámá gba ni Yesu Kilisito na gudhu na Tesalonike-e, ya yi yi mayi. Ma aye balua inde-e ngama Polo, bhú dabili bini ne Silivano di ne Timoté. ² A ayo me bádha bhú 'bu ne guo 'ngú gba 'Dyi ni Ebhe di ne Ngámá gba ni Yesu Kilisito-o du ne yi bhú dabili bini.

Polo agie hení pi Ebhe, ani atsia ato masi bhú omabhuka

³ A ayo me ya gie hení pi Ebhe ndu 'kpí hana ngubula yi ondaise ya. A la bhadi ndjindji me ya mene moko, anga nabhuka gba yi-e nganu ne kalanu naali. La di-e, mukunda li ndu yi hana nde ne e sunda yi-e nganu ne kalanu. ⁴ Kaka-a, ya ngapa 'ngú gba yi-e ne gindaginda bhú oDadjua gba Ebhe kabula kekele di ne nabhuka gba yi, abana u ngato mbolo li yi lie di ne yi ngazu likabhu lie ne ndu kpadji hana-o.

⁵ Bhabhomu-o ngasuno me Ebhe ngakodho 'ngú ngbingbili. Padhá de, anga ka olikabhu inde yi ngazu e-e, Ebhe aú me yi ati ne nali bhú Naü gba ni inde yi ngazu likabhu ngú e ko. ⁶ Li Ebhe nde lie ne ngbili kpála-a, ani agie olikabhu pi okpála inde i ngaha likabhu pi yi ko. ⁷ La di-e, ani ahá guo 'ngú pi yi okpála inde ngadje likabhu, ani tsia há di guo 'ngú pi ya. Ani améne ongú bhomu-o li 'kpí li Ngámá gba ni Yesu ayié lie abhúlá, ani tsia gó bhú dabili bini ne oandjelu na angu gba e-o.

⁸ Ani agó bhú dingidhi djua ngubula na'o 'ngú pi okpála inde i kunda nambila Ebhe de, inde ngayala di naziba Bádha Ngali gba Ngámá gba ni Yesu-o. ⁹ Makalá na siti 'ngú gba uo-o, adú likabhu na duduuma, li bili inde u adú lie de Ngámá Yesu ne Naü na sangu di ne angu gba e tsutsuo. ¹⁰ Engú ango-o akódho 'kpí li 'kpí ani agó lie ngubula me ndu okpála gba ni hana inde abhuka ni-e, dhége ni, amba u toko di ni. Ngayi di-e, yi adú bhú ká okpála bhomu. Padhá de, anga yi abhuka ngali inde ya akpokpo e pi yi-o.

¹¹ Kaka-a, ya di ngayo Ebhe ndu 'kpí hana ngubula yi me Ebhe gba ni-e mene me yi dhukü li lele maka ani a'i yi lie-o. Ya ngayo ka ani me bhú angu gba ani-e, ani ha angu pi yi ngú namene obabadha kulu inde yi akunda namene e akólo li soso,

kabula nabhuka gba yi bhú Yesu-o. ¹² Ya la di ngayo Ebhe ngübula me, okpála dhögé 'li Ngámá gba ní Yesu kabula yi, amba u dhögé di yi kabula ani. Bhabhomu-o améne lie ka bádha bhú 'bu inde li 'Dyi ní Ebhe di ne Ngámá gba ní Yesu Kilisito asuno e pi yi-o.

2

Bhulu Nayala lili gba Ebhe-e agó ngaiza kalanu

¹ Ondaise ya, Ngámá gba ní Yesu Kilisito agó mago, ní tsia pékəbhə bhúla ní de ani. Li 'ngú angó-o, ya ngayo ka yi me, ² bua yi angámba má gala de, 'ndji yi angbíngi di-i de. Yi dje ka kpála bini me Bu Bhabua apa pi ni me: «Ekpí nago ka Ngámá akolo», ne me ya apa pi ni mo-o, i du di-e me ya aye bhú balúa mo-o, yi azíba de. ³ Kpála bini apité belegú yi de má kpó! Padhá de, anga kala nago ka Ngámá Yesu-o, agó ngaiza ne nedhingga na kpéke 'ndji li 'ngú gba Ebhe. Pipita-a, li Bhulu Nayala lili gba Ebhe-e koto. Kpála angó-o ngakpata kpadjí na djua na duduuma. Ebhe andjia engú gba ani-e mandjia. ⁴ Kpála angó-o ayié bhálá, ani há 'gú ne Ebhe di ne ndu oehe koko hana inde li okpála ngau e maka oebhe, inde u nde la di ngadhögé o-o. Ani tsia pá me ni ane ndu uo hana. Ani anú nadu belegú bhú 'ngbé 'ti Ebhe gba omaYuda, ani tsia pá me ni ne Ebhe.

⁵ 'To yi a'íli de me nedhingga ní adu nga bha lie ne yi-e, ma adu apa engú inde-e pi yi uu-o de. ⁶ Yi mbila la bhadu hana me ehe inde ngani kpadjí pi kpála angó-o me ani akóto mbia inde-e de-e ne ni-ie, amba ani koto bha bini li nedhingga inde li Ebhe a'o e pi ani-o. ⁷ Padhá de, anga angu inde awo lie mawo gba kpéke 'ndji bhomu-o akpo lita kulu akpo. Engú bini, kpála inde ngani kpadjí pi ani-e adu nga bha o-o akóto li nedhingga u a'é ani lie-o.

⁸ Abhomu-o, li Bhulu Nayala lili gba Ebhe-e tsia koto. Ngámá Yesu bhéle ani bha ne mbulú 'wo e, ani tsia ndjia angu ani ne sangu inde ani agó ne e-o. ⁹ Bhulu Nayala lili angó-o agó bhú angu gba Satana, ani tsia méne ndu djua ongamba 'ngú, ne ndu okiaka 'ngú hana, di ne ongbengbe 'ngú ngú napite okpála. ¹⁰ Ani améne ndu djua osisiti 'ngú hana ngübula napite okpála bhende ngakpata kpadjí na djua na duduuma-o. Ebhe andjia engú gba uo-o mandjia, anga u kunda kükülu 'ngú inde i tí da nako nakobho uo-o de, u tsia bhuka di kükülu 'ngú angó-o de. ¹¹ Kaka-a, Ebhe ató siti mabhundja bhú uo, i tsia píte uo ngübula me u bhuka ongú na eu, ¹² amba Ebhe 'o 'ngú pi ndu okpála hana inde i bhuka kükülu 'ngú de-o, inde adu akpi mangbo ndjili li siti 'ngú-o.

Yi lu kpekpeke bhú 'bu nabhuka

¹³ Ondaise ya inde li Ngámá akunda o, pi ya-a, a ayo me ya gie hení pi Ebhe ndu 'kpí hana li 'ngú gba yi-o. Padhá de, anga Ebhe abhú nani yi nayie li lilita ngübula me yi sia mukobho li kpadjí gba Bu Bhabua inde ngamene me yi du bubu, di ne li kpadjí na nabhuka inde yi nde ne e bhú kükülu 'ngú-o. ¹⁴ Ebhe a'i yi me yi sia mukobho bhomu-o li kpadjí na Bádha Ngali inde ya akpokpo e pi yi-o. Ani a'i yi me yi sia di sangu gba Ngámá gba ní Yesu Kilisito-o. ¹⁵ Kaka-a, ondaise ya, yi lu kpekpeke bhú 'bu nabhuka gba yi-o. Yi lila kpekpeke ongú inde ya asuno e pi yi nedhingga ya adu lie agba yi di ne bhe ya aye e pi yi bhú balúa-o.

¹⁶⁻¹⁷ A ayo me Ngámá gba ní Yesu Kilisito ngae makpe di ne 'Dyi ní Ebhe, bedhe bua yi ne masi. A ayo me u ha angu pi yi ngübula me yi du namene ndu 'kpí hana bádha 'ngú, abana i du bhú nagama 'ngú, abana i du bhú namene kulu. Padhá de, anga Ebhe akunda ní, ani aha

di kpéke bua na dudu ma pi ni ka bádha bhú 'bu gba e-o. Ani atsia amene di me ni 'o 'to ni 'to ni na paká paká.

3

Polo apa pi omabhuka me u yo Ebhe ngú ni

¹ Ngú nabu tata-a, ondaise ya, yi yo Ebhe ngú ya, amba eli gba Ngámá-a yangba má gala, amba okpála inde ngadjedje-e, mene engú inde li eli ango-o ngapa e maka yi ngamemene lie-o. ² Yi yo di Ebhe me ani kobho ya sakpa osisiti okpála na mbedhembedhe-o. Padhá de, anga a ko de me ndu okpála hana akunda nabhukaBádha Ngali-e de. ³ Engú bini, Ngámá Yesu ne kpála inde amemene engú maka ani apa lie-o. Ani ahá angu pi yi bhú nabhuka, ani tsia lila yi sakpa Siti. ⁴ Ya abhuka ne 'li Ngámá Yesu me, engú inde ya ngapa e pi yi-e, yi ngamemene moko, yi améne la bhadi mo-o ne kalanu. ⁵ A ayo me Ngámá leke bua yi ngú nambila lele maka li Ebhe akunda yi lie, di ne lele maka li Kilisito ngaha kpéke bua pi yi lie bhú nabhuka-o.

Polo agbele 'dje omabhuka li 'ngú na ipio

⁶ Ondaise ya, ya apa pi yi ne 'li Ngámá gba ni Yesu Kilisito me, yi akpétsé liyi bhú dabili bini ne ondaise ni na ipio, inde i kpata lili inde ya aha e pi yi de-e de. ⁷ Padhá de, anga ngayi makpe-e, yi mbila maka a ayo lie me yi kpata lele mukobho gba ya-a ndjindji. Nedhinga ya adu lie agba yi-e, ya du ne ipio de. ⁸ Ya yo ka kpála bini de me ani ha 'zu pi ya padhá-a de. Engú bini, ya aziba ndala ne likabhu, ya atsia amene kulu ngbikpi ne sukpe ngú napa me ya adhá bhú kpála bini bhú ká yi de. ⁹ A ayo nako me ya sia 'he ka yi padhá, engú bini, ya mene nako mo-o de, anga ya akunda me yi kpata lele mukobho gba ya-o.

¹⁰ Nedhinga ya adu lie agba yi-e, ya aha lili inde-e pi yi me: «Li kpála kunda namene kulu de-e, a ayo di de me ani zu 'he-e de.»

¹¹ Ya ngapa mo-o, anga ya adje me okpála koko bhú ká yi ne ipio. U memene kulu de. U bha bini nga'o 'to o li 'ngú bhe i tsia o de. ¹² Pi okpála bhomu-o, ya ngagbele 'dje uo, ya di ngayo ka uo ne 'li Ngámá Yesu Kilisito me, a ayo me u mene kulu maka ayo lie, amba u sia ezu inde akoto li 'kpa o makpe.

¹³ La pi yi ondaise ya-a, yi andála li namene bádha 'ngú de. ¹⁴ Li kpála kpata engú inde ya aye e pi yi bhú balua inde-e de-e, yi de bhele djila yi li ani. Yi améne 'he bhú dabili bini ne ani de, ngubula me ani dje námu. ¹⁵ Engú bini, yi aú ani maka bhúlú yala ka yi de. Yi gbele mangbo 'dje ani maka suka yi.

Polo ayo bisagu pi omabhuka na gudhu na Tesalonike

¹⁶ A ayo me Ngámá na guo 'ngú-o , ha guo 'ngú pi yi ngae makpe ndu 'kpí hana ne bhú ndu 'ngú hana. A ayo me Ngámá du ne ndu yi hana bhú dabili bini.

¹⁷ Ngama Polo, ma aye engú na soso inde apa me ma yi yi mayi inde-e ne 'kpa ma makpe. A bhomu-o lele nadele 'kpa ma bhú balua gba ma-o.

¹⁸ A ayo me bádha bhú 'bu gba Ngámá gba ni Yesu Kilisito-o du bhú dabili bini ne ndu yi hana.

Balua na bini gba Polo pi Timoté Eli na kalanu

Timoté ne makombi bini inde adu nani makilisito bhú Adji Minele. 'Hi aní nani ne maYuda, 'dyí aní atsia adu nani ne Giliki. Aní akolo nani kpála nateteke Polo bhú dholo gba e nakpokpo Bádha Ngali gba Yesu Kilisito . Balua na bini gba Polo pi Timoté-o, ngakpokpo 'ngú pindji ongbengbe 'ngú bata.

Balua ango-o ngakpo ngaiza 'ngú pindji nalila lio ka omusuno na eu inde bhú Piga gba Ebhe-o. Nasuno ango-o a ko nakpötse mabhundja pindji omaYuda ne okpála inde ne omaYuda ade inde adu nani pindji napa me bádha 'ngú píla doto ade. A la di ngapa me, u ti da bha nasia mukobho ka imbila 'ngú inde awo lie mawo, a la di ne nakpe nazú oehe koko, di ne naha lio maka olo ne bhoko de.

Ongbengbe ongú inde bhú bhuku inde-e ngae inde:

Eli na kalanu 1:1-2

Líli pindji Piga gba Ebhe ne okpála inde ngadjedjele-o 1:3 - 3:16

Líli pi Timoté pindji kulu gba e-o 4:1 - 6:21

Polo yi Timoté mayi

1-2 Timoté, kékulú ndili gba ma bhú 'bu nabhuka-a , a ayo me bádha bhú 'bu ne ndjinga di ne guo 'ngú gba 'Dyi ní Ebhe ne Yesu Kilisito , Ngámá gba ní-e dí bhú dabili bini ne mu. Ma aye balua inde-e pi mu ngama Polo. Ma ne bhulú titima gba Yesu Kilisito maka li Ebhe, Mukobho gba ní, ngau ne Yesu Kilisito inde ní nga'o 'to ní 'to e aha líli muma lie ngú nakpokpo Bádha Ngali ko.

Polo apa me a ayo nayoko omusuno na eu-o mayoko

³ Maka ma aha nako líli pi mu lie li nedhingga ma adu anu lie bhú ndu

doto na Makedonia-a, dí bha bhú gúdhú na Efeso oo, amba mu pa pi omusuno na eu inde oo me, u 'o nasuno bhomu-o ma'o. ⁴ Pa pi ue me, u 'o nakpokpo ongú na padhá padhá inde li okpála ngagbe e bhú 'ndjí o ma'o. U 'o di nakpokpo ndjandja okpokpodumú ma'o. Padhá de, anga ongú bhomu-o ngagbe okpekebhé na padhá padhá inde i dyudyo kulu inde li Ebhe ngamene e bhú mukobho gba okpála de. Kulu ango-o ngadyudyo lie ne kalanu ka nabhuka.

⁵ Olíli ma aha e pi mu bhomu-o, a ngubula me okpála dí ne mukunda sunda o. Mukunda ango-o ngayie li bádha bua, li bua nakpokpo kú 'ngú ndjindji, la di ne bhú nabhuka na kékulú. ⁶ Okpála koko ayie li ngbili kpadji bhomu-o ayie, u atsia azi 'ndjí o bhú namene okpekebhé na padhá padhá. ⁷ U ngapa me o ne omusuno na líli gba Ebhe, engú bini, ngau makpe-e, u ke mboli engú inde u ngasuno e pi okpála koko ne angu o hana-a belegu de bini.

Ebhe aha líli gba e pi ní ngubula ni?

⁸ Ní mbila hana me líli gba Ebhe-e ndjindji, i dí me u nde ngakpakpata maka a ayo lie ko. ⁹ Ní mbila la di hana me, Ebhe 'o líli pi okpála bhende ngadhukú ngbingbili-e de. Engú bini, aní a'o pi obhende ngau líli gba aní-e padhá di ne pi okpála na kpekpeke 'ndji. Aní a'o pi okpála bhende ngandjo 'li aní, di ne pi obhende ngamene siti 'ngú-o. Aní a'o pi okpála inde i manga aní de, i manga la di ohe na bububu gba aní-e de-o. Aní a'o pi okpála bhende ngabhili odyí o, i dí di-e ohi o-o. Aní a'o pi okpála bhende ngabhili obi o bhú gandji.

¹⁰ Aní a'o pi obhosí bhende ngakunda olisi di ne pi olisi bhende ngakunda obhosí ngangá-o. Aní a'o pi obhosí bhende ngakunda lio ne obi o obhosí, i dí di-e olisi bhende ngakunda lio ne obi o olisi. Aní a'o

pí okpála bhende ngatsindji obalise. Aní a'o pí obhulú eu di ne pí okpála bhende ngatú silika pí eu. Aní a'o pí ndú okpála hana inde ngamene engú kpi ne bhende na kúkulu ní ngasuno e ko. ¹¹ Nasuno ang-o-o bhú Bádha Ngali inde li Ebhe aha e múma-o. Bádha Ngali ang-o-o ngasuno sangu gba Ebhe inde ngaha bádha 'ngú pí okpála-o.

Polo agie hení pí Ebhe

¹² Ma ngagie hení pí Yesu Kilisito, Ngámá gba ní inde aha angu múma ngú namene kulu gba e-o. Ma ngagie hení pí aní, anga aní au me ma tí da namemene. Abhomú-o, aní atsia abhú ma ngángá. ¹³ La nani kalanú-o, ma adú apa osisiti 'ngú li aní, ma adú ato mbolo li okpála koko ka u abhuka aní lie-o, ma adú la di asosobho aní. Abana ma adú amene lie mo-o, aní adje ndjinga ma. Padhá de, anga ma bhuka nga nani aní de. Ma mbila la di nani de me Yesu ne Masiya-a de.

¹⁴ Engú bini, Ngámá gba ní-e atsia asuno bádha bhú 'bu gba e múma ane mane. Aní aha nabhuka múma, di ne mukunda inde bhú nakpétse liní ne Yesu Kilisito-o. ¹⁵ Engú inde ma adji apa e inde-e, a ko kúkulu 'ngú inde a ayo me ndú okpála hana bhuka e ne bua o bini. Engú ang-o-o me, Yesu Kilisito ago nani píla doto ngú nakobho okpála na sisiti. Yi mbila la me ngámá ngámá bhú ká uo ne ma. ¹⁶ Abana ma adú lie ne ngámá ngámá bhú ká uo ngama-a, Ebhe adje ndjinga ma. Ebhe amene múma mo-o ngúbula me ndú okpála hana inde abhúka Yesu Kilisito-o, u u lele 'ndjá bua gba ní-o, amba u bhuka-a, u de sia mukobho na dudu-ma. ¹⁷ A ayo me ndú okpála hana dhége Ebhe, amba u toko aní dudu-ma ne dudu-ma. A adú moko. A ko 'Ngbé Ngámá na dudu-ma, i kpikpi de, li kpála uu di-e de. A ko bha koli Ebhe bha ngae kpi e kpi!

¹⁸ Timoté, ndíka ma, ma ngaha olílí bhomú-o pí mu nakpata oeli inde li opolofeta akpokpo naní e li 'ngú gba mu-o. A ayo me oeli ang-o-o teteke mu ngúbula nakpokpo Bádha Ngali-e ne angu, abana li okpála du nayaya mu. ¹⁹ A ayo me mu gu egú ang-o-o ne nabhuka bhú dabili bini ne bua nakpokpo kú 'ngú ndjindji. Okpála koko a'o ká bua nakpokpo kú 'ngú gba o a'o. Kaka-a, u ayie li kpadji na nabhuka ayie. ²⁰ Imene ne uo ne Alekidjandele bhú ká onguá okpála bhomú. Ma atsia apú uo pí Satana,* amba u mbila lio ne napa me a ayo nasobho Ebhe de.

2

A ayo nayo Ebhe ngúbula ndú okpála hana

¹ Kala ndú 'ngú hana-a, ma ngayo ka yi me yi 'o gumú gba ndú okpála hana kala Ebhe, yi yo Ebhe pí uo, yi kikiliki liyi pí aní ngúbula uo, amba yi gie la di hení pí aní ngúbula ndú uo hana. ² Yi yo Ebhe pí ongbengbe ongámási, di ne pí ndú ongámási hana ngúbula me kpéke 'ngú adú-u de, amba ní du bhú guo 'ngú, ní du namanga Ebhe ne nagbite liní li aní na paká paká. ³ A bhomú-o engú inde ndjindji, inde la di nganga li Ebhe, Mukobho gba ní-o.

⁴ Aní akunda me ndú okpála hana kobho, amba u mbila la di kúkulu 'ngú. ⁵ Padhá de, anga koli Ebhe bha bini, a la bhadi ne koli kpála bini inde ludu súnda Ebhe ne okpálakuti. Kpála ang-o-o, a ko Yesu Kilisito, ⁶ inde apú mukobho gba e ngúbula nagbegbe ndú okpála hana bhú bali-o. Aní amene mo-o bhú nedhinga nani li Ebhe a'o e ngú nasuno me Ebhe akunda me ndú okpála hana kobho. ⁷ Ka 'ngú ang-o-o, Ebhe abhú ma bhulú titima gba Yesu di ne bhulú nakpokpo Bádha Ngali. Aní abhú ma me ma suno nabhuka di ne kúkulu 'ngú pí okpála inde ne

* ^{1:20} 1:20 Napú kpála pi Satana: Ti da napa li bili inde-e me nagbe kpála bhú Piga gba Ebhe.

omaYuda ade-o, amba u bhuka. Ma ngapa kükulu 'ngú, ma pa eu de.

⁸ Kaka-a, ma akündanda me obhosí yo Ebhe ne ndü bili hana. U yo Ebhe me u nde a'e'e 'kpa o ne abhúlá ne naħa lio libhomu pi Ebhe. U adú ne engú súnda o de, u adú la di ne kpekebhø de.

⁹ Pi olisi-e, ma akündanda me u dü adyi bongo maka a ayo lie. U adú adyi bongo bhe a'e bua kpála bhú da e ma'e-e de. U dü adyi bongo li lelele. U adú apulü sundjo o nane dada mane de. U adú adyi omayaka ne omagege na olo di ne ohe na zizi de. U adú di nadyi obongo na mase naali de. ¹⁰ Engú bini, u suno mangbo bádha gba o bhú obabadha kulu inde u ngamene e-o. A bhomü-o engú inde atí ne olisi inde ngasuno me o ngamanga Ebhe-o.

¹¹ Nedhingga li bhoko ngaha olílie bhú Piga gba Ebhe-e, a ayo me ele ndjili má bulu, ani ke lie ne kuto. ¹² Ma ha kpadji pi ele ngú nasuno di ne nau pi 'ndji bhoko de. Engú bini, a ayo me ani ndjili má bulu! ¹³ Padhá de, anga Ebhe abho ngaiza nani kalanü-o Adamü , pipita-a ani atsia abho Eva. ¹⁴ La die, Satana pite nani Adamü de, engú bini, ani apite mangbo nani ele-o. Abhomü-o, ele-o atsia andjo 'li Ebhe. ¹⁵ Abana i nde lie mo-o, Ebhe akóbho ele ka ezu gba e-o. Ebhe akóbho ani i dü me ani nde alü kpekpeke bhú 'bu nabhuka, ne mukunda, ne na'o lie bubu kala Ebhe, di ne na'o lie bhú da e.

3

Líli pi okpála natsia 'kpí li Piga gba Ebhe

¹ Engú ma adjí apa e inde-e, a ko kükulu 'ngú: i dü me kpála nde akündanda natsia 'kpí li Piga gba Ebhe-e, ani akündanda namene bhomü-o bádha kulu. ² Kaka-a, a ayo de me u u kpála inde ngatsia 'kpí li Piga gba Ebhe-e ne siti 'ngú-o de. A ayo me ani dü ne koli ele bini. Ani dü

naholo bua e ka 'ngú maholo. A ayo me ani dü namene 'ngú li lelele, ani dü la di namene babadha 'ngú. Ani dü nasia ogomago ndjindji, ani mbila la di nasuno 'ngú pi okpála. ³ Ani ahá lie pi pandi de, adú la di kpála nagü gbele de. Engú bini, a ayo me adú kpála na bhukü 'ngú. Adú kpála nagbe bhayiki ne okpála koko de, adú la di kpála na gümü tia naali de.

⁴ A ayo me adú kpála inde ngatsia 'kpí li piga gba e makpe-e ndjindji, inde li ongisi gba e ngamanga e ne ndü kpadji hana. ⁵ Padhá de, anga i dü me kpála nde mbila natsia 'kpí li piga gba e makpe ndjindji de-e, ani ti da nalila Piga gba Ebhe-e lele pi?

⁶ A ayo de me kpála natsia 'kpí li Piga gba Ebhe-e dü kpála inde adjí bua e na mbia de. Padhá de, anga i dü me a nde kpála inde adjí bua e na mbia-a, 'ngbé 'ndji ti da nali bhú ani, ani tsia lí bhú mangimbo maka Djabulü ali nani lie-o. ⁷ La matá die, a ayo me adú kpála inde li okpála bhe i bhuka de-e ngakpo 'ngú gba e ndjindji, ka napa me okpála aú ani bhú djila o padhá de-o, la di ngubula me ani atí bhú oekú gba Djabulü-o de.

Líli pi okpála nateteke kulu bhú Piga gba Ebhe

⁸ A bhadi moko, a ayo me okpála nateteke kulu bhú Piga gba Ebhe-e dü okpála inde ngamene 'ngú inde li okpála ti da namanga o ka e. U adú la di ne eli bhisi bhisi de, u ahá lio pi pandi de, u adú di nagili tia li siti kpadji de. ⁹ A ayo me u gbite lio ne bua bini li kükulu 'ngú inde li Ebhe ambamba ta e-o. U gbite lio téte ne bua nakpokpo kú 'ngú inde ndjindji.

¹⁰ Kala me u bhú uo me u kolo okpála nateteke kulu bhú Piga gba Ebhe-e, a ayo ngaiza me okpála tsia uo ndjindji, pipita-a, i dü me u nde u uo ne engú na sisiti de-e, u de bhú uo ngú namene kulu ango-o. ¹¹ A ayo me, olisi gba uo-o dü bhadi namene

engú inde li okpála tì da namanga uo ka e. U adú napa sisiti 'ngú li okpála koko de. U dù naholo bua o ka 'ngú maholo. U dù okpála inde li okpála koko ngaziba o bhú ndù 'ngú hana. ¹² A ayo me, kpála nateteke kulu bhú Piga gba Ebhe-e dù bha ne koli ole bini. Adù kpála inde ngatsia 'kpí li ongisi gba e di ne piga gba e makpe-e ndjindji. ¹³ Padhá de, anga okpála inde ngamene kulu nateteke kulu bhú Piga gba Ebhe-e ndjindji-e, ndù okpála hana ngamene uo mamanga, u gáma la di engú píndji nabhuka gba o inde bhú Yesu Kilisito-o ne tsulu belegú de bini.

Engú na ngbéngbé inde li Ebhe asuno e

¹⁴ Ma ngaye balua inde-e pi mʉ ne nabhundja me ma akólo li mʉ oo má gala! ¹⁵ La-a, i dù me ma nde kolo li mʉ oo má gala de-e, balua inde-e de suno pi mʉ lele maka a ayo lie me okpála dhukʉ bhú piga gba Ebhe-o. Piga ango-o, a ko Piga gba Ebhe inde uu-o. Dadjua ango-o ngabi küküli eli-e maka nepanda abibi eti lie-o. ¹⁶ A na paká me, engú inde li Ebhe ambamba ta e pi ní píndji nabhuka gba ní-e ngbéngbé. Engú ango-o me: Kilisito ago píla doto bhú kute maka kpála-kuti,

Bu Bhopua asuno me, ani ngbingbili,
oandjelu atsia au ani.

U akpokpo engú gba ani-e pi okpála inde
ne omaYuda ade,
okpála na píla doto libhomu
abhuka ani,
Ebhe atsia a'e ani abhúlá bhú sangu
gba e-o.

4

Omisuno na eu

¹ Bu Bhopua apa mbámbá me bhú onedhinga na soso-o, okpála koko a'ó ká nabhuka gba o, u tsia kpáta osisiti bua na eu, u kpáta di ongú inde li osisiti bua ngato e bhú okpála

me u suno e-o. ² Obhʉlʉ kali inde ngapa eu-o apíte uo me u yie li ngibili kpadiji-e mayie. Bua nakpokpo kú 'ngú gba obhʉlʉ kali ango-o asiti mugito me u atsulu ne kalase inde u ato e bhú djua. ³ Okpála ango-o ngasuno me a ayo de me obhosí ne olisi dù naha lio-o de. U di ngapa me a ayo de me okpála dù nazʉ ozʉ koko de. Ebhe abho la nani ozʉ bhomʉ-o ngae. Omabhuka inde ambila küküli 'ngú-o tì da nazʉzʉ ne nagie hení pi ani. ⁴ Padhá de, anga ndù 'he hana inde li Ebhe abho e ndjindji. A ayo de me ní tse ehe bini bhú káká-a de. Engú bini, a ayo nahaha ne nagie hení pi Ebhe, ⁵ anga eli gba ani bhú dabilí bini ne mayo ngamene me ndù 'he hana kolo bubu kala ani.

Bádha kpála na kulu gba Yesu Kilisito

⁶ Suno ongú bhomʉ-o pi ondaise ní omabhuka. Li mʉ mene mo-o, mʉ dí bádha kpála na kulu gba Yesu Kilisito. Mʉ tsia súno di me mʉ ngakʉ bua mʉ ne oeli na nabhuka, di ne nasuno na küküli mo okpata e ko. ⁷ Engú bini, gbe limʉ li otodʉ na padhá padhá inde i tì ne nabhuka de-e magbe. Mene mangbo ne kpéke me mʉ gbite limʉ li namene engú inde anga li Ebhe. ⁸ Namene ngeme ngú nakpekpeke kute-e, a ndjindji ngú ongú masudha. Engú bini, a ndjindji nane mane pi kpála ne nadhukʉ maka li Ebhe akʉnda lie-o. Padhá de, anga namene mo-o, kpála ango-o ambila me ní asia inde-e mukobho na mbia, mukobho ango-o adú dudu ma ne dudu. ⁹ Eli inde ma apa e bhomʉ-o, a ko küküli 'ngú inde ayo me ndù okpála hana ziba e ne bua bini. ¹⁰ Kaka-a, i dù me ní nde ngamene kulu kpekpeke di ne angu ní hana-a, a ko anga ní nga'o 'to ní li Ebhe inde uu-o. A ko Mukobho gba ndù okpála hana, a ane la mane pi okpála bhende abhuka ani-o.

¹¹ A bhomʉ-o ongú inde a ayo me mʉ gbele 'dje okpála lie, amba mʉ

suno di-e pi uo-o. ¹² Mo oká kpadjí pi kpála bini de me ani u mu padhá ka mu nde lie ne makombi-e de. Engú bini, du mangbo ne kpála inde ngasuno kpadjí pi omabhuka. Du nasuno kpadjí pi uo bhú eli inde mu ngapa e, ne bhú lele namene 'ngú gba mu, ne bhú mukunda gba mu, ne bhú nabhuka, di ne bhú nadu ka mu bubu kala Ebhe.

¹³ Nedhinga mu ngadjeke nago ka ma lie-e, ha limu ngú natanga 'li Ebhe-e kala ndu okpála hana. To masi bhú uo, amba mu suno ta eli gba Ebhe-e pi uo. ¹⁴ Mo ou kulu li Ebhe aha e pi mu-o bhú bádha bhú 'bu gba e-e padhá de, kulu inde mo osia e nedhinga li opolofeta akpokpo 'ngú gba mu-o lie, la di ne li nedhinga li obhelesi okpála a'o 'kpa o pi 'ndji mu lie-o. ¹⁵ A bhomu-o kulu inde a ayo me mu 'o bua mu li e ko. Ha limu ngú namemene ne bua mu hana, amba ndu okpála hana u me mu nganu li kpadjí gba Ebhe-e ne kalanu. ¹⁶ Lila limu ngamu makpe ndjindji bhú ongú inde mu ngamene e di ne bhende mu ngasuno e pi okpála koko-o. Nu ne di ne kalanu, anga i du me mu nde amene mo-o, mu kóbho limu ngamu makpe, mu tsia kóbho di okpála bhende ngadje mu-o.

5

Líli pi ndu omabhuka hana

¹ I du me mu nde ngali bhele kpála li 'ngú-o, mo ombémbe bhú 'ndji ani mambembe de, engú bini, gama 'ngú pi ani bhébhéku mugito me a ko 'dyi mu. Gama 'ngú pi omakombise maka ondaise mu na obhosibhosi. ² Pi olisi na obhelesibhelesi-e, gama 'ngú pi uo mugito me a ko ohi mu. Pi otsalisi-e, gama 'ngú pi uo maka ondaise mu

na olisilisi me bua mu nde tuko li uode.

Engú pindji oekesi na olisilisi

³ Teteke oekesi na olisilisi bhende li kpála nde ngú nateteke o ade-e mateteke. ⁴ Engú bini, i du me a nde ka øke na øøle bini ne ongisi, i du di-e odi ye e, ngú nasuno me ongisi ango-o ngamene engú inde li Ebhe akunda e, a ayo me u teteke ngaiza opiga gba o makpe. U mene mo-o, u gie bádha 'ngú pi okpála inde azu o, di ne pi onguo ogbi o bhú da bhende u amene nani e pi uo-o. Abhomu-o engú inde li Ebhe aziba e ko. ⁵ Øke inde ngadu bha ndju kpi e kpi, li kpála bini nde ka e ngú nateteke e ade-e, ani nga'o 'to e 'to Ebhe. Ani ngazi kekele li nayo Ebhe sukpe ne ngebikpi ngubula me Ebhe teteke ni. ⁶ La-a, pi øke bhende akunda bha naae odjali na doto-o, ani akpi li bua e akpi, abana ani nde lie uu-o. ⁷ A bhomu-o engú inde a ayo me mu pa e pi uo ngubula me kpála bini apá 'ngú li uo sisiti de-o. ⁸ I du me kpála nde teteke omaha e de-e, a ane la mane piga gba e makpe-e, ani abala 'kpa li nabhuka gba e abala, ani ane belegu mupagano ne siti.

⁹ La di-e, ngú napa me u ye 'li øke bini bhú ká obhende li Piga gba Ebhe-e ngabi o-o, a ayo me ani du mbo ne kalanga ndjikpa madhia. Adu la bhadi øle inde i kunda bhoko sa 'ku 'ko e de.* ¹⁰ A ayo la di me okpála mbila ani ka obabadha kulu inde ani amene e-o. A akunda napa me, ani akü ongisi gba e ndjindji, ani asia ogomago, ani avulu 'dhú omabhuka,† ani ateteke okpála inde adu bhú mbolo. Adu la di kpála inde amene ndu babadha kulu hana.

¹¹ Engú bini, pi oekesi bhende na otsalisi tsalisi-e, mo oyé 'li uo bhú ká obhende li Piga gba Ebhe-e ngabi o-o de. Padhá de, anga nedhinga

* ^{5:9} 5:9 Øle inde i kunda bhoko sa 'ku 'ko e de: A akunda napa me nedhinga li 'ko ani adu lie téte-e, ani kunda bhoko koko de. † ^{5:10} 5:10 Ani avulu 'dhú omabhuka: Nani agba omaYuda-a, kulu nagbe maleke bhú 'dhú ogomago ne navulu 'dhú uo-o, a ko nani kulu ka obalise di ne okpála na padhá. A di ngú nasuno mukunda ne nakø lio ne kuto. Tsia bhú Dja. 13:1-17.

li ḡum̄u na ha bhoko koko alí bhú uo lie, i méne me u dji 'ngb̄u o li Kilisito . ¹² Li u mene mo-o, u lí bhú mangimbo. Padhá de, anga u apa nani me o oha lio pi Kilisito, la mbia bhom̄u-o, u mene maka u apa lie de. ¹³ La di-e, mu ye 'li uo-o, u kólo obh̄ul̄ ipio, u hólo nadjakadha gba okpála ngangá. U kólo bha bini obh̄ul̄ ipio de, engú bini, u hólo nagama 'ngú naali, u hólo nali bhú ongú bhe i tsia o de, u tsia d̄ di nagama 'ngú gbölenḡe. ¹⁴ Kaka-a, ma akunda me, oekesi bhende na otsalisi tsalisi-e ha matá obhosí, u zu ongisi, u tsia 'kpí li opiga gba o-o, amba u aká kpadji pi obh̄ul̄ yala gba ní-e napa 'ngú li ní sisiti de. ¹⁵ Ma pa mo-o padhá de, a ko anga oekesi koko ayie li ngbili kpadji-e ayie, u atsia agbida nganda Satana .

¹⁶ I d̄ me mabhuka bini na eele nde ne oekesi na olisilisi bhú piga gba e-e, a ayo me ani teteke uo. Ani a'ó de me Piga gba Ebhe-e bi uo ngae de, amba Piga gba Ebhe-e bi obhende li okpála nde ka o ngubula nateteke o ade ko.

Engú pindji obhelesi okpála na Piga gba Ebhe

¹⁷ Obhelesi okpála inde ngatsia 'kpí li Piga gba Ebhe ndjindji-e, a ayo me u manga uo, amba u tsia ha di makalá na kulu gba uo-o pi uo li lelele. A ane la mane pi obhende ngatse kute o ngú nakpokpo di ne nasuno 'li Ebhe-o. ¹⁸ Padhá de, anga Bhuku gba Ebhe-e ngapa me: «Nedhinga li bagala ngatu ngano lie, mo ogbite 'bhe ani de.» A apa matá di me: «Kpála na kulu ati ne makalá na kulu gba e-o.[†]

¹⁹ I d̄ me, kpála bini nde apa 'ngú li bhele kpála na Piga gba Ebhe-e sisiti-e, mo obhúka de. Ziba bha bini me okpála bhisi nde alu pi engú ango-o, i d̄ okpála bhisi de-e, a de d̄ okpála bata. ²⁰ Mbe bhú 'ndji obhelesi okpála inde ngamene siti

'ngú-o bhú djila ndu okpála hana, amba okoko dje tsulu.

²¹ Ma ngaha lili pi mu kala Ebhe, ne kala Yesu Kilisito, di ne kala oandjelu gba Ebhe inde ani abhu o me, mene olili inde-e hana bhú ngbili 'ngú , mu nde kunda kpála bini ane okoko mane de. ²² Mo o'ó 'kpa mu pi 'ndji kpála má gala de ngú na ha kulu pi ani bhú Piga gba Ebhe-o. Mu 'o 'kpa mu pi 'ndji ani má gala-a, li okpála u sidi me ani bhú siti 'ngú-o, akunda napa bhom̄u-o me yi akpetse liyi ne ani bhú siti 'ngú gba e-o. Lila limu me ni d̄ bubu kala Ebhe.

²³ Mo odú bha bini nandji engu de, engú bini, ndji mbo di vino bedi uu ka kuo na bhú 'bu inde ngaha bhukku kute pi mu pikoo-o.

²⁴ Okpála koko ngamene siti 'ngú bhú mbasu, li okpála mbila kala nakpata 'ngú téte. Pi okoko-o, a ayo ngaiza nakpata 'ngú téte kalanu ngú nambimbila. ²⁵ A bhadji moko pi obabadha kulu, a ngau lie li zi 'kpí, belegu obhende u u e gbul̄ de-e, a tí da nadu ndu 'kpí hana de me a nde awo lie mawo-o de.

6

Lili pi obalise

¹ A ayo me omabhuka inde bhú bali-e manga omakulasi o ne ndu kpadji hana. U manga uo, amba kpála bini asóbho 'li Ebhe de, amba u asóbho la di nasuno gba ní-e de. ² I d̄ me, omakulasi uo nde ne omabhuka-a, u apá de me o mánga uo de-e de, anga a ko ondaise o-o de. Engú bini, a ayo me, u mene kulu pi omakulasi o ndjindji naali, anga okpála inde u ngamene kulu pi o bhom̄u-o, a ko omabhuka, a ko la di ondaise uo na mukunda. A bhom̄u-o lili inde ayo me mu suno e pi okpála ne nato masi bhú uo me u mene e ko.

Engú pindji ḡum̄u tia

[†] 5:18 5:18 Tsia bhú Det. 25:4; ne bhú 1 Kol. 9:9; ne bhú Mat. 10:10; di ne bhú Luk. 10:7.

³ I du me kpála bini nde ngasuno engú koko kpi, ani dhíka li okukulu oeli gba Ngámá gba ní Yesu Kilisito di ne ongú inde ní ngasuno e píndji namanga Ebhe de-e, ⁴ a ko kpála na 'ngbé 'ndji, ani mbila la di 'ngú belegú de bini. Ani ambila lie bha bini ne namene kpekebhe di ne natsi píndji oeli. Ongú bhomu-o ngagbe gúmu 'he, ne natsi, ne nasobho lio, ne nabhundja siti 'ngú píndji obi o, ⁵ di ne bhayiki inde i ndjindjia de-e súnda okpála inde li 'ndji o asiti-o. Okpála angó-o mbila la di matá kukulu 'ngú belegú de bini. U ngabhundja me nabhuka Ebhe-e, a ko kpadji nasia tia.

⁶ A moko, nabhuka Ebhe-e, a ko tia na ngbéngbé, i du me kpála nde ngakpi djali li ehe inde ka e-o. ⁷ Padhá de, anga ní go nani píla doto inde-e ne ehe bini de, ní gíe la di liní ne 'he bini na doto inde-e de. ⁸ Kaka-a, i du me a nde ka ní ne ehe nazú mazú di ne bongo ngú nadyidyi-e, amba bhabhomu-o ale pi ní ale. ⁹ Engú bini, okpála bhende ngakunda nakpo-o, u ngali bhú nale ne bhú ogumú 'he bhalé na padhá padhá di na sisiti inde li okpála ngasiti ka e, inde li okpála nde di ngamu ka e-o. ¹⁰ Padhá de, anga gúmu tia ngazu ndu ongú na sisiti hana. Okpála koko ka nakunda tia naali-e, u ayie li kpadji na nabhuka ayie, u atsia ali bhú likabhu naali ka o makpe.

Bádha gbele ní nde bhú e kabula nabhuka gba ní-o

¹¹ Engú bini, ngamu kpála gba Ebhe-e, kpe ndu sisiti 'ngú bhomu-o hana makpe. Gbite limu li ngibili 'ngú, ha limu pi Ebhe, du ne nabhuka, ne mukunda, ne 'ndjá bua, di ne bhuku 'ngú. ¹² Gu bádha gbele inde ní nde bhú e ka nabhuka gba ní-o. Lila mukobho na dudu ma ndjindji, anga Ebhe a'i nani mu ngú mukobho angó-o, mo otsia apa ne djali kala okpála bhalé

me ni abhuka. ¹³ Ma ngaha líli pi mu kala Ebhe inde ngaha mukobho pi ndu 'he hana, di ne kala Yesu Kilisito inde akpokpo nani kukulu 'ngú píndji nabhuka kala Pose Pilate ndjindji-e me, ¹⁴ lila líli inde ma aha e pi mu-o ndjindji, mene ndundu hana maka ma apa pi mu lie. Mene me kpála bini agú líli angó-o de, akólo li ekpí li Ngámá gba ní Yesu Kilisito agié lie lie-o.

¹⁵ Ekpí angó-o, Ebhe a'o ngae. A ko Ebhe inde ngaha bádha 'ngú pi okpála, a ko koli Ngámá bini inde ngau pi 'ndji ndu 'he hana. A ko 'ngbé Ngámá pi 'ndji ongbengbe ongámási, a ko la di Ngámá gba ongámási. ¹⁶ Ani kpkipi de, ani ngadu bhú zi 'kpí inde li kpála bini ti da nakolo li e de. Kpála bini u nga ani de, kpála bini tí la di da nau ani de. A ayo me okpála dhögé ani! A ayo me ani u dudu ma ne dudu ma! A adu moko.

Líli pi obhulu tia

¹⁷ Pa pi obhulu tia na doto inde-e me, 'ndji uo abé kaka de, u a'ó la di 'to o 'to tia na doto inde-e de, anga tia angó-o ngakodho 'kpí makodho. Engú bini, u 'o mangbo 'to o 'to Ebhe inde ngaha ndu 'he hana pi ní bhibhiti, ngubula me ní kpi djali ne di ko. ¹⁸ Pa pi uo me, u mene bádha 'ngú, u du mangbo obhulu tia bhú namene obabadha 'ngú. U du okpála napu 'he pi obi o ne bádha bua, u du bedhe ngú nahe 'he pi okpála koko. ¹⁹ U mene mo-o, u pó bhúla ohe na babadha inde di ngabhue mabhue pi o ngú okpí inde ngago-o. Abhomu-o, u tsia tí da nasia kukulu mukobho.

²⁰ Timoté, lila kulu inde li Ebhe aha e pi mu-o ndjindji. Kpe agole na padhá padhá inde i tí ne nabhuka de-e makpe. Kpe di obhayiki li okpála koko nga'i e ne eu me a ko imbilangú-o makpe. ²¹ Okpála koko abhundja me o ne ngua imbilangú angó-o, u atsia ayie li kpadji na nabhuka-o.

A ayo me, bádha bhú 'bu gba
Ebhe-e dú ne yi bhú dabili bini.

Balua na bhisi gba Polo pi Timoté Eli na kalanu

Bhá balua na bhisi gba Polo pi Timoté-e, ani aha lili pi Timoté maka kilí e na kulu inde la di ngateteke ani. Engú na ngbéngbé a ko bua nakibila 'ngú. Polo aha lili pi Timoté ne nato masi bhú ani ngubula nakpokpo 'ngú gba Yesu Kilisito ngingbili ne nasuno Bádha Ngali na Gandja na Didili di ne bhe na Mbia ndjindji. Pi bhobhomu-o, a ayo di me ani suno eli gba Ebhe-e ndjindji abana likabhu ani ngazu e di ne li okpála ngagú ani lie-o.

Polo atsia agbele 'dje Timoté pindji okpekpeke da 'ngú inde i ti da nakolo li ani ka nali bhú okpekebho na ngingi inde li tata nde lie ade (2:23) i zu la di ngua ade, a la nga'e okpála inde ngadjedje li ngibili kpadji.

Bhá ndu 'ngú bhomu-o hana-a, Polo ngayo ka Timoté me ani kpata nganda ni di ne namene ongú inde li Polo ngamene e maka nabhuka gba Polo, ne ndja bua gba ani, ne mukunda gba ani, ne nakibila 'ngú gba ani la di ne likabhu ani ngasia bhú mbolo u ngato e li ani-o.

Ongbengbe ongú inde bhú bhuku inde-e ngae inde:

Eli na kalanu 1:1-2

Natoko ne 'he inde a ayo me u mene e 1:3 - 2:13

Lili ne nagbele 'dje ngú nalila li e 2:14 - 4:5

Ongú inde atsia bha Polo kpi e kpi 4:6-18

Eli na soso 4:19-22

Polo yi Timoté mayi

¹⁻² Timoté ndika ma na mukunda, ma aye balua inde-e pi mu ngama Polo. Ebhe abhu nani ma me ma

du ne bhuluh titima gba Yesu Kilisito ngú nakpokpo engú na mukobho na dudu. Ani apa nani me ni ahá mukobho ango-o pi ni li kpadji gba Yesu Kilisito ko. A ayo me 'Dyi ni Ebhe ne Ngámá gba ni Yesu Kilisito suno bádha bhú 'bu gba o-o pi mu, u dje ndjinga mu, amba u ha di guo 'ngú pi mu.

Polo agie henri pi Ebhe, ani atsia ato di masi bhú Timoté

³ Ma ngagie henri pi Ebhe li 'ngú gba mu-o. Ma ngamene kulu lima pi ani maka onguo ogbi ma adu nani amemene lie-o. Ma ngamemene ne bua nakpokpo kú 'ngú ndjindji. Ma nga'o mu kala Ebhe ndu 'kpí hana. Ngbikpi ne sukpe, nedhinga ma ngayo Ebhe lie, ma nga'o mu kala ani. ⁴ Ma bhundja egba* nani mo oku e, gámu nau mu má gala bédhe ma bedhe, amba ma bedhe ne djali bedhe. ⁵ To ma 'ili 'to nabhuka na kukulu inde bhú mu-o de. 'Hi mu Enise ne bhe azu ani na eelé, Loisi abhuka ngaiza nani pi mu kalanu. Ma abhuka na paká me ngamu di-e, mu ne nabhuka ang-o.

⁶ Kaka-a, ma matá ngapa engú inde-e pi mu ne toto: kpo djua bhú angu inde li Ebhe aha e pi mu-o bhú bádha bhú 'bu gba e-e ne kalanu. Ebhe aha nani angu ango-o pi mu nedhinga ma a'o 'kpa ma pi 'ndji mu lie ko. ⁷ Padhá de, anga Bua li Ebhe aha e pi ni-e, a ko bua na tsulu de. Engú bini, Bua ango-o ngabedhe mangbo ni ne angu, ne mukunda di ne namene 'ngú li lelele.

⁸ Kaka-a, mo odjé numu li nakpokpo 'ngú gba Ngámá gba ni-e de. Abana ma nde lie bhú tikpu li 'ngú gba ani-e, mo odjé di numu ka bhobhomu-o de. Engú bini, ziba mangbo nazu likabhu ne ma bhú dabili bini ngubula Bádha Ngali ni ngakpokpo e-o. Zu likabhu ango-o me mu nde alu ne angu inde li

* ^{1:4} 1:4 Egbá: Polo a'o nani ká Timoté bhú gádhá na Efeso, ani atsia atapa bhú ndu doto na Makedonia. Ekpí ango-o, Timoté aku nani egba naali. Tsia bhú 1 Tim. 1:3.

Ebhe ahaha e ko. ⁹ Ebhe akobho ní ngae, ani atsia a'i ní me ní dū ne piga gba ni-o. Ani kobho ní ka bádha 'ngú gba ní-e de, engú bini, ani akobho ní ka bádha bhú 'bu gba e di ne ka anga ani akunda nani me a adú moko. Kala me ani bho kokpí ne doto-o, ani atima Yesu Kilisito pi ní maka ani abhundja lie, amba ní sia bádha bhú 'bu ango-o. ¹⁰ Bádha bhú 'bu bhomu-o akoto mbia inde-e bhú mbasú, anga Ngámá gba ní Yesu Kilisito ago. Ani andjia angu kuo ngae. Ani asuno pi ní bhú Bádha Ngali-e me ní asia mukobho na dudu-ma masia.

¹¹ Ngama-a, Ebhe abhú ma me ma dū bhulú titima, ma dū di ne bhulú nakpokpo Bádha Ngali ango-o pi okpála, amba ma suno di pi uo. ¹² Ma bhadi ngazu likabhu inde-e kabula nakpokpo Bádha Ngali ango-o. Engú bini, ma téte ne nümü ade, anga ma mbila kpála inde ma a'o 'to ma 'to e hana. Ma abhuka la bhadi na paká me ani ne angu ngú nalila kulu inde ani aha e muma-a nakolo li 'kpí ani agó lie-o. ¹³ Ongú inde mo odje me ma nde ngasuno e-e, a ko ongú na kükülu inde a ayo me mu kpata e-o. Lu kpekpeke bhú nabhuka, ne bhú mukunda inde ní nde ne e bhú nakpötse liní ne Yesu Kilisito-o. ¹⁴ Lila bádha nasuno inde li Ebhe aha e pi mu-o ndjindji. Lila nasuno ango-o ne angu gba Bu Bhopua inde ngadú bhú ní-o.

¹⁵ Mu mbila hana me omabhuka bhelé na ndu doto na Adjia hana a'o ka ma a'o. Fidjele ne Elemodjene di bhú ká uo. ¹⁶ A ayo me Ngámá dje ndjinga piga gba Onesifole-o, anga ani ateteke ma bhutsibhutsi, ani dje di nümü li naama 'ngú ka ma nde lie bhú tikpu-o de. ¹⁷ Engú bini, nedhinga ani akolo lie bhú gudhú na Loma-a, ani agili ma ne kekele hana nakolo bha bini li nedhinga ani au ma lie-o. ¹⁸ Mu mbila ndjindji me nedhinga ma adú lie bhú Efeso-o, ani ateteke ma naali. A ayo me, Ngámá gba ní-e gie bádha 'ngú pi

ani li 'kpí inde ani akódho 'ngú gba okpála lie-o.

2

Líli pi súdha gba Yesu Kilisito

¹ Ngamú Timoté ndika ma, sia angu bhú bádha bhú 'bu inde li Yesu Kilisito ngaha e pi ní-o. ² Ongú inde mo odje ma me ma nde ngakpokpo e kala bhití okpála inde adú adje ma-a, suno pi okpála li okpála koko ngaziba o, inde i ti da nasusuno di pi okpála koko.

³ Kibila likabhu maka súdha na babadha gba Yesu Kilisito. ⁴ Kpála inde bhú kulu na súdha-a líli bhú ongú ngangá na doto inde-e de, i dū me ani kunda me ní mene engú inde anga li ngámá gba ní-o. Mene bhadi moko. ⁵ Bhundja la di me, i dū me okpála nde ngamene ngeme nagu holo-o, li kpála gu maka li líli na ngeme aziba lie de-e, ani sia makalá de. ⁶ Kpála inde ngamene kpéke kulu nalu edyi-e, asia ngaiza ezu na edyi ango-o kalanu ngae. ⁷ Bhundja pindji ongú ma ngapa e pi mu inde-e ndjindji, mu mene mo-o, li Ngámá gba ní-e há angu pi mu ngú nake mboli ndu ongú hana.

⁸ Bádha Ngali inde ma ngakpokpo e pi okpála-a, a me Yesu Kilisito ne ndili gba Davidi, Ebhe azuku ani bhú ká okpála inde amu-o. Mo o'ili 'to mu li ani de. ⁹ Ma ngazu likabhu inde-e kabula Bádha Ngali ango-o. U ato belegu ma bhú tikpu mugito me ma amene siti 'ngú. Engú bini, u to eli gba Ebhe-e bhú tikpu de, eli ango-o nganu bha bini ne kalanu. ¹⁰ Kaka-a, ma ngakibila ndu likabhu inde ma ngazu e hana ngubula nateteke okpála li Ebhe abhú o-o, amba ngauo di-e, u sia mukobho di ne sangu inde ngadú dudu-ma ne dudu-ma ka Yesu Kilisito-o. ¹¹ Engú inde ma adjí apa e inde-e, a ko kükülu 'ngú. Engú ango-o ngae inde:
«I dū me ní nde amu bhú dabili bini ne Yesu-o,

ní dú bhadi bhú mukobho bhú dabili bini ne aní.
12 I dú me ní nde alá kpekpeke bhú likabhu
 ní ngazú e kabula Bádha Ngali-e,
 ní ú bhadi ne aní bhú dabili bini.
 Engú bini, i dú me ní nde apa
 me ní mbila aní de-e,
 ngaani di-e, aní pá bhadi me ni
 mbila ní de.
13 I dú me ní nde ngamene engú inde
 i nga li aní de-e,
 ngaani-e, aní djidji lie de,
 aní améne ndú 'ngú inde aní apa me
 ní améne e hana.
 Padhá de, anga aní tí da namene
 'ngú kpi ne bhende
 aní ngapa e de.»

Kpála na kulu inde li Ebhe abhuka
e **14** Ongú inde ma apa e pi mu bhomu-o, kpokpo pi omabhuka ngubula me u bhundja pépé. Gbele 'dje uo li 'ngú inde-e ne 'li Ebhe me u atsí pindji oeli de. Padhá de, anga tata téte ade, a mangbo ngasiti bua okpála inde ngadjedje-o. **15** La ngamu makpe-e, mene ne kpéke ngú nadú maka li Ebhe akunda lie-o. Dú maka kpála na kulu inde ne numu li kulu gba e ade, a akunda napa me, kpokpo eli na kükülu-o pi okpála koko li lelele.

16 Kpe agolé na padhá padhá inde i ti ne nabhuka de-e makpe. Padhá de, anga okpála inde adhi ka li ngua ongú bhomu-o ngayie li kpadji gba Ebhe-e bhúbhukú. **17** La di-e, 'li uo ngayangba bhú ká okpála maka eka inde ngazidhaka mazidhaka. Imene ne Filete bhú ká okpála ango-o. **18** U ayie li kpadji na kükülu 'ngú ayie. U ngapa eu pi okpála me nedhinga nazuku ka okpála akodho 'kpí akodho. Kaka-a, okpála koko ayie ka uo li kpadji na nabhuka ayie. **19** Engú bini, kükülu eli gba Ebhe-e yíe bhú da e de. Eli ango-o maka nepanda inde alá kpekpeke. U atsia aye balua téte me: «Ngámá mbila

okpála gba e hana.†» U atsia aye di me: «A ayo me ndú okpála hana inde ngapa me ní ne okpála gba Ngámá-a, 'o namene siti 'ngú ma'o.»

20 Adudu bhú 'ngbé 'ti ne limbi osaani bhelé. U abho osaani koko li olo, u abho okoko li aladja, u agolo okoko li ndula. A pise bha bini li obhobhomu-o de, u abho matá okoko li doto. Osaani bhomu-o li okulu kpkpikpi. U nga'o obhende na babadha-a ngú okpí na anokomia, okoko-o, u ngamene kulu ne di ndú 'kpí hana. **21** A bhadi pi ní moko. Li kpála 'o namene ndú sisiti 'ngú inde ma ngapa 'ngú lie bhomu-o hana-a, li Ebhe 'ó aní kpi pi e. Aní dú maka saani na olo, anga ngaani-e, aní bedhe ngú namene ndú obabadha kulu hana.

Líli pi bádha kpála na kulu gba Ngámá

22 Timoté, gbe limu li osisiti 'ngú inde li omakombise koko ngamene e magbe. Ngamu bhú dabili bini ne okpála bhende ngayo Ngámá ne bua o bini-e, yi gili namene ngibili 'ngú, ne nadú ne nabhuka, ne mu kunda di ne guo 'ngú súnda yi. **23** Gbe limu li otodu na padhá padhá li tata nde lie ade-e magbe. Padhá de, anga mu mbila ndjindji me ndú 'ngú bhomu-o hana ngagbe tolo. **24** A ayo de me kpála na kulu gba Ngámá-a dú natsi-e de, a ayo mangbo me aní dú ne guo 'ngú pi ndú okpála hana. Aní dú kpála inde ngasuno 'ngú pi okpála ndjindji. Aní dú la di kpála nakibila 'ngú nedhinga li okpála ziba engú aní ngapa e lie de ko. **25** A ayo me, aní suno 'ngú pi okpála bhende nga'o bhayiki li engú inde aní ngapa e ne bhúkú bua. Padhá de, anga nedhinga koko-o, li Ebhe há kpadji pi uo ngú nadji mabhundja gba o ngubula me u mbila eli na kükülu-o. **26** Abhomu-o, u hólo matá nabhundja 'ngú ndjindji. U tsia zé bhú ekú gba Djabulú inde aholo uo, a atsia a'o di uo sa líli gba aní-o.

† 2:19 2:19 Tsia bhú Nom. 16:5.

3*Engú inde akódho 'kpí li sokpí-o*

¹ Mbila ndjindji me bhú onedhinga na sokpí-e, kpekpeke da 'ngú adú naali. ² Padhá de, anga okpála adú nambila bha engú gba o makpe, u adú akunda tia naali, u adú apa 'li o, u adú obhúlú 'ngbé 'ndji, u adú nasobho Ebhe, u dú nadje okpála inde azu o-o de. U gie hení pi okpála inde amene bádha 'ngú pi o-o de, u mánga ehe gba Ebhe-e de. ³ U dú ne mukunda pi okpála koko de, u djé ndjinga obi o de, u adú apa 'ngú li okpála koko sisiti. U hólo bua o ka 'ngú de, u akunda bha bini namene obi o sisiti, u kúnda bádha 'ngú de. ⁴ U apí obi o pi obhúlú yala gba o, bua uo adú ape má pupupu, u tsia dú na'o lio ne abhúlá. U akunda mangbo engú inde a nga li o, u kúnda Ebhe de. ⁵ U adú namene mugito me o ne okpála gba Ebhe, engú bini, u zíba angu gba ani-e de. Gbe límu de okpála bhomú-o magbe!

⁶ Okpála koko bhú ká okpála bhomú-o ngali bhú okuti, u tsia hólo li ekú gba o-o olisi na padhá padhá 'ngú inde oo. Olisi angoo abedhe ne gámu 'he ngangá, u atsia abedhe di ne sisiti 'ngú bedhe. ⁷ U ngagili ndú 'kpí hana nambila 'ngú, engú bini, angu uo kolo li nambila kúkúlú 'ngú-o belegú de bini. ⁸ Okpála bhomú-o ngayala nakpata kúkúlú 'ngú maka Djanesi ne Djambelesi ayala nani nadje 'li Moidje lie-o. A ko okpála li 'ndji o asiti, u bhuka Ebhe na paká paká de. ⁹ La-a, u lúka matá ne di tsutsu de, anga ngingi 'ngú u ngamene e akoto bhú djila ndú okpála hana ngbadha, maka bhe nani i mene Djanesi ne Djambelesi-o.

Engú inde a ayo nabhundja pindji e

¹⁰ La ngamu-o, mo okpata ma ndjindji bhú nasuno gba ma-o, mo ou lele nadhukú gba ma-o, mu

mbila mabhundja gba ma-a hana, mu mbila nabhuka gba ma-a hana, mu mbila 'ndjá bua gba ma-a hana, mu mbila mukunda gba ma-a hana, mu mbila kpéke bua gba ma-a hana. ¹¹ Mu mbila likabhu ma azu e ne mbolo u ato e li ma-a hana. Mu mbila ndú 'ngú inde apí ma bhú Atiokia, ne bhú Ikoniomu di ne bhú Lisitele hana. Ma azu likabhu na paká paká, engú bini, Ngámá agbegbe ma bhú ndú likabhu bhomú-o hana. ¹² A ne okpála koko inde akunda nakobho maka li Ebhe akunda lie, bhú makpötse gba ní ne Yesu Kilisito-o. A na paká me u ató mbolo li ndú uo hana. ¹³ La-a, obhúlú nazi 'gú, inde di ngapite okpála-a, anú bhú siti 'ngú ne kalanú. U ngapite okpála, li okpála koko píte di uo.

¹⁴ Engú bini ngamu-o, lu kpekpeke bhú 'ngú inde mo okpata e, mo osia di-e ne bua mu hana ko. Mu mbila okpála asuno pi mu-o hana. ¹⁵ Nayie bhú ndili li mu-o, mu mbila Bhuku gba Ebhe-e ndjindji. Bhuku ango-o ti da naha pi mu imbilangú inde ngato kpála bhú mukobho na dudu ma ka nabhuka Yesu Kilisito-o. ¹⁶ Ndú 'ngú inde u aye e bhú Bhuku gba Ebhe-e hana ayie ka Ebhe. A ne tata ngú nasuno ngibili 'ngú pi kpála, ngú napana pálú 'ngú gba kpála pi e, ngú nali kpála, di ne ngú nasuno pi kpála namene 'ngú maka li Ebhe akunda lie-o. ¹⁷ Ebhe amene mo-o ngubula me kpála gba ni-e du bedhe na paká paká ngú namene ndú babadha 'ngú hana.

4*Kpokpo 'li Ebhe*

¹ Yesu Kilisito agó galikpe mago, ani tsia ú ngámá píla doto. Aní akódho 'ngú gba okpála inde uu ne obhende amu-o. Kaka-a, ma ngaha líli inde-e pi mu kala ani ne kala Ebhe me: ² kpokpo 'li Ebhe, lu pépé kpekpeke bhú bádha nedhinga. Mbe bhú

'ndjì okpála inde ngamene siti 'ngú-o, pa pí uo me u 'o namene siti 'ngú ma'o. To masi bhú okpála koko ngú namene bádha 'ngú. Suno ndu ongú bhomu-o pí uo hana li lelele di ne 'ndjá bua. ³ Padhá de, anga ekpí akólo makolo, okpála kúnda matá nadje nasuno píndjì kúkulu 'ngú de. Engú bini, u adú nakpata gúmu gba o makpe, u tsia pó bhúla omusuno na eu de o. Omusuno ango-o adú apa pí uo ongú inde anga li uo-o. ⁴ U anini 'dje o li nadje kúkulu 'ngú, u tsia kpáta ongú na padhá padhá inde li okpála ngagbe e bhú 'ndjì o-o. ⁵ Engú bini ngamu-o, du naholo bua mu bhú ndu 'ngú hana maholo. Kibila nazú likabhu makibila. Mene kulu nakpokpo Bádha Ngali-e ndjindji. Ndjia kulu li Ebhe aha e pí mu-o.

⁶ Múma-a, nedhinga nandala 'kpa li mukobho gba ma-a ngubula me u bhélo ma-a akolo masikpe. Nedhinga nabhana líma pí doto inde-e ale. ⁷ Ma agú bádha gbele, ma agú holo akolo ali soso. Ma ndala 'kpa li nabhuka de. ⁸ Mbía inde-e, Ebhe aleke makalá múma abhúlá. A ko ndata na 'ngbè ndua inde li Ngámá ahá e múma li 'kpí aní akódho 'ngú gba okpála lie-o. Ndata ango-o, a ko ndata na mukobho. Ngámá gba ní-e, a ko Ngámá inde ngakodho 'ngú gba okpála ngingbili. Aní há bha ndata ango-o múma kpi ma kpi de, engú bini, aní ahá di pí ndu okpála hana inde ne djali li nago ka aní-o.

Polo apa pi Timoté me aní go bhaka ni

⁹ Mene ne kpéke me mu go bhaka ma má gala! ¹⁰ Padhá de, anga Demasi a'o ká ma ka gúmu 'he na doto na naki inde-e a'o. Aní atapa bhú gúdhú na Tesalonike. Kelesasi atapa bhú gúdhú na Galatia. Tito atapa bhú gúdhú na Dalamatia. ¹¹ Luka atigala ne ma sì ngae kpi e kpi. Mu du ago-o, ha Maloko, mu go ne aní bhú dabili bini, anga aní

tí da nateteke ma li kulu ma nde ne e ko. ¹² Ma atima Tisike bhú gúdhú na Efeso. ¹³ Li mu du nago-o, mu de go múma ne koti gba ma inde ma 'o nako ká e bhú gúdhú na Túlusasi agba Kalipusi ko. Go di múma ne obhuku gba ma-o, ane la mane obhende u amene e li kó 'nu-o.

¹⁴ Alekidjandele, bhúlú nabho bolo-o amene ma sisiti naali. Ngámá agie pí aní nakpata lele siti 'ngú aní amene e li ma-a ngae. ¹⁵ Lila di límu ka aní malila, anga aní ngagu nasuno gba ní-e kpekpeke.

¹⁶ Nedhinga ma akpokpo 'ngú gba ma-a lie bhútsibhútsi na bini kala okpála nakodho 'ngú-o, kpála bini teteke ma de. Ndú uo hana a'o ká ma. Ebhe mbu li uo téte. ¹⁷ Engú bini, Ngámá ateteke ma ngae, aní aha angu múma ngubula me ma kpokpo eli gba ni-e ndjindji. Ndú omúpagano hana inde adú oo adje. Aní atsia agbegbe ma sakpa kuo. ¹⁸ Ngámá agbégbe matá ma sakpa ndú egú li okpála ngagu ma ne e hana, aní tsia tó ma bhú Naú gba e na abhúlá-o. A ayo me u dhége Ngámá duduuma ne duduuma! A adú moko.

Oeli na soso

¹⁹ Pa pí Pilisila ne Akuila, a la di-e piga gba Onesifole me ma yi uo mayi. ²⁰ Elasíte atigala bhú gúdhú na Kolito. Ma a'o ká Tolofime bhú gúdhú na Milete, anga adú li aní ne kuo. ²¹ Mene ne kpéke me mu go ei kala nedhinga na zini. Ebulosi, ne Pudene, ne Line ne uo ne Kolodia, a la di-e ondaise ní inde ei-e hana apa me o yi mu mayi.

²² Ngámá du ne mu. A ayo me, bádha bhú 'bu gba Ebhe-e du ne yi.

Balua gba Polo pi Tito Eli na kalanu

Tito inde akolo nani kpála na kulu bhú dabili bini ne Polo, ani atsia adú di ateteke ani bhú kulu gba e na Ebhe inde ani adú adholo ne e, ani adú nani mupagano inde adjibua e, ani atsia aziba Kilisito . Polo aye balua inde pi Tito, makombi inde adú ateteke ani bhú Dadjua gba Ebhe na Kelete-o. Polo a'o nani ká ani oo ngubula natsia 'kpí li kulu na Dadjua gba Ebhe ang-o-o. Ngbengbe 'ngú bhú balua inde bata.

Engú na kalanu u aye bhú balua inde-e, ko nasuno pi Tito dasundu inde a ayo me obhelesi okpála na Dadjua gba Ebhe du ne e, adú kpi ne bhe na sisiti inde li okpála na Kelete nde ne e ko. Pipita-a, Polo ngaha lili pi Tito me ani du mésuno pi limbi okpála ngangá na Dadjua gba Ebhe-o. Limbi okpála maka: obhosí na bhelesibhelesi, omakombise, obalise ne olisi bhe na bhelesibhelesi (inde a ayo me u ha lili pi otsalisi). Li soso-o, Polo ngaha lili pi Tito pindji lele nadholo gba makilisito, ne nadú ne mukunda, ne nadú ne guo 'ngú ngubula nakpe yala, ne nakpe tolo, a la di na gbogbo bhusu bhú Piga gba Ebhe.

Ongbengbe ongú inde bhú bhuku inde-e ngae inde:

Eli na kalanu 1:1-4

Obhelesi okpála na Piga gba Ebhe 1:5-16

Engú a ayo me limbi okpála mene e bhú Piga gba Ebhe 2:1-15

Naha lili gba Ebhe ne napa me kpála du ne nalila li e 3:1-11

Eli na soso 3:12-15

Polo yi Tito mayi

¹ Ma aye balua inde-e ngama Polo, bali gba Ebhe, la di bhulü titima gba YesuKilisito . Ebhe aha kulu napana kpadji na nabhuka pi okpála inde ani abhu o-o muma ngubula

me u bhuka ni, amba u ke di mboli kükülu nasuno inde ati ne mukobho inde ngadhege ani-o. ² Abhomu-o, u ti da nadu ne 'to o me o osia mukobho na dudu ma masia. Ebhe inde i papa eu de-e, apana nani mukobho ang-o-o pi omaha e bhutode kala me ani bho kokpi ne doto. ³ Nedhinga inde li Ebhe a'o e akolo lie, Ebhe, Mukobho gba ní-e amene me omaha ni mbila 'li ni li kpadji nakpokpo Bádha Ngali . A bhomu-o kulu inde ani aha lili me ma mene e-o.

⁴ Ma ngaye balua inde-e pi mu Tito. Mu maka kükülu ndili gba ma bhú 'bu nabhuka inde ngakpetse ní ko. A ayo me bádha bhú 'bu ne guo 'ngú gba 'Dyi ní Ebhe, di ne Yesu Kilisito Mukobho gba ní-e du ne mu bhú dabili bini.

Lele mukobho gba obhelesi okpála na Piga gba Ebhe

⁵ Ma a'o ka mu bhú kpemé na Kelete, amba mu ndjia naleke ndu 'ngú hana inde atigala-o. A ayo me mu bhú obhelesi okpála na Piga gba Ebhe-e bhú ndu gudhú hana bini ne bini nakpata olili nako ma aha e pi mu-o moko me, ⁶ a ayo de me u u bhele kpála na Piga gba Ebhe-e ne siti 'ngú-o de. Ani du ne koli ele bini. A ayo me ongisi gba ani-e du omabhuka . U améne engú bini de inde u 'í uo ka e me, a ko ongisi na sisiti, di ne me, a ko ongisi na ndjondjo.

⁷ Bhele kpála na Piga gba Ebhe-e ngalila kulu gba Ebhe-e ngae. Kakaa, a ayo de me u u ani ne siti 'ngú-o de. A adú kpála na 'ngbé 'ndji de. Ani adú nake 'ngú lie má gala de. Ani ahá lie pi pandi de. A adú bhulü nagu gbele de. Ani adú nagili tia li siti kpadji de. ⁸ Engú bini, ani du nasia ogomago ndjindji. Ani kunda bádha 'ngú. Ani du nabhundja 'ngú ndjindji. Ani du ngbingbili. Ani du bubu kala okpála di ne kala Ebhe. Ani du kpála naholo bua e ka 'ngú maholo. ⁹ A ayo me ani

gbite lie kpekpeke li Eli na kükülu inde ati ne engú inde ní asuno e pi ani-o. Abhomu-o, ani tí da nato masi bhú okpála koko ne nasuno na ngbingbili-o. Ani tsia tí la di da nasuno pi okpála inde nga'o bhayiki li nasuno gba ani-e me uo li pülü kpadji.

Polo agbele 'dje Tito pindji nasuno na eu

¹⁰ Okpála bhelé ne kpéke 'ndjì, a ane la mane bhú ká okpála inde ngasuno me a ayo me omakilisito kpata lili gba omaYuda li kpadji nali gandja-o . U ngapite okpála koko, u di ngapa ongú na padhá padhá.
¹¹ A ayo nagbite 'bhé uo, anga u ngangbingi 'ndjì opiga libhomu ne nasuno ongú inde a ayo nasuno e de, ngubula nasia tia li siti kpadji.

¹² Suka kpála bini na kpemé na Kelete-e, adu nani bhulü imbilangu. Ani apa nani ne 'bhé e me: «Okpála na Kelete-e, a ko odidili obhulü eu, uo maka onu na 'gú. A ko obhulü ipio, u ngabhundja bha bini bulu 'ngú na 'zu.» ¹³ Engú inde ani apa e bhomu-o, a ko kükülu 'ngú. Kaka-a, mbe bhú 'ndjì uo téte kpekpeke, ngubula me u lu kpekpeke bhú nab-huka, ¹⁴ u a'ó la di 'ndjì o li ongú na padhá padhá inde li omaYuda ngagbe e bhú 'ndjì o de. U adú di namene lili gba okpála bhende ngayala kükülu 'ngú-o de. ¹⁵ Pi okpála bhende kala Ebhe bubu-o, ndu 'he hana bhadi bubu. La-a, pi okpála bhende kala Ebhe bubu ade-e, inde ayala nabhuka-a, ehe bini pi uo bubu belegü ade bini. Padhá de, anga imbilangu di ne bua nakpokpo kú 'ngú gba uo-o asiti. ¹⁶ U ngapa me, o mbila Ebhe hana, engú bini ongú inde u ngamene e ngasuno me u mbila ani de. Engú inde u ngamene e nga li okpála de, a nga la di li Ebhe de. A ko okpála na kpekpeke 'ndjì. Uo la di ne angu namene bádha 'ngú belegü ade bini.

2

Polo aha lili pi omabhuka

¹ Engú bini, ngamü Tito-o, pa engú inde ati ne nasuno na ngbingbili-o.
² Pa pi obhosí bhende na gbegbegbe-e me, u du naholo bua o ka 'ngú maholo. U du ne okpála inde u ngamanga o mamanga. U du nab-hundja 'ngú ndjindji. U lu la di ne angu bhú nabhuka , ne mukunda, di ne 'ndjá bua. ³ Ha di lili pi olisi bhe na obhelesibhelesi-o. Pa pi uo me mukobho gba uo-o du bubu kala Ebhe. U adú napa osisiti 'ngú li okpála koko de. La di-e, u adú obalise na pandi de. A ayo me u suno pi okpála koko ongú na ndjindji. ⁴ U mene mo-o, i tsia súno pi otsalisi me, u du ne mukunda pi obhosí gba o, di ne pi ongisi gba o, ⁵ u du nabhundja 'ngú ndjindji, u adú akunda obhosí ngangá de, u 'o 'to o 'to pigi gba o, u du ndjindji. U mene la di olili gba obhosí gba o makpe, ngubula me kpála bini asóbho eli gba Ebhe-e de.

⁶ Ha di lili pi omakombise me, u du namene ndu 'ngú hana li lelele. ⁷ Ngamü makpe-e, a ayo me mu suno bhú okulu gba mu-o ongú na ndjindji, inde li okpála ti da nakpata nganda e. A ayo me nasuno gba mu-o du ngbingbili, amba adu di bhe li okpála ti da namanga e. ⁸ A ayo me li mu du ngbingbili, eli inde li okpála ti da naboyo e de, amba obhulü yala gba ní-e asia engú na sisiti napapa li ní de. Abhomu-o, u tsia djé nümü na paká paká.

⁹ A ayo me, obalise mene lili gba omakulasi o bhú ndu 'ngú hana. A ayo me u du amene engú inde anga li omakulasi o. U adú adjidji 'ngú sa 'li uo de. ¹⁰ U azí 'he gba omakulasi o de. Engú bini, u du ndu 'kpí hana ngbingbili li pápá gba uo-o. U mene mo-o, li okpála tsia ú me nasuno inde pindji Ebhe, Mukobho gba ní-e ndjindji ka nau lele maka u ngakobho lie-o.

Yesu akunda me ní du piga gba ni

¹¹ A moko, Ebhe asuno bádha bhú 'bu gba e inde ngakobho ndú okpála hana bhú siti 'ngú-o asuno. I dú kaka de-e, kpála bini de kóbho de. ¹² Bádha bhú 'bu ango-o ngasuno pi ní nayala siti 'ngú. A la di ngasuno pi ní nayala ogumú ongú na doto, amba nedhinga ní nde nga lie pi doto inde-e, a ayo me ní du nab-hundja 'ngú ndjindji, ní du namene engú inde ngbingbili, di ne bhende nganga li Ebhe manga. ¹³ Ní du namene moko ngubula nadjeke ekpí na djali inde ní nga'o 'to ní 'to e-o. Li 'kpí ango-o, Yesu Kilisito inde Ebhe gba ní na ngbéngbé, di ne Mukobho gba ní-e, agie lie píla doto bhú sangu gba e ko. ¹⁴ Aní aha mukobho gba e makpe pi ní ngubula nagbegbe ní bhú ndú osisiti 'ngú hana. Aní abhú ní me ní kolo piga gba ní makpe, piga inde bubu kala ní-o, amba ní du piga inde abedhe ne gumú namene babadha 'ngú.

¹⁵ A bhomú-o engú inde ayo me mū suno e ne angu mū hana, nedhinga inde mū ngato masi lie bhú okpála inde ngadje mū, di ne nedhinga inde mū ngambe lie bhú 'ndji obhende i dje mū de ko. Mo oká kpadji pi kpála bini de me aní u mū padhá-a de.

3

Lele nadú ka omabhuka bhú ká omupagano

¹ Bhundja pi ndú omabhuka hana me, a ayo me u manga ongámási, di ne okpála bhende ngau pi 'ndji uo-o. A ayo me u mene líli gba uo-o, amba u dū bedhe ngú namene ndú ongú na babadha hana. ² A ayo de me u di kpála-a de. U adú obhúlú gbele de. A ayo me u dū okpála na guo 'ngú. A ayo me u dū 'kpí hana ne bhúkú bua pi ndú okpála hana.

³ Padhá de, anga nganí di-e, ní adú nani ongingi. Ní adú nani okpála na kpekpeke 'ndji. Ní adú nani li

púlú kpadji. Ondú ngangá gumú 'he, di ne oehe nanga li ní manga a'o nani ní obalise. Mukobho gba ní-e adú nani sisiti. Ní abedhe di nani ne ogumú 'he bedhe. Ní adú ayala okpála koko, u atsia adú di ayala ní.

⁴ Engú bini, nedhinga li Ebhe, Mukobho gba ní-e asuno bádha 'ngú di ne mukunda gba e lie pi okpála-a, ⁵ aní atsia akobho ní. Aní kobho ní ka ongú na ngbingbili inde ní amene e-e de. Engú bini, aní akobho ní ka aní adje ndjinga ní lie ko. Aní akobho ní li kpadji naha Bu Bhopua pi ní. Bu Bhopua ango-o a'e osisiti 'ngú gba ní-o, aní atsia aha mukobho na mbia pi ní, ne lele nadú na mbia. ⁶ Ebhe atuko Bu Bhopua ango-o pi ní bhelé li kpadji na okulu inde li Yesu Kilisito, Mukobho gba ní-e amene e ko. ⁷ Abhomú-o, Ebhe atsia amene me ní kolo ngbingbili ka bádha bhú 'bu gba ní ko, amba ní ti la di da nasia mukobho na dudúma, inde ní nde ne 'to ní 'to e-o. ⁸ Eli bhomú-o, a ko eli na kúkulú. Ma akunda la di me, mū lu pépé kpekpeke, amba okpála hana inde abhuka Ebhe-e, ha lio ngú namene ongú na babadha. A bhomú-o engú inde ndjindji, inde di ne tata pi ndú okpála hana ko.

⁹ Engú bini, mo odú namene obhayiki na ngingi de. Mo odú namene kpekebhe li nakpokpo ndjándjá kpokpodumú de. Mo odú namene otolo di ne bhayiki píndji líli gba Moidje-e de. Padhá de, anga ndú ongú bhomú-o hana padhá, tata la di téte ade. ¹⁰ Mbe bhú 'ndji bhúlú nagbogbo bhúsú omabhuka bhútsibhútsi na bini, mū mbe bhú 'ndji aní bhútsibhútsi na bhisí, amba pipita aní dje mū de-e, mū de gbe aní bhú ká uo magbe. ¹¹ Mū mbila ndjindji me, ngua kpála bhomú-o ayie li ngibili kpadji ayie. Aní atsia a'o lie bhú mangimbo ngae makpe, ka aní azi 'ndji e lie bhú namene siti 'ngú-o.

Polo aha olíli na soso pi Tito

¹² Ma ngatima Alatemasí pí mʉ.
I dʉ ani de-e, li ma atíma Tisike.
Nedhingga ani akólo lie, mʉ de mene
ne kpéke ngú nago nabhaka ma bhú
gʉdhʉ na Nikopolisi. Padhá de, anga
ma apa me nedhingga na zini-e ané
ma me, ma nde oo ko. ¹³ Tsia 'kpí
li 'ngú na dhʉkʉ gba avʉka Djenasi,
ngaou ne Apolosi-e ndjindji, amba u
adá bhú ndibhili 'he bini de. ¹⁴ A
ayo di me okpála gba ní-e mbìla
lio ne namene ongú na babadha
ngʉbula me u dʉ ne oehe ngʉbula
nateteke okpála inde ne gʉgumʉ-o
ne di. U mene mo-o, kulu gba uo-o
tsia zú nguwa.

¹⁵ Ndʉ okpála hana inde bhú
dabili bini ne ma-a apa me, o yi mʉ
mayi. Pa pí ondaise ní na mukunda,
inde ní nde ne o bhú 'bu nabhuka
me, ya yi uo mayi. A ayo me, Ebhe
tuko bisagu pí ndʉ yi hana!

Balua gba Polo pi Filemo Eli na kalanu

Filemo nani ne makilisito na kpekpeke, a mana me a ko nani sūka okpála na Dadjua gba Ebhe na Kolosai. La die, adu nani ka ani ne bali bini inde adu li e me Onedjime. Bali ango-o, akpe nani makula e, ani anu au li e ne Polo me ani nde bhú tikpu. Ani adje Bádha Ngali gba Kilisito ka Polo, ani atsia akolo makilisito. Abhomu-o, Polo atsia aye balua pi Filemo ne nayo ka ani me, a ayo me u dje lio ne bali gba e-o. Polo atsia atima Onedjime agba Filemo ne nakikiliki li e pi Filemo me, ani sia ani ne bádha bua, ani asia bha ani maka bali inde u ambu li e de. Engú bini, ani sia ani maka ndai e inde makilisito.

Ongbengbe ongú inde bhú bhuku inde-e ngae inde:

Eli na kalanu 1-3

Napa 'ngú ndjindji li kute Filemo
4-7

Nakikiliki lie ngubula Onedjime 8-
22

Eli na soso 23-25

Polo ne Timoté yi Filemo ne obi e mayi

¹ Ma aye balua inde-e pi mu ngama Polo. Ngama-a, ma bhú tikpu kabula 'li Yesu Kilisito . Ya aye pi mu ngaya bhú dabili bini ne ndai ní na mukunda Timoté. Ya aye pi mu ndai ya Filemo, ngamu kpála inde ngakpokpo Bádha Ngali bhú dabili bini ne ya-o. ² Ya aye di balua ango-o pi ndai ní na œele Apia, ne pi Alisipe inde ngagu gbele bhú dabili bini ne ní-o. Ya aye di pi ondaise ní inde ayoyo Ebhe bhú 'ti gba mu-o. ³ A ayo me Ebhe 'Dyi ní, bhú dabili bini ne Ngámá Yesu Kilisito suno bádha bhú 'bu pi yi, amba u ha di guo 'ngú pi yi.

Polo agie henri pi Ebhe ngubula Filemo, ani atsia ayo di Ebhe pi ani

⁴ Ndú nedhinga hana ma ngayo Ebhe lie-e, ma ngabhundja mu Filemo. Ma la di ngagie henri pi ani ngubula mu ndú 'kpí hana.

⁵ Padhá de, anga ma ngadje me mu ne mukunda naali pi ndú omabhuka hana, mu la di ne nabhuka bhú Ngámá Yesu. ⁶ Ma ngayo Ebhe ngubula me nabhuka inde ní akpetse liní ne mu bhú e-e, zu obabadha nguwa, amba mu ke mboli obabadha ndú 'ngú hana inde li Ebhe aha e pi ní-e má kpulukutu! Li mu mene mo-o, ndú okpála hana dhége Kilisito. ⁷ Ndai ma, mukunda mu nde ne e pi ondaise ní-e aha djali muma naali, atsia ato di masi bhú ma, anga mo oké bua omabhuka koko-o.

Polo ayo ka Filemo me ani sia Onezime ndjindji

⁸ Kaka-a, abana ma nde lie ne angu nayo 'he ka mu maka li bua ma akunda lie bhú 'bu nabhuka ní nde ne mu bhú e, ⁹ ma ayó ka mu mo-o de. La-a, ma ayó mangbo 'he ka mu kabula mukunda ní nde ne mu bhú e ko. Ma ngapa 'ngú bhomu pi mu ngama bhele kpála Polo, ma la di mbia inde-e bhú tikpu kabula Yesu Kilisito. ¹⁰ Ma ngakikiliki lima pi mu ngubula Onezime, ndili gba ma bhú 'bu nabhuka. Ani abhuka Yesu sa 'kpa ma ei, nedhinga ma nde lie bhú tikpu-o. Kaka-a, ani maka ndili gba ma, ma maka 'dyi ani. ¹¹ Nako kalanu-o, ani du pi mu li kulu bini de, engú bini mbia inde-e, ani akolo pi ndú ní bhisi hana li kulu.

¹² Ngaani-e, a ko kpukpú na bua ma. Mbia inde-e, ma ngagie ani pi mu. ¹³ Ma nde lie bhú tikpu ei kabula Bádha Ngali-e, bua ma apa muma me ani du de ma si ngú nateteke ma mada mu. ¹⁴ Engú bini, ma kunda nako namene mo-o padhá de me mu nde ziba de-e de. Padhá de, anga ma kunda nagbite mu li namene mo-o ne ekpú de. Ma akunda mangbo me mu mene engú ango-o ne bádha bua.

¹⁵ Nedhingga koko-o, Ebhe amene me Onezime nü li bili koko ngubula nedhingga bedi, amba pipita-a, ani gie lie agba mu, ngú nadu ne mu bhú dabili bini ndu 'kpí hana.

¹⁶ Padhá de, anga mbia inde-e, a ko matá bali de, engú bini ani ane bali mane. A ko ndai ní na mukunda. Ngama Polo-o, ma kunda ani naali. La ngamü-o, mukunda gba mu pi ani-e ané la matá mane, anga a ko kpála-kuti, a ko la di ndai mu makilisito.

¹⁷ Kaka-a, i du me mu nde ngau ma maka ndai mu-o, mu de sia ani mugito me mo osia ma makpe. ¹⁸ Li ani mene mu sisiti-e, i du di me ani nde ne bopulu nagigie pi mu-o, ma agié pi mu ngama. ¹⁹ Ngama Polo-o, ma aye pi mu ne 'kpa ma makpe me: «Ma agié pi mu ngama.» La-a, mu ti da nayo ehe bini li ma de, anga mukobho na dudu ma inde mo osia e-e, mo odje 'ngú ango-o ka ma. ²⁰ A moko ndai ma, mene engú bhomü-o muma kabula mukunda gba Ngámá gba ní-o. Teteke bua ma, anga ní akpötse liní bhú 'bu Kilisito.

²¹ Nedhingga ma ngaye balua inde-e pi mu lie, ma aziba na paká me mo oméne engú ma ngayo e ka mu-o mamene. Ma ambila la di me mo oméne belegü ané bhende ma ngayo e ka mu-o mane. ²² Nedhingga inde mo osia Onezime lie agba mu-o, mu de leke di dabili muma ngú nasi ka ma téte. Padhá de, anga ma abhundja me Ebhe asúno bádha bhú 'bu bhú mayo gba yi-e masuno. Ani tsia bhúlu kpadji muma me ma kolo li yi oo ko.

Oeli na soso

²³ Epafalasi, inde bhú tikpu bhú dabili bini ne ma kabula Yesu Kilisito-o yi mu mayi. ²⁴ Maloko, ne Alisitaluka, ne Demasi di ne Luka ndu uo hana ngamene kulu ne ma bhú dabili bini. U apa di me o yi mu mayi. ²⁵ A ayo me bádha bhú 'bu gba Ngámá gba ní Yesu Kilisito-o du ne yi.

Balua u aye e pi omaEbele Eli na kalanu

Balua inde u aye nani e pi omaEbele, u aye nani pi limbi omakilisito inde akolo masikpe de na'o ká nabhuka gba o bhú Kilisito ka nato mbolo li uo adú anu bha ne kalanu-o. Kpála inde aye balua ango-o, adú ato masi bhú uo ane mane bhú nabhuka ne nasuno pi uo me, Yesu Kilisito ne polofeta na kúkulu, a ko la di polofeta na soso inde li Ebhe apana lie bhú e pi okpála gba e-o.

Bhú 'ngú na Ebhe gba omaYuda-a, odimande adú amene mayo ne natsulu onu ngubula me Ebhe mbu li siti 'ngú gba okpála. Engú inde u adú amene bhomu-o, adú kulu Yesu inde Ndili na duduuma gba Ebhe, inde aha lie ngae makpe maka enu inde natsulu matsulu. Kaka-a, Ebhe a'o ani ngbéngbé ane opolofeta, ane oandjelu, ane Moidje ngae makpe, Ebhe atsia pa me a ko dimande na duduuma. Li pápá gba ani-e, ndu omabhuka hana asia mukobho li tsulu u adú ne e li pápá na siti 'ngú gba o ne li pápá na kuo.

Ongbengbe ongú inde bhú bhuku inde-e ngae inde:

Eli na kalanu: Ebhe ngasuno li e mbámbá bhú Kilisito 1:1-3
Kilisito ngbéngbé ane opolofeta, ane oandjelu, ane Moidje, ane Djodjue, ane odimande, ane gandja a la di-e makiso 1:4 - 10:39

Engú na ngéngbé a ko nabhuka 11:1 - 12:29

Nanga li Ebhe 13:1-19

Mayo na soso 13:20-21

Eli na soso 13:22-25

Yesu Kilisito ne Ndili gba Ebhe makpe

¹ Nani kalanu-o, Ebhe akpokpo 'ngú pi onguo ogbi ní bhútsibhútsi di

ne li okpadji bhelé bhú 'li opolofeta . ² La bhú oekpí na soso inde-e, ani akpokpo 'ngú pi ní bhú 'li Ndili gba e inde ani a'o e ngámá pi 'ndji ndu 'he hana, di u abho nani ndu 'he hana bhú dabili bini ne e-o. ³ Ani aha bha 'Dyi e hana, kaka-a, kpála bhende au sangu gba Ndili-e au bhomu-o sangu gba Ebhe makpe. Ani abi ndu 'he hana ne 'li e na angu-o. Pita ani agbegbe okpála lie bhú siti 'ngú gba o-o, ani atsia atapa abhúlá ngú nadu li bili na ngámá li pá 'kpa na kokpa gba Ebhe Angbamili.

Ndili gba Ebhe-e ane oandjelu mane

⁴ Ndili gba Ebhe-e ane oandjelu mane, kaka Ebhe agisila 'ili li ani inde ane bhende gba uo-o mane.

⁵ Padhá de, anga Ebhe pa nga pi andjelu bini de me:

«Ngamú-o, mu ne Ndili gba ma, naki inde-e, ma asuno 'ngú ango-o mbámbá.» [†]

Ani pa di li 'ngú gba andjelu bini de me:

«Ma adú ne 'dyi ani, ani tsia dú ne Ndili gba ma-o.» [†]

⁶ Li nedhinga li Ebhe adú natima gina Ndili gba e lie píla doto-o, ani apa me:

«A ayo me ndu oandjelu gba ma-a hana dhége ani.» [†]

⁷ Ani atsia apa li 'ngú gba oandjelu-o me:

«Oandjelu gba ma-a ngamene kulu mu ma maka anvi, u ngateteke ma maka djua inde ngatsi matsi.» [†]

⁸ La-a, ani atsia apa li 'ngú gba Ndili-e me:

«Mu ne Ebhe! Na gba mu-o adú duduuma ne duduuma. Mu ngau pi 'ndji okpála gba mu-o ne ngibili 'ngú .

⁹ Mu kunda ngibili 'ngú, mo oyala engú na sisiti.

Kaka-a, Ebhe gba mu-o, a'o mu kpi pi e, ani abhu mu bhú ká obi mu,

[†] 1:5 1:5 Tsia bhú Ets. 2:7. [†] 1:5 1:5 Tsia bhú 2 Sam. 7:14. [†] 1:6 1:6 Tsia bhú Det. 32:43.

[†] 1:7 1:7 Tsia bhú Ets. 104:4. [†] 1:9 1:9 Tsia bhú Ets. 45:7-8.

ani atsia atuko emu na djali pi
'ndji mu.[†]

10 Ebhe atsia apa matá me:
«Ngámá, mo obho doto nayie li lilita
ngamu,
kokpí ne nganda 'kpa mu.

11 Ndú 'ngú bhomu-o hana angíta
mangita, la ngamu-o,
mo otigala matigala.
Ndundú hana akádha maka
bongo .

12 Mo onúnu uo maka u anunu koti
lie,
u tsia yípa di maka li bongo
ayiyipa lie.
La ngamu-o, mu yiyipa de, kalanga
gba mu-o ndjia la di-i de.[†]»

13 Ebhe pa nga belegu pi oandjelu bini
de me:
«Ngamu-o, go du kuto li pa 'kpa
ma na kokpa,
ma abú obhulú yala gba mu-o
dabili na sa 'dhú mu.[†]»

14 Oandjelu bha ne obua inde
ngamene kulu pi Ebhe. Ani ngatima
uo me u nu nateteke okpála inde ayo
me u sia mukobho-o.

2

Mukobho inde u akpokpo 'ngú na e-e, a ko kükulu mukobho

1 Kaka-a, a ayo me ní gbite liní
kpekpeke li kükulu 'ngú inde ní
adje e-o, amba ní ambú li kpadji-
e de. **2** Engú inde li Ebhe akpokpo
e bhú 'li oandjelu-o , asuno lie me
a ko kükulu 'ngú. Okpála bhende
i lila eli ango-o de-e, inde agumu
lili-e, u asia ke 'ngú inde ati ne uo-
o. **3** La nganí-e, ní ti da naneke ke
'ngú-o lele pi, i du me ní nde 'o
'to ní 'to kükulu mukobho-o de-e?
Ngámá ngae makpe akpokpo 'ngú
na mukobho ango-o kalanu ngae.
Pipita-a, okpála bhende adje-e atsia
apa pi ní me a ko kükulu 'ngú.
4 Abhomu-o, Ebhe atsia asuno me
engú u akpokpo e-e, a ko kükulu
'ngú ne ongú na ngangamba, di ne

ndú okiaka 'ngú hana. Ebhe apana
ongú ango-o bhú naha Bu Bhopua
maka ani akunda lie-o.

Yesu akpi ngubula nakobho ndú okpála hana

5 Ebhe ha angu pi oandjelu
ngú nako pi doto inde ngago ya
ngakpokpo 'ngú na e inde-e de.
6 Engú bini, bhú Bhuku gba Ebhe-
e , kpála bini apa me:
«Kpála-kuti ne da, ngubula me mu
bhundja engú gba ani-e?
Ndili gba kpála-kuti ne da me
mo 'o 'to mu 'to ani-e?

7 Mo o'o naní ani sa oandjelu
ngubula nedhinga bedi.
Mo otsia ato ndata na asasaua
ne mazima bhú 'ndji ani.

8 Mo otsia a'o ndú 'he hana sa ani.[†]»
Ebhe a'o naní kpála-kuti ngámá pi
'ndji ndú 'he hana. A kunda napa
me, ani 'o naní ehe bini de me aneke
nadú sa ani-e de. La mbia inde-e,
ní u de me kpála ne ngámá pi 'ndji
ndú 'he hana-a de.[†] **9** Engú bini, ní
ngau me Yesu adu naní sa oandjelu
ngubula nedhinga bedi, amba ka
bádha bhú 'bu gba Ebhe-e , ani ti
da nakpi pi ndú okpála hana. Ní
ngau mbia inde-e me, ani adyi ndata
na asasaua ne mazima, anga ani
asia naní likabhu bhú nakpi ka e.
10 Padhá de, anga Ebhe abho ndú 'he
hana ngae, ndú 'he hana la di ne
naaní. Ani akunda me ongisi gba ni-
e bhelé sia di sangu gba ni-o. I nde
lie me Yesu Kilisito ngasuno kpadji
na mukobho pi uo ngae, a ayo naní
me ani du bedhe hana li kpadji nazú
likabhu.

11 Yesu ngagbegbe okpála bhú siti
'ngú gba o-o ngae. La di-e, 'dyi ndú
okpála hana inde ani agbegbe o bhú
siti 'ngú-o bha bini. Kaka-a, numu li
ani ade ngú na'i uo me ondaise ní.
12 Ani apa pi Ebhe me:
«Ho Ebhe! Ma apá engú gba mu-o
pi ondaise ma.

[†] **1:12** 1:12 Tsia bhú Ets. 102:26, 28. [†] **1:13** 1:13 Tsia bhú Ets. 110:1. [†] **2:8** 2:8 Tsia bhú Ets. 8:5-7. [†] **2:12** 2:12 Tsia bhú Ets. 22:23.

Ma atóko mʉ kala ndʉ okpála hana.[†]

¹³ Ani apa di me:

«Ma a'ó nabhuka gba ma-a bhʉ Ebhe[†].»

La di me:

«Tsia ya bhʉ dabili bini ne ongisi inde li Ebhe aha o mʉma-o.[†]»

¹⁴ La di-e, ongisi gba Ebhe-e, a ko okpála-kʉti inde bhʉ kʉte, a la di bhʉ uo ne ngʉte. Yesu ngae makpe akolo bhadi maka uo, ani asia di kʉte ne ngʉte maka uo. Abhomʉ-o, bhʉ nakpi ka ani-e, ani atsia aha angu djabʉlʉ inde li angu na kuo nde ka e-o. ¹⁵ Yesu amene di mo-o ngʉbula nakobho okpála inde akolo maka obalise gba kuo bhʉ mʉkobho gba o libhomu. ¹⁶ Padhá de, anga a na paká me ani go nani nateteke oandjelu de. Engʉ bini, ani ago mangbo ngʉ nateteke piga gba Abalahama. ¹⁷ Kaka-a, a ayo nani me ani kolo bhʉ ndʉ 'ngʉ hana maka ondaise e, amba ani dʉ 'ngbé dimande. A ayo nani me ani kolo 'ngbé dimande inde abedhe ne ndjinga, inde di ngamene kulu gba Ebhe-e li lelele, ngʉbula mambu na siti 'ngʉ gba okpála-o. ¹⁸ Mbia inde-e, ani ti da nateteke okpála inde ngali bhʉ nale-o, anga ngaani makpe-e, ani apʉ bhʉ nale, ani atsia azʉ di likabhu.

3

Yesu ane Moidje mane

¹ Kaka-a, ondaise ma omakilisito, ngayi okpála inde li Ebhe a'i o-o, yi 'o mabhundja gba yi-e pi Yesu. Padhá de, anga Ebhe atima ani ngʉbula me ani dʉ bhʉlʉ titima di ne 'ngbé dimande gba ní-o, ní atsia abhuka la bhadi ka ani. ² Ani amene kulu kala Ebhe inde abhʉ ani ngʉ kulu angoo ndjindji. Ani amene kulu angoo li lelele maka li Moidje amene nani lié bhʉ Piga gba Ebhe-e libhomu-o.[†] ³ Kpála inde ayiki eti-e, sisia

nadhøge nane eti inde ani ayiki e-o. A moko, a ayo me u dhøge Yesu nane Moidje mane. ⁴ Ayiyiki eti hana ne kpála bini. La-a, kpála inde abho ndʉ 'he hana-a ne Ebhe. ⁵ Moidje ngae makpe amene nani kulu li lelele bhʉ Piga gba Ebhe-e libhomu. Ani adu nani kpála na kulu inde adu nakpokpo 'ngʉ li Ebhe adu nakʉnda napa e sidi-o. ⁶ Engʉ bini, Kilisito ne Ndili inde ngamene kulu li lelele. Ani maka nepanda li Ebhe a'o e li eti gba e-o. Eti ango-o, a ko ní, i du me ní nde abhuka na paká paká, i du la di me ní nde ne gindaginda li 'ngʉ ní nga'o 'to ní 'to e-o.

Bili naguo inde li Ebhe aleke e pi okpála inde ngamanga ani-o

⁷ Kaka-a, a maka li Bu Bhopua apa lie me:

«I du me yi nde adje 'li Ebhe naki inde-e,

⁸ yi agbite bua yi de,

maka yi agbe nani kpéke 'ndji lie li ani,

ekpí inde yi ale ani lie abhʉ mili bili-o.

⁹ Bhʉ 'gu oo, onguo ogbi yi ale nani ma ngʉbula nambila 'ndjá bua gba ma-o, abana u au ndʉ 'ngʉ ma amene e, ngʉbula kalanga ndjikpa badha lie hana-o.

¹⁰ Kaka-a, bua ma atsia ake ne uo. Abhomʉ-o, ma atsia apa me:

<Uo ngadji 'ngbʉ o li ma ndʉ nedhingga hana bhʉ mabhundja gba o.

U mbila engʉ inde ma akʉnda e pi uo-o belegʉ de bini.>

¹¹ Li bua ma ake lie, ma atsia atu silika me:

<U lí li bili ma aleke e ngʉ naguo pi uo-o belegʉ de bini![†]>

¹² Ondaise ma, yi lila liyi ngʉbula me kpála bini bhʉ ká yi adu ne siti bua de. Ani adu di ne bua na nabhuka de-e de, inde nga'e okpála li kpadji gba Ebhe na mʉkobho-o.

[†] 2:13 2:13 Tsia bhʉ Isa. 8:17. [†] 2:13 2:13 Tsia bhʉ Isa. 8:18. [†] 3:2 3:2 Tsia bhʉ Nom. 12:7.

[†] 3:11 3:7-11 Tsia bhʉ Ets. 95:7-11.

13 Aní nga'i yi ndú 'kpí hana. Ka 'ngú ango-o, li ekpí na naki inde li Bhuku ngapa 'ngú e nde nga bha ngabhue lie, yi teteke liyi súnda yi nedhinga yi ngadje e'i ango-o lie-o. I du mo-o, siti 'ngú píte yi de, kpála bini bhú ka yi yála la di namanga Ebhe de. **14** Padhá de, anga ní ne okpála gba Kilisito, i du me ní nde alila nabhuka inde ní asia nani e lílita kpekpeke akolo ali soso-o.

15 Bhuku gba Ebhe-e apa me:
«I du me yi nde adje 'li Ebhe naki inde-e,
yi agbíte bua yi de, maka yi agbe nani kpéke 'ndjí lie li ani-o.†»

16 La-a, a ko okpála bhedho inde adje 'li Ebhe, atsia agbe nani kpéke 'ndjí li ani-e? A ko ndú okpála hana inde li Moidje agbe o bhú Edjipeto-o. **17** La-a, Ebhe ake 'ngú lie pi oda ngubula kalanga ndjikpa badha-a? Aní ake 'ngú lie pi okpála inde amene siti 'ngú, u atsia amu abhú 'gu. **18** Ebhe atu nani silika me: «U lí li bili ma aleke e ngú naguo pi uo-belegü de bini.†» Aní atu nani pi oda? Aní atu pi okpála inde agbe nani kpéke 'ndjí li ani-o. **19** Ní au me, u li nani li bili naguo bhomú-o de, anga u bhuka nani-i de.

4

1 Ebhe apa nani me ní alí li bili naguo inde ni aleke e mali. Kaka-a, 'e-e! Yi lila liyi, amba kpála bini bhú ka yi anéke nali li bili ango-o de. **2** Ní asia eli gba Ebhe-e bhadi maka okpála bhende adu nani abhú 'gu-o. La-a, u sia eli ango-o ne tata de. Padhá de, anga li u adje eli ango-o lie, u sia ne nabhuka de. **3** Nganí okpála bhende abhuka-a, ní alí li bili naguo bhomú-o mali, li Ebhe apa 'ngú e me:

«Li bua ma ake lie,
ma atsia atu silika me:
<U lí li bili inde ma aleke e

† **3:15** 3:15 Tsia bhú Ets. 95:7-8. † **3:18** 3:18 Tsia bhú Nom. 14:1-35; di ne bhú Ets. 95:11. † **4:3** 4:3 Tsia bhú Ets. 95:11. † **4:4** 4:4 Tsia bhú Dje. 2:2. † **4:5** 4:5 Tsia bhú Ets. 95:11. † **4:7** 4:7 Tsia bhú Ets. 95:7-8.

pi ue ngú naguo belegü de bini!†»

Abhomú-o, kulu gba ni-e atsia andjia nayie li aní abho doto lie-o. **4** Padhá de, anga bhú Bhuku gba Ebhe-e , u apa pindji ekpí na mananíka-a me: «Ebhe aguo bhú 'kpí na mananíka, li aní amene ndú kulu gba e lie hana-o.†» **5** Ebhe atsia apa matá di me: «U lí li bili inde ma aleke e pi ue ngú naguo belegü de bini.†»

6 Okpála bhende asia nani Bádha Ngali gba Ebhe-e kalanú-o, li nani li bili naguo ango-o de. Padhá de, anga u ayala nani namene líli gba Ebhe. Abhomú-o, Ebhe atsia ade kpadjí pi okpála koko ngú nali li bili ango-o. **7** Kaka-a, Ebhe a'o matá ekpí koko, ekpí inde u a'i e me: «Naki inde.» Aní apa nani engú na ekpí ango-o sidi naali bhú 'li Davidi, bhú lukuluku inde u apa 'ngú li e kalanú-o me:

«I du me yi nde adje 'li Ebhe naki inde-e,
yi agbíte bua yi de.†»

8 Padhá de, anga i du me Djodjue dhúku nani ne okpála li bili naguo ango-o, Ebhe de pa matá 'ngú na 'kpí koko naguo de. **9** Kaka-a, naguo maka ekpí naguo na mananíka-a, atigala pi okpála gba Ebhe-o.

10 Padhá de, anga kpála bhende ali li bili naguo inde li Ebhe aleke e, ngaguo li okulu gba e maka li Ebhe aguo lie li obhe gba e-o. **11** Kaka-a, ní mene ne kpéke me ní li li bili naguo ango-o. Ní mene me kpála bini bhú ká ní atí ka kpéke 'ndjí de maka onguo ogbi ní inde adu nani ne kpéke 'ndjí-e, li lie li bili ango-o de-o.

12 Padhá de, anga eli gba Ebhe-e bhú mukobho, a la di ne angu. A dhédhé ane mbotia inde u adyi 'te e ne pasu bhisi hana. A adu du kpála, i tsia kólo makolo li bhobua aní. A ngadu kpála akólo makolo

lì bili lì biki di ne mbilika akə lio lie-o. Eli ango-o ngasuno engú inde awo lie lì bua kpála ne bhende ani ngabhundja e-o. ¹³ Ehe bini nabho mabho inde awo lie kala Ebhe-e ade. Ndù 'he hana inde ani abho e ngau lie mbámbá kala ani. La di-e, ní akpókpo ndù 'ngú gba ní-e hana kala ani.

Yesu ne 'ngbé dimandə gba Ebhe

¹⁴ Kaka-a, ní lü kpekpeke bhú nabhuka inde ní ngakpokpo 'ngú na e-o. Padhá de, anga a ka ní ne 'ngbé dimandə na angu inde anu akolo makolo abhálá kala Ebhe. A ko Yesu, Ndili gba Ebhe. ¹⁵ 'Ngbé dimandə gba ní-e ne angu ngú nadje likabhu bhú dabili bini ne ní bhú bhukú gba ní-o. Ani alí bhú nale ne ndù kpadjì hana maka ní, engú bini, ngaani-e, ani mene siti 'ngú belegu de bini. ¹⁶ Kaka-a, ní dyudyo liní de kitu na ngámá gba Ebhe-o, lì bili na bádha bhú 'bu gba ani-o. Oo, ní ásia mambu, ani tsia súno bádha bhú 'bu gba e pi ní ngubula nateteke ní bhú nedhinga ayo lie-o.

5

¹ U bhúbhú 'ngbé dimandə gba Ebhe-e bhú ká okpála ngubula me ani mene kulu gba Ebhe-e bhú ka uo. Ani tsutsulu enu maka makiso pi Ebhe ngubula siti 'ngú gba uo-o. ² 'Ngbé dimandə gba Ebhe-e ngae makpe di bhúbhukú. Kaka-a, ani ti da nadje ndjinga okpála inde li imbilangu nde bhú 'ndji o ade, inde di ambu li kpadji-o. ³ Li 'ngbé dimandə gba Ebhe-e ngae makpe nde lie bhúbhukú-o, ani tsutsulu enu na makiso pi Ebhe bha bini ngubula siti 'ngú gba okpála de. Engú bini, ani tsutsulu di ngubula siti 'ngú gba e makpe. ⁴ Kpála bini ti da nato ndata na 'ngbé dimandə gba Ebhe-e bhú 'ndji e ngae makpe de. Kpála kokolo bha 'ngbé dimandə gba Ebhe-e me

Ebhe nde a'i ani ngae, maka ani a'i naní Alona lie-o.

⁵ A bhadi pi Kilisito moko. Ani to naní ndata na 'ngbé dimandə gba Ebhe bhú 'ndji e ngae makpe de. Engú bini, Ebhe aha naní pi ani ngae, Ebhe atsia apa pi ani me: «Ngamú-o, mu ne Ndili gba ma, nayie pi naki inde-e, ma ne 'Dyi mu.†»

⁶ Ani atsia apa di lì bili koko me: «Mu ne dimandə gba ma duduuma ne duduuma, maka Malekisedeke.†»

⁷ Nedhinga li Yesu adu lie pila doto-o, ani adu nayo Ebhe di ne nakikiliki lie pi ani ne nasusula kpekpeke la di ne ngula bhú djila e. Ani ayo Ebhe inde i ti da nani nakobho ani bhú kuo-o. Abhomú-o, Ebhe atsia adje ani, anga ani a'o nani lie ne kuto kala Ebhe. ⁸ Abana ani adu nani lie Ndili gba Ebhe-e, ani ambila lie ne namanga Ebhe bhú likabhu inde ani azu e-o. ⁹ Piita ani andjia kulu gba e lie hana ndjindji kala Ebhe-e, ani atsia akolo kpongú na mukobho na duduuma pi ndù okpála hana inde ngamanga ani-o. ¹⁰ A moko, Ebhe a'o ani 'ngbé dimandə gba e maka Malekisedeke.

A ayo me yi bhele bhú nabhuka gba yi-o

¹¹ Ya ne engú bhelé napapa pindji 'ngú bhomú-o. Engú bini, da nambamba tata-a kpekpeke, anga yi ti da nakpokpo kúkú má gala de. ¹² Yi adu nako ne nedhinga bhelé ngubula me yi kolo omusuno. Engú bini, yi matá ne gümü me u suno ongú na kalanü na eli gba Ebhe-e pi yi ne toto. Yi nga bha ne gümü nandji miliki bhú da nazu ezu na kpekpeke. ¹³ Padhá de, anga kpála bhende nga bha ngandji miliki-e ne ndili. Ani mbila nga nagbogbo bhúsü bádha 'ngú ne siti 'ngú de. ¹⁴ La-a, ezu bhe na kpekpeke-e pi obhelesi okpála. A ko okpála inde ambila lio ne nagbogbo bhúsü

† 5:5 5:5 Tsia bhú Ets. 2:7. † 5:6 5:6 Tsia bhú Ets. 110:4.

siti 'ngú di ne bádha 'ngú ka okulu inde u amene e-o.

6

¹ Kaka-a, ní kodho 'kpí li nasuno bhende atí ne obhelesi okpála-o. Ní dji 'ngbu ní li nasuno na lilita gba omakilisito. Ní a'ó matá 'dhú nasuno inde-e ne toto de: nadji bua o di ne na'o okulu inde ngato kpála bhú kuo, ² nasuno píndjí obatisimo di ne na'o 'kpa o pí 'ndjí kpála, nakpokpo 'ngú píndjí nazuku ka okpála inde amu, di ne nakodho 'ngú na duduña. ³ A bhomú-o ongú inde a ayo me ní 'o e-o, i dú me Ebhe inde akunda-o.

⁴⁻⁶ Padhá de, anga engú gba okpála bhende ngagie lio bhú siti 'ngú gba o-o, lele pi? U asia nani zì 'ke gba Ebhe-e asia. U ale bádha 'ngú inde li Ebhe ngaha e pi omaha e pí 'mi o. U atsia asia di Bu Bhopua bhú dabili bini ne okpála koko. U ambila ndjindjí me eli gba Ebhe-e babadha. U ambila angu na doto inde ngago-o. Pipita-a, u atsia a'o ká nabhuka gba o-o! U tì da matá namene de me u dji bhopua o bhutsibhutsi na bhisi-e de. Padhá de, anga u ngagie matá Ndili gba Ebhe-e li kulusi ne toto. U la di ngaka kpadji pi okpála me u dú nasobho ani.

⁷ Li doto dú nandji ngubha inde ngadhi pépé ndú nedhinga hana-a, li i dú la di me a nde ngagbe ezu pi okpála inde alu edyi ango-o ndjindjí-e, li Ebhe túko bisagu pí doto ango-o. ⁸ La-a, i dú me doto ango-o nde azu ulu na eti ne bhe na sisiti-e, tata dú téte de. Doto ango-o masikpe me Ebhe tū pédje téte. Pipita-a, u tsia bú bhú djua.

⁹ Abana ya pa mo-o, ondaise ma na mukunda, ya ambila ndjindjí me yi li bádha kpadji, kpadji na mukobho. ¹⁰ Ebhe ne kpála na ngingbili. Ani 'fli 'to e li kulu gba yi-e de. Ani 'fli la di 'to e li mukunda yi asuno e pi ani li kulu inde yi

amene e, inde la di yi matá ngamene e pi omakilisito koko de. ¹¹ Gümü gba ya-a me ndú yi hana bini ne bini, yi suno ngua mukunda bhomú-o nakolo makolo ali soso, ngubula me ndú 'ngú hana inde yi nde ne 'to yi 'to e-e, tsia mene lie hana. ¹² Yi andála de. Engú bini, yi kpata nganda okpála bhende ngabhuka ne kekele, inde la di ngasia ehe inde li Ebhe apa me ní ahá e-o.

Ní 'o 'to ní 'to ehe inde li Ebhe apa me ní ahá e pi ní-o

¹³ Li Ebhe apa nani lie pi Abalahama me ní ahá ehe pi ani-e, ani apa 'ngú ango-o ne natu silika ne 'li e makpe. Ani amene mo-o, anga kpála koko inde ngéngbé ane ani ade. ¹⁴ Ani apa nani me:

«Ma atu silika me ma atuko bisagu pi mu,

ma tsia méne me odi mu kolo bhelé.[†]»

¹⁵ Abalahama adjekte ne 'ndjá bua, ani atsia asia ehe inde li Ebhe apa nani me ní ahá e pi ani-o. ¹⁶ Li okpála du natu silika-a, u tutu ne 'li okpála inde ane uo mane. La di-e, natu silika ngandjia kpekebhé sonda okpála. ¹⁷ Ebhe asuno bhomú mbámbá pi okpála inde ayo me u sia ehe inde ani apa me ní ahá e-e, a anéke belegu de bini. Kaka-a, ani atsia atu silika pi 'ngú ango-o.

¹⁸ A ne ongú bhisi inde u tì da nadji e de, a ko natu silika di ne ehe inde li Ebhe apa me ní ahá e-o. Bhú ongú bhisi ango-o, Ebhe tì da napa eu belegu de bini. Nganí okpála inde awo liní bhú Ebhe-e, ní alu kpekpeke, ní a'o la di 'to ní na paká paká 'to ehe inde ani apa me ní ahá e pi ní-o. ¹⁹ 'To ní inde ní nga'o e ango-o ngamene me ní lu kpekpeke maka kalase inde ahoholo zabu-o. 'To ní ango-o kükülu, a la di kpekpeke. A ngamene me ní gulu 'ngbé pála bongo inde ngabuku tina 'tì na bubu na 'ngbé 'tì Ebhe

[†] 6:14 6:14 Tsia bhú Dje. 22:16-17.

gba omaYuda inde abhúlá-o, amba ní kolo makolo bhú tina 'ti ango-o.
20 Oo, Yesu ali nani pi ní kalanu, la di ngúbula ní. Ani akolo 'ngbé dimandø gba Ebhe-e pi ní duduuma ne duduuma maka Malekisedeke.

7

Malekisedeke adú nani ne dimandø gba Ebhe

1 Malekisedeke ango-o adú nani 'ngbé ngámá na Saleme, ani atsia adú di nani dimandø gba Ebhe Apí 'Kpí. Li Abalahama adú agie lie lie bhú egú inde ani agboko ongbengbe ongámási bhú e lie, Malekisedeke anu nake lio ne ani, ani atsia atuko bisagu pi ani. **2** Abalahama atsia aha bini bhú ká ndjikpa bhú ndu 'he hana inde ani agbulu e-e pi ani. Ta 'ili na Malekisedeke apa ngaiza kalanu me: «'Ngbé ngámá na ngibili 'ngú.» La di-e, ani adú nani ngámá na Saleme, inde akunda napa me: «'Ngbé ngámá na guo 'ngú.» **3** U mbila 'dyi ani ne 'hi ani de. U mbila la di onguo ogbi ani de. U kpo belegú engú bini pindji ekpí u azu ani lie ne ekpí ani akpi lie de. Ani maka Ndili gba Ebhe, kulu gba ani na dimandø gba Ebhe-e duduuma ne duduuma.

4 Yi tsia nga maka li Malekisedeke nde lie ngbéngbé-o! Abalahama ogbi omaſsalaele aha nani bini bhú ká ndjikpa na ndu 'he hana inde ani asia nani e bhú egú-o pi ani. **5** La-a, okpála na piga gba Levi-e, inde ne odimandø gba Ebhe-e, ne angu ngú nayo bini bhú ká ndjikpa na ndu 'he hana inde ka ongisi na ſalaele, maka li lili apa lie-o. A kunda napa me u ngayoyo li ondaise o makpe, inde la di ne odi Abalahama. **6** Malekisedeke du nani bhú piga gba Levi de. Engú bini, ani asia bini bhú ká ndjikpa sakpa Abalahama bhú ndu 'he hana inde ani agbulu e bhú 'gú-o. La di-e, Malekisedeke atuko bisagu pi Abalahama, kpála inde li Ebhe apa nani me ni ahá oehe pi e-o.

7 Kpekebhø belegú ade bini me kpála bhende ngatuko bisagu pi kpála-a ngbéngbé ane kpála bhende ngasisia-o. **8** Okpála inde na piga gba Levi-e, inde ngasia bini bhú ká ndjikpa-a, a ko okpála-kuti inde amú mamu. Engú bini, pi Malekisedeke inde u aha bini bhú ká ndjikpa pi e ne kpála inde i kpikpi de, maka li Bhuku gba Ebhe-e apa lie-o. **9** Ngú nabu tata-a, u ti da napa me, li Abalahama aha nani bini bhú ká ndjikpa na ohe gba e lie, Levi inde li odi e ngasia bini bhú ká ndjikpa na ndu 'he hana-a, atsia aha di. **10** Padhá de, anga Levi inde u zu naga nani e de-e, adú bhú 'bu ogbi e Abalahama, nedhingga inde u akø lio lie ne Malekisedeke-o. Bhabhomá-o asuno me Malekisedeke ane Levi mane.

11 Ebhe aha nani lili pi omaſsalaele me, u du nabhu odimandø gba ni-e bhú piga gba Levi. U adú odimandø gba Ebhe maka Alona. Engú bini, kulu na dimandø gba Ebhe bhú piga gba Levi-e ti nani da nabedhe 'bhø kulu gba Ebhe-e de. Padhá de, anga li kulu gba uo-o ti nani da nabedhe 'bhø kulu gba Ebhe-e uu-o, u de du nani ne gümü dimandø koko maka Malekisedeke de. **12** La di-e, li u yipa dimandø gba Ebhe-e, a ayo bhadi me lili-e yipa. **13** Padhá de, anga Ngámá gba ní inde u ngakpokpo ongú inde-e pindji e-e, naae bhú piga koko kpi. Bhú piga ango-o, kpála bini mene nga belegú kulu na dimandø gba Ebhe li bili u atsutsulu 'he lie pi Ebhe-e de. **14** Ní mbila ndjindji me Ngámá gba ní-e adú nani bhú piga gba Yuda. Piga ango-o, Moidje gama 'ngú téte de, nedhingga ani agama 'ngú lie pindji odimandø gba Ebhe-o.

Yesu ne dimandø gba Ebhe maka Malekisedeke

15 Engú inde ngasuno nayipa ka dimandø la matá mbámbá-a ngae inde: dimandø koko akoto, ani maka Malekisedeke. **16** Ani kolo dimandø

gba Ebhe li lele lili gba okpala-kuti de. Ani akolo mo-o bhú angu na mukobho inde i ndjia de. ¹⁷ A maka li Bhuku gba Ebhe-e apa li me: «Mu ne dimandø gba ma duduuma ne duduuma, maka Malekisedeke.[†]»

¹⁸ Kaka-a, u atsia a'e lili na kalanuo, anga lili ango-o adu bhuhuku, tata tsia du la di téte de. ¹⁹ Padhá de, anga lili gba Moidje ti nani da namene de me okpala kolo ngbingibili kala Ebhe-e de. Engú bini, ni asia engú bini inde ane ne bádha naali, inde ni nga'o 'to ni 'to e-o. Padhá de, anga engú ango-o ngamene me ni dyudyo liní de Ebhe masikpe.

²⁰ La di-e, Ebhe atu nani silika. Engú bini, okpala koko akolo nani odimande me u nde tu silika de. ²¹ La pi Yesu-o, Ebhe atu nani silika nedhingga li ani apa lie pi ani me: «Ngámá atu silika-a, ani djí 'li e de: 'Mu ne dimandø gba ma Ebhe Ngámá, duduuma ne duduuma.[†]»

²² Kaka-a, Yesu di ne kpala inde ngamene me ni du bhú gandja na babadha naali.

²³ Engú koko inde kpi-e ngae inde: odimande koko adu nani bhelé naali, anga kuo adu nani kpadji pi uo me u adu odimande duduuma de. ²⁴ Engú bini, Yesu bhú mukobho duduuma ne duduuma, kulu gba ani na dimandø-o ti da nandjia de. ²⁵ Kaka-a, ani ti da nakobho okpala inde ngadyudyo lio de Ebhe li kpadji gba ani-e ngubula duduuma ne duduuma. Padhá de, anga ani ndu 'kpí hana bhú mukobho ngú nayo Ebhe pi uo.

²⁶ Kaka-a, Yesu ne 'ngbé dimandø inde ati ne ni-o. Ani bubu, pül 'ngú bhú ani ade, siti 'ngú la di bhú ani ade. Ani agbo bhüsü e ne obhulü mugwe. Ebhe atsia a'e'e ani tsutsu abhulá. ²⁷ Ani maka ongbengbe odimande koko ade. Ani ne gümü natsulu 'he pi Ebhe ndu

'kpí hana ngaiza ngubula siti 'ngú gba e makpe, pipita ngubula bhende gba okpala koko ade. Ani amene nani bhutsibhutsi bini má kpi kili, li ani aha lie lie ngae makpe-o. ²⁸ Lili gba Moidje adu nani na'o maka ongbengbe odimande li okpala-kuti inde i du ngingbili hana ade-o. Engú bini silika li Ebhe atu e-e, lili-e atsia a'o maka 'ngbé dimandø Ndili inde adu ndjindji hana libhomu maka li Ebhe akunda lie, ngubula duduuma ne duduuma.

8

Yesu ne 'ngbé dimandø gba ni-e ngae

¹ Engú na ngbengbé bhú ká ongú inde ni ngapa e ngae inde: a bhomü-o ngua 'ngbé dimandø gba Ebhe inde ka ni-o. Ani adu abhulá li pápá na kokpa de kiti na ngámá gba Ebhe na angu na ngbengbé-o.

² Ani ngamene kulu na 'ngbé dimandø gba e bhú tina 'ti na bubu, a akunda napa me bhú 'ti ngbangbalí na kukulu. Ayiki ne Ngámá, ayiki ne kpala-kuti de.

³ U bhuhuku ongbengbe odimande gba Ebhe-e hana ngubula natsulu enu maka makiso pi Ebhe. Kaka-a, a ayo me adu di ka 'ngbé dimandø gba ni-e ne ehe natsutsulu maka makiso pi Ebhe. ⁴ I du nani me ani du pila doto-o, ani de ne dimandø gba Ebhe-e ade. Padhá de, anga a ne odimande gba Ebhe koko inde ngatsulu ehe maka makiso pi Ebhe maka li lili gba omaYuda apa lie-o.

⁵ Kulu inde li odimande ango-o ngamene e-e, a ko lele kulu ongú inde ngamene lie abhulá-o. Engú ango-o viti bini ne ehe inde li Ebhe apata nani e pi Moidje-o. Li Moidje adu akunda nayiki 'ti ngbangbalí lie, Ebhe apa pi ani me: «Tsia ndjindji ngubula me mu mene ndu 'ngú hana li lele bhende ma asuno e pi mu apí 'ta-o.[†]»

† 7:17 7:17 Tsia bhú Ets. 110:4. † 7:21 7:21 Tsia bhú Ets. 110:4. † 8:5 8:5 Tsia bhú Eki. 25:40.

6 Engú bini, mbia inde-e, Yesu asia kulu inde kpi, ane bhende gba odimande koko gba Ebhe-e mane. A ko ludu sunda ní ne Ebhe bhú gandja na babadha naali. Gandja ango-o alu di pi oehe na babadha naali inde ní nga'o 'to ní 'to e-o.

Ebhe apa me ni akódho gandja na mbia ne okpála gba ni

7 I dú nani me gandja na kalanu-o mene me okpála kolo ngbingbili kala Ebhe-e, u de yipa ne koko de.

8 Engú bini, li Ebhe au lie me gandja na kalanu-o du ndjindji hana de-e, ani atsia ambembe bhú 'ndji okpála gba e me:

«Ngámá apa me: oekpí akólo makolo,
li 'kpí ma akódho gandja na mbia lie
bhú dabili bini ne piga gba Isalaele di ne bhende gba Yuda-o.

9 A adú maka bhende ma akodho nani e ne onguo ogbi uo-o de, li 'kpí inde ma agbe uo lie bhú doto na Edjipito-o.

Bhú gandja ya akodho e ne uo-o, u kpata lili ango-o de.

Kaka-a, ma adji 'ngbu ma li uo,
Ngámá apa mo-o.

10 Ngámá atsia apa matá me:
a bhomu-o gandja inde ma akódho e ne ongisi na Isalaele pita oekpí bhomu-o.

Ma ató olili gba ma-a bhú imbílangu gba uo-o.

Ma ayé olili ango-o li bua uo.

Ma adú ne Ebhe gba uo, u tsia dú okpála gba ma.

11 Kpála bini bhú ká uo dú matá ne gümü nasuno 'ngú pi ndili na kuti gba e,
di ne pi ndai e de me ani mbila ma-a de-e de.

Padhá de, anga ndu okpála hana ambíla ma,
nayie li okpála na padhá nakolo makolo li okpála na kükülu.

12 Ma ambú li ndanda 'ngú gba uo-o.
Ma abhúndja matá osisiti 'ngú gba uo-o de.†»

13 Li nedhinga li Ebhe ngagama 'ngú lie pindji gandja na mbia-a, ani a'o bhe na kalanu-o me akolo didili. A na paká me, li ehe de akolo didili akolo-o, i du la di me a nde akadha-a, ehe ango-o masikpe de nangita.

9

Olíli na gandja na kalanu

1 A adú nani bhú gandja na kalanu-o ne olili ngú nayo Ebhe. La di-e, bili nayo Ebhe atsia adú di pila doto. **2** U ayiki nani 'ti ngbangbali bini ne tina 'ti bhúbhú bhisi. Bhú titina na kalanu-o, u a'i e me dabili na bubu-o, u a'o misa u a'o'o tala pi e bhúbhú. U atsia a'o di misa ne mapa inde u aha e pi Ebhe-e bhúbhú. **3** Kele 'ngbé pála bongo-o, adú tina 'ti bhe u a'i e me bili na bubu naali-o.

4 Li bili ango-o, u a'o nani misa na olo inde u adú atsulu mungotsi pi e, di ne sanduku na gandja* inde u abuku nani kute e ne olo libhomu-o. Bhú sanduku ango-o, adú bhúbhú ne lusa inde u amene e li olo, mana atsia adú bhúbhú. Bhú sanduku ango-o, adú di bhúbhú ne ndula gba Alona inde agbe nani felele, a la di-e opapala teme inde li u aye nani lili na gandja-a pi e-o. **5** Pi sanduku ango-o, u a'o nani okulu kelube. Okelube ango-o adú asuno me Ebhe li bili bhomu-o. Kulu zini na mbudha uo adú abuku bili inde li 'ngbé dimande gba Ebhe-e ahaha ngute maka makiso pi Ebhe lie ngú nambu li siti 'ngú gba okpála-o. La mbia inde-e, a ko nedhinga nagama 'ngú li 'ngú ango-o bini bini de.

6 U aleke nani bili bhú 'ti ngbangbali ango-o me, bhú tina 'ti na kalanu, odimande gba Ebhe-e du nali ndu 'kpí hana ngú namene kulu gba o-o. **7** La-a, bhú titina bhe na bhisi-e, a adú bha bini nali ne 'ngbé

† 8:12 8:8-12 Tsia bhú Djlm. 31:31-34. * 9:4 9:4 Sanduku na gandja: A ko sanduku inde u abu nani opapala teme inde u olili ndjikpa gba Ebhe-e bhá e-o.

dimande gba Ebhe-e ngae kpi e kpi. Sunda kalanga bini-e, ani adu nali bhutsibhutsi bini. A ayo di nani me ani li bhú dabili bini ne ngute enu, inde ani adu aha e pi Ebhe ngubula siti 'ngú gba e, di ngubula siti 'ngú li okpála amene e me u nde mbila de-o. ⁸ Bu Bhopua asuno me kpadji na tina 'ti bhe u a'i e me bili na bubu naali bhulu nga nani lie de, i du me 'ti ngbangbali na kalanu-o nde ngabha u-o.

⁹ 'Ti ngbangbali ango-o ne kulu ongú inde ngamene lie bhú onedhinga inde-o. Bhophomu-o asuno me oehe natsulu matsulu maka makiso pi Ebhe-e ti da navulu bhopua kpála inde ngamemene-e de. ¹⁰ Omakiso ango-o, a ko bha bini ongú nazu 'he, ne nandji 'he di ne ngangá mayo navulu lio ngú nakolo bubu kala Ebhe. Ndu olili bhomu-o hana nani ne bhe gba okpála-kuti, atsia adu la bhadi ngubula nedhinga bedi nakolo li nedhinga li Ebhe ayipa ndu 'ngú hana lie ndjindji-o.

Kilisito agbegbe ní bhú siti 'ngú gba ní-e ne ngute e makpe

¹¹ Engú bini, Kilisito ago maka 'ngbé dimande gba Ebhe ngubula na ha obabadha 'ngú inde ngago-o. 'Ti ngbangbali inde ani amene kulu gba e bhú e ngebéngbé naali, a la di babadha naali ane bhende na kalanu-o mane. A yiki 'ti ngbangbali ango-o ne okpála-kuti de, a akunda napa me, a ko 'ti ngbangbali na doto inde-e de. ¹² Kilisito ali nani bhutsibhutsi bini má kpi kili li bili na bubu naali ango-o. Ani ha nani ngute meme de, ani ha la di ngute ndili bagala de. Engú bini, ani aha nani ngute e makpe. Kaka-a, ani atsia agbegbe ní bhú siti 'ngú gba ní-e dudu ma ne dudu ma.

¹³ Ngute meme, i du di-e ngute bhoko bagala di ne mbi bagala inde u atsutsulu e, u tsia bála e pi okpála

bhende bubu kala Ebhe ade-e ti da namene me u kolo bubu kala ani li papa na kute. ¹⁴ Inde lie mo-o, ngute Kilisito ane la matá ne angu! Ani aha lie pi Ebhe kabula Bu Bhopua na dudu ma maka makiso inde ndjindji libhomu. Ngute ani aválu bua nakpokpo kú 'ngú gba ní-e bhú ndu 'ngú hana inde ngato kpála bhú kuoo, ngubula me ní mene kulu pi Ebhe inde bhú mukobho-o.

Kilisito ne ludu sunda ní ne Ebhe bhú gandja na mbia

¹⁵ Kaka-a, Kilisito ne ludu sunda ní ne Ebhe bhú gandja na mbia, amba okpála inde li Ebhe a'i o-o, ti da nasia babadha 'ngú na dudu ma inde li Ebhe asuno nani e pi okpála gba e-o. U ti da nasisia anga Kilisito akpi ngubula nagbegbe uo bhú siti 'ngú inde u amene e-o. U amene nani siti 'ngú ango-o li nedhinga u adu lie bhú gandja na kalanu-o.

¹⁶ Ní mbila ndjindji me li kpála ziba me u gbogbo bhusu ohe gba ní-e pita nakpi ka ní-e, kala me u gbogbo bhusu ohe ango-o, a ayo ngaiza me u u mbambá me kpála ango-o akpi. ¹⁷ Padhá de, anga i du me kpála inde aziba nagbogbo bhusu ohe gba e nde nga bha u-o, tata li nagbogbo bhusu ohe inde ani aziba me u gbogbo bhusu e ade. Tata li nagbogbo bhusu ohe bha bini me kpála ango-o nde akpi. ¹⁸ Kaka-a, gandja na kalanu-o asia bha bini angu li ngute atuko lie-o.

¹⁹ Moidje atanga ngaiza nani olili kala ndu okpála hana maka u aye lie-o. Pipita-a, ani atsia aha ngute ndili bagala di ne ngute meme bhú dabili bini ne engu, ani ato ndjiga inde u agbite e ne mbe bongo bhú ngute ne engu-o. A adu ndjiga ndula inde u a'i e me idjope.[†] Pipita-a, ani abobolo pi bhoku na líli-o, di ne pi ndu okpála hana. ²⁰ Ani atsia apa me: «A inde-e ngute na

[†] **9:19** 9:19 Idjope: A ko suka ondula na gba omaYuda. Epondje nani u ato e bhú kpongadha pandi inde u aha nani e pi Yesu me ani ndji-e, nedhinga ani adu lie li kulusi-e, u agbite nani li Idjope.

[†] **9:20** 9:20 Tsia bhú Eki. 24:8.

gandja li Ebhe apa me yi manga e-o.[†] » ²¹ Abhomu-o, Moidje abolo di ngute-e pí 'ti ngbangbali di ne pí ndu ohe hana inde u adhedho Ebhe ne e-o. ²² Maka li lili apa lie, masikpe de ndu 'he hana kokolo bubu kala Ebhe bha ka ngute. La di-e, Ebhe mbumbu bha li siti 'ngú me ngute nde atuko bha ngae.

Kilisito aha lie ngae makpe maka makiso ngú na'e siti 'ngú gba ní-o

²³ Ma apa pi yi me ndu 'ngú hana inde na kkukulu li Moidje asuno nani e pi okpála-a, a ko okulu okukulu 'ngú na abhulá. Kaka-a, a ayo la bhadi me ongú ango-o kolo bubu kala Ebhe bhu ngute onu. Engú bini, ongú na kkukulu na abhulá makpe ne gumu enu natsulu matsulu inde ane ne bádha. ²⁴ Padhá de, anga Kilisito li nani bhu 'ti ngbangbali inde li okpála amene e ne kpa o-o de. 'Ti ngbangbali ango-o ne kulu 'ti ngbangbali na kkukulu-o. Ani ali abhulá makpe, li bili inde ani ngagama 'ngú lie mbiá inde-e kala Ebhe ngubula ní-o.

²⁵ 'Ngbé dimande gba Ebhe gba omaYuda lili nani li bili na bubu naali-e ndu kalanga hana bhu dabili bini ne ngute 'nu. Engú bini, Kilisito li nani ngú na ha lie ngae makpe bhutsibhutsi bhelé de. ²⁶ I du nani mo-o, ani de azu likabhu bhutsibhutsi, nayie maka li Ebhe abho nani doto lie-o. Engú bini, ani akoto bhutsibhutsi bini má kpíkili li nedhinga na sokpí ngú na'e siti 'ngú gba ní li kpadji na ha lie ngae makpe maka makiso pi Ebhe.

²⁷ Ndu okpála-kuti hana kpíkpi bha bhutsibhutsi bini. Pipita-a, li Ebhe tsia kódho 'ngú gba uo-o. ²⁸ A bhadi moko, Kilisito aha lie maka makiso bhutsibhutsi bini, ngubula na'e siti 'ngú gba okpála bhelé. Ani akoto lie bhutsibhutsi na bhis-e, a adu matá ngubula na'e siti 'ngú de. Engú bini, a adu ngubula me okpála inde ngadjeke nago ka ani-e sia mukobho.

10

Makiso gba Yesu Kilisito ane ndu omakiso na kalanu-o hana

¹ Lili gba Moidje ngasuno kkukulu 'ngú hana má kpulukutu ade. A ko mangbo kulu ongú na babadha inde ngago-o. Lele pi li makiso inde li ngua e nde bha ndu 'kpí hana bini, inde u ngaha e ndu kalanga hana ti da lie namene me, okpála bhende ngadyudyo lio dengo Ebhe-e kolo ndjindji kala ani-e? ² I du me okpála inde ngaha ngua makiso bhomu-o pi Ebhe-e du bubu kala ani-e, u de 'ó nabhundja siti 'ngú gba o-o. U tsia 'ó la di na ha makiso ango-o. ³ Engú bini, na ha makiso ngamene me okpála du nabhundja siti 'ngú gba o-o ndu kalanga hana. ⁴ Padhá de, anga ngute bhoko bagala ne ngute meme ti da na'e siti 'ngú belegu de bini.

⁵ Kaka-a, li Kilisito adu ago lie pila doto-o, ani apa pi Ebhe me:
«Mu kunda nani ehe natsulu matsulu,
i du di-e makiso de,
engú bini, mo oha kute mu ma
ngubula me ma mene kulu gba
mu-o ned.

⁶ Enu inde u atsulu e pi misa inde u atsutsulu 'he pi e,
di ne ehe natsulu matsulu koko
inde
u aha e ngubula na'e siti 'ngú-o
nga nani li mu de.

⁷ Abhomu-o, ma atsia apa me:
<O Ebhe! Tsitsia,
ma ngago ngama makpe
ngú namene engú inde mo
okunda e-o,

maka u aye engú gba ma-a lie bhu
bhuku na lili-o.[†]»

⁸ Kilisito apa ngaiza pi Ebhe me:
«Mu kunda nani ehe natsutsulu
matsulu de, i du di-e makiso de. Enu
u atsulu e pi misa inde u atsutsulu
ehe pi e, di ehe koko inde u atsulu
e ngú na'e siti 'ngú-o nga nani li
mu de.» Engú bini, u haha makiso
bhomu-o nakpata lele maka li lili

[†] 10:7 10:5-7 Tsia bhu Ets. 40:7-9.

apa lie ko. ⁹ Pipita-a, ani atsia apa me: «Ma ngago ngama makpe ngú namene engú inde mo okunda e-o.» Kilisito a'e omakiso na kalanu-o hana, ani atsia ayipa ne bhe gba e-o. ¹⁰ Yesu Kilisito amene mukunda gba Ebhe-o. Ani atse kute e ngae makpe maka makiso bhútsibhútsi bini má kpíkili, abhomu-o, ní atsia aze bhú siti 'ngú gba ní-o.

¹¹ Dimandé gba Ebhe-e bini ne bini lulu ndu 'kpí hana ngubula namene kulu gba e-o. Ani ngaha píko píko koli ngua omakiso bini. La-a, omakiso ango-o ti da na'e osisiti 'ngú belegu de bini. ¹² Engú bini, Kilisito aha koli makiso bini má kpíkili ngú osisiti 'ngú gba okpála duduma ne duduma. Pipita-a, ani atsia anu adu li pá 'kpa na kokpa gba Ebhe. ¹³ Mbia inde-e, ani ngadjeke me Ebhe 'o obhulu yala gba ni-e dabili na sa 'dhú ni. ¹⁴ Abhomu-o, ne koli makiso bini inde ani aha e, ani adji okpála inde ani avulu o bhú siti 'ngú-o me, u kolo bubu kala Ebhe ngubula duduma ne duduma.

¹⁵ Bu Bhopua la bhadu ngapapa pi ya moko, ani apa ngaiza lie me:

¹⁶ «Yi tsia nga gandja inde ma akódho e ne uo pita oekpi bhomu-o,
Ngámá apa mo-o.

Ma ayé olíli gba ma-a li bua uo,
ma tsia tó olíli ango-o bhú imbilangú gba uo-o. [†]

¹⁷ Pipita-a, ani atsia apa matá me: «Ma abhúndja matá opupulu 'ngú di ne osisiti 'ngú gba uo-o de. [†] ¹⁸ La-a, i du me Ebhe nde ambu li siti 'ngú ambu-o, gúmu naha makiso matá ngú na'e'e ade.

Ní a'ó ká nabhuka gba ní-e de

¹⁹ Kaka-a, ondaise ma, ní ambila ndjindji me ní alí li bili na bubu naali-e kabula ngute Yesu inde atuko-o. ²⁰ Ani abhulu kpadji na mbia pi ní, inde di na mukobho li pápa na kpadji na 'ngbé pála bongo

na 'ngbé 'ti Ebhe gba omaYuda, akunda napa me, bhú kute e makpe. ²¹ A ka ní ne 'ngbé dimandé inde ngatsia 'kpí li eti gba Ebhe-o. ²² Kaka-a, ní dyudyo liní de Ebhe ne bua ní bini di ne nabhuka hana. Padhá de, anga osisiti bua nakpokpo ku 'ngú adji lie akolo bubu kala Ebhe, kute ní atsia avulu lie bhú engu inde li siti 'he nde bhú e ade. Ndú 'ngú bhomu-o hana amene lie bhú ngute Yesu.

²³ Ní lila engú inde ní nga'o 'to ní 'to e, inde ní nde ngakpokpo e kkekpeke-o. Padhá de, anga Ebhe améne engú inde ani apa me ní améne e mamene. ²⁴ Ní tsia 'kpí liní súnda ní ngú nadu ne mukunda na kükulu di ne namene obabadha kulu. ²⁵ Ní a'ó ka dadjua gba ní-e de maka li okpála koko ambila lio lie ne namemene-o. A ayo mangbo me ní to masi bhú ní súnda ní. Padhá de, anga yi ngau me ekpí gba Ngámá-a akolo bha ndju masikpe.

²⁶ Padhá de, anga pita nambila kükulu 'ngú-o, i du me ní nde ngamene siti 'ngú bhú gandji-e, makiso inde u ti da na ha e ngubula na'e osisiti 'ngú-o matá ade. ²⁷ Engú bini, ehe inde atigala pi ní-e, a ko bha nadjeke ne tsulu hana nakodho 'ngú gba Ebhe di ne dingidhi djua inde atsulu obhulu yala gba ani-o.

²⁸ Ndú okpála hana inde adu agumu líli gba Moidje-e, u adu abhili uo. U du nadje ndjinga uo de, i du me okpála bhisi, i du di-e okpála bata nde apa me a ko kükulu 'ngú-o.

²⁹ La-a, kpála bhende ngau Ndili gba Ebhe-e bhú djila e padhá-a, ani asia ke 'ngú inde ane la matá mane. A mo-o adi? Padhá de, anga kpála ango-o manga ngute na gandja na mbia inde avulu ani bhú siti 'ngú-o de. Ani ngasobho Bu Bhopua inde ngasuno bádha bhú 'bu gba Ebhe-e pi ní-o. ³⁰ A na paká me ní mbila ndjindji me, a ko kpála inde apa me:

[†] 10:16 10:16 Tsia bhú Djlm. 31:33. [†] 10:17 10:17 Tsia bhú Djlm. 31:34.

«Ma agié siti 'ngú ìnde u amene e ngama.

Ma ahá pi kpála ne kpála ehe ìnde atí ne aní-o. [†]»

Aní atsia apa di me:

«Ngámá akódho 'ngú gba okpála gba e makodho. [†]»

³¹ A ko siti 'ngú na kuo kuo ngú nati bhú 'kpa Ebhe na mukobho.

³² Yi bhundja nga engú ìnde akolo nani li yi li nedhingga ìnde yi asia zì 'kpí gba Ebhe-e lie-o. Bha kolo pipita-a, yi azú likabhu naali. Engú bini, yi alu kpekpeke bhú nagú egú ango-o. ³³ U asobho okpála koko bhú ka yi, u atsia amene uo sisiti kala ndu okpála hana. Engú bini, okpála koko adu bedhe ngú nateteke okpála ìnde u adu ato mbolo lio bhomu-o. ³⁴ Yi azú likabhu bhú dabili bini ne okpála ìnde adu bhú tikpu-o. Li u agbulu ohe gba yi-e lie, yi aziba ne djali hana me u nu nedí. Padhá de, anga yi ambila ndjindji me a ka yi ne tia ìnde ndjindji naali, ìnde ngadu dudu ma ne dudu ma. ³⁵ Kaka-a, yi adu ne tsulu de. Padhá de, anga yi asia makalá na ngéngbé kaka. ³⁶ A ayo me yi du ne kekele ngubula namene engú ìnde li Ebhe akunda e, di ne nasia ehe ìnde aní apa me ni ahá e-o. ³⁷ Padhá de, anga u aye bhú Bhuku gba Ebhe-e me:

«A tigala nedhingga bedi, belegu bedi naali,
li kpála ìnde a ayo me aní go-o tsia gó.

Aní bhúe de.

³⁸ La-a, kpála ìnde ngbingbili bhú djila ma-a
tsia sia mukobho na dudu ma kabula nabhuka.

Engú bini, i du me aní nde agie lie ne sidi-e,

bua ma ngá matá ne aní de. [†]»

³⁹ Nganí-e, ní bhú ká okpála bhende ngagie lio ne sidi, ìnde di ngangita-a ade. Engú bini, ní ne okpála

bhende ngabhuka, ìnde di li kpadji na mukobho-o.

11

Ní le nadu ne ngua nabhuka gba onguo ogbi ní-o

¹ Na'o nabhuka gba o bhú Ebhe-e, a ko naziba me ní asia ehe ìnde nínde nga'o 'to ní 'to e asia. A ko nadu ne nabhuka me ehe ìnde ní u e ne djila ní de-e uu. ² Ebhe aziba nani okpála na kalanu-o ka nabhuka gba o-o.

³ Ka nabhuka-a, ní ambila me Ebhe abho nani doto ne 'li e. Abhomu-o, ohe ìnde ní ngau e ne djila-a, abho lie li ohe ìnde ní u e ne djila de-o.

⁴ Ka nabhuka-a, Abele aha makiso na babadha naali pi Ebhe, ìnde ane bhe gba Kaina mane. Ka nabhuka ango-o, Ebhe au aní bhú djila e ngbingbili. Padhá de, anga Ebhe ngae makpe aziba makiso gba aní-o. Ka nabhuka gba Abele-e, aní bha bini ngagama 'ngú, abana aní akpi lie-o.

⁵ Ka nabhuka-a, Enoka kpi nani-i de. Engú bini, Ebhe aha aní abhúlá. Kpála bini ti da nani nau aní de, anga Ebhe aha nani aní ngú na'o aní de e. Bhuku gba Ebhe-e apa me, kala me Ebhe ha aní abhúlá-a, aní amene nani engú ìnde anga li Ebhe. ⁶ La-a, i du me nabhuka nde bhú kpála ade-e, aní ti da namene engú ìnde anga li Ebhe-e de. Padhá de, anga kpála ìnde ngadyudyo lie de Ebhe-e, a ayo me aní bhuka me: Ebhe uu, aní la di ngaha makalá pi okpála ìnde ngagili aní-o.

⁷ Ka nabhuka-a, Nua adje engú ìnde li Ebhe apa nani e pi aní pindji ongú ìnde agó, ìnde u u nga nani e de. Aní au me Ebhe pa eu de, aní atsia abho 'ngé zabu ìnde aní akobho piga gba e bhú e-o. Namene ka aní mo-o, aní a'o mangimbo pi 'ndji okpála na pila doto. Ka nabhuka gba

[†] 10:30 10:30 Tsia bhú Det. 32:35. [†] 10:30 10:30 Tsia bhú Det. 32:36. [†] 10:38 10:37-38 Tsia bhú Abk. 2:3-4.

ani-e, Ebhe atsia au ani bhú djila e me a ko kpála na ngingbingbili.

⁸ Ka nabhuka-a, Abalahama amene lílì gba Ebhe li nedhingga inde ani a'i nani ani lie-o. Ani anu bhú doto inde li Ebhe apa nani lie me ni ahá e pi ani, amba akolo naaniono. Ani ayie bhú doto gba e padhá me ani nde mbila de me, ni adji bhú doto bhedho-ie de. ⁹ Ka nabhuka-a, ani anu adu maka gandji kpála bhú doto inde li Ebhe apa nani me ni ahá e pi ani-o. Ani adu nadu bhú 'ti ngingbangbali, Isaka ne Yakobho atsia adu di nadu bhú 'ti ngingbangbali. A bhomu-o okpála inde li Ebhe apa di nani pi o me ni ahá di doto ango-o pi o-o. ¹⁰ Padhá de, anga Abalahama adu nadjeke gudhu inde li 'dhú e alu kpekpeke. Ebhe amene lele maka li gudhu ango-o adu lie ngae, ani atsia ayiki bhadi ngae.

¹¹ Ka nabhuka-a, Abalahama asia nani angu ngubula nazu ndili bhú nedhingga ani akolo lie ne kalanga bheldé, belegu li Sala adu lie ne i zu de-o. Ani adu ne nabhuka me engú li Ebhe apa me ni améne e-e, ani améne mamene. ¹² Kaka-a, koli ogbi ní bini Abalahama, inde adu de kuo masikpe-e, azu opiga bheldé. Ongisi inde li opiga ango-o azu o-o bheldé maka ikupala inde abhúlá. Uo bheldé di maka sike inde lingo 'ngbé 'ngu, inde li kpála ti da natanga e de.

¹³ Ndú okpála bhomu-o hana amu bhú nabhuka me, u nde sia oehe inde li Ebhe apa nani me ni ahá e pi uo-o de. Engú bini, u au oehe ango-o tsutsu, u atsia akpi djali. Abhomu-o, u atsia ambila ma kpulukutu me o ne ogomago, o la di ne okpála na dhuku píla doto ei. ¹⁴ Okpála inde ngapa ngua engú bhomu-o ngasuno mbámbá me o ngagili doto gba o makpe. ¹⁵ I dù me u du nakina doto inde u aze nani bhú e-e, u de agie lio bhú doto ango-o agie. ¹⁶ A na paká me, u adu ne gümü doto inde babadha naali. A akunda napa me

doto inde abhúlá ko. Kaka-a, Ebhe ne námü ade me, u 'i ni me ni ne Ebhe gba uo-o. Padhá de, anga ani aleke gudhu bini pi uo.

¹⁷ Ka nabhuka-a, Abalahama aha Isaka maka makiso, li Ebhe ale ani lie-o. Abalahama li Ebhe apa nani me ni ahá 'he pi e-e, adu bedhe ngú naha koli ndili gba e bini-e maka makiso. ¹⁸ Ebhe apa nani pi ani me: «Li kpadjì gba Isaka-a, mo osia opiga inde ma apa nani me ma ahá o pi mu-o.†» ¹⁹ Engú bini, Abalahama adu abhundja me Ebhe ne angu nazuku Isaka. Kaka-a, Ebhe atsia agie ndili gba ani-e pi ani maka kpála inde u azuku e me ani nde akpi.

²⁰ Ka nabhuka-a, Isaka atuko bisagu pi ongisi gba e bhisi-o, Yakobho ne Esau, natsia lele ongú inde abháka uo sidi-o.

²¹ Ka nabhuka-a, Yakobho atuko bisagu pi ongisi bhisi gba Djodjefu-o, kala me ani kpi. Ani atekte lie li duku gba e, ani atsia adhégé Ebhe.

²² Ka nabhuka-a, Djodjefu apa li ani akolo lie masikpe de nakpi ka e me, omañsalaele azé bhú Edjipeto maze. Ani atsia asuno engú inde a ayo me u mene e ne biki ni-o.

²³ Ka nabhuka-a, li u azu Moidje lie, okpála inde azu ani-e awo ndje ani ngubula epe bata. U au nani me ani babadha naali, u tsia dje tsulu ka lílì gba 'ngbé ngámá-a de.

²⁴ Ka nabhuka-a, li Moidje abhele lie-e, ani ayala me okpála 'i ni me ndili gba ndili na ele gba Falao. ²⁵ Ani aziba nazu likabhu bhú dabili bini ne pigi gba Ebhe-o. Ani atsia ayala nakpi djali inde ngubula nedhingga bedi-e bhú siti 'ngú. ²⁶ Padhá de, anga ani adu abhundja me li kpála zu likabhu kabula Masiya-a, bhabhomu-o pi ani ne tia na ngbéngbé ane bhende na Edjipeto mane. Kaka-a, ani a'o nani djila e li makalá inde ani asia e bhú oekpí inde ngago-o.

† **11:18** 11:18 Tsia bhú Dje. 21:12.

²⁷ Ka nabhuka-a, Moidje ayie nani bhú Edjipeto me aní nde kpe ke 'ngú gba 'ngbé ngámá-a de. Aní atsia alú kpekpeke mágito me aní ngau Ebhe inde u uu e de-o. ²⁸ Ka nabhuka-a, Moidje aha nani lílí me u leke anokomía na Pasíka . Aní atsia aha lílí me u pulu ngute lí obhe bhoti, amba andjelu na kuo abhili ongisi na kalanú gba omaſsalaele de.

²⁹ Ka nabhuka-a, omaſsalaele agulu nani 'ngbé 'ngu na Mbembe-e mágito me u ngadholo pí doto inde a'ulú má kekele! Engú bini, lí omaEdjipeto ale di lie me ogulu 'ngu-o maka uo-o, engu-o atsia abuka uo. ³⁰ Ka nabhuka gba omaſsalaele, aga inde asa nani gúdhú na Djeliko-o agumú pita nadji ngongo ngúbulu 'kpí mananíka. ³¹ Ka nabhuka-a, Lahaba, ele na zabhe-e akobho nani. Aní kpi bhú dabili bini ne okpála inde adú agú Ebhe-e de. Padhá de, anga aní asia nani omaſsalaele, inde u atima nani o ngú natsia lele gúdhú-o ne guo 'ngú .

³² Ma tí da napa matá pi? Nedhinga ka ma ade ngú nakpokpo 'ngú gba Djedeo, gba Balaka, gba Samisona, gba Djefete, gba Davidi, gba Samuele, di ne bhe gba opolofeta-o . ³³ Ka nabhuka-a, u agboko ongbengbe ongámási na okuti bhelé bhú 'gú. U amene ongú inde adú ngingbili, u asia 'he inde li Ebhe apa nani me ni ahá e pi uo-o, u atsia agbite 'bhé okingbi. ³⁴ U abulú odjua inde adú nade má ka ka ka! U akobho bhú nakpi sakpa mbotia. U adú bhúbhukú, la-a, u atsia akolo kpekpeke. U adú kpekpeke bhú egú, u atsia aha angu osúdha na gandji gandji. ³⁵ Ka nabhuka-a, olisi au matá okpála gba o inde amu-o. Padhá de, anga okpála angó-o azuku.

U ato mbolo lí okoko nakolo masíkpe de nakpi. U ayala me u gbegbe o sakpa okpála adú ato mbolo lí o-o. U amene mo-o ngúbulu me o zuku ngú nasia mukobho na

ndjindji naali. ³⁶ U amú okoko, u atsia abhí di uo ne fimbo. U agbigbite okoko ne gbindjili, u atsia amba di uo bhú tikpu. ³⁷ U abhili okoko ne teme. U akokodho bhúsú okoko bhisi ne sii. U atsia abhili okoko ne mbotia. Okoko adú anú ne ndú bili hana me u nde ato ko kandélé, i du di-e ko meme. U adú obhulú ndibhili. U adú nato mbolo lí uo, u atsia adú namene uo kpekpeke. ³⁸ U tí nani da nadú píla doto inde-e de. U adú nadjakadha abhú 'gu, di ne apí oeta. U adú nadú bhú oedú di ne bhú ogudho teme.

³⁹ Ebhe aziba nani ndú okpála bhomú-o hana ka nabhuka gba o-o. La-a, u sia ehe inde li Ebhe apa nani me ni ahá e pi u-o de. ⁴⁰ Padhá de, anga Ebhe aleke nani ehe na babadha naali pi ní. Aní kunda nani de me u kolo ndjindji hana mandí ní-e de.

12

Yi lu kpekpeke bhú olikabhu inde yi ngazu e-o

¹ Pi ní-e, ndú ndindi okpála bhomú-o hana inde abhuka nani Ebhe-e, asa dengo ní ngbalina u ngau 'ngú inde ní ngamene e ne djila o. Kaka-a, ní gbe liní lí ongú bhende ngagbigbite ní me ní adhúkú ndjindji de-e magbe. A ane la mane pi siti 'ngú bhende ní ngali bhú e má gala gala-o! Holo inde li Ebhe apa me ní gu e-e, ní gu akólo makolo ali soso. ² Ní bangá djila ní li Yesu inde li nabhuka gba ní-e alú pi e, nayie li lilita akólo makolo ali soso-o. Aní aziba nakpi li kulusi. Nakpi li kulusi-e, a ko nakpi na námu. Engú bini, aní dje námu téte de. Padhá de, anga aní adú nau djali inde aní asia e-o. Mbia inde-e, aní adú li pá 'kpa na kokpa dengo kiti na ngámá gba Ebhe-o.

³ Yi bhundja nga Yesu maka aní akibila yala inde li okpála namene siti 'ngú-o adú nayala aní ne e-o. Kaka-a, yi a'ó de me ndala ha angu yi-e de. ⁴ Padhá de, anga bhú gbele

inde yi ngagü e ne siti 'ngü-o, yi gü nga nakolo bhü nakpi ka yi-e de.

⁵ 'To yi a'ili li lili inde li Ebhe aha e pi yi maka ongisi gba e-e a'ili? Lili ango-o me:

«Ndia ma, i du me Ngámá nde ngali mü-o,
mo obóyo de.

I du me ani nde ngambembe bhü 'ndji mü-o,
buu mü abí la di ndala de.

⁶ Padhá de, anga Ngámá ngali kpála inde ani akunda e-o.

Ani ngabhi kpála inde ani ambila
me a ko ndili gba ni-o.[†]»

⁷ Kaka-a, yi kibila okpekpeke da 'ngü inde li Ebhe ngali yi ne e-o. Ani ngamene yi maka ongisi gba e. A ko ndili bhedho li 'dyi e lili e de-e?⁸ I du me Ebhe nde li yi maka ndü ongisi koko gba e hana de-e, a akunda napa me yi ne kükülu ongisi gba ani-e ade. Yi ne ongisi inde u

mbila 'dyi o de.⁹ A li ní píla doto inde-e ne odyidyi. U adu nani nali ní. Ní atsia adu di namanga uo. A ane la matá mane me ní manga 'Dyi ní inde abhüla, ngübula me ní sia mukobho.¹⁰ Odyi ní adu nali ní ngübula nedhinga bedi, maka u adu abhubhundja lie-o. Engü bini, Ebhe ngali ní ngübula bádha 'ngü gba ní-o. Ani akunda me ní du bubu maka ni.¹¹ Nedhinga u ngali ní lie mbia inde-e, a ngau lie maka u de ngaha pi ní likabhu, a ha djali pi ní de. La-a, pipita-a, okpála inde akodho 'kpí li ngua kpadji bhomü-o ngasia nguwa na guo 'ngü inde akpetse lie ne mukobho na ngingbili-o.

¹² Kaka-a, yi 'e 'kpa yi inde andala-a ne bhüla. Yi mene la di me 'dhü yi inde andala-a, a kolo kpekpeke!¹³ Yi dhüku li okpadji inde ngingbili, amba 'dhü kpála bhende ndjindji ade-e agámu de. Ani kobho mangbo makobho.[†]

Yi du nagbo 'dje yi ndu 'kpí hana li Ebhe

[†] 12:6 12:5-6 Tsia bhü Gbt. 3:11-12. [†] 12:13

[†] 12:20 12:20 Tsia bhü Eki. 19:12, 13. [†] 12:21

¹⁴ Yi gili nadu ne guo 'ngü ne ndü okpála hana. Yi du la di bubu. Padhá de, anga li kpála du bubu de-e, ani ú Ngámá de.¹⁵ Yi lila liyi me kpála bini ayié sa bádha bhü 'bu gba Ebhe-e de. Kpála bini akólo la di bhü ká yi maka ndula inde susu-o de. Ndula ango-o aké lie, a asiti mukobho gba okpála bhelé ne sengé inde bhübhü-o.¹⁶ Kpála bini bhü ká yi adú nakunda olisi, i du di-e obhosí ngangá de. Kpála bini bhü ká yi aú oehe gba Ebhe-e bhü djila e padhá de, maka Esau. Ani atsindji nani nadu ka e ndili na kalanu ngübula koli sani 'zü bini.¹⁷ Yi ambila ndjindji me sidi-e, ani adu ne gümü me 'dyi ní tuko bisagu pí ni. Engü bini, 'dyi ani abebe ani. Padhá de, anga abana nani ani ale nadji engü inde ani amene e lie ne naku 'gbá-a, ani sia kpadji de.

Nau inde i ti da nadyiki de

¹⁸ Yi kolo nga dengo eta bini de inde u ti da nabu 'kpa lie maka eta na Sinai, inde adu nani ne dingidhi djua-o. A adu ne biti, di ne anvi na kpekpeke naali.¹⁹ Eta ango-o adu di ne tolo toti, di ne tolo nagama 'ngü. Li omałsalaèle adje eli bhomü-o lie, u ayo me Ebhe agáma matá engü koko pí bhobhomü-o de.²⁰ U ti nani da nakibila lili inde-e de. Lili ango-o me: «Kpála inde abú 'kpa e li kute eta-a, abana i du di-e enu-o, u abhéle ani ne teme.[†]»²¹ Engü inde u adu nau e adu na tsulu tsulu. Belegü Moidje atsia apa kaka me: «Ma ngadje tsulu naali, ma la di ngagüku magüku.[†]»

²² Engü bini, yi akolo dengo eta na Siona, dengo gudhü gba Ebhe na mukobho-o. A ko Yelusalema na abhüla bhü dabili bini ne oandjelu gba e inde kete ne kete apo bhüla o bhü anokomia-o.²³ Yi akolo dengo ongisi na gigina inde apo bhüla o, inde u aye 'li o abhüla-o. Yi

12:13 Tsia bhü Isa. 35:3; di ne bhü Gbt. 4:26.

12:21 Tsia bhü Det. 9:19.

akolo dengo Ebhe, kpála nakodho 'ngú gba ndú okpála hana-o. Yi akolo dengo okpála inde ngingbili, li Ebhe amene me u kolo ndjindji hana kala ni-o. ²⁴ Yi akolo dengo Yesu, kpála inde ne ludu sonda ní ne Ebhe bhú gandja na mbia inde li Ebhe akodho e ne ní-o. Yi akolo dengo ngute ani inde atuko, inde ngaha bádha 'ngú pi ní inde ane bhe gba Abele mane-o.

²⁵ Yi lila liyi! Yi ayála nadje kpála inde ngagama 'ngú pi yi-e de. Padhá de, anga okpála inde ayala nani nadje kpála inde adú naha lili pi o píla doto-o, neke nasia ke 'ngú de. A adú bhadí pi ní moko. A ne la matá mane, i du me ní nde ayala nadje kpála inde ngagama 'ngú pi ní nayie abhúlá-o. ²⁶ 'Li ani adyíki nani doto. Engú bini, mbia inde-e, ani apa pi ní me: «Ma adyíki matá doto bhútsibhútsi bini. A dú bha bini doto de, ma adyíki di ne abhúlá hana.†» ²⁷ Eli inde me «matá bhútsibhútsi bini», akunda napa me oehe inde u abho e mabho-o adyíki, i tsia ngíta, amba ehe bhende i ti da nadyíki de-e tígala bha ngae.

²⁸ Ní ngasia nau inde i ti da nadyíki de. Kaka-a, a ayo me ní gie hení pi Ebhe. Ní mene la di pi ani kulu inde anga li ani ne tsulu hana di ne namanga ani. ²⁹ Padhá de, anga Ebhe gba ní-e, a ko djua inde ngade made.†

13

Yi mene engú inde nganga li Ebhe

¹ Múkunda inde sonda yi-e nu bha ne kalanu maka ondaise. ² 'To yi a'íli nasia ogomago de. Padhá de, anga bhú namene mo-o, okpála koko asia nani oandjelu me u nde mbila de. ³ Yi bhundja okpála bhende bhú tikpu-o mugito me, yi ne uo bhú tikpu bhú dabili bini. Yi bhundja okpála bhende u ngato mbolo lio-o,

mugito me u ngato mbolo ango-o li yi.

⁴ A ayo me ndú okpála hana manga kúva mamanga. A ayo me bhoko lila kute e pi wala e, amba ele lila di kute e pi 'ko e. Padhá de, anga Ebhe akódho 'ngú gba okpála inde ngakunda olisi, i du di-e obhosí ngangá-a makodho. Ani akódho di engú gba okpála inde ngakunda olisi di ne obhosí ngangá, a la di-e okpála inde ngakunda olisi, i du di-e obhosí koko.

⁵ Gúmu tia ahá angu yi bhú mukobho gba yi-e de. Yi kpi djali li ehe bhende ka yi-o. Padhá de, anga Ebhe apa me:

«Ma 'ó ka mu de,
ma bála 'kpa li mu
belegu de bini.†»

⁶ Kaka-a, ní ti da napa ne nabhuka hana me:

«Ngámá ne kpála inde ngateteke
ma,
ma djé tsulu li 'ngú bini de.
Okpála ti da namene ngú ma
mangua 'ngú dho?†»

⁷ Yi bhundja nga okpála inde adú nani pi 'ndji yi kalanu-o, inde akpokpo eli gba Ebhe-e pi yi-o. Yi bhundja nga lele maka u akpata nani Ebhe lie, di ne maka u amu lie-o. Yi bhuka maka u abhuka nani lie ko. ⁸ Yesu Kilisito yiypa de, lili, naki, duduuma ne duduuma. ⁹ Yi a'ó de me nasuno na gandji gandji 'e yi li kpadji-e de. A ndjindji me bua ní sia angu ka bádha bhú 'bu gba Ebhe, a alu pi olili inde atsia ezú-o de. Padhá de, anga okpála bhende ngamene ngua olili bhomu-o sia bádha 'ngú téte belegu de bini.

¹⁰ Odimande gba Ebhe inde ngamene kulu bhú 'ti ngingbali-e ti nani da nazu enu inde u atsutsulu e pi misa gba ní natsulu enu-o * de.

¹¹ 'Ngbé dimande gba Ebhe nganu ne ngute onu li bili na bubu naali, ngubula nahaha maka makiso ngú

† 12:26 12:26 Tsia bhú Adj. 2:6. † 12:29 12:29 Tsia bhú Det. 4:24. † 13:5 13:5 Tsia bhú Det.

31:6, 8. † 13:6 13:6 Tsia bhú Ets. 118:6. * 13:10 13:10 Enu inde u atsulu e pi misa si-e, a ko makiso inde u apa 'ngú e bhú olukuluku 15-16.

na'e siti 'ngú. Engú bini, u tsutsulu kuo onu ango-o li ngongo, a adudú bhú ká okpála de. ¹² Kaka-a, Yesu akpi di lingo gúdhú na Yelusalema ngúbula na'e siti 'ngú gba okpála ne ngute e makpe. ¹³ A ayo me ní nu ke liní ne ani ali ngongo, ní kibila ngua pádha inde u apadha ani ne e-o. ¹⁴ Padhá de, anga píla doto ei-e, gúdhú inde ní ngadú bhú e duduuma ne duduuma ade. Engú bini, ní mangbo ngagili gúdhú inde adú galikpe ko. ¹⁵ La li kpadjí gba Yesu-o, ní dhége Ebhe ndú nedhinga hana maka makiso, a akunda napa me, ní dhége 'li ani ne 'bhé ní. ¹⁶ To yi a'íli li namene bádha 'ngú, di ne nateteke liyi súnda yi de. Padhá de, anga ngua makiso bhomu-o nganga li Ebhe ngae.

¹⁷ Yi manga okpála inde pí 'ndjí yi-e mamanga. Yi mene la di líli gba uo-o. Padhá de, anga u ngatsia 'kpí li yi ndú nedhinga hana ne nambíla ndjindji me ekpí bini, o kpókpo kú kulu inde o amene e kala Ebhe. Yi 'o me u mene kulu gba o-o ne djali hana. U améne ne nalopololo lio-de, anga u mene ne nalopololo lio-o, bhobhomu-o téteke yi de.

¹⁸ Yi yo Ebhe pi ya. Ya ambila me bua nakpokpo kú 'ngú gba ya-a ndjindji. Padhá de, anga ya ngagili ndú 'kpí hana namene engú inde li lelele. ¹⁹ Ma ngayo ka yi ne kekele me yi yo Ebhe ngú ma, amba ani bhulu kpadji me ma gie lima de yi má gala!

²⁰ Ebhe inde li guo 'ngú ngayie ka e, azuku Ngámá gba ní Yesu bhú ká okpála inde amu-o.

Ani akolo 'ngbé mulila gba okandélé
ne ngute e
i nde ani aha e maka makiso.
Ani amene me gandja na
duduuma-a lu pí ngute ango-o.

²¹ A ayo me Ebhe ango-o mene me yi
kolo ne angu
ngú namene 'ngú

inde ndjindji ngúbula namene
mukunda gba ani-o.

A ayo me Ebhe 'o bhú ní engú inde
ndjindji kala e
li pápá gba Yesu Kilisito.

A ayo me u dhége ani duduuma ne
duduuma.

A adú moko!

Engú na soso

²² Ondaise ma, ma ngayo ka yi me yi dje eli inde ma ngato masi bhú yi ne e bhomu-o ne 'ndjá bua. La di-e, balúa ma aye e pi yi inde-e ndjándjá ade. ²³ Ma akunda napa pi yi me u atse 'kpa li ndai ní Timoté atse. I du me ani nde akolo má gala-a, ya anú natsia yi bhú dabili bini ne ani.

²⁴ Yi yi ndú okpála hana inde pi 'ndjí yi-e mayi. Yi yi la di ndú okpála gba Ebhe-e hana mayi. Ondaise ní na Itali yi yi mayi. ²⁵ A ayo me bádha bhú 'bu gba Ebhe-e du bhú dabili bini ne ndú yi hana.

Balua gba Djaki Eli na kalanu

Balua gba Djaki-e, apo bháála ongú inde a ayo me u mene e. Ani aye pi ndu okpála gba Ebhe inde atsambala píla doto libhomu. Djaki agama 'ngú ne bádha 'li pindji ongú inde atsia imbilangú, engú inde a ayo me u mene e bhá dasundu gba omakilisito.

Balua ango-o ngalu kpekpeke pindji bádha 'ngú inde bhá okulu di ne nabhuka , ne pindji namene 'ngú na Ebhe maka makilisito.

Ongbengbe ongú inde bhá bhuku inde-e ngae inde:

Eli na kalanu 1:1

Nabhuka, a la di-e imbilangú 1:2-8
Nadu bhá ndibhili ne nadu ne tia bhelé 1:9-11

Nali bhá nale 1:12-18

Nadje 'kpí, a la di-e okulu 1:19-27

Nagbele 'dje kpála pindji nagbogbo bháasú o 2:1-13

Nabhuka, a la di-e okulu 2:14-26

Makilisito ne 'mi e 3:1-18

Makilisito, a la di-e ongú na doto 4:1 - 5:6

Olíli ngangá 5:7-20

Djaki yi okpála gba Ebhe-e mayi

¹ Ngama, Djaki, bali gba Ebhe, bali di gba Ngámá Yesu Kilisito-o , ma yi ndu okpála gba Ebhe hana inde atsambala píla doto libhomu-o mayi.

Yi du ne kpéke bua bhá okpekpeke da 'ngú

² Ondaise ma, li okpekpeke da 'ngú du abhaka yi ne li okpadji ngangá-a, yi de du bhábhá ne djali naali. ³ Padhá de, anga yi mbila ndjindji me, i du me nabhuka gba yi-e nde alu kpéke bua bhá okpekpeke da 'ngú-o, nabhuka ango-o tsia há pi yi kpéke bua. ⁴ Kaka-a, yi lila liyi uu! Padhá de, anga a ayo me kpéke

bua gba yi-e kolo bha bini ali soso, ngubula me yi bhele li bua yi, amba yi a'ó ká súka bádha 'ngú bini de.

⁵ I du la me kpála bini bhá ká yi nde aneke imbilangú-o, a ayo me ani yo ka Ebhe, amba Ebhe ha pi ani. Padhá de, anga Ebhe ngahaha pi ndu okpála hana ne bádha bua, la di ne bua na keke de. ⁶ Engú bini, a ayo me ani yo ne nabhuka. Ani adu ne bua na bhisi bhisi de. Padhá de, anga kpála inde ne bua na bhisi bhisi-e, ani maka ngbo 'ngu inde li anvi ngatumba e pi djila 'ngbé 'ngu. ⁷ Kpála ango-o a'ó 'to e de me ni asia 'he ka Ebhe Ngámá-a de, ⁸ anga ani ne bua na bhisi bhisi. Ani mbila la di de me bhá ká ondu 'ngú gba ni-e hana-a, ni améne pi-ie de.

Engú inde akólo li obhálu ndibhili ne obhálu tia

⁹ A ayo me mabhuka inde bhá ndibhili-e kpi djali. Padhá de, anga Ebhe nga'e'e ani abháá. ¹⁰ La di-e, mabhuka inde ne bhálu tia-a, a ayo me ani kpi djali, anga Ebhe ngake ani ne kuto. Padhá de, anga ani akódho 'kpí maka felele na ulu inde abhá bili. ¹¹ Ela ngakoto ne kpéke djua gba e, i tsúlu ulu, li ulu-o 'úlu. Li ulu a'úlu lie, li felele felele tí kuto. Abhomu-o, li bádha gba ulu ango-o tsia kólo padhá. A bhadí moko pi bhálu tia. Padhá de, anga kpála ango-o akólo padhá bhá ká ondu 'he gba e hana inde ani ngamene e-o.

Ebhe ti da nato kpála bhá nale de

¹² A ko djali pi kpála inde ne kpéke bua bhá okpekpeke da 'ngú. Padhá de, anga pita ani ane okpekpeke da 'ngú lie, ani tsia sía makalá inde li Ebhe apa naní me ni ahá e pi okpála bhende akunda ni ko. Makalá ango-o, a ko mukobho na dudu. ¹³ Li nale* bhaka kpála-a, ani apá de me: «Ebhe ngato ma bhá nale-e ngae» de. Padhá de, anga mabhundja nale kpála bhá Ebhe ade. La di-e, Ebhe ngae makpe-e, ti da nale kpála bini

* ^{1:13} 1:13 Bhá eli na giliki-e, kpéke da 'ngú ne nale-e, a ko bha koli 'he bini.

de. ¹⁴ Kpála ngali bhú nale ka gúmu na sisiti inde li bua e-o. Gúmu na sisiti ango-o gbéle aní, i tsia tó aní bhú nale. ¹⁵ Pipita-a, gúmu na sisiti-e bí 'bhi, i zú siti 'ngú. Siti 'ngú ango-o bhele-e, i tsia zú nakpi.

¹⁶ Ondaise ma na mukúnda, yi apíté liyi de. ¹⁷ Ndú 'ngú na babadha hana, la di ne ndú tia inde ane ne bádha hana ngayie ka Ebhe, inde abho ndú 'he na zizi inde abhúlá-a[†] hana ngae-o. La pi aní-e, zi aní djidji lie de, aní yie la di bhú da e 'kpí bini de. ¹⁸ Ebhe akúnda nani ngae makpe na ha mukobho pi ní li kpadji na eli gba e na kúkulú-o. A ko ngúbulu napa me ní dú ogina nguwa bhú ká ondú 'he hana inde aní abho e-o.

Nadje eli gba Ebhe, di ne namene maka li eli ango-o apa lie-o

¹⁹ Ondaise ma na mukúnda, yi mbila engú inde-e ndjindji: kpála ne kpála dú adje 'ngú má gala! La-a, aní adú agama 'ngú má gala gala de! Aní adú di ake 'ngú lie má gala gala de! ²⁰ Padhá de, anga ke 'ngú gba kpála-a, ngagbe ngibili 'ngú kala Ebhe ade. ²¹ Kaka-a, yi yala ndú 'ngú bhende na sisiti-e hana. Yi yala di ndú kulu na sisiti-e hana. Yi sia eli inde li Ebhe ngalu e li bua yi-e ne nake liyi ne kuto. Padhá de, anga eli ango-o ne angu ngú nakobho yi.

²² Yi mene engú inde li 'li Ebhe ngapa me yi mene e ko. Yi adú bha nadjedje madje de. I dú mo-o de-e, amba yi ngapite bhomú-o liyi ngayi makpe. ²³ Padhá de, anga kpála bhende ngadje eli, aní tsia mene maka li eli ango-o ngapapa lie de-e, aní maka kpála bhende ngatsia bhúla e bhú bitolobi. Aní ú maka aní nde lie-o. ²⁴ Pita aní atsia bhúla e lie, aní há lie, aní tsia tápa. La-a, bha kolo má gala, aní mbila matá de me bhúla ní de iginí pi-ie de. ²⁵ Engú bini, kpála koko ngazi 'ndji e bhú líli inde babadha na kuo kuo inde ngagbegbe kpála bhú bali-e ndjindji.

[†] 1:17 1:17 Ndú 'he na zizi inde abhúlá: A akúnda napa me ela, epe ne oikupala.

Aní la di ngadhedhe téte. Aní ngadje eli-e lie, aní 'fli 'to e téte de. Bhú namene maka li eli-e ngapapa lie, kpála bhomú-o adú ne djali.

²⁶ I dú me kpála nde ngabhundja me ní ngamene engú na Ebhe, engú bini, aní mbila nalila 'mi e de-e, kpála ango-o ngapite lie ngae makpe. Engú na Ebhe inde li kpála ango-o ngamene e, a padhá. ²⁷ Engú na Ebhe inde kúkulú-o, inde la di babadha bhú djila 'Dyi ní Ebhe-e, a ngae inde: a ko nanu nateteke otsulosi di ne oékési bhú likabhu gba o-o, a la di-e nalila lie, amba engú na doto inde-e asítí ní de.

2

Yi aú okpála koko ngbéngbé ane okoko de

¹ Ondaise ma, yi abhuka Ngámá gba ní Yesu Kilisito, inde abedhe ne sangu bedhe-o. Kaka-a, yi aú okpála koko ngbéngbé ane okoko de. ² Ní pa nga me: bhúlú tia bini inde adyí kati na olo, di ne obabadha bongo na kuo kuo, ali li bili inde yi apekebhé bhúla yi lie-o. Pipita-a, li bhúlú ndibhili inde adyí naae okakadha bongo lí di oo. ³ Yi tsia ú bhúlú tia inde adyí obabadha bongo na kuo kuo ngbéngbé ane mane. Kaka-a, yi tsia pá pi aní me: «Ngamu-o, dú si, li bádha bili inde!» Yi tsia pá la naae pi bhúlú ndibhili me: «Ngamu-o, lú malu», ne me: «Dú kuto bhú doto bhú li 'dhú ma si!» ⁴ I dú me yi nde amene mo-o, amba yi ngau okpála koko ngbéngbé ane okoko mane. Yi la di ngakodho 'ngú ne mabhundja na sisiti.

⁵ Ondaise ma na mukúnda, yi djedje nga: Ebhe alo okpála bhende naao ne obhúlú ndibhili bhú djila okpála na doto-o. Aní akúnda me u dú ne nabhuka naali, ngúbulu me u li bhú Nau gba ní inde ní apa me ní ahá e pi okpála bhende ngakúnda ní ko. ⁶ Engú bini, yi ngau obhúlú ndibhili-e bhú djila yi padhá! La-a,

a ngato mbolo li yi-e da? A la di ngagbe yi bhú ngbanga da? A ko obhúlú tia di? ⁷ A ko matá bhadi uo di inde ngasobho 'lí na babadha inde li Ebhe aha e pi yi-e?

⁸ Bhuku gba Ebhe-e apa me: «Kúnda kilí mʉ maka mo okúnda límʉ lie ngamʉ makpe ko.[†]» A bhomʉ-o lílì inde bhú Naʉ gba Ebhe ko. I dʉ me yi nde ngalila lílì ango-o, amba yi ngamene bhomʉ-o ndjindji. ⁹ Engú bini, i dʉ me yi nde ngau okpála koko ngbéngbé ane okoko mane-e, amba yi ngamene siti 'ngú. La di-e, lílì-e agbite yi, anga yi ngagumʉ bhomʉ-o lílì. ¹⁰ Padhá de, anga i dʉ me kpála bini nde agumʉ té lílì-e, ani nde la ngamene dudu-o hana ndjindji-e, amba ani agumʉ bhomʉ-o lílì-e libhomu. ¹¹ Padhá de, anga Ebhe inde apa me: «Mo okúnda bhoko, i dʉ di-e ele gba kpála koko de», ani apa di ngae me: «Mo obhéle kpála de.» Kaka-a, i dʉ me mʉ nde kúnda bhoko, i dʉ di-e ele gba kpála koko de-e, engú la bini, mʉ bhéle kpála-a, amba mo ogumʉ lílì-e agumʉ.[†]

¹² Ka 'ngú bhomʉ-o, yi gama 'ngú, yi mene di 'he me yi nde ngambilà ndjindji me lílì akódho 'ngú gba yi-e makodho, lílì ango-o, a ko bhende ngagbegbe kpála bhú bali-o. ¹³ Padhá de, anga bhú nedhinga nakodho 'ngú-o, pi kpála bhende i dje nani ndjinga okpála koko de-e, Ebhe djé di ndjinga ani de. Engú bini, kpála bhende ngadje ndjinga okpála koko-o, ekpí nakodho 'ngú gba okpála-a 'ó tsʉlʉ li ani de.

Nabhuka inde ne kulu ade-e, a kukuo

¹⁴ Ondaise ma, kpála bini ti da napa me ni ne nabhuka. Engú bini, i dʉ la me ani nde suno kulu kulu-o de-e, nabhuka ango-o ti da nakobho ani uu? ¹⁵ Ní pa nga me: ndai yi bini na bhabhoko, i dʉ di-e bhe na oele, u ne bongo ade, u di ne ezu ngú ekpí

[†] 2:8 2:8 Tsia bhú Lev. 19:18. [†] 2:11 2:11 Tsia bhú Eki. 20:13, 14; di ne bhú Det. 5:17, 18. [†] 2:23 2:23 Tsia bhú Dje. 15:6.

bini bini ade. ¹⁶ Li kpála bini bhú ká yi pa pi uo me: «Yi nʉ ne guo 'ngú! Yi nʉ dyi bongo, amba yi zu 'he, yi 'u'u ma'u'u!» Oeli bhomʉ-o améne pi uo mangua bádha 'ngú dho, i dʉ me yi nde ha ehe inde u nde bhú ndibhili e pi uo de-e? ¹⁷ A si maka nabhuka. I dʉ me mʉ nde abhuka-a, engú bini, mʉ suno kulu kulu-o de-e, amba nabhuka gba mʉ-o kukuo.

¹⁸ Engú bini, kpála ti da napa me: «Okpála koko aha lio pi nabhuka, okoko aha lio pi kulu.» Li kpála pa mo-o, ma gie pi ani me: «Suno mʉma, lele pi mʉ ti da nadʉ lie ne nabhuka me mʉ nde mene kulu kulu-o de-e! Ngama la di-e, ma asúno nabhuka gba ma-a pi mʉ bhú namene kulu ango-o.» ¹⁹ Ngayi-e, yi ngabhuka me koli Ebhe bha bini. A ndjindji naali. Osisiti bua ngabhuka bhadi moko. La di-e, u ngagukʉ ne tsʉlʉ.

²⁰ Yi ne ongingi! Yi akúnda me u suno pi yi me nabhuka inde li kulu kulu nde lie ade-e padhá-a? ²¹ Lele pi li ogbi ni Abalahama akolo nani lie ngingbili bhú djila Ebhe-e? A ko nani li pápá na okulu gba ani-e di? Li nedhinga inde ani aha ndili gba e tsaka lie, ani atsia a'o ani li bili natsulu enʉ pi Ebhe-e? ²² Yi ngau me nabhuka, di ne okulu gba ani-e, adʉ nani adholo bhú dabili bini. Ka okulu gba ani-e, Ebhe atsia au me nabhuka gba ani-e abhele. ²³ Abhomʉ-o, eli inde li Bhuku gba Ebhe-e apa e-e, atsia amene lie. A ko eli inde apa me: «Abalahama abhuka Ebhe. Kaka-a, Ebhe atsia au ani me, a ko ngibili kpála .[†]» Ebhe atsia a'i la di ani me olia ni. ²⁴ Yi ngau me Ebhe ngaziba me kpála inde-e ngingbili li pápá na okulu gba e-o. A ko bha bini ka nabhuka kpi e kpi de.

²⁵ A bhadi si maka Lahaba, ele inde adʉ akúnda obhosí ngangá-o. Ebhe aziiba nani me a ko kpála na ngingbili ka okulu gba ani-o.

Padhá de, anga aní asia naní okpála ìnde li omañsalaele atima naní o agba e. Aní atsia amene la di me u gie lio li kpadjí koko.

²⁶ A moko. Maka li ewo du lie bhú kute de-e, amba kute bhomú-o kukuo, a bhadi moko, li nabhuka du ne kulu bhú e de-e, amba nabhuka ango-o kukuo.

3

Ní lila 'mi ní malila

¹ Ondaise ma, bhelé na okpála bhú ká yi agíli nadu omusuno de. Padhá de, anga a ayo me yi mbila ndjindji me Ebhe akódho 'ngú gba ní omusuno-o kpekpeke naali ané okpála koko mane. ² Ndu ní hana ní ngati bhú ongú bhelé. I du me kpála nde ti bhú engú ìnde aní ngagama e de-e, amba kpála ango-o abhele. Aní ti da nadu ne angu pí 'ndji kute e libhomu. ³ I du me ní nde ato mboye kalase bhú 'bhé opunda ngubula me ní to bhúla uo li pápá ìnde ní ngakunda e, ní ti da namene di ne kute uo libhomu maka ní akunda lie. ⁴ Yi tsia nga ongbengbe zabu. A ngbengbengbe. Anvi na kpekpeke ngatutumba ngae. La-a, mboye 'he masudha ìnde ngalili bhúla 'ngbé zabu-o ngadjidji ngae. Li zabu-o tsia nü li pápá ìnde li kpála nadjedjele ngakunda e ko. ⁵ A bhadi moko pi emi. A ko mboye ehe masudha bhú kute. Engú bini, a ngabhi 'kpa e pi 'ka e li ongú na ngbengbengbe.

Yi tsia nga me ne mboye dhegu djua masudha, u ti da natsulu 'ngbé gbendé na ngbéngbé! ⁶ Emi bhadi maka djua, a ko dabili gba siti-o. A ko súka yá ní, a la di ngasiti kute ní libhomu. Djua na likabhu na dudu ma pi 'mi ní. 'Mi ní la di ngatsulu mukobho gba ní-e libhomu ne djua ango-o. ⁷ Kpála-kuti ne angu ngú na'o mboli li ndu djua oenú na bili hana, abana oedhu, onu ìnde ngagbele lio ne 'bu o, abana osungu. Aní a'o la bhadi mboli li uo a'o. ⁸ Engú bini, kpála-kuti ne angu ade

ngú na'o mboli li 'mi e. Emi ne ehe na sisiti. A tili naali. A abedhe la di ne sili na bhóle kpála bhú e bedhe!

⁹ Bha ne emi bini bhomú-o, ní ngadhége Ngámá ìnde 'Dyí ní-o. La bhadi ne emi bini bhomú-o, ní sosobho okpála ìnde li Ebhe abho o maka e makpe ko. ¹⁰ Oeli na dhége di ne oeli natu pedjé-o, a ngaze bha bhú koli ebhé bini. Ondaise ma, a ayo mo-o de. ¹¹ Koli kpongú bini ti da nagbe engu na babadha, di ne engu na susu de. ¹² Ondaise ma, ndula na figi ti da nali lí ndula na olive uu? Ne me 'lá ndula na vino ti da nali lí ndula na figi uu? Kpongú na 'ngu ngutu ti da nagbe engu na babadha de.

İmbilangú ìnde ayie abhúlá

¹³ Kpála bhende na imbilangú, ìnde di aké mboli 'ngú bhú ká yi uu? A ayo me aní suno bhú dasundu gba e na babadha. Aní suno di bhú kulu ìnde aní ngamene e ne nako lie ne kuto di ne imbilangú. ¹⁴ Engú bini, i du me yi nde ne 'ngbé bua naali-e, di ne bua me o one okpála koko mane-e, yi 'o nabhi 'kpa yi pi 'ka yi ma'o. Yi asiti engú na kúkulú-o ne eu gba yi-e de. ¹⁵ Ngua imbilangú bhomú-o yie abhúlá de, a ko bhe na doto. A ko bhe na kute, a ko bhe gba kpála ìnde bhú e ne siti bua. ¹⁶ Padhá de, anga bili ìnde li okpála nde lie ne 'ngbé bua-a, bili u nde lie ne gümü nane okpála koko mane-e, oo-o, nadje lio dú-ú de. A adú bha bini oo ne ondu 'ngú hana bhe na sisiti.

¹⁷ Engú bini, imbilangú ìnde ayie abhúlá-a, a naae kpi hana. La di-e, a ne guo 'ngú, a ne bua na bhúbhukú, di ne namanga kpála. A abedhe di ne nadje ndjinga okpála koko, a ngazu obabadha nguwa. A ngau okpála koko ngbéngbé ane okoko mane ade, a la di ne kali bhú e ade. ¹⁸ Okpála bhende akunda guo 'ngú-o, maka okpála alulu 'dyí. Nguwa ìnde u alulu e, a ko guo 'ngú, a ngazu pi u ngbili 'ngú .

4

*Mu kunda engú na doto-o, amba
mu ne bhulu yala gba Ebhe*

¹ Okpekebhé di ne ogbele-e ngayie bhú ká yi su? A ngayie bhú osisiti gúmu na ndú 'ngú ngangá inde ngagú gbele bhú kute yi-o. ² Yi kúkúnda nasia ehe bini, engú bini, yi tí da nasisia de. Kaka-a, yi bedhe ngú nabhili okpála. Yi dudu ne gúmu na sisiti ngú nasia ehe bini, engú bini, yi tí da nasisia de. Kaka-a, yi ngamene kpekebhé, yi la di ngagú gbele. Yi sisia ehe inde yi akúkúnda e de. Padhá de, anga yi yoyo ka Ebhe de. ³ Belegú yi ayoyo lie, yi sisia de anga yi yoyo maka ayo lie de. Yi yoyo bha bini ehe inde i nganga li yi-o. ⁴ Ngayi obambakuya inde-e! Yi mbila de me nakúnda engú na doto-o, a ko nadú bhulu yala gba Ebhe-e di? Kpála bhende akúnda engú na doto-o, ani nga'o lie bhulu yala gba Ebhe. ⁵ A aye nani lie padhá de me: «Ebhe akúnda bua gba e inde ani a'o nani e bhú ní-e naali.»* ⁶ Engú bini, bádha bhú 'bu inde li Ebhe nde ne e pi ní-e, ane ne engbé. Kaka-a, u aye bhú Bhuku gba ani-e me: «Ebhe ne bhulu yala gba okpála na 'ngbé 'ndji,
engú bini, ani ne bádha bhú 'bu pi obhende ngaké lio ne kuto ko.†»

⁷ Kaka-a, yi manga Ebhe. Yi holo bhú 'dhú yi ka Djabulú kpekpeke, amba ani kpe yi tsutsu. ⁸ Yi dyudyo liyi de Ebhe masikpe, amba ani dyudyo di lie de yi masikpe. Ngayi okpála na siti 'ngú, yi vulú 'kpa yi! Ngayi okpála li bua o agbolo ngangá-a, yi vulú bua yi! ⁹ Yi mbila ndjindji me yi bhú likabhu. Yi ku 'gbá, amba yi lopolo liyi. A ayo me ezo gba yi-e dji lie, a akolo egbá, amba djali gba yi-e dji lie, a akolo likabhu. ¹⁰ Yi ke liyi bhú djila Ngámá ne kuto, amba ani tsia 'e'e yi ne abhúlá.

* **4:5** 4:5 Ebhe akúnda bua gba e inde ani a'o nani e bhú ní-e naali: U tí da napa matá me: «Bua inde li Ebhe a'o e bhú ní-e abedhe ne osisiti gúmu 'he.» † **4:6** 4:6 Tsia bhú Gbt. 3:34.

*Mo okódho 'ngú gba kpála koko
de*

¹¹ Ondaise ma, yi adú apa siti 'ngú li yi súnda yi de. Kpála bhende ngapa siti 'ngú li ndai e, i du di-e nakodho 'ngú gba ani-e, ani ngapa siti 'ngú bhomu-o li lili gba Ebhe, di ne nakodho 'ngú téte. Bhú nedhinga bhomu-o, ani ngamene lili ade, ani mangbo ngakodho 'ngú téte. ¹² La-a, Ebhe aha lili ngae makpe. Ani tí la bhadi da nakodho 'ngú téte ngae kpi e kpi. Ngaani kpi e kpi, ani tí da nakobho kpála, di ne na'o me kpála kpi. Ngamu-o, mu la naamu ne da, mu ngakodho 'ngú gba kpála koko lie?

Yi adú ne 'ngbé 'ndji de

¹³ Yi dje nga ma mbia inde, ngayi okpála bhende ngapa me: «Naki, i du di-e mambi, ya anú bhú gudhú bhe. Ya así oo kalanga bini. Ya atsíndji 'he, ya tsia sía falanga.» ¹⁴ La-a, yi mbila de me mukobho gba yi-e adú mambi pi-ie de! Padhá de, anga yi maka nguwa inde ngau lie ngubula nedhinga bedi, pipita-a, u u matá-a de ko! ¹⁵ A ayo mangbo me yi pa me: «I du me Ngámá nde akúnda-a, ya adú bhú mukobho. Ya tsia méne engú inde, i du mo-o de-e, ya méne engú koko.» ¹⁶ Engú bini, mbia inde-e, yi ne okpála na 'ngbé 'ndji. Yi la di ngabhi 'kpa yi pi 'ka yi. Ndú ngua ongbengbe 'ndji bhomu-o hana sisiti. ¹⁷ Kaka-a, li kpála mbila namene bádha 'ngú-o, engú bini, ani mene la bádha 'ngú ango-o de-e, amba ani amene siti 'ngú.

5

Ngayi obhulu tia-a, yi ku 'gbá

¹ Ngayi obhulu tia-a, yi dje nga ma mbia inde! Yi ku 'gbá, amba yi tu di 'ue ka olíkabhu inde akólo li kute yi ko! ² Tia gba yi-e azi. Okéké azu la di obongo gba yi-e azu.

³ Olo gba yi, la di ne aladja gba yi-e agba mbelende. Mbelende ango-o a'ó 'ngú pí yi ngae. Mbelende azú la di kute yi maka djua. Yi apo ibili bhúla tia gba yi-e mbia inde-e ali sokpí! ⁴ Yi ayala na ha tia pi okpála na kulu inde ngamene kulu bhú 'dyi gba yi-o. Kaka-a, u ngalopol o lio. La di-e, Ngámá na abhúlá, Angbamili adje nalopol o lie gba uo-o adje. ⁵ Píla doto-o, yi adu bhú ká tia, yi atsia adu akobho ndjindji naali. Yi akolo ne tsikpa maka oenú inde akolo ne tsikpa ngubula ekpí inde u abhéle uo lie ko. ⁶ Yi a'o mangimbo pí kpála na ngingbili-o. Yi atsia abhéle la di ani. La-a, ani lu kala yi ne gbele de.

Yi du ne 'ndjá bua, anga Ngámá ngago

⁷ Kaka-a, ondaise ma, yi du ne 'ndjá bua akólo bha bini li 'kpí inde li Ngámá agó lie ko. Yi tsia nga kpála inde ngalu 'dyi-o. Ani ngadjek nguwa inde ane ne bádha-a ne 'ndjá bua. Ani ngadjek bhadi nedhinga inde li ebha na kalanú, di ne bhende na soso-o adhí lie-o. ⁸ Ngayi di-e, yi du ne 'ndjá bua. Yi du ne masi. Padhá de, anga nago gba Ngámá-a akolo masikpe. ⁹ Ondaise ma, yi apá siti 'ngú li yi súnda yi de, amba u akódho 'ngú gba yi-e de. Padhá de, anga kpála nakodho 'ngú-o alu li obhèbhoti. ¹⁰ Ondaise ma, opolofeta inde akpokpo nani 'ngú ne li Ngámá-a, abi nani likabhu ne 'ndjá bua. Yi kpata engú inde u amene e-o. ¹¹ Ní ngapa me okpála bhomú-o, a ko okpála na djali. Padhá de, anga u adu bhú likabhu ne kpéke bua. Yi adje maka li Djobe abi nani likabhu lie ne kpéke bua-o. Yi atsia au la di ehe inde li Ngámá aha e pi ani ali soso-o. Padhá de, anga Ngámá abedhe ne ndjinga, la di ne bua na babadha.

¹² A ane la mane ondaise ma, yi atú silika de. Yi atú silika ne li kokpí de. Yi atú silika ne li doto de. Yi atú di silika ne li 'he koko belegu de bini. I du me a nde mo-o, yi de

pa bha me: «A moko.» I du la di me a nde mo-o ade-e, yi de pa bha me: «A mo-o ade», ngubula me yi asia mangimbo ka Ebhe de.

Nayo gba kpála na ngingbili-e, a ne angu naali

¹³ Bhú ká yi-e, kpála bini bhú likabhu uu? A ayo me ani yo Ebhe. Bhú ká yi-e, kpála bini ne djali uu? A ayo me ani dhögø Ngámá bhú oetsi. ¹⁴ A li kpála bini bhú ká yi ne kuo uu? A ayo me ani 'i obhelesi okpála na Piga gba Ebhe. U yo Ebhe ngubula ani, amba u tuko la di emú pí 'ndji ani ne li Ngámá. ¹⁵ I du me u nde ayo bhú dabili bini ne nabhuka-a, li nayo ango-o kóbho kpála na kuo-o, li Ngámá 'é ani bhúlá. I du me ani nde amene siti 'ngú-o, li Ebhe tsia 'é siti 'ngú ango-o. ¹⁶ Kaka-a, yi mbamba ta osisiti 'ngú gba yi-e súnda yi. Yi yo Ebhe ngú yi súnda yi, amba okuo gba yi-e yie. Nayo gba kpála na ngingbili-e, a ne angu naali. ¹⁷ Eliya nani ne kpála-kuti maka ní. Ani ayo nani Ebhe ne bua e hana ngubula me ebha adhí-i de. Ebha tu píla doto belegu de bini, ngubula kalanga bata ne epe madhia. ¹⁸ Pipita-a, ani ayo matá Ebhe. Abhomú-o, ekpí atse 'kpa li ebha kuto, doto atsia aholo di nazu nguwa gba e-o.

Yi gie kpála inde a'o ká ngbili kpadiji-e li kpadiji na kükülu

¹⁹ Ondaise ma, kpála bini bhú ká yi ti da na'o ká ngbili kpadiji. Pipita-a, li kpála koko tsia gie matá ani li kpadiji na kükülu. ²⁰ Yi mbila ndjindji me kpála inde agie kpála bini na siti 'ngú, inde a'o ká ngbili kpadiji li kpadiji na kükülu-o, ani akóbho bua kpála bhomú-o bhú kuo, ani tsia méne me u mbu li bhití osisiti 'ngú gba kpála bhomú-o.

Balua na bini gba Piele Eli na kalanu

Piele aye nani balua na bini gba e pi omakilisito inde u a'i o li bili inde me okpala inde nani li Ebhe abhu o. Okpala ango-o atsambala nani bhú Adji Minele, ali pápá na abebe. Engú na ngbéngbé inde bhú balua inde-e, a ko nato masi bhú okpala inde ngatatanga. Padhá de, anga u adu nani ato mbolo li uo, kabula nabhuka gba o-o. Ani aye balua ango-o ngubula naha Bádha Ngali gba Yesu Kilisito pi uo, inde nakpi, ne nazuku gba e ngaha pi okpala na'o 'to o 'to engú inde ani apa me ni améne e nedhinga nago ka ni ko. Nau ongú bhomu-o, uo ne kpadji koko ade, a ayo bha me u ziba nakibila olíkabhu ne nambila ndjindji me, a ko nale inde u ngale uo ne e bhú nabhuka gba uo na kúkulú-o. A ko la di me, u ásia makalá li 'kpí inde li Yesu Kilisito ago lie (1:7).

Bhú nato masi inde li Piele ato e bhú okpala bhú nedhinga na likabhu-o, ani aha di lili pi okpala inde ngatanga balua inde me: u kobho maka okpala gba Kilisito.

Ongbengbe ongú inde bhú bhuku inde-e ngae inde:

Eli na kalanu 1:1-2

Nagama matá 'ngú ne toto pindji mukobho inde li Ebhe ngaha e 1:3-12

Lili pindji mukobho na bubu 1:13 - 2:10

Ongú inde a ayo me makilisito mene e bhú nedhinga na likabhu 2:11 - 4:19

Namene kulu ne nake li o ne kuto ka makilisito 5:1-11

Eli na soso 5:12-14

Piele yi omabhuka inde agbongbolo ne bili-e mayi

¹ Ma aye balua inde-e pi yi ngama Piele, ma ne bhulü titima gba YesuKilisito . Ma aye pi yi okpala inde li Ebhe abhu o, ngayi okpala inde ngadu maka ogandji okpala bhú kuti koko, ngayi inde atsambala bhú ondu doto na Pote, ne Galatia, ne Kapadose, ne Adjia di ne Bitinia-o.

² Ebhe 'Dyi ni abhu nani yi bhutode maka ani aleke nani engú ango-o lie-o. Ani alo yi li kpadji gba Bu Bhopua , ani a'o yi kpi ngú nadu piga gba e, ngubula me yi du namanga Yesu Kilisito, amba ngute ani vulu yi ngú nadu bubu kala ni. A ayo me bádha bhú 'bu gba Ebhe-e du ne yi, amba ani ha di guo 'ngú pi yi ane mane.

Piele adhègè Ebhe, anga ani akóhbo omabhuka makobho

³ A ayo me ni dhègè Ebhe, 'Dyi Ngámá gba ni Yesu Kilisito. Padhá de, anga ani abedhe ne ndjinga pi ni bedhe, ani atsia aha mukobho na mbia pi ni bhú nazuku Yesu Kilisito bhú ká okpala inde amu-o. Kaka-a, ni abhele djila ni li ani me ni azúku di mazuku. ⁴ Ni ti la di da na'o 'to ni 'to tia inde li Ebhe awo e pi ni opiga gba e-o. Ani awo tia ango-o pi ni abhulá. Tia ango-o zizi de, a sisiti de, a pádha la di i de. ⁵ Nganí okpala inde abhuka Ebhe-e, ani ngalila ni ne angu gba e, ngubula me ni sia mukobho na duduwa ango-o. Mukobho ango-o asúno lie li sokpi.

⁶ Ka ongú ango-o, yi kpi djali, abana ayo lie me yi zu olíkabhu mbia inde-e li okpadji ngangá ngú nedhinga bedi-o. ⁷ Belegu olo inde asisiti masiti-e, okpala tsutsulu ngaiza bhú djua ngú naleleke me a kolo ndjindji. A si la masi maka nabhuka gba yi-e ane olo lie mane-e?

Yi ngazu olíkabhu bhomu-o ngubula me okpala mbila me a li nabhuka gba yi-e ne tata. A badi moko ne nabhuka gba yi-o. Ebhe améne mo-o ngú namene me, kabula nabhuka gba yi-e, ani toko yi, ani dhègè di yi, ani mene di me 'li yi kolo ngbéngbé

li 'kpí li Yesu Kilisito asúno lie lie bhú sangu gba e-o. ⁸ Belegü yi u ani lie de-e, yi ne mukunda pi ani. Abana yi nde lie ngau ani ade-e, yi ngabhuka ani. Kaka-a, yi ngakpi djali naali, djali inde li kpála ti da nakpokpo lele e de, ⁹ anga yi asia makalá na nabhuka gba yi-e masia. Makalá ango-o, a ko li bua yi akóbho lie-o.

¹⁰ Nani kalanu-o, opolofeta agili má bhotobhoto me o mbila kpadji li Ebhe akóbho okpála lie-o. U adu akpokpo 'ngú kalanu pi okpála pindji bádha bhú 'bu inde li Ebhe a'o nani e pi yi-o. ¹¹ Bua gba Kilisito inde adu bhú uo-o apa pi uo kalanu me, Kilisito azú likabhu. Pipita, ani tsia sia sangu gba Ebhe-o. Opolofeta ango-o agili nambila me ongú bhomu-o akódho 'kpí nadho. U atsia agili di nambila me a adú lele pi. ¹² Ebhe atsia asuno pi opolofeta bhomu-o me ongú ango-o kódho 'kpí bhú nedhinga gba uo-o de, engú bini, akódho mangbo 'kpí bhú 'kpí gba yi. Mbía inde-e, okpála inde ngakpokpo Bádha Ngalie, akpokpo ongú bhomu-o pi yi akpokpo. U akpokpo pi yi ne angu gba Bu Bhabua inde li Ebhe atima e-o. Belegü oandjelu, u akunda nau ongú ango-o.

Piele apa pi omabhuka me u du bubu kala Ebhe

¹³ Kaka-a, yi du bedhe ndu 'kpí hana. Yi bhulu djila yi, yi 'o 'to yi libhomu 'to bádha bhú 'bu inde li Ebhe ahá e pi yi li 'kpí li Yesu Kilisito asúno lie lie bhú sangu gba e-o. ¹⁴ Yi manga Ebhe maka ongisi na babadha. Yi akpáta matá kpadji na sisiti inde nani yi adu nakpata e kala me yi nde mbila Yesu Kilisito de-e de. ¹⁵ Engú bini, yi du bubu bhú mukobho gba yi-e libhomu, maka li Ebhe inde a'i yi-e nde lie bubu-o. ¹⁶ Padhá de, anga u aye bhú Bhuku

† 1:16 1:16 Tsia bhú Lev. 19:2.

gba Ebhe-e me: «Yi du bubu, anga ma bubu.[†]»

¹⁷ Nedhinga yi ngayo Ebhe lie, yi nga'i ani me «'Dyi ní». Padhá de, anga ani ngakodho 'ngú gba okpála nakpata lele kulu gba kpála ne kpála. Ani tsia la di bhála kpála bini de. Kaka-a, nedhinga yi nde nga bha lie píla doto-o, yi manga ani bhú ndu 'ngú hana inde yi ngamene e-o. ¹⁸ Yi mbila ndjindji maka li Ebhe agbegbe yi lie li kpadji ndu ongú hana na padhá padhá inde li odyi yi apana e pi yi-o. Ebhe kala yi ne ehe inde ngasiti masiti maka aladja, i du di-e olo de. ¹⁹ Engú bini, ani akala yi ne ngute Kilisito inde ane ndu 'he hana-o, Kilisito maka ndili kandele inde aha mukobho gba e, u atsia abhele e-o. Ani bubu kala Ebhe, ehe na sisiti bhú ani belegü ade bini. ²⁰ Ebhe abhu nani ani ngú nakpi li 'ngú gba okpála kala me ani bho doto, la mbia inde-e, ani atsia asuno ani bhú onedhinga na soso inde-e mbámbá ngubula me ani kobho yi. ²¹ Kabula Kilisito-o, yi abhuka Ebhe inde azuku ani bhú ká okpála inde amu-o, ani atsia aha sangu pi ani. Kaka-a, yi nga'o nabhuka gba yi-e bhú Ebhe, yi la di nga'o 'to yi 'to ani.

²² Yi avulu bua yi avulu ngú nadu ne mukunda na kúkulu sunda yi. Yi avulu bua yi ango-o li kpadji nakpata ongú na kúkulu inde li Ebhe asuno e pi yi-o. Ka 'ngú ango-o, ma apa pi yi me, yi du ndu 'kpí hana ne mukunda na kúkulu sunda yi di ne bádha bua. ²³ Yi mbila ndjindji me Ebhe aha mukobho na mbia pi yi li kpadji na eli gba e na dudu'ma, inde di ngaha mukobho pi okpála-o. Ebhe inde i kpikpi de-e aha mukobho ango-o pi yi ngae makpe. Yi sia mukobho ango-o ka odyi yi inde amú mamu-o de. ²⁴ Padhá de, anga u aye bhú Bhuku gba Ebhe-e me:

«Ndú okpála hana ngamu maka ulu a'u'ulü lie-o.

Bádha gba kpála-kuti ngandjia maka bádha gba felele and-jindjia lie,
i du me a nde anuku-o.

²⁵ Engú bini, eli gba Ngámá-a ngadu dudu ma ne dudu ma.[†]

Eli ango-o, a ko Bádha Ngali inde u akpokpo e pi yi-o.

2

Piele apa me omabhuka du maka teme na mukobho

¹ Yi bala ndu sisiti 'ngú hana kabula mukobho na mbia inde li Ebhe aha e pi yi-o. Yi apite kpála bini de, yi adú amene engú na kali de, yi adú ne gumu 'he gba kpála de, yi adú di apa 'ngú li okpála koko sisiti de.

² Yi du maka ongisi u azu o na mbia, inde ndu 'kpí hana ne gumu nandji 'ka. Yi du bhadi ne gumu Eli gba Ebhe-e moko ngubula me yi bhele, akólo li ekpí li Ebhe akóbho yi lie libhomu-o. ³ Yi du bha ne gumu eli ango-o na paká paká, anga yi ambila bádha 'ngú inde li Ngámá ngaha e li bua yi ambila.

⁴ Yi dyudyo liyi de Ngámá Yesu Kilisito masikpe, a ko teme na mukobho, inde li okpála abhike nani e ne 'ili me a li kulu ade-o. La-a, bhú djila Ebhe inde alo nani teme ango-o, ani atsia au me a li kulu ane ndu oteme koko hana. ⁵ Ngayi makpe-e di-e, yi du maka teme inde na mukobho, amba Ebhe ha yi, ani tsia yiki eti gba Bu Bhabua ne yi maka 'ngbé 'ti Ebhe gba omaYudo-o. Bhú 'ti ango-o, yi akólo piga gba odimande inde aha lio pi Ebhe, ngubula naha makiso na Bu Bhabua, inde ndjindji pi Ebhe li kpadji gba Yesu Kilisito. ⁶ Padhá de, anga u aye bhú Bhuku gba Ebhe-e me:

«Yi gbo nga 'dje yi, ma alo teme bini na mase,

ma a'o bhú gudhu na Siona maka teme inde abi eti-e libhomu.

Kpála inde aziba teme ango-o sia nnumu belegu de bini.[†]

⁷ Pi yi okpála inde abhuka-a, teme ango-o pi yi li kulu ane ndu oteme koko hana. Engú bini, pi okpála bhende i bhuka de-e, a mo-o ade. Padhá de, anga u aye bhú Bhuku gba Ebhe-e me:
«Teme inde li okpála nayiki eti-e abhike e-e, akolo teme inde abi eti-e libhomu ngae.[†]

⁸ U aye matá di bhú Bhuku gba Ebhe-e me:
«Okpála ngado 'dhú o li teme ango-o,

i tsia méne me u gu 'i o kuto.[†]

U ngado 'dhú o téte, anga u ayala nakpata 'li Ebhe, Ebhe apa nani bhutode me a méne lie mo-o.

⁹ La pi yi-e, yi ne piga inde li Ebhe abhu o-o. Yi ne piga gba odimande inde ngamene kulu pi 'ngbé Ngámá Ebhe. Yi ne piga okpála inde li Ebhe a'o o kpi pi e. Ani abhu yi ngubula me yi kpopko ongbengbe 'ngú inde ni amene e pi okpála. Ani a 'i yi me yi ze bhú biti, amba yi go li zi 'ke gba ni inde ngatsi ane ndu 'he hana-o.

¹⁰ Nani kalanu-o, yi du ne okpála gba Ebhe de, engú bini mbia inde-e, yi akolo okpála gba ani. Nani kalanu-o, yi sia ndjinga gba Ebhe-e de, engú bini mbia inde-e, yi asia ndjinga gba ani asia.

Piele aha líli pi omabhuka pindji lele namanga lio, di ne namanga Ebhe

¹¹ Ondaise ma na mukunda, yi mbila ndjindji me yi píla doto ei ne ogomago. Kuti gba yi-e píla doto inde-e ade. Kaka-a, ma ayo ka yi me, yi adú améne osisiti 'ngú li gumu e nde li bua yi-e de, anga ongú bhomu-o ngazu bili li bhabua yi ngae. ¹² Yi mene ehe liyi bhú ká omugagano ndjindji ngubula me, abana u du apa 'ngú li yi sisiti-e, u de u obabadha 'ngú inde yi ngamene e-o, amba ekpí li Ebhe asúno lie pi uo lie, u de dhögé ani.

[†] 1:25 1:25 Tsia bhú Isa. 40:6-8. [†] 2:6 2:6 Tsia bhú Isa. 28:16. [†] 2:7 2:7 Tsia bhú Ets. 118:22.

[†] 2:8 2:8 Tsia bhú Isa. 8:14.

13 Yi ke liyi ne kuto kala ndu okpála hana inde ngaú píla doto, kabula Ngámá gba ní Yesu Kilisito inde yi ngakpata nganda e-o. Yi ke liyi ne kuto kala ongbengbe ongámási na doto inde ngaú pí ndu okpála hana-o. **14** Yi ke liyi ne kuto kala oguvelenele inde li 'ngbé ngámá a'o o-o. Ani a'o uo ngubula me u mene okpála inde ngamene siti 'ngú-o kpekpeke, di ne me u dhégo obhende ngamene bádha 'ngú-o. **15** Padhá de, anga Ebhe akunda me yi gbite 'bhe ngingi 'ngú gba okpála inde ayala nambila Ebhe-e ne namene bádha 'ngú. **16** Yi mene ehe liyi maka okpála inde bhú bali ade. Engú bini, yi apá de me, o nde lie bhú bali ade-e, o mene siti 'ngú bhú gandji-e de. Yi mene mangbo liyi maka obalise gba Ebhe. **17** Yi manga ndu okpála hana. Yi du ne mukunda pi ondaise yi bhú 'bu nabhuka . Yi manga ongbengbe ongámási mamanga. Yi dhégo Ebhe.

18 Ngayi obalise-e, yi ke liyi kala omakúasi yi ne kuto. Yi manga uo ndjindji. Yi amánga bha bini obhende na bhukú 'ngú-o de, inde ngamene yi ndjindji-e de, yi manga di obhende ngamene yi sisiti-o. **19** Padhá de, anga Ebhe ngasuno bádha bhú 'bu pi kpála inde ngazu likabhu sakpa okpála koko padhá me ani nde mene siti 'ngú de, li ani tsia kíbila likabhu ango-o kabula li Ebhe. **20** Yi du azu bhikpa ka siti 'ngú yi amene e, a dhégo yi téte da? Engú bini, i du me yi nde ngazu likabhu sakpa okpála koko kabula bádha 'ngú inde yi amene e, li yi kíbila likabhu ango-o, a ko bádha 'ngú bhú djila Ebhe. **21** Ani a'i yi me yi mene moko, anga Kilisito azu bhadi likabhu pi yi moko. Ani apana kpadji pi yi, amba yi mene bhadi maka ní.

22 Ngaani-e, ani mene siti 'ngú de.
Ani pa eu belegú de bini.[†]

[†] 2:22 2:22 Tsia bhú Isa. 53:9.

23 Li okpála asobho ani lie, ani gie sobho pi uo de.
Abana u ato mbolo li ani lie, ani gú okpála ango-o de.
Ani a'o mangbo lie sakpa Ebhe inde ngakodho 'ngú ngbingbili-o.
24 Ani abha sisiti 'ngú gba ní-e, ani atsia abi li kute e.
Ani abi siti 'ngú ango-o nedhinga u abhele ani lie li kulusi ngubula me,
ní du maka okpála inde amu li pápá na siti 'ngú amu,
di ne me ní du mangbo bhú mukobho inde ngbingbili.
Yi akobho ka oeka li ani abi e-o.
25 Padhá de, anga yi du nani maka okandele inde angita.
Engú bini, mbia inde-e, yi agie liyi agba mulila, inde ngalila bua yi-o.

3

Lele dasundu sunda olisi ne obhosí

1 Ma ngapa di pi yi olisi moko, yi ke liyi kala obhosí gba yi-e ne kuto da napa me abana li bini bini bhú ká uo bhuka 'li Ebhe de-e, u de dji bua o ka nau lele mukobho gba yi, abana yi pa 'ngú pi uo pindji eli gba Ebhe-e de-e, **2** u de bhuka kabula nau me lele dasundu gba yi-e ndjindji, yi la di ngamanga uo. **3** Yi adu bha bini aleke kute yi akilidjo de, abana i du bhú napulu sundjo yi, abana i du nadyi omagege na olo, abana i du di-e bhú nadyi obongo bhe na mase naali. **4** Engú bini, yi leke mangbo liyi bhú naleke bua yi. Yi ke liyi ne kuto, yi du di ne guo 'ngú . Padhá de, anga a bhomu-o bádha bhe i zizi de-o, a nganga li Ebhe naali. **5** Olisi na kalanu inde adu akpata Ebhe-e, inde adu di na'o 'to o 'to ani-e, adu nani aleke li ne ngua bádha kulu bhomu. U adu la di namene líli gba obhosí gba o-o. **6** Yi bhundja nga pindji Sala. Ani adu amene nani líli

gba 'ko e Abalahama ndjindji. Ani adu a'i ani me ngamá gba ni. Yi ne ongisi na olisilisi gba Sala na paká paká, i du me yi nde ngamene bádha 'ngú, yi nde 'o la di de me tsulu ha angu yi de-o.

⁷ A bhadi moko pi yi obhosí, a ayo me dasundu gba yi ne olisi gba yi-e du ndjindji. Yi mbila ndjindji me uo bhébhéku ane yi. Yi manga uo mamanga, anga mukobho inde li Ebhe ahá e pi yi bhé bádha bhé 'bu gba e-e, ani ahá pi ndu yi ne uo hana. Yi mene mo-o, ehe bini ní kpadji kala mayo gba yi-e de.

Lele dasundu gba omabhuka

⁸ Ngú nabu tata-a, yi du ndu yi hana ne bua bini, yi du amene bádha 'ngú li yi sonda yi, yi du ne mukunda sonda yi maka ondaise . Yi du ne ndjinga sonda yi, yi ke la di liyi sonda yi ne kuto. ⁹ Yi agié siti pi siti de, i du di-e sobho pi sobho de. Li kpála sobho yi-e, yi agié sobho pi ani de, engú bini, yi yo mangbo Ebhe me ani tuko bisagu pi ani. Padhá de, anga nedhinga li Ebhe a'i yi lie me yi du piga gba ni-e, ani apa nani pi yi me ni atuko bisagu pi yi. ¹⁰ A maka u aye lie bhé Bhuku gba Ebhe-e me:

«Li kpála kunda me mukobho gba
ni-e du ndjindji-e,
ani kunda la di me ni du bhé
djali-e,

a ayo de me ani du apa siti 'ngú-o
de,
a ayo la di de me ani du apa eu-o
de.

¹¹ A ayo me ani dji 'ngbu e li siti 'ngú,
ani mene mangbo bádha 'ngú.

Ani gili guo 'ngú ne kekele hana.

¹² Padhá de, anga Ngámá ne djila e
li okpála inde ngamene ngibili
'ngú,
ani bedhe ngú nadje mayo gba
uo.

Engú bini, ani ngadji 'ngbu e li
okpála bhende ngamene osi
'ngú-o.[†]

[†] 3:12 3:10-12 Tsia bhé Ets. 34:13-17.

Piele apa me omabhuka kibila likabhu me u nde ngamene bádha 'ngú

¹³ I du me yi nde nga'o bua yi hana li namene bádha 'ngú-o, a ko da inde améne yi sisiti-e? ¹⁴ Yi du ne djali nedhinga yi ngazu likabhu lie ka bádha 'ngú inde yi ngamene e-o. Ka 'ngú ango-o, yi adu ne tsulu okpála inde ngakunda namene yi sisiti-e de, bua yi abáka di-i de. ¹⁵ Yi dhége mangbo Kilisito li bua yi maka Ngámá gba yi. Yi du bedhe ndu 'kpí hana ngú nakpokpo 'ta yi nga'o 'to yi lie 'to Kilisito pi okpála bhende ngayi yi téte-o. ¹⁶ Engú bini, yi kpokpo ne bhéku bua, amba yi manga la di uo mamanga. Yi mene ndu 'kpí hana engú inde yi au e li bua yi me a ndjindji-o, amba okpála bhende ngapa 'ngú li yi sisiti-e, sia námu nedhinga u ngasobho bádha kulu yi ngamene e kabula 'li Kilisito lie-o. ¹⁷ Padhá de, anga yi sia likabhu ka siti 'ngú inde yi ngamene e, engú téte ade. La-a, yi sia likabhu kabula bádha 'ngú inde yi ngamene e, i du me Ebhe nde aziba mo-o, bhabhomu-o ane ne bádha ngae.

¹⁸ Padhá de, anga Kilisito adjé di likabhu kabula siti 'ngú gba ní-e bhétsibhetsi bini má ngbi! Ngaani kpála inde i mene siti 'ngú de-e, ani akpi ngubula nakobho ní okpála inde ngamene siti 'ngú-o, ngubula me ani mba bhéla ní agba Ebhe. Okpála abhelo ani bhé kute, engú bini Ebhe atsia azuku ani li kpadji gba Bu Bhabua .

¹⁹ Ka angu gba Bu Bhabua bhomu-o, ani atsia anu belegu di nakpokpo Bádha Ngali gba Ebhe-e pi obua inde amu inde bhé tikpu-o. ²⁰ A ko bua okpála inde ayala nani nadji bua o nedhinga li Nua adu abho 'ngbé zabu lie-o. La-a, Ebhe adjéke nani uo ne 'ndjá bua. Okpála inde li engu-o akobho nani o-o, u du bhelé de. A adu bha nani okpála madjina

padhá inde a'u'u nani bhú zabu-o. ²¹ Engu bhomu-o, a ko kulu batisimo. Ebhe ngakobho yi mbia inde-e li kpadjí na batisimo bhomu. Batisimo ango-o ngubula na'e zibotu na kute ade, engú bini, a ngubula naha lio libhomu pi Ebhe ne bua nambila ngbili 'ngú. Ebhe ngakobho yi li kpadjí na batisimo ango-o ka li Yesu Kilisito azuku lie-o. ²² Ani atapa abhúlá, ani adu de Ebhe li pápá na kokpa. Ani ngaú pi 'ndjí oandjelu di ne pi 'ndjí ndu obua hana inde ne angu abhúlá oo-o.

4

A ayo me omabhuka mene engú li lele mukobho na mbia

¹ Ní mbila ndjindji me Kilisito adje likabhu bhú kute. Kaka-a, ngayi di-e, yi du bedhe ngú likabhu maka ani. Padhá de, anga kpála inde adje likabhu bhú kute-e, a'o namene siti 'ngú a'o. ² Nayie pi mbia inde-e, nedhinga hana inde yi améne e píla doto-o, a ayo me yi mene bhú mukobho gba yi-e engú inde li Ebhe akunda e-o. Yi améne engú na sisiti inde li bua yi ngakunda e de. ³ Padhá de, anga yi abala nako nedhinga gba yi-e bheldé bhú namene engú li omupagano amemene e-o. Yi améne matá mo-o de. Yi adu nani akunda olisi di ne obhosí ngangá, gumu kute aha di nani angu yi maha. Yi adu abhóle kuo yi ne pandi, yi adu apo bhúla yi ngú nandji pandi, yi adu adho 'bi na sisiti. Yi adu di amene engú inde ayo la ndju nako de me yi mene e de-o, anga yi adu adhégé oebhe na eu.

⁴ La mbia inde-e, omupagano ngangamba, u la di ngasobho yi, anga yi kó matá nganda uo bhú siti 'ngú inde u ngamene e na mugwe mugwe-e de. ⁵ Engú bini, ekpí akólo makolo. Li 'kpí ango-o, u akpókpo 'ngú gba o-o kala Ebhe inde bedhe ngú nakodho 'ngú gba okpála inde uu, di ne okpála bhende amu-o. ⁶ Ka 'ngú ango-o, Kilisito anu nani belegu

nakpokpo Bádha Ngali pi okpála inde amu-o. Ani akpokpo pi uo ngubula me, maka li Ebhe akodho 'ngú gba okpála hana lie, ngau di-e, Ebhe akódho 'ngú gba uo-o nakpata lele maka u adu nani lie píla doto, amba u du bhú mukobho maka Ebhe li kpadjí gba Bu Bhopua .

Piele apa me omabhuka mene kulu ne makalá u asia e ka Ebhe-o

⁷ Sokpí akolo masikpe. Kaka-a, yi du ne bádha mabhundja, yi bhulu djila yi, amba yi du nayo Ebhe. ⁸ Kala ndu 'ngú hana-a, yi du ne mukunda na paká paká sunda yi, anga bhophomu-o méne me yi mbu li bhati osisiti 'ngú li okpála koko ngamene e-o. ⁹ Yi sia okpála inde ngago agba yi-e ndjindji. Yi asia uo ne nadi mutokono de. ¹⁰ A ayo me yi teteke liyi ne makalá inde li Ebhe aha e pi yi bhú bádha bhú 'bu gba e-o. Yi mene mo-o, yi du maka obabadha okpála inde ambila namene kulu ne makalá li Ebhe aha e pi yi kpi kpi kpi-o. ¹¹ A ayo me kpála inde asia makalá nagama 'ngú-o, kpokpo oeli gba Ebhe-o . A ayo me kpála inde asia makalá namene kulu pi okpála koko-o, mene ne angu li Ebhe aha e pi ani-e hana, amba bhú ndu 'ngú hana-a, okpála dhégé Ebhe ka Yesu Kilisito. Padhá de, anga ndu okpála hana ngadhégé Ebhe, ndu angu hana sakpa ani dudu ma ne dudu ma. A adu moko!

Piele apa me omabhuka kibila likabhu ka li Kilisito

¹² Ondaise ma na mukunda, yi angamba ka okpekpeke da 'ngú yi ngali bhú e de. Ongú bhomu-o ngakolo li yi ngubula nambila lele nabhuka gba yi-e nde lie-o. Yi abhündja de me a ko ongú koko kpi-e de. ¹³ Engú bini, yi kpi djali, anga yi ngabi bhomu-o té likabhu inde li Kilisito adje e, amba li 'kpí ani asúno sangu gba e lie pi ndu okpála hana-a, yi de bedhe di ne djali na kuo

kuo. ¹⁴ Yi du ne djali nedhinga li okpála nde ngasobho yi lie kabula 'li Kilisito-o. Padhá de, anga Bua na asasaua gba Ebhe-e ngadu bhú dabili bini ne yi. ¹⁵ I du me súka yi nde ngazu likabhu-o, adú de me ani amene siti 'ngú-o de. A ayo di de me ani zu likabhu anga ani abhølo kpála de, ne me ani azi 'he-e de, i du di-e me ani ali bhú 'ngú gba kpála koko-o de. ¹⁶ Engú bini, i du me kpála nde ngadje likabhu anga a ko makilisito-o, a ayo de me ani dje nümü tété-e de. Ani gie mangbo hení pi Ebhe, anga a ko kpála ka Kilisito.

¹⁷ Nedhinga akolo, nedhinga inde li Ebhe akódho 'ngú gba okpála lie-o. Yi mbila la me, ani akpó lita nakodho 'ngú ango-o li okpála gba e makpe. I du la mo-o, bhende gba okpála inde ngayala naziba Bádha Ngali gba Ebhe-e adú la ibili naae lele pi? ¹⁸ U aye bhú Bhuku gba Ebhe-e me:
 «I du me da nakobho ka okpála inde ngingbili-e nde kpekpeke-e, engú bhe gba okpála inde ngayala Ebhe, inde la di ngamene siti 'ngú-o, adú la ibili lele pi?†»

¹⁹ Kaka-a, okpála bhende ngadje likabhu anga Ebhe aziba mo-o, nü ne namene bádha 'ngú ne kalanü. U 'o la di lio makpe sakpa kpála inde abho ní, inde amemene 'ngú maka ani apa lie-o.

5

A ayo nalila okandøle gba Ebhe-e malila

¹ Ma ngagama 'ngú mbia inde-e pi okpála bhende bhú ká yi ne obhelesi okpála na Piga gba Ebhe-o. Ma di ne bhele kpála na Dadjua gba Ebhe maka uo. Ma au likabhu li Kilisito azú e ne djila ma. Ma asia la di té sangu gba Kilisito inde li Ebhe asúno e pi ní-o. Kaka-a, ma ngayo ka yi me: ² yi lila okpála inde li Ebhe

a'o o sakpa yi-e malila. Yi lila uo maka li kpála nalila okandøle alilila okandøle gba e lie-o. Yi alila uo ka napa de me u agbite yi tété ne kpéke-e de. Engú bini, yi lila uo ne bádha bua maka li Ebhe akunda lie-o. Yi améne kulu ngübula nasia tia de, engú bini yi mene me yi nde abedhe ne mukunda bedhe. ³ Yi alila okpála li Ebhe a'o o sakpa yi-e de me yi nde ako angu yi pi uo mako-o de. Engú bini, yi mene me okpála kpata lele dasundu gba yi-o. ⁴ Li yi mene mo-o, ekpí li Yesu Kilisito inde ngalila ní-e agó lie-e, yi sia makalá na sangu ka ani. Makalá ango-o ngadu dudu ma ne dudu ma.

Yi ke liyi kala Ebhe ne kuto

⁵ A bhadi moko pi yi omakombisse, yi ke liyi ne kuto kala obhelesi okpála gba yi-o. Ma ngapa pi ndu yi omabhuka hana me, yi ke liyi ne kuto súnda yi. Yi teteke liyi súnda yi, padhá de, anga u aye bhú Bhuku gba Ebhe-e me:

«Ebhe ngadjji 'ngbu e li obhulu 'ngbé 'ndji, engú bini, ani ngaha bádha bhú 'bu pi okpála inde ngakø lio ne kuto.†»

⁶ Kaka-a, ma ngapa pi yi me yi ke liyi ne kuto kala Ebhe inde ne angu, amba ani 'e'e yi ne abhúlá li nedhinga ani akunda lie-o. ⁷ Yi 'o ndu 'ngú hana inde ngato mbolo li yi-e sakpa ani, anga ani ngalila yi.

⁸ Yi du bedhe, yi lila liyi, padhá de, anga djabulu bhulu yala gba ní-e ngadjji bili maka kingbi inde ngangulumba. Ani ngagili me ní azú da-ie. ⁹ Yi lu kala ani kpekpeke bhú nabhuka. Yi mbila ndjindji me omabhuka koko píla doto libhomuo bhadi ngadje likabhu maka yi. ¹⁰ Yi adjé nga matá likabhu ngübula nedhinga bedi. Engú bini, Ebhe inde bhulu bádha bhú 'bu-o, a'i yi ngú nali bhú sangu na dudu ma gba e bhú nakpøtsø liyi bhú dabili ne

† 4:18 4:18 Tsia bhú Gbt. 11:31. † 5:5 5:5 Tsia bhú Gbt. 3:34.

Kilisito. Ani aléke yi ngae makpe, ani tsía méne me yi lü kpekpeke bhú ndu 'ngú hana má kpékébhé! ¹¹ A ayo me ani u dudu ma ne dudu ma. A adu moko.

Oeli na soso

¹² Silivano ateteke ma li naye mbo ndu balua inde-e pi yi ngae. Ma ambila me a ko ndai ni makilisito inde ngamene 'ngú li lelele. Ma aye balua inde-e ngubula nato masi bhú yi, di ne napa pi yi me a inde-e bádha bhú 'bu na kükulu gba Ebhe, yi gbite liyi téte.

¹³ Omabhuka inde bhú Babilona* ei, inde li Ebhe abhu o maka ani abhu di yi lie-e, yi yi mayi. Ndili gba ma Maloko yi di yi mayi. ¹⁴ Yi yi liyi sunda yi, yi kama liyi sunda yi ngú nasuno me yi ne mukunda sunda yi. A ayo me guo 'ngú du bhú dabili bini ne yi okpála inde bhú 'bu Kilisito hana.

* **5:13** 5:13 Babilona: Okpála bhelé ngabhundja me li bili inde-e, a akunda nasuno gudhu na Loma

Balua na bhisi gba Piele Eli na kalanu

Piele aye balua gba e na bhisi pi 'ngbe limbi omakilisito na kalanu. Engú na ngbéngbé inde bhúbhú-o, a ko ngubula nagú kulu gba omusuno na eu di ne ongú na zabhe inde ngayie bhú ongú ango-o. Ngú na ha angu engú bhomu-o, a ayo nagbite lio li nambila Ebhe na kúkúlu di ne Ngámá Yesu Kilisito, ne nasuno inde li okpála inde au Yesu ne djila o akpokpo e-o. Piele alu kpekpeke li nasuno na eu inde li okpála adu apa lie me Yesu go matá de-o. Ani atsia apa me nabhue inde li Yesu ngabhue lie, a ko anga Ebhe kúnda de me kpála bini kpi-e de. Engú bini, ani ngakúnda me okpála hana koto bhú siti 'ngú (3:9).

Ongbengbe ongú inde bhú bhuku inde-e ngae inde:

Eli na kalanu 1:1-2

Na'i inde li Ebhe a'i makilisito ne e-o 1:3-21

Omusuno na eu 2:1-22

Nago na soso gba Kilisito 3:1-18

Simo Piele yi omabhuka mayi

¹ Ma aye balua inde-e ngama Simo Piele. Ma ne bali gba Yesu Kilisito, ma la di ne bhulú titima gba ani-o. Ma aye balua inde-e pi okpála bhende asia nabhuka ka ngibili 'ngú gba Yesu Kilisito-o. A ko Ebhe gba ní, a ko di Múkobho gba ní-o. Nabhuka ango-o viti bini ne bhe gba ya-o. ² A ayo me bádha bhú 'bu gba Ebhe di ne Ngámá gba ní Yesu Kilisito-o, dú bhú dabili bini ne yi, amba u ha di guo 'ngú pi yi ane mane ka yi ambila uo lie ndjindji-o.

Lele nadhukú ka omakilisito

³ Yesu Kilisito bhú angu gba e aha ndú 'he hana ní nde ne gumu e ngú nakobho di ne nadú ka ní

libhomu pi Ebhe. Ani amene me ní mbila Ebhe inde a'i ní bhú sangu gba e di ne bhú ngamba kulu gba e na paká paká. ⁴ Ebhe amene mo-o ngubula me ní sia oehe na mase naali di na ngbengbengbe inde nani ani apa me ni ahá e pi ní-o. Ani aha oehe bhomu-o ngubula me yi kpe osisiti gumu 'he na doto inde ngabhili okpála-o, di ne ngubula me yi kpetsé liyi bhú dabili bini ne ni.

⁵ Ka 'ngú ango-o, yi mene ne kpéke me nabhuka gba yi-e be ndú e ne nadhukú ngbingbili, pi nadhukú ngbingbili-e, yi 'o nambila Ebhe na paká paká, ⁶ pi nambila Ebhe na paká paká-a, yi 'o naholo bua yi, pi naholo bua yi-e, yi 'o kekele, pi kekele-e, yi 'o naholo lio li Ebhe, ⁷ pi naholo lio li Ebhe-e, yi 'o nadú ne mukúnda súnda yi. Pi nadú ne mukúnda súnda yi-e, yi 'o mukúnda pi ndú okpála hana. ⁸ Idú me yi nde nganu ne namene ndú ongú bhomu-o hana ne kalanu-o, i tsia méne me yi mene kulu, i méne di me yi zu nguwa bhú nambila Ngámá gba ní Yesu Kilisito-o.

⁹ La-a, kpála bhende i mene oehe bhomu-o de-e u 'kpí tsutsu de, ani maka kpála inde i u 'kpí de. Ani a'ilí 'to e me Ebhe avulu osisiti 'ngú gba ní nani ní amene e-o. ¹⁰ Kaka-a, ondaise ma, yi mene la matá ne kpéke me yi lú ne angu bhú e'i li Ebhe a'i yi lie, di ne maka ani abhú yi lie-o. Li yi mene mo-o, yi lí bhú siti 'ngú 'kpí bini de. ¹¹ Abhomu-o, li Ebhe ká kpadji pi yi ne bua e bini me yi li bhú Nau na duduuma gba Ngámá gba ní Yesu Kilisito, inde di Múkobho gba ní-o.

Piele apa pi omabhuka me u 'o 'to o li 'li Ebhe

¹² Kaka-a, a ayo me ma 'o 'ngú bhomu-o bhú 'dje yi ndú 'kpí hana belegu yi ambila nani lie bhutode, yi atsia agbite liyi li kúkúlu 'ngú inde yi asia e-o. ¹³ Ma abhundja me nedhinga ma nde nga bha lie uu-o, a

ndjindji me ma du na'o 'ngú bhomu-o bhá 'dje yi ngubula me yi alá-a de. ¹⁴ Padhá de, anga ma ambila me nedhinga nakpi ka ma-a akolo masikpe maka li Ngámá gba ní Yesu Kilisito apa muma lie-o. ¹⁵ Kaka-a, ma améne di ne kpéke me, pita ma akpí lie, 'to yi a'íli 'to ongú bhomu-o de.

¹⁶ Nani ya akpokpo 'ngú lie pi yi pindji nago gba Ngámá gba ní Yesu Kilisito bhá angu gba e-e, ya kpokpo pi yi ongú na padhá padhá inde li okpála ngapandja e bhá o-o de. Engú bini ya au ani bhá zi e ne djila ya makpe. ¹⁷ Padhá de, anga Ebhe 'Dyi ani adhégé ani nane mane. Abhomu-o, eli ayie agba Ebhe na angu di na asassaua atsia apa me: «Kpála inde-e, a ko Ndili gba ma, ma kunda ani naali, bua ma nga ne ani naali.†» ¹⁸ Ya adje eli inde ayie abhúlá-a ne 'dje ya makpe, nedhinga ya adu lie ne Ngámá Yesu Kilisito apí 'ta li Ebhe asuno lie pi ya pí e-o.

¹⁹ Ka 'ngú ango-o, ya abhuka na paká paká ngali inde li opolofeta akpokpo nani e bhá Bhuku gba Ebhe-o. A ayo me yi gbo 'dje yi téte ndjindji, anga a maka zi 'ke inde ngatsi bhá biti. Yi gbo 'dje yi téte akólo li ekpí ahólo naseke lie-o, ekpí inde li Yesu Kilisito asúno lie lie li bua yi maka zi ikupala na kékpi asusu lie-o. ²⁰ Kala ndu 'ngú hana-a, yi mbila ndjindji me kpála bini ade inde i ti da nakpokpo ne imbílangú gba e makpe kú oeli inde nani li opolofeta akpokpo e, inde u aye di-e bhá Bhuku gba Ebhe-o. ²¹ Padhá de, anga 'li opolofeta iyifie ka kpála bini de. Engú bini, Bu Bhabua apa pi okpála ngae makpe me u kpokpo 'ngú ne 'li Ebhe.

2

Piele agbele 'dje omabhuka li 'ngú gba omusuno na eu

¹ Nani kalanu-o, opolofeta na eu adu bhá ká omafsalaele. Omusuno na eu azé bhadi bhá ká yi moko. U agó ne kali, u tsia súno ongú na eu inde a'é okpála li kpadji na mukobho-o. U ayála belegu Yesu Kilisito, Musuno gba ní inde aggbegbe o bhá bali gba siti 'ngú-o. U améne lie mo-o, u ngagili bhomu-o me kpéke 'ngú na kpekpeke go ti pí o má gala! ² Okpála bhélé akpáta kpadji na numu gba uo-o. Kaka-a, li okpála tsia sóbho kpadji na kükülu 'ngú inde li Yesu Kilisito asuno e ka uo. ³ Ka gümü 'he-e, omusuno na eu ango-o apité yi ne oeli na eu, u tsia gbálu oehe gba yi-o. La-a, Ebhe akodho 'ngú gba uo-o nani didili, kpéke 'ngú na kpekpeke atí pí uo mbia.

Engú inde akodho 'kpí bhá nedhinga gba okpála na kalanu

⁴ Padhá de, anga belegu oandjelu inde amene nani siti 'ngú-o, Ebhe dje ndjinga uo de. Engú bini, ani abala uo bhá tsu 'dú má ngbon-gobho, inde bhá e ne biti má ndundulundu me, u nde agbigbite uo ne gbindjili akólo li 'kpí ani akódho 'ngú gba okpála lie-o. ⁵ Abana okpála nani di amene siti 'ngú-o, Ebhe dje di nani ndjinga uo de, engú bini, ani amene me engu si píla doto, amba a bhili okpála inde andjo 'li ni-o. Ani akobho bha bini Nua, inde adu apa pi okpála me u dji bua o, a la di-e okpála mananika koko.

⁶ Ngubula nasuno ongú inde akólo galikpe li okpála inde ngandjo 'li Ebhe-e, Ebhe atsulu ogudhu na Sodomo ne Gomolo hana má kpékébhé! ⁷ Engú bini, Ebhe akobho Loto. A adu nani ngbili kpála. Bua ani adu nani ake ne siti 'ngú li okpála bhomu-o adu amene e bhá poli-e naali. ⁸ Ani adu nadu bhá ká obhálu poli bhomu. Ndu 'kpí hana, ani adu nau di ne nadje osisiti 'ngú gba uo-o. Ongú ango-o atsia

† 1:17 1:17 Tsia bhá Mat. 17:5; ne bhá Mlk. 9:7; di ne bhá Luk. 9:35.

adú nake bua aní na kuo kuo. Padhá de, anga adú ngbili kpála. ⁹ Idú me a nde mo-o, Ngámá mbila kpadji índe aní akóbho okpála índe ngakpata 'li e bhú okpekpeke da 'ngú-o ndjindji. Aní mbila la di kpadji índe aní ahólo okpála índe ngandjo 'li e ngubula me u zu likabhu li 'kpí aní akódho 'ngú gba okpála lie ndjindji. ¹⁰ Ebhe ahá likabhu ango-o, ane mane pi okpála índe ambila lio ne nakpata osisiti gumu na kute, índe di ngau angu gba Ebhe-e bhú djila o padhá-o.

Engú índe akólo li omusuno na eu

Tsúlú 'ngú li omusuno na eu-o ade. U dje kpála de, u manga la di oandjelu índe li o ne zizi-e* de. Engú bini, u ngasobho uo. ¹¹ Belegú li oandjelu ane omusuno na eu-o lie ne angu-o, u sobho oandjelu na ndjondjo bhomu-o kala Ngámá de. ¹² Omusuno na eu bhomu-o ngamene 'ngú bhú 'ndji o maka onu índe u azu o ngubula me okpála dhe o li 'kú. U ngasobho oehe índe u mbila e de. U amú maka onu.

¹³ U azú likabhu bhomu-o mada siti 'ngú índe u amene e li okpála koko-o. U ne gumu namene siti 'ngú belegú ne ngbikpi. Nedhinga yi nde ne uo lie bhú anokomia, u ngapite yi. Engú ango-o ngaha pi uo djali naali, la-a, a ko 'ngú na númu. ¹⁴ U abedhe ne gumu nakunda olisi gba okpála koko bhú o bedhe. U ndandala li namene siti 'ngú de. U ngadhe okpála bhende ne kpéke bua ade-e li 'kú gba o-o. U ngapite uo masikpe de nato uo bhú siti 'ngú. U abedhe ne gumu 'he bedhe. Ebhe atu nani pédjø li uo bhutode.

¹⁵ U ayie li kpadji na ngingbili-e ayie, u angita. U ngakpata kpadji gba Balama, ndili gba Bosolo, índe akunda nani namene siti 'ngú ngubula nasia tia-o. ¹⁶ Engú bini, Ebhe ambe bhú 'ndji aní kabula siti

'ngú gba e-o. Li nedhinga bhomu-o, punda, enu i gagama 'ngú de-e, agama 'ngú maka kpála-kuti. Aní atsia aní kpadji pi polofeta bhomu-o me aní amene matá engú na pele bhomu-o de.

¹⁷ Omusuno na eu-o maka okpongú li engu a'ulú bhú e hana, di maka ndindi índe li anvi ngandjindjimba e. Ebhe aleke dabili gba uo-o bhú biti má ndundulundu!

¹⁸ U ngatolo bha bini ne ongbengbe 'ngú na padhá padhá índe li tata nde li e ade. La di-e, u ngato okpála bhende aze nga bha na mbia bhú ká okpála índe ngamene siti 'ngú-o bhú ngita. U ngato uo bhú ngita li kpadji na gumu na kute gba o-o. ¹⁹ U ngapa pi okpála ango-o me u azé bhú bali maze, engú bini, ngau omusuno na eu bhomu-o bhú bali na siti 'ngú. Padhá de, anga kpála ne bali pi engú índe ako pi aní-o.

²⁰ A ne okpála koko índe a'o osisiti 'ngú na doto anga u ambila Ngámá Yesu Kilisito, índe di ne Mukobho gba ní-o. Idú me u nde agie matá lio bhú namene osisiti 'ngú bhomu-o, li siti 'ngú bhomu-o gaga uo, i ko angu e pi uo-o, u kólo la matá sisiti nane da bhe na kalanu-o mane. ²¹ Padhá de, anga nako me u nde mbila ngbili kpadji-e de-e, engú du téte de. La mbia índe-e, u ambila, u atsia adjii 'ngbu o li líli índe li Ebhe aha e-o. Bhabhomu-o la matá pi uo sisiti ane mane ngae. ²² Engú índe ngakolo li uo-o ngasuno me engú li gbitaku ngapa e-e, a ko paká. Gbitaku apa me: «Búlú gie bha lie ngú nazú zie e.†» U papa di matá me: «Pame índe u avulú kute e mbia índe-e, gie matá bha lie nato lie ne ngbodhe.»

3

Ngámá Yesu Kilisito agié galikpe lie magie

* ^{2:10} 2:10 Oandjelu índe li o ne zizi: A akunda napa me oandjelu índe ngamanga 'li Ebhe. † ^{2:22} 2:22 Tsia bhú Gbt. 26:11.

¹ Ondaise ma na mukunda, a inde e balua na bhisi li ma aye e pi yi-o. Bhá ndu balua bhisi bhomu-o hana-a, ma aye matá pi yi ongú yi ambila e ne toto ngubula nakpo djua li bua yi li kpadji na ngbili 'ngú.

² Ma akunda me 'to yi a'ili de li ongú li opolofeta gba Ebhe, di ne lili li Ngámá gba ní, inde di Múkobho gba ní-e apa nani e pi yi bhá 'bhe obhálu titima inde ani atima o pi yi-o. ³ Kala ndu 'ngú hana-a, yi mbila me li sokpí-e, okpála inde adú namene 'ngú li gumar gba o makpe akunda e azé píla doto. U adú amu yi. ⁴ U adú napa me: «Mugito me Yesu Kilisito apa nani me ní agié lini magie, ani la dho? Padhá de, anga maka nani li onguo ogbi ya amu lie, ndu 'ngú hana bha bhá da e maka li lilita nani li Ebhe abho kokpí ne doto lie-o!»

⁵ Okpála inde ngapa 'ngú bhomu-o ngamemene bhá gandji. U ngamene 'he mugito me u a'ili 'to o li 'ngú bini. Engú ango-o me, Ebhe abho nani kokpí ne 'li e. Ani abho doto li kute engu. Ani atsia asa dengo doto ne engu ngbalina. ⁶ Ani atsia abhélè la bhadi doto na kalanu-o ne engu, engu inde asi nani píla doto libhomu-o. ⁷ Ani apa di ne 'li e makpe me kokpí ne doto na naki inde-e, a adúdu téte, nakolo li 'kpí ní akódho 'ngú gba okpála lie-o. Ní tsia tsúlu okpála bhende ngamene siti 'ngú-o.

⁸ Ondaise ma na mukunda, a ne koli 'ngú bini inde a ayo me 'to yi a'ili lie de. Pi Ebhe-e, ekpí bini maka kalanga kutu bini, kalanga kutu bini maka ekpí bini. ⁹ Okpála koko bhundja naao me, Ebhe ngamene engú inde ani apa me ní améne e má gala ade! A mo-o ade. Ebhe mangbo ne 'ndjá bua pi yi, anga ani kunda de me suka kpála bini ngita-a de. ¹⁰ Ngámá Yesu agó galikpe bhá

* ^{3:10} Doto tsámbala má mbu: Bhá obhuku koko-o, u aye me: doto tsia tsúlu hana. Bhá okoko-o, u aye me: Ebhe tsia kódho 'ngú gba okpála na doto ne ndu 'he inde bhábhá-o hana. Bhá okoko-o, u aye me: doto dá matá téte de.

gbilikiti, maka li bhálu 'zi agógo lie me 'to kpála nde 'to ani ade-o. Ekpi ango-o, okpála adjé tolo na mugwe mugwe, li djua gó tsúlu kokpí ne ndu 'he inde abhállá-a hana, li doto tsámbala ka djua má mbu.*

¹¹ I nde lie me ndu ohe hana nde andjia mo-o, a ayo me lele nadháku gba yi-e du ndjindji, yi du di libhomu hana pi Ebhe. ¹² Yi 'o 'dje yi li 'kpí li Ebhe a'o e ngú ongú ango-o, amba yi mene ne kpéke me ekpí ango-o go má gala! Li 'kpí ango-o, djua atsúlu kokpí, li ohe na abhállá tsúlu hana má kpékébhe! ¹³ La-a, Ebhe apa pi ní me ní abhó kokpí di ne doto na mbia. Oo-o, adú bha ne engú na ngbingbili. A bhomu-o engú inde ní ngadjike e-o.

¹⁴ Kaka-a, ondaise ma na mukunda, i nde lie me yi ngadjike ongú bhomu-o, yi mene ne kpéke me lele nadháku gba yi-e du ndjindji, di ne me Ebhe aú engú na sisiti napa mapa li yi de. Yi mene di me bua yi du ne guo 'ngú kala ani. ¹⁵ Yi mbila me 'ndjá bua gba Ebhe-e ngubula me yi sia nedhinga ngú nadji bua yi, amba yi kobho. Ndai ní na mukunda Polo aye bhadi pi yi moko, ne imbilangú maka li Ebhe aha pi ani lie ko. ¹⁶ Ani aye bhá ndu obalua gba e hana nedhinga ani ngakpokpo 'ngú lie píndji ongú bhomu-o. Da nambila ta ongú koko inde ani aye e kpekpeke. Okpála inde li imbilangú nde bhá 'ndji o ade, inde di ne kpéke bua ade-e ngakpedhéle tata-a makpedhéle. U di ngamemene li oli koko inde bhá Bhuku gba Ebhe-e moko. Ubhomu-o ngagili kuo ngú o ngao.

Oeli na soso

¹⁷ Pi yi ondaise ma na mukunda, yi ambila ongú bhomu-o ambila. Kaka-a, ma apa pi yi me yi bhulu djila yi ngubula me okpála inde

ngayala Ebhe-e apíte yi ngú nato bhála yi li púlu kpadjí gba o-o de. Yi kpata uo-o, amba yi ayie li kpadjí li yi alü lie kpekpeke-e ayie. ¹⁸ La-a, yi dhika bha li nakpata Yesu Kilisito ìnde Ngámá, ìnde di ne Mákobho gba ní-o, ngubula me aní suno bádha bhú 'bu gba e pi yi ane mane, di ne me yi mbila aní ane mane. A ayo me ndù okpála hana dhége aní dudu ma ne dudu ma. A adù moko.

Balua na bini gba Djaa

Eli na kalanu

Ngbengbe ongú inde li Djaa aye e bhú balua inde-e bhisi: Engú na bini ani aye e, a pindji nato masi bhú okpála inde ngatanga balua gba ani, ngubula me u du bhú makpetse na kúkulu bhú dabili bini ne Ebhe, di ne Ndili gba ani Yesu Kilisito, la di ne napa me u lila lio ka nasuno nasisiti inde i ti da nabhele makpetse ango-o. Nasuno ango-o, alü pí engú inde u ngapa lie me, i du me kpála nde abu 'kpa e li ndu 'ngú hana inde atsia kute kpála-a, ani kólo sisiti. Kaka-a, a ayo nani de me Yesu Ndili gba Ebhe kolo kpála-kuti-e de. Omusuno bhomu adu apa me, a ayo me kpála koto bhú ndu 'ngú hana inde atsia kute-e makoto. U atsia asuno di me, mukobho na duduuma tsia engú napa de me kpála du amene bádha 'ngú, ne me ani du ne mukunda pi okpála koko de.

La-a, ngubula napa me engú li okpála bhomu apa e a ko eu-o, Djaa atsia apa mbámbá me, Yesu Kilisito nani ne kpála-kuti. Ani atsia apa di me, ndu okpála hana inde abhuka Yesu-o, inde la di ne mukunda pi Ebhe-e, a ayo me u du ne mukunda súnda o.

Ongbengbe ongú inde bhú bhuku inde-e ngae inde:

Eli na kalanu 1:1-4

Zi 'kpí, a la di-e biti 1:5 - 2:29

Ongisi gba Ebhe, a la di-e ongisi gba Djabul 3:1-24

Ngbili 'ngú, ne pulu 'ngú 4:1-6

Ongú inde a ayo me u ue bhú mukunda 4:7-21

Nabhuka na kpekpeke 5:1-21

Eli inde ayie agba Ebhe-e, a ko Eli na mukobho

* 1:4 1:4 Ní: Bhú obhuku koko-o, u a aye me: «Djali gba yi.»

¹ Ya ngaye balua inde-e pi yi pindji Eli na mukobho. Eli ango-o adu nani kala ndu 'ngú hana nayie li lilita. Ya adje Eli ango-o. Ya au Eli ango-o ne djila ya makpe. Ya atsia ne kpéke djila, ya atsia abu di 'kpa ya téte. ² Li mukobho ango-o apana lie lie, ya au ne djila ya. Kaka-a, ya ngakpokpo 'ngú pi yi téte. Ya la di ngasuno pi yi mukobho na duduuma ango-o, inde adu nani agba 'Dyi ní, inde apala di lie pi ya ko. ³ Ya au engú inde-e ne djila ya, ya atsia adje di ne 'dje ya. Ya ngasusuno pi yi, amba ngayi di-e, yi kpetsé liyi ne ya bhú dabili bini, bhú makpetse inde ya nde bhú e ne 'Dyi ní, la di ne Ndili gba e, Yesu Kilisito ko. ⁴ Ya ngaye la di engú ango-o pi yi, ngubula me ní* bedhe ne djali.

Ebhe ne zi 'kpí

⁵ Ngali inde ya adje e ka Yesu Kilisito-o, inde ya asuno la di e pi yi-e ngae inde: Ebhe ne zi 'kpí, biti la di bhú ani belegu ade bini. ⁶ I du me ní nde apa me: «Ya akpetse liya ne ani bhú dabili bini» me ní nde ngadholo bhú biti-e, amba ní ngapa eu, ní mene la di engú na kúkulu de. ⁷ Engú bini, i du la me ní nde ngadholo li zi 'kpí maka ngaani Ebhe makpe nde lie li zi 'kpí-e, amba ní akpetse liní bhú dabili bini ne ondaise ní akpetse. La di-e, ngute gba Yesu, Ndili gba ani-e, ngavul ní ne ndu siti 'ngú hana.

⁸ I du me ní nde apa me ní mene siti 'ngú de-e, amba ní ngapite liní nganí makpe, kúkulu 'ngú la di bhú ní ade. ⁹ Engú bini, i du me ní nde apandja osisiti 'ngú gba ní-e kala Ebhe-e, ka ani nde lie ne kpála na ngbingbili-e, inde amemene di engú ani apa e-e, ani 'é osisiti 'ngú ango-o, ani tsia válu ní bhú ndu 'ngú hana inde ngbingbili bhú djila ani ade-o. ¹⁰ I du me ní nde apa me ní mene siti

'ngú de-e, amba ní nga'o Ebhe kpála na eu, eli gba ani-e la di bhú ní ade.

2

¹ Odi ma, ma ngaye engú inde-e pi yi, amba yi améne siti 'ngú de. Engú bini, i du la me kpála bini nde amene siti 'ngú-o, a ka ní ne kpála inde ngakpokpo 'ngú gba ní-e pi 'Dyi ní. A ko Yesu Kilisito , kpála na ngingbili-o . ² Ngaani makpe-e, ani aha nani mukobho gba e ngubula me Ebhe 'e osisiti 'ngú gba ní ko. La-a, a ko bha bini ngubula osisiti 'ngú bhe gba ní-e de. Engú bini, a ko di ngubula osisiti 'ngú gba okpála na píla doto libhomu.

Yi lila liyi ka ongú na doto malila

³ I du la me ní nde ngalila olíli gba Ebhe-e, ní tsia mbila me ní mbila Ebhe hana. ⁴ Li kpála pa me ni mbila Ebhe hana, engú bini, i du la me kpála ango-o nde lila olíli gba ani-e de-e, amba a ko kpála na eu, kükülu 'ngú la di bhú ani ade. ⁵ Engú bini, kpála bhende ngalila 'li Ebhe ndjindji-e, a ko kpála bhende akunda Ebhe kükülu. A bhomú-o engú inde ní ambila ka e me ní akpetse liní bhú dabili bini ne Ebhe-o. ⁶ Kpála bhende ngapa me ni akpetse liní bhú dabili bini ne Ebhe-e, a ayo me mukobho gba kpála ango-o du di maka bhende gba Yesu adu nani lie ko.

⁷ Ondaise ma na mukunda, lílì inde ma ngaye e pi yi inde-e, a ko lílì na mbia de. Engú bini, a ko lílì na didili. Yi asia nani lílì ango-o nayie li lilita.* Lílì na didili ango-o, a ko eli inde yi adje e-o. ⁸ La-a, ma ngaye pi yi inde-e lílì na mbia. Kükülu 'ngú na lílì ango-o ngau lie bhú Yesu, la di ne bhú yi. Padhá de, anga biti aholo nandjia aholo, zi 'kpí na kükülu-o aholo la di nasu aholo.

* ^{2:7} 2:7 Nayie li lilita: A ko nayie li nedhinga inde u adje nani 'li Ebhe lie ko. Tsia bhú 1 Dja. 2:24, 3:11, di ne bhú 2 Dja. 1:5.

⁹ Kpála bhende ngapa me ní bha ndju li zi 'kpí me ani nde ngayala ndai e-e, kpála ango-o nga bha ngadu bhú biti. ¹⁰ Kpála bhende ngakunda ndai e-e, kpála ango-o ngadu li zi 'kpí. Kaka-a, engú inde i ti da nato kpála koko bhú siti 'ngú-o bhú ani belegu ade bini. ¹¹ Engú bini, kpála bhende ngayala ndai e-e, kpála ango-o ngadu bhú biti. Ani ngadholo bhú biti, ani mbila la di de me ní adji ne su-oie de, anga biti anini djila ani manini.

Yi lila liyi ka ongú na doto malila

¹² Odi ma, ma ngaye engú inde-e pi yi,

anga ka 'li Kilisito-o, Ebhe a'e siti 'ngú gba yi-e a'e.

¹³ Odyi ma, ma ngaye engú inde-e pi yi,

anga kpála inde adu nani kala ndu 'ngú hana nayie li lilita-a, yi mbila ani hana.

Omakombise, ma ngaye engú inde-e pi yi,

anga yi aha angu Siti aha.

¹⁴ Odi ma, ma aye engú inde-e pi yi. Padhá de, anga yi mbila 'Dyi ní hana.

Odyi ma, ma aye engú inde-e pi yi,

anga kpála inde adu nani kala ndu 'ngú hana nayie li lilita-a, yi mbila ani hana.

Omakombise, ma aye engú inde-e pi yi, anga yi ne angu bhú nabhuka .

La di-e, 'li Ebhe ngadu bhú yi, yi atsia aha la di angu Siti.

¹⁵ Kaka-a, yi akunda doto inde-e de. Yi akunda di oehe inde bhúbhú-o belegu de bini. Li kpála kunda doto-o, amba ani kunda 'Dyi ní Ebhe de. ¹⁶ Padhá de, anga ndu oehe na doto-o hana maka: gumu na sisiti inde bhú kpála, gumu nasia ndu 'he hana inde li djila ngau e, a la di-e, nadu ne 'ngbé 'ndji ka otia na doto, ndu 'he bhomú-o hana ngayie ka 'Dyi ní Ebhe ade. Engú

bini, a ko ndu 'he na doto. ¹⁷ La-a, doto ngakodho 'kpí, di ne ndu 'he inde bhúbhú-o hana. Engú la bini, kpála bhende ngamene engú li Ebhe akunda e, ani ngadu bhú mukobho dudu ma ne dudu ma.

Yi lila liyi ka obhulu yala gba Kilisito malila

¹⁸ Odi ma, sokpí-e akolo masikpe! Yi adje nani engú inde u apa e adje. U apa nani me: «A ayo me bhulu yala gba Kilisito-o go.» Mbia inde-e, obhulu yala gba Kilisito aze bhibhit. Kaka-a, ní ngambila me sokpí-e akolo masikpe. ¹⁹ Okpála ango-o ayie bhú ká ní. Padhá de, anga a ko nani okpála ka ní de. I dú me u dú nani ne okpála ka ní-e, u de adu ne ní bhú dabili bini. Engú bini, u ayie bhú ká ní, mbia inde-e, a au lie mbámbá me ndu okpála bhomu-o hana, a ko nani naao okpála ka ní de.

²⁰ La pi yi-e, yi asia nani naayi Bua gba Ebhe. A atuko Bua ango-o pi yi ne Kpála na bubu. Kaka-a, yi ambila engú na kükulu-o ndu yi hana. ²¹ Engú inde ma aye e pi yi-e, a ko de ka me yi mbila engú na kükulu de-e de. Engú bini, ma aye pi yi anga yi mbila engú na kükulu-o hana. La di-e, eu ti da nakoto bhú engú inde kükulu-o belegú de bini.

²² Kpála na eu-o, a ko da? A ko kpála bhende ngapa me Yesu ne Kilisito ade ko. Kpála ango-o, a ko bhulu yala gba Kilisito. Ani ayala Ebhe, ani atsia ayala di Ndili gba ani-o. ²³ Padhá de, anga kpála bhende ayala Ndili-e, ani ayala di bhomu-o 'Dyi ani. Kpála bhende ngapa 'ngú gba Ndili-e mbámbá-a, ani ngapa di bhomu-o engú gba 'Dyi ani.

²⁴ Kaka-a, eli inde yi adje nani e nayie li lilita-a, a ayo me asi kuti e li bua yi. Padhá de, anga i du me eli inde yi adje nani e nayie li lilita-a nde asi kuti e li bua yi-e, ngayi di-e, yi dú ne Ndili-e kpála bini, yi tsia dú la di ne 'Dyi ani kpála bini. ²⁵ A bhomu-o ehe inde li Kilisito apa nani

me ní ahá e pi ní-e, a ko mukobho na dudu ma.

²⁶ Ma aye engú inde-e pi yi pindji obhende ngagili napite yi ko.

²⁷ Engú bini ngayi-e, Kilisito atuko Bua gba e pi yi. Bua ango-o ngadu bhú yi. Kaka-a, yi matá ne gámu mäsuno koko ade. Padhá de, anga Bu Bhopua ngasuno ndu 'ngú pi yi hana. La di-e, engú inde ani ngasuno e, a ko kükulu 'ngú, a ko eu de. Kaka-a, yi dú bhú Kilisito maka li Bu Bhopua asuno lie pi yi ko.

²⁸ A moko odi ma, yi dú bhú Kilisito, amba nedhinga inde ani akóto lie, ní adú ne tsulü de, ní adú kala ani ne námu de. ²⁹ Yi mbila ndjindji me Kilisito ngbingbili. Kaka-a, ayo me yi mbila la di me ndu kpála hana inde ngamene engú na ngbingbili-e, kpála ango-o, Ebhe azu ani ngae.

3

Engú inde asuno me ongisi gba Ebhe-e kpi ne obhende gba Djabulu-o

¹ Yi tsia nga maka li 'Dyi ní asuno mukunda gba e pi ní lie-o. Mukunda ango-o, a ko me ní asia 'ili me ní ne ongisi gba Ebhe. Ní la bhadi mo-o na paká! Kaka-a, okpála na doto mbila ní de, anga u mbila di nani Ebhe de. ² Ondaise ma na mukunda, mbia inde-e, ní ne ongisi gba Ebhe. Engú la bini, lele maka ní adú lie, asuno nga lie mbámbá de. La-a, ní ngambila me, nedhinga inde li Kilisito akóto lie, ní adú maka ani. Padhá de, anga ní aú ani maka ani nde lie-o. ³ Kaka-a, kpála ne kpála inde nga'o 'to e 'to ani-e, nga'o lie bubu maka ani nde lie bubu ko.

⁴ Ndu okpála hana inde ngamene siti 'ngú-o, ngagámu líli gba Ebhe. Padhá de, anga siti 'ngú, a ko nagámu líli. ⁵ Engú bini, yi mbila hana me Yesu Kilisito ago ngubula na'e ongú na sisiti. La di-e, siti 'ngú bhú ani belegú ade bini. ⁶ A moko, kpála inde ngadu me ani nde bhú

Yesu-o, ani memene siti 'ngú de. La-a, kpála inde amemene siti 'ngú-o, kpála ango-o u nga ani de. Ani mbila la di ani de.

⁷ Odi ma, a ayo de me kpála bini pite yi-e de! Kpála inde ngamene ngbili 'ngú , ngaani makpe-e, ani ngingbili maka li Yesu Kilisito nde lie ngingbili ko. ⁸ Kpála bhende adhedhe li namene siti 'ngú-o, a ko kpála ka Djabulú. Padhá de, anga nayie bha bini ali lilita-a, Djabulú bha naae ne kpála na siti 'ngú. Ta nago ka Ndili gba Ebhe-e ngae inde: ani ago ngubula nabhélè okulu gba Djabulú-o.

⁹ Kpála bhende li Ebhe azu e ngae, ani dhédhe matá li siti 'ngú belegü de bini. Padhá de, anga nguwa* inde ngayie ka Ebhe-e, ngadü bhú kpála ango-o ko. Ani ti da nadhedhe matá li siti 'ngú belegü de bini, anga Ebhe azu ani ngae. ¹⁰ Engú inde-e ngagbogbo bhúsü ongisi gba Ebhe ne obhende gba Djabulú-o ngae inde: ndü kpála hana inde i mene 'ngú na ngingbili de-e, inde i kunda la di ndai e de-e, a ko ndili ka Ebhe de.

Ní dū ne mukunda sunda ní

¹¹ Engú inde yi adje nani e nayie li lilita-a, ngae inde: a ayo me ní dū ne mukunda sunda ní. ¹² Ní adú maka Kaina de, inde adú nani kpála gba Siti-o. La di-e, ani abhélè ndai e. Ani abhélè la nani ani ngubula ní? Ani abhélè ani anga okulu bhende gba ani-e adú nani sisiti. Engú bini, obhende gba ndai ani atsia adú nani ngingbili. ¹³ Ondaise ma, i dū me okpála na doto inde-e nde ngayala yi-e, yi angámba de. ¹⁴ Engú bini nganí-e, ní ambila me ní ayie bhú kuo, ngú nali bhú mukobho, anga ní ngakunda ondaise ní. Kpála bhende li mukunda nde bhú e ade-e, ani ngadü nga bha bhú kuo.

¹⁵ Ndü kpála hana inde ngayala ndai e-e, a ko bhulú nabhélè kpála. Yi mbila la di ndjindji me

bhulú nabhélè kpála bini ade inde ne mukobho na dudu'ma bhú e. ¹⁶ Mukunda-a, a ko ní? Ní ngambila mukunda li ehe inde: Yesu Kilisito aha nani mukobho gba e pi ní. Kaka-a, nganí di-e, a ayo me ní ha mukobho gba ní-e pi ondaise ní. ¹⁷ Ní pa nga me, kpála bini inde ka e ne oehe, ani au ndai e inde li ehe inde ka e ade, la-a, ani dje ndjinga ani de. Lele pi u ti da napa lie me kpála ango-o akunda Ebhe-e? ¹⁸ Odi ma, a ayo de me ní dū bha napa 'ngú na mukunda ne babadha eli-e de. Engú bini, a ayo me ní suno bhú kulu, di ne bhú engú na kükulu.

Ní adú kala Ebhe ne tsulu de

¹⁹ A bhomü-o engú inde ní ambila ka e me ní bhú kükulu 'ngú ko. La di-e, li bua ní tsia dū guguo kala Ebhe. ²⁰ Padhá de, anga i dū me bua ní nde ngapa pi ní me ní ne engú-o, ní ngambila ndjindji me Ebhe-e, ani ngingbé ane bua ní mane. La di-e, ani ambila ndü 'ngú hana má kpékébhe! ²¹ Ondaise ma na mukunda, i dū me bua ní nde apa me ní ne engú ade-e, ní dū kala Ebhe ne tsulu de. ²² Ní ngasia 'he inde ní ngayo e ka ani-e, anga ní ngalila olíli gba ani, ní la di ngamene engú inde ani akunda e-o. ²³ Líli gba ani inde ani aha e pi ní-e ngae inde: a ayo me ní bhuka 'li Ndili gba ani Yesu Kilisito. A ayo la di me ní dū ne mukunda sunda ní maka li Kilisito aha líli lie pi ní ko. ²⁴ Kpála bhende ngalila olíli gba Ebhe-e, kpála ango-o ngadü bhú Ebhe, Ebhe ngadü la di bhú ani. A inde-e engú inde ní ngambila ka e me Ebhe ngadü bhú ní-o: ní ngambimbila li Bu Bhopua inde li Ebhe aha e pi ní-o.

4

Yi gbo bhúsü Bua na kükulu 'ngú ne bua na eu

¹ Ondaise ma na mukunda, yi abhúka ndü okpála hana bhende

* ^{3:9} 3:9 Nguwa: Nguwa gba Ebhe-e, a ko Bu Bhopua.

ngapa me a bhú o ne Bua gba Ebhe-e de. Engú bini, yi le ngaiza uo kalanú-o male, amba yi mbila ne me bua inde bhú uo-o, ayie ka Ebhe na paká. Padhá de, anga opolofeta na eu, aya naali píla doto. ² Ehe inde yi ambíla Bua gba Ebhe-e ka e, a ngae inde: kpála ne kpála bhende ngapa me Yesu Kilisito ago nani bhú kúte na kpála-kuti na paká-a, kpála ango-o, a bhú ani ne Bua bhende ayie ka Ebhe. ³ La-a, kpála bhende ngapa me Yesu Kilisito go bhú kúte na kpála-kuti de-e, kpála ango-o, bua bhende bhú ani-e, ayie ka Ebhe de. Engú bini, bua bhende bhú kpála ango-o, a ko mangbo bhende gba bhúlú yala gba Kilisito ko. Yi adje nani adje me, a ayo me bhúlú yala gba Kilisito go. Mbia inde-e, ani píla doto.

⁴ Engú bini, odi ma, ngayi-e, yi naayi ne okpála gba Ebhe. Yi aha angu opolofeta na eu-o aha. Padhá de, anga Bua bhende bhú yi-e ne angu naali ane bua bhende bhú okpála na doto-o mane. ⁵ Opolofeta ango-o, a ko okpála na doto. U ngakpo la bhadi engú na doto. Kaka-a, okpála na doto ngadje uo ndjindji.

⁶ Engú bini, nganí-e, ní ne okpála gba Ebhe. Kpála bhende ambíla Ebhe-e ngadje ní ndjindji. Kpála bhende naae ne kpála gba Ebhe ade-e, ani djé ní de. A bhomú-o engú inde ní ngambila Bua na kúkúlú 'ngú di ne bua na eu-o ka e ko.

Ebhe-e, a ko mukunda

⁷ Ondaise ma na mukunda, ní dú ne mukunda súnda ní, anga mukunda ayie ka Ebhe. Kpála bhende ne mukunda bhú e-e, Ebhe azu ani ngae, ani mbila la di Ebhe hana. ⁸ Kpála bhende li mukunda nde bhú e ade-e, ani mbila Ebhe de, anga Ebhe-e, a ko mukunda.

⁹ Lele maka li Ebhe asuno mukunda gba e lie pi ní-e ngae inde: ani atima koli Ndili gba e bini píla doto, ngubula me ní dú bhú mukobho ka ani. ¹⁰ Lele maka li mukunda nde

lie ngae inde: ní kúnda nani Ebhe nganí de, engú bini, ani akúnda mangbo nani ní ngae, ani atisa atima Ndili gba e pi ní maka tia mangimbo, ngubula na'e osisiti 'ngú gba ní ko.

¹¹ Ondaise ma na mukunda, i dú me Ebhe nde akúnda ní naali mo-o, nganí di-e, a ayo me ní dú ne mukunda súnda ní. ¹² Kpála u nga Ebhe belegú de bini. I dú me ní nde ne mukunda súnda ní-e, amba Ebhe ngadú bhú ní. La di-e, mukunda gba ani inde bhú ní-e bedhe má kpambi!

¹³ Ehe inde ní ngambila ka e me ní ngadú bhú Ebhe, Ebhe la di ngadú bhú ní-e, a ngae inde: Ebhe aha Bua gba e pi ní. ¹⁴ 'Dyi ní atima Ndili gba e ngubula nadú Mukobho gba okpála. Ní au, ní la di ngakpokpo 'ngú téte. ¹⁵ Kpála ne kpála inde apa mbámbá me Yesu ne Ndili gba Ebhe-e, Ebhe ngadú bhú kpála ango-o. Kpála ango-o la di ngadú bhú Ebhe. ¹⁶ La di nganí-e, ní ngambila mukunda inde li Ebhe nde ne e pi ní-o. Ní atisa abhuka la di mukunda ango-o ko. Ebhe-e, a ko mukunda. Kpála bhende ngadú bhú mukunda-a, ngadú bhú Ebhe, Ebhe la di ngadú bhú ani.

¹⁷ I dú me mukunda inde bhú ní-e nde bedhe-e, ní dú ne tsúlú li ekpí inde li Ebhe akódho 'ngú gba okpála lie de. Padhá de, anga píla doto inde-e, mukobho gba ní-e mana lie ne bhende gba Ebhe ko. ¹⁸ Tsúlú bhú mukunda ade, anga li mukunda dú bedhe-e, a nga'e tsúlú hana. A moko, kpála bhende ngadje tsúlú-o, a pa me mukunda gba ani-e kolo nga bedhe de. Padhá de, anga kpála bhende ngadje tsúlú-o, abhú ani ne mabhundja me u améne ni sisiti.

¹⁹ Engú bini, nganí-e, ní súnda ní ne mukunda, anga Ebhe akúnda ngaiza ní kalanú ngae. ²⁰ I dú me kpála bini nde apa me: «Ma akúnda Ebhe», ani nde la ngayala ndai e-e, amba kpála ango-o ne bhúlú eu. Padhá de, anga ani ti da nakunda

Ebhe inde ani u e de-e de, i du me ani nde kunda ngaiza ndai e inde ani nde ngau e mau-o de ko. ²¹ Lili inde li Kilisito aha e pi ni-e ngae inde: kpala inde akunda Ebhe-e, a ayo me ani kunda di ndai e.

5

A ti da naha angu engú na doto da?

¹ Ndú kpala hana inde ngab-huka me Yesu ne Kilisito-o, Ebhe azu kpala ango-o ngae. La di-e, kpala inde ngakunda Ebhe inde azu kpala bhomu-o, ani ngakunda bhadi ongisi inde li Ebhe azu o moko. ² Ehe inde ni ambila ka e me ni ngakunda ongisi gba Ebhe-e ngae inde: a ko nakunda Ebhe, di ne namene olili gba ani ko. ³ A moko, lele nakunda Ebhe-e ngae inde: a ko namene olili gba ani-o. La di-e, olili gba ani-e pi ni kpekpeke ade. ⁴ Padhá de, anga ndú kpala hana inde li Ebhe azu e, ani aha angu engú na doto aha. Nabhuka gba ni-e ngaha angu pi ni ngú naha angu engú na doto ngae. ⁵ A ti da naha angu engú na doto da? A ko bha bini kpala bhende abhuka me Yesu ne Ndili gba Ebhe.

Nakpokpo 'ngú pindji Yesu Kilisito

⁶ Yesu Kilisito, a ko kpala inde nani ago-o. Ani ago nani ne engu di ne ngute* Ani go bha bini ne engu de, engú bini, ani ago ne engu di ne ngute. La di-e, Bua gba Ebhe-e ngakpokpo 'ngú gba ani-e ngae, anga Bua gba Ebhe-e, a ko kukulu 'ngú. ⁷ A ngakpokpo 'ngú téte ne oehe bata: ⁸ a ko Bu Bhopua, a ko engu, a la di-e ngute. Ndandu bata hana aziba ne bua bini.

⁹ Ní ziziba engú inde li okpala ngakpokpo e ndjindji. La-a, engú bhende li Ebhe akpokpo e ngae-e, ane bhende gba okpala-a mane. A bhomu-o engú bhende li Ebhe akpokpo e pindji Ndili gba e-o. ¹⁰ A

na paká me kpala bhende abhuka Ndili gba Ebhe-e, kpala ango-o asia engú inde akpokpo lie bhomu-o li bua e makpe asia. Engú bini, kpala bhende i bhuka Ebhe de-e, kpala ango-o nga'o Ebhe bhulu eu. Padhá de, anga engú inde li Ebhe akpo e pindji Ndili gba e, kpala ango-o bhuka naae de. ¹¹ Engú ango-o ngae inde: Ebhe aha nani mukobho na duduuma pi ni, mukobho ango-o la bhú Ndili gba ani ko. ¹² Kpala bhende li Ndili-e nde bhú e, abhú kpala ango-o ne mukobho. Engú bini, kpala bhende li Ndili gba Ebhe-e nde bhú e ade-e, mukobho bhú kpala ango-o ade.

Engú pindji mukobho na duduuma

¹³ Ma aye balua inde-e pi yi, ngayi okpala bhende abhuka 'li Ndili gba Ebhe-o. Ma aye pi yi, amba yi mbila me yi asia mukobho na duduuma asia. ¹⁴ Engú ni nde lie ne tsulu kala Ebhe belegu ade bini-e ngae inde: ni ngambila ndjindji me, i du me ni nde ayo 'he ka ani maka ani ngakunda lie, ani djé ni. ¹⁵ I du la me ni nde ambila me ani ngadje ni bhú ndu mayo gba ni-e hana-a, ni ambila di ndjindji me ni asia 'he inde ni ayo e ka ani-e asia.

¹⁶ I du me kpala bini nde au ndai e ngamene siti 'ngú-o, li siti 'ngú ango-o du bhende i to ani bhú kuo de-e, a ayo me ani yo Ebhe ngú ani, amba kpala na siti 'ngú ango-o sia mukobho. Bhophomu ndjindji pi kpala bhende ngamene siti 'ngú inde i to ani bhú kuo de ko. Engú bini, a ne siti 'ngú inde ató kpala bhú kuo, ma pa de me u yo Ebhe ngú bhende bhomu-o de. ¹⁷ Ndú 'ngú hana inde ngingbili bhú djila Ebhe ade-e, a ko siti 'ngú. La-a, ndú 'ngú hana toto kpala bhú kuo de.

¹⁸ Ní ngambila ndjindji me kpala inde li Ebhe azu e ngae dhedhedhe li namene siti 'ngú belegu de bini.

* ^{5:6} 5:6 Engu di ne ngute: Bhelé na okpala ngabhundja me engu-o, a ko batismo gba Yesu-o, ngute-e, a ko nakpi gba ani-o.

Padhá de, anga Yesu Ndili gba Ebhe-e ngalila ani ngae, la di-e, Siti ti da namene 'he ngú ani belegü de bini.

¹⁹ Ní ambila me ní naaní ne okpála gba Ebhe, engá la bini, doto libhomu sa 'kpa Siti.

²⁰ Ní ambila me Ndili gba Ebhe-e ago, ani atsia aha imbilangü pi ní, amba ní mbila Ebhe na kükülu-o. Ní akpötse liní ne Ebhe na kükülu-o, li pápá gba Ndili gba ani Yesu Kilisito. Ngaani-e, a ko Ebhe na kükülu, a ko la di mukobho na duduuma.

²¹ Odi ma, yi lila liyi ka oebhe na eu-o ndjindji.

Balua na bhisi gba Djaa

Eli na kalanu

Bhele kpála Djaa , aye nani balua gba e na bhisi pi ele bini ne ongisi gba e. A mana mugito me, u aye pi Dadjua gba Ebhe inde u adu ayo Ebhe bhú e ne okpála inde bhábhú. Engú na ndundu inde adu bhábhú-o, a ko bha me u du ne mukunda súnda o. Ani atsia apa me u lila lio ka omusuno na eu, ne nasuno gba o-o.

Ongbengbe ongú inde bhú bhuku inde-e ngae inde:

Eli na kalanu 1-3

Engú na kalanu inde a ayo me mukunda mene e 4-6

Nalila lio ka nasuno na eu 7-11

Eli na soso 12-13

Djaa yi okpála inde li Ebhe abhu o-o mayi

¹ Ngama, Bhele Kpála , ma ngaye balua inde-e pi yi, Ohi ní,* ngamá kpála inde li Ebhe abhu e di ne ongisi gba e inde ma ngakunda o na kükulu-o. Ma ngakunda bha yi ngama kpi ma kpi ade, ndu okpála hana inde ambila kükulu 'ngú-o akunda bhadi yi moko. ² Padhá de, anga a ngadu bhú ní ne engú na kükulu. La di-e, kükulu 'ngú angoo adu bhú dabili bini ne ní ndu 'kpi hana.

³ A ayo me Ebhe 'Dyi ní, di ne Yesu Kilisito , Ndili gba 'Dyi ní-e, bhú mukunda di ne kükulu 'ngú gba oo, suno bádha bhú 'bu pi ní, u dje ndjinga ní, amba u ha la di guo 'ngú pi ní.

Engú pindji engú na kükulu di ne mukunda

* ^{1:1} 1:1 Ohi ní: Okpála bhelé ngabhundja me Ohi ní inde si-e, a ko Piga gba Ebhe, ongisi gba ani-e, a ko omabhuka . † ^{1:5} 1:5 Nayie li lilita: A ko nayie li nedhinga inde u adje nani 'li Ebhe lie ko. Tsia bhú lukuluku 6, di ne bhú 1 Dja. 2:7, 24, 3:11. ‡ ^{1:13} 1:13 Ongisi gba Ndai mu na Òelegie li Ebhe abhu e-o: A akunda napa me omabhuka na Dadjua na Ebhe li Djaa adu nadu lie-o.

⁴ Ma akpi djali naali, anga ma abhaka ongisi koko gba mu-o ngadholo bhú engú na kükulu, maka lili inde ní asia e ka 'Dyi ní ko. ⁵ Pi mbia inde-e, Ohi ní, engú inde ma ngayo e ka mu-o, a ngae inde: ní du ne mukunda súnda ní. A ko de me ma ngaye pi mu lili na mbia de, a ko lili inde ní asia e nayie bha bini li lilita† ko. ⁶ Lele li mukunda nde lie ngae inde: a ko namene olili gba Ebhe-o. La di-e, lili angoo, a ko bha bhende yi adje nani e nayie li lilita me, a ayo me yi du bhú mukunda.

Yi lila liyi ka okpála napite okpála-a malila

⁷ Okpála bhelé inde ngapite okpála atsambala ne bili ngangá pila doto. U ziba naao de me Yesu Kilisito ago nani bhú kute na kpála-kuti-e de. Kpála inde ngapa mo-o, a ko bhulü napite okpála, a ko la di bhulü yala gba Kilisito. ⁸ 'E-e! Yi lila liyi ngayi makpe-e ndjindji, ngubula me yi anéke makalá na kulu gba ya-a de. Engú bini, a ayo me yi sia makalá-a libhomu.

⁹ Kpála ne kpála inde i lila nasuno inde u aha e pi yi pindji Kilisito de-e, inde i nga'o la di engú koko pépé-e, kpála angoo bhú Ebhe ade. Kpála inde la ngalila nasuno angoo, kpála angoo ngadu bhú 'Dyi Ndili-o, di ne Ndili-o. ¹⁰ I du me kpála nde ago, ani suno la di pi yi engú koko kpi-e, yi asia ani agba yi de, yi abhia di kúo li ani de. ¹¹ Padhá de, anga kpála inde abhia kúo li ani-e, a asuno bhomu-o me u akpötse lio ne ani bhú osisiti 'ngú gba ani-o.

¹² Ma ne engú bhelé ngú napapa pi yi. La-a, ma kunda nayeye maye de, anga ma ne 'to ma 'to nanu agba yi oo, ngubula me ní gama 'ngú ne yi me ní nde ngau liní mau, amba ní kpi djali ndjindji.

13 Ongisi gba Ndai mʉ na θele,
kpála ìnde li Ebhe abhʉ e-e‡ apa me,
o yi mʉ mayi.

Balua na bata gba Djaa

Eli na kalanu

Bhele kpála Djaa , aye balua inde-e pi bhele kpála natsia 'kpí li Dadjua gba Ebhe inde 'li e me Gaiusi. Djaa adu agama 'ngú gba ani-e ndjindji, anga ani adu asia omakilisito inde adu ago agba ani-e ndjindji-e naali. Ani atsia a ayo ka ani me, ani lila li e ka bhoko bini inde a du 'li e me Diotelefe malila.

Ongbengbe ongú inde bhú bhuku inde-e ngae inde:

Eli na kalanu 1-4

Nakpo 'ngú ndjindji li kute Gaiusi 5-8

Na'o 'ngú pindji Diotelefe 9-10

Na'o 'ngú pindji Demetilius 11-12

Eli na soso 13-15

Djaa yi Gaiusi mayi

¹ Ngama, Bhele Kpála , ma ngaye balua inde-e pi mu Gaiusi, ngamue ndai ma na mukunda, inde ma kunda e kükulu-o.

² Ndai ma na mukunda, gümü gba ma me ndu 'ngú gba mu-o hana dholo ndjindji, mu du ne kute na angu, maka mu nde lie ne angu li bua mu ko.

Gaiusi ngadholo bhú engú na kükulu

³ Ma akpi nako djali naali, anga li nedhinga inde li ondaise ni ago lie, u akpokpo mumma me mu ngamene engú na kükulu. A moko, mu ngadholo bhú engú na kükulu. ⁴ Ehe inde la ngaha djali mumma ane ndu ongú koko hana-a, a ko nadje me ongisi gba ma-a ngadholo bhú engú na kükulu.

⁵ Ndai ma na mukunda, mu ngamene engú inde na babadha pi ondaise ni, belegu di ne pi obhende mu mbila o de-o. ⁶ U akpokpo engú na mukunda gba mu-o kala okpála na Piga gba Ebhe. Mene

'he inde ndjindji bhú djila Ebhe, ne na ha ehe inde atéteke uo li kpadji-e pi uo. ⁷ Padhá de, anga u ngadholo ngubula 'li Kilisito . La die, u ti da nasia 'he ka omupagano belegu de bini. ⁸ Kaka-a, a ayo me nganí makpe-e, ni teteke ngua okpála bhomu-o nganí, amba ni kpotsé di liní ne uo ngú nakpokpo 'ngú na kükulu.

Engú pindji Diotelefe ngauo ne Demetilius

⁹ Ma aye nako mboye balua pi okpála na Dadjua gba Ebhe. Engú bini, Diotelefe, kpála inde akunda naae me bhú ndu 'ngú hana u dje bha ni-e, atsia au engú ango-o bhú djila e padhá. ¹⁰ Kaka-a, ma agó lie, ma ambámba ta engú na sisiti inde ani ngamene e-o. Ani ngapa ongú na sisiti di ne eu li kute ya. Engú bini, ani pise bha bini li bhende bhomu-o de, ani ngayala nasia ondaise ni. Ani ngapa la di pi obhende ngakunda nasia uo me u mene mo-o, ni pándja uo bhú Piga gba Ebhe-o.

¹¹ Ndai ma na mukunda, mo oméne 'ngú maka okpála na sisiti de. Engú bini, mene mangbo engú maka okpála na babadha. Kpála bhende ngamene bádha 'ngú-o, a ko kpála gba Ebhe. Kpála bhende ngamene siti 'ngú-o, kpála bhomu-o mbila Ebhe de.

¹² Ndú okpála hana ngakpo 'ngú pindji Demetilius ndjindji. La die, engú na kükulu ngae makpe ngakpokpo 'ngú gba ani-o. Nganí die, ni bhadi ngakpokpo 'ngú gba ani-e moko. Mu ngambila la di me engú inde ni ngakpokpo e, a ko kükulu 'ngú.

¹³ Ma ne ongú bhelé napapa pi mu. La-a, ma kunda nayeye maye de, ¹⁴ anga ma akunda nau mu má gala, amba ni gama 'ngú me ni nde ngau liní mau.

¹⁵ A ayo me guo 'ngú du bhú dabili bini ne mu! Ondaise ni inde ei-e apa me, o yi mu mayi. Pa la di pi ondaise

ní inde oo me, ya yi kpála bini ne
bini mayi.

Balua gba Djude Eli na kalanu

Djude aye nani balua inde-e ngubula napa me, omabhuka lila li o ka omusuno na eu inde adu apa me ni ne omabhuka-a malila. Bhú ndu balua inde-e, ongú inde bhúbhú-o, maka bhende bhú balua na bhisi gba Piele-o. Djude ngato masi bhú okpála inde ngatatanga me, u gu gbele ngubula nabhuka inde li Ebhe aha nani e pi okpála gba e ngubula ndu 'kpí hana-o.

Ongbengbe ongú inde bhú bhuku inde-e ngae inde:

Eli na kalanu 1-2

Dasundu, ne nasuno, a la di-e likabhu gba omusuno na eu 3-16

Lili ngubula nalila nabhuka 17-23

Bisagu 24-25

Djude yi omabhuka mayi

¹ Ma aye balua inde-e ngama Djude. Ma ne bali gba Yesu Kilisito, ma la di ne ndai Djaki. Ma aye balua inde-e pi okpála inde li Ebhe, 'Dyi ni a'i o-o. Ani ne mukunda pi uo, ani di ngalila uo bhú 'bu Yesu Kilisito. ² A ayo me Ebhe dje ndjinga yi, ani ha guo 'ngú pi yi, amba ani bedhe yi ne mukunda gba e ane mane.

Yi lila liyi ka omusuno na eu-o malila

³ Ondaise ma na mukunda, ma adu nako ne gümü naali me ma ye balua pi yi pindji mukobho inde ngakpetsé ndu ní hana-o. La mbia inde-e, ma au ndjindji me ma ye balua pi yi ngú nato masi bhú yi me yi gu gbele ngú nabhuka inde li Ebhe aha e pi omaha e-o. Nabhuka ango-o djí galikpe lie belegu de bini.

⁴ Padhá de, anga okpála koko bhú

ká yi sisiti, u ali bhú ká yi bhú pepe. U ngadji ta bádha bhú 'bu gba Ebhe gba ní-e ngú nasia kpadji me o mene ndu osisiti 'ngú inde u akunda e hana. U bhomu-o ngayala koli Musuno inde di Ngámá gba ní Yesu Kilisito-o. Okpála ango-o, u aye nani mangimbo gba uo-o bhú Bhuku gba Ebhe-e bhutode.

⁵ Belegu yi ambila nani ndu ongú inde-e lie hana didili-e, ma akunda matá napapa pi yi ne toto me, Ebhe Ngámá gba ní-e agbegbe nani okpála na Isalaele bhú bali bhú doto na Edjipeto agbegbe. Ani atsia abhili obhende i bhuka ani de-o. ⁶ Yi kina nga me oandjelu inde i lila nani kulu gba o-o de-e, inde a'o ká dabili gba o-o, Ebhe agbigbite uo ne gbündjili na duduuma, ani atsia abu uo li bili na biti bhe má ndundulundu ngú nadjeke 'ngbé 'kpí nakodho mangimbo gba okpála-o. ⁷ Yi kina nga me okpála na Sodomo ne Gomolo di ne ogudhú koko na ngo ogudhú bhomu-o amene bhadi nani siti 'ngú maka oandjelu bhomu. U adu amene 'ngú na sisiti inde li kpála-kuti ti da namene e de. Kaka-a, u naki ngazú likabhu bhú djua na duduuma ngú nasuno pi okpála me, a ayo namene ngua siti 'ngú bhomu-o de.

⁸ Okpála na sisiti inde ali bhú ká yi bhomu-o bhadi ngamene ngua siti 'ngú bhomu-o moko. Ka 'ngú na ngingi inde bhú 'ndji uo-o, u ngasiti kute o. U kunda de me Ebhe u ngámá pi 'djí o-o de. U manga la di oandjelu inde li o ne zizi-e* de.

⁹ La-a, belegu Mikaele ngámá gba oandjelu-o mene nani mo-o de. Bhú nagbe bhayiki gba uo ne Djabulú-o, u adu amene kpeke 'bhé lie ngubula kuo Moidje-e, Mikaele pa 'ngú na nümü li kute djabulú de. Engú bini ani apa bha pi ani me: «Ebhe mene bhado mu sisiti!»† ¹⁰ Engú

* ^{1:8} 1:8 Oandjelu inde li o ne zizi: A akunda napa me oandjelu inde ngamanga 'li Ebhe. † ^{1:9} 1:9 Ongú koko inde bhú lukuluku inde-e, a bhú obhuku koko na gandja na didili-e ade. A ko ongú inde li omaYuda adu nani akpokpo e maka tsingu. A viti bini ne bhende bhú lukuluku 14-15.

bini, okpála na sisiti inde bhú ká yi-e, ngagama 'ngú sisiti li kute engú bhende u mbila e de. Uo maka onu abhú bili, u ngabhubhundja ade. U ngamene bha bini engú bhende akoto bhú 'ndji o. Engú ango-o la ngabhili uo ngae. ¹¹ A ko likabhu pi uo! Padhá de, anga u akpata kpadji li Kaina akpata nani e-o. U akpata nganda Balama ka gümü tia gba o-o. U amu anga u ngamene kpéke 'ndji pi Ebhe maka li Kole amene nani lie-o.

¹² Uo ngaha nümü pi yi bhú obili li yi apépékébhé bhála yi li e ngú nazú 'he na mukunda súnda yi-o. U ngabedhe 'bu o ne ezú má kpambi! Nümü li uo ade, uo bha bini ngabhundja engú gba o makpe. Uo maka ndindi inde li anvi ngandjindjimba e, li ebha nde bhú e ade-o. Uo maka ndula inde i li lílí de bhú nedhingga nali lílí-o, inde u agbe du e, a tsia akpi hana má kpékébhé-o! ¹³ Uo maka ongbengbe 'ngbo 'ngu na ngade 'ngu. U ngapandja ongú na nümü gba o-o maka li ngade 'ngu agbegbe efu lie. Uo maka oikupala inde ambu li kpadji o. Ebhe aleke dabili na dudu ma ne dudu ma pi uo bhú biti má ndundulundu!

¹⁴ Enoka, nani ne ogbi ní na mananika nayie li Adamu. Ani akpokpo nani maka polofeta li 'ngú gba okpála ango-o me: «Yi tsitsia nga Ngámá ngago bhú dabili bini ne bhti obubu okpála gba e na bhibhiti-o, ¹⁵ ngú nakodho 'ngú gba ndu okpála hana. Ani a'ó mangimbo pi ndu okpála na sisiti hana ngubula ndu osisiti 'ngú inde u amene e, nedhingga li u agbe kpéke 'ndji lie li Ebhe, di ne ngubula sisiti oeli inde li okpála na mugwe apa e li kute ani-o.» ¹⁶ Okpála ango-o ngadi mutokono di ne nalopololo lio ndu 'kpí hana, uo ngadhu ku bha bini maka li gümü gba uo makpe apa lie. U ngapa bha bini ongú inde ane dada mane, u la di ngapa 'li okpála koko ngubula me o sia 'he ka uo.

Dapo pi omakilisito

¹⁷ La pi yi ondaise ma na mukunda-a, yi bhundja oeli inde li obhulu titima gba Ngámá gba ní Yesu Kilisito apa nani e pi yi-o. ¹⁸ U apa nani pi yi me: «Li sokpi-e, adú ne okpála inde amú yi, u tsia du akpata osisiti gümü gba o makpe.»

¹⁹ Okpála ango-o, a ko okpála inde ngagbo bhúsú okpála. A bha bini bhú 'ndji uo ne imbilangú bhe na kute, Bua gba Ebhe-e bhú uo ade.

²⁰ La pi yi ondaise ma na mukunda-a, yi mene ne kpéke me yi teteke liyi súnda yi ngubula me ndu yi hana yi lu kpekpeke bhú nabhu ku inde bubu naali-o. Yi yo Ebhe ne angu gba Bu Bhabua. ²¹ Yi du nadhu ku li lele da napa me Ebhe du nasuno mukunda gba e pi yi. Yi 'o 'to yi li nedhingga li Ngámá gba ní Yesu Kilisito apána ndjinga gba e lie pi yi, ani tsia há mukobho na dudu ma pi yi-o. ²² Yi dje ndjinga okpála bhende ne bua na bhisi bhisi bhú ká yi-o.

²³ Yi kobho uo, amba u atsúlu bhú djua de. Yi dje ndjinga okpála koko, la-a, yi lila liyi me, belegu bongo gba uo inde asiti ne osisiti 'ngú gba uo inde u ngamene e, atunu lie li kute yi de.

²⁴⁻²⁵ Sangu pi koli Ebhe bini inde akobho ní li kpadji gba Yesu Kilisito, Ngámá gba ní-o. Ani ti da nayoko me yi atí bhú siti 'ngú de, ani ti da namene me yi koto kala ni me engú na sisiti nde bhú yi ade, di ne me yi nde abedhe ne djali bedhe. A ayo me okpála dhégo ani, a ayo me ani u, a ayo me angu di ne ngámá du bhú dabili bini ne ani mbia inde, dudu ma ne dudu ma. A adu moko!

Apokalipisi Ongú inde u ambamba ta e **Eli na kalanu**

Djaa aye bhuku na Apokalipisi inde-e bhú nedhingga u adú ato mbolo li omakilisito lie kabula nab-huka bhú Yesu Kilisito maka Ngámá gba o. Engú na ngbéngbé inde bhú bhuku inde-e, Djaa ngapa pi okpála inde ngatatanga me u du ne nabhuka di ne masi. Djaa atsia aha líli pi uo me, u lu kpékpéke bhú 'ngú na kákálu nedhingga na likabhu di ne bhú onedhingga u ngato mbolo li uo lie-o.

Bhú bhuku inde-e, u aye bhúbhú ongú bhelé pindji nambamba ta ongú, di ne pindji nau ongú maka loto li da e nde kpékpéke ngú nambimbila. Engú na ngbéngbé bhúbhú-o mbámbá. A ko engú inde me: li pápá gba Kilisito Ngámá gba ní-e, a li soso-o, Ebhe ahá angu obhálu yala gba e hana, ani há di angu Satana . Ani há di makála pi okpála na ngbingbili gba e, ne bisagu na abhálá na mbia di ne doto na mbia inde ani ako angu e pi ndú 'ngú lie hana-o.

Ongbengbe ongú inde bhú bhuku inde-e ngae inde:

Eli na kalanu 1:1-20

Balua pi oDadjua mananika gba Ebhe 2 - 3

Malíka 4:1 - 8:5

Ototi mananika 8:6 - 11:19

Nau ongú mananika maka loto 12:1 - 15:8

Okópo mananika na ke 'ngú gba Ebhe 16:1-21

Ongú mananika u apa e pindji babilona 17:1 - 19:10

Nabu ta 'ngú pindji nau ongú mananika maka loto 19:11 - 21:8

Yelusalema na mbia, ele gba Ndili Kandélé 21:9 - 22:21

Lita 'ngú-o

¹ Bhuku inde-e ngakpokpo 'ngú pindji engú inde li Ebhe ambamba ta e pi Yesu Kilisito-o . Ebhe ambamba tata pi ani ngubula me ani suno pi obalise gba ni-o, engú inde améne lie mbia inde-o. Abhomú-o, Yesu Kilisito atsia atima andjelu gba e me ani mbamba ta engú ango-o pi bali gba ni Djaa . ² Djaa akpokpo ndú 'ngú inde ani au e hana. Ndú 'ngú inde ani au e hana-a, a ko 'li Ebhe, a ko la di kákálu 'ngú inde li Yesu Kilisito ambamba ta e pi ani-o. ³ A ko djali pi kpála inde ngatanga bhuku inde, ne obhende i ngadje ongú inde li Ebhe ambamba ta e bhúbhú-o, inde di ngakpata ongú inde aye lie bhú bhuku inde-o. Padhá de, anga nedhingga na ongú ango-o akolo masikpe.

Djaa yi okpála na oDadjua mananika gba Ebhe-e mayi

⁴⁻⁵ Ngama Djaa, ma atima balua inde-e bhú oDadjua mananika inde bhú ndu doto na Adjia-o.

A ayo me Ebhe inde uu inde adú nani uu, inde la di ngago-o, suno bádha bhú 'bu ne guo 'ngú gba e pi yi. A ayo di me obua mananika inde kala kitu na ngámá gba Ebhe-e, bhú dabili ne Yesu Kilisito suno bádha bhú 'bu ne guo 'ngú pi yi. Yesu Kilisito-o, a ko kpála inde akpokpo ngibili 'ngú . A ko di kpála na kalanu inde azuku bhú ká okpála inde amu, a ko la di ngámá gba ongbengbe ongámási na doto.

Kilisito ngakunda ní, ani atsia agbegbe ní bhú osisiti 'ngú gba ní-e ne ngute e. ⁶ Ani amene me ní kolo okpála na Nau gba Ebhe . Ani amene di me ní kolo odimandé ngubula namene kulu liní pi Ebhe, 'Dyi ní. A ayo me sangu di ne angu du pi ani duduuma ne duduuma! A adú moko. ⁷ Yi tsitsia, ani ngago bhú ndindi!

Ndú okpála hana aú ani, belegu obhende adú nani kala ani ne mandambi-o.

Ndú opiga inde píla doto libhomu adú bhú

'gbá li 'ngú gba ani-o.
Heni, a adú moko!

⁸ Ebhe Ngámá Apí 'Kpí apa me: «Ma ne Kpála inde akpo lita ndú 'ngú hana, ma di ne Kpála inde abú ta ndú 'ngú hana.» Ebhe ne Kpála inde uu, Kpála inde adú nani uu, Kpála inde di ngago.

Djaa au Kilisito bhú 'he maka loto

⁹ Ngama Djaa, ma ne ndai yi inde ngakobho bhú dabili bini ne yi bhú likabhu, ne bhú Naú ne nazi kekele bhú nabhuka Yesu. Ngama-a, ma dú nako bhú kpata bhú kpemé inde u a'i e me Patemosi kabula 'li Ebhe, la di anga ma ngakpokpo kükülu 'ngú inde li Yesu ambamba ta e-o. ¹⁰ Bhú 'kpí gba Ngámá-a, Bu Bhopua abedhe ma, ma atsia adjé ne akele ma kpéke eli bini maka mbala. ¹¹ Eli ango-o apa me: «Ehe inde mū ngau e-e, ye bhú bhuku bini, amba mū tima bhú oDadju mananika gba Ebhe inde bhú Efeso, bhú Similine, bhú Pelegame, bhú Tiatile, bhú Salade, bhú Filadelefí ne bhú Laodisé.»

¹² Abhomu-o, ma adjí lima ngú natsia kpála inde adú nagama 'ngú mūma-o. Ma adjí lima lie, ma au otala na olo mananika. ¹³ Bhú ka otala ango-o, ehe bini adú maka kpála-kuti. Ani adyi 'ndjá bongo akolo bhú 'dhú e, ani atsia agbite mbulu e ne mukabha inde u amene e li olo.† ¹⁴ 'Ndjí ani ne sundjo ani avu má tuu, maka kato! Djila ani adú nade maka zi djua. ¹⁵ 'Dhú ani adú nasú maka kalase na kpéke mase inde u ato e bhú djua, zizi atsia aholo nasú. 'Li ani adú maka tolo wowo 'ngu. ¹⁶ Ani aholo ikupala mananika ne 'kpa e na kokpa. A adú akoto bhú 'bhe ani ne mbotia inde adhe ne ndú pasú bhisi hana. Bhúla ani adú asú maka kpéke zindjila na tulukpe.

¹⁷ Ma au ani lie, ma ati bhú li 'dhú ani maka kpála inde akpi. Pipita-a, ani a'o 'kpa e na kokpa-a pí ma,

† 1:13 1:13 Tsia bhú Dan. 7:13.

ani atsia apa mūma me: «Mo okpé-e de! Ma ne Kpála inde akpo lita ndú 'ngú hana, ma di ne Kpála inde abú ta ndú 'ngú hana. ¹⁸ Ma la di bhú mukobho. Ma adú nako me ma nde akpi, la mbia inde-e, ma bhú mukobho na dudu'ma. Ma ne angu pí 'ndjí kuo di ne pí 'ndjí bili gba okpála inde amu. ¹⁹ Kaka-a, ye ongú inde mo ou e inde. A ko ongú inde ngakodho 'kpí, di ne ongú inde a ayo me ago pipita ko. ²⁰ Pindji oikupala mananika inde mo ou e sa 'kpa ma na kokpa, di ne otala mananika na olo-o, gbo nga 'dje mū, ma mbamba kükülu tata-a pí mū. Mbila me, oikupala mananika-a, a ko oandjelu na oDadju mananika gba Ebhe, otala mananika-a, a ko oDadju mananika gba Ebhe-o.»

2

Balua pi okpála na Dadju na Efeso

¹ Kpála inde ma au e apa matá mūma me: «Ye balua pi andjelu na Dadju na kuti na Efeso me:

«Kpála inde aholo oikupala mananika sa 'kpa e na kokpa, inde ngadholo bhú ká otala mananika na olo-o apa me: ² Ma mbila okulu gba mū-o hana. Ma mbila hana me mo omene kulu kpekpeke, me mū di ne bua na kekele. Ma mbila hana me mū tí da naziba osisiti okpála de. Ma mbila hana me mo ole okpála inde ngapa me o ne obhulü titima gba ma-a me u nde la mo-o ade-e, mo atsia au me a ko obhulü eu. ³ Ma mbila hana me a bhú mū ne kekele, mo osia likabhu ngubula 'li ma, mū tsia ndala de.

⁴ La-a, siti 'ngú inde ma au e li pibili gba mū-o, a ko me mo o'o ká mukunda inde mo okunda nani ma ne e a'o. ⁵ Kaka-a, bhundja nga bili inde mo otí li e-o. Dji bua mū, amba mū mene okulu maka mo odú nako namemene lie kalanu ko. I du mo-o de-e, ma agó li pibili

gba mʉ, ma a'é tala gba mʉ li bili i
nde li e-o, i du me mʉ nde dji bua
mʉ de ko. ⁶ Engú bini, bádha 'ngú
inde bhʉ mʉ-o ngae inde: mʉ
ngayala okulu inde li oNikolaite
ngasuno e, maka ngama makpe di-
e, ma ngayayala lie-o.

⁷ A ayo me kpála inde li e
ne djedje-e, dje engú inde li Bu
Bhobua ngapa e pi oDadjua gba
Ebhe ko!

Kpála inde agbóko 'gú bhomʉ-o,
ma ahá lí ndula na mukobho inde
bhʉ edyi gba Ebhe-e pi ani me ani
du nazuzu. Edyi ango-o bhʉ kuti
na mundeyi gba Ebhe-o.»»

Balʉa pi okpála na Dadjua na Similine

⁸ Kpála inde ma au e apa matá
mʉma me: «Ye balʉa pi andjelu na
Dadjua na Similine me:

«Kpála inde akpo lita ndʉ 'ngú
hana, inde di abú ta ndʉ ongú
hana, Kpála inde akpi nani, engú
bini atsia azuku-o apa me: ⁹ Ma
mbila likabhu gba mʉ di ne
ndibhili gba mʉ-o hana, engú bini,
kukulu tia mangbo ngae inde ka
mʉ-o. Ma mbila la di maka
li okpála inde ngapa me o ne
omaYuda me u nde ne omaYuda
ade-e, ngadi mʉ lie hana. La
ngauo-o, a ko omaYuda de, a ko
okpála gba Santana ! ¹⁰ Mo odjé
tsʉlʉ ka likabhu inde mo osia e de.
Djedje nga, djabʉlʉ andí okpála
bini bini bhʉ ká yi bhʉ tikpʉ ngú
nale yi. U ató mbolo li yi ngʉbula
ekpí ndjikpa. Mo oyála ma de,
abana i yo bha me u bhele mʉ.
Pipita-a, ma ahá ndata na 'ngbə
ndua pi mʉ maka makalá gba mʉ-
o. Ndata na 'ngbə ndua ango-o, a
ko mukobho na dʉdʉma.

¹¹ A ayo me kpála inde li e
ne djedje-e, dje engú inde li Bu
Bhobua ngapa e pi oDadjua gba
Ebhe ko!

Kpála inde agbóko 'gú bhomʉ-o,
ani sia likabhu gba nakpi na bhisi-
e belegʉ de bini.»»

Balʉa pi okpála na Dadjua na Pelegame

¹² Kpála inde ma au e apa matá
mʉma me: «Ye balʉa pi andjelu na
Dadjua na Pelegame me:

«Kpála inde ka e ne mbotia inde
ngadhe ne ndʉ pasʉ bhisi hana-
a, apa me: ¹³ Ma mbila bili inde
mʉ ngadʉ li e hana, bili ang-o-o,
Satana ne ngámá oo ngae. Mʉ
ngalila 'li ma. Mʉ ndala 'kpa li
nabhuka gba mʉ bhʉ ma-a de,
abana bha li nedhinga u abhølø
Atipasi lie agba yi, li bili li Satana
ngadʉ li e-o. Atipasi adʉ nani
nakpokpo 'ngú gba ma mbámbá
kala okpála.

¹⁴ La-a, siti 'ngú inde ma au e li
pabili gba mʉ-o, a ko me, a agba
mʉ ne okpála koko inde ngad-
hedhe li 'ngú li Balama adʉ nani
nasuno e pi Balaka-o. Balama adʉ
nani nasuno pi Balaka me ani to
omañsalaele bhʉ siti 'ngú. Ani
adʉ apite uo me u zu oenʉ inde
u aha o pi oebhe na eu, amba
u du di nakʉnda olisi, i du di-e
obhosí ngangá. ¹⁵ A bhadi moko,
a di bhʉ ká okpála gba mʉ-o ne
obhende adhedhe li nasuno siti
lilí maka oNikolaite ngasusuno lie-
o. ¹⁶ Kaka-a, dji bua mʉ. Padhá
de, anga i du mo-o de-e, ma
ngago agba mʉ má gala, ma tsia
gú okpála ango-o ne mbotia inde
ngakoto bhʉ 'bhe ma-o.

¹⁷ A ayo me kpála inde li e
ne djedje-e, dje engú inde li Bu
Bhobua ngapa e pi oDadjua gba
Ebhe ko!

Kpála inde agbóko 'gú bhomʉ-o,
ma ahá mana inde awo lie mawo-
o pi ani. Ma ahá la di linga pi
ani. U aye pi linga ango-o 'ili na
mbia inde li kpála bini mbila ta e
de, bha bini kpála inde asia linga
ango-o ko!»»

Balʉa pi okpála na Dadjua na Tiatile

18 Kpála inde ma au e apa matá mūma me: «Ye balua pi andjelu na Dadjua na Tiatile me:

«Ndili gba Ebhe inde li Djila e ngade maka djua, li zi 'dhū e nde ngasu maka kalase na kpéke mase, apa me: **19** Ma mbila okulu gba mu-o hana. Ma mbila mukunda gba mu-o hana. Ma mbila kulu mo omemene e pi okpála di ne kekele gba mu-o hana. Ma mbila hana me kulu mu ngamene e mbia inde-e ane bhe na kalanu-o ne bhelé. **20** La-a, siti 'ngú inde ma au e li pabili gba mu-o, a ko me, mu ngaziba Djedjabele, ele inde ngapa me ni ne polofeta gba Ebhe-o. Ani ngapite obalise gba ma-a ne nasuno pi uo engú na zabhe, di ne nazu onu inde u aha o pi oebhe na eu-o. **21** Ma a'o nako nedhinga pi ani me ani dji bua e. Engú bini, ani kunda nadji bua e de me ni 'o nakunda obhosí ngangá ma'o-o de.

22 Kaka-a, ma agú 'i ani pi polo na 'ngbé likabhu bhú dabili bini ne obhende ngakunda obhosí, i du di-e olisi gba okpála koko bhú dabili bini ne ani-o, i du me okpála ango-o nde dji 'ngbú o li sisiti kulu gba ani de-o. **23** Ma abhili okpála inde ngakpata nganda ani-o, li ndu okpála na oDadjua gba Ebhe-e hana mbila me ma ne kpála inde i ngambila mabhundja di ne gumu gba okpála hana. Ma ahá pi kpála ne kpála bhú ká yi makalá nakpata bha lele siti 'ngú inde ani amene e ko. **24** La ngayi okpála na Dadjua na Tiatile, inde i dhedhe li nasuno na sisiti bhomu-o de-e, inde i kpata di engú li okpála bhomu-o nga'i e me, "Engú nawo mawo gba Satana" de-e, ma ne lili koko na'o'o pi yi ade. **25** Engú bini, yi dhedhe bha li engú inde ka yi akólo bha bini li 'kpí inde ma agó lie ko.

26-28 Kpála inde agbóko 'gú

bhomu-o, inde alila okulu gba ma nakolo ali soso-o, ma ahá pi ani angu inde ma asia e ngama makpe ka 'Dyi ma-o. Ma a'o ani ngámá pi 'ndji opiga. Ani aú ngámá pi 'ndji uo. Ani ahólo kalase sa 'kpa e, ani tsia dú agugumu uo maka u agugumu omadakpa lie ko.[†] Ma ahá di ikupala inde asusu kékpi-e pi kpála ango-o ngú nasuno me ani agboko 'gú-o agboko.

29 A ayo me kpála inde li e ne djedje-e, dje engú inde li Bu Bhopua ngapa e pi oDadjua gba Ebhe ko!»

3

Balua pi okpála na Dadjua na Salade

1 Kpála inde ma au e apa matá mūma me: «Ye balua pi andjelu na Dadjua na Salade me:

«Kpála inde li obua mananika gba Ebhe, di ne oikupala mananika nde ka e apa me: Ma mbila okulu gba mu-o hana. Okpála ngapa me mu uu, engú bini, mo okpi. **2** Zuzuku, mene ne kpéke me mo obúlu bha má pii de! Padhá de, anga ma au me kulu gba mu-o kolo nga li lelele de. **3** Kaka-a, bhundja nasuno inde mo osia nani e-o ne lele maka mo odje nani lie-o. Dji bua mu, amba mu lila nasuno ango-o malila! I du la me mu nde zuku de-e, ma gó maka bhálu 'zi, ma koto li mu bhú gbilikiti, me mu nde mbila nedhinga ango-o de.

4 Engú bini, a bhú ka yi okpála na Salade ne okpála bini bini inde i siti obongo gba o-o de. U adyí obongo na bububu, ngaya ne uo-o, ya tsia dhólo bhú dabili bini. Padhá de, anga u ati ne nadhuku ne ma bhú dabili bini ngao. **5** A moko, kpála inde agbóko 'gú bhomu-o, adyí obubu bongo. Ma búlu li ani bhú bhuku na mukobho-o de. La di-e, ma aziba

[†] 2:26-28 2:26-28 Tsia bhú Ets. 2:8-9.

kala 'Dyi ma, di ne kala oandjelu gba ani-e me, a ko kpála ka ma.

⁶ A ayo me kpála inde li e ne djedje-e, dje engú inde li Bu Bhopua ngapa e pi oDadjua gba Ebhe ko!»

Balua pi okpála na Dadjua na Filadelefí

⁷ Kpála inde ma au e apa matá muma me: «Ye balua pi andjelu na Dadjua na Filadelefí me:

«Kpála inde bubu, inde i papa eu de, inde li fungula gba Davidi nde ka e-e, inde i 'u bhoti-e, kpála bini ti da nanini de, inde i ni la di bhoti-e, kpála bini ti da na'u de-e, apa me: ⁸ Ma mbila okulu gba mu-o hana. Ma mbila hana me mu kpékpéke ade. La-a, mo olila 'li ma ndjindji. Mo opa mbámbá me mu ne kpála ka ma. Kaka-a, ma a'u bhoti kala mu, bhoti ango-o, kpála bini ti da nanini de.

⁹ Tsia nga engú inde ma améne e li okpála gba Satana, obhulé eu inde ngapa me o ne omaYuda me a nde omaYuda ade-o: ma agbélé uo kala mu, u tétu lipuké o kuto kala mu ngú nadhègè mu, amba u mbila me ma ngakunda mu. ¹⁰ Mo olila lili gba ma pindji naholo bua o ndjindji. Kaka-a, ngama di-e, ma alila bhadi mu moko li nedhinga na kpéke da 'ngú inde agó pila doto libhomu ngú nale okpála na doto ko. ¹¹ Ma agó mbia! Dhedhe li nasuno inde mo odje e ndjindji, ngubula me kpála bini adhépe ndata na 'ngbè ndua gba mu-o de.

¹² Kpála inde agbóko 'gú bhomu-o, ma a'o ani maka nepanda bhú 'ngbé 'ti Ebhe gba Ebhe gba ma-o. Ehe bini ti da nagbe matá ani oo belegu de bini. Ma ayé 'li Ebhe gba ma-a li kute ani, bhú dabili bini ne 'li gudhú gba Ebhe gba ma-o. Gudhú ango-o, a ko Yelusalema na mbia inde ayié abhúlá, inde li Ebhe atíma galikpe e-o. La di-e, ma ayé 'ili gba ma na mbia li kute ani.

¹³ A ayo me kpála inde li e ne djedje-e, dje engú inde li Bu Bhopua ngapa e pi oDadjua gba Ebhe ko!»

Balua pi okpála na Dadjua na Laodisé

¹⁴ Kpála inde ma au e bhomu-o at-sia apa muma li soso me: «Ye balua pi andjelu na Dadjua na Laodisé-me:

«Kpála inde 'li e me "A du moko", kükülu kpála inde ngakpokpo 'ngú me ani nde 'o koko pépé de-e, inde lita ndu 'he li Ebhe abho e hana-a apa me:

¹⁵ Ma mbila okulu gba mu-o hana. Mu kpikpina ade, mu di kpákpá ade. A ayo iginí me mu de adu kpikpina, i du mo-o de-e, mu du kpákpá. ¹⁶ I nde lie me mu nde yapayapa-a, mu nde kpikpina adi-e, mu la di kpákpá adi-e, ma azie mu mazie!

¹⁷ Mu ngapa me: "Ma ne bhulé tia, ma asia tia bhelé, ma ne gumu 'he belegu ade bini." Engú la bini, mu mbila de me ni bhú likabhu-o de. Mu mbila de me ni nga'o li ma ndjinga-a de. Mu mbila de me ni ne bhulé ndibhili-e de. Mu mbila de me ni u 'kpí de-e de. Mu mbila la di de me ni ndumbu-o de. ¹⁸ Kaka-a, ma ngayo ka mu me, a ayo nakala olo inde li djua aleke e ndjindji-e ka ma, ngubula me mu kolo bhulé tia. Ma ngayo ka mu me, a ayo nakala di obongo na bububu ka ma ngú nadyidyi li kute mu, amba numu améne mu ka ndumbu gba mu-o de. Ma ngayo ka mu me, a ayo nakala la di elá ngú nasese bhú djila mu, amba mu du au 'kpí ndjindji.

¹⁹ La pi ma-a, ndu okpála inde ma akukunda o hana, ma ngambe bhú 'ndji uo, ma di ngasuno oehe inde u mene e ndjindji de-e pi uo. Kaka-a, a ayo me mu dji bua mu, amba mu du kpákpá. ²⁰ Djedje nga, ma alu li 'bhé bhoti-o, ma ngabhibhi. Li kpála dje 'li ma, ani 'u 'bhé bhoti-e, ma li agba ani, li

ngaya ne ani-e, ya tsia zú 'he ne ani bhú dabili bini.

²¹ Kpála inde agbóko 'gú bhomú-o, ma azíba pí ani nadú bhú dabili bini ne ma pí kiti na ngámá gba ma maka ngama di ma agboko 'gú lie, ma atsia adú bhú dabili bini ne 'Dyi ma pí kiti gba e na ngámá ko.

²² A ayo me kpála inde li e ne djedje-e, dje engú inde li Bu Bhopua ngapa e pi oDadjua gba Ebhe ko!»

4

Abhúlá-a, ndú okpála hana ngadhége Ebhe

¹ Pipita-a, ma au engú koko bhú 'he maka loto. Ma au bhoti inde adú baba abhúlá.

Eli ma adje igini e kalanu mágito me u nga'u toti-e, apa muma me: «'E ei, amba ma suno engú inde ngago sidi-e pi mu.»

² Kolo me-e, Bu Bhopua abedhe ma. Abhúlá oo, kiti bini na ngámá adú oo, kpála bini atsia adú pépé.

³ Zi kpála ango-o adú nasú maka oteme* na zizi. Makilima asa dengo kiti na ngámá inde ani adú pí e ne zi e ngbalina. Zizi adú di maka zi teme na zizi. ⁴ Okiti na ngámá ndjikpa bhisi ne ká badha asa dengo kiti na ngámá ango-o ngbalina. Obhelesi okpála ndjikpa bhisi ne ká badha atsia adúlú pépé. U adyidyi obubu bongo, u atsia adyidyi ondata na ngámá inde u amene e li olo-o bhú 'ndji o. ⁵ Li bili li kiti ango-o adú lie, ekpí adú andjendjengene, mágálá adú asusula. O'i 'ke mananika inde adú atsi matsi adú kala kiti ango-o.

O'i 'ke ango-o, a ko obua mananika gba Ebhe-o. ⁶ Kala kiti ango-o, ma au 'he bini maka 'ngbé 'ngu inde li píla e adú nasú má ngíngingí maka bitolobi. A adú má ngilili maka teme† na zizi.

* **4:3** 4:3 Oteme: Bhú eli na giliki-e, u aye limbi oteme bata: djasepe, saladuane ne emelode.
† **4:6** 4:6 Teme: Bhú eli na giliki-e, u aye me «Teme na kilisitale.» † **4:6** 4:6 Okpála badha na ngangamba: Li bili inde-e, u mbila de me ne me a ko okpála-kuti, ne me a ko oandjelu-o de.

Lingo kiti na ngámá ango-o, okpála badha na ngangamba‡ adú oo. (A akunda napa me súnda kiti na ngámá di ne bili li obhelesi okpála ndjikpa bhisi ne ká badha adú lie-o.) Djidjila abedhe li bhála uo di ne li 'ngbú uo bedhe. ⁷ Kpála bhe na bini-e, adú maka kingbi. Bhende na bhisi-e, adú maka folo bagala na bhopuhoko. Bhende na bata-a, bhúla ani adú maka kpála-kuti. Bhende na badha-a atsia adú maka ndua inde bhú holo. ⁸ Ndú uo badha hana, u adú ne mbumbudha madhiá madhiá. Djidjila atsia abedhe téte bedhe bedhe, ali ngbungbú di ne asabusabu. U ngali 'tsi sukpe ne ngbikpi mandi naguo me:

«Ebhe Ngámá Apí 'Kpí, Bubu, ani Bubu, ani Bubu.

A ko Kpála inde adú nani uu, inde uu, inde di ngago!»

⁹ Ndú nedhinga hana li okpála badha bhomú-o ngali 'tsi ngú nadhége kpála inde adú pí kiti na ngámá, kpála inde la di bhú mágobho duduuma ne duduuma, u ngaha sangu di ne nagie hení pi e lie, ¹⁰ obhelesi okpála ndjikpa bhisi ne ká badha-a ngatutu lipukú o kuto kala kpála ango-o. U ngadhége kpála inde bhú mágobho duduuma ne duduuma-o. U ngapandja ndata na ngámá gba o-o, u ngabubu kala kiti na ngámá-a ne napa me:

¹¹ «Ebhe Ngámá gba ya, mo otí ne napa me okpála toko mu, u dhége mu,
amba mu sia sangu kabula ngámá gba mu-o.

Padhá de, anga mo obho ndú 'he hana ngamu.

A atsia amene lie,

anga mo okunda nani me a amene lie moko.»

5

Ndili Kandølø-o abhúlu 'kpá balúa inde agagala lie magagala-o

¹ Pipita-a, ma au 'kpá balúa bini sakpa kpála inde adú pí kiti na ngámá-o, ani aholo li pá 'kpa e na kokpa. U aye 'he pépé ne ndú pasú bhisi hana. U agagala, u atsia ayele ne malika li obili mananíka. ² Abhomú-o, ma au andjelu bini na angu inde adú asusúla me: «A tì da nasosoko malika li kute 'kpá balúa inde-e ngú nabhubhulu-o da?» ³ Engú bini, kpála bini inde atí da nabhubhulu di ne natsia 'kpí bhúbhú-o dú de, abana abhúlá, abana píla doto, abana asa doto. ⁴ Kaka-a, maaku 'gbá naali, anga kpála inde atí da nabhubhulu di ne natsia 'kpí bhúbhú-o dú de. ⁵ Engú bini, súka obhelesi okpála apa múma me: «Mo okú 'gbá de. Tsitsia nga, kingbi na piga gba Yuda, ndili gba 'ngbé ngámá Davidi-e agboko egú-o agboko. Ani tì da nasosoko malika mananíka bhomú-o, ani tsia bhúlu di 'kpá balúa ango-o.»

⁶ Abhomú-o, ma au Ndili Kandølø bini alú tutu, li bili na kiti na ngámá-o. Okpála badha na ngangamba bhú dabili bini ne obhelesi okpála-a asa ani ngbalina. Ani adú mugito me u akodho ngúlú ani makodho. A adú bhú 'ndji ani ne odidi mananíka di ne djidjila mananíka. Odjidjila mananíka bhomú-o, a ko obua mananíka gba Ebhe li ani atima o píla doto libhomu-o. ⁷ Ndili Kandølø-o ago, ani atsia aha 'kpá balúa sakpa kpála inde adú pí kiti na ngámá-o. 'Kpá balúa ango-o adú sakpa ani li pápá na kokpa. ⁸ Nedhinga ani aha 'kpá balúa lie, okpála badha na ngangamba di ne obhelesi okpála ndjikpa bhisi ne ká badha-a, atuko ne lipéku o kuto kala Ndili Kandølø-o. A adú sakpa ndú uo bini ne bini hana ne dámú di ne kópo na olo inde abedhe ne bandele bedhe. Bandele ango-o, a ko mayo

gba okpála gba Ebhe-o. ⁹ U adú nali etsi na mbia me:

«Mu ti da naha 'kpá balúa-o, ne nasosoko malika ango-o, anga u abhølø nani mu, mo otsia agbegbe okpála inde adú bhú bali-e ne ngute mu pi Ebhe.

A ko okpála na ndú bili hana, ne ndú opiga hana, ne ndú okongú hana.

¹⁰ Mo otsia amene me u kolo pi Ebhe gba ní-e okpála na kuti-ngámá gba ani, u kolo di odimande pi ani, u tsia u píla doto.»

¹¹ Pipita-a, ma au, ma atsia adje 'li bhiti oandjelu. U adú nani okete ne kete. U alulú dengo kiti na ngámá-o, ne dengo okulu 'he badha-o, di ne dengo obhelesi okpála-o. ¹² U adú asusúla kpekpeke me:

«Ndili Kandølø nani inde u abhølø e atí ne nasia sangu, ani atí ne nasia tia, ne imbílangú, di ne ngámá.

A ayo me okpála toko ani, u manga ani.

A ko kpála na angu.»

¹³ Ma atsia adje di ndú ohe na píla doto libhomu ne ohe na abhúlá ne obhe na sa doto, ne obhe na abhú 'ngu-o hana aholo nali etsi me:

«A ayo me dudúma ne dudúma ní toko,

ní dhége, amba ní ha di sangu ne ngámá pi kpála inde

ngadú pi kiti na ngámá-a bhú dabili bini ne Ndili Kandølø-o.»

¹⁴ Okpála badha na ngangamba-a adú abhuka engú u adú apa e bhomú-o me: «A adú moko!» Obhelesi okpála atsia adú atutu lipéku-o kuto kala kiti na ngámá ne nadhégé Ebhe bhú dabili bini ne Ndili Kandølø-o.

6

Ndili Kandølø-o aholo nasosoko omalika mananíka li kute 'kpá balúa-o

1 Abhomu-o, ma atsia 'kpí, ma au Ndili Kandele-o asoko súka omalika mananika li 'kpá bala-o. Aní asoko lie, ma adje súka okpála badha na ngangamba-a ngagama 'ngú kpékpéke mugito me mugbálá ngassula ngae. Aní me: «Gogo!»

2 Ma me ma tsia 'kpí me-e, ma au punda bini na bubu akoto. A adu sakpa kpála inde adu pí ani-e ne adili. U ato ndata na ngámá bhú 'ndjí aní. Aní anu maka kpála inde agboko 'gú ngú nagboko matá egú koko.

3 Nedhinga aní asoko malika na bhisi-e lie, ma adje kulu 'he na bhisi-e apa me: «Gogo!» **4** Abhomu-o, li punda koko akoto lie-e, kute aní ambe maka djua. U aha pi kpála inde adu pí ani-e angu na'e guo 'ngú píla doto ngubula me okpála bhili lio. U atsia aha di pi aní mbotia na ndjándjá.

5 Li Ndili Kandele-o asoko malika na bata lie, ma adje kulu 'he na bata-a apa me: «Gogo!» Ma me ma tsia 'kpí me-e, ma au punda na bibili. A adu sakpa kpála inde adu pí ani-e ne kilo. **6** Ma adje 'he mugito me kpála agama 'ngú bhú ká okpála badha na ngangamba-a me: «Li kpála mene kulu ekpí bini libhomu-o, aní de sia tia inde i ti da nakala bha bini koli kilo na ngano bini, i du mo-o de-e, aní de sia tia inde i ti da nakala bha bini koli kilo na olodje bata.* Engú bini, vino ne emu-o adula lie de.»

7 Li Ndili Kandele-o asoko malika na badha-a lie, ma adje kulu 'he na badha-a apa me: «Gogo!» **8** Ma me ma tsia 'kpí me-e, ma au punda na 'ngu kpadhi. A adu li kpála inde adu pí ani-e me «kuo.» Bili gba okpála inde amu-o adu li 'ngbu aní. U aha nani angu pi uo ngubula nabhili té okpála na píla doto. I du me okpála nde badha-a, u bhéle kpála bini bhú ká uo. U abhili té okpála bhomu-o ne egú, ne gumu, ne okuo di ne onute.

9 Li Ndili Kandele-o asoko malika na bhuluvue lie, ma au bua okpála inde u abhili nani o sa misa nat-sulu enu pi Ebhe-o. U abhili nani okpála bhomu-o ka anga u abhuka 'li Ebhe, u atsia akpokpo di mbámbá.

10 U adu asusula kpekpeke me: «Ngámá na bubu, mu ne kukulu ngámá ngamu. Mu ngadjeke ni ngú nakodho 'ngú sunda ya ne okpála na doto-o? Ngauo, u abhili nani ya. Kodho 'ngú bhomu-o kokodho, amba mu 'o 'ngú pí uo.» **11** Abhomu-o, u aha pi ndu uo hana bini ne bini lobe na bubu. U atsia apa pi uo me: «Yi djeke nga mbo bedi, alo gba yi-e le nga de. A ne ondaise yi koko inde ngakpata nganda Ebhe. A ayo me okpála na doto bhili nga di uo maka u abhili nani yi lie ko. Pipita-a, u tsia kódho 'ngú gba yi ne uo bhú dabili bini.»

12 Pipita-a, ma au Ndili Kandele-o asoko malika na madhia-o, Abhomu-o adjigidjo na ngbéngbé amene lie. Ela abili bhúla e má mbilili maka bongo na pili. Epe libhomu atsia andju má ngua maka ngute. **13** Oikupala ayie abhúlá, abala kuto maka lí 'lá bhe i mbe de-e ababala lie ka kpéke anvi-o.

14 Kokpí angita maka 'kpá bala inde u agagala e magagala. Ndu oeta hana ne okpeme hana ayie bhú dá o. **15** Ongbengbe ongámási na doto, ne ongbengbe okpála, ne ongbengbe ongámási na sudha, ne obhúlu tia, ne okpála na angu di ne ndu okpála koko hana, obalise ne okpála inde bhú bali ade, ndu uo hana awowo lio bhú ogudho teme ne bhú oeta. **16** U aholo apa pi oeta di ne pi ongbengbe teme me: «Yi bala pi ya, amba yi wo ya tsutsu. Yi wo ya me kpála inde adu pí kití na ngámá-a aú ya de. Yi wo ya ka kpéke ke 'ngú gba Ndili Kandele-o. **17** Padhá de, anga 'ngbé 'kpí na ke 'ngú gba uo akolo. A ti da nalu kakala da?»

* **6:6** 6:6 Bili inde si-e akunda napa me adyindi adu naali. Mase ezu akpéke na kuo kuo.

7

Okpála kutu kámá bini ne ndjíkpa badha ne ká badha

¹ Pipita-a, ma au oandjelu badha, u nde alulü li odje doto badha hana. U adu ayoko me anvi bini apé pí doto, i du di-e pí 'ngbé 'ngu ne pí ondula de. ² Abhomü-o, ma au andjelu koko bini ayie ne andjongu. A adu sakpa ani ne kasé gba Ebhe na uu-o. Ani asüla ne angu hana pi oandjelu badha inde li Ebhe aha nani angu nabhili doto pi o bhú dabili bini ne angu nasiti 'ngbé 'ngu o pi o me: ³ «Yi abhili nga doto ne ondula padhá de. Yi asítí nga di 'ngbé 'ngu padhá de. Yi djeke nga me ya tu kasé pidi obalise gba Ebhe gba ní-e paká.»

⁴ Ma atsia adje alo gba okpála inde u atu kasé lio-o. A adu okpála kutu kámá bini ne ndjíkpa badha ne ká badha bhú ndu opiga gba omañsalaele hana. ⁵ Bhú piga gba Yuda, okpála bhe u atu kasé lio-o adu okpála kutu ndjíkpa ne ká bhisi. Bhú piga gba Lubeni-e, okpála adu kutu ndjíkpa ne ká bhisi. Bhú piga gba Gada-a, okpála adu kutu ndjíkpa ne ká bhisi. ⁶ Bhú piga gba Asela-a, okpála adu kutu ndjíkpa ne ká bhisi. Bhú piga gba Nefitali-e, okpála adu kutu ndjíkpa ne ká bhisi. Bhú piga gba Manase-e, okpála adu kutu ndjíkpa ne ká bhisi. ⁷ Bhú piga gba Simeona-a, okpála adu kutu ndjíkpa ne ká bhisi. Bhú piga gba Levi-e, okpála adu kutu ndjíkpa ne ká bhisi. Bhú piga gba Isakala-a, okpála adu kutu ndjíkpa ne ká bhisi. ⁸ Bhú piga gba Djabolona-a, okpála adu kutu ndjíkpa ne ká bhisi. Bhú piga gba Djodjefu-o, okpála adu kutu ndjíkpa ne ká bhisi. Bhú piga gba Bendjame-e, okpála adu kutu ndjíkpa ne ká bhisi. U atu kasé li ndu okpála bhomü-o hana.

Libi okpála inde li Ebhe alo o-o

⁹ Pipita-a, ma atsia matá 'kpí, ma au bhití okpála na bhibhití inde li

kpála bini ti da nako alo gba o-o de. A du okpála na ndu bili hana, ne ndu opiga hana, ne ndu okongú hana. U alulü kala kití na ngámá di ne kala Ndili Kandélè-o. U adyidyi olobe na bububu, adu sakpa uo ne okpá ngulu. ¹⁰ U adu asüsula ne angu o hana me:

«Mukobho ngayie ka Ebhe gba ní

inde adu pí kití na ngámá-o, di ne ka Ndili Kandélè-o!»

¹¹ Ndu oandjelu hana alulü dengo kití na ngámá-o, ne dengo obhelesi okpála di ne dengo okpála badha na ngangamba-o. U atutu bhúla o ne kuto kala kití na ngámá-o, u atsia adhegø Ebhe. ¹² U adu apa me:

«A adu moko!

A ayo me okpála tokó Ebhe gba ní-o.

A ko Ebhe na sangu,

a bhú ani ne imbilangü.

A ayo me okpála gie hení pi ani, u manga ani.

A ko Ebhe na angu.

Ani kpekpeke, dudu ma ne dudu ma!

A adu moko!»

¹³ Suka obhelesi okpála bhomü-o ayi ma me: «Okpála inde adyi obubu lobe-e, a ko oda? U ayie la di su?» ¹⁴ Ma agie pi ani me: «Bhele kpála-a, mu mbila hana.» Ani atsia apa mumma me: «A ko okpála inde apu bhú 'ngbé likabhu na ngbéngbé-o. U avulü olobe gba o-o, u atsia aleke ne ngüte Ndili Kandélè-o ngübula me akolo bubu.

¹⁵ Ka 'ngü ango-o, u alulü kala kití na ngámá gba Ebhe-o.

U ngamene kulu lio pi ani sukpe ne ngbikpi hana bhú 'ngbé 'ti gba ani-o.

Kpála inde adu pí kití na ngámá-a adú bhú dabili bini ne uo ngü nalila uo.

¹⁶ U djé matá gümü belegü de bini, u djé di matá gümü 'ngu belegü de bini.

Ela, i du di-e mangua kpá bili dho-ie tsúlu matá uo de.

¹⁷ Padhá de, anga Ndili Kandélè inde alü kala kití na ngámá-a adú

maka mülila gba uo ngae.
Ani ató bhála uo li bili li okpongu na
mukobho nde lie-o.
Ebhe tsia kúo ngüla sala uo
hana.»

8

Ndili Kandélé-o asoko malika na mananika-o

¹ Nedhinga li Ndili Kandélé-o asoko malika na mananika-a lie, sukpe andjili abhúlá má bulu, masikpe de miniti ndjíkpa bata.
² Pipita-a, ma au oandjelu mananika inde alulú kala Ebhe-o. U aha ototi pi uo mananika.

³ Andjelu koko bini ago alu dengo misa natsulu mangotsi pi Ebhe-o. A adu sakpa ani ne saani na olo ngú natsulu bandele. U aha bandele pi ani bhelé ngú napa me ani tsulu pi Ebhe bhú dabili bini ne omayo gba okpála gba Ebhe-o. Ani tsulu pi misa inde u abho e li olo-o. Misa ango-o adu kala kiti na ngámá-o. ⁴ Ngúwa bandele li andjelu-o adu atsulu e-e, a'e'e lie abhúlá bhú dabili bini ne omayo gba okpála gba Ebhe, anu a'u kala Ebhe. ⁵ Pipita-a, andjelu-o aha saani natsulu bandele-o. Ani abedhe ne djua inde adu oo-o, ani atsia abhike píla doto. Ekpí andjengene, mugbálá asula, adjigidjo adhika.

Ototi badha na kalanu-o asula

⁶ Abhomu-o, oandjelu mananika inde aholo ototi mananika-a aleke lio ngú na'u'u.

⁷ Andjelu na bini-e a'u toti gba e-o. Itimeli, ne djua bhú dabili bini ne ngute abala píla doto. A tsia atsulu té doto di ne ondula. I du me u nde agbo bhúsú doto di ne ondula hana bata-a, akunda napa me bini bhú káká atsulu bhomu-o ngae.

⁸ Pipita-a, andjelu na bhis-e a'u toti gba e-o. Ehe bini maka 'ngbé 'ta djua ati bhú 'ngbé 'ngu. Engu agbo bhúsú e bata, bhe bini-e atsia adjí lie ngute. ⁹ Té ndu 'he li Ebhe abho e hana inde ngadu abhú 'ngbé 'ngu, bhú dabili bini ne ozabu-o

atsia amu. U po bhála ndu 'he inde li Ebhe abho e bhú 'ngbé 'ngu, u po di bhála ozabu hana-a, u tsia gbo bhúsú bhúsú bata-a akunda napa me akpi bhomu-o ne bini bhú káká.

¹⁰ Abhomu-o, andjelu bhe na bata a'u toti gba e-o. 'Ngbé ikupala bini inde li zi e adu atsi maka zi 'ké na ngbéngbé ayie abhúlá, ati kuto. A atsia ati pi té ongade 'ngu di ne okpongu-o. I du me u nde apo bhála ongade 'ngu di ne ondjingu hana-a, u tsia gbo bhúsú bhúsú bata-a, akunda napa me ati bhomu-o pi bini bhú káká. ¹¹ A adu 'li ikupala ango-o me «Ehe na susu.» Abhomu-o, té oengu-o akolo susu. Belé na okpála inde andji-e atsia amu, anga akolo susu.

¹² Pipita-a, andjelu na badha-a a'u toti gba e-o. A asu té ela ne té epe di ne té oikupala. I du me u nde agbo bhúsú ela ne epe di ne oikupala ne ndundunu bata-a, akunda napa me a asu bhomu-o bini bhú ká ndundu hana. A atsia abili bhála uo hana li pápá bini bini. Zi ngbikpi du matá nasu libhomu de, abana di zi epe. I du me u nde agbo bhúsú zi ngbikpi ne ndundunu bata, u gbo di bhúsú zi epe ne ndundunu bata-a, akunda napa me bini bhú ká ndu uo bini bini hana du matá nasu-de.

¹³ Pipita-a, ma atsia matá 'kpí, ma adje ndua bini me ani nde ngakodho 'kpí abhúlá tsutsu naali. Ani adu nasusula me: «A ko likabhu! A ko likabhu! A ko likabhu pi okpála na doto li oandjelu bata bhe koko a'u toti gba o-o lie ko.»

9

Andjelu na bhuluvue a'u toti gba e-o

¹ Abhomu-o, andjelu na bhuluvue a'u toti gba e-o. Ma au ikupala bini ayie abhúlá, ati píla doto. U atsia aha lifungula na 'bhe tsu 'dú-o* pi ikupala ango-o. ² Ikupala bhomu-o abhulu bhébhe. Ngúwa bini akoto bhúbhú maka ngúwa na

* ^{9:1} 9:1 Tsu 'dú: A ko bili inde li osisiti bua ngadu li e.

ndingidhi djua. Bhúla ela ne bhúla 'kpí atsia abili ka ngúwa ango-o má pi! ³ Omakilingbo aze bhú ngúwa bhomu, u atsia ayangba píla doto. U aha nani pi uo sili maka bhende gba oapekebhe. ⁴ U aha lili pi uo me u améne ulu sisiti de, u améne ondula sisiti de, u améne di ohe inde ngaké bhú doto sisiti de. Engú bini, u mene mangbo sisiti bha bini okpála bhende li kasé gba Ebhe-e nde pidi o ade-o. ⁵ U ha kpadji pi uo ngú nabhili okpála bhomu-o de, engú bini, u to mbolo li uo ngú epe bhuluvue. Mbolo ango-o adú ami li uo maka ngabhé apekebhe amimi lie me a nde adho kpála-o. ⁶ Bhú epe bhuluvue bhomu-o, okpála agili kuo, engú bini, u úu de. U adú ne gúmu namu, engú bini, kuo akpé de uo tsutsu.

⁷ Omakilingbo bhomu-o adú maka opunda inde bedhe ngú egú. A adú pi 'ndji uo ne ehe maka ndata na ngámá inde u abho e li olo. Bhúla uo adú maka bhúla okpála-kuti. ⁸ Sundjo adú bhú 'ndji uo ndjandjandja maka sundjo olisi. 'Te uo adú maka ote okingbi. ⁹ Mbulu uo adú mugito me u adyi téte bongo na kalase. Gili mbudha uo adú aú mugito me a ko gili bhiti opunda inde adji bhú 'gú. ¹⁰ A adú li uo ne soso maka 'so apekebhe, atsia adú bhúbhú ne sili inde u adú ato mbolo li okpála ne e ngubula epe bhuluvue-o. ¹¹ Ngámá gba uo adú ne andjelu na tsu 'dú. A adú 'li ani bhú eli gba omaYuda me: «Abadona.» Bhú eli gba oGiliki-e, a adú 'li ani me: «Apoliona.» A akunda napa me bhúlú nabhele kuti.

¹² Likabhu na bini-e akodho 'kpí akodho. 'E-e! Likabhu koko bhisi matá ngago pipita.

Andjelu na madhia a'u toti gba e-o

¹³ Pipita-a, andjelu na madhia a'u toti gba e-o. Ma adje eli ayie ne li odje misa natsulu bandele pi Ebhe-e badha hana. Misa ango-o adú kala Ebhe, u amene li olo. ¹⁴ Eli ma adje

e apa pi andjelu na madhia inde adú ne toti sakpa e me: «Bhulu oandjelu badha inde u agbigbite o ne ekpú dengo ngade 'ngu na Efalate-o.» ¹⁵ U atsia abhulu oandjelu badha-o. Li nedhinga bhomu-o, bhú ekpí bhomu, bhú epe bhomu di ne kalanga bhomu-o, oandjelu bhomu-o adú nani bedhe ngú nabhili té okpála na doto. A akunda napa me, i bhaka okpála bata-a, u bhéle bini bhú ká uo.

¹⁶ U atsia apa di alo na osúdha inde adú agu 'gú me u nde ne punda-a muma. A adú osúdha kete ne kete. ¹⁷ Lele li opunda di ne osúdha inde adú pi uo akoto li ma lie bhú 'he maka loto-o adú me: u adyidi ombulu bongo na kalase me a nde andjundju maka djua, bibili maka kokpí, a adú di ndjendje maka 'kpá bhugú. 'Ndji opunda ango-o adú maka ondji kingbi. Adú naze bhú 'bhé uo ne djua, ne ngúwa di ne baluti. ¹⁸ Té okpála na doto atsia amu ka olikabhu bata inde adú aze bhú 'bhé opunda bhomu-o. A akunda napa me okpála adú amu ka djua, ne ngúwa di ne baluti. I bhaka okpála bata-a, akunda napa me a bhéle kpála bini bhú ká uo. ¹⁹ Padhá de, anga angu opunda bhomu-o bhú 'bhé o di ne bhú 'so o, anga 'so uo mana kpúlú. A téte ne 'ndji 'ndji inde u ngamene okpála ne e sisiti-o.

²⁰ Dú okpála bhe atigala-a, inde i mu ka olikabhu bata bhomu-o de-e, u dji bua o li nadhégé oehe inde u amene e ne 'kpa o-o de. U 'o nadhégé osisiti bua de, ne okulu 'he na olo ne aladja di ne bhe na kalase na kpéke mase, ne obhe na teme, i dí di-e obhe na ndula-a de. Okulu 'he ango-o u 'kpí de, u dje 'kpí de, u dhukú di-i de. ²¹ Okpála ango-o dji bua o li nabhili okpála de. U dji di bua o li kobha gba o-o de. U dji di bua o li namene zabhe gba o-o de. U dji di bua o li ezi gba o-o de.

*Andjelu inde adu sakpa e ne
mboye 'kpá balua-o*

¹ Pipita-a, ma au andjelu koko bini na angu ayie abhúlá. Bongo gba ani-e adu maka ndindi, atsia abuku ani má bhelele! Makilima aga 'ndji ani ngbalina, bhúla ani adu maka ela. 'Dhu ani adu maka dingidhi djua. ² A adu sakpa ani ne mboye 'kpá balua inde u abhulu e mabhalu. Ani a'o 'dhu e na kokpa-a pí 'ngbé 'ngu, ani atsia a'o bhe na galí-e pí doto. ³ Ani asula kpekpeke maka kingbi inde ngangulumba. Ani asula lie, mágbalá mananika atsia asula. ⁴ Ma di me ye engú inde li omugbálá mananika bhomu-o apa e bhú nasula ka o-o. Engú bini, ma adje eli bini ayie abhúlá, atsia apa muma me: «Wo engú inde li omugbálá mananika bhomu-o apa e mawo. Mo oyé-e de.»

⁵ Abhomu-o, andjelu inde ma de au e me ani nde a'o 'dhu e bini pí 'ngbé 'ngu, koko pí doto-o a'e 'kpa e na kokpa-a ne bhúlá. ⁶ Ani atsia atu silika ne 'li Ebhe inde bhú mukobho dudu-ma ne dudu-ma-o, Ebhe inde abho kokpí di ne ndu 'he hana inde bhúbhú-o, abho doto di ne ndu 'he hana inde bhúbhú-o, inde abho 'ngbé 'ngu di ne ndu 'he hana inde bhúbhú-o. Andjelu ango-o apa me: «Nedhinga matá-a ade! ⁷ Engú bini, nedhinga li andjelu na mananika-a ahólo na'u toti gba e lie, abhomu-o Ebhe tsia méne engú inde ani awo nani e ko. Ani améne maka ani apa nani pí obalise gba e opolofeta lie ko.»

⁸ Abhomu-o eli ma de adje igini e ayie abhúlá-a apa matá muma me: «Nu ha mboye 'kpá balua inde abhulu lie mabhalu-o sakpa andjelu alu me ani nde a'o 'dhu e bini pí 'ngbé 'ngu, ne koko pí doto ko.» ⁹ Ma atuto líma de andjelu-o. Ma atsia ayo ka ani me ani ha mboye 'kpá balua-a muma. Ani agie muma me: «Haha, amba mu zu. A adu bhú 'bhé mu kpíkpili maka 'mu eú, la mo obhí lie, a adu bhú 'ndja mu

susú.» ¹⁰ Ma aha mboye 'kpá balua sakpa andjelu-o, ma atsia azu. A adu bhú 'bhé ma kpíkpili maka 'mu eú. Engú bini, ma azu lie, a adu bhú 'ndja ma susú. ¹¹ Abhomu-o, u atsia apa muma me: «A ayo matá me mu kpokpo 'ngú li Ebhe apa me ni améne e pi bhti okpála na ndu bili hana-o, engú ani apa me ni améne e pi bhti okongú, di ne pi bhti ongbengbe ongámasi-o.»

11

Ebhe atima opolofeta bhisi

¹ Pipita-a, u aha mbamba muma bini. A adu maka ndula u apipima 'he ne e-o. U atsia apa muma me: «Nu pima 'ngbé 'ti Ebhe di ne misa natsulu enu pi Ebhe-o. Mu tsia ko di alo gba okpála inde ngadhege Ebhe bhú 'ngbé 'ti gba ani-o. ² Engú bini, 'o mbadhasu na 'ngbé 'ti Ebhe-e li ngongo. Mo opíma de, anga Ebhe apu nani bhabhomu-o pi okpála inde ne omaYuda ade-o. U adédele gudhú na bubu gba Ebhe-e ngubula epe ndjikpa badha ne ká bhisi. ³ Ma atíma obhulu nakpo 'ngú gba ma bhisi-e me u nde adyí bongo na talia. Ma atíma uo ngú nakpokpo engú gba Ebhe. U akpókpo 'ngú ango-o ngubula ekpí kete bini, kámá bhisi ne ndjikpa madhia.»

⁴ Obhulu nakpokpo 'ngú bhisi bhomu-o, a ko ondula na olive bhisi di ne otala bhisi inde ngalú kala Ngámá na doto-o. ⁵ Li kpála le namene uo sisiti-e, djua kóto bhú 'bhé uo, i tsia bhili obhulu yala gba uo-o. A bhomu-o lele maka u abhéle bhulu yala gba o lie-o. ⁶ A bhú uo ne angu nagbite kokpí ngubula me ebha adhí-i de, nakolo li 'kpí inde u andjia nakpokpo engú gba Ebhe-e lie-o. A di bhú uo ne angu nadji engu me akolo ngute. A bhú uo ne angu natu pédje pí doto me ndu olíkabhu ngangá mene doto li ndu nedhinga hana inde u akunda lie.

⁷ Nedhinga u andjia nakpokpo 'ngú li Ebhe atima uo ne e lie, enu

inde adu bhú tsu 'dú-o há 'gú ne
uo. Aní há angu uo, aní tsia bhili uo.

⁸ Kuo uo atígala li 'ngbé 'hi kpadijí na
'ngbé gudhú inde u agi nani Ngámá
gba uo lie li kulusi-o. U agisila li
gudhú ango-o 'ili. U agisila lili me
Sodomo, i dū di-e Edjipeto. ⁹ U zíba
de me okpála zi kuo uo-o de. Okpála
na ndu bili hana, ne ndu opiga hana,
ne ndu okongú hana adu ago natsia
okuo uo ngú okpí bata ne ndundu.
¹⁰ Okpála na doto akpí djali li nakpi
ka uo-o. U améne anokomia na djali,
u tsia dū apu 'he súnda o. U améne
mo-o anga opolofeta bhisi bhomu-o
amene uo kpékpéke naali.

¹¹ Engú bini, pita ekpí bata ne
ndundu bhomu-o, ewo bini na
mukobho ayie agba Ebhe ali bhú uo,
u atsia ayie bhálá. Abhomu-o, 'ngbé
tsulú na ngbéengbé ati pí okpála
bhende adu natsia uo-o. ¹² Opolofeta
bhisi bhomu-o atsia adje eli na
kpékpéke inde ayie abhálá. Eli
ango-o apa pi uo me: «Yi 'u ei!»
U atsia a'u abhálá bhú ndindi
me obhulu yala gba uo nde ngatsia
uo. ¹³ Bha bhú nedhinga bhomu-o,
kpéke adjigidjo adyíki bili, té gudhú-
o atuko. I dū me u nde agbo bhusu
gudhú-o ne ndundunu ndjikpa-a,
akunda napa me adjigidjo bhomu-
o adyíki bini bhú káká. Abhomu-
o, okpála kete mananika amu ka
adjigidjo ango-o. Obhe atigala-a,
tsulú abedhe uo bedhe. U atsia
adhége Ebhe inde abhálá-o.

¹⁴ Likabhu bhe na bhisi-e akodho
'kpí akodho. 'E-e! Bhe na bata agó
mbia inde?

Andjelu na mananika-a a'u toti gba e-o

¹⁵ Abhomu-o, andjelu na
mananika-a a'u toti gba e-o. Oand-
jelu atsia asula abhálá kpekpeke me:
«Naú na doto ibili sakpa ngámá gba
ya,
ne Masiya gba e-o.

* ^{11:19} 11:19 Sanduku na gandja: A ko sanduku inde u abu nani opapala teme inde u aye olili
ndjikpa gba Ebhe-e bhú e-o.

Ngámá gba ya-a aú duduama ne
duduama!»

¹⁶ Obhelesi okpála ndjikpa bhisi ne
ká badha inde adu pí odabili na
ngámá gba o kala Ebhe-e atutu
bhúla o ne kuto. U atsia adhégé
Ebhe, ¹⁷ u apa me:

«Ebhe Ngámá Apí 'Kpí, ngamu
kpála inde uu,
inde adu di nani uu,
ya ngatoko mu,
anga mo opana angu gba mu,
ndu 'ngú hana agie lie sakpa mu.
Mo otsia au ngámá pépé.

¹⁸ Opiga na doto azi nani mbutu li
mu naali,
la mbia inde-e,
ke 'ngú gba mu-o ago pí uo ago.
Nedhinga nakodho 'ngú gba okpála
inde amu-o akolo.
A ko nedhinga inde mo ogié
bádha 'ngú lie
pi obalise gba mu opolofeta
di ne ndu okpála gba mu-o
hana,
inde di ngamanga mu,
ongbengbengbe ne odjedjedje-o.
A ko nedhinga ngú nabili obhe
ngabhéle doto-o.»

¹⁹ Abhomu-o, 'ngbé 'ti Ebhe inde
abhálá-a abhulu lie, u atsia au san-
duku na gandja-o.* Ekpí andjen-
gene, mágblá asula, adjigidjo di ne
ítimeli na kpekpeke adhika.

12

Engú na ngangamba inde abhaka ele inde adu nazu

¹ Pipita-a, ma au engú bini na
ngangamba ngamene lie abhálá: a
adu ele bini inde adyi li kute e ela.
Epe adu sa 'dhú ani. A adu bhú 'ndjí
ani ne ndata na ngámá inde li e ne
oikupala ndjikpa ne ká bhisi. ² Olé
ango-o adu ne ebhi. Nedhinga ani
adu adjeke nazu lie, ani adu natu 'ue
ka nazu ka bhú 'bu e-o.

³ Engú na ngangamba koko amene
matá lie abhálá: a adu 'ngbé kpulú

na ngbéngbé. Kute ani adu mbembe má ngua! A adu li ani ne ondji 'ndji mananika, di ne odidi ndjikpa. A adu pí ndu ondji ani hana ne ndata na ngámá. ⁴ Ani apo té oikupala ne 'so e, ani atsia abala uo kuto. A akunda napa me u po bhála ndu oikupala hana-a, u tsia gbo bháshu bháshu bata-a, ani abala kuto bhomu-o bini bhá káká. Ani atsia anu alu kala ole inde adu akunda nazu-o ngubula me, ni zu ndili li ole bhomu-o azú e bha li nedhinga nakoto ka ani-o. ⁵ Abhomu-o, ole-o azu ndili na bhobhoko. Ani au pí 'ndji ndu opiga hana ne angu. Kolo me-e, u atsia a'e ndili bhomu-o anu ne ani dengo Ebhe, di ne dengo kit na ngámá gba ani-o. ⁶ Ole-o atsia akpe abhá 'gu li bili inde li Ebhe aleke nani e pi ani, ngú napa me ni ku ani ngubula ekpí kete bini, kámá bhisi ne ndjikpa madhia-o.

⁷ Abhomu-o, gbele aka abhulá. Mikaele ne oandjelu gba e agu 'ngbé kpulu-o. Kpulu ango-o atsia aholo di gbele bhá dabili bini ne oandjelu gba e-o. ⁸ Engú bini, Mikaele ne oandjelu gba e agboko egú-o. Kaka-a, 'ngbé kpulu-o ne oandjelu gba e sia matá bili da nadu abhulá de. ⁹ U atsia abhike 'ngbé kpulu-o kilidjo. A ko kpulu na didili, inde u nga'i e me Djabulú, i du di-e Satana, bhulú napite okpála na doto libhomu-o. U abhike ani kuto bhá dabili bini ne oandjelu gba e-o.

¹⁰ Pipita-a, ma adje kpéke eli bini ayie abhulá. Eli ango-o adu apa me: «Nedhinga li Ebhe gba ní-e ngakobho okpála lie akolo!

Mbia inde-e, Ebhe gba ní-e asuno angu gba e me ni ne ngbé Ngámá-a asuno!

Mbia inde-e, angu sakpa Masiya gba ani-o.

Padhá de, anga u abhike bhulú napa 'ngú li ondaise ní-e akilidjo,

ngaani kpála inde adu apa 'ngú li uo pi Ebhe gba ní-e ngbikpi ne sukpe-o.

¹¹ Ondaise ní aha angu ani ka ngute gba Ndili Kandele di ne ka nakpokpo 'li Ebhe pi okpála.

U kpe kuo de, u atsia atse 'kpa li mukobho gba o ngubula me o mumu.

¹² Kaka-a, ne kokpí ne yi okpála inde ngadulu bhábhá hana-a, yi du bhá djali!

A ko la mangua likabhu dho pi yi okpála inde ngadulu pila doto ne yi obhe ngadulu bhá 'ngbé 'ngu-o, anga djabulú aké agba yi aké.

Ani abedhe ne egú bedhe, anga ani mbila hana me nedhinga atigala pi ni bedi.»

¹³ Li 'ngbé kpulu-o au lie me u abhike ni kuto abhike-e, ani aholo nabhike ole inde azu igini ndili na bhobhoko bhomu-o. ¹⁴ Engú bini, u aha mbudha 'ngbé ndua pi ole bhomu-o ngú napa me ani 'ulu, amba ani nu du li bili inde u aleke e pi ani abhá 'gu-o. U atsia adu akú ani oo ngubula kalanga bata ne ndundu me 'ngbé kpulu-o nde to mbolo li ani de. ¹⁵ Abhomu-o, kpulu-o atsia azie engu bhelé nganda ole-o maka ngade 'ngu, da napa me akpe ne ani. ¹⁶ Engú bini, doto ago ateteke ole-o. Doto abhulu 'bhé e, atsia abhi engu li 'ngbé kpulu-o azie e-o. ¹⁷ Li bua kpulu-o ake lie ne ole-o, ani anu aha 'gu ne du ongisi gba ole-o, obhende ngamanga Ebhe inde di ngalila kükulu 'ngú inde li Yesu ambamba ta e-o. ¹⁸ Pipita-a, 'ngbé kpulu-o anu adu pí sike lingo 'ngbé 'ngu.

13

'Ngbé kpulu-o aha angu gba e pi nute koko

¹ Pipita-a, ma au enu bini ngakoto abhá 'ngbé 'ngu. 'Di ani adu ndjikpa, 'ndji ani adu mananika. Ani adyi ndata na ngámá ne ndu odi e hana. Ani atsia adyi di o'ili nasobho Ebhe ne pi 'ndji e

hana. ² Enu inde ma au e adu maka sia. Odhu an*i* adu maka bhe gba onute, 'bhe an*i* adu maka 'bhe kingbi. 'Ngbé kpulu-o aha angu na ngbéngbé gba e pi enu-o. Enu-o atsia adu pí kiti na ngámá gba an*i*-o. ³ Suka ondji an*i* adu mugito me u abi eka bhe na mugwe mugwe, engú bini eka na mugwe mugwe angó-o atsia ambe. Engú bhomu-o atsia angamba okpála na doto libhomu. Kaka-a, u atsia akpata enu bhomu-o. ⁴ Ndu okpála hana atsia aholo nadhégé 'ngbé kpulu-o, anga an*i* aha angu pi enu-o. Ndu okpála hana adhégé di enu-o ne napa me: «A ko da inde maka enu inde? Ati da nagu an*i* da?»

⁵ U aha nan*i* kpadji pi enu bhomu-o me an*i* du napa oeli na 'ngbé 'ndji, amba an*i* du di nasobho Ebhe. U aha angu pi an*i* ngú namene engú bhomu-o ngú epe ndjikpa badha ne ká bhisi. ⁶ An*i* aholo napa osisiti 'ngú li Ebhe, ne nasobho 'li an*i* di ne nasobho bili inde an*i* adudu li e, di ne okpála hana inde adudu abhulá-o. ⁷ U aha kpadji pi an*i* me an*i* gu okpála gba Ebhe di ne naha angu uo. U aha angu pi an*i* pi 'ndji okpála na ndu bili hana, ne ndu opiga hana, ne ndu okongú hana. ⁸ Ndu okpála na píla doto hana inde u ye nani 'li o bhe bhuku na mukobho-o de-e, adhégé an*i*. Bhuku angó-o, a ko bhe gba Ndili Kandelé inde u abhule e-o. U ye nani 'li uo bhebhe de, nayie maka li Ebhe abho doto lie-o.

⁹ Yi dje ndjindji, i du me a nde li yi ne djedje nadje 'kpí ko.

¹⁰ Kpála inde ayo me an*i* nu bhe tikpu-o,
anú bha bhe tikpu.

Kpála inde ayo me an*i* kpi li mbotia-a,
akpi bha li mbotia.

Kaka-a, a ayo me okpála gba Ebhe-e
du ne 'ndjá bua,
di ne nabhuka .

Enu koko akoto bhe doto

¹¹ Pipita-a, ma au enu koko ngakoto bhe doto. Adu bhe 'ndji

an*i* ne didi bhisi maka ndili kandelé. An*i* atsia adu agama 'ngú maka 'ngbé kpulu. ¹² A adu di bhe an*i* ne angu maka angu inde adu bhe enu bhende akoto bhe 'ngbé 'ngu-o. An*i* adu amene 'he ne di kala enu bhe na 'ngbé 'ngu-o. An*i* adu apa pi ndu okpála na doto hana me, u dhégé enu na 'ngbé 'ngu li eka na mugwe mugwe gba e ambe-o.

¹³ Enu bhe na bhisi inde-e adu amene ongamba 'ngú na ngbengbengbe. An*i* adu belegu nagbele djua nayie abhulá nako pi doto. An*i* adu amemene li djila ndu okpála hana. ¹⁴ An*i* adu apipite ndu okpála na píla doto hana inde u ye nani 'li o bhe bhuku na mokobho-o de-o. An*i* adu apipite uo ne ongamba 'ngú inde an*i* adu amene e li djila enu na 'ngbé 'ngu-o. An*i* adu akata uo me u bho kulu enu inde abi nako eka na mugwe mugwe li mbotia, eka angó-o atsia ambe-o.

¹⁵ Enu na bhisi-e asia angu ngú nato ewo bhe kulu enu na bini-o, ngubula me a du nagama 'ngú, amba a du nabhili ndu okpála hana inde i dhégé ni de-o. ¹⁶ Enu angó-o aye tele li ndu okpála hana. An*i* aye li okpála koko li 'kpa o na kokpa, an*i* aye li okpála koko pidi o, abana i du mboye ndili, abana i du bhele kpála, abana i du bhulu tia, abana i du bhulu ndibhili, abana i du bali, abana i du kpála inde bhe bali ade.

¹⁷ Kpála bini ti da nakala 'he de, i du di-e natsindji 'he de, i du me tele nde li kute an*i* ade-o. Tele angó-o, a ko 'li enu bhomu, i du di-e alo na 'li an*i*-o. ¹⁸ A inde-e nedhinga inde ayo ne imbilangu. Kpála inde ne imbilangu-o tí da nambila ta alo gba enu-o, anga alo angó-o viti bini ne 'li kpála-kuti. Alo angó-o kámá madhia, ndjikpa madhia ne ká madhia.

14

Okpála inde li Ndili Kandelé-o akala o

¹ Ma atsia matá 'kpí, ma au Ndili Kandélé-o me ani nde alü pí eta na Siona . Okpála kete kámá bini, ndjíkpa badha ne ká badha inde u aye 'li Ndili Kandélé di ne 'li 'Dyi ani pidi o alulu de ani. ² Pipita-a, ma adje eli ayie abhúlá. Eli ango-o adu mugito me a ko gili wowo 'ngu, maka gili mugbálá na kpekpeke. Eli inde ma adje e adu maka gili dümü, nedhingga li obhúbhúlu-o abhíbhi lie-o. ³ Bhiti okpála bhomu-o adu ali etsi na mbia kala kiti na ngámá, di ne kala okpála badha na ngangamba ne obhelesi okpála-o . Kpála bini ti da nale etsi ango-o de, bha bini okpála kete kámá bini, ndjíkpa badha ne ká badha li Ndili Kandélé-o akala o píla doto-o. ⁴ Ngauo-o, u siti lio ne olisi de. U alila lio bubu kala Ebhe. U ngakpata Ndili Kandélé-o ne ndu bili hana ani nganü li e-o. Ani akala naní uo bhú ká okpála-kuti ngubula napü uo pi Ebhe di ne pi e bhúbhúlu maka gina ngua. ⁵ Eu koto naní bhú 'bhé uo belegü de bini. Engú na sisiti napapa li uo ade.

Oandjelu bata akpokpo 'ngú pindji lele maka li Ebhe akódho 'ngú lie-o

⁶ Pipita-a, ma au andjelu koko. Ani adu akodho 'kpí abhúlá tsutsu naali maka edhu. Adu ka ani ne Bádha Ngali na duduuma inde ani adu akpokpo e pi okpála na píla doto, okpála na ndu bili hana, ne ndu opiga hana, ne ndu okongú hana. ⁷ Ani adu nasusula kpekpeke me: «Yi kpe Ebhe, amba yi dhége di ani! Padhá de, anga nedhingga me ani kodho 'ngú gba okpála na doto akolo. Yi dhége kpála inde abho kokpí ne doto ne 'ngbé 'ngu di ne okpongu-o.»

⁸ Pipita-a, andjelu na bhisi-e akpata bhe na kalanü-o. Ani adu apa me: «Babilona na ngbéngbé-e ati! A ati na paká paká! Ani ase ndu opiga

hana ne siti vino gba e-o. Vino ango-o, a ko zabhe inde ani ngamene e-o!»

⁹ Pipita-a, andjelu na bata akpata obhe bhisi bhomu-o. Ani adu asusula me: «Li kpála dhége enü-o, ne kulu ani-e, li u aye di tele gba enü-o pidi e, i du di-e li 'kpa e, ¹⁰ kpála ango-o ndjí bhadi vino na ke 'ngú gba Ebhe-o! Ebhe atúko ngili vino ango-o bhú kópo na ke 'ngú gba e-o! Ngua kpála bhomu-o asia likabhu bhú djua na baluti kala oandjelu na bububu di ne kala Ndili Kandélé-o. ¹¹ Ngúwa na djua inde ngato mbolo li uo-o nga'ü abhúlá ndu 'kpí hana. Ndú okpála hana inde ngadhége enü, inde di ngadhége kulu ani, inde u aye tele gba ani-e li o-o, ngazu likabhu ngbikpi ne sukpe. U guguo de.» ¹² Kaka-a, a ayo me okpála gba Ebhe inde ngakpata lili gba ani-e, inde di ngalila nabhuka gba o bhú Yesu-o du ne 'ndjá bua.

¹³ Pipita-a, ma adje eli bini ayie abhúlá, a atsia apa muma me: «Ye me: <A ko djali pi okpála inde amu nayie pi mbia inde-e me u nde abhuka Ngámá-o!> Bu Bhopua apa me: <A na paká, u guo ka bhti kulu u amene e guguo. Padhá de, anga kulu gba uo-o ngakpata uo.»»

Nedhingga na'e nguwa na píla doto

¹⁴ Pipita-a, ma atsia matá 'kpí, ma au ndindi bini na bubu. A adu pi ndindi ango-o ne ehe maka kpála. A adu pi 'ndjí ani ne ndata na ngámá inde u abho e li olo. A adu sakpa ani ne dhádha bini na dhedhe.[†] ¹⁵ Abhomu-o, andjelu koko bini akoto bhú 'ngbé 'ti Ebhe inde abhúlá-o. Ani atsia asula pi kpála inde adu pi ndindi-e me: «Ha dhádha gba mu-o, amba mu holo na'e nguwa abhiye. Padhá de, anga nedhingga na'e'e-e akolo. Nguwa na píla doto abhele ngú nakoko abhele!» ¹⁶ Abhomu-o, kpála inde adu pi ndindi-e apu ne dhádha gba

[†] 14:14 14:14 Tsia bhú Dan. 7:13.

e píla doto. Nguwa na píla doto atsia a'e lie.

¹⁷ Pipita-a, andjelu koko akoto bhú 'ngbé 'ti Ebhe inde abhúlá-o. A adú di ka aní ne dhádha na dhéhdhé.

¹⁸ Pipita-a, andjelu koko akoto li bili natsulu enu pi Ebhe-o. A adú bhú aní ne angu pí djua. Aní asúla pi bhe adú ne dhé dhádha sakpa e me: «Ha dhé dhádha gba mu-o, amba mu ko vino inde píla doto-o nedí. Lílí-e ambe.» ¹⁹ Andjelu-o atsia apu ne dhádha gba e píla doto. Aní atsia ako vino na píla doto-o. Aní atsia abu bhú 'ngbé ngbengelé na ke 'ngú gba Ebhe-o. ²⁰ U agbe ngbengelé-o bhú gudhu-o kilidjo, u atsia api lí vino-o. Abhomu-o, ngute atsia aze bhú ngbengelé-o. Ngute angoo anu a'u nakolo li 'bhé opunda. A atsia ayangba masikpe de kilometele kámá bata.

15

Oandjelu mananika ago ne olikabhu mananika

¹ Pipita-a, ma atsia 'kpí, ma au matá engú na ngangamba koko akoto abhúlá. A adú engú na ngbengbé inde di na tsulu tsulu. Ma au oandjelu mananika, a adú sakpa uo ne gba olikabhu mananika. Pipita-a, likabhu koko matá ade, anga a ngasuno ke 'ngú inde li Ebhe apuna e li soso-o ngae.

² Pipita-a, ma au ehe bini maka 'ngbé 'ngu i mana bitolobi, a atsia amata lie ne djua. Ndu okpála hana inde aha nani angu enu-o, inde aha di angu kulu aní bhú dabili bini ne alo inde ngasuno 'li aní-e, alélu pi 'ngbé 'ngu angoo. A adú sakpa uo ne odumu li Ebhe aha e pi uo-o. ³ U adú ali etsi gba Moidje, bali gba Ebhe-o, di ne etsi gba Ndili Kandélé-o. Etsi angoo adú me:

«Ebhe Ngámá Apí 'Kpí,
okulu gba mu-o ngbengbengbe.
A di na ngangamba.

'Ngbé Ngámá gba okpála,

okpadji gba mu-o ne okukulú kpadji, a la di ngbingbili.

⁴ A mánga mu de da, Ngámá?
A adhégo mu de da?

Padhá de, anga mu bubu ngamu kpi mu kpi.

Ndu opiga hana agó atutu lipuku o kala mu.

Padhá de, anga mo opana ngibili 'ngú gba mu-o pi uo apuna.»

⁵ Pipita-a, ma atsia 'kpí, ma au 'ngbé 'ti Ebhe inde abhúlá-a abhulu lie. A adú bhúbhú ne 'ti ngbangbalí li Ebhe adú asuno lie bhú e-o. ⁶ Abhomu-o, oandjelu mananika inde adú ne gba olikabhu mananika sakpa o-o akoto bhú 'ngbé 'ti Ebhe-o. U adyidi obongo inde na kpéke mase,* inde avuvu má tuu tuu! U agbigbite di mbulu o ne mukabha na olo. ⁷ Suka okpála badha na ngangamba-a aha kópo na olo mananika pi oandjelu mananika-o. Okópo angoo adú bedhe bedhe ne oke 'ngú gba Ebhe inde bhú mukobho duduuma ne duduuma-o. ⁸ Abhomu-o, 'ngbé 'ti Ebhe-e abedhe ne ngúwa bedhe ka zi Ebhe di ne angu gba aní-o. Kakaa, kpála bini ti da nali bhú 'ngbé 'ti Ebhe-e de, nakolo li nedhinga li olikabhu mananika li oandjelu-o adú ne e amene lie lie-o.

16

Okópo na ke 'ngú gba Ebhe

¹ Pipita-a, ma adje kpéke eli ayie ne bhú 'ngbé 'ti Ebhe. Eli angoo apa pi oandjelu mananika-a me: «Yi nuanu, amba yi tuko okópo na ke 'ngú mananika gba Ebhe-e píla doto!»

² Andjelu na bini-e anu, aní atsia atuko ke 'ngú inde adú bhú kópo gba e píla doto. Abhomu-o, oeka na sisiti, inde di nake make atsia aze li kute ndu okpála hana inde adú ne tele gba enu-o, inde adú di natoko kulu aní-o.

* **15:6** 15:6 Bongo na kpéke mase: U abho nani bongo angoo li lene.

³ Andjelu na bhisi-e atuko ke 'ngú ìnde adu bhú kópo gba e pí 'ngbé 'ngu. 'Ngbé 'ngu-o akolo maka ngute kpála ìnde akpi. Abhomu-o, ndu ohe hana ìnde adu bhú 'ngbé 'ngu-o me a nde uu-o atsia amu.

⁴ Andjelu na bata-a atuko ke 'ngú ìnde adu bhú kópo gba e bhú ongade 'ngu, ne bhú okpongú. A atsia adjie ngute. ⁵ Ma atsia adje andjelu ìnde adu ne angu pí ongu-o ngapa me:

«Ngamú kpála na bubu, ìnde uu, ìnde adu di nani uu-o, mu ne ngbili kpála ,
anga mo opana ngbili 'ngú gba mu-o.

⁶ Padhá de, anga okpála abhili okpála gba mu-o di ne opolofeta .

Mo oha bhadi pi uo ngute me u ndji.

U asia engú ìnde ati ne uo-o!»

⁷ Pipita-a, ma adje eli akoto pí misa natsulu mungotsi pi Ebhe-o. Eliango-o adu apa me:

«A ko paká, Ebhe Ngámá Apí 'Kpí,
ndu 'ngú mo okodho e hana-a,
mo okodho li lelele,
a la bhadi ngbingbili.»

⁸ Andjelu na badha-a atuko ke 'ngú ìnde adu bhú kópo gba e píela. Ani atsia aha kpadji pi ela me a atsulu okpála ne djua gba e-o. ⁹ Abhomu-o, bili akpa na mugwe mugwe, okpála atsia atsulu kaka. U asobho li Ebhe ìnde adu bhú e ne angu ngú natima ngua oke 'ngú bhomu-o. Engú bini, u dji bua o ngú nadhègè Ebhe de.

¹⁰ Andjelu na bhuluvue atuko ke 'ngú ìnde adu bhú kópo gba e pí kiti na ngámá li enu-o adu nadu pí e-o. Abhomu-o, biti agba kuti-ngámá gba enu-o. Okpála atsia adu nazu 'mi o ka likabhu. ¹¹ U adu asobho li Ebhe abhúlá ka olíkabhu gba o di ne ka oeka ìnde adu li uo-o. Engú bini, u dji bua o li osisiti 'ngú ìnde u adu namene e de.

¹² Andjelu na madhia-a atuko ke 'ngú ìnde adu bhú kópo gba e pí

ngade 'ngu na Efalata. Engu-o atsia a'ulü hana ngú naka kpadji pi ongámási ìnde ngayie ne ndjongo-o. ¹³ Abhomu-o, ma au osisiti bua bata ngakoto bhú 'bhé 'ngbé kpulü-o ne bhú 'bhé enu-o, di ne bhú 'bhé polofeta na eu-o. Osisiti bua ang-o adu maka omabianga. ¹⁴ A ko osisiti bua ìnde li djabulü atima o-o. U adu amene ongamba 'ngú. U adu nanu agba ongbengbe ongámási na doto libhomu ngú napo bhúla uo ngubula gbele na 'ngbé 'kpí gba Ebhe Apí 'Kpí-o.

¹⁵ Ngámá Yesu apa me: «Tsitsia! Ma ngago maka bhulü 'zi! A ko djali pi kpála ìnde li zukü, ìnde ngalila obongo gba e li kute e ngú napa me ni anú ndumbu de, me ni asia numu de ka nakoto bhú djila okpála ndumbu-o.»

¹⁶ Osisiti bua apo bhúla ongbengbe ongámási li bili ìnde u a'i e bhú eli gba omaYuda me Alamagedo.

¹⁷ Andjelu na mananika-a atuko ke 'ngú ìnde adu bhú kópo gba e atu 'kpí. Kpéke eli bini atsia akoto abhú 'ngbé 'ti Ebhe. A ayie li pápa na kitu na ngámá-o. A apa me: «A amene lie amene!» ¹⁸ Abhomu-o, ekpí andjengene, mugbálá asula, adjigidjo na kpekpeke adhika. Ngua 'ngú bhomu-o mene nga nani lie kalantu de, nayie maka li Ebhe abho kpála píla doto lie-o! ¹⁹ 'Ngbé gudhü na Babilona agugumü bhúsü e ne ndundundu bata. Abhomu-o, ndu ogudhü na okuti hana atuko kuto. Abhomu-o, Ebhe atsia a'o nga la 'to e 'to 'ngbé gudhü na Babilona. Ani atsia aha pi ani kópo na vino na ke 'ngú gba e na sisiti ìnde adu adu bhú e maduла me ani ndji. ²⁰ Ndu okpemé hana atsia angita, ndu oeta hana atsia angita di. ²¹ Ongbengbe itimeli na titili masikpe de kilo ndjikpa badha atsia abala pí okpála. Abhomu-o, okpála atsia asobho Ebhe ka likabhu na itimeli-o. Padhá de, anga likabhu ang-o adu kpekpeke na kuo kuo.

17

Nakodho 'ngú gba okpála na Babilona

¹ Abhomu-o, súka oandjelu mananika inde i de ne okópo na ke 'ngu-o sakpa o ago apa muma me: «Gogo, ma asúno pi mu lele maka li Ebhe akodho 'ngu gba 'ngbé bhulù zabhe-e lie-o. A ko 'ngbé gudhù inde u ayiki e lingo ongbengbe ongade 'ngu bheldé. ² Ongbengbe ongámási na doto amene zabhe ne ani. Okpála na doto atsia alangba ne vino gba ani na zabhe-o.»

³ Abhomu-o, Bu Bhabua abedhe ma, Andjelu-o atsia anu ne ma abhú mili bili. Ma au ele bini inde adu pí enu na mbembe má ngua! Enu ango-o abuku kute e libhomu ne o'ili inde ngasobho Ebhe, 'ndji 'ndji adu li ani mananika di ne didi ndjikpa. ⁴ Óle ango-o adyi obongo na mbembembe na tia naali. Ani atsia adyi omagege na olo ne obhe na teme na mase naali di ne omayaka li kute e bedhe. A adu sakpa ani ne kópo na olo inde abedhe ne zibotu bhú e bedhe ka zabhe gba ani-o. ⁵ U aye pidi ani 'ili bini inde li ta e awo lie mawo. 'Ili ango-o me: «BABILONA NA NGBÉNGBÉ, 'HI OBHULU ZABHE DI NE OSISITI 'NGU NA DOTO-O.» ⁶ Ma au me ele ango-o alangba ne ngute okpála gba Ebhe-o, ngute obhe u abhili o ka u abhuka Yesu lie-o. Ma au ani lie, ma angamba naali.

⁷ Abhomu-o, andjelu-o apa muma me: «Mu ngangamba ka ni? Ngama-a, ma ambámba ta 'ngu gba ele bhomu-o ne enu inde abi ani-e pi mu, enu inde li e ne 'ndji 'ndji mananika di ne odidi ndjikpa-o. ⁸ Enu inde mo ou e bhomu-o, adu nani téte. La-a, ani matá ade. Ani akoto bhú tsu 'dú-o, ani tsia ná bhú ngita gba e-o. Okpála na doto inde u ye nani 'li o bhú bhuku na mukobho-o de naye maka nani li Ebhe abho doto lie, angámba li nau enu-o. Padhá de, anga ani adu nani téte, la-a ani matá ade. Engú bini, ani akoto matá ne toto.

⁹ A ayo mbia inde-e nadu ne imbilangú di ne bua nakpokpo kú 'ngu. Ondji 'ndji mananika-a, a ko oeta mananika inde li ele-o ngadu pí e-o. A ko di ongbengbe ongámási mananika-o. ¹⁰ Obhe bhuluvue bhú ká uo-o, kulu gba uo-o andjia, bhe na madhia ngabha bhú kulu, bhe na mananika-a go nga de. Ani agó lie, ani améne bha nedhinga masudha. ¹¹ Enu inde adu nako téte-e, inde matá téte ade bhomu-o, ngaani makpe-e, a ko 'ngbé ngámá na madjina. Ani bhú ká ongbengbe ongámási mananika-o. Ani adji bhú ngita gba e-o.

¹² Odidi ndjikpa inde mo ou e bhomu-o, a ko ongbengbe ongámási ndjikpa inde i 'u nga pí kiti na ngámá de-o. Engú bini, u asia angu ngu na bhú dabili bini ne enu-o ngu saa bini. ¹³ Ndú ongámási ndjikpa bhomu-o hana bha ne koli mabhundja bini. U ne gümü na ha angu di ne ngámá gba o ngu namene kulu lio pi enu-o. ¹⁴ U agú gbele ne Ndili Kandélé-o, la-a, Ndili Kandélé-o ahá angu uo. Padhá de, anga a ko Ngámá gba ongámási, a ko 'Ngbé Ngámá gba ongbengbe ongámási. Omaha Ndili Kandélé inde ani a'i o-o, ani atsia alo o-o, u ahá bhadi angu uo bhú dabili bini ne ani. U ngakpata Ndili Kandélé-o ne bua o bini.»

¹⁵ Pipita-a, andjelu-o apa matá muma me: «Oengu inde mo ou e li bili inde li ele na zabhe alu li e bhomu-o, a ko okpála na ndu bili hana, a ko bhti okpála, a ko opiga di ne okongú. ¹⁶ Odi 'nu ndjikpa ne enu inde mo ou e bhomu-o, ayála ele na zabhe-o. U bhá 'he li ani hana, u a'ó ká ani ndumbu, u azú mbiliká ani, u tsia bú dú ani bhú djua. ¹⁷ Padhá de, anga Ebhe a'o li bua uo me u mene mukunda gba ani-o. U améne ne bua bini me o ha angu na ngámá gba o me o mene kulu lio nedhiinga li 'li Ebhe améne lie lie-o. ¹⁸ La di-e, ele inde mo ou e-e, a ko

'ngbé gudhu inde ngaú pí ongámási na doto-o.»

18

Nati ka gudhu na Babilona

¹ Pipita-a, ma au andjelu koko ayie abhúlá ngaké kuto. A adú bhú ani ne angu na ngbéngbé. Abhomu-o zi ani abha doto libhomu. ² Ani asúla kpekpeke me:

«'Ngbé Babilona ati-e ngae! 'Ngbé Babilona ati-e ngae!

A akolo ibili bili li odjabulú ngadulú li e, bili inde li ndú osisiti bua hana ngadulú li e.

A bhomu-o bili li odhu ne onu inde kala Ebhe sisiti-e ngadulú li e-o.

³ Padhá de, anga ndú okpála na doto hana andjí siti zabhe gba ani-e maka okpála andjindjí vino lie-o.

Ongbengbe ongámási na doto amene zabhe ne ani, obhulú natsindjí 'he na píla doto atsia akpo di li angu na bhti tia gba ani-o.»

⁴ Pipita-a, ma adje eli koko ayie abhúlá. A adú apa me:

«Ngayi okpála gba ma-a, yi ze bhú Babilona zeze, amba yi améne siti 'ngú bhú dabili bini ne ani de, ngú napa me yi asia olíkabhu inde abháka ani-e bhú dabili bini ne ani de.

⁵ Padhá de, anga osisiti 'ngú gba ani-e apo 'ta e akolo makolo abhúlá.

Ebhe atsia abhundja osisiti 'ngú gba ani-o.

⁶ Yi mene ani maka ani amene okpála koko lie-o.

Yi gie siti 'ngú ani amene e pi ani bhutsibhutsi bhisi.

Yi ha pandi inde ane bhe gba ani-e ne kpéke bhutsibhutsi bhisi-e pi ani

bhú kópo inde ani adú a'o pandi gba e bhú 'bhé okpála ne e ko.

⁷ Ani adú akpi ndjili naali bhú asasaua na tia gba e-o.

Kaka-a, yi gie di likabhu ne mulopolo pi ani li lelele.

Padhá de, anga ani ngapa li bua e me:

«Ma adú pí kití na ole gba ngámá, ma ne eké ade, ma adú galikpe bhú talia de.»

⁸ Kaka-a, ndú okpekpeke da 'ngú inde a'o lie pi ani-e agó galikpe atí pí ani li koli 'kpí bini ndundú hana.

Okpekpeke da 'ngú angó-o ngae inde: nakpi ka okpála, talia di ne gúmu, li djua tsia tsúlu di ani hana má kpékébhé!

Padhá de, anga Ngámá Ebhe inde akodho 'ngú gba ani-e, ne kpála na angu.»

⁹ Abhomu-o, ongbengbe ongámási na doto inde-e amene zabhe bhú dabili bini ne ani. U akpi ndjili ne ani li bhti tia gba ani-o. Li u aú ngúwa djua atsúlu ani-e lie, u kú 'gbá, u tsia lópolo di lio ngú ani. ¹⁰ U alulú de ani tsutsu ka nakpe likabhu inde abhaka ani-o. U tsia pá me:

«A ko likabhu na ngbéngbé pi mu, Babilona!

Mu ne 'ngé gudhu, mu la di ne angu.

La-a, Ebhe akodho 'ngú gba mu-o bha bhú saa bini padhá!»

¹¹ Obhulú natsindjí 'he di ngaku 'gbá, uo di bhú talia li 'ngú gba ani-o. Padhá de, anga kpála bini ngakala matá ehe gba uo-o ade.

¹² Abana i du di-e olo, ne oaladja, ne oteme na mase ne omayaka, kpála bini ngakakala ade. Abana i du obongo na kpéke mase, ne ombe-mbe obongo na zizi, ne obongo inde u abho e li dele gba okéké, kpála bini ngakakala ade. Abana i du ndú djua ondula na babadha sese hana, abana i du ndú djua oehe inde u abho e li 'te 'ya hana di ne obhe u abho e li ondula na mase hana, ne obhe u abho e li teme, kpála bini ngakakala ade. Abana

i du di-e ndu djua kalase hana, kpála bini ngakakala ade. ¹³ Abana i du oehe ne okpálá koko inde u aleleke se bili abhú 'ti ne e, ne mila di ne omungotsi koko, ne bandeles, kpála bini ngakakala ade. Abana i du pandi, ne emu, ne fufú, kpála bini ngakakala ade. Abana i du obagala, ne okandele, ne opunda, ne okpulukpulu, kpála bini ngakakala ade. Abana i du 'lá kpála-kuti, kpála bini ngakala susuка ade.

¹⁴ Obhú natsindji 'he bhomu-o apa pi gudhu bhomu-o me:
«Ndu oehe inde mo okukunda e hana andjia gba mu andjia!

Ndu otia gba mu di ne obabadha 'he gba mu-o
andjia ka mu andjia,
u ú matá gba mu belegu de bini!»

¹⁵ Obhú natsindji 'he inde akpo li tia na gudhu ang-o-o alú de ani tsutsu ka nakpe likabhu inde abhaka ani-o. U adu aku 'gba, u tsia lópolo di lio ngú ani. ¹⁶ U adu apa me:
«A ko likabhu na ngbéngbé pi yi, okpála na 'ngbé gudhu-o!

Yi ady*í* li kute yi babadha bongo inde na kpéke mase.
Yi atsia ady*í* di li yi obongo na mase naali inde na mbembe má ngua, inde li e ne zizi.

Yi ady*í* di omagege na olo bhú dabili bini ne oteme na kpéke mase di ne omayaka.

¹⁷ Ndu 'he bhomu-o hana angíta bha li saa bini má kpíkili!»

Abhomu-o, ndu obhú nadjele zabu hana, bhú dabili bini ne okpála inde u abi o, okpála nadhuku pi 'ngbé 'ngu bhú dabili bini ne obhú nagili tia pi 'ngbé 'ngu-o alú mbo tsutsu. ¹⁸ U atsia adu asusula ka nau ngúwa adu aze ka natsi ka gudhu-o me: «A akpo 'ndji e li 'ngbé gudhu inde-e ne bhedho?» ¹⁹ U adu aba embi bhú 'ndji o, u adu aku 'gbá, u atsia adu alopolo lio me:

«A ko likabhu na ngbéngbé pi yi, okpála na 'ngbé gudhu-o!»

Bhiti tia gba yi-e ngae inde li okpála inde ngamene kulu pi 'ngbé 'ngu-o akpo ka e ko.

La-a, ndu 'he bhomu-o hana andjia bha li saa bini má kpíkili!»

²⁰ Ngayi okpála inde abhúlá-a, yi kpi ndjili li nakpi ka gudhu ang-o-o!

Ngayi omaha Ebhe, ne yi obhú titima gba Ebhe, di ne yi opolofeta, yi kpi ndjili!

Padhá de, anga Ebhe akodho 'ngú gba ani-e ka siti 'ngú inde ani amene e li yi ko!

²¹ Abhomu-o, andjelu bini na angu aha teme bini maka 'ngbé teme nadyi ngano, ani atsia atumba bhú 'ngbé 'ngu ne napa me:

«U atumba bhadi ngbé gudhu na Babilona ne kpéke me, kpála bini ú matá galikpe ani de.

²² Obhú nabhi dumu bhí matá galikpe agba mu de.
Obhú na'u toti 'ú matá galikpe agba mu de.

Obhú nali 'tsi lí matá galikpe agba mu de.

Obhú ikalana dú matá di agba mu de.

Okpála dyí di matá ngano agba mu de.

²³ Zi tala dú matá di agba mu de.
U djé matá di 'li okpála inde aha lio agba mu de.

Padhá de, anga obhú natsindji 'he inde adu bhú gudhu gba yi-e, adu ongbengbe kpála na doto.

Obhú kobha gba yi-e apite ndu okpála hana.

²⁴ Okpála na Babilona abhili opolofeta, ne okpála gba Ebhe di ne ndu okpála hana inde u abhili o píla doto-o.»

19

Etsi ngú nadhégo Ebhe

¹ Pípita-a, ma adje eli kpekpeke ayie abhúlá. Eli ang-o-o adu mugito

me bhti okpála ngagama 'ngú. U adu apa me:
 «Aleluya! Yi toko Ebhe, Ngámá gba ní-o!
 A ko mukobho, a ko Ebhe na sangu , a ko Ebhe na angu!

2 Engú ani ngakodho e hana-a, ani ngakokodho li lelele, a la bhadi ngingbili.
 Padhá de, anga ani akodho 'ngú gba 'ngbé bhálu zabhe inde adu nako
 asiti 'ndji okpála na doto ne zabhe gba e ko.
 Ani atsia agisila engú nabhili obalise gba e li ani.»

3 U atsia apa matá me:
 «Aleluya! Yi toko Ebhe, Ngámá gba ní-o!
 Ngúwa inde ngakoto bhá gudhu-o nga'u abhálá dudu ma ne dudu ma.»

4 Obhelesi okpála ndjikpa bhisi ne ká badha bhá dabili bini ne okpála badha na ngangamba-a atutu lipukú o kuto, u atsia adhégé Ebhe inde ngadu pí kit na ngámá-o. U adu apa me:
 «A du moko! Aleluya! Yi toko Ebhe, Ngámá gba ní-o!»

Anokomia gba Ndili Kandélé-o

5 Abhomu-o, eli bini ayie ne li pápa na kit na ngámá-o. Eli ango-o apa me:
 «Yi toko Ebhe gba ní-o, ndu yi obalise gba ani-e hana,
 ngayi okpála inde ngamanga ani-o,
 abana ngayi ongbengbe okpála ne yi odjedjedje!»

6 Pipita-a, ma adje tolo mugito me a ngagama 'ngú ne bhti okpála. Tolo ango-o adu mugito me a ko gili wowo 'ngu, mugito me kpéke mugbálá ngasusula ngae. A adu apa me:
 «Aleluya! Yi toko Ebhe, Ngámá gba ní-o!

Padhá de, anga a ko Apí 'Kpí.
 Ani ngau maka ngámá.

* 19:7 19:7 Ndili Kandélé ne wala e: Ndili Kandélé-o, a ko Kilisito , wala ani-e, a ko Piga gba Ebhe. Tsia bhá Efe. 5:25, 32.

7 Ní kpi ndjili, amba ní du di bhá djali!

Ní dhégé ani!

Padhá de, anga nedhinga na anokomia na kúva gba Ndili Kandélé-o akolo, wala* ani aleke lie aleke.

8 U aha bongo inde na kpéke mase pi ani.

Zi bongo ango-o ngasu masu, zibotu bini téte ade.»
 (Bongo na kpéke mase bhomu-o ngasuno me okpála gba Ebhe-e amene obabadha kulu lio pi ani.)

9 Abhomu-o, andjelu-o apa muma me: «Ye engú inde-e me: <A ko djali pi okpála inde u a'i o bhá anokomia na kúva gba Ndili Kandélé-o!>» Ani atsia apa matá muma me: «A bhomu-o okukulu eli inde ayie ka Ebhe-o.»

10 Abhomu-o, ma atutu lipukú ma kuto bhá li 'dhú ani ngú nadhégé ani. Engú bini, ani apa muma me: «Mo oméne mo-o de. Ma ne bali gba Ebhe maka mu. Ma bhadi maka ondaise mu inde ngakpokpo kúkulu 'ngú inde li Yesu ambamba 'ta e-o. Tutu mangbo lipukú mu kala Ebhe.»

Padhá de, anga ngbili 'ngú inde li Yesu akpokpo e ngaha angu pi opolofeta ngae.

Kpála inde adu pí punda na bubu-o aha 'gú ne obhálu yala gba e

11 Pipita-a, ma au kokpí abhulu lie. Abhomu-o, punda bini na bubu akoto. Kpála inde adu pépé-e, adu 'li ani me: «Kpála inde ngamene kulu lie pi Ebhe ne bua e bini.» Ani ngakodho 'ngú ngingbili, ani di ngagu egú bhá ngbili 'ngú . **12** Djila ani adu nade maka zi djua. Adu di bhá 'ndji ani ne ondata na ngámá bhelé. U aye 'ili bini li kute ani. Ani ambila bha bini 'ta 'ili ango-o ngae.

13 Ani adyi koti bini inde u azi e bhá ngute-e li kute e. Adu 'li ani me: «'Li Ebhe.» **14** Osudha na abhálá adu akpata ani me u nde a'u'u

pí opunda na bububu. U adyidyi obongo na kpéke mase. Bongo ango-o adu bubu, zibotu bini du téte de.

¹⁵ Mbötia inde li 'bhé e adu bebedhe-e adu akoto bhú 'bhé ani. Mbötia ango-o adu ngubula nabhili opiga ne di. Ani aú pí 'ndji uo ne angu e hana. Ani tsia pí vino bhú 'ngbé ngbengélé na ke 'ngú gba Ebhe Ngámá Apí 'Kpí-o. Ke 'ngú ango-o adu nadula madula.[†] ¹⁶ U aye 'ili bini li koti gba ani di ne pí 'ku ani. U aye 'ili ango-o me: «'NGBÉ NGÁMÁ GBA ONGBENGBE ONGAMÁSI, NGAMÁ GBA ONGAMÁSI.»

¹⁷ Pipita-a, ma au andjelu bini, alu tu ela. Ani asula kpekpeke pi ndu odhu hana inde adu adholo abhúlá tsutsu naali-e me: «Yi go po bhúla yi ngú 'ngbé anokomia gba Ebhe-o! ¹⁸ Yi go zu mbilika ongbengbe ongámási ne ongámási gba osudha di ne osudha. Yi go zu mbilika opunda di ne mbilika osudha inde adhudhukú ne di-o. Yi go zu mbilika okpála, abana i du obhende bhú bali ne obhe bhú bali ade-o, abana i du odjedjedje ne ongbengbengbe.»

¹⁹ Abhomu-o, ma au enu inde i de akoto bhú 'ngbé 'ngu-o, ne ongbengbe ongámási na doto, bhú dabili bini ne osudha gba o me u nde apo bhúla o ngú na ha 'gú pi kpála inde adu pí punda ne osudha gba e-o. ²⁰ Abhomu-o, kpála inde adu me ani nde a'u pí punda aholo enu-o bhú dabili bini ne polofeta na eu inde adu nani amene ongamba 'ngú li djila ani-o. Ani adu nani amene ongamba 'ngú bhomu-o ngú nato okpála inde u aye nani tele gba ani-e li kute o bhú ngita, inde adu di adhégé kulu ani-o. Kpála bhomu-o abhike enu-o bhú dabili bini ne polofeta na eu-o bhú dé djua na baluti. Ani abhike uo bhúbhú me u nde mu de. ²¹ Ani atsia abhili osudha gba uo ne ngise inde adu akoto bhú 'bhé ani-o. Abhomu-o, ndu odhu hana azu mbilika uo. U atsia a'u'u ne di.

[†] 19:15 19:15 Tsia bhú Ets. 2:9. * 20:8 20:8 Gogo ne Magogo: A ko 'ili ngú nasuno obhulú yala gba omafsalaele.

20

U agbite Satana ngú kalanga kete bini

¹ Pipita-a, ma au andjelu bini ayie abhúlá, ani atsia aké píla doto. A adu sakpa ani ne lifangula na tsu 'du-o. A adu di sakpa ani ne 'ngbé gbindjili na ngbéngbé. ² Ani ago aholo 'ngbé kpulú na didili-o. 'Ngbé kpulú ango-o, a ko Satana inde djabulú. Andjelu ango-o agbite ani ngubula kalanga kete bini. ³ Ani abhike ani bhú tsu 'dú. Ani adho bhébhé nganda ani, ani atsia aye balua pépé. Balua ani aye e adu me, ngubula kalanga kete bini-e, ani ngbíngi matá 'ndji okpála de. Pipita-a, u atsé mbo 'kpa li ani ngú nedhinga bedi.

⁴ Pipita-a, ma au okiti na ngamá. Okpála inde adulu pépé-e, u aha pi uo angu nakodho 'ngú gba okpála. Ma au di bua okpála bhende u ava nani ngulú o ka u abhuka kúkulú 'ngú inde li Yesu ambamba ta e di ne 'li Ebhe lie-o. U dhégé nani enu-o de. U dhégé di kulu ani-e de. U ye di nani tele gba ani-e pidi uo, i du di-e li 'kpa uo de. U azuku matá, u atsia aú ngamá bhú dabili bini ne Kilisito ngubula kalanga kete bini.

⁵ A bhomu-o bhútsibhútsi na bini me Ebhe zuku okpála-o. Okpála bhe koko adjéke ngaiza me kalanga kete bini-e le paká, li Ebhe tsia zúku uo.

⁶ A ko djali pi okpála inde azuku bhú ká okpála inde li Ebhe azuku o kalanu bhomu-o. A ko okpála gba Ebhe, la di-e, nakpi na bhisi-e ne angu pí uo ade. U adu odimande gba Ebhe di ne gba Kilisito. U aú ngamá bhú dabili bini ne ani ngubula kalanga kete bini.

Satana ati

⁷ Li kalanga kete bini-e de ale-e, u gbé Satana bhú tikpu gba e-o. ⁸ Ani tsia nú napite opiga inde agbolo píla doto libhomu. A akunda napa me nayie bhú Gogo nakolo

bhú Magogo.* Ani apó bhúla uo ngubula gbele. U tsia dú bheldé nane sike lingo 'ngbé 'ngu mane. ⁹ U abha doto libhomu, u atsia asa bili li omaha Ebhe apo bhúla o lie-o. U atsia asa di gúdhú gba okpála li Ebhe akunda o-o. Engú bini, djua ayie abhúlá, atsia ago atsulu uo hana. ¹⁰ Abhomu-o, Ebhe atsia atúmba djabulú, kpála inde adú nako napite uo, bhú dé djua na baluti nganda enu-o bhú dabili bini ne polofeta na eu-o. U adú nazú likabhu oo ngbikpi ne sukpe duduuma ne duduuma.

Lele maka li Ebhe akodho 'ngú na soso-o lie-o

¹¹ Pipita-a, ma au 'ngbé kiti na ngámá bini me kpála bini nde adú pépé. Kiti ango-o adú bubu. Kokpí ne doto akpekpe de ani tsutsu. Kpála tsia u matá uo de. ¹² Abhomu-o, ma au okpála inde amu-o, ong-bengbengbe ne odjedjedje, alulú kala kiti na ngámá-o. U abhulu obhuku. U atsia abhulu di bhuku koko, a adú bhuku na mukobho-o. Abhomu-o, Ebhe atsia akodho 'ngú gba okpála inde amu-o nakpata lele kulu gba uo-o, nakpata engú inde u aye e bhú obhuku-o. ¹³ 'Ngbé 'ngu azie okpála inde amu inde adú bhúbhú-o. Kuo ne kuti gba okpála inde amu-o azie di okpála inde adú agba uo-o. Abhomu-o, Ebhe atsia akodho 'ngú gba kpála ne kpála nakpata lele kulu gba e-o. ¹⁴ Abhomu-o, Ebhe atsia atúmba kuo bhú dabili bini ne kuti gba okpála inde amu-o bhú dé djua-o. Dé djua bhomu-o, a ko nakpi na bhisi. ¹⁵ Abhomu-o, ndú kpála hana inde u ye 'li e bhú bhuku na mukobho-o de-e, u abhike ani bhú dé djua bhomu-o.

21

Ebhe abhó ndú 'he hana ne toto

¹ Pipita-a, ma au kokpí na mbia ne doto na mbia, anga kokpí na kalanu ne doto na kalanu-o andjia. 'Ngbé 'ngu dú matá di-i de. ² Ma atsia au gúdhú na bubu-o ngayie abhúlá.

Gúdhú ango-o, a ko Yelusalema na mbia. Ebhe atima gúdhú ango-o ngae. A adú aké kuto me a nde bedhe maka olé inde aleke lie ngú nanu naké lie ne 'ko e. ³ Ma adjé kpála bini ngatobhila kpekpeke li pápá li kiti na ngámá-a adú li e me: «Mbía inde-e dabili nadú gba Ebhe-e bhú ká okpála. Ani adú ne uo, u tsia dú omaha ani. Ebhe ngae makpe adú bhú dabili bini ne uo, ani adú Ebhe gba uo. ⁴ Ani akúo ndú ngula sa kúla uo hana, okpála mú matá-a de. Engú na da kuo dú matá-a de, egbá dú di-i de, likabhu dú di-i de, anga doto na kalanu-o nde andjia.»

⁵ Abhomu-o, kpála inde adú pí kiti na ngámá-a atsia apa me: «Mbía inde-e, ma ngabho ndú 'he hana na mbia.» Pipita-a, ani apa muma me: «Ye 'ngú inde, anga eli ma ngapa e-e, a ko kákálu 'ngú, inde a ayo la di me okpála bhuka e ko.» ⁶ Ani atsia apa matá muma me: «A amene lie amene! Ngama-a, ma ne Alafa di ne Omega. Ngama-a, ma ne Kpála inde akpo lita ndú 'ngú hana, ma di ne Kpála inde abú ta ndú 'ngú hana. Kpála inde lie ne gúmu 'ngú-o, ma ahá engu nandji mandji pi ani padhá bhú kpongú inde ngaha mukobho. ⁷ Kpála inde agbóko egú-o, ma ahá ndú 'he bhomu-o hana pi ani, ma adú ne Ebhe gba ani, ani tsia dú ndili gba ma. ⁸ La pi okpála bhende ngamene siti 'ngú-o, dá uo abhú dé djua na baluti na duduuma ne duduuma. A bhomu-o nakpi na bhisi. A ko okpála namene ngua siti 'ngú inde: obhulú tsulú, okpála ayala nabhuka, obhulú namene zabhe, obhulú nabhélé kpála, obambakuya, obhulú kele, obhulú nayo oebe na eu, ne obhulú eu.»

Yelusalema na mbia

⁹ Abhomu-o, suka oandjelu mananika inde adú sakpa o ne okópo mananika, inde abedhe ne olíkabhu mananika na soso-o ago apa muma me: «Gogo, ma ná suno

ele na këva-a pi mu. A ko wala Ndili Kandélé-o .»

¹⁰ Bu Bhopua ago abedhe ma, abhomu-o andjelu-o anu a'o ma pi 'ndjá 'ta. Eta ango-o adu ngbéngbé. Ani asuno gudhu na bubu-o muma. Gudhu ango-o, a ko Yelusalema li Ebhe atima e ngae-o. A ayie abhulá, a atsia adu aké kuto. ¹¹ Zizi adu asu ka sangu gba Ebhe-o. Zi gudhu ango-o adu nasu má ngingingi mugito me a ko teme* na mase. ¹² Aga inde u asa e li kükute-e adu ngéngbé, di ndjándjá. Bhebhe adu téte ndjikpa ne ká bhisi, oandjelu ndjikpa ne ká bhisi atsia adu nalilila. U atsia aye 'li opiga ndjikpa ne ká bhisi na Isalaele-e téte. ¹³ Ne ndu pasu hana bhebhé adu téte bata: bata ne ndjoungu, bata ne katí, bata li pápá na abebe, bata li pápá na yoyoko. ¹⁴ U ayiki aga bhomu-o pi oteme ndjikpa ne ká bhisi. U atsia aye 'li obhulá titima ndjikpa ne ká bhisi gba Ndili Kandélé-o téte.

¹⁵ Andjelu inde adu apa 'ngú muma-a, adu sakpa ani ne mbamba na olo inde ani adu napima ne e gudhu-o, ne obhebhé, di ne aga ango-o. ¹⁶ Gudhu ango-o adu ne odjedje badha. A aviti bhú 'ndjá ne bhú bá, ne bhú 'ngbé-e bini. Li andjelu-o apima gudhu-o lie ne mbamba gba e-e, mbamba-a ali bhúbhú bhutsibhutsi kete ^{12†} ne ká bhisi ne ndu pasu hana. ¹⁷ Ani apima di aga-o, mbamba gba ani-e ali bhúbhú bhutsibhutsi kete ^{144‡} bhú 'ndjá abhulá. Ani apima bha maka li okpála apipima 'he lie-o.

¹⁸ U ayiki nani aga ne teme inde u a'i e me djasepe. Gudhu-o libhomu adu ngili olo. A atsia adu má ngilili maka tsupa na bubu. ¹⁹ Oteme inde u amene 'dhú aga na gudhu-o ne e, u aye nani tele téte ne ndu djua oteme na mase hana: bhe na bini-e adu teme na djasepe, bhe na bhisi-e adu

teme na safile, bhe na bata-a adu teme na kalaseduane, bhe na badha-a adu teme na emelode, ²⁰ bhe na bhuluvue adu teme na saladuane, bhe na madhia adu teme na kolon-aline, bhe na mananika adu teme na kilidjolite, bhe na madjina adu teme na belile, bhe na odukabini-e adu teme na topadje, bhe na ndjikpa-a adu teme na kilidjopaladje, bhe na ndjikpa ne ká bini-e adu teme na yasete, bhe na ndjikpa ne ká bhisi-e adu teme na ametisite. ²¹ Obhoti ndjikpa ne ká bhisi-e adu omayaka ndjikpa ne ká bhisi. U abho nani bhoti bini ne bini li lí mayaka bini má kpikili! 'Ngbé 'hi kpadji na gudhu-o adu nani ngili olo. A atsia adu má ngilili maka tsupa na bubu.

²² Ma u belegu 'ngbé 'ti Ebhe bhú gudhu bhomu-o de, anga Ebhe Ngámá Apí 'Kpí ngae makpe bhú dabilí bini ne Ndili Kandélé-o ne 'ngbé 'ti Ebhe ango-o ngao. ²³ Gudhu ango-o du ne gámu ela abana di epe ngú naha zi kpí oo de, anga sangu gba Ebhe-e ngasu zi e oo ngae, Ndili Kandélé-o la di ne tala ango-o ngae. ²⁴ Opiga na doto adú adhukú li zi gudhu ango-o. Ong-bengbe ongámási na doto tsia gó di ne tia gba o bhú gudhu ango-o. ²⁵ Obhé bhoti na gudhu ango-o adá ndu nedhinga hana bábá, u ní galikpe-e de, anga ekpí bí galikpe oo de. ²⁶ Opiga na doto adu nali bhúbhú ne sangu di ne obabadha tia gba o-o. ²⁷ Ehe bini na sisiti lí oo de, abana okpála namene engú inde li Ebhe ayala e, abana obhulá eu. A alí bha bini oo ne okpála inde u aye 'li o bhú bhuku na mukobho-o, bhuku gba Ndili Kandélé-o.

22

¹ Pipita-a, andjelu-o asuno muma ngade 'ngu inde ngaha mukobho pi

* ^{21:11} 21:11 Teme: Bhú eli na giliki-e, u aye me «Teme na djasepe ne kilisitale.» † ^{21:16} 21:16 Mbamba bhutsibhutsi kete 12: Gudhu bhomu-o adu bhú 'ndjá-a masikpe de kilometele kete bhisi ne 'he pépé ndu pasu hana. ‡ ^{21:17} 21:17 Mbamba bhutsibhutsi kete 144: A ko masikpe de metele ndjikpa mananika ne ká bhisi.

okpála-o. Ngade 'ngu ango-o adu má ngilili maka tsupa na bubu. A adu ayie li bili li kiti na ngámá gba Ebhe ne Ndili Kandele-o adu li e-o. ² Engu ango-o atsia adu akpe li 'ngbé 'hi kpadji na gudhú na bubu-o. Ne ndu pasu bhisi na ngade 'ngu-o hana adu téte ne ndula inde ngaha mukobho. Ndula ango-o ngali lili bhutsibhutsi ndjikpa ne ká bhisi bhú kalanga bini. A ngali lili bhutsibhutsi bini ndu epe bini ne bini hana. Kpákpá-a atsia adu nateteke ngubula nakobho okuo gba opiga.

³ Ohe inde li Ebhe tú matá pédje li e, lí bhú gudhú ango-o de. Kiti na ngámá gba Ebhe ne uo ne Ndili Kandele-o adu bhú gudhú-o. Obalise gba Ebhe-e tsia dú nadhégé ani. ⁴ U aú bhála ani, u tsia yé 'li ani pidi uo. ⁵ Sukpe dú matá-a de, u dú di matá ne gümü zi tala abana zi ela de, anga zi Ebhe Ngámá asú pi uo ngae, u tsia ú ngámá dudu ma ne dudu ma.

Nago ka Yesu

⁶ Pipita-a, andjelu-o apa muma me: «Ongú inde ma apa e, a ko kükülu 'ngú inde ayo me okpála bhuka e. Ebhe Ngámá inde ngato 'li e bhú opolofeta-a, atima andjelu gba e ngú nasuno pi obalise gba e engú inde ayo me akolo mbia inde-o.»

⁷ Yesu apa me: «Gbo 'dje mu, Ma ngago mbia inde! A ko djali pi kpála inde ngalila ongú inde li Ebhe ambamba ta e bhú bhuku inde-o!»

⁸ Ngama Djaa, ma adje ongú bhomu-o ne 'dje ma, ma atsia au di ne djila ma. Pita nadjedje ne nauu-o, ma ati bhú li 'dhú andjelu inde asuno ongú bhomu-o muma-a ngú nadhégé ani. ⁹ Engú bini, ani apa muma me: «Mo oméne mo-o de! Ma ne bali gba Ebhe-e maka mu. Ma bhadi maka ondaise mu inde ngakpokpo kükülu 'ngú inde li Yesu ambamba ta e-o. Ma maka ndu okpála hana inde ngalila engú

inde u aye e bhú bhuku inde. A ayo mangbo me mu dhége Ebhe!»

¹⁰ Pipita-a, andjelu-o apa muma me: «Mo owó ongú inde li Ebhe ambamba ta e bhú bhuku inde-e de, anga nedhinga ngú namene lie ka ongú ango-o akolo masikpe. ¹¹ A ayo me kpála bhende ngamene siti 'ngú-o nu bha nedí ne kalanu, kpála bhende ngamene engú inde li Ebhe ayala e nu bhadi nedí ne kalanu. Kpála bhende ngamene ngibili 'ngú nu bhadi nedí ne kalanu, amba kpála bhende ngamene engú inde nganga li Ebhe-e nu bhadi ne di ne kalanu.» ¹² Yesu apa me: «Gbo 'dje mu, ma ngago mbia inde! Ma ngago sakpa ma ne makalá inde ayo me ma ha e pi kpála ne kpála nakpata lele kulu inde ani amene e-o. ¹³ Ngama-a, ma ne Alafa di ne Omega, a kunda napa me ma ne kpála na kalanu, ma la di ne kpála na soso. Ma ne Kpála inde akpo lita ndu 'ngú hana, ma di ne Kpála inde abú ta ndu 'ngú hana.»

¹⁴ A ko djali pi okpála inde ngavulu obongo gba o-o. Ebhe Ngámá ahá kpadji pi uo me, u li li obhoti na gudhú na bubu-o, amba u zu di lí 'lá inde ngaha mukobho-o. ¹⁵ Engú bini, ndu okpála bhe koko hana, u lí bhú gudhú-o de. Okpála ango-o ngao inde: okpála inde li Ebhe atu pédje li o, obhulu kélé, obhulu zabhe, obhulu nabhilli okpála, okpála inde ngadhégé oebhe na eu, di ne ndu okpála hana inde ngakpi ndjili li eu, inde di ngapa eu-o.

¹⁶ «Ngama Yesu-o, ma atima andjelu gba ma-a ngú nago nambamba ta ongú bhomu-o pi yi bhú oDadju gba Ebhe-o. U azu ma bhú piga gba 'ngbé ngámá Davidi. Ma ne ikupala inde asusu kekpí-o.»

¹⁷ Bu Bhopua ngauo ne olé na kúva apa me: «Gogo!»
A ayo me kpála inde adje engú inde-e pa di me: «Gogo!»

A ayo me kpála inde li e ne gʉmʉ
'ngu-o gógo.

A ayo me kpála inde li e
ne gʉmʉ engu inde ngaha
mʉkobho-o sia padhá.

Engú na soso

¹⁸ Ngama Djaa, ma ngagbele 'dje
ndʉ okpála hana inde ngadje ongú
inde li Ebhe ambamba ta e bhʉ
bhuku inde-e me, li kpála bini 'o
engú koko pépé-e, Ebhe 'ó bhadi
ndʉ olikabhu hana inde u aye e bhʉ
bhuku inde-e pí ani! ¹⁹ Li kpála bini
'e la di ehe bini bhʉ ká ongú inde

li Ebhe ambamba ta e bhʉ bhuku
inde-e, Ebhe 'é makalá gba aní inde
u akpokpo 'ngú e bhʉ bhuku ango-o.
Makalá ango-o, a ko lí 'lá inde ngaha
mʉkobho pi okpála, a ko la di nali
bhʉ gʉdhʉ na bubu-o.

²⁰ Kpála inde alʉ pí ndʉ 'ngú inde-
e hana apa me a ko kʉkʉlʉ 'ngú-o
apa me: «A moko, ma ngago mbia
inde!»

Ngama Djaa, ma atsia apa me: «A
adʉ moko! Gogo, Ngámá Yesu.»

²¹ A ayo me Ngámá Yesu suno
bádha bhʉ 'bu gba e pí ndʉ yi hana.